

**THOMAE
SYDENHAM
MEDICI ...
LONDINENSIS ...
OPERA MEDICA**

Thomas Sydenham





**T H O M Æ
S Y D E N H A M
M E D I C I N Æ D O C T O R I S.**

THE A. E. B. CO. LTD.
LONDON AND NEW YORK

T H O M Æ
S Y D E N H A M
MEDICINÆ DOCTORIS
AC PRACTICI LONDINENSIS CELEBERRIMI
O P E R A M E D I C A
E . D I T I O N O V I S S I M A

VARIIS VARIORUM PRÆSTANTISSIMORUM MEDICORUM OBSERVATIONIBUS
Et plurium Constitutionum Epidemicarum recentiorum descriptione quam maxi-
me illustrata: Imo & Mechanica tum Morborum, tum Medicamentorum
a JOANNE BAPTISTA MAZINO; necnon ANTONII
COELESTINI COGCHII, & BARTHOLOMÆI
BOSCHETTI Et aliorum Tractatibus
Medicis rursus aucta.

CUM ELENCHIS RERUM ET INDICIBUS NECESSARIIS.

T O M U S . P R I M U S .



N E A P O L I .

TYPIS VINCENTII MANFREDII.

EXPENSIS STEPHANI MANFREDII.

SUPERIORUM PERMISSU, AC PRIVILEGIO.

M D C C L X V I I .

RB 1251/1



B E N E V O L O L E C T O R I



Ræclarissimi Viri Thomæ Sydenham, Medicinæ Doctoris, & Practici quondam Londinensis longe Celeberrimi, Opuscula quotquot hætenus seorsum prodire omnia, unico Volumine comprehensa, Tibi, Lector Humanissime, sub commodiori quam, antea forma, ac præteritis Editionibus multo correctiora, rursus exhibemus. Hic proin habens & Observationes Medicas in Constitutionibus Epidemicis Londinensibus annorum 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. & 1675. occurrentes; quales illæ evulgatæ fuere in Nobilissimi Auctoris Nostri Operum Londinensi Editione, anni 1676. Et alias præterea quæ in Constitutionibus annorum 1676. 1677. 1678. 1679. 1680. imo etiam ex parte ad annum usque 1684. se obtulerunt: Item Dissertationes Epistolares super Lue Venerea, Affectione Hysterica, Podagra & Hydropse: Quales itidem in ejusdem Doctissimi Auctoris Nostri Editione Londinensi quarta anno 1685. superadditæ sunt. Imo Schedulam Monitoriam de Novæ Febris ingressu, & Febre Putrida Variolis Confluentibus superveniente, cum Dissertatiuncula de mictu Sanguineo a Calculo renibus impacto, & Processibus integris in Morbis fere omnibus curandis, a felicissimo hoc Practico, ut credunt, adhibitis, annexo etiam de Phthisi Tractatulo; qualia in Genevensi Editione anni 1696. adjecta sunt. Utinam Accuratissimus Auctor quicquid ad Medicam Praxim ulterius perficiendam, pari quam quæ ab ipso perscripta sunt, diligentia adnotatum, typis mandasset! Sic abunde sane instruerentur Medicorum Filii iis auxiliis, quibus securius, magno Ægrorum suorum emolumento, in morbis curandis progredierentur. Verum cum tot tantaque ab unius Viri, etiam laboriosissimi, ævo quantumvis longius protracto, sperare minime liceat: a Doctore Medico, nobis amicissimo, quique ea quæ jam proposuimus significavit, impulsus sumus ut in eorum quæ deficiebant aliquale supplementum, selectiora plura, undequaque ex accuratioribus Practicis conquisita, ac ea præprimis quæ Methodo Sydenhamianæ maxime affinia
fo.

BENEVOLO LECTORI

forent, huic ipsi nostræ Editioni insereremus; quo scilicet, si non integram prorsus Medicam Praxim, illam saltem minus mancā, Tibi jam sisteremus. Cui Clarissimo Viro, tanquam in hisce materiis, ut ex ipsius multiplicibus Operibus constat, versatissimo, lubentes admodum annuentes, illud omne quod magis ad rem faciē præ manibus habebat, donec plura in sequentibus per otium exquirere, aut etiam ex proprio, ut pollicetur, penu promere, aliquando liceat, ab illo acceptum Tibi tradimus. Inter quæ non minima sane commendatione digna videntur, quæ jam exhibentur super Constitutionibus Epidemicis, in variis Europæ nostræ Urbibus & Regionibus, variis annis ac temporibus grassantibus; & ad normam, quam olim Magnus Hippocrates, suo suaserat exemplo, quamque Sibi Excellentissimus Noster Sydenham prudentissime in pleniorē Artis Medicæ perfectionem, a Systematicis Auctoribus forsā non parum retardatam, præstiterat, eventilatis atque examinatis. Additamenta autem quod spectat, quibus in ipso Operis decursu Argumenta pro connexionē quam cum ipso Auctoris Textu habent indicanda præfiguntur; eorum specialis Nota in subsequenti pagina reperitur. Circa quod rursus observandum venit, quod Capita quædam Constitutiones Epidemicas particulares variarum Sacri Imperii Urbium ac Regionum spectantia eo ipso ordine quo in prædicta indicantur Nota non exhibentur, quodque pars eorum ad hujus Operis Sydenhamiani calcem refertur propter rationes in Admonitione ibidem adjecta significatas.

Atque hæc cum aliis, quæ huc usque præcesserunt, communia habet editio hæc nostra. Verum quum nihil nobis potiori curæ sit, quam litterariam supellectilem augere quotidie magis; optime consultum studiosis Medicinæ adolescentibus putavimus, si, quod fecimus, morborum & medicamentorum utramque Mechanicam Joannis Baptistæ Mazini, tum Antonii Cœlestini Cocchii Epistolas Medicas, tum Bartholomæi Boschetti de Mercuriali salivatione Dissertationem, tum alios medicos tractatus in nupera Genevensi editione Cl. Autoris nostri operibus subnexos, ad calcem voluminis adderemus. Ea enim sunt opuscula singula, ut cum celeberrimis Sydenham scriptis tum rerum utilitate, tum dicendi gravitate, & nitore certare possint. Indicem denique rerum, & Verborum locupletissimum summo studio nuper confectum nunc primum adjecimus. Vale.

CATA-

CATALOGUS TRACTATUUM ET DISSERTATIONUM

Huic THOMÆ SYDENHAM Operum Editioni
adjectorum.

Bernardini Ramazzini, in Mutinensi
Licetio Medicinæ Professoris, *Differ-
tationes tres, de Constitutionibus*, anno-
rum 1690. 1691. 1692. 1693. 1694.
in Mutinensi Civitate & illius Di-
tione.

Lucæ Schroeckii, Academ. Cæsar. Leo-
pold. Natur. Curiosor. Præsidis, *Hi-
storis Constitutionis Epidemicae Augu-
stana*, anni 1695.

Michaelis Bernardi Valentini, *Consti-
tutio Epidemica Hassiaca*, anni 1693.
& 1694.

Johannis Jacobi Harderi, *Constitutio Epi-
demica Basileensis*, anno 1695.

Gustavi Casimiri Garhliep, *Constitutio
Epidemica Berolinensis*, anni 1695.

Michaelis Bernardi Valentini, *Consti-
tutio Epidemica Hassiaca*, anni 1695.

Lucæ Schroeckii, *Constitutio Epidemica
Augustana*, anni 1696.

Gustavi Casimiri Garhliep, *Constitutio
Epidemica Berolinensis*, anni 1696.

Conradi Bertholdi Behrens, *Constitutio
Epidemica Hildesimensis*, anni 1695.
& 1696.

Lucæ Schroeckii, *Constitutio Epidemica
Augustana*, annorum 1697. & 1698.

Joh. Jac. Harderi, *Constitutio Epidemica
Basileensis* anni 1698.

Gustavi Casimiri Garhliep, *Constit. Epi-
dem. Berolinensis*, anni 1697. &
1698.

Sylvestri Samuelis Anhornii, *Constit. Epi-
dem. Sangallensis*, anni 1697.

Caroli Raygeri, *Constitut. Epidem. Po-
soniensis*, annorum 1695. 1696. &
1697.

Lucæ Schroeckii, *Constitut. Epidem. Au-
gustana*, anni 1699. & 1700.

Gustavi Casimiri Garhliep, *Constitut. Epi-
dem. Berolinensis*, anni 1699.

Joh. Jacobi Harderi, *Constitut. Epidem.
Basileensis*, anni 1699.

Rudolphi Jacobi Camerarii, *Constitut.
Epidem. Tubingensis*; &c. anni 1699.
& 1700.

Ambrosii Stegmanni, *Constitut. Epidem.
Mansfeldiaca*, anni 1697. & 1698.

Gustavi Casimiri Garhliep, *Constitut. Epi-
dem. Berolinensis*, anni 1700.

Constit. Epidemica Uratistaviensis, anno-
rum 1699. 1700. 1701.

Constit. Epidem. Berolinensis, anni 1702.

Lucæ Schroeckii, *Constit. Epidem. Au-
gustana* annorum 1701. 1702. 1703.
1704. & 1705.

Ejusdem, *Constitutio Augustana*, annorum
1706. 1707. 1708. 1709. & 1710.

Joh. Jacobi Harderi, *Constitut. Epidem.
Basileensis*, anni 1700. & 1701.

Gustavi Casimiri Garhliep, *Constitut.
Epidem. Berolinensis*, anni 1701. 1703.
& 1704.

Marci Gerbesii, *Constitut. Epidem. La-
bacensis*, anni 1709. & 1710.

Joh. Georgii Hoyeri, *Constit. Epidem.
Mulhusina*, anni 1700.

Rudolphi Jacobi Camerarii, *Constitut.
Epidem. Tubingensis*, anni 1701. &
1702.

Joh. Guilielmus Bayerus, & Bernardi-
nus Ramazzinus, *de Frigore Hyemali*
anni 1709.

Joh. Adami Genselii, *Constit. Epid. In-
ferioris Hungaria*, ann. 1711. 1712.
& 1713.

Lucæ Schroeckii, *Constit. Epidem. Au-
gustana*, anni 1711. 1712. 1713. 1715.
1716. & 1717.

Marci Gerbesii, *Constitut. Epidem. La-
bacensis*, anni 1712. 1713. 1714. 1715.
1716. & 1717.

Josephi Lanzoni, *Constitut. Epidem. Fer-
rariensis*, anni 1715. 1716. & 1717.

Gualteri Harris, M. D. ac Celeberrimi
Medicorum Londinensium Collegii So-
cii, *de Lue Venerea, ejusque origine,*
natu-

natura & curatione, Dissertatio.
De Contagiosa Epidemia, quæ in Patavino Agro, & tota fere Veneta Ditione in Brues irrepfit Dissertatio, habita a Bernardino Ramazzino, in Patavino Lyæo Practicæ Medicinæ Professore Primario.

Davidis Hamilton, Equitis Aurati, Regalis Societatis Londinensis utriusque Socii, necnon Magnæ Britannicæ Reginæ Medici Ordinarii, Tractatus de Febre Miliari, seu Vesiculari & adjecto super eadem febri historiarum fasciculo.

Caroli Drelincurtii, Lugduni in Batavis Professoris Medici Senioris, de Calculo Renum & Vesicæ, Dissertatio.

Martini Lister, M. D. e Societate Regia

Londæ, Dissertatio Medicinalis de Calculo Humano.

Caroli Leigh, Medic. Doct. Phthisiologia Lancastrienfis.

Guilhelmi Musgrave, M. D. Inclyti Medicorum Londinensium Collegii, & Societatis Regiæ Socii, de Arthritide Symptomatica, Dissertatio.

Ejusdem, de Arthritide Anomala, siue Interna, Dissertatio.

Joannis Baptistæ Mazini Mechanica Morborum, & Medicamentorum.

Antonii Cœlestini Cœchii Epistola Physico-Medica.

Bartholomæi Boschetti, de Salivatione Mercuriali Dissertatio Physico-Medico-Mechanica.

Supplementum nunquam antea editum continens tractatus sequentes.

Dn. D. Caroli Friderici Loew de febre petechiali an. 1683. Posonii grassata, & cujus descriptionem in adversariis paternis repererat Epistolâ ad Clar. Dn. Francisc. Frider. Possinser, Archiatrum Caesareum.

Dn. D. Andreae Loevv Historia Epidemica Hungaria ann. 1688. 1697. 1699. 1700. 1701. 1702. 1703. 1704. 1705. 1706. 1707. 1708. 1709. ab ejusdem filio Dn. D. Carol. Frider. Loevv perillustri Dn. Lucæ Schœckio, Academ.

Natur. Curios. Præsidi &c. ann. 1726. Communicata.

Dn. D. Josephi Lanzoni Constitutio Epidemica Ferrariensis, an. 1729.

Dn. D. Caroli Friderici Loevv Historia febris catarrhalis, qualis, quæ anno 1729. Mense Novembri, & Decembri per Europam epidemice grassata est; cui accedit Constitutio Epidemica an. 1730.

Dn. D. Caroli Kricha Constitutio Epidemica Taurinensis ann. 1720. 1721. 1722.

A M I C I S S I M O V I R O
D O M I N O
JOHANNI MAPLETOFT,
M E D I C O D O C T O R I,
I N C O L L E G I O G R E S H A M E N S I
A P U D L O N D I N E N S E S
P R O F E S S O R I,
N E C N O N S O C I E T A T I S R E G I Æ
I B I D E M S O C I O.



UO omnino sunt (*Humanissime Vir*) de quibus hic mihi tecum agendum est; primum ut causas exponam, quibus impulsus Tractatum hunc meum in publicum edo; alterum quamobrem eundem Tuo potissimum nomini dicandum censeo. Primum quod attinet, tricesimus jam agitur annus, a quo Londinum petens, ut inde Oxonium denuo proficiscer, (a quo primi belli calamitas me ad annos aliquot distinuerat) in virum doctissimum & maxime ingenium Dominum D. Thomam Coxe, [qui per eos etiam annos, atque ad hunc usque diem Medicinam magna cum celebritate facitavit] Fratvi meo tunc egrotanti consulentem, auspicato inciderem; qui quidem Vir, pro nota sua humanitate suavitatemque morum me percontatus est, cui me demum Arti, intercisa jam repetens studia, sumptaque toga virili, pararem addicere. Ego vero incertus adhuc animi, & de medica Arte ne vel somnians quidem, tanti viri hortatu atque auctoritate permotus, nescio quo fato meo, me ad eam serio accinxim. Et sane si quando hac nostra conamina vel minimum in publica commoda cesserint, illi grato animo accepta referenda erunt, quo Promotore atque Auspice ea studia primum sum aggressus. Post annos aliquot in Palaestra Academica insumptos Londinum reversus, ad Praxim Medicam accessi, quam cum Sydenham Opera Med. Tom. I.

EPISTOLA DEDICATORIA.

intento admodum oculo omnique adhibita diligentia curiose observarem, mox in eam veni sententiam, quæ mecum ad hodiernum usque diem crevit; hanc scilicet Artem haud rectius perdiscendam esse, quam ab ipsius Artis exercitio atque usu; veroque admodum esse simile, quod qui ad naturalia morborum Phenomena oculos animumque accuratissime maximeque diligenter adverterit, in eliciendis curativis Indicationibus veris ac genuinis maxime pollere debeat. Huic itaque me Methodo totum tradidi, satis securus, quod Naturam si sequerer Ducem, etiam Avia terrarum peragrans loca, nullius ante erita solo, nusquam vel latum unguem a recto tramite discederem. Hoc me si re-gens, primo ad pressiore Febrium observationem animum appuli, & post devoratum haud mediocre tedium, & molestissimas mentis agitationes, quibus me ad annos aliquot fatigandum permisi, tandem in methodum incidi, qua ista possent sanari; quam etiam amicis flagitantibus, in lucem promendam jamdudum concessi. Cum vero ab illo tempore novas Febrium species, mihi hactenus incognitas, sibi invicem jugiter succedentes animadverterim, statui apud me quæ ad eas pertinebant singula, vel ab eisdem pendebant, summa qua possem diligentia in unum congerere: quo tandem aliquando prioris cepti mei tenuitatem atque angustias paulo accuratiori ac magis absoluta eorum morborum Historia pensare valerem. Sed dum hæc animo versarem, atque indagarem sedulo, & proinde jam in eo totus essem, ut pro multifariis Naturæ mutationibus & versatili ingenio medendi, Methodum, ceu gladium Delphicum, procuderem omnibus parem, statim didici me ideo tantum aperuisse oculos, ut pulvere, haud quaquam vero Olympico, iidem complerentur, atque his quidem, proprii cerebri phantasmata, illis, nullum me prorsus habere ducem bene viderer. Quamvis optassem Lucubrationes hæc meas non nisi annorum porro aliquot experientia auctas & confirmatas typis evulgasse, contumeliis tamen ac saanis procacissimi cujusque ardelionis tandem plus satis delassatus, amicis eo usque morem gessi (inter quos cum honore mihi semper nominandus est sagacissimus Vir Dominus Doctor Gualterus Needham, tam Medicæ Artis, quam rei Litterariæ decus, & laus) ut mihi tandem consulere, ac justam pararem Defensionem; ea nempe facta prodens scriptis publicis quæ ingenuos, quod spero, omnes mihi Patronos conciliabunt. Ceteros quod attinet, expectabo scilicet, quemadmodum acute Romanus Philosophus, ut quicquam Calumniæ sit sacrum, cui nec Rutilius sacer fuit, nec Cato? Si qui itaque reperiantur, quos præ immanitate quadam ac asperitate naturæ convitiandi libido adhuc inceserit, rectene an secus scripserim, haud æstimantes aqua lance, qui vitio statim vertunt, si quis novi aliquid, ab illis non prius dictum, vel etiam inauditum, in medium proferat, hujusmodi ego homines æquo me animo laturum spero; certe convitiatorum ferram neutiquam recipiabo. Illud tantum opponam, Viro Christiano sane perdignum, quod olim Titus Tacitus, obtrectanti Metello regeffit: Facile est in me dicere, cum non sim responsurus: Tu didicisti maledicere: Ego conscientia teste, didici maledicta contemneré. Si tu linguæ tuæ dominus es, ut quicquid lubet effurias; ego Aurium mearum sum dominus, ut quicquid obvenerit audiant inoffensæ. Atque hæc sunt

EPISTOLA DEDICATORIA.

sunt, quorum vultus pondere Librum hunc luce donandum esse sentiebam.

Tibi vero (*Charissime Vir*) eundem dedicatum volui, tum ob mutuam qua nos invicem complectimur *Amicitiam Benevolentiamque*; tum etiam quia nemo te melius judicare valeat, si quo in loco aut pretio habenda sint quas hic trado *Observationes*, cum per septennium, quod jam ultimo excurrit, plura et præcipuis atque insignioribus, quæ sequentes exhibent pagellæ, Tute etiam oculis usurpaveris. Uti vero ea tu es morum integritate probitateque notissima, ut religio tibi sit fictis insinuationibus alios in errorem pellicere, (maxime ubi de corio humano agitur) ita ea etiam polles sapientia atque eruditione, quæ tibi a me imponi, si id serio agerem, nullatenus paterentur, multo minus tu tibi imposueris istis experimentis, quibus in tuis etiam agris nonnullorum, quæ vel hic descripsi, vel tibi alias affirmavi, veritatem comprobasti. Nosti præterea, quam huic meæ *Methodo* suffragantem habeam, qui eam intimius per omnia perspexerat, utrique nostrum conjunctissimum Dominum Johannem Lock, quo quidem *Viro*, sive ingenio *Judicioque* acri & subactò, sive etiam antiquis, hoc est, optimis moribus, vix superiorem quenquam inter eos qui nunc sunt homines, repertum iri confido: paucissimos certe pares. Verum non opus est, ut ulterius tuam fidem sollicitem, de qua jamdiu persuasissimus sum. Ceteros quod attinet, jacienda alea est, quæ utcunque ceciderit, sortem haud gravate feram. Cum enim jam senex sim, & summi Numinis favore, tantum mihi sit viatici, quantum restat viæ, de reliquo dabo operam, ut nec ipsi mihi, neque aliis molestus eum assequar felicitatis modum, quem ita eleganter depinxit *Vir magnus*:

Felix ille animi, Divisque simillimus ipsis,

Quem non mendaci resplendens Gloria fuco

Sollicitat, non fastosi mala gaudia luxus,

Sed tacitos finit ire dies, & paupere cultu

Exigit innocuæ tranquilla silentia vitæ.

EPISTOLA DEDICATORIA.

Quod restat, exorandus mihi es, ut hoc propensi in te animi, & quo te prosequor, honoris pignus æqui bonique consulas; præsertim cum nullo jure tibi imputari possint quotquot in hoc Opere navi ac scapharum comparuerint, quorum omnium in me solum cudenda est faba; nec tu plectendus, siqua ego forte deliravero. Quamlibet neque ejus quem exantlavi laboris omnis mihi fructus perierit, cum vel ex erroribus & hallucinationibus meis ansam nactus fuero, qua omnibus palam faciam, quanta te colam amicitia, & quod ex animo sim.

Tibi semper addictissimus

THOMAS SYDENHAM.

PRÆ.

P R Æ F A T I O.



Uemadmodum a natura ita comparata est humani corporis fabrica, ut nec præ jugi particularum fluxu sibi semper constet, nec præ externarum rerum vi sui juris ubique permaneat, unde multiplex ægritudinum cohors terris ab omni ævo incubuit; sic procul omni dubio a multis jam sæculis ante natum non *Græcum* modo, sed (qui mille annis hunc antecessit,) *Ægyptium* *Æsculapium*, hominum ingenia investigandæ medelæ necessitas exercuit. Et profecto, ut quis primus ædificiorum, aut vestimentorum usum ad depellendam cœli inclementiam instituit, nemo facile dixerit, ita & *Artis Medicæ* natales, ut *Nili* fontem, indigitare nequimus; cum ars medica perinde ac cæteræ artes, in usu nunquam non extiterit, licet nunc diligentius, nunc frigidus exulta, pro vario temporum ac regionum habitu. Quantum *Veteres*, ac inter primos *Hippocrates*, præstiterunt, abunde notum est; quibus scilicet, ac eorum scripta compilantibus maximam *Therapeutica* solertiae partem acceptam ferimus. Quin & succedentibus deinde sæculis emicuit nonnullorum industria, qui aut *Anatomia*, aut *Pharmacis*, aut *Methodo* *intrapixi* operam navando, Medicinæ pomœria ampliare pro virili sategerunt: ut taceam nec in hac nostra *Britannia*, ipsoque hoc sæculo defuisse, qui in omni scientiarum genere, quo res Medica adaugeri possit, optime meruerunt; quorum quidem laudes impari calamo non attingo. Cæterum quantacunque fuerunt aliorum conamina, semper existimavi mihi vitalis auræ usum frustra datum fore, nisi & ipse in hoc stadio versatus, symbolum aliquod, utcunque exiguum, in commune *Medicinæ* ærarium contribuere. Quo circa post diuturnam meditationem, ac diligentem fidamque annorum alioquin multorum observationem, tandem aliquando decrevi; Primo sententiam meam in medium proferre, qua demum ratione Medendi scientia ulterius promoveri possit: Deinde meorum in hoc negotio conatum specimen aliquale in lucem dare.

Sentio autem nostræ *Artis* incrementum in his consistere, ut habeatur (1.) *Historia*, sive morborum omnium descriptio, quoad fieri potest, graphica & *naturalis*, (2.) *Præxis* seu Methodus circa eosdem *stabilis* ac *consummata*. Sane morbos crasse depingere satis obvium est: atqui *Historiam* eorum ita conscribere, ut evitetur *Censura*, quam *Clariss. Verulamius* in nonnullos ejusmodi *Promissores* vibravit, longe majoris est negotii: *Satis scimus* (inquit *Vir Nobiliss.*) *haberi Historiam Naturalem*, mole amplam, varietate gratam, diligentia sæpius curiosam. Attamen si quis ex ea fabulas, & authoram citationes, & inanes controversias, *Philologiam* denique & ornamenta eximat (qua ad convivales sermones, hominumque doctorum *Noctes* potius, quam ad instituendam *Philosophiam* sunt accommodata) ad nil magni res recidet. Longe profecto abest ab ea *Historia*, quam animo metimur. Similiter etiam & morborum curationes pro more facillime proponuntur; Atqui hoc ita præstare, ut verba in facta transeant, atque eventus promissis respondeat, magis ardui moliminis illi judicabunt, qui vident haberi apud *Scriptores Præcticos* morbos complures, quos nec illi *Scriptores*, nec quispiam hæcenus *Medicorum* sanare valuerunt.

Quod autem spectat ad *Historiam Morborum*, si quis rem attentius perpendat, facile videbit scribentem ad multo plura animum debere advertere, quam vulgo existimatur. Quorum pauca hæc impræsentiarum attingere suffecerit.

Primo, expedit ut morbi omnes ad definitas ac certas *species* revocentur, eadem prorsus diligentia ac *exactitudo*, qua id factum videmus a *Botanicis* scriptoribus in suis *Phytologiis*. Quippe reperiuntur morbi, qui sub eodem genere ac nomenclatura reducti, ac quoad nonnulla symptomata sibi invicem consimiles, tamen & natura inter se discreti diversum etiam medicandi modum postulant. *Cardui* quidem nomen ad

P R Æ F A T I O.

ad plures herbarum species extendi nemo nescit : at vero parum accurate faciet rei herbariæ scriptor, qui generalem hujus plantæ descriptionem, qua scilicet a ceteris stirpibus discrepat, proponere contentus, propria interim & peculiaria cujusque speciei signa & characteres, quibus ab invicem discriminantur, contempserit. Eodem plane modo nec satis est Scriptori communes dumtaxat morbi alicujus *πολυιδῆς* apparentias annotasse. Esto sane non omnibus morbis eandem contingere varietatem; tamen complures esse, qui licet ab Authoribus sub eodem titulo citra ullam speciei distinctionem tractentur, dissimillima sint indole, in sequentibus pagellis, uti spero, palam fiet. Imo etiam ubi distributio in species reperitur, id sit plerumque, ut *Hypothesi* alicui, quæ veris Phænomenis substruitur, suus reservetur honos; ac proinde ejusmodi discriminatio non tam ad morbi, quam ad Authoris ingenium, philosophandique theoriam accomodata est. Quantum Medicinæ obfuerit *ακριβοῦς* hac in parte defectus, ostendunt multorum morborum exempla; quorum nempe curationes hodie non desideraremus, si Scriptores, dum Experimenta & Observationes Medicas benevolo saltem animo communicarint, unius scilicet speciei morbus pro alio speciei diversæ substitutus non fessellisset. Atque hinc etiam arbitror profectum esse, quod materia Medica in sylvam tam immensam, sed fructu perexiguo, excreverit.

Porro autem in scribenda morborum Historia, seponatur tantisper oportet quæcumque *Hypothesis Philosophica*, quæ scriptoris judicium præoccupaverit; quo factum demum morborum *Phænomena* clara ac *naturalia*, quantumvis minuta, per se accuratissime adnotentur; exquisitam *Pictorum* industriam imitando, qui vel navos & levissimas maculas in imagine exprimunt. Enim vero dici vix potest, quot erroribus ansam præbuerint *Hypotheses* illæ *Physiologica*, dum Scriptores, quorum animos falso colore illæ imbuerint, istiusmodi Phænomena morbis affigant, qualia, nisi in ipsorum cerebro, locum nunquam habuerunt, debebant autem in conspectum venire, si Hypothesis, quam ipsi pro concessa ac rata habent, constaret veritas. Adde quod si quando symptoma aliquod, quod cum dicta Hypothesi apposite quadret, revera morbo competat, cujus typum delineaturi sunt, tum illud supra modum evehunt, ac plane reddunt *ἐκ μὲν ἰσχυρότερον*, quasi in hoc scilicet totius negotii cardo verteretur: sin Hypothesi minus congruat, aut prorsus silentio, aut levi saltem pede transmittere consueverunt, nisi forte beneficio subtilitatis alicujus Philosophicæ in ordinem cogi, ac quoquo modo accomodari possit.

Expedit autem tertio, ut in describendo aliquo morbo *Peculiaris* & *perpetuus Phænomena* seorsim ab *accidentalibus* & adventitiis (qualia sunt, quæ non tantum ob ægotantium temperiem & ætatem, sed etiam ob rationem medendi diversam varie se habent) enarrentur. Nam sæpe accidit, ut facies morbi variet pro vario medicandi Processu, ac nonnulla symptomata non tam morbo, quam Medico debentur; adeo ut eodem morbo laborantes, sed varia methodo tractatos, varia etiam symptomata exerceant. Unde nisi cautela adhibeatur, necesse est, ut admodum vagum & incertum sit circa morborum symptomata judicium. Prætereo, quod *Casus oppido vari* ad morborum Historiam proprie non pertineant; quemadmodum & in descriptione *Salvia*, v. gr. Erucarum morsus inter signa discriminantia istius plantæ neutiquam recensentur.

Denique, *Anni tempestates*, quæ scilicet cuivis morborum generi potissimum favent, diligenter observandæ sunt. Non inficior nonnullos esse omnium horarum; alii tamen, nec pauciores, occulto quodam Naturæ instinctu, annorum tempora, non secus quam quædam aves aut plantæ, sequuntur. Sæpe quidem subit mirari hoc morborum quorundam ingenium, satis obvium, a paucis tamen fuisse hactenus observatum, cum quo fidere stirpes, aut pecudes solemniter procreantur plurim; curiosius adnotarint. Sed quæcumque sit hujus oscitationis causa, pro certo statuo tempestatum, in quibus ægritudines ingruere consueverunt, notitiam multum Me-

dico

P R Æ F A T I O.

dico prodesse, tam ad speciem morbi dignoscendam, quam ad ipsum morbum extirpandum, atque horum utrumque minus feliciter evenire, ubi istiusmodi observatio negligitur.

Hæc quidem, etsi non sola, saltem insigniora sunt, quæ in scribenda morborum Historia observari convenit. Cujus *Historia* utilitas ad Praxim, omnem æstimationem excedit: ac præ qua subtiles Disquisitiones, ac argutiolæ, quibus Neotericorum libri ad nauseam fere infarciuntur, nullo in numero sunt habendæ. Qua enim aut compendiosiore aut etiam alia via, vel causæ morbificæ, quibus obviam eundum est, deprehendi, vel indicationes curativæ elici possunt, quam certa ac distincta peculiarium symptomatum perceptione? Neque enim ulla est circumstantia tam levis aut exigua, quæ suos usus ad utrumque non habeat. Nam ut demus aliquid varietatis a temperamento individuorum, & tractandi ratione proficisci, nihilominus adeo æquabilis ac sibi ubique similis est naturæ ordo in producendis morbis; ut in diversis corporibus eadem plerumque reperiuntur ejusdem morbi symptomata; ac illa ipsa, quæ in *Socrate* ægrotante observata fuerint, etiam generaliter ad *Hominem* quemcunque eodem morbo laborantem transferri possint; non secus ac universales plantarum Notæ ad omnia cujusque speciei individua rite se diffundunt. Qui v. gr. *Violam* accurate descripserit quoad colorem, saporem, odorem, ac figuram, cæteraque id genus; omnibus ubique terrarum *Violis*, quæ sub ea specie continentur, Historiam illam in plerisque fere omnibus convenire facile animadverteret.

Et quidem existimo, nos ob eam potissimum causam accuratiori morborum Historia ad hunc usque diem destitui, quia scilicet plerique eos pro confusis inconditisque Naturæ, male se tuentis & de statu suo dejectæ, effectis tantum habuere, ac proinde laterem lavare crederetur is, qui justam eorundem enarrationem moliretur.

Sed ut ad rem revertamur. Non minus certo etiam a minutissimis morbi circumstantiis Indicationes curativas possit Medicus desumere, quam ab iisdem sumpsit Diagnostica. Atque adeo non semel mihi in mentem subit, quod si morbi cujuslibet Historiam diligenter perspectam haberem, par malo remedium nunquam non scirem adferre, variis ejusdem Phænomenis viam, qua mihi incedendum foret, haud dubiam præmonstrantibus; Quæ quidem Phænomena, si inter se sedulo conferantur, manu quasi ducerent ad Indicationes illas maxime obvias, quæ ex intimo naturæ sensu, non vero Phantasie erroribus depromuntur.

Atque his sane gradibus, & ut ita dicam, his adminiculis ad cælum ascendit, ad medicinæ nempe fastigium, Medicorum ille *Romulus*, nunquam satis laudatus *Hippocrates*, qui hanc Arti Medicæ insuper struendæ solidam ac inconcussam substernens basin, viz. *νύσος φύσις ἰντροπὴ*, i. e. *Natura morborum medicatrices*, id egit, ut morbi cujuslibet Phænomena aperte traderet, nulla Hypothesi adscita, & in partes per vim adacta: ut in ejus libris *De Morbis*, *de Affectionibus* &c. videre est. Regulas etiam quasdam tradidit ex observatione methodi istius, qua utitur natura tam in morbo provehendo, quam in eodem amoliendo, natas; cujusmodi sunt *Coactæ Prænotiones*, *Aphorismi*, & reliqua id genus. Atque in his fere stetit magna illa Divini senis *θυσία*, non ab irritò lascivientis Phantasie conamine desumpta, ceu vana ægrorum insomnia, sed legitimam exhibens Historiam earum Naturæ operationum, quas in hominum morbis edit. Cum vero dicta *θυσία* nihil esset aliud, quam exquisita naturæ descriptio, par erat omaino, ut in praxi eo tantum collimaret, ut eidem laboranti, quibus posset modis subvenire contenderet; unde etiam non aliam Arti demandat provinciam, quam ut deficienti naturæ succurrat, effrænem coerceat & in ordinem redigat; utrumque vero hoc, tum passu illo, tum etiam methodo, quibus natura morbum expellere satagit atque amovere: Animadverterat nempe sagacissimus Vir, quod sola Natura *τὰς φύσεις κρίνει καὶ ἰσχυρὰ τὰ πάντα πᾶσι*. Atque hæc omnia peragit Natura paucissimis simplicissimisque adjuncta remediorum formulis, alicubi etiam prorsus nullis.

Alterâ

P R Æ F A T I O.

Altera ab hac Methodus, qua Ars medendi, si quid ego judico, possit ulterius provehi, in eo potissimum cardine vertitur; ut certa aliqua, & consummata undique ac fixa Methodus medendi in publica commoda tradatur, eam intelligo, quæ satis magno Experimentorum numero corroborata suffultaque, huic vel illi morbo devincendo suppar invenitur. Neque enim satis esse arbitror, ut successus particulares, sive Methodi cujuslibet, sive etiam Remedii, scriptis prodantur, si neque illa universaliter atque in omnibus scopum attingere deprehendatur, (positis saltem his vel illis circumstantiis.) Contendo vero ego nos æque certo scire debere, hunc illumve morbum expugnatum iri, si huic aut alteri intentioni satisfecerimus, ac certo jam scimus, nos hoc aliove remedii genere huic aut alteri intentioni satisfacere posse: quod quidem licet non semper & ubique, frequentissime tamen, καὶ ὡς ἐστὶ πολλοῖς votis respondet exhibentium, ita *senna foliis* v. gr. alvum subducimus, *Papsvere* invitamus somnum. Non is sum, qui negem, debere Medicum animum diligenter advertere ad particularia, tum Methodi, tum Remedii eventa, quibus est usus in morborum curatione, & usus in suos reponere, tam ad sublevandam memoriam, quam ut ansas inde arripiat, quibus paulatim peritior evadat Medicus, tandemque post diutina, & repetita sæpius experimenta, Methodum sibi figat firmetque, a qua in hujus aut illius morbi curatione ne hilum sibi recedendum putet. Observationes autem particulares in lucem dare, non ita magnam, me judice, adfert utilitatem. Nam si id tantum agit *Observator*, ut nos doceat hunc morbum semel, vel etiam sæpius huic remedio celsisse, quid mihi, obsecro, profuerit, si infinitæ fere medicamentorum decantatissimorum copiar, qua jamdiu obruimur, adhuc aliud mihi hæctenus inauditum accrescat? Quod si repudiatis cæteris omnibus remediorum formulis, huic me unice addixero, annon innumeris fere experimentis probanda mihi venit ejus vis, innumeræ etiam circumstantiæ trutinandæ, tum ægrum, tum ipsam methodum spectantes, antequam ex observatione solitaria fructum aliquem queam decerpere? Si observatori nunquam non responderit Medicamentum, quare in particularibus versatur, nisi aut sibi diffidat ipse, aut minutatim potius quam in solidum imposuisse orbi videri præoptet? Quam vero in proclivi sit densissima hujus generis volumina conscribere, nemo vel mediocriter in praxi versatus ignorat; uti nec e contra quam sit illud difficile, perfectam & confirmatam undique Medendi Methodum in quovis morbo condere ac stabilire. Si vel unus tantum per singula mundi sæcula hoc modo unicum tractaverit morbum, Medendi Ars (quæ Medicorum est provincia) a multis retro annis ad ἀρχαίαν pervenisset, omnibus absoluta numeris, saltem in quantum fert mortalium fors. Quæ vero fundi nostri est calamitas jamdiu ab antiquissimo & peritissimo duce *Hippocrate*, & prisca Medendi Methodo, causarum conjunctarum (utpote quæ certo se prodant) cognitione superstructa, descivimus; unde est, ut quæ hodie exercetur, a Logodædalis conficta, confabulandi magis sit Ars, quam Medendi. Sed ne hanc ego dicam temere impegisse videar, fas mihi sit e via parumper deflectere, quo scilicet evincam Causas illas remotiores, in quibus assignandis & in lucem extrahendis hominum Curiosorum & περιέργων vanæ speculationes unice defudant triumphantque, prorsus esse ἀκαταλήπτους ac inscrutabiles; solas vero proximas & conjunctas a nobis posse cognosci, atque ab his solis indicationes curativas esse mutuandas.

Observandum est itaque, quod si Humores vel diutius, quam pars est, in corpore fuerint retenti, (quia scil. Natura eosdem concoquere nequeat, ac deinceps expellere) vel ab hac aut illa aëris constitutione labem morbificam contraxerint; vel denique contagio aliquo venenato infecti in ejusdem castra transierint; his inquam modis & his similibus, & dicti Humores in formam substantialem, seu *speciem* exaltantur, quæ his allivæ Affectibus cum propria Essentia convenientibus se prodit; quæ quidem symptomata, licet minus cautis videantur oriri, vel a natura partis, quam humor obsedit, vel a natura humoris ipsius, antequam hanc induerat speciem,

P R Æ F A T I O.

ciem, nihilominus revera Affectus sunt ab essentia dictæ speciei in hunc gradum recens evectæ, pendentes. Adeo ut quilibet *morbus specificus* Affectio sit ab hac vel illa specifica Exaltatione, vel specificatione succi cujusdam in corpore animato ortum ducens. Sub hoc genere potest comprehendi maxima pars morborum, qui cetum aliquem typum ac formam agnoscunt. Et profecto haud minus se natura methodo astringit in his tum producendis, tum maturandis, quam in *Plantis*, sive etiam *Animalibus*. Quinimo ut cuilibet sive Plantæ, sive Animali proprii quidam ac peculiare Affectus competunt, ita se res habet in qualibet succi cujuscunque exaltatione, ubi semel in *speciem* proruperit. Exemplum hujus rei satis luculentum quotidie nobis ingerunt, & ob oculos ponunt varix istæ Excrecentiarum species, quas Arbores, Fruticesque emittunt, vel ob succi Nutritii perversionem, & depravationem, vel alias ob causas, in forma scilicet *Musci*, *Visci*, *Fungorum*, aliorumque id genus: quæ omnia *Essentie* sunt sive *Species*, a parente, seu Frutice, diversæ plane atque distinctæ. Et sane qui serio atque ad amussim pensitaverit *παρὰ φύσιν* illa, quæ Febrem v. gr. *Quartanam* comitantur; quod *viz.* fere semper sub Autumno ingreditur; quod certum ordinem ac typum ubique servat, revolutiones periodicas quarto quoque die non minus certo repetens, quam suas repetit Horologium, sive aliud quoddam ejusmodi *αὐτόματον*, (nisi ab accedente aliquo extrinsecus adveniente hic ordo perturbetur) quod cum rigore ac notabili frigoris sensu aggreditur, quem excipit caloris perceptio non minus sensibilis, quæ tandem in sudore effusissimo terminatur; quod denique morbus hic, quemcunque demum invaserit, vix ante *Vernum Æquinoctium* abigi poterit & fugari; qui hæc, inquam, omnia pensiculatorius trutinaverit, haud minus firmis rationibus inducetur, ut credat, morbum hunc *speciem* esse, quam sunt illæ, ob quas credit Plantam esse speciem, quæ parem semper ad normam e terra nascitur, floret, interitque, atque in reliquis afficitur proportionem Essentie suæ, neque facile comprehendi potest, qui fiat ut hic *morbus* oriatur a combinatione sive principiorum, sive qualitatum evidentium, cum *plantæ* substantia ac species distincta in rerum natura ubique agnoscatur. Illud interim non diffitemur, quod cum species sive Animalium, sive Plantarum singulæ (demptis perpaucis) per se subsistant, istæ Morborum Species ab iis dependent humoribus, a quibus generantur.

Tametsi vero ex jam dictis constare videatur morborum plerorumque causas inscrutabiles prorsus esse, ac *ἀνελκυσίμους*, non tamen insolubilis erit illa quaestio: *Quo pacto sanari possint?* cum de causis remotioribus nos hoc asseramus. Nemo autem est qui non videat curiosos istos speculatores in causis primo primis fere ac remotissimis indagandis, ac in lucem (ut ut invita Minerva, ac reclamante naturæ sensu) protrahendis operam perdere; immediatas vero & conjunctas, seu ante pedes jacentes, contemnere, quæ tamen necessario debent cognosci, & possunt etiam, sine sculneis hujusmodi adminiculis, cum Intellectui se aperte sistant, vel proprii sensus testimonio, vel Anatomicis Observationibus ab aliis jam pridem factis, retectæ. Atque ut impossibile plane est, ut Medicus eas morbi causas ediscat, quæ nullum prorsus cum sensibus habent commercium, ita neque est necesse; abunde enim sufficit, ut sciat unde immediate oritur malum, talesque ejus effectus atque symptomata, ut inter hunc aliumque morbum hujus non dissimilem, valeat accurate distinguere. In *Pleniside* v. gr. diu atque incassum se fatigabit aliquis, nec tamen mente assequetur pravam illam Crasin & male coherentem sanguinis texturam, quæ prima est hujusce mali origo; qui vero causam a qua immediate producitur recte cognoverit, & ab aliis morbis quibuscunque rite valeat distinguere, non minus certo curandi scopum attinget, etiam neglecta otiosa ista atque inutili remotissimarum causarum indagine. Sed hæc *ὡς ἐν τυπῶν*.

P R Æ F A T I O.

Jam vero si quaerat aliquis, an ad prædicta in Arte Medica desiderata duo (Veram scilicet & Genuinam morborum *Historiam*, & certam confirmatamque medendi *Methodum*) non etiam accedat tertium illud, Remediorum nempe *Specificorum Inventio*? assentientem me habet & in vota festinantem. Etsi enim *Methodus* sanandis morbis *Acutis* maxime accommoda mihi videatur, quibus exigendis cum natura ipsa certum aliquem Evacuationis modum statuerit, quæcunque *Methodus* eidem sit opem in promovenda dicta evacuatione, ad morbi sanationem necessario conferret; oprandum est tamen, ut beneficio *specificorum*, si quæ talia inveniri possint, ager rectiori semita ad sanitatem proficeret; & (quod majoris etiam momenti est) extra aleam malorum, quæ sequuntur aberrationes istas, in quas sæpe invita dilabatur Natura in morbi causa expellenda, (ut ut potenter & docte ei ab assistente Medico subveniatur) possit collocari.

Verum quod ad morbos *Chronicos* sanandos attinet, licet nihil dubitem ulteriores in medendo profectus vel a sola *Methodo* posse sperari, quam qui in primam statim cogitationem incurrant, attamen plus satis constat deficere illam in curatione *Chronicorum* aliquot vel maxime spectabilium inter eos, quibus homines urgentur; quod ob hanc præcipue causam usu venit, quia scil. Natura in hujusmodi morbis non habet *Methodum* tam efficacem, qua materiam morbificam foras ejiciat, (perinde atque in *Acutis*) quo nos cum eadem manus jungentes & ad debitum dirigentes scopum, morbum debellare valeamus. In vincendo itaque morbo Chronico is demum jure meritoque Medici nomen sibi vindicat, penes quem est ejusmodi medicamentum, quo morbi *Species* possit destrui: non qui id tantum agit, ut e primis secundisque qualitatibus nova aliqua introducatur, & prioris subeat vicem; quod fieri quidem potest non extincta specie; v. gr. calefieri potest, aut refrigerari, qui *Podagra* laborat, vigente adhuc *podagra*, nedum devicta. *Methodo* hac, qua diversæ tantum qualitates, introducuntur, morbi *Specifici* non magis immediate perdomantur, quam ignis gladio extinguitur. Quid enim, obsecro, Calor, Frigus, Humidum, Siccumve, aut e secundis qualitatibus, quæ ab his pendent, alia aliqua ad morbi curationem faciet, cujus essentia in harum nulla consistit? Si quis hic objecerit; satis magnum Remediorum *Specificorum* numerum jamdiu nobis innotescere, hunc ipsum, si examen paulo diligentius instituerit, in oppositas partes facile transiturem confido, cum unicus *Cortex Peruvianus* a suis militet. Toto enim cœlo distant, quæ huic aliive *Indicationi Curativæ* *specificæ* respondent *Medicamenta*, cui si faciamus satis, morbus abigitur; & quæ hunc aliumve *Morbum* *specificæ* atque immediate persanant, nullo habito respectu ad hanc aut illam *Intentionem* sive *Indicationem Curativam*: v. gr. *Mercurius* & *Sarsæ radices* in *Lue Venerea* *specificæ* vulgo audiunt, quæ tamen pro *specificis propriis* atque immediatis non debent haberi, nisi argumentis satis validis atque irrefragabilibus possit confici, *Mercurium* nulla excitata *Salivatione*, *Sarsæ* vero radices sine motis *sudoribus* tam egregiam operam præstitisse. Ad hanc pariter normam alii etiam morbi aliis Evacuationibus curantur, cum tamen quæ adhibentur *Remedia*, non magis proprie competant immediatæ curationi illorum morborum, qui eis sanantur Evacuationibus, quibus faciendis ejusmodi remedia maxime proprie designantur, quam *Scalpellum Phlebotomum Pleuritidi*; quod tamen nemo opinor *Specificum* hujus morbi facile appellaverit.

Specificæ proinde medicamenta, si ad hanc mentem nostram restringantur, non cuivis homini contingunt, neque oscitantibus temere se ingerunt; nullus tamen dubito, quin in exundanti illa plenitudine, qua turget Natura diffunditque, ita jubente *Optimo Maximo* rerum omnium *Conditor*e, in singulorum præservationem prospectum pariter sit de curatione malorum magis insignium, quæ homines vexant; idque

P R Æ F A T I O.

que pro foribus, & in patrio cujuslibet solo. Et sane dolendum est, *Plantarum* natura nondum magis explorato nobis innotescere; quæ mihi videntur reliquæ omni, quæ patet, *Materiae Medicæ* palmam præripere, & quæ inveniendorum, de quibus jam diximus, Remediorum uberrimam nobis spem faciunt: quum *Animalium* partes cum humano corpore nimium convenire videantur, nimium dissidere *Mineralia*; unde est quod Mineralia Indicationibus potentius respondere, quam vel plantas, vel ex animalibus desumpta, lubens fateor; at non specificè tamen mederi, eo quo diximus sensu ac modo. Me quod spectat, non hic aliud mihi sumo præter laborem ac tædium hæc atque hujusmodi diu multumque jam per aliquot annos animo versandi, necdum mihi tam feliciter cessit, ut cum prudenti fiducia, quæ de iis cogitaverim, in publicum dare auserim.

Quantumlibet vero mihi præ cæteris arrideant *Plantæ*, non tamen is sum, qui eximia illa Medicamenta ex alia tribu desumpta, quæ vel hoc, vel alio aliquo sæculo hominum industria atque labore Intentionibus apte respondentia reperta fuere, contemnā. Inter quæ primum sibi locum vendicant quæ nomine *Gustarum Doctoris Godard* insigniuntur, & a Viro *Doctissimo & solertissimo* tam Methodi quam Remediorum indagatore, *Domino Doctore Goodall* præparantur; quarum vim ac efficaciam in attingendo, ad quem vulgo diriguntur, scopo, cæteris quibusque *spiritibus Volatilibus* jure præfero.

Coronidis loco, cum in hac introductione fuerim pollicitus, me daturum specimen eorum, quæ in hujus Artis Augmentum utcumque conatus sum; fidem liberare jam tentabo in tradendis Historia Curationeque *Acutorum Morborum*. Qua in re licet satis advertam, me supinis atque ignorantibus fructum omnem eorum, quos per meliores vitæ annos corpore animoque exantlavi laborum, expositurum, malum tamen pessimi hujus sæculi genium satis habeo perspectum, ut non aliam ex hac semine, quam convitiatorum atque contumeliarum messem expectem: Meque famæ meæ longe melius consuluisse, si inanem aliquam atque inutilem speculationem commentatus fuissē. Hoc vero mihi perinde est: Mercedem aliunde præstolor. Si quis hic objiciat alios æque in hac arte versatos non idem mecum de his rebus sentire; meum non est quid sentiant alii disquirere, sed meis observationibus adstruere fidem, quod ut faciam, Lectoris patientiam desidero tantum, non favorem. Res ipsa etenim brevi loquetur, an fideliter & sincero animo hic egerim, an e contra ad instar sceleratissimi hominis morumque profligatissimorum, homicidam me præstiterim vel in terra defossus. Illam tantum mihi veniam peto, quod minus accurate quam proposueram morborum Historiam ac Curationem descripsē; cum non tam metam figam, quam animos iis addam, qui feliciore ingenio præditi ad hoc opus posthac se accingent, quod jam ego imperfecte molior.

Unum adhuc restat, de quo monendus est Lector, mihi in animo non esse, sequentes paginas infinito particularium observationum numero distendere, quibus Methodo ibidem traditæ fidem adstruam; frustra enim & cum tædio Lectoris repererentur ista singulatim, quæ in summas contraxi. Satis autem ad calcem Observationis cujuslibet Generalis (saltem quæ ad annos nuperos spectat) Particularem hic illic adnectere, qua Methodi præcedentis medulla continetur. Hoc interim spondeo, nullam a me Methodum Generalem fuisse evulgatam, quæ experientia reiterata non est stabilita, atque confirmata.

Sed & spe frustrabitur, qui ingentem Remediorum, seu formularum sylvam hic expectaverit, cum Medici judicio permittatur, ut pro re nata iis utatur; mihi sufficit innuisse, quibus Indicationibus satisfaciendum est, quo etiam ordine & tempore. Etenim in eo præcipue stat Medicina Practica, ut genuinas Indicationes expiscari valeamus, non ut remedia excogitemus, quibus illis satisfieri possit;

P R Æ F A T I O.

quod qui minus observabant, *Empiricos* armis instruxere, quibus Medicorum opera imitari queant.

Quod si quis objecerit, me in aliquibus non tantum medicamentorum pompæ renunciaſſe, ſed ea inſuper remedia propoſuiſſe, quæ ad materiam medicam vix poſſint referri: adeo ſunt ſimplicia atque inartificioſa; vulgaribus tantum opinor ac plebeiis animis hac in re diſplicebo. Norunt enim Sapientes, Bona ea eſſe omnia quæ ſunt utilia, atque *Hippocratem*, (dum Folium uſum in *Ileo* ſanando proponit, & in *Cancro* nihil prorſus agendum præcipit, atque ejuſmodi alia quæ in ſingulis fere pagellis ſcripta leguntur) non minus bene de re medica meruiſſe, quam ſi pompolis, remediorum formulis omnia impleviſſet.

In animo erat & *Chronicorum* morborum *Hiſtoriam* tradere, eorum ſaltem, quos frequentiffime tractaveram, ſed cum operoſius id ſit, cumque harum, quas jam edo, Lucubrationum fortunam experiri primum libuerit, impræſentiarum ſuperſedendum mihi eſſe duxi.



AUCTO.

AUCTORI,

IN TRACTATUM EJUS

DE FEBRIBUS.

Febriles aestus, victumque ardoribus orbem
Flevit, non tantis par Medicina malis.
Nam post mille artes, Medicæ tentamina curæ,
Ardet adhuc Febris, nec velit arte regi.
Præda sumus flammis; solum speramus ab igne,
Ut restet paucus, quem capit urna, cinis.
Dum querit Medicus Febris causamque modumque,
Flammarum & tenebras, & sine lace faces;
Quas tractat patitur flammæ, & Febre calefcens,
Corruit ipse suis victima rapta focis.
Qui tardos potuit morbos, artusque trementes
Sistere, Febrili se videt igne rapi.
Sic faber exesos fulsit tibicine muros,
Dum trahit antiquas lenta ruina domos.
Sed si flamma vorax miseras incenderit aedes,
Unica flagrantibus tunc sepelire salus.
Fit fuga, tectonicas nemo tunc invocat artes,
Cum perit artificis non minus usta domus.
Se tandem Sydenham Febrisque Scholæque furori
Opponens, Morbi querit, & Artis opem.
Non temere incusat tectæ putredinis ignes;
Nec fictus, Febres qui fovet, humor erit.
Non bilem ille movet, nulla hic pituita: Salutis
Quæ spes, si fallax ardeat intus aqua?
Nec doctas magno rixas ostentat hiatu,
Quæis ipsis major Febribus ardor inest.
Innocuas placide corpus jubet urere flammæ,
Et justo rapidos temperat igne focos,
Quid Febrim extinguat, varius quid postulet usus,
Solari ægrotos qua potes arte, docet.
Hactenus ipsa suum timuit Natura calorem,
Dum sæpe incerto, quo calet, igne perit:
Dum reparat tacitos male provida sanguinis ignes,
Præclusit busto, fit calor iste rogos.
Jam secunda suas foveant præcordia flammæ.
Quem natura negat, dat Medicina modum.
Nec solum faciles compefcit sanguinis aestus,

Dum

*Dum dubia est inter spemque metumque salus;
Sed fatale malum domuit, quodque astra malignum
Credimus, iratam vel genuisse Stygem.
Extorsit Lachesi cultros, Pestique venenum
Apostulit, & tantos non finit esse motus.
Quis tandem arte nova domitam mitescere Pestem
Credat, & antiquas ponere posse minas?
Post tot mille neces; cumulataque funera busto,
Vidua jacet parvo vulnere dira Lues.
Ætheriæ quanquam spargant contagia flammæ,
Quicquid inest istis ignibus, ignis erit.
Delapsæ cælo flammæ licet acrius urant,
Has gelida extinguere non nisi morte putas?
Tu meliora paras victrix Medicinæ, tuusque,
Pestis quæ superat cuncta, triumphus erit.
Vive liber, victis Febrilibus ignibus; unus
Te simul & mundum qui manet, ignis erit.*

J. LORC A. M. ex ÆDE
Christi Oxon.

SERIES TRACTATUUM ET CAPITULUM TOMI PRIMI.

OBSERVATIONES Medicæ circa Morbo-
rum Acutorum Historiam & Curatio-
nem. Pag. 1.

SECTIO PRIMA.

CAPUT I. D E Morbis acutis in gene- re. Pag. 1.	
II. De Morbis Epidemicis. 2.	
III. Constitutio Epidemica annorum 1661. 62. 63. 64. Londini. 6.	
IV. Febris continua hujus Constitutionis. 7.	
V. Febres intermittentes. 28.	

SECTIO SECUNDA.

CAP. I. Constitutio Epidemica annorum 1665. & 1666. Londini. 29.	
II. Febris pestilentialis & pestis. 30.	

SECTIO TERTIA.

CAP. I. Constitutio Epidemica annorum 1667. 68. partis etiam 69. Londini. 40.	
II. Variolæ regulares. ibid.	
III. Febris continua hujus Constitutionis. 53.	

SECTIO QUARTA.

CAP. I. Constitutio Epidemica partis anni 1669. atque integrorum 70. 71. 72. Londini. 57.	
II. Cholera Morbus. 59.	
III. Dysenteria. 60.	
IV. Febris continua hujus Constitut. 65.	
V. Morbilli. 68.	
VI. Variolæ anomala hujus Constitut. 70.	
VII. Colica biliosa. 73.	

SECTIO QUINTA.

CAP. I. Constitut. Epidem. partis anni 1673. atque integrorum 1674. & 75. 77.	
II. Febris continua hujus Constitut. 79.	
III. Morbilli. 84.	
VI. Variolæ Anomala hujus Constitut. ibid.	
V. Tusses Epidemica cum pleuritide & peripneumonia supervenientibus. 88.	
VI. Anacephalæosis. 92.	

SECTIO SEXTA.

CAP. I. Febres intercurrentes. 94.	
II. Febris Scarlatina. 96.	
III. Pleuritis. 97.	
IV. Peripneumonia notha. 100.	
V. Rheumatismus. 101.	
VI. Febris Erysipelatosa. 104.	
VII. Angina. 106.	

THOMÆ SYDENHAM Epistola Respon-
soria de Morbis Epidemicis ab anno 1675.
ad annum 1680. ad Robertum Brady
M. D. 109.

Bernardini Ramazzini, Dissertationes tres de
Constitutionibus annor. 1690. 1691. 1692.
1693. 1694. in Mutinensi Civitate & il-
livs Ditione. 123. & seqq.

Lucæ Schroeckii, Historia Constitutionis Epi-
demicae Augustanae, anni 1695. 167.

Michaelis Bernardi Valentini, Constitutio
Epidemica Hassiaca, anni 1693. & 1694. 169.

Johannis Jacobi Harderi, Constitutio Epi-
demica Basileensis, anni 1695. 170.

Gustavi Casimiri Garthliep, Constitutio Epi-
demica Berolinensis, anni 1695. ibid.

Michaelis Bernardi Valentini, Constitutio
Epidemica Hassiaca, anni 1695. 174.

Lucæ Schroeckii, Constitutio Epidemica Au-
gustana, anni 1696. 175.

Gustavi Casimiri Garthliep, Constitutio Epi-
demica Berolinensis, anni 1696. 177.

Conradi Bertholdi Behrens, Constitutio Epi-
demica Hildesensis, anni 1695. & 1696. 180.

Lucæ Schroeckii, Constitut. Epidemica Augu-
stana, anni 1699. & 1700. 185.

Gustavi Casimiri Garthliep, Constitut. Epidem.
Berolinensis, anni 1699. 189.

Joh. Jac. Harderi, Constitutio Epidemica Ba-
sileensis, anni 1699. 191.

Rudolphi Jacobi Camerarii, Constit. Epid.
Tubingensis, anni 1699. & 1700. 192.


Ambrosii Stegmanni, Constit. Epid. Mansfel-
diaca, anni 1697. & 1698. 194.

Gustavi Casimiri Garthliep, Constit. Epid.
Berolinensis, anni 1700. 196.

Constit. Epidemica Uratislaviensis, annorum
1699. 1700. & 1702. 198. 205. 208.

Constit. Epidem. Berolinensis, anni 1702. 212.
Lucæ

- Lucæ Schroeckii, *Constit. Epidem. Augustana*, annorum 1701. 1702. 1703. 1704. & 1705. 214.
- THOMÆ SYDENHAM, *Epistola Responsoria de Luis Venereæ Historia & Curatione ad Henricum Paman M. D.* 219.
- Gualteri Harris, *de Luis Venereæ, ejusque origine, natura & curatione, Dissertatio.* 229.
- THOMÆ SYDENHAM, *Dissertatio Epistolaris ad Guilielmum Cole M. D. De Observationibus nuperis circa Curationem Variolarum Confluentium; necnon de affectione Hysterica.* 237.
- Bernardini Ramazzini, *de Contagiosa Epidemia, quæ in Patavino Agro, & tota fere Veneta Ditione in Boves irrepit, Dissertatio.* 272.
- THOMÆ SYDENHAM *Tractatus de Podagra & Hydrops.* 282. 304.
- THOMÆ SYDENHAM *Schedula Monitoria de Novæ febris Ingressu.* 316.
- Davidis Hamilton, *Tractatus de Febre Miliari, seu Vesiculari: accessit Febris miliaris Historiarum fasciculus.* 331.
- THOMÆ SYDENHAM, *De Febre Putrida Variolis Confluentibus superveniente.* 370.
- Ejusdem, *de mixtu sanguineo a Calculo Renibus impacto.* 373.
- Caroli Drelincurtii, *de Calculo Renum & Vesicæ, Dissertatio.* 377.
- Martini Lister, *Dissertatio Medicinalis de Calculo Humano.* 386.
- THOMÆ SYDENHAM, *Processus integri in Morbis fere omnibus curandis, una cum graphica Symptomatum delineatione, & Tractatulo de Phthisi nunc primum edito.* 401.
- Caroli Leigh, *Phthisiologia Lancastriensis.* 431.
- THOMÆ SYDENHAM, *de Podagra.* 447.
- Lucæ Schroeckii, *Constitut. Epidem. Augustana, anni 1697.* 451.
- Ejusdem, *Constitutio Epidemica Augustana, anni 1698.* 454.
- Joh. Jacobi Harderi, *Constitut. Epidem. Basileensis, anni 1698.* 456.
- Gustavi Casimiri Garthliep, *Constitut. Epidem. Berolinensis, anni 1697.* ibid.
- Ejusdem, *Constitutio Epidemica Berolinensi, anni 1698.* 458.
- Sylvestri Samuelis Anhornii, *Constit. Epidem. Sangallensis, anni 1697.* 460.
- Caroli Raygeri, *Constitut. Epidem. Posoniensis, annorum 1695. 1696. & 1697.* 462. 463. 464.
- Lucæ Schroeckii, *Constitut. Epidem. Augustana, anni 1701. & sequentium.* 465.
- Joh. Jacobi Harderi, *Constit. Epidem. Basileensis, anni 1710. & 1701.* 473.
- Gustavi Casimiri Garthliep, *Constitut. Epidem. Berolinensis, anni 1701.* ibid.
- Ejusdem, *Constitut. Epidemica Berolinensis, anni 1703.* 475.
- Ejusdem, *Constitut. Epidemica Berolinensis, anni 1704.* 479.
- Guntheri Christophori Schelhameri, *Constitut. Epidem. Holsatica, anni 1706.* 482.
- Marci Gerbesii, *Constit. Epidem. Labacensis, anni 1709.* 483.
- Ejusdem, *Constitutio Epidemica Labacensis, anni 1710.* 485.
- Joh. Georgii Hoyeri, *Constit. Epidem. Mulhusina, anni 1700.* 486.
- Rudolphi Jacobi Camerarii, *Constit. Epidem. Tubingensis, anni 1701.* 494.
- Ejusdem, *Schediasma ad Historiam Epidemicam, anni 1702.* 495.
- Joh. Guilielmus Bayerus, *De Frigore Hyemali, anni 1709.* 501.
- Bernardinus Ramazzinus, *De Frigore Hyemali, anni 1709.* 502.
- Joh. Adami Genselii, *Constit. Epid. Inferioris Hungariæ, ann. 1711. 1712. & 1713.* 507. ibid. 509.
- Lucæ Schroeckii, *Constit. Epidem. Augustana, anni 1711. 1715. 1716. & 1717.* 514. 517. 518.
- Marci Gerbesii, *Constitut. Epidemica Labacensis, anni 1712.* 517.
- Ejusdem *Constit. Epidem. Labacensis, anni 1713.* 523.



T H O M Æ
S Y D E N H A M
OBSERVATIONES MEDICÆ
C I R C A
MORBORUM ACUTORUM

HISTORIAM ET CURATIONEM,

SECTIO PRIMA.

CAPUT I.

De Morbis Acutis in genere.



ICTAT ratio, si quid ego hic judico, Morbum, quantumlibet ejus causæ humano corpori adversentur; nihil esse aliud quam Naturæ conamen, materiæ morbificæ exterminationem, in ægri salutem omni ope molientis. Cum enim hominum genus, ita volente supremo rerum omnium arbitro ac moderatore Deo, variis impressionibus, forinsecus advenientibus, excipiendis aptum natum sit, fieri non potest, quin idem variis etiam malis fuerit obnoxium: quæ quidem partim ab istis aeris particulis nascuntur, quæ cum corporis humoribus male convenientes in idem se insinuaverint, nudo sanguini permixtæ, corpus omne morbifico afflant contagio; partim a variis fermentationum generibus, vel etiam putrefactionibus humorum, qui in corpore ultra justum tempus ideo sunt commorati, quia scilicet iisdem digerendis primum, dein excernendis, vel ob nimiam eorundem molem vel qualitatem incongruam, suppar idem non fuit. Hiic rerum circumstantiis ita intine essentia humanæ intertextis complicatisque,

Tem. I.

ut nemo quisquam se ab aliis in solidum queat liberare, Natura de ejusmodi methodo, ac symptomatum concatenatione sibi prospexit, quibus materiæ peccantem atque alienam, quæ totius fabricæ compagem aliter solveret, e suis finibus possit excludere. Quamlibet autem frequentius longe quam fieri cernimus, illum, ad quem remediis hisce ingratis collimat, sanitatis scopum attingeret, nisi ab ignavis a recto, quem tenet, cursu detorque-retur; verum tamen cum sibi relicta vel nimio opere satagendo, vel etiam sibi deficiendo hominem letho dat, ferrea illi atque insolubili mortalitatis legi obsequitur, cui debemus nos nostraque. Recte enim Boerius, atque ex rerum sensu

Constat æterna positumque lege est,

Constat ut genitum nihil.

Sed ut instantia una alterave jam dictorum veritatem asseramus; Ipsa Pests quid, obsecro, aliud est, quam symptomatum complicatio, quibus utitur Natura ad inspiratas una cum aere particulas *microscopice*, per emunctoria, apostematum specie, vel aliarum eruptionum opera, excutiendas? Quid Arthritis, nisi Naturæ providentia ad depurandum senum sanguinem, atque expurgandum corporis profundum, ut cum Hippocrate loquamur? Potest & idem affirmari de plerisque aliis morbis perfecte formatis.

Jam vero nunc hoc munere celerius fungitur Natura, nunc vero tardius, pro varia methodo, qua causam morbificam deturbare nititur. Nam cum Febris opem deposcit, quæ

adju

OBSERVATIONUM MEDICARUM

adjutrice particulas inquinatas a sanguine divellat, divulsasque progressu adhuc ulteriori per sudores, diarrhœam, eruptiones, aut aliam istiusmodi evacuationem expellat; cumque in sanguinis massa corpore pertenui ac fluido res omnis peragatur, idque motu parvum violentiore: necesse omnino est, non solum ut subito vel in salutem agri, vel in mortem determinetur (prout sc. Natura vel materiam morificam critice norit solvere, vel ab eadem oppressa fatiscat) sed etiam ut pejora vehementioraque symptomata se ubique comites adjungant. Atque hujusmodi plane sunt morbi isti, quos *Acutos* appellamus, qui velociter sc. atque cum impetu & periculo ad statum moventur. Quamvis, si minus accurate, haud tamen minus vere loquamur, isti etiam morbi pro *Acutis* sint habendi, qui, licet respectu paroxysmorum, si omnes simul sumantur, tardius moveant, respectu tamen paroxysmi cujuslibet particularis, cito atque etiam critice ad finem perveniunt; quales sunt febres intermittentes omnes.

Ubi vero continens morbi materia ejus est indolis, ut febrem in partes suas pertrahere non valeat ad dictæ materiæ separationem universalem; aut cum hujusmodi materia parti alicui affigitur, quæ eidem explodendæ prorsus est impar, sive ob propriam conformationem (uti se res habet in materia morifica *Paralyticorum* nervis impacta, in materia item suppurata in cavitate Thoracis *Empyricorum*) vel ob defectum caloris naturalis, & spirituum, (ut cum pituita in pulmones decidit vel senio, vel tussi diuturniore labefactatos) vel denique ob continuum materiæ novæ adfluxum, qua sanguis vitiatum & ad ejusdem eliminationem unice dispositus, partem obruit gravatque: In his, inquam, casibus, vel tarde admodum ad coctionem pervenit materia, vel non omnino; ideoque morbi ab hujusmodi materia inconcoctili provenientes *Chronici* & nuncupantur, & sunt: A duobus his itaque principiis sibi invicem contrariis, de quibus modo egimus, morbi alii *Acuti*, alii vero *Chronici* exsurgunt.

Acutus quod spectat, quos impræsentiarum tractare mihi est animus, eorum alii a secreta atque inexplicabili aëris alteratione, hominum corpora inficientes, gignuntur, neque a peculiari sanguinis, & humorum crasi omnino dependent, nisi quatenus occulta aëris influentia dictis corporibus eandem impresterit. Hi, durante arcana illa aëris constitutione, nec ultra pergunt lacessere, neque alio ullo tempore invadunt. *Epidemici* hi dicti sunt,

Acutorum alii, ab hac vel illa particulari corporum particularium *animalis* oriuntur, qui cum a causa magis generali non producantur, ideo neque plures simul corripunt. Hi insuper acuti quibuslibet annis, & quolibet anni tempore indifferenter invadunt; exceptis tamen iis quæ dicemus, ubi de genere hoc peculiariter agetur. Hos ego *acutos Intercurrentes* sive *Sporadicos* appello, quia nullo non tempore contingunt, quo epidemici grassantur. Ab *Epidemicis* primum exordium mihi sumam, generalem eorundem historiam antea omnia proponens.

CAPUT II.

De Morbis Epidemicis.

Nihil quicquam, opinor, animum universæ qua patet Medicinæ pomœria perstrantem tanta admiratione percelleret, quam discolor illa, & sui plane dissimilis morborum epidemicorum facies, non tam qua varias ejusdem anni tempestates, quam qua discrepantes diversorum ab invicem annorum *Constitutiones* referunt, ab iisque dependent. Quæ tam aperta prædictorum morborum diversitas tum propriis, ac sibi peculiaribus symptomatibus, tum etiam medendi ratione, quam hi ab illis disparem prorsus sibi vendicant, satis illucescit. Ex quibus constat, morbos hosce, ut ut externa quadantenus specie, & symptomatibus aliquot utrisque pariter supervenientibus convenire paulo incautioribus videantur, re tamen ipsa, si bene adverteris animum, alienæ admodum esse indolis, & distare ut *Æra Lupinis*. Haud equidem satis scio, an diligentius examen (quali rite instituendo vix unius hominis brevis ætas par esse videatur) nos edoceret, epidemicorum alios continua quadam serie, seu facto circulo, alios semper excipere; an vero omnes indiscriminatim, nulloque servato ordine, pro occulta aëris diathesi, & inexplicabili temporum ratione, mortales incessere. Hoc saltem pro comperto habeo ex multiplici accuratissimarum observationum fide, prædictas morborum species, præsertim febres continuas, ita toto, quod ajunt, cælo diserre, ut qua methode currente anno ægrotos liberaveris, eadem ipsa anno jam vertente forsitan e medio tolles: quodque, ubi semel in genuinam medendi rationem, quam hæc vel illa febris species sibi vindicat, auspiciato inciderim, ad eundem scopum collimans (favente, ut fit, optimo Numine) metam quasi semper attingam, respectu ad temperamentum, ætatem

sem & reliqua ejusmodi usquequaque habito, donec extincta illa specie, novoque gliscente malo, anceps rursus hæreo, qua mihi via insistendum, ut ægris subveniam, ac proinde nisi ingenti adhibita cautela, intentisque omnibus animi nervis, vix ac ne vix quidem possum efficere ne unus aut alter eorum, qui se primi meæ curæ commiserint, vita periclitetur, donec investigato jugiter tandemque perspecto morbi genio, ad eundem perdomandum recto pede, & intrepidus denuo procedam.

Quamvis autem diversas diversorum annorum habitudines, quoad manifestas æris qualitates, maxima qua potui diligentia notaverim, ut vel exinde causas tantæ epidemicorum vicissitudinis expiscarer, me tamen nihilum quidem hætenus promoveri sentio; quippe qui animadverto annos quoad manifestam æris temperiem sibi plane consentientes, dispari admodum morborum agmine infestari, & vice versa. Ita enim se res habet. Variæ sunt nempe annorum *Constitutiones*, quæ neque calori, neque frigori, non sicco humidoque ortum suum debent, sed ab occulta potius, & inexplicabili quadam alteratione in ipsis terræ visceribus pendent, unde aer ejusmodi effluvis contaminatur, quæ humana corpora huic aut illi morbo addicunt determinantque, stante scilicet præfate constitutionis prædominio, quæ exacto demum aliquot annorum curriculo facessit, atque alteri locum cedit. Unaquæque harum constitutionum generalium propria, ac peculiari sibi febris specie funestatur, quæ extra illam nusquam comparet, cujusmodi febres idcirco *Stationariæ* nobis audiunt.

Ad hæc sunt, & particulares quædam ejusdem anni, ut ita dicam, crases, in quibus licet secundum manifestas æris qualitates, ejusmodi febres, quæ generaliore anni constitutionem sequuntur, magis minusve epidemicæ grassentur, vel serius ocysive ingruant: præ cæteris tamen ejusmodi febres, quæ omnibus in universum annis competunt (quas ideo *Intercurrentes* voco) ab hoc illove manifesto æris temperamento ortum ducunt; verbi gratia, *Pleuritis*, *Angina*; & reliquæ ejusdem farinae, quæ a subito calore, intensius ac diuturnum frigus statim excipiente, plerumque invadunt. Potest itaque fieri, ut sensibiles æris qualitates ad illas quidem febres producendas faciant, quæ in qualibet constitutione se exerunt; non vero ad istas alias quæ certæ alicui constitutioni quasi propriæ, ac peculiare existunt. Fatendum tamen est, prædictas æris qualitates corpora nostra ad

hujus illiusve morbi epidemici generationem magis minusve disponere, quod & de quocunque errore circa *sex res non naturales* dictum volo.

Animadvertendum autem est, epidemicorum alios in hoc aut illo anno regulariter, & eodem semper modo se habere, iisdem plane phænomenis, & conformi symptomatum agmine in plerisque fere omnibus quot adoriuntur, stipatos, atque eadem prorsus via sibi sugam, & exitum parantes. Ex his itaque tanquam in suo genere perfectissimis, vera, & certa morborum epidemicorum historia ediscenda est, atque tradenda.

Sunt vero alii, aliorum annorum morbi, qui licet epidemicorum insigniantur nomine, enormes tamen sunt, & perquam *anomali*, utpote qui nulli se typo patiuntur astringi; & revera mali sunt moris, tum quoad incertam symptomatum varietatem, certissimamque dissimilitudinem; tum quoad methodum, qua se ipsi expediunt, & amoliantur. Hæc tanta illorum disparitas exinde oritur, quod scilicet quælibet constitutio morbos parit, & morbis ejusdem generis, qui alio tempore grassabantur, multum abludentes, quod non tantum in febribus locum habet, sed in plerisque aliis epidemicis.

Neque hic finitur *Oressor*: restat enim & aliud paulo subtilioris *Scrupuli* luxuriante, si fas est dicere, Naturæ lusus; quod nempe idem morbus in ipsissima anni constitutione varia sæpe, & dissimili se facie ostendat, quod ad tempora attinet principii, status, & declinationis; quod quidem tanti potest esse momenti, ut pro ejus arbitrio curativæ indicationes ponendæ, sumendæve fuerint.

Porro observandum est, epidemicos quoscunque in duos omnino ordines dispesci: *Vernos* dico, & *Autumnales*: & quamvis fieri potest, ut alia qualibet anni tempestate subnascantur, ad illam tamen sunt relegandi, Ver, Autumnusve fuerit, quam proxime contingunt. Accidit enim nonnunquam, æris temperiem cum epidemicorum aliquo in tantum conspirare, ut, eo fautore, ante tempus sibi debitum mileros invadat, & e contra est, ubi tam parum illis inter se convenit, ut corpus prædispositum non nisi aliquandiu post aggrediatur. Cum itaque *Vernus* dico, vel *Autumnus*, non de ipso statim *Æquinoctio*, sive *Verno* sive *Autumnali*, ad amissim loquor.

Epidemicorum, qui *Verno* tempore grassantur, alii mature admodum se ingerunt, mense scilicet *Januario*, & exinde pedetentim increbrescentes circa *Æquinoctium Ver-*

nale ad statum perveniunt, a quo sensim imminuti circa *Solstitium Æstivum* evanescent, nisi quod paucissimi postea forsitan hunc illumve petant. In horum numero sunt *Morbilli*, ut & *Febres Tertianæ Vernales*, quæ licet serius aliquanto emergant, *Februario* nempe, tamen appetente *Æstivo Solstitio* pariter se subducunt. At vero alii *Vere* orti, & de die in diem invalescentes non nisi sub *Æquinoctium Autumnale* statum indispiscuntur, quo præterlapso paulatim cedentes, tandem adventante brumali frigore vertuntur in fugam; hujusmodi sunt *Pestis* ipsa, & *Variole*, istis annis, quibus eorum utervis aliorum morborum prædominio fuerit potitus.

Cholera Morbus ex epidemicorum autumnalium familia mense *Augusto* exorsus intra angustos unius mensis cancellos conclusus percurrit sua tempora. Sunt tamen alii, qui eadem tempestate prognati usque ad hyemem excurrunt, v. g. *Dysenteria*, *Febres Quartanæ*, & *Tertianæ Autumnales*. Hi omnes, utut eorum aliquos quos semel invaserint longiori, vel breviori tempore affligant, plerumque tamen intra duorum mensium spatium, & nomen, & epidemicorum naturam prorsus amittunt.

Febres autem speciatim quod attinet, observandum est, maximam earum partem, quæ *Continuæ* sunt, nulla hucusque nomina, in quantum a constitutionis generalis influenza pendent, obtinuisse: appellationes autem, quibus dignoscuntur, ab insigni aliqua alteratione sanguini impressa, vel evidentiori symptomate mutuari. Hac ratione *Putride* dicuntur, *Malignæ*, *Petechiales*, &c. Quandoquidem vero singula ferme constitutio præter has quas parturit febres, ad alium morbum aliquem magis Epidemicum eodem tempore propagandum proclivis est celebrioris nominis, cujusmodi sunt *Pestis*, *Variole*, *Dysenteria*, &c. non satis video, cur istiusmodi febres non potius sortirentur nomina a constitutione, quatenus horum morborum alterutri producendo favet, eodem illo tempore quo comparebant, quam a qualibet sanguinis alteratione, vel symptomate particulari, diversæ speciei febribus pari jure possunt competere. *Intermittentes* vero nomina sibi desumunt ab intervallo Paroxyfmi interjecto, atque hoc quidem charactere satis discriminantur, si variarum etiam anni tempestatum quibus contingunt, Veris sc. & Autumni, habeatur ratio. Licet nonnunquam earum aliqua de intermittentiæ natura revera participent, nullo charactere admodum visibili easdem prodente. Ut cum præmaturæ, *Jun-*

lio mense, v. g. intermittentes *Autumnales* ingrediuntur atque increbrescent, non statim genuinum typum induunt, (quod intermittentibus Vernis quidem solemne est) sed continuas febres ita per omnia imitantur, ut nisi castigatissimo utrasque examine trutinaveris, ab invicem discriminari non possint, ac retulo paulatim constitutionis impetu, & strænata vi, jam in typum regularem migrant, atque exeunte Autumno, larva abjecta, intermittentes se esse, quales ab initio reapse fuerunt, palam fatentur, sive *Quartanæ* illæ fuerint, sive *Tertianæ*: quod si non diligenter animadverterimus, cum magno ægrorum nostrorum malo medicantes hallucinabimur, dum hujusmodi febres, quæ ex intermittentiæ numero sunt, pro continuis veris & genuinis habeantur.

Porro, quod sedulo advertendum, cum plures aliquot horum morborum eundem fatigent annum, unus eorum aliquis reliquorum prædominio potitur, cæteris in ejus quasi ditior nem redactis, & parcius id temporis favientibus, ita ut illo augefcente imminuantur hi, eodemque rursus imminuto, mox recrudescent. Atque ita vicissim mortales laceffunt, prout anni genius & sensibilis aeris temperies huic aut illi magis suffragantur. Qui vero morbus circa *Æquinoctium Autumnale* maximopere furit & cumulatissimam edit stragem, totius anni constitutioni nomen impertit suum; quisquis enim fuerit morborum, qui ea tempestate præ cæteris invaluerint, principatum omnium qui isto anno invadunt, obtinuisse facile deprehenderetur, cujus ingenio Epidemici, quotquot sunt, *συννοσησι* se accommodant, in quantum eorum fert natura; v. g. *Variole* eo tempore latissime depopulantur, febris toto anno sparsim oberrans ejusdem plane inflammationis est particeps, quæ *Varioles* parit. Uterque nempe morbus ad eandem fere normam adoritur, maximaque inter maxime propria utriusque symptomata intercedit cognatio, (excepta *Variorum* eruptione; & reliquis, quæ ab illa pendent) ut ex ingenti illo tum ad spontaneos sudores, tum ad salivam excernendam propensione, in qua utriusque convenit, abunde constat. Pariter, cum *Dysenteria* dicto tempore præcipue fuerint grassata, febris, quæ eo anno intestat earundem indolem non leviter æmulatur, nisi quod illæ causam morbificam per sedes eliminant, & pauca alia exinde nascantur symptomata, quod tum a consimili utriusque morbi insultu, tum etiam quod utroque malo correpti *Aphthis* similibusque invicem symptomatibus admodum sunt obnoxii, satis evincitur. Et sane *Dysenteria*,

teria, de qua agitur, ipsissima illa febris est, hoc tantum discrimine, quod introvertatur & in intestina se exonerans per eadem viam sibi faciat. Notandum autem est, Epidemicorum illum principem, qui sub Æquinoctio Autumnali, ceu rupto aggere torrens, omnia straverat, ingruente hyemis frigore intra suum se alveum condere: cum ex adverso Epidemici inferioris ordinis, qui sub eo merentur, tunc temporis præsertim ingravescant & rerum potiantur, donec dictus anni princeps eorum vires denuo frangat, & deleat nomen.

Postremo observandum est, quoties constitutio aliqua varias Epidemicorum species parit, singulas has species genere ab illis differre, quæ cum idem plane nomen sortiantur, alia tamen constitutione generentur; quotcunque sint autem species illæ peculiare, quæ in una eademque constitutione invadunt, in communi una atque generali causa singulorum productrice, omnes conveniunt, hac scilicet aut alia aëris diathesi peculiari; & ex consequenti, quantocunque ab invicem, quoad typum, & formam specificam, intervallo distent. Constitutio tamen omnibus communis subiectam singularum materiam ad ejusmodi conditionem atque statum effingit, formatque, ut præcipua symptomata, quæ ad particularem evacuationis modum nihil attinent, omnibus paria sint; singulis etiam in hoc conspirantibus, ut eodem pariter omnes tempore & intendant sævitiam, & remittant. Notandum est insuper, quibus annis variaz illarum species grassantur uno eodemque tempore, eas omnes modo quo primum aggrediuntur, atque invasionis symptomatis, consentire.

Hinc itaque cernere est, variam admodum & accuratam naturæ methodum, quam ad morborum generationem adhibet, quam nemo hominum, arbitror, hætenus pro rei dignitate satis observando est assecutus. Atqui ex pauculis hisce omnino conficitur (cum specificæ popularium morborum differentiz, nominatim febrium, arcanæ annorum constitutioni innitantur) incassum desudare illos, quotquot diversarum febrium rationes a causa morbifica in humano corpore aggesta deducunt; nam liquido patet, quemlibet pancreaticæ licet valentem, si certa quædam hujus nostre regionis loca adeat, febre ibidem grassante intra dies aliquot laboraturum: vix autem credibile sit, manifestam aliquam *mutationem* ab aere præfati viri humoribus tam brevi impressum iri. Neque minus difficile est, generales regulas febribus his debellandis accommodare, & certos aliquos limites si-

gere, quos ultra citraque progredi, aut in iisdem consistere, non liceat. In hac itaque tam spissa rerum caligine, nihil mihi prius est, quam quando novæ febres grassari incipiunt, cunctari paulisper, & ad magna præsertim remedia non nisi suspensio pede ac tardius procedere; diligenter interim illarum ingenium atque morem observare; quibus itidem præsidiorum generibus ægri juventur vel lædantur, ut quamprimum his repudiatis, illis utamur.

Verbo dicam, Epidemicorum species omnes juxta Phænomenon suorum varietatem in classes redigere, ac characteres cujusque idiopathicos enucleare, nec non propriam medendi rationem unicuique sigillatim accommodare, ut res est multi otii, ac summe ardua, ita etiam cum nullo certo (aut saltem nondum explorato) annorum ordine emergant, ad jussum de iisdem observationum apparatus congerendum fortasse unius Medici ætas non suffecerit. At verò hic labor, utut sit improbus, prius est exantlandus, quam nos aliquid memoratu dignum in extricanda tam multifaria horum morborum serie præstitisse jure possimus gloriari.

At vero quibus demum modis, rationem reddemus distinctarum specierum *Epidemicorum*, qui non tantum, quatenus saltem nobis liquet, fortuito incurfant, sed etiam qui uno anno, aut certa aliqua annorum serie ejusdem sunt generis, anno alio specie ab aliis alii distinguuntur? Nulla hic mihi unquam methodus æque commoda est visa atque illa, quæ per sufficientem annorum numerum protensa, eodem illos ordine describeret, quo se invicem excipiebant. & inlequebantur. Quod ut jam pro meo modulo efficiam, historiam & curationes Epidemicorum, qui ab anno 1661. ad annum usque 1676. (per 15. videlicet annorum spatium) depopulabantur, ex accuratissimarum, quas mihi facere licuit, observationum fide orbi erudito tradam. Cum mihi impossibile plane videatur, effectum id dare, vel causas eorundem exortus assignando a manifestis aëris qualitatibus desumptas, vel multo etiam minus a particulari aliqua dyscrasia in sanguine atque humoribus, nisi in quantum secretæ aëris influentiæ illa deberetur. Quin & magis adhuc, si fas est dicere, impossibile fuerit variorum epidemicorum species tradere, qui a specificis aëris alterationibus oriuntur, quantumvis in proclivi illud esse videatur, istis videlicet qui febrium nomina attexere norint notionibus, in speculatione istarum alterationum, quæ in sanguine humano, atque ejus humoribus per-

volo, & quartanas) terga dabant victoribus. Hoc ordine morbi epidemici integram hanc aëris constitutionem pervadebant, & se mutuo insequiebantur. De his mihi sermo erit in specie, & nominatim tum de febre hac, tum etiam de intermittentibus, sive Ver, sive Autumnum attinerent, quibus hæc constitutio præ cæteris infamabatur.

Telam ordiar ab hac *Febre Continua*, quæ aliarum, quotquot sunt, omnium præcipua, & coryphæa mihi videtur, eo quod natura in hac præ aliis quibuscunque uniformiter, & ad eandem fere normam tum materiam febrificam ad debitam concoctionem perducatur, tum coctam certo ac præfinito tempore exigat eliminatque. Ad hæc, quandoquidem illæ annorum constitutiones, quæ intermittentes Autumnales promovent, communibus annis multo sæpius recurrant, quam illæ, quæ ad cæteros epidemicos faciunt, necessario sequitur, ut quæ illas comitatur febris continua frequentius accurreret.

At præter symptomata, quæ cæteras febres stipabant, dicta febris sequentibus insuper urgebatur: Æger plerumque animam tantum non agebat, vomituriebat, lingua sicca, & nigra, ingens ac subitanea virium consternatio, & partium externarum siccitas. Urina ubique, vel crassa, vel tenuis, utraque ex æquo cruditaris indicium. In morbi declinatione, diarrhœa, nisi forte Medicus principio obstitisset, superjungebat, unde morbus pervicacior redditus diutius affligebat. Sed suo ingenio ac propria indole vix ultra diem 14. vel 21. perdurabat, quo primum tempore, oborto sudore, vel potius leni madore, morbus solvebatur. Neque prius urinae coctionis signa prodibant, quod jam ut plurimum eveniebat. Quin, & alia superveniebant symptomata, quoties hic morbus minus perite tractabatur. At vero tum hæc, tum etiam omnis morbi genius clarius elucescent, ex peculiari methodo, quam olim huic febre accommodaveram, quam itaque huc transferam, (saltem quod ad rem nostram apprime faciat) prout jamdudum typis evulgaveram. Quo quidem tempore nondum mihi innotuerat, aliam aliquam febris speciem in rerum natura inveniri.

CAPUT IV.

Febris Continua Annorum 1661.

62. 63. 64.

1. PRIMO quidem adverto, inordinatam illam massæ sanguineæ commotionem

febris hujus seu causam, seu comitem, a Natura concitari, vel ut heterogenea quædam materia in eadem conclusa, ac ipsi inimica secernatur: vel ut sanguis in novam aliquam diathesim immutetur.

Atque in hoc negotio magis arridet latius, & generalius *Commotionis* vocabulum, quam vel *Fermentationis*, vel *Ebullitionis*; quippe quod inanis λογισμαχίας occasionem præscindat, quam fortassis istiusmodi voces (quæ etiam si explicationem non incommodam admittant, tamen minus propriæ, ac non nihil duriores nonnullis videntur) haud satis caverent. Quamvis enim cruoris in febribus *commotio*, liquorum vegetabilium alias *fermentationem*, alias etiam *ebullitionem* æmuletur, non desunt nihilominus, qui eandem non uno modo ab utraque plurimum differre arbitrantur. De *Fermentatione* unum alterumve ab illis sumatur exemplum. Primo, licet fermentescencia liquida vinosam quandam indolem ita nancisci soleant, ut spiritum ardentem ex iisdem distillatio eliciat, atque in acetum facile desciscant, quod ipsum insigni acore pollet; & spiritum acidum distillando exhibet: neutram tamen ejusmodi mutationem in sanguine hætenus observatam fuisse contendunt.

Deinde adverti volunt, quod cum in liquoribus vinosis *fermentatio* & *depuratio* eodem tempore peragantur, & quasi paribus passibus procedant, *depuratio* tamen sanguinis in febribus ejusdem *astuationem* non comiteretur, sed consequatur, id quod in paroxysmo febrili per sudores soluto, vel oculorum testimonio, patere existimant.

Quod autem ad *Ebullitionem* attinet, difficilior illis hæc videtur analogia, quæque experientiam habet summopere refragantem, in multis nimirum casibus, quoties non adeo estrænis est cruoris orgasmus, ut *ebullitionis* appellationem mereri possit. Verum utut sit, (neque enim hisce controversiis me ullatenus immisceri patiar;) quandoquidem *fermentationis*, & *ebullitionis* vocabula apud recentiores Medicos plurimum invaluerunt, ego quoque eadem subinde usurpare non dubitaverim, dummodo ex jam dictis satis constet voces istas in hoc Tractatu clariori solummodo dicendorum explicationi inservire.

Porro febrilem hanc sanguinis commotionem ob materię cujusdam heterogeneæ, ipsique Naturæ adversantis, secretionem ab eadem concitari, omne genus febrium, quæ eruptionibus stipantur, testatum facit, utpote in quibus istius ebullitionis sanguinis beneficio, sit excretio ad cutim excrementi in eodem latitantis, & prava qualitate affecti. Quini-

Quinimo nec, mea quidem sententia, minus liquet, febrilem sanguinis commotionem sæpe (ne dicam sæpius) non alio collineare, quam ut ipse sese in novum quendam statum, & diathesin immutet, hominemque etiam, cui sanguis purus & intaminatus perstat, febri corripì posse; sicuti in corporibus sanis evenire, frequenti observatione compertum est, in quibus nullus apparatus morbificus vel quoad plethoram; vel quoad cacochymiam fuerit, nulla insalubris aeris anomalia, quæ febri occasionem subministraret. Nihilominus etiam hujusmodi homines; præcedente insigni aliqua aeris, victus, cæterarumque rerum non naturalium (ut vocant) mutatione, identidem febre corripiuntur, propterea quod eorum sanguis novum statum, & conditionem adipisci gestit, qualem ejusmodi aer aut victus postulaverint; minime vero quod particularum vitiosarum in sanguine stabulantium irritatio, febrim procreet. Etsi nequaquam dubitem materiam in sanguinis despumatione post febrilem commotionem, solemniter excretam, vitiosam esse, quamvis sanguis laudabilem antea diathesin obtinuerat (id quod vix magis mirandum est, quam quod esculentorum portiones aliquot corruptæ, & sætidæ evadant, postquam insignem in corpore alterationem subierint, ac jam a reliquis segregatæ fuerint.)

II. Secundo ita mecum reputo, indicationes veras, ac genuinas, quæ in hoc morbo consurgunt, in eo versari, ut sanguinis commotio intra modum Naturæ proposito congruentem, sistatur; ea nimirum ratione, ut nec hinc plus æquo gliscat, unde periculosa symptomata insequi solent, nec illinc nimium torpeat, quo pacto, vel materiæ morbificæ protrusio impediretur, vel sanguinis novum statum affectantis labefactarentur conatus. Adeo ut sive materiæ heterogeneæ irritanti, sive cruori res novas molienti febris ortus debeat, indicatio utrobique eadem existat. Hisce positis fundamentis Therapiæ methodum hoc ritu instituo.

Quoties mihi cum ægris res est, quorum sanguis, vel per se imbecillior existit, (ut tere in pueris) vel iusta spirituum copia destituitur (ut in decliviori ætate, atque etiam in juvenibus diuturno, aliquo morbo confectis) a venæ sectione manum tempero. Enim vero si phlebotomiam his imperarem, sanguis etiamnum citra ejusmodi imminutionem plus satis debilis, despumationi suæ obeundæ prorsus impar redderetur; unde totius massæ perversio, ac proinde forsitan ipsius ægri interitus sequeretur (quemadmodum si cerevisiæ aut

alius cujusvis musti fermentatio intempestive sistatur, liquores illi vitium plerunque contrahunt.) Quippe particularum, quas semel terminare cœperit, quæque, tametsi dum reliquæ cruoris massæ æquabiliter immiscerentur, puræ extiterant, jam vero putredinem deterrimam acquirere, & cæteros humores gravi inquinamento inficere habiles evaserint, consortium Natura ferre amplius non potest. Quanquam haud me latet ægros temeraria sanguinis missione multatos, convenientium Cardiacorum usu aliquando servari, sanguinemque ad tenorem desecationi suæ peragendæ idoneum restitui posse. Sed præstiterat plagam non infligi, quam sanari.

Attamen ubi in contrariæ indolis sanguinem incido, qualis in juvenibus athletico habitu, & temperamento sanguineo præditis reperiri consuevit primum in curatione locum phlebotomiæ attribuo; quæ (præterquam in casibus inferius memorandis) sine salutis periculo hic omitti nequit. Nam alias non solum præ nimia sanguinis ebullitione, phrenitidum, pleuritidum, aliarum id genus inflammationum periculum immineret, sed præ copia etiam, impeditio omnimoda circulationis, & totius massæ quasi strangulatus consequeretur.

Mensuram quod attinet, mihi solemne est, eam duntaxat sanguinis quantitatem detrahere, quantum conjicere liceat, quæ ægrum ab incommodis, quibus immodicam ejusdem commotionem obnoxiam esse diximus, incolumem præstet. Estuationem vero illam deinceps rege ac moderor, phlebotomiam, vel repetendo, vel omitendo, Cardiacis calidis, vel insistendo, vel parcendo, ac denique alvum, vel laxando, vel compescendo, prout motum illum, vel efferari, vel languescere animadverto.

Post venæ sectionem (siquidem ipsa juxta casus præmemoratos necessaria fuerit) sollicitus sedulusque inquirō, punquid ægrum, vel vomitus, vel inanis aliqua vomendi propensio sub febris initium inturbaverit. Id si contigerit, omnino medicamen *Emeticum* præscribo, nisi, vel ætas tenella, vel insignis aliqua debilitas ægri ab eo temperandum suaserit. Sane vomitorium propinare, ubi istiusmodi prægressa est vomendi proclivitas, adeo est necessarium, ut nisi humor ille expellatur, in sentinam complurium malorum difficultas sit abiturus, quæ crucem figent Medico toto durante medicationis tempore, ægrumque in haud leve periculum conicient. Ex horum præcipuis, & maxime solitis est *Diarrhæa*; quæ ut plurimum in deservescen-

vim febris consequitur, quotiescunque Emetica, quando ea suadebat indicatio, omissa fuerit. In febris quippe progressu, ubi malignum in ventriculo humorem nonnihil subegerit Natura, & ad intestina amandaverit, illa ab acri humore ex hoc in stomacho fonte perpetim scaturiente usque adeo corroduntur, ut non possit non insequi *Diarrhœa*. Observavi nihilominus in febribus inflammatoriis, quæ malignæ vulgo habentur, omissionem vomitorii, tamen talis vomendi propensio præcesserit, *Diarrhœam* quemadmodum in hac febre, necessario, non inferre; sed de ista re plura in sequentibus.

Jam autem in eo versatur istiusmodi *Diarrhœa* periculum, quod æger satis jam morbo debilitatus, enervatur ulterius, & præterea (id quod majoris est in ipsius noxam momenti) in febris declinatione, quo tempore contrahere se sanguis, ac viam suam exerere debebat ad despumationis officium peragendum, penitus præpeditur hac emissionem.

Jam vero ne quid dubites humorem hunc in ventriculo nidulantem nisi forte vomitu eliminetur, hanc tragædiam (*Diarrhœam* dico) quasi ex insidiis aliquanto post daturum, inquisitione instituta numquam fere non comperies; si quando febrim hanc *Diarrhœa* comiteretur, ægrum in morbi principio iu vomitum proclivem fuisse: nec tamen Emeticum fuisse propinatum. Porro etiam compertum habebis, etiam si proclivitas illa ad vomendum jam pridem præterierit; diarrhœam tamen quamprimum vomitorium exhibueris plerumque cessaturam; dummodo Emetico ferendo pares fuerint ægri vires: Sæpius autem observavi diarrhœa semel oborta, medicamenta adstringentia, vel nihil omnino, vel parum admodum ad eandem sistendam conferre, sive intro sumpta, sive exterius applicata.

Emeticum, quale passim a me propinatur, hujusmodi fere est: *℞. Infus. Croc. Metal. ʒvj. Oxytel. Scillit. & Syr. Scabios. comp. aa. ʒss. M. F. Emet.* Quod hauriri jubeo tempore pomeridiano, duabus horis post leve prandium. Verum quo tutius, ac felicius vomitio subsequatur succedat, illud etiam in mandatis habetur, ut *Zythogale* ℞ vj. vel viij. sint in promptu, quippe quod periculosa sint ista medicamenta, nisi copiose diluantur. Ideoque quoties vomuerit æger, aut alvum exoneraverit, e vestigio sumendus erit haustus: quo facto, & inania illa tormina præcaventur, & vomendi conatus auspiciato procedunt.

Sæpe miratus sum, dum forte materiam rejectam aliquando curiose contemplantur, eam-

que neque mole valde spectabilem, nec pravis qualitatibus insignem, qui factum fuerit, ut ægri tantum levaminis exinde senserint. Nempe vomitu peracto, sæva illa symptomata (nausea, v. g. anxietas, jactationes, suspiria luctuosa, linguae nigredo, &c.) quæ & ipsos excruciant, & adstantes perterrefecerant, mitigari solent ac solvi, quodque morbi reliquum est & diu tolerari.

Illud hic loci non omittendum erit, si ægri conditio utrum auxilium postulaverit (venæ sectionem intelligo, & vomitorium) tutum omnino esse, ut venæ sectio Emetici exhibitionem præcedat; alias enim dum vasa sanguine distenta sunt, periculum imminet, ne ex violentis illis vomendi conatibus vel rumpantur vasa pulmonum, vel cerebrum lædatur, affuso cum impetu sanguine, atque effuso, adeoque æger Apoplexia correptus pereat. Cujus rei quamvis historias aliquot commemorare possim, illis tamen hic supersedere visum est, monuisse contentus maxima hac in re cautela utendum esse.

Si quis autem quærat, quo tempore febris vomitorium exhiberi velim, dico; In ipso plane febris initio, siquidem optio daretur, Emeticum propinarem: ita enim fiet, ut ab horrendis illis symptomatibus, ex humorum in ventriculo, locisque vicinis delitescunt illuvie ortum ducentibus, ægrum præmaniamus; imo vero & fortasse in ipsis quasi incunabulis opprimamus morbum, qui alias cum ægri periculo grandescet, ac longævus evadet, nutritus nimirum dictis illis humoribus, qui vel substantia sua in penitiores corporis partes transmissi cum sanguinis massa commiscuntur, vel ex ipsa mora pejores facti, atque venenata pravitate inquinati, ex foco suo jugiter pertransienti sanguini malignam auram afflabunt. Hujus rei (ne longius abeamus) Cholera morbus exemplum nobis exhibet; sit enim aliquando ut intempestiva opera vomitum in illo morbo cohibere satagentes (sive illud Laudano fiat, sive adstringentibus medicamentis) eo cohibito non minus periculosam malorum catervam invenhant. Humores enim acres corruptique, quorum exclusionem tantisper permittere oportuerat ut satis evacuantur, hoc pacto repulsi vires suas, ac sævitiam in sanguine exercent, febremque accendunt, quæ ut mali moris, & gravibus symptomatis stipata esse solet, ita nisi propinato Emetico, tolli vix poterit, etiam ægro jam nequidem vomituri.

Quod si, nobis (ut sæpe fit) sero accersitis, non licuerit, Emeticum propinando, ægro rum saluti sub febris initium consulere, certe

tamen convenire existimaverim, ut quovis morbi tempore illud fiat, modo vires eo usque morbus non attriverit, ut Emetici vim ferre jam amplius nequeant. Equidem ego die febris duodecimo vomitum imperare non dubitavi, etiam cum æger vomiturire desisset, neque sine fructu; eo namque Diarrhœam sustuli, quæ sanguinem in peragenda despumatione impedivit; quin & serius idem facere minime dubitarem, nisi virium attritarum ratio prohiberet.

Vespero, celebrata jam vomitione, semper illud ago, ut tumultum ab Emetico in humoribus excitatum confopiam, & quietem conciliem; ideoque sub noctem, vel hora somni, Paregoricum quempiam haustum exhibere jubeo. Ex. g. ℞. *Aqu. papav. rhœad.* ℥ii. *aq. Mirab.* ℥ij. *syr. de mecon* & *syr. papav. errat.* aa. ℥ss. *M. F. Haustus.*

At si vel ob copiosam sanguinis jacturam, quam curationis decursu passus est æger, vel ex movendi frequentia, dejectionibusque in Emetici hujus usu factis, vel ex præsentis ejusdem *anxia*, vel ex debilitate ejus, vel ex febris jam declinantis vetustate, nullum jam super sit in posterum concitandæ nimis ebullitionis periculum; tum metu procul habito, vice haustus præscripti, Diascordii satis largam dosin vel impermixti, vel aquæ alicui Cordiacæ sociati exhibere jubeo. Præclarum sane medicamentum, modo ea quantitate exhibueris, quæ remedii potius quam tituli mensuram impleat.

Hic autem loci, priusquam de Emeticis dicendi finem faciam, prætereundum non est, omnino tutum non esse (saltem in hac febre) vomitoria ex infus. *Croc. Metall. parata*, puerulis, ullisve infra adolescentiam constitutis vel minima quantitate exhibere. Optarem equidem, ut illius loco alia nobis tutiora, sed satis interim efficacia suppeterent, quæ humorem hunc in febris declinatione sere semper Diarrhœam minitantem radicitus exstirpare possent, vel saltem ut medicamento aliquo idoneo acrem istam materiam, ejusque vim corrosivam ita mutare liceret, ac retexere, ut commovere Diarrhœam nequiret. Sæpius profecto mihi molestum illud accidit, quod ad infantes, puerosque febre correptos accersitus, indicationem conspexi, quæ quidem medicamento usum suavit, cujus ope extra periculum collocari potuissent, quod tamen exhibere, veritus infelicem exitum, non sum ausus. Verum in adultis nullam inde noxam hæcenus observavi, modo cum cautionibus prædictis Emeticum propinetur.

Vomendi exantlato negotio, illud mecum

ulterius disquirere soleo, utrum evacuationibus prægressis non obstantibus, sanguis etiamnum adeo exarsuet, ut illius effervescentiæ limites adhuc ponendi sint, ac sustamen addendum; an vero eousque elanguerint ut indigeat incitamento; vel denique, an fermentatio ad gradum idoneum, ac debitum reducta permitti absque ægri periculo possit. De horum singulis nonnulla mihi dicenda sunt.

1. Itaque si sanguis eo usque exarsuet, ut merito adhuc suspicari liceat, ægrum vel Phrenitidi, vel alii alicui molesto symptomati, ex nimia sanguinis ebullitione prognato, obnoxium esse, postridie Emetici exhiberi *Enema* præscribo. Ut ℞. *decocti communis pro clystere* ℥ss. *Syr. Violarum & sacchari culinaris* aa. ℥ij. *M. F. Enema.* Idemque repeti, pro re nata jubeo, quo sæpe fit ut sanguine nonnihil ventilato refrigeratoque, illius effervescencia satis compescatur. Interdum tamen usuvenit, ut venæ sectionem etiam semel adhuc atque iterum repetere necesse sit, nempe in temperamentis admodum sanguineis, & ætate florentibus, aut in iis, qui nimio vini usu inflammatoriam quandam diathesin sanguini suo imprefferunt. Verum plerumque tanto, tamque insigni remedio (quale quidem est repetita venæ sectio) non opus est; ac proinde, si prædictos casus exceperis, effervescenciam illam Enematum adminiculo satis reprimeimus. Quare si sanguis nimium arsuert, atque effervescat, singulis, vel alternis diebus, prout res postulaverit, clysterem injici jubeo, idque ita fieri ad decimum usque morbi diem vel circiter. Veruntamen si magna vis sanguinis amissa fuerit, vel æger sit ætate provecta, tunc temporis Enemata nulla impero, etiam si sanguis multum effervuerit. In his etenim casibus, uti metuendum non est, ne omissis clysteribus, ebullitio concepta eo usque procedat, ut insignis alicujus, & infesti symptomatis periculum immineat; ita certissimum est, eorundem usu sanguinis robur, ac vim, atque (ut ita dicam, etsi minus proprie) tonum relaxari, eatenus quidem, ut in senibus præcipue (neque enim illis Enemata tam prospere, ac juvenibus cedere solent) naturæ opus inturbetur, atque impediatur. Quod si vena secta quidem fuerit, sed non multum sanguinis emissum, tunc, uti dixi, clysteres adusque decimum, plus minus diem impero; nonnunquam etiam adusque duodecimum; quod in illis præsertim obtinet, quibus sanguinem demere non audeo. Sunt enim, qui post intermittentes Autumnales (sive Tertianæ fuerint illæ, sive Quartanæ) febribus continuis, ex purgationis,

in præcedentis morbi fine, defectu, corripuntur; His si sanguinem miseris, periculum est, ne sedimentum illud, quod prægressa fermentatio deposuerat, in massam sanguineam resorbeatur, novasque turbas excitet. Venæ sectionis itaque loco, rebus ita se habentibus, clysteribus utor, & quidem ad diem usque duodecimum, modo æger sit juvenis, atque fermentatio nimis exaltata.

2. Verum e contrario, si venæ sectionem adhibueris, si venæ omiseris, si venæ sanguinis effervescencia nimis elanguescat, adeoque stimulo egeat, ne Naturæ juvandæ impar fuerit, tunc equidem, clysteribus etiam ante diem decimum, multoque magis eo præterlapso, prorsus abstinendum arbitror. Quorsum enim jacentem jam, & nimis elanguidam fermentationem ulterius compescere atque reprimere conaremur? Quod si vero post tempus illud, in morbi nempe declinatione, clysteribus utaris, profecto non minus absonum id fuerit, atque ab omni ratione alienum, quam si quis effervescenti cerevisiæ nimis amplum spiraculum aperuerit: Etenim aperto illo spiraculo præpeditur natura, quo minus ad morbificæ materiæ separationem unitis viribus incumbat. Postquam igitur vel mediantibus evacuationibus idoneis, atque opportunis, æger ita sit positus fuerit, quantum ad illa symptomata attinet, quæ ex nimia ebullitione nascuntur, vel morbus jam declinaverit, quanto magis astrictam illi alvum præstitero, tanto magis eum extra periculi aleam colloco; nempe febrili materia ad sui concoctionem suaviter, ac blande propendente. Quocirca si præcedentes evacuationes, sanguinæ massæ quasi laxitatem quandam induxerint, vel inducere minentur, vel æger ante debitum tempus febre levatus fuerit, vel etiam febris ad ultimam suam periodum pervenerit, non solum Enemata procul haberi volo; sed & Cardiacorum opem atque auxilium suggerendum arbitror, atque mox ad alvum adstringendam memet accingo.

Cardiaca vero quod spectat, quoniam usu mihi compertum est, eadem propere nimis exhibita non contemnendam noxam inferre (vena scilicet nondum secta metuendum est, ne materia cruda adhuc existens in cerebri membranas, &c. aut pleuram decumbat) ideo curæ mihi semper est, ne Cardiaca exhibeantur, dummodo vel nihil omnino, vel parum sanguinis emissum, nullaque alia insignior evacuatio facta fuerit, aut æger ætatis vigorem nondum exegerit, neque enim video, quorsum sanguis ejus per se satis locuples, ulterius in ipsius perniciem discederet:

Locuples autem atque opulentus satis est, neque succendiculis eger, quandiu evacuationes insignes calorem ejus insitum non prostraverint. Hujusmodi ægris domi nascuntur Cardiacæ, & quæ foris adduntur, aut frustraneæ sunt, aut etiam damnosæ: quapropter ego vel nulla omnino, vel saltem levissima permiserim. Interim vero si æger ex profusis evacuationibus lassus & languidus, vel ætate fuerit provectus, solemne mihi est, Cardiacæ vel in ipso febris initio propinare, morbi autem die duodecimo, negorio tunc temporis ad secretionem vergente, medicamentis calidioribus liberalius indulgendum censeo, imo paulo maturius idem fieri potest, modo non metuendum sit, ne febrilis materia in partes principes præceps agatur; Namque hoc tempore quo magis calefecerim, eo magis concoctionem acceleravero. Neque revera cogitando assequi possum, quid sibi velint Medici, cum sua præcepta toties ingeminant, de remediis ad promovendam febrilis materiæ concoctionem administrandis, id quod in morbi initio accersiti sæpe faciunt; nihilominus tamen eodem ipso tempore medicamenta ejusmodi imperare non dubitant, quæ febrim scilicet attemperare possint. Profecto enim est febris ipsa Naturæ instrumentum, quo partes impuras a puris secernat: hoc illa modo plane imperceptibili præstat ab initio, atque etiam in ætate morbi, verum in ejusdem declinatione apertius, atque manifestius idem opus aggreditur, id quod ex urina cernere licet. Materiæ febrilis concoctio nihil aliud revera significat, quam peccantis materiæ a sana separationem. Hanc igitur ut acceleres, non satagendum nescio quibus attemperantibus, sed febris effervescencia tandiu permitenda est, quandiu salus ægrorum passa fuerit, cum autem finem spectet, atque declinationem, secretionem jam conspicua, tunc quidem calidioribus medicamentis illam a tergo insequemur, ad rem eo celerius ac certius perficiendam. Atque hoc reipsa est febrilis materiæ concoctionem promovere; cum evacuationes & refrigerantia moras nectant, & curationem impediant, ipsamque sapientem jam appropinquantem abigant, uti sæpius a me fuit observatum.

Si fermentatio satis progrediatur, desputatio circa diem decimum quartum peragatur. Verum si refrigerantia quolibet serius adhibueris, atque ita eorum ope effervescencia sufflaminetur, mirum non est, si febris ad diem vicesimum primum, quin & in essetis corporibus male tractatis multo longius excurrat.

Illud porro observatu dignum est, quandoque accidere, ut æger clysterum aliorumve catharticum usu circa declinationem morbi intempestive præscriptorum, parum alleviari videatur, immo nonnunquam apyrexia omnimoda frui; post diem autem unum alterumve senties, non tam pristinam febrim vires suas redintegrasse, quam novam accendi, rigor nimirum, atque horror subito invadet, quem mox excipiet calor atque febris, idem stadium (nisi forsan in intermittentium classem se reponat) decursura; quod in præcedentibus monstratum fuit. Cum ita se res habeat, non aliter tractandus est æger, quam si antea feбри non derentus fuisset, verum quoad res agendas calcata jam vestigia repetenda; despumatio enim, quæ ceptæ jam ebullitioni debetur, non nisi prædicti temporis, scilicet 14. dierum spatio peragetur, utcumque molestum fuerit ægro, a prægresso morbo satis jam debilitato, eoque sanitatem expectare.

Cardiaca, quæ adhibeo, passim sunt ejusmodi, quæ statim subindicabo, quorum *moderationibus* utor in morbi principio, æstuatione maxime fervente; gradatim ad usum calidiorum, juxta morbi progressum, vel ebullitionis gradus pergens; semper memor licere, siquidem multum sanguinis missum, vel æger senex fuerit, ut Cardiaca fortiora administrantur, quam cum vel nulla præcesserit venæ sectio, vel æger ætate floruerit.

Moderata autem illa quæ dixi, Cardiaca fiunt ex aquis stillatitiis (*verb. gr.*) Borag. Citr. Scord. compos. fragor. Theriacal. cum admixtis Syrup. Melissophyl. Fernel. Caryophyl. & de succo Citr. &c. fortiora vero ex pulver. e Chel. Cancror. Comp. Bezoar. Confect. de Hyacinth. Theriac. Androm. aliisque ejusdem indolis. Quæ sequuntur in frequenti usu sunt.

℞. Aq. borag. citri, Scordii compos. & cassor. nigr. aa. ℥ij. aq. cinnamomi bordeati ℥j. margarit. preparat. ℥ij. sacchari crystallini q.s. Misce, sumat cochl. iij. sæpius in die, præcipue in languoribus.

℞. Aq. totius citri, & fragor. aa. ℥ij. aq. cord. frig. Saxon. ℥j. aq. iberiac. stillat. syr. melissophyl. Fernel. Caryophyl. & de succo citri, aa. ℥ss. Misce s. Julapium, de quo capias sæpius.

℞. Pulv. e chelis cancrorum compos. lap. bezoardici Oriental. & Occidental. contrayerve, aa. ℥i. fol. auri n. j. Misce, s. pulvis subtilissimus: Capiat ad quant. gr. xii. quoties opus fuerit, ex syr. e succo citri, & Caryophyll. aa. ℥ij. superhibendo cochl. aliquot.

Julap. præscript.

℞. Aq. iberiac. stillat. ℥ij. semin. citri ℥ij. contundantur simul & s. Emulsio. Colatura adde sacchari perlati q. s. ad gratum saporem, sumat cochl. 2. ter in die.

Plures vero formulas recensere supervacaneum arbitror; quoniam & innumeræ sunt, aut esse saltem possunt, & in morbi decursu juxta varia ejus tempora, ac diversa symptomata variandæ sunt.

3. At si fermentatio neque nimium æstuet, neque langueat, eam in isto gradu relinquo, nec ullis remediis utor, nisi ægrorum, vel amicorum, quibus stipantur, importunitas a me aliquid extorqueat, quod ipsis citra instituti, & scopi mei fraudem placeat.

Atque hoc loco non prætermittam, me sæpius ad *tenuis conditionis homines*, quorum crumena prolixo apparatusi Medico ferendo non erat, accersitum, nil fecisse aliud post venæ sectionem, & vomitionem peractam (siquidem eas postulasset indicatio) nisi quod ipsis præscriberem, aut toto morbi tempore lecto defixi, non nisi juscula avenacea, & hordeacea vel similia haurirent; tenuem cerevisiam (dempto frigore) moderate biberent ad sitim sedandam; Enema ex lacte saccharato singulis, vel alternis diebus usque ad diem decimum, vel undecimum injici curarent; & versus febris finem, ceptæ jam separatione, siquidem segnior esset, ad eam juvandam fortiorem subinde potum Cardiacorum loco, bibere ipsis permisi: Atque ita sine ulteriore aliquo apparatu, nisi quod leve Catharticum in fine morbi addere soleam, eos salvos, & incolumes dimisi.

Sed ut ad institutum meum revertar, si prædicta methodus sollicite observata fuerit, usitato circa 15. diem, tum ex laudabilis in urina separationis signis, tum etiam ex manifesta omnium symptomatum remissione, percipio tempestivum tunc esse potionem purgantem exhibere, quæ sedimentum e prægressa fermentatione hic illic depositum subducatur; quod nisi tempestive factum fuerit, periculum est ne in sanguinis massam remigret, ejusdemque febris recidivam conciliet; vel etiam sua in partibus naturalibus, ad quas amandatum fuit, mora, in mineram tenacium deinceps in corpore malorum feracem abeat. Nimirum separatione jam facta, humores crassi ac impuri ex arteriis sanguini in venis refluo immixti, regressum ejus facile impediunt, ex quo varia obstructionum, ac tandem fermentorum genera nascuntur.

Ubi tamen animadvertendum, non adeo plane necessarium esse post febres Vernales, atque

atque post Autumnales purgationem celebrare ; idque propterea , quod sedimentum a Vernalibus depositum cum copia , tum qualitate terrea , malignaque ab autumnali superetur . Quod ipsum etiam in Variolis obtinet , multisque morbis aliis Verno tempore grassantibus , in quibus purgantium omisso non tam grave periculum (quod ego quidem observaverim) quam in casibus prius memoratis inferre solet .

Et sane non multum is a veritatis scopo aberraverit , qui affirmaret ab hoc capite (purgandi scil. post morbos Autumnales omissione) plurimum morborum colluviam , quam ab ullo alio , quo demum cunque causarum fonte , dependere .

Si valde debilis sit æger , vel alioquin perfecta adeo depuratio facta non fuerit , ut audacter possim purgans exhibere die decimo quinto , rem differo ad decimam septimam , quo tempore sequentem , vel similem , pro ratione ægri virium , potionem propino . *℞. Tamarind. ʒi. fol. senna ʒij. rhubarb. ʒi. Coq. s. q. aq. Colature ʒiij. dissolve manna , & syr. rosac. aq. ʒj. Misce , f. potio cap. mane .*

Purgatione peracta , ægrum , hæcenus lecto , ex præscripto meo defixum , surgere , & paulatim ad pristinam victus rationem reverti jubeo . Ea quippe , quam ad hoc usque tempus præscripti , eadem propemodum est cum illa , quam modo commemorabam ; Uri jacula avenacea , & hordeacea , panatellæ ex pane & vitello ovi , in aqua cum saccharo confectæ ; jacula tenuia ex decocto pulli , cerevisia tenuis lupulata , cui quandoque æstuantæ ardore febrili , immisceri potest succus Aurantiorum recens expressus , & super ignem ad cruditatis tantummodo sublationem coctus , & his similia , quamvis jacula avenacea sint instar omnium . Negare vero cerevisiam tenuem , quæ subinde in mediocri quantitate sumatur , severitas est minime necessaria , imo sæpenumero etiam detrimentosa .

Accidit interdum (maxime in senibus , ægrum febrî jam curata , & corpore satis jam superque purgato , nihilominus valde debilem esse ; & quandoque tussi , interdum etiam screatu , magnam glutinosi , viscosique phlegmatis copiam expectorare : quod symptoma non tantum ægro terrorem iniecit , sed & ipsi Medico , præsertim minus cauto , imposuit , eumque in opinionem induxit , quasi affectus iste Phthisi viam sterneret ; licet observaverim ego , rem adeo periculosa non esse . Hoc in casu ægrum jubeo Vinum Melaganum , annosum , vel Falernum , sive Muscatum , cum

pane tosto ei immisso bibere , quod crasin sanguinis multum prægressa æstuatione debilitati (proindeque nuper ingestorum succis assimilandis imparis) corroborans , symptoma illud paucorum admodum dierum spatio abigit , ut crebra experientia mihi constat .

Hac ipsa , quam proposuimus ratione , ægrum a multis affectibus , symptomatibusque , quæ malignitati tribui solent , tutum præstamus ; cum nihil magis solitum sit Medicis in arte sua minus exercitatis , quam quando medicamentis nimis refrigerantibus , vel usu Enematum intempestivo , crasin sanguinis ita relaxarint , Naturamque in perficienda sanguinis depuratione adeo debilitarint , ut animi deliquia , aliaque symptomata (quæ genuina sunt ejusmodi impedimentorum arte positorum effecta) contingant , malignitati culpam transcribere : at si diuturnitas , in quam abierit morbus , eum ab hoc vitio vindicet , tum quicquid eos in medela deinceps fatigat , id *Scorbuto* acceptum referunt : quamvis reipsa neque symptomata , quæ accidebant , quandiu vigeat morbus , malignitatis erant effecta , neque ea , quæ contigerunt in declinatione ejus , *Scorbuto* , sed utrunque rei male gestæ debetur , quemadmodum crebro id a me observatum est .

Non quod ego , aut quisquam alius , qui morborum historiam vel delibaverit , nescius esse possit , febres esse , quæ non intemperie sola , aut putrido tantum calore , sed etiam maligna qualitate (cujus signa evidentissima in ægris non possunt non apparere) consistant : vel etiam quod inficias eam , complicari aliquando cum febre *Scorbuto* , & complures alios morbos posse : hoc tantum dico , hæc affectiones immerito sæpe in litem vocari .

Si fermentatio sanguinis rite processerit , fiet omnino materię morbificę despumatio intra tempus modo dictum . At si remedia refrigerantia , vel enemata serius exhibita fuerint , multo longius excurret febris , præcipue in hominibus grandævus , male a Medico curatis ; ad quos quandoque accersitus , postquam febrî per quadraginta dies & amplius laboraverant , nihil non expertus fui , quo despumationem sanguini inducerem : sed nempe usque adeo debilitatus erat sanguis , partim senio partim Enematibus , & medicamentis refrigerantibus , ut neque Cardiacis , neque ullis aliis corroborantibus remediis scopum meum assequi possem ; sed vel illorum febris virium suarum tenax permanebat , vel atque si adesse videretur , vires ægrorum admodum prostratæ erant , & tantum non emortuæ .

Aliorum autem remediorum successu frustratus alio consilium vertere saepe coactus fui, cum successu non vulgari; nempe adolescentulorum vivum vegetumque calorem ægris applicando. Nec quod quis multum miretur, hac methodo, licet inusitata, ægrum tantopere corroborari, naturamque debilitatam juvari, ut semet a materiæ secernendæ, eliminandæque reliquiis exoneret; cum proclive sit intelligere, insignem effluviis vegetorum copiam a sano, & athletico corpore in corpus ægri exhaustum transfundi. Neque unquam comperi iteratam calentium linteorum applicationem ullatenus id præstare valuisse, quod modo præscripta methodus præstitit, ubi calor applicatus tum magis est humano corpori congener, tum simul blandus, humidus, æqualis, perennisque. Atque hæc ratio, spiritus, & halitus, forsitan Balsamicos, in ægri corpus immittendi, ex quo ipse illam adhibui tempore, licet aliena primum videretur, ab aliis cum successu felici fuit adhibita: neque profecto me pudet hujus remedii meminisse, tametsi petulci quidam homines, atque arrogantes, omniaque vulgaria ingenti supercilio contemnentes, me forsitan hoc ipso nomine aspernabuntur. Ego enim proximi mei commodum, ac salutem vanis illorum opinionibus longe anteferebam censeo.

Methodus hæcenus enarrata, si quis illam prudenter, & cum destinato animi consilio observaverit, ægros, si non ab omnibus, saltem a plerisque molestis illis symptomatibus immunes præstabit, quæ hanc febrem vel comitari, vel eidem supervenire solent, quæque Medicum animi ancipitem, atque saepe in curationis decursu consilii pene expertem reddunt, imo & illius curæ commissos non raro e medio auferunt, etiamsi morbi natura mortem non interminari visa sit. Sed quandoquidem vel ægrorum culpa Medicum non satis opportune accersentium, vel ipsius Medici minori sive peritiæ, sive cautela, ejusmodi accidentia sæpiissime oborta cernuntur, non gravabimur peculiarem eorundem curam summam hic attingere; verum ad ea tantum symptomata me restringam, quæ, tametsi sæpenumero præverti potuerint, modo via atque ordine prædicto quis usus fuisset; cum tamen semel acciderint, diversam quandam, si-bique propriam curam postulant.

Atque (ut hinc ordiar) si æger, vel calidiora medicamenta nimis propere atque in-tempestive sumendo, vel calido nimis tempe-

ramento sua natura fretus, in (1) *Phrenitidem* prolapsus fuerit; (quod proxime illuc accedit) si non omnino dormiat, sæpe exclamet, aut inconditis vocibus utatur, si vultu ac loquela ferociat, si medicamenta, potumve communem avidè & quasi raptim bibat, vel denique urinam habeat suppressam; in hoc, inquam, casu, liberaliori manu, quam supra indulsi, ad venæ sectionem, clysteres, ac medicamenta refrigerantia me accingo, verno tempore præsertim, (quo etiam alias symptomate hoc non apparente, juvenes atque vegeto calore præditi, ejusmodi auxilia sine multo discrimine admittunt) atque talibus remediis utens, ægrum eoque sustinere conor, donec in diuturnitatem aliquam affectus excurrat, quo tempore non admodum difficile erit eum & a morbo, & a symptomate una eademque opera liberare: id quod fiet *Narcoticum* aliquod medicamentum in largiori paulo dosi exhibendo. Quamvis enim febre vigente, quæ ~~vaporem~~ vi prædita sunt non omnino proffit, neque destinatum a Medico scopum feriant; tamen opportune, & in declinatione morbi adhibita, præclaros effectus edunt: antea vero prodesse non possunt, partim quia fermentationem vi atque impetu procurrentem sistere nequeunt, etiam in maxima dosi exhibitæ; partim vero (quod quidem majoris adhuc momenti est) materiæ peccanti tunc temporis massæ sanguineæ æquabiliter admixtæ, neque versus separationem adhuc vergenti ab exhibitio hujusmodi medicamento manus injicitur, adeoque depuratio illa tantopere expetenda impeditur. Verum si hæc ratio sit hujusce phænomeni, sive alia aliqua magis abstrusa, judicent illi quibus animus atque otium est talia speculari. Interim ex fideli atque idoneo observationum plurimarum complexu rem ipsam certissimam esse pronuncio. *Laudanum*, vel alia quævis Narcotica in principio, augmento, vel statu hujus febris ad symptomata hoc levandum, vel non prodesse omnino, vel, quod sæpe accidit, etiam obesse; verum in ejusdem morbi declinatione eadem mediocri dosi adhibita non sine successu usurpari. Semel equidem Narcotico die morbi duodecimo usus sum, nec frustra; citius autem nunquam prospere exhibitum novi. Quod si autem illius usum ad decimum quartum usque diem distuleris, tanto magis proficuum evadet, separatione nempe perfectiori tum facta. Neque vero hæc mora tametsi forte astantes magnopere perterrefaciet hor.

(1) *Phrenitis*.

horrendum hoc symptoma, mortem statim subinfert; cum sæpe observaverim, hanc rem plerunque inducias ferre posse, ac solere, donec ad Narcotica descendere fuerit opportunum; saltem si caveatur, ne *Cardiacis*, calidisque medicamentis adhibitis, intemperies capta accendatur uberius, quo casu ægri subito pereunt. Narcotica, quibus ego uti soleo, sunt vel *Landanum Lond.* ad gr. 1. β . vel sequens. *Rec. sſk Paralyf. M. 1. Coq. s. q. aq. cerasor. nigr. Colaturæ* \mathfrak{z} ij. *Dissolve syr. de meconio* \mathfrak{z} ss. *succi limoniorum Cochl. s. Misc.* vel *Rec. aq. cerasor. nigr. sſss. Epidem. pæ* \mathfrak{z} ij. *Laudani liquidi gust. xvj. Syr. Caryophyll. sſj. misc.*

Illud unicum hic addere placet, quod ad hanc rem observasse non inconsultum arbitror; nempe si symptoma hoc eousque inducias ferat, & febris adeo ut in diuturnitatem abeat, ut æger ante assumptum Narcoticum commodè purgari possit, medicamentum illud tanto felicius effectum suum editurum. Quocirca ego imperare soleo *Pil. coch. ma.* \mathfrak{z} ij. in aqu. Betonicæ dissolut. atque hoc. 10. vel 12. horis ante Narcotici exhibitionem. Neque metuendum est a tumultu illo, quem calidior illa massa pil. alias excitare solet: subsequens enim Narcotici vis pensabit illas turbas, & quietem suavissimam, blandissimamque inducet.

Quod vigilia ultra febrem excurrant, cessantibus aliis symptomatibus, observavi, linteum in aqua rosar. immersum, & frigideincipiti, ac temporibus applicatum, plus quam Narcotica quævis prodesse.

Sæpe accidit ægrum per totum morbi decursum (1) *tussis* molesta divexari; nimirum commota vehementer, ac tumultuante sanguinea mole, omnibus jam ad seditionem, & partium studia spectantibus, sit, ut humores quidam soluti diffluentisque e massa sanguinis per vascula pulmonaria, vel etiam per diapedesin in tracheæ membranam internam, teneriorem scilicet atque exquisito sensu præditam, transferantur: hinc *tussis* oboritur, quæ primo sicca est, quoniam tenuis adhuc materia vim expultricem eludit; mox crassescit, atque expectoratu difficilis evadit, eo quod sensim febrili calore torreatur, atque asseretur: hinc fit, ut suffocationis metu percellatur æger, utpote cui vires desunt ad lentam hanc viscidamque materiam tussis eliminandam. Ego in hoc affectu raro alio aliquo medicamento utor, præter oleum a-

mygdalarum dulcium recentè expressum, nisi forsitan acciderit, (accidit autem aliquoties) ut ægrotus oleum prorsus aversetur; tunc enim vulgaribus illis pectorabilibus, ut licet, opem ferre conamur. Interim oleum illud amygdalarum, si quidem illo per ægrum uti liceat, Bechicis albis anteponendum censeo, ob eam causam præcipue, quod cum necesse sit hæc liberalius, & majori quantitate exhibere, modo prodesse velimus, hoc pacto ventriculum jam satis superque debilem, & ad nauseam proclivem oneramus: nonnunquam etiam eadem opera præpedimur, ne reliqua, eodem ipso tempore transigenda, procuremus. Neque vero satis aut intellectu assequor, aut experientia eo ductus sum, cur ab huius olei, quod jam diximus, usu in febribus abhorreamus, eo quod scilicet inflammabile sit, adeoque metuendum, ne febrim adaugeat. Fac enim illud sua natura calidum esse, certe tamen calor ille tantus non est, ut aliunde non abunde pensetur: præ cæteris enim manifesta vi pectori conducit, aperitque vias, ac lenit, adeoque expectorationem promovet, qua (præsertim si copiosior acciderit) tum exoneratur sanguis a molesto humore, commodè jam excreto, tum eadem opera nonnihil refrigeratur, adeoque me non admodum male habet, si quando viderim symptoma hoc intercurrere, cujus beneficio non parum etiam ægro beneficii accedit. Illud unicum nunc moneo, una eademque vice tutum non esse, totis cochlearibus hoc oleum exhibere; periculum enim est, ne & ventriculo nauseam, & alvo fluxum inducam; parce itaque sed frequenter interdiu noctuque propinandum erit, quo non solum expectoratione facta tussim leniemus, verum etiam, quod alicujus momenti est, attritas ægri vires blando nutrimento nonnihil solabimur.

Fit nonnunquam, ut (2) *hemorrhagia narium* superveniat; sive quod medicamenta nimis calida in morbi initio fuerint exhibita, sive quod ebullitio non satis coercita fuerit, ægro nempe, vel in florenti ætate constituto, vel anni tempestate coadjuvante. Hoc si fiat, non admodum juvabunt ea quæ ad sistendum sanguinis motum vulgo fieri consueverunt, qualia sunt venæ sectiones, ligaturæ, medicamenta adstringentia, atque agglutinantia, vel etiam sanguinis acrimoniam contemperantia, &c. quamvis enim pro Medicorum consilio, ac prudentia, his atque hujusmodi aliis uti liceat; in eo tamen cardo rei vertitur, ut

 (1) *tussis*.

 (2) *Narium hemorrhagia*.

ut idoneo aliquo medicamento sanguinis ebullitioni frænum imponatur, quod sistat, figatque illius impetum in præcipitia quæque ruentem. Verum quidem est, si symptoma scorsum spectetur, ea quæ supra enumeravimus (ac venæ sectionem potissimum) accommodata satis esse, nec ergo ipse dubitarem iisdem uti; sed nempe symptomatici huius causam (saltem si phlebotomiam exceperis) non satis attingunt, quam profecto non majori ratione per prædicta tollere, quam si gladio ignem extinguere satageres. Ego itaque in hoc casu, frustra aliis tentatis, tale quippiam adhibere soleo, quale nunc subnectam. *Rec. aq. portulacæ, & papaveris erratici aa. ʒij. Syr. de meconio ʒvj. Syr. paralyseos ʒss. M. f. haustus.* Nolim autem hæc ita intelligi, quasi hæmorrhagiam quamlibet ita statim curari velim, quin potius illa sæpe permittenda est, atque ægro plurimum prodesse potest, partim nimiam ebullitionem reprimendo, partim etiam critice aliquando morbum solvendo. Atque revera parum proderit huic symptomatici frænum prædictum aptare, priusquam illud aliquantisper excurrerit, vel etiam priusquam vena in brachio secta fuerit. Illud diligenter advertendum est, hanc ipsam, atque alias omnes immodicas hæmorrhagias peculiare illud obtinere, quod quamprimum illæ quomodocunque sedatæ fuerint; nisi leniens aliqua purgatio celebretur, merus est ne recidivam æger patiatur; proindeque purgandum erit, quamvis (si febris tempora spectentur) serius aliquanto id fieri soleat, atque debeat, nisi symptoma hoc accesserit.

Hoc symptoma plerumque senibus accidit post copiosas evacuationes, vel per secessum ex diarrhœa, vel maxime per vomitiones, atque sæpenumero mortem præ foribus adesse denunciat. Ingenue fateor, me mihimet ipsi de (1) *Singultus* causa disquirenti satisfacere non posse: nihilominus observavi sæpe illum ex turbis, ac tumultu ab asperioribus medicamentis in ventriculo locisque vicinis excitato, ortum ducere, quibus sedandis, atque in pristinam pacem reducendis cum Naturæ vires non susceperint, fit ut ingens periculum immineat: proindeque consentaneum existimavi curam eo dirigere, ut quod Natura per se nequibat, artis adminiculo sussulta perficeret. *Diafscordium* igitur larga dosi exhibitum, nempe ad ʒij. a scopo meo non aberravit, cum *semine anethi*, aliisque, quæ tan-

quam specifica decantantur, usus nihil profecissem.

Si in morbi huius decursu (2) *Diarrhœam* abortam conspexeris, quæ (uti jam alicubi supra notavimus) accidere tum solet, cum in morbi initio vomitorii propinandi indicatio se obtulit, neque tamen illud propinatum fuit; dico in hoc casu convenire, ut quovis morbi tempore (nisi vires contra indicaverint) *emeticum* exhibeatur, etiam si jam pridem illa ad vomendum propensio præterierit. Quoniam autem hac de re satis opinor in superioribus pagellis a nobis dictum est, illud hoc in loco duntaxat annectam, quid facto sit opus si exhibitio licet Emetico nihilominus *Diarrhœa* supervenerit. Quod tamen oppido rarum est, nisi in febris inflammatoria, ubi vomitorium, hoc symptoma non solum non impedit, sed quandoque creat, quod notatu dignum est. Itaque cum sic se res habuerit, præ quibuscumque astringentibus huiusmodi clysterem profuisse comperi. *Rec. Corr. granator. ʒss. ros. rubr. p. ij. Coq. in lactis vaccini f. q. Collatura ʒss. dissolve Diafscordii ʒij. M. F. Enema.* Non suaserim, ut majori quantitate clysterem injicias, quamvis enim propria vi adstrictionem polliceatur, meruendum tamen est, ne sua mole laceffat intestina, adeoque fluxum alvi, quem consopire animus erat, uberius provocet.

Sed forsitan objiciet his aliquis, magis e re videri, ut præsertim declinante morbo; diarrhœam, si quidem acciderit, permittas potius quam sistas, quandoquidem fluxus ille alvi nonnumquam criticus est, morbumque solvit. Respondeo, me non inficias iturum, fieri aliquando, ut febris per hanc portam sibi viam faciat, atque effugiat; verum illud rarius accidit, quam ut illius spe quicquam moliamur: quin & ratio illa, qua de medela febrium universim locuti fluxus huiusce sistendi necessitatem ostendere conati sumus, etiam hic omnino locum obtinet. Nunc autem illud addendum est, mea quidem sententia animadversione non indignum, nempe ad genuinam sanguinis depurationem non tantum necessariam esse illam quarundam partium secretionem, quæ per *feces* fit, sed requiritur etiam ut secernantur alix, tanquam *flaves*, id quod in aliis etiam liquoribus opulenti atque heterogeneis quotidie cernimus. Itaque si diarrhœæ nimium indulseris, mediam solummodo depurationem, tantopere expe-

(1) *Singultus*.

(2) *Diarrhœa*.

expetitam, procurabis, atque etiam forsan, quod postremo in loco rejiciendum erat, primo excernetur. Fateor equidem separatione illa per flores jam facta (quæ, ut obiter id attingam, sensim, & sine sensu peragi solet, atque plerumque paulo pleniori diarrhæam, si forte acciderit, periculi non multum interminari. Sciendum tamen est, illam tum non aliunde accidere, quam quod purgatio subducendis fecibus dicata, non opportune exhibitæ fuerit, quæ quidem feces mora sua fermenti alicujus maligni indolem adeptæ, intestina jam ad excretionem irritant, stimulantque; ut omittam dicere, liquidissimam illam excrementorum consistentiam (tali enim forma plerumque visuntur) satis indicare ea pro critica morbi solotione habenda non esse.

Forfan etiam inter symptomata febribus supervenientia recenseri potest (1) *Iliaca passio*, eo quod vomitus enormes, qui initio febrium accidere solent, huic occasionem quandoque subministrant.

Horrenda hæc effectio est, & huc usque omnium fere judicio funesta, ex intestinorum motu inverso, ac præpostero originem ducens. Nimirum intestinorum fibræ, quæ a superioribus versus inferiora contracti debent, contrahuntur ad superiora, & quæcunque in intestinis continentur non versus alvum, sed ventriculum protruduntur, & impetu facto ad os regurgitant; adeo ut Enemata, quantumcunque acria, Emetica evadant, ubi etiam Cathartica per os assumpta per vomitum subito excernuntur. Et, mea quidem sententia, exquisitus ille, ac intolerandus dolor huic morbo superveniens, non aliunde oritur, quam ex præpostero intestinorum motu modo dicto. Dum enim sinus illi, quos multiplices intestinorum circumvolutiones constituunt, ita a Natura formati sint, ut ad descensum fecum quam aptissime conducerent, cum ii, inquam, notui suis fibris contrario cedere cogantur, excitur inde prædictus dolor; qui quidem uni parti instar terebelli infigitur, cum aut alvula, quæ ad initium coli appositæ excrementorum ad ileon regressum impedit, aut lia quævis membrana ad sinum pertinens, im hujus præposteri impulsus sola sustinet.

Hujus vero inversionis, unde dolor ille exoritur, duplicem causam assignare licet. Obstructionem nempe, vel irritationem.

Primo igitur quæcunque intestina vehementer obstruunt, ut nihil per inferiora descende valeat, hunc contrarium in intestinis motum ut producant necesse est, & nemini

non notum. In horum censum ab Authoribus referri solent faeces induratae, flatus crassi magna copia collecti, ac intestina velut in nodum convolventes, constrictio intestinorum in hernia, inflammatio denique, alique tumores magni, qui cavitatem internam intestini occludunt. Interim vero haud negandum, quod motus contrarius hisce causis originem debens, potius ingestorum, quam intestinorum motus habendus, neque hæc totius intestinorum ductus inversio est, sed illorum tantum, quæ supra sedem istius obstructionis sita sunt. Quam ob causam *affectio Iliaca* hinc profecta a me *notba* appellatur.

Secundo vero opinor, quod in affectu iliaco causa inversionis peristaltici intestinorum motus ut plurimum ita se habet. Nimirum ex tumultuante sanguine in febris nuper concepta, in ventriculum, & proxima intestina deponuntur humores acres, & maligni, ex quibus ventriculus primo motum suum invertit, ac violento impetu materiam molestam in eo contentam per os rejicere cogitur. Ventriculi tandem motui validiori intestina renuunt, ipsi continua, jam debilitata cedunt, & cum his demum *majora* in consensum trahuntur, vomituriente ventriculo, quasi choream ducente. Hunc affectum *verum ileum* voco, & ille hujus loci est. Methodus eum curandi hætenus fere incognita fuit, quicquid nonnulli jactent de usu *argenti vivi*, & *globulorum*, quæ præterquam, quod parum conducunt, noxam sæpe haud contemnendam inferunt. Ego cum felici successu hac methodo utor.

Quando liquet ex clysteribus per os rejectis, & aliis signis verum esse ileum, tunc in hæc tria enitor. 1. Ut contrarius iste ventriculi motus, qui similem motum in intestinis efficit, impediatur. 2. Ut intestina acri humore debilitata corroborentur. 3. Ut ventriculus, ac intestina ab istis humoribus liberentur. Quibus indicationibus ut satisfaciam, curationem hoc ritu instituo. Primo *salis absinthii* ℞j. ex cochleari uno *succi limonum* mane, & sero sumendum præscribo, intermediis vero temporibus *aque mentæ stillariæ* sine saccharo, aliove quovis additamento cochlearia aliquot bis quaque hora propino, cujus vel solius repetito usu, & vomitus, & dolor ex eo natus subito evanescent. Dum hæc fiunt *catulum viventem* nudo ventri indefinenter accumbere jubeo. Postquam vero dolor cum vomitu per spatium bidui tridive omnino cessaverit, tum *pil. coch. maj.* ℞j. in aqua mentæ dissolutam exhibeo, quam etiam aquam (quo certius vomitus recursum præ-

(1) *Iliaca passio*.

verram) toto cathartico tempore sapius summandam injungo. Neque catulus removens, antequam usum pilularum ager aggregariatur.

Observavi frustra pilulas istas, vel quodvis aliud catharticum, utcumque forte propinari, donec ventriculo corroborato, atque adeo ad motum naturalem reducto intestina etiam ad proprium motum aequè reducta fuerint. Alias enim cathartica omnia intus assumpta emetica evadent, & plus damni quam commodi inferent. Inde est, quod remediis purgantibus viam facere non aggredior, donec per spatium quoddam medicamentis istis ventriculum respicientibus usus fuerim.

Victum valde tenuem aegro præscribo, ita ut nonnisi cochlearia aliquot jusculi ex pullo Gallinaceo parari sorbenda bis vel in die permittam. Interim vero ut per totam agrotationem in lecto decumbat jubeo, donec perfectæ sanationis signa appareant, ac etiam post sanationem per longum tempus in prædictæ aquæ usu persistere, & laneis duplicatis ventrem a frigore bene defendere impero, quo minus recidiva fiat, cui hic affectus præ omnibus aliis est obnoxius.

Pauca hæc universam meam in curando hoc affectu methodum exhauriunt, quam a nemine consulto ob simplicitatem suam, & splendidiorem sive verborum, sive pharmacorum apparatus defectum, aspernatum iri confido.

Atque hæc sunt illa symptomata, quæ in febre hac occurrere solent. Sunt autem & alia quædam, quibus memorandis nunc supersedebimus, partim quidem, quoniam ea minoris momenti sunt; partim vero, quod peculiarem nullam curationem postulent, febres enim rite tractatæ sponte sua cessant.

De Febre continua hujus constitutionis, ac de symptomatibus ejus hæcenus.

C A P U T V.

Febres Intermitteutes Annorum, 1661.

62. 63. 64.

Quandoquidem, ut jam sumus præfati, quæ prædictos annos omnes constitutio pervasit, producendis omnium generum *Intermittentibus* tam egregie favit, quas tum de illis feci observationes haud indiligentes, hic impertiam. Addam insuper, & quæ de paucis illis intermittentibus observavi, quæ ab illo deinceps tempore sporadice contigerunt, quo minus orationis filum insequentium deinceps annorum historiam complectentibus, cogar intercidere.

Primo loco quo naturam illarum atque genium conjectura saltem assequamur, advertendum est, quod in paroxysmis febrium intermittantium hæc tria tempora spectanda sunt. 1. Tempus *Exborrescentiæ*. 2. Tempus *Ebullitionis*. 3. Tempus *Despumationis*. Et quidem ad *exborrescentiam*, quod attinet (ut de rebus summam loquar) ego illam exinde oriundam arbitror, quod materia febrilis, quæ nondum turgescens a massa sanguinea utcumque assimilata fuerat, jam tandem non solum inutilis, verum & inimica Naturæ facta, illam exagitat quodammodo atque laceffit; ex quo fit, ut naturali quodam sensu irritata, & quasi fugam molita, *rigorem* in corpore exciter, atque *horrorem*, *aversionis* suæ testem & indicem. Eodem plane modo, quo poriones purgantes a delicatulis assumptæ, aut etiam toxica incaute deglutita, horrores statim inferre solent, aliaque id genus symptomata. Natura itaque hoc pacto irritata (ut ad tempus *ebullitionis* jam transeamus) quo facilius hunc hostem a suis cervicibus depellat, *fermentationem* aggreditur, solemnem nempe machinam, qua in febribus, & quibusdam aliis acutis morbis uri consuevit, cum sanguinis molem ab intestinis inimicis liberare conetur: hujus enim effervescentiæ beneficio disjunctæ peccantis illius materiæ partes, quæ sanguini æquabiliter admixtæ fuerant aggregari quodammodo incipiunt, atque adeo leviori opera subigi possunt, ut ad despumationem opportune evadant. Et quidem ut hoc fiat vel ex eo plurimum referre constat, quod qui ex febribus intermittentibus moriuntur, siquidem in paroxysmo pereunt, in primo illo tempore (*exborrescentiæ* scilicet) fato fungantur; nam si ad tempus effervescentiæ pertigerint, saltem pro illa vice non moriuntur. Atque per hæc duo tempora res ægrorum in angusto versantur; quibus elapsis, tertium tempus, quod *despumationi* dicatum est, insequitur, quo succedente symptomata omnia primo leviora sunt, atque tandem plane evanescunt. *Despumationis* autem nomine nihil aliud significatum volo, quam materiæ febrilis jam subactæ, & quasi devictæ, expulsionem, seu separationem; atque illud quod separatur, partim (ut in aliis liquoribus cernere licet) *florum*, partim *secum* rationem, & sortem obtinet.

His ita positis, videamus quomodo fiat, ut redeat paroxysmus, quandoquidem ægrorum fors in vado jam constituta videtur. Nimirum febrilis materia nondum tota emigravit, sed quemadmodum apud Embrya statis tem-

pори-

poribus sensim succrescunt, ita latens hæc materia pro typorum ratione denuo caput effert, ac novum negotium Naturæ facessit, idem stadium decurrens, quod in præcedentibus modo ostendimus. Nunc autem si quis a me causam quæsierit, cur fomes ille delitescens effervescentia præcedenti non satis subactus, ac proinde cum reliqua materia peccante non expulsus, proindeque novas tragedias daturus, non eodem modo in omni febre intermittenti progrediatur (nam nunc unum, nunc duos, nunc tres dies exigit, priusquam ad maturitatem perveniat, novumque paroxysmum excitet,) de hac re, inquam, si quis mihi negotium exhibeat, ego plane me nescire fateor. Neque vero quisquam alius, quod sciam, in hac causa tam præclare se gessit, ut arcanum hoc opus Naturæ satis enarrasse videatur. Ego Philosophi nomen non ambio, & qui titulum illum se mereri existimant, atque me fortassis hoc nomine culpandum putabunt, quod in hac penetralia non irrumpere conatus sim, moneo illos, ut in aliis Naturæ operibus, quæ ubique nobis obversantur, vires suas experiri velint, antequam aliis dicam scribant. Libenter enim quæsierim, cur *equus* ad *æquum* suam pertingat septem annorum spatio, *homo* 21. cur in *plantarum* regno, hæc mense *Majo*, illa *Junio*, ista alio florere soleat, ut innumera alia nunc sileam. Quod si doctissimos quosque viros non pudeat suam ignorantiam in his rebus palam fateri, non video, cur mihi vitio verti debeat, si in re non minus difficili, atque forsitan prorsus inexplicabili, manus ab *ἐπιτομή* abstineam; quippe cum persuasissimus sim, Naturam non minus hic loci, quam in aliis quibuscumque, methodo quadam certa atque ordine progredi: *quartanosa* enim (ut sic dicam) ac *tertianosa* materia non minus Naturæ legibus subjacet, iisque regitur, quam alia corpora qualiacunque.

Cum rigore atque horrore in universum *intermittentes* omnes incipiunt, cui mox calor succedit, atque huic deinceps sudor. Per utrumque paroxysmum, tum illum quo friget æger, tum quo plus satis incalescit, vomit ut plurimum, vehementer ægrotat; cum ti, & lingua arida, &c. Quæ quidem symptomata, iisdem omnino gradibus recedunt, vibus provehitur sudor, quo uberius prorumpente paroxysmus solvi videtur. Satis recte alet qui modo ægrotabat, donec paroxysmus eriodo sibi consueta denuo recrudescat; in *quotidiana* scilicet quolibet *ἡμέρῃ*, in *Tertiana* alternis diebus, in *Quartana* tertio quæ die, calculatione videlicet facta ab unius

paroxysmi initio, ad initium subsequæntis. Licet haud raro ingeminentur posteriores duo, ita Tertiana quolibet die invadat. Quartana per duos dies continuos, tertio quidem ab insultu libero manente; quandoque etiam tribus diebus continuis infestet, cum *Triplex Quartana* est, morbo ab isto, quem primum assumpsit, Typo nomen sortiente.

Quæ sane paroxysmorum reduplicatio nonnunquam a materiæ febrilis excessu activitateque nimia producitur, quo in casu paroxysmus *adventitius primarius* antevertit; nonnunquam etiam a virium prostratione, cum in ægro nempe nimium illæ fuerint dejectæ, & paroxysmi vigor retusus, sive refrigeratione intensiore, sive etiam evacuationibus præter modum effusis: in hoc vero casu cum paroxysmus adventitius primarius insequitur, mitius insuper, neque ita prorsus diu atque alter, ægrum affligit. In priore instantia, materiæ turgescencia sive *ὀψυασις* tardius revertentem, & sibi debitam periodum nequaquam præstolatur, ac proinde aliquanto præmaturius desumpatione sua defungitur: in posteriore autem cum sanguis non jam ea vi polleat, quæ materiæ febrili uno impetu excutiendæ sufficiat, mox alium de novo paroxysmum substituit, quo ejus reliquias e sinu suo exturbet. Quinimo e duabus hisce causis sibi invicem adversantibus forte etiam pendet tam paroxysmorum anticipatio in febre intermittente ordinaria, atque regulari, quam eorundem tardior accessio; quarum utraque in his febribus frequenter occurrit, quæ *ἡμέρας* omne percurrunt, vel solitum paroxysmi tempus anticipantes, vel eo serius accedentes.

Februm autem intermittentium quædam *Veris* sunt, quædam *Autumni*: quamvis enim in tempestatibus intermediis nonnullæ oboriantur, quoniam tamen illæ, & minus frequentes sunt, & ad prædictas reduci possunt (illas nempe quibus magis appropinquant,) idcirco omnes sub duobus hisce generibus, *Vernalibus* nempe, atque *Autumnalibus*, complectar. Tempora ad quæ particulariter *ἡμέρας* referuntur, menses sunt *Februarii*, atque *Augusti*; licet quandoque *martius* invadant, tardius etiam nonnunquam; prout scilicet uberior parciorve in aëre apparatus, vel ad easdem producendas facit, vel officit, & ex consequenti magis etiam minusve epidemice deprædantur. Cujus rei exemplum habemus satis obvium in febribus intermittentibus *Autumnalibus* anni 1661. quo anno memini, scæminam quandam ædibus meis vicinam primo *Quartanæ* suæ paroxys-

mo, ipso *Joannis festo* correptam fuisse. Et complures alii circa idem tempus præmaturum febribus illis correpti fuere, quæ postmodum adeo epidemice evaserunt; quod argumento est magnum tum fuisse in ista quæ tunc obtinebat aeris temperie, ad istos morbos apparatus, qui deinceps procedente anno stipatioribus grassabantur.

Et quidem usque adeo necessaria est hæc febrium distinctio, ut nisi eadem in praxi sedulo contemplerur, neque de earum duratione prognostico aliquo rite facto quicquam pronunciare, neque quomodo regimine ægrorum corpora curare poterimus, habita tum tempestatum, tum naturæ febrium diversæ ratione. Verum quidem est febres utriusque tempestatis ingenium non plane dissimile nancisci, siue modum spectes primi insultus, qui cum horrore primum incipit, mox in calorem erumpit, ac tandem per sudorem solvitur; siue typorum discrimina, quorum respectu quædam *Tertianæ* sunt, tum *Vere*, tum etiam *Autumno*. Interim tamen non dubito, quin febres istæ tota sua natura, siue essentialiter distinguantur.

Atque ut de (1) *Vernalibus* primo dicam, illæ fere omnes vel *Quotidianæ* sunt, vel *Tertianæ*, & vel serius, vel ocys ingruunt pro vario tempestatis apparatu. Nam per brumale frigus spiritus concentrati vires in suo recessu sibi acquirunt, quos appropinquantis postea solis calor jam vegetos evocat, qui cum viscidis humoribus (minus tamen viscidum sunt hi, quam quos in Autumno prægressi fervores excoxerunt, ac torrefecerunt) commissi, quos durante hyeme natura in sanguinis massa congefferat, dum avolare nituntur, implexi detinentur, & quasi irretiti, adeoque vernam hanc ebullitionem concitant. Eodem plane modo quo vasa cerevisia repleta, atque in arena, vel cella frigida diutius reposita, si igni admoveantur, tumultum statim concipiunt, & liquor ad volatum pronus est. Sanguis hoc modo affectus purgationem sui molitur, atque spirituum volatilium ope negotium hoc sat cito peragit, nisi forte nimia viscidorum succorum vi instructus fuerit, qui fermentationem cœptam remorentur; & licet hoc ipsum accadat, effervescencia tamen verna raro continua, sui que similis manet, verum dissilire atque in diversos Paroxysmos quasi findi solet. Sanguine enim opulenti hisce spiritibus jam turgido, Natura negotium suum quasi præceps aggreditur, & quarun-

dam partium secretionem ad modum perfectæ solutionis per Paroxysmos particulares peragit, priusquam universali separatione defungatur. Atque hæc mihi quidem ratio non inidonea videtur, quod verna tempestate, præsertim illa, quæ æstatem propius attingit, pauca febres continuæ occurrant, nisi forte constitutio fuerit Epidemica. Fermentationes enim tunc temporis obortæ, vel subito conspiciuntur, vel ad intermissionem properant, vel denique partes humorum ad separationem proniores, præmature, & cum vi quadam, alio transferuntur, ex quo mox *Angina*, *Peripneumonia*, *Pleuritides*, aliæque id genus pestes succrescunt, quæ desinente potissimum Vere caput suum exerunt.

Animadverti, *Febres Intermitteutes Vernales* rarissime fuisse diuturnas, semper vero salutares; ita ut vel maxime senex, vel debilis quispiam, officiosissima damnosissimaque imperitissimi cujuslibet *remedii*, modo is probus fuerit, e medio vix queat tolli. Contigit mihi tamen videre *Tertianas Vernales*, quæ ob Phlebotomiam, & Catharsin indebite celebratas, & regimen insuper cum morbo male quadrans, moras traxere etiam usque ad tempus illud, quo Autumnales solent invadere; quæ tempestas cum hujus morbi genio sit admodum contraria, eundem continenter extinguit. Ægro interim frequenti Paroxysmorum reduplicatione, & duratione longiore ita pene confecto, ut in extremis versari videatur; quæ nihilominus (quatenus mihi hætenus observare licuit) semper est eluctatus. Neque in convalescentibus ab hoc morbo mihi adhuc subiit videre gravissima illa symptomata, quæ, ut infra dicetur, intermitteutes Autumnales diuturniores sequuntur; *Lethalem* intelligo *tonsillarum inflammationem*, *ventrem induratum*, *tumores Hydropicos*, &c. Plus semel tamen adverti ægros a morbi diuturnitate, & Paroxysmorum ingemiratione (accedentibus ad malorum cumulum evacuationibus repetitis) ad summam debilitatem reductos, ubi primum cœperint convalescere, in *Maniam* incidisse, quæ pari cum illo passu recessit, quo eorundem vires de novo redintegrabantur.

Intermitteutes vero Autumnales longe aliter se habent. Primo enim *Tertianæ*, licet quibus annis Epidemica non est, & sanos invadit, cito nonnunquam se proripit, neque pluribus stipatur symptomatis, quam quæ Verno tempore contingere solent *Tertianæ*;

ubi

ubi tamen epidemice grassatur, & ætate pro-
vectiores, aut pravo corporis habitu præditos
ferit, haud vacat periculo; quin etiam ad
menses duos, vel tres, forte etiam in secu-
turum usque Ver tyrannidem exercet. Dein-
de *Quartana* & periculosiores sunt, & obsti-
natiores longe quam sunt illæ, de quibus ul-
timo diximus: Ubi enim natu grandiores
impetunt, eisdem paucis adhuc Paroxyſmis
muletatos quandoque jugulant; quo in casu
æger tempore *exhorrescentia*, ineunteque adeo
Paroxyſmo ut plurimum moritur, quod jam
dictum. Quod si æger in senectutis tantum
fuerit confinio, nec dum ejus limen præter-
gressus, licet non in eodem versetur discrimi-
ne, ne inter Paroxyſmos primo lacescentes
luce privetur, haud tamen facile a febre hac
elabetur, nisi vertente anno, appetenteque
illo tempore, quo primo corripiebatur. Non-
nunquam etiam *hæret lateri lethalis arundo*,
nec nisi a morte, languescenti decutitur.
Quartana interim Typum subinde variat,
plurima etiam parit symptomata, *Scorbutum*
v. g. *Ventrem induratum*, *Hydropem*, &c. Ju-
niore vero ferendo huic morbo pares sunt,
& quo nonnunquam circa *Solstitium Brumale*
liberantur, frequentius tamen non nisi adve-
niente *Verno Æquinoctio*, vel etiam Autumno
insequenti, ubi sc. venæ sectionem aut *Ca-
tharsin* admiserint. Sæpe non sine stupore
sum intuitus infantes tenellos cum hoc mor-
bo per totos menses sex commissos, nec op-
pressos tamen, sed de eodem, *Herculis* instat
pueri, in cunis triumphantes.

Hic notandum, quod cujuscunque demum
ætatis, aut temperamenti fuerit is, qui *Quar-
tana* corripitur, si quolibet alio vitæ tempo-
re (vel etiam ab hoc remotissimo) eadem
semel laboraverit, non diu admodum eum se-
cunda hac vice fatigabit morbus, sed post
paucos aliquot Paroxyſmos sponte sua solve-
atur, quod scitu dignum erat.

(1) *Intermittentium autem Vernalium* cura-
tionem quod spectat, licet illas suo semper
arbitrio permittendas existimaverim, & nihil
prorsus movendum, cum nemo quisquam,
quod sciam, earum unquam opera satis con-
cesserit, atque ex adverso, qui illas abigere
sategerunt, remediis præsertim evacuantibus,
id tantum egerint, ut morbus inde confir-
mior pertinacius obstitet; si tamen im-
portuna ægri impatientia Medici opem obni-
xe efflagitet, *Intermittentes Vernales* variis
modis, quidem cum optato exitu aggredi li-

cet, uti mihi non infrequenti observatione
abunde constitit.

Nonnunquam *Emeticum* tempestive propi-
natum, ut nempe ante Paroxyſmum negotio
suo defungi possit, felicissime successit; præ-
sertim si quantitatem mediocrem *Syr. de Me-
conio*, vel cujuscvis Narcotici post finitam
Emetici operationem, exhibueris immediate
ante Paroxyſmi insultum.

Ast ubi sanitatem videas restitutam per
diaphoretica, quæ sudorem in Paroxyſmi so-
lutione abortum promoveant, ægro interim
optime stragulis cooperto, id quod tantope-
re, ac tandiu faciendum est, quandiu vires
ægri patiantur. Atque hoc in Veris inter-
mittentibus, præcipue Quotidianis, sæpe ob-
tinuit: humoribus enim in hac tempestate
non admodum crassis existentibus, solutio alias
imperfecta futura, in perfectam adolescit,
quod quidem in Autumno nunquam accidit.

Quid quod clysteris in diebus intermit-
tentibus per triduum, vel quatrimum adhibitis
beneficio, *Tertianas* aliquando curaverim.

Interim si ob *Phlebotomiam* liberiori ma-
nu celebratam (quo tempestas ipsa parum
cautos facile inclinat,) vel ob ægri debili-
tatem antedecaneam, spiritus illi, qui subito
ad desputationem se accingerent, pauperiores
facti minus valeant, accidere potest, ut hu-
jusmodi febres *Vernales* auxiliis quibuscunque
frustra tentatis, *Autumnalium* diuturnitatem
amulentur. Sed sane non solent illæ eousque
durare, quippe quæ vel sponte sua desinant,
vel leviori remediorum ope facile in fugam
vertantur.

(2) *Intermittentes autem Autumnales* non
tam levi opera se amoveri patiuntur. De
illis igitur nonnulla mihi dicenda sunt. Si
autumnalis constitutio fuerit Epidemica, cir-
ca *Junium* adultum solent invadere. Sin mi-
nus *Augustum* præstolantur, & *Septembris ini-
tium*: in subsequenteribus vero mensibus rarius
occurrunt.

Cum earum ingens aliquod agmen simul
invaserit, observare licebit earum paroxyſmos
plerumque una eademque diei hora continge-
re, accessionibus nunc præventibus, nunc
postponentibus, simili plane modo, atque eo-
dem tenore, nisi quod accidere queat, ut or-
do ille medicamentis adhibitis, quæ retardan-
di vel præcipitandi vi pollent, in quibusdam
corporibus immutetur, vel pervertatur.

Observandum est etiam quod in principio
februm intermittens (Epidemicarum præ-
cipue

cipue, quæ Autumnō contingunt) haud ita in proclivi est typum sub primis invasionis diebus rite distinguere, quandoquidem febre continua adscita primum adoriuntur, neque facile est aliquandiu, nisi diligenter adverteris animum, quicquam aliud præter aliqualem morbi remissionem deprehendere, quæ tamen paulatim in perfectam desinit intermissionem, & typum anni tempestati apte respondentem.

Typorum ratione vel *Tertiana* sunt, vel *Quartana*. Atque de quartanis quidem illud merito affirmari potest, eas genuinam esse Autumnī sobolem. Utræque profecto ea affinitate inter se connexæ sunt, ut sæpe numero vices permutare, saltem ad tempus, deprehendantur, mox fortassis ad pristinum genus reductæ. Sed Tertianæ vemales quartanarum typos nunquam induunt, cum toto (ut ita dicam) cælo a se invicem distinguantur. Neque porro observavi unquam hac tempestate quotidianam contigisse, nisi quis Tertianam duplicem, vel triplicem Quartanam hoc nomine censuerit *δωροδωρον* appellandam.

Has autem febres intermittentes eo fere modo suam originem nancisci arbitror, quem nunc summam attingemus. Nempe anno surgente, atque progressu, sanguis etiam pro rata proportionem exaltatur (haud secus ac vegetabilia quævis augmentis atque declinationibus suis anni cursum referunt) donec ad *ἀκμή* suam, ultimamque vigorem pervenerit; hinc parallelis moribus cum tempestatibus anni pergens, eo declinante relaxari tandem, & ipse incipit; ac tum præcipue cum ab accidentali aliqua causa promotus fuerit, puta sanguinis immodica jactura, frigore admissio, cibis crudis atque excrementis, balneorum usu intempestivo, aliisque non paucis. Jam vero sanguis in hoc decidentiæ statu constitutus impressioni morbificæ cuicumque obnoxius est, quam in illum faciet quælibet aëris constitutio, quæ hoc tempore dictis intermittentibus est Epidemica. Atque huc spectat ebullitio mox inducta, qua liquorem sanguineum quandoque valde degenerem corripiente, febris inde oriunda mali moris esse solet, & malignis, atque horrendis symptomatibus plenissima. Illud utcumque accidit, ut sanguis spiritibus suis magnam partem exutus, & ab æstate præcedenti plurimum adustus, ebullitione sua non nisi tardissimis moribus defungatur, suæque despumationi longissimam periodum postulet.

Jam vero ut manifestum evadat, quam difficulter hæc febres (Autumnales puta) cura-

tionem admittant, hoc loco perpendendum est: Continuarum hujus tempestatis atque intermittentium discrimen in eo maxime versari, quod *Continua* conceptam semel effervescentiam *συνεχῶς* unoque tenore perficiant; *Intermittentes* autem partitis vicibus, ac diversis temporibus eadem defungantur. Interim in utrisque fermentatio naturæ ductu peragitur spatio horarum 336. aut circiter, neque enim citius aut tardius massa sanguinea in humano corpore ordinario repurgatur, si negotium Naturæ permiseris: haud secus ac pomarium suum, vinum atque cerevisia suam, ac peculiarem habet periodum, qua depurentur. Quamvis autem in febribus intermittens sanguis nonnunquam (ut in quartana contingit) sex mensium spatio despumationem suam moliat, ac tandem perficiat; non tamen (si rite calculum ponas) plus temporis in eadem absolvenda impenditur, quam quod in continuis impendi naturaliter solet; quatuordecim enim *μετὰ δέκα* sive dies naturales efficiunt horas 336.tribuendo nempe horas quinque cum dimidia cuilibet paroxysmo Quartanarum, habebis in Quartana valorem 14. dierum, h. e. horas 426. Jam si quis dixerit Quartanam, verbi causa, (eadem enim reliquarum intermittentium ratio subintelligenda est) ultra sex mensium spatium aliquando excurrere, antequam periodum suam absolvat, respondeo, idem etiam non raro in continuis febribus hujus constitutionis spectari, quæ sæpe ultra dies quatuordecim protrahuntur: in utroque nimirum casu si effervescentiam (præsertim circa febrium finem) rite atque ordine decurrere, ac sustineri vegetam curaveris, despumatio intra prædicti temporis spatium, hoc est, quatuordecim dierum, vel 336. horarum peragetur: quod si vero effervescentiam illam seu fermentationem refrigerantium medicamentorum, aut clysterum usu tunc temporis (scilicet versus febrium declinationem) importune inhibueris, & quasi frænum illi injeceris, mirum non est, si in longum evagentur, ordine quippe Naturæ perturbato. Namque hoc modo relaxatur quodammodo sanguinis humani tonus, unde se ad despumationem accingere cum effectu nequit. Immo vero in corporibus debilibus, & ætatis idem aliquando, vel sponte accidit, nisi Cardiacorum ope Naturam in illis languentem adjuveris, quo sanguini despumando par sit.

Verum illud hic jam porro notandum arbitror, ea quæ de fermentationis spatio atque continuatione supra tradidimus, de illis solummodo febribus intelligenda esse, quæ

statam quandam naturam, atque habitum naturæ sunt. Sciendum enim est (neque me præterit) febres quasdam esse, tum continuas, tum intermittentes, quæ transeuntis, & incerti generis sunt, neque in suis effervescentiis ad destinatam periodum pertingunt. Hujus generis sunt quæ a levi aliqua offensa ex sex rerum non naturalium, quas appellant, ut cibi, potus, æris, & his similibus, abusu, nonnumquam ortum ducunt, his enim morbis correpti subito sæpe convalescunt. Idem etiam adolescentulis, sanguine puro, ac multis spiritibus referto præditis, aliquando accidit: nimirum febres illorum spirituosa quædam ac nimis tenui, volucrique materia, fermentationes suas citius perficiunt, ac celeri gradu spatia sua emensæ evanescent. Ad fermentationem enim illud primo requiritur, ut materia fermentescibilis, sive illa sanguis sit, sive vinum, aut alius aliquis liquor quilibet, ea tenacitate; & viscositate polleat, ut spiritus implexos, atque irretitos eatenus detinere valeat, ut in liquoris massa moveri atque agitari possint, eodem fere modo, quo aves visco captæ, aut muscæ, atque apiculæ melle detentæ, motitare quidem, & murmuræ sua peragere possunt, avolare interim non valentes. Neque tamen, (ut obiter illud dicam) eam tenacitatem obrinere debent liquores memorati, ut spiritus prorsus obruant opprimantque, adeo ut non omnino moveantur.

His jactis fundamentis (quæ quidem nescio an aliis, mihi certe ratione non contemnenda niti videntur) mirum non erit, si illis non aliam medendi methodum superstruam, quam quæ in febribus continuis ad despumationis debitum opus rite perficiendum, adhibenda videatur: cum nimirum illæ a continuis nullo discrimine sejungantur, si ordinem spectes, quo Natura earundem materiam expellere solet, scilicet per effervescentiam certa periodo comprehensam. Etsi quod ad earum speciem, atque naturæ proprietatem attinet, illas & a continuis, & a se invicem plurimum differre non diffitear. Itaque vel methodum, qua se Natura liberare ab hoc morbo solet, caute solliciteque observando indicium sumere oportet, quo fermentationem abortam acceleremus, atque ita ad sanitatem agros perducamus; vel in ipsam causam specificam penetrando, danda erit opera, ut remediis efficacibus, ac specificis morbo obviam

eat. Ab horum alterutro indicationes sumendæ sunt. Ego utramque viam ingressus aliquando fui, atque illæsa (uti opinor) verecundia profiteri possum, non sine summa cura atque attentione animi indefessa; sed nondum eam felicitatem adeptus sum, ut Autumnæ febres intermittentes certa aliqua præxi, atque medicandi ratione tollere possim, antequam statas illas fermentationes (de quibus supra locuti sumus) peregerint, utrumque molestum hoc febricitantibus videatur; qui eousque sanitatem suam expectare inviti coguntur. Revera autem siquis inter mortales reperitur, qui sive methodo aliqua certa, sive remedio specifico adhibito, febrium harum intermittentium cursum non solum inhibere, sed etiam omnino abrumpere novit, existimo eum omni jure teneri, ut humano generi rem illam summopere expetendam patefaciat: quod si non fecerit, ego illum, nec boni civis nec prudentis viri nomen mereri pronunciare ausim, neque enim civis boni est, illud in rem suam vertere, quod toti generi humano tam ingens beneficium apportet; nec viri prudentis, divina benedictione semetipsum privare, quam a summa bonitate liceret expectare, si ad publicum bonum promovendum se accingeret. Honoris autem ac divitiarum longe minor apud probos ratio habetur, quam virtutis, & sapientiæ.

Quantumlibet autem fuerit difficile, intermittentes has Autumnales certo fugare, tradam tamen quicquid ad earundem curationem præ reliquis facere mihi visum est.

(1) Intermittentium Autumnalium curationem non sine ingenti discrimine per Catharsin tentari (nisi eo, quem mox dicemus, modo instituantur) præsertim vero per phlebotomiam, frequenti nimis observatione jam olim didici. Etenim in Tertianis (maximè si ea constitutio admodum fuerit epidemica) hac methodo sanandis, nisi Chirurghi gladiolus eodem ictu, quo venam pertundit, ipsam etiam febrem confodiat, dictæ febres, etiam in vegetioribus, & Athletice cætera valentibus, non nisi longo temporis tractu expugnari se patiuntur: in provectioribus autem diuturnum febris cruciatum tandem etiam mors excipit, quam præ foribus jam esse haud raro denunciat lethalis illa tonsillarum inflammatio, cujus fecimus mentionem. Adde, quod venæ sectio alias etiam symptomata illa maturius accersivit, quæ febres Autumnales intermit-

ten-

tentes in statu declinationis, vel comitari diximus, vel a tergo sequi. Quartanariis vero in tantum obest phlebotomia, ut juvenes, qui a morbo alias intra sex menses fuissent liberati, per sex adhuc alios ab eodem detineantur: Etateque provectiores, qui nisi sanguinem detraxissent, intra annum poterant sanari, morbum etiam ultra statutum illud tempus alere periclitantur, ac denique ab eodem victi succumbere. Quæ de venæ sectione jam dixi, levi opera ad Catharsin possunt transferri, nisi quod hæc non usque adeo perniciosa sit, nisi crebro repetita.

Intermittentes Tertianas Autumnales hoc pacto aggredior. Egro in lectulo composito, & stragulis undequaque cooperto, sudores provoeco sero lactis cerevisiato, cui salviæ folia incocta fuere, quatuor circiter horis ante paroxysmi adventum; quibus jam obortis mox præcipio, ut devoret ℥ij. *Pilularum Cochlearum majorum* solutarum in ℥j. sequentis inixturæ. ℥j. *Aq. vitæ* ℞. j. *Theriac. Andromach.* ℥iij. *Croci. Angl.* ℥j. *M.* stent simul pro usu. Hæc ubi assumpserit, in sudoribus continuo eliciendis persistat, donec elapsæ fuerint aliquot horæ ab illo tempore, quo paroxysmus ingruere debuerat, magna cum cautela se muniens contra illas sudationis interruptiones, quas illi forte creabunt dejectiones aliquot a medicamento cathartico profectæ. Sæpius mihi ex animi voto cessit medicamentum hoc in fugandis Tertianarum paroxysmis, quam usu receptum illud ad eundem scopum tendens, decoctum sc. *Rac. Gentian. Summir. Centaur. &c.* cum pauca *Sennæ* atque *Agarici* quantitate. Cum enim duos illos contrarios sudandi ac dejectiendi motus eodem tempore exciter, eundem cum vulgari isto effectum obtinet, ordinatum scil. paroxysmi processum confundendo atque interrumpendo: idque efficacius, nec tamen tuto minus. Atque hac sane methodo intermittentes Autumnales Tertianas bene multas pepuli; necdum præstantiorem alium experiri his annis mihi licuit.

In *Tertiana duplici*, quæ typum variavit, ob agrum vel evacuationibus vel alio quovis modo debilitatum, sudor pari etiam modo provocandus, & pari temporis intervallo a futura paroxysmi invasione, vel medicamento jam laudato (omittantur vero *Pillule Cochlearum*, cum tutum sit, nec ad rem faciat, cathartico jam ab eodem fractas ægri vires amplius deicere, & paroxysmis ejusdem ope ingeminatis suppetias ferre) vel diaphoretico alio aliquo *διαιροτικό* atque efficaci, quod etiam repeti potest paroxysmo genuino proxime subsequente. In summa ægri debilitate a

dicta paroxysmi ingeminatione electuarius, quod jam sequitur, præscribo: ℥j. *Conserv. fl. Borag. Buglos. an.* ℥j. *Conserv. Anthos. & cortic. citri condit. Nucis Mosch. cond. Theriac. Andromachi aa* ℥iij. *Consec. Alkermes* ℥ij. *M. F. Opiata*, de qua capiat ad magnitudinem avellanzæ mane, & vesperi, superbibendo cochl. 6. sequentis Julapii ℥j. *Aque Ulmarie, & Theriacalis stillat. an.* ℥iij. *Syr. Caryophil.* ℥j. *M.* vel hujus loco aquam aliquam epidemicam simpliciorum saccharo dulcoratam exhibeo, interdicto Enematum usu; ægro julsula e pullorum carnibus, avenacea, &c. concedo.

Quartanarum quod attinet curationem, nemo est, opinor, in hac arte vel mediocriter versatus, qui nesciat quam parum votis respondeant methodi istæ omnes, quæ huic Medicorum opprobrio eluendo hætenus destinantur, si *Corticem Peruvianum* excipiamus, qui tamen inducias sæpius impetrat morbo, quam eundem debellat, cum postquam ad septimanas duas, vel tres delituerit, magno cum ægri emolumento, qui ab illo male mulctatus paululum interim respirat, mox de novo recrudescens haud segnius quam prius laceffit; atque ut plurimum, quotiescunque demum repetatur illud medicamentum, non nisi longo temporis tractu expugnatur. Referam tamen quicquid de methodo ejusdem exhibendi habeo compertum.

Curandum est ante omnia ne præmature nimis hic cortex ingeratur, ante sc. quam morbus suo se Marte aliquantisper protriverit (nisi collabescens, & jam fractæ ægri vires eundem temporis sumendum esse dictaverint) neque enim illud solum est metuendum, ne a præproprio ejus usu inefficax iste reddatur, & spem ægri fallat, sed etiam ne de ægri vita agatur, si sanguini omni fermentationis nisu se despumanti eam derepente injiciamus remoram. Proximo loco, neque Catharsi, multo minus venæ sectione, subducenda est materiæ febrilis pars aliqua, quo liberius cortex suo fungatur munere: cum enim ab utraque recrudescens paroxysmi, evanescente semel pulveris vi. Mihi etiam magis e re fore videtur, ut sanguinem dicto medicamine sensim, longioreque a paroxysmis intervallo leviter inficiamus, quam ut uno omnino ictu paroxysmum jam instantem tentemus consodere; hoc enim pacto, & plus temporis remedio conceditur, quo suum opus plenius absolvat, & evitatur quicquid id est periculi, quod ægro poterit oriri ex subito isto atque intempestivo nimis sufflamine, quo paroxysmum jam invalescentem; atque omni se ope exc.

exerentem conamur opprimere. Postremo brevibus istis temporis intervallis repetendus est pulvis, ut non protinus evanescat prioris dosis virtus, antequam altera exhibeatur: crebra enim repetitione ista ~~vis~~ tandem recuperabitur, profligato in solidum morbo. His adductis rationibus hanc ego methodum ceteris antepono: *Peruviani corticis* ℥j. cum *Syrup. Rosar. rubr.* ℥jij. misceatur; æger vero quantitatem nucis moschatae majoris mane, & sero quotidie devoret diebus a genuino paroxysmo vacuis, donec confectionem omnem abstumperit. Reperatur porro ad tres alias vices, interjectis semper diebus quatuordecim.

Neque forte cum minori fructu usurpari poterit cortex hic in Tertianis, qua Vernis, qua Autumnalibus, quam in Quartanis, adhibetur. Sed ut vera loquamur, nec artem ~~expedire~~ ostentemus; Si harum februm alterutra correptus æger, vel infans sit, vel ætate floreat, convenit omnino (quantum ego hactenus edoctus sum) nihil medicamentorum quorumvis ope, aut aeris, ac dietæ mutatione moliri: Nihil enim hinc mali natum hucusque intellexi, si modo totam rem naturæ permiserim. Id quod ego non sine admiratione, præcipue in infantulis, sæpe observavi, sanguine namque depuratione sua desuncto, febres illæ sponte sua evanuerunt. Quod si autem e contrario, vel tristiciori aliquo regimine utaris, vel medicamenta purgantia subinde adhibeas, (adhiberi scilicet solent eo prætextu, ut obstructions expediantur, atque humores in primis viis stabulantes exturbentur) vel si, quod præcipuum est, in constitutione epidemica venæ sectio celebretur, fiet ut morbus non longissimum tempus procurrat, atque inierim ut ægri mille symptomatibus, iisque periculosis exponantur.

Si vero febricitantes provectionis ætatis sint, ex utroque morbo (Tertianas dico Autumnales, ac Quartanas) non solum diuturnitatis, verum etiam ipsius mortis grave periculum imminet. Hic itaque Medicum illud agere oportet, si neque cortice *Peruviano*, nec alia quavis methodo morbum abmovere valuerit, ut Naturæ saltem supplicias ferat, eamque illis adminiculis sublevet, quibus ad negotium suum peragendum opus abuerit. Certe enim in effictis corporibus, isti fermentatio Cardiacorum, & corroborantis dietæ, ut vini *absinthitis*, ac id genus similibus, beneficio sustineatur, illud accider, ut ægri incertis, atque frustraneis pa-

roxysmis divexati debilitentur, atque morbus eousque duret, donec languida prius Natura paroxysmo aliquo graviore correpta, ad ebullitionis tempus pertingere non possit, adeoque in ipso exhorrescentiæ tempore diem suum obeant ægroti. Atque hoc in senibus non raro usu venit, qui longa Cathartico-rum serie debilitati fuerunt, imo, ut aliquando visum est, in ipso vel primorum paroxysmorum rigore penitus defecerunt, cum exhibito Cardiacis satis forti, saltem ad tempus aliquod sustineri potuissent.

Cum sanguis tempus illud exegerit, quod ad despumationem suam perficiendam requiritur, necessarium est, ut provectionis ætatis ægri eodem ipso tempore, vel paulo antea insignem aliquam aeris mutationem subeant, sive (quod potius optandum esset) in calidiorem aliquam regionem commigrando, sive mutando saltem locum, in quo primum hoc modo correpti sunt. Mirum sane est, quantum valeat hæc aeris mutatio ad morbum hunc prorsus abigendum. Interim ut ante hunc temporis articulum aer mutetur, non tantum non necessarium est ad sanitatem ex hoc morbo restituendam; sed & minus convenit. Eriam si enim quis in regionem quantumcunque Australem, & calidam migraverit, sanguis tamen ejus in morbo hoc motu semel constitutus, depurationem suam ut peragat necesse est; quod quidem beneficii frustra expectabitur ab inusitato novoque aëre, priusquam procedente atque adultro jam sanguinis motu, sanitatis recuperande capax fuerit. Insignis ergo illa aeris mutatio tum demum adagenda est, cum primum æger a paroxysmo liberari potest. Exempli causa: in Quartana, quæ primum in Autumno invasit, non citius aer mutandus est, quam circa Februarii initium. Interim si æger mutare locum vel nolit, vel commode nequeat, oportebit ut hoc ipsius temporis articulo, forti aliquo medicamento utatur, cujus ex sint vires, ut uno quasi ictu languescentem illam depurationem potenter promoveat, & si fieri poterit, perficiat. Ad hanc rem consulerem ego, ut *Electuarii de Ovo* vel *Theriace Andromachi* *℥ssqui drachma* in *aque Cælestis*, vel *aque Vitæ communis unciis duabus dissoluta exhibeatur*, duabus scil. horis ante paroxysmum. Id quod a me, cum successu non infelici, in morborum hujusmodi declinatione factum est. Licet agnoscam calidiora hæc citius exhibita vel morbum duplicare, vel in febrem continuam permutare, quod a *Galeno* jam-

D

dudum observatum est. Idem in juvenibus hoc morbo detentis fieri potest, cautela adhibita. Ut autem in puerili ætate idem fiat, non tantum non convenit, verum etiam periculo non vacare dudum observavi.

Priusquam huic argumento clausulam addamus, illud monendum venit. Ea quæ de febrium Autumnalium intermittentium duratione, atque de tempore ad sanguinis despumationem requisito jam dicta sunt, ita intelligenda esse, ut nos solum illud nunc spectemus, quod Natura vulgaribus, atque usitatis tantum medicamentis suffulta, præstare soleat. Nequaquam enim eo consilio de his rebus ita locuti sumus, ac si doctos ac solertes Medicos despondere animum velimus, atque vel de melioribus medendi rationibus excogitandis, vel nobilioribus remediis inveniendis spem totam abjicere, quorum ope hujusmodi morborum sanationem accelerent; tantum enim ego profecto ab hoc proposito absum, ut non desperem, vel a me ipso tale quippiam sive methodi, sive remedii aliquando reperitum iri.

Sublato morbo, æger sedulo purgandus est, incredibile enim dictu, quanta morborum vis ex purgationis defectu post febres Autumnales subnascatur. Miror autem hoc a Medicis minus caveri, minus etiam admoneri. Quandocunque enim horum morborum alterutrum paulo provectioris ætatis hominibus accidisse vidi, atque purgationem etiam omissam, certo prædicere potui periculosum aliquem morbum eosdem postea adoriturum, de quo tamen illi nondum somniaverant, quasi perfecte jam sanati.

Omnino interim cavendum est, ne purgetur æger, nisi morbo penitus depulso. Quamvis enim partes naturales illuvie ista, quam in illas congestit febris, hoc pacto quadantenus sublevari videantur: nova tamen materia derepente succresceret, febre scilicet a Cathartici impetu, atque humorum agitatione jam revocata, eandem suppeditante, ac proinde id tantum a purgatione lucrifecerimus, ut morbus contumacior evadat. Quotidiana id nos docent eorum exempla, qui in morbi *παρρησι*, ut *Theoria* isti morem gerant, quæ in tollendis obstructionibus, & evacuando humore melancholico, qui mali fons, & origo vulgo habetur, curationis spem omnem ponit, repetitis pur-

gationibus misere plectuntur; quibus sane, quicquid id demum est humorum, quod a corpore divellitur atque eliminatur, compertissimum est nobis, febri altiores exinde radices agere, & pertinacius stationem suam tueri, quam si non fuerit proritata. Quapropter religio mihi est Catharticum propinare ante tempus illud, quod non tantum paroxysmi perceptibiles, sed etiam alteratio ista, qualis qualis ea fuerit, quæ diebus illis, in quos paroxysmus incidere debuerat, persentiscitur, omnino evanuerint, atque unus insuper mensis fuerit elapsus, quo quidem effluxo potionem aliquam ex lenitivis vulgaribus præscribo, atque eandem semel in septimana ad menses duos treve subsequentes repetendam impero, addito etiam singulis vicibus hausto aliquo Paregorico hora somni assumendo, finita jam medicamenti operatione; ut nempe paroxysmo se de novo ingerendi ansam præscindamus, quam aliter forte arriperet ex occasione tumultus atque orgasmis, quos vel mitissima excitans Cathartica.

Purgationibus instituendis idcirco spatia ista ampla interpono, ut sc. æger a recidivæ metu liberetur, quæ quidem a nimis crebra & confertim repetita sanguinis, atque humorum exagitatione, de facili poterat induci. At cum jam ista res vacet periculo, Apozema sequens frequenter usurpari poterit. *℞. Rad. Rabarb. Monachor. ℥ij. Rad. Asparag. Brusci, Petrosel. & Polipod. quer.an. ℥j. Cortic. Median. fraxini, & Tamarisci an. ℥j. fol. Agrimon. Ceterach. & capill. Ven. an. M. j. Senna mund. ℥j. (irror. ℥ij. vini albi) Epithimi ℥ss. agarici troch. ℥ij. sem. fœnicul. ℥iiij. Coq. in aqua fontana ad ℔ss. sub finem addo succi aurantiorum ℥iiij. In colatura dissolve Syr. Cichor. cum Rheo, & Magistral. ad melancholiam an. ℥j. F. Apozema, de quo capiat ℔ss. singulis matutinis per triduum, & repetatur quoties opus fuerit.*

Ut tandem *Symptomata* illa memoremus, quæ febres intermittentes in declinationis stato comitantur, observandum est, Vernalium paucissima esse, si ad illa comparentur, quæ Autumnalibus accidunt, tum quia non ita diu hærent istæ, tum etiam, quia in humoribus non usque adeo terrenis, & minus etiam malignis fundantur.

Primum hic sibi locum vendicat, subinde occurrens (1) *Hydrops*; unde primo quidem crura

(1) *Hydrops.*

crura intumescunt, deinde etiam venter; qui exinde nascitur, quod scilicet sanguis crebris illis fermentationibus, quas peperit morbi diuturnitas (præcipue in natu grandioribus) plures spirituum manipulos prodegit, unde summa eorundem inopia jam laborans, succos cum alimentis ingestos non amplius valet assimilare, quorum cruda adhuc indigestaque moles in crura tandem deponitur, atque his jam discentis, neque ulterius quicquam admittentibus, in ventrem etiam, unde verus Hydrops formatur. Raro autem juvenes obsidet hæc malorum Ilias, nisi Catharticis per febris decursum sæpenumero iteratis eandem inconsulto nimis accersiverint.

Verum Hydrops ex causa memorata superveniens aperientium, & catharticorum usu facile sanatur, si modo recens fuerit. Neque mihi molestum est, quoties hunc natum morbum audio, atque intelligo, nempe de rei exitu omnia bona tunc temporis animo concipiens. Nonnullos enim usu Apozematibus jam appropriati perfunavi.

Veruntamen observavi frustra esse, si quis Hydropem ex febre intermittenti natum, medicamentis purgantibus tollere conetur, febris illa adhuc durante: Febris enim hoc pacto radices profundius agere deprehenditur, non autem amovebitur Hydrops; expectandum itaque, donec febris exulet, ac tum demum negotium prospere suscipiendum.

Verum enim vero si tam importune atque acriter instet symptoma hoc, ut ejus curatio non eo usque videatur differenda, donec febris recessus Catharticorum usum permittat, aggredienda omnino illa est infusionibus *rad. Raphani rusticani; summitat. Absinthii, & centenarii min. baccharum Juniperi, Cinerum Geniste, &c.* in vino factis; quæ non solum huic symptomati obstant, efficitur sanguinis vires de novo instaurando, sed Naturæ etiam de morbo jam triumphaturæ tempori subveniunt.

(1) Infantes autem post febres autumnales tum continuas, tum intermittentes, Hæctici aliquando fiunt. Ventres eorum inflati, tumentes, ac duri evadunt; sæpe etiam tussis, aliaque tabidorum symptomata subnascuntur, quæ *Rachitidem* plane mentiantur. Hos ego sequenti modo tractandos consulo. Paretur potio Cathartica, quam in febrium continuarum sine, assumendam præscripsi.

Hujus capiat infantulus *Cochl. j. vel ij.* plus minus pro ætate, mane per 9. dies, uno atque altero die, si opus fuerit, intermisso. Interim vero purgatio ita moderari debet ac regi, dosin vel augendo vel minuendo, ut ultra 5. vel 6. sedes singulis diebus non procedat. Post finitam catharsin totus venter inungatur linimento aliquo aperitivo per aliquot dies. Sequenti uti soleo. *℞. Ol. li-
lior. & tamarisci an. ℥ij. Succ. rad. brionie
& apii an. ℥j. bulliant ad succorum consum-
ptionem, addendo unguenti de althæa, & bu-
eyri insulsi an. ℥j. gummi ammoniaci in aceto
soluti ℥ss. cere flavæ q. s. f. linimentum.* Sane quamplurimi infantes, etiam vera Rachitide laborantes, hac methodo a me liberati fuerunt.

Veruntamen (ut ante monuimus) cavendum sedulo ne purgationem aggrediamur, nisi febre jam perfecte fugata; licet enim hoc pacto humoris in partes naturales amandati portio quædam evacuari non sine causa videri possit, nihilominus ab ipsa febre nova subinde pravæ materiæ copia suggeretur, quæ non solum purgationem reddet frustra- neam, verum & ipsum morbum diuturniorem præstabit, ob rationes antea memoratas.

Observatu non indignum est, quod cum febres Autumnales teneram ætatem diu cruciarint, nulla spes sit easdem abigendi, donec abdominis regio, circa lineam præcipue, indurari, atque tumesceri occæperit; iisdem enim gradibus quibus hoc symptoma supervenerit, febris etiam fugam meditatur. Neque sorte ex meliori aliquo prognostico morbum hunc brevi abiturum dixeris, quam si sedula animadversione suboriri hoc symptoma perspexeris. Idem porro in crurum tumoribus obtinet, qui in adultis aliquando spectantur.

Ventris tumor, qui infantibus accidit post has febres, quibus annis æris constitutio intermittentibus Autumnalibus progignendis epidemice determinatur, tangentiæ digitum haud aliter ferit, ac si materiam aliquam continerent viscera in Scirrhum induratum; cum qui aliis annis simili licet *viscipi*, contingit, tactum ita afficit, ceu tensio tantum foret hypochondriorum a subjectis flatibus. Hinc nisi annis quibus intermittentes Autumnales prædominium habent, veræ Rachitides rarius occurrunt, quod observatu dignum.

Tonsillarum dolor, & *inflammatio* post febres sive continuas, sive intermittentes, cum deglutendi primum difficultate, & molestia, supervenientibus, deinceps raucedine, oculis cavis, & Hippocratica facie, mortem certo imminentem præmonstrant, intercisâ plane omni redintegrandæ sanitatis spe. Funesto huic symptomati producendo evacuationes justo copiosiores in ægris, vi morbi jam fere attritis, ut & longiorem febris moram sociam operam ut plurimum commodasse observavi.

Multa alia sunt accidentia quæ morbos hosce consequi solent ob purgationem vel non omnino, vel non rite celebratam, quibus impræsentiarum enumerandis superdebimus, cum curationis eadem fere ratio sit utrobique, nempe sedimenti ab effervescentia præcedanea depositi repurgatio, quippe quod sua mora malis hujusmodi materiam præbuerit. Quanquam licet hic loci non contemnendum symptomatis genus referre, quod non tantum purgationibus & evacuationibus aliis quibuscumque, venæ sectioni præsertim, cedere dedignatur, verum & ab illis vires sibi acquirit. Illud autem peculiaris quædam est, ac sui generis *Mania* (1) intermittentes diuturniores (Quartanas præcipue) nonnunquam excipiens, quæ communem medicandi rationem aspernatur, & post evacuationes fortiores adhibitas in miseram quandam stultitiam degenerans, non nisi cum ipsa ægrorum vita terminatur. Miratusque sæpenumero sum, nullam hujus rei mentionem ab Authoribus factam fuisse, cum non raro accidisse viderim. Cum reliquæ amentię species copiosis evacuationibus, & venæ sectione, & Catharsi ut plurimum persanentur, hæc neutram potest terre. Sed cum jam æger in sanitatis limine est, si vel *Enema* ex lacte saccharato semel injeceris, statim de novo recrudescet malum. Et si reiteratis purgationibus, venæ sectioneque contra nitamur, ejusmodi evacuationes morbi quidem ferociam possunt domare, ægrum vero certissime non tantum satuum, sed & incurabilem omnino reddent. Quod quidem nemo mirabitur, qui secum reputaverit, alteram amentię speciem a nimis exaltata & vivida sanguinis crasi produci, hanc vero ab ejusdem debilitate, & ut ita dicam, vapiditate a diuturna fermentatione, quam invexit febris, qua mediante spiritus functio-

nibus animalibus obeundis impares plane sunt.

Huic malo ad hunc modum mederi soleo. Ægro ter in die Cardiacum aliquod e generosioribus exhibeo dosi paulo liberaliori, e.g. *Theriacam Andromachi*. *Elect. de ovo pulverem Comitissæ. pul. Gualteri Raleigh.* vel similem in *Epidemica*, *Theriacali*, vel alia. Possunt etiam in alia quavis forma exhiberi Cardiacæ medicamenta: æger interim victu quidem moderato, Analeptico tamen, & potu generosiore reficiendus est; foras ne exeat, in lecto se diu multumque contineat. Alvus sub hoc regimine justo erit astrictior, unde ut etiam a calidiorum medicamentorum usu a febre quis sibi metuat, sed vano prorsus timore, cum spiritus antecedente morbo penè exhausti novum deinceps non valeant accendere. Post aliquot septimanas paulatim in melius proficiet, quo tempore omitti possunt Cardiacæ ad dies pauculos. Diæta vero Analeptica jugiter instituenda, & post brevem intermissionem repetendus est denuo Cardiacorum usus, atque in eo persistendum donec integra sanitate fruatur.

Diæta methodus *Maniam* etiam, quæ has febres minime excepit, quandoque sanavit, frigidiori sc. atque infirmitiori temperamento præditis. Anno nuper elapso *Sarisburiam* accersiebar, ut cum Medico erudito & sagaci, mihiq; conjunctissimo, Domino Doctore *Thomas* scæminæ nobili consulerem, cui imaginatio haud parum fuit læsa. Verum adhibitis, etiam cum jam prægnans esset, remediis modo dictis, ad sanam omnino mentem rediit.

Attamen *Mania communis*, quæ vegetis hominibus, atque etiam nulla febre prægressa, accidere solet, alius sane propæz est, ac proinde longe diversa, quoad evacuationes, methodo tractanda, tamen si vel in hac specie, ea quæ cerebrum atque spiritus animales corroborant, haud omitti debent. Curationem autem ejus, etsi non sit hujus loci, obiter tamen prædictæ speciei subnectere non gravabor, ne quis forte præ similitudine morborum in errorem illabatur.

In Junioribus ac sanguineo habitu præditis, mittatur sanguis ex brachio ad uncias octo vel novem bis vel ter, diebus tribus inter singulas venæ sectiones interpositis: Deinde semel extrahatur sanguis ex venis jugularibus. Ultra hunc modum repetitæ ve-

nz

(1) *Mania species quædam.*

ne sectiones ægrum potius in *stultitiam* ducunt, quam curationem absolvunt. Postea aggrediatur usum *Pil. ex duobus*, quarum drachmam semis, vel scrupulos duos (pro ratione operationis) capiat semel singulis septimanis stato die, ita ut, si, verbi gratia, die lunæ primo pillulas assumpserit, præcise eodem ipso die, nec frequentius, sequentibus septimanis eadem repetantur per longum tempus, usque dum perfecte convaluerit. Hac methodo humores, qui in hoc morbo mentis arcem impetere solerent, sensim in inferiores sedes dilabentur, alia quasi *per* eis inducta.

Diebus a purgatione liberis per totum decursum Electuario sequenti, vel alio medicamento eadem virtute prædito, utatur.

24. *Conf. Absinth. Rom. Anthos, & Theriac. Androm. an. 3j. conf. flaved. Aurant. Angelic. condit. nuc. mosch. condit. an. 3ss. cum s. q. syrup. Caryophil. s. Electuarium*, capiat ad magnitudinem nucis moschatæ bis in die, superbibendo haustulum vini Canarini, cui fuerint frigide infusi flores *Paralyseos*.

Febris Continua, atque *Intermittentes*, quas supra descripsimus, soli ferme erant morbi Epidemici, qui durante illa constitutione, quæ per annos 61. 62. 63. 64. regnabat, emicuerunt: quot retro annis eum obtinuerint principatum, non habeo dicere; id certo scio, quod ab anno 64. ad annum usque 77. rarissimæ omnino Londini comparuere.

Dicendum mihi etiam erat de *Variolis*, quales-nam scilicet erant istæ, quæ tum contingebant, respectu habito ad constitutionem illam; quandoquidem (ut jam subindicavi) vario admodum se habent modo pro varia constitutione qua incessunt: sed cum non satis attente per id temporis animum ad eas adjecerim, missas jam facio: id tantum tradam illis peculiare, quod sc. iis annis labentibus, sub initio Maji confertissima invadebant, supervenienti vero Epidemicorum AutumNALIUM cohorti (febrem volo continuam, atque intermittentes) locum dare solebant. In pustularum summitate foveolæ quædam ad instar capitum acicularum minorum plerumque subsidebant; atque in *discreto* genere æger octavo maxime die periclitabatur, quo tempore, abrupto derepente qui hucusque dimanaverat sive sudore, sive madore, externa exarescebant, nec revocari poterat sudor Cardiacis quibuscunque, æger phrenitide, atque anxietate insigni corripiebatur, cum magno dolore & ægritudine, urinam frequenter, at in parva quantitate, redde-

bat, ac intra paucas horas de magna spe decidens, ad plures migrabat.

SECTIO SECUNDA.

CAPUT I.

Constitutio Epidemica Annor. 1665. & 1666. Londini.

PRægressa Hyeme frigidissima, & sicco gelu in Veris usque tempora indefinenter perdurante, cum ex improvviso solveretur, sine sc. Martii, ineunteque, ex Anglorum computo, Anno 1665. *Peripneumonia, Pleuritis, Angina*, alique id genus morbi inflammatorii magnam derepente stragem edebant; quo ipso tempore caput etiam extulit *Febris quædam Continua Epidemica*, a febrium continuarum genio, quæ præcedenti constitutione vigeant, longe diversa; quarum vix ullæ ea anni tempestate solebant invadere. Dolor capitis quàm in prioribus illa intensior, & vomituritiones adhuc magis immanes ad hanc febrem accedebant; in plerisque *Diarrhæa*, quam prius diximus assumpto Emetico præcaveri potuisse, jam ab eodem provocabatur, nec tamen cessabat vomituritio. Externa hic pariter ac in febribus constitutionis præcedentis sicca reperiuntur; attamen, præmissa maxime venæ sectione, æger in sudorem solvi poterat, quo provocato leviora mox symptomata; atque hoc nullo non morbi tempore fieri potuit, cum in febre prægressa nec tuto ante diem 13. vel 14. id tentaveris, nec facile voti fueris compos, sanguis sæpe Pleuriticorum, & Rheumatismo laborantium sanguinem colore referebat, non vero usque adeo Gelatina illa albescente, quæ illorum sanguis prætexitur. Hæc primo erant Phænomena hujus morbi *Διαγνωστικα*. Anno vero surgente ipsa *Pestis* irrupit magno symptomatum Pathognomicorum numero stipata, *Carbunculis, viz. Bubonibus, &c.* Hæc indies magis ac magis invalescens, circiter Æquinoctium Autumnale *æquale* attigit, quo jam instante unius septimanæ decursu octo plus minus hominum millia delevit; tamen duo ad minimum Civium trientes ob metum contagii se in rus subduxerant; a quo tempore receptui canere cœpit, & urgente brumali frigore tantum non evanuit, nisi quod sparsim unum atque alterum hinc inde feriret per omnem Hyemem, & insequentis Veris exor-

exordium, quo apparente & ipsa omnino est deleta, mansit tamen *Febris*, quamvis non ita Epidemica, excurrente integro anno sequente, imo ad Veris usque ortum Anni 1667. De his nonnulla hic subnectam.

C A P U T II.

Febris Pestilentialis & Pestis *Annorum 1665. 66.*

IN superioribus obiter admonui e febribus nonnullas in malignarum classe vulgo reponi, cum indomita symptomatum sævitia, quæ huic opinioni patrocinari videretur, non a venenosa morbi indole, sed a therapeia perperam administrata proficiscatur. Nam cum ad morbi solutionem a Natura destinata hand satis attenditur, sed alia modendi ratio temere instituitur, hinc perturbata totius corporis œconomia, ac omnibus fusque deque conversis, non modo tristissima rerum facies ultra consuetum morbi morem inducitur, verum morbus jam a seipso alius etiam anomalis accidentibus velut alienigenarum satellitio stipatur. Atqui *Febris vere maligna* non est omnium dierum morbus, utpote quæ ab aliis febrium speciebus ob symptomatum anomaliam ea nomenclatura utcumque insignitis, tota sua idea ac ingenio dissideat. Revera enim cum ipsissima peste specie convenit, nec ab ea, nisi ob gradum remissiorem, discriminaatur. Quocirca utriusque affectus ortum ac curationem in eodem capite complectar.

Aëris massæ occultam ejusmodi sive crassam sive texturam obtingere, quæ diversarum diversis temporibus ægritudinum ansa atque pararia existat, nemini obscurum est, qui modo animadvertit unum eundemque morbum certa aliqua tempestate infinitam mortalium vim corripere, ac Epidemicum fieri, alias tamen unum alterumve hominem afflixisse contentum, ulterius non grassari. De Variolis, ac in primis de peste, hujuscecapitis argumento, res est sat superque manifesta.

At vero quæ qualisque sit illa aëris dispositio, a qua morbosus hic apparatus promanat, nos pariter ac complura alia, circa quæ vecors ac arrogans Philosophantium turba nugatur, plane ignoramus, quicquid sit, hoc saltem nomine Dei Opt. Max. clementiam ac bonitatem meritissimo jure veneramur, quod aëris constitutionis, *accidit*, id est, pestem malorum omnium immanis-

simum, ac humano generi maxime interminum inferentes, rarius evenire voluerit, quam quæ cæteris affectibus minus exitalibus suscitandis inserviant. Unde fit quod hunc orbem nostrum *Britannicum* pestis vix frequentius quam post annorum circiter triginta, vel quadraginta, intervalla (summo sc. perniciæ vigore, ac tota furiarum acie) adoriatur. Quæ per annos aliquot pestem insigniorem subsequentes, sparsim occurrunt pestiferorum funera, paulatim imminui, ac evanescere solita, pestilenti aëris diathesi etiamnum ex parte perseverandi, nec dum in aliam salubriorem penitus immutata tribuenda sunt, quippe quæ antecessæ mæsis dumtaxat spicilegia reputari debeant. A quibus etiam nuperæ luis reliquiis fit, ut febres quæ anno post graviores pestem uno aut altero passim grassantur, pestilentes esse soleant; & licet aliquibus veræ pestis noris destitutæ, tamen ejusdem naturam ac indolem quamplurimum referant, nec non consimilem modendi rationem sibi vindicent, quemadmodum inferius ostendemus.

Verum præter istam aëris constitutionem, seu causam communiorem, accedant oportet & alia procatastica, nimirum *causantes* sive semini a pestifero aliquo corpore, vel immediate ac propiore consortio, vel mediate ac per fomitem aliunde transmissi, susceptio. Hoc enim si instante, qualem diximus, aëris diathesi fieri contingat, ab exigua primum scintilla mox horribile erumpit incendium, ac densatis undique, funeribus, universo aëri per istum terræ tractum a peste, tum laborantium halitibus, tum mortuorum cadaveribus, labes & contagium inducitur; adeo ut ad tristissimæ ægritudinis propagationem jam non amplius vel fomite, vel personali consortio opus sit, verum quemcunque hominem, vel summa cura a peste correptis semotum, ipse aër cum spiritu intro subiens, per se, ac suo Marte inficere valeat, modo ille corpus habeat humoribus, ad asflatum excipiendum paratis, refertum.

Quamquam autem hic morbus, cum duntaxat sporadicus existit, nullo tempestatu discrimine paucos aliquot, tradito quasi per manus contagio affligat, tamen ubi adest etiam Epidemica aëris constitutio, exoritur circa eam anni partem, quæ inter Ver, ac Æstatem ambigit, utpote quæ ad producendam ægritudinem, cujus essentia in humorum *causant* sive inflammatione, ut postea ostendemus, in primis consistit, maxime

ideo.

idonea atque accommodata sit. Porro & sua habet incrementi ac declinationis tempora, non secus ac cæteræ rerum naturalium species. Nascitur eo quo diximus tempore, crescente anno adolescit, eodemque vergente collabascit, donec tandem ærem in diathesin huic morbo adversantem, glacialis bruma transmutet.

Quod si tempestatum anni vicissitudines in hunc affectum nihil imperii exercerent, verum seminium pestilentielle, nulla æris mutatione domabile de alio in alium perpetua propagationis serie transmitteretur, fieri non posset; quin ubi in frequentiore aliquâ Urbem semel pedem intulisset, continuata strage funera usque & usque densaret, donec tandem nemo superesset, in quem pestilentis miasmatitis labes impingat. Atqui contrarium sæpe evenisse animadversum est numero extinctorum, quos unica mensis *Sextilis* septimana ad aliquot millia extulerat, sub *Novembris* exitum valde imminuto ac propemodum nullo. Nec tamen diffiteor fieri posse, quod & nonnulli auctores factum prodiderunt, ut pestis aliis etiam anni tempestatibus caput primum exerat; hoc autem rarius accidit, nec ejusmodi lues in populum admodum debacchatur. Interea, æris dispositionem quantumvis *λοιμὸς* pesti fuscitandæ per se imparem esse vehementer suspicor, quin pestilentia morbum alicubi semper superstitem aut per fomitem, aut per pestiferi alicujus appulsam, e locis infectis in alios deferri; ibidemque non nisi accedente simul idonea æris diathesi popularem fieri. Alias enim non assequor, qui fiat, ut in eodem cœli tractu dum unum aliquod oppidum peste gravissime affligitur, aliud non longe distitum, omnem commercii necessitudinem cum loco contagioso caute inhibendo, prorsus immune se præstiterit; quemadmodum non ante multos annos pesti per universam fere *Italiam* immaniter grassanti, *Magni Ducis* cura atque prudentia aditum in *Hetruria* fines penitus interclusit.

Primus insultus rigorem ac horrorem, quemadmodum & febrium intermittentium accessiones, fere perpetuum habet comitem. Mox vomitus enormes, dolor circa cordis regionem, ac si torculari premeretur febris ardens usitata symptomatum *συνδρομὴ* stipata, indefinenter agros divexant, donec aut mors ipsa, aut benigna *Bubonis*, vel *Parotidis* eruptio, quæ materiam morificam foras ablegat, eos ab luctuosissimo discrimine

liberet. Rarius quidem accidit, ut citra ullam febris præfensionem ingruat, ac homines de improvviso e medio tollat, *maculis purpureis*, præsentanei interitus nunciis, etiam dum in foro versantur, erumpentibus. Quæ repentina exanimatio (quod animadversione dignum) nisi in pestis admodum funestæ exordio vix contingit, remittente ac refracta jam lue, aut in annis, in quibus non existit popularis, nunquam observata est. Et etiam nonnunquam, ut tumores prorumpant, nec febre, nec graviore aliquo symptomate prægresso, quanquam suspicor rigorem, & horrorem leviusculum ac minus perceptibilem semper præcessisse. Quibus autem hoc obtinuit, iis integrum est per publicas plateas pro lubitu obambulare, ac communia vitæ munia, sanorum more, sprete omni regiminis cura, obire.

Cæterum quod ad morbi essentiam spectat; eam enucleate definire in me non suscipio. Nec fortasse hominibus cordatioribus rem minus importunam ille facere videbitur, qui a me postularit, quid hanc aut illam ægritudinis speciem constituat, quam ego etiam facerem, si ab illo idem de *Equo* v. c. inter animalia, vel de *Betonica* inter stirpes vicissim sciscitarer. Nimirum certissimis ubique legibus, ac artificio sibi soli intellecto rerum omnium generationes Natura parens exequitur, quæque uspiam e causarum gremio in actum ac quasi in lucem educit, eorum essentias, quidditates, ac differentias constitutivas, altissimis tenebris obvelat. Hinc unaquæque morborum non minus quam animalium, aut vegetabilium species, affectiones sibi proprias perpetuas, ac pariter univocas ab essentia sua promanantes, sortita est. Neque interim magnopere urgebit ista Quæstio, Qui demum morborum medela administrabitur, dum causæ ipsorum nos latent? Quandoquidem non causarum, sed methodi convenientis, atque experientia comprobata cognitione, affectuum plurimorum curatio absolvitur. Sed ut ad rem redeamus. Quoniam simularium omnium morborum ortusa qualitatium vel primarum, vel secundarum vitio (quod solum in hac rerum caligine nobis licet) deducere solemus, prope est ut credam pestem peculiarem ac sui generis febrem esse, quæ a particularum sanguinis spirituosiorum *inflammatione*, originem ducit, utpote cujus naturæ subtilissimæ, præ tenuitate sua, maxime proportionatæ, ac adequatæ videntur. Quod si subtilitate qua potest maxima

xima pollet (ut in principio & statu constitutionis Epidemicæ videre est) subito , ac quasi ex improvise , calorem nativum dissipat , & ægrum e medio tollit . Cadaveribus interim hujus morbi ferocia tam subito extinctorum maculis purpureis undequaque conspersis , atque scædatis ; nempe fibris cruoris præ intestini conflictus violentia dissilientibus , & compage ipsius prorsus dissoluta . Atque hæc tragoedia præ hujus quasi flammæ subtilitate eximia , etiam sine aliqua sanguinis febrili ebullitione , vel alterius agnitæ præsentione , cietur . Secus quum ut plurimum accidit , ubi causa morbifica minus subtilis existit , & quasi obrusiori telo vitam imoerit . Discriminis modus pinguiori exemplo sic adumbretur . Si acus , vel quid aliud cuspidè graciliori præditum pulvinari supponatur , ac vi adigatur , illud , æque ac obrusiori iustrumento similiter adæcto , in sublimè non attollitur , sed perforatur . Verum ejusmodi subitanea extinctio rarius occurrit , nec nisi (ut supra innuimus) circa initium pestis , vel incrementum . Etenim , ut in aliis febribus , plerumque rigor atque horror primum invadit , quem calor mox excipit , & tantisper excurrit , donec particula cruoris inflammata provido Naturæ ductu ad emunctoria amendantur , ac ibidem ad instar phlegmonum communium in pus vertantur . Jam si inflammatio adhuc remissior existat , febres , quas pestilentes vulgo appellant , producere solet ; ut in fine pestilentis constitutionis sæpenumero accidit , ac forsitan etiam uno alterove post anno , donec ista febrium species prorsus dispareat .

Certe , me iudice , in inflammatione ista , quam Latini *Ignem Sacrum* appellant , quamdam pestis imaginem non obscuram intueri licet . Est enim morbus hic apud saniores Medicos febris continua a sanguinis parte tenuiori corrupta ac inflammata originem ducens , a qua ut Natura se liberet , eam in corporis aliquam partem externam expellit , in qua tumor , aut potius (cum tumor adeo notabilis sæpe non appareat) macula rubra , lata , dispersa , quam *Rosam* appellant , oritur . Solvitur autem ista febris , postquam uno atque altero die ægrum afflixit , critice per hunc tumorem , & proinde aliquando in glandulis sub alis , vel in inguinibus

dolor , ut etiam in peste , fieri consuevit (1). Et fere invadit hoc malum ut pestilentia , cum horrore & insequenti calore febrili , ita ut qui ipsum ante non sunt passi , existiment lue pestifera se corripì , donec tandem in crure , aut alio loco sese affectus prodant . Quibus accedit , quod & maligni aliquid huic morbo inesse nonnulli Authores suspicantur , ac proinde curationem in sudoriferorum , atque alexipharmacorum usu constituunt . Hæc quidem flamma , ubi ebullitionem commoverit , cujus ope particule sanguinis leviuscule ustulatae , ac quasi syderatae , brevi spatio foras ablegantur , spore sua , nec ulteriorem noxam molita , extinguitur .

Veruntamen Ignis noster isto *Sacro* longe *divinior* est , ut qui summa qua pollet substantiæ tenuitate intimiores corporis recessus ad instar fulgetri permeare aptus natus sit spiritibus cruoris derepente profligatis , ipsiusque compage nonnunquam citius dissoluta , quam Natura præcipiti malo oppressa , ebullitionem febrilem (solemnem nempe machinam qua quicquid sanguini infestum est , suis e finibus amovere satagit) concitare valeat .

Quod si quis mihi hic litem paret de eo quod hunc morbum ab inflammatione oriri existimem , is attendat non modo febris præsentiam , sed & complura alia huic sententiæ suffragari , nempe sanguinis detracti colorem , qui Pleuriticorum ac Rheumatismo laborantium sanguinem plane æmulatur ; adustam *Anthraxum* faciem , Pyrotici actualis impressioni non absimilem ; nec non *Bubones* ipsos , qui inflammationem æque solemniter excipiunt , ac eandem alii cujuscunque generis tumores consequi solent , uti , & inflammationes pleraque omnes in abscessum terminantur . Quin & anni tempestas , qua Epidemica pestis ut plurimum exoritur , ad hanc rem symbolum suum conferre videtur . Eodem enim tempore , nimirum quod inter vernum æstivumque medium est , *Pleuritides* , *Angine* , aliaque inflammati sanguinis affectiones populariter ingruere consueverunt : quemadmodum etiam nunquam frequentiores mihi visæ sunt , quam per aliquot septimanas , quæ nuperæ *Pestis Londinensis* exortum antecesserunt . Nec vero nullius est momenti illum ipsum annum tot millium strage funestum , alioquin mitissimum , ac salu-

ber-

(1) Vide Sennertum , lib. 2. c. 26. de febr. Sympt. contin.

berrimum extitisse ; omnesque qui a peste immunes persisterunt nunquam meliori valetudine usos fuisse ; quin & eos, qui ab eadem convalescent, cachexiæ aliisque affectibus a residua priorum morborum labe provenire solitis, non magis obnoxios deinceps vixisse . Quibus accedit, quod & quantacunque latitudinis, *Apostemata, & Carbunculi*, postquam inflammatae particulae una cum sanie decessissent, Chirurgicis auxiliis, iisque, non admodum conquestis, facile sanata fuerint .

Verum perquirat hic fortasse aliquis, si pestis inflammatione quadam consistat, qui fiat ut medicamenta calidioris census, qualia sunt *Alexipharmaca* prope omnia, tam ad huiusce affectus Therapeiam, quam Prophylaxin tanto cum fructu usurpentur . Cui respondeo, illa duntaxat per accidens auxilium præstare, nempe Diaphoreseos quam suscitant, beneficio, quo particulae sanguinis inflammatae dissipantur, atque exterminantur . Quod si forte exhibita sudores commovere non valeant (ut persæpe accidit) mox sanguinis incendium ab additio calore magis esseratum, eorum noxam palam proclamat . Prophylaxin ut verbo attingam, non sum nescius etiam ad illam *Antidotalium* calidorum usum passim deprædicari, ut quo emolumento adhuc probandum restat . Imo vinum liberius ingurgitarum, aliquaque fortiora præservativa statim horis diebus assumpta, complures, qui alias salvi intactique verisimiliter permansissent, in hunc affectum coniecerunt .

Quod ad harum Februm Therapeiam attinet, erunt fortasse, qui me temeritatis atque arrogantiae eo nomine insimulabunt ; quod ab Urbe, dum nupera pestis grassaretur, maximam partem complurium milliarium intervallo semotus, adeoque observationum copia minus instructus, de hac re tamen disserere sustineam . Verum cum Medicis illis longe peritioribus, quibus per totum calamitosæ luis decursum inter media pericula, & mille mortis imagines, commorandi animus ac fiducia non defuisset, tamen ea, quæ crebriori usu de huiusce morbi ingenio annotassent, in lucem edendi voluntas hætenus defuit, mitiorem, uti spero, de consilio meo sententiam laturos sunt omnes boni, quod meam de truculentissimo affectu sententiam, paucis quidem, sed propriis observationibus superstructam, in medium expromam .

Ac prius quidem locus *Indicationibus* cum *Sydenham Opera Med. Tom. I.*

ratiis debetur, quæ eo in universum dirigendæ sunt, aut ut Naturæ ductum in exterminando morbo accurate sequentes, eidem subsidiariam porrigamus manum ; aut ut methodo, qua Natura in intestino hoc hoste debellando uti solet, minime fidentes, diversam, ac tutiorem ex nostro penu, atque artificio, vice illius substituamus . Nisi forte hic aliquis regerat rem etiam satis feliciter per pestifuga alexiteria geri posse, quorum ingentem apud præcticos copiam reperire est . Verum enim vero an non auxilium quod præstant huiusmodi medicamenta, potius manifestæ ipsorum facultati, qua sudores assatim proliciendo simul materiæ morbificæ exitum aperiant, quam occultæ cuidam indoli, qua a Natura ad pestilentis malignitatis labem delendam donata fuerint, referri debeat ; magnam, atque ancipitem habet disceptationem . Nec de hisce tantummodo, sed & de aliorum morborum alexiteriis dubitare fas est ; utrum evacuationem aliquam sollicitando, potius quam virtute quadam specifica ægrotantibus non succurrant . Quæ enim, v. g. in *lue Venerea* (vel *Mercurium* vel *salsaparillam*,) veneni in isto morbo reperti alexipharmaca objiciat, adducenda sunt ei curationum exempla, in quibus ille sine sputo aut secessu, hæc vero sine sudoris suscitatione sanitatem aliquando restituerit, quod ego quidem credo ei admodum difficile futurum . Mihi autem verisimile est, peculiare pestis remedium, propriumque ipsius perniciæ alexiterium adhuc in Naturæ sinu abditum delitescere, nec eandem nisi ratione quadam mechanica tolli posse .

Quocirca, ut intentionem illam priorem paulo plenius expendamus, quæ eo spectat, ut Naturæ in materiæ morbificæ exterminatione suo more & modo auxilium suppeditetur ; advertendum venit, quod in vera peste Natura, dum neque sponte sua aberrat, neque vi aliqua transversum agitur, per *abscessum* aliquem in emunctoriis erumpentem, unde materiæ exitus patescit, negotium suum exequitur . Atqui in febre, quam pestilentem nuncupamus, mediante diaphoresi per universam corporis superficiem idem efficitur . Unde colligere est, præ diversa, quam Natura in utroque morbo præmonstrat, via ac ordine, etiam diversam medendi rationem institui debere . Nimirum si quis materiam veræ pestis, ope sudoris amoliri satagat, is diversa a Natura via insistit, utpote quæ id per apostemata molitur . Contra vero qui alias, quam per sudores, febris

pestilentis materiam eliminare tentat, is cursum instituit cum Naturæ ductu ac *potius* nequaquam convenientem. Cæterum in peste vera, quoniam idoneo ac certo remedium genere naturalis morbificæ materiz ejectionis, id est, apostematum eruptio promoveri possit, nondum constat; nisi quis forte victum corroborantem, atque Cardiacæ ad illud conferre posse existimet; quæ tamen multum dubitarem, ne ægrum, jamjam plus æquo calefcentem, in majorem æstum conjiciant. Certe sudores in hoc casu frustra esse compertissimum habeo; quanquam haud inficior post magnos sudores ad trium quatuorve horarum spatium productos, ac deinde abruptos, tumorem se in conspectum dare, quem ego a sudore proficisci minime arbitror; utpote quo vigente, nullum appareat eruptionis indicium, finito quidem, veluti per accidens consequatur, nimirum cum jam aliquam sarcinæ partem; quæ Naturam plus satis gravabat, sudores abstulerint, ac corpus a Cardiacis ad Diaphoresin suscitandam propinatis vehementius incalescat. Verum quam fallax, & infida sit hæc peccantis materiz, per apostemata a sudoribus foras evocatæ, exterminatio, testor funestos eorum exitus, qui hoc modo tractati fuerint, e quibus vix tertius quisque (ut modestissime dicam) medicationis, ac morbi periculum evasit. E contra vero multi, quibus laudabili ritu tumores eruperunt, etiam dum negotiis suis intenti versarentur, nec ullius sive naturalis, sive vitalis, sive denique animalis facultatis læsione percepta, sanitatem brevi recuperarunt; nisi qui malo suo fato in medicamentum aliquem incidentes, ejusque monitu, quantumvis corpore pariter ac animo optime valentes, ad sudandum in cubilibus compositi, ab eo ipso tempore deterius se habere inciperint, ac demum ingravescente ægritudine, inauspicati consilii noxam suo interitu comprobarunt. Verum lubricam atque alex plenam in se esse hujusce morbi per tumores judicationem, ex eo manifestum est, quod interdum *Bubo*, qui primum laudabiliter, ac cum symptomatum remissione protuberavit, postea ex improvviso dispereat, ejusque loco *Macula purpurea*, certissimi mortis indices, succedant; cujus retrocessionis causa magnis illis sudoribus ad eruptionem promovendam destinatis, jure tribuenda videtur, ut qui bonam materiz partem, quæ tumoris molem infarcire, ac sustentare debuerat, alio versum; per ambitum corporis distrahendo, ac dissipando, leves in auras

diffuserint. Ut ut sit, hoc saltem planissime constat, cæteris affectibus, a Dei Opt. Max. benignitate, certam amoliendæ causæ morbificæ rationem, huic autem, enormium delictorum flagello, nonnisi lubricam admodum, & versatilem adjunctam esse. Atque hinc fortasse non minus commode, quam a malignitate, ut loqui amant, eximie perniciæ causa, atque origo peti possit. Nam & in *Arthritis*, aliisque morbis, qui exiguam habent malignitatis suspicionem, materiz morbificæ recursus non minori certitudine fatum accersit. Ex quibus omnibus manifeste consequitur, Medicum, qui in aliorum morborum medicatione, Naturæ ductum, ac propensionem pressim, ac passibus æquis sequi tenetur, his ejusdem auspiciis renunciare debere. Cujus essari veritatem, quia paucissimi hætenus perspexerunt, hinc numerus eorum, quos tumulo pestis intulit, haud paulo auctior evasit.

Quare cum minime securum sit in exterminando hoc morbo Naturæ vestigiis insistere, proximo loco dispiciendum venit, quæ demum arte secundæ, quam diximus, intentioni satisfiat; nempe aliam atque a naturali diversam, hujusce morbi solutionem aggreendi. Hoc autem dupliciter omnino fieri posse existimo; scilicet vel per sanguinis missionem, vel per sudores. Priorem quod attinet, non sum nescius, sacram apud plerosque audire in hoc morbo venæ sectionem. Verum vulgi præjudicia parum moratus, rationum in hac questione momenta, qua par est æquitate, atque candore, paulisper expendam. Ac primum quidem Medicorum, qui grassante nupera lue in Urbe perstiterunt, fidem appello, Numquid eorum, Phlebotomiam larga manu ac repetitis vicibus, necnon tumore nullo adhuc protuberante celebratam, peste laborantibus funestam esse animadvertit? Parcam quidem, vel tumore jam conspicuo, sanguinis detractionem semper damnosam esse, neutiquam mirandum est; Siquidem cum mediocri tantum quantitas cruoris adimitur, hinc Naturæ, quæ tumori protrudendo totas intendit vires, rei administratio e manibus eripitur, nec interea alia satis efficax materiam morbificam evacuandi, ratio substituitur. Apparente autem jam tumore, celebrata venæ sectio, cum a peripheria ad centrum trahat, motui Naturæ, qui sit a centro ad circumferentiam, inducit motum plane adversantem. Nihilominus vix quicquam frequentius factitatum videas, quam Phlebotomiæ per-

verso hoc ritu administrata, noxam, ac contrariae patronis universim, ac in genere adversus sanguinis in hoc morbo detractionem validissimi argumenti loco torqueri; uti in *Diemerbroeckio* aliisque observationum scriptoribus passim videre est. Quod ad me attinet, equidem eorum ratiocinationi assentire non possum, donec intellexero, quid Quaestioni superius praeposita respondeant. Sane venae sectionem in peste convenire, complures, iique gravissimi scriptores jampridem senserunt, quorum praecipui sunt *Ludovicus Mercatus*, *Joannes Costerus*, *Nicolaus Massa*, *Ludovicus Septalius*, *Trincavellius*, *Forestus*, *Mercurialis*, *Altomarus*, *Pascualius*, *Andernachus*, *Pereda*, *Zacutus Lusitanus*, *Fonseca*, aliique. Verum qui totum curationis negotium in copiosa, qualem nos postulamus, sanguinis detractione collocaverit, unus, quod sciam, repertus est *Leonardus Bottallus*, Medicus superioris saeculi celeberrimus, quem, ne solus in hac palestra versari videar, Lector accipiet suis ipsius verbis de hac re differentem. (1) Ego (inquit) *ne uno verbo dicam, nullam pestem esse puto, cui haec non possit esse salutaris supra omnia remedia, modo opportune & quantitate convenienti usurpata sit, propterea quod aut tardius, aut parcius quam opus esset, aut quod utroque modo circa eam usurpandam peccatum sit. Et paulo post haec subiungit: At in tanta timiditate, & parca detractione qui fieri potest, ut quis recte possit judicare quantum ea in pestilenti morbo prodesse valeat, aut obesse? Non enim morbus pro cuius curatione requirebatur detractions librarum quatuor sanguinis, in qua una tantum detrahatur, si hominem interficiat, ideo interficit, quia sanguis est missus, sed quia non iusto modo missus est, nec forte etiam opportune. Verum nebulones nequissimi, & ignavissimi, in id semper culpam convertere satagunt, non quod nocuit, sed quod per fas, & nefas, a cunctis vituperari exoptant. Aut si id nequitia non faciant, ignorantia tamen prava dispositionis efficiunt: utraque certe perniciofa, sed illa magis. Quae omnia experientia confirmaturus, paulo inferius sic pergit: His observatis, nemo rationis capax jure in his morbis vituperare missionem sanguinis potest, sed mirifice & tanquam divinum auxilium commendare, extollere, & confidenter usurpare, quod ipse profecto ab annis quindecim*

facio. Ideo in morbis pestilentibus, in obsidione Rupellarum, & montibus Harmonia ab hinc quadriennium, & Parisiis toto hoc biennio, & Cameraci anno proximo actis, in omnibus meis agrosis (qui innumeri fuerunt) nullum praesentius, ac salutarius reperi ipsa larga & tempestiva sanguinis missione.

Deinde ad curationum exempla descendit, quae brevitati studens, huc transferre superledeo. Libet tamen rei in hac nostra *Britannia* ante aliquot annos gestae historiam oppido raram, ac a proposito nostro non alienam, hic loci apponere.

Cum inter ceteras belli civilis calamitates, quae hanc patriam nostram miserrime affligerunt, pestis etiam multis in locis grassaretur, ac forte in Castrum *Dunster*, quod in provincia *Sommercetocensi* situm est, aliunde inuenta, aliquot praesidiarii cum macularum efflorescentia derepente exanimatis, complures etiam alios corripuisset, Chirurgus quidam, qui a longa in regionibus exteris peregrinatione redux tunc temporis stipendia inter alios faciebat, a praesidii Praefecto enixe rogat, ut sibi liceret commilitonibus suis truculento morbo correptis pro virili succurrere; quo annuente, singulis aegris, statim a primo morbi insultu, atque nullo adhuc tumore conspicuo, sanguinem ingenti copia detraxit, donec pedibus deficere inciperent, nam stantibus, ac sub dio vena pertusa est, nec aderant vasculaque cruoris in terram effluentis mensuram definirent. Hoc pacto eos in tuguriola sua ad decumbendum dimisit. Et quanquam a Phlebotomia nullum omnino remedium adhibuit, tamen ex complurimis iis, quos hoc modo tractasset, mirum dictu, ne unus quidem desideratus est. Vir Nobilissimus juxta ac morum probitate atque fide spectabilis *D. Franciscus Windham*, militum Tribunus, ac praedicti castris tunc temporis Praefectus, mihi haec retulit, & etiamnum in vivis est, pro ea qua est humanitate rei gestae veritatem cuilibet dubitanti confirmaturus.

Quid mihi met ipsi circa hanc rem singulare ac memoratu dignum aliquando observare contigit, Lector inferius accipiet, ubi pauca ea, quae deserviente nupera peste *Londinensi* a me usu atque experientia annotata fuerunt, inferius ostendam.

Hujusce autem praxeos utilitatem etsi non

E 2

men-

(1) Cap. 7. de curatione per venae sectionem.

mente tantum ac judicio assequor, verum etiam re ipsa atque editis experiētiis dudum exploravi, tamen pestilentis fermenti per diaphoresin dissipatio, pro ejusdem per venæ sectionem evacuatione mihi multis nominibus arridet, utpote quæ nec ægrorum vires æque prosteruat, nec Medicum infamiz periculo objiciat. Atqui & hæc difficultatibus suis non vacat; primo enim, multis, ac præsertim calidioris temperamenti juvenibus, sudores ægrius proliciuntur; ejusmodi ægrotos, quo hydroticis fortioribus, ac cumulationi tegumentorum pondere diaphoresin conciere satagas; eò in manifestius phrenitidis periculum adduces; aut quod tristioris adhuc ominis est, vana spe aliquantis per lactatus, tandem pro sudoribus *Exanthemata pestilentialia* elicies. Cum enim præcipua hujusce mali labes in spirituosiori massæ sanguineæ parte resideat, unde crassiorum particularum exagitatio nonnihil languidior, quam in aliis inflammationibus plerumque existat, tenuior illa portio novi caloris accessione in majorem rabiem acta, impetu demum facto omnes cruoris fibras ultra texturæ modum distensas prorsus frangit, ac comminuit. A qua fibrarum sanguinearum dissolutione macularum pestilentialium causam petendam esse censeo, quippe non secus ac *vibices* a plaga fortiore in partem aliquam corporis musculosam inflata, primo intensius rubicundæ in cute efflorescunt; ac brevi post tempore livorem quendam, aut nigredinem induunt.

Deinde vero, in corporibus, quæ satis prompte in sudorem solvuntur, si diaphoresis justo præmaturius (nempe tota materia morbosa nondum penitus dissipata) abrumptur, bubonum, qui laudabiliter quidem sub finem sudoris prodire incæperant, postea deterior evadit conditio. Nam subducta, quæ eos in molem attollere deberet, materię parte, aut de facili intro remeant, aut saltem ad legitimos abscessus nunquam perducuntur (quemadmodum etiam in Variolis accidere solet, quoties æger per primos dies impensius sudavit) recepto autem de novo intra muros hoste ferali, in sanguine commotio excitatur, cujus opera eo, quo superius innuimus, modo, sæpe æthymata, imminētis lethi indicia, foras propelluntur.

Verum quibusnam modis his aliisque difficultatibus obviam iri possit, ut luculentius pateat, quid in hoc morbo a me pro modulo meo factum observatumque fuerit, initio a nuperz luis primordiis ducto, summa fide edisserere lubet.

Nobilem scēminam ineunte *Majo* anno 1665. ætatis circiter 21. annorum, ac temperamento sanguineo præditam invisi. Præter febrem ardentem, quæ paulo ante invaserat, vomitiones importunæ, aliaque symptomata febrilia ægram excruciant. Curationem a venæ sectione auspicatus, postero die ad præcavendam Diarrhœam, (quæ, ut in hujusce Tractatus initio monuimus, ob omissam, quod postulabat in principio morbi vomendi propensio, Emetici exhibitionem, deservescēte febre supervenire consuevit) Vomitorium iniperavi, quod satis commode ventriculi saburram elicit. Postero mane, cum ægram iterum adirem, ei alvum profluere intelligo, quæ res ab aliquot annorum usu insolentior visa, mihi non levem sollicitudinem iniecit. Exinde autem febrem non vulgaris generis esse judicavi, (quemadmodum etiam eventus docuit) proindeque aliam ab ea, quæ superius tradita est, quæque constanti successus serie hætenus a me usurpata fuisset, medendationem sibi vindicare. Quocirca adscito in negotii societatem Medico alio seniore, venæ sectio, quam ægrotantis ætas, temperamentum, ac inordinata sanguinis ebullitio flagitare videbantur, ex communi nostro consilio iterum celebrata est: etiam Cardiacæ moderate refrigerantia propinata, ac denique clysmata alternis diebus injecta sunt. Sub finem ægritudinis, quoniam symptomata valde anomala, ac inconsueta (malignitatis egregiæ indicia vulgo habita) ingruiebant, ex Alexipharmacorum classe fortiora aliquot præscripsimus. Quibus tamen omnibus nequicquam proficientibus, ægra circa diem decimum quartum e vivis excessit. Insolitum hujusce febris ingenium per aliquot post dies animum meum varie exagitabat, ac tandem in memoriam revocans, summum ardorem; etiam post reiteratam venæ sectionem, in prædicta ægra perseverasse; ruborem genarum adfuisse, cruoris aliquot guttulas paulo ante mortem e naribus fluxisse; nec non sanguinem ipsius in acetabulis refrigeratum, ei qui a Pleuriticis detrahitur, non absimilem fuisse, quin & tussim aliquam, & obscuros quosdam in partibus vitalibus dolores emicuisse; porro & eam anni tempestatem incubuisse, quæ finem veris, ac initium æstatis complectitur, quæque febribus continuis producendis minus esset idonea, (illæ enim hoc tempore sua sponte quasi dissiliunt, & in intermittētiū classē se reponunt, vel in Pleuriti-

des, atque id genus alias inflammationes præcipites ruunt) denique Pleuritides eo ipso tempore admodum populares fuisse: His inquam omnibus rite perpensis, in eam deveni sententiam, ut febrim hanc, etsi pathognomicis Pleuritidis, aut etiam Peripneumoniae signis destitutam, tamen symptomatis rationem habuisse judicarem, inflammationis cujusdam respectu circa partes spirituales delitescens, etiam si nullus aderat lateris dolor, nulla insignis spirandi difficultas. Ut rem contraham, eo tandem deveni, ut eadem omnino mihi methodo procedendum fuisse in prædicto casu arbitrarer, qua in Pleuritide sæpius cum successu singulari usus fueram. Quæ sententia deinceps feliciter, atque ex voto cessit. Vocatus enim non multo post ad hominem consimili prorsus modo agrotantem, reiteratis venæ sectionibus, quales ad Pleuritidem supra laudantur, curationem commisi, & absolvi. Circa mensis modo memorati exitum, atque initium *Junii*, complures operam meam implorantes ab eadem febre (quæ jam valde populariter grassabatur) prædictæ praxeos beneficio convalescerunt. Ab hoc tempore immaniter debacchari cœpit calamitosa illa pestis, quæ eo tandem truculentia devenit, ut septem dierum spatio totidem animarum millia in hac una urbe extinxerit.

Febri autem illi, de qua modo loquebar, an pestis appellatio attribui mereatur, non ausim definite pronunciare. Hoc tamen explorate cognitum habeo, omnibus, quos illo, & aliquanto post, tempore ipsissima pestis cum universo symptomatum sibi peculiarium apparatu, in mea vicinia afflixit, tandem tam in primo morbi insultu, quam in decursu, accidentium *multorum* adfuisse. Cæterum cum proximo pariete ardente propius ædibus meis immineret periculum, ego tandem amicorum suavis numerosis fugientium turbis me adjunxi, familia etiam mea ad aliquot ab Urbe lapides subducta. Eo tamen vicinis meis maturius redii, ac dum calamitosa illius luis in tantum perseveraret sevities, fieri non potuit, quin meliorum medicorum penuria ad pestiferorum auxilium advocarer. Nec multo post complures febricitantes invisi, quorum febrini, illius quæ ante decessum meum tam prosperis ægrorum rebus, a me tractata fuisset, morem, atque genium æmulari, non sine magna admirationeprehendi. Ideoque propria experientia fretus ceu ducem, quibuscumque præceptis umbratilibus antepo-

nendo, Phlebotomiam similiter administrare non dubitavi.

Hunc autem ritum imminuendi liberalius sanguinem (cui etiam Ptisanæ ac dietæ id genus refrigerantis usus accessit) in multis ægris mire profectu continuavi, donec tandem in nonnullorum tractatione solito successu destitutus præ adstantium protervia, qui præjudiciis inanibus occupati debitam sanguinis quantitatem auferri non patiebantur, (magno ægrotantium malo, quibus, saltem dum in hoc cardine curandi scopus versaretur, sanguis aut sufficienti quantitate, aut non omnino detrahendus fuerat) insignem obicem conatibus meis oppositum sensi, ac proinde alium a venæ sectione huic morbo occurrendi modum reperiri, magnopere ex usu futurum judicavi. Nocummenti quod aliquando insons dedi, non ex eo, quod sanguinem ademerim, sed quod ex voto eundem adimere impeditus fuerim, exemplum hic adducam. Vocatus ad juvenem quendam, temperamento sanguineo, ac habitu athletico præditum, quem febris vehementior cum doloribus capitis vertiginosis, vomitu enormi, aliisque id genus symptomatibus a biduo corripuerat, cum nullum adesse tumoris signum interrogatus responderet, statim liberali manu sanguinem emitti imperavi, cujus refrigerati superficies puriformem Pleuriticorum sanguinem referebat, præscripta etiam ptisana cum jusculis, ac julapiis refrigerantibus. A meridie pro secunda vice partem sanguinis jacturam subiit, qua etiam sequente aurora similiter mulcatus est. Sub hujus autem diei exitu ægrum meum invisens, eum quidem multo melius se habere, & nihilominus amicos ejus adversus ulteriorem venæ sectionem animis vehementer obstinasse deprehendo; quam tamen ego denuo celebrandam esse enixe contendi, superesse alteram duntaxat venæ sectionem dictitans, quæ ægrum in sicco collocaret; sin contra niti pergerent, satius fuisse, ut nullo omnino sanguine detracto curatio per sudores instituta fuisset; uno verbo, ægrum certo certius interiturum. Præfagium eventus confirmavit; nam cum hæc altercatio rei agendæ occasionem eripuisset, maculæ purpureæ postridie eruperunt; nimirum materiæ peccantis reliquiis, quas radicitus evacuare oportuit, cum jam omnem abscessus spem Phlebotomia toties reperita abstulisset, mora sua universam cruoris massam pervertentibus, ejusdemque compagem subtilitate eximia dirumpentibus.

Æger

Æger autem post aliquot horas satis concessit. Cum ergo frequentior huiusmodi obstaculorum occurfus mihi molestiam faceretur, magna cogitandi sollicitudine mecum agitati, æquis demum reperiri possit medendi modus, qui morbum non minus efficaciter abigeret, nec hominum offensionem æque incurreret. Re diu multumque apud animum meum deliberata, tandem in hanc methodum incidi, quam nunquam non proficuum, ac omnibus numeris absolutam deinceps expertus sum.

(1) Primo, siquidem tumor nondum protuberaret, sanguinem pro ægrotantis viribus ac temperamento, moderate, detraxi, quo facto, diaphoresis, cujus alias sollicitatio in nonnullis corporibus non modo summam habebat difficultatem, verum etiam majoris incendii, proindeque ecchymatum purpurerorum periculum minitabatur, facilis erat atque expedita. Atque hanc sanguinis iacturam, quæ utut exigua alias gravissimum incommodum attulisset, diaphoreses immediate insequentis beneficium abunde compensavit. Post venæ sectionem (quam in lecto celebrandam curavi, cum jam omnia ad sudores proliciendos in promptu essent) ne vel minima interposita mora, stragulis ægrum obrui, ac laciniam laneam sincipiti alligari iussi, quæ quidem capitis obtectio ad sudorem ciendum plus proficit, quam quis facile crediderit. Deinde, si vomitus non adesset, hæc & similia hydrotica exhibui. *℞. Theriac. Androm. ʒss. Elect. de ovo ʒj. pul. è chel. cancror. comp. gr. xij. cochinel. gr. viij. croci gr. iv. cum s. q. succi. kermes, s. bolus, quem sumat sexta quaque hora, superbibendo Coch. vj. seq. Julapii.*

℞. Aq. Card. benedicti ʒ scord. comp. an. ʒiij. aq. theriac. still. ʒij. syr. Caryophill. ʒj. misc. f. Julap.

Quod si vomitio interpellaret, ut in peste, ac febribus pestilentialibus sæpissime accidit; medicamentum sudoriferum tantisper propinare distuli, donec solo tegumentorum pondere (nisi quod lintheaminis pars subinde ad colligendos halitus vultui superinduceretur) sudor promanare inciperet. Nam (quod quidem observatu summe dignum est) cum materię morbificę radii versus ambitum corporis sese exporrigant, illico alvi profluvium & vomitiones, ab eisdem

introrsum reflexis, ac in ventriculum, & intestina decumbentibus provenientes, ultro sedantur: Adeo ut quantacunque stomachi subversio præcesserit, assumpta deinceps medicamenta probe retineantur, ac ad sudores ex voto proliciendos conducant.

Memini cum me aliquando Pharmacopola quidam ad fratrem suum ex febre pestilentiali graviter ægrotantem vocasset, atque ego de medicamento ad sudorem suscitandum exhibendo, sermonem injicerem, retulit se jam varia eaque fortiora sudorifera ineassum propinasse, siquidem æger omnia vomitu rejecerat. Cui ego, adduceret, inquam, ex omnibus iis quæ antea exhibuisset vel ingratisimum, ac summe fastidiosum, ne illud deinceps evomeretur. Promissi fidem eventus liberavit, quippe æger, ubi a sola stragulorum mole paululum maduisset, largiorem *Theriaca Venete* bolum deglutivit ac retinuit, cujus beneficio in copiosiore sudorem coniectus incolumitatem recuperavit.

Sed ut ad institutum redeam, incipiam jam diaphoresin haustibus *Zythogalo salvia alterata*, vel *corevisia*, cui macis aliquantulum incoxerit, subinde repetitis, ad naturalis diei spatium continuari præcepi; abstensione interim omni religiose interdicta, imo nec infra quatuor, ac viginti horas a sudoribus finitis, indusium, utcumque madidum, ac immundum mutari permitto; Id quod summa cautela observari velim. Quod si sudatio angustiori temporis limite circumscribatur, recrudescit illico symptomatum sævitia, atque ægroti salus, quam prolixior diaphoresis extra aleam constituisset, in acie novaculæ relinquitur.

Et profecto *Diemerbroeckium* aliosque nequeo satis mirari, quoties adverto eos tam levi prætextu ad diaphoresin interpolandam adduci, ut scilicet ægrotantium viribus consulatur. Primo enim ægrum sudore dissidentem viribus melius, quam antea, constare; nemini in hujus morbi medicatione vel tantillum versato non potest esse animadvertum. Quid me in hac re usus atque experientia docuit, palam eloqui, ac etiam propugnare non verebor. Multi me authore in 24. horarum diaphoresin coniecti tantum abest, ut se exinde debiliores factos quærentur, quin totius quantum supervacanei humoris sudando decessisset, tantumdem novi robo-

robore sibi accrevisse profiterentur. Circa horas autem aliquot posteriores, saepe non sine stupore observavi erumpere sudorem quendam, priore illo, quem vis medicaminum expresserat, magis naturalem, genuinum, copiosum, quique multo plus levaminis afferret, plane ac si vere criticus foret ac totius morbi eradicativus. Porre in summo sudoris vigore iusculis, ac forbilibus confortativis ægrum reficere, quid secum trahat incommodi non video; ideoque ad nihilum recidit illa obiectio de virium ad longos sudores perferendos impotentia. Si qua igitur defectio sub finem imminere videatur, iusculi ex pullo tantillum, vitellum ovi, vel his similia sorberi permitto; quæ cum cardiacis, & haustibus ad sudorem continuandum ex more destinatis, virium labefactioni abunde succurrunt. Caterum in re adeo manifesta non opus est, ut plura argumenta adducam. Etenim, quod hujus praxeos utilitatem palam proclamat; videre est, quod quando æger sudore diffluit, bene se habere existimet, neque minus ex astantium judicio res tota in vado constituta videatur. Atqui quam primum corpus arescere incipit ac sudor abruptitur, omnia in pejus ruant morbo, quasi postliminio, redeunte.

Per horas a finito sudore viginti quatuor, moneo, ut frigus caute vitetur, indussum sponte sua in corpore arescere permittatur, potulenta omnia calidiuscula hauriantur, & Zythogalæ salvia alteratæ usus etiamnum continuetur. In sequenti luce commune Catharticum exhibeo, *ex infusione sc. tamarin. fol. senne, rhubarb. cum manna, & syr. rosar. fol.* Atque hac medendi ratione, anno a peste proximo, complurimis febre pestilentiali correptis sanitatem restitui, adeo ut ne unus quidem ex eo morbo mihi desideratus sit, postquam eandem exercere inciperam.

Verum ubi tumor jam enatus fuerit, venam aperite, etiam in corpore ad sudandum quantumvis inhabili, hætenus non sustinui, veritus ne materia morbifica in depleta vasa confertim remeante, subitaneus ægri interitus destinatam diaphoresin anteverteret. Nihilominus fortasse satis tuto administrari poterit Phlebotomia, modo confessim ab ea peracta, ac nulla mora interjecta eliciantur sudores, qui ad spatium superius requisitum producti, omnem tumoris molem paulatim absumere ac dissipare valeant, idque longe minore salutis periculo, quam si legitima apostematis maturatio, quæ in præcipiti affectu admodum in-

certa ac fallax existit, serius expectaretur.

Denique, ut ad calcem tandem perveniam, sicubi circa Theoriam me hallucinatum fuisse Lector deprehendat, errori veniam pto; verum quod ad præxim attinet profiteor me omnia ex vero tradidisse, nihilque uspiam proposuisse, nisi quod probe exploratum habeam. Sane cum supremus vitæ meæ instabit dies, confido mihi adfuturum alacrem in præcordiis testem, me non solum ægrorum omnium, cujuscunque demum sortis, qui sese curæ meæ concediderant, summa fide ac diligentia salutem procurasse (quorum interim nemo a me alias tractatus est, quam ego memet tractari cuperem, si mihi ex iisdem morbis ægrotare contingeret) verum etiam pro ingenii modulo omnes animi nervos in hoc intendisse, ut si quo modo fieri possit, morborum medela post cineres meos majori cum certitudine administraretur, tatus quantumcumque in hoc scientiæ genere accessionem, etsi nihil magnificentius, quam *odontalgie*, aut *clavorum pedibus* innascentium curationem edoceat, longe maximi faciendam esse, præ inani subtilium speculationum pompa, ac levicularum rerum notitiis, quæ fortasse medico ad abigendos morbos non magis ex usu futura est, quam *Architecto* ad construendas ædes *Musicæ* artis peritia.

Unicam hanc annotatiunculam, ne quis forte sinistra interpretatione mentem meam detorqueat, aut eam saltem non satis assequatur, postremo loco subjungam. In præcedenti nempe Diatriba, *Natura* nomine sæpius utor, illique varios effectus attribuo, perinde quasi rem aliquam singularem & seorsim subsistentem, sed per totam hanc Mundi machinam ubique diffusam sub hoc titulo mihi repræsentarem, quæ ratione aliqua, & consilio freta corpora quævis regeret, ac moderaretur; quale quidpiam de *Mundi Anima* nonnulli Philosophorum cogitasse videntur. Verum ad me quod attinet, uti nec rerum, ita nec verborum novitatem affecto, adeoque antiquam quidem vocem, sed sensu (ni fallor) & sobrio, & a sanis omnibus non intellecto solum, verum etiam usitato, in hisce pagellis usurpavi. Ego enim, quoties *Naturam* nomino, toties *causarum naturalium complexum* quendam significari volo; quæ quidem causæ brutæ licet, atque omni consilio destitutæ, non tamen sine summo consilio reguntur, dum suas quæque operationes edunt, suosque effectus exequuntur. Nimirum supremum

num illud Numen, cujus vi producta sunt omnia, & a cujus nutu dependent, infinita sua sapientia sic disponit omnia, ut ad opera destinata se certo quodam ordine atque methodo accingant, neque frustra quicquam molita, neque nisi quoad optimum est, ac toti rerum fabricæ, suisque privatis naturis maxime accommodum, exsequentia: perinde atque *automata* non pro suo, sed artificis consilio moventur.

SECTIO TERTIA.

CAPUT I.

*Constitutio Epidemica Annorum 1667.
1668. partim etiam Anni
1669. Londini.*

ANno 1667. appetente Æquinoctio Verno, *Variolæ*, quæ durante illa, quæ proxime est prægressa, constitutione pestilentiali, vel prorsus delituerant, vel rarissime comparuerant, caput cœperunt attollere, jamque in dies latius grassantes, sub Autumno *Epidemici* factæ sunt, a quo tempore paulatim imminuta vi, superveniente brumali frigore parcius laceſcebant; ac proximo Vere *quiescente*, postliminio invaluit hic morbus vixitque, donec ab insequentis hyemis gelu, uti prius, retuso impetu coerceretur. Posthæc tertio demum cum Vere surgente increbuit, ac jam languidior, & succiso quasi poplite, minus late dominabatur, quam duabus quæ præcesserant æſtibus: Mense vero Augusto 1669. pepitit intercidit, Dysentericæ Epidemicæ locum cedens. Labente primo illo biennio, quo hac constitutio regnabat, *Variolæ* plures in Urbe aggrediebantur, quam unquam alias, quantum ego memini, seu antroſum ſpectes, seu retro: Quo non obſtante, cum genuinæ per id temporis fuerint, neque mali moris, paucos jugulabant, ſi ingentem laborantium numerum reputemus.

Quo primum tempore *Variolæ* inceſſebant, & novum quoddam febris genus exortum eſt, a *Variolis*, quales ſe tum gerebant, non multum abhorrens, ſi puſtularum eruptionem demas, & quæ ab illa pendent, de qua in ſequentibus ſpeciatiſſimè agemus. *Febris hæc*, licet multo pauciores invaderet quam *Variolæ*, eaſdem tamen duratione æquabat: Hyeme vero cum jam illæ minuerentur, invaluit, atque, illis Vere novo

invaſcentibus, reſeſſit, prædominium *Epidemicorum* hujus conſtitutionis hoc pacto illis relinquens; Nihilominus per hæc tempora non plane deſiit unquam, donec tandem cum *Variolis* menſe Auguſto 1669. omnino diſparuit.

Binos hoſce morbos Epidemicos, & tertius comitabatur, ultima præſertim æſtate, quam dicta conſtitutio deſamabat, *Diarrhœa* ſcilicet, æris conſtitutione jam tum ad ſubſequentem *Dyſſenteriam* vergente: Utut vero hæc ſe res habuerit, id ſaltem conſtabat, morbum hunc febrim, quæ tunc regnabat, ita proxime attingere, ut nihil aliud eſſe videretur, quam ipſa febris introverſa, & viſceribus incumbens.

De tribus hiſce morbis, qui ſoli in hac *Conſtitutione*, Epidemicorum nomen ſibi jure vendicabant, ſigillatim jam agam, a *Variolis* initium faciens: quas idcirco paulo ſuſius tractabo; quoniam quæ per hos annos regnabant, mihi Genuinæ pro cæteris & *Regulares* maxime videbantur, utpote eadem prorsus exhibentes ſymptomata, & parili ſymptomatum agmine omnes, quotquot adoriebantur, ubique impetentes, & a quibus proinde, tanquam in ſuo genere perfectiſſimis, tum vera morbi Hiſtoria, tum etiam medendi methodus eſt deſumenda. Notandum enim eſt, non tantum febrim quandam propriam, & peculiarem cuilibet peculiari conſtitutioni competere, ſed peculiare etiam *Variolarum* genus, quæ hanc quidem ſpeciem referunt, durante hac annorum ſerie, aliam vero annis ſequentibus, quantumlibet inter ſe convenire videantur quoad certa *quædam* omnibus communia. Ita ludit Natura in morborum Epidemicorum generatione! Sed ut ad rem redeam: *Variolarum* hujus generis Hiſtoriam ante omnia præſcribam; quas ideo *Regulares* mihi licet indigitare, ut ab *Anomalis* ſubſequentium annorum valeam diſpeſcere: Tum etiam methodum adjiciam, quæ mihi in earundem *ſeriem* ex animo votoque maxime ceſſit.

CAPUT II.

*Variola Regulares An. 1667. 68.
& partim 69.*

Variolæ, quibus annis epidemicæ graſſantur, ſi *Regulares* etiam ſint, atque mitiores, circa *Æquinoctium Vernum* (uti hæc, de quibus ſermo nobis eſt) ingrediuntur; quibus

quibus vero annis non tantum grassantur epidemice, sed & *irregulares*, atque periculosioris sunt generis, maturius nonnunquam, mense puta *Januario*, invadunt. Integras familias contagio suo afflantes, nemini parcunt, cujuscunque demum ætatis is fuerit, nisi prius hoc morbo laboraverit. Neque tamen eximuntur illi, quos adulterinum Variolarum genus aliquod, ad hunc morbum nihil attinentium, prius obsederit. Duplex est harum species; (ut & Variolarum, quæ quibuslibet annis infestant) vel sunt enim *Distinctæ*, vel *Confluentes*; quæ licet essentialiter, ut ajunt, non differant, per illustriora tamen, quæ *hanc* comitantur speciem, *illam* vero non item, haud difficulter ab invicem discriminantur.

1. *Interstinctæ*, vel *Discretæ*, cum rigore atque horrore invadunt, quos mox excipiunt calor intensus admodum, capitis & dorsi vehemens dolor, vomituritio, ingens in sudores propensio (quod de adultis dictum volo, neque enim in infantibus hujusmodi *discretæ* mihi unquam observare contigit; vel ante pustularum eruptionem, vel etiam post) doloris sensus in partibus, quæ scrobiculo cordis subjacent, si manu premantur; stupor etiam, & somnolentia, in infantibus præsertim, nonnunquam & Paroxysmi Epileptici; qui si infantes Dentitione jam perfunctos corripserint, suspicor ego ubique, Variolas in procinctu stare, quæ intra pauculas horas se exerentes Prognostico, ut plurimum, fidem conciliant, & auctoritatem; ita ut si forte infans insultum Epilepticum sub vesperam, quod fieri solet, patiatur, Variolæ sequente aurora in conspectum se dederint, & (quod sæpe sæpius observavi, quæ Variolæ infantes statim ab hujusmodi paroxysmo aggrediuntur, pustulas emittunt magnitudinis conspicuæ, mites etiam sunt, atque boni moris, & rarissime confluant. Atque hæc fere sunt illa symptomata, quibus hic morbus sub initio stipatur, quæque eruptionem pustularum, ut plurimum, antecedunt. Quamvis interim hic loci consentaneum fuerit subindicasse in sanguine laxiori atque *μυταλλίτω* nonnunquam accidere, ut separationis periodus sensim, atque gradatim, sine insigni aliqua ægritudine transigatur, priusquam expulsio materiæ pustularum eruptione se prodatur.

Variolæ discretæ quarto ut plurimum die, (si primum etiam inclusis) ab evaluatione erumpunt, nonnunquam serius aliquanto, ante illum vero rarissime, quo quidem tem-

pore vel minuuntur admodum symptomata; quod plerumque fit, vel etiam penitus evanescent, ac proinde is affectus satis pulchre sibi videtur valere, nisi quod adulti in sudores propensi vix ab illis possint cohiberi, utut leviter tegantur, quæ quidem *discretæ* nonnisi pustulis jam maturationem attingentibus ægrum deserit, idque sua demum sponte. Eruptionem quod spectat hoc se fere habet modo. Primo pustulæ subrubræ, tenuissimarum acicularum puncta æquantur magnitudine, sparsim se produnt, faciem in primis occupantes, vel etiam collum & pectus, dein corpus universum. Per id temporis & fauces dolor infestat, qui una cum pustulis surgentibus augetur, quæ in dies grandæscunt, & in majus fastigium elevatæ cutem, carnesque vicinas rubore afficiunt, atque inflammatione.

Circiter enim *octavum* a primo insultu diem (quam in hoc morbo Epocham ubique servo) intervalla, quæ prius subalbebant, pro pustularum, quibus obsidentur, numero, rubere jam incipiunt, atque in molem attolli, non sine partium dictarum dolore tensivo, & lancinante, qui in horas ætius inflammationi, & tumori prædictis viam sternit; ita ut progrediente morbo palpebræ usque adeo impleantur, extendanturque, ut æger luce quandoque privetur, qui quidem palpebrarum tumor vesicam inflatam ac resplendentem per eandem extensam non male refert. Est etiam ubi temporius oculis capiuntur ægri, si nempe major pustularum vis a prima eruptione se in illos effuderit. Proximæ a facie intumescunt manus, digiti que pro pustularum numero distenduntur. Usque ad hunc diem pustulæ, quæ faciem obsederant, læves ad tactum suere atque rubræ, jam vero asperiores evadunt (quod quidem primum est incipientis maturationis indicium) & subalbidæ; paulatim insuper succum quandam luteum, colore a flavo non abludentem, evomunt. Faciei interim, & manuum inflammatio ad summum evecta apicem, colorem exhibet in pustularum interstitiis satis floridum, & Rosarum Damascenarum æmulum. Et sane quo mitiores sunt Variolæ, & genuinæ magis, eo etiam magis tum ipsæ pustulæ, tum & cutis, in earundem interstitiis, dictum colorem ad vivum exprimunt, qualem jam descripsi. Uti vero quæ faciem occuparunt pustulæ, asperiores quotidie ac magis flavæ pro maturationis ratione; ita e contra, quæ manus & reliquum corpus; minus asperæ, albæque

magis confpiciuntur in dies .

Die undecimo , faciei tumor atque inflammatio satis aperte recedunt , & pustulæ tam faciei quam reliqui corporis jam maturitatem , & iustam magnitudinem adeptæ , (quæ his annis ad pisum grandiusculum ascendebant) exarescunt , deciduntque ; atque , in hac variolarum specie , die decimo quarto , vel decimo quinto , ut plurimum , funditus pereunt . Veruntamen manuum pustulæ , cæterarum partium pustulis pertinaciores plerumque , recentes adhuc albæque , diei unius aut alterius mora , illas vincunt . Faciei & reliqui corporis pustulæ desquamatione , at vero manuum quæ sunt , diruptione abitum sibi parant . Pustulis faciei succedunt squamulæ furfuraceæ , quas aliquando excipiunt foveæ cutis . Etenim ubi primum decidunt pustulæ , nulla adhuc in cute cernitur inæqualitas ; at vero huiusmodi squamulis exurgentibus , recedentibusque vicissim , tandem excavantur foveæ illæ , quæ sæpenumero in convalescentibus ab hoc morbo diu visuntur , quamvis rarum admodum *Variolæ interdistingue* ulla ulla sui linquant vestigia ; atque illæ ferme solæ , quæ sex postremis anni mensibus invasere , cum quæ hos præverterint , nullas cuti notas imprimant , nisi forte confluerint , ut postea dicetur . Decurrente morbo omni , æger vel dissipatam prorsus habet alvum , vel saltem rarissime dejicit . Atque hæc de Variolis *Discretis* dicta sunt .

2. Symptomata cum *Discretis* communia habet & illa Variolarum species , quas *Confluentes* appellavimus , nisi quod hic atrociora sint omnia : Febris scilicet , anxietas , atque ægrotudo , vomituritio , &c. immanius affligunt , quibus signis Medico sagaci etiam ante eruptionem *Confluentes* se produnt . Nihilominus non ita prompte hic in sudores dissolvitur æger ac in illo genere jam supra descripto , ubi magna , ut fit , ad eisdem propensio ut plurimum prænunciat Variolas , quæ mox erumpent , minime confluentes : Diarrhœa insuper nonnunquam eruptionem præcedit , & ad diem unum alterumve post illam protrahitur ; quod quidem in *Discretis* Variolarum genere nondum mihi contigit observare .

Tertio ut plurimum die erumpit species hæc , ante illum aliquando , vix unquam post illum ; cum *Discretæ* vel ipso die quarto inclusivo a primo insultu morbi , vel postea , ante illum raro admodum se monstrant . Quantoque magis quartum illum diem præverterint Variolæ , tanto etiam confluent

magis . Quamvis autem , ut generaliter loquamur , *confluentes* diem quartum vix præstolentur unquam ; fit tamen , licet oppido raro , ut ob atrocius aliquod symptoma , ad quartum , vel quintum ulque diem differatur eruptio . Verbi gratia , acutissimus dolor nunc in regione lumborum , Paroxysmi Nephritici æmulus ; nunc in latere , qualis Pleuriticus vexat ; nunc in artubus , ut in Rheumatismo ; nunc denique in ventriculo cum ingenti ægrotudine , & vomitu enormi ante eruptionem ægrum fatigat , angitque . Hisce in casibus , licet infrequentes sint , Variolas solito serius erumpere animadverti , utpote ab immani symptomatum dictorum violentia constrictas , atque impeditas : Quæ quidem symptomata solitis vehementiora , cum agmen ducant , mihi satis aperte indicant securas Variolas , & e *Confluentium* genere esse , & periculo minime vacare .

At vero (quod jam proxime dicendum) licet in *Discretis* , mox ab eruptione (ut dictum est) quæ morbi insultum comitabantur symptomata , nullum jam amplius facessant negotium , in *Confluentibus* longe aliter se res habet : cum tam Febris , quam alia symptomata , etiam ad multos dies a pustularum eruptione ægrum discrucient .

Variolæ dictæ nunc Erysipelatis ritu , nunc Morbillorum , erumpunt , a quibus nonnisi a Medico in his morbis versatissimo distinguuntur , saltem quoad faciem externam : Nam qui ad dispar in utroque morbo eruptionis tempus , aliasque circumstantias , quas utriusque historia longe ab invicem discrepantes exhibet , sedulo animum advertit , haud difficulter hunc ab illo discriminaverit . Crescente morbo non in molem aliquam spectabilem , uti *Discretæ* , attolluntur , quæ faciem præsertim occupavere ; at sibi invicem implicitæ primo se habent instar vesiculæ rubræ vultum omnem contegentis , quem maturius etiam in tumorem elevant , quam solent *Discretæ* : dein ad instar pelliculæ albæ vultui agglutinatae , solitam cutis superficiem non multum superantes . Præterlapso die octavo , pellicula alba quotidie paulatim magis exasperatur indice digito , & ad colorem fuscum , non vero flavum , ut in *Discretis* accidit , intenduntur indies tum asperitas , tum etiam cutis color , donec tandem pellicula dicta latioribus laminis desquamatur , quod in quibusdam faciei partibus , si morbus truculentior fuerit , non nisi post vicesimum diem solet contingere . Quanto atrociores fuerunt Variolæ , tanto magis pu-

pustulae matrescentes ad colorem subfuscum
 vergunt, tanto etiam lentius, si suo utan-
 tur genio, abscedunt, ut econtra quanto
 minus confluerint, tanto magis & flave-
 scunt, & se ocyus proripiunt. Pellicula hæc
 seu scabies omnia pervadens, ubi primum
 deciderit, nulla quidem scabritie vultum affi-
 cit, et vero mox illam excipiunt squamulae
 furfuraceae indolis perquam corrosivæ, quæ
 non modo patentiores excavant foveas,
 quam solent Variolæ distinctæ, sed etiam
 faciem cicatricibus scæde deturpant. In *Con-*
fluentium genere, si admodum sævierit mor-
 bus, humerorum etiam, & dorsi cuticula
 nonnunquam deperditur, nudatis partibus
 subjectis expositisque.

Animadvertendum est autem, Morbum
 hunc magnum æstimari, non pro Variola-
 rum frequentia, quæ reliquum corpus, sed
 pro earum numero tantum, quæ faciem ob-
 sedere, quæ si iis tanquam injecta arena
 ubique contegatur, utut pauca, atque Di-
 scretæ sint ex, quæ in reliquo corpore cer-
 nuntur, haud minus periclitatur æger, quam
 si membra omnia denso agmine pervaserint.
 Atque ex adverso quantumlibet spisse trun-
 cum, & artus occupaverint, si in facie ra-
 riores comparuerint, magis in vado res est.
 Quod de numero diximus, & de Variola-
 rum more potest affirmari, malusne scilicet
 is fuerit, an secus, vultus aperte indicat.

In *Confluentium* genere ubique observavi
 pustulas manuum, atque pedum majores fuisse,
 quem reliqui corporis, & quo altius ab
 artuum extremitate truncum versus ascenditur,
 eo sensim minores & contractiores sem-
 per extitisse. Atque hæc de *Pustulis* censui
 dicenda.

Sunt vero & alia symptomata duo, quæ
 Variolis *Confluentibus* accidunt, haud mino-
 ris momenti, quam vel pustulae ipsæ, vel
 tumor, vel aliud quodlibet e prædictis; *Salivatio*
 nempe in adultis, atque in infantibus
Diarrhæa. Horum prius ita perpetuum
 se comitem adjungit, ut unicum tantum vi-
 derim Variolis *Confluentibus* laborantem,
 nulla superveniente Salivatione: Posterius
 autem, nempe Diarrhœa, Infantes hac spe-
 cie laborantes non ita certo discruciat. U-
 trum providens Natura has evacuationes id-
 circo substituerit, quod in pusillo hoc, ac
 humili genere materia morbifica ita penitus
 nequeat exterminari, ac in pustulis istis ma-
 joribus, ac magis fastigiatis, generis *Discreti*,
 nullus definitio, cum Historiam tantum scri-
 bam, non solvam Problemata. Hoc certe

scio, quod non solum Variolas *Confluentes*
 plerunque comitantur, sed etiam quod quæ
 per illas fit evacuatio tam est necessaria,
 quam sunt vel pustulae, vel faciei & ma-
 nuum intumescencia.

Dicta *Salivatio* nonnunquam sub primum
 eruptionis tempus se prodit, nonnunquam
 nonnisi postridie, biduove præterlapso. Ma-
 teria primo tenuis excernitur, ac facile ad
 tempus aliquod rejicitur, ægro interim mul-
 ta lintea eadem nocte conspurcante. Neque
 sane multum cedit Ptyalismus hic alteri illi
 qui ope *Mercurii* excitatur, nisi quod non
 ita male oleat. Die autem fere undecimo
 saliva viscidior jam facta, ægerrime excrea-
 tur; siticulosus est æger, tussit subinde inter
 bibendum, & potus per nares revertitur,
 atque ab hoc die cessat ut plurimum Sali-
 vatio, licet aliquando (rarius tamen id ac-
 cidit) ubi per diem unum alteramve omni-
 no cessaverit, tandem postliminio recrude-
 scat. Dicto autem die, undecimo scilicet,
 tumor faciei una cum Salivatione imminui
 incipit, ac tunc primum ejus loco manus
 intumescere solent, aut debent.

Diarrhæa non ita mature infantes solet
 invadere, atque adultos *Ptyalismus*, quo-
 cunque vero tempore ingruerit, nisi ante
 sistatur, singula morbi stadia decurrit.

In utraque Variolarum specie Febris a
 primo statim insultu ad eruptionem usque
 præcipue dominatur, qua peracta inducias
 fere dat usque ad pustularum maturationem,
 & tempus in quo pus conficitur, quo de-
 mum elapso proffus definit.

Observavi semper in morbo vehementiori,
 ægrum sub vespeream quasi Paroxysmo labo-
 rasse, & funestiora symptomata vespertinis
 præsertim horis se ostendere, atque exacer-
 bari.

En justam Variolarum hujus generis Hi-
 storiam; vera ac genuina hujusce morbi
 Phænomena, prout scilicet naturaliter se
 habet, complectentem: De *Accidentibus*
Anomalibus, quæ eidem, ubi minus recte
 tractetur, superveniunt, jam proxime disse-
 remus.

Animadvertendum est itaque, ista quæ
 die octavo in genere *Distincto* occurrunt Sym-
 ptomata Anomala, & quæ undecimo die in
Confluentæ, (facto semper a primo morbi
 insultu computandi initio) maximum ad
 ægri sive vitam, sive interitum pondus ha-
 bere, magisque ad amissum expendi debere,
 cum liquido constet, maximam eorum par-
 tem qui utrolibet morbi (sc. jam descripti)

genere intereunt, præfatis singulatim diebus defuncti. Primo enim qui *Discretis* Variolis laborat æger, cum satis prompte sudoribus diffluat, (quod hic in adultis fieri solere jam diximus) ac sibi omnia bona promittat, si morbi, ut sperat, virus per cutis poros hoc pacto amandaverit; diligenter ideo huic methodo infistit, tum remediis Cardiacis intro assumptis; tum regimine calidiore, ut par est, adhibito (atque hæc eo facit lubentius, quod tum ab hac Methodo in principio sibi melius videatur habere, tum etiam ad male fundatam Adstantium opinionem propius accedat). Tandem vero eliminatis per *discretis* particulis istis quæ ad pustularum elevationem, atque intumescentiam faciei debuerant facere, die octavo quæ turgescere, & per interstitia pustulis interjecta inflammari debuerat facies, flaccida e contra reperitur, & albescent interstitia, licet interim rubescant pustulæ atque eleventur, post ægri mortem. Qui ad hanc usque diem nullo negotio manaverat sudor, jam subito suæque sponte evanescit, neque remediis ullis Cardiacis, vel etiam calidissimis, revocari potest. Æger interim Phrenitide corripitur, anxietate, jactatione, ægritudine vehementius; utinam parce reddat, ac frequenter; ac tandem paucissimarum horarum spatio amicorum spem fallit, & ad plures migrat. Veruntamen hic est notandum, quod, si paucæ compareant Variolæ; hyems si fuerit, æger ætate provestior, aut venæsectio fuerit celebrata, regimen illud calidius in quod jam animadvertimus, non ita certo faciei turgescentiam impedit, & proinde mortem accersit, atque ubi confertæ Variolæ, Ver æstasve fuerit, æger ætate florens, neque sanguis detractus.

At vero in *Confluentibus* maxime periclitantur ægri, & plerique etiam moriuntur die undecimo; nam cum hoc fere tempore *Salivatio*, quæ ægrum hactenus in tuto posuit, soleat desinere sponte sua, nisi faciei intumescencia adhuc aliquantulum persistens, ac manuum insigniter jam incipiens ejus vicem subeat, necesse est ut pereat æger. Id enim est perpendendum, quod in hoc Variolarum genere, ubi pustulæ tam sunt exiguæ, non Salivatio tantum, sed faciei insuper, & manuum intumescencia ad materiam morbosam rite eliminandam omnino requiruntur, quarum utralibet, si vel non adsit, vel ante justum tempus recedat, ægro protinus moriendum est. Jam vero nimio sæpius evenit in morbo calidiori, ut sanguinis

crasi a regimine præservido disjecta, fractæ quæ, atque eo usque accensa, ut particularum inflammationum exterminationi sensum faciendæ non amplius competat, (ut quæ sudoribus importune extortis debentur mala jam taceamus) hinc vel non omnino intumuerint facies manusque, vel tumor ille una cum salivatione evanuerit; quamvis enim faciei tumor ipso hoc die aliquantisper debeat remitti, non debet tamen nisi post diem unum alterumve omnino recedere, manuum interim tumore persistente vigenteque, quod quidem vix aliud est minus fallax Convalescentiæ *πρὸς γίγναι*, uti neque è contrario certum magis imminenti periculi indicium.

Sed utut id sit; materia Ptyalismi, quæ ad hunc usque diem cruda fuit, tennis, & facile excreabilis, viscida jam facta & tenax, ægro suffocationem intentat; Potus quem assumit in pulmones fere dilabitur, unde cum tussi violenta per nares rejicitur, voce est rauca; somnolentia & stupore corripitur ingentibus, oppressus undique vi morbi, atque in hujusmodi agone ut plurimum extinguitur, eo quem jam diximus die.

Sunt & alia adhuc symptomata, quæ in quolibet morbi statu occurrunt; tam *Discretis* Variolarum generi, quam *Confluentis* pariter communia.

Phrenitis, v. g. a nimia sanguinis ebullitione nonnunquam ægrum corripit, & caloris tam parum est patiens, ut magnis viribus, ac furibundo nisu injectas prehendentium & lecto incarcerationum manus eludere conetur.

Aliquando eadem causa effectum longe diversum; seu contrarium, ut videtur, producit, Affectum sc. *Comatosum*; ita ut æger nunquam ferme evigilet, nisi continuo pulsu excitatus.

Est etiam ubi in hoc morbo, perinde atque in peste, laxata, inflammationis vi, sanguinis compage, *macule purpureæ* se ostendant pustulis interspersæ, mortis fere semper prænunciæ. Frequentius hoc evenit, ubi aeris Constitutio morbo isti Epidemico grassanti præ cæteris favet. Aliquando in pustularum summitate maculæ nigræ exiguæ, acicularum capita vix æquantes, in medio vero subsidentes, se produnt variis in locis, quæ cum nimio fervori ortum debeant suum, tandem beneficio regiminis magis temperati tuscum colorem acquirunt, posteaque pedetentim sublavum illum, qui variolis genuinis, ac suum morem obrinentibus, naturaliter competit, quod satis liquido cernitur

in illa, quæ circa morbum hunc versatur præxi, in quo omnia Symptomata eo sunt mitiora, quo magis pustulæ maturitatem adeptæ ad dictum colorem accedunt, atque e contra.

Adolescentum porro, & ætatis flore vigentium, (præcipue si vicino, aut alio quovis liquore spirituofo se nimium impleverint) usque adeo in hoc morbo nonnunquam sanguis accenditur furitque, ut per arterias, & vesicam viam sibi faciat, & qua data porta ruat; quo quidem *missu sanguineo* vix aliud symptoma peioris notæ atque ominis invenire licet, per omnem hujus morbi tractatiam.

Ab eadem insuper causa nonnunquam, licet rarius, sanguis e pulmonibus ejicitur. Utraque vero Hamorrhagia hæc sub morbi initio plerumque contingit, pustulis nondum erumpentibus, vel si in quibusdam locis se ostendant, in plerisque tamen aliis adhuc sub cute densæ latent, atque ejus sunt generis, quæ in maxime *Confluentes* adolescenterent, nisi jam dictum symptoma ægri morte morbum finierit.

Aliquando etiam *Urine suppressio* totalis ad malorum cumulum accedit, in juvenibus præsertim, idque in statu, vel etiam declinatione *Discreti* generis.

Sunt & alia symptomata, quæ a *proprietate* aliqua jam dictis contraria interdum oriuntur, si nempe æger a frigore nimis intenso fuerit læsus, vel si præter jus sanguis vena fuerit pertusa ad ingentem sanguinis amissionem, aut alvus nimia Catharsi subducta, unde pustulæ nonnunquam fastigiis cedunt & derepente confidunt, superveniente insuper *Diarrhæa*, a qua ægro (adultus si fuerit, ut supra innumus.) ingens est discrimen, & anceps morbi exitus, materia sc. Variolosa intro versa, ita ut Natura eidem per cutis poros debite exterminandæ impar protusus inveniatur. Huc accedit, quod faciei manuumque tumor ab his retunditur, qui non minus in bonis ægri rebus est censendus, quam ipsa pustularum eruptio, nisi ex fuerint *perpaucæ*.

Quæ vero a suscepto frigore pendent symptomata, raro admodum occurrunt, si cum illis conferantur quæ a contrario, calidiori nempe regimine, nascuntur; Cum enim morbus hicce inter calidissimos jure optimo habeatur, longe minus ab hac parte peccatur, quam ab altera.

Qualis vero sit hujus morbi essentia, ob naturalem & communem mihi cum reliquis hominibus Intellectus defectum, nescire pla-

ne me fateor; veruntamen prædicta symptomata peniculatim trutinata mihi videntur subindicare, *inflammationem* eam esse (a cæteris tamen Inflammationibus specie diversam) tum sanguinis, tum reliquorum humorum, in qua amolienda, per dies priores duos tresve id agit Natura, ut particulas inflammatas digerat coquatque, quas postea in corporis habitum ablegatas maturat adhuc, & sub Abscessulorum forma suis demum finibus expellit. Quapropter ut fundamento alicui medendi methodus superstruatur, notandum est, duo esse hujus morbi tempora, quorum primum *separationis* est, secundum *expulsionis*. Atque primum quidem illud tempus plerumque cum febrili ebullitione transigitur, quod tribus vel quatuor primis diebus peragi solet, quorum decursu Natura id satagit, ut partes ejusmodi inflammatas seligat congregetque, quæ sanguinem laceant, atque etiam ut illas in carnosas corporis partes relegatas ibidem deponat, quo facto pristina quiete fruitur, sedato jam tumultu, qui, dum hoc ageretur, in sanguine ciebatur. *Separatione* sic ope ebullitionis, in sanguine peracta, *Expulsio* jam locum obtinet, quæ per reliquum morbi tempus, mediantibus parvis illis *abscessibus*, in carne perficitur. Sicut enim a Natura abscessuum sua specie non abluunt, ita parem cum aliis, cruditis, maturationis, atque exarescentiæ statum percurrere solent; quæ omnia si rite, atque laudabili modo absolvant, & exequantur, in tuto res est, cum exinde curationis summa dependeat; sin minus, omnia pessum ruitura sunt. Et quidem postremum hoc negotium, priori illo *separationis* opere, tanto plus temporis sibi vendicat, quod prius illud in tenui fluidoque corpore transigatur, atque in ipso (ut sic dicam) Naturæ foco; posterius autem densio spissoque theatro, atque a vitæ fonte paulo remotiori, partes suas exequi cogatur.

His ita præmissis, Indicationes exurgunt. 1. Ut aquabilis ille renor ebullitionis in sanguine conservetur, qui neque nimis propere separationem nimia sua vi perficiat, neque tamen torpido nimis motu eandem remoretur, vel non satis idoneam præstet. 2. Ut abscessuli, pustulæve summa cura sustineantur, quo debita tempora percurrentes, tandem contentam in se materiam omnino avehant, ipsæque etiam evanescant.

Ut itaque paucis de *prima* agamus; sollicite in primis cavendum est, hoc tempore præsertim, ne nimium assurgat ebullitio, si-

ve

ve id fiat ex congestis stragulis, sive ex aëre loci in quo decumbit aeger, igne nimium excalescente, sive ex calidiorum medicamentorum & cardiacorum usu; præcipue vero sub his cavere oportet, si aeger in ætatis flore constitutus fuerit, vel sanguinem habeat generosiori potu nimis exaltatum, vel anni tempestas, aut Verna sit, aut saltem ultra æstatis initium non processerit. Hinc enim fiet, ut separatio, quæ sensim lentisque gradibus peragi debebat, ut ad universalem quamdam despumationem opportunius pergat, præcipiti cursu feratur, atque ita vel non satis idoneus partium numerus congregetur; vel (quod forte contingat) nonnullæ partes ad secretionem damnentur, quas alias Natura illam subire noluisse; nisi quod ultra debitos limites excurrere coacta, noxam hanc sibi creet: secretis enim illis, quæ ad separationem minus opportuna sunt, aliorum illuc propendentium motus, eorum commixtione impeditur; adeoque redduntur expulsionis minus accommodata. Mihi quidem rationi consentaneum videtur, ut quo diutius Natura *separationem* molitur, ac perficit; dummodo ebullitio non omnino torpeat; eo certius, atque universalius eadem *separatio* absolvatur. Atque ex illa sic absoluta, curationis insequentis successus potissimum ut dependeat necesse est, uti ex *methodo* contraria, contrarius plane rei exitus; ex calido enim isto regimine nihil boni nascitur, sicut ex præcoci fructu, nihil frugis: cum frequenter usuveniat, ut vel in Phrenitidem aeger prono lapsu ruat; vel (quod peioris notæ est) sudores ingentes oboriantur, ex quibus partes non secerni aptæ, neque *puris* naturæ respondentes (quod ipsum tamen pus genuina soboles est huiusce excretionis) eliminantur, vel ex Cardiacis illius administratis, calidaque custodia, Variolæ nimis protusæ in unum confluant, scædo certe spectaculo, tristemque eventum interminanti.

Atque hæc & huiusmodi symptomata ex his erroribus progigni solent, cum ex altera illa *methodo* nihil unquam mali observaverim. Natura enim sibi permissa negotium suum suo tempore exequitur, materiamque debito ordine ac via tum secernit, tum etiam expellit, ut (in Junioribus præsertim vegetisque temperamentis) nostra ope, nostris artificiis, atque auxiliis non indigeat, suis viribus optime instructa, suis opibus lopes, suo denique ingenio satis edocta. Neque sane vel ipse vidi, vel fando accepi,

quenquam ex eo periisse, quod Variolæ primo non eruperint, nisi nimis multi perierint, quorum Variolæ primum laudabiliter, & cum summa spe erumpentes, postea recedentibus pustulis præmature detumuerunt.

Quemadmodum autem inconsultum est atque periculosum, calidioris regiminis vel Cardiacorum ope cæptam ebullitionem nimis evehere; ita e contrario non minus vacat periculo, mediantibus venæ sectione, clysteribus, emeticis, catharticis, aut id genus aliis eandem minuere, cum hoc pacto partium separabilium commoda secretio plurimum impediatur. Licet enim vulgare illud atque tralatitium argumentum, quo adversus Phlebotomiam, aliasque evacuationes utuntur (nempe quod non liceat a circumferentia ad centrum movere humores, cum Natura in hoc morbo contrarium affectare videatur) nullarum plane virium sit; eo quod ex earundem usu contrarius omnino effectus, subitanea scilicet variolarum eruptio, sæpissime consequi deprehendatur; aliæ nihilominus rationes in promptu sunt, quæ vehementer suadent, ut, siquidem illo modo vitari possit, ab hac praxi manus abstineamus. Namque (ut earum præcipua paucis attingamus) per hæc evacuationes, non tantum ebullitio nimis imminuitur, cujus interim ope partes despumandæ accurate secerni debuerant; verum etiam illud ipsum subducitur, quod cæptæ secretioni quasi pabulum continenter suppeditaret; unde sæpenumero contingit, ut Variolæ primum laudabili impetu erumpentes (eoque fortasse melius, quod evacuationes jam diu præcesserant) paulo post ex improvviso quasi percussæ detumescant, idque ob eam potissimum causam, quod materia desit, quæ quasi a tergo præeuntem insequeretur, atque agmen clauderet. His vero non obstantibus, si vel minimum suspicari liceat Variolas mox erumpentes e Confluentium genere futuras esse, utile prorsus erit, ut non solum sanguis quam primum mittatur, sed & Emeticum propinetur, ob rationes alio in loco fuisse dicendas.

Tandem ut ad secundam illam Indicationem pedem promoveamus ad tempus *expulsionis* accommodatam; quo tempore materia separata, parvorum abscessuum sive pustularum ope, amandatur atque expellitur, nempe illud hic agendum est, ut pustulæ debito modo sustineantur, quo rite atque ordine destinatam periodum assequantur.

Sicut itaque supra satis, ut opinor, ostensum

sum est, inprimis periculosum esse, si æger præsentī febre, at pustulis vix dum apparentibus, in ipso *secretionis* tempore nimium caleat, ita etiam non minori periculo plena res est, si idem quovis morbi tempore fiat, atque illa præsertim quod ad expulsionis initium vergit, crudis adhuc existentibus pustulis. Quamvis enim sanguis, peracta jam *separatione*, atque relegata ad carnosas partes materia, ab intestino tumultu magnam partem immunis sit, interim tamen tenet adhuc, recensque, ac vix novo statu & quasi textura indutus, *crassus* est, facileque vi caloris immodici undecunque appellentis afficitur, atque adeo levissimo momento irritatus flammam concipit, & in novam ebullitionem proclivis est; quæ quidem nova ebullitio, non, uti prior illa, *separationem* jam molitur (illam quippe peractam supponimus) verum illius loco non tantum symptomata superius memorata excitat, sed & coeptam per pustulas *expulsionem* interrumpit, & contentam materiam exagitando noxam parit. Vel itaque partes jam secretæ, atque in corporis *istius* depositæ, vehementi illo rapidoque sanguinis ebullientis cursu abreptæ in ejusdem massam reorben-
 tur; vel partes carnosæ ultra gradum supurationi debitum excalefactæ, minus commode exequuntur; vel denique fortassis oborta hac nova ægritudine, sanguinis æconomia, ipsarumque carniū tonus pervertitur, usque adeo ut materiam illam expulsam vincere, eamque solemnī more abscessuum coquere nequeat.

Interim non usque adeo nos illuc intentos esse oportet, quo ebullitionem nimiam in sanguine prævertamur, ut ægrum frigoris injuriis exponendo, pustularum eruptio impediat. Gradus ille caloris ad harum expulsionem promovendam accommodatissimus, naturalis sit oportet, atque ejusmodi, quæ carnosarum partium temperiei conveniat, quique hunc excedit, aut ab eodem deficit, utrinque periculosus est.

Ex dictis itaque satis manifestum videtur, in quam incerto lubricoque sit loco, tum morbus ille, de quo loquimur, tum praxis medica, quæ eidem accommodanda est. Atque etiam exinde pronunciare auserim, illius famam, qui in medicando hoc morbo frequenter sese exerceret, in angusto versari; quandoquidem non vulgus solummodo mor-

tis causam fatagenti nimis Medico transferre paratum sit, verum etiam ejusdem artis professores calumniandi ansam inde cupide arripiant, atque coram iniquis Judicibus causam dicentes, severissimam sententiam facile eliciant; eo scilicet consilio, ut ipsi pluris æstimentur, & super aliorum ruinis viam sibi sternant ad famam: id quod viris literatis indignum prorsus est, imo & vilioribus artificibus, modo probitatem colant. Hunc porro cernere est, quod minus mirum sit, si nutricibus, per se nimium plerumque officiosis, & fatagentibus, res male sæpenumero succedat. Nempe res ardua est, & quæ muliercularum ingenium, atque judicium superat, gradum caloris huic requisiti definire, præsertim cum anni tempestas, ægrorum ætas, & vitæ ratio, aliaque huc spectantia simul pensanda veniant, id quod prudentem profecto, atque sagacem Medicum omnino postulat.

Si contigerit, ut vel Phlebotomia minus opportune celebrata, vel admissio frigore pustulæ reciderint, vel facies ac manus detumuerint, Cardiacis utendum est. Sed cavendum tamen, ne in his exhibendis nimii simus. Quamvis enim sanguinem ademeris, fieri tamen potest, ut virum inde jacturam metuens, adeoque Cardiacis aut fortioribus aut sæpe repetitis utens, novam ebullitionem ex improvviso suscitet. Nimirum sanguis adhuc tenuior est, & vim calidioris stimuli facile sentit; unde fit, ut sæpe repetitæ ebullitiones in eodem excitentur, quibus ægrorum mors majori jure tribuenda est, quam prægressæ venæ sectioni. Atque hæc generatim de iis, quæ primariis Intentionibus satisfacere possint, dicta sunt.

(1) Jam ut calcata vestigia repetam, ac ad praxin propius accedam: Quamprimum manifesta hujus morbi indicia se produnt, ægro aura liberiore, vino, ac carniū esu interdico, cerevisiam vero tenuiorem pane tosto leviter tepesactam pro potu ordinario, ac subinde pro arbitrio hauriendam concedo; pro victu etiam juscula avenacea, hordeacea, poma cocta, aliaque, quæ neque frigoris, neque caloris vim aliquam egregiam obtinent, aut ventriculo concocturo molestiam exhibent, injungo. Nec vulgarem illam rusticamque dietam admodum improbo, nempe ut lacte cum pomo cocto & confuso vescatur, modo cautum sit, ut eo per
 vices

vices utatur, & modice, dempto etiam laetis frigore, A regimine calidiore protinus inhibeo, ut & ab usu medicamentorum Cardiacorum quorumcunque, quibus Variolas in cutem ante diem *quartum*, qui eruptioni proprius est ac naturalis, temere propellere nonnulli satagunt. Cum pro certo habeam, eo magis universalem fore materiæ Variolosæ separationem, quo tardius istæ prorumpunt, proinde & securiores possumus esse, ne se denuo intro condant, & rectius maturefcent, cum, si ante tempus extrudantur, præcipitatur materia cruda adhuc, atque inconcocta, quæ ad instar fructuum præcociorum inani spe lætat. Adde, quod ab hac nimium festinata diligentia periculum est (in calidioribus præsertim temperamentis ac vegetioribus, quorum principia activa plus satis Cardiacorum suppleant vicem) ne Natura nimis incitata coactaque, universam pene corporis substantiam in Variolas effundat; ita ut jam *confluant* illæ, quæ, nisi plus æquo properasset, in *distinctionum* ordinis latiori ordine substitissent. Porro non ideo statim foras propellendæ sunt Variolæ, ubi primum aliqua morbi hujus suspicio oritur, quia sc. æger ante eruptionem vehementer ut plurimum laborat angiturque, cum ne vel una quidem instantia possit ostendi, quempiam ideo interiisse, utut graviter ægrotaverit, quod non mox prodirent Variolæ, vel Naturam iisdem serius ocyus extrudendis defuisse, nisi sicubi regimine calidiore, & remediis Cardiacis, præmature ingestis, fuerit impedita. Etenim non semel observavi in junioribus & temperamento sanguineo præditis, regimen calidius, & Cardiacæ eo animo exhibita, ut Variolas ante justum tempus exturbent, ita parum eruptionem accelerasse, ut eidem e contra obicem ponerent. Sanguine enim his modis excalescæto, & in motum violentiorem, quam qui materiæ Variolosæ separationi rite peragendæ par esset, concitato, certa tantum quedam morbi indicia se prodidere, latentibus intra cutem pustulis, neque se ultra efferentibus, quibuscumque demum Cardiacis sollicitarentur, donec tandem sanguine ad moderatam debitamque temperiem redactæ, concessa sc. cerevisia tenuiori, demptoque partim stragulorum, quibus torrebatur onere, pustulis exiturientibus commodam viam stravi, atque ægrum in tuto, favente Numine, collocavi. Neque magis, si quid ego judicandæ valeo, ab illis stat ratio, qui ægrum ita pertinaciter ante diem *quartum*

lecto addicunt, modo cubiculi ambitu se contineat, quam ab his, qui adeo præmature atque intempestive Cardiacæ ingerunt; Etenim *Sanguinis mictus*, *maculæ purpureæ*, & reliquæ symptomata lethalia, (de quibus supra) eo tantum nomine, præsertim ætate florentibus, superveniunt, quod nempe lectulo præpropere nimis affigantur. *Quarto* vero die lectulo ægrum adjudico, ac tum temporis, si eruptio parum pro votis succedat, recte exhiberi potest Cardiacum aliquod blandius, unica saltem vice, quo exigantur pustulæ. Inter ista quæ huc faciunt medicamenta, *Paregorica* dicta, qualia sunt *Laudanum liquidum*, *Diascordium*, &c. si in pauca quantitate aquis Cardiacis appropriatis admisceantur, cæteris prælucent: Hæc enim cum sanguini æstuanti frænum injiciant, Natura materiam morbificam opportunius atque liberius ejicit, atque amolitur. Neque etiam consulerem, Cardiacum ante hunc diem propinare vel urgente *Diarrhæa*, atque illud, ut videtur, indicante. Licet enim, quod antea innuimus, nonnumquam Variolarum *Confluentium* eruptionem præcedat *Diarrhæa* (quæ oritur ab halitibus inflammatoriis, vel humoribus a massa sanguinis per primos dies exagitati atque æstuantis, in intestina exoneratis) non tamen hic magis deerit Natura dictis materiæ Variolosæ halitibus in corporis habitum propellendis, quo factæ, sua jam sponte sistetur *Diarrhæa* quam solet in halitibus istis extrahendis eliminandisque, qui in ventriculum inversi sub initio morbi vomitum provocant.

Animadvertendum vero est, quod si ad adolescentem vegetiorem accersor, & qui insuper liberaliore sive vini, sive liquoris cuiuscumque spirituosius computatione morbo ansam dedit, non satis habeo ad fræmandam sanguinis ebullitionem, ut tam lectulo, quam Cardiacis abstineat, nisi ad hæc sanguis e brachio mittatur. Quod si non concedatur, obtinente vulgi præjudicio, missiorem mihi saltem esse petendam existimo. Superinducta enim inflammatione ista, quam sanguini impressit liquorum spirituosorum fervor, intenso illi calori, quem hic morbus naturaliter comitem habet, ita furit sanguis, ut non raro in vesicam vasorum ductu irruat; vel maculas pariat purpureas, aliaque ejusmodi symptomata, quæ per omnem morbi decursum crucem figunt Medico, atque ægrum e medio tollunt. Atque hæc de illis, quæ ante pustularum eruptionem sunt peragenda.

Ubi primum eruperint pustulæ, jam proxime diligenter mecum perpendo, an *Discreti* fuerint generis, an vero *Confluentium*; cum longo hac intervallo ab invicem distent, quantumlibet convenient quoad symptomata quædam utrisque communia. Si itaque ex pustularum magnitudine, & paucitate, tardioreque eruptione, tum etiam ægritudinis, aliorumque symptomatum gravissimorum, quæ in *Confluentibus* etiam post eruptionem fatigant, evanescentia, de genere *Discreto* mihi constet; ægrum cerevisia tenuiori, jusculis avenaceis, hordeaceis, &c. reficiendum curo, modo quem supra descripsimus. Atque si tempore æstivo eoque calidissimo Variolæ non ita multæ obtingant, quorum attineat ægrum in lecto jugiter stratum, obrutumque detinere, ego quidem non video. Quin potius singulis diebus, per aliquot horas de toro surgat, ea lege, ut tam loco, quam vestitu, frigoris pariter ac caloris nimii incommoda præcaveantur. Quid quod ægroto a cubili quandoque abstinente, morbus minori cum molestia, ac etiam breviori spatio tempora sua peragat, quam si eidem continenter affigatur! quod non modo ægritudinis tædium adauget, verum etiam febrilem æstuationem fovet, & prodeuntibus vesiculis dolorificam inflammationem conciliat. Quod si aut frigidior anni tempestas, aut copiosior Exanthematum eruptio perpetuo decumbendi necessitatem ægrotanti imponat, prospicio, ut non intensiore caloris gradu, vel adjectis pluribus stragulis in lecto decumbat, quam quibus in prospera valetudine uti solebat, accenso interim, nonnisi hyeme incumbente, mane & sero foco mediocri. Neque etiam exigo, ut in eodem loco semper jaceat, nempe ne sudores erumpant, quos ego tum rationibus supra allatis, tum ipsa experientia fretus, fidenter affirmo non absque ingenti periculo promoveri posse.

Determinante morbo, cum halituum a materia jam in pus conversa prodeuntium eruptio liberior a pustulis tandem crustosis ac duriusculis impediatur, abs re non erit *Vini Canarini semicocti cochl. 5. vel 6.* vel aliud medicamentum Cardiacum temperatum exhibere, ne scilicet halitus illi putridi in sanguinis massam postliminio revertantur. Et sane jam nunc, neque prius, Cardiacis locus est. Eodem pariter tempore diæta paulo calidior, & Cardiacæ magis potest concedi; juscula v. g. ex pane, & cerevisia saccharata, e farina avenacea cum cerevisia, & Sydenham Opera Med. Tom. I.

saccharo, &c. Neque aliis omnino erit opus, in genere scil. *Discreto* ac leniori, si æger hac methodo, ac diæta, utrisque moderatis, se tractari patiatur; nisi forte an inquietudo, vigilæ, aut alia symptomata phrenitidem minitantiæ, paregorici usum subinde suadeant.

Hæc sane, reclamante licet immani isto, ac male fundato hominum præjudicio, quod ex adverso militat, vera est ac genuina methodus huic Variolarum generi medendi, & obtinebit deum, me vita functo. Et licet non negem, multos regimine admodum opposito tractatos nihilominus convalescere; fatendum est tamen, (& sane dolendum etiam, si nobiscum reputemus, quam omni prorsus periculo vacat ex sua natura hoc *Discretum* genus) plurimos etiam interire, quin & alii complures satis pariter concederent, nisi vel a frigidioris tempestate, in quam incidit morbus, vel a Phlebotomia (aliter supervacanea, atque inutili) nuper celebrata servarentur. Quo nomine, si vel obstinatio amicorum, vel ægri diffidentia prædicto regimini intercesserit, tutius mihi videbatur sanguinem detrahare; quod quidem, licet in hac specie per se officiat (quatenus sc. & separationem perturbat confuditque, & pabulum insuper tum pustulis, tum tumoribus elevandis destinatum subducit) aliquantisper tamen secuturum regimen calidius pensat, ac proinde hanc, quam non nisi coacti usurpamus, methodum, non usque adeo periculosam, atque ancipitem reddit.

Ex dictis (ut obiter attingam) facile erit vulgare illud Problema solvere; quid fiat scilicet ut perpauci adeo e plebe hoc morbo pereant, si ad eos comparentur, qui inter divites eodem trucidantur? quod quidem vix ad aliam causam potest referri, quam quod ob rem domi angustioris, & agreste vivendi genus, vix illis fiat copia sibi nocendi regimine magis accurato, ac delicatiori. Quinimo & plures inter vulgus jugulavit hic morbus, ex quo *Mithridati, Decocti C. C. &c.* usum didicere, quam in sæculis *indoctioribus* quidem, at magis *sapientibus*: cum in singulis ferme ædibus reperitur stolidæ aliqua ac sciolæ muliercula, quæ in hominum perniciem, quam non didicit, artem exerceat. Atque hæc de Variolarum, quas *Interstinctas* appellavimus, curatione.

At si confluant Variolæ, periculosa plena res alex est; arbitror enim ego, genus hoc non minus ab altero illo discrepare, quam

ab hoc ipsa pestis, licet apud hominum vulgus, quibus nomina, & verba pro rebus sunt, utriuslibet curatio ex æquo prædicetur. In hac morbi specie, cum intensioris sanguinis inflammationis proles sit, major pariter adhibenda est cura, ne calefiat æger, ut in prioris curatione jam dictum est. Quamvis autem species hæc ex sua natura majorem sibi vendicat refrigerationem, quam altera ista; ad promovendam tamen faciei ac manuum intumescantiam, (sine qua de ægro actum est) & pustularum elevationem atque augmentum, tum etiam, quia æger ob exulcerationes dolorificas lecto abstinere nequeat, expedit, ut in eodem contineat & se, & manus etiam suas, modo stragulis modice contectus sit, & concessa fuerit venia ab hac in illam lecti partem corpus pro arbitrio suo transferendi, ut in genere *Discreto* inuimus. Præsertim vero morbo exeunte, cum jam appetat *Febris Maturatio* non tantum hac libertate privandus est æger, sed monendus etiam, ut ea utatur, quin & versandus per sæpe nocte, atque interdiu, ut ingens calor contemperetur, & evitentur sudores, quibus amandatur lenis iste humor, quo diluendæ sunt Variolæ, ut mitescant.

Quandoquidem vero, ut diximus, *Pryalismus* hanc speciem jugiter comitatur, qui cum e præcipuis sit Naturæ evacuationibus, atque hic in ejus locum, quæ per pustulas fieri debuit, substituatur, (quæ quidem per pustulas evacuatio, in hac specie humili ac depressiore, non æque atque in altera procedit) summopere annitendum est, ut dicta salivatio in vigore persistet & conservetur, nec ante diem suum sistatur; vel remediorum calidorum usu, vel a cerevisia tenui aut simili alio liquore liberaliter hauriendo, ægrum arcendo. Jam cum *Pryalismi* mos sit naturaliter se habentis, ut cum prima eruptione incipiat, & die *undecimo* minuatur, neque tamen nisi post diem adhuc unum aut alterum omnino desinat, si ante diem illum penitus cesset, in lubrico sunt ægri res. Nam cum faciei tumor (per quem nonnihil materiæ morbificæ evacuetur) nunquam non eo ipso die dispareat, si salivatio eodem pariter tempore se subducatur, æger materia variolosa jam putrescente, ceu veneno, inficitur, cumque nulla amplius detur porta, per quam evacuari possit, in busti limine constituitur; nisi forte (quod fit nonnunquam) manuum intumescantia, quæ ut serius quam illa faciei se ostendit, ita tardius recedit, ejus sit molis ac momenti, ut ab Orei fau-

cibus illum eripiat. *Salivatio*, quæ tanti hic est tamque necessaria, admodum promovetur, si ægro assatim propinetur cerevisia tenuis, vel liquor alius quilibet, qui nec illum calefaciat, nec ad sudores provocet.

Præter hæc vero, ut consopiatur vehemens illa sanguinis ebullitio, qua hæc Variolarum species alteram illam longe superat, & sustentetur *Pryalismus*, (necessaria nempe hujusce morbi evacuatio) conveniunt medicamenta *Narcotica* præ aliis quibuscunque; quæ licet ob vim, qua donantur, incrassantem, educendæ salivæ videantur officere, jamdiu tamen ego me isto liberavi præjudicio, atque eadem in hoc morbo adhibui, adstipulante ubique rerum eventu, modo æger pubertatem excesserit. Sanguis enim infantium puerorumque (qui per integram morbi studium plerumque satis bene dormiunt) cum mitius ferveat, minus hujusmodi eget sufflamine; atque insuper horum usu *Diarrhæa*, quam in hoc morbi genere infantibus evacuationem Natura instituit, cum ægri damno sistitur. Adultis vero *Paregorica* medicamenta, si frequenter usurpentur, hæc adferunt commoda. Primo, somnum moderate conciliando, efferam nimis sanguinis ebullitionem, ac proinde Phrenesin cohibent, præcaventque. Dein, ab eorum usu faciei, & manuum intumescantia, quam insignem in hoc morbo Natura habet evacuationem, rectius procedit. Quin etiam, quod non parum facit ad ægri securitatem, cum non raro justo citius detumescat facies cum malis ægri rebus, tumor Narcoticorum ope ad debitum usque Naturæ terminum suffulcitur, & protrahitur; mitigato enim sanguinis fervore, radii inflammati opportune ad manus, faciem atque omnem corporis superficiem pro morbi ingenio feruntur. *Pryalismus* denique hisce propagatur, qui licet vi medicamenti ita fortiter incrassantis ad horas aliquot sistitur in quibusdam, mox tamen aucto novis hisce suppetiis robore, inturgit denuo Natura, & ceptum opus feliciter peragit. Quin etiam animadverti *Salivationem*, quæ circa diem *undecimum*, aliquando etiam citius, cum ingenti ægri periculo minui solet, exhibitis plus semel *Paregoricis*, de novo fuisse redintegratam, nec ante diem *decimum quartum*, alicubi etiam & post illum, desisse. Propino ego ut plurimum vel *Laudani liquidi* guttas 14. aut circiter, vel *Syr. de Meconio* ʒj. in *Aq. flor. Paralyf.* vel simili stillatitia solutam. Quæ si adultis post plenam eruptionem ad morbum usque

usque finem singulis noctibus propinentur, non modo incommodi nihil, sed & magnum inde emolumentum capient, quod frequenti experientia didici. Expediit vero, ut censeo, paulo temporius quam aliter fieri solet, *Paregoricum* exhibere; facile enim observatu est in Variolis pessimi moris, *caloris*, ut ita dicam, *Paroxysmum* vespere plerumque agrum inquietudine, anxietate, aliisque symptomatis lacessere, quæ si *Paregoricum* hora sexta septimave vespertina sumatur, aliquatenus præcaveri possint.

Proximo loco, cum in Variolis *Confluentibus* haud minus certo *Infantes Diarrhæa* comitetur, quam *Adultos Ptyalismus*, Natura, ut supra ostendimus, alterutram harum evacuationem materiæ morbificæ eliminandæ ubique constituyente, ut nec hic *Ptyalismo*, ita neque istuc *Diarrhæa* frenum injicio, cum utrumque ex æquo sit absurdum. Male locata interim imprudentium aliquot muliercularum opera in sistenda hujusmodi *Diarrhæa*, multa infantium millia letho dedit, dum falso secum reputant, *Diarrhæam* par in hac Variolarum specie, atque in *Distincta* discrimen apponere; nesciæ scilicet, illis tantum officere *Diarrhæam*, ubi per pustulas fit evacuatio, hic vero naturæ opus illam esse, morbo effugium querentis. Missa itaque *Diarrhæa*, & tunc ex præcepto Divini senis sumptum, quo cæpi pede pergo, in cunis tunc jaceant infantes, ut nunc istinc auferantur, consulto; & si fuerint ablactati, eandem, quam superius adultis, dietam istis concedo.

Ultimis morbi diebus, cum facies ob pustulas crustosas, duras, aridasque ferme riget, eandem oleo *Amygdal. dulc.* inungo persæpe, tum ad mitigandum dolorem a rigiditate ortum, tum ut effluvia calidiora liberius exhalent.

Facies ne cicatricibus deturpetur, nihil quicquam molior; cum *Olea*, *Linimenta*, &c. id tantum agant, quo tardius evanescant albi isti furfures, quibus, se invicem pellentibus excipientibusque, postquam æger jam lecto surrexit ac mediocriter valet, paulatim succedunt sædæ illæ cicatrices. Sed ab his non valde metuendum est ægro, ubi ob regimen moderatius postulat minus exacerbata nullam qualitatem Cauticam contrahere.

(1) Jam vero, licet methodus hæc (si

caute scil. ac prudenter circumstantiis particularibus accommodetur) prædicta illa a Natura abhorrentia atque periculosa symptomata præoccupet, & securum, atque perbenignum morbum reddat; a quacumque tamen causa extorta sint hæc, me nondum accersito; necesse habeo in aliquibus, quæ hic subnectam, alia via insistere, eadem ut submoveam, atque debellem.

In primis igitur, si in *Discreto* genere ob regimen justo calidius, & continuos sudores, ægri facies die octavo non intumescat, (pustulis interim satis dense se exerentibus) sed flaccida sit, & pallescat pustularum interstitia, in casu posito, ultra quod ad temperatum magis regimen, & compescendum sanguinis *excessum*, velis remisque contendo, *Paregoricum* aliquod medicamentum e vestigio hauriendum præcipio, quod quidem somnum blande conciliando (nisi plus nimio cerebrum incaluerit) & mitigando proinde effrenem sanguinis ferociam, sanguinem unæ cum calore ad faciem, prout morbi ratio postulat, tempestive determinat. Quod si eo usque processit malum hac *specie* ortum, ut sudor, qui huc usque copiose manavit, sponte sua defecerit, æger Phrenitide corripiatur, de vehementi queratur ægitudine, urinam paucam at frequenter reddat; jam non aliis auxiliis (cum in propinquo mors sit) ægro subveniri posse autumo, quam vel Narcotica adiatim exhibendo, vel sanguinem liberaliter extrahendo, corpusque auræ exponendo. Et profecto haud ita temerarium, atque *arctum* videbitur, quod jam proposui, si ad illos animum advertamus, qui ob copiosas narium Hæmorrhagias subito ingruentes, ferreas imminentis lethi manus salvi evasere. Illud insuper est perpendendum, quod in extremo hoc agone non idcirco instat mors, quod pustulæ intro recedant, (extant enim hæc eminentius cum insigni rubore, etiam animam agente ægro) sed quod facies non turgescat; ad promovendam vero hanc faciei intumescantiam, quicquid id demum est, quod ad sanguinem contemperandum facit (venæ sectionem autem & modicam refrigerationem, eam vim obtinere nemo, opinor, negaverit) necessario æque ac *Paregoricorum* usus, atque ob easdem plane rationes, debet conferre.

Non hæc ita velim intelligi, ac si in qualibet *Phrenitide*, Variolis superveniente, (cum

nullum hic symptoma frequentius occurrat) venæ sectionem statim suaderem, sed in illa tantum, quæ ideo accidit, quia facies non turgescit, in *distincto* sc. genere, & pustulis copia satis magna comparentibus; vel ubi ob regimen admodum calidum, & Cardiacorum usum, sanguis adeo effusus est, atque ultra omnem modum evectus, ut inducias ferre nequeat, donec medicamentis *Paregoricis*, & reliquis eodem facientibus, ad debitam temperiem reduci possit. Cum enim ita se res habent, Medicus ad conscientiam suam potius, quam ad incertam famam se componens, vel sanguinem, ut ante dictum, detrahere debet, vel ut æger aëre liberiori refocilletur, præcipere. Quod ut satis efficeretur, sæpe mihi visum est in tali agone phrenetico, ut æger lecto aliquantisper exurgeret, quo facto plures a morte liberavi. Præter ista vero, quæ oculis ipsis usurpavi, innumera sunt illorum exempla, qui his modis quasi Orci faucibus erepti sunt, *Phreneticorum* enim nonnulli nutricum curam fallentes (miris sc. artibus utuntur homines ita affecti) atque e lecto dilapsi aëris frigori semetiplos etiam noctu exposuerunt: Alii frigidam vel furtim, vel raptim nacti, vel etiam precibus a nutrice emendicatam hauerunt, adeoque felici errore salutem jam plane desperatam consecuti sunt.

Unicam hic loci historiam adscribere non gravabor, quam ab eo ipso accepi, cujus res agebatur. Is nempe *Brisfolium* profectus, juvenis adhuc, inque ipso ætatis flore, circa mediam ætatem Variolis correptus est, iisque paulo post phrenitis accessit. Nutrix in urbem ingressa, interim ægrum suum aliorum curæ commisit, innox nempe reditura. Verum dum paulo diutius moratur, ægrotus (ut astantibus visum est) interea moritur. Astantes, & anni tempestatis, & habitus ægri, crassi sc. atque corpulenti, rationem habentes, ne oleret cadaver, e lecto sublatum ac nudum mensæ imponunt, linteo superstrato. Nutrix tandem rediens; accepto nuncio, cameram intrat tristissimo spectaculo interfutura; mox amoto linteo, vultuque conspecto, subobscura quædam vitæ indicia conspici sibi visa est, ac proinde statim projectum corpus in lectum reposuit, adeoque sub manu consilium capiens, ac nescio quid satagens, ægrum suum in vitam revocavit, atque diebus aliquot interpositis sanum conspexit.

Sed ut ad propositum revertar; Proximo loco, si in Variolis *Confluentibus* saliva eo

usque excocta sit, & viscida ob calorem præcedentem, ut tantum non suffocetur æger, (quod *undecimo*, ut supra diximus, die non insolens est) *Gargarisma* necessario in usum trahatur, & ut sæpe die nocteque siringa in fauces sedulo injiciatur, serio imperandum. Componatur vero illud e cerevisia tenui, vel aqua hordei, cum melle rosarum. Vel sequens usurpari poterit: ℞. Cort. Ulmæ ʒvj. Rad. glycyrrhiz. ʒss. Passular. enucleat. n. xx. ros. rubr. p. ij. coq. s. q. aq. in fʒij. collatura dissolv. Oxymel. simp. & mel. ros. aa. ʒij. M. s. s. *Gargarisma*. Quod si æger rite fuerit tractatus, *Ptyalismus*, etiam cum jam cœperit imminui, ita pulchre suo fungetur munere, ut hoc remedio opus non fuerit. Et profecto ubi eo res rediit, ut æger singulis momentis a suffocatione periclitetur, stupore obrutus, & spiritu fere undequaque præcluso, non satis tuto huic remedio fiditur. Ægro ita ad incitatus redacto, *Emeticum* peropportune, ac feliciter nonnunquam exhibui, ex *infusione Croci Metallorum*, sed dosi paulo majori, sc. ad ʒij. quando, ob eximiam, qua laborat æger, stupiditatem, minor dosi haudquaquam operabitur, atque interim eos exagitando humores, quos nequeat educere, ægrum in magnum vitæ discrimen conjiciet. Sed neque huic remedio satis fidere possumus, atqui (quod vere dolendum) aliud adhuc certius desideratur ad truculentissimum hoc symptoma debellandum, quod solum ac suo Marte eos fere omnes jugulat, quotquot in hac Variolarum specie *die undecimo* intereunt.

Cætera quæ in hoc morbo accidunt symptomata, ut *præcaventur* ope regiminis moderati, ita ab eodem pleraque etiam *tolluntur*; e. g. ut *Phrenesis* antedicta, a nimia cerebri excalescentia prognata, sanguine quoque modo paululum ventilando curatur, eadem methodo. & *Comati* (quod alteri contrarium prorsus videtur symptoma, & ab obstructione corticis cerebri fit, dum halitus calidiores a sanguine regiminis ac medicamentorum calidorum usu attenuato, magna copia, ac vi illic impelluntur) facile occurritur.

Eadem hac sanguinis contemperatione & *Maculas Purpureas* vidi sublatas. Sed neque hac, neque alia methodo quacunque, vel *mixtum sanguinis*, vel violentam ejusdem e pulmonibus eruptionem adhuc sufflaminare potui; utraque vero Hæmorrhagia hac, quatenus mihi hætenus observare licuit, indubie mortem prænuñciat.

In *Urine suppression*, quæ juniores ac vegetos nonnunquam incessit (a confusione sc. magna & spirituum *crassa*, ejusdem excretioni subservientium, ob sanguinem & humores nimio fervore agitados) omnes *Diuriticorum* tribus in auxilium accersivi, sed nihil æque feliciter hic mihi cessit atque e lecto eximere ægrum, qui postquam adstantium manibus suffultus cubiculum bis terve circumambulaverit, mox urinam satis copiose reddet, haud parvo cum levamine. Testes hic possim compellare Medicos quosdam & familiaribus meis, qui in hoc casu ex meo consilio idem fieri præceperunt, neque eos fefellit eventus.

At vero, quæ a materiæ variolosæ repercussione ob frigus extremum, vel evacuationes indebite factas; proveniunt symptomata, usu Cardiacorum, & conformi regimine sunt tollenda, qui tamen non ultra spatium, quo ista perstant, continuandus. Horum præcipua sunt pustularum depressio seu procidentia, & *Diarrhæa* in Variolis *Discretis*. Neque enim in *Constitutionibus*, vel pustularum depressio mali quidquam ominatur, cum ea sit morbi natura; neque *Diarrhæa* infantium iisdem laborantium, cum salutem ista adferat, non periculum. In utroque hoc casu potio Cardiaca ex *Aquis stillatitiis* appropriatis, cum *Diascordio*, *Laudano liquido*, &c. jure optimo concedatur, idque non tantum ad dicta symptomata submovenda, sed quolibet morbi tempore, si æger de cordis dolore, atque ægritudine conqueratur. Sed ut verum loquamur, symptomata hujus generis oppido rara sunt, si cum illis conferantur, quæ extremorum alteri, exitiabili magis, licet minus culpato, debentur. Et quidem opinor, rumorem illum, qui de crebra pustularum retrocessione invaluit, ex eo natum esse, quod qui eandem depressionem in genere *Confluentium* observaverint, illam pro materiæ variolosæ ob susceptum frigus recessu habuerint, cum nihil sit hic præter morbi morem. Atque in genere *Distincto* idem suspicantur, quia sc. pustularum eruptionem atque augmentum ante diem expectant, cum non satis attenderint ad tempus illud, quo Natura fructum hinc ad maturitatem solet perducere.

Ægro jam convalescente pustulisque deciduis, ubi per dies aliquot carnes idem degustaverit, circa diem nempe *Primum* & *viceßimum*, sanguinem e brachio extrahendum censeo, si morbus fuerit vehementior; cum inflammatio, quam sanguini impresserunt Variolæ, siue adultus meritis æger, siue infans, non minus venæ sectionem indicet, quam colluvies, quæ eidem accrevit, Catharsin: quod satis liquet, tum a sanguinis colore, qui post atrociorum morbum educitur, Pleuriticorum sanguini omnino similis, tum etiam a magnis istis inflammationibus, quæ post morbum hunc in oculos decumbunt, aliisque diris sanguinis excalescenti & a morbo depravati effectibus: unde etiam, qui antea pancreaticæ valebant, postea cum humoribus calidis acerbisque in pulmones, aut aliam aliquam partem depluentibus, per reliquam vitam omnem conflagunt. At si pauciores extiterint pustulæ, Phlebotomia non opus erit. Post venæ sectionem Catharticum exhibeo ad tres, vel quatuor vices.

Ad hæc, ægro a *Confluentibus* Variolis jam diu liberato, & e lecto quotidie surgenti nonnunquam accidit *Crurum tumor* ferus ac molestus; qui tamen vel sponte faecessit post venæ sectionem, & Catharsin, vel usu herbarum emollientium ac discutientium, (quales sunt *Malvæ*, *fol. Verbasci*, *Sambuci*, *Lauri*, cum *flor. Chamomillæ* & *Meliloti*) in lacto coctarum, facile fugatur. Atque hæc de Historia Variolarum, quæ hosce annos grassatæ sunt, quas, ut ab aliis speciebus, quæ infecutæ sunt, dirimam, *Legissimas* appellare libuit.

C A P U T III.

Febris Continua Annorum 1667. 68. & partis 1669.

JAM ut de *Febre* illa dicam, quæ durante *Variolosa* hac *Constitutione* dominabatur, & cum Variolis ingressa, sterit cum iisdem, ceciditque; ita se hic res habuit. Doluit æger in regione, quæ cordis scrobiculo subjicitur, nec sustinuit, ut manu illa præmeretur; quod quidem symptoma non memini me observasse in alio morbo præter hanc febrem, & hanc speciem Variolarum. Capitis dolor, & calor totius corporis, ut etiam Petechiæ, satis manifesto indicio se prodebant. Sitis interim non urgebat. Lingua sanorum similis non raro comparuit, nisi quod quandoque albida, sicca rarissime, nunquam vero nigra. Æger in spontaneos eosque effusissimos sudores ab initio morbi solvebatur, sed cum nullo levamine, quinimo ubi calidioribus medicamentis & regimine provocabantur isti, periculum erat, ne mox *Ærenitide* corripere. Petechiarum insu-

insuper numerus augebatur, atque alia symptomata adhuc efferebantur omnia. Urinæ separatio, quæ satis videbatur laudabilis *vel* ab initio, spem faciebat salutis; neque tamen æger magis exinde in melius proficiebat, quam post *Diarrhœam*, de qua prius diximus. Si minus recte tractaretur hic morbus, diutissime protraheretur plerumque, neque crisi aliqua facta, nec sponte more aliarum febrium desinens, sed vehementibus symptomatis miserum excrucians ad septimanas sex vel octo, nisi mors intercederet. *Ptyalismus* quandoque satis copiosus sub finem accedebat, si nempe nulla insignior præcesserat evacuatio, atque ægro Julapia refrigerantia imperata fuerant; quo quidem, si neque evacuationibus, neque usu medicamentorum calidorum fuerit interceptus, morbus ultra spem omnem fugam sibi quærebatur.

Ut vero febris hæc ab ista aëris constitutione epidemica pendebat, quæ eodem tempore Variolas producebat, ita profecto dicta febris, si non eadem plane esset, ejusdem fere cum illis naturæ, atque indolis per omnia videbatur, demptis solummodo symptomatis istis, quæ eruptionis vel consequentiæ effecta erant necessaria. Nam eodem modo uterque morbus aggrediebatur, dolor idem in partibus, quæ cordis scrobiculo subjacent, si manus admoveretur, linguæ item color, urinæ consistentia, & sudores spontanei copiosi ab initio oborti ubique respondebant. Propensio itidem quam habebat hic morbus, quoties in flammam vehementiorem assurgeret, se per *Ptyalismum* exonerandi, eadem prorsus erat atque in Variolis hisce, quoties scilicet *Confluebant*. Cum insuper hæc febris eo præcipue tempore sæviret, quo latius quam unquam alias, quantum ego observavi, hic locorum grassabantur Variolæ, nemini dubium esse potest, quin ejusdem omnino sint prolapæ. Id certo scio, Phænomena practica omnia, quæ curationem respiciebant, eadem plane fuisse in utroque morbo, exceptis istis, quæ Variolarum eruptio, ejusque effecta in isto morbo indicabant, quæ, cum nulla essent in hac febre, indicari proinde non potuere; quod quidem mihi abunde constabat ex accuratissimis illis observationibus, quas feci, dum utroque morbo laborantes tractarem. Quapropter danda mihi est venia, (non quod nova rerum nomina affectem, quæ perinde mihi sunt invisa atque illi cui maxime, sed ut hanc febrem a cæteris distinguam) ut istam a si-

mitudine, quam cum hac Variolarum specie habet, *Febrim Variolosam* insigniam.

Utut vero febris dicta Variolas referebar, nemo tamen sanus eadem illam methodo debere curari facile sibi persuaserit, cum in his mediantibus abscessulis particulæ inflammatae in habitum corporis amendantur eliminanturque; in hac febre autem non nisi per salivationem ejiciantur. Quia enim in morbi principio manabant *sudores* profusi, *Symptomatici* erant, non *Critici*; cum Natura non aliam hic evacuationem videretur designavisse, quam *Salivationem*, quam tamen ipsa eadem Natura pervertit ut plurimum, vel *Diarrhœa*, quæ sapissimæ a radiis inflammatoriis per arterias meentericas in intestina relatis, atque eadem ad excretionem sollicitantibus, exoritur, (quod etiam in *pleuritis* usuvenit, aliisque febribus inflammatoriis, ob sanguinis particularumque servidarum orgasimum, ut eventilentur satagentium, vel immensis etiam *sudoribus*, qui morbum hunc pariter cum Variolis ex Naturæ præscripto ubique comitabantur) quibus cum symptomatici essent ipsi, *Salivatio* quæ critica alias erat futura, alio derivabatur, ita ut nisi evacuationem aliam suggereret Ars, ad septimanas aliquot perseveraret morbus, nec aliarum febrium more concoctionem subiret.

Sed ut paulo ulterius progrediamur, quo & febris hujus naturam rectius capiamus, & ea pariter substernamus, quibus *Indicationes Curativæ*, tanquam immobili fundamento, superstrui possint, omnino animadvertendum est, quod in *Febre* illa, quæ in *Constitutione Intermittentibus Epidemica*, vivebat, materia, quæ a sanguine erat sejungenda, tantæ erat crassitudinis, ut separari nequireret sine prævia digestionem, qua ad debitam evacuationem disponderetur, (determinato sc. ad hoc tempore,) idque vel *Diarrhœa* paulo pleniori, vel dejectionibus criticis; ita ut id tantum negotii Medico daretur, sic se ad morbi genium accommodare, ne ex una parte in symptomata periculosa assurgeret, atque ebulliret, neque ex altera ita parum effervesceret, ut materiæ inimicæ exterminandæ impar prorsus esset, cum febris naturæ instrumentum fuerit, ad hujus secretionis opus debita opera fabricatum. Quin & in *Peste* materia aliqua reperiebatur a sanguine segreganda; sed cum subtilissimarum fuerit partium, & maxime inflammabilium, (ita ut quandoque ubi summe exacerentur, sanguinem, fulguris instar,

instar; pervaderent, nec ebullitionem quidem in eodem ciere valerent) ictu oculi per eum trajiciebat, nec nisi in glandula aut parte aliqua externa sistebatur; ubi irretita carnes circumjacentes primo in inflammationem, postea in Apostema, pertraxit. Est autem *Apostema* Naturæ machina, quæ ista, quæ carnibus infesta sunt, amolitur, sicut *Febris* ejusdem est machina, ad dissolanda ea, quæ sanguinem male habent. Quo in casu, Medicorum est, evacuationem materiæ pestilentialis, quam per hos abscessus Natura molitur, prout decet, regere; nisi forte quis magis consultum esse putaverit, aliam aliquam evacuationem substituere, quæ magis penes illum fuerit, ejusque arbitrio certius obtemperaverit, quam illa Naturæ. Eodem etiam modo procedit Natura in expellenda *Variolarum* materia, licet ea species sit inflammationis pinguioris ac magis crassæ, quæ per pustulas ubique sparsas ejicitur *Carbunculorum* loco, ac *Bubonum* &c. Atque in hoc etiam casu indicationes curativæ eo sunt dirigendæ, ut naturalis per pustulas evacuatio rite administretur. Jam vero cum in hoc *Febris inflammatoria* genere, de quo nunc agimus, non inveniatur crassior illa materia, non nisi prævia digestionem egerenda, sicut in febre superius descripta, incassum ebullitioni obsecundamus ad obtinendam hujusmodi digestionem; quinimo econtra, haud leve est periculum, ne huic viæ insistentes, stimulos addamus morbo, cujus esse in inflammatione plus satis violenta consistit: atque porro, cum Natura nullam huic febrili evacuationem per modum eruptionis constituerit, quod in febre pestilentiali, & Variolis fieri cernimus, (utur rebus aliis posteriori huic morbo respondeat) necessario in hoc stabit rei summa, ut sedetur *inflammatio* evacuationibus, & medicamentis contemperantibus. Hunc mihi proponens scopum, hujusce febris curationem aggressus sum, quæ methodo hac difficulter expugnata fuit.

Ad ægrum accersitus, mox sanguinem e brachio educendum curavi, modo nimia debilitas, præsertim vero provectior ætas, non contra indicaret; venæ sectionem insuper alternis diebus ad duas adhuc vicēs repetendam jussi, nisi redeuntis sanitatis signa aliter suaderent. Diebus interjectis *Enema* e lacte & saccharo, vel simile injiciendum præcepi, præscripti & Julapium sequens vel aliud ejusmodi, frequenter per omnem morbi decursum assumendum; *℞. Aq. Portul.*

Lettuc. fl. Paralys. an. ℥iv. Syr. de Lincn. ℥ij. Sir. Violacei ℥j. Cap. ℥ij. quater vel quinquies in die, & ad libitum; serum lactis, aquam hordei & similia ejus farinae pro potu ordinario concessi; pro victu juscula etiam hordeacea, avenacea, panatellam, poma cocta, &c. jusculis vero e carne pullorum, vel alia quacunque interdixi.

Præ reliquis omnibus edixi, ne se in lecto assidue contineret, sed illo abstinere bonam diei partem, idque quotidie; quando observaverim in hac febre, (uti etiam in *Pleuritide*, *Rheumatismo*, aliisque omnibus morbis inflammatoriis, in quibus abigendis venæ sectio, & refrigeratio primas obtinent) medicamenta summe refrigerantia, & repetitam sæpissime Phlebotomiam ne hilum prodesset, dum interim æger lecto indefinenter affixus, ejus calore torreatur, æstate præsertim. Quocirca nec sudores, quibus subinde diffusebat æger, ab hac metodo refrigerandi, tum medicamentis exhibitis, tum jugem lecti usum vetando, me deterrebant. Etsi enim, sumpta a plerumque juvantibus *Indicatione*, magnum sibi quis inde emolumentum haud injuria pollicitaretur, refragabatur tamen ubique experientia, quæ magistra didici, ægrum non modo nihil exinde commodi capere, sed e contra vehementius incallescere: ita ut non *Phrenesis*, *Petechiæ*, cæteraque pessimi omnis symptomata mox hujusmodi sudores exciperent, quæ non tam a morbi malignitate, quam *siastro regimine* oriri videbantur.

Si e contra dicatur, Jam laudatam febrium curandarum methodum Authorum Theoriæ omnimode adversari, qui omnes uno ore pronunciant, febrem per *diaporesin* rectissime ac maxime naturaliter expediri; nec habeo quæ pro ea militent, præter certissimæ ac constantis experientiæ testimonium mihi in hujus particularis febris curatione nunquam non suffragantis. Suppono ante omnia viros doctos, qui sudorum provocationem ad tollendam febrem efflagitant, eos velle sudores qui a prævia digestionem humoris alicujus in sanguine stabulantis excernuntur, in quo humore elaborando præparandoque ut per *diaporesin* eliminantur, Natura certo aliquo, ac determinato tempore fuerit occupata. Verum enim vero longe aliter hic se res habet; æger enim a primo statim morbi impetu in sudores uberrimos solvitur, qui soli morbi hujus pars magna sunt, & si Phænomenis omnino omnibus sit habenda fides, morbus hicce a nudo potius calore & san-

sanguinis æstu, quam ab humore aliquando delitescente, & post debitam concoctionem a sanguine per sudores expellendo, pendere videtur. Quod si demus, huiusmodi humorem digestionem maturandum in hac febre, pariter atque in multis aliis reperiri, quorsum attinet, Naturæ (cujus enormiora molimina in ordinem redigere opis est nostræ) plus nimio satagenti morem gerere, huiusmodi sudores vel Cardiacis provehendo, vel regimine calidiore, cum non minus sudores respiciat quam defectiones tritum illud Axioma, *Cocta, non cruda, sunt medicanda.*

Stante hac constitutione, accersabar ad virum doctissimum D. D. Morrice (qui tum temporis Londini jam Petuvorthie Medicinam cum laude fecit) hac febre cum effusissimis sudoribus, & frequentibus Petechiis laborantem; Consentientibus aliis aliquot Medicis, utrinque nostrum familiaribus, vena secta fuit, surrexit e lecto, absterfo primum sudore, medicamentis & diætâ refrigerantibus usus est, præsentissimo cum levamine, multis malis atque periculosis symptomatis mox dissipatis, & cum eadem methodo insisteret, intra paucos dies sanitati restitutus est.

Sed ad rem. Neque etiam *Diarrhœa*, quæ febrem hanc sæpissime comitabatur, me a dictâ methodo vel latum unguem dimovit; quinimo expertus sum (cum scilicet ab halitibus inflammatoriis e sanguinis massa per arterias mesentericas in intestina excretis, atque eadem vellicantibus, illa nasceretur) nihil huic profluvio sistendo æque conducere atque venæ sectionem, & sanguinis contemperationem, *aqua Hordei*, *sero lactis* atque aliis supra nominatis procurandam.

Hæc sane methodus optime mihi cessit in hujus morbi curatione, ad quam quidem apta nata præ cæteris mihi videretur. Non quod ego nunquam via longe contraria incedentibus spectator interfuerim, adhibitis scilicet Cardiacis & calido regimine, ægro nihilominus a morbo sæpe liberato, ita tamen ut mihi semper videretur is non mediocri discrimen adisse, nulla id suadente necessitate. Etenim *Petechiæ*, quæ aliter perpaucae erant, his modis numerosissimæ scatebant; sitis, quæ ut plurimum vix molestabat; jam intensius urgebat; lingua, quæ alias humida solebat esse, neque a sanorum lingua, nisi quod, ut diximus, subalberet aliquantil-

per, multum abhorrens, sicca in hoc regimine arefactaque, quin & nigra sæpe comparebat. Postremo illi ipsi sudores, quos Cardiacorum usu extorquere satagebant, tandem eorundem ope penitus interciderunt. Exacta enim per corporis habitum nimis larga sericopia, sanguis humori istiusmodi ulterius suppeditando par non erat, cumque ista quæ dilui debuerat humiditate insolidum jam spoliaretur, exarescebat protinus æger; atque in externis partibus constringebatur, omnino præter Naturæ morem, quem in hac febre observare solet, donec tandem sanguis humiditate ab absumptis mutuata denuo repletus, partim medicamentorum, partim etiam febris vi, serum hoc recens ingestum, ac cum illo febrem, a finibus suis pelleret. Quæ quidem crisis erat coacta & nimis periculosa, & (quod adhuc pejus) rarius etiam contingebat.

Jam vero, ut supra monuimus, febris hujus solutio, ut etiam Variolarum, (quæ soror ejus germana merito audiunt) per *Salivationem* non raro fiebat; quæ quidem nunquam non salutaris fuit, ita ut eadem liberalius procedente tam maculas revera purpureas, quam febrem ipsam evanescere oculis viderim meis. Oborta itaque *Salivatione*, nulla omnino evacuatio convenit, nec quæ vena pertusa, nec injecto quæ sit Enemate; cum ab utraque periculum sit, ne humor alio divertatur. At serum lactis, atque alia refrigerandi vi pollentia necessariam in *Salivatione* elicienda operam navabant, ut e contra Cardiacæ, & quæcunque alia calefaciebant, materiam inspissando ejusdem educationi officiebant.

Superstite adhuc febre hac, nedum extincta penitus anno maxime 1668. (1) *Diarrhœa*, sine manifesto aliquo febris indicio, epidemice grassabatur: Jam enim *Constitutio* ad *Dysenteriam* illam accedebat, quæ insequenti anno invaluit, ut jam proxime dicemus. Hanc nihilominus eandem ego censui febrem esse cum *Variolosa* adhuc regnante, forma tantum diversa, atque alio se symptomate efferentem. Cum enim mihi constaret, rigorem atque horrorem hanc etiam *Diarrhœam* præcedere solere, atque illam insuper ut plurimum ex eadem *noxiâ* invadere, ex qua solebat ista, quæ tum depopulabatur, febris, verisimile mihi est visum, febrem hanc ortum suum debere radiis inflammatoriis in

inte-

(1) *Diarrhœa.*

intestina inverfis, atque eadem ad expulsi-
nem hanc sollicitantibus; cum interim san-
guinis massa, ope hujus diverticuli a malis,
quos aliter radii isti attulissent, effectibus
integra maneat atque illæsa, nullo febris
visibili signo exterius se prodente. Adhæc
æger partes cordis serobiculo accumbentes
manu premi non tulit (quod quidem sym-
ptoma & Variolis, & febris hujus Constitu-
tionis accidisse jam pridem ostendimus.)
Idem etiam dolor, atque eadem carni-
um teneritudo sæpenumero externe in Epiga-
strium protendebatur, nonnumquam etiam
inflammatio, quæ in Apostemate, atque
ægrî morte demum terminabatur. Quæ
omnia luce clarius indicabant, *Diarrhæam*
hanc ejusdem omnino naturæ fuisse atque
essentia cum illa, quæ tum dominabatur,
febri. Sententiam hanc meam magis adhuc
ratam faciebat felix eventus, quem venæ se-
ctio, & medicamentorum, diætæ, atque re-
giminis refrigerantium usus, quæ in *Febris*
Variolosæ curatione usurpasse nos sæpe dixi-
mus, in sananda etiam hac *Diarrhæa* per-
petim habuere, utpote quæ huic methodo
prompte cessit. Cum vero alia longe diver-
sa tractaretur, sive exhibitis *Rhabarbaro* aliis-
que *Catharticis lenitivis* (ad deturbandos
scil. mordaces istos succos, qui intestina ad
hujusmodi excretionem putabantur irritasse)
sive etiam astringentibus; ex levi, suâ na-
turâ, morbo, in exitialem sæpissime evasit;
ut, qui eo anno concinnabantur *Diem ob-*
euntium Indices, plus satis testantur. Atque
hæc dicta sunt de *Morbis Epidemicis*, qui
ab hac *Constitutione* pendeant.

SECTIO QUARTA.

CAPUT I.

Constitutio Epidemica partis Anni 1669. at-
que integrorum 1670. 1671. 1672.
Londini.

In eunte *Augusto* (1) An. 1669. *Cholera*
Morbus, immania *Ventris tormina sine*
Dejectionibus, uti etiam *Dysenteria*, quæ per
decennium jam parcius comparuerat; grassari
cœperunt; *Cholera Morbus*, quem nun-
quam antehac ita fuisse Epidemicum ani-
madverteram, hoc non obstante, eo etiam
anno, uti semper, intra *Augusti* cancellos
Sydenham Opera Med. Tom. I.

stetit, vix in priores *Septembris* hebdomadas
evagatus. *Ventris* autem *Tormina absque*
dejectionibus ad *Autumni* exitum usque per-
severabant, & *Dysenterias* comitabantur,
quibus etiam latius spargebantur illa. Su-
perveniente vero hyeme tormina ista sine
dejectionibus penitus disparebant, nec dein-
ceps infestabant per sequentes Annos, qui-
bus vigeat hæc *Constitutio*, qua nihilomi-
nus *dysenteria* *indefinitè* seviebat. Cu-
jus rei hanc ego causam fuisse arbitror,
quod scilicet *Constitutio* ista nondum ita per-
fecte in *Dysentericam* transierat, ut sympto-
mata illa omnia, quæ *dysentericos* affligunt,
in singulis valeret producere. Etenim infe-
quente *Autumno* cum jam redirent tormi-
na, nullo non symptomate Parhognomonico
stipatus incessit morbus. Inter *Tormina* hæc
dejectionibus cassa, & *Dysenterias* jam me-
moratas, quæ ubique populabantur, exorie-
batur, & novum *Febris* genus, utrique mor-
bo comes, quæ non eos tantum invadebat,
qui priorum alterutro laborabant, sed etiam
illos, qui ab utroque adhuc immunes per-
stabant; nisi quod nonnumquam (at rarius
id quidem) *ventris tormina* admodum levia
accederent, nunc soluta alvo, nunc vero ad-
stricta; quæ cum illam febrem quadantenus
referret, quæ morbis præfatis non infrequen-
ter adhærebat, *Febris Dysentericæ* nomine ab
aliis distinguenda est, maxime cum, ut mox
docebimus, a *Dysentericæ* genio atque indole
in eo tantum recederet, quod *Dejectionibus*
istis caruerit, quæ in *Dysenteria* indefinenter
molestabant, cæterisque iis effectibus, quæ
huic evacuationi necessario debebantur. Ap-
petente jam *Brumali* frigore *Dysenteria* ad
tempus se subduxit; *Febris* autem *Dysente-*
rica magis grassabatur; *Variolæ* etiam, æ-
mitiores, & fractis admodum viribus qui-
busdam in locis impetebant.

(2) Anno vero subsequente vix dum in-
gresso, ipso nempe *Januario*, succedere *Mor-*
billi, qui in dies auctiores facti, nullam fe-
re familiam, nullos saltem infantes intactos
sinebant, atque ad *Vernum* usque *Equino-*
ctium sensim invalescentes, ab illo tempore
iisdem ferme quibus insurrexerant gradibus
paulatim referebant pedem, & *Julio* mense
evanuerunt, non amplius visi per eos annos
omnes, quibus dominabatur *Constitutio* hæc,
nisi quod proximo anno ea ipsa tempestate,
qua in præcedente, eruperant, rari hac il-
lac dissiparentur.

H

Mor.

(1) 1669.

(2) 1670.

Morbilli isti *Variolarum* generi, mihi haecenus non cognito, viam sternebant, quas, ut a cæteris distinguam, ob Phænomena irregularia inusitataque a me observata (quæ postea in earundem Historia tradentur) a præcedentis *Constitutionis* Variolis longe distantia, *Variolas Anomalas Constitutionis Dysentericæ* compellare lubet. *Variola* hæc, licet morbillis longe infrequentiores, non paucos tamen aggrediebantur, donec inchoante mense *Julio*, *Febres Dysentericæ* prævalerent, epidemice incursantes; approximante vero *Autumno*, *Augusto* scilicet, *Dysentericæ* postliminio revertebantur, atque omnia pervastabant, etiam inclementius quam prægresso anno defævientes. *Hyberno* tamen frigori terga dederunt, ut prius. Verum enim vero his fugatis *Dysentericæ Febres*, & *Variola* hyemem omnem funestabant.

At circa initium *Februarii* (1) Anni infrequentis, substitutis *Tertianis Intermittentibus*, uterque morbus rarior prodibat. Dictæ *Intermittentes*, licet non admodum epidemice, frequentiores tamen erant, quam quovis alio tempore observasse me memini, a quo sc. expiravit *Constitutio* ista, quam sibi adeo faventem illas habuisse supra notavimus. Atque hæc, pro more *Intermittentium Vernarum* Solstitio æstivo vix præterlapso omnino evanuerunt. Incipiente mense *Julio*, *Dysentericæ Febres*, quam præcedentibus annis obtinuerant stationem, de novo repetebant. *Autumno* vero aliquantum provectiore, *Dysenteria* jam tertio regressa est, sed contractior quam anno ultimo elapso, quo ad æquum pervenisse videbatur, supervenienti autem *Hyemi* tertium etiam cessit, *Febre Dysentericæ*, & *Variolis* reliquam eam tempestatem iterum contristantibus.

(2) Cum vero, ut jam monuimus, sub ingressu utriusque anni præcedentis morbus aliquis valde epidemicus invalesceret, *Morbilli* sc. exoriente Anno 1670. *Intermittentes* autem *Tertiana* Anno 1671. inchoato, quorum prædominio ita intercidebantur *Variolarum* copiarum, ut fines suos, prædictis annis ineuntibus, longe lateque propagare nequissent: Hac inquam de causa remoto jam obice, (nempe initio Anni 1672.) cum solæ dominarentur *Variolæ*, *Epidemice* admodum ex consequenti grassabantur, donec subintrante rursus *Julio*, jam quarto *Augusto* *Dysentericis* mox facessabant; *Dysenteria*

vero non pauciores tantum quam prioribus annis fuerant, sed mitiora insuper apportabant symptomata. Porro *Variolis* hinc indeque simul sparsis, haud facile erat dictu, quis morbus præpolleret. Existimo quidem ego, *Constitutionem* æris ad *Dysenterias* propugnandas minus facientem, *Variolis* eam subministrasse facultatem, qua pari passu procedere valerent; secus atque iis annis quibus *Dysenteria*, *Augusto* mense confertim magis trucidabant. *Hyemis*, ut solebat, *Dysenterias* ablegavit, sed neque *Febrem*, nec *Variolas*: *Variolæ* hic etiam pro more suo, exulantibus *Dysentericis*, rerum denuo potiebantur, & per omnem reliquam brumam regnabant. Quinimo subsequente *Vere*, ut etiam æstatis initio, huc atque illuc deferebantur, longe tamen mitiores quam pro hoc genere.

Verum enim vero quando assero, *Epidemicorum* alterum ab altero, ut clavum a clavo, pelli, non statim dico, eum, qui pellitur ac cedit, morbum insolidum evanescere, at vero rarius invadere. Durante enim hac *Constitutione*, uterque morbus reperiebatur, etiam illa tempestare, qua cum minus ei conveniebat; ex. gr. *Dysenteria*, etsi morbus *Autumno* maxime proprius, tunc fortasse aut alium, licet raro admodum, *Vere* incessabat.

Satis itaque evicimus, quod per integram hanc *Constitutionem*, subintrante *Julio* (qui mensis certissima est *Febrium Autumnalium* *Epocha*, uti *Vernarum* *Februarius*) *Febres Dysentericæ* grassabantur; *Autumno* vero jam se propius admovente, *Dysenteria* (morbus, si accuratius loqui velimus, vere *Autumnalis*) iisdem succedebant, quas ab hyeme diffusas excipiebant *Febris Dysentericæ*, & *Variolæ*; quæ quidem *Variolæ* non eam tantum hyemem, sed & subsequens etiam ver, nec non æstatem illi conjunctam peragrabant, donec reverso *Julio*, a *Febribus Dysentericis* epidemicæ prædantibus ejicerentur: Atque hæc rerum erant vices dum vigeret prædicta *Constitutio*.

Observare insuper est, quod sicuti epidemicorum quilibet in subiecto particulari suas habet periodos, *Augmenti* sc. *Status*, & *Declinationis*; ita etiam *Constitutio Generalis* quæcunque, quæ huic alterive morbo epidemicæ producendo favet, pro ratione temporis, quo dominatur suas, etiam periodos habet,

(1) 1671.

(2) 1672.

habet, quatenus scilicet in dies magis ac magis epidemicæ grassatur, donec aulæ attigerit suam, atque exinde iisdem fere gradibus decrescat, donec tandem penitus exoleverit, alteri *Constitutioni* locum cedens. Symptomatum enim quod attinet vehementiam, atrociora sunt omnia ubi primum se ostendit; quæ quidem paulatim mitescunt, & in constitutionis catastrophe tam sunt benigna atque *inopinata*, quam patitur morbi natura, in quo fundantur, quod satis demonstrant *Dysenteria*, & *Variola* hujus *Constitutionis*, ut mox fusius declarabimus. Hujus *Constitutionis* morbos particulariter tractandos aggredior, eo, quem ipsi servarunt, ordine.

CAPUT II.

Cholera Morbus An. 1669.

MOrbus hic, qui, ut antea diximus, Anno 1669. se latius diffuderat, quam alio quovis anno, quantum ego observaveram, eam anni partem, quæ Æstatem fugientem atque Autumnum imminentem complectitur, unice ac eadem prorsus fide, qua veris primordia Hirundines, aut insequentis tempestatis fervorem Cucullus, amare consuevit. Qui ab ingluvie ac crapula nullo temporis discrimine passim excitatur affectus, ratione symptomatum non absumilis, nec eandem curationis methodum respuens, tamen alterius est subsellii. Malum ipsum facile cognoscitur, adsunt enim vomitus enormes, ac pravorum humorum cum maxima difficultate, & angustia per alvum dejectio; Ventris ac intestinorum dolor vehemens, inflatio & distentio, Cardialgia, sitis. Pulsus celer, ac frequens, cum æstu & anxietate, non raro etiam parvus & inæqualis, insuper & nausea molestissima, sudor interdum diaphoreticus, crurum & brachiorum contractura, animi deliquium, partium extremarum frigiditas, cum aliis consimilis notæ symptomatibus, quæ astantes magnopere perterrefaciant, atque etiam angusto viginti quatuor horarum spatio ægrum interimant. Est etiam & *Cholera sicca* a spiritu, flatuoso supra & infra erumpente, idque sine vomitu, vel secessu; cujus unicum duntaxat exemplum me vidisse memini, ineunte hujus anni Autumno, quo tempore prior illa spe-

cies mihi creberrime, & facto quasi agmine sese obtulit.

(1) Sedula mentis applicatione, & multiplici etiam experientia edoctus, quod si hinc acres istos humores, fomitem morbi, cathartici expellere conarer, idem agerem, atque is, qui ignem oleo extinguere satagit, cum cathartici, vel lenissimi operatio omnia magis perturbaret, & novos insuper excitaret tumultus. Et si ex adverso medicamentis Narcoticis aliisque astringentibus in ipso statim limine primum humoris impetum compescerem, dum naturali evacuationi obisterem, & invitum humorem detinerem, æger, inimico visceribus incluso, bello intestino indubie conficeretur. Has, inquam, ob causas, media mihi via insistendum esse duxi, ut partim scilicet humorem evacuarem, partim etiam diluerem; morbum itaque hac arte mihi a multis retro annis comperta, ac comprobata, toties quoties in ordinem coëgi.

Pullus tenerior in tribus circiter aquæ fontanæ congiis elixatur, adeo, ut carnis saporem vix perceptibilem liquor referat; hujus decocti (vel defectu ejus, liquoris possentici) capaciores aliquot cyatos æger tepide exhaurire jubetur, eodemque tempore bona ejusdem quantitas pluribus *Enematis* successive injiciendis inservit, donec qua per superiora, qua per inferiora, tandem omne junculum absumptum, ac denum rejectum fuerit. Hisce haustibus, pariter ac clysteribus, syruporum *Lactuce*, *Violarum*, *Portulacæ*, *Nymphae*, eorumve alicujus, uncia subinde admisceri poterit, quanquam, & citra ejusmodi additamenta, jusculum ipsum per se rem satis commode exequatur. Itæ ventriculo insigni liquoris quantitate sæpius onerato, atque, ut sic dicam, subverso, ac reiterata enematum injectione, humores acres vel foras elimenantur, vel retusâ acrimoniâ ad debitam temperiem revocantur. Exantlato hoc eluvionis penso, quod tres, vel quatuor horas sibi vendicat, medicamentum aliquod *Paregoricum* curationi coronidem imponit: Mihi hoc crebro in usu est. *℞. Aq. Paralyf. ℥j. Mirab. ℥ij. Laudani liquidi gutt. xvj.* cujus loco Narcoticum quodvis officinale succenturiari poterit. Atque hæc quam proposui diluendi humores via multo tutius ac expeditius, quam quæ vel per evacuantia, vel per adstringentia vulgo insti-

H 2

(1) *Curatio.*

instituitur, periculosissimo affectui occurrit, quippe cum ab *illis* tumultus concitator, & ferocior evadat, ac omnia susque deque vertantur; hæc e contra hostem in mediis visceribus detineant, ac ex advena reddant plane inquilinum; ut taceam, protracto in longitudinem morbo, præter periculum ex ejusmodi mora, qua in massam sanguinis tandem humores vitiosi irrepunt, atque mali moris febrim facile accedunt, etiam ægris gravissimi mali tedium procreari.

At vero diligenter est animadvertendum, quod si non accesserit Medicus, nisi postquam æger vomitu ac dejectionibus ad horas aliquas multas continuatis, puta 10. vel 12. fuerit exhaustus, & jam frigescant extrema membrorum; hoc, inquam, casu, omissis aliis quibuscunque auxiliis recto cursu ad sacram hujus morbi ancoram, *Laudanum* intelligo, confugiendum est, quod non tantum exhibendum est urgentibus symptomatibus, sed etiam cessantibus vomitu ac diarrhœa mane, & sero quotidie repetendum, donec pristinas vires æger, ac sanitatem tandem receperit.

Hic morbus, quantumlibet epidemicus, rarissime tamen (quod supra dictum est) *Augusti*, quo primum cœpit mense, terminos excessit, ex quo mihi subest contemplari elegantissimum illud subtilissimumque artificium, quo utitur Natura in epidemicorum natalibus atque ortu; licet enim eadem prorsus maneant causæ, unde plures sub finem *Septembris* æque ac mense præcedente, hoc morbo possunt corripi, nimia scil. fructuum horariorum ingestio, eundem tamen non sequi videmus effectum. Quisquis autem *Cholera morbi legisimi*, quo cum solo nobis impræsentiarum res est, phænomena studiose collegerit, fatebitur morbum istum, qui quovis alio anni tempore invadit, quamvis ex eadem occasione prognatum, atque eorundem symptomatum nonnullis stipatum, ab hoc nostro toto cœlo distare, haud aliter ac si in aëre peculiaris mensis hujus lateat reconditum, ac peculiare quiddam, quod specificam hujusmodi alterationem soli huic morbo adaptatam, vel, cruoris, vel ventriculi fermento valeat imprimere.

Dysenterie partis Anni 1669. atque integrorum 1670. 71. 72.

Ventris tormina sine dejectionibus initio *Augusti 1669.* ut supra innuimus, invadere cœperunt, & excurrente eo Autumno, *Dysenterias*, quæ cum iisdem ingrediebantur, æquabant numero, ne dicam exuperabant. Febris nunc iis accessit, nunc aberat. *Dysenteriarum* per id tempus grassantium torminibus dicta ventris tormina omnino respondebant; atrocissima nempe hæc erant, & per intervalla cruciabant, nullæ vero sequebantur dejectiones, vel *Stercorosæ*, vel *Mucosæ*. Pari passu cum *Dysenterias* per *Autumnam* hunc omnes procedebant, sed, ut jam docuimus, non cum iisdem per annos sequentes hujus *Constitutionis* epidemice amplius invadebant. Cum vero tormina hæc sine dejectionibus neque natura sua, neque illa, qua promptissime sopiebantur methodo, a *Dysenterias* multum dissideant, ad has me confero.

Animadverti, morbum hunc uti nunc, ita fere semper, *Autumni* initio invadere solere, & appropinquanti hyemi pro tempore cedere, cum vero annorum series eidem epidemice producendo nimium saveat, unum alterumve, etiam quovis alio tempore potest ferire; quin & circa *Veris* ingressum, forte etiam maturius, (si nempe aura calidior intemperantiori gelu derepente soluto mox supervenerit) plures aliquot incessere. Unde, perpauca licet fuerint, qui hoc corripiantur morbo, cum tamen id tempore ita alieno contingat satis scio illam *Constitutionem* haud mediocriter huic morbo suffragari. Atque ita se res habuit per eos annos, quibus *Dysenterie* ita late depopulabantur; quandoque enim circa finem hyemis aut *Veris* initium, uti dictum, hic morbus hunc illumve vexabat.

Nunc cum rigore horroreque aggreditur hic morbus, quos sequitur totius corporis calor (ut in febribus solemne est,) atque hunc brevi post ventris tormina; ista vero dejectiones. Sæpe vero nulla antecedit febris præsentio, agmen autem ducunt tormina, dejectiones subsequuntur. Semper tamen adest ingens cruciatus, & intestinorum depressio cum dolore, quoties exoneratur alvus, cum crebris iidem dejectionibus, & mole-

stiss.

stissimo viscerum omnium quasi descensu. Dejectiones *mucosae* sunt omnes, non *stercorose*, nisi quod nonnunquam stercorosa interponitur, idque sine dolore insigni. Mucosis hisce dejectionibus intertexuntur sanguinis quaedam lineamenta; quandoque tamen ne minimum quidem sanguinis per omnem morbi decursum iisdem admiscetur; quo non obstante, modo frequentes sint dejectiones, cum ventris torminibus, & coluvie mucosa, morbus haud minus recte *Dysenteria* vocabitur, quam si unâ manaret sanguis. Interea temporis æger, si vel ætate floreant, vel cardiacorum ope incalescat, febricitat, lingua subalbida quadam mucilagine dense obrita, & si vehementius fuerit excalescitur, nigra etiam atque sicca: Prosteruntur admodum vires; dissipantur spiritus, nullum non adest febris male moratæ indicium. Non dolores tantum summos atque ægritudinem adfert hoc malum, sed, nisi perite tractetur, ingens etiam in vitæ discrimen ægrum perducit: cum enim jam imminutæ caloris vitalis ac spirituum copię a crebris hisce dejectionibus ante exhauriantur, quam peccans materia possit e sanguine exturbari, manuum ac pedum frigore superveniente, a morte periclitabitur, etiam intra morborum acutorum periodos oppetenda; quod si intentatas *Parvarum* manus hac vice eluserit, plura tamen diversi generis symptomata miserum expectant: v. gr. nonnunquam progressu morbo, loco filamentorum sanguineorum, quæ eodem incipiente dejectionibus permixta conspici solebant, sanguis *sincerus*, ne muco quidem intermixto, largiori quantitate singulis conatibus egeritur, quod, cum corrosioni majorum aliquot vasorum quæ intestina perreptant, argumentum sit, ægro interitum minatur. Nonnunquam etiam intestina a magno illo incendio, quod excitavit materiæ calidæ atque aëris ad partes læsas affluxus copiosior, *Gangrena* insanabili afficiuntur. *Aphtha* insuper, exeunte morbo, oris interna faucesque sæpenumero obsident, in primis ubi corpus diu fuerit excalescitur, & materiæ peccantis evacuatio medicamentis adstringentibus impedita, non exacto prius per cathartica morbi fomite. Atque hæc quidem mortem imminuentem ut plurimum denunciant. Quod si prædicta symptomata superaverit æger, & morbus in longum trahatur, tandem intestina ordine quæque suo deorsum versus affici videntur, donec in *rectum intestinum*

malum omne detrudatur, & in *Tenesmus* desinat, quo factò, longe secus atque in dysenteria dejectiones *stercorose* vehementissimum intestinis dolorem inferunt, alvi scilicet teneriora adhuc intestina inter descendendum radentibus; cum dejectiones *Mucosae* eo tantum tempore inferiori intestino; *Recto* nempe, molestias creent, quo materia in eo solo conficitur atque inde excernitur. Hic autem morbus licet *Adultis*, maxime *grandævis*, haud raro exitialis, *Infantibus* nihilominus perbenignus reperitur, qui ad menses aliquot ab eodem quandoque afficiuntur sine quovis incommodo, modo res Naturæ permittatur.

Quantum cum hac, quam descripsimus, affinitatem habeat *Endemia* ista *Hybernorum Dysenteria*, non satis scio, cum nondum ea mihi innotuerit; quin & in his, quas incolimus, regionibus quomodo se habeat *Dysenteria*, quam jam depinximus, si ad illas referatur quæ aliis annis infestabant, mihi pariter incompertum est, cum fieri quidem possit, ut variæ enascantur *Dysenteriarum* species, ut sunt *Variolarum*, & epidemiarum aliorum, diversis *Constitutionibus* propriæ, & quæ proinde medendi methodum in aliquibus diversam sibi suo jure vendicent. Neque est, cur hos Naturæ lusus in re tantopere demiremur, cum in confesso apud omnes sit, quod quo profundius in quæcunque Naturæ opera penetremus, eo luculentius nobis affulgeat ingens illa varietas, & divinum pene artificium operationum ejus, quæ captum nostrum longissime superant. Adeo ut quisquis ille fuerit, qui in se receperit hæc omnia mente assequi, & multifarias Naturæ operationes ~~æta videt~~ indagare, parum magnis ausis excidit, neque voti per omnia compos reddetur: Convitia interim, (si quid iudicando valet) pro repertorum, vel utilissimorum quam fecit semente, certo certius sibi metenda proponet, idque eam tantum ob causam, quod primus invenit.

Porro observandum est, quod *Epidemici* omnes ubi primum e Naturæ sinu emergunt exiliuntque, quantum ex eorum phænomenis licet conjicere, principio magis spirituosum ac subtili videntur inhærescere, quam ubi jam magis adoleverint, quoque magis ad occasum vergunt, eo magis indies crassi atque humorescentes fiunt: Etenim quales quales demum fuerint inimicæ istæ particule, quas aëri intime permixtas *Constitutionem*
Epi-

Epidemicam formare opinabimur, omnino par est, ut easdem majori agendi potentia per ea tempora pollere existimemus, quibus primum eruperint, quam postquam earum vires fuerint refractæ. Ita primis mensibus, quibus grassabatur *Pestis*, nullo fere non die ejus contagio afflati, dum in triviis versarentur, inopinanter extincti sunt, nihil prorsus mali præsentientes, cum, ubi morbus magis adoleverat, neminem, nisi febre atque aliis symptomatibus, unquam prostravit: Ex quo abunde conficitur, morbum hunc in ipsis incunabulis magis effertum atque acutum fuisse, quam post principia, licet pauciores prima acie jugulaverit, aucto jam sc. habebat in humana corpora influxu. In *Dysenteris* pariter, de quibus jam agimus, omnia universum symptomata atrociora sub primo morbi ingressu comparebant, & licet, si ad ægrorum numerum respexeris, lætius indies malum serperet, donec tandem ad statum pervenisset, in quo ex consequenti plures interibant, quam ineunte morbo; symptomata tamen sub initio sæviebant magis quam in statu, ac multo adhuc magis quam in *Declinatione*, & cæteris paribus plures pro ægrorum numero *Ελαβε τοιοῦτον* *Θαλασσιον* & *μαλιν κριταριον*. Adde quod quo diutius perseverabat morbus, eo magis humoralis etiam videbatur; v. g. primo quo invasit autumnus, quamplurima nullis omnino dejectionibus molestabantur; torminum vero quod spectat atrocitatem, febris intensiorem, subitam virium prostrationem, aliaque symptomata, insequentium annorum dysenterias longo intervallo post se reliquit. Quinimo dysenteriarum cum dejectionibus, quæ primæ incessabant, principio magis spirituosæ ac subtili videbantur in hæzere, quam quæ illas sequebantur. Etenim in primis dysenteris, & conatus & ad desidendum irritatio majores erant, tum etiam frequentiores; ipsæ vero dejectiones, stercorosæ præsertim, & minores, & magis insolentes; Quibus autem gradibus morbus in genere se promovit, iidem etiam imminuebantur tormina. Dejectiones vero magis stercorosæ erant, donec tandem satifcente *Epidemica* hac *Constitutione* tormina vix perciperentur, dejectionesque stercorosæ magis essent, quam mucosæ.

(1) Ut ad curativas indicationes tandem procedamus, cum varia quæ huic morbo ac-

cidunt symptomata, diligenter ac mature mecum pensitasset, *Febrem* eam esse (sui scil. generis) in intestina introversam deprehendi, cujus ope humores calidi atque acres in massa sanguinea contenti atque eandem exagitantes, per arterias meseraicas in dictas partes deponuntur: unde a vehementiori sanguinis atque humorum eo contentium impetu patetactis vasorum orificiis, sanguis per sedem effunditur. Interea temporis importuno intestinorum nisu, quæ omnem adhibent operam, ut humores acres continuo infestantes expellant, mucus iste, quo naturaliter obducuntur, singulis sedibus, nunc parcius, nunc copiosius, una egeritur. Proinde ultre se *Indicationes* offerre videbantur, neque mihi aliud quippiam incumbere existimavi, quam ut primum acres istos humores secta vena immediate revellerem, quo factæ insuper reliquam massam contemperarem, tum etiam dictos humores per cathartica subducerem.

Hac itaque methodo sum usus; Quo primum accerisebar die, venam cubiti tundendam suasi, eadem nocte, & *Paregoricum* propinavi, & sequenti aurora potionem hanc cathartica lenitivam, mihi familiarē. *℞. Tamarid. ʒij. fol. Sennæ ʒij. Rhei ʒij. Coq. f. q. Aquæ, Colature ʒiij. dissolve Mann. & Syr. Ros. solut. an. ʒj. m. f.* Potio sumenda summo mane. Hanc ego potionem electuario cuilibet cum rhei pauca quantitate parato, soleo præponere; licet enim *Rhabarbarum* cholæræ atque acrioribus quibusque humoribus evacuandis sit dicatum; attamen nisi *Manna* aliquid, aut *Syrupi Rosacei*, vel aliud ejusmodi, ea quantitate admisceatur, ut ad pleniorē catharsin assurgat, in dysenteris curandis non admodum conducit. Quandoquidem vero satis est obvium medicamenta cathartica etiam lenissima, & tantum *Εκροπυριν*, ventris tormina intendere, spirituum etiam dejectionem, atque *ετασια* universalem ægro inferre, adventitio nempe illo tumultu, quo sanguinem ac humores commovent inter operandum: capropter solemne mihi est *Paregoricum* temporius aliquanto subicere quam post cathartica consuevimus, hora sc. pomeridiana quacunque, modo catharticum suo defunctum munere videatur; quo scil. quem concitavi motum denuo sufflaminare valeam. Deinceps ad duas adhuc vices dictum catharticum

cum præscribo, alternis scil. diebus hauriendum; paregoricum etiam post singulas purgationes, quo supra monuimus tempore. Hoc insuper diebus a purgatione vacuis tam mane, quam sero exhibendum curo, quo sc. symptomatum ferociam debellem, atque inducias impetrem, dum cum humore peccante exterminando mihi res est. *Anodyno* autem utebar maxime *Laudano liquido*, guttis nempe 16. vel 18. in aqua qualibet cardiaca, pro dosi una.

Post venæ sectionem, & catharsin semel celebratam per totum morbi decursum cardiacum quodvis e temperatioribus, ut *aq. epidem. aq. scord. comp.* & his similibus subinde degustandum concessi. *Ex. gr. 2℥. aq. cerasor. nigr. & fragor. an. ʒiij. aq. epido. scordii comp. & cinnamomi bordeat. an. ʒj. margarit. præparat. ʒj. Sacchari Crystallini q. s. adde aq. rosarum Damasc. ʒss. (ad gustum sc. gratiorem) mis. f. jul. de quo cap. coeb. iv. vel v. in languoribus, vel ad libitum.* Hæc autem in primis in senioribus ac phlegmaticis usurpavi, quo nempe spiritus magna dejectionum vi, quod in hoc morbo usu venit, prostratos erigerem quadantenus, & refarcirem: Potus erat lac coctum cum aquæ triplo; aut *Decoctum album* (quod appellant) ex C. C. & mica panis albiss. an. ʒij. coctis in aq. font. ʒiij. ad ʒij. & postea f. q. sacchari albiss. edulcoratum: aliquando etiam lac cerevisiatum; vel, ubi dejectio virium id postulaverit, *Aq. font. ʒij. cum Vini Canarini ʒss. simul. coctæ* pro potu ordinario frigide assumebantur. Panatella item nonnunquam vescebatur, nonnunquam iusculo e carnibus ovinis macilentioribus. Grandæviores lectulo magis addixi; Aquam item cardiacam illis familiarem liberalius indulsi quam infantibus aut junioribus par erat. Laudata methodus omnibus, qui mihi hæcenus innotuere, in hoc morbo vincendo facile palmam præripuit, qui perraro ultra tertiam purgationem duravit.

Quod si morbus præfractior his non cederet, dictum *Paregoricum* ægro exhibui singulis diebus mane, & hora somni, donec omnino convalesceret; immo quo certius adhuc hic affectus debellari potuerat, *Laudanum prædictum* octava quaque hora i. e. ter spatio diei naturalis, propinare non dubitavi, idque in majore dosi quam supra recensui, nempe ad gutt. xxv. si prior dosi fluxui cohibendo haud par fuerat. Insuper *E-nema ex lactis vacc. libra dimidia, & The-*

riac. Androm. sesquiuncia sing. diebus injiciendum curavi, quod quidem in quibuscunque alvi dejectionibus mire confert. Nec vel minimum quidem incommodi a tam frequenti medicamenti Narcotici repetitione mihi adhuc videre contigit (quantamlibet noxam inde secuturam comminiscantur inexperti) licet pluries noverim qui in morbo contumaciori idem ad septimanas aliquot continuas quotidie usurpaverint. Hic autem admonendum, quod cum alvi fluxus ad *Diar-rhæam* tantum assurgat, satis erit ut (phlebotomia ac catharsi fortiori omissa,) *Rhab-barbarum* solum singulis matutinis exhibeatur, nempe ejusdem pulv. ʒ. ss. (plus minus pro ægri virium ratione) in *Bolus f. q. Diascordii concinnata*, addendo ol. *Chym. cinnamomi gutt. ii.* noctibus autem insequentibus *Paregoricum ex aq. Cinnamomi bordeatæ ʒj. & laudan. liquid. gutt. xiv.* Diætam interim observando qualem in curatione dysentericæ supra descripsi, atque etiam singulis diebus, si opus fuerit, clysterem injiciendo ibidem laudatum. Sed hoc obiter.

Ut unica instantia (neque enim pluribus convalescentium exemplis, nulla cogente necessitate, lectori tædium creabo) methodum jam a me propositam commendatam faciam; vir pietate atque eruditione insignis *Tb. Belke S. T. P. & Comiti Sancti Aloani* a Sacris Domesticis, durante hac constitutione *Dysenteria* acutissima laborans, me in subsidium accito, ipsissima hac methodo restitutus est.

Infantes hoc morbo correpti eodem plane modo erant tractandi; sanguinis tamen extrahendi quantitate, tum etiam medicamentorum, tam Cathartici, quam Anodynini viribus pro annorum ratione imminutis, ita ut v. g. Narcotici guttæ duæ infanti unius anni sufficerint.

Laudanum Liquidum, quod in quotidiano, ut dictum, usu mihi erat, hanc ad normam simpliciore præparavi. 2℥. *Vini Hispanici ʒj. Opii ʒij. Croci ʒj. pulv. Cinnamomi, & Caryophyllorum an. ʒj. insudantur simul in B. M. per duos, vel tres dies, donec liquor debitam consistentiam acquirat; Colatura servetur pro usu.* Hanc nostram præparationem *Laudano* officinarum *solida* anteferebam virtutibus quidem non censeo, sed ob formam saltem commodiorem, & majorem dosi certitudinem, eidem antepono; cum sc. vino, aquæ distillatæ, aut liquori aliî cuicunque instillari possit. Et profecto non hæc mihi tempero, quin gratulabundus animadver-

tam, Deum Omnipotentem *πρωτος σωστης ιδιος* non aliud remedium, quod vel pluribus malis debellandis par sit, vel eadem efficacius extirpet, humano generi, in miseriarum solamen, concessisse, quam sunt *Opiata*, medicamenta. sc. ab aliqua *Papaverum* specie desumpta. Et quamlibet sint nonnulli, qui credulis persuadere velint, omnem fere Narcoticorum, *Opii* præsertim ipsius, virtutem ab artificiosa ac debita, quam soli adhibent, præparatione pendere; qui tamen experientia iudice certaverit, & tam simplicem succum a Natura oblatum, quam ejus præparata cum diligenti observatione in usum frequenter revocaverit, nullum fere discrimen intercedere comperiet, & mirandos illos effectus, quos edit, nativæ ipsius plantæ bonitati atque excellentiæ, non vero artificis polydactyli solertiæ deberi certo sciet. Quinimo ita necessarium est in hominis periti manu organum, jam laudatum medicamentum, ut sine illo manca sit ac claudicet medicina, qui vero eodem instructus fuerit, majora præstabit, quam quis ab uno remedio facile speraverit. Rudis enim sit oportet, & parum compertam habeat hujus medicamenti vim, qui idem sopori conciliando, demulcendis doloribus, & diarrhææ sistendæ applicare tantum novit, cum ad alia plurima, gladii instar *Delphici*, accommodari possit, & præstantissimum sit remedium cardiacum, unicum, pene dixerim, quod in rerum Natura hæcenus est repertum.

Hac methodo erant tractandæ *Dysenteria* in genere. Observandum est autem, quod cum primo quæ ingrediebantur anno, indolis magis subtilis, uti dictum, ac spirituosæ essent, quam quæ sequentibus annis infestabant, idcirco non ita prompte catharticis parebant medicamentis, atque illis, quæ tam sanguinem diluebant contemperabantque, quam acres istos humores, qui ex eodem in fistulam intestinalem excernebantur. Quamobrem primo autumnio, quo *Tormina sicca*, & *Dysenteria* invadebant, methodum sequentem constanter ad utrumque morbum abigendum adhibui, eventu ubique a stipulante; donec appetente frigore eandem etiam anno eodem minus efficacem esse sentirem, atque annis sequentibus, cum jam magis a subtilitate recederet morbus, prorsus inutilem.

Ita vero processu, si æger ætate florens febricitaret, cubiti venam tundendam præcepi, atque elapsa hora una aut altera, eundem ingesto, statim liquore diluendum,

ut in *Cholera Morbo*, factitatum; non vero, ut illic, iusculo e carnibus pullorum, aut lacte cerevisiato: at lactis ipsius sero, quod eadem qua illic copia frigide propinandum, tepide vero inferius injiciendum curavi, nec saccharo adjecto, nec alia re quacunque. Tormina, & dejectiones sanguine permixtas, rejecto jam quarto enemate semper evanescere animadvertēbam. Hoc labore exantlato, & transmissio sero lactis omni (quod duarum triumve horarum spatio fiet, si diligenter operam navaverit æger) lectulo protinus eum commisi, ubi brevi sponte sua in madorem solvebatur (a sero lactis sanguini immixto) quem ad horas 24. continuari, minime lac crudum paulo tepesactum, quo etiam utebatur solo ad dies tres vel quatuor postquam e lecto surrexerat. Si vel ob lectuli, vel lactis usum nimis præmatūre intermissum, recidivam pateretur æger, eadem vestigia denuo repetenda erant. Hæc methodus, si certa atque expedita fuerit, non ideo a viro quolibet prudente repudiabitur, quod fastuoso remediorum apparatu non se venditet.

Hujusmodi *Febrem* symptomatis, qualia supra descripsimus, stipatam iis in locis, & temporibus reperiri, quibus *Dysenteria* epidemice regnat, & methodum hanc quam delineavimus, eidem omnino deberi, testimonio viri probi atque eruditi Doctoris *Butler* amplius confirmabitur, qui Nobilissimum D. D. *Henricum Howard*, a S. Maj. Regia *Britannica* ad *Maroccensem* in *Africa* Legatum comitabatur; quibus in regionibus, ut mihi ipse retulit, observavit *Dysenteriam* per ea tempora, uti semper, epidemice grassari, & *Febrem*, quæ cum illa jungebatur, omnino illi similem, quam depinximus; quibus ille medebatur tam in urbe *Tingitana*, quam aliis in locis, sive *Nostrates* essent ægri, sive *Mauri*, dicta methodo, felici semper exitu. Quam quidem neuter alteri debemus, sed pari fortuna in eandem distirissimi incidimus. Profitebatur autem, optime istic sibi cessasse in illius morbi curatione methodum illam, qua liquoris diluvio submerguntur *Dysenteria*. Atque existimo ego, omnino par esse ut in calidiori isto climate longe rarius successu careat hæc methodus, quam in nostra *Britannia*.

Primo illo autumnio, quo vigeat hæc *Constitutio*, *Daniel Coxe* M. D. vir ingenio & eruditione ornatissimus, *Dysenteria* acutissima laborans, me quem consuluit suadente,

dente, ope methodi jam laudatæ, cito, tuto, & jucunde sanatus est; post tertium sc. quartumve enema, dum lecto assideret, & tormina, & dejectiones sanguineæ evanuerunt: nec qualibet re alia, præter lecti ad dictum spatium patientiam, & lacteam dietam; ad sanitatem redintegrandam opus habuit. Eodem plane modo, & idem postea alios quam plurimos hoc malo affectos restituit exeunte eo Autumno. Anno autem proximo, illum etiam idem molientem spes sefellit.

Jam olim diximus, quod sæpenumero hic morbus, si diutius excurrat, intestina seriatiim omnia deorsum versus afficiat, donec tandem omnis ejus vis in *Rectum* decumbat cum assidua desidendi cupiditate, qua nihil præter mucosum quiddam, & subcruentum excernitur. Hoc si fiat, frustra erit, me iudice, qui medicari sataget, vel quavis methodo prædicta, vel clysteribus abstergentibus, glutinantibus atque astringentibus, quæ pro variis ulceris, ut supponitur, temporibus injici solent; vel etiam foru, & infessu, suffumigiis, ac suppositoriis dictos scopos respicientibus. Liqueat enim, hoc ab ulcere *Recti* non procedere, sed ex illo potius, quod *Intestina* quibus gradibus vires resumpserint, iisdem etiam materiz morbosæ reliquias in *Rectum* deturbaverint, quod quidem indefinenter proripitatum singulis sedibus mucosam illam materiam, qua ex naturæ providentia intestina lubricantur, elidit. Corroboranda est itaque pars affecta, quo possit, aliorum intestinorum exemplo, jam fatiscientes mali reliquias funditus eliminare. Hoc autem ea sola præstabunt, quæ corpori in genere vires adjicere apta nata sunt. *Topicum* enim, quaecumque id demum fuerit, parti dolenti applicatum, cum alienum quid sit, contactu molesto debilitatem magis adfert, quam robur subministrabit. Tolerandum itaque est ægro, donec dietâ analepticâ, & liquore aliquo cardiaco, qui palato arridet maxime, pro libitu ingesto, revocari possint vires, quibus redeuntibus pari passu suæque sponte proripiet se hoc *Tenesmi* symptoma.

Accidit etiam nonnunquam, licet raro admodum, ut *Dysenteria* sub initio non rite curata, particulare subjectum ad annos aliquot discruciet, integra sanguinis massa crasin quasi dysentericam jam indepta, unde acres calidique humores intestinis continuo suppeditantur, ægro interim singula vitæ munia mediocriter bene obeunte. Hujus specimen se mihi obtulit non ita pridem in muliere quadam meis ædibus vicina, quæ

Sydenham Opera Med. Tom. I.

per tres annos hujus *Constitutionis* postremos hoc malo contingenter exercebatur. Cum remedia quamplurima esset experta antequam ad me accederet, venæ sectionem tantum, missis cæteris præfidiis quibusque, celebrandam censui, quam ut sæpius repeterem, longioribus tamen intervallis, tum sanguinis color pleuriticorum sanguinis æmulus, tum insigne illud, quod, post singulas vices magis, ac magis auctum sentiebat levamen, mihi addebant animos; cujus ope tandem pristinam sanitatem consecuta est.

Antequam finiam, hoc est notandum, quod tamen in his annis quibus dysenteriz adeo epidemicæ grassarentur, evacuationes prius memoratæ prorsus necessariæ erant antequam ad usum Laudani deventum fuisset; attamen in *Constitutione* quavis huic morbo minus faventi, istæ tuto omitti possint, ac curatio compendiosiori via, sola nempe usu Laudani, absolvi, eo quem descripsimus modo. Atque hæc de *Dysenteria* dicta sunt.

C A P U T IV.

Febris Continua partis Anni 1669. atque integrorum 1670. 71. 72.

EO ipso tempore, quo sæviebat *Dysenteria*, & *Febris* quædam illi simillima, quæ dysentericis accidere sæpe solebat, una exorta est, quæ quidem non eos tantum, quos jam sauciaverit dysenteria, sed ab illa prorsus immunes (nisi quod subinde, at raro, tormina haud quidem atrociora, nunc cum dejectionibus, nunc sine illis, paterentur ægri,) pariter incessit: Easdem enim ubique causas manifestas, & apparentes habuit; quas *Dysenteria*, eadem etiam per omnia symptomata, quæ dysentericorum febrem comitabantur. Ita ut, si evacuationes per alvum dysenteria laborantium excipias, & quæ ab istis necessario pendebant symptomata, dicta febris ejusdem prorsus naturæ cum ipsis dysentericis videretur; & deinceps per hujus *Constitutionis* decursum omnem, parem cum illis subiit symptomatum quorumlibet alterationem, eisdem scilicet disiectionibus, quoad augmentum, statum, & declinationem, affecta, quibus afficiebantur in genere *Dysenteria*. Hæc itaque *Febris Dysenterica* mihi audiebat.

Memorata *Febris* nonnunquam, uti dictum, cum alvi torminibus, sed mitioribus, ingrediebatur (prioribus annis maxima, quibus

bus invast) vel ista ad eam post accedebant, sæpius vero nulla erant. Sudores, qui in febre *Constitutionis* prægressæ copiosissimi erant, ut supra notavimus, in hac rari ac pauci, sed capitis dolor in hac quam ip illa specie immanior. Linguae ægrorum, licet humidæ atque albæ, ut in altera specie, crassa insuper pellicula oblinebantur. Rarius hæc per *Ptyalismum* sibi fugam quærebat, quod in alia non erat infrequens. Ad *Aphthas*, cum jam discessum meditaretur, erat propensior, quam vel prior ista, vel alia quævis febris species, quam mihi hæctenus contigit videre, huic etenim perquam familiare fuit (uti, & febri etiam illi, quæ dysenteriiis supervenit) cum jam fere desineret; materiam scdam atque acrem e sanguine in os atque gulam deponere, unde nascebatur dictum symptoma, in iis præsertim, quos contumacior morbus diutius maceraverat, & regimen iusto calidius amplius infirmarat.

Eodem etiam morbo generabantur *Aphthæ* istæ, quæ *Dysenteriiis* pervicacioribus cum febre conjunctis nullo non die accidebant, præsertim si præter regimen calidius evacuationes etiam per alvum medicamentis astringentibus prius fuerint coercitæ, quam morbi sines e venis phlebotomia, & catharsis exigeretur.

Hæc erant certissima hujusce febris *ætiologia*; reliqua symptomata variabant quotannis, & pro manifestis æris qualitatum certis quibusdam temporibus, & pro dysenterici in genere progressu, tum etiam vario ejusdem statu. Sed, ut hæc clarius intelligantur, cum hoc præsertim artificio in *Epidemicorum* productione triumphet Natura, rem paulo altius repetam. Notandum est itaque, quod, licet æris *qualitates manifeste* non eam vim cuilibet *Constitutioni* imprimant, ut causæ sint epidemicorum, qui ad illam proprie referuntur productivæ, (cum a recondita, atque inexplicabili ejusdem conditione fluant isti,) pro tempore tamen in eos habent potestatem, & proinde intromittuntur *Epidemici*, aut etiam excluduntur, prout illis favent qualitates manifestæ, vel adversantur; *Universalis* autem *Constitutio* eadem prorsus manet, sive eam promoveant istæ, sive quadantenus retardant. Unde etiam est, quod, cum varii *Epidemici* in eandem incidant *Constitutionem*, hic aut ille morbus particularis ea potissimum tempestate se exerat, ad quam sensibiles æris *qualitates* eundem destinaverint, atque alteri

demum *Epidemico* locum cedat, quem scilicet divertæ subsequentis temporis qualitates advocarint. Ex quo fit, ut febris *Stationaria*, quæcumque demum illa sit, quæ ad *Epidemicum* eo anno regnantem attinet, *Julio* mense potissimum sæviat, cujus initio plures hominum catervas simul aggreditur; *Autumno* vero appropinquante, magno illi epidemico, a quo annus insignitur, rursus invalescenti decedit, & parcius infestat, ut quilibet semper annus satis docet. Excalescentia enim a prægressa æstate hominum corpora febres, *Constitutioni Generali* propriæ quæ sunt, promptissime eo tempore invadunt, appetente vero *Autumno*, quo qui prædominatur *Epidemicus*, fasces resumit, istis omnino recedendum est.

Sicuti vero nominatæ *Febres* sensibili æris qualitati acceptum referre debent, quod jam hoc mense exoriantur; ita etiam symptomata varia, a sua natura, quatenus ab ejusmodi *Constitutione* generali pendent, prorsus aliena; a manifestarum qualitatum, quæ in illum incidunt *mensum*, peculio sumunt mutuo. Hinc est, quod quibus annis dictæ febres hoc mense turmatim ingrediuntur, variis symptomatibus novis stipantur, præter illa, quæ eis sunt propria, quatenus ab ejusmodi *Constitutione* generali procreantur, eadem tamen ipsæ maneant, licet apud vulgus ob *causarum* diversitatem *Nova* quotannis *Febres* audiant. Ad paucas vero tantum septimanas perseverant symptomata hæc magis peculiariora, quibus elapsis propria solummodo symptomata, quæ eis accidunt, quatenus febres sunt *Stationariæ* talis *Constitutionis*, reperiuntur per reliquum annum.

Hoc tum in aliis liquebat febribus, tum magis peculiariter in *Dysentericis* mensis *Julii* 1671. & 72. in quarum priore vehemens ægrotudo, & bilis æruginosa, cum magna in diarrhœam propensitate sub morbi finem, continuo observabantur. In *posteriore*, doloris sensus in partibus corporis musculosis, artubus maxime, ad rheumaticorum fere dolores accedens: Fauces insuper inflammatio, mitior tamen quam in angina laborantibus. Utraque tamen hæc in eadem *Febre specifica* coibant; & eadem plane medendi ratione utraque profligabantur, differabant autem respectu tantum qualitatum sensibilibus, quibus donabantur tempora illa, in quæ incidebant. Improvisa vero subitaneaque harum febrium circa dicti mensis initium eruptio, & nova ad tempus aliud quod peculiarium symptomatum facies (licet

eat neque specie distarent, neque methodo medendi, quam postulabant, a febre illa, quæ integrum percurrebat annum). Hæc, inquam, plus satis evincunt, quam sit difficile certam febris speciem omni tempore e phænomenis elicere, licet eam satis recte possit dignoscere, qui ad alios morbos eodem anno ingruentes diligenter attenderit, & propria insuper febris symptomata, quæ ad hunc vel illum *Evacuationis* modum spectant, rite observaverit. Neque parum facit ad investigandam febris speciem consideratio, siue methodi, siue medicamenti, a quibus eadem minimo cum negotio expugnatur.

Quod ad reliquas symptomatum, febres *Stationarias* comitantium, differentias spectat, *varia constitutionis tempora* ex tantum respiciunt, atque eo nomine vel sunt intensiora, vel remissiora, illa prout intenduntur, vel etiam remittuntur, symptomata aliorum epidemicorum, ad quos ipsa pertinent.

Sed ut ad rem revertamur, *Febris* hæc, quæ cum *Dysenteria*, ut supra dictum est, ingressa, parem cum iis passum tenuit, nisi quod se paululum subduceret, dum alii horum annorum epidemici prævalerent; persistebat tamen illa, nunc plures, nunc pauciores petens, durante hac *Constitutione*.

(1) Pro hujusce *Febris Curatione*, cum observassem, uti prius dictum, phænomena *Febris Dysentericorum* quamplurimum eadem plane esse cum illis, quæ hujus anni *solitaria* comitabantur, consentaneum mihi videbatur sanatos iri ægros meos, si evacuationem illam quadantenus imitarer, qua Natura materiam illam corrosivam atque acrem, quæ & ipsius *Dysenteria*, & supervientis febris causa *Continens* est, solet ablegare. Ac proinde eadem ipsa methodo, tum quoad venæ sectionem, tum repetitas purgationes, febrem hanc aggressus sum, quam in *Dysenteria* curatione supra fusius deduximus; nisi quod *Paregorice* purgationibus interjecta non hic juvare, sed & obesse deprehenderim, (secus atque in *Dysenteria*) cum ab his detineretur materia illa, quæ catharsi eliminari debuerat. Pulicula avenacea, hordeacea, panatella, & similibus sub primis morbi diebus victitabat æger; potus erat cerevisia tenuis tepescita. Post celebratam vero semel iterumve catharsin nulla suadebat necessitas pullorum carnibus, aut similibus eupeptis ægro interdiceret; cum

hæc per purgationem medicatio ea indulgeat, quæ non poterant concedi, si alii viæ insisteretur. Tertia ut plurimum purgatio, interposito semper die, morbum absolvit; neque tamen perpetuum id fuit, sed alia insuper nonnunquam instituendæ erant. Si febre jam pulsa, fractiones adhuc essent ac magis effortæ ægri vires, atque is tardius convalescere (quod *Hysterici* frequentissime accidebat) *Laudano* in parva dosi exhibitio easdem restaurare, & spiritus transfugos ac dissipatos in desertas stationes revocare conabar: raro autem remedium illud repetebam, neque unquam præscripsi, nisi biduo triduove a postrema catharsi. Nihil vero æque ad renovandas vires refocillandosque spiritus faciebat, atque auræ liberior usus mox ut febris recesserit.

Ansam autem ad praxim hanc instituentem hinc primum arripui, quod nempe, nascente ferme *Constitutione* hac, dum irreposito sollicitoque animo novæ hujus febris naturam volutarem, ad juveniculam mihi vicinam advocabar, febricitantem quidem illam atque acerbissimo sincipitis dolore fere enectam, aliisque symptomatibus, quibus *Febrem Dysentericam* onerari jam diximus: Hæc cum a me interrogaretur, & de modo, quo febris primum invadebat, & de ejusdem duratione, fassa est se a *Dysenteria*, quæ tum ubique fere grassabatur, & quatuordecim retro diebus fuisse liberatam; cui si ve sua sponte discedenti, siue medicamenti opæ depulsa, protinus successit dicta febris cum dolore capitis. Quibus ego me rectissime occurrere posse conjectabam, si *Dysenteria* loco aliam evacuationem substituerem, ejus simillimam, quæ præclusa febris oborta est, ac proinde methodo supra laudatâ eandem restitui. Atque huic quidem se promptissime debebant hujus *Constitutionis* febres. Semper enim rebar, non sufficere ad comprobandam in *Acutis* medendi rationem, ut feliciter ea cederet, (cum ab imperitissimarum muliercularum temeritate sanentur nonnulli) sed requiri adhuc, ut morbus nullò negotio victus quasi suoapte genio cedat, atque abitum affectet, quantum ejus fert natura. Sed hæc obiter.

Ineunte *Junio* 1672. Vir nobilissimus, ac prudentissimus Dominus Comes *Salisburyensis* hac febre laborans cum torminibus (alvo tamen non soluta) accersiri me jussit, &

methodo proposita sanitati redditus est. Neque alia mihi ulla re fuit opus, dum hæc staret febris.

In adolescentibus, aliquando & in paulo provectioribus, febris hæc caput nonnunquam petebat, unde delirabant, non quidem ut in aliis febribus phreneticorum more, sed quasi stupore, ad *Cerum* proxime accedente, percussi. Hoc illis præ cæteris accidebat, qui sub morbi principio in sudoribus quoquo modo extorquendis operam inauspicato collocarant. Non id mihi contingebat felicitatis, ut his sublevandis par tunc temporis essem, licet nullum non moverem lapidem, nullumque non e remediis hætenus notis in suppetias advocarem. Atque hæc de febre hujus *Constitutionis* possint sufficere.

C A P U T V.

Morbilli Anno 1670.

Sub initio *Januarii* 1670. (ita ut solent) præmature *Morbilli* sunt ingressi, atque indies magis invalescebant, donec instante *Verno Aequinoctio æstivi* adepti, exinde iisdem gradibus imminuti tandem *Julio* sequenti penitus extinguerentur. Horum jam ego historiam (cum omnium, quos hætenus vidi, in suo genere perfectissimi illi mihi videantur,) certam atque exquisitam, quatenus mihi tum observare licuit, literis consignabo.

Ortum habet hic morbus, atque occasum temporibus supra notatis. *Infantes* plerumque aggreditur, omnesque adeo ex illis, iisdem moenibus conclusos. A rigore atque horrore, calorisque, & frigoris, quæ se mutuo primo die expellunt, inæqualitate tragœdiam orditur; tandem affulgente secundo die in febrim consummatam definit, vehementi ægritudine, siti, inappetentia, lingua alba, (non vero sicca) tussicula, capitis atque oculorum gravedine, & somnolentia perpetua slipatam. Plerumque etiam e naribus atque oculis stillat humor, atque huiusmodi lacrymarum in oculos effusio certissimum est signum morbillorum ingruentium. Cui & hoc addendum haud minus certum, quod etsi in facie, exanthematum specie, hic affectus ut plurimum se prodit; in pectore tamen non tam exanthemata quam maculæ latæ, & rubræ superficiem cutis non superantes, conspiciuntur, sternutat æger tanquam a suscepto frigore, intumescunt palpebræ (paulo sc. ante eruptionem) vo-

mit, sæpius tamen laborat *Diarrhæa* cum dejectionibus coloris subviridis. Dentientibus autem maxime id convenit. *Infantes* etiam per hunc morbum solito sunt morosiores. Ingravescunt ut plurimum symptomata ad quartum usque diem, quo tempore plerumque (licet ad diem quintum aliquando differantur) circa frontem, & reliquam faciem maculæ parvæ rubræ, pulicum moribus persimiles, prodire incipiunt, quæ tam numero, quam magnitudine auctæ, racematim coalescunt, & faciem maculis rubris majusculis variaz figuræ, interstinguunt. Quæ quidem maculæ rubræ e parvulis quibusdam papulis rubris haud longè ab invicem distitis, supra cutis superficiem paululum elevatis, conflantur, quarum protuberantia, digito leviter admoto, tactu potest deprehendi, licet oculorum longius remotorum aciem fere effugiat. A facie, quam primo solam occupant, sensim ad pectus, ventremque, crura deinde ac tibias se diffundunt hæ maculæ, licet truncum atque artus rubore inficiant tantum, nulla eminentia sensibili cutis æquabilitatem transgressæ. Eruptione *Morbillorum* non perinde deliniuntur symptomata, atque *Variolarum*; Vomitus tamen post eruptionem nunquam observavi; tussicula nihilominus, febrisque intenduntur, cum spirandi difficultate, oculorum debilitate, defluxioneque in eosdem decumbente, somnolentia perpetua, atque inappetentia, uti prius adhuc perseverantibus. Die sexto aut circiter, frons, & facies asperescunt; emorientibus pustulis, ruptaque cuticula, & per id temporis maculæ per reliquum corpus, & latissimæ sunt, & maxime rubescunt. Octavo circiter die maculæ in facie evanescent, & vix in reliquo corpore cernuntur, nono vero nullæ sunt prorsus, facie atque artubus, quandoquæ, & toto corpore quasi farina conspersis, particulis scilicet disrumpæ cuticulæ paulum elevatis, & vix coherentibus, quæ morbo jam abituriente in frusta distrahitur, & postea a toto corpore squamularum forma decidit. Evanescent itaque *Morbilli* die fere octavo, quo tempore vulgus (a spatio quo perdurare solent *Variolæ*, deceptum) eosdem introverti affirmat, licet revera illi cursum a Natura destinatum absolverint, & symptomata, quæ iisdem recedentibus superveniunt, ex eo nata autumat, quod iusto citius se intro *Morbilli* receperunt. Observare enim est, febrim, atque spirandi difficultatem tunc temporis augeri, importunius urgete tussiculam, ita ut nec

nec interdiu, nec etiam noctu fere somnus possit obrepere. Infantes præsertim sub regimine calidiori; aut, qui calidioribus usi sunt medicamentis ad promovendam morbillorum eruptionem, huic malo sunt obnoxii, quod morbillis jam facessentibus se ostendit, unde in *Peripneumoniam* conjiciuntur, quæ plures jugulat, quam aut Variolæ ipsæ, aut symptoma quodcunque ad eum spectans morbum, licet omni prorsus periculo vacent *Morbilli*, si modo perite tractentur. His etiam non raro accidit *Diarrhæa*, quæ vel morbum statim excipit, vel etiam ad plures septimanas excurrit post morbi, omniumque ejus symptomatum fugam; haud sine magno ægri discrimine, in quo abhinc orta spirituum profusione continua, versatur. Aliquando etiam post regimen intense calidum exanthemata livescunt primo, mox nigrescunt; id vero *Adultis* tantum contingit, de quibus conclamatum est, ubi primum nigredo ista conspicitur, nisi phlebotomia, & temperationis regiminis refrigerio iis actum subveniat.

(1) *Morbillis* ut matura, ita & medendi, quam sibi poscit hic morbus ratione, cum *Variolis* satis convenit: Medicamenta, & regimen calidiora periculi plenissima sunt, utut frequenter in usum revocentur ab ignorantibus agrorum curatricibus, eo animo ut morbus a corde procul submoveatur. Feliciter præ aliis mihi cessit methodus illa, qua æger ad dies binos solum ternosve ab eruptione lecto adstringebatur, quo sanguis leniter pro morbi genio particulas inflammatas facile separabiles, a quibus offendebatur, per cutis spiracula diffilaret, nec Iodicibus, nec igne, præter modum, quem sanus tenebat, adjectis: A carnibus quibuscunque arcebam, iuscula avenacea, hordeacea, & similia, nonnunquam & pomum coctum concedebam; Potus, vel erat cerevisia tenuis, vel lac cum aqua triplo coctum. Tussim, quæ huic morbo fere assidua est, decocto aliquo pectorali subinde hausto delinitam volui; uti etiam eclegmate aliquo eundem scopum attingente. At præ reliquis *Diacodium* omni nocte ab ipso morbi insultu per totum ejus decursum exhibendum curavi. Ex. gr. ℞. *Decoct. pectoral. lib. jss. syr. violac. & capill. Veneris an. ʒijss. mis. f. Apozema. Cap. ʒijj. vel iv. ter vel quater in die.* — ℞. *olamygdal. dulc. ʒij. syr. violac. & capill. Ven. an. ʒj. sacchari*

cand. albi q.s. misc. f. eclegma, de quo sæpius lambat, præcipue quando tussis urget. — ℞. *aq. cerasor. nigr. ʒijj. syr. de meconio ʒj. mis. f. haustus, sumendus sing. noctibus.* Si vero infans fuerat æger, minuenda erat tam pectoralium, quam Narcotici dosis, pro ratione sc. ætatis.

Rarissime perit qui hoc utitur regimine, nec præter necessaria atque inevitabilia morbi symptomata, novis insuper malis atteritur. Tussis præ reliquis fatigat; a qua tamen nihil est periculi, nisi morbo jam prætergresso, cumque adhuc per septimanam unam aut alteram persistat, aut liberioris usu, ac remediis pectori dicatis, haud difficulter fugatur; quinimo sponte sua, & paulatim decrescit, & tandem satiscit.

Si autem æger a cardiacorum, vel regiminis justo calidiorum usu, post eorum discessum (quod valde est familiare) febre vehementi atque *Dyspnœa* aliisque accidentibus, qualia *Peripneumonicos* solent affligere, in vitæ discrimen adducatur, felicissimo semper eventu vel tenerrimorum infantum venas in brachio secui, educta ea sanguinis quantitate, quam ætas viresque indicarent. Quandoque etiam, urgente morbo, phlebotomiam iterare haud sum veritus. Profecto haud paucos infantes hoc statim symptomate enecandos, benedicente summo Numine, misso sanguine eripui. Infantibus autem accidit illud post *Morbillorum* recessum, quibus ita est exitiale, ut inter præcipuos *Paracarum* ministros jure habeatur, plures jugulans, quam vel ipsæ Variolæ; nec dum mihi visus est, qui certa alia methodo eidem potuit occurrere. Quin & *Diarrhæa*, quam *Morbillos* excipere diximus, venæ sectione pariter sanatur; cum enim halitibus inflammati sanguinis in intestina ruentibus ortum suum debeat (quod etiam in *Pleuritide*, *Peripneumonia*, aliisque qui ab inflammatione creantur, morbis usuvenit) a quibus illa ad excretionem stimulantur, sola venæ sectio levamen adferet, a qua tum revelluntur acres isti humores, tum etiam sanguis ad debitam redigitur temperiem.

Neque est, cur quis miretur me in teneris infantibus venæ sectionem instituendam suadere, cum sanguis, quantum ego hactenus potuerim observare, haud minus tuto ex eorum venis, quam ex adultorum extrahatur. Et profecto ita est illa necessaria, ut

noc

nec symptomati memorato, nec aliis quibusdam, quæ infantibus accidere solent, omis-
sâ phlebotomiâ certo mederi valeamus. Exempli gratia, quo pacto puerorum *Dentientium Convulsionibus*, quæ nunc decimoque mense superveniunt, (cum gingivarum intumescencia doloreque, a quibus comprimuntur nervi, atque irritantur, unde etiam paroxysmi isti nascuntur) sine venæ sectione opem feremus? Quæ sola in dicto affectu *specificis* quibuscumque, vel decantatissimis, quæ hætenus innotuere, longe est anteferenda; quorum nonnulla adventitio calore nocent etiam, & dum occulta aliqua proprietate morbo adversari creduntur, manifesto calore eidem militant, atque ægrum ad plures deducunt. Prætereo impræsentiarum ingens illud solatium, quod adfert venæ sectio infantum *Pertussi*, (quam nostrates vocant *Hooping Cough*) in qua remedia qualibet pectori dicata longè post se linquit intervallò.

Quod de horum symptomatum *Morbillis* decedentibus supervenientium, curatione jam diximus, nonnunquam etiam eisdem florentibus potest competere, si nimirum artificiali, si fas est dicere, atque adscititio calori ea debeantur. Hoc anno 1670. famulam Domine *Anne Barington* hoc morbo laborantem, una cum *Febre*, *Dyspnæa*, *Maculisque purpureis* corpus omne deturpantibus, aliisque symptomatibus quam plurimis periculosis, Medicus invisebam; cum regimini, & medicamentis, quæ satis multa usurpaverat, calidioribus ista omnia tribuerem, sanguinem a brachio extrahendum curavi, & Ptisanam pectoralem atque refrigerantem sæpe assumendam præscripsi, quorum ope, & regiminis simul temperationis, & maculæ, atque alia omnia symptomata pederentim evanescebant.

Hicce morbus mense *Januario*, ut dictum est, natus ad *Æquinoctium* usque *Vernum* crescebat indies, a quo tempore, imminuta paulatim vi, sequenti *Julio* plane desiit; nec est reversus per omnes annos, quibus hæc *Constitutio* dominabatur, nisi quod in sequenti vere, nonnullibi, licet rarius, se ostenderet. De *Morbillis* hæc dicta sunt.

C A P U T VI.

Variolæ Anomale Annorum 1670. 71. 72.

Morbilli prædicti, (quod jam supra inuimus) *Variolarum* speciem ab illa quam propagaverat *Constitutio* præcedens, diversam introducebant, eodem fere cum il-

lis tempore ingredientem, initio scil. *Januarii* 1669. 1670. quæ licet non usque adeo epidemica atque ipsi *Morbilli*, eisdem tamen comitabantur per omne illud tempus quo dominabantur, atque iis etiam fatiscen-
tibus, per residuos hujus *Constitutionis* annos perseverabant, *Dysenterii* nihilominus primas concedebat, sub auspiciis *Autumni* iisdem faventis atque amicissimi, grassantibus. *Hyeme* vero, *Dysenterii* aliena tempestate pressis, denuo recrudescebat hæc, de qua agimus, species. Atque hunc servabant ordinem per singulos hujus *Constitutionis* annos, nisi quod postremo quo illa vigeat *Autumno*, Anno sc. 72. (languescente jam ista *Constitutione*, & *Dysenterias* jam exolescentes segnius promovente) *Variolæ* præter solitum hoc quoque tempore grassabantur, atque ita pares *Dysenterii* concurrebant, ut haud facile esset dictu, quis morbus plures occuparet; licet quantum ego conjectando valui, prævalere *Dysenteria* adhuc videretur. Quin & hæc etiam *Variolæ*, ad exemplum *Epidemicorum* aliorum quorumlibet, primo statim insultu atrociores erant, atque indies increbrescebant, donec ad statum pervenissent, quem semel transgressæ, tum quoad symptomatum vehementiam, tum ægrorum numerum, sensim imminuebantur.

Sed ut particularia earum *Phænomena* referamus; haud parum præter opinionem mihi primum competeat hoc *Variolarum* genus, cum animadverterem istud quamplurimis *Phænomenis* insignioribus ab eo differre, quod produxerat *Constitutio* præcedens, & in quibus observandis me operam satis sedulam olim collocasse rebar. Hæc tantum earum *Phænomena* alterius generis *Phænomenis* dissidentia, impræsentiarum tractabo, prætermittis iis, quæ cum *Variolis* ita prolixè supra descriptis habebant communia.

Discretum *Variolarum* genus his tantum a genere *Discreto communi* alterius *Constitutionis* determinabatur. Primo, quod eum in iis, quoties erant *intermixtæ*, *Eruptio* diem quartum prævertere non soleret, hic in tertium plerumque incidebat; quod *Confluentibus* solemne quidem est. Deinde non ad eam magnitudinem, procedente morbo, hic assurgebant pustulæ atque in alio genere; magis autem exasperabantur in minori mole, & sub diebus ultimis ubi jam maturuerant *nigræ* frequentius viscebantur, Illud etiam addam, quod nonnunquam, licet rarius, ægrum etiam paucissimis notatum pustulis, *Ptyalismus*, haud secus atque in *Confluentibus*,

bus, exerceret. Ex quibus conficitur, *Distinctas* hujus *Constitutionis* Variolas, ad *Confluentium* naturam propius accedere, atque *Inflammationis* magis intensæ esse participes, quam quæ in *Distincto* genere usuvenire solent.

Confluentes vero ab aliis, quas per alios annos ego observaveram, *Confluentibus*, in multis, quæ jam recensere, discrepabant. Nunc *secundo*, nunc *tertio* die se primum monstrabant, specie tumoris subrubri, atque uniformis, vultum omnem contegentiis, *Erysipelate* quidem densioris, nullo fere visibili pustularum discrimine; reliquum corpus congeries quædam (ceu panni latiores) ex infinitis propemodum pustulis rubris efferatis in unam conflata variegabant, inter quas sparæ, in femoribus præcipue, vesiculæ quædam satis conspicuæ, ambustorum ad instar, sero limpidiore distentæ eminebant, quod quidem disrupta subinde pellicula copiose effluebat, subjecta carne nigredine, & sphacelo quasi affecta. Rarius autem occurrebat hoc tam tirum symptoma, idque primo tantum mense quo hæc species regnabat. Quo tempore inter alios ita male multatos, ineunte *Januario* 1669. 1670. accersiri me curavit vir probus, nomine *Collins*, *Zythepla* in *Parochia* S. *Ægidii*, cujus filius adhuc infans vesiculas habuit in femoribus Juglandem nucem exæquentes, sero limpidiore repletas: quibus disruptis substrata caro quasi mortificata omnino comparebat, atque non ita diu post æger satis concessit; quæ & eorum omnium sors fuit, quos hoc tam funesto symptomate correptos vidi unquam. Die *undecimo* circiter, pellicula alba resplendens tumori subrubro, variis faciei partibus, & paulatim vultui omni obducta est. Pellicula hæc alba brevi post materiam quaudam crustosam splendentem eructabat, colore quidem neque flavo, neque fusco, (qui duo in aliis Variolarum speciebus reperiuntur) sed rubro saturato, concretum sanguinem imitante, qui maturecente pustula ad nigrorem in dies magis accedebat, donec tandem facies integra nigredine, fuliginis omnino æmula, tingeretur. Cumque in alia Variolarum *Confluentium* specie dies *undecimus* in maximum vitæ discrimen ægros adduceret, & plerisque emorientium supremus esset; in hac specie æger nisi regimine immoderate calido oppressus mortis refrigerium maturius præoccupasset *decimum quartum* ut plurimum diem, aliquando etiam *decimum septimum* expectabat, quo demum elapso, salva res

erat. Notandum est tamen, quod qui lethalius istis vesiculis ac mortificatione, quæ nonnullis primo mense, quo hæc species invadebat, accidisse memoravimus, Libitinæ destinabantur, intra paucos dies ab eruptione interibant.

Et febris, & symptomata alia omnia quæ vel præcedebant, vel comitabantur hoc Variolarum genus, graviora erant quam in præcedente, & inflammationis adhuc majoris manifesta dabant indicia. Ægri ad salivationem erant procliviores; Pustulæ & efferatiores, & mole longe minores; ita ut non facile, ubi primum apparebant, ab *Erysipelate* quis eas discreverit, vel etiam a *Morbillis*, nisi quod hi ex die eruptionis, & aliis signis in historia morbillorum supra recensitis, certo innotescant. Pustulis decidentibus surfures diutius hærebant, scædioraque stigmata inurebant curi.

Operæ pretium est & illud adjungere, quod durante hac anni *Constitutione*, quæ tam epidemice sæviebant *Dysenterix*, *Variolæ* regimine justo calidior provocatæ per *Dysenteriam* nonnumquam viam sibi facerent, quod ne semel accidisse hætenus quidem animadverteram.

Observare autem convenit, *Variolas* hæc non ita diris symptomatibus per omnia sua tempora fuisse stipatas; postquam enim binos exegerant annos, tertio, sc. 1672. mitescere cœperunt, & exuto nigro colore, paulatim ad flavum illum, & *favorum* similem, accedebant, qui *Variolis Legitimis* maturefcentibus est proprius, ita ut postremo hujus *Constitutionis* anno, benignæ plane essent & boni moris, habita generis ratione. Quo non obstante, satis liquebat illas ad aliam potius classem relegandas esse, ex pustularum nimirum exiguitate, tam eximia ad salivationem dispositione, atque aliis.

(1) Quamlibet ob causas differentiz cujuslibet specificæ qua immergimur, ignorantiam, impossibile fuerit *rationem* harum Variolarum *formalem* comprehendere, quatenus ab illis, quas alia promit *Constitutio*, contra distinguuntur, mihi tamen liquido constabat ex singulis Phænomenis *inflammationem* in his, quam in illis longe immanioris fuisse, ac proinde omnem medendi rationem in eo stare, ut pluribus adhuc repagulis sisteretur effrænata sanguinis ebullitio. Idem autem maxime efficiebatur (post *Hypnotica* dicto modo exhibita) regimine temperato, indulgendo sc. ægro usum liberalior

rem

(1) *Curatio.*

rem liquoris alicujus, qui non cum excalefaceret, sed potius fervidissimum illum æstum (quo hic morbus, pustulis maxime ad maturitatem jam pervenientibus, miseros præ cæteris quibusque morbis fatigat atque exurit) illico committigaret, *Decoctum Album* dictum, ex pane sc. & C. C. exigua quantitate in multa aqua factum, & saccharo dulcoratum hic juvabat; at Hydrogala e tribus aquæ partibus, & lactis una simul coctis, & ægri palato & votis magis ut plurimum, refrigerando respondit; nec eo tantum profecit ingesti liquoris copia, quo insignem calorem, cum *Maturationis* febre præcipue vigentem, restingueret, sed quatenus Ptyalismum etiam promoveret, atque eundem diutius protraheret, quam poterat fieri, si æger nimio æstualet calore. Præter hæc omnia, sæpenumero ita bene cessisse liquores hosce affatim haustos observavi, ut eorum usu *Variole*, quæ cum pessimis *Confluentia* signis exhibant, progrediente morbo *Distincta* sint factæ; pustulæ quæ maturescences rubram primum, mox nigram materiam aliter evomuisse, flavissimæ comparent; pro effleratis insuper atque minutulis, *benigni* atque optimi moris haberentur.

Neque etiam *Fluxus Mensium*, qui scæminis hoc morbo laborantibus haud infrequens accidit, liberalem horum liquorum usum quicquam prohibet; imo vero & suadet, si tempore non solito isti fluant. Etenim non jam alia de causa periclitantur scæminæ, nisi quod sanguis ab immodico morbi calore plus justo attenuatus, qua data porta ruat, Naturæ ductus sequens; præsertim ubi noxia curatricum temeritas, regimine calidiori, & *Decocto C. C. cum floribus Calendule, &c.* adhibitis oleumigni affuderit. Quicquid autem sanguinem potenter diluit contemperatque, licet non immediate, in quantum tamen ejusdem fluxum cohibet, tum pustulis, tum faciei manuumque tumori in statu conservandis necessario conferet: cum ex adverso remedia calidiora, licet ad hunc scopum rectius videantur collimare, cum tamen jugem hunc sanguinis fluxum promoveant, longissime aberrant. Quinimo nec dubium mihi est quamplurimas mulieres hoc errore periisse, dum sc. assistentes, ne pustulæ ob sanguinis fluxum considerent, veriti, malq. huic Cardiacis medicamentis, & regimine adhuc calidiori adhibitis occurrere niterentur, quo facto misellas certius pessunderunt; quantumlibet *adstringentia* varia Cardiacis admixcentes Hæmorrhagiam sistere, atque pustularum una tumorisque debi-

tam elevationem tueri sategerint.

Haud ita pridem *Dominam* tam virtutibus quam stirpe prænobilem, *Variolis* nigris & mali moris laborantem, tractavi. Quamvis autem ab initio iis omnibus illi interdixeram, a quibus sanguis exagitari poterat, cum tamen temperamento esset admodum sanguineo, viridi juvena vegetaque, servida etiam anni tempestas accederet, derepente, tertio scilicet die ab eruptione, ita largo *Mensium profusio*, tempore illis non debito, correpta est, ut astantes mulieres eam jam abortivisse suspicarentur. Licet hoc symptoma ad dies multos importune urgeret, non tamen idcirco existimavi lactis & aquæ usum a me præscriptorum, intermitti debere: quid quod magis jam necessarium illum esse, & liberalius adhuc indulgendum censuerim? quod etiam per omnem morbi decursum facitavimus, præsertim cum appeteret *Febris Maturatio*. Quo quidem tempore Medicus Doctissimus, Candidissimusque, Dominus Do. Millington, ejusdem mecum olim *Collegii Socius*, jam amicissimus, ad sociam operam invitabatur; qui cum omnia satis bene respondere, pro hujus morbi genio animadverteret, mihi lubens assensit, ut pergeret ægra dictos liquores affatim haurire, quos ipsa sibi gratissimos, & tam ad salivam facere, quam ad refrigerium & refectionem sæpe affirmabat. Cum vero jam indurari facies cœperit, & crusta obduci, ab halitibus putridis a materia purulenta, quæ in hoc pessimo *Variolarum* genere male olebat, intromittendis ægræ nostræ metuentes, vini Canarini semicocti cochlearia paucula, semel in die assumenda, vel quoties in ventriculo ægritudine aliquam persentisceret, concessimus. Pauculis hisce, nisi quod haustulum etiam *Paregoricum* hora somni quotidie imperavimus, convaluit; neque delirio, neque alio quovis symptomate, præter dictam Hæmorrhagiam, grave aliquod periculum minitante. Facies manusque satis intumescebant; pustulæ, quantum tulit morbi species, satis magnæ erant; salivatio copiosa & facilis ad metas usque; postremo quantumlibet pupulæ, quæ faciem obsidebant, cum maturescerent, nigredinem affectare viderentur, in plerisque tamen ejus partibus flavescebant.

Quibuscumque vero caloris atque inflammationis gradibus *Variolarum* species, huic *Constitutioni* peculiaris, alias aliarum *Constitutionum* species superaverit, cum tamen *discrete* essent pustulæ, vel saltem paucæ, docuit

docuit experientia, non opus esse tanta prædictorum liquorum quantitate ingerenda; satis autem fuit, ut æger pro sitis modo atque imperio cerevisiam tenuem potaret, jusculis avenaceis, panatella, & pomo cocto subinde vekeretur, & si ex Ephebis excesserat, *Paregoricum ex Symplo de meconio*, cum vel ægrotaret, vel ob nimias vigilias delirare inciperet, assumeret. Neque aliud quicquam tentabam (nisi quod ægros lecto addicerem) ubi pustulæ rare comparebant. Atque hac sola methodo Charissimus mihi filius, *William Sydenham* distincto hujusmodi Variolarum genere laborans mense Decembri 1670. favente Numine, restitutus est.

De Variolis hujus *Constitutionis* nihil superaddam, cum jam aliam speciem fusius tractaverim, a quibus hæc in eo tantum discrepant, quod naturæ sc. calidioris fuerint, & magis *inflammatorie*; unde sequitur, diligentiorum adhuc operam fuisse navandam, ut restingeretur intensior iste calor, qui tam iis naturalis erat, & ægro ita certum minitabatur incendium.

CAPUT VII.

Colice Biliose Ann. 1670. 71. 72.

PER omnes hujus *Constitutionis* annos, cum sanguis ad humores cholericos fervidusque in viscera deponendos propensior esset, *Colica Biliosa* præter solitum plures invasit; qui morbus licet *Chronicis* annumerari debeat, ac proinde extra oleas mihi sit, cum tamen ab eadem sanguinis indispositione penderet hoc tempore, a qua & *Epidemici* plerique qui tum grassabantur, vel eo nomine hic mihi veniet tractandus, præcipue vero quia animadverti, morbum huncce eadem planè præcessisse symptomata febrilia, quæ *Dysenteriam* per illa tempora regnantem præcedere solebant; atque eundem, etiam aliquando (quod supra notavi) *Dysenteriam*, quæ post diuturnos cruciatus ægro tandem vale dixisse videretur, fuisse insecutum. Ubi vero *Dysenteriam* diuturnam non excipiebat, plerumque a febre oriebatur, quæ per horas aliquot tantum affligens, in hunc morbum solebat desinere. Juvenes ut plurimum temperamento calido ac bilioso præditos, æstate præsertim adoritur. Intestinorum do-

Sydenham Opera Med. Tom. I.

lor atrocissimus est, & præ cæteris omnibus, quibuscum mortalium calamitosissimi committuntur, maxime intolerabilis. Intestina nonnunquam quasi injecta fascia constringit, nunc in punctum contractus quasi terebello perforat: subinde remittitur dolor, mox recrudescit paroxysmus, quem æger præsentens, vultu miserabili atque ejulatu ceu præsentem exhorret, & averfatur. Sub initio hujus morbi non ita certo ad unum aliquod punctum determinatur dolor, atque in ejusdem progressu; neque tam crebra est vomituritio, neque alvus ita pertinaciter *Catharticorum* vim eludit; quo autem magis augetur dolor, eo obstinatius in puncto figitur; vomituritio succedit frequentior, & major alvi adstrictio; donec tandem ab ineluctabili horum symptomatum vi *totalis Peristaltici intestinorum motus inversio* (nisi maturius quis tulerit suppetias) atque *Iliaca passio* procurantur; in quo morbo *Cathartica* Medicamenta omnia in *Emetica* statim transeunt. Enemata etiam injecta, una cum alvi facibus, per omnem intestinorum ductum sursum lata, vomitu ejiciuntur. Quæ hoc modo excernitur materia; sincera si fuerit atque *auræ*, viridis aliquando, aliquando etiam flava, aut insoliti cujusdam coloris spectatur.

Cum singula hujus affectus phenomena, cum ab acri aliquo sive humore sive halitu, e massa sanguinea in intestina excusso nasci aperte doceant, Indicatio curativa primaria mihi hæc est, ut sc. evacuetur dictus humor, tam *Antecedens* in venis, quam *Continens* in visceribus conclusus; altera vero ab hac, ut Anodynorum usu & compescatur humorum eo tendentium impetus, & mitigetur immittissimus dolor.

(1) Sanguinem itaque e brachii venis paulo liberalius educi (si nempe id fuerit hætenus intentatum) & post horas 3. vel 4. Anodynum exhiberi curo. Postero die Catharticum aliquod lenitivum præscribo, interposito die uno repetendum, ad tertiam etiam nonnunquam vicem; prout humoris reliquæ plures mihi videntur, aut pauciores. Observandum est autem, quod si malum hoc sive fructibus horariis nimis avido ingestis, sive alii cibo cuicunque *δυσήγητος* originem suam debeat, unde sc. succi pravi corruptique primum in sanguinem transmittuntur, atque ex eodem postliminio in

K vi

viscera; rebus, inquam, sic stantibus, ventriculus ante omnia eluendus est. Lacte cerevisiato affatim hausto, & per vomitum rejecto, quo exantlato, Anodynum propinandum est; sequenti autem die primum vena secanda, & in cæteris eo, quem jam docuimus, ordine procedendum.

At vero cum & doloris vehementia, & vomituritio, ob quam intestina ad inversionem quasi feruntur, Catharticorum operationi obsistant, intendendæ sunt eorundem vires, neque Leo subere excipiendus, frustra enim mitius Catharticum exhibueris, nisi forte æger alvo sit facile solubili, quod diligenter inquirendum est. Cum enim huiusmodi medicamen viam sibi facere per intestinorum canales non valeat, æger ab eo læditur magis, dum scilicet ab ejusdem inefficaci agitatione & vomitus & dolor augentur. Potio Cathartica lenitiva ex infusione *Tamarind. fol. Senn. & Rbei*, in qua dissolvi possunt *Manna*, & *Syr. Rosaceus*, Catharticis aliis anteferenda, cum humores minus exagitet, & commoveat. Cum tamen sive ob ægri aversionem medicamenti formæ liquidioris, sive vomituritionem, in ventriculo retineri vix queat, pilulæ necessario in subsidium vocandæ; inter quas *Cochie* mihi præ cæteris semper placuere, utpote certissimo pede quam cœperunt viam insistentes, tum in hoc casu, tum in aliis plerisque. Ubi vero tanta est sive ventriculi debilitas, sive etiam vomituritio, ut nec pilulæ possint detineri, ibi remedium primo *Anodynum* impero, & paucis horis elapsis *Catharticum*, eo temporis spatio interjecto, ut *Catharticum* a *Narcotico* tanto distet intervallo, ut ab eo non vincatur & pereat, eas autem in ventriculo moras trahat, quæ ad virtutem purgativam eidem communicandam sufficiant, ut suam demum exerat operationem; cessante altero. Licet *Catharticum* modo id possit fieri, diu post *Anodynum* rectissime propinetur, cum etiam ad hoc assumpto, alvus istis ægrius respondeat, atque nonnisi operosius solvatur.

Cum autem huic uti in aliis plerisque morbis, in quibus indicantur *Narcotica*, *Catharticum* semper dolorem intendat (saltem finita jam operatione, qua quidem vigente mitius nonnumquam cum ægro agitur) idcirco solemne mihi est *Anodynum* ingerere, ubi primum expiravit *Cathartici* insula. Quale quidem mane etiam, & sero quotidie hauriendum impero, spatio sc. omni inter purgationes medio, quo certius dolorem

consopiam, donec Catharsis debite fuerit celebrata.

Peracta *Cathartici* operatione humorum *erysipelæ* compescere (quod jam solum restat agendum) *Anodyno* mane, & vespere jugiter exhibito, contendo; quod etiam sæpius aliquando est repetendum: nec unquam mihi contigit, dolores vehementiores sedare posse, nisi dosi largiori & reiterata; quæ enim alteri malo debellando par esset, ab hoc vincitur, violentia doloris remedii vires frangente. Tutissime autem repetuntur *Narcotica* urgente huiusmodi dolore, non item ubi ille desierit. Quamobrem doloris indicium secutus, *Narcoticum* repeto, donec vel cessaverit ille, vel admodum fuerit mitigatus; eo nihilominus interjecto temporis spatium, ut compertum mihi sit, quid a dosi precedente sperari debeat antequam alteram superaddam. Plerumque vero, nisi ubi summe viget dolor, *Paregoricum* mane & sero exhibitum sufficiet. *Anodynum* mihi familiare *Laudanum* istud liquidum est supra descriptum, cujus gutta xvi. in aqua Cardiacâ stillatitia solvuntur, vel augetur dosis pro doloris magnitudine.

Simplicissima hæc methodus, qua primum humor peccans venæ sectione & purgatione evacuetur, deinde *Narcoticorum* ope conciliatur quies, semper mihi felicissime cessit præ aliis, quæ mihi hætenus innotuere omnibus. Cum *Enemata* Carminantia, eo fine injecta, ut humores acres exterminent, crabrones irritent tantum, & concitato humorum tumultu diuturniorem reddant morbum. Hic autem in primis animadverti volo, quod licet tam Phlebotomiam, quam Catharsin huic sedando morbo necessario esse præmittendam affirmavero, nonnumquam tamen, re ita postulante, eâ utraq; omissa a *Paregoricis* ordiendâ tela est. Exempli gratia, ubi ob prægressam ægritudinem aliquam evacuationes copiosiores non ita diu ante *Colicæ* adventum institutæ fuerint; (non raro enim ob viscerum debilitatem; maxime si accedat major caloris gradus a vino, vel spirituofo liquore alio immodice hausto, qui nuper ab alio convalescere morbo in hunc præcipitantur) hoc, inquam, in casu non modo non necessarium, sed & noxium esse censeo, alia insuper adjiciendo Cathartica novos excitare tumultus, atque omnia denuo perturbare. Illud jam taceo, quod in hoc affectu æger ut plurimum, prius quam consulatur Medicus, repetito *Enematum* usu intestina satis proluat; ita ut par-

partim hac de causa, partim ob diuturniorem morbi moram *Narcotica* fere sola in usum videantur revocanda.

Mense *Augusto* 1671. Nobilissimus Dominus Baro *Annesly Colica Biliosa* laborans cum cruciatu intolerabili, & frequenti vomituritione, jam ab aliquot diebus ad Castellum de *Belvoir* accersiri me jussit, nulum non Enematum genus, atque alia insuper remedia a Medicis doctissimis experientissimisque eo locorum degentibus præscripta jam tentaverat. Ego nullis usus ambagibus, repetitum *Narcoticorum* usum ad normam jam traditam suasi, quorum ope propediem convaluit, & mecum ad urbem sanus rediit.

Quandoquidem autem dolor hic præ cæteris quibusque ex sua natura recidivus sit, omnis ei revertendi ansa *Anodyno* bis quotidie ad aliquot dies exhibitio præscindenda est. Quod si, quoties intermittitur *Narcoticum*, dolor subinde recrudescat, (ut nonnunquam fit) nihil a me hæcenus excogitari potuit, quod ad persanandum ægrum ita certo faceret atque *Equitatio*, vel incurru vestigio, quo longiora itinera confici debuerent, *Anodyno* interim mane & sero indefinenter propinato. Hujusmodi enim exercitiis materia morbum committens in corporis habitum deducitur, & sanguis perpetua agitatione comminutus de novo quasi depuratur; ipsaque demum intestina caloris nativi excitatione haud parum corroborantur, ac refocillantur. Nec pudet fateri, me dicto exercitio in partes adscito morbum hunc, cui alio quovis modo devincendo par non fui, plus semel penitus expulisse. Neque vero illud tentandum est, nisi post evacuationes debitas sufficienter celebratas, neque ab eo nisi post dies aliquam multos desistendum.

Pauper quidam mihi vicinus, qui & adhuc est superstes, *Colica Biliosa* vehementissima per hos annos laboravit, quam *Carharticis*, *Clysteribus*, *Globulisque plumbeis* devoratis expugnare, diu, sed frustra erat conatus. Hic Ego ad frequentem *Narcoticorum* usum confugi, neque poenitenda opera, quandiu enim ista repeterentur, satis recte habuit, sed cum his palliaretur tantum malum, non extirparetur (revertebatur enim ut primum erat exhausta *Narcoticorum* vis) Ego hominis misertus, & gravi morbo, & re angusta afflictissimi, equum ex meis commodabam, quo iter dicto jam modo peragendum aggrediretur, eoque ad dies paucos

continuato, viscera eas vires recipere, ut morbi reliquiis excutiendis paria jam essent, & sine *Anodynorum* præsidio omnino convalesceret.

Et, ut quod res est loquar, non in hoc tantum casu, sed in morbis aliis *Chronicis* quampluribus hoc exercitii genus nunquam non cum uberrimo fructu usurpatum memini, modo quis in illo improbius perseveraret. Si enim nobiscum reputemus ventrem inferiorem, in quo disponuntur organa secretoria, hoc maxime exercitio vibrari, eaque succussionibus aliquot mille uno in die exagitari solere, facile credemus, eadem succum quemlibet recrementitium ibi impactum ope dicti exercitii posse excutere, & (quod majoris adhuc momenti) validioris ista caloris nativi excitatione ita corroborari, ut munere, quod iis mandavit Natura, in sanguine depurando recte deserviantur.

Dietam, si junior fuerit æger & calidioris temperamenti, refrigerantem atque incrassantem impero, puta hordei cremorem, panatellam, &c. & tertio quoque die, si latret adhuc stomachus, pullum teneriorem merulamve piscem coctum. Potum non alium concedo quam cerevisiam tenuem mitemque, vel lac cum aqua coctum, neque ulterius quidquam indulgeo, nisi equitatio ad redintegrandam sanitatem necessaria, plenioris victum & generosioris postulet liquoris, quibus rependantur spirituum exercitio exhaustiendorum damna.

Quinimo observatione constat, quod ubi hic morbus perite tractatus diutissime fatigaverit, ita ut viscera elanguescerent, atque æger extrema jam macie atque debilitate tantum non esset confectus, in hoc inquam, casu liberalior sive *Aque Epidemica*, sive *Mirabilis*, sive alius demum cujuscunque, qua sanus maxime delectabatur, usus, hoc tempore eundem ultra spem omnem juverit; hujus enim ope paucissima istæ caloris nativi spirituumque reliquæ excitabantur, & fermentum præternaturale visceribus adhærens; & novis paroxysmis somitem subinde ministrans, a liquoribus magis spirituosius extinguebatur.

Porro ut in morbi curatione, ita etiam & eodem jam depulso, *Dixta* illa tenuis, de qua diximus, adhuc aliquandiu est observanda. Cum enim morbus hic recidivam præ aliis omnibus assecler, atque insuper sedem sibi delegerit præcipua coctionis instrumenta (viscera intelligo, jam ab eodem infirmata) vel levissimus hujus generis

ris error. malum haud leve confestim apportabit. Quocirca tam in hoc, quam in cæteris omnibus viscerum affectibus cibi *interdicti* cane pejus, & angue sunt vitandi; & qui conceduntur, *interdicti* ea tantum quantitate sumendi, quæ ad vitam sustinendam possit sufficere.

(1) Fœminarum nonnullas vexat *Affectus Hysterici* species quædam, *Colicam Biliofam* ita ad unguem referens, tam doloris acerbitate, quam situ, tum etiam humoribus coloris flavi viridisque vomitu rejectis, ut mihi obiter tractanda veniat, ne a quopiam pro jam dicto morbo hæc habeatur.

Quæ habitu corporis laxo crudoque sunt mulieres cum hoc malo præ cæteris conflantur, quæque alio aliquo affectu *Hysterico* jam pridem laboravere, aut (quod sæpenumero fieri solet) quæ a partu difficili ac laborioso ob natum infantem grandiusculum, qui vires & naturam maternam nimis exhaust, vix evasere. Regionem ventriculi, nonnunquam & paulo inferiorem, dolor haud mitior quam in passione *Colica Iliacave* primum obsidet, quem vomitiones sequuntur enormes, nunc viridis materiz, nunc vero flavæ. His accedit (quod sæpe observavi) major animi dejectionis desperatioque, quam in morbo alio quocunque. Post diem unum alterumve successit dolor, qui post paucas septimanas revertitur, nihilo lenius sæviens quam antequam solveretur *Paroxysmus, Icterus* quandoque satis spectabilem, comitem sibi adsciscit, intra dies pauculos sponte evanescentem. Cessantibus jam symptomatibus omnibus, ubi ægra sibi satis valere videatur, levissima animi commotio, sive ab ira sive a dolore ea fuerit excitata (quibus hoc in casu promptissime afficiuntur fœminæ) dolorem sere revocat; quod etiam & de ambulatione, & de alio exercitio quolibet præmature nimis suscepto dicendum est; cum ab huiusmodi causis eleventur vapores in habitu corporis laxo atque imbecilliori. *Vapores* cum vulgo dico, cum sive istiusmodi sint, sive *Convulsiones* particularum partium, utrovis pariter modo solventur *paroxysmi*. Hi vapores, sive convulsiones hæc, ubi hanc illamve corporis regionem invaserint, pariunt symptomata, ei, quam invasere, parti accommodata, ac proinde licet unum atque eundem ubique morbum faciant, plerosque tamen quibus miseri cruciantur affabre simulant, quod vel ex hoc liquet affectu, qui cum partes *Cælo* adjacentes infederit, *Coli-*

cam Biliofam adamussim imitatur. Neque minus id patet in multis aliis corporis partibus eodem morbo tactis; v. g. nonnunquam *Renum* alterum vehementissimo dolore afficit, unde vomitus immanis; atque etiam per ureteris ductum sæpe delatus, *calculum* simulat, & cum ab *Enematis* aliisque medicamentis *Lithontripticis*, & calculo exturbando dicatis, exasperatur, uno eodemque tenore diutissime affligit subinde etiam (præter morem suum, cum per se omni vacet periculo) ægrum ad plures deducit. Vidi insuper & symptomata ab eodem prognata, quæ *vesicæ calculum* omnino referebant. Non ita diu est, a quo noctu excirabar, ut Comitissæ mihi vicinæ, dolore in vesicæ regione admodum violento, & urinæ suppressione derepente correptæ, consulere. Cum ego illam affectibus *Hysterici* variis obnoxiam certo scirem, atque ex eo augurerer, non isto eam, quem putabant, laborare morbo, *Enemata*, quæ parabat ancilla, injici non patiebar, ne ab iis cresceret morbus, at horum loco, atque emollientium, v. g. *Syr. de Albea*, &c. quæ adferebat *Pharmacopola*, *Narcoticum* exhibui, quod symptoma illud subito compefcuit. Neque sane vel una aliqua pars corporis ab huius mali insultibus penitus eximitur, sive interna ea fuerit, sive externa, ut sunt fauces, coxæ, crura, in quibus omnibus dolorem excitat intolerabilem, atque, ubi discesserit, teneritudinem quandam quæ tangi recuset, relinquit, perinde ac si carnes multo verberæ fuerint emollitæ.

Quemadmodum autem quædam ad *Colicæ Hystericæ* historiam pertinentia obiter tradidi, ne scilicet illa pro *Biliofa* falso haberetur; ita & quædam etiam alia *de vasis* attingam, ad *Symptomatis* doloris, qui eam comitatur, curationem facientia: *Curatio* enim *radicalis*, quæ morbum, sublata causa, tollit, alterius omnino est & speculationis, & loci.

Venæ sectio, & repetitæ purgationes, quæ in *Colica Biliofa* incipiente apertissime indicantur, hic locum non habent nisi in casu infra dicendo. Docet enim experientia, & exasperari dolorem, & invalescere symptomata alia omnia, a tumultu, quem ista cient, adjuta; atque adeo plus semel animadverti, *Enematum*, vel lenissimorum, repetitionem, continuam symptomatum seriem invexisse. Experientiæ ratio etiam adstipulabitur, quæ morbum hunc a spirituum potius *motu*, atque inordinato motu, quam hu-

humorum vitio aliquo produci dicabit, si expendamus nempe circumstantias illas, quibus ut plurimum originem suam debet. Huiusmodi sunt, magnæ atque indebitæ sanguinis profusiones, motus animi uti etiam & corporis violentiores, & alia id genus. Quæ omnia, remedia illa suadent proscribenda, a quibus major spirituum perturbatio possit excitari, atque eorum loco *Anodyna* esse usurpanda, licet *viridis* ac pravus materia vomitu rejectæ color contrarium indicare videatur. Subtilior enim est atque minutior colorum speculatio, quam ut evacuationibus, quas ipso facto nocentes deprehendimus, auctoritatem conciliare valeat. Nullusque dubito, morbum hunc (qui licet acerbissimum dolorem, nullum tamen vitæ discrimen apportat) ob errores hoc nomine commissos, lethalem sæpenumero evadere. Adde, quod si quis *Emeticum* vel fortissimum hodie propinaverit, ut sc. eam, quam putat, morbi mineram exhauriat, ægra postero die materiam æque viridem aut pravi alterius coloris, atque erat prior illa, evomet.

Observandum est tamen, eam quandoque sanguinis atque humorum copiam reperiri, quæ *Narcotici* operationi eo usque obstat, ut, quamlibet sæpissime repetatur, organum tamen cohibere nequeat, nisi secta prius ægræ vena, aut alvo subducta; quod in foeminis temperamenti magis sanguinei atque virginibus mihi subiit notare. Si ita se res habeat, vel *Phlebotomia*, vel *Catharsi*, forte etiam utraque, *Anodyno* via aperienda est. Celebrata enim harum utraque, *Narcoticum*, quod prius summa licet dosi exhibitum nihil quicquam profecit, jam etiam in mediocri dosi, effectum obtinebit, cui destinabatur. Raro autem hoc contingit; neque tum reiteranda sunt hæc remedia. Quibus præmissis, ubi opus iis fuerit, in *Anodynis* ea methodo, quam in *Colica Biliosa* proposuimus exhibendis progrediendum est, quæ crebrius parciusve sunt ingerenda pro doloris recedentis ratione. Quæ quidem methodus præsens, atque instans vehementissimi doloris symptoma tantum respicit; cum non hic loci illam, quæ morbi causæ occurritur, tractandam in me receperim.

Cum vero hic morbus tam in *Hypochondriacis*, quam *Hystericis* (nam in utroque, ut alio loco dicetur, par est ratio) sæpif-

sime in *Icterus* desinere soleat, atque iisdem passibus, quibus hic ingreditur, iste se proripiat; observandum occurrit, quod in hac *Icteri* specie curanda *Cathartica* omnia, vel omnino omittenda, vel si adhibenda fuerint, *Rhabarbaro* solum, vel leni quovis medicamento utendum. Etenim metuendum, ne a *Catharsi* novi tumultus cieantur, ac proinde symptomata omnia postliminio recurrant. In hoc itaque casu nihil omnino agendum, cum *Icterus* huic occasionem originem debens, sensim sponte sua faceat, ac tandem brevi temporis spatio penitus evanescat. Sin autem *Icterus* longas moras necet, atque non nisi ægre discedere videatur, ad *Remedia* confugiendum. Hoc uti soleo, *℞. Rab. Rub. Tinctur. & Curcumæ an. ℥j. Chelidon. maj. cum toto, & summitat. Centaur. min. an. M. i. coq. in equalibus partibus vini Rhenani, & aque font. ad ℥ij. in Colatura dissolve syr. de quinque Radicibus ℥ij. M. s. s. Apozema, capiat ℞℥. calide mane, & sero, usque dum convalescit. At ubi *Icterus* per se invadit, *Colica* neutiquam prægressa, omnino oportet, ut præter alterantia jam dicta, etiam *Cholagoga*, i. e. quæ per alvum bilem subducunt, ægræ exhibeantur, nempe semel vel bis antequam aggrediatur usum præscripti *Apozematis*, & postea semel singulis septimanis durante ejusdem usu. Ut *℞. Electuar. e succo rosar. ℥ij. Rhabarb. subtiliss. pulv. ℥℥. Cremor. tartari ℥j. cum s. q. syr. Cichor. cum Rheo s. Bolus. Sumas summo mane, superbibendo vini Rhenani haustulum. At si vel his diu continuatis morbus adhuc obstitit, ad *Aguas ferreas*, quales sunt istæ *Tunbrigenses*, adeundum, quæ ex ipso fonte bibendæ sunt singulis matutinis dum convalescit. Atque hæc de morbis hujus *Constitutionis*.**

SECTIO QUINTA.

CAPUT I.

Constitutio Epidemica partis Anni 1673. atque integrorum 1674. 1675.

Circa initium mensis (1) *Julii* 1673. alia quædam *Febris* species est ingressa, *Constitutione* vero necdum ita ad eam unice disposita, ut ponitus excluderentur *Constitutionis*

(1) 1673.

nis *precedentis* morbi, non admodum fuit Epidemica. Nondum enim desierat ista *Variolarum* species, quæ Anno 1670. primum cæpit invadere, licet jam & rarius occurreret, & mitiora symptomata; ita ut bini hi morbi pari fere passu procederent, neuter vero multum grasseretur; *Priori* constitutione nondum ita prorsus evanescente, ut nullos proferret morbos veteris prosapiæ, (*Dysenterie* enim perpauca adhuc reperiebantur) neque *Nova* ita adhuc confirmata, ut eos produceret, qui alios exterminarent omnes.

Et per Autumnum hunc, & Hyemem omnem *Variolæ* pari cum hac *Febre* incedebant passu, neutro tamen morbo admodum grassante, atque interim tantum non extinguiebantur *Dysenterie*. *Novembri* autem tum currente, post acerrimum gelu ad dies aliquot perdurans, succedente insperato tempestate calidiori, quam ego me per istud anni tempus unquam observasse memini, paucula *Dysenterie* & paulo ante, & circiter Festum *Nativitatis Domini* hic illic spargebantur. Hæ autem extremum morientis lucernæ conatum referebant, mox enim morbus hicce (ista saltem ejus species) omnino intercidit.

(1) *Premature* admodum sequente Anno, mense scil. *Januario*, invadebant *Morbilli*, haud minus Epidemici atque erant isti, qui eodem ferme tempore Anni 1670. fuerant ingressi. Etenim in nullam non fere familiam se insinuant, infantes præ cæteris omnes adorti. Non autem perinde regulares erant, neque typum ita ad amissum servabant, atque isti, qui prædicto anno infestabant. De hac autem illorum ab invicem discrepantia plura dicam, ubi de illis agam particularius. Hi magis indies magisque grassabantur ad *Æquinoctium* usque *Vernale*, a quo tempore iisdem gradibus decrescebant, donec paulo post elapsum *Solstitium Æstivum* tandem evanescerent.

Sicut autem *Morbilli Epidemici*, qui invadebant initio anni 1670. *Variolas nigras* ibidem descriptas, introducebant, hi pariter haud minus Epidemici, qui initio hujus anni comparebant, *Variolarum* speciem introducere isti per similem. Cum enim (quod potius est notatum) *Variolæ* præcedentis *Constitutionis* post priores annos duos pustulas emitterent minus nigricantes, majores insuper sensim, & majores donec sub finem

anni 1673. pro speciei ratione, mites essent & benignæ, jam recepta pristina feritate, & pessimis symptomatibus stipatæ evertentur. Invaluit hæc *Variolarum* species Autumno proximo, longius etiam in Hyemem excurrens, quæ, cum solitis calidior multo esset, morbo savebat; appetente vero tempestate frigidior imminuta est, febri jam grassanti mox locum cedens.

(2) *Febris* hæc, quæ per annum perseveraret omnem, initio *Julii* 1675. longe lateque depopulata est; sed Autumno jam appropinquante in viscera cæpit converti, nunc *Dysenterie* symptomatibus, nunc *Diarrhæa* prodens, licet quandoque neque hanc haberet comitem, neque illam, sed caput magis tentabat, stupidiores reddens ægros. *Variolæ* interea, quæ jam pauculos hinc inde affecerant, sub *Æquinoctium Autumnale* penitus disparebant, vix unum alterumve jugulantes. Jam enim *Febris* alios vincens Epidemicos, anni prædominio potiebatur. Observandum est nihilominus, quod cum proclivior esset febris hæc materiam morificam in viscera deponere, quæ *Dysenteriam* quandoque, sæpius autem *Diarrhæam* excitabat, ex hac occasione ventris tormina eam edidisse stragem vulgo putabantur, quæ febri huic revera fuerat imputanda; licet nemo, qui ægros hoc Autumno traxerit, nescius sit, quantum invaluerit hæc febris; ut nec etiam, *Dysenteriam* dictam & *Diarrhæam* pro symptomatibus magis, quam morbis essentialibus, ac *Primariis* haberi debuisse.

Hunc febris ista cursum tenuit per omnem Autumnum, nunc caput petens, nunc viscera, ubique sæviens sub persona symptomatum iis partibus accidentium, ad finem usque *Octobris*; Quo tempore, quæ eo usque tepida atque ad instar æstatis placida fuerat tempestas, derepente in frigidam humidamque est mutata, unde etiam *Catarrhi*, & *Tusses* increbuerunt magis, quam alio ullo, quod memini, tempore. Quod autem maximi erat momenti, tussibus hisce supervenire solebat *Febris* hujus constitutionis *Stationaria*, quæ ansa hinc arrepta & magis grassabatur, & quædam etiam symptomata variabat. Cum enim paulo ante, insultus, ut jam dictum, in præfatas partes plerumque fierent, nunc in pulmones & pleuram præ cæteris detorquebatur, unde symptomata nascebantur *Peripneumonica*, & *Pleuritica*, licet

licet eadem omnino febris esset, quæ *Julio* 1672. ingressa sine quavis symptomatum alteratione progrediebatur, donec *Catarrhi* isti accederent.

Hi *Catarrhi*, & *Tusses* usque ad exitum *Novembris* perseverabant, quo elapso derепente minuebantur. Febris autem eadem plane mansit, atque erat antequam *Catarrhi* se ostenderent, licet nec ita prorsus *Epidemica*, neque iisdem symptomatibus stipata, cum horum utrumque per accidens a *Catarrhis* penderet. Quin etiam recedentibus *Catarrhis Variolæ* hinc inde spargi ceperunt, ejusdem plane generis cum *Variolis* anni præcedentis; sed cum jam secundum ferme annum explevisent, non ita atrocia erant symptomata, ac ubi primum invaderent. Quandiu adhuc stabit hæc *Constitutio*, dicere non habeo; id certo scio illam perquam *Anomalam*, atque irregularem hactenus fuisse, atque morbos omnes per eam natos ejusdem omnino indolis.

De hujus *Constitutionis* *Epidemicis*, eo quo se invicem ordine excipiebant, jam agam.

C A P U T II.

Febris Continua An. 1673. 74. 75.

Hæc, perinde atque alii *Epidemici*, mox ab ingressu locia habebat symptomata, quæ indicia haud obscura dabant majorem & spirituosam magis tunc esse inflammationem, quam ubi morbus magis adoleverat. Etenim primo quo invadebat anno, uti & *Vere* insequente, symptomata *Pleuritica* febri superveniebant, & sanguis ex venis extractus (saltem pro prima & secunda vice) *Pleuriticorum* referebat sanguinem, at morbo jam profectioni cessabant ea signa inflammationis intensioris.

Præter symptomata febribus *universis* communia, hæc febrem ista sequebantur: Ut plurimum afficiebatur æger dolore capitis & dorsi satis atroci, stupore item, & dolore articulorum, artuumque tensivo, imo & totius corporis; at mitiori aliquanto quam *Rheumatismo* laborantes. Primis diebus calor & frigus sibi invicem succedebant, quandoque etiam ineunte morbo æger in sudatiunculas erat propensior. Lingua, ubi febris suo genio erat permissa, nec sicca, nec a colore naturali multum recedens, nisi quod magis alberet, neque sitis multum urgebat; Quod si excalefieret æger ultra ordinariam

febris sortem, lingua aridissima erat cum flavedine subfusca, sitis etiam intendebatur; Urinaque, quæ aliter colorem fere naturalem servare solebat, intense rubebat.

Febris his tantum gravata symptomatibus, si perite tractaretur, die *decimo quarto* ægro valedicebat; pertinacissima, *primo post vicesimum*.

Inter hujusce febris symptomata eminebat affectus quidam *Comari* haud dissimilis, quo correptus æger obstupebat delirabatque, imo ad septimanas aliquot dormitabat nonnunquam, nec nisi valido clamore expergiscebatur, a quo ægre excitatus oculos aperiebat tantum, & post ingestum sive medicamentum, sive potum, cui assueverat, mox in stuporem dilabebatur ita quandoque profundum ut in *Aphonia* desineret absolutissima.

Qui sic fuerat affectus æger ubi ad se rediit, die *vigesimo octavo*, vel *trigesimo* coepit convalescere; cujus primum signum erat, quod cibi aut potus genus aliquod insuetum aut absurdum deperiret. Convalescenti caput ad dies aliquot debile atque infirmum, nunc versus hanc partem, nunc illam nutabat; aliæque aderant signa, quæ caput plurima fuisse passum ostenderent. At quo passu vires restituebantur, eo ipso discessit dictum symptoma.

Quandoque non tam dormitabat æger, quam tranquille delirabat; incongruus tamen subinde effluens cen iratus, ac mente motus; at non eo excandescens & furoris ascendeat, quo solent ii, qui a *Variolis* atque aliis febribus phrenetici fiunt; a quibus hic in eo etiam discriminebatur, quod per intervalla abrupte dormiebat, stertebat etiam profundius. Adhæc non ita erat acutum hoc symptoma atque illud, sed erat diuturnius. *Pueris* etiam hoc plerumque accidebat, aut iis, qui nondum adoleverunt, illud *Adultis* maxime. In utrisque vero si ingererentur calidiora remedia, & sollicitarentur sudores, malum in caput facile transferabatur, & dictis symptomatibus ansam præbebat.

Ubi vero symptoma hoc nec sponte sua accessit, nec medicamentorum vi coactum, morbus intra diem *decimum quartum* terminabatur ut plurimum, nonnunquam etiam intra tertium quantumve, quod factum vidi. *Autumno 1675.* ut supra innuimus, febris hæc per dysenteriam sibi fugam querere, nonnunquam & per diarrhoeam affectabat: Harum posterior præcipue sæpe excurrebat, su-

stupore adhuc manente. Utraque vero quantum diligenti observatione assequi poteram, nihil erat aliud, quam febris symptoma.

(1) Curationem hujus febris quod attinet, sub primum introitum, nempe *Julio 1673.* tum ex variis phaenomenis ab istis longe diversis, quae praecedentem comitabantur, tum ex eo quod Catharticus minus pareret, quibus felicissime febres omnes constitutionis praegressae deviceram, statim didici, febrem hanc esse alterius plane familiae, & diutius, quam solebam alias, in ejus specie investiganda haerebam, & ex consequenti anxius dubitabam, quem mihi curationis scopum proponerem. Quo enim tempore primum erupit haec febris, nullum habuit alium Epidemicum sibi *concomitantem*, cujus perspecto genio de hujus natura verisimile aliquid conjectare possem, cum Variolae, uti dixi, quae illam comitabantur, nigrarum istarum, quae anno 1670. invaserant, reliquias omnino referrent, jamque & mitissimae essent, & tantum non exolerent. Nihil itaque aliud jam restabat, nisi ut in hunc morbum nudum & ab aliis sepositum accuratissimo examine inquirerem, atque oculo ad *Juvantia* & *Ledentia*, quam diligenter maxime potui semper intento, viam pro virili, exploratoris instar, praerentarem. Atrox capitis dolor, propensioque quam habebat hic morbus ad dolores lateribus insigendos, tum etiam sanguis Pleuriticorum similis, me statim edocebant, inflammationem haud mediocrem huic febrei subesse, nec tamen eam posse ferre largiorem istam evacuationem, quae Pleuritidi convenit. Sanguis enim post primam aut secundam saltem vicem detractus glutinis colorem, quo tegebatur superficies, protinus amisit, nec repetita adhuc venae sectione levabatur aeger, nisi forte morbus in Pleuritidem veram transiret; quod nonnunquam accidebat post regimen iusto calidius, praesertim primo *Vere* quo invadebat, sc. *Anno 1664.* quo tempore a Solis accessu occasionem nactus (cum etiam nondum adoleveret morbus, & principio magis spirituosus inniteretur quam postea) ad genus Peripneumonicum videbatur accedere. Cum vero & experientia, & exemplo a repetita Phlebotomia deterrerer, licet luce clarius esset febrem hanc, praecipue sub primum ingressum, haud parum inflammatoriam fuisse, nihil jam restabat, quo ejus

calor restingui posset praeter *Enemata* saepius repetenda, & medicamenta refrigerantia. At praeter hos affectus inflammationem aperte prodentes, illud *stuporis* phaenomenon, febrei huic quam alii cuilibet familiaris, omnino indicabat, continuo repensenda esse Enemata, quibus materia febrilis, quae ita prompte caput petebat, ab eo diverteretur; quin & venae sectioni repetitae, quam aegre tulit propria hujus morbi natura, substituebantur illa, atque ejus pensabant defectum, sanguinis fervorem placide, ac sensum contemperantia, & causam eliminantia morbificam. Porro judicabam emplastra *Epispastica* satis ampla cervici posteriori applicata in hac febre potius ex usu fore quam in aliis, quibus materia febrilis haud ex aequo caput tentabat; Etenim a cruciatu & fervore vehementibus, quos dicta Epispastica parti, cui imponuntur, solent imprimere, materia, quae secus in caput ascenderet, in locum affectum corrivatur. His, & regimini ad eundem refrigerandi sanguinis scopum facienti, tandem morbus quasi naturaliter sponteque sua cedebat, quantumlibet saeviret, si methodo ab hac diversa eum quis aggrediretur; quod mihi ab experimentis plus satis frequentibus abunde liquebat.

Hunc itaque cursum institui: Sanguinem e brachii venis mittendum; ea quantitate, quae aegri viribus, aetati, aliisque circumstantiis convenire mihi visa est, ante omnia curabam, atque eodem fere tempore emplastrum Epispasticum bene largum nuchae applicandum. Die proximo clysterem lenitivum ita tempori injiciendum praecipi, ut ante noctem sedari posset tumultus, qui ab eo inter operandum excitaretur, hora scilicet secunda tertiave post meridiem. Repetebatur Enema illud singulis diebus, donec imminueretur morbi vis. Quo quidem tempore ab eo cessandum esse duxi, imo & maturius, si nempe febris diem quartum & decimum excessisset, jamque inveterasset, quo in casu licet ab Enematis praecedentibus debellata non fuerit, eadem tamen post elapsos hos dies supervacanea esse comperi. Morbi enim acie per ebullitionem praegressam jam retusa, atque aegro *ἐν ἀλάτοις* constituto, & a symptomatibus violentioribus, quae ab eo pendebant, securo, nihil prius erat, quam ut morbum suo uti genio, &

quasi sensim deflagrare, ac suis viribus ruere sineremus. Quod mihi semper cessit melius quam evacuationem qualemcumque violentiorem hoc tempore moliri. Aegro interim carnibus interdixi, cerevisiam vero tenuem ad arbitrium concessi.

Restat & aliud, quod, quia multiplice experientia assipulante aëgris optime solebat vertere, in describendo hujusce morbi regimine mihi minime prætereundum fuit, nempe ut æger quotidie lecto abstineret, saltem ad horas aliquot; vel si id vetaret major ejus debilitas; vestes saltem indueret, & supra lectum cubaret, capite paulo elatiori. Etenim cum magnum illum impetum, quo febris in caput ferebatur, & inflammatoriam simul sanguinis diathesin contemplerer, subiit mihi in mentem, ægrum a corporis positura nonnihil emolumenti capere posse; si nempe ea talis fuerit, ut a circumambiente nullatenus aufereretur calor (quod omnino fieri necesse est, si in lecto se jugiter contineat) neque sanguinis in capitis arcem tendentis impetus promoveretur, cum illinc cerebri fervor intendatur, proindeque spiritus animales calefiant atque exagitentur, a quibus & vehementior cordis vibratio, & febris augmentum.

Quantumlibet autem aëgris conducatur in febribus omnibus, quæ inflammationis intensioris sunt participes, ut non semper lecto incarcerationentur, animadvertendum est tamen, eosdem, si diutius, quam par erat, pro una vice a lecto absuerint, declinante præsertim morbo, in dolores vagos, qui in *Rheumatismo* delinere possint, nonnunquam de facili incidere, nonnunquam etiam superficiem corporis *Ictero* deturpari; quæ si cui contingant, lecto addendus est, quo apertis cutis spiraculis commode diffilari possint istiusmodi particulae, quæ malorum alterutri fomitem præbent; hoc vero ad diem unum aut alterum tantum, sudore non provocato. Hujusmodi autem accidentia oppido rara sunt, nec nisi in febris declinatione comparantur unquam; quo tempore cum jam morbus mitior est, longe tutius aegro permittes, ut in lecto assidue decumbat, quam vel initio, vel in statu; quinimo per hoc tempus id magis confert ad materiam febrilem digerendam, quæ, si æger maturius lecto affigatur, effleratur magis atque incenditur.

Hic si quis objecerit, dictam methodum, licet ad sanguinis impetum a capite emolliendam rescindendumque ægrum, satis commendatam, minus tamen expedire, eo quod

evacuacioni per sudores, qua materia febrilis jam concocta eliminanda omnino erat, officiet: Respondeo, nihil agere contra-sentientem, nisi prius argumentis confecerit hujusmodi evacuationem omni feбри deberi, quod haud ita in proclivi atque facile est. Docet enim experientia, non autem ratio, quænam febrium species per Diaphoresin, & quæ per Catharsin sit exterminanda, &c. Quinimo est cur arbitramur, dari quasdam febrium species, quas Natura methodo sibi peculiari, sine visibili aliqua evacuatione, ablegat, reducendo scilicet in sanguinis massam eique assimilando materiam illam morificam, quæ cum eodem minus quadrabat. Qua ego nixus ratione, sæpenumero tam in hac febrium specie, quam aliis, modo intermittentes non essent, mox a primo insultu, totoque sanguine nondum inquinato, easdem in ordinem redegi, imperato tantum cerevisiæ tenuissimæ, quoties ac quantum desiderarent, potu, esuque tam iusculorum, quam aliorum, cujuscunque generis sint, aëgris interdicto. Præmissis interim & exercitii consueti usu, & aura liberiore, nullaque prorsus evacuatione vel semel instituta. Sane omnimoda solum hujusmodi per bidduum triduumve, abstinentia liberos meos, ac amicitia mihi conjunctissimos, curavi; Verum hoc remedio non nisi in junioribus, ac temperamento sanguineo præditis est utendum.

Quod si demus, Naturam non alia methodo quam per diaphoresin morbum vincere posse, an non eos volumus sudores, qui morbo jam fatisciente prorumpunt, & prævia digestionem fluunt, non vero istos, qui primis morbi diebus protrusi, ab interrupta furentis Naturæ œconomia nascuntur? Hujusmodi, opinor, sudores non erunt promovendi, at compescendus potius tumultus ille, cui ortum suum debent. Istiusmodi autem sudores multas febrium species, licet non omnes, solent comitari. Neque enim sum nescius, quasdam febrium species ejus esse indolis, ut in *varicella* sudorem hunc criticum sibi postulent; Tales sunt particulares intermittentium paroxysmi; magna item & frequentissima Naturæ febris ab illa pendens constitutio, quæ ad intermittentes epidemice producendas unice facit. In his enim, si cui methodo insistatur, quæ non eo tendit, ut materia morbifica digeratur primum, dein per sudores eliminetur, augebitur morbus: Quocirca nullæ hic evacuationes locum habere debent; nisi quatenus

nus morbi impetum primis diebus, quibus aggreditur, sufflaminare valent, ne inter medentium operas æger fato succumbat. Quin & febris pestilentialis causa; cum tenuissima sit & perquam subtilis, vel primis morbi diebus, sudoribus diffiliari potest, suffragante ubique experientia.

Illis autem in febribus, in quibus ordinario symptomatum ductu, & si suo genio uti permittantur, nusquam videmus, Naturam materiam morificam jam præparatam tempore præfinito evacuare solere; nescio an non plus satis temerarius is fuerit, qui sudores provocando vim morbo inferre cogitet, atque ægrum ea sola methodo restituere, cum ut docet divinus senex, τὰς πρώτας ὀψιγενέτις πυρετοῦ τὰς πρώτας: Atque illud quidem usu venire autumno in febre hac particulari, de qua hic agimus, quam, multiplici experientia edoctus, satis scio sine sudoribus fugari posse; ægrum etiam, dum eisdem importunius sollicitamus, sæpenumero nulla cogente necessitate in manifestum vitæ discrimen conjici, a materia morifica in caput sursum lata: attamen neque in hac febre, neque in alia qualibet, vel ex eis, quæ sudore critico solvi non solent, si forte hujuscemodi sudor morbo jam imminuto sponte supervenerit, quem symptomatum omnium remissione debite concoctionis sobolem esse arbitremur, Medicorum prudentissimus quisque eum contemnet; ubi vero non ita sponte exit, qui certo scire possumus, an non hominem e medio tollamus, dum humores regimine & cardiacis calidioribus ad ejusmodi sudores disponere nitimur? Si quis forte in thesaurum inciderit, nisi desipiat, humo tollit; stultus autem sit oportet, qui hac fretus fortuna omnem adhibet operam, ut alium ejusmodi cum vitæ periculo adipiscatur. Quo vero cunque modo hæc se res habeat, mihi abunde constat, solam febrem calorem eum secum adferre, qui materiam febrili ad coctionem præparandæ possit sufficere, neque eo intensiorem a regimine fervido forinsecus accersendum.

Præfatam methodum per venæ sectionem atque Enemata in hujusce febris curatione quam felicissime succedere comperiebam; eam vero, quoties a diaphoreticis laceffebatur, non solum mali moris symptomata, sed etiam dubium semper exitum habuisse; Inter symptomata, eminebat tacitum illud delirium, quod non tam insana loquacitate se prodebat, quam *stupor* coma amulante, quod, uti diximus, huic febre fre-

quens solebat accidere. Hoc symptoma, (licet nonnunquam sponte sua ortum illud viderim) a nimia tamen curatricum diligentia in provocandis sudoribus male posita, ut plurimum invitabatur: Hoc enim pacto materia morifica, quæ in hac febris specie sudoribus morem gerere recusabat, vehementer exagitata in caput tandem elevabatur cum ingenti ægrorum discrimine.

Jampridem animadverti in curatione febris constitutionis alterius, quod per ultimos annos hujusmodi *Stupor* pueros maxime, atque eos, qui ex ephebis vix excefferant, subinde invadebat, sed nec ita profundus, nec perinde epidemicus atque erat is, qui hanc febrem comitabatur. Neque tamen illum, licet huic inferiorem, multo minus hunc, ubi primum ingrederetur morbus, edomare potui; licet nullum non lapidem moverim, repetitis venæ sectionibus, non in brachiis tantum, sed cervice etiam & pedibus, emplastris vesicatoriis, cucurbitulis, enematis, diaphoreticis omnis generis, &c. in partes adscitis. Tandem statui, post sanguinem e brachioeductum, Epispasticum cervici applicatum, atque enemata duo vel tria e lacte & saccharo injecta primis morbi diebus, nihil quicquam amplius moliri nisi quod ægrum & a carnibus, & a liquoribus spirituosius quibuscunque arcerem. Ad Naturæ methodum interim attendebam, cuius ego vestigiis inherens symptoma hoc superare tandem discerem. Morbus interim cui invigilabam, tuto licet tarde recedens, tandem evanuit. Huic itaque methodo insistendum mihi esse duxi in febribus, quas deinceps tractavi universis; quod quidem, si & symptomatis magnitudinem & eventum ubique votis respondentem spectamus, haud parvi momenti mihi videtur.

Et sane mihi nonnunquam subiit cogitare, nos in morbis depellendis haud satis lente festinare, tardius vero nobis esse procedendum, & plus Naturæ sæpenumero committendum, quam mox hodie obtinuit. Errat enim, sed neque errore erudito, qui Naturam artis adminiculo ubique indigere existimat. Namque id si fieret, parcius humano generi ea prospexisset, quam postulat speciei conservatio; cum ne minima sit proportio inter morborum ingruentium frequentiam, & facultates, quibus pollent homines ad eosdem fugandos, vel iis sæculis, quibus medendi ars maxime caput extulit, & a quampluribus exulta est. Aliis in morbis quid hoc profecerit nescio. Illud satis scio

ex

ex diligenti observatione mihi adstipulante, quod in febre, de qua jam egimus, dictum symptoma. post usurpatas evacuationes generales, venæ sectionem dico, & enemata, solo tempore feliciter solebat vinci.

Antea diximus, convalescentiæ prænuncia signa ut plurimum ad diem usque *Tricesimum* differri solere, (in *stupore* scilicet paulo confirmatori) ægro nonnunquam etiam *Aphonia* correpto: quibus elapsis, incongruum aliquod atque absurdum sive cibi, sive potus genus importune flagitabat, ventriculi fermento a morbo diuturniore impenso vitiatum. Hoc in casu, quandoquidem jam exhaustæ corporis vires refectione omnino indigerent, lubens ea etiam concessi, quæ minus ægro convenire viderentur, modo palato magis arriderent.

Mense Septembri 1674. filium novennem Librarii cujusdam ædibus meis vicini, nomine *Nor*, hac febre una cum symptomate jam sæpe memorato laborantem tractabam. Extracto e brachio sanguine, & clysteribus per primos aliquot morbi dies continuos injectis, importunissimæ matri obstabam, quæ rem ocysus expedire acriter urgebat, quam ego cum salute filii stare posse arbitrabar. Datis itaque induciis, nulloque medicamento alio propinato præter Julapium aliquod e vulgaribus, quod pacandæ quidem matri potius destinabatur, quam filio restituendo, trigessimam circiter diem melius habere cœpit; edulia varia etiam absurda misere discipiens, quorum pars aliqua concedebatur, licet nullo alio nomine concedi debuisset; atque is tandem prorsus convaleuit.

Quamvis autem *Stupor* hic ad *Comatis* accedens naturam, huic febre aliis symptomatibus frequentius superveniebat, quandoque tamen, at rarius, *Phrenesis* absque stupore nonnullos invadebat, in qua æger insomnes dies noctesque agebat, nulla ratione poterat regi; aliaque patiebatur symptomata iis similia, quæ vel ab aliis febribus, vel a Variolis in phrenesin actos infestabant. Inducias non tulit symptoma hoc, ut solebat affectus comatosus jam memoratus, donec fieret digestio, ægrum vero intra paucos dies tollebat, nisi inflammatio cohiberetur. Atque hic mihi suppetias præ cæteris tulit *Vitrioli spiritus*, quem post venæ sectionem atque enematis unius alteriusve injectionem cerevisiæ tenui insillatum pro potu ordinario concessi: Qui intra dies paucos & somnum conciliabat, & sanitatem, superatis symptomatibus, ægro reddebat; quod qui-

dem nulla alia methodo efficere valebam. Atque hoc reiterata sæpe experientia mihi abunde constabat.

Febri huic, Autumno 1675. & *Dejectiones Dysentericæ* superveniebant, quandoque & *Diarrhœa*. Istas ego statim perspexi *Symptomaticas* fuisse huic febre, non vero, ut in constitutione præcedenti, *originales* & primo ortas. Quo non obstante, cum morbi causa in sanguinis massa clauderetur, venæ sectionem ea indicabat; quæ quidem, propinato etiam post Narcotico ad duas vices symptomati huic debellando par erat.

Septembri 1675. Dominica *Conysby* juxta Equilia Regia habitans me accersivit, laboraverat ex hac febre, ventris torminibus de repente jam correpta; quæ deinceps excipiebant dejectiones sanguineæ, ac mucosæ: Licet protritæ jam ab aliquot diebus, ob morbum diutinum, vires essent, maxime vero a dejectionum frequentia, quæ nocte prægressa multum fatigaverant, sanguinem tamen e brachio statim educendum curavi, & paulo post Narcoticum exhibendum, quibus peractis ea ipsa nocte dejectiones stercoreæ conspiciebantur. Mane, & vesperi sequentibus Narcoticum reperebam prædictum, imperato etiam medicamento cardiaco moderatori, quo spiritus resocillarentur, atque ab his statim convaleuit.

Diarrhœam quod attinet, quæ eodem fere anni tempore huic febre haud raro accidebat, minus adhuc ista facebat negotiū, cumque ea neque ægro prodesset, neque etiam officeret, quantum mihi observare licuit (sive adesset stupor, sive etiam abesset), nullam ab illa indicationem curativam elicere valebam, modo intra eos staret limites, ut æger ab ea de vita non periclitaretur: quo in casu Narcoticum sine dubio indicabatur, atque in eo solo probandus anodynorum usus per omnem morbi hujus decursum, ingens enim illa propensio qua hac febre laborantes in stuporem ferebantur, ab his intendebatur, ac proinde nisi urgente necessitate in usum nunquam erant revocanda.

Notandum est haud raro accidere tam ab hac febre, quam febribus aliis convalescentibus, iis maxime quos illæ diutius maceraverant, nec nisi post longas magnasque evacuationes tandem dimiserant, (præsertim si invalidiori essent corporis habitu) ut noctu in lecto cubantes incalescerent primum, mox sudore diffluerent, a quibus vehementer infirmabantur, & vires tardius recipiebant, nonnulli etiam præcipitabantur in tabem.

berem. Cum symptoma hoc non aliunde nasci existimarem quam a sanguine ob morbum contumaciorem eo usque depauperato debilitatoque, ut succos, quos recenter advectos nequireret assimilare, per sudores ejicere moliretur; ita affectis author semper fui, ut singulis auroris noctibusque cochlearia quinque vel sex vini Malacensis annosioris haurirent, cujus usu ægris vires crescebant jugiter, & evanescebant sudores. Atque hæc de febre hujus constitutionis continua, quam ob insignem stuporem eam sere semper comitantem, lubet *Comatosam* appellare.

C A P U T III,

Morbilli Anni 1674.

Oriente anno, mense sc. *Januario* 1673. 1674. ingressa est *Morbillosum* species quædam ab ea diversa, quæ eodem mense Anno 1669. 1670. invaserat; neque tamen minus epidemice sæviebant hi atque isti, sed non perinde erant regulares, neque ita constanter typum observabant: Nunc enim citius, nunc serius erumpebant; cum in alia specie, eruptio in diem ab invasione *quartum* semper incideret. Adhuc humeros, & cæteras trunci partes, primum occupabant, cum isti alteri faciem primum peterent, & in reliquum corpus paulatim spargerentur. Nec hac in specie observare licuit, nisi rarissime, eas cuticulæ desquamations ad instar farinæ inspersæ, quoties recederent *morbilli*, quæ in alia specie haud minus certo conspiciebantur, quam post febris scarlatinæ decessum conspici solent. Plures insuper e medio tollebant, quoties imperite tractarentur, quam priores illi. *Febris* enim & *Dispnea*, quæ morbilis abiturientibus solebant accidere, vehementiores erant, & *Pneumoniam* hic prorsus reserebant, quam in altero genere. Quantumlibet autem fuerint *Anomali*, atque irregulares hi *Morbilli* quoad jam memorata symptomata, in præcipuis tamen satis iis competeat historia, quam de morbillis tradidi, cum morbos An. 1670. epidemicos describerem, quæ idcirco impræsentiarum repetenda non erit. Hi, uti etiam priores isti, ad Vernalium usque æquinoctium invalescebant, a quo tempore decrescentes, appetente solstitio æstivo, aut non diu post, evanuerunt.

(1) Curatio, cum nulla ferme in re ab illa differat, quam in morbillorum historia jam fuisse tradidi, exinde petenda est. Unicam tantum hic, pro meo more, instantiam adferam methodi, qua illas aggrediebar.

Februario 1674. Domina virtutibus ornatissima, atque in exemplum nata, Comitissa *Salisburyensis* me accersivit. Infantium unus tantum tum temporis ægrotabat, mox reliqui (5 autem vel 6 erant) quos omnes eadem methodo tractavi. Lectulo eos addixi ad dies binos ternosve ante eruptionem, ut sanguis, pro suo genio, particulas facile separabiles morbum comitantes, per cutis poros eliminaret. Neque autem vel stragulis, vel igni quibus sani assueverant, quidquam adjici patiebar; ab esu carniū arcebam, juscula avenacea, hordeacea, ac subinde pomum coctum concedens, cerevisiam tenuem insuper, vel lac cum aqua triplo coctum pro potu. Urgenteque pro more tussi, pristinam pectoralem sæpe assumendam præscripsi. His peractis, omnino convalescere, brevi illo spatio quod hic morbus solet percurrere; neque vel per ejus decursum, vel eodem fatifcente, symptomate quovis morbo huic non familiari, tentabantur.

Duobus primis mensibus quibus hæc morbillorum species se prodebat, intercurrebat & *Febris* quædam *Morbillosa* hic illic sparsa in qua *exduente* nonnulla per truncum corporis, colli præsertim posteriora, atque humeros erumpebant, ecchymata morbillorum imitantia; a quibus in illo saltem distinguebantur, quod non universum corpus pariter occuparent, quas diximus partibus contenta: febris etiam (licet ejusdem plane generis) immanior erat, & ad dies 14. nonnunquam etiam plures, protrahabatur. Nec venæ sectionem tulit hæc febris, nec enemata, ab utrisque irritata; at methodo quæ morbillis superius dicata est, lubens concessit. Atque hæc de morbillis fuerunt dicenda.

C A P U T IV.

Variola Anomala An. 1674. 75.

Quemadmodum morbilli epidemici initio anni 1670. incurfantes *Variolas nigras* ibidem delineatas introducere, ita etiam hi, qui haud minus epidemice grassabantur initio

(1) Curatio.

tio Anni 1674. Variolarum speciem introducebant tam earum similem, ut eadem istæ revixisse omnino viderentur, non aliæ subnasci: cum enim (uti jam diximus) in priore illa Variolarum specie post elapso priores annos duos, pustulæ minus in dies nigre comparerent, & grandiores etiam pederentim conspicerentur, donec exeunte anno 1663. morbus jam mitis, habita generis ratione, ac benignus esset, jam pristina ferocia, & infausto malorum symptomatum agmine stipatus denuo revertebatur. Etenim pustulæ fuliginem nigredine æquabant, ubi nempe confluerint; & æger non prius extinguatur, quam ad maturitatem istæ pervenerint; immaturæ enim fusco tantum erant colore. Pustulæ quin etiam perpustillæ erant, si numerosæ, (paucæ enim ubi fuerant tantum, haud erant minores, quam in aliis Variolarum generibus, nigre vix rarissimæ). Verbo dicam, istas quas anno 1670. descripsimus satis referebant; licet non in omnibus cum iis quadrarent, distarent autem pauculis quibusdam, quæ quidem majorem sub his quam illis putredinem latere, naturæque eas esse magis crassæ & incoctilis ostendebant. Maturæ enim pejus olebant, ita ut iisdem graviter laborantibus præ fatore vix quidem accedere possem. Tardius enim periodum absolvebant, hærebantque diutius, quam ulla species alia adhuc videre contigit.

Notatu interim est perdignum, quod quanto mitior est morbi species, tanto citius pustulæ ad maturitatem, atque morbus ad finem perducitur. Ita in specie ista regulari Variolarum confluentium, quæ anno 1667. ingressa est, dies Undecimus maximum adferebat vitæ discrimen, quo semel elapso, non amplius ut plurimum ægro metuendum erat. In proxime sequenti specie anomala confluentium, quæ initio anni 1670. cœperunt invadere, æger die Decimo quarto, vel ad extremum Decimo septimo maxime periclitabatur, quos si æger superaverit, salvus omnino erat, nec quemquam post hunc diem ab hoc morbo interemptum hætenus observavi. At vero in hac specie confluentium, æger etiam post diem Vicesimum contrucidabatur, nonnunquam & si convalesceret, quæ paucorum sors erat, non tantum tibiæ intumescabant, (quod quidem in Variolis confluentibus quibusque familiare est) sed brachia insuper, humeri, crura, partesque aliæ; qui quidem tumores ab intolerabili dolore *Rheumaticorum* per omnia æmulo,

tragœdiam ordiebantur; postea haud raro suppurabantur, & in sinus ingentes & partium musculorum apostemata desinebant, ægro in vitæ periculo etiam ad multos dies a discessu Variolarum adhuc versante. Adeo ut mihi luculenter constaret de gradibus, quibus hic se epidemicus promoveret pertres hæc constitutiones, quarum posterior priorem semper exsuperavit, tum quoad majorem putredinem, tum quoad morbi materiam minus coctilem.

Videntur autem mihi hæc quas jam tracto *Variolæ*, nova quædam Variolarum species, e priore jam inveterascente suborta. Quamvis pro aëris diathesi eum producente epidemicum, Variolæ nigra, quæ initio anni 1670. primum se ostendebant, ad *vapores* suam usque progredierentur, tamen ad instar recidivæ alicujus morbi a materia pristina denuo fermentescente, aër rursus ad Variolarum productionem faciens, ex veteri penu easdem deprompsit; qui quidem morbus, re-integratus sumptisque de novo viribus, reviviscere plane, & quasi rejuvenescere videbatur. Tanto autem magis anomalæ hæc erant, tantoque magis intensam redolebant putrefactionem, quanto materia, e qua generabantur, ista crassior erat atque sæculentior, ad quam præcedentes primum ortum referebant. Quod ut magis elucescat, existimandum omnino est, nullam ejusmodi diathesin in ipso aëre supponi debere, quæ hunc hoc in loco epidemicum propaget, alium vero longe diversum in alio non ita multum distante; hoc enim si fieret (fit autem subinde) quilibet ventorum motus constitutionem distare valeret, vero autem similis mihi videtur hunc vel illum particularem aëris tractum effluviis repleti a minerali aliqua fermentatione, quæ aërem, per quem feruntur, particulis nunc huic animalium generi, nunc alteri exitialibus, contaminantia, morbos variis terræ affectibus appropriatos eo usque propagant, donec expiraverit subterranea illa halituum minera, quæ pariter in novam denuo fermentationem agi possit, ex reliquiis nempe materię exolefcentis, uti in casu jam memorato. Mihi vero, qui non ultra, quam res ipsa loquitur, sapere audeo, perinde est, an hæc, an alia aliqua hypothesis phænomena rectius solvat. Id saltem pro comperto habeo, quas jam tractavi Variolas, præcedentis constitutionis Variolis fuisse simplicissimas, nisi quod & crassiorem naturam, & putredinem longe intensiorem redolere viderentur. Quibus etiam de causis duabus, ubi admodum *con-*
fines

fluere, plures orco dabant, quam species alia quælibet, quam mihi hætenus videre contigit, & si quid meo iudicio tribuendum sit, pestem ipsam, pro numero sc. ægrorum, pernicio æquabant, licet, ubi *Discretæ* invaderent, haud certius intentarent periculum, quam alia quævis species, & tam pustularum magnitudine, quam colore, aliisque circumstantiis boni se moris esse faterentur.

(1) Curationem quod attinet, jam a multis annis miratus sum indicationes plane contrarias, quas hic mihi morbus subinnuere videbatur. *Hinc* enim luce clarius fuit, a calidiori regimine symptomata, quæ a nimia inflammatione pendent, statim produci, febrim scilicet, phrenesin, maculas purpureas, & similia, quibus hic morbus præ cæteris quibusque est obnoxius, *inde* vero regimen iusto frigidius faciei manuumque intumescentiæ, quæ hic apprimè est necessaria, officere, & pustulas flaccidiores reddere. Postquam hæc diu multumque apud me satis anxie revolveram, intellexi tandem, utrique huic incommodo eodem simul tempore posse occurrere. Usus enim aquæ cum lacte coctæ, cerevisiæ tenuis, aut liquoris alterius similis liberaliorem concedendo, penes me erat internum sanguinis *dyssæmiam* frangere; atque ex adverso ægrum in lectulo iugiter detinendo, ne brachio quidem exerto, blando ejus calore pustularum elevationem & faciei manuumque intumescentiæ valebam promovere. Neque hæc secum methodus pugnare videtur; sanguis enim, eruptione jam finita, particulas inflammatas in corporis habitum eructasse putandus est, neque jam stimulis ad ulteriorem materiæ secretionem indigere. Ita ut, cum jam in habitu corporis, maturandisque abscessibus rei cardo versetur, id tantum sit agendum *sanguinis* nomine, ut sc. sanguis ab halitibus calidis, a carne pustulis obfessa retro agendis, fartus tectus conservetur. *Pustularum* vero, ut blando partium externarum calore ad maturitatem illæ perducantur. Jam vero, ut feliciter mihi cesserit hæc methodus, uti prius docui, in Variolis aliis *Confluentibus*, in istis tamen hujusce constitutionis illa me fefellit, ita ut eorum plerique, qui vehementius laborabant, interirent, sive methodo jam a me laudata, sive regimine, & cardiacis calidioribus uterentur. Omnino itaque intellexi, desiderari adhuc

aliquod præter ista, quæ vel ad compescendam sanguinis ebullitionem, vel ad pustularum elevationem, manuumque atque faciei intumescentiæ facerent; desiderari sc. aliquid, quod putrefactioni magis intentæ, quam in his Variolis præ cæteris quibusque observatam, vincendæ par esset. In mentem mihi tandem venit *Vitrioli Spiritus*, quem existimabam utrique intentioni, tum putredini oppugnandæ, tum perdomandæ caloris ferocis, satisfacere posse. Quamobrem ægro sibi relicto, donec & dolor & vomitatio, quæ eruptionem præcedere solent, jam desinerent, & Variolæ conferto agmine prodirent omnes, tandem die *quinto sextovæ* dictum *spiritum*, cerevisiæ tenui ad levem aciditatem sumendum, pro potu ordinario concessi ad libitum sumendum, liberalius vero, cum appareret febris maturatio, quem potum, donec perfecte convalesceret, imperavi usurpandum quotidie.

Hic spiritus, ceu morbo revera specificus, symptomata omnia ad miraculum fere compescebat. Facies & maturius, & longe altius intumescerebat. Variolarum interstitia, ad calorem magis rubrum, & rosæ Damascenæ æmulum magis accedebant: Pustulæ quoque minutissimæ grandescerebant, saltem quantum ea species pateretur: Pustulæ etiam quæ aliter nigre comparuissent, hic materiam quandam flavam, & colore savum referentem eructabant. Facies deinceps præ nigra, colore flavo saturato ubique tincta conspiciebatur. Celerius maturesebant, atque tempore alia omnia diei unius aut alterius spatio, citius percurrerant. Hæc autem accidebant omnia, si liquorem nempe laudatum liberalius haurirent: Quapropter, quoties ægrum copiam subjugandis symptomatibus debitam respicere animadverterem, spiritum istum, vel syrupo aliquo in cochleari permixtum, vel aquæ destillatæ cum syrupo junctæ additum, subinde ingessi, quo pensaretur scilicet liquoris parcius usus.

Varia hujus medicamenti commoda recensui, incommodi ne minimum quidem ex eo natum hætenus potui deprehendere. Licet enim salivati die undecimo decimo fere ab eo sistatur, cujus vicem per id temporis dejectiones aliquot subire solent; tamen ab his minus ægro erit periculi, quam ab ista fuit. Quandoquidem, quod plus semel diximus, qui Variolis *Confluentibus* laborant, eo præcipue urgentur discrimine, quod

quod saliva his diebus viscidior reddita fauces praecludat, cui quidem symptomati hoc in casu diarrhoea succurrit, quæ vel sponte sua desinet, vel saltem, ubi nullum amplius a Variolis periculum est, lacte & aqua missis, & Narcotico assumptis facile compescetur.

Ægro interim in lecto jacenti, inclusis quoque brachiis, stragula præter solita adjecti non patiebar; concessi etiam, ut ab hac in illam lecti partem se pro arbitrio transferret, ad sudores arcendos, in quos proclivissimus erat, hoc non obstante remedio. Iusculis interim avenaceis atque hordaceis victitabat, nonnumquam & pomo cocto. Ultimis diebus, si vel langueret æger vel ægrotaret stomacho, vini Canarini cochlearia tria quatuorve indulsi. Haustum vero paregoricum jam a quinto sextove die singulis vespertis temporis propinandum adulto (infantibus enim eo non erat opus) præscripti; *Laudani Liquidi* sc. guttas 14 in *Aq. fl. Paralyf.*

Die decimo quarto ægrum e lecto surgere permisit; vicesimo primo sanguinem e brachio educendum curavi, catharticum deinde ad duas vel tres vices exhibui; quibus peractis ægri facies coloratior ac magis vivida conspiciebatur, quam solebar eorum, quos hic morbus ita male multaverat. Adde, quod methodus laudata vix patitur faciem cicatricibus deturpari, quæ ab humoribus calidis esseratisque proveniunt cuticulam rodentibus.

Die *Julii* 16. 1675. Vir nobilis mihiq; amicus Dominus *Elliot* Regi a cubiculo, domesticum e suis meæ curæ commisit, fera hac Variolarum *Confluentium Nigrarum* specie propediem laboraturum. Habebat is annos octodecim circiter, temperamento erat admodum sanguineo, & in hunc morbum a nimia computatione recens inciderat. Confluebant pustulæ densiore agmine quam alias vidi unquam, ita ut nulla fere inter eas intercapedo linqueretur, qua distingui possent. Remediis hujus *Impetiginis* confusus viribus, venam nullus secui, licet tempus quo accererebar, id liberum faceret; atque etiam secare debuissim, cum a nimia vini ingurgitatione invitaretur morbus. Post eruptionem finitam, die vid. quinto vel sexto, *Spiritum Vitrioli* in lagenas aliquot cerevisia tenui repletas jussi instillari, atque hunc potum ordinarium concessi pro arbitrio sumentum. Die octavo ex sanguinis quantitas e naribus fluxit, ut Nosocomia hoc sympto-

mate territa, me ocyus accersendum putaret. Adveniens ego, cum ab immodico sanguinis calore & impetu inusitato illud oriri animadverterem, cerevisiam tenuem dicto spiritu imprægnatam uberius adhuc hauriendam imperavi, quo facto hæmorrhagia dicto citius est coercita. Salivatione satis copiosa, faciei & manuum intumescencia, pustularumque augmento rite procedentibus, morbus se satis feliciter expedit; nisi quod ultimis diebus dejectiones aliquot mucosæ sanguinem æque interpellarent, quæ forte nullum facessissent negotium, si venam, eo quo diximus nomine, mox accersitus aperuissim. Nihilominus nullo alio præsidio dysenteriam adoriebar, quam Narcotico illo, quod alias etiam, si hoc symptoma non urssim, singulis noctibus fuisset assumentum, quo vis ejus retusa erat donec evanescerent pustulæ; posteaque extracta e brachio sanguinis quantitate satis larga, lacteque atque aqua assatim haustis, subito convaleuit.

Eodem fere tempore quidam e meis vicinis Dominus *Clench* duos mihi liberos sanandos tradidit, quatuor annos habebat alter, alter adhuc lactebat, nec dum sextum mensem attigerat. Pustulæ utriusque perpussillæ erant, *Confluxiles* admodum, & ad erysipelatis modum prodibant, generisque nigri dicti. *Vitrioli Spiritum* utrique in potum omni instillandum curavi, quem non obstante ætate, junioris præsertim, tenellulæ, ne hilum avertabantur; quin & nullo symptomate graviore affecti convalescere illico. Amicissimus mihi vir, Dominus Doctor *Mapletoft*, utrosque mecum invisens, ætate majorem jam convalescentem reperit, minorem vero in cunis adhuc laborantem.

Animadvertendum est autem, quod, sicuti Variolæ hujus constitutionis quæ non confluebant, satis erant benignæ, ita neque remedio jam præscripto opus habebant; satis vero erat ista eas methodo tractare, quam generi *Distincto* jam supra debere docuimus.

Habes jam, lector, quæ de Variolis mihi erant dicenda omnia; quæ licet non nemo fortasse parvi penderit pro sæculi genio, scio tamen ego haud parvo mihi labore, cura atque industria, per multos annos continuos ea stetisse; neque jam a me fuisse evulganda, nisi vicisset charitas in proximum, & studium aliis benefaciendi, vel pretio existimationis propriæ, quam satis intelligo a subjecti novitate gravandam fore.

Ne-

Neque tamen video, cur aliquem male habeat nova methodus ei morbo medendi (cujus nec apud *Hippocratem* vestigium ullum, nec apud *Galenum* invenitur, nisi quis forte locus difficillima ratiocinatione torqueatur) cum quæ a modernis adaptantur curationes, a magnis illis rei medicæ luminibus non institutæ, æquo jure ab his negliguntur, atque ab illis magnifunt.

Quin & pari ratione nemini mirum debet videri, si quid immutavero in ea methodo, qua expugnandæ sunt istæ febres, quæ ab iis pendent constitutionibus, quæ Variolis epidemicæ sunt. Etenim si in prioribus illis mundi sæculis Variolæ nusquam gentium comparuerint, sequitur neque istiusmodi febres uspiam locorum extitisse unquam. Vero autem simillimum est, ne quid dicam audacius, Variolas nondum tunc temporis in rerum natura fuisse repertas: si enim per antiquiora tempora perinde atque nunc dierum hic morbus invaluisset, sagacissimum *Hippocratem*, opinor, is nunquam latuisset, qui cum morborum historias & clarius intellexerit, & descripserit accuratius quam post natorum quispiam, & hujus etiam descriptionem genuinam, atque simplicem pro suo more nobis reliquisset. Quo circa opinari mihi sās sit, morbos certas habere periodos pro oculis illis atque adhuc incomptis alterationibus, quæ ipsius terræ accidunt visceribus, pro varia sc. ejusdem ætate, ac duratione: quodque, sicuti alii morbi jam olim extitere, qui vel jam ceciderunt penitus, vel ætate saltem pene confecti exolvere; & rarissime comparent (cujusmodi sunt *Lepra* atque alii fortasse nonnulli) ita qui nunc regnant morbi aliquando demum intercident, novis cedentes speciebus, de quibus nos ne minimum quidem hariolari volumus. Hæc se ita res habere potest, quicquid de ea videatur nobis *Apocryphum*, qui heri tantum nati sumus, eras forte interituri, neque quas de morbis auctores vel antiquissimi, congesserunt rationes, ævi multo productioris, si cum antiquissima mundi Epochæ conferantur.

C A P U T V.

Tusses Epidemicæ Anni 1675. cum Pleuritide & Peripneumonia supervenientibus.

Cum tempestas placida ac tepens, imo vero æstatis simillima, præter solitum ad postremos usque *Octobris* dies persevera-

ret, Anno 1675. eam vero mox exciperet alia multum diversa, frigida scilicet atque humida subito ingruens, *Tusses* ubique numerosiores grassabantur, quam alio quovis, quod memini, tempore, nemini fere parcentes, cujuscunque is fuerit ætatis, si-ve temperamenti, integras vero simul familias pervadentes. Neque numero tantum erant spectabiles (cum quælibet hyems haud paucas nobis generet) sed etiam ob anceps illud periculum, in quod eos, quos affecerant, per accidens conjiciebant. Cum enim *Constitutio*, & jam, & per Autumnum omnem modo elapsam, in producenda febre epidemica supra descripta omnes nervos intenderet, cumque jam nullus existeret morbus alius epidemicus, cujus contranisu hujus vires aliquantisper possint refringi, tusses istæ febri sternebant viam, atque in eam quam libentissime commigrabant. Interea, quemadmodum tussis constitutioni opitulabatur in febre producenda, ita etiam febris occasionem ex tussi natam arripiens, jam pleuram ac pulmones haud aliter invadebat, ac caput invaserat vel septimana illa, quæ harum tussium exortum fuerat prægressa. Quæ tam improvisa symptomatum mutatio nonnullis, qui minus diligenter adverterant animum, ansam præbuit, febrem hanc pro *Pleuritide Essentiali*, aut *Essentiali Peripneumonia* habendi, licet eadem omnino illa maneret, atque fuerat per integram hanc constitutionem. Nunc enim, uti prius semper, cum dolore capitis, dorsi, atque artuum quoslibet aggrediebatur; quæ symptomata omni ubique hujusce constitutionis febri conveniebant. Materia tantum febrilis, cum stimulante tussi in pleuram ac pulmones uberius deponeretur, symptomata dictas partes attinentia excitabat; attamen febris quantum mihi licuit observare, eadem prorsus cum illa fuit, quæ ad eum usque diem fuerat depopulata, quo hæc tusses primum comparebant; quin & remedia quibus promptissime parebat, idem plane demonstrabant. Et quantumlibet lateris dolor punctorius, respirandi difficultas, color tracti sanguinis, & reliqua signa pleuritidi familiaria, *Essentialem Pleuresin* subesse innuerent, non aliam tamen medendi methodum postulavit hic morbus, quam quæ febri hujus *Constitutionis* quadrabat, ab illa vero quæ *Vere* pleuritidi conveniebat, abhorrebat admodum, ut ex infra dicendis liquebit. Addo, quod cum Pleuritis, quoties est morbus primarius, eo plerumque

anni tempore soleat invadere, quod inter Ver atque Æstatem ambigens, utriusque quasi fibula est, hic morbus alieno prorsus sydere natus, pro symptomate tantum febris, quæ isti anno propria fuit, ducendus est, atque accidentalis tussis sobole.

(1) Ut ad eam methodum rite procedam, quam hujus anni tussibus, tum etiam istis quæ aliis contingunt, (modo ab iisdem causis nascantur) deberi monuit experientia, animadvertendum est, effluvia ista, quæ a sanguinis massa per insensibilem transpirationem ablegari solent, a frigore cutis spiracula subito contrahente introverti, & in pulmones deponi, quos irritando, tussim mox excitant. Cumque hoc pacto detineantur calidæ istæ, & recrementæ sanguinis exhalationes, quo minus per cutis poros exeant, febris in sanguinis massa facile accenditur; ubi scilicet vel tanta est halituum copia, ut pulmones iis eliminandis haud sufficiant, vel calore adventitio sive remediorum, sive regiminis justo calidiorum, quasi adjecto oleo, ignis augetur, & qui in febrim jam plus satis erat proclivis, in eandem præceps agitur. Verum enim vero, qualiscunque fuerit febris *Stationaria*, quæ illum annum funestat atque per id temporis dominatur, nova hæc febris statim in ejus nomen ac familiam adoptatur, ejusdem ubique genio obsequens, licet symptomata quædam adhuc retineat a tussi, quam habuit parentem, pendentia; ac proinde satis constat in tussi qualibet ex hac *Febris* nata, non tantum ipsi morbo, sed & feбри, quæ tussi huic paratissima accedit, occurrendum esse.

Hac innixus basi, iis qui meam implorant opem hoc modo succurrere conabar. Si tussis nondum febrim, atque alia symptomata, quæ ut plurimum se adjungere sole re diximus, accersiverat, satis esse arbitrabar, agrum a carnibus & liquoribus spirituosus quibuscunque arcere, hortabar item ut exercitiis uteretur moderatis, & fruere- tur aura liberiore, ptisanam pectoralem refrigerantem subinde hauriens. Sufficiebant nimirum paucula hæc, & ad tussim perdomandam, & febrim, aliaque symptomata quæ illam comitari solebant, prævenienda. Sicut enim abstinencia a carnibus, & liquoribus spirituosus, tum etiam refrigerantium usu ita contemperabatur sanguis, ut impressioni febrili ineptior esset; ita etiam exerci-

Sydenham Opera Med. Tom. I.

tii ope servida illa sanguinis effluvia, quæ, quoties corporis pori a repentino frigore occluderentur, intro acta tussim excitabant, via sibi naturali ac genuina exhalabant opportunus, & cum bonis ægri rebus dissolabantur.

Tussim quod spectabat sedandam, haud vacabat periculo Narcoticis atque Anodynis illam aggredi; nec minus periclitabatur, si quis liquoribus spirituosus calidisque medicamentis idem moliretur, cum utroque modo inviscata, atque indurata tussis materia, halitus isti, qui a sanguine placide ac sensim discendentes tussiendo in auras invanescerent, jam exitu negato, in cruoris massa præclusi febrim ibidem ciebant. Atque hoc sæpenumero non paucis e vulgo inconfulioribus pessime cessit, qui cum spiritu vini ustulato aliisque calidis liquoribus tussi obicem ponere nitirentur, affectus pleuriticus & peripneumonicus invitabant, atque insana hac sapientia morbum sua natura levissimum & facile sanabilem, in periculosum ac sæpe lethalem transformabant. Nec minus hallucinabantur (licet magis cum ratione insanire viderentur) qui provocatis sudoribus morbi causam exterminare volebant. Quamvis enim non diffiteamur, sudores sponte prorumpentes haud raro præ cæteris quibuscunque præidiis causam morbificam expellere, liquet tamen, nos, dum in iis extorquendis sumus, sanguinem incendere, & quem servare volumus agrum letho dare posse.

Quandoque vero, non tantum ubi minus rite tractaretur morbus, quo scil. supra descripsimus modo, sed etiam nonnunquam sua sponte (maxime in delicatioribus ac tenellulis) nunc statim ab initio, nunc post diem unum aut alterum, tussi superveniebat calor ac frigoris vicissitudo quædam, capitis, dorsi, atque artuum dolor, ad sudores nonnunquam propensio, noctu maxime (quæ omnia pariter symptomata febrim hujus *Constitutionis* plerunque sequebantur) quibus sæpe adungebatur lateris dolor, nonnunquam etiam pulmonum quasi constrictio coarctatioque, unde difficulter respirabat æger, inhibebatur tussis, excitabatur febris vehementior.

Feбри, & pessimis ejus symptomatibus resistissime, (quantum accurate facta observatione mihi constitit) occurrebatur venæ sectione in brachio, & epispastico nuchæ applicato; clystere item quotidie injiciendo.

M

Ægrum

Ægrum interim monebam, ut singulis diebus ad horas aliquot lecto absteret, absteret a carnibus, nunc cerevisiam tenuem, nunc lac aquæ permistum, nunc ptisanam aliquam refrigerantem ac lenientem forberet. Elapso jam biduo triduoque, si nondum minueretur dolor lateris, sed adhuc vehementer urgeret, sanguinem secundo detraxi, & ut in usu enematum persisteret adhuc, suasi. Enemata autem quod attinet, diligenter advertendum est (tam in hac, quam in aliis febribus) ea, jam fractis morbi viribus, & retula acie, non diu & continuo repetenda esse, maxime in sceminis passioni hysterica obnoxiiis, aut viis hypochondriacis; cum talium sanguis atque humores *Αμύττα, Σαντοι* sint, ac nullo fere negotio exagitantur atque æstuent, unde perturbatur corporis œconomia, & symptomata febrilia etiam ultra solidam periodum ægros discruciant.

Sed ut ad rem revertamur, dum hoc pæto spatium morbo concederemus, quo sanguis calidas illas particulas, quæ in pleuram ac pulmones impegerant, sensim excuteret, symptomata universa placide solebant evanescere; cum qui morbum ferocius atque hostili manu aggrediebantur, ingenti remedium molimine bellum inferentes, vel suos ægros amitterent, vel saltem phlebotomia sæpius repetita quam vel postulabat morbi genius, vel etiam tuto ferebat eorumdem vitam redimere cogerentur. Cum enim in vera pleuritide venæ sectio repetita omnem numerum absolvat, solaque ad curationem sufficiat, (modo non obsisterint medicamenta & regimina calidiora, quæ contra militant) ex adverso in hoc symptomate satis erat semel, vel ut plurimum bis venam secasse, modo agro concederetur ut e lecto exurgeret; & potu refrigeranti uteretur. Nulla autem cogebat necessitas, si bene observaverim, sanguinem sæpius educere, nisi ubi a calore foris accedente admodum intenderetur dictum symptoma; neque etiam in hoc casu periculo id omnino vacabat.

Hanc jam nactus ansam, paucula de eo dicam quod omnium ore tritissimum est, *Pleuresin* scilicet quandoque ita *Malignam* reperiri, ut per eos annos phlebotomiam ferre nesciat, saltem toties repetitam, quoties hic morbus communiter deposcit. Censeo quidem *Pleuresin* veram atque *Essentialem*, quæ, ut posthac diceretur, omnibus annorum omnium constitutionibus indifferenter infesta, omnibus indifferenter annis venæ sectionem pariter repetitam indicare; aliquando tamen accidere ut febris ejus anni pro-

prie epidemica, a repentina aliqua manifestarum aëris qualitatum alteratione, materiam morbificam in pleuram aut pulmones libenter deponat, ipsaque febris nihilominus eadem prorsus maneat. In hoc casu, etsi venæ sectio possit concedi, ut huic symptomati, si multum sæviat, occurratur; generaliter tamen si loquamur, non multo plus sanguinis symptomaticis ratione educendus est, quam febris nomine debuerat educi, a qua pendet istud symptoma. Nanque si hæc ejus sit indolis; ut a repetita venæ sectione non abhorreat, potest ea repeti in pleuritide quæ ejusdem symptoma est; at vero si febris repetitam venæ sectionem respuat, neque juvabit ista, uno & nocebit in pleuritide, quæ cum febre stabit cadetve. Hoc autem modo se res habuit, me saltem iudice, in *Pleuritide symptomatica*, quæ febrium comitabatur hoc in loco grassantem, quo tempore subingrediebantur *Tusses*, hac nimirum hyeme 1675. Atque hoc quidem mihi ideo reticendum non erat, quod existimem dubio illum tramite errare, atque incerto duci filo, qui in febrium curatione non continenter ob oculos habet anni *Constitutionem*, quatenus huic aut alteri morbo epidemice producendo favet, ceterisque morbis omnibus una concurrentibus in ejus similitudinem ac formam detorquendis.

Novembri anni præfati, Dominum *Thomam Vvindhams*, Domini *Francisci Vvindhams* Equitis filium natu maximum, hac febre laborantem tractabam. Querebatur is de lateris dolore, aliisque symptomatibus, de quibus cæteri hoc morbo affecti. Venam haud plus semel tundendam curavi, epispasticum nuchæ apponi, enemata quotidie injici; nunc ptisanas atque emulsionem refrigerantes, nunc lac aquæ immistum, nunc cerevisiam tenuem propinavi, suasi ut lecto absteret quotidie ad horas pauculas, qua methodo intra paucos dies restitutus est, & celebrata catharsi omnino convaleuit.

Notandum autem est, quod tamen symptomata hæc, quæ tussi supervenire solerent, ea prope essent, quæ hanc hyemem funestabant, attamen tussis ipsa sine illis sola invadens, ea tempestate magis dominabatur. Hujus autem medela neque venæ sectionem, neque clysteres sibi vendicabat, modo febris a regime vel medicamentis calidioribus non excitaretur. Cum satis erat ad eam compescendam agro liberioris aëris foras usum concedere, & carnis usum, ut & vinum ac id genus liquores spirituosos, qui febri

febri ansam præbeant, omnino interdicere. Porro *Tabellas* sequentes sæpiuscule devorandas imperavi; quæ quidem ad rufes a frigore susceptas coercendas omnibus aliis, quæ mihi adhuc innotescunt, longe præcellunt. *℞. Sacchar. Cand. ℞iij. Coq. f. q. aq. communis usque dum adhærescat extremis digitorum, tum adde pulv. Liquirit. Enul. Campan. sem. anisi & sem. Angelic. an. 3℞. pulv. Irid. & flor. Sulphur. an. ℞ij. ol. chym. sem. anisi ℞i. f. s. a. tabellæ, quas secum continuo portet, ac eorum unam frequenter assumat.*

At priusquam his, quæ de morbis epidemicis disserui, ultimam imponam manum, objectioni, quam contra eorum nonnulla adferendam prævideo, occurrendum mihi est, quod nempe non satis cum *Malignitate* ista pugnare videantur, quæ pluribus horum morborum adhæret. Non is sum, qui receptam a viris doctissimis, sive huius sæculi, sive antiquioribus, de malignitate opinionem convellere aut possum, aut etiam velim, cum ista indiciis plus satis se prodât manifestis in epidemicis plerisque. Liceat mihi tantum quæ de ejus natura sentio in medium proferre, quo hæc nostra praxis minus a ratione adhorrere videatur. Ipse enim cum eruditissimo *Scaligero*.

*Non mihi, sed rationi, aut quæ ratio esse videtur,
Milito; securus quod mordicus hic tenet,
aut hic.*

Censeo itaque ego *malignitatem* eam omnem, quæ epidemicis competit, (qualiscunque tandem fuerit specifica ejus natura) particulis calidissimis ac spirituosissimis, humorum in humano corpore contentorum naturæ plus minusve adversantibus, consistere ac terminari, quia solæ istiusmodi particulæ humores ita subito alterare valent, atque in morbis malignis fieri videmus, Censeo item calidas illas & spirituosas particulas assimilando maxime agere: Cum ex Naturæ lege quodlibet principium activum sui simile procreare satagat, & quæcunque ei obsistunt ad propriam indolem inflectere atque accommodare. Ita ignis ignem generat, & maligno infectus morbo socium inficit, spirituum sc. emissionem, qui humores mox inficiendos sibi assimilant, & in naturam suam perducunt, trahuntve.

His præmissis, omnino sequitur nihil esse

prius, quam ut dictæ particulæ sudore eliminentur; hoc enim modo morbus confestim funditus extirparetur. At hic reclamât experientia, docetque hoc in omni *malignitatis* specie fieri non posse. Quamvis enim in ipsa *Peste* particulæ subtiliores, tum quod admodum fuerint subtiles, tum etiam quod sanguinis partibus maxime spirituosas infideant, dissipabiles sint, atque excitato sudore non interrompendo ejici queant; in aliis tamen febribus, ubi particulæ assimilantes non in eam subtilitatem sunt evectæ, atque etiam humoribus magis crassis incorporantur, minera illa maligna non tantum sudoribus dissilari non potest, sed sæpenumero etiam augetur, quibus isti sollicitantur, diaphoreticis. Quanto enim magis usu calefacientium adjuvantur particulæ hæc calidæ ac spirituosæ, tanto magis intenditur earum habent assimilandi facultas, quantoque etiam magis excalefunt humores isti, in quos agunt, tanto libentius in assimilantium castra migrant, earundem impressionibus cedentes. Cum ex adverso ratio dictare videatur, medicamenta illa quæ contrariæ sunt Naturæ, non tantum particularum calidarum atque acrium vim inhibere, sed etiam humores condensare obfirmareque, quo spirituum morbificorum fortius sustineant impetum, vel etiam frangant. Atque appellanda hic mihi venit experientia, quæ magistra edoctus sum & purpureas febrium maculas, & Variolarum pustulas nigras, eo promptius sumpsisse incrementum, quo magis calefieret æger, easdem vero pro ratione moderatioris regiminis, quod iis omnino debetur, decrescere solere ac minui.

Jam si quis me roget, qui fiat ut, cum *malignitas* in ejusmodi particulis calidis ac spirituosas consistat, haud raro in parca febris signa conspiciantur, etiam ita morbis summe malignis; responderem percontanti, primo in præcipua illa, & maxime insigni malignitatis instantia, ipsa *Peste*, abunde constat particulas *venis* ita supra modum subtiles esse, atque aculeatas, (præsertim ubi primum incipit *gassari*) ut auræ ad instar sanguinem pervadant, ac syderatis quasi ejus spiritibus, ne in ebullitionem quidem illum attollant, unde æger sine febre perit.

At vero in minori isto malignitatis gradu qui in aliis epidemicis reperitur, symptomata febrilia ita parum conspicua redduntur, nonnunquam a confusione in san-

guine atque humoribus excitata a particulis inimicis eorum in gremio conclusis; unde Natura quasi oppressa non potis est, symptomata illa magis regularia exercere, quæ morbo competunt, at anomala sunt *quædam* fere omnia ob *causas* penitus eversam dirutamque; quo in casu deprimitur sæpe febris, quæ obnitente genuino Naturæ ductu, omnino vigeret. Quandoque etiam pauciora se ostendunt febris indicia quam pro morbi genio, ob metastasin mineræ malignæ vel in genus nervosum factam, vel in alias partes corporis, vel etiam humores extra sanguinis porceria, dum turgeret adhuc materia morbum comittans.

Quicquid verò id fuerit, ne hariolari quidem possum quænam alia medendi methodus *malignitati* qualicunque adhibenda sit, præter eam, quæ epidemico, cui inhæret, debetur. Ita ut sive epidemicus de eorum numero sit, qui primo concoctionem materiæ subtilis, mox ejusdem rite dispositæ eliminationem per sudores sibi vendicant; vel eorum, qui per eruptionem aliquam fugam sibi quærunt; vel etiam eorum, qui ab artis præsidio viam sibi aperiendam præstolantur, in singulis his, inquam, generibus, *Malignitas* morbi comes, cum ipso morbo stabit cadetque, pari usa fortuna, & pauci etiam passu recedens; atque ex consequenti, quæcunque evacuatio febrì in genere competit, eadem & malignitati debetur: quantumlibet evacuationes istæ sibi invicem fuerint contrariæ. *Malignitati* itaque isti quæ *Febres Autumnales Intermittentes* comitatur, uti & *Febrem continuam*, quæ ejusdem est indolis, medebitur diaphoresis, quæ concoctionem subsequitur ceu ejus effectum. *Variolarum malignitati* subveniet tempestiva abscessulorum maturatio, atque ita de reliquis; in quibus omnibus, peculiaris *malignitatis* species istis præsertim modis ac methodo illa optime superatur, quibus libentissime cedunt peculiæ istis morbi, ad quos illa spectat, sive hac methodo procedendum fuerit, sive altera. Hoc mihi dicat ratio, nisi pro Juvone nubes, atque huic etiam experientia jugiter suffragatur.

C A P U T VI.

Anacephaleosis.

Atque ita demum animadvertimus, spatium illud annorum, quo finiuntur prægressæ observationes, genera *Constitutio-*

num omnino *Quinque* peperisse; *Quinque* nimirum peculiæ aëris Diatheses, totidem *Epidemicorum* species peculiæ, febrium nominatim, producentes. Febrium autem harum prima, quæ iis annis infestabat, quibus *intermittentes Autumnales* maxime grassabantur, unica mihi videtur, (quantum observatione diligenti fidaque hætenus assequi potuero) in qua Natura ita omnia symptomata moderabatur, ut materiam febrilem debita coctione præparatam certo suo tempore ad exitum disponderet, vel per justam *diaphoresin* vel *diarrhœam* paulo liberaliorem, (quæ idcirco *Febris Depuratoria* mihi audit). Et profecto facile adducor ut credam, præcipuam hanc esse atque *Primariam* Naturæ *Febrem*, tum ob regularem illam methodum, qua utitur in promovenda materia morbifica, eademque præfinito tempore digerenda; tum etiam quia hæc febribus aliis quibuslibet frequentior occurrit, cum credibile sit *Febres Intermittentes* epidemice sæpius grassari, quam alios morbos quoscunque, si illis nempe habenda sit fides, qui de earum frequentia in sæculis jam elapsis tot & tanta scripserunt; quicquid demum in causa fuerit quod ita rare comparuerint, a quo *Pestis* hanc urbem est depopulata. Enim vero *Febris* hæc *Pestilentialis Inflammatoriis* iis omnibus, quæ post invasere, se ducem præbebat, ac *prodromos*. *Febri* autem isti *Primariæ*, de qua supra, adaptantur, ni fallor, illustra illa, atque necessaria Axiomata, quæ tradiderunt *Hippocrates*, alique Medici antiqui; quorum ope ita illa est regenda, ut præparetur materia febrilis ad crisin per sudores rite faciendam: neque enim satis video, qui possint accommodari dicti aphorismi sublequentibus istis febrium speciebus, quæ diversam longe habent indolem; & raro ejusmodi methodo aliqua solvi solent, qua nos adjuti, si ad eam accedamus scilicet, eamque perficiamus, morbos hosce subjugare possimus. Utut vero hæc se res habeat, notatu dignum esse autumo; quod cum febris hæc, quæ ab illa *Constitutione* pendebat, qua intermittentes cæteris prædominabantur, (si vel diutius persisteret, vel æger nimis evacuationibus fuerit exhaustus) subinde in intermittentiū castra de facili transiret; istæ febres quæ sequentes funestabant annos, etiam si diutissime cruciarent, rarissime tamen intermittentes fierent; indicio satis manifesto eam *Febrem Continuum*, atque *Intermittentes* istas, vel natura quadantenus convenire, vel

vel non multum ab invicem abhorrere.

Jam si quis a me percontetur, quo demum pacto *Febris Continua* speciem ex notis in febrium descriptionibus a me traditis queat expiscari, cum plerunque singulae iis implicantur symptomatibus, quae omnibus in genere competunt febribus, (cujusmodi sunt calor, sitis, inquietudo, &c.) huic ego responderem; difficile id quidem esse, at non plane impossibile, modo quis serio, atque adamussum exegerit circumstantias eas omnes, quas in historia praecedenti indigimus; maxime si in urbe aliqua, aut loco alio hominibus referto, examen instituat. Ponamus enim Medicum ad febre continua laborantem accersiri, id primo habet adminiculi ad iudicium rite formandum, quod vel ex observatione propria, vel aliis indicantibus facile resciscat, quinam alii morbi praeter hanc febrem, & cuius demum generis, eo locorum epidemice grassantur; quo cognito non amplius dubitabit cuius generis esse debeat febris ista, quae huic alteri epidemico regnanti famulatur. Quamvis enim fieri possit ut febris iis tantum se prodatur symptomatibus, quae omnibus omnino febribus sunt communia, (praesertim si in aëre & confusionem agatur a methodo quae ab ejus curatione prorsus aliena est) alii tamen epidemici characteres naturae atque indoli suae proprios, ac peculiare aperissime agnoscent. Verbi gratia, qui *Variolas* inspexerit, facile conjectabit, (modo ejus morbi historiam probe calleat) vel a die quo primum erumpunt pustulae, vel ab earum magnitudine, atque colore, &c. ad quodnam Variolarum genus species illa particularis fuerit referenda: atque ubi semel cognoverit quanam sit illa Variolarum species, quae eo anno atque per loca ista increbrescit, satis illi constabit de specie febris cujusvis per id temporis, atque eo locorum grassantis. Et sane si morborum historias ad unguem perdidicissem (quam ego mihi laudem minime arrogo) sicuti epidemico quovis conspecto non dubitarem de febris tum regnantis genere pronunciare, licet ne unam viderim quidem; ita *Febris* quolibet conspecta, quisnam ei jungeretur morbus epidemicus, me satis doceret, an *Variolae* scilicet, vel *Morbilli*, vel *Dysenteria*, &c. Cum tam peculiare aliquod horum genus, quam febris peculiaris, particularem quamlibet constitutionem jugiter comitetur.

Secundo autem, praeter indicia illa quae epidemicorum una invadentium consideratio

nobis suggeret, & ipsa cujuslibet febris symptomata ad ejusdem speciem dignoscendam, haud obscuram lucem foenerantur. Quamlibet enim, ut supra inauimus, febres in universum omnes quaedam habent symptomata omnibus communia; sunt tamen & certae aliquae distinctionis notae, quas singulis speciebus sigillatim impressit Natura; quae cum subtiliores sint, ac magis reconditae, non nisi a cautissimis, & minutissima quaeque perscrutatim trutinantibus erui solent, aut investigari. Inter haec signa distinguenda semper existimavi ego, aëri sive sudationem sive siccitatem in hoc vel illo morbi tempore, febris speciem praecipue & praeter ceteris demonstrare, modo illa a statu naturali ac suo, methodo minus congrua non fuerit dejecta. Atque hoc ipsum liquido mihi constabat in febribus omnibus epidemicis, quotquot observationes hae nostrae haecenus complectuntur. Exempli gratia, iis in febribus, quae vigeant exolefcente *Intermittentium Autummalium* praedominio, aëri externe arefcebant, nec vel minima sudoris praesignatio ante materiae febrilis concoctionem, quae die decimo quarto plerumque perficiebatur, in conspectum se dabat. Neque etiam cieri hic poterat sudor sine ingenti aërorum discrimine, qui in phrenesin, aliaque symptomata periculosissima mox a coacto sudore praecipitabantur. In *Febri Pestilentiali*, quae hanc quidem subsecuta est, (*Inflammatorium* autem omnium quae ab illo tempore invadere, chorum duxit) nulli sudores sponte sua prorumpebant, at a sudorificis excitari poterant vel primis morbi diebus; atque iis semel obortis aëger nullo non symptomate levabatur. Febre proxime succedente, quae *Variolae* iis annis comitabatur, quibus illae *Regulares* erant, aëger sua sponte effusissimis sudoribus totus dimanavit, vel a morbi initio; at qui istis indulgebat aëger, intendebat illico symptomata omnia, haud mitigabat. In binis febribus, quae duabus *Variolarum Anomalarum* speciebus, atque *Dysenteria* se comites adjungebant, & sudores anomali etiam fuere; at plerumque solis primis diebus exeuntes, licet qui primam febrem comitabatur sudor, quam qui posteriorem, aliquantisper esset copiosior, sed in neutra emolumento fuit aëro, cum non a praevia concoctione, sed a confuso particularum noxiarum motu is eliceretur.

Arduum vero id mihi in primis videtur, novae febris speciem, vertente primum anni *Constitutione* indagare, cum necdum specimen

men ejus aliquod quis oculis usurpaverit, nec dum resciverit, qualesnam demum sint futuri morbi epidemici, quos ut plurimum febris prævertit. Molestum esset singula enumerare, quæ iis annis, de quibus egi, occurrebant, quo liqueret anfas haud obscuras a Natura nobis suggeri, quibus adjuti hoc præstare valeamus; ac proinde cognitio hæc a perdiligenti atque accuratissima circumstantiarum omnium observatione necessario pendebit. Quantumlibet autem difficile id fuerit, imo si & impossibile plane supponamus, novæ febris, ubi primum ingreditur, speciem certo distinguere; tamen ad curationem quod attinet, indicatio a *Juuantibus* & *Ladentibus* sumenda, nobis saltem relinquitur; cujus ope viam paulatim prætentantes ægrum in tuto possimus collocare, modo ne plus satis properemus: qua quidem *festinatione* nihil ego quicquam exitius esse autumo, nec re ulla alia febricitantium plures vita spoliari. Neque pudet fateri, me non semel in curandis febribus, ubi nondum constaret quid mihi agendum esset, nihil prorsus agendo & mihi & ægro consuluisse optime, dum enim morbo invigilarem, quo eum opportunius confodere valerem, febris vel sponte sua sensim evanuit, vel in eum se typum redegit, ut jam mihi innotesceret quibus armis esset debellanda. Sed, quod dolendum omnino est, ægrorum quamplurimi, haud satis gnari quod perinde sit Medici periti quandoque nihil agere, atque alio tempore efficacissima adhibere remedia, probitatis atque fidei fructum hanc capere nolunt, sed vel negligentia vel ignorantia id imputant; cum empiricorum insulsiſſimus quilibet medicamenta medicamentis adjicere æque novit, ac solet magis quam Medicorum prudentissimus.

Hæc sunt fere quæ hætenus observavi, saltem quæ ad normam aliquam reduci potuerint, de *Morborum Epidemicorum* speciebus, atque ordine illo quo invasere ab anno 1661. ad finem usque anni 1675. Quo quidem tempore *Variolæ*, & *Febris Continua* earum comites, quæ ferme a biennio dominatæ sunt, mitiores jam factæ videntur exolescere. Qui post sequentur morbi, solus novit, qui novit omnia.

SECTIO SEXTA.

CAPUT I.

Febres Incurrentes.

Observationes annorum, quos jam descripsi, satis arguunt febrium alias *Stationarias* merito audire, ejusmodi febres intelligo, quæ, cum a particulari quadam, at nondum satis cognita hujus aut alterius anni *Constitutione* pendeant, singulæ suo ordine invalescunt, grassantur admodum, & quasi cæteris dominantur per continuam illam annorum seriem; an dentur etiam aliæ species præter jam dictas: An etiam exacto quodam annorum curriculo, aliæ alias certo ac constanti ordine excipiant, an secus se res habeat, nondum mihi licuit deprehendere. Sunt vero & aliæ *Febres continuæ*, quæ licet jam parcius, jam inclementius sæviant & depopulentur, tamen cum *Stationariarum* quibuslibet, ut etiam & secum invicem eodem anno indifferenter commiscantur, quas idcirco *Intercurrentes* appellandas censeo. Quid tam de illarum ingenio, quam de methodo medendi eisdem adhibenda, hætenus observando didici, in sequentibus tradam. Sunt vero, *Febris Scarlatina*, *Pleuritis*, *Peripneumonia Notha*, *Rheumatismus*, *Febris Erysipelatosa*, *Angina*: Et forte aliæ quædam.

Jam vere cum universos hosce morbos, vel adhuc comiteretur febris, vel saltem fuerit comitata, donec exonerata in partes siue has siue illas, pro morbi ratione, materia febrili, sibi exitum invenerit; nullus dubito febrem ipsam pro morbo primario habendam, reliquosque affectus a quibus ut plurimum morbi isti nomen mutuatur, symptomata esse, quæ vel peculiarem *epidemicum* modum, vel partem, in quam ruit morbi vis, præcipue spectant. Verum modò de re conveniat, nullam de nominibus movebo litem; mihi integrum fuerit morbum hoc vel illo nomine designare, pro arbitrio meo.

Animadvertendum est, quod sicuti *Febres Stationariæ*, de quibus supra egimus, magis minusve epidemice infestant, quod jam diximus, prout annorum constitutio in secreta atque inexplicabili aeris temperie fundata, eisdem favet, ita etiam *Intercurrentes* hæc nunquam, licet non ita frequenter atque istæ, epidemice grassantur. Quamvis enim plerunque oriantur ab hac, vel illa particulari corporum parti;

particularium *επιδημικῶν*, qua sanguis atque humores quoquo modo vitiantur, aliquando tamen originem debent suam mediate quidem causa alicui generali in aëre manifestis qualitatibus hominum corpora ita disponente, ut exinde tales talesve sanguinis atque humorum dyscrasie generentur, quæ *Intercurrentium* ejusmodi *Epidemicorum* causæ fuerint immediatæ. Uti cum gelu acrius diu perseveraverit, se in Veris usque pomeria longius extendens, derepente autem calidior tempestas succedat, *Pleuritides*, *Angine*, similes morbi alii solent invadere, qualiscunque denum fuerit *Constitutio* annorum *Generalis*. Et quoniam hi nonnunquam epidemice grassantur, perinde atque alii isti, idcirco ut hos ab illis febribus dispecscam, quæ ad certam annorum seriem determinantur, omnibus indifferenter annis communes *Intercurrentes* appellare libet.

Quanto autem a se invicem intervallo diffideant duo hæc febrium genera, quantum ad causas aëre subministratas, quoad alias tamen causas externas, ac procatarepticæ spectat, sæpenumero conveniunt. Ut enim jam mittamus contagium, quod quidem nonnunquam febrium *Stationariarum* aliquibus ansam exporrigit, & crapulam taceamus, qua matre profeminantur tum istæ febres, tum hæc etiam, de quibus jam ago; causa evidens externa febrium quamplurimarum inde petenda est, quod quis scilicet vel præmaturus vestes abjecerit, vel ab exercitio incallescens se frigori incautius exposuerit: unde poris subito oclusis, retentisque iis halitibus, quibus alias per cutis spiracula patebat exitus, hæc vel illa febris species in sanguine succenditur, prout vel generalis constitutio, quæ tum temporis obtinet, vel particulares humorum dyscrasie in hanc vel illam febri speciem potentius determinaverint. Et sane existimo plures modo jam designato, quam *Peste*, *Gladio*, atque *Fame* simul omnibus perire. Etenim si quis ægram Medicus de prima morbi occasione paulo minutius interrogaverit (modo ex acutorum istorum numero sit quos supra tractavimus) audiet quasi semper, vel eum vestem aliquam temere deposuisse, cui pridem assueverat, vel corpus motu excalescens subito frigori permisisse, atque ex alterutra harum *καυσῶν* incidisse in morbum. Quam ob causam familiares meos semper moneo, ut nullo alio anni tempore quicquam vestium, quibus assuevere, sibi detrahant, nisi mense uno ante *Solstitium* *Æstivi*.

verum. Nec minori cum studio eosdem hortor, ut ab exercitio calescentes frigus sedulo evitent.

At vero diligenter hic loci notandum est, quod licet morbi isti, qui sub intercurrentium titulo jam mihi tractandi veniunt, plerique, si non omnes, *Essentiales* fuerint morbi, sæpenumero tamen affectus quidam, tum eos quoad phænomena referentes, tum eodem etiam insigniti nomine, istis febribus superveniunt quas *Stationarias* appello, & sunt nuda earum *symptomata*. Quo in casu non jam illa methodus adhibenda est, quæ iis debetur, quoties morbi sunt essentialis, an ista potius quam sibi postulat febris, cujus nunc sunt symptomata, ad quorum quidem curationem ea leviter tantum inflectenda est. In genere autem ad anni febri serio attendendum est, investigandumque quo illa pacto facillime expugnari possit, venæ sectione, an sudoribus, vel alia methodo qualibet. Hoc si susque deque habeatur, cum ingenti agrorum discrimine persæpe errabimus. Si quis objecerit hos ipsos affectus, quos ego essentialis voco, & de quibus jam ago, revera symptomata sunt saltem febrium, quæ illa semper ac necessario producant, v. gr. in *Pleuritide* essentiali febris ejus est indolis, ut semper materiam morificam in pleuram deponat; in *Angina* essentiali ejus indolis est, ut eadem ad fauces semper amandet, atque ita se res habet in cæteris. Cum ubi affectuum memoratorum utervis febri superveniat, quæ ad hanc illamve annorum constitutionem spectat, atque ab ea pender, idem per accidens tantum, neutiquam vero necessario producit. Quo nomine haud parum a se invicem determinantur.

Jam autem, ut affectus *Essentiales* mihi dictos ab iis qui *Symptomatici* tantum sunt, rite distinguamus, multum confert nobiscum perpendiffe, quod qualia sint symptomata quæ invasionem febris hujus alteriusve *Stationarie* comitantur, talia omnino erunt symptomata, quæ insultum sive *Pleuritidis*, sive *Angine* sequuntur, quoties ejusmodi febris accidentia sunt tantum. Quod quidem cernere erat in *Pleuritide* *symptomatica* prædicta, quæ febri per hyemem grassanti, anno 1675. superveniebat. Quotquot enim hæc laborabant pleuritide, ubi primum corripiebantur, capitis, dorſi, & artuum patiebantur dolorem; quæ certissima erant, & maxime vulgaris febrium earum omnium symptomata, quæ & antequam ingrederentur Pleu-

Pleuritides, invadebant, atque illis expirantibus adhuc durabant. Cum quoties uterlibet horum intercurrentium morbus *Essentialis* est, omnibus indifferenter annis pari modo aggreditur, nihil prorsus habens commune cum febre Stationaria per id tempus regnante. At hæc symptomata omnia, quæ post emergunt magis perspicua sunt, cum non obsecuntur ac confundantur ab aliorum *Essentialium*, quæ naturæ sunt diversæ, & ad aliam spectant febrem, admixtione. Præter hæc, Anni tempus, quo essentielles intercurrentes plerique, non tamen omnes, solent infestare, haud raro subinnuit ad quam classem hujusmodi affectus referendi sint. At vero ad morborum, tum horum, tum aliorum etiam omnium Diagnosin, is demum instructissimus accedet, qui observatione hac diligenti ita intime eorum phænomena rimando perscrutatus fuerit, ut ubi eos inspexerit, genus statim norit distinguere; licet differentiarum characteristarum alia ita sint fortasse subtiles ac delicatæ, ut easdem alteri verbis nequeat exprimere.

Quandoquidem autem variæ hæc febrium species, (quantum quidem assequi possum ex phænomenis, quæ tum morbos ipsos, tum medendi rationes attinent, sedulo penitatis) peculiari, ac cuilibet morbo propriæ sanguinis inflammationi ortum debet suum, in eodem refrigerando contemperandoque omnis mihi fere curationis vertitur cardo. Methodo interim pro morbi genio variata, & cui, experientia jugiter suffragante, ea species libentissime concedit, materiæ morbificæ eliminandæ ubique satago. Et profecto in febrium quarumlibet curatione omne punctum tulerit, qua porta excludenda venit materia febrilis, qui certo norit; venæ sectione v. gr. sudoribus, catharsi, aut si qua est alia magis appositæ.

C A P U T II.

Febris Scarlatina.

Scarlatina Febris, licet nullo non tempore possit incidere, ut plurimum tamen exeunte æstivo se prodit, quo quidem integras familias, infantes vero præ cæteris infestat. Rigent, horrentque sub initio, ut in aliis febribus, qui hac afficiuntur, neque vehementer admodum ægrotant; postea cutis

universa maculis parvis rubris interstingitur, crebrioribus certe & multo latioribus, magisque rubentibus, at non perinde uniformibus, ac sunt illæ quæ *Morbillos* constituunt. Ad duos tresve dies persistunt hæ maculæ, quibus demum evanescentibus, decedenteque subiecta cuticula, restant surfuraceæ quædam squamulæ ad instar farinæ corpori inspersæ, quæ ad secundam aut tertiam vicem se produnt, conducuntque vicissim.

(1) Cum hic morbus nihil aliud mihi videatur, quam mediocris sanguinis effervescentia a prægressæ æstatis calore, aut alio aliquo modo excitata, nihil quicquam melior, quo minus sanguis sibi desumando vacet, & materiæ peccanti, quæ satis prompte adjungitur, per cutis poros ablegandæ. Quamobrem tum hinc & a venæ sectione, & ab Enematum usu mihi temperans (quibus remediorum formis facta revulsione particulas sanguini infestas cum eodem intimius permisceri, & motum Naturæ magis congruum sufflaminari autumo) tum ex altera parte ab exhibendis Cardiacis, quorum æstu impetuosius forte exagitabitur sanguis, quam prorogata, & leni illa separatione, in qua jam totus est; (Quid quod & vehementior febris hoc fomite possit accendi) satis habeo ut æger a carnibus insolidum abstineat, & a liquoribus spirituosius quibuscunque, tum ut neque usquam foras prodeat, neque se perpetim lecto affigat. Cute jam penitus desquamata, & cessantibus symptomatibus, e re fore existimo, ut purgetur æger leni aliquo medicamento, ætati atque viribus accommodo. Simplici hac & naturali plane methodo hoc morbi nomen, vix enim altius assurgit, sine molestia, aut periculo quovis facillime abigitur. Cum econtra si plus negotii ægris faceamus, vel lectulis continenter incarcerando, vel Cardiacis aliisque remediis supervacaneis nimis doctæ, & (ut vulgo videtur) secundum artem supra modum ingestis, morbus statim intenditur, & æger non raro nulla alia de causa, quam nimia Medici diligentia ad plures migrat.

Veruntamen hoc animadvertendum volo. Si *Convulsiones Epileptice*, vel etiam *Coma*, huic morbo sub initium eruptionis supervenerint (quod quandoque accidit in pueris ac junioribus hoc morbo laborantibus) omnino oportet, ut *Epispasticum* amplum ac forte posteriori cervici applicetur; atque porro

porro ut *Paregoricum* e syrupo de Meconio statim exhibeatur, repetendum singulis noctibus usque dum convaluerit; imperando interim ut æger bibat pro potu ordinario lac cum triplo aquæ coctum, & a carnis esu abstineat.

CAPUT III.

Pleuritis.

Hic morbus, quo nec alius frequentior, nullo non tempore infestat, potissimum vero anno inter Ver & Æstatem ambigente. Nam per id temporis sanguis a nova solis vicinia calefactus in effervescencias, & inordinatos motus effrenatus ruit. Temperamento sanguineo præditos præ reliquis aggredditur, sæpe etiam rusticos, & *duro jam fractos membra labore*. A rigore plerumque atque horrore orditur, quos excipiunt calor, sitis, inquietudo, & cætera febrium symptomata plus satis nota. Elapsis pauculis horis, (licet aliquando multo serius ingruat symptoma hoc) æger vehementi dolore, eoque punctorio, in laterum alterutro circa costas, corripitur, qui nunc versus omoplas, nunc spinam, nunc ex adverso versus anteriora pectoris se propagat. Tussi etiam crebra affligitur, quæ magnum adfert cruciatum, a partium inflammatarum contentione ortum, unde spiritum subinde reprimat, ut prima tussendi molimina coërceat. Quæ singulis vicibus *Anacatharsi* rejicitur materia, sub initio morbi pauca & tenuis conspicitur, & sæpe sanguinis particulis intermixta; sed procedente morbo copiosior est & magis concocta sanguine etiamnum permixto. Febris interea pari passu incedit, quin & vires sumit a symptomatibus illis, quæ ab ipsa nascuntur. Atque dicta febris eum funesto comitatu omni, (*Tussi* scilicet, *sputo sanguinis*, *dolore*, &c.) pro ratione liberioris materiæ morbificæ expectorationis, sensum minuitur. At materia hunc morbum committens, non semper, eodem procedente, concoctionem expectorationi debitam attingit: sit enim non raro, ut materia paucula adhuc & tenuis, sicut in principio morbi, tussiendo educatur, & consequenter febris cum reliquis symptomatibus ne hilum remittat, donec agrum jugulaverit. Æger interea nunc alvo est nimis adstricta, nunc soluta nimis, dejectionibus crebris & liquidissimis. Est ubi morbo admodum invalescente, & venæ sectione non celebrata, æger

Sydenham Opera Med. Tom. I.

ne tussire quidem valeat, sed immani dyspnœa laborans, tantum non suffocetur inflammationis vi; quæ tanta aliquando reperitur, ut pectus ne ad spatium quidem respirationi debitum sine exquisitissimo dolore queat expandi. Est etiam ubi post ingentem inflammationem, & omissam phlebotomiam, quæ nascente morbo fuerat imperanda, mox ad apostema res redit, *pure* in thoracis cavitatem subinde depleto; quo in casu, quamvis primaria febris vel omnino cesset, vel minus saltem urgeat, attamen, in vado non est æger, sed *Empyemate*; atque *Febre Hæctica* succedentibus, miser *Tabe* extinguitur.

Jam vero licet *Pleuritis* propriæ illi atque specificæ sanguinis inflammationi, quæ eam, quando affectus primarius exiit, producere solet, originem suam debeat, per accidens tamen aliis febribus quandoque supervenit, cujusunque demum generis ex sint, ex præcipitatione scilicet materiæ febrilis in pleuram, vel musculos intercostales. Atque illud quidem in ipso fere febris initio accidit, cruda adhuc existente materia febrili, nondumque per idoneam ebullitionem subacta, adeoque nec ad separationem debitam per loca magis conferentia præparata. Hoc autem incommodi sæpissime ex intempestivo ac præpostero calidorum medicamentorum usu infertur, qualia a nobilibus quibusdam scæminis exhiberi solent; quarum interim benevolentia charitasque multo melius in pascendis pauperibus, quam in iisdem medicandis, collocaretur. Atque illæ quidem eo consilio (si tamen ullo utantur) id faciunt, ut in primo statim febris insultu, provocetur sudor; parum cogitantes, quam inconsulto, atque infelicitè idem tentent. Natura enim hoc pacto turbata, humores adhuc crudos existentes expellere, quæ data porta, cogitur; atque adeo nunc in cerebri meninges impetu fertur materia febrilis, indeque *Phrenitis*; nunc ad membranam costas succingentem idem malum appellit, ex quo *Pleuritis* oboriri solet; præsertim ubi ægrorum ætas, ac temperamentum, annique tempestas inter Ver atque Æstatem ambigens, sua etiam symbola ad rem contulerint. Certe enim tempestate illa febres in Pleuritidem transire proclives sunt.

Pleuritidem autem, ejusmodi quam diximus præcipitationi ortum suum debere, evacuati per venæ sectionem cruoris color subindicare videtur. Nimirum sanguis (saltem ille qui post primam vicem extrahitur) ubi

N

refri-

refruxerit, sevi liquati præ se fert speciem ad crassitiem satis conspicuam; ac superficiem habet veri *puris* æmulam, & tamen ab eo longe diversam, utpote quæ fibris instar reliqui sanguinis, arcè contextitur, nec ad modum puris defluit, quin a reliquo divulsa discolor illa pars, formam cuticulæ tenacis & fibris refertæ exhibet; & fortasse nihil aliud est quam fibræ sanguineæ, quæ rubicundo ac naturali suo integumento per præcipitationem exutæ, ambientis aëris frigore in membranam hujusmodi subalbidam concrevere. At vero (ut id obiter attingam) animadvertendum est, quod si sanguis, e secta vena non recto humine versus Horizontem profiliat, sed per cutim repens perpendiculariter dimanet, utut celeri se propriat gradu, sæpe tamen ad dictum colorem non accedit, cujus ego me causam nescire fateor. Neque æger ab istiusmodi sanguinis missione perinde levatur, ac si modo primum descripto fluat. Quinimo cum hoc ipso modo extrahitur sive orificium angustius, sive quid aliud obstitit, quo minus pleniori exeat gurgite, neque hic sanguis Pleuriticorum sanguinem colore æmulatur, neque æger par exinde commodum capit. Observavi etiam, quod si sanguis recens extractus, quotcumque demum modo fluxerit, immisso digito agitur, superficie rubenti ac florida, ut in aliis morbis quibuscumlibet, spectabitur.

Utut vero sanguis se habet, morbus hic tamen infamis, & plerisque aliis suapte natura periculosior, tamen si perite tractetur, facile vincitur, & quidem non minus certo constanter, quam alii Medicorum conatus ad homines ab orci faucibus liberandos, morbosque averruncandos, perducere ad exitum felicem solent.

Variis hujusce morbi Phenomenis diligenter perpensis, nihil aliud illum esse arbitror, quam febrem a propria & peculiari sanguinis inflammatione ortam, qua Natura materiam peccantem in pleuram deponit, nonnunquam & in pulmones, unde *Pneumonia* suboritur, quam a priore, gradu tantum, & pro majore ejusdem causæ intensione extentuque latiori differre auro.

(1) Hunc itaque in dicto morbo pellendo mihi scopum propono, ut scilicet sanguinis inflammationem reprimam, & particulas ejusdem accensas, quæ in membranam co-

stas succingentem vim fecerunt, & incendio collabefactarunt omnia, per evacuationes debitas revellam.

Quamobrem in venæ sectione spem ponens maximam, ut primum accensor, sanguinem e brachio lateris affecti ad uncias decem, aut circiter mittendum curo. Potionem deinde sequentem statim a venæ sectione primum celebrata sumendam præscribo.

℞. Aq. Papav. Rhæad. ℥iv. Sal. Prunell. ℥j. Syr. Violar. ℥j. M. F. Haustus. Eodem tempore sequentem emulsionem præscribo.

℞. Amygd. dulc. N. viij. Sem. Melon. & Pepon. an. ℥ss. Sem. Papav. alb. ℥ij. contundantur simul in mortario marmoreo, sensim affundendo Aq. Ford. ℥ij. Aq. Rosar. ℥ij. Sacchar. cand. ℥ss. M. F. Emulsio; Cap. ℥iv. quarta quaque hora. Pectoralia etiam impero frequenter usurpanda, e. gr.

℞. Decoct. Pectoral. ℥ij. Syr. Violar. & Capillor. Ven. an. ℥jss. M. F. Apozema; Cap. ℥℥. ter in die.

℞. Olei Amygdal. dulc. ℥ij. Syr. Violar. & Capill. Ven. an. ℥j. Sacch. cand. ℥℥. M. F. s. a. Eclegma, de quo lambat sæpius in die. Oleum etiam Amygd. dulc. per se, vel Oleum Sem. Lini recentem extractum magno sæpe cum fructu assumuntur.

Dietam quod spectat, carnibus omnino interdico, atque insuper earundem decocto quamlibet limpidissimo. Consulo ut jusculis vescatur hordeaceis, avenaceis, & panatella, & pro potu utatur pitana ex decocto hordei cum rad. acetosæ, liquirit. &c. ac nonnunquam cerevisia lupulata tenui.

Porro, sequens unguentum præscribo. *℞. Ol. Amygd. dulc. ℥ij. Ung. Pomati, & Dialtheæ an. ℥j. M. F. Linimentum, quo inungatur latus affectum mane & sero, superimponendo solum brassicæ. Jubeo item ut in dictorum remedium usu persistat per omnem morbi decursum.*

Eodem ipso die, quo primum accersor, si dolor vehementer urgeat, sanguinis tandem quantitatem rursus detrahi præcipio, vel nihilominus die sequenti, ut etiam tertio die; atque hoc modo ad quartam usque vicem, continuis quatuor diebus, (nisi prius æger convalescit) venæ sectionem repero, ubi scilicet dolor, atque alia symptomata admodum sæviunt. At vero, si vel morbus remissior & minoris periculi, patiat ut lentiori pede progrediar, vel etiam dejectæ ægræ

ægri vires non facile ferant venæ sectionem post tam brevīa intervalla repetitam; Phlebotomiam jam bis celebratam non deinceps repeto, nisi interjecto die uno aut altero inter singulas vices. Quæ quidem in re normam mihi statuo contraindicantia; hinc nempe morbi violentiam, inde vero immixtas fractasque ægri vires ad invicem trutinatas. Et quanquam in curandis morbis integrum mihi esse volo, ut plus minusve sanguinis pro rei ratione demendum præcipiam, raro tamen observavi *Pleurisim* confirmatam in adultis minori quam 40. circiter *unciarum* sanguinis impenſa sanatam: licet in pueris semel tantum aut bis secuisse venam ut plurimum suffecerit. Neque, quæ nonnunquam supervenit, *Diarrhœa*, rependis jam dictis venæ sectionibus obicem ponit, quæ quidem ipsa hac methodo brevi sistitur, etiam non adhibitis medicamentis restringentibus.

Enemata vel infolidum omitto, vel maxima, qua fieri potest, inter repetitas venæ sectiones intercapedine curo insicienda, eaque non nisi simplicissima illa e saccharo in lacte soluto.

Durante morbo id ago, ne æger nimis exstuet, ac proinde liberum illi facio, ut lecto quotidie eximatur; idque ad horas aliquot, prout vires fuerint; quod quidem tanti est in hoc morbi genere, ut si æger lecto jugiter affigatur, neque hæc tam larga sanguinis evacuatio, neque remedia alia utcunque refrigerantia, ad dicta symptomata perdomanda vel minimum aliquando proficiant.

Mox ab ultima venæ sectione, nisi forte prius id contingat, symptomata omnia mitescent, & æger (qui per aliquot adhuc dies & a liquoribus spirituosis quibuscunque, & a crassioribus cibis arcendus est) pristinas vires non ita diu post resumet: quo quidem tempore non abs re erit, ut alvus tenuiori aliquo Cathartico sollicitetur.

Jam vero si quem moveat, quod huic vix insistentes, *Expectorationem* vix quidem attingamus, nedum quibus illa rationibus per varia morbi tempora sit promovenda, operosius disseramus, sciat ille hæc non per incuriam nobis excidisse, sed dedita opera diuque satis cogitata, neglecta tandem fuisse & præterita. Cum semper existimaverim in summo discrimine versari illos, qui morbum hunc expectorationi eliminandum committerent. Nam ut tedium hujus methodi, quæ Natura materiæ morbificæ ejiciendæ satagit, omittamus, nimium periculosa insuper res

est alere; cum non raro eveniat, parte aliqua materiæ jam concocta, forte etiam per *anastomosis* rejecta, reliquam adhuc crudam manere, idque successive, præstantissimis quibusque remediis maturantibus expectorantibusque incassum usurpatis, cum expectoratio nunc quidem satis auspicate procedat, nunc penitus supprimatur; ægro interim usquequaque periclitante, atque pro meo in expectorationem imperio (quod sane nullum prorsus est) sive vivis, sive etiam mortuis adjudicando. Cum e diverso, mediante venæ sectione, morbifica materia penes meum sit arbitrium, & orificium a Phlebotomo incisum tracheæ vices subire cogatur. Quinimo constanter assero, huncce morbum, qui, si juxta præcepta a nobis damnata tractetur, inter patentissimas orci januas merito recensetur, æque certa ac tuta methodo jam a me præscripta (ut de brevissimo quo jam profligatur tempore nihil jam dicam) ac alium quemlibet morbum debellari. Nec dum mihi innotuit vel minimum damni a tam larga sanguinis (ut imperitis videri potest) detractioe cuiquam fuisse illatum.

Sæpe quidem aggressus sum in tractando hoc affectu, *Demorari* rationem aliquam stabilire, quæ citra ingentem hanc sanguinis jacturam subsisteret, nempe vel humorem resolvendo, vel expectorationis promotione illum evacuando. Sed nondum ea fors mihi contigit; ut huic ipsi, supra memoratæ praxi, parem aliquam reperire potuerim, cujus beneficio (non obstante tristi illa apud Hippocratem de *Pleuritide sicca* prognosi) ægrum etiam non moratus expectorationem ab insultu morbi vindico; per ipsum sectæ venæ orificium & Pleuritidi fugam parans, & sanitati reditum.

Quandoquidem vero hujus morbi curatio in repetita venæ sectione fere tota stat, quæ tamen ab imperitis Chirurgis, & nescio quibus Medicis in locis ab oppidis populosioribus longe distitis celebrata, miseros a *punctura Tendinum* in artus amittendi, atque adeo in vitæ magnum discrimen sapissime conjicit, non abs re fore duxi, rationem huic malo succurrendi, si forte fortuna impingatur, hic subnectere. Qui vero punctura hujusmodi plectuntur, dolorem non statim sentiunt, sed duodecim horis post Phlebotomiam se eodem affici conqueruntur, non tam in orificio nuper facto, quam in partibus ad axillam tendentibus, ubi tandem

dolor se figit, & tunc maxime percipitur, cum brachium^o extenditur. Attamen læsa pars tumore admodum insigni non afficitur, eodem avellanæ magnitudinem vix superanti, sed ex orificio humor aqueus vel ichor quidam jugiter destillat, quod quidem præcipuum puncturæ tendinis diagnosticum est habendum. Ita curatur, ut & propriis oculis ipse observavi.

℞. Rad. lilior. albor. ℥iv. Coq. ad tene-ritudinem in lactis vaccini ℔ij. Deinde ℞. farin. lin. & avenac. aa. ℥ij. Coquantur & farina ad Cataplasmatem consistentiam in f. q. lactis & radicibus prædictis collati, & radicibus contusis misceantur. f. Cataplasma, parti affectæ calidè applicandum mane & vesperti.

C A P I T U L U M IV.

Peripneumonia Notha.

Hyme ingruente, at sæpius sub ejusdem exitum, Vereque adhuc nascente, quotannis emergit febris *Symptomaticus Peripneumonici* haud paucis conspicua. Paulo habitiores ac crassos ea præ cæteris aggreditur; virilem ætatem vel assecutos, vel etiam (quod sæpius accidit) prætergressos, liquoribus spirituosos (vini maxime spiritui) plus æquo addictos. Cum enim in hujusmodi hominibus sanguis humoribus pituitosis, brunz tempore congestis, fuerit oneratus, atque idem ab ineunte Vere in novum motum cieatur, tussis hanc nacta occasionem, mox subingreditur, qua ministra dicti humores pituitosi in pulmones irruunt: quo tempore si forte æger nullo vivens consilio, liquores ejusmodi spirituosos adhuc liberalius hauriat, crassescere jam fere quæ tussim excitabat materia, & ab ea præcluduntur pulmonum aditus, & febris omnem sanguinis massam depascitur. Primo febris insultu nunc incalescit æger, nunc friget: Vertiginosus est, de capitis dolore queritur lancinante, quoties tussis importunius fatigat. Potulenta omnia vomitu rejicit, nunc sine tussi, nunc illa vexatus. Urina turbida cernitur, & rubens intense. Sanguis detractus Pleuriticorum sanguinem refert, anhelus sæpenumero spiritum crebro ac celeriter ducit. Si moneatur ut tussim provocet, haud aliter dolet caput, ac si in partes mox

diffiliret (qua loquendi formula ægri ut plurimum utuntur.) Dolet & thorax omnis, vel saltem pulmonum coarctatio adstantium auribus percipitur, quoties tussit æger, pulmone non se satis dilatante, præclusis adeo ab intumescencia, ut videtur, meatibus vitalibus; unde intercepta circulatione, sanguineque quasi præfocato, nulla fere, præsertim in habitioribus, febris indicia sunt; licet hoc accidere etiam possit ob materiæ pituitosæ copiam, qua horum sanguis gravatus in plenam ebullitionem nequit assurgere.

(1) In curanda hac febre id mihi negotii dari sentio, ut sanguinem istum, qui ad pulmonum & suffocationem, & incendium facit, Phlebotomia revellam; ipsos pulmones remediis pectoralibus deobstruam atque eventilem; & diætæ refrigerantis calorem compescam. Cum vero *hinc* materiæ pituitosæ saburra in venis contenta, pulmonum inflammationi fomitem quotidie subministrans, venæ sectionem sæpe repetitam videretur indicare; *illinc* vero observatio, quam facere potui diligentissima, me doceret Phlebotomiam sæpe repetitam febricitantium iis, qui crassiore essent corporis habitu (præsertim ætatis florem prætergressis) pessime celsisse, atque adeo ab ejusmodi repetitione haud minus abstergeret; *Catharsin* ergo crebriorem venæ sectioni succenturiabam, quæ ei satis recte substituitur, in illis qui a largiori, & iterata sæpius Phlebotomia adhorrent.

Ad hunc itaque modum processu; sanguinem e brachio in lecto jacentis extrahendum præcepi, nec passus sum ut ex eo surgeret ad duas tresve horas; cum omnis sanguiniseductio, quæ universam corporis compagem labefactat quadantenus concutitque, hoc pacto facilius toleretur; ita ut mitius cum ægro agatur, cum in lecto cubanti unciae decem fuerint detractæ, quam si sex septemve tantum amiserit, postquam e cubili surrexerit, die sequenti potionem sequentem mane sumendam propono.

℞. Cassia extract. ℥j. Glycyrrhiz. ℥ij. Ficus pingues N. iv. fol. Senn. ℥ij. Agarici trochiscat. ℥j. Coq. f. q. Aquæ Colat. ℥iv. dissolv. Manna ℥j. Syr. Ros. solut. ℥3. Ms. f. potio.

Postridie sanguinem secunda vice mittere soleo, atque interjecto die uno potionem Catharticam modo præscriptam iterum exhibeo,

(1) *Curatio.*

hibeo, diebus alternis jugiter repetendam, donec omnino convalescat æger. Diebus a purgatione vacuis, *Decocto Pectorali*, *Oleo Amygdal. dulc.* ac id genus aliis, ut utatur consulo.

A carnibus & earum iusculo, maxime vero a liquoribus spirituosus quibuscunque, ægrum interim inhibeo; quorum loco ptisanam ex hordeo & liquiritia, (Cerevisiam item tenuem, si eam efflagitet) pro potu ordinario concedo.

Atque ista quidem methodo vincenda est *Peripneumonia hæc Nosæ*, orta ab exundanti colluvie pituitosa in sanguine aggesta ob Hyemis analogiam, & in pulmones explosa; in qua non tantum iterata venæ sectio, sed & Catharsis etiam indicabatur, secus atque in *Vera Peripneumonia*: quam ego ejusdem plane indolis cum *Pleuritide* esse arbitror, atque ab illa in eo tantum differre, quod *Peripneumonia* pulmones universaliter afficiat. Quin & utrique morbo pari omnino methodo medemur, venæ sectione sc. præ cæteris, & medicamentis refrigerantibus.

Nota hæc Peripneumonia, licet ad *Asthma siccum* aliquantulum accedat, tum quoad spirandi difficultatem, tum etiam alia quædam symptomata, ab illo tamen satis distinguitur, cum in ista manifesta febris atque inflammationis signa se prodant, quæ in hoc nusquam comparent; quamlibet in hac specie minora sint longe ac obscuriora illis, quibus insignitur *Vera Peripneumonia*.

Diligenter autem animadvertendum, quod ubi vini spiritui aut aliis id genus liquoribus, cum hoc morbo conflantes se olim addixerint, minime tutum erit eos statim ac derepente ab his depellere; sed sensum id agendum, quo minus *Hydropi* tam repentina mutatio ac abrupta viam sternat. Quod etiam in morbis quibuscunque ab hac *Peripneumonia* oriundis, observari debet. Cum vero de *Spiritu Vini* mentio fuerit facta, hic obiter dicam. Optandum sane esset, quod aut idem omnino exulet, aut saltem spiritibus reficiendis, non vero iisdem extinguendis usurpetur: nisi quis internum ejus usum prorsus abdicandum maluerit, proindeque a Chirurgis solum ad *Ulcerâ digerenda* foribus immiscendum, aut *Ambustis* extus admovendum: quo postremo casu omnibus remediis, quotquot adhuc inventa fuerint, hic liquor facile palmam præripit, cum autem subjacentem ab omni putrefactione tueatur ac vendicet, atque eo nomine curationem, quam cito absolvat, *digestionem*,

quæ non nisi admodum tarde sua tempora percurrit, etiam non moratus: nempe si linthea spiritu vini imbuta partibus ab aqua ferventi, pulvere pyrio, vel simili lætis, quam primum hoc infligitur malum, applicentur, eademque spiritu dicto madefacta subinde repetantur, donec dolor ab igne penitus evanuerit, & postea solum bis in die.

C A P U T V.

Rheumatismus.

Nullo non tempore incescit hic morbus, maxime *Autumno*, & præ cæteris annis florescentes & ætate *peripneumonia*. Hac ut plurimum occasione nascitur; æger sc. sive exercitio aliquo vehementiori, sive alio modo excalefactus, mox repentinum frigus admisit. A rigore atque horrore orditur tragædiam, quos statim excipiunt calor, inquietudo, sitis, & reliqua illa infelix symptomatum caterva, quibus stipantur febres. Elapso die uno alterove, (est & ubi citius) æger atroci dolore, nunc in hoc, nunc in illo artu infestatur, in carpis, humeris, genibus præsertim, qui locum subinde mutans, vicissim illos occupat, rubore quodam & tumore in parte quam postremum affecit adhuc residuis. Primis aliquot diebus, febris & symptomata jam memorata quandoque coincidunt; febris autem sensim evanescit, manente dolore, quin & nonnunquam immanius saviente, materia sc. febrili in artus translata; quod satis arguit febris ipsa sæpius recrudescens ob materiam morbificam ab intemperativo externorum usu repercussam. Morbus hic quoties a febre sejungitur, *Arthritis* sæpe audit, quamvis essentialiter ab illa distinguatur, prout cuivis facile constabit, cui uterque morbus intimus fuerit perspectus: unde forsitan petenda est ratio, cur tam sicco illum pede transiverint scriptores Medici. Nisi forte arbitremur, hanc morbi speciem ad reliquam malorum *Iliadam* de novo accessisse. Utur se res habeat, jam plus satis grassatur hic morbus; & licet rarissime hominem e medio tollat, febre semel depulsa, tamen & vehementia doloris & diuturnitas eum prorsus contemni non sinunt. Etenim si minus perite tractetur, non ad menses tantum, sed ad annos etiam aliquot, imo per omnem adeo vitam miserum haud infrequenter discruciat; quamvis in hoc casu, non eodem semper vigore, sed paroxysmis quibusdam periodice repetitis, ad instar *arthritici*.

thritidis, subinde lacescit, imo vero potest fieri ut ubi diu multumque vexaverint dicti dolores, tandem sponte desistant, atque inseriem æger omni membrorum motu ad mortem usque privetur, digitorum articulis quasi inversis, & protuberantibus, ut in arthritide, nodosis in interna magis quam externa digitorum parte se prodeuntibus: stomacho nihilominus valeat, & cætera sanus vitam toleret.

Est & alia hujus morbi species, licet non hujus esse prosapie vulgo credatur, quæ *Lumbago Rheumatica* aptissime dicitur: immanis dolor, scilicet idemque fixus circa lumborum regionem, ipsumque aliquando ad os sacrum se demittens, *Paroxysmum Nephriticum* mentitur: nisi quod æger non vomitur; nam præter dolorem atrocissimum, & vix ferendum circa ipsos renes, aliquando & ureteres per omnem eorum ductum ad vesicam usque, eodem licet mitiori, tentatur. Qui & mihi olim imposuit, tanquam a materia aliqua sabulosa in iis partibus hærente penderet; cum revera materia *Rheumatica* peccanti, & inflammata ortum suum debeat, quæ quidem partes illas jam solas urit, intacto reliquo corpore. Immanis hic dolor, nisi abigatur eodem modo, quo prior species pariter etiam perdurat, pari sævitia excrucians; adeo ut miser nequeat procumbere, sed vel lecto exiliat, vel super eodem erectus sedeat, corpore interim perpetua agitatione nunc versus anteriora, nunc posteriora inclinato, redustoque.

(1) Cum utraque hæc morbi species ab inflammatione videatur oriri, quod tum jam dicta arguunt phænomena, tum præsertim sanguinis venæ sectione educti color, utpote qui pleuriticorum sanguini tam est similis, quam ovum ovo; neque quisquam reperitur, qui hos inflammatione laborare vel quidem dubitaverit; his, inquam, ita se habentibus, censeo ego, curationem non aliunde quam a Plebotomia debere sumi, sanguine interim contemperato, ejusque nimio fervore represso, tum medicamentis refrigerantibus atque incrassantibus, tum etiam conveniente regimine.

Ac proinde ut primum accersor, statim sanguinis, ℞. e brachio lateris affecti mitti jubeo, & Jalapium refrigerans incrassansque ad hanc fere normam præscribo. ℞. *Aq. Nymph. Portulac. & Lactuc. an. ℥iv. Syr. e*

limonibus ℥ij℥. Syr. Viol. ℥j. M. f. Jalap. de quo bibat ad libitum: vel etiam emulsionem in curatione morbi lateralis jam descriptam. Ad dolorem sedandum, *Cataplasma e mica Panis siliginis, & lacte croco vincto*, vel *fol. brassicæ* parti affectæ applicandum, & sæpe renovandum curo. Dietam quod spectat, carnibus prorsus interdicto, quin & earum jusculo, quantumlibet tenui limpidoque; quibus substituo juscula hordeacea, avenacea, panatellam, & ejusmodi. Cerevisiam tenuem mitemque pro potu tantum concedo, vel etiam (quæ magis ad rem facit) prisanam ex hordeo, rad. Liquirit. Acetosæ, &c. in aqua fontana incoctis. Volo interim, ut per aliquot horas singulis diebus lecto se abstineat, cum calor, qui a jugi decubitu nascitur, morbum promoveat intendatque.

Die sequenti sanguinis tantundem detrahi præcipio; atque intercalato die uno altero, pro ægri viribus, tertio; dein interjecto trium quatuorve dierum intervallo (prout ægri vires, ætas, constitutio, aliæque circumstantiæ suadent, monentque) quarto, atque ultimo, ut plurimum, venæ sectionem repeto. Raro enim invenit, ut ultra quartam vicem venam incidamus, nisi vel regimen justo calidius præcesserit, vel medicamina calidiora ægto præter necessitatem fuerint ingesta. Quin & Anodyna sive Pægorica dicta remedia effusorem sanguinis missionem postulant: Quamobrem utut sæviat dolor, per omnem hujus morbi decursum, religiose mihi ab his temperandum existimo, modo mihi animo sit curationem a sanguinis missione solum petere, cum illorum usu figatur morbus, neque tam facile venæ sectioni cedat, quæ ideo ob hæc ipsa medicamenta officiose nimis exhibita; sæpius quam erat opus, celebranda est. Quid quod & in morbi statu, neque eam, quam titulo pollicentur, *anodyna* valeant præstare?

Interim dum prædicta remedia, diætæque sedulo usurpantur, *Enema* e lacte saccharato subinde injici curo, diebus scilicet a Plebotomia vacuis. Porro ut hæc omnium ad dies minimum octo ab ultima venæ sectione diligenter observentur, serio hortor moneoque; quibus elapsis, *Potionem Catharticam* e lenitivis præscribo mane hauriendam, & insequenti vespere dosin paulo liberaliorem

Syr.

Syr. de Mesonio in Aqua fl. Paralyf. quo sc. sanguinis orgasmus, unde & recidivæ periculum aliter intentari poterit, penitus reprimatur. Quibus rite peractis, ut in pristinum vitæ genus, quoad victum, exercitia, atque aërem, pederentim se recipiat, lubens patior, ita tamen ut neque vinum, neque liquorem spirituosum quemlibet, neque etiam cibos, sive sale, sive aromatis conditos, sive etiam *diversa* quæcunque, nisi diu postea degustare liceat.

Post venam, quoties supra innuimus, pertusam, ægri dolores admodum imminuentur, neque tamen adhuc prorsus evanescunt; at vero refarcita, quam fecerat sanguinis detractio, virium jactura (superveniente maxime proximo illo anni tempore, quod magis faciet ad redintegrandum corporis robur, quam id, quo primum decubuit æger) symptomata ad unum omnia cessabunt, atque æger pancreaticæ inposterum valebit.

Jam vero, tametsi prædicta methodo, aut alia hinc simili, tempestive atque sub ipso morbi ingressu adhibita, cum, quem jam dixi, finem ut plurimum sortiatur; non raro tamen accidit, ut ibi æger per errorem contrario plane modo fuerit tractatus, doloribus vagis, nunc quidem mitioribus, nunc vero atrocioribus, per omnem vitam misere discrucietur: qui quidem minus cautis nullo negotio imponunt, & pro *Scorbuti* symptomatibus vulgo habentur. Hic enim obiter, sed & libere tamen dicam, quod licet nullus dubitem, quin *Scorbutus* in his plagis Borealibus revera inveniat, tamen cum morbum non tam frequentem, quam fert vulgi opinio, occurrere persuasum mihi habeo; multos autem ex iis affectibus (ne pluribus dicam) quorum nomine *Scorbutum* inculamus, vel morborum *Fientium*, nondum vero *Factorum*, quique nullum adhuc certum induerunt typum, effecta esse; vel etiam infelices reliquias morbi alicujus nondum penitus devicti, a quibus sanguis cæterique humores contaminantur Verbi gratia, quibus in corporibus materia aliqua *Arthritidi* producendæ apra recens generatur, nondum tamen in artus depluit, varia se ostendunt symptomata, quæ *Scorbuti* suspicionem facient, donec *Arthritis* jam formata, atque actu se exerens, nullam amplius dubitandi locum relinquat. Neque ignoramus, non pauciora symptomata *Scorbutum* mentientia, *Podagricos* jam a paroxysmo liberatos infestare (dum scilicet vel intempestivus evacuantium usus, vel ægri efficta ætas, vel

alia aliqua causa Naturam interpellaverit,) quo minus materiam omnem *Arthriticam* in artus exonerare valuerit; quæ adhuc res-tenta, cum *Arthritis* existat, totam sanguinis massam inquinat, & confertissimo pessimorum symptomatum agmine hominem laceffit. Quod quidem non de *Arthritide* tantum, sed & *Hydrope* adhuc incipiente dictum volo; de quo morbo licet vulgo jactetur, *Ubi desinit Scorbutus, ibi incipit Hydrope*, hæc tamen regula sæpe sæpius non aliter est accipienda, quam quod, ubi primum se *Hydrope* manifestis prodit indicis, præconcepta de *Scorbuto* opinio statim collabescit. Potest & idem hoc affirmari de quamplurimis aliis morbis Chronicis, vel adhuc in corpore humano nascentibus, quique proinde nondum certum aliquem sibi cuderunt typum; vel etiam de illis, qui licet partim fugati sint, nondum tamen penitus debellati exterminatique videntur. Et sane nisi hoc concedamus, *Scorbuti* nomen, uti hodie sit, in immensum crescit, & omnem fere morborum numerum absolvit. Cum, si id sedulo agamus, ut abdita cujunque morbi penetralia perscrutemur, cumque post irregularium symptomatum vela latentem eruamus, sua se mox specie sit proditurus, & ad illam ad quam attinet familiam haud difficulter relegandus. Quin & methodus, qua hujuscemodi morbi sunt abigendi, non adulterinis illis symptomatibus, sed ipsi morbo, qualisnam is demum fuerit, seu perfecte formato, jamque actu existenti accommodanda.

Sed hic notandum, non adeo consultum esse, quando *Rheumatismus* aliquot annorum diuturnitate altas radices egit, sanguinem tam brevibus ac sub ejusdem primordiis fiebat, intervallis mittere; quin præstare, septimanarum aliquot intercapedine repetitas illas venæ sectiones determinare; quæ tandem vel penitus materiam morbificam averruncabunt, vel saltem eo conducent, ut fontanella in crurum alterutro excitata, & spiritus quovis volatili in vino Canarino mane & sero exhibito, reliquias ejus extirpentur.

Jam vero quantumcunque discriminis inter verum *Rheumatismum*, ut supra innui, & *Scorbutum* intercedat, aliam tamen speciem esse *Rheumatismi*, quæ ad *Scorbutum* quam proxime accedit, omnino confitendum est, utpote quæ insigniora hujus morbi symptomata simulatur; & pariter eadem ferme remedia sibi vendicat, ideoque mihi *Rheumatif-*

Febris Erysipelatosa.

matissimus Scorduticus audit. Dolor nunc hanc, nunc illam partem obsidet, sed eadem in tumorem ac in alia specie raro attollit, neque febrem sibi comitem adiungit. Insuper non adeo fixus manet, sed indolem magis vagam ac incertam refert, cum anomalis inconditisque symptomatibus stipatus. Nunc hunc vel alium artum discruciat, mox internas solum partes afficit, proindeque ægritudinem parit, quæ, redeunte externarum partium dolore, iterum se proripit; ita ægrum alternatim divexans, ac in diuturnitatem longam se protrahens, ad instar morborum, qui vel maxime Chronici habentur. Fœminas præ reliquis adoritur, ut & viros, qui imbecilliori natura sunt; adeoque ad affectuum hysericorum classem referri debere plane suspicarer, nisi quod iterata experientia comprobassent, eum remediis hysericis minime cessisse. Illi etiam, qui longum & repetitum *Corticis Peruviani* usum experti sunt, huic malo sunt obnoxii; quod quidem (ut obiter attingam) unicum est incommodum, quod ex hoc remedio illatum novi unquam. Sed utut id sit, hic affectus sive ex hac occasione, sive ex alia quacunque causa originem ducit, quam facillime debellatur vinciturque usu sequentium, quæ nisi privato commodo publicum prætulissem, prorsus mihi reticenda essent. Etenim his solis quam multos, eo quo descripsimus modo laborantes, sanavi, quibus venæ sectiones, quantumlibet repetitæ, Cathartica, dixta lactea, pulveres testacei, &c. ne hilum profecerunt. Atque hæc sunt.

℞. *Conserv. Cochlear. hortens. rec.* ℞ij. *lujul.* ℞ij. *pulv. Ari Comp.* ℞ij. *cum s. q. syr. Aurant. f. Electuar.* Capiat. ℞vj. *ter in die per mensem integrum, superbibendo aque sequentis* ℞iij.

℞. *Cochlear. hortens. M.* viij. *Beccabung. Nasturt. aquat. salvia, mentha, an. M.* iv. *Corr. Aurant. n. vj. nuc. Moschat. contus.* ℞℞. *Infundantur in Cerevisie Brunsvicensis* ℞xij. *ac distillantur organis communibus, & eliciantur tantummodo Aquæ* ℞. xij. *pro usu.* Atqui præcisa dosis *pulv. Ari comp.* observetur, aut saltem eadem non minuatur.

Nullam non corporis partem, idque nullo non tempore incessit hic morbus, at præ reliquis faciem, exeunte præsertim æstate, quo tempore sæpe dum sub dio versatur, corripitur æger. Facies siquidem ex improvviso in tumorem attollitur, qui subito exorsus cum dolore ruboreque tummis, denso minimarum pustularum ordine distinguitur, quæ aucta magis inflammatione in vesiculas subinde facessunt: hinc per frontem ipsumque caput latius serpit, oculis interim tumoris magnitudine plane obrutis (rusticis *Syderatio* audit) neque multum profecto abludit, nisi quod adsunt pustulæ, ab iis symptomatibus, quæ intus ab apum vesparumque aculeis comitantur vulnera. Hoc se habet modo *Erysipelatis* notissima species ac vulgaris.

At vero quamcumque corporis partem hoc vitium obsederit, ut etiam quocunque anni tempore rigor atque horror, nisi præcesserint (quod nonnunquam pridie, aut nudius tertius solet contingere) huic se inflammationi ut plurimum adiungunt, sitis insuper, inquietudo, ac reliqua febrium indicia, procedente morbo, uti primum febris dolorem, tumorem, atque alia peperit symptomata, (quæ indies ingravescentia nonnunquam in *Gangrena* terminantur) ita hæc invicem haud mediocrem ad febris augmentum conferunt operam, donec remediis idoneis utraque restinguantur.

Est & alia huiusce morbi species, licet rarius occurrens: Hæc quolibet anni tempore invadit, idque hac ulplurimum *speciei*, quod scilicet æger vinorum subtilium magis magisque attenuantium potationi paulo liberalius indulserit, aut liquoris similis spirituosi. Febriculam, quæ in agmen ducit, mox excipit: pustularum per universum fere corpus eruptio, quæ urticarum puncturas referunt, & nonnunquam in vesiculas attolluntur, mox recedentes tuberculorum more sub cute se condunt cum pruritu mordacissimo & vix tolerando, at quoties levissimam scalpulturam subeunt, rursus apparent.

(1) Hic ego materiam peccantem sanguini permixtam rite evacuandam, ejusdemque sanguinis ebullitionem remediis illam con-

tem-

temperantibus sufflaminandam censeo; eam denique, quæ jam partibus impacta est, materiam evocandam, discutiendamque.

Hæc ut fiant, ubi primum accedo, satis largam sanguinis quantitatem e brachio extrahi præcipio, qui quidem pleuriticorum sanguinem sere semper æmulatur. Die sequente blandam illam potionem Catharticam mihi in praxi familiarem exhibeo, & hora somni (si paulo frequentius dejecerit æger) haustum aliquem Paregoricum, e. gr. *Syr. de Meconio in Aq. fl. Paralyf.* vel alium ejusmodi. Peracta Catharsi, partem affectam sequenti decocto soveri jubeo. *℞. Rad. Alth. & Lil. an. ℥ij. fol. Malv. Sambuc. Verbas. an. M. ij. flor. Melilot. summit. Hyper. & Centaur. min. an. M. j. Sem. Lini & Fæ-nugr. an. ℥℥. Coq. in f. q. aq. ad ℔ij.* Coletur liquor & tempore usus adde singulis libris decocti, *Spir. Vin. ℥ij.* Stupæ e panno laneo levis texturæ hoc decocto immerfæ, ac expressæ calide, admoveantur parti bis in die, quæ post solum quotidie illinatur seq. mixtura *℞. Spir. Vin. ℔℥. Theriac. Androm. ℥ij. pulv. Piperis, longi, Caryophyl. an. ℥j. M. Charta emporctica hæc mixturâ madefacta parti circumvolvarur.*

Æger insuper ut jusculis tantum hordeaceis atque avenaceis, cum pomis assatis vescatur, volo; tum etiam cerevisia utatur tenuissima, & per horas aliquot singulis diebus a lecto sibi temperet. Hac methodo tum febris, tum alia symptomata citissime ut plurimum fugantur. Sin aliter, rursus venam seco; quod & tertium nonnunquam fieri debet, interposito semper die uno, si parva nempe adsit sanguinis diathesis, & febris intensior. Diebus a venæ sectione liberis *Enema* e Lacte cum *Syr. Violaçeo*, & *Julap. refrigerantia* ex *Aq. Nymph. &c.* in *Rheumatismi* curatione jam dicta, qualibet hora diei usurpanda præscribo. Ut plurimum vero unica venæ sectio, & subsequens Catharsis, si tempore adhibeantur, rem expediunt.

Quæ urticarum puncturas, cum pruritu, refert species, pari modo est amolienda, nisi quod hæc remediis ab extra applicandis minus eget.

Hic obiter dicam, quod licet non solum hic affectus, de quo jam loquimur, sed & plerique eorum, qui cutim impetunt, & eruptionem aliqualem comitem sibi adjungunt (modo Chronici ii non sint) facile huic methodo cedant, ac proinde sanguinis missione & Catharsi iteratis brevi se præ-

Sydenham Opera Med. Tom. I.

plant, eorum tamen aliqui via plane diversa tractandi sint, nec evacuationes modo dictæ quantumlibet repetitæ, nec *pulveres testacei* sanguini edulcorando destinati quicquam proficiunt, cum recrementa quædam pravam diathesin adepta intimius cuti impingantur, non nisi remediis, quæ sanguini robur ac vim conciliant, proindeque cutis spiraculis deobstruendis apta nata sunt, ulatenus amovenda debellandaque. Cum successu itaque non vulgari sequentem methodum aggressus sum in *Pruritu serino*, atque inveteratis id genus cutis eruptionibus. Ut.

℞. Theriac. Andromach. ℥℥. electuar. de ovo ℥j. rad. serpentar. Virgin. subtiliss. pulverat. gr. xv. lapid. Bezoard. Oriental. gr. v. cum f. q. syr. e Conditura Citri f. Bolus, sumendus mane, & hora somni per dies 21. superbibendo Cochli. vj. seq. Julapii.

℞. Aq. Card. Benedict. ℥vj. aq. epidem. & theriacal. stillat. an. ℥ij. syr. Caryophyl. ℥j. mis. f. Julapium.

Singulis matutinis post assumptum medicamentum sudet horæ unius, vel alterius spatio, vel potius pluribus stragulis quam soleret coopertus in lectulo levi madiori indulgeat per dictum tempus. His finitis, si pustulæ adhuc non evanuerint, sequenti linimento partes affectæ inungantur. *℞. Unguent. ex oxylapatho ℥ij. unguent. pomati ℥j. flor. sulphuris ℥ij. ol. Rhodii ℥℥. f. liniment.* Verumtamen medicamenta præscripta haud usurpentur, nisi venæ sectione atque catharsi rite præmissis, quæ tamen solum adhibitæ curationem non absolvent, ægrum tamen contra febrem præmuniunt, ob usum medicaminum calidorum alias occurfarum.

Est & alia *Eruptionis* species, etsi minus frequens, ad cujus medelam nullæ prorsus evacuationes conferunt. Hæc tamen in aliis quandoque partibus, ut plurimum tamen in pectore apparet, ac loco aliquo determinato se figit, vix cutim supereminens, atque latiore maculam præ se ferens, nisi quod aliquantulum porriginosa, ac quasi furfuracea, cum squamulis colore ad flavum vergente tinctis, cernitur. Hac sive *macula*, sive *impetigine* vigente, æger bene se habet, eadem vero evanescente, ut sæpe fit, leviculam ægritudinem patitur, atque urina ejus turbidior, & rubicundior, sed ad flavedinem accedens redditur. In hujus etiam affectus curatione eadem via atque iisdem, post evacuationes universales, plane remediis insistendum ac in pruritu serino modo dicto; ac proinde, quod non omittendum, vini, ut &

ut & carniū *Arctur* usus omnino cōcedendus, cum refrigerantia omniā magis officiant quam profint. Atque ita hæc postrema eruptionis species curatur, quæ tamen aliquando non nisi *Aquis ferreis* diu epotis cedit.

CAPUT VII.

Angina.

Quolibet anni tempore aggreditur, maxime tamen illo, quod Ver atque Æstatem interjacet, juvenes præ cæteris, & temperamento sanguineo præditos; Rufos etiam, quod non semel observavi, præ reliquis omnibus. Rigent horrentque mox a primo morbi insultu, sequitur febris, & paulo post dolor, & faucium inflammatio, cui nisi mature succurratur, æger statim nec deglutire valet amplius, nec spiritum per nares ducere, sed cum sensu quodam strangulationis præcluduntur fauces ab inflammatione, & tumore Uvulæ, tonsillarum, laryngis, ita ut tantum non suffocetur. Ingens ab hoc morbo periculum, utpote qui paucis nonnunquam horis hominem jugulat; quoties scilicet magna vis materiæ febrilis in prædictas partes conjicitur, neque satis tempestive convenientium remediorum usu, ingruenti occurritur procellæ.

(1) Opem laturus, sanguinem cum primis e brachio copiose detraho, mox ex ramula utraque; dein, ut partes inflammatae melle Rosaceo spiritu sulphuris ad summum acorem permixto tangantur, author sum: mox Gargarisma sequens præscribo, non vulgari modo usurpandum, sed ita ut in ore sine ulla agitatione contineatur, donec incalescat, dein expuatur, & repetatur subinde. ℞. Aq. Plantag. Ros. rubr. & Spem. Ranar. an. ℥iv. Album. ovorum in aquam agitando redact. N. iij. Sacch. cand. Alb. ℥iij. F. Gargarisma. Jubeo etiam ut de emulsione in cura Morbi lateralis præscripta vel simili, in dies sumat.

Sequenti mane, nisi febris & dolor inter deglutendum perceptus aliquantulum remiserint, venam in brachio rursus serio, Catharsi in diem posterum rejecta. At si utraque hæc minuat, Catharticum lenitivum statim exhibeo; quod quidem post sanguinis missionem præ omnibus aliis perutile, ac

apprime necessarium esse multiplici experientia comperii. Si forte an, quod quidem oppido rarum est, febris, aliaque symptomata, etiam post Catharsin, bellum minentur, iterata, ut prius, venæ sectione perdomanda sunt, ut & Epispastico amplo ac forti, posteriori cervicæ applicando. Per integrum hujusce morbi decursum, Enema refrigerans emolliensque omni mane, dempto illo, quo Catharsi vacat, injiciendum, atque ægrum hoc pacto reficiendum quotidie præcipio. Carnes, cujuscunque demum generis, & juscula ex iis parata sacra sunt; jusculis vero hordeacis, avenaceis, pomis coctis ac id genus aliis vescitor, ptisana ex hordeo, vel cerevisia tenuissima utitor. Lectulo interim per horas aliquot quotidie absistat: cum hujus temporis tum febris, tum reliquis symptomatibus, quæ hac methodo expugnare satago, vires addat. Animadvertendum est autem, quod istiusmodi Angina, quæ febris, mihi Stationarie dictæ, symptoma tantum est, illa ipsa methodo curari amat, quam febris ea sibi vendicat, ac proinde vel per *Diaporesin* & cutis spiracula exterminanda est, vel per aliam qualemcunque methodum, quæ febri primariæ, cui inhæret, debetur, quod sedula observatione dignum.

Sunt & aliæ febres *Intercurrentibus* jure merito annumerandæ, quæ, quoniam aliquo modo immediate abitum sibi parant, & in hoc vel illo symptomate desinunt, vulgo febres non habentur; licet tales ab origine vere fuerint, atque affectus ille, a quo morbus nomen mutuatur, febris tantum sit *Symptoma*, quæ in illo demum terminatur. Impræsentiarum duas tantum hæmorrhagiarum species. *Hæmorrhagiam* scilicet *Narium*, ac *Hæmoptoen* leviter perstringam.

(2) *Hæmorrhagia Narium* quavis anni tempestate infestat, præcipue sanguine præservido, temperamento vero debiliore præditos; idque magis ætate ingravescente, quam adolescente. Primo ut plurimum impulsu febris præ se fert indicia, qua derepente sibi per nares, qua data porta, faciente viam, dolor & calor incipit adhuc torquent. Sanguis ad horas aliquot profluit, dein aliquandiu sistitur, mox denuo erumpit, atque hæc vicissim: donec tandem vel remediorum usu, vel sponte sua ob imminutam copiam deperditamque cohibitus, omni-

no

no cessat; ita tamen, ut agro singulis annis a recidiva metuumdum sit, si vel a liquoribus spirituosius, vel alia occasione quolibet aestuare contingat.

Eum hic mihi scopum propono, ut sanguinis fervor nimius atque ebullitio, unde oritur dicta præter naturæ modum extravasatio, frænis omnibus compescatur, ejusque impetus alio vertatur. Ea propter frequenter brachii venas tundo, & sanguinem liberaliter extraho, *Pleuriticorum* sanguini colore semper respondentem. Victus rationem refrigerantem, atque incrassantem injungo. Ut aq. fontan. partes tres, lactis unam simul coctas, & frigide hauriendas; poma cocta, juscula hordeacea, & similia a carnibus abhorrentia. Julapia insuper refrigerantia atque incrassantia, una cum emulsionibus, in morbis inflammatoriis supra descriptis. Lectulo item ut absistat per aliquod spatium quotidie, nec vel semel quidem omittatur. Haustu quinetiam hora somni Paregorico & Diacodio, ceu catena constrictus sanguinis furor coercetur. At vero cum hujusmodi Hæmorrhagias non raro comitetur lymphæ acrior, quæ sanguini permista ejus motum adjuvat, venarum orificia referando, præter revulsionem & refrigerationem, solemne mihi est Catharticum blandius, vel in ipsius morbi ætate propinare, cujus operatione finita, Anodynum exhibeo præter solitum viribus auctum; & ubi symptoma penitus evanuerit, aliud demum Catharticum.

Quoad externas applicationes, lintea quadruplicata immersa aquæ frigidæ, in qua *Sal prunelle* dissolvatur, & postea leviter expressa admoveantur nuchæ ac utrinque cervici sæpius in die. Item post universas evacuationes peractas liquor sequens applicetur. *℞. Vitriol. Hungar. & Alumin. an. ʒj. Phlegmatis Vitriol. ℥ss. Coq. tamdiu, donec omnia fuerint dissoluta. Liquorem refrigeratum filtra, & a Crystallis subinde natis separa. Liquori residuo adde Ol. Vitriol. duodecimam partem. Turunda ex linteo raso liquore hoc probe humectata, nari ex qua sanguis stillat indatur, per dies duos isthic relinquenda.* Quo etiam liquore lintamina imbuta, & applicata sanguinem sistunt ex quacunque demum parte externa idem desinat.


(1) *Hæmoptoe* etiam, quæ in ætatis ac veris confinio homines calidioris tempera-

menti, ac minus robusti adoritur, & quorum pulmones minus recte valent, præ se- nibus item juniores, ejusdem fere indolis cum Hæmorrhagia jam tractata mihi est, cum & hæc quoque febris sit, quæ tam nomen, quam essentiam exuit suam illa qua soluta est crisi; hoc fere tantum discrimine, quod in morbo priori sanguis nimium agita- tus in narium venulas, in hoc vero in pul- mones impetum facit; atque in illo, duran- te fluxu dolor & calor sinciput jugiter lan- cinant, ita in hoc pectus uterque obsidet cum debilitate quadam. Quin & hoc vitium eandem fere quam Hæmorrhagia metho- dum medendi sibi vendicat, nisi quod Ca- tharsin minus ferat, a qua, præsertim repe- tita, æger facile in tabem conjicitur. At Phlebotomia crebro celebrata, Enema quo- tidie injectum, Diacodium hora somni pro- pinatum, diæta insuper, & medicamenta, tam incrassantia, quam refrigerantia, opus pro voto absolvunt.

Atque hæc sunt, quæ hæctenus observavi de numerosa ista morborum tribu in varias familias dispertita, qui *Febrium* sub nomine censentur, atque de iis symptomatibus, quæ ab illa pendent, in quibus id serio egi, ut nullas putationes meas, nulla imaginaria ce- rebri commenta orbi venderem; animo ve- ro sincero candidoque, nullique adeo hypo- thesi adstricto, eorum historiam & naturalia Phænomena aliis traderem; curationes etiam pari fide, & cautela pari subnecterem. Quod si vehemens desiderium methodum cer- tiorem minusque lubricam, in utilissimo tuendæ mortalium vitæ negotio, expiscandi constabiliendique, me in semitas nullo antea pede calcatas pertraxerit; nemo eruditorum, uti spero, mihi imputabit, quod vel spretis aliorum judiciis meo nimium fidam, vel re- bus studeam novis; cum & non spernendus rerum eventus mihi hæc investiganti ingen- tes hucusque animos dederit, & posterorum experimenta sine dubio meam fidem sint li- beratura. Et profecto haud oscitanter impugandum est hoc morborum tam pestife- rum agmen, quod nullo non die cum gene- re humano bellum gerit internecinum, at- que ætæ, & cujus telis duo ad mini- mum hominum trientes, si eos demas, qui violenta morte perimuntur, confossi quotan- nis occumbunt. Indefinentes horum morbo- rum impetus, & quotidianæ, quas etiam de

viris robustissimis & ætate maxime florentibus reportabant, victoriæ (non obstantibus suppetiis iis omnibus, quas nobis hætenus attulere speciosæ istæ methodi in speculatorum libris satis fidenter descriptæ) animo meo hæc primum agitati minus satisfaciebant, cum reapse cernerem, ludrica ista cerebroforum commenta ita parum ad reintegrandam ægrorum sanitatem conferre, ut qui ad asyla hæc confugerant, quicquid pollicitarentur Thrasones Dogmatici, haud meliori in loco essent, quam qui neglecta arte se totos Naturæ permiserant. Si quid ego

hic egero, quo vel periculi, vel etiam difficultatis, quæ in his morbis persanandis plerumque occurrunt, pars aliqua levetur (quod salva verecundia, me mihi polliceri posse saltem spero) scopum quadantenus assecutus sum, & dulcissimum improbi laboris in bono proximi quærendo recte collocati, fructum fero. Hæc præcipua fere sunt quæ jam habeo comperta, (vel saltem ad methodum aliquam novi reducere) circa *Febres & symptomata*, quæ ab eisdem pendere ad hunc usque 30. Decembris diem, Ann. 1675. quæ hæc conscribo.



EPISTOLÆ RESPONSORIÆ DUÆ A THOMA SYDENHAM, M. D.

I. De Morbis Epidemicis ab Anno 1675. ad Annum 1680. ad
ROBERTUM BRADY, M. D.

II. De Luis Venereæ Historia & Curatione ad HENRICUM
PAMAN, M. D.

CLARISSIMO VIRO

THOMÆ SYDENHAM, M. D.



EMO nspiam Medicorum, Vir eruditissimus, adhuc vim aëris & influentiam in humana corpora attente perpendis, nec in vita nostra perennanda quas agit partes eorum quispiam consideravit satis, viresque quas

exerit in fermentando, & circumducendo sanguine, aut in motibus animalibus quibuscunque peragendis cujus sit energia, & efficacia, horum non aliquis notavit; neque ejusdem temperiem naturalem, alterationes multiplices & mutationes, quas Constitutiones haud perperam indigitas, ne leviter quidem, vel Medici, vel Historia Naturalis Scriptores attigerant, multo minus perscrutari sategerunt. Fieri sane nequit, cum in omnes corporis partes, etiam reconditissimas, aër sese infuset, quin quas scitis alterationes & mutationes a rebus quibus impregnatur easdem sanguini & succis communicet, & imprimat; unde ut plurimum ab hac vel illa prava aëris constitutione oritur hujus vel illius indolis prava sanguinis Diabesis. Optimo itaque consilio observationes Medicas circa morborum acutorum historiam & curationem juxta varias annorum & eorundem partium constitutiones instituisse, cum in iisdem, aëris actiones in sanguinem, succos, & spiritus praesertim (si ipse non sit spirituum materia) conspiciantur. Et nullus dubito quin Februm indoles ab annorum temperie in quibus grassabantur observata utilissimam, si non unicam, methodum constituis ad praxim stabiliendam. Perge itaque, & si quae adhuc restant Observationes Februm annorum napeptime elapsorum,

fac ut palam fiant, qua in re quam maxime humani generis saluti prospicies.

In Sectione prima, Cap. quinto libri tui, paucis egisti de usu Corticis Indici, & ejusdem exhibendi methodo. Equidem scio, quosdam haud infirmi subsellii Medicos, qui in magna quantitate & dosi saepius repetita eum exhibent; alios item qui ex eodem extracta, infusiones, & ex infusionibus julapia, & emulsionem conficiunt, quibus modis se non tantum intermittentes, sed & continuas quasdam certo curare affirmant. Magnum procul omni dubio in curandis intermittentibus est remedium. Ego quidem per 20. plus minus annos dictum Corticem varia & multiplici preparatione maximo cum successu exhibendum curavi. Si vero peculiare quippiam de usu hujus Corticis nostri, vel quid melius progrediente experientia fueris edoctus, id ne grave- ris precor in lucem proferre.

In curatione Rheumatismi frequentem Phlebotomiam, & larga manu celebratam tanquam necessariam proposuisti. Quererem Ego an non rejecta tam severa & crudeli methodo, alia non humani sanguinis adeo prodiga, nec minus certa inveniri possit. Dum hæc agis, Dignissime Vir, malevolorum jurgia, & invidorum stigmata atque calumnias sæ superque persenties; neque nunc minus quam olim nomini tuo aut fame parcent, licet ingenuis fere omnibus displiceant, & candidioribus, apud quos solentius est istiusmodi detractores despicere. Isti vero, si Februm historiam longo usu comprobata, vel earumdem essentias, causas, & differentias, vel veram tandem medendi methodum expiscari volunt, Te Ducem & viam præmonstrantem sequi necesse habent; cum vix, aut ne vix quidem, alia, vel earum naturam investigandi, vel curandi ratio possit assignari. Macte itaque esto, & sperne sciorum dicteria; sciorum hominum ingenia excita; tu methodum monstrasti, & si tua non placet, qui carpunt, dent politiorem & magis firmam. Vale, Vir inter-

*integerrime, qui hisce peragendis totam Medice-
dicorum urbem merito devincies, inter reli-
quos vero*

Tibi jure meritoque amicissimum.

Cantabrigiæ,
Decembr. 30. 1679.

R. BRADY.

Amplissimo Doctissimoque Viro

ROBERTO BRADY, M. D.

*Collegii Cajo-Gonzvillensis Custodi, nec non
Regio in Medicina apud Cantabrigienses
Professori longe celeberrimo.*

ME certe, Vir Humanissime, si quid in morborum curatione profecero, ad omne id cuius efflagitanti impertiendum præ cæteris qui nunc sunt homines facillimum esse omnino par est, si enim ea tantum mihi innotescant quæ & reliquis mortalibus, (quod mihi plus satis constat) nullo pacto mihi obfuerit levidensia ista & e triviis desumpta evulgare, sin autem afsecutus sim aliquid quod e re medica sit, & ad certiorum morborum Therapejam faciat, non tam mihi laudi dabitur, quam aliis daretur quibuslibet, ea in lucem expromere. Quæ & a podagra jam ab annis plus minus triginta, & calculo diu male multatus, facile mecum reputo, quam serio gauderem, si quod meis malis levamen aliorum indicio possit afferri. Cum autem paucissimis ingens illud privilegium a Deo Opt. Max. concedatur, ut publico commodo hac in re inservire queant, iisque tantum, quibus e meliore luto quam mihi finxit præcordia Titan, votis agendum est, quod reapse effectum dare non satis est virium. Semper enim existimavi, neque id sine ratione, majoris esse felicitatis certam vel levissimi alicujus morbi debellandi methodum agris mortalibus prodidisse, quam vel Tamali, quod ajunt, vel Cræsi thesauros accumulasse. Feliciorem hoc illum dixi; dicam & meliorem, sapientiorumque: quod enim uberius & sapientiz & bonitatis suæ specimen quis potest edere, quam cum se e communi generis humani natura decusum animadvertat, ea quæ molitur omnia ad publicam magis omnium

utilitatem, quam ad suam ipsius, qui tam exilis totius particula & contempta res est, jugiter referre? Ut enim (loquor cum maximo illo dicendi sentiendique magistro. Cicerone meo, sui sæculi, ne dicam universæ hominum naturæ Genio) leges omnium salutem singulorum salutis anteponunt, sic Vir bonus, & sapiens, & legibus parens, & civilis officii non ignarus, utilitati hominum, plusquam unius alicujus, aut suæ consulit. Cicerone de fin. bon. & mal. Quinimo satis liquet, quod cum facinorosi sit hominem jugulare, boni viri erit eundem vel conservare, vel alios iis instruere præsidis, quibus adjuti eum ab interitu vindicent, etiam authore vita jam functo. Et vox illa plane inhumana, & scelerata audit eorum, qui negant se reculare, quo minus ipsis mortuis terrarum omnium deflagratio consequatur.

His autem impræsentiarum missis factis, fatendum est, debere me ea, quæ de his morbis, de quibus percontari libuit, animo volutavi, ut ut exilia, tibi plane aperire, Tibi, inquam, eximio viro, & Sparta quam ornas dignissimo; cujus ego & eruditioni & probitati, animique candori ea tribuo encomia, quæ reliqua Togatorum gens, inter quos nites. Prætereo etiam, quantum tibi debeo gratiarum, quod te tam male habeant immerita illa, quibus a nonnullis proscindor convicia; de quibus hoc habeo dicendum, quod si vita innocua hominis, qui neminem neque facto neque dicto læserat, me ab illis factum reatum reddere valuisset, nunquam in me detonuerant. Cum autem nullo id meo crimine evenerit, neque, ut spero, eveniet unquam, stat sententia non me ideo plectere, quod alii deliquerint, id tantum ratus ad me attinere, ut viri probi scilicet officio defungar, & boni Medici, quantum patitur tenuitas nostra.

Morem itaque geram in tradendis observationibus, quæ mihi in morbis, de quibus sciscitabaris, occurrebant. Primum autem agam de *Febribus intermittentibus* nunc apud nostros *Epidemicis*. Qua nomine non abs re fore arbitror annos istos ordine, sed breviter percurrere, qui illum excipiebant, quo claudebatur *Historia Acutorum Morborum* (qualis illa demum fuerit) qui per præterlapsos annos 15. grassabantur, & quædam obiter perstringere in eorundem curatione a me pridem notata. Quo facto melius innotescet, quo tempore & quibus gradibus, quæ jam obtrinet febrium *constitutio*, nobis obrepserit.

(1) An-

(1) Annus 1676. eosdem peperit morbos quos genuerat constitutio postremo loco commemorata in dictis observationibus, viz. Annor. 1673. (in cuius Autumno ea se primum exeruit) 1674. & 1675. At vero exolefcente ferme hac crasi, mitiores erant, quam pro suo genio; qui subpullulabant morbi, & minus insuper Epidemici; non obstante peculiari ejus anni indole, quantum ad manifestas aëris qualitates, quibus ab annis præcedentibus perquam abludebat, cum & æstatis fervor, & frigus hyemis omnes ferme annos, quorum memoriam habemus, longo intervallo superaverint. Et cum tam ingens tempestatum discrepantia similes tamen morbos producerent, satis hinc liquet, non tam manifestam quam occultam aëris temperiem Epidemicis morbis favere. At vero fatendum est, morbos eosdem quoad symptomata quædam aliquando a manifesta aëris diathesi pendere, quod & *Morbilli* & *Cholera Morbi* hoc anno invadentes testatum faciunt, de quibus breviter agam.

Morbilli enim nascenti anno coorti, licet non admodum Epidemici, id tamen eximii habebant, quod solito longius procurrent; nam cum pro more suo mense primum Januario comparentes, ad Æquinoctium usque vernali ingravescerent, dein paulatim imminuti cum Solstitio fere expirarent, hoc anno ad Æquinoctium ferme Autumnale pertingebant, ab æstatis calore, nisi fallor, ausi viribus, quo diutius obsisterent. Neque tamen methodum medendi ab usitata illa diversam postulabant.

Exeunte æstate *Cholera Morbus* epidemice jam sæviebat, & insueto tempestatum calore evectus, atrociora convulsionum symptomata, eaque diuturniora secum trahebat, quam mihi prius unquam videre contigerat. Neque enim solum abdomen, uti alias in hoc malo, sed universi jam corporis muscoli, brachiorum crurumque præ reliquis, spasmitentabantur dirissimis, ita ut æger e lecto subinde exileret, si forte extenso quaquaversum corpore eorum vim posset eludere.

Quamlibet autem hic morbus non aliam a recepta medendi rationem sibi vendicabat, *Anodyna* tamen fortiora, eaque sæpius ingerenda quam alias solebam, omnino indicabantur. Ex. gr. Ad quendam vocatus per id temporis truculentissimo illo, quod modo

descripsi, symptomate tantum non enectum, (me autem comitabatur *Carolus Goodall* M. D. cujus animi candor, probitas illibata, summus in me amor, labor improbus in morbis dignoscendis curandisque una cum nomine mihi semper occurrunt) & enormi vomitione, spasmodumque violentia animum agentem, cum sudore frigido, & pulsu vix micante, guttas 25. *Laudani liquidi*, a me jam olim publicati, in cochl. 1. *Aq. Cinnamonis fortis* exhibendas curavi, veritus sc. ne vehiculum paulo copiosius medicamento rejiciendo (quod in vomendi tam impenso conamine sæpe fit) ansam daret: dein lecto assidens quasi ad semihoram, & expertus remedii vires nec Vomitioni compescendæ, nec sedandis convulsionibus adhuc pares esse, toties illud ipsum repetere, & dosin in tantum augere cogebar (interposito tamen spatio, ut quid a jam ingesto mihi foret sperandum prius ediscerem, quam novas adferrem suppetias) donec tandem pervicacissima illa symptomata sub jugum victoris mitterentur, quod tamen vel minimo corporis motu excitata denuo excutere satagebant. Serio itaque imperavi, ut & corporis quieti modis omnibus indulgeret ad paucos dies, & medicamentum jam dictum, sed in minori dosi, subinde assumeret, etiam postquam convaluerit, ad *Æther* sc. confirmandam; quod nobis ex animo cessit.

Neque est cur me quispiam justo audacior pronunciet; eo sc. nomine, quod tantam *Laudani liquidi* vim ægro infundere non dubitaverim; cum iudice experientia certo constabit, quod in quibus affectibus ex *Opio* parata indicantur (sunt autem tres; *vehemens dolor, vomitus vel dejectio enormior, & insigniores spirituum animalium crasæ*) in iis & remedii dosi & repetendi vices cum symptomatis magnitudine omnino sunt conferendæ. Quæ enim dosi remissiori symptomati coercendo par est, ea ab alio fortiori superabitur, & quæ alias ægrum in manifestum vitæ discrimen conjiciet; eundem impresentiarum ab orci faucibus liberabit.

(2) Atque hi sunt morbi isti, qui hoc anno populabantur, iidem sc. ut jam innui, cum morbis trium annorum præcedentium. Quales autem fuerint, qui annum sequentem viz. 1677. funestaverint, non habeo dicere. Cum enim molestissimo sanguinis mælu, a motu vel levissimo, sub anni initio male

male mulstarer, neque ita diu postea podagra etiam, quæ non jam tam artus, quam viscera sævissimo dolore excruciat, accedentibus insuper virium & appetitus prostratione, crurum tumore, aliisque symptomatibus non minus periculosis (quem si tum fu-
rim extinctus, mors certe non tam a bonis quam a malis abstraxisset, haud equidem repugnantem) me domi meæ ad menses tres continere, deinde redintegrandæ sanitatis causa per idem fere spatium rusticari cogebat. Autumno reversus ad meos, febres intermittentes hinc inde sparsas esse (quarum tamen pars maxima ægros non in urbe primum invaserat) ab amicis didici; cum autem mihi per valetudinem non liceret ægros invisere, de hoc anno nihil melius silenti-
o possum adferre.

Proximi anni (viz. 1678.) Constitutio prorsus immutata *Febribus Intermittentibus* (quæ jam ab anno 1664. ad tredecim sc. annos urbe fere exulaverant, nisi quod nonnullos sporadice occuparent, vel ex agris forte comitarentur) usque adeo favebat, ut Epidemicæ rursus audirent; neque eum tamen gradum hodie tuentur, quin & fines latius proferent, donec hæc, a qua pendent, æris *Indis* suam *exulæ* attigerit. Quam-
tumlibet autem dictæ intermittentes pauciores aliquot etiam tempore Verno fuerint adortæ, eo usque tamen exeunte Æstate, & Autumno subeunte præ cæteris sæviebant, ut nulli amplius morbo Epidemici nomen relinquerent. Hyeme verò paululum satisciente *Variolis* locum cedebant, atque aliis insuper Epidemicis, qui per omnia domina-
bantur, donec intermittentibus apta tempe-
stas in orbem rediret.

Sed ut jam edisseram, quæ de harum februm & natura & causis sedula observa-
tione assecutus sum; in primis notandum est, quod licet olim *Quartana* frequentius occur-
rerent, nunc dierum aut *Tertiana* erant, aut *Quotidianæ*, (nisi quis postremas has *Duplices Tertianas* malit appellare) & pa-
riter quod licet *Tertianæ* Quotidianæque ali-
quando cum rigore atque horrore invaden-
tes, subsequente primum calore, mox etiam sudore, tandem in omnimoda *anorexia* desi-
nerent, atque post statam periodum ægros de novo lacefferent; ne hunc quidem jam morem servabant ultra tertium quartumve
paroxysmum, maxime si æger lecto addice-
retur, & assumptis cardiacis calidioribus
oleum camino, quod ajunt, addiderit. Po-
stea vero febris hæc eo usque etiam præter

indolem suam in crudebat, ut *Intermissio-
nis* loco *Remissionem* tantum ægro concedere-
ret; & magis indies ad *Continuam* spe-
ciem accedens, tacto cerebro tandem haud
paucos extingueret.

Curationem quod spectat, jam a multis
annis mihi innotuit, quam sit periculosum
tam in tertianis & quotidianis (quæ cum
recentes sint nullumque typum indutæ in
continuitatis vicinia adhuc hærent) per su-
dorifica moliri: quamvis enim notissimum
sit simul cum sudore prorumpente inquietu-
dinem atque alia symptomata statim evanes-
cere, & *anorexia* succedere, & ex conse-
quenti huic paululum esse indulgendum, sal-
tem non esse obfistendum paroxysmo sati-
scente, nomen est compertissimum; quod si
justo copiosius eliciatur sudor, quæ inter-
mittebat, febris jam sit continua, ægerque
tanquam incerto aleæ casu in vitæ discrimi-
ne versatur, hic servatur, perit ille. Ratio
est hæc, nisi mea me fallit conjectura, quod
sc. istiusmodi profusus sudor, cum materiæ
febrilis, paroxysmi calore eo usque evectæ,
ut jam per despumationem ejici possit, mo-
dum exuperet, exterminata ea parte, quæ
unico paroxysmo respondet, de reliquo, san-
guini incendendo impenditur. Hujus itaque
methodi inefficaciam; & altorum evacuatio-
num, venæ sectionis v. gr. & catharticos
incommoda (quarum utraque relaxando to-
num sanguinis morbum protrahunt) dum
mecum perpenderem, *Peruvianus Cortex*
certissimam mihi spem fecit, de quo vere
affirmare possim, non obstante tam vulgi,
quam perpauorum & doctis præjudicio, me
nihil mali ægris accidisse ab ejus usu vidisse
unquam, vel cum ratione suspicari potuisse,
nisi quod illi, qui longum & repetitum cor-
ticis Peruviani usum expectati sunt (ut in
Capite de Rheumatismo præmonstraverim)
in speciem quandam *Rheumatismi Scorbutici*
nonnumquam incidunt. Hoc autem malum
perquam raro ex hac occasione nascitur, &
quando accidit, facillime remediis ibidem
descriptis cedit.

Et profecto si tam effectorum durationem,
quam corticis hujus innocentiam exploratam
haberem, principem illi locum inter omnia
quotquot sunt remedia deferre nullus dubi-
tarem; cum non tantum in hoc morbo in-
signium esse virium deprehendatur, sed &
in uteri & ventriculi etiam affectibus. Tan-
tum abest, ut de ejus insalubritate merito
quis conqueratur.

His autem potissimum de causis, nisi fal-
lor,

lor, dictus cortex male audit. Primo, quia plurima illa horrendaque symptomata, quæ febres intermittentes jam diutius ægrum cruciantes comitantur, etiam ubi ne minimum quidem corticis degustaverit, cortici, vel semel assumpto, imputantur. Secundo, quia cum occulta vi, & non per sensibilem aliquam evacuationem morbum averruncet, statuunt plerique materiam morbum comitantem, quæ propelli debuerat, tanquam hostem intra mœnia vi corticis adstringente inclusam latere, novos Naturam tumultus, atque ægrum non penitus evasisse cum adhuc catenam trahat. Ast hi non satis attendunt sudores paroxysmum finientes id omne quod in lucido sanitatis intervallo accumulabatur prorsus eliminasse, manere tantum morbi seminium tempore maturandum; quodque cortex fugientem paroxysmum a tergo urgens, & intercepto, qui debuerat subministrari, morbi commeatu, sive fomite, non potest in sanguine retinere, quod jam in illo non nisi tanquam in embryone reperitur; ac proinde neque strangulationum, neque obstructionum, quæ vulgo obijciuntur, reus est peragendus.

Quo autem pacto deprehendemus corticem vi sua adstrictoria febres fugare? Qui id probare velit, necesse erit prius alia adstringentia pari virtute prædita in medium afferat; mihi certe vel eorum fortissima adhibenti in experimentum nondum e voto cessit. Quid quod illos etiam sanat, qui ab ejus usu tanquam a cathartico assumpto (quod nonnullis accidit) frequenter alvum deponunt? Id vero demum est recte sapere suo se quemque pede ac modulo metiri. At si quis solum sibi faciens, aliis se præditum esse facultatibus existimaverit, quam quæ inserviunt percipiendæ vel *Naturali Theologia* (ut Deo scilicet rerum omnium Architecto, & Moderatori debita veneratio cum profundissima animi prostratione jure merito exhibeatur) vel *Philosophiæ Morali* (ut virtutem exercent, & mores tam ad privatum quam publicum societatis humanæ bonum accommodet) vel denique *Arti Medicæ*, *Mathematicæ*, & *Mechanicæ*, (quibus vita communis adjuvatur) hic primum Hypothesin aliquam e schola *Naturalis Philosophiæ* depromat, qua vel unicam differentiam specificam rerum in Natura possit enodare; ex. gr. rationem reddat, quare *Gramen* omne viridi ubicumque colore, nunquam alio cernitur insectum; &c. Hoc si effecerit, in ejus castra haud invitus transeam;

Sydenham Opera Med. Tom. I.

finaliter, non verebor dicere quod Medici cura omnis atque industria, in expiscanda morborum historia, iisque remediis adhibendis, quæ experientia indice ac magistra eodem valent depellere, debent collocari; observata tamen ista medendi methodo, quam recta ratio (non speculationum commentis, sed trito, & naturali cogitandi modo innixa) ei dictaverit. Dicam itaque paucis quod usu didici de methodo, qua cortex nobis usurpandus venit.

Cortex Peruvianus, cujus *Pulvis Patrum* vulgo nomine insignitus, annis abhinc quinque & viginti (si bene memini) apud Londinenses nostros in exterminandis febribus intermittensibus, maxime quartanis, primum cœpit inclarescere. Idque optimo sane jure, cum hujuscemodi morbi rarissime ab ullo alio sive remedio, sive methodo medendi antea expugnarentur, unde etiam opprobria Medicorum & erant, & audiebant. At vero non ita multo tempore elapso, duabus de causis, non quidem levibus, damnatus in desuetudinem prorsus abiit. Primo, quia paucis horis ante adventum paroxysmi, pro recepto id temporis more, exhibitus ægrum nonnumquam e medio tolleretur; quod & civi cuidam Londinensi eidemque Senatori Urbano, *Underwood* nomine, & Capitaneo nomine *Potter* in vico vulgo dicto *Black Fryars* Pharmacopolæ memini accidisse. Funestior hic pulveris exitus, quamvis oppido rarus, Medicos tamen paulo cordatiores ab ejus usu merito retraxit. Secundo, quia æger ope pulveris a paroxysmo alias invasuro liberatus, quod plerumque eveniebat, tamen intra dies 14. recidivam ut plurimum pateretur. In morbo scilicet recenti, necdum temporis cursu suoque Marte committigato. Maxima pars hominum his permota rationibus spem de hoc pulvere jam pridem conceptam protinus abiciebat. Neque enim tanti æstimabant paroxysmum ad paucos dies protelare, ut se eo nomine in vitæ discrimen a pulvere intentatum induci paterentur. Ego vero jam ab aliquot retro annis haud vulgarem hujus corticis vim serio perpendens, animoque revolvens, non alio magis quam hoc Herculeo medicamento febres intermittentes debellatas iri confidebam, si qua par erat cura accederet, & diligentia. Diu itaque multumque apud me agebam, ut & *Periculo* a pulveris usu impendenti, & *Recidivæ* intra paucos dies subsecuturæ (quæ duo erant amolienda incommoda) possem occurrere, atque

atque ægrum hujus ope ad perfectæ sanitatis gradum promovere.

Primo, *Periculum* quod minitabatur, non tam ex ipso cortice natum arbitrabar, quam ex eo quod minus opportune ægro ingereretur: cum enim vix ingens materia febrilis diebus a paroxysmo vacuis in corpore fuerit aggesta, pulvis prædictus, si immediate ante paroxysmum deglutitur, facit quo minus materia morbifica ipsa Naturæ methodo, paroxysmi scilicet impetu, possit eliminari, quæ proinde præter fas inclusa ægrum in vitæ discrimen solet conjicere. Hoc ego me malum propulsare posse existimabam, materizque pariter febrili de novo generandæ obicem ponere, si ubi primum paroxysmorum unus affligere desierit, confestim pulverem exhiberem, quo insculturus sufflaminaretur, & diebus intermissionis statim subinde vicibus eundem repeterem usque dum novus invaderet paroxysmus, atque ita paulatim tutoque proinde sanguinis massam salutifera corticis virtute penitus inficerem.

Secundo, cum *Recidiva*, (quæ intra dies 14. plerumque accidebat) ex eo mihi videbatur nasci, quod sanguis non satis exsaturaretur virtute febrifugi, quod utur efficax, una tamen vice morbo penitus exterminando par non fuit, idcirco autumabam nihil ad eam præcavendam æque posse conducere, atque methodum repetendi pulveris, etiam devicto ad præsens morbo, justis semper intervallis, antequam scilicet vires præcedentis dosis prorsus elanguescerent.

His itaque rationum momentis innixa mens eam, qua jam utor, mihi methodum dictabat. Ad ægrum *Quartana* febre laborantem accersitus (*die Luna v. g.*) si paroxysmus eodem die sit invasurus, nihil prorsus moveo, sed id tantum ago ut spern faciam, eum a proxime venturo liberatum iri. Ac proinde binis diebus intermissionis (*Martis sc. & Mercurii*) corticem exhibeo hunc in modum. *℞. Cortic. Peruv. subtiliss. pulverat. ℥j. cum s. q. syr. Caryophyl. vel de Rosis siccis, s. Electuar. dividendum in 12. partes, quarum unam capiat quarta quaque hora, incipiendo immediate post paroxysmum, superbibendoque haustum vini cujuslibet.* Vel, si *Pilule* magis ardeant. *℞. Cortic. Peruv. subtiliss. pulv. ℥j. cum s. q. syr. Caryophyl. s. Pil. mediocris magnitudinis, quarum capiat vj. quarta quaque hora.* Sed minori cum molestia, eodem tamen fructu, hujus *Pulveris uncia una* admisceri poterit *libris duabus Vini Claretii*, atque ejus

cocbl. viij. vel ix. exhiberi iisdem, quæ dicta sunt, temporis intervallis. Die Jovis, quo metuitur paroxysmus, nihil impero, cum ut plurimum nullus accedat, reliquiis materiz febrilis per solitos sudores, qui præcedentem paroxysmum absolvunt, despumatis ejectisque e sanguine, atque intercisa, novæ mineræ ad fomitis accumulationem repetito pulveris usu, diebus paroxysmos determinantibus adhibiti.

Verum enim vero ne morbus denuo recrudescat (quod e prædictis incommodis erat alterum) *die octavo* præcise, a quo postremam dosin æger assumpsit eandem præfati pulveris quantitatem, (*Unciam sc. in partes 12. divisam*) eadem, qua prius methodo, certo certius exhibeo. Quamvis autem repetita hoc modo semel medicatio per sæpe morbum conficiat, non tamen prorsus in tuto collocatur æger, nisi Medico tertio quartove eandem methodum eodem temporis intervallo iteranti parere non gravetur; maxime ubi sanguis a prægressa aliqua evacuatione fuerit debilitatus, aut se æger incautius auræ frigidiori ferendum exposuerit.

Verum etsi hoc remedium nulla purgandi vi polleat, tamen ob peculiarem quorundam corporum temperiem atque idiosyncrasiam sæpe accidit, ut ab ejus usu tanquam a cathartico fortiori assumpto æger violenter expurgetur. In hoc casu omnino oportet, ut *Laudanum* cum eo exhibeatur, quo minus hanc operationem, tam suæ naturæ, quam morbo plane contrariam, ciere valeat, neque pulvis justo citius per alvum expulsus disperdatur, antequam suo fungeretur munere. In hoc itaque casu *Laudani* ejusdem *gut. x.* vino instillari jubeo, & post alteram pulveris dosin assumi, modo diarrhœa perstiterit.

Dicta methodus usu mihi venit in cæteris intermittentibus sive *Tertianis*, sive *Quotidianis*; utrasque enim statim a finito paroxysmo aggredior, & repetito per jam commemorata paroxysmorum interstitia medicamine (quantum scilicet earum fert indoles) urgeo atque a tergo premo; hoc tamen discrimine, quod cum quartana rarissime nisi *Uncia una* in doses dispersita, reliquæ *sex Drachmis* possint ita expurgari, ut inducias saltem concedant.

At vero tertianæ, quotidianæque, etsi post unum alterumve paroxysmum omnino videantur intermittere, tamen non ita raro (quod & a me ante est notatum) postea ad con-

continuarum fere speciem vergunt, & ad *Remissionem* tantum, etiam diebus, quæ *Intermissionem* pollicebantur, accedunt; præsertim ubi æger lecto defixus regimine iusto calidiore, aut medicamentis febri per sudores efficiendæ dicatis fuerit multatus. Hoc in casu a remissione quantumlibet exigua (id enim mihi unum superest) ansam arripiens, pulverem quam proxime a paroxysmo (quantum conjectura valeo) ingendum propino, nempe quarta quaque hora, ut modo dixi, ne quidem ipsum morans paroxysmum, cum aliter in spatio interiecto plus satis brevi alexetaria corticis vis sanguini impetiri nequeat.

Cum autem febres quæ jam apud nos grassantur, etsi post secundum tertiumve paroxysmum reponere se in classem continuarum nitantur, tamen ad intermittentes debeant referri; nulla mihi est religio *Corticem* vel in maxime *Continuis* hujus speciei sumendum proponere, qui dicto more iteratus ad apyrexiam certo ægrum perducet; modo assiduis lectuli calor, & intempestivus cardiacorum usus continuitatem febri non conciliaverint; quo in casu Peruvianum corticem nihil quicquam profecisse plus semel observavi. Neque mihi unquam contigit, ut viderem vinum in quo propinatur cortex (quod jure quis possit suspicari) febricitanti obfuisse; e contra vero, calor, sitis, cæteraque febris symptomata ut plurimum post assumptam hujus remedii quantitatem sufficientem, mox evanescent, vino haud obstante. Hic autem observandum, quod quo magis febris sive sponte sua, sive regimine calidiori ad continuitatem accedat, eo major corticis quantitas exhibenda; ita ut nonnunquam viderim morbum hunc non nisi sesquiunciam, vel uncias ejusdem duabus cessasse.

Cum vero sint aliqui qui corticem hunc nec in pulveris forma, nec electuarii, nec tandem pilularum ferre queant, his ejusdem infusum in frigido factum propino, ℥ij. *st. Corticis grosse pulverati in Vini Rhenani ℥ij.* aliquandiu macero. Liquor hic per manicam Hippocratis sæpiuscule trajectus, colore limpidus adeo non officit, ut vel delicatiorum palato arrideat; ac dictæ infusionis unciam quatuor ad dies aliquot factæ, virtutem drachmæ unius corticis in pulvere exhibiti videntur continere. Quæ cum nec ingrata sit, nec ventriculum premat, duplo frequentius usurpari poterit, quam reliquæ ejusdem remedii formulæ, nempe donec pa-

roxysmi terga dederint.

Quandoque accidit, ut in hoc morbo male formato, nec dum in typum regularem evecto, æger ob vomituritionem fere continuam corticem de glutitum, quacunque demum forma exhibetur, retinere nequeat: In hoc casu vomitio prius est compescenda, quam cortex propinetur. Ad quem scopum colligans jubeo, ut sexies vel octies spatio duarum horarum *succi limonum recens expressi Coch. j. cum salis Absint. ℥j. assumat.* Deinde *Laudan. liquid. gut. xvj. cum aq. Cinamom. fort. Coch. j.* Ac brevi post, si vomitus cessaverit, usum Pulv. Peruv. aggre-diatur.

Pro infantibus, quorum ætas tenella vix feret ut alia forma hoc remedium assumatur (saltem ea quantitate qua devincatur morbus) sequens Julapium præscribere soleo. *℥. aq. Cerasor. nig. & Vini Rhenani an. ℥ij. Corr. Peruv. subtilissime pul. ℥ij. syr. Caryophil. ℥j. ms. f. Julap. Cap. Cochleare unum alterumve pro ratione ætatis, quarta quaque hora, donec paroxysmi non amplius discrucient; instillando alternis dosibus, si Diarrhœa adfuerit, Laudani liquidi gutt. j. vel ij.*

Observandum est insuper, quod cum breviora paroxysmorum intersticia in tertianis & quotidianis intermittentibus non satis temporis concedant ad sanguinem febrifugæ corticis virtute plene exsaturandum, fieri non potest, ut æger proximum a prima medicatione paroxysmum, uti in quartana solet evenire, certo effugere valeat, sed in his medicamentum sæpe non nisi post biduum promissam curationem absolvet. Animadvertendum autem quod si æger, non obstante abundanti cautela superius tradita, nihilominus recidivam patiat (quæ in quartana ipsa rarius accidit, quam in tertianis, vel quotidianis) tamen prudentis Medici erit non nimium pertinaciter insistere methodo corticis per dicta intervalla exhibendi, sed pro suo judicio aliis modis curationem aggredi, cui præ cæteris *Decoctum amarum*, quod appellant, magnopere conducere vulgo creditur.

Dietam quod spectat cæterumque regimen, nec a cibo, nec a potu arcendus est æger, qualis qualis is demum fuerit qui ad stomachum facit, fructibus tamen horariis & liquoribus frigidis (utpote & infirmandæ sanguinis massæ, & febri postliminio reducendæ admodum conferentibus) semper exceptis. Vescatur itaque carnibus eupeptis & euchi-

mis, & vino modice utatur pro potu ordinario; qua re sola ægros nonnunquam restitui, etiam eos, quorum corpora ob frequentem febris recursum contra corticem quasi communita, salutiferam ejus vim perperim eludebant.

Neque vero se temere auræ frigidiori committere debet æger, donec sanguis pristinum vigorem de novo obtinuerit.

Hic autem advertendum, quod cum de febribus intermittentibus olim agens ægrum sublato morbo sedulo purgatum iri admonuerim, hoc intelligi velim de iis solum febribus, quæ vel sponte sua, vel alio sive medicamento, sive methodo præter corticem Peruvianum erant debellatæ. Etenim curatio, cum huic remedio, de quo jam loquor, innitatur, purgatione nec æget, nec eandem plane fert. Ita potenter dictus cortex sine ope cathartorum non *Paroxysmis*, sed & *Discrasia*, quam corpori iidem inflixerunt, subvenit. Vitandæ itaque ante omnia evacuationes qualescunque, cum vel blandissima catharsis, quinimo enema a lacte saccharato in morbi discrimen certissime, forte in morbum ipsum denuo ægrum conjiciet.

Hic autem commemorare libet, quod sub primos hujus constitutionis annos symptoma quoddam insigne febribus intermittentibus quandoque supervenerit. Nempe earum paroxysmi non cum rigore & horrore, quas postea febris excipit, invadebant, sed æger iisdem plane symptomatibus tentabatur, ac si *Apoplexia* vera laborasset; quæ tamen nihil aliud esset, utcunque hunc affectum æmularetur, quam ipsa febris caput impetens; ut ex aliis signis, ita ex colore urinæ satis liquebat; quæ in intermittentibus ut plurimum rubore saturato extat, qualis cernitur in urina eorum qui ictero laborant, etsi non adeo intense rubet, & pariter sedimentum deponit pulverem laterum fere referens. Hoc autem in casu quantumlibet evacuationes omnes, cujuscunque demum generis sint, indicari videntur, ad revellendos scilicet ex cerebro humores, ut in apoplexia primaria fieri solet; eadem tamen omnino omittendæ sunt, utpote quæ originariæ hujus symptomatis causæ, febri nempe intermittenti prorsus adversentur, ac proinde mortem accersant; quod & ipse novi. At e contra expectandum donec paroxysmus sponte sua evanuerit, quo tempore cortex, modo citius idem ingeri non poterit, quamprimum est exhibendus, & intervallis ab ejusmodi accessionibus liberis idem

sedulo repetendus, usque dum perfecte convalesceret æger.

Nonnunquam accidit, etsi perquam raro; ut senes qui diu hoc morbo antea laboraverunt, ac interea venæ sectionibus & catharticiis imperite fuerint mulctati, in *Diabetem* incidant, etiam febre jam perfecte fugata. Etenim cum sanguis eorum abhinc debilitatus assumilandis succis ei illatis prorsus impar reddatur, iidem per vias urinarias crudi adhuc & inconcocti exitum sibi quærunt, proindeque præ ingenti urinæ copia, quoties eam reddunt, excreta sensim vires labefactantur, & quasi substantia corporis per hanc cloacam exinanitur. In hoc affectu, uti & in omni *Diabete*, ex quacunque *πρωξίση* originem ducat, curativæ indicationes ad sanguinem invigorandum corroborandumque, ac pariter ad fluxum urinæ præternaturalem restringendum, omnino dirigendæ sunt. Ut *℞. Theriac. Androm. ʒijss. conserv. flaved. Aurant. ʒj. Diascordii ʒss. Zinzib. condit. & nuc. moschat. condit. an. ʒijj. pulv. e chelis Cancr. compos. ʒijss. Cort. exterioris Granator. rad. Angelic. Hispan. Coral. rubr. præp. & trochisc. de terra Lemnia an. ʒj. boli Arm. ʒij. Gum. Ar. ʒss. cum s. q. syr. de ros. siccis s. Electuar. de quo sumat ad magnitudinem nuc. mosch. maj. mane hora quinta pomerid. & noct. per mensem integrum, superbibendo seq. infusionis Cocbl. vj. ʒj. rad. Enul. Campan. Imperator. Angelic. & Gentian. an. ʒss. sol. absinth. Rom. marrub. alb. Centaur. min. & calaminth. an. M. j. Baccar. Juniper. ʒj. Incidantur minutim, & infundantur Vini Canarini ℔v. stent simul in infusione frigida, Coletur tantummodo tempore usus. Vescatur cibus *ἁπλῶς*, viz. Carne vitulina, vervecina, &c. Abstineat ab esu olerum, & fructuum qualiumcunque, & singulis pastibus bibat vinum Hispanicum.*

Eadem fere methodo atque iisdem remediis contumax iste & diuturnus affectus, *Fluor* sc. muliebris, sanatur ac *Diabetes* modo dictus; nam utrobique indicationes curativæ eadem sunt, quantumcunque inter se hi duo morbi dissidere videantur. At in *fluoris muliebris* curatione venæ sectio celebrata, ac postea catharsis ex *Pil. Coch. maj. ʒij.* tribus vicibus repetita *Corroborantium* usui præmitti debent, deinde vero per totum processum omnino omittendæ; cum quælibet evacuatio evertat quicquid corroborans substruxerit. Sed hæc obiter.

Hæc habui de Peruviani corticis usu summum dicenda; Neque enim remediorum pompæ

pompæ libuit indulgere. Cum sane qui aliquid cortici adjiunt præter vehiculum eidem in ventriculum transmittendo necessarium, aut ex ignorantia peccant, ut mihi videtur, aut dolo malo, a quo vir probus ex animo abhorrebit; qui cum pars sit ejusdem communis naturæ, ut *εμεσολον* fraudem faciat, nullo unquam privato suo commodo poterit adduci. Quod superest, si ætati placuisset ad ea animum advertere, quæ annis adhuc quatuor in historia acutorum morborum tradideram (quæ & ante illud tempus mihi innotuisse omnino est credibile) quo pacto sc. cortex in interjectis paroxysmorum spatiis debuerit ministrari, tum postea repeti ægro jam convalescente: viverent fortassis haud pauci eorum, quos jam terra tegit, ut ut homines vilipendant tenues sane illos conatus nostros communi omnium bono dicatos, & monita spreverint ibidem dictata verbis insequentibus, quibus ea breviter continentur, quæ hic fufius explicare visum est, viz.

Curandum est ante omnia, ne prematuro nimis hic cortex ingeratur, ante scil. quam morbus suo se Marte aliquantisper protriverit (nisi collabescens & jam fracta ægri vires eundem temporis sumendum esse dictaverint) neque enim illud solum est metuendum, ne a proprio ejus usu inefficax iste reddatur, & spem ægri fallat, sed etiam ne de ægri vita agatur, si sanguinem omni fermentationis nisu se dissumanti derepente injiciamus remoram. Proximo loco, neque Catharsi, multo minus vena sectione, subducenda est materiæ febrilis pars aliqua, quo liberius cortex suo fungatur munere: cum enim ab utraque labefacteretur quadantenus æconomia corporis, eo promptius tetriusque recrudescunt paroxysmi, evanescente semel pulveris vi. Mihi enim magis e re fore videtur, ut sanguinem dicto medicamine sensim longioreque a paroxysmis intervallo leviter inficiamus, quam ut uno omnino ictu paroxysmum jam instantem tentemus confodere; hoc enim pacto & plus temporis remedio conceditur, quo suum opus plenius absolvas, & evitatur quicquid ibi est periculi, quod ægro poterit oriri ex subito isto atque intempestivo nimis sufflamine, quo paroxysmum jam invalescentem atque omni se ope exerentem conamur opprimere. Postremo brevibus istis temporis intervallis repetendus est pulvis, ut non proximus evanescat prioris dosis virtus ante-

quam altera exhibeatur: crebta enim repetitione ista *ε-μ-ε-μ* tandem recuperabitur, profligato insolidum morbo. His adductis rationibus hanc ego methodum cæteris antepono. *Peruviani corticis ℥j. cum Syrup. Rosar. rub. ℥ij. misceatur; æger vero quantitatem nucis moschate majoris mane, & sero quotidie devoret diebus a genuino paroxysmo vacuis donec confectionem omnem absumpserit. Repetatur porro ad tres alias vices, interjectis semper diebus quatuordecim. Morb. Acut. Sect. 1. Cap. V.*

Quantumlibet autem cortex supra laudatus in febribus hisce medendis, omnibus aliis, quotquot adhuc inventa fuerunt, palmam facile præripiat, attamen in *Tertianis Vernalibus*, si modo æger sanguineo temperamento præditus esset, atque etiam ætate floreret, remedia sequentia curationem absolvisse observavi. Ex. gr. Mittatur sanguis e brachio die a paroxysmo libero, & post aliquot horas eodem die exhibeatur *Emeticum ex infusione Croci Metallorum*; ita tempus præfigendo, ut vomitorium opus suum absolvat ante invasionem paroxysmi insequentis, quo elapso immediate aggrediatur usum sequentium. *℥. Extracti gentian. Absin. & Centuar. min. an. ℥ij. Misceantur ac dividantur in ix. doses, quarum unam capiat quarta quaque hora, superbibendo decocti amari sine purgantibus & vini albi an. ℥iij. est & altera methodus curandi has tertianas, in pauperibus, scil. quorum facultas prolixo apparatui Medico ferendo non sit. Ut ℥. Serpentar. Virginian. subtiliss. pulv. ℥j. vin. alb. ℥iij. Mf. sumat duabus horis ante paroxysmum, & stragulis bene coopertus sudet per tres vel quatuor horas, idem faciendo per duas alias vices paroxysmo ingruente.*

(1) Sequenti anno (nempe 1676.) sub initio Julii eadem febres de novo vires reintegrabant, & quotidie increbrescentes mense Augusto quam immanissime debacchabantur, ac magnam stragem edebant. Cum autem de his jam fufius egerim, nil amplius adjiciam, nisi, quod Novo Epidemico a manifesta aëris crasi pendenti sub mense Novembris prorsus locum cedebant.

Etenim una cum Novembri subingrediebantur *Tusses* cæteris, quas mihi contigit observare, annis *ε-μ-ε-μ*, cum in singulis fere familiis universi laborarent. Harum aliz opem medicam non magnopere desiderabant; aliz

aliæ vero pulmones ita vehementer agitant, ut æger ventriculi contenta per os ejicere subinde cogeretur, vertigine insuper correptus, a nisu violentiori, & laborioso. Primis fere diebus tussis, siccam æmulans, nullam materiam spectabilem exantlavit: mox ætate auctior nonnihil; atque ut verbo expediam, tum in eo quod parcius expectorarent ægri, tum etiam conatu vehementiori, & paroxysmorum duratione ad *Tussim puerorum Convulsivam* mihi propius accedere videbatur, nisi quod mitius aliquantum sæviret. In hoc saltem convulsivam superabat, quod & febre, & solitis ejus symptomatibus stipata ægrum invaderet, quæ in tussi puerorum nondum me vidisse memini.

Solemne sit licet tussis sub hyemis ad ventum affligere, mirabantur tamen omnes eas hoc anno ita præter solitum increbrescere: quod quidem hac præcipue de causa arbitror contigisse. Cum mensis *Octobris* crebrioribus quam solebat, & ferme continuis permadisset imbribus, & sanguis hominum tempestatu consentiens particulas crudas atque aquosas assatim imbibisset, transpiratione per cutis spiracula a primo frigoris insultu prohibita, Natura colluviem hanc serosam vel per ramos venæ arteriosæ, vel, quod alii volunt, asperæ arteriæ glandulas eliminare satagit, & tussis ope explodere.

Curatio rite ut institueretur, quoties scilicet Medico fuit opus, tam per venæ sectionem, quam catharsim evacuandum esse nullus dubitavi. Neque enim alia aliqua methodo æque commode ejiciuntur redundantes seri particulae, ac per phlebotomiam & cathartica, quæ tam insigniter vasa emulgent. Remedia *Pectoralia* quod attinet, (præter quam quod eorum usu gratificamur ægris) non intelligo quo pacto amoliendæ tussis causæ queant conferre, cum omnis eorum actio, vel in incrassanda materia, quoties justo tenuior vim expultricis facultatis eludit, vel in eadem attenuanda, quoties ob visciditatem ægrus expuitur, poni videatur. Id certo scio inutiliter in his tantum temporis impendi; nonnumquam etiam sanguinis massam eo usque debilitari a retentis particulis seri Naturæ inimicis, pulmonesque insuper tussi irritatos ita conquassari motu violento ac fere continuo, ut non raro via sternatur ad *Tabem*; a cujus insidiis celeritate curationis æger vindicari debuerat. Neque multo tutius adhibentur sudorifica, a quorum usu æger nonnumquam in febrem incidit, non-

numquam etiam particulae sanguinis facile inflammabiles ita pleuræ impinguntur, ut accendatur *Pleuritis*, quod per decursum dictæ tussis epidemicæ ingenti vi hominum cum suo magno periculo contigit.

Sanguinis itaque e brachio eduxi quantitatem moderatam: *Epispasticum* satis amplum, ac forte, posteriori cervici applicandum curavi, quo materiæ peccantis pars aliqua alio derivari possit. Posthæc *Catharticum* e lenioribus, infusionem scilicet *Senæ*, *Rhei*, cum *Manna*, & *Syrup. Rosaceo Solutivo* quotidie exhibui, donec vel prorsus convalesceret æger, vel admodum imminuerentur symptomata. Vel, si potio minus ægro arideret, *Pilul. Coch. Major. scrupulor ij.* quotidie devorandos imperavi; hora scilicet quinta matutina superdormiendo.

Hac etiam methodo, phlebotomia scilicet & repetita catharsi, eaque sola expugnatur *Tussis Puerorum Convulsiva*; malum alias pertinacissimum, & pene insuperabile. Aliud quid valeant hic præstare plane nescio, me in variis atque omnis fere generis remediis operam non semel perdidisse satis scio. Sed leniora tantum cathartica hic conveniunt, eaque cochleatim sunt ingerenda pro ratione ætatis. Quæ quidem æt' *evacuatio* evacuatio eo nomine, ut arbitror, dictæ tussi medetur, quod scilicet, licet non multum humoris serosi in pulmonibus inveniatur, servidiores tamen, & spirituosus halitus e massa sanguinis in pulmones statim temporibus transmissi atrociores illos tussendi paroxysmos in tenellis excitent; horum autem in pulmones imperus haud alia methodo æque sisti posse videtur & præcaveri, atque hac qua motus priori contrarius (per viscera scilicet) morbi causæ conciliatur.

Verum in morbis *Epidemicis* cujuscumque demum generis sint, (si modo recens adhuc ægrum corripuerint) summopere cavendum, ne alvus ei ducatur, nisi misso prius sanguine. Qui enim morbi a constitutione aeris epidemica pendent, aut jam febres sunt, aut in earum classem levissima de causa transeunt; cum ex tumultu in sanguine, & humoribus a catharsi, vel lenissima excitato, & subsequente calore facile accendatur febris, quam alias Natura propulsalet consuetis materiæ morbificæ evacuationibus; *grævedine* ex. gr. aut *Tussi* in hoc, de quo jam agimus, Epidemico, aut *Diarrhæa*, quoties febris cum illa faciens epidemice grassabatur. Idem potest dici de quacunque alia aeris constitutione, qua corpus ad certum ali-

quod

quod febris genus determinatur; quæ quidem non semper actu invadit, sed benignioris Naturæ ductu morbi fomes e sanguine, mediante evacuatione aliqua ejus genio accommodata, exturbatur. Hoc constanter assero, quantumlibet mos jam obtineat exhibendi cathartica ante celebratam venæ sectionem, vel quod adhuc est periculosius, eâ penitus omisâ. Licet enim obijciatur facultas in primis viis stabulantes toties in vacuas venas propelli, quoties detrahatur sanguis, alvo non prius subducta, certissimum tamen est evacuationem, quam isti præmitti volunt, nullo modo refarcire posse injuriam sanguini illatam a tumultuante cathartico phlebotomiæ præmissa. Atque negari non potest catharticum mox a dempto sanguine assumptum longe mitius vim suam exerere, neque perinde sanguinem, vel calescere, vel exagitare, atque idem solet si phlebotomiam præcedat. Neque paucos, ex infantibus maxime, vel ob ignoratam hanc rem, vel neglectam periisse existimo.

Atque hoc mihi suffragante experientia multiplici compertissimum est. *Experientia*, inquam, optima duce & magistra, ad cujus leges, & normam nisi exerceatur Medicina, eam prorsus exulare satius esset. Luditur enim, quod ajunt, de corio humano plus satis, cum hinc Empirici, neque morborum historiam, nec methodum medendi callentes, & receptis tantum freti, isthinc sciorum vanissimi spem omnem in affectato artis ambitu, & speculationibus utrinque pari fere momento disceptatis ponentes, quasi junctis viribus majorem edunt stragem, quam ederent morbi eorum destituti auxilio. Ea demum praxis, eaque sola agris mortalibus feret, quæ indicationes curativas ex ipsis morborum phænomenis elicit, dein firmat experientia. Quibus gradibus magnus *Hypocrites* ad cælum ascendit. Et si dicta methodo ars medica a quoquam traderetur, licet morbi unius aut alterius curatio cuilibet e vulgo possit innotescere, integra tamen ars, quæquæ patet, homines prudentes, & peritos etiam magis exquireret, quam in statu hodierno, neque, vel minimum artis honori exinde decederet. Cum enim subtilitas longe accuratior in Naturæ operationibus (in quarum observatione vera praxis medica fundatur) quam in arte aliqua, hypothesebus etiam luculentissimis suffulto, inveniat, medendi ars, quam præcipit Natura, rude vulgi ingenium longiori intervallo superabit, quam ista, quæ a Philosophia doce-

tur. Fidem hic mihi facient *Febres*, quæ duas e tribus, in medicina facienda, partes occupant, & quemvis mihi arbitrum constituo, vel mediocriter cogitationibus, indulgere solitum, vera dicam necne. Quis enim, vel ex insulissimis Empiricis est, qui se huic morbo curando imparem fatebitur, si id tantum agendum est, ut duabus istis indicationibus curativis, quæ vulgo obtinent, fiat satis? Nempe ut sudoriferorum ope exterminetur materia morbum committens, & symptomatibus eatur obviam, quæ ejusmodi evacuationibus superveniunt. Certissimum enim est, *Theriaca Andromachi*, *Pulv. e cœlis Canor. comp.* *Aq. Epidem.* &c. intro assumptis, una cum regimine calidiori sudores posse propelli, quem sibi scopum unice proposuit in hujus morbi curatione, maxime si forte *Malignitatis* nomen auribus usurpaverit. Et ad mitiganda quod attinet symptomata, *Diacodium* in promptu est, quo somnus invitetur, quoties urgent vigilæ, *Enema* quoties alvus non respondeat, & sic de cæteris. At nec ipse valet comprehendere suo Marte, nec e Medicorum præscriptis ediscere, quæ demum illa sit febris species, quam debellare satagit; si modo credimus (credent saltem forte posteris) varias dari febrium species, quarum singulæ suam sibi methodum medendi a reliquis diversam fere postulant. Unam insuper eandemque febrem, cujuscumque sit generis, uno modo ubi primum aggreditur, atque alio paululum diverso per singulos gradus quousque grassabitur, tractandam esse. Quo pacto indicationes curativas ab hoc vel illo phænomeno minus insigni mutuabitur, naturalem morbi historiam ignorans (quæ sola veram medendi rationem indiguitate poterit) cum nequeat dijudicare, an hoc vel aliud phænomenon a curandi quam adhibet methodo, an ab ipso nascatur morbo? Dies deficeret enumerantem varia, & subtiliora illa minutioraque, quæ in hoc atque in aliis morbis curandis observanda occurrunt: quæ cum tot sint & tanti momenti ad liberandos a morte homines, semper licebit posteris, & seris nepotibus aliquid adjicere iis observationibus, quibus traditur varietas pene infinita operationum Naturæ in morborum productione, & curativæ indicationes ex eo fonte depromendæ enumerantur. Non itaque vilescet ars, si quid hujusmodi lucem aspiciat, quin potius illustrabitur, & difficilior reddita nonnisi sapientes & subacti judicii viros in filiorum numerum cooptari sinet. Sed hæc obiter.

Tusser

Tusses modo dictæ, si imperite tractarentur, *Febrem* accendere solebant ei haud ab- similem, quæ Hyeme Anni 1675. adeo e- pidemice grassabatur, & cujus historiam tra- didi *Secl. quinta Cap. quinto* libri de *Morbis Acutis*. Sed num febris hæc soboles tantum esset an effectus tussis epidemicæ, eadem ipsa methodo febrem, felici semper cum successu, aggressus sum, quam in tussis curatione su- pra descripsi; nempe *Vena sectione*, *Epispa- stico* cervici appposito, & *Cathartico* deinde tribus auroris exhibitio. Quamlibet enim in tussis sine febre nullum præstinebatur tem- pus, quandiu æger purgandus esset (utpote quæ continuari deberet, ut supra notavi, donec vel prorsus convalesceret, vel admo- dum imminuerentur symptomata) in febre tamen, quæ a tussi pendeat, purgatio per tres dies instituta ei prorsus debellandæ par erat; quod in constitutione, de qua jam a- gimus, sæpiusculum observavi.

Hic autem notandum occurrit, licet hanc febrem, quando se primum exerebat, comi- tarentur, defluxiones in pulmones molestissi- mæ; post mentem tamen unum vel alterum, cum colluvies ista seri sensim e sanguine eli- minaretur, febris ejusdem plane indolis hinc inde sine tussi aliqua infestabat (non peni- tus delata, sed manente adhuc in sanguine malæ crasis impressione) ac proinde haud di- versam curationem ab ea, quam tussis comi- tabatur, sibi vendicabat.

Verum eodem, quem dixi, modo hæc fe- bris se extendebat usque ad initium anni 1680. quo hæc conscripserim; quo tempore etiam cum anno surgente *Febres Intermitten- tes* modo dictæ apparere incipiebant. (1) Ex- inde vero ad initium usque anni 1685. quo secundam hanc nostram *Editionem* jam con- ficio, eadem adhuc perdurarunt. Etenim ta- met si in hac urbe non adeo epidemicæ nunc temporis invadunt ac in quatuor primis an- nis, & mitiores etiam sunt; in aliis tamen locis, nunc his, nunc illis, non minus gras- santur ac sæviunt. Atque etiamnum genera- lis constitutio intermittentibus producendis adeo favet, ut ad hunc usque diem affir- mare possim, me ne unicam quidem febrem per hos dies vere *Continuam* vidisse unquam, nisi forte re male gesta in earum classe fue- rit evecta, vel una esset *Intercurrentium* mi- hi dictarum, quod scilicet omni fere anno invaderent. Ita pertinaciter hæc constitutio

hujusmodi intermittentibus conducit, cujus certe acies prius est retundenda quam *Conti- nua depuratoria* mihi dictæ, epidemicæ gras- sari fuerit integrum. Etenim in intermit- tentium specie Natura plus satis festinare vi- detur, & agendi vehementia justo citius tem- pora materiæ morbificæ subigendæ, mox e- tiam despumandæ, debita percurrere. Quod in depuratoria secus accidit, in qua non nisi post dies 13. vel 14. apparent signa mate- riæ febrilis tandem concoctæ, per sudores subinde, vel potius per *diarrhoeam* paulo ple- niorem, eliminandæ. His rite perpenis nul- lus dubito quin febres istæ *Depuratorie*, quæ annis 61. 62. 63. 64. regnabant, quasi fæces fuerint *Intermittentium* quarundam, quæ ante id tempus per seriem annorum certam sæ- viissent, quanto autem tempore hæc inva- luissent haud equidem scio. Cum enim con- stitutio, quæ ad intermittentes faciebat sævi- tiem suam deponens jam ferme exolevisset, febres quas postea parturiebat magis humo- rales erant ac terreæ, unde non nisi lente ac pedetentim sanguinem depurare sategerit, quæ in primis constitutionis annis subtiliori- bus principiis innixæ, atque adeo intermit- tentium typo indutæ, celeri passu suis tem- poribus defungi solerent. Quod si res ita se habeat, verisimile mihi videtur, hanc febrem (*Depuratoriam* volo) postliminio reversuram quam primum præsens constitutio aliquan- tulum remiserit, eandemque serie quadam annorum permanсурam, antequam *Pestis* eam exceperit. Per annos autem omnes, quot- quot demum ii fuerint, quibus febris hæc grassabitur, *Intermittentes* etiam subinde se exerent, ac fortean nonnunquam pro brevi tempore epidemicæ evadent; quando scilicet manifesta aliqua aëris temperies ad id sym- bolum suum conferet. An huic febre *Cortex Peruvianus* æque medebitur ac nunc dierum febribus intermittentibus solet, non habeo certo dicere. At in *Peste* atque *Epidemicis Continuis*, quæ eandem ordine excipient, debellandis, non alios effectus ex ejus usu expectare licet, quam eos, quos hodie in *Pleuritide*, *Peripneumonia*, *Angina*, ac id genus *Febribus inflammatoriis* videmus, quibus non tantum non prodest, sed & plane obest. Sed utut id fuerit, eo quem diximus modo in po- steriorum epidemicorum alii alios excipient, si- quidem Natura eundem ordinem, ac per 24. annos ultimo præterlapsos, observaverit.

Atque

(1) Anni 1680. 81. 82. 83. 84.

Atque hæc fere sunt omnia, Vir plurimum honorande, quæ de morbis epidemicis annorum nuperrime elapsum observavi. In *Rheumatismo* vero curatione (nam & de illo etiam morbo quærebam) inpenumero mihi subiit tecum dolere, quod non nisi ingenti sanguinis vi repetitis venæ sectionibus e ducta, ea possit perfici; unde non tantum ægri vires pro tempore franguntur, sed si paulo fuerit natura debilior, aliis etiam morbis ad annos aliquot obnoxior fere redditur; cum post illos elapsos materia rheumatismum prius committens jam in pulmones depluat, ægro scilicet frigore perculso, vel alia aliqua *trachea* leviori diathesis latens in sanguine jam foras in actum protrudatur. His de causis experiri statui, an nulla alia methodus daretur a reiterata toties phlebotomia diversa, qua hic morbus possit debellari. Serio itaque perpendens, quod affectus iste (ut jampridem in *Acutorum Historia* subinnui) ab inflammatione videatur oriri, quod tum cætera arguunt phænomena, tum præsertim sanguinis e pertusa vena color, utpote qui *Pleuriticorum* sanguini per omnia similis est; tandem vero simile esse judicabam morbum hunc diætâ simplici, admodum refrigerante, & mediocriter nutriente, ægro imperata, æque feliciter atque repetitis venæ sectionibus profligari posse; etiam evitatis, quæ alteri methodo adjungebantur, incommodis: neque me sefellit *Diætâ e sero lactis phlebotomia* loco substituta.

Prægressa æstate Pharmacopola mihi in vicinia nomine *Malthus* (vir probus, & ingenio non vulgari) me accersebat. Rheumatismo autem misere cruciabatur his symptomatis stipato. Coxendice primo ad biduum claudicabat, exinde pulmones dolore tentabantur gravativo cum dyspnœa, quæ post aliud ferme biduum evanescebat; dein caput vehementer cœpit dolere, mox etiam coxendix dextri lateris, quæ omnium primo laborabat; posteaque, pro morbi indole, omnes fere tam brachiorum quam crurum articuli per vices molestabantur. Cum debiliore esset & sicco corporis habitu, veritus ne minus firmas jamdiu vires, & labescentes, dempto copiosius sanguine prorsus exsolverem (maxime tum æstas eo usque adoleverit, ut jam metus esset, ne superveniens hyems redintegrandis viribus frequenti venæ sectione attritis intercederet) imperavi, ut solo *lactis sero* ad dies quatuor velceretur æger, quibus elapsis, præter serum lactis pro victu ordinario panem simillagineum congesti

Sydenham Opera Med. Tom. I.

loco prandii, semel nempe in die, donec penitus convalesceret.

Tenui hac diætâ contentus, ad dies octodecim perseverabat, nisi quod postremis eorum alium insuper panem pro cœna indulgerem. *Serum* autem e *lactis libris octo* domi paratum quotidie infumebat, quo satis bene nutriebatur. Post hos dies cum non amplius urgerent symptomata, & jam sub dio versaretur, carnes etiam permisi, pullo- rum scilicet elixorum, cæteraque *trivium*. Tertio autem quoque die solo lactis sero visitabat, donec tandem pancreaticæ valeret; incommodis quæ supra memoravi hac methodo elusis, quibus decimo abhinc anno pessime excipiebatur, venæ sectione ex meo præscripto in curationis subsidium tunc adhibita, ac sæpe repetita.

Si quis hanc methodum tanquam rudiorum, & artis laude carentem contempserit; sciat is velim, primo leviora tantum ingenia res quaslibet vilipendere, quod simplices fuerint, & apertæ; dein me, vel imminutz existimationis prætio, publico hominum bono inservire paratissimum. Quibus edico quod nisi obstarent præjudicia vulgi, nullus dubitarem methodum jam dictam aliis etiam morbis, quorum impræsentiarum nomen reticere libet, accommodare. Quod sane magis ægris prodesset, quam solemnior illa remedium pompa, quæ in jam moribundis, tanquam bestiis, ut mox immolentur, coronatis, male collocatur.

Quod vero etiam ista, quæ pro vilissimis habentur & nullius sunt pretii, accedente ea, quæ in Medico quæritur, solertia, & *αγχιότης* hominibus ab oris faucibus liberandis queant inservire, exemplo docebo: quod licet ad morbum, de quo jam agimus, nihil pertineat, non tamen prorsus est *απροσδιόριστος*, nec ab eo quem mihi proposui scopo alienum. Duobus abhinc mensibus quidam in vicinia me rogabat, ut servum inviserem, qui haud modicam *Mercurii Sublimati corrosivi* quantitatem deglutiverat, sive, ut postea audiui, ex amore *μολυσματός*. Hora fere elapsa erat, a qua venenum hauserat; cum ad eum accederem, jamque os & labia valde intumescabant, vehementer agrotabat, ardente ventriculi dolore, caloreque tantum non confectus: Ego tres *Aquæ tepide* congios repetitis haustibus summa quæ potui celeritate & diligentia ebibendos imperavi; atque ut toties nova ingereretur copia, quoties ventriculus jam ingestam per vomitum ejecerat; volui etiam ut elueren-

Q tur

tur intestina, aqua tepida sine ullo additamento copiose per sedem injecta, ubi primum ventris tormina admonerent venenum jam per inferiora exitum quærere. Paruit miser, jam vitæ avidus, & plures etiam aquæ libras, quam præscripserim, absorpsit. Amici, qui ægro, utpote in casu insolito; assiderent, ab eo didicerunt, quas primum evomuit aquas gustu perquam acres fuisse, sale scilicet venenato plenius exsaturatas; singulis autem vicibus rejectas aliquam semper acedinis partem amittere, donec tandem nihil prorsus saperent. Quæ mox urgebant tormina, sola aqua injecta ad modum Enematis leniebantur. Hoc tam nullo rerum apparatu, benedicente Numine, intra paucas horas convuluit æger, nisi quod labia non statim detumescerent, ore etiam a veneni particulis, quæ aquam, quam evomuerat penitus infecerant, adhuc exulcerato. Quæ symptomata *Dietæ a lacte* solo ad quatrimum adhibita mox evanuerunt. Aquam *Oleo* (quod hic una cum opere ignari solent perdere) atque aliis omnibus liquoribus ideo prætuli, quod cum ea magis esuriret, exinde magis idonea mihi videretur devorandis salinis hujus veneni particulis, quam alius quilibet liquor, qui vel crassior esset, vel particulis alieni corporis jandiu pregnantior.

Sed ut ad *Rheumatismum* revertar. Utut e sero lactis dicta conveniat juvenibus, atque iis, qui temperate, & cum consilio vixerunt; tamen inconsultum fuerit virilem ætatem prætergressos, vel vino ac aliis liquoribus spirituosius jam a longo tempore plus æquo addictos hac methodo tractare; utpote quæ in hujusmodi hominibus ventriculum labefactet, & pariter præ inusitato frigore sanguini inducto viam sternat ad Hydroperem. In hoc igitur casu omnino par est, ut eo fere modo, quem Libri nostri de *Morb. Acut. Sect. VI. Cap. V.* tradidi, curetur æger: Tametsi ex quo eum scripsi, experientia didicerim, satius esse post secundam vel ad plurimum post tertiam venæ sectionem *Cathartica* sæpe sæpius exhibere atque repetere, donec symptomata omnia penitus cessaverint, quam Phlebotomiæ rem totam committere. Etenim ob Catharsin suppetias ad averruncandum morbum Phlebotomiæ ferentem, citra ingentem istam sanguinis jacturam subsistere non erit: atque porro locus relinquetur *Pægoricis*, a quibus alias, utut faviret dolor, ægro temperandum esset, cum illorum usu figatur morbus, neque tam facile venæ sectioni cedat. Purgativa vero ista

e *Lenivis* solum consent, ut *Tamarindis*, *Senna*, *Rheo*, *Manna* & *Syr. Ros. Sol.* cum alia, quæ ex *Scamonia*, *Zalapio* &c. parantur, tumultum cieant, & dolorem exasperent. At singulis vespertinis post peractam Catharsin *Syr. de meconio* ℥j. aliquantulum temporis, quam id fieri solet, propinetur.

Hic autem commemorare libet, me per constitutionem instantem observasse affectum, quendam modo *Rheumatismum* æmulantem, modo etiam a *Nephritico dolore*, quoad sævissimum lumborum cruciatum non multum abludentem, qui cum febres intermittentes excipere soleret, translationi materiæ febrilis in musculosas corporis partes originem suam debebat. Hoc symptoma haud diversam medendi methodum postulabat ab illa, quam morbus ipse, cui adhæret, febris nempe intermittens, sibi vendicabat; cum a frequenti Phlebotomia, & quibuscumque aliis evacuationibus exasperaretur illud, atque æger in vitæ discrimen conjiceretur. Quod ut nemini imponat, id attingere volui.

Atque hæc sunt, Spectatissimæ Vir, quæ in his affectibus, de quibus sciscitari libuit, sedula observatione habeo comperta; quæ si aut tibi placuerint, aut profuerint aliis, mihi cedent ex animi sententia; me saltem pro tenuitate mea debitum tuæ claritati observantiz specimen exhibere conatum mihi serio gratulabor.

Tibi semper Addictissimus,
THO. SYDENHAM.



Hæcenus vidimus Clarissimum Auctorem nostrum Constitutiones Epidemicas Londinenses Annor. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. imo ex parte usque ad annum 1685. magna cura describentem. Utinam alii plures eodem studio incubuissent! Historia morborum sic minus manca foret, & eisdem recurrentibus constitutionibus in subsequentibus annis, æperior, ac multo facilius daretur via ad morborum per ea tempora vigentium medellam. Verum pauci admodum diligentioris observationis negotium, non parum sane difficile, in se suscipere dignati sunt; inter quos si insigniores aliquos seligeremus, atque hic insertos traderemus, ut sic aliquatenus plenior fieret Constitutionum Epidemicarum Historia, Dilecto Lectori perurise quid nos facturos optati

nati sumus. Sunt autem Præclarissimi illi Observatores, quos in Scenam jam producemus, Bernardinus Ramazzini, Lucas Schrobachius; Michael Bernardus Valentinus; Johann. Harderus; Gustavus Casimirus Gabrilsp; Conradus Bertholdus Bebreus; Rudolphus Jacobus Camerarius; Ambrosius Stegmannus; & Medici Uratislavienses.

BERNARDINI RAMAZZINI

In Mutinensi Lyceo Medicina Professoris

DISSERTATIONES TRES DE CONSTITUTIONIBUS

Annorum 1690. 1691. 1692. 1693. 1694.
in Mutinensi, Civitate & illius
Ditione.

Dissertatio Prima.

DE CONSTITUTIONE Anni 1690.

Solemnis Astrologorum, quos Judiciarios appellant, fere ubique est consuetudo, ut cum annus extremo senio confectus est, & ad sui finem properat, illico successuri anni genesium in antecessum describant, & ex astrorum positu illius indolem, genium, mores, num salubris, an insalubris, num frugifer, an sterilis futurus sit, suas Ephemerides evulgando prænuncient. Contraria quidem, sed tutiori methodo mihi visum est incedere, siquidem anni jam exacti naturam, ac temperiem, qui morbi grassati fuerint, quæ remedia praxis salutaria deprehenderit; quæ noxia, compendiose enarrare constitui, quod institutum posthac singulis annis prosequi mihi in animo est, donec Operis filum abruptat

— *Mors ultima linea rerum.*

Id autem ingenuis professoribus nec injucundum, nec praxi prorsus inuile futurum credidi, quando ars Medica solis observationibus ortum suum, ac progressum debet, majorem quoque in dies habitura, si ea quæ in morborum curationibus nova, & insolita quotidie accidunt, accuratius observarentur. Erit tamen, non secus ac in Astrologorum Ephemeridibus, hic quoque divinationi locus; non enim ea solum quæ hoc anno apud nostrates acciderint, referre satis duxi, sed

pensum meum existimavi, ulterius causas disquerere, undenam tam copiosa morborum seges in agris nostris prodierit, ac si non philosophari, saltem divinare, quem exitum habitura sic hæc epidemica affectio. In rebus autem abstrusis, & alta caligine involutis vaticinari quoque humanam imbecillitatem pudere non debet, multoque minus in arte Medica, quando ipse Divinus Præceptor tradidit, *Medicinam, & Vaticinationem esse valde cognatas, cum ambarum Artium unus sit Apollo Progenitor.*

II. Exacte perdiscendam Temporum Constitutionem, & quemque morbum, & qui morbus sit bonus, & qui periculosus, aut in Constitutione aut in morbo, verba sunt, immo Oraculum Hippocratis in libro de diebus Judicatoriis; nam ut ibidem ait, *Plerumque Hominis Natura Universi potestatem non superat.* Nomine autem Universi procul dubio divinus senex aëris potestatem nobis designavit, ex cujus vitio omnes fere epidemiales affectus ortum ducunt. Plurimum autem momenti, tum ad prænoscentes futuros morbos, tum ad eosdem profligandos, & rectam victus rationem instituentiam, quæ a morbis vulgaribus optima præservatrix dicitur, plurimum inquam momenti habere, non solum præsentem temporum constitutionem, sed etiam anteaetas diligenter observare: nemo non videt; cum ex iis, tanquam ex sua radice variz, & insolentes aëris alterationes progerminent, quæ modo hanc, modo illam morbi popularis speciem quandoque inferant. Antequam ergo Epidemici affectus, qui colonos nostros, & Cispadanæ Regionis humiliorem partem afflixit, descriptionem aggrediar, operæ pretium duxi; prægressas constitutiones paulum perpendere.

III. Quatuor, aut quinque annos non vulgaris siccitatis in tota pene Italia præcessisse jam satis constat; quo tempore uberimus fuit frugum omnium proventus, & satis prospera valetudine in universum uti concessum fuit; adeo verum deprehensum est vulgatum illud, quod in *siccitatibus omnia sunt salubriora.* Anno vero huic præcedenti circa Vernale Equinoctium ingentes pluviz cecidere, quæ identidem repetentes totum Veris tempus horridum, & ignavum reddidere. Æstas subsecuta, & ipsa fuit magna ex parte pluviosa, Circa Solstitium signa rubiginis in frugibus observari cœpta, quæ rubigo sensim augescens triticeam segetem maxime corripuit; frumenti culmos usque

ad aristas maculis veluti sanguineis adspersis. Eadem pestis fabas quoque, ac reliqua legumina obsedit, adeo ut spem præconceptam de anni fertilitate pauci dies eluserint; solabatur tamen annorum antecedentium felix ubertas, ut venturis temporibus provisa sufficerent. Sub initium Septembris, ac multo magis sub Æquinoctium ipsum largiores pluviae delapsae, quae per totum Octobris mensem perseverarunt, ut flumina immensam aquarum vim intra suos aggeres non nisi improbo labore continerint. Postremi duo menses fere impluvii fuerunt, & annum 1689. satis placide clausere. In praedictis constitutionibus non nisi morbi Sporadici observati sunt, nec multa funera annum infestarunt.

IV. Ineunte autem anno 1690. (quem rubigalis lues, fruges & quodcumque fructuum genus depascendo, & febrium Ilias primo ruscianam gentem, mox urbanam quoque corripiendo, nefastum reddidere) constitutio pluvialis postliminio, sed gravior recurrens, ac fere continua, omnium animos obnubilavit. Sic hyemem humidam, nimbosam cum exiguo frigore, nivibus vix delapsis illico tabescentibus ægre transegitimus, Martius mensis porro sine pluviis præter morem, & magna aeris tranquillitate usque ad Æquinoctium exactus animos erexerat, cum Caelum denuo omnes, quas in sinu suo contineret aquas, visum est super nos effudisse. Unius Nyctemeri spatia aquis oppleta sunt omnia, ut hæc Civitas Insulae specimen præferret. Horret animus agriculturalum calamitates in hac magna eluvione referre, qui

Ducebant remos illic ubi nuper ararant.

Neque id solum visum est in Mutinensi agro, sed etiam in Finalensi, Mirandulano, & Ferrariensi, qui situs pars olim fuit antiquae Vallis Padusae, in quam omnia flumina ex Apennino descendencia a Placentina Urbe usque ad Adriaticum Mare, Strabone teste, exonerabantur, antequam structis aggeribus Padum subire cogerentur; quare in his locis ad longum tempus stagnarunt aquae, non admittente Pado ad satietatem pleno, non solum circumjacentes aquas, sed per Scultennam, & Gabellum proprias aquas in agros nostros eructante. Perstitit deinde eadem pluviosa constitutio non solum toto Veris tempore, sed per totam fere Æstatem, ut nulla pene dies sine pluvia visa fuerit. Hinc factum, quod una cum pluviis flante ut plurimum Borea, nul-

la unquam Æstas nostro in hoc climate extiterit, in qua remissior fuerit caliditas, ut patuit ex Thermometris, unde nunquam serior fuit frugum maturitas, messe Julio mense peracta. In Barometris quoque observatum est multo elatiorem quam alias fuisse Mercurium, aëre crasso, & nebuloso existente, cicadae hoc anno ut plurimum aphonae observatae sunt, illarum loco per totam fere Æstatem coxantibus ranis; sic pro Vere hyemem, & pro Æstate Ver fortiti fuimus.

V. Nullus annus in his Regionibus pisculentior unquam fuit, quare cum pisces ubique pretio vilissimo prostant, plebs urbana hoc alimentum genere familiariter usa est, multoque magis plebs agrestis, quae facili negotio propriis in agris, & in ipsis laribus pisces captabat. *Neptuno pro Cerere victum subministrante*, ut de Ichthyophagis scripsit Diodorus Siculus, donec super cibo isto levissimo nauseante rusticano stomacho, sicut olim gens Hebraea in deserto, allia, & cæpas appeterent. Ab amico mercatore fide digno, qui Mantuanum agrum hisce temporibus peragravit, ut sericum emeret, accepi, rusticos illos ægrotis suis febricitantibus, & nauseabundis allia, & cæpas coctas pro ferculo præbuisse, quod cum in aliquibus feliciter cessisset, passim exinde hoc remedii genus, tanquam elixir proprietatis, quo mirifice recreabantur, valde ex usu fuit.

VI. Sub initium Junii denuo, sicut anno ante acto, apparere signa rubiginis. Vim rubigalis morbi prima persensit Morus, nec illi quidquam profuit iohannis prudentia, cuius symbolum in censu plantarum audit. Mox eadem rubigo, pessimus omnium frugum morbus, & paulatim augescens frumenta, & omnia legumina, sed præsertim fabas occupavit, neque solum in locis humilioribus, ubi computruerant aquae, sed etiam in editioribus, ut supra viam Æmiliam, & in ipsis Collibus. Luctuosum sane, ac deplorandum spectaculum omnium oculis fuit, campos circumquaque non virentes, sed atratos, & fuliginosos intueri; sicut enim anno huic præcedenti hæc lues rubro colore fruges infecerat, ita hoc anno, non *Creta*, sed *Carbone* notando, easdem magna atredine respererat. Sic frumentatio pessum ivit, frumento partim a rubigine absumpto, partim ob aquarum colluviem in lolium converso. Sed neque plantarum fructibus, qui Æstatis principio, vel sub Opera maturescunt, pestis hæc pepercit. Nunquam in

tota

tota Estensi ditione uvarum, sicuti rerum omnium maxime ferace, parcius fuit vindemia, botris ab eadem peste paulatim exesis. Nucibus tantum, quarum præter morem ante actis annis magna penuria fuerat, hæc rubigalis lues non nocuit. At neque hortensis familia vim hujus morbi cuncta depascentis effugit, nam olera fere omnia sydereo veluti afflatu ustulata sunt; adjecta quoque altera clades, nam eruca, & bruchi hortos omnes depopulati sunt, nudis stolonibus relictis. Melonum, sicuti & reliquorum fructuum, magna satuitas, ut & ipsa animalia illorum esum quandoque respuerent.

VII. Vix risum forsitan tenebit aliquis, quod res tam minutas adeo curiose perscruar; at is sciat, quod magnarum calamitatum non raro exigua sunt signa, &

Sape exiguis nius

Augurium tibi triste dabit.

Quemadmodum in re nautica ex levi nebula magnæ tempestatis signa captantur; ita & in re Medica ab exilibus indicibus magni morbi impendentes non raro prævidentur, quare Hippocrates: *Nihil negligere*. Sic non immerito Cleombrotus apud Plutarchum, Demetrium dicentem, ridiculum esse ex rebus minutis de grandibus facere indicium, arguebat his verbis: *Artem Medicam pestilentem æstatem ex araneatum frequentia prænuntiare, atque ex foliis ficulneis, quando Vere Cornices pedem referunt, quis confitebitur qui res pusillas statuunt vestigia non esse magnarum.*

VIII. Pluviosam constitutionem quæ ab anni principio usque ad totum Julii mensem obstinate persisterat, magna postmodum siccitas per duos fere integros menses excepit hujusmodi tamen siccitatem non multa caliditas comitata est, & qualis cæteris annis apud nos persentiri solet, præsertim cum *Procyon furit*,

Sole dies referente ficos.

Post æquinoctium vero cœperunt denno apparere pluvie, ad quarum primum assuetum nemo non expavit, fuere tamen valde moderatæ, & quantum sufficerent ad terram strigolam, ac veluti faxeam ob prægressam siccitatem emolliendam, adeo ut colonorum votis pro desiderata frumenti satiatione responderit. Ultimi duo menses, sicuti priori anno cum perpetua fere serenitate, & modico frigore quantum prima pars hyemis postulabat, anni cursum absolverunt.

IX. Hæc itaque fuit hujus anni constitutio, omnium non solum vegetabilium, sed

etiam animantium naturæ, ut modo videbimus, valde infesta. Quamvis ergo hyems adeo intempestiva fuerit, nihil tamen contigisse scio, quod ad Medicam lancem trutinari debeat, neque id mirum, nam tunc temporis cudebantur morbi suo tempore, & loco erupturi. Epidemicos affectus, non præsentium constitutionum, sed præcedentium esse productum, & sobolem scite annotarunt Montanus, & Vallesius, duo clarissima Medicinæ lumina, idque apertis verbis ipse quoque Hippocrates asseruit: *Cum fieret autem, inquit ille, totus annus humidus, & frigidus, & Borealis, per hyemem quidem salubriter degebant maxima ex parte, ante Ver autem multi quidem degebant morboide.* Succeedente itaque Verno tempore, ac circa medium Aprilis mensem magna febrium seges in Mutinensi agro intra viam Æmiliam, aliisque proximis locis, ubi diu stagnarant aquæ, ex improvviso caput extulit. Tertianæ omnes intermittentes ab initio fuerunt, & neminem novi, qui in principio hujus epidemici affectus alio febris genere tentatus fuerit. Indiscriminatim rusticoræ omnes, cuiuscunque sexus, ætatis, temperamenti, vitæ generis corripiebantur, cum magno horrore, frigore, & tremore, interdum quoque vomitione accedebant hæc febres; copiosi quidem sudores in principio hujus epidemici affectus ipsas comitabantur, qui postea in morbi progressu remittebant, pauci integre judicati sunt, sed omnes fere, qui evasisse videbantur, experti sunt recidivas; neminem tamen hujusmodi febrium genus, licet tam populariter grassatæ fuerint, quod sciam, sustulit. Multoties accidit, ut cum in die intermissionis celebraretur phlebotomia, eadem die febris corripere, & de simplici tertiana duplex fieret. Nec id solum ruri observatum est, sed etiam in oppidis, & in hac civitate, cum eodem tempore oppidani quoque, & plebs urbana iisdem tertianis febribus intermittetibus exercerentur, sed longe inferiori numero, ac genus rusticana.

X. Perseverarunt itaque hujusmodi febres per totum Veris tempus cum ejusmodi typis, accedente vero æstate, in duplices tertianas omnes conversæ, & quæ de novo accesserunt, hujusmodi typum servarunt. Duplici tertiana igitur omnes fere agricola eodem tempore laborarunt, quæ quidem ut plurimum intermittens erat, sed valde protracta, ut pauca horæ pro apyrexia numerarentur. Vespere ut plurimum exacerbabantur, illas stipante magno symptomatum satel-

satellitio, veluti vomitione, anxietate, capitis dolore, vertigine, in nonnullis stupiditate, in aliis mentis emotione; quod autem non raro mihi observatum est, magna erat virium nocturna prostratio, ac interdum cum asphyxia, ut proximi Silicernio viderentur, mane cuncta hæc remittebant oriente Sole, ad cuius matutinos radios, e lectulis exurgentes se exponebant, ac vitales spiritus ex inexhausto illo luminis, & caloris fonte veluti potabant. Cum hoc anno curiosius rusticatione, quamvis parum tuta, oblectatus fuerim, non semel admiratus sum, quo modo ægri, qui tota nocte cum morte luctabant, mane sub porticibus, velut angues ad solam cutem curantes, erecti starent, ac tantum virium iis superfuisset, ut campos etiam peragrarent; perstitit tamen in omnibus satis commoda cibi appetentia, quin persæpe non paucos audiui de nimis parca alimonia conquerentes, ac revera huiusmodi febres, quantum observare licuit, fuere magis famelicæ, quam siticulosæ.

XI. Verminatio nunquam alias major fuit, nec solum in pueris, sed etiam in proVectioris ætatis hominibus. Memini me vidisse rusticum quendam annorum circiter 40: sub porticu ad solem ex febris accessu rigentem, atque una valde singultientem, a quo cum sciscitatus essem, num vermes rejecisset, ac ille respondisset, se aliquot vermes inferius, ac superius deiecisset, singultum, a cuius molestia se potissimum liberari instabat, a vermibus stomachum laceissentibus fieri asserui; cum autem forte pulverem Chinæ Chinæ sibi a Medico serenè præscriptum in promptu haberet, permisi ut illum assumeret. Siluit pertinax singultus una cum febre, quæ tamen paucis post diebus rediit, sed sine tam molesto symptomate. Alias postea expertus sum huiusmodi remediæ genus in lumbricis puerorum enecandis, quod mihi feliciter cessit.

XII. Sanguis, qui in hac constitutione facta vena educebatur; ut plurimum crassus, & subpallidus apparuit; in nonnullis etiam Ictærodes observabatur, quamvis exterius in corpore similis color non floreret. Alvi excrementa in omnibus fere febricitantibus crassa erant, & compacta. Quæ per os rejiciebantur, subacida potius erant, quam amara. Urinæ ut plurimum crassæ, ac turbidæ multumque lateritii sedimenti habentes reddebantur, ac persæpe in febribus, in quibus nulla erat cacoethis suspicio; hypochondria in omnibus dura, ac dissentia.

XIII. Quibusdam, postquam illos huiusmodi tertianæ febres diu exercuissent, apparere parotides, quæ ut plurimum suppurbant; at neque hoc pacto contumacissimæ febres summovebantur. Curavi mulierem utero gerentem, quæ, cum per integrum Septembris mensem febricitasset, oborta parotide, ac feliciter suppurata, & ad longum tempus perpurgata, nondum tamen, cum jam anni finis imminet, a febre immunis est; adeo contumax, ac pene indomabilis erat sones, cui hærebant hæc febres. Cæterum nunquam viis contumaciores febres ad recidivandum magis pronæ, & quæ magis Medicorum industriam eluderent; siquidem nec repetitæ phlebotomiæ, nec purgationes, nec mille alexipharmaca, quæ pleno gutture tanquam manus Deorum Receptariorum Chorus adeo celebrat, quicquam profuere. Immo observatum, citius ac tutius restitutos, quibus nec sanguis ductus, nec purgantia exhibita, nec ullum aliud remediæ genus administratum, toto salutis negotio Naturæ morborum medicatrici commisso. Felicius tamen cessit, quibus purgationes, & vomitiones præscriptæ, quam quibus pluries secta est vena; ii namque in deterius semper labebantur. Vidi pauperem agricolam a duplici tertiana ad longum tempus conflictatum, & jam in magno discrimine versantem, cui nec detractus fuerat sanguis, nec ullum aliud remediæ genus adhibitum, solo vini generosi potu meo consilio propinati feliciter convaluisse; sic multos alios novi hoc solo cardiaco restitutos, aquæ usu, ac cæteris remediis ablegatis.

XIV. Cum autem huiusmodi tertianæ febres non solum colonas, sed etiam oppidorum majorum, & Urbium incolas, si non tam populariter, saltem eadem contumaciâ fatigarent, ac usu potius remediorum exasperarentur, quam mitescerent, mihi visum est hoc anno apud nos contigisse id quod apud Plutarchum legimus in libro de Oraculorum defectu, quod nempe in hac constitutione, quædam Medicæ artis Oracula obmutuerint, dum causam ignorarent, quare præconceptæ opinioni de magnâ medicamentorum supra morbos quoscunque potestate tertianæ febres intermittentes, ut plurimum citra malignitatis suspensionem, minime auscultarent; quare locum habuit Virgilianum illud:

*cessere Magistri,
Phillydrides Chiron, Amphioniusque
Melampus.*

XV. Ma-

XV. Major itaque pars medentium apud nostrates, ut vulgi calumniis, & assiduis ægrotorum querimoniis se subducerent, in hac tempestate ad Peruviani corticis sacram anchoram confugere, at parum prospere; nam in periculosiores scopulos ægrotantes suos per sepe deduxere. Usu febrifugi per aliquot dies equidem sub doloso cinere latebat ignis, verum postliminio violentior recandescibat. Qui tamen peritiores erant, ac rebus ægrotantium magis, quam propriæ ambitioni consultum volebant, *Nabant sine Corrice*.

XVI. Hoc itaque tenore processit febrilis acies per totam Æstatem, ac totum Autumnum, rura, & oppida infestando, frustra *Quartanam sperantibus agris*, & intervallum aliquod a quotidianis paroxysmis expectantibus; nam pauci hoc anno visi sunt quartanarii; sicuti nec observare contigit synochas ultas, vel febres ardentes, sed solum tertianas, quæ quidem sub finem Autumni, & prima parte Hyemis rariores fuere, sed graviores, intermittentes quidem in principio, sed quæ tandem in continuas, & lentas migrarent, ut plurimum cum solita periodo circa vespertas ægris horrescentibus.

XVII. Febrili huic exercitui, qui stativa castra posuerat inter Padum, & viam Æmiliam, quam transgredi ausus non est (cum in toto illo tractu, qui colles, & hanc viam interjacet, inculcata valetudine, & securâ rusticatione uti concessum fuerit) multi alii morbi junxere se comites, qui sporadice vagantes multas prædas agebant, ut alvi profluvia, Icteri, Apoplexiæ, Hydropes, Catarrhi præfocativi, alique affectus. Qui dysenteria hoc anno laborarunt citius, ac solicius evasere, quam qui diarrhœa.

XVIII. Vim hujus constitutionis viri robustiores; & adulti facilius tolerarunt, minus scaminæ, ac pueri, quorum qui infra trimatum erant, fere omnes periire. In solo Finalis oppido plus quam trecentum pueros referunt extinctos, ut ex ejusdem oppidi Neceologio constat. Magna quoque fuit infantilis strages in Mirandulano agro, & Novelliarensi. Ad dies aliquot febriles paroxysmos tolerabant, postmodum fiebant Ictericæ, ac paulo post Epilepticis insultibus correpti occubebant. Cæterum præ multitudine hominum decumbentium pauci sunt extincti, ac potius ex diuturnitate morbi, & frequentibus recidivis, quam ex febris vehementia succubere; qui tamen fuere superstites magna ex parte facti sunt Ictericæ, Lienosi, & Cachectici.

XIX. Vim hujus male moratæ constitutionis experta quoque sunt cujuscunque generis animalia, quæ in magno numero interiere; sicut autem in eam quam describit Silius Italicus, quæ sicca fuit, & præservida, *Vim primi sensere Canes*; ita in hac frigida, & præhumida clades pecudum fuit, quibus, postquam per dies aliquot ægrotassent, veluti per crisin apparebant Variolæ in capite, & collo, ac plerumque ab iisdem excæcabantur; sic quæ ex vehementia morbi non perierant, tandem ex inedia contabescabant. Sues quoque turmatim suffocati moriebantur. Vidit etiam per sepe infelix arator concidere.

Inter opus Tauros, medioque recumbere sulco.

Nunquam parcius nobis mellificarunt apes, vel propriis in sedibus extinctæ, vel alio migrantes; Bombyces quoque initio quidem catervatim peribant; qui vero superstites fuere in ipso opificib; semianimes, & ignavi concidebant. Nimius essem si cuncta singulatim recensere vellem. Extispicium aliquod, pecudum præcipue, quarum major fuit strages, identidem celebrare, ac hæriolari quænam esset talium morborum causa, non abs re fuisset, si per tempus licuisset.

XX. Scio non defuturos qui me coarguant, quod ad Veterinariam transgrediar; oblatrent quantum velint, quod talia observare Medicam artem profitenti indecorum nequaquam crediderim. Egit id Medicorum Maximus, quem non puduit scrutari, quare bobus facilius quam cæteris animalibus excidant femora, hæc autem sunt illius verba; nemini, quod sciam observata; *Bobus tunc magis excidunt femora, cum tenuissimi existunt, sunt autem tenuissimi Boves ad finem hyemis. Tunc etiam maxime luxantur, si tamen, & hujusmodi quiddam in Medicina scribere convenit. Verum convenit utique. Atqui si celebriores Anatomici tot sectiones, tot experimenta per mortes brutorum agunt, ut anatomiam in hoc genere comparatam, quam in Medicina desiderari dictum erat Sapientissimi Baconis, jam habeamus, cur non licebit quoque illorum morbosos affectus observare? Quin Medico Chirurgo licere interdum absque artis dedecore bestiis mederi ostendit Eruditissimus Vir Carolus Patinus in sua elegantissima Oratione in Archi-Lycæo Patavino anno 1682. habita.*

XXI. Atque hæc sunt quæ in morbida hujus anni constitutione magna ex parte ipsemet observavi, & quæ ab ingenuis Professoribus, & fidis Amicis mihi communicata sunt,

sunt, quæ quidem referre prout obvenerint, non magni negotii est, ac illorum causas rimari, ac in medium proferre, quæ Jatra-phorum, & eruditorum hominum palato sapiant, hoc opus; audendum tamen pro viribus, ac

— *Tentanda via est, qua me quoque possim
Tollere humo* —

XXII. Communes morbos, quos populares, & epidemicos appellant a communibus causis progigni extra omnem controversiæ aleam est. Communes autem causæ sunt potissimum aer nobis circumfluus (aliunde tamen, sive ex superioribus, sive ex inferioribus infectus) communia alimenta mali succi, & aquæ corruptæ. Ex his omnibus, sed promptius ab aere, tanquam e communissimo fonte, e quo nemo non potare cogitur, morbos quosdam derivari, qui multos eodem tempore afficiant, omnium pariter est consensus. Ad hanc vero nostram ruralem epidemiam excitandam in unum convenisse & aërem vitiatum, & prava alimenta ingesta, fas est arbitrari. Primum quidem locum aëri a sua naturali temperie non solum secundum anni tempora recedenti, sed particulis humanæ naturæ incongruis ad satietatem pleno, concedendum putarim; secundum autem locum pravis alimentis, & aquis vitiatis. Quamvis autem de miasmate contagioso aliqua posset esse suspicio, dum uno in aliqua familia a febre correpto, cæteri paulo post ex eadem febre decumberent, id tamen potius in communem diathesim ad maturitatem eodem tempore eveclam, non secus ac cum Autumno fructus eodem tempore maturescunt; referendum duxerim, quam in effluvium aliquod contagiosum, quod e primo ægrotante expirans cæteros afficerent.

XXIII. Quanti autem referat ad bonam valetudinem in aere puro, & sædis exhalationibus maxime remoto degere, nemo non novit; nam sicuti pisces felicius degunt, ac esca salubrior sunt, si in aqua pura, ac sincera vivant, secus vero si in aqua sœda, & corrupta; ita homines feliciorem vitam, ac longaviorem ducunt, si aer sincerus sit, secus autem si crassus, & nebulosus. Nec abs re vulgatum dictum illud, quod tales sint corporis nostri humores, ac spiritus, qualis sit aer; hinc iis in locis ubi aer tenuior est ac desæciator, vividiora, & acutiora ingenia florere solent, ubi vero crassior, habetiora, ac stolidiora, quare Bœotii, & Batavi antiquitus male audiebant: unde Horatius:

Bœotum in crasso juvares aere natum?

XXIV. Non vacat hic disquirere, quare ad vitam perennandam adeo necessarius sit aeris usus, quomodo in vascula pulmonum se insinuet, quid in massa sanguinea efficiat, dum illi permiscetur; circa id insudarunt doctissimi viri ac ultimo Etmullerus in elegantissima sua Dissertatione de abstruso respirationis negotio; solummodo circa illa examinanda immorabor, quæ insignem aëri mutationem inferre possunt, ac illum a sua naturali mediocritate deficere. Certum est enim, quod si aer respirationi idoneus esse debet, & consequenter ad vitalia munera, necesse est, ut quandam servet mediocritatem, ut neque supra modum crassus sit, nec nimis tenuis; nam si tenuior sit, ac rarior quam par est, respirationi inidoneus evadit, ut Machina Boyliana satis evincit, ac testantur qui in editissimis montibus difficiliorem experti sunt respirationem, quam in imis vallibus, id annotante Thoma Cornelio; si vero crassior sit, & ad saturitatem vaporibus, & exhalationibus oppletus, ad respirationis munus obeundum minime aptus est, immo suffocationis periculum infert, ut ex eadem Machina Pneumatica patet, & metallorum fossiores in sodinis saepenumero experiuntur, qua de causa Hippocrates *Somnum in frigore cooperto*, ut ipse ait, commendabat, nimirum, ut Valesius, & Ballonius interpretantur, dormiendum esse in amplo conclavi, sed corpore stragulis bene contexto, qua ratione facilius est anhelitus, nec a frigido aëre partes sentientes pungente interturbatur somnus.

XXV. Notabiles autem in aëre alterationes (non de iis loquor, quæ secundum naturæ leges, & varia anni tempora ex necessitate fiunt, sed de intempestivis) ventipotissimum, & imbres copiosi efficiunt. Solares enim radii ob æqualem Solis ad nostrum verticem accessum aërem semper æqualiter calefacient, si is aliunde alterationem non susciperet. Haud secus terræ exhalationes, ex paludibus, & stagnis, seu nimis uliginoso solo eundem non raro contaminant. In nostro vero aërem a copiosis imbribus, & lutulenta constitutione vitiatum fuisse, existimandum est, sicuti etiam a ventis Borealibus intempestivum reditum, qui cum Verno tempore, ac per totam sere Æstatem nunquam siluissent, Solarium radiorum vim habetando, vaporum a leni calore elevatorum discussionem prohibuerint, & volatiles spiritus, quos in suo ad nostrum

ver-

verticem accessu Sol quaquaversum diffundit, versus Australem plagam retropulerint. Ex quo factum, ut iis in locis, ubi statatim fuerant aquæ, aer circa Veris principium tepescens, multos vapores, & tetras exhalationes in sinu suo exceperit; aer vero sic pollutus, ac partibus volatilibus, quæ a Sole promanant, ulterius destitutus, dum intra corpora eorum, qui his in locis degebant, admitteretur, totius massæ sanguineæ crasin, & cæterorum fluidorum systasim naturalem perturbarit.

XXVI. Reor itaque e naturali suæ dulcedinis, & fluiditatis statu massam sanguineam descivisse, & crassiores consistentiam, quam par est, acquisivisse; sicuti, & proportionem ablata inter bilem, & succum Pancreaticum, illa quidem languidiori, hoc fortiori reddito. E Cælo potissimum volatiles spiritus in terram defluere, e terra vero, utpote succis mineralibus referta, continuo acidas particulas sursum efferri, ingeniosum est clarissimi Sylvii excogitatum, sed rationibus, & experimentis confirmatum. Quare cum in hujus anni pluviosa, & frigida constitutione aer partium volatiliū, & spirituosarum magna penuria laboraret, aliaque ex parte acidis particulis e terra lutulenta, ac veluti fermentata elevatis maxime abundaret, mirum non est, si postmodum intra vitæ hospitia exceptus talem diathesim induxerit, e qua tam magna febrium propago emanarit. Acidam vero dyscrasiam potius, quam biliosam, & alchalinam in universum prævaluisse, duo potissimum evincunt, primum, quod hoc anno in tam ampla febrium segete nullam synochum, nullam febrem ardentem observare contigerit; alterum, quod hujusmodi febres, ut plurimum, veluti superius annotavimus, potius famelicæ fuerint, quam siticulosæ.

Nec miretur quispiam, quod tertianæ febris naturam ex prædominio acidæ mineræ potius deducam, quam alchalinæ, qualis censetur biliosus humor, nam ex quam materia, quæso, in hac constitutione tam horrida, procellosa, ac media Æstate frigida, post usum ciborum pituitosi succi, ex quam materia, inquam, tanta bilis copia gigni debuit, quæ sufficeret ad procreandam tam numerosam febrium sobolem, ac illam tandiu alendam? Nec desunt Professores celeberrimi, qui ab hoc non multum dissentiant, inter quos Etmullerus, qui pro causa proxima tertianæ febris intermittētis statuit fermentum satis acidum, in legitimis

Sydenham Opera Med. Tom. I.

quidem magis volatile, & activum, minus autem volatile, & subjecto viscido irretitum in nothis.

XXVII. Præter aëris malam constitutionem, tanquam hujus epidemici affectus communissimam causam, aliæ quoque, nec parvi momenti in idem conspirarunt, scilicet ut humores ad acidam dyscrasiam disponent: nimirum prava alimenta ingesta, ut fructus horæi a rubigali lue vitati, nimia piscium ingurgitatio, edulii genus nostris agricolis insolens, in quorum stomacho cibis fortioribus assueto facile putrescebat, hoc est facile acefcebat, cum nullo evidentiori signo putrescentia se predat, quam per acorem; his addi possunt puteales aquæ ex nimia illuvione cœnosæ, & semiputridæ, ac denique Boreales venti, qui acidi nitrosi Promuscondus appellantur. Ex his itaque communibus causis, ceu fontibus, harum febrium originem probabilius, quam a quacunque alia deduxerim; neque enim ad cœlestes influxus recurrendum, quasi astra maligniori lumine rusticanam gentem potius, quam urbanam, veluti innocentiorē aspicere, cum præter id, improbable sit, quod cœlestes influxus tam arcto spatio potuerint circumscribi, sicuti neque subterraneæ exhalationes culpari poterant, cum terræ motus nullus præcesserit, neque in hac nostra magna planitie Cispadana, & Transpadana exteat antra, & terræ hiatus charonei, e quibus perniciosæ effluvia possent erumpere, & aërem inquinare.

XXVIII. Quod spectat ad causam internam, quam conjunctam appellant, hæc non nisi crassam, & viscidam pituitam, cui acidum fermentum hæreret, referenda erat, vel stabulantem in stomacho, ut placet Etmullero, vel ductus laterales Pancreatis obstruentem, ut statuit Sylvius, quæ materia in venas transfusa, & partibus spirituosæ sanguinis permixta, febrilem effervescentiam excitaret; ut ut enim cruoris massa effæta sit, & vapida, semper tamen aliquid oleosi, & sulphurei continet, quod ad flammulam vitalem alendam sufficiat. Focus itaque febrilis hospitabatur extra vasa sanguinea, quemadmodum in febribus omnibus periodicis, cum alioquin perdifficile sit intermittentes febres ab iis quæ vere continuæ sunt distinguere, cujusmodi febres ignis nomine divinus Præceptor insignire consuevit, ut ex variis historiis in libris Epidemicorum videre est. Non enim concipi potest, aiebat scientissimus Cartesius, quænam possit esse

R

cir.

eandem temporum constitutiones recurrere, five in astrorum vim nobis ignotam id referamus, five in iustam Dei vindictam, qui sicut olim Universalis Diluvio totum Orbem puniit, ita particularibus eluvionibus quasdam particulares Regiones aliquando plestat.

XXXI. Rubigalem luem non exignam operam ad morbosam hanc constitutionem contulisse superius dixi; at ne id gratis, ac veluti dictatorie pronunciaffe videar, libeat in disquirenda, & examinanda rubiginis natura paululum immorari. De rubigine multa quidem veteres scripsere, at de illa secundum suæ Philosophiæ systemata ratiocinati sunt. In sacris quoque Codicibus rubiginis fit mentio, cum aliquando hac, veluti iræ suæ ministra, Deus populo suo fruges, & fructus omnes ademerit, ut illum ad bonam frugem perduceret; nonnulli vero ex recentioribus de hac peste aliquid scripsere, ut Ruellius, Levinus Lemnius, Ludovicus Vives, Langius; sed ea quæ a veteribus scripta fuerant recoxere. Vegetabilem itaque familiam suis morbis laborare, iisque diversi generis, multosque gravissimos Auctores de iis scripsisse, ut Varronem, Plinium, Columellam, aliosque jam satis perspectum est. Rubiginem vero, frugum omnium, & fructuum communem morbum, ut illam Theophrastus appellat, adeo exhorruerunt antiqui, ut ad avertendam hanc pestem sibi Deum sinxerint, quem Rubigum, teste Varrone, appellabant, unde Rubigalia festa emanarunt, quæ a Numa Pompilio Regni sui anno XI. referente Plinio, instituta sunt, & ad 7. Cal. Maji celebrabantur. Mactabant autem lactentem Catulum in huiusmodi sacrificio, unde Columella.

Hinc mala rubigo virides ne terreat herbas,

Sanguine lactentis catuli placatur, & extis.

Litabant autem lactentem catulum eo quod a Rubigali Numine, mediante maligno Canis syderis influxu putarent hanc labem in terras immitti; quare cæca superstitione, ac non nisi habita ratione nominis, id agebatur sacrificium, ut ingenue Ovidius:

Pro Canis sydereo canis hic imponitur Ave,

Et quare id fiat, nil nisi nomen habet.

XXXII. Rubigalia itaque sacra, sicut & Floralia, ut cuncta bene disflorerent, instituta sunt, ac celebrari solita, sub finem Aprilis, propterea, quod huiusmodi tempore a rubigine frugibus, & fructibus valde inetuere, occidente tunc temporis Canis,

sydere per se vehementissimo, qui occasus ex Plinii observatione tunc in 4. Cal. Maji incidebat. Observabant autem veteres multa attentione Canis occasum, ubi nos vix ortum, qui per sæpe credimus eodem tempore ubique inchoare dies caniculares, veluti non raro doctos alioquin, & celebres Professores, ita quidem, sed turpiter sentientes, audire contigit, cum tamen juxta diversam latitudinem, quam variæ regiones habent, varii ac diversi sint astrorum ortus & occasus, quod non ignotum Galeno, qui tradidit, eodem quidem tempore omnibus in plagis fieri tum Æquinoctia, tum solstitia, astrorum vero ortus, & occasus communes esse iis solum, qui sub eodem vertice habitent.

XXXIII. Hanc pestem Græci *Ἐρυσίδη* Latini Rubiginis nomine appellavere, five a rodendo, ut Varroni placet, seu quod rubro colore fruges inficiat; Uredinem quoque seu Carbunculem morbum vocavit Plinius, quod fruges exurat, veluti hoc anno contigit, cum fruges, & plantæ omnes carbunculentur, ut Pliniano vocabulo utamur. Hos equidem rubiginis noxios effectus observare, & contemplari licuit; at quænam sit hujus pestis natura, & indoles, non tam facile est decernere. Sapere ignis naturam, seu acrimoniam lixiviam, & alchalinam ex sale acri, & volatili, proclive quidem esset asserere; ac multa obstant, ne in hanc sententiam eam. Gigni rubiginem ex rore, sed viriato, serenis noctibus, vel in plenilunio, quibus temporibus luna frigidius lumen ad nos reflectit (cum in plenilunio, æstivo tempore a nostro vertice multum absit, in interlunio vero totum lumen, quod a Sole recipit, eidem reberat) antiquorum fuit opinio; cui recentiorum quoque non pauci subscribere, inter quos Ludovicus Vives in doctissimis suis Commentariis in librum D. Augustini de Civitate Dei, ubi scripsit, *Rubiginem esse Rorem putrefactum, fruges tenues corrumpentem, & fruantem*. Generatim utique rubiginem ex rore, serenis noctibus, (cum ros non decidat nisi sereno Cælo) & silente luna, veritati valde congruum videtur; nam re vera sub initium Junii prope interlunium, signa rubiginis observari cæpta in frugibus, & plantarum foliis, quæ parvis maculis nigricantibus distincta, punctulari morbo laborare videbantur; argumentum evidens huiusmodi stigmata a roris guttulis, ubi diu hæserant, fuisse inusta.

In rore (quem lunæ, & aeris filium

R.

Almon

Alcmon dixit, & a raritate ita appellatum Isidorus tradidit, eo quod non sit crassus ut pluvia) multum liquoris volatilis salini, ratione cuius abstergit, & alvum solvit; omnes docent Chymici, qui pro egregio menstruo ipsum commendant ad extrahendas omnium vegetabilium tincturas: ex eodem quoque tradunt elici spiritum, qui ad metallum dissolvenda efficax sit, quo spiritu utebatur Cnosellius ad parandam coralliorum tincturam, ignita corallia in roris spiritum projiciendo. Vim hujus salis sentiunt, qui manibus rorem tractant, aut nudis pedibus per campos, & prata rorulenta incedunt; nam manus, & pedes scabræ fiunt, idque ob salinas, & nitrosas particulas, quæ cutim arrodunt. Vi quoque pollere graciliora reddendi corpora tradit Plutarchus, ac propterea mulieres habitiores illius usu nimiam polyfarciam emendare. Sale saccharino pariter divitem esse rorem ut multis morbis opituletur per analysim, & per ignis examen se deprehendisse testatur Helmontius. Multa de roris viribus scripsit in doctissimis suis Animadversionibus Excellentissimus D. Joseph Lanzonus, Medicus Ferrariensis, cui non parum debeo, quod ea quæ in hac constitutione ipse observavit, mihi per literas benigne communicarit.

XXXV. Hæ sunt nativæ dotes matutini roris, ac præsertim Majalis, in salubri tamen constitutione, ac solo minime uliginoso, nec palustri; at si ex malis temporum constitutionibus, & noxiis afflatibus, seu pravis e terra exhalationibus ros vitietur, in rubiginem degenerat, malum, quo nullum noxius est, & cui ait Plinius, *non comparantur grandines, neque procellæ, quæ nunquam annonæ intulere caritatem*. Gigni rubiginem itaque ex rore existimo, dum multa nitrosa, & acida corpuscula e solo elata, & per aërem undequaque dispersa, salinis particulis, quibus naturaliter ros abundat, sociantur, quæ simul in magno aëris receptaculo fermentata, & exaltata, modo nobis imperceptibili, in liquorem coëant, qui postea sub forma roris deciduus, & plantis inhærens, easdem maculis diversi coloris sugillet, uti apud nos factum his duobus annis cum in priori, plantæ omnes, & fructus rubris veluti peticulis, hoc anno vero nigris laborare viderentur. Præpollere aquæ in rubigine acrimoniam acidam, & corrosivam, haud absumilem aquis stygiis, & spiritibus nitri, & vitrioli, longe verisimilius, quam alchalinam ex sale acri, & caustico, quan-

do nulla causa animo fingi possit, quæ in tam remissis caloribus hujus constitutionis ustionem, & acredinem accerere potuerit.

XXXVI. Neque huic meæ opinioni quicquam refragari S. Scripturæ auctoritatem crediderim, dum apud Amos Prophetam fit mentio rubiginis his verbis. *Percussi vos in Vento urente, & in Æruginè, multitudinem fructuum vestrorum, & Vinearum vestrarum, Oliveta vestra, & ficeta comedit Eruca*. Cum non magis Austrini flatus sua caliditate, quam

— *Boreæ penetrabile frigus adurat.*

XXXVII. Displicet quidem, quod eo tempore quo sæviit rubigalis lues, aliquando experimento non pertentarem, ut certius illius naturam explorarem; siquidem nimis fero animum subiit cogitatio de hac rurali epidemia, & rubigali peste describenda. Non destiti tamen, quin postmodum variis experimentis pervestigarem, num ea quæ mente excogitarem veritati congruerent; expertus itaque sum variis liquoribus modo acidis, modo alchalicis, & lixivialibus, plantarum folia, flores, & fructus adspargendo, attente observans, qui inde color emergeret; folia itaque recentia fabarum, quæ apud nos circa finem Octobris feri solent, spiritu vitrioli irroravi, & non multo post flaventes maculæ, ubi guttulæ liquoris hæserant, apparere, placuit autem magis in fabis experiri, tum quia in hoc leguminis genere vim suam magis exercuit rubigo, tum quia Theophrastus testatur, *Fabam inter legumina magis æruginem sentire*. Fabarum itidem folia liquore alchamico, & urinoso, ac lixivio acerrimo adspersi, neque notam ullam alicujus coloris inuri deprehendi. In aliis quoque plantis, ac variis oleribus, ut foliis lactucæ, brassicæ idem pertentavi, & ab acidis spiritibus seu vitrioli, seu nitri, flavas maculas prodire, nunquam tamen nigras, observare contigit. Rubiginis itaque naturam in acida potius acrimonia quam alchamica lubet statuere. Congruunt autem huic meæ opinioni ea quæ in strage animalium evenere; nam, præter malam aëris diathesim brutis quoque noxiam, ob pascua rubiginosa sanguine acidiori reddito, ac in motu suo præpedito, vel subitæ mortes integros greges pecorum sustulere, vel aborti sunt Variolæ, quas ex sanguinis stagnatione fieri, dum in orbem agitur, communis est recentiorum opinio. Tubercula autem illa, quæ in capite, collo, & cruribus pecudum viscebantur, revera Variolas fuisse,

fuisse, licet profecto asserere, quando nec figura, nec colore, nec liquore in illis contento, nec magnitudine, nec modo quo solvebantur, post suppurationem nigra crusta supersit, quicquam a puerorum variolis discrepabant. Nihilo secius eadem pascua infecta cæteris animalibus cladem intulere. Sic apes haud amplius ex florum calicibus nectareum laticem, sed acidum stagna delibantes, partim extinctæ sunt, vel alio suas colonias transfulerunt. Pariter neque mirum, quod hoc anno cicadæ ut plurimum taciturnæ fuerint, cum, præter remissum æstatis calorem, qui illas ad cantum nequaquam ciceret, vel nutritium rorem noctæ non fuerint, (si tamen verum quod rore pascantur) vel quod majori ex parte petierint. A cicadarum obmutescencia malas temporum constitutiones prænunciari, scripsit Doctissimus Mercurialis, qui anno 1577. observavit in Agro Patavino, aut nullas, aut rarissimas cicadas cecinisse, unde postea gravis subsecuta est epidemia. Cicadas autem re ipsa rore nutrirî fabulosum non esse reor, etenim non in arboribus pernoctare, sed super solum ipsum, & in aprico loco ad rorem facilius excipiendum, mane autem ad solis ortum super arbores evolare ex agricola quodam didici; a quo cum sciscitatus essem, quare in villa quadam, quæ Robotretum dicitur, penes Gabellum flumen, tanta sit æstatæ cicadarum copia, ut illic hujusmodi infecti genus suum habere videatur emporium, id fieri dixit ille, quia solum illud arenosum sit; in quo facilius quam in solo argilloso parva foramina efficiant, in quibus deponant ova pro sætura in secuturam æstatem.

XXXVIII. Hæc omnia itaque rubiginis naturam satis in propatulo statuere videntur, lucem mehercle, & animalibus, & plantis valde perniciosam. Quare autem solæ nuces rubiginis noxam non senserint, id fortasse in causa fuit, vel quod hujusmodi fructus gemino operimento sit munitus, vel quod corticalis substantia multo sale volatili abundet, qui diversam indolem ab acido possidet. Succum e viridi cortice, nucis juglandis, tanquam remedium a se repertum, & magnæ virtutis ad sancium phlegmonas tollendas, multis laudibus extollit Galenus; putabat autem ille, talem effectum præstare hunc succum, eo quod vi adstrictoria polleret, & simul tenuium esset partium, ex tinctura pene ineluibili, qua manus tractantis inficit, partim tenuitatem

deducens, vim autem adstringendi a salubri effectû, quem observabat, dum inflammationi moderetur; pro rato enim, ac veluti lege habebatur, quod in principio phlegmonis utendum esset repellentibus, & adstringentibus, ne pars ob laxitatem humorem tam facile reciperet, quod etiamnum apud non paucos Professores frequenti in usu est, quod num recte, an perperam fiat, non est hujus loci disquirere. Hujus succi efficaciam ad inflammationes sanandas agnoscunt quoque recentiores, vim autem adstrictoriam prorsus negant, imo vim dissolventem ipsi adscribunt, inter quos Leonardus e Capua, qui corticem novum viridium multo sale volatili divitem esse ait, & qui potis sit grumos sanguinis dissolvere, & illius acetositatem emendare, quo pacto non sanguinis fluxum in partem adstringendo prohibet, sed sanguinis refluxum per venas ad cor referendo promovet. Sicuti autem præcis ignoscendum, si ob ignoratum sanguinis circula rem motum, non aptas interdum naturalium effectuum ethiologias afferebant, ita nostro huic sæculo gratulandum, de quo verius pronunciare libeat id quod de suo ævo scripsit Plinius, scil. *Non minus ingeniosum fuisse antiquis observationem, quam nunc rationem.* Ex nucum viridi cortice parati decoctum in Anglia expertæ virtutis ad luem Gallicam perdomandam, quam Recentiores omnes in acidi prædominio statuunt, nuper accepi a Cl. D. Nathan Lacy Medico Anglo, & insigni Anatomico. Cum itaque nucum putamen multo sale volatili abundet, mirum non est, si rubigini obliterit, & inclusum nucleum a communi lue præservarit. Atque hæc de Rubiginis natura, & indole.

XXXIX. Modo superest, ut symptomatum, & quarundam observationum perquirantur causæ. Adnotatum, vespertinis horis has febres exacerbari consuevisse, una cum virium nocturna prostratione, ut ægri morituri viderentur, mane vero oriente sole; veluti redivos tantum virium habuisse, ut e lectulis exurgentes deambulant. *Quale est vesperti exacerbari, tale ipsius morbi, & cujuscumque constitutionis ad se mutuo ajebat Hipp.* Vespertinæ itaque exacerbationes morbi naturam superius descriptam, & causas morificas satis indicabant. Virium autem dejectionem noctu factam, & matutinam earum veluti redintegrationem in solis recessum & accessum, & acidæ dyscrasie prædominium referendum putarim. Sole nanque occumbente, & volatiles spiritus per aërem disper-

dispersos secum trahente, spiritus vitales sanguinis ab acido coagulante figebantur; unde facultatum omnium torpor, qui porro ab iisdem solaribus radiis matutinis discutiabatur, non secus ac quando a brumali frigore fluentium aquarum cursus noctu intercipitur, qui postea a sole novo lumine terras lustrante restituitur. In hac rerum universitate nihil esse utilius sale, & sole scripsit Plinius: sic Celsus Leucophlegmatia laborantes soli subjici oportere ajebat, utendumque frictione manibus aqua madefactis, cui sal, & nitrum, & olei paulum esset adjectum. Mirum itaque non erat si in casu nostro a blando solis calore liquato veluti pituita gelu, cruor solitum cursum per sua vasa repeteret, & consopitæ facultates ad consueta munia exercenda revocarentur.

XXXX. Præ cæteris notatu dignis observavimus inexpurgabilem harum febrium contumaciam, ut non solum omnem Medicorum industriam eluderent (cum neque venæ sectionibus, neque purgationibus, neque cardiacis quicquam auscultarent) sed usu remediorum magis exasperarentur, quod factum existimo ob malam aëris diathesim, quæ morbum aleret; quare licet etiam opportuna remedia quandoque adhiberentur, nihil remittebat morbus, imo sæviebat magis, ac satius profecto fuisset multis hanc Camarinam non movere; tanti est Oraculum illud Hippocratis, quod initio hujus Dissertationis attuli, nempe *Hominis Natura interdum universi potestatem non superat*, quæ Hippocratis verba si medentes attente perpenderent, tot medicamentis ægros non fatigarent, in epidemicis præsertim affectibus, quorum vera curatio non innotescit, nisi cum busta plena fuerint.

XXXXI. Venæ sectio profecto in his febribus non fuit saluberrimum remedium, nec quemquam novi, de quo dici potuerit cum Galeno, quod illius febris sanguinis missione jugulata fuerit, quin ubi pluries celebrata est phlebotomia, magis attritæ sunt vires, & febres magis protraxerunt ægros vel ad mortem, vel ad cachexiam deduxere. Cur autem in his febribus tam improspere cesserit sanguinis detractio, obviam est arbitrari, massam sanguineam sale volatili, & particulis spirituosius ob malam aëris diathesim, & dietæ errores effectam, per venæ sectionem pauperiorem redditam, unde major acidi præpollentia, & bilis depressio consequeretur, febrisque exinde protrahior fieret. Venæ sectionem febribus intermittentibus

non esse per se aptum remedium, cum de foco febrili, qui extra vasa sanguinea larem habet, nihil detrahat, commune est recentiorum assertum, sed solummodo per accidens convenire ajunt, quatenus obviam iri possit multis symptomatibus, ac periculis, quæ in corpore præsertim plethorico nimiam effervescentiam subsequi possent, scilicet inflammationes, & vasorum disruptiones, qualis fuit casus a Ballonio memoratus de quodam nobili viro, cui tertiana febre laboranti ob neglectam sanguinis detractorem ruptæ sunt venæ in quarto paroxysmo, & tanta foras sanguinis excretio est consecuta, ut eo ipso die illi obeundum fuerit. In hac vero nostra rurali epidemia sanguinis effervescentia non adeo magna fuit, ut de ejusmodi periculo metuendum esset, imo potius lenta, ex acidi prædominio, & propter bilem enervatam, quæ in confluxu cum succo pancreatico, & cum lymphâ minus efferveret: propterea V. S. non adeo proficuum fuit remedium, ut in prægressis præcedentium annorum constitutionibus, quas valde siccæ, & æstuosas esse diximus, quare cum in iis valde turgeret bilis, & sanguis facile exardesceret, mirum non erat si tunc adeo conferret V. S. & a periculis præcaveret, quæ nimiam sanguinis effervescentiam, & rarefactionem comitantur; assueti autem Professores venam facile tundere ubi constaret esse febrem, ac nullum alium scopum sibi præfigentes, quam solam caloris febrilis attemperationem, in hac constitutione a cæteris toto Cælo diversa, repetita venæ sectione utentes, ægros per sepe in extremam perniciem præcipitarunt. Nollem equidem quod quis me inter hæmophobos recenscat, sed nec inter hæmatochitas numerari velim. Est ubi liberaliter sanguinem demamus, est ubi parce, est ubi nihil, licet sit eadem affectus species. In Strymargi samula usque ad animi defectum sanguinem detraxit Hippocrates licet frigido affectu laboraret: rationem autem addidit; *Oportet enim, inquit ille, de venire ad occasionem, & occasionis initium*. Causa morbi nimirum est attendenda, ex qua potissimè desumuntur indicationes. Similitudines parere errores etiam bonis Medicis, contrarium autem facere causam, monitum est ejusdem Hippocratis, nam re vera cognita causa, non tam facile a recto tramite, & legitima curatione desectitur.

XXXXII. Querit idem Ballonius, Practicus olim Celeberrimus Parisiensis, cur phlebotomia febres quasdam miraculi ad instar tol-

tollat, alias potius exasperet? Paucis quidem respondet, at illius verba ponderanda sunt, non numeranda. Febres ait ille, *aliæ sunt venosæ, aliæ gastricæ, id est quædam phlogosim sequuntur potius venosi generis, quam vitium humorum in præcordiis contentorum; quæ venosæ sunt generis, hæc primo quoque tempore per phlebotomiam cessant, quæ aliæ sunt generis non facile phlebotomia solvuntur, contra potius cathartico egent.* Tales erant tertianæ istæ intermittentes hujus nostræ constitutionis, erant enim potius gastricæ, quam venosæ, ac propterea ad venæ sectionem magis exarcebantur, & contumaciores fiebant, attamen prospere cessarent purgationes, & vomitiones usu emeticorum, quibus non raro penitus avulsus est febrilis fomes. Claudam hunc locum digna animadversione ejusdem Ballontii in eos, qui ut nil non agant, ex quacumque re occasionem captant mittendi sanguinis. *Nam si induxerint in animum (inquit ille) venam resecare, & id cumcunctanter faciunt, si guttula sanguinis e nava fluat, tunc quasi trophæum reportantes, clamant oblatam legitimæ phlebotomiae occasionem; si luculenta sit hæmorrhagia, audacius fecant, quia naturam copia gravari ajunt, si infra modum sanguis fluat, compensandum istum defectum aperture venæ contendunt.*

XXXXIII. Non minus disquisitione dignum est cur in hac constitutione tam sæpe contigerit, quod tertiana simplex in duplicem migrarit ea ipsa die, qua secta est vena. Id olim observarunt Amatus Lusitanus, & B. Castellus, nec quenquam scio, qui præter hos hujusmodi phænomeni, quod aliquantulo in praxi observatur, mentionem habeat; refert autem Amatus cuidam juveni 25. annorum tertiana febre laboranti, cum venam die intermissionis secuisset, vespere febrem ex simplici factam fuisse duplicem, hujusce rei rationem reddit his verbis: *Nec enim credere est, ob sanguinis extractionem, ex simplici duplicem factam fuisse, cum dubio præcui nisi sanguinis extractus esset, in tertianam continuam futurus erat morbus: hujusmodi excusationis genus plerique Medicorum nostris etiam temporibus in promptu habeat, quotiescumque ex aliquo male administrato remedio pejus ager se habeat; statim enim obrudunt, quod multo deterius se haberet, nisi tali remedio usus fuisset; meliorem itaque æthiologiam, & 2^{vo} nostro accommodam perquiramus; puto ergo in illo casu (sicuti & in nostra*

constitutione) culpandam potius venæ sectionem, quam febrem, quæ ex sui natura proclivis esset, ut in tertianam continuam migraret. Refert Amatus juvenem illum vigente Autumno ægrotasse, sanguinem in prima pelvicula exceptum atrum fuisse, in secunda rubicundum sine ulla aquositate; & rationi congruum est, igitur in illo juvене ob prægressos æstatis calores, partes magis spirituosas, & volatiles sanguinis absumptas, ac postea massam sanguineam Autumnali tempore in acidam dyscrasiam degenerasse, eo prorsus modo, quo vina postquam per æstivos calores ebullierint, Autumno facile acescunt (ut ex atro sanguine primæ pelviculæ, nam sanguis secundæ rubicundior erat, quia arteriosus) secta itaque vena, & syctasi cruoris magis debilitata, ac depauperata, mixtum non fuit si acidum prævalens, ac veluti sine adversario licentius insultaret, ex quo tertiana simplex in duplicem transierit. Convaleuit autem Juvenis ille post bonam purgationem ex pharmaco, nam febris illa fortasse fuit potius Gastricæ, quam Venosæ. In hac vero constitutione non ab exhaustu spirituum ob nimium æstum massam sanguineam acorem contraxisse arbitror, sed potius ob frigidam anni constitutionem ac diutæ errores, obruta bile, & concentratis partibus cruoris magis spirituosas, acidum stomachi fermentum, & succum pancreaticum magis viguisse, & post celebratam phlebotomiam vim majorem acquisivisse, unde febris simplicis in duplicem tertianam fieret conversio.

XXXXIV. Culpanda itaque potius in his casibus est venæ sectio tanquam non aptum remedium, quam quicquam aliud, quod idem sensisse existimo B. Castellum (si recte memini, & in Adversariis meis bene adnotavi) in aucto suo libello de Abusu venæ sectionis, quem libellum mihi olim Romæ ostendit D. Antonius Maria Rubeus, Præceptor meus, Vir Doctissimus & immense Eruditionis, aderatque Excellentiss. D. Hyeronimus Brasavola nunc Romæ Professor celeberrimus & mihi conjunctissimus, cum tunc in Urbe ageretur, quare interdum contingat, quod tertianæ simplices, sanguine die intermissionis detracto, duplices evadant. Opponet, scio, aliquis harum febrium propensionem ut in duplices transirent, cum sponte, ut superius dictum, sub initium æstatis tertianæ omnes simplices duplices factæ fuerint; at regeram ego, nullas fere duplices tertianas toto Veris tempore visas esse,

esse, tum ruri, tum in hac urbe, nisi eas quas venæ sectio geminarit; quare non video, quomodo ab hoc crimine phlebotomia tanquam innocens possit absolvi.

XLV. Eandem ob causam, nihilo scilicet quam venæ sectio, noxius fuit in hac constitutione aquæ usus; etenim in frigida, & humida tempestate, bile valde refracta, & acido exuberante, quid opis expectandum erat in his febribus ab aquæ potu? non nisi mehercle, ut aqualiculo infracto; & distento, Coccochylia cumularetur, sanguis pigriori lapsu per sua vasa fluere, ac tandem Cachexiæ, & Hydropes succederent. Novi juvenem in hac Civitate; qui in Hydropem ascitem incidit, cum illi tertiana febre laboranti fuisset Medicus, ut biberet quantum vellet, imo interdum coëgisset. Succurrit mihi in hanc rem Terentianum illud, ubi Medicus in scenam inducitur.

*Quod jussi ei date bibere, & quantum im-
peravi date.*

Mox huc revertar.

Multoque magis noxius fuit hoc anno aquæ usus, ac ruri præsertim, quod ob pluviarum assiduitatem, aquæ cœnosæ, & graveolentes essent; in hac vero urbe non adeo gravem noxam intulit aquæ usus; hæc enim civitas purissimos habet fontes, & admirandæ originis, quorum fontium historiam brevi editurum me spero. Invaluit autem apud nostrates opinio, quod venæ sectioni, & aquæ potui, tanquam duabus solidissimis columnis; tota curandarum febrium moles innitatur. At num id recte? Profecto in hac constitutione neutrum ex usu fuit. Haud sum nescius scripsisse Hippocratem, *Aquam non præstare bonum alimentum igni*; ut nomine ignis intellexit Hippocrates febres continuas, & essentialiter tales, non vero intermittentes; summatim *Venosas, non Gastricas*. At forsan aliquando si otium suppetet, de aquæ abusu in febribus aliquid conscribam.

XLVI. Verum quali potu, inquiet aliquis, utendum erat in his febribus? Ego certe vini usum raro, quod sciam, interdixi, imo suasi, ut medico vino uterentur, eoque non olygophoro, sed mediocriter generoso, multosque ab orci faucibus hoc solum cardiacum eripuit. Bilis enim erat potius acuenda, quam sufflaminanda; & partes sanguinis spirituosæ in motum ciendæ, quod præstare poterat vini usus, & ea remedia quorum vis in alchali volatili sita est, quod solo naturæ ductu in agro Mantuano fecere agricolæ, qui suis febricitanti-

bus allia, & cæpas cum salubri eventur præbuere. Morbos quosdam chronicos, prævis eduliis (sed quæ vere in censu medicamentorum, casu potius, quam arte reparatorum reponi debeant) aliquando sanari compertum est; sic diuturnas quartanas alii usu cum multo meraco sanatas observarunt Antonius Benivenius, & Amatus Lusitanus. Vino autem generoso, potius quam tenui, utendum duxi, nihil metuens a febrili effervescentia; in hoc enim sæpius peccatur, quod rem agi sine periculo creditur, si vinum tenue in diuturnis febribus, & chronicis morbis permittatur; at hujusmodi vina ut plurimum acidiuscula sunt, & acorem sanguinis exaltando, morbi causam deteriotem efficiunt; quem errorem notavit olim Crato, qui in podagra sicuti vinum meracum, sed in modica quantitate commendat, ita vina tenuia improbat, quæ venas multa serositate impleant, quod idem sentit Willis: sicut enim a vini spiritu dulcificantur spiritus salis ac nitri; ita quoque a vini generosioris temperato usu sanguis ad acorem vergens dulcescit. Variantibus itaque temporum constitutionibus varianda est methodus, & ut ait Sulmonensis Poeta.

Nam quoniam variant morbi, variabimus artes,

Mille mali species, mille salutis erunt.

XLVII. Sic neque Puruviani corticis usus hoc anno ut superius adnotavimus, admodum salubris fuit: imo in extremum vitæ discrimen agros non raro deduxit. Id ego in non paucis observavi, sed præcipue in nobili virgine, quæ cum ad 40. dies duplici tertiana conflictata fuisset, & post solita remedia administrata, ex meo consilio, assentiente quoque Excell. D. Antonio Abbate Serenissimi Ducis Nostri Archiatro, Chinam Chinam sub forma boli assumpsisset, cum in vino insusam respueret, postmodum stupida, & comatosa evasit, cum pulsu adeo exili, ut vix perciperetur, ac trium dierum spatio in tali statu persistit, donec soliti paroxysmi redeuntes stuporem discusserint. Infalubrem autem fuisse hujus remedii usum crediderim, eo quia, cum massa sanguinea multis cruditatibus scateret, ac crassiorē haberet consistentiam (ut ex sanguine per venam sectam educto satis patebat) ideoque segnis esset ad motum, quotidiana illa febrilis effervescentia esset loco remedii, quæ cessante fieret quædam veluti in vasis stagnatio, & congelatio, unde functionum animalium torpor, & vitalium quoque inter-
ceptio,

cèprio; adeo verum est illud Celsi, quod febrem lentam interdum augere oporteat; *fortasse enim*, ait ille, *curationi opportunior fiet.*

Scio equidem, huiusmodi doctrinam non solum pletisque Medicorum, sed etiam aliis, qui artem Medicam non profitantur, esse suspectam, ut ipsi Senecæ, qui beneficium sanationis levioris morbi factæ a graviore morbo exprobrat his verbis: *Multi quos necerant morbos, & irritaverant, ut majori gloria sanarent, non potuerunt discere, aut cum magna egrorum vexatione vicerunt.* In hac tamen constitutione experientia ipsa satis evicit, febrilem effervescentiam stimulamam potius fuisse, quam frænandam, & usum calidiorum magis profuisse, quam frigidorum; sicuti in historia Polycratis, vice versa, frigida magis, quam calida juvisse scripsit Hippocrates, innuens hoc dicto Divinus Præceptor, non tanti faciendum præconceptum de natura morbi iudicium, ut illud ipsimet experientiæ in contrarium reclamanti velimus præferre. Observatum est tamen feliciore eventu exhibitam Chinam Chinam agrestibus, quam oppidanis, & urbium incolis; Gens enim rusticana ubi tantillum a morbi salce levata est, illico laboribus, & exercitiis se dedit; quare non erat metuendum, ut tam perniciosi effectus in iis consequerentur, quales in urbanis observabantur. Sic Doctissimus Etmullerus tradidit: non tam facile pati recidivas post assumptum hoc febrigium homines exercitiis, ac laboribus deditos; sicuti desidiosos, & otio innutritos. De hac nostra itaque constitutione libet proferre id quod olim de quadam simili scripsit Hippocrates ingenua certe confessione, more tamen magnorum virorum, & magnam rerum fiduciam habentium. *Nihil memorabile proderat, non ventris turbatio, non venæ sectio, neque quæcunque alia tentavi.*

XLVIII. Nullas febres synochas, vel ardentes hoc anno, quod sciam, observatas diximus, sicuti paucas quartanas: de prioribus quidem non est quod miremur, nam partibus spirituosius, & ad conflagrationem aptis non adeo turgebat massa sanguinea, imo crassis & frigidis succis abundabat: sic vina tenuia, & acidiuscula non tam facile fervorem concipiunt, veluti vina generosa, ubi aslivum calorem senserint; magis quidem mirum est, quod in tanta febricitantium frequentia tam pauci visi quartanarii, idque magis, si verum esset quod nonnulli asserunt: non nisi ex majori viciiditate materiæ disferre quartanas a tertianis, consue-

Sydenham Opera Med. Tom. I.

tam itaque febris quartanæ genesim animadvertens, & huiusmodi febrem, tanquam fructum Autumno maturefcentem, considerans, cuius uberius est proventus, cum Æstas magis servida ac torrida præcesserit; præterea rationi congruum est, quod in hac constitutione frigida, & humida, in qua non multa fieret partium serosarum per cutis poros difflatio, succum pancreaticum ad eum fixitatis gradum, qui ad quartanarium circuitum requiritur, evehi non potuisse, seu quidquam aliud defuisse, quod humana inbecillitas assequi nequit, cum nihil sit quod ipsos medicinarum procures magis transversos agat, quam pervestigatio causæ, cur statis horis recurrant febriles paroxysmi, ac tam exacte, ut ipsa automato aliquando superent.

XLIX. Verminationem in his febribus satis familiarem, & præsertim in rusticana gente superius recensuimus, cuius rei causam fuisse reor, tum prava alimenta putrefactioni obnoxia, qualia suere pisces, & fructus horæ; tum ventriculi fermentum ex mala constitutione viriatum, & improporcionatum ad cibum recte subigendum; quare vernium seminibus, seu ut lubet ovulis, quæ in alimentis ipsis laterent, integris manentibus, & a tenui calore solis, mirum non fuit si facile in magna copia prodierit verminosa soboles. Usus Chinæ Chinæ valde proficuum ad necandos vermes expertus sum, quod præstare ob insignem amarorem quem possidet hic cortex, non abs re crediderim, si tamen tutior est praxis, quæ verminosos affectus curat per aloetica potius, quam per saccharata, & mellita. Haud sum nescius apud nostrates quoque facta fuisse experimenta, & observatum, quod lumbrici in aqua ubi dissolutum fuerit mel, vel saccharum, citissime moriantur, in amarissimis vero liquoribus ad integros dies vixerint; ast ab iis quæ extrinsecus apparent, medicamentorum vires metiri velle, non adeo tutum existimo, quin errandi periculum subsit. Suspiciari enim licet, quod medicamenta propinata, quæcunque ea sint, iis quibus armantur viribus cito spoliuntur, dum primo cum stomachico fermento, cuius vim transmutativam nemo non novit, mox in intestinis cum bile, qui humor suapte natura ferox est, & cum succo pancreatico spiculis armato congregi debent; quod si ulterius pervadant, dum lymphæ quoque in communi receptaculo iisdem sit concertandum. Sic crocus Martis, qui aperitivus dicitur,

ut

ut notat Junchen, nisi acidum superfluum reperiat in ventriculo a quo solvatur, adstringens evadit. Id ipsum quoque testatur Chirurgia Infusoria, qua constat, quod liquor purgans in venas canis infusus magnam excitat purgationem, nullam vero, vel paucam si per os idem liquor, vel in majori dosi, injiciatur, idque ob acidi copiam quo caninus stomachus abundat, quod acidum vim catharticam, & emeticam potenter infringit. Hanc ob causam venena quaedam, ut ait Celsus, non gustu, sed vulnere nocent, & Psylli e serpentum moribus venenum innoxie exsugebant. Quot vero, & quantas subeant mutationes medicamenta per os assumpta, dum varias corporis regiones præterlabantur, ingeniosissime explicat Bellinus, ut nihil præstantius. Reor itaque ex medicamento assumpto, & succis quibus commiscetur, gigni novum concretum, e quo illæ operationes, quæ postea consequuntur, promanant, & quæ solius medicamenti efficaciam solent adscribi.

L. Postquam hujusmodi febres miseros ægrotantes diu farigassent, diximus nonnullis apparuisse parotides, quibus licet suppuratis, eadem tamen pervicacia febres persistabant. Id equidem magnam humorum cruditatem in toto venoso genere significabat; sed hanc non esse potissimam harum febrium causam, & somitem satis demonstrabant, qui somes, in ventriculo, & pancreate præcipue sedem fixerat. In nonnullis pariter post multos febriles paroxysmos supervenerunt diarrhœa, ac dysenteria, irritata ad expulsionem Natura, tum a copia, tum a pravitate succorum; neque enim hæsitati locus, quin etiam aliquando malignum quid subesset in his febribus, quamvis intermitterent; plures tamen sustulit diarrhœa, quam dysenteria, eo quod forsitan in iis, qui diarrhœa laborarent, communicata esset labes massæ sanguineæ, quæ serum acre per glandulas intestinales excerneret; in iis vero qui dysenteria vexarentur, mali somes esset extra venas, viscida nempe, & acida pituita intestina abradente, & excoriante. Frequentes porro fuere recidivæ non solum ob dietæ errata, sed ob communem causam, ærem nempe vitiatum, qui febrile miasma ad aliquod tempus confopitum in novos motus, & exorbitantias ciceret; eandem quoque ob causam adeo contumaces fuerunt hæc febres, cum nihil sufficeret ad abstergendam labem illam, quam ær continuo inspiratus fere ineluctabilem redderet; adeo gravis est morbus, quum

Cælum fecerit. Sic pacari non visa est affectio, nisi cum sub anni finem humidæ, & nebulosæ tempestatu sicca, & serena successit: quare sicuti ex Hippocrate: *Quicumque morbi Æstate augescunt, Hyeme desinere solent*, idque non nisi ob naturalem temporum mutationem; ita in hoc epidemico affectu optimi remedii loco esse cœpit æris in vitalem temperiem restitutio.

LI. Præ multitudine ægrotantium tam ex genere agresti, quam urbano paucos interisse superius monuimus; quod sane præter opinionem medentium contigit, qui majorem stragem pertimescebant. Duas potissimum ob causas in epidemicis affectibus pereunt homines, vel ob humorum *discrepantiam* vel *rationem* ut ipsis vicibus Hippocraticis utar, id est vel ob massæ sanguineæ diffusionem a sale acri, & alchamico factam, vel ob ejusdem concretionem, ab acido exuperante, frequentiora tamen funera sanguinis *discrepantia*, quam *ratio* solet inferre; propterea, grassante pestilentia; ut plurimum acida primas tenent. Cum ergo in hac nostra constitutione acidum quidem præpolleret, sed non earum esset virium, reluctantæ præsertim febrili effervescencia, ut potius esset lethalem stagnationem inducere, ac fluxum, & refluxum sanguinis prohibere; hinc est quod, licet hominum myriades eodem tempore decumberent, pauci in libitinæ censum venerint. Sic mirum non est, quod scemina, & pueri ob molliorem habitum, & vitam minus actuosam, hujus epidemici vim magis senserint, ac multo magis læsentes pueri, in quorum venis, ob lac viriatum, & ad coagulationem aptum, facilius sanguinis statio succederet, sic narrat Hippocrates in quadam constitutione, *ex laborantibus mortuos esse maxime pueros, adolescentes, vigentes ætate, glabros, sulbalbidos, & qui in sordida vixerint*. Fiebant autem pueri icterici ob hepatis obstructum a viscida pituita redundante, ac a febrili calore in motum concita, quæ in hepatis substantia defixa, bilis secretionem prohiberet, cujus signum erat, quod in omnibus tensum, ac durum hepatis perciperetur; sero autem acri, & acido in cerebri membranas transfuso, convulsi moriebantur, morbo atque pueris familiari, sed huic constitutioni magis proprio, utpote valde aptæ ad acrem massæ sanguineæ conciliandum.

LII. Si vero querat aliquis, cur hæc mala constitutio agricolas magis, quam oppidanos, & urbium incolas vexaret, videretur fati-

fatisferi posse dicendo, potissimam causam fuisse aërem a sordis exhalationibus vitiatum ob nimiam illuvionem, quæ campos, & agricolarum domos inundarit, non sic urbes, & oppida in editioribus locis posita; huic causæ addi poterit victus pravus, & insalubris, ac præsertim nimia piscium ingurgitatio, alimenti genus colonis nostris insuetum, & quod in illorum stomacho facile putresceret. Scio equidem a non vulgaribus Medicis pisces agris quoque exhiberi solitos, tanquam laudabile alimentum, ac multo magis sanis corporibus, verum, ut ait doctissimus Plempius, illorum usus *Athletis non convenit, non castra sequentibus*, non agricolis addam ego, quibus utilior est caro bubula, & suilla. Id ipsum testatur Galenus, qui piscium usum in hominibus otiosis, senibus, & ægrotis commendat, non sic vero in iis qui corpus exercent; his addendum, quod sicuti pisces, qui in rapidissimis fluviis capiuntur, ex Athenæi sententia, omnium sunt optimi, ita hi essent omnium pessimi, quod in aquis stagnantibus fieret illorum captura.

LIII. His quoque causis accenseri possunt labores, & exercitia sub assiduis imbris, unde pororum cutis constrictio, sudoris paritas, ob frigidam, & humidam anni intemperiem, cum alias per Æstatem sub assiduis laboribus copiosissime sudare consuevissent, quas causas in oppidanis, & civibus, qui meliori victu utuntur, nec aëris injuriis sunt ita expositi, non tam facile quis reperiatur. Sedes præterea hujus ruralis epidemici e civitatibus, & oppidis majoribus circumscribi videbatur; quare Mutina, & Regium, eo quod essent veluti in circumferentia, & Apennino proximiores, minus hanc labem sentire; magis autem Ferraria, & oppida Mantuanæ ditionis, Pado proximiora, ubi major fuit infantilis clades, quemadmodum a variis Professoribus, ac aliis per literas accepi. Magna vero hæc planities his locis circumscripta, & tota colonis oppleta, in cujus sinu ad longum tempus stagnarunt aquæ, hujus epidemici affectus sedes, ac domicilium fuit.

LIV. Circa cæterorum affectuum examen, qui has febres comitati sunt, quales fuerunt apoplexiæ, epilepsiæ, catharri profocativi, cachexiæ, & hydropes, non multum immorabor; ejusdem enim constitutionis soboles fuerunt, & acidi prædominium significabant, vel sanguinem, & reliqua fluida coagulantis, vel nervosum systema occupantis; hæc omnia itaque verissimum esse

Divini senis oraculum comprobant, quod *Morbi in pluviarum multitudine magna ex parte sunt, febres longe, alvi profluvia, putredines, morbi comitiales, apoplexia, & angina.*

LV. Ut autem circa res venturas Conjecturis quoque partes agamus, superest videndum, num sperare liceat, postquam pacata est non parum hæc affectio, an in totum ea desitura sit, an potius hæc eadem, vel deterior exsuscitari possit. Sperare licet utique, malam hanc constitutionem emendandam, cum postremi hi duo menses cum perpetua fere serenitate, & aëris tranquillo statu annum jam clausierint; nam, ut ait Montanus: *Tempora consequentia secundum naturam existentia corrigunt vitia precedentium præter naturam existentium*; at metus subest ne ob aliquam annonæ caritatem infelices coloni, qui ad sedandam latrantis stomachi rabiem atro pane, & confusaneæ uti cogentur;

(*Nam tener, & niveus, mollique siligine factus*

Servatur Dominis)

Merus inquam subest, ne proximo Vere, & Æstate novis calamitatibus vexentur. Sic in Æno Civitate Thraciæ, ex Hippocrate, usu leguminum continenter utentes *Famine, & Viri, erurum impotentes febant*, quam historiam citat Galenus, aitque sæpe evenire, ut ob caritatem annonæ exitiales morbi oriantur. Vox *Διμῶ*, quæ famem significat, nonnisi per solam diptongum discrepat ab ea quæ perniciosam epidemiam denotat, unde effluxit dictum illud *Εὐ Διμῶς Λειψίας*. Quamvis enim edulia mali succi videantur aliquando sat bene concoqui, attamen ut egregie monet Galenus, *Nobis non advertentibus, pravus succus ex ipsis post longum tempus in venis colligitur, qui postea exiguum ad putredinem occasionem nactus febres malignas accendit*. Quodcumque malum avertat Divina Clementia, & priorem salubritatem huic Cælo restituat.

Talis fuit Anni MDCXC. apud nos Constitutio, atque hæc indoles Epidemici Affectus, qui Colonos nostros, & Urbanos quoque afflixit, divinarint jam Astrologi pro suo lubitu, & ex syderalibus schematistis Anni, qui modo successit, præfagia deduxerint, quod ego ejusdem, postquam cursum suum absolverit, si fata dabunt, medicam historiam conscribam.

BERNARDINI RAMAZZINI

Dissertatio Secunda.

DE CONSTITUTIONE Anni 1691.

Ruralem epidemiam, quæ præcedenti anno Mutinensis agri, & proximarum Regionum colonos graviter afflixit, urbana epidemia hoc anno excepit, quæ nihil urbanitatis, immo insolentiz plurimum in infelicem plebeculam potissimum exercuit. Instituta itaque meo inhaerens prægressam constitutionem, qualiscunque ea fuerit, in fine ejuslibet anni describendi, eo libentius id exequar, quod hæc constitutio ab ea, quam superiori anno experti fuimus, toto cælo differens satis uberem materiam suggerat mentem exercendi, quando in re medica nil foret utilius, quam succedentes sibi ad invicem constitutiones conferre, ut recta medendi methodus institui posset, quoties eadem tempora, ac iidem morbi recurrerent. Quæ si attentius a professoribus observarentur, non esset forsitan, quod medicina comparata desideraretur, sicuti anatomiam comparatam desiderati aiebat sapientissimus Verulamius, quæ si haberetur, ut ille ait, & individuorum interiores structuræ ad invicem componerentur, non tam pro morborum causis culparentur humores, quam mechanicum viscerum artificium, quod cum ut plurimum inemendabile sit, omnem medicam opem, & magnos promissores sapissime eludit.

II. Superioris anni constitutio, ut in mea Dissertatione super illam edita, ob assiduos, & copiosos imbres impense humida, & lutulenta in universum exitit, unde gravis epidemia una cum annonæ caritate effluxit; hujus anni vero constitutio ex opposito maxime sicca, & pulverulenta, primo quidem ob aquilonares ventos, postmodum vero ob continuum, & flagrantem æstum merito audiit. Sicuti autem prima pars hyemis, quæ antecedentem annum clausit, statum satis placidum, ac serenum, ut diximus, sortita est, ita pars altera, quæ huic anno fores aperuit, eandem serenitatem, ac tranquillitatem secum inexit, donec Januario mense ad finem vergente, flantibus ventis septentrionalibus, frigora adeo intensa fieri cœpta, ut illico congelatiis fluminibus cuncta præ nimio gelu horrescerent. Cum autem nullæ prorsus nives decidissent, hyemem

non solum algidissimam, sed siccissimam exegimus, ita ut in tota Cispadana, & Transpadana Regione pulverulentæ essent viz, non secus ac Augusto mense, cum infana Canicula campos torret, quod apud nos prorsus insolens est, ex quo factum, ut Boreæ penetrabile frigus sata consueto nivali vellere destituta mirum in modum exureret.

III. Morbi qui hisce temporibus vagabantur erant apoplexiæ, pleuritides, peripneumoniz, catharri suffocativi, anginz, erysipelata; præ cæteris tamen affectibus morbi pectoris grassabantur magis, ac busta implebant. Sanguis qui secta vena educeretur multum pituitæ, & polyposæ concretionis præferebat. In nostro hoc Nosocomio variis cadaveribus dissectis, præcipue in cachecticis, ac demortuis ex morbo pectoris reperti sunt polypi, non solum intra cordis sinus, sed etiam intra ipsam Aortam. Remedia quæ magis ex usu erant, & quibus promptius morbus auscultaret, ea fuere, quæ vi pollerent crasin sanguinis compactam referendi, & fluxibiliorem reddendi, ut spiritus salis armoniaci, sal volatile cornu cervi, sperma ceti, & similia. Non deerant tamen qui cum alioquin scirent, quod sulphur balsamum pulmonum passim audiat, in hujusmodi affectibus spiritum sulphuris exhiberent cum suis aquis pectoralibus, æt num recte, & ex arte id agerent, ipsi viderint: indubium tamen est, quod partes integrales concreti longe diversas possident qualitates ac ipsum concretum, sicuti verius, spiritum sulphuris alterius esse indolis, ac ipsum sulphur. Reperta sanguinis missio non adeo felicem sortiebatur eventum, ut alias. In hac tam rigida, ac horrida constitutione magis exercebatur plebs urbana, quam agrestis, ac senes valde periclitabantur, quare Medicis sæpenumero nil tale cogitantibus morbus plus habens in recessu quam in fronte facile imponebat; nam ex improvviso, cum prius satis commode cœnasent, tanquam confecto silicernio, paulo post occumbebant, ac citius quibus detractus fuisset sanguis.

IV. Horum affectuum tam multiplex, ac discolor sylva ab eadem prorsus radice succreverat, ac propterea eodem modo averruncanda; omnium itaque unam, ac eandem esse theoriam, ac praxim dicebat ratio; veram autem, ac potissimam causam fas erat referre in pravam diathesim quam sanguis haberet ad concrendum, Cum enim ex

præ-

precedentis anni frigida, & lutulenta constitutione, nec non ex pravo victu ob rei annonariæ angustiam, talis esset in universum massæ sanguineæ dispositio, mirum non fuit, si succedente postea hyeme tam rigida, ac summe Aquilonari, majorem promptitudinem ad grumescendum adsciverit, unde pullularint morbi, qui ex sanguinis stagnatione variis partibus, ob retardatum illius circularem motum, genitum suum deduxerint.

V. Apoplexias autem, pleuritides, peripneumonias, cathartos suffocativos, erysipelata, ac reliquos memoratos affectus a sanguinis stagnatione, ob prædictam ad concrementum dispositionem generari, unanimis est recentiorum omnium consensus, quidquid circa horum affectuum theoriam in contrarium senserint antiquiores Medici, qui in hujusmodi affectibus partem aliquam mittentem robustam, & aliam recipientem inbecilliolem imaginabantur. Duplicem fluxionum causam commentus est Galenus: unam in qua pars ipsa humorem ad se traheret: aliam in qua humor a parte robustiori ad debiliorem transmitteretur. Hujusmodi doctrinam primus forsitan coepit convellere Helmontius, nullam enim in fluxionibus partem mandantem, dirigentem, nec sagittarium, aut scopum agnoscit hic Auctor; qui tamen exemplo spinæ digito infixæ, & indignantis Archet, non satis exposuit ob ignoratum sanguinis circulum, quomodo fiant humorum decubitus, quod solum accidit eo quia præpedito, & intercepto sanguinis per venas refluxu, vel propter fibrarum crispaturam (ut in vehementi dolore) vel propter massæ sanguineæ nimis crassam ac densam texturam, humores circa vasorum extremitates, vel in carniū porositatibus detineantur; quare si congrue loqui velimus, detentiones potius, quam fluxiones sunt appellandæ.

VI. Neque interdum exiguus labor mihi impendendus fuit, ut aliquibus a præjudiciis occupatis persuaderem erroneum prorsus esse comminisci, quod cum pars aliqua inflammatur, ac in tumorem assurgit, tunc humores majore impetu ad eam partem ferantur, quam ad alias; si vera est, non commentitia lex circularis motus sanguinis, qua stante, stant ac stabunt perpetuo tot clarissima recentiorum excogitata, quot in dies intercidunt antiquiorum placita; nam revera si mentis aciem intendamus, pigriori lapsu sanguis movetur ad partem quæ in-

flammatione tentatur, quam ad alias ubi expedita sunt viæ, ac nullum repagulum, quod sanguinis cursum remoretur. Quidam autem res in cute solum, non intus reputantes, cum vident partem brevi temporis intervallo in tumorem attolli, ut in phlegmone, putant sanguinem pleno fluente eo confluere, quod sane locum habet, cum vas aliquod sanguiferum disruptum est, & in aliquam cavitatem sanguis decidit, vel extra corpus effunditur; non ita vero in phlegmonum, & aliorum tumorum generatione, qui non aliam ob causam fiunt, quam quod præpedito circulari sanguinis motu, plus sit quod arteriæ ad partem deferant, quam quod venæ referant, sive id fiat ob lutulentam sanguinis crasim, sive ob fibrarum mortricium crispaturam ex vi dolorificæ passionis, ut in vulneribus, ac nervorum puncturis. Huic autem veritati fortasse manus darent, si cum brachio vinculum injicitur ad celebrandam phlebotomiam, veram causam perpenderent, quare infra nexum tumeant venæ una cum mole carnea, quod non fit, quia tunc temporis sanguis eo rapidius moveatur, (multo velocius ante eo propellebatur ubi nullus erat obex, ac minor resistencia superanda) sed quia ibi detinentur ob interceptum ejusdem per venas ad cor refluxum.

VII. Haud absimilis quoque est cathartæ generatio, de cujus natura ac ortu inter Medicos non satis convenit. Popularis, ac vetus opinio est, caput cathartæ fontem, ac scatiginem esse; unde frequens proluvium in fauces & pectus, ac etiam usque ad extremos artus. Opinionem hanc de cathartæ ortu, ac descensu, ex quo etymon desumpsit (cum non nisi descensum, ac defluxum hæc vox sonet) unde voces *καταπόρος* & *καταπόρος* a Galeno usurpatæ, ut humorum descensum, vel ascensum innueret, hanc inquam opinionem eliminarunt e scholis recentiores omnes Anatomici, ut Willisius, Ricardus Louter, Stenon, Rolsincius, Emmullerus, Blancardus, ac inter Italos nostros Doctissimus Bellinus. Hi omnes ad Anatomicum Tribunal, omnibus indicis, quibus caput hujus criminis Auctor insinuat, diligenti examine perpenfis, nullaque apparente via, per quam caput sordes suas in fauces, ac thoracem expuat, ipsum plenis suffragiis absolvunt. Non desunt tamen adhuc qui

*Obstipescit, & figentes lumine terram,
Antiquorum placitum velint mordicus
rue.*

rui, nec desinant in morbis pectoris caput non solum pharmacis, sed ferro, & igne tanquam reum plectere. Per quos porro datus cerebrum superfluitates suas, quibus procul dubio diffudit, possit excernere, inter querenda esse ait celeberrimus Stenon, nisi tamen per observatos a Blancardo ductus in jugulares venas fiat huiusmodi excretio.

VIII. Catharri fontem non veriti sunt alii asserere esse ipsum vitæ fontem, cor scilicet, quod per arteriarum ductus circumquaque catharri materiam deferat; hinc rheumatismi & tumores, & quidquid nomine fluxionum venit; quod assertum est Rolfinii, cui consentiunt Schneiderus, Wedelius, & alii, qui catharri a massæ sanguineæ sero prodire variis observationibus testantur. Sat celebre est experimentum Richardi Loyer de Cane, cui cum arte venas jugulares vinxisset, partes omnes supra ligaturam tumescere, nec non copiosas lacrymas ex oculis, & plurimam salivam ex ore profluere observavit; quo tandem ex angina suffocato, ac dissecto, nullæ partes sanguine perfusæ repertæ sunt, sed solum muscoli omnes, & glandulæ sero limpido distentæ apparuere. Ab hac opinione non multum dissentientes alii glandulas catharri fontes statuunt, ut Stenon, Etmullerus, & alii; si enim glandularum structuram accuratius perpendamus, constabit eas esse fasciculum arteriarum, venarum, nervorum, & vasorum excretoriorum; ideoque in illarum sinum deponi serum ab arteriis, & superflui aliquid a nervis: quæ opinio valde probabilis est, & usibus glandulis a natura destinatis magis congrua.

IX. Hanc tamen doctrinam de catharri origine ex sanguinis latice in glandularum substantiam rejecto ex Helmontio habemus, qui primus forsitan caput insons a catharri infamia vindicavit, ob quam tam sæpe inurebatur. Hic enim Auctor, licet motum sanguinis circularem ignoraret, mente tamen concepit, id quod credebatur e cerebro depluere nil aliud esse quam laticem serosum huc, & illuc delatum a spiritu impetum faciente, ac initio vitali, ut ipse ait, nimirum e corde, tanquam primo impulsore, quin & ad glandulas ipsas oblegari, quas non ut vasorum pulvinaria essent, a Natura constructas fuisse asseruit, sed ad emunctionem laticis e massa ernoris; ac re vera hic latex serosus Helmontii, præter alios usus hunc habet potissimum, quod sanguini socius, ac totum corpus pervadens ad varia-

rum partium culinas everrendas interserviat, & sales dissolutos combibendos, ut exinde per glandulas excretrices extrudatur, & sic tota cruoris massa defæciatior evadat. In hunc finem in palato, lingua, faucibus, & naribus copiosas glandulas Natura construxit, ut sanguis arteriosus, qui per carotides ad cerebrum deferri debet pro nervosi succi, & spirituum animalium elaboratione, sincerior reddatur, mucosa parte per has glandulas repurgata in statu etiam naturali, quando alia ex parte constat, eos qui sunt emunctæ naris, nec multum desputores, lubricæ sanitatis esse, ut referunt de Francisco Galliarum Rege, qui cum esset ~~claudens~~, aurium ulcere obnoxius fuit dum vixit.

X. Atque hac quidem quotidiana per nares, & ex faucibus mucæ excretio iis etiam, qui satis commoda valetudine fruuntur familiaris esse solet; cæterum ubi corpus cacochymum sit, ac serosus latex luxuriat, qui suoapte genio promptus est ad concretendum, mirum non est, si accedente Bo-reali constitutione, qualis fuit, de qua hic sermo, tunc temporis grassentur populariter tusses, rheumatismi, & quodcunque aliud morbi genus, quod in fluxionum censu reponitur, detenta in glandulis vitiata, ac superexcedente lymphæ, non ex Naturæ providentia, quæ se hoc fasce levare satagens noxium humorem ad extrema detrudat, sed ex mechanico partium artificio, ac particulari humorum textura, juxta varias aëris alterationes, ea lege, ut decubitus ibi fiant, ubi major est dispositio ut humores detineantur. Neque id fieri in nostris corporibus magis miremur, quam in automate alioquin bene constructo, quod interdum ad quasdam aëris alterationes a solito suo munere aberrat, & ab ignaro popello tanquam insanum ridetur. Mira est autem, ac pene divina vis ventorum in aëre alterando; talem enim affectionem aër possidet, qualem ventus qui perflat; ac talis est sanguinis dispositio, qualis est aër quem spiramus. Sic ut refert Vitruvius, apud Mitylenem (quæ Urbs in Lesbo erat quidem magnificenter extructa, sed non prudenter posita) cum flabat Austro, homines ægrotabant; quando Corus, tussiebant, cum Septentrio, restituebantur in salutem. M. Varro quoque cum Romana Classis Corcyræ esset, ac tota pene ægrotaret, immisso fenestris novis Aquilone, & obstructis pestilentibus, suos incolumes reduxit.

XI. At quorsum tot speculationes, inquit aliquis? Ut juxta veram horum affectionum theô-

theoriam congrua medendi methodus instituat, regeram ego; Ubi enim ingruunt hi morbi, qui non capite decidui, sed ab humorum stagnatione pendent, illico ad vehementia cathartica, inunctiones, phænigmos, cucurbitulas, ad narcotica quoque, ac mille alia remedia ad materiam fluentem revellendam, intercipiendam, derivandam, suspendendam quoque, ut putant, ceratis capitalibus, confugiunt. Interim neglecta manet vera morbi causa, ad quam oppugnandam serio, ac omnibus nervis esset incumbendum, ut postquam sufficiens evacuatio est facta, usu alterantium, ad naturalem sanguinis texturam restituendam, fluidæ substantiæ æquabili tenore per suos ductus cursum repeterent. Quot vero modis per venæ sectionem peccatur? Jam phlebotomus veluti gladius Delphicus passim tam in magnis, quam in levibus morbis stringitur ad innocentes victimas sæpius mactandas, quam graves affectus jugulandos.

XIII. Postquam Mundo innotuit circularis sanguinis motus, scopi equidem quos in morbis, qui ab humorum fluxione pendere supponuntur, sibi proposuerant Medici, non tanti sunt ponderis ut creditur. Certe intercipientia locum nullum habent; quomodo enim quis intercipiat materiam ad partem per arteriam fluentem nisi arteriam ipsam vinciat? neque enim jure postliminii, aut redhibitionis actione redire potest humor unde est egressus nisi per circulum. Revulsio vero per V. S. de throno suo jam decidit; imo si stricte loquamur, fere nulla est, qui enim fiat, ut humor per arteriam fluens per eandem possit revelli? Profecto si qua sit per V. S. revulsio, per id solum tempus sit quo vena est aperta; tunc enim sanguis per venam sectam, ac pariter per proximam arteriam quæ illi humorem suggerit, majori velocitate movetur, quam per alia vasa; illa vero clausa, cessat hæc in velocitate inæqualitas, ut ingeniosissime ad demonstrationem usque explicat Bellinus. Non ibo tamen inficias, quin diminuta sanguinis copia minor humoris portio ad partem laborantem deferatur, & minus sit sanguinis stagnantis incrementum. Quanti autem sit facienda per V. S. revulsio, & quam facile quibusdam imponat, qui hoc nomine inficitæ suæ velum prætendunt, explicat egregie Andreas Cnossellius in quadam sua consultatione pro Jo. Casimiro Poloniæ Rege, cui ob immodicum hæmorrhoidalis sanguinis fluxum laboranti cum magni nominis Medici

frequentem sanguinis missionem e brachio suaderent ad revellendum sanguinem fluentem, ac ipse acriter retinueret, hæc scripsit verba, quæ utpote elegantissima, & magni ponderis hic libuit apponere. *Et quomodo sanguini ad peremptoriam medicæ revulsionis citationem, dicam, & locum, scribere possumus, qui privilegio speciali vitalitatis in circulum, & in se ipsum rediens cum spiritu suo hospite nullius loci, & temporis leges respicit, neque locum standi ullum in universo corporis foro agnoscat?*

XIV. Revellenda itaque esset ex quorundam animis, quibus alte infedit hæc de vi revulsionis per V. S. opinio, cum revera non nisi ad demandem plenitudinem conferat venæ sectio. Condonandum quidem aliquid Æmilio Parisano, & Primiroso, qui non aliam ob causam, ut ait Leonardus e Capua, in Harvæum stylum acuerunt; nisi quia stante sanguinis circuitu viderent revulsionem, per tot sæcula adeo celebre præsidium, fere penitus corruere, non ita vero nostrorum temporum Professoribus in tam clara luce cæcipientibus. Multum profecto Hippocrates revulsioni in fluxionibus detulit, ut passim in illius operibus videre est; locus tamen insignis apud eundem extat, qui revulsioni videtur parum favere. Ad sistendum immodicum mensum fluxum jubet ille ut vincula iniiciantur supra genua; verum quidem est, quod præcipit quoque ut eodem tempore vinciantur brachia; nodum hunc solvere annisi sunt Rorarius, & Fonsæca, sed non plane satisfaciunt; meum sane non est hujusmodi scrupulos dissolvere, meliori enim vindice dignus est hic nodus, præteram tamen quod sentio. Quidquid sit de efficacia hujus remedii, & num eventui respondeat, videtur Hippocrates mente attigisse motum sanguinis perennem per suos ductus; multis enim in locis mentionem habet de sanguinis stasi, & interceptione venarum, quam *κατὰ τὴν ἀρτηρίαν* appellat, ut ergo fluxum catameniorum cohiberet, sanguinis stationem, seu saltem remoram aliquam humoribus impetrandum curabat, tam in partibus supra, quam infra cor, vinculis ad brachia, & femora injectis, nihil veritus quod ligaturæ supra genua ad uterum quicquam traherent. Ac re vera quid magis ex improvviso hæmorrhagias sistit, quam superveniens animi deliquium, cui necessario consecraria est cordis a motu seriatio, ac eodem tempore sanguinis stasis?

XV. Sic autem ratiocinari nos cogit Divi-

vinum prorsus inventum circularis motus sanguinis, quod unicum *carriphor* innumeras discussit errorum tenebras, effecitque ut humani corporis, cæterorumque animantium, quibus præcordia finxit Divinus Opifex, vera, ac genuina æconomia innotuerit. Cor enim nectaris vivifici, quo corpus universum sustentatur, promus, & condus est, habens ad latera arterias, & venas administras: Arteriz e sinistro penu alimoniam depromunt, ac partibus omnibus, vel remotissimis dispensant. Venæ assidentes quod a nutritione reliquum fuit suis radicibus, tanquam manibus, recolligunt, & ad dexterum cordis condum comportant. Iisdem venis medio in itinere succenturiant venæ lacteæ, quæ novum commeatum sanguini sub forma candidi laticis refundunt, qui postea in pulmonibus admirando artificio purpurascit. Hæc est vitalis facultatis vera, & naturalis æconomia, cui non parvas suppetias fert animalis potestas, quæ pro beneficio purioris sanguinis ad cerebrum delati uberem spirituum influxum per nervos cordi suppeditat ad illius motum perennandum. Sic binæ istæ potentiz, licet sedibus, & regimine distinctæ, tanquam fœderatæ Provinciæ, sibi invicem collata beneficia rependunt. Sicuti autem in civitate bene constituta, quousque legibus suis vigor præstat, summa tranquillitate degitur; iis autem pessundatis, turbarum plena sunt omnia, ita in humano corpore circularis motus sanguinis lege servata, facta tecta valetudo est, ea vero infestata, sulque deque aguntur omnia, ac intestinæ seditiones sublequantur.

XVI. Quamvis autem lex ista, quam primus tulit Harvæus, vel cujus prima fundamenta jecere Itali nostri, ut Andreas Cæsalpinus, Realdus Columbus Cremonensis, pro rata, immo sacra habeatur, non defuit tamen qui nuper legem hanc abrogare contenderit; is fuit Homobonus Pifo Medicus Cremonensis, qui edito libello sub titulo *Ultionis Antiquitatis* circularem sanguinis motum tanquam recentiorum commentum traduxit. Hic mihi non vacat ejusdem rationes, ac fundamenta expendere; solum hoc innuam, quod illius primum argumentum ab hujus legis inobservantia petitur (eo quod Medicorum quotidiana praxis, præcipue circa V. S. suppositæ de sanguinis circuitu quicquam non respondeat) Professoribus incuriam exprobrat: quod equidem verum est, ac maxime dolendum, cum innumeri pene sint, qui passim crepent hunc circularem

sanguinis motum, sed postmodum, vel ob inscitiam, vel oscitantiam, non bene pensatis iis, quæ ex tali principio consequuntur, operibus tollant quod magnifico verborum apparatu statuerant. Verum cum huic malo medelam aliquam apponere sit necesse, Professor in hac Civitate mihi jamdudum conjunctissimus Opus jam molitur, cui hunc vult esse titulum. *Rationarium Medicum Seculare*, quo summam, ac veluti facta supputatione adparet quid lucri ex celebrioribus Inventis Anatomicis hujus sæculi Arti Medicæ, tam quoad theoriam, quam quoad praxim accesserit. Habent mercatores sua rationaria, sicuti & diligentes æconomi, habent & Principes, ut olim Augustus, qui diuturnæ valetudinis tædio rationarium Imperii Senatui tradidit; non abs re forsitan erit si Medica Respublica rationarium suum habeat, quod monstrat quantum Medicinæ pomeria ampliarit hoc nostrum fortunatissimum sæculum, & quod simul pro saniori medendi methodo interserviat. Hujus operis editionem usque ad finem hujus sæculi animus illi esset differre, spe forsitan quod novo aliquo invento sæculum hoc coronetur, cum adhuc vivant multi egregii viri novarum rerum repertores, inter quos Celeberrimus Malpighius, qui Romæ nunc degit ad Pontificæ valetudinis custodiam, verum ego non desino collegam hunc meum urgere, ut ad meditata serio incumbat, ac utinam eo usque illi fata vitæ lineam protendant, ut opus hujusmodi ad umbilicum deducat. Verum e diverticulis in viam.

XVII. In iis ergo affectibus, qui ab humorum fluxione fieri supponuntur, iterata V. S. ad tot scopos implendos totum corpus depeculatur, & morbi causam persæpe deteriore efficit. Ubi enim vasorum plenitudini quæ vires premit, factum fuerit satis, seu ad humorum orgasmum sufflaminandum si adsit, sanguinis sufficiens copia detracta fuerit, satius profecto esset iis habere remediis quæ sanguinis debitam crasim restituere nata sint. Certe in hac hyemali constitutione catarrhis obnoxia repetita V. S. non adeo salubriter cessit. Multos pleuriticos certo scio inopinato periisse, postquam bis, vel ter secta fuisset vena. Præ cæteris prius Sacerdos firmi alioquin habitus ex pleuritide laborans, postquam tertia vice extractus est sanguis, eadem die interiit. Non solum autem turpis est calamitas, ægrum epoto medicamento occidere, ut aiebat Hippocrates, sed etiam si detracto sanguine pau-

lo post intereat. Senioribus vero in hac tam rigida tempestate periculosum fuit sanguinem etiam semel detrahere. Nobilis mulier nonagenaria, ex pleuritide spuria decumbens, cum instaret, ut sibi runderetur vena, ac ego renuerem, alter Medicus accersitus illi morem gessit, & citissime eam sustulit.

XVIII. Ut constet quali cautione in senum regimine sit procedendum quotiescumque ab aliquo rheumatico affectu premanetur, in Boreali præsertim constitutione, insignem oppido, ac notatu dignam Hippocratis historiam hic lubet apponere. *Halicanassensis, qui in domo Xantippi diversabatur, autem hyeme dolebat, & caput non mediocriter; erat autem annorum circiter 50. Vena secta est juxta Mneximachum, laesum est caput evacuatum, ac perfrigeratum, non enim facta est suppuratio. Phreneticus factus est, & mortuus.* Tot circumstantias hic apposuit Divinus Præceptor, ut credi possit, historiam hanc plus continere in recessu, quam in fronte; raro fit, nec scio, quod alibi in ullo ægro tante annorum numerum definierit Hippocrates; considerata igitur erat ætas ad senectutem vergens, anni tempus hyemale, humor peccans, crassus nempe, ac frigidus, ætati ac tempori congruens, qui obstructionem faceret, ac tensionem in parte, atque hinc dolor; ex alieno præscripto (mentionem enim facit curantis Medici, quod illi non adeo familiare) missus est sanguis, at quonam eventu? perfrigeratum est cerebrum, subsequente caloribus nativi necrosis, ac prohibita est suppuratio; neque enim tanquam parergon, ut ait Vallesius, adjecit Hippocrates illa verba; *non facta est suppuratio*, perniciosum enim affectum ex intempestiva V. S. secutum innuere voluit, prohibitam scilicet humoris maturitatem. Lethargicum autem potius, quam vere phreneticum factum fuisse interpretatur Vallesius; cum in libris Epidemiorum quoscunque delirantes phreneticos senex Cōus appellare consueverit.

XIX. Sæpius quoque mihi advertere obligit, quod in hac rheumatica constitutione, si febre superveniente missus fuerit sanguis, deterior factus fuerit affectus, ac etiam quandoque cum funesto eventu. Ut plurimum ubi catharri urgent, vel in pectore, vel quacunque alia parte, si febris superaccesserit, multis ex professoribus solemne est ad phlebotomiam, tanquam ad sacram anchoram, confugere. An tum navis securior? Periti nautæ ventis etiam adversis aliquando utuntur, ut porrum fortiter occupent: Fe-

Sydenham Opera Med. Tom. I.

bris autem non tam horrendum est monstrum, quod etiam a perito artifice sub jugum mitti nequeat, nec sine aliquo emolumento. Est ubi febris sanguinis missionem hortetur, est etiam ubi dehortetur; sed opus est diorismo. Si nimis densam compagem sanguis adsciverit, & ad statim aptus, vel in pectore, vel in capite restagnet, si febris postmodum accendatur, vel parce, vel nullo modo sanguis mittendus; sæpe etenim Naturæ ipsi manugladium abripimus, quo morbum perse sola potuisset conficere; si verò contrariam diathesim sanguis habeat, & ob orgasmum aliquem ad διαύρησιν, seu diffusio-nem promptior sit, febris superaccedens V. S. hortatur. Locus est insignis apud Hippocratem, quem hic referre non abs re fuerit. Quicunque aerebente obmutescunt, si sine febre fuerint, ipsis Venam secato. Solemne est Hippocrati in libris Epidemicorum illud verbum adjicere ἀνύμνητον; magni enim ponderis ad rectam curationem est hæc consideratio, num affectus sit cum febre, vel sine febre; non solum enim a febris præsentia, sed etiam ab ejusdem carentia desumendæ sunt indicationes, ut in hoc loco Hippocrates, qui tamen interpretandus, ubi crassi humores Naturam onerent, ac periculum sit ne calor innatus suffocetur. Videant ergo quantum a via, quam trivit Hippocrates, defleant, qui a febre alicui affectui superveniente illico oblatum sibi scopum tundendæ venæ ad ravim usque conclamant.

XX. Præ oculis itaque semper habenda anni conditio; etenim sicuti in maxima frugum abundantia, *Annus est, non Terra quæ fructificat*, ut ait Theophrastus, ita in quibusdam temporibus non particularis corporum dispositio, sed anni constitutio ea est quæ morbos progerminat; attente idcirco observandum quam diathesim sanguis ascescat, sive id in sensibiles qualitates, sive in insolita effluvia e terra expirantia referre placeat, & quænam remedia prosperum sortiantur eventum; sæpe etenim fit, quemadmodum scite advertit Tho. Sydenham, morborum epidemicorum accuratissimus Scriptor, ut qua methodo quis morborum quasdam species feliciter curaverit, vertente anno, eadem methodo deteriores reddat, quare idem Auctor ingenue fatetur, se nunquam satis cavisse, ne qui primi se illius curæ commisissent, vita periclitarentur, donec multiplici observatione, ac perspecto morbi genio, ad veram curationem recto pede procederet. Sic phlebotomia, quæ alias in me-

T

mo-

moratis affectibus salubris esse consueverat, in hac constitutione non insignem operam præstitit, quod procul dubio referendum erat in prægressam antecedentis anni constitutionem frigidam, ac nimbosam, & subsequenter hyemem nimis horridam, ob quam adeo crassam compagem sanguis contraxerat, ut si plus æquo detraheretur sanguis, & calor innatus labefactaretur, humores ad motum ineptiores redderentur, ac facilius concreverent. Talem autem fuisse sanguinis texturam ejusdem sanguinis conditio multam pul-tem in superficie præ se ferentis, nec non multi polypi in dissectis cadaveribus ac dematis ex catarrho intra cordis sinus, & ipsa vasa sanguifera reperti satis demonstrant.

XXI. Frequens autem hisce temporibus in demortuis ex repentino casu polyporum observatio, si non aliud, id saltem præstat, quod vera quorundam affectuum causa innotescat, & culpa vacare credatur Medicus, si monstret quam mala bestia cubet in præcordiis. Id præterea consequimur, ne diversa morborum nomina nobis imponat; Syncope enim cardiaca, catarrhus suffocativus, & apoplexiæ species quædam non aliam persæpe agnoscunt causam, quam polyposas concretiones in corde, vel in vasis sanguiferis stabulantes. P. Salius particulare caput de syncope cardiaca instituit, atque illam fieri ex sanguine in venis, & arteriis coalescente; sic casum refert puellæ subita morte extinctæ, cujus cadavere dissecto, ex arteria magna sanguis concretus e ductus est, non aliter quam gladius e vagina extrahi solet. Refert quoque Riverius puerum 5. annos natum ex catarrho decumbentem, postmodum lypothymia correptum subito interiisse; aperto vero cadavere, in sinistra cordis auricula materiam crassam, & compactam repertam fuisse, quæ, ut ipse ait, laridum coctum referret, cui polypi nomen non indidit hic Auctor, cum nondum in Microcosmico Erythro polypos expiscata esset Anatomicorum sollertia. Nuper apud nos vir sexagenarius, præpinguis habitus, subita morte oppetiit, dissecto cadavere ad explorandam mortis causam, ex pericardio fere duæ libræ concreti sanguinis extractæ sunt, ac in trunco arteriæ magnæ ascendentis inventus polypus lacertulæ longitudinem, & magnitudinem referens. Intercepto itaque ob hujusmodi extranea corpora sanguinis in orbem ite, ac reditu, & mutuo inter cor, & cerebrum interrupto commercio, non suggerente corde sanguinem cerebro per arte-

rias pro spirituum animalium generatione, nec cerebro cordi spiritus animales ad perennandum illius motum (quando cordi a motu nullæ sunt seriæ) necesse est, ut subitus subsequatur interitus. Casus autem hujusmodi, vel a syncope cardiaca, vel a catarrho suffocativo, vel etiam ab apoplexia fieri dicamus, parum refert. Binas apoplexiæ species statuit Heurnius, unam quam parvam appellat, ac ait fieri ob *αἰματὸς ἀτόλμητος* id est ob prohibitum sanguinis in cerebrum influxum, alteram magnam ob interceptum spirituum animalium e cerebro effluxum. Tres vero apoplexiæ species ex Hippocratis doctrina tradit Martianus, quas tamen in essentia convenire, & a sanguinis *ταῖς* pendere autumat, quæ quidem sanguinis statio a polyposo crassamento induci potest, cujus generatio, ut ut non sit momentanea, accedente tamen aliqua causa, quæ sanguinem in motum rapidiorem cieat, & præexistente prava totius massæ sanguinæ dispositione ad grumescendum, mirum non est, si sanguinis stagnationes ex improvise contingant, ac interrupto spirituum vitalium radio, qui a corde jugiter influunt, cerebrum, lunare sydus microcosmi, eclipsim patiatur. De hac apoplexiæ specie, in qua morbi causa est extra cerebrum, pluribus in locis agens Divinus Præceptor, in libro de morbis hæc habet ipsa verba, quæ utpote notatu digna, & sanguinis circuitum adumbrantia ex nativo fonte hic transferre placuit αἱ φλέβες ἐπὶ τῷ ἐς ἐαυτὰς ἐρῶσσι φλέγμα, ἀνάγκη ὑπὸ πυκρότητος τὸν φλέγματος, ὃ αἷμα ἐς ὄνει μάλιστα νῦν μὴ κινεῖν, δὲ τὸ αἷματος ἔχουσιν μὴ ἔχει, καὶ τὸ σῶμα ἀτρεμίζειν, καὶ κεκοφῶσθαι. id est, postquam vena pituitam in se ipsas traxerint, necesse est præ pituitæ frigiditate sanguinem tunc magis sisti dum autem sanguis non movetur, fieri non potest, ut non etiam corpus quiescat, ac torpeat.

XXII. In apoplexia, ac præsertim ubi in paralysem degenerat, sæpius observavi, modo loquelam amitti, voce superflite, modo utrumque, quod quidem observatione dignum, tum ad prognosim, tum ad curationem, non enim idem sunt destitui loquela, ac voce destitui, αὐτὴ loquelam significat, οὐκ ὡς vocem, quæ duo diversis organis perficiuntur, sermonis enim lingua est dædala; vocis autem larynx, & trachea. Observatio doctissimi Wilisii est, ad gravis vocis efformationem truncum asperæ arteriæ deprimi, ad vo-

vocem autem acutam efformandam sursum attolli, quem motum alternum præstari ait a ramulo nervi recurrentis cartilagineos annulos deorsum trahente, & a nervo altero a plexu paris vagi eisdem sursum attollente; sic exolutis nervis ad linguam pertingentibus *anadidia* subsequitur, *aphonia* vero si exolvantur qui ad laryngem, & tracheam dimittuntur; poterit ergo aliquis esse, *anadidus*, & non *aphonus*, ut mutui, ac infantes recens nati, qui sonos edunt licet non articulatos, non tamen e converso potest esse quis *aphonus*, & non *anadidus*. Quare Hippocrates in historia Pythionis, qui postea die 10. mortuus est, scripsit hæc verba. *Circa vesperam omnia exacerbata sunt, anadidus, aphonus*. Loquela destitui malum quidem signum est, perniciosius vero etiam voce privari, idcirco Divinus Præceptor ut pessimum Pythionis statum indicaret, has binas voces apposuit. Neque vero tam aphonia, quam anadidia fieri possunt, tum ob exolutionem, tum ob convulsionem; procul dubio in Pythione aphonia convulsiva erat, nam die 6. dolores vehementes ipsum tenebant; in hoc itaque distinguuntur, quod aphonia, quæ in tensione consistit, fatalis est ad crudelissimam mortem; quæ vero in exolutione, moriendi sensum adimit, ut ait doctissimus Duretus. Cum itaque tam ob nervorum, & musculorum vocalium tensionem, quam ob laxitatem, fieri possit aphonia, quotiescunque illa appareat, diligenter advertendum num convulsoria sit, vel exolutoria, ut apta remedia præscribantur, *namque* enim, & *anadidis* contrarii sunt affectus. Sæpe autem fit, ut si in maligna febre aphonia superveniat, ad aliquam excusationem apud vulgum aucupandam soleant nonnulli magna utique confidentia pronunciare, ægrum apoplectico insultu correptum fuisse, cum tamen aphonia illa convulsiva sit; perraro enim in acuta febre aphonia apoplectica succedit, quod tamen aliquando observatur, & qualem casum nuper habui præ manibus. Vir enim robusti alioquin habitus, post 12. paroxysmum tertianæ febris factus est *anadidus*, & *aphonus*, resolutio eodem tempore brachio, & crure dextro; ac jam vocem ex integro recuperavit, sed nondum perfectum sermonem. Narrat Forestus, textorem quendam ob leve vulnus in extremitate pollicis in dextra manu obmutuisse, quem veluti linguæ paralyti affectum a se curatum ait; ego autem pace hujus celeberrimi viri, crediderim obmutescentiam illam ortam fuisse potius ex

convulsione linguæ; nam æger ille, & nutu, & scripto, ut idem Auctor refert, indicabat sibi linguam tanquam filo constringi.

XXIII. Atque hi quidem vagabantur affectus ob superius memoratas causas, quibus addendum, quod cum anni prava constitutione conspiraverat rei annonariæ penuria, quæ sola potis est crassis humoribus corpora infarcire, ob prava alimenta, ac præcipue ob usum leguminum, quæ suapte natura ægre coquuntur, unde cacochymia; propterea urgente frugum inopia, caute usurpanda magna remedia, præsertim in popularibus, quod in praxi diligenter observandum. Sicuti enim ex Hippocrate difficulter ferunt purgationes qui pravo utuntur cibo, ac quod illorum corpora, ut Galenus interpretatur, cito exolvantur, vel ob syncopem stomachicam, in quam facile incidunt cacochymici ubi purgantur, ut Heurnius, haud secus per V. S. quoque in summum discrimen adducuntur, uti frequenti observatione mihi compertum. In quibusdam oppidis hujus ditionis, ac præcipue Castrovitti, & Scandiani, idem accepi, quod Ænum civitatem Thraciæ ob annonæ caritatem evenisse scripsit Hippocrates, ut multi ob usum leguminum, acervi præsertim, in crurum exolutionem inciderint. In hujusmodi ergo calamitatibus cautum esse oportet Medicum, nec adeo liberalem in profundendo humano sanguine, uti quibusdam aliis temporibus. Ad has itaque circumstantias, & præcipue ad anni constitutionem, tanquam ad versoriam, mentis acies potius convertenda, quam ad decerpendum ex libris, generales morborum curationes, ne vetus paroemia obtrudatur, *Nauta ex libro*.

XXIV. Quare autem plebs urbana in hac constitutione prædictis affectibus magis obnoxia fuerit, quam agrestis, id forsitan factum crediderim, quod rusticana gens vitam actuosiorem degens, sanguinem magis fluidum haberet, ac minus aptum ad stagnationem, seu quod in rurali epidemia in altera mea Dissertatione descripta, febres diuturnæ, quæ agrestem populum exercuerunt, vicem Crises suppleverint, sanguinis frequentias sensim repurgando, ac ad meliorem crasim totam massam humoralem perducendo.

XXV. Circa æquinoctium cæpit frigus mitescere, ac tam subita facta est permutatio ab intenso frigore ad immoderatum æstum, ut ab æquinoctio usque ad Martii finem calor haud multum distaret ab æstivo, sole in occasu flammeo apparente, non se-

cus ac Augusto mense; subsecuta quidem postmodum Aprilis mense aliqua caloris remissio, sed firma semper, & constans persistit siccitas, sereno, ac præsido cœlo; cum itaque nulli prorsus imbres per totum Aprilis mensem decidissent, non lenis timor omnes corripuit de anno parum frugifero; non modici tamen solaminis erant plantæ omnes fructiferae floribus passim albescentes, quæ fructus tum præcoces, tum horæos abunde pollicebantur, uti revera contigit, hoc anno laboranti Cereri succenturiante Pomona. Hic addebatur, quod calor non proportionate ad solis accessum augetur siccitatem in dies auctiorem reddebat, quare toto Vernali tempore terra non minus arida, ac dehiscens viscebatur, quam cum *findit Canis æstifer arva*. Perseverante pariter Majo mense hac arida constitutione, nisi identidem, ac sporadice modicis imbris delapsis, magna herbarum inopia hoc anno laboratum est; fabis quoque ac omnibus fere leguminibus ob humidi defectum arefactis, exigua quoque spe superflite, quod eandem ob causam triticea messis ad bonam frugem perduci posset.

XXVI. In hac Vernali tempestate, ac præcipue in prima Veris parte, iidem peccoris morbi, non adeo tamen graves, ut hyeme, perseverarunt. Sub finem autem Veris tertianæ febres, tanquam spicilegium prægressæ messis, caput denuo extulerunt. Nunquam apud nos annus scabiosior visus est, omnibus fere urbanis, ac rurculis quoque, scæda scabie laborantibus, quæ neque ad iteratas purgationes, neque ad repetitas phlebotomias quicquam mitescebat. Sanguis qui secta vena educebatur, multum seri flavi præferebat, ac urinæ valde coloratæ apparebant. Haud secus quam anno elapso magna fuit animalium strages, ac pecudum præcipue, ita ut ovillus grex totus pene deleretur.

XXVII. Quoniam nullus morbus adeo popularis est ac scabies (si tamen illam in morborum classe licet reponere, quando Hippocrates scabiem turpitudinem potius, quam morbum appellat, & Plato malum vocat mixtum ex dolore, & voluptate, ac propterea græce dicitur *νῆδος γὰρ ὀδυνηρὴ*) quoniam inquam, nullus affectus adeo familiaris est, & qui medicos conatus magis eludat, ut hinc ansam caprarit Helmontius vulgarem Medicorum praxim traducendi sub titulo *Scabiei*, & *Ulceris Scholarum*, perfriemus paululum, si licet, hoc ulcus. Inge-

nua pudore profecto fateri licet, nihil fere laudis medicinæ professoribus ex scabiei curatione accedere; imo non raro iis palmam præripi a superveniente vetula, quæ solo linimento interdum præstat, quod magna remedium supellectile præstitisse non potuerunt qui morbos Herculeos se perdomuisse deprædicant, quin interdum, ut ait Poeta

Inquit ipsos seva medentes

Erumpt clades, obsuntque Auctoribus artes.

Quam labem omni studio, ac juxta omnes Politicæ regulas a se debet arcere ex Galei consilio quisquis Medicus; nam scabies, ut idem ait, cum deformes reddat quocunque tenet, multo magis Medicum Clinicum deformem, & horrendum efficit, cui hac scæditate laboranti obrudi possit dictum illud Poetæ Tragædi, quod assertit Plutarchus.

Ἄλλω μὲν ἰατρίᾳ σκῆτος ἑαυτοῦ βλάπτει,

id est *Aliis medens, at ipse ulceribus scædens.*

XXVIII. Scabiei curationem solis topicis esse perficiendam, ablegatis omnibus internis remediis, quæ corpora incassum fatigant, vult Helmontius; observans enim quam facili negotio corpus exacte sanum ex solo contactu alicujus scabiosi infici possit, credit scabiem pendere a pravo cutis fermento, quod ejusdem alimentum corrumpat, nequaquam vero ab interno viscerum vitio, quare solis topicis suadet abigendam; ast hujusmodi opus periculose plenum alex merito censetur. Ballonii itaque celeberrimi Practici consilio hæere placet, qui cum diorismo procedens explicat ex mente Hippocratis, quando scabies sit morbus, & quando abscessus; hoc est rectam semitam indigitat, qua Medicus certo pede ad scabiei curationem procedat. Labet autem hic ipsum Hippocratis locum asserre, *Impetigines, & lepre, & vitiligines albae*, quibus quidem Juvenibus horum factum est, aut paulatim conspectum multa tempore augetur, bis non putare oportet abscessum esse, eam papularum eruptionem, sed morbum, quibus vero horum aliquid est factum multum, & de repente, hoc sane fuerit abscessus. Hunc locum pariter observans doctissimus Mercurialis. *Quid sit*, ait, *abscessum esse, & non morbum, atque e converso, non omnes intelligunt.* Scabies itaque, alique cutanei affectus in morborum classe sunt recensendi quando paulatim sunt; quando vero confertim, ac præcipue post gravem aliquam ægritudinem, non morbi nomine, sed *Ἀποσφύγις* insigniri debent; est ergo in scabie, ubi liceat solis topicis

topicis incumbere, ait Ballonius, cum nimis scabies est solius cutis morbus, est etiam ubi necesse sit internis partibus prospicere usu purgantium, & alterantium, ac nefas sit solis topici scabiem exterminare velle, hoc est cum scabies est alterius morbi soboles, ut in cachexia.

XXIX. Chronicorum affectuum eam esse naturam, ut qui hyeme augeantur, æstate desinere soleant, qui vero æstate, hyeme finire debeant, scripsit Hippocrates. Hanc autem esse scabiei indolem, ut hyeme luxuriat, ac magis sæviat, æstate vero evanescat, vere saltem mitefcatur, jam norunt omnes. Quando igitur scabiosus aliquis curandus suscipitur, libere protestandum esset, non institui curationem, nisi ut facilius æstivo tempore tam foedus morbus extirpetur, atque hanc esse huius pestis naturam, apud nos saltem (de lepra non loquor morbo Ægyptiis endemio, ut refert P. Alpinus, ob aquam cœnosam, & salinos pisces, quorum usus apud illos valde familiaris est) ut æstivi caloris beneficio facilius, quam cicoraceis abigatur; satis abunde testante experientia, quod nulla prævia purgatione, vel phlebotomia, ulloque alio remedio, quotquot agrestes per hyemem scabie laborant, superveniente æstate, non secus ac angues, pforæ exuvias deponant, ac illis niteat assiduo curata cucicula Sole. Verum huiusmodi protestatio ad avertendam calumniam quandoque non satis est. Laborabat olim F. Petrarca sicca scabie, ut ipse refert, ac postquam a medicamentorum diuturno usu se frustra exhaustum videret, Medicos, quibus ex sua natura insensus erat, oburgare cœpit, ac iis respondentibus, expectandam esse Æstatem, ira percitus eosdem dimisit his verbis: *Ego autem neque Medicis credo, neque ab Æstate spero quicquam, sed ab illo, de quo scriptum est: Æstatem, & Ver in plasmasti*. Pforæ itaque potissimum remedium ab æstivo calore pendet, qui potius est novam crasin in massam sanguineam invehere, ac illam particulis spirituosissimis saturare, quo facto acidum illud luxurians, quod cutem exarabat, infrugitur. Purgationes itaque ut ut repetitæ, iteratæ V. S. illitiones, Balnea, & omnis medicus apparatus per sæpe præstare nequeunt quod solus aer æstivus. Cum hoc Vere cuidam docto Amico meo levem purgationem ad sanandam scabiem, qua vexabatur, præscripsissem, nec ideo melius haberet, ac illo urgente quid agendum superesset, per jocum remedii loco dictum illud Sartyrici adduxissem.

Durate, atque expectate Cicada. Ille ad me conversus; & Tu quoque, inquit, ad græcas Calendas honorarium expecta.

XXX. Utriusque casus duo habemus notatu digna exempla apud Hippocratem in libris Epidemiorum, quæ hic lubet asserre. *Lata pustula non valde pruriginosa, quales Simon habebat hyeme, qui ubi ad ignem inungeretur, aut calida lavaretur, opem sentiebat. Vomitus non proderat*. Manifestum specimen hinc habemus scabiei cum morbus est; nam ex facta inunctione, vel in ipsa hyeme, opem sentiebat; si enim scabies illa fuisset abscessus, ac alterius morbi productum, non solum ex intempestiva unctione nil opis fuisset, sed gravem noxam expertus fuisset. Observanda quoque illa verba, *Vomitus non proderat*; signum evidens, corpus illud fuisse sanum, ac totum vitium in externis corporis partibus extitisse. Corpora sana difficulter ferre purgationes effatum est ejusdem Hippocratis, qui pariter ubi fauces ægrotant, aut tubercula in corpore nascuntur, præcipit ut dejectiones inspiciantur, quæ si sint similes sanis, ait, tutum esse corpus alere, sin minus, purgationem instituendam; fieri enim potest, ac sæpenumero contingit, ut corpore sano intus existente tubercula in cute progerminant.

XXXI. Exemplum aliud scabiei, prout abscessus dici meretur, sequens est: *Homo quidam Athenis pruriginis toto corpore vexabatur, & cutis crassa erat & velut lepra affectu: huic nemo opitulari posuit; transgressus ad Melum, ubi sunt calidæ Balneæ, a pruritu quidem, & cutis crassitudine liberatus est, sed hydropicus factus mortuus est*. In hoc casu certe affectio illa pruriginosa abscessus erat, ac fructus morbosæ radicis in visceribus implantatæ, vel immoderate, ut putat Vallesius in Commento, aquis illis thermalibus usus fuerit homo ille, ut suffocato innato calore cessarit illa peccantium humorum excretio ad cutem ablegari solita, vel ut verisimilius interpretatur Martianus noster, aquæ illæ sulphuratæ essent, ut propterea, ut idem ait: *Densata a balneo cute humores pruritum excitantes ad hepar retrocedentes scyrrhum induxerint*, ex quo factus fuerit hydropicus, satis sit quod illi magis consultum fuisset, prospexisse ad id quod latebat intus, quam quod in cute apparebat.

XXXII. Ut ad rem nostram hætenus dicta applicemus, popularis hæc scabies in classe abscessuum profecto erat collocanda, utpote productum præcedentis constitutionis

ni-

nimis pluviosæ, nec non & pravi victus ob annonæ caritatem; sic refert *Galenus* suæ ætate cum plurimas Romano imperio subditas gentes vexaret fames, ac frigus omnibus in urbem asportatis, agrestes, quibus relicta fuerant solum *σάρμα* & *χέρσος*, ac etiam in exigua copia, ut fruticum germinibus, & bulbis vesci cogerentur, omnes sub Veris finem a variis curancis affectibus confectos fuisse, quorum alii erysipelas referrent, alii herpetem, & alii psoram, impetiginem, & lepram. In hac itaque nostra populari scabie solis topicis fidere tutum negotium non erat, & quotquot sive sponte, sive alieno consilio scabiem unguentis antipforicis abigere tentarunt, id suo periculo sunt experti. Rem oppido notatu dignam hac occasione mihi observare obtigit. Novi multos, qui radio hujus sædi morbi unguentis scabiem exterminare etiam in ipso Vere tentarunt, sed postmodum scabie retropulsa febre correptos, urinas nigras, & fuliginosas illico reddidisse; cum autem usu remedium humores ad cutem propellentium reproduceretur scabies, urinae sanis similes reddebantur; denuo autem retrocedente scabie, vel rursus erumpente, hæc reciproca in urinis apparebat mutatio; quamvis autem hujusmodi urinae cum parva febre, quæ malignitatis speciem aliquam præferret, me suspectum non parum haberent, sollicitus tamen circa scabiei reproductionem semper bonam spem alui, & quotquot habui præ manibus, vidi tandem a morbo superstites. Animo autem versans quare ad scabiei retrocessionem urinae redderentur fuliginosæ, id fieri posse credidi, quod acidum in cute luxurians, & psoram efficiens, ob factas illitiones haud amplius expirans, & venis resorptum, & cum alchali sanguineo permixtum serum sanguinis atredine infuscarit, non secus ac quando limpida vitrioli solutione cum infusione gallæ permixta, atramentum conficitur. Pro regeneranda vero scabie non semel, nec sine prospero eventu usus sum remedio a Zacuto Lusitano proposito, & ab Etmuellero commendato, jubendo, ut æger, cui retrocessisset scabies, decumberet in linteis ab aliquo scabioso infectis. Remedia porro quæ magis ex usu fuere, si non ad scabiem extirpandam, saltem ad eam moderandam, ut superveniente æstate facilius aboleri posset, fuere præsertim ea quæ ex viperis parantur, quibus multos vidi feliciter sanatos. Ubi liceat igitur internis remediis uti ad scabiem radicitus

extirpandam, nihil profecto consultus quam ad diaphoretica confugere, non secus ac fit in lue gallica; sicuti enim inter hos duos affectus magna est cognatio, ita eadem fere methodo curandi. Sic Heurnius ad psoram debellandam, purgatis prius noxiis humoribus, ligni Indici, ac salsæ decoctum valde commendat; ait enim quod hoc remedio facile expirat concepta in habitu corporis contaminatio.

XXXIII. Horrent nonnulli in scabie, aliisque cutaneis affectibus, cane pejor & angue viperina remedia, veriti ne excedens caliditas & ustionis nota hepatis, & toti massæ sanguineæ imprimatur; & ego magis horreo nimium refrigerantium usum, nec quæquam novi, qui exhaustis integris ptisanis, seu post diuturnum feri, & cicoraceorum usum a scabie, ut ut sicca, & arente, liber evaserit. Scio equidem pene assiduas esse scabiosorum querelas de nimio calore, tum interna, tum externa perurente, at iis præbendæ non sunt aures; graviter quoque pueri, quibus perniones ob violentum frigus oborti sunt, de nimio calore in pedibus conqueruntur, nec sine ratione, ob subsecutam aliquam inflammationem, an ideo in pernionibus applicanda refrigerantia? Cordati Medici ergo erit morbi causam animose aggreddi, sanguinis vitiosam crasin emendando, remediis potissimum quæ illius acorem temperent, qualia sunt ex viperis parata, quæ sale volatili abundant. Quidquid sit de viperæ temperie, de quo consulatur Jo. Baptista Spontonus in sua Echidnologia, experientia satis planum facit, nihil esse ad psoram, ac lepram quoque perdomandam efficacius, quam viperina medicamenta (quando tamen id agere liceat, nec satius sit hunc hostem inquilinum alere) nec adeo nos sollicitos esse debere, ne plus æquo incallescant viscera, dummodo tam sædi morbi seminium penitus restinguatur. At nunquam cessaret scalpendi libido, tam ferax est observatorium hæc materia, nisi ad alia festinaret calamus.

XXXIV. Exaëto Vere, Æstas successit adeo servens, ut nunquam huic similis visa fuerit, idque præsertim Canicularibus diebus, quo tempore præter modum aër excaudit caliditatis excessu supra reliquos annos, ut Thermometri loquebantur, ad multos gradus ascendente. In hisce ardoribus identidem cecidere pluviz, sed nihilo secius remittebatur æstus, qui constans persistit per totum fere Septembris mensem; hac Æstate nul-

nullatenus spirarunt etefiæ, unde a continuo æstu nullum levamen, hanc ob causam multa animalia, ac præsertim canes, agebantur in rabiem. Nunquam alias cecidere crebriora fulmina, a quorum uno ictus est agricola, indumentis omnibus perustis, præter loca cariacea; is ad nonnullos dies attonitus jacuit, sed postea sine ullo remedio in se rediit, & adhuc superstes est. Hisce temporibus febrium cohors derepente incubuit, ac passim per vulgus grassabatur, ut integræ familiæ eodem tempore febricitarent, densiorque erat ægrotantium numerus ea in Parte civitatis, ubi magis patulæ sunt viæ, ac humiliora tecta. Quotquot milites in arce reperti sunt, simul ex febre decumbebant, ut rusticanam militiam accersere oportuerit ad illius custodiam. In septo Hebræorum, ubi vici angusti, ac ædes altissimæ, caligantesque fenestræ, nulli fere hoc saltem tempore ægrotarunt, cum tamen cæteris annis primi sint recutiti, qui æstivarum ægritudinum impetum sustinebant. Ruriculæ, licet diurnis laboribus ad solis radior fere in sudores solverentur, cum tamen sub dio suis in plaustris per noctem somnum captare solerent, immunes ut plurimum degebant; sola itaque plebs urbana, & omnes, quibus & domus, & res angusta domi esset, exercebantur; salubris tamen erat morbus; nam febres istæ tertianæ intermittentes erant, ac ut plurimum exquisitæ, & quæ die septima, ac etiam citius, post unam vel alteram phlebotomiam per sudores judicarentur. Nullus annus Medicis quæstuosior, & gloriosior unquam fuit, cum ægri omnes ferme incolumes evaderent; medicum saltem parumper temperavit Autumnus *Imperiosus*; nam protractiores erant febres, & aliquando in malignas degenerabant. Remedia cordatis Medicis erant venæ sectio, & frigida ætus; hæc enim utranque paginam, ut dici solet, implebant; qui vero parva attolentes, ut plura viderentur præstitisse, vel ut Seplasiarios benevolos haberent, cardiacis calidioribus usi sunt, tanquam camino oleum addentes, ægros in extremam perniciem præcipitarunt. Limonum succus, spiritus viatrioli, sulphuris, & similia erant egregia cardiaca, diversis itaque artibus, ac diverso telorum genere, cum hoc febrili exercitu congregiendum fuit. Anno superiori hostis irritandus erat ad pugnam; hoc vero illius impetus parumper sustinendus, & acutis telis frangendus, qualia sunt acida omnia. Sanguis qui secta vena educebatur spumeus

erat, & croceus, urinæ similiter multa bile saturata. Multis ex febricitantibus papulæ apparebant in cute, ac præsertim pueris, quales efflorescentiæ Variolarum erant veluti prodromi. Variolæ quidem per æstatem paucos sustulerunt, autumno, & in prima parte hyemis paucis pepercerunt, ac minus iis quibus detractus fuisset sanguis. Multis tertianæ febres in quartanas migrabant; sicuti autem præcedenti anno Peruviani corticis usus in quartanis, ac diuturnis febribus improspere cessit, ita hoc anno saluberrimus fuit, & ii qui passi sunt recidivas, febres mitiores postmodum experti sunt, ac antequam Hyems accederet, perfecte convalescerunt. Ubi primum æstus cæpit mitescere, quod circa Equinoctium contingit, visa est pacata febrilis tempestas, quæ sensim in summam tranquillitatem cessit, adeo ut duobus postremis decedentis anni mensibus in foro Medico pene continuæ essent seriæ.

XXXV. Hujus febrilis tempestatis causam saltem occasionalem in immodicum aëris æstum referre placuit, qui potius fuerit bili nimiam acrimoniam adiscere, ut cum succo pancreatico, minus apte, quam par est, ebulliret, & in massa sanguinea febrilem effervescentiam cieret. Neque mirum sit, quod exiguo tempore adeo permutata fuerit sanguinis, & omnium fluidorum crasis: magna est enim vis caloris, quidquid Helmontius dixerit, calorem qualitatem Rerollæam appellans. Multa quæ suapte natura dulcia sunt, ad ignem amarescere, alia vero magis dulcescere quotidie observamus; sic ut ait Gal. Lac coctione eam dulcedinem acquirit, quam mel deperdit. Vinum quoque per totam hyemem, ac etiam Vernalis tempus, nativam dulcedinem servans, ubi Æstatem senserit austerum fit, nisi in hypogeis, & frigidioribus locis asservetur. Calor itaque ac frigus, sive sint causæ immediatæ, sive excitantes, & occasionales, subitas mutationes, in nostris corporibus parere possunt & humorum texturam, citius quam quis putet, invertere. Narrationem oppido curiosam apud Lucianum habemus de febre quadam Tragedia (sic enim illam appellare liceat) quæ Abderitas temporis fere momento invaluit. Egerat Archelaus Poeta Tragicus media Æstate, multoque æstu, apud Abderitas, Euripidis Andromedam, ex quo factum, ut multi ex Theatro febricitantes exierint, ac universi postmodum febre gravissima correpti fuerint, quæ die septima plurimo sudore erumpente, nec non sanguine

ne e naribus profluente, solvebatur, superflite tamen ridicula quadam mentis perturbatione; nam ut refert Auctor, omnes quasi ad Tragedias agendas impellebantur, & jambicu personabant, multumque vociferabantur, maxime autem Euripidis Andromedam canticis referebant, plenaque adeo Civitas erat pallidis, ac macilentis illis Tragædis septimanis. Haud aliter apud nos immodicus æstus plebem urbanam inter angustias suarum ædicularum conclusam in febres abigebat, aspectu quidem terribiles, nec sine mentis emotione, sed quæ postea die septima, oborto sudore post celebratam liberali manu phlebotomiam solverentur. Hac de causa eos qui circa urbis pomæria lares habebant, seu ubi magis patula, & ampla sunt viarum strata, ut in ea parte quæ *Herculeæ Additio* appellatur, facilius febres adoriebantur; ubi vero urbs magis conferta est, & vici angusti, & anfractuosi, minus a febribus populares exercebantur. Neque fortuito urbium conditores, angustas, & anfractuosas vias esse voluisse censendum est, ut in iis urbibus, quæ adhuc aliquid antiquitatis retinent, qualis est Mutina, ut nempe magis salubritati, quam pulchritudini consulerent. Sic Nero postquam flammis Romam absumpsit, intentus postmodum illius reparationi, dimensis viarum ordinibus, ac latis spatiis, splendidiorem quidem urbem pro Imperii majestate, sed minus salubrem reddidit, nam. ut ait Tacitus, compertum est veterem illam formam salubritati magis conduxisse, quoniam angustie itinerum, & altitudo tectorum non perinde Solis vapore perurmerentur. Hanc ob causam opulentiores cives, qui in amplis Conclavibus a tecto remotioribus degebant, sicuti etiam populus Apella, vim febrilis hujus tempestatis minus sensere. Magni profecto momenti est ad præservationem a morbis æstivis in amplo, ac frigido Conclave degere, ac somnum capere, ut a diurno calore attritæ vires per nocturnum somnum reparentur. *Somnum in frigore cooperto* commendat Hippocrates, quem locum in altera mea Dissertatione exposui; si ergo vel in ipsa hyeme præstat quiescere in loco ubi sit aura frigidior, idque in gratiam respirationis, dummodo totum corpus stragulis sit coopertum, ne a frigore carnes pungente interturbetur sopor, multo magis æstate præstabit in frigido Conclavi somno indulgere.

XXXVI. Hic autem immoderatus aëris fervor si febrem hanc popularem excitavit,

viam quoque aperuit, ut citius reseratis poris, per sudorem febrilis materia evanesceret, idque beneficii secutum, ut exterminata radicitus scabie, plebs nitidior, ac vegetior apparuerit. Ac profecto gravis hæc morborum tempestas omnino cessisset, ni Variolæ, quo magis ambientis calor tepescebat, re ferocius sæviissent, cum non solum puellarem ætatem demeterent, sed etiam grandævos, ac præcipue utero gestantes, quotquot hoc morbo laborarent. De Variolarum natura, & causis, cum tot extent doctissimorum hominum scripta, nil addam, nisi quod in hac variolosa constitutione, quæ circa Autumnii finem vim suam magis exercuit, facilius evaserint ii quibus nec tractus fuit sanguis, nec ullum administratum remedium, toto curationis negotio naturæ commisso. Neque mirum quod V. S. noxia fuerit; si enim ex Hippocrate *Autumno paucissimum sanguis sit in homine* ob prægressam Æstatem, quæ corpora exhaurit, id certe apud nos hoc anno locum habuit, quare, virtus jam debilis ab exhausto ob præcedentem æstivum fervorem, secta vena illico labascere videbatur, ac fieri minus ut noxium humorem ad cutim protruderet.

XXXVII. Sicuti in superioris anni constitutione noxius fuit Chinæ Chinæ usus, at adnotatum, ita in hac ab illa toto cælo diversa, valde salubris compertus est; & multi quidem quartanarii hoc autumno per urbem vagari visebantur, sed quotquot ad hoc remedium confugere, vel integre sunt restituti, vel si nonnulli recidivas passi sunt, paulo post convalescere; hinc præticam cautionem, ulteriori tamen observatione confirmandam, elicio, securiorem esse Chinæ Chinæ usum, quando humores fræno potius egeant, quam stimulo. Anno elapso ob frigidam, & humidam constitutionem tota humoralis massa, utpote crassa, ac segnior fluens stimulanda erat, ac ad motum cienda, hac Æstate vero, ad orgasmum prona, ac nesciens stare loco, erat potius sufflaminanda, quod mire præstabat Peruvianus cortex, humorum imperum compescendo. Eandem ob causam aquæ usus in altera constitutione adeo noxius, in hac saluberrimus fuit, sicuti pariter acida omnia, quæ celebrioribus cardiacis palmam præripuerunt, ut quæ partim Alchalarum vim frangerent. Hermeticorum enim effatum est, Alchalia per acida, & acida per Alchalia emendari.

Atque hæc pauca de hujus anni constitutione.

tione, tumultuarie fateor, ac inter armorum strepitus, visum est conscribere, hyemantibus apud nos Germanorum copiis, quæ hac Æstate in Pedemontana Regione adversus Gallos militarunt, cæterum, urgente adhuc rei annonariæ angustia, vereri licet, ne venturo quoque anno popularium morborum nova seges succrescat, quod omen despuo.

BERNARDINI RAMAZZINI

Dissertatio Tertia.

DE CONSTITUTIONE Annorum 1692. 1693. 1694.

I Ntermittam varias quidem ob causas, sed potissimum ob parum prosperam valetudinem, Operis incepti texturam resumens, morbos qui hisce tribus annis apud nostrates populariter vagati sunt, nec non rariora quædam, quæ peculiari observatione digna credidi, compendiose referam, haud dubia spe quod apud cordatiores Medicos veniam sim impetraturus, si minus apte, quam par est, res exponatur, modo fideliter (quod in historica narratione potissimum expetitur) id fiat, quod me præstiturum sancte polliceor. Horum vero trium annorum constitutiones non sejunctim, ut priores duas, exponere, sed unico fasce simul complecti libuit, ne eadem chorda, cum risu oberrans res easdem repetere deberem, quando unica & eadem fere morbosa Tragedia totum hoc triennale spatium absumpsit, nec exitum obtinuit, donec cæli temperies in statam toto cælo diversum permutata, novos morbos in scenam produxerit.

II. Ut ergo a constitutione anni 1692. extraordinaria, Hyems satis regularis fuit, ac legitima, nec quid insolens habuit quod nostro huic climati non congrueret; primo quidem Boreales venti ad aliquot dies satis valide perflarunt; terra nondum nivali velere adoperta, unde metus erat ne fata exurerentur; sed ventia postmodum silentibus, ac modicis nivibus delapsis, Hyems propriam temperiem, & eas conditiones obtinuit, quas in libro de aëre, Aq. & Loc. num. 25, recensuit Hippocrates, nimirum ut sit moderata, neque valde Clemens, neque frigiditate excedat. Morbi itaque hyemales observati sunt, ut tussis, pleuritides, erysi-

pelata, apoplexiæ, ac in iis præcipue qui præcedenti anno a gravi aliquo morbo conflictati fuerant; major tamen pars eorum qui ægrotarunt evasit, demptis paucis quibusdam e senioribus, & silicernio jam proximis. Nihil itaque hyemali tempore observare licuit quod ~~in æstivis~~ redoleret.

III. Neque vero a sibi debita temperie multum descivit Vernale tempus; satis enim moderatæ fuerunt pluviz, ac interpolatæ, quales agricultarum votis responderent, sicuti Æstas quæ successit non admodum fervida, ut præcedenti anno, neque nimis sicca extitit, sed pluviis identidem labentibus, ac ethesiis suo tempore flantibus, talis fuit, qualis nostro cælo congrueret; quare messem si non plane frugiferam, qualem publica necessitas optabat, non improbam tamen exhibuit. Haud secus Autumnus stadium suum regulariter percurrens, cum prima parte hyemis non admodum rigida, annum clausit. Sic totum annum satis placidum, ac austrinum quoad primam qualitatum temperiem exegimus.

IV. Non ea vero moderatione sequens annus processit, illum enim totum intemperatum, ac prorsus exlegem experti fuimus. Hyemem totam cum perpetua cæli serenitate, & mitissimis frigoribus transegitur sine pluviis, ac sine nivibus, neque solum in hac planitie nostra, ubi sedet Mutina, sed neque in editissimis Apennini jugis, quæ alias per totam hyemem, & vernum quoque tempus albescent, Mari supero, & infero canum verticem ostentantes; sic neque Gabellus, & Scultena (inter quæ flumina urbs hæc posita est) glaciem, ut cæteris annis, sensere, quod multum contulit ad annonæ caritatem levandam, cum tota hyeme per hæc flumina frumentatores e proximis regionibus commeatus ad nos abunde conveherent, ad plebem nostram, & Germanos milites alendos, qui hoc anno quoque apud nos hybernarunt. Sic veris speciem Hyems tota Austrina exhibuit, cui postmodum Ver successit hyemis naturam, veluti mutatis vicibus, referens; ab Equinoctio verno etenim usque fere ad solstitium perpetua fere fuerunt frigora cum ventis Aquilonaribus, ac perennes fuere pluviz, exque adeo ingentes, ut passim flumina ruptis aggeribus campos inundarint.

V. Jam nefastum annum, & insalubrem nemo non prævidebat, tum ob pluviarum vim magnam, quæ morborum sunt seminarium, tum ob apparentia in Mororum so-

lis signa rubiginis, quæ sterilitatis prodroma est, ut annis superioribus summa totius Cispadanæ, & Transpadanæ regionis calamitate experti fuimus. Eodem modo subsequens Æstas usque ad Caniculares dies Veris speciem exhibuit, quæ tempore satis curiosum fuit, apud nos saltem, luscinias audire pro cicadis arbuta rumpentes. Sic ventum est ad Æstatem cum mitissima aeris temperie, nobis tamen impropria, pluvis identidem magno impetu delabentibus; hinc ob solum valde uliginosum, & satis blandam caloris temperiem ad tantam altitudinem, ac densitatem omne frugum genus excrevit, ut metus anni partum frugiferi ex omnium animis fere exciderit; at improvisa rubigo, cujus non obscura indicia, ut dixi, apparuerant, spem omnium repente elusit; illico enim frumenta, fabæ, & quæcunque leguminum genera sydereo affluxu veluti percussa exaruerunt. Inopinus itaque calus cum agricolas, tum urbanos quoque percussit; summam enim frugum penuriam non ante visam impendere præsentiebant omnes, quando ex præcedentium annorum sterilitate exhausta essent tum publica, tum privata horrea, nec aliunde com meatus, ut ex Mantuano, & Ferrariensi agro, possent suppetere, cum eadem rubigalis contagio totam Cispadanam, ac Transpadanam Regionem pervasisset.

VI. At non solum Cereales opes absumpsit hæc pestis, sed omne etiam subsidium, quod pomifer Autumnus solet suggerere, eodem tempore sustulit; solum enim acerbis adhuc fructibus passim reispersum spectabatur, quin & plantæ ipsæ honore frondium orbata media æstate viscebantur. Uvarum quoque proventus, qui ab initio aureus spectabatur, ob eandem causam non nisi paucissimus prævidebatur. Mœrore itaque cuncta plena erant, dum agricola in agris non tererent nisi leves culmos, stipulasque volantes, quæ sine Cereris, & Bacchi meritis in omnium præcordiis frigebat sanguis. Harum calamitatum causa potissima frigida, & pluviosa constitutio passim culpabatur, quoties enim in hisce Regionibus Æstas sicca, & servens præcessit, nunquam frumenti Inopia laboratam est, ut apud nos Oraculi loco Virgilianum *Geo. 1.* illud coli possit.

Magnaque enim magno venit tritura calore.

VII. Autumnus porro Æstatis vicem supplens summis fervoribus, & obstinatissima sic-

citare totam humiditatem, quam terra post tam ingentes pluvias ad satietatem hauserat, absumpsit, nec calor remisit nisi circa primam partem adventantis hyemis, quæ & ipsa leges suas nullatenus servans, verum satis placida, & mitis decedenti anno Vale dixit. Sic in huius anni 1692 constitutione nulla ex illius partibus legitimam, ac propriam temperiem servavit, sed una alterius vices subeunte, omnes extemporaneæ fuerunt.

VII. Sicuti autem prima pars hyemis, quæ præcedentem annum clausit, satis placida, ut modo dixi, extitit, ita pars altera quæ An. 1694 foras aperuit, asperrima, ac rigidissima facie apparuit; per totum enim fere Januarii mensem flarunt Boreales venti cum perpetua cœli serenitate, ut squalidum, ac pulverulentum solum undequaque visceretur, non secus ac æstivis mensibus, quod apud nos proffus insolens est; sic totam hyemem serenam sine aquæ guttula e cœlo decidua traduximus: apparente autem Verno Æquinoctio cœlum votis communibus respondit largis imbribus effusus, qui usque ad Aprilis initium perduravit, quibus postea, flante Austro, ingens caliditas successit, ut die quinta Aprilis in meo Thermometro liquor 70. gradum pertigerit, quo interdum neque Junio mense devenire consuevit. Reliquum porro Veris, ac totum Æstatem cum pertinacissima siccitate, & immoderato calore transegit, Autumnus quoque eundem tenorem, quod siccitatem spectat, servante: quare annum signare licuit præ cæteris valde siccum, & squalidum, colonis tamen non proffus ingratum, cum frugum, & vini proventus non improbandum suppeditavit.

IX. Pustus forsitan quam res ipsa videatur exigere horum trium annorum constitutiones me persecutum fuisse putabit aliquis, cum in cujuscunque anni constitutionibus sigillatim nihil eorum, quæ ad rem medicam spectant, & quod meum institutum est, attigerim; quasi præmissum; verum id consulto egisse me fateor, siquidem, cum ex superius memoratis pateat quam dissimilis, & discolor fuerit harum trium constitutionum facies, & alia ex parte cum eadem proffus Epidemia per totum hoc tempus, plus minus, grassata fuerit, satis liquere potest quam parum firmo talo stet illorum opinio qui ex manifestis aeris qualitatibus, caloris scilicet, frigoris &c. putant satis explicari posse Epide-

micorum affectuum genesein, ac indolem, ut etiam ex progressis constitutionibus pronunciari possint aggritudines, quæ populariter vagari debeant.

X. Egit id equidem divinus Præceptor, ut ex Sectione tertia Aphorismorum, *Aph. 11.* & libro de Aëre, Aq. & Locis satis liquet, nam ex progressa Hyeme sicca, & Aquilonia, & Vere pluvioso, & Australi pronunciavit *necessum esse*; ut Æstate acutæ febres fierent; lippitudines, & intestinorum diffcultates; sicuti ex hyeme Australi pluviosa (& serena) Vere autem sicco, & Aquilonia, mulieres gravidas abortivos fœtus edituras; ceteros vero mortales difficultatibus intestinorum, & siccis lippitudinibus obnoxios fore. Verum Galenus, *3. de diff. Resp. c. 1.* licet Hippocraticæ doctrinæ ita additus, ut Hippocratis libris etiam spuris usum se scripserit, asserere non est veritus in citati Aphorismi commentario, Hippocratem usum potius fuisse rationali methodo quam observatione, & experientia. Huic Galeni interpretationi nullatenus assentiens doctissimus Mercurialis ait nil tale de sapientissimo Viro, qualis fuit Hippocrates, credendum, qui non tam audacter pronunciasset *necessum esse*, ut posita tali constitutione temporum tales aggritudines emergere debeant, nisi ratione, & multiplici experientia fuisset abunde instructus. Celeberrimus Lucas Tozzius in nuperis suis Commentariis in Hippocratis aphorismos asserit observationibus potius, & iteratis experimentis, quam confectis argumentis, Hippocratem ita pronunciassse, nulla ratione apparente, quæ suadeat isthæc eventura; ingenue enim fatetur vir egregius sibi observatum, quod post hybernæ tempestatem siccam, & Ver pluviosum subsequutæ non fuerint acutæ aggritudines.

XI. Quot porro disceptationes inter ipsos medicinæ procures pro genuina Aphor. 13. tertiæ sect. *Si vero hyems Australis, & pluviosa, & serena fuerit &c.* (cum tot sint interpretationes quot interpretēs) jam satis constat! Manardus enim *l. 9. Epist. 1.* vocem illam *veris* volebat expungendam, tanquam supposititiam, cum intelligi nequeat quomodo vox illa *veris*, quæ serenitatem ex illius interpretatione significat, aliis cohareat quæ hyemem pluviosam, & Austalem repræsentant. Leonicens vero in omnibus antiquis codicibus vocem illam reperi ait, ac pro placiditate, & clementia interpretatur. Hinc inter illos celeberrimos vi-

ros pro simplici vocula talia orta sunt dissidia, adeo ut, referente Brasavola in citati aphorismi commento, *Seniores illi alioqui reverendi apud multos pro re tam levi præliantes in derisionem venerint, cum a rationibus ad iurgia devenerint.*

XII. Abundet quisquis in suo sensu ut lubet, & ex anni temporum in manifestis qualitatibus exorbitantiis tanquam ex fonte morbosas constitutiones derivet; ego sane ex quo ad Epidemicorum affectuum naturam contemplandam animum adverti, his quæ tam confidenter, & magnifice proferruntur, experientiam respondere non video, & quod me angit, in hac Provincia quorundam hospitem me agnosco; licet enim videam quo passim itur, non satis tamen video qua sit eundem, nisi postquam a via longe aberraverim. Profecto si rem accuratius perpendamus, quilibet annus semper affectus aliquos secum infert, qui *veris* *indignis* sapiunt, nec tales putantur, quia aliquando leves sunt, licet propterea epidemicam naturam non exuant; demiror autem non parum, quomodo insurgente aliqua populari tempestate medentum plerique nullatenus affectus ingenium perpendentes, nec qua methodo Natura ipsum sponte expugnet, illico totis viribus, & vulgari methodo ob analogiam quam habeat ad congenerem morbum, ad illius oppugnationem insurgens, & remedium multitudinem indiscreta, & frequenti visitatione muneri suo satisfactum existiment. Mundus autem, qui vult decipi, in tempestivam huiusmodi sollicitudinem magis commendat, quam prudentem cunctationem, magnisque muneribus, & encomiis eos cumulat, qui, ut ait Sinonius, *parum docti, satis seduli, multos agros officiosissime occidunt.*

XIII. Affectus ergo Epidemicus, qui tribus hisce annis in suis constitutionibus inter se tam dissimilibus cum urbem, tum villas, & vicina oppida multis funeribus infestavit, fuit febris purpurata, seu petechialis, ut appellant, quæ aliquando quidem post multam stragem editam visa est velle receptui canere; sed postmodum auctis veluti viribus violentior irruerat, ac populariter grassabatur. Circa Æquinoctium Vernalis anni 1692. hæc febris primo caput exulit, ac sub initium levi quadam velitatione discurrens, mox per totum Veris tempus, & partem æstatis usque ad Canis exitum sub peticulari larva sævitiam suam exercuit. Ubi ergo æstas incanduit, febris hæc pur-

purpuram deposuit, nec illam resumpsit donec calor æstivus cœperit remittere, circa nimirum Arcturi exortum, quem morem annis quoque sequentibus rite servavit, vestem quidem, sed mores, ac genium haudquaquam mutans. Febres enim quæ in summo æstu sine periculis visebantur, haud secus malignæ erant indolis, quam vibices post mortem apparentes satis demonstrabant.

XIV. Observatione vero dignum fuit, quod post plenilunium, ac multo magis silente luna ferociebat febris, quæ postea ad novum ejusdem lumen mitescebat; nec meatantum, sed aliorum quoque professorum constans fuit observatio, quod non parum contulit ad hujus febris prognosim, & curationem; num vero super epidemicos affectus peculiare jus aliquod habeat lunare sydus, ut illius mutationibus, & variis phasibus auscultent, non indignum est observatione.

XV. Admirandum certe fuit id quod die 21. Jan. 1693. contigit; facta enim per noctem lunari eclipsi, major pars ægrotantium obiit, ac eadem pene hora, qua nimirum luna laborabat, quin & nonnulli repentina morte occubuerunt; unde per totam sequentem diem magno strepitu, ut hic vetus consuetudo obtinuit, personantibus campanis, non levis horror omnes perculit. Tunc mecum ipse novitatem hanc perpendens admirari cœpi, quomodo Hippocrates tam diligens rerum omnium ac præsertim cœlestium observator, qui in libro de Aëre, Aqu. & Loc. n. 30. periculosissima ambo solstitia pronuntiavit, maxime vero æstivum, sicuti & utrunque æquinoctium, edito veluti cavens ne hujusmodi temporibus medicamenta exhibeamus, neque curemus, neque secemus, sicuti astrorum ortus, & occasus, ut Canis, Plejadum, Arcturi observandos esse præcepit, ut ex pluribus locis illius Operum *De Med. Purg. n. 5. 1. in 6. Epid. de Diet. num. 2. 4. Epid. num. 11.* videre est, & cometis a se observati mentionem facit, quem subsecutus est terræmotus, luminarium porro defectus alto silentio transegerit. Quin & practici fere omnes solis, vel lunæ defectus non pluris faciunt, quam eorundem syderum oppositiones, & ordinarias coitiones. Unus, quod sciam, Guilielmus Ballonius lib. primo suorum Epidemiorum insignem casum refert; ait enim Parisiis accidisse, quod dum plures Medici apud illustrem mulierem ægrotantem consulturi simul convenissent, ac tunc tempo-

ris solis defectus contigisset, illique ad contemplandum solis defectum in vase aqua pleno, ut solet fieri, sublimiorem ædium partem conscendissent, illico ad ægram decumbentem revocati fuerint, quæ dum solis defectus perduravit animam agere visa est, neque e gravi periculo evasit, nisi postquam sol in apertum erupit, claraque in luce resulsit.

XVI. Alterationem in aëre oppido insignem in solis defectu observare mihi licuit anno 1694. die 27. Junii, ut in Ephemeridibus meis Barometricis eodem anno editis annotavi; nam in ipso solaris eclipsis tempore Mercurius ad duas lineas in meo Barometro se extulit, hoc est aër temporis fere momento gravior est redditus, ac idoneus propterea ad subitas in microcosmo alterationes producendas; quare si ex divini Præceptoris sententia ad æquinoctia, & solstitia advertere oportet, ne quid magnum in illis circa ægros moliamur, non incongruum quoque erit, si medentes Clinici ad luminarium defectus, oculos non solum, sed mentis aciem intendant. Nollem tamen quis crederet velle me quod rerum agendarum scopi ex corporum cœlestium vario situ, & configuratione desumi debeant; nam ubi morbi sævities urget, lotium potius, quam astra contemplari necessum est, ut aiebat Manardus, & opportuna remedia, vel reclamante cœlo, sunt adhibenda, quando *omnis dilatio est Animæ periculum*: in morbis tamen popularibus, qui non raro a causis superioribus natales suos deducunt, & in quorum curatione non tam facilis, ac certa methodus habetur, non prorsus alienum est talia respicere; nam ubi agitur de humano corio, *Nihil timere, nihil negligere*, ex divini Præceptoris 2. in 6. *Epid. Oraculo*.

XVII. Verum e diverticulis in viam; Symptomata quæ febrem hanc malignam comitabantur, antequam pericula apparent, erat ingens totius dorsi lassitudo, capitis dolor, aurium surditas, faucium ardor, mentis stupiditas, præcordiorum anxietas, & totius corporis segnities; dorsi vero, & regionis lumbaris lassitudo adeo certum erat febris pericularis signum, ut raro falleret; quin sub initium hujus prævæ constitutionis, antequam febres istæ palam grassarentur, mulieres, quæ ad morborum symptomata aliquando attentiores sunt quam medentes ipsi, ex hujusmodi suorum ægrotum querela febris naturam prænunciabant, & Medicos

dicos monebant, cautos opus esse, nec temere celebrandam phlebotomiam; quarum dictis, ac præsagitionibus cum persæpe medentes non auscultarent, apparentibus postea maculis, multa probra ab iisdem cum artis dedecore perferre cogebantur. Si vero faucium ardor cum genarum rubore accessisset, hostem detectum clamabant, nec amplius hæsitandum de febris natura, jam in faucibus prodentibus se perculis. Profecto in hac malignarum febrium pertinaci constitutione quæ per triennium sævit, Medicis non minus cum mulierculis, quam cum febre luctandum fuit, adeo ut (quod fateri non pudet) necesse fuerit, sicuti inferius exponam, illarum consiliis, & monitis morem gerere, non tam ad illarum importunitatem declinandam, quam quod re vera experientia rerum magistra esset obsecundandum.

XVIII. Pulsus parvi erant, & valde compressi, una cum magna virium prostratione primis etiam diebus, quæ morbo augeſcente languidiores fiebant, adeo ut ægrotantes veluti statim in lectulis decumbentes jacerent, integro fere carnium, & totius corporis hæbitu, quodque admiratione dignum fuit, quotquot hujus febris violentiæ succumbebant, pleni, ac succulenti veluti pingues mortis victimæ libitinariis tradebantur, fortiores autem, ac robustiores cum sæminas, tum viros adortæ sunt hæ febres, non ita vero seniores, nec eos, qui vitam debebant valetudinariam. Urinæ vero vel in ipso hujus febris principio perturbatæ, plus minus, apparebant, prout major, vel minor morbi esset sævities, nec nisi in fine morbi in iis qui evasere, ad naturalem statum redibant.

XIX. Peticulæ vero, ut plurimum quarta die, & septima erumpebant, & ii quibus primis diebus apparuere, omnes fere sublati sunt, primum autem in collo, dorso, & pectore visendas se præbebant; observatumque neminem evasisse, nisi tandem ad extremos pedum ungues maculæ ille se expandissent, in superioribus partibus paulatim evanescendo, quibus autem pectoris, & dorsi fines non transilierunt peticulæ, mortem obtigisse: variæ autem, ac diversi coloris erant, prout varii, ac diversi erant ægrotantium habitus, aliæ erant rubræ, aliæ pallidæ, aliæ fusci coloris, aliæ parvæ, aliæ latæ, aliæ in summo, aliæ in profundo, & quas nonnisi oculis transversa tueribus liceret inspicere: quod genus peticularum fuit valde ominosum.

XX. Faucium inflammationem comitem hæ febres ut plurimum sibi junxere, quæ inflammatio in morbi vigore in crustam albam, & ulcerosam degenerabat, quod non minus negotium Medicis faceſcebat, quam febris ipsa, cum ægri ob id omnem cum cibum, tum medicamentum averſarentur, & multi, qui cæteroquin pacata aliorum symptomatum tempeſtate evasuri credebantur, in ipso veluti portu naufragium perpeſſi fuerint. Sitis porro in his febribus non adeo ingens erat, ut in aliis acutis febribus assolet, nec multæ querelæ exaudiebantur, sive non sitirent, sive mens obscure ægrotaret.

XXI. Quicumque ex hac febrili incurſione fati ope, vel Medici evasere, nulli excretioni vel per sudorem, vel per urinam, vel alias vias, per quas Natura crises suas moliri solet, salutem acceptam referre poterant, sed solum peticularum suo loco, & tempore apparitioni, & earundem per totum corpus expansioni, lentæque evanescentiæ, salutis beneficium debebant; quin iis quibus alvi fluxus supervenire funestum fuit. Alvi fluxus autem anno præcipue 1693. hisce febribus peticularibus per Autumnum supervenire; quo tempore dysenterici graves Hebræos potissimum exercuerunt; culpabantur fructus horzi, quibus gens recutita nunquam satis impletur, sed aliæ causæ altiores subesse poterant.

XXII. Satis frequens fuit in his febribus singultus, quamvis parvæ febres viderentur, symptoma quidem non minus molestum, quam ferale, & funestum; quotquot enim in hac febre singultuosi comperti sunt, omnes in libitinæ censum devenere. Vix obtinui, ut singultuosi cadaver dissecaretur, ac ventriculus nigris notis sparsim compunctus repertus est. Verminatio quoque multa passim extirrit, & ii, quibus ab initio vermes per os prodire, omnes fere extincti sunt.

XXIII. Nonnullis suppressa est urina, vacua prorsus existente vesica, præcipue vero id observatum in iis quibus pulsus erant parvi, ac pene oblitterati, ut contigit in juvene quodam Hebræo, qui cum asphyxia, ac totus gelidus vixit ad quatuor dies, nec urinæ quicquam reddidit; antequam autem infelix iste obiret, quamvis toto corpore perfrigidatus (nullibi arteriis micantibus) adeo robustus erat, & ad motum expeditus, ut etiam ipsa die, qua e vivorum statione decessit, a lectulo surrexerit, & suas vestes induerit.

XXIV. Non pauci post exantlatum morbum

bum veterinosi fiebant, ac stupidi, rerumque peractarum prorsus immemores, nec nisi post multos dies sibi reddebantur; idem infortunium iis obtrixit qui in his febribus gravem surditatem perpessi fuerant. Mercator quidam cum ex peticulari febre præter omnium opinionem convaluisset, surdus omnino ad 40. dies perstitit, ac postmodum paulatim ex asse restitutus est.

XXV. Frequentiora in urbe quam in proximis agris fuere funera, ac felicius plebs ruralis sine ullo ut plurimum remedii genere vim morbi eludebat, sive quod in aëre salubri degerent, sive quod Medicis carerent; non semel idcirco mentem subiit Virgilianum illud, *lib. 2. Geo.*

*O fortunatos nimium sua si bona norint
Agricolae.*

Ac urinam medentes, cum aliquis popularis morbus debacchatur, curiosius scrutarentur a rusticana gente, quæ magis fidit Parocho, quam Medico, quali methodo Natura usa fuerit in sanandis morbis eorum qui evaserint; sic enim Naturam tanquam optimum ducem sequentes, minus a recto tramite aberrarent, ac tutiori methodo ad curandos ægros sibi commissos procederent. Cum autem in his casibus sibi quisque pro ingenii sui modulo regulam confingat, secundum quam opus molitur, & in communi morbo tot, ac tam diversa remediorum genera in usum revocentur, merito cum Celso *l. 7. in Proxm.* cum quis convaleuit, *dubitare potest secunda valetudo Medicina, an corporis beneficio contigerit.* Indubium tamen est, quod in communi morbo, sicuti communis est causa, ita communia, & eadem fere deberent esse præsidia. Quotquot autem ex viris agrestibus, quos e peticulari febre evasisse novi, & interrogare potui, non alio modo convaluisset referebant, quam macularum circa septimam diem per totum corpus, & usque ad extremos artus expansione, & earumdem lenta evanescencia sine ulla sensibili humorum excretionem.

XXVI. Quo tempore in hac urbe, & in tota campestri regione, quæ circumjacet, ferociebat hæc febris, in vicinis collibus, ut in Saxolensi, & Scandianensi ditone, nulli fere ægrotantes viscebantur, neque eo pervasit maculosa hæc febris, quæ tantum in editoribus locis, & in ipsis Appennini jugis (veluti salu quodam exiliens) vim suam pariter ac in nostra planitie exercuit.

XXVII. Sanguis porro qui secta vena, vel cucurbitulis scarificatis, sive venis feda-

libus apertis, educebatur in universum satis laudabiles notas præferebat, quantum oculorum acie licebat assequi, satis enim floridus, ac rubicundus apparebat, multoque magis qui a Natura per narium hæmorrhagiam profundebarur, neque in ullo ægrotante cujuscunque temperamenti sanguinem extractum videre datum est, qui glutinis speciem aliquam præferret.

XXVIII. Profecto mihi fateri necesse est in hac peticularium febrium constitutione, adeo improspere venæ sectionem celsisse, ut omnes ægri exhorrescerent quoties sanguinis missio per venæ sectionem præponeretur, eam vero fuisse popularem confidentiam in usu cucurbitularum scarificatarum, ut ægros interdum decipere oportuerit, quoties urgeret necessitas sanguinem ex valis majoribus ob plethoricam dispositionem educendi, si nendo ut ægris cucurbitulæ dorso, & scapulis applicarentur modicum sanguinem extrahendo, deinde paucas post horas sanguine ex vena largiori manu educto. Ea enim hæserat opinio, nec solum apud vulgus imperium, sed etiam apud sapientiores, quod ubi præmissæ fuissent cucurbitulæ scarificatæ, nullus amplius esset timor de peticularum retrocessione, quamvis postmodum non semel ex vena mitteretur sanguis; sic curiosum erat Chirurgos passim videre cum sacculis cucurbitularum plenis per urbem curstantes; dum inconsultis Medicis plebesculæ hoc remedii genus administrarent. Suspectam itaque, ne dicam infamem, ut scopolos Acroceraunia, venæ sectionem in hisce febribus fuisse fateri lubet, sicuti ex adverso gloriosam cucurbitularum tum scarificatarum, tum siccarum appositionem, sive id fieret ob confirmatam in omnium animis opinionem de hujus remedii efficacia, sive quod revera in illo aliquid additum esset, quod Medicos lateret.

XXIX. Reliqua porto remedia, quibus hujus febris oppugnatio tentabatur, eo collimabant, ut humorum motum ad corporis ambitum promoverent, qualia sunt quæ sale volatili abundant; sic nullum non ex diaphoreticis in usum revocatum, nihilo felicius tamen prodibant maculæ, ni forsan hoc pacto, oleum camino addendo, ut dici solet, febrilis incandescencia augebatur (quæ sibi relicta humorum fugam maturasset) & distrahebatur Natura, quæ non tam propere depingebat in cute quod intus moliebatur. Ego mehercle parum profici observans, per alcalica ad acida confugi, mōnente Hippo-
cra-

crate, *De loc. in hom. n. 10.* quod si quis non profuerit, ad contraria se convertat, nec improspere successum ex illorum usu adverti, sufflaminato aliquantisper humorum orgasmo. Non ausim tamen asserere, vi hujus, vel illius remedii evasisse, vel periisse quenkum, cum Andabatarum ritu necesse fuerit cum hac febre dimicare, neque magis felices in suis curationibus fuisse Medicos seniores, & longo usu expertos, quam juniores, ac e scholis nuper egressos, cum in tenebris tam videant cæci, quam oculati.

XXX. Ad sollicitandam peticularum eruptionem passim frictiones humidæ ex unctio-
ne Aëtii ex usu erant, sicuti & vesicantia brachiis, & cruribus apposita; sed hæc magis Medicorum existimationi apud vulgus, ne quid inausum, aut intentatum fuisset, conducere visa sunt, quam ægotantium saluti, quibus acuebatur febris, nec propterea facilius contingebat peticularum eruptio nisi forsitan ob id retardabantur, facta serosæ materię per vias urinæ profusione. Sic in hac febrili incursione omnibus remediis tum internis, tum externis parum proficientibus satius erat lente festinare, & humorum maturefcentiam opperiri, sprete querelis adstantium, qui urgebant, velis, & remis, ut dici solet, ingruenti tempestati occurrendum & prolatando magnas corrumpi opportunitates, quibus adversis clamoribus medentes non ausi obistere, intempestiva, & incerta remedia præscribendo, sibi e manibus victoriam eripi viderunt, non secus ac Pompejus M. qui cum tergiversando hostem comineatum inopia laborantem facile vinci posse cognosceret, militibus tamen, & fortis moram increpantibus, prælium miserabili eventu commisit, oblitus solitum se laudare eos Medicos, qui nihil unquam ægroti cupiditatibus quicquam indulgissent.

XXXI. Cum primum grassari cœpit peticularis hæc febris, nec dum suspicio esset de populari affectu (febris diversæ indolis intercurrentibus) purgationes, ut hic fieri assolet, in morborum principio, per medicamenta minorativa dicta instituebantur; sed paulo post prodentibus se peticulis, suadebant medico tacita præcordia culpa, ob metum ne hujusmodi purgatio Exantematum eruptioni impedimento foret, humoribus ad interna retractis, periculis tamen postmodum feliciter erumpentibus, & stadium suum absolventibus, professores qui attentius res observabant, experientia edocti a blanda

purgatione non abhorrebant; Ego sane ubi tempestive accersitus fui, & stomachum impuritatibus oneratum esse conjectavi, quamvis certus de peticulari febre, levem purgationem præscripsi, neque non solum ullam noxam exinde proficisci, sed facilius Exanthemata apparere observavi. Similem casum refert Ballonius, qui l. 1. & 2. *Epid.* ingenue fateatur, in febribus, quas de genere peticularium non putarat, medicamentum purgans, & venæ sectionem præscripsisse, & innocuum utrumque remedium reperisse. Id est quod monebat Divinus Præceptor, lib. 1. de Morb. num. 1. & 7. observandum esse *que bona per fortunium successum Medici ægrotos curantes faciunt.*

XXXII. Ad oppugnandam vero tam infensi hostis pervicaciam in subsidium quoque accitus est Peruvianus cortex, qui cæteris remediis succenturiaret; præcipuus autem illius usus fuit in iis, qui evaserant ex morbo non bene, ut par fuisset, judicato per debitam suo loco, & tempore peticularum eruptionem, & evanescentiam; iis enim diuturnis febribus vexatis febrifugum istud exhibebatur, cujus usus non multum contulit ægris subinde in stupiditatem, & soporem delapsis.

XXXIII. Dysenteris portio, quas anno 1693. per Autumnum peticulari febre supervenisse superius dixi, egregie contulisse opiatorum usum observavi; nec forsitan ulla est affectio in qua securius, & liberaliori dosi exhiberi possit hoc remedii genus quam in hujusmodi morbo, fractis licet, ac pene attritis viribus. Cuidam acerrima dysenteria laboranti pluries exhibui laudanum opiatum ad 3. & 4. grana, sed parvo levamine; vixerat hic ad plures dies omnino gelidus, ac sine pulsu, vires tamen non erant adeo languidæ, ut huc, & illuc se jactare non posset; verebar ne largiori dosi exhibitum laudanum, reliquum flammæ vitalis, quæ supererat, restingeret, Laudanum rursus ad grana 5. exhibui, ex quo æger placide dormivit, & excalesfactus est, quod non tam doloris, qui dysenterias comitatur, sedatione factum crediderim, quam propter virtutem opii diaphoreticam. Cum satis obvium esset in hac constitutione (ac præsertim grassantibus dysenteris, & verminosa affectione) hujusmodi in toto corpore perfrigerationem, una cum pulsu abolitione, observare, non semel subit admiratio quare in ventriculi, & intestinorum affectibus, tam frequens sit talis perfrigeratio, ac pulsu obscuratio, non ita

ita vero in morbis pectoris ut in pleuritide, cum tamen hæ partes, & ipsæ membranosæ sint, & cordi proximiores, ni forsan id fiat quod numerosior nervorum soboles in intestinis, & ventriculo implantetur quam in pleura, & pulmonum membrana, & ob doloris sensum acutiorem, tracto in consensum cerebro, spirituum animalium ad cor influxus intercipiatur, unde postea silente pulsu totum corpus perfrigeretur.

XXXIV. Talis fuit hujus purpuratæ febris indoles, ac talia symptomata, quæ multam habent convenientiam cum iis, quæ apud Fracastorium *De morb. Contag. l. 2. cap. 6.* leguntur descripta, qui Auctor caput particulare instituens de lenticulari febre, quæ anno 1528. in Italia primum grassata est, mentionem expressam habet de lassitudine, & fractione, ut ipse ait, in toto corpore, sensuum hebetudine, oculorum rubore, pulsu humili, urinæ suppressione (quod pessimum signum fuisse ait) macularum circa quartam, & septimam eruptione, siti pauca, ac fere nulla; hocque præcipue annotat, senes paucissimos febre hac laborasse, sed pueros multos, ac juvenes robustos. Mihi sane dum caput illud perlegerem non parvæ admirationi fuit, quod febris lenticularis a Fracastorio descriptæ, & pethechialis nostræ (ut communi utar vocabulo) tam similis fuerit facies, ac ingenium, ut hanc esse veluti sobolem alterius, vel priorem illam redivivam caput extulisse arbitrari quodammodo liceat. Advertens tamen febrem illam easdem pene Regiones, & populos eodem fere victu utentes infestasse, multaque alia perpendens, quæ refert Vir ille doctissimus, circa illius febris causas, ut Padi, & Athesis inundationes, fructus, & olera a rubigine exusta, mirari desii. Si enim major diligentia in conscribendis morborum annalibus a Medicis adhiberetur, iisdem temporum vicissitudinibus recurrentibus, eosdem pene morbos recurrere, & Naturam eundem morem in illis abigendis servare facili negotio observaremus; nam sicuti in Politicis ut ait Tacitus, *potius alii homines, quam alii mores*, potius aliud hominum, quam aliud morborum genus.

XXXV. Sicuti autem magnæ tunc temporis fuerunt inter Medicos Disceptationes circa causas illius febris, & rectum curationis modum, ut pene ludibrio haberentur, veluti ipse Fracastorius refert, cum non solum circa præsidia chirurgica, & pharmaceutica administranda, sed etiam circa vi-

ctus regimen diffiderent, ut apud eundem Auctorem, non sine risu primo, sed postea non sine commiseratione legi potest; sic pariter inter nostrates professores non minores fuerunt controversiæ, publicis ob id disputationibus habitis, &, quod magis dolendum est; inter celeberrimos nostri ævi Scriptores magnæ sunt dissensiones circa febris purpuratæ causam, & genuinum curationis modum; ex quo satis constat quam parum post tot gloriosa inventa a Fracastorii ævo usque ad nostra tempora Ars Medica profecerit, cum nondum quicquam certi constet de malignarum causis, & illarum rationali curatione.

XXXVI. Verum his omissis, quæ Medicæ artis infirmitatem satis in propatulo ponunt, experiamur num detur conjectare saltem, si non statuere, quæ fuerint hujus febris germanæ causæ, & qualis esset inter febrientium corporibus sanguinis, & aliorum liquidorum status, & conditio, quod ex habitis observationibus, & morborum eventu elici posse arbitror, quidquid Poeta dixerit, successus improspere iis ominando, qui ab eventu facta notanda putant. Etenim cum in re Medica a juvantibus, & nocentibus securius quam aliunde potiores petantur indicationes, eventum & experientiam, tamquam optimos duces, sequi oportet, siquidem illorum vestigiis inhazendo, tutiori, & compendiosiori via veritatem attingimus.

Quid norunt homines, nisi quantum luminis possunt

Tendere?

XXXVII. Cum ergo isthæ maligna febris promiscue cujuscunque sortis homines adorta fuerit, tam egenos, quam divites, otiosos pariter, ac negotiosos, & in omnibus idem pene drama luserit, communem fuisse illius causam, procul dubio statuendum est, eamque ex aliqua ex sex rebus non naturalibus licet deducere. Alimenta quæ terra suggerit, ut cereales fruges, olera, plantarum fructus, carnes animalium (cum ex herbis, & terra fructibus alantur) a rubiginosa lue vitiari potuisse, & hoc pacto in massam sanguineam pravos succos invehere, ut exinde malignis febribus primus fomes succreverit, non prorsus a ratione alienum videtur. At cum in constitutione ann. 1690. unde labor hic meus exordium sumpsit, favissima rubigo fruges omnes, & fructus pessifera afflatu absumpserit, neque per totum annum illum, ne unam quidem malignam febrem, sive peticularem, sive sine peticu-

lis,

His, mihi saltem, observare licuerit, sed tantum ruralis epidemia tertianarum febrium intermittentium per totam Estensem ditonem, & proximas Regiones oberarit, ac talis, ut nullus ex rusticis pene fuerit, qui tertianæ febri intermittenti non litarit, ego non satis video quomodo corrupta alimenta a rubigali peste pro potissima causa culpari debeant; neque pariter caritatem annonæ, quæ ad multos annos Regiones istas exerceret, incusare licet; quamvis enim ex Hippocrate 4. in 2. *Epid.* in Aeno ob esum leguminum crura, & genua multis vitiata fuerint, penes nos tamen tam qui pane optimo, quam qui consusaneo vescerantur, eadem periculosa febre cum iisdem symptomatibus premebantur.

XXXVIII. Multo minus aquas (quarum usus tam necessarius est ad hominum vitam sustentandam) causari licet: quamvis enim aliquando aquæ corruptæ, & vitiatæ populares morbos invexerint, hoc tamen de aquis nostris suspicari nequaquam licet; Regiones enim istæ aquis salubribus abundant, ac præsertim urbs ista, quæ Divino munere non aliis dato, fontes habet, qui purissimam aquam, non temporariam, sed perennem æquo semper tenore profundunt, ut in Tractatu meo de admiranda fontium Mutinensium scaturigine satis exposui.

XXXIX. Cum ergo inter sex res non naturales nullam aliam communiorum causam reperire sit præter aërem, quo nihil communius, & aquæ necessarium (cum unum, & eundem locum incolentibus diversa esse possint ciborum, & potionum genera) aër vero ejusdem fere sit naturæ, ad occultam aliquam aëris labem, & inquinamentum recurrendum est, quod in massam sanguineam tales invexerit dispositiones, ut ad excitandam hanc malignam febrem satis virium habuerint. Quænam vero, & quales essent hujusmodi aëris dispositiones non adeo obvium est exponere; profecto in solas qualitates elementares pravam illius diathesim referre non adeo tantum est, nec animus veritatis avidus tam facile acquiescit, multoque minus cum per totum hoc triennium, ut superius annotavi, tam dissimiles fuerint cujusque anni constitutiones, ac nihilo secius purpurata febris eodem fere tenore tyrannidem suam exercuerit. Pro re indubia tamen habendum, aërem hunc quem inspicimus, ac totam atmosphæram varias, ac diversi generis particulas, tum ex superioribus, tum inferioribus corporibus in solum

Sydenham Opera Med. Tom. I.

suum suscipere, cælum nempe, seu astra, ut solem, lunam, & reliqua sydera, lumine suo potissimum, quod inficiari non possumus, in aëre profundere, & ejaculari, ut ex solarium macularum evanescentia licet conicere, ac globum terraqueum eodem modo in ejusdem gremium omnigenas substantias eructare, non tam vi solaris luminis, quod illum plus minus modo in hac, modo in illa parte calefacit, quam vi caloris centralis, & ignium, quos ipsa terra intra sua viscera recondit, ex quo conicere est (quamvis oculorum acie id percipi nequeat) nihil esse in hac rerum universitate quod sit magis heterogeneum, utpote particeps terrestrium impuratum, & cœlestium effluviis, quam aëreus Oceanus.

XL. Hinc ergo expiscari licet hujus nostræ Epidemiæ causam, ex aëre nimirum ab heterogeneis, ac omnigenis particulis hinc inde, ac præcipue ab Australi plaga susceptis vitiato, cum hisce annis Austrini flatus dominatum obtinuerint, silentibus ut plurimum Borealibus ventis, qui nubila de-regerunt, & aëris impuritates eo repellunt, unde decesserant, ad Australes scilicet plagas, ex quibus omne malum ad nos profectum suspicari fas est. Quod vero in hac Tragœdia præcipui Actores fuerint Australes flatus, hinc conjectare licet, quod dum in hac urbe, & in campestri regione grassaretur hæc febris, villæ, & oppida ad collium radices posita satis salubriter degerent, ac veluti in portu aliorum spectarent naufragium, utpote ab Apennini jugis protecta ne ab Austrinis flatibus adeo infestarentur, non ita vero loca in sublimiori parte Apennini sita, sicut & urbs nostra cum tota planitie iisdem flatibus magis exposita.

XLI. Quam male autem apud nos, ac fere ubique Auster audire soleat, nemo non novit, cum non solum Medici, sed populares quoque, tanquam morborum pestilentium parentem Austrum deprædicent. Quid vero solum ad nos comportet ventus iste, num gravis sit, ac noxius ob nimiam humiditatem, unde nomen sumpsit (Auster enim Νέστος græce dicitur) an quia Libiæ deserta venenatis animalibus infecta transgrediens, ut putat Langius l. 1. Ep. 19. collectum virus ad nos deferat, non tam facile est decernere; id certum tamen, ac ipsis sensibus obvium, nihil magis, ac temporis pene momento aëris statum immutare posse, quam flantem Austrum, ut aër ex pondosior levior reddatur, ac ob id forsitan nobis

X

in.

inensus, & vitalibus muniis minus idoneus, veluti sat manifestis notis testatur Barometrum; nam, ut in Ephemeridibus meis Barometricis hoc anno 1694. editis annotavi, quoties ex Australi plaga flant venti, illico Mercurius e sua sublimitate ad infimam usque stationem decidit, qua minor in Barometro non observatur. Cur autem Austrina constitutio aërem leviores efficiat, dum cuncta tunc temporis nimia humiditate diffuunt, quaesita quidem mihi est ratio, num vero reperta fuerit, ut verum fatear, mihi haeret aqua, ut dici consuevit.

XLII. Austrinam ergo constitutionem aërem vitiantem, magis quam quodcumque aliud culpae licet, ita tamen ut a causis procatasticis hujus particularis febris non excludam alimenta a rubigali lue vitata, tanquam communem causam cuicunque hominum generi, illegitimas anni temporum vicissitudines, ac intemperantias, pluviarum multitudines, verbo, complurium causarum syndromem, unde humoralis massa a naturali sua temperie degenerans talem dispositionem nacta fuerit, ut haec maligna febris emergeret, quae eo utique perduraret, donec aëre in contrarium statum migrante, sanguis, ac spiritus crasin priori contrariam adsciverint.

XLIII. Qualis porro grassante hac febre fuerit sanguinis, & aliorum liquidorum status, num ad fluorem, vel ad concretionem potius vergerent, mihi quidem non satis constare visum est. Revera, si tum recentiorum, tum antiquorum Medicorum Oracula consulamus, tam varia, ac dissidentia inter se responsa pro statuenda genuina, ac vera febrium malignarum causa referuntur, ut quilibet ex librorum lectione animo potius distractus, quam instructus abscedat. Hic mihi non vacat, nec multum refert, longa nomenclatura nostri ævi Scriptores in binas acies divisos, tanquam ex adverso dimicantes recensere, quorum alii proximam, & immediatam malignitatis causam in sanguinis promptitudine, ob acidi præpollentiam, & Gorgonios spiritus, ut ajunt, ad concrendum constituunt, alii in sanguine nimis dissoluto, & ad fluorem evecto ob sal volatile, & alchali acerrimum illi permixtum, adeo ut in hoc bivio, in quam partem quis se dedat magnos habiturus sit Patronos, quibus causam suam tueatur, non ex voto res successerit. Sic in re tanti momenti, qualis est maligni morbi cognitio, tam parum inter ipsos Medicorum Antesigna-

nos convenit, ut post tot gloriosa Anatomica, & Chymica inventa adhuc nesciatur quid sit sentiendum, nec qua sit eundum.

XLIV. Despicatui tamen nequaquam duxerim notionem illam malignitatis, quam experimenta ex Medicina infusoria desumpta nobis suggerunt; siquidem acidis liquoribus in vena animalium vivorum injectis, & iisdem animalibus post mortem dissectis, sanguis in venis, & in ipso corde concretus, & grumefactus, sat manifeste conspicitur, sicuti liquoribus lixivialibus, & alchalicis similiter infusus sanguis sine fibris, ac totus dissolutus observatur, adeo, ut ex hujusmodi observatione omnia venena tam externa, quam intus genita ad alterutram ex his classibus satis commode referri possint. Debemus hoc sane Medicorum nostræ ætatis solertiz, qui hujusmodi experimentis, & sensuum ministerio, lucem aliquam mentibus nostris affundunt, quomodo scilicet, & quibus spiculis armentur in nostris corporibus humores alibiles cum venenatam naturam accersunt, & malignas febres accendunt, ut potius sint modo sanguinem coagulare, modo fundere, atque dissolvere, quod non parvi momenti est, ut in morbis malignis (acri judicio re prius pensitata) recta curatio institui possit, nec indiscriminatum Alexipharmaca exhibeantur, alchalicis stimulis equum currentem interdum incitando, cum acidorum freno opus esset.

XLV. Quamvis autem venenorum naturam, tum eorum quæ propinantur, seu ab animalibus per morsum, vel alio modo inferuntur, tum illorum, quæ in corporibus nostris progigni solent, & malignos morbos excitant, revera feliciter explicent recentiores Medici, quam priores, qui ad publicum occultarum qualitarum asylum provocabant, ac meliori methodo credantur curari maligni morbi quam olim, corrigendo nimirum per acida enormitates ab alchali productas, & per alchalia quæ ab acido ortum duxerint, id tamen antiquiores Medicos non prorsus latuisse censendum est. Ab hisce duabus oppositis in sanguine dispositionibus, nimia scilicet laxitate, & adstrictione morbos omnes deduci, opinio fuit Asclepiadis, ut pluribus in locis refert Galenus, 2. *de Elem. cap. 3.* quod idem sensisse visus est Vegetius in Arte Veterinaria l. 1. c. 28. pro medela sanguinis nimis adstricti venæ sectionem commendans. Extat apud Hippocratem 7. *Epid. n. 39.* sat insignis historia, vere memoratu digna; ex qua satis liquet,

quet, priscos illos in malignis morbis, non quæcunque antidoti nomine insignita essent præscripsisse, ut etiamnum a nonnullis fatigari video, qui ubi constiterit febrem esse malignantis Naturæ, cælum terræ miscet, pullum non Alexipharmaci genus præscribendo. Maligna febre laboravit Nicoxenus, *lingua ardebat*, ait Hippocrates, *calor forissecus non valde foris, exolutio corporis vehemens, vox fracta, ut operosum esset exaudire, clara tamen, tempora collapsa, oculi cavi, pedes molles, ac tepidi, juxta splenem distensio, urina clara, decubitus supinus, crura diducta, ac disparata ob exolutionem, penitus vigil.* Et quid non ut malignissimæ febris ideam quis concipiat? Superstes tamen evasit; at quonam remediorum apparatu, ac molimine Domitor ille morborum febrem hanc adeo mortiferam subegit? *Potus erat aqua de farina crassa in ipsa macerata, sed, & de pomis simulque mali punici succus, & lentis torrefactæ, & farinæ lotura cocta.* Verba sunt divini senis; quibus autem remediis nostra hac ætate tentaretur hujusmodi febris curatio novit Deus; certe timendum esset, ne id contingeret quod apud Plutarchum reprehendebat Erasistratus, ut scilicet *ὁμῶ μεταλλικά, καὶ θηριακά, καὶ τὰ ἀπορῆς, καὶ θαλάττης εἰς τὸ αὐτὸ συγκατανοήτας.* At quæso Vallesii egregii Commentatoris expositionem audiamus, *Animadvertendum*, ait ille, *aliquando febrem malignam cum Exanthematis pituitosam, aliquando biliosam, aliquando etiam atrabiliariam, & curationem ita variare; huic non tam crassorum, quam acriorum, & tenuium humorum fuisse redundantiam indicavit uestio, & pervigilium. Ob id contulerunt illæ potiones, quæ aliis fuissent adversissimæ; fuisset tamen huic adversissimum Theriaca uti, aut decoctis, & herbis calidis, quamvis essent Alexipharmaca, ut Dictami, & Schabiosa, & Cardui benedicti, quod aliis talia solent esse usui.*

XLVI. Sicuti autem in determinanda malignarum causa in genere adeo inter se dissentientes sunt Medicinæ Proceres, sic multo minus in explicanda febris peticularis natura, & causis consentiunt; neque recentes ac nostrorum temporum tantummodo sunt controversiæ, etenim An. 1528. grassante per Italiam lenticulari febre, ut Clarif. Fracastorius l. 2. de Contag. Morb. c. 6. refert, tanta fuit pro hujus febris curatione inter Medicos discordia, ut pene ludibrio haberentur, cum ob ignoratam febris causam,

& morem, neque in victu instituendo, neque in alio remediorum genere administrando convenirent, adeo ut, eodem referente, inter has controversias *magna Mortalis pars, & Nobilitas perieris.* Nostra hac ætate, tanquam in binas acies oppositas, Medicinæ Scriptores divisos observo peticularis febris naturam, vel per sanguinis coagulationem, vel per ejusdem dissolutionem exponentes. Celeberrimus Vvillis, Simon Pauli, Auctores Zod. Med. Gallici, alique plausibili sane ratiocinio putant in hujusmodi febre naturalem systasim sanguinis in crassam, ac nimis lentam secedere ob acidæ prædominium, adeo ut, dum sanguis in orbem agitur, illius particulæ fixiores a venarum extremitatibus, haud rite absorbeantur, & captivæ detentæ picturatam cutim efficiant. Ermullerus, Sylvius, Menjorius, alique hujus febris naturam, & peticularium generationem a fibris sanguinis dissolutis e sua statione dimotis, ob sal acre, & volatile sanguinem ad fusionem disponens deducunt, quo pacto similiter cruore ab arteriolarum osculis effuso illius partes tenuiores, tanquam transfugæ, a circulari motu exorbitant, ac sui erroris notas in cute designant.

XLVII. Ne vero in recensendis aliorum placitis ulterius immorer, arbitrari licet in hac febre nostra peticulari cruoris massam ad fluorem potius, quam ad concretionem pronam fuisse, cujus asserti præcipuam conjecturam stabilire licet super manifestas notas, quas sanguis e ductus præferebat, semper enim roseus ac purpureus, nihilque glutinosi præfens, mihi aliisque Professoribus apparuit, tam æstivo tempore, quam hyemali. Cum sanguis ergo emissus toto cælo differret ab eo qui solet educi in quibusdam morbis, ut pleuritide, peripneumonia, erysipelate, aliisque affectibus interdum popularibus, in quibus sanguis colore, & lentore vitium suum prodit, mihi visum est, *Oculis magis, quam opinioni credendum* (ut ipsius Hippocratis 1. de Dieta n. 5. verbis utar) & accensionem quandam partium tenuiorum sanguinis, & præcipue feri e vasis diffusionem, ex qua tot symptomatum enarratorum diritas ortum duceret. Talem autem massæ sanguinæ adfuisse dispositionem multa alia attestabantur, ut primo quidem quod truculenta hæc febris juvenes habitiores, & succulentos corripere, ut superius annotavimus, valetudinarios vero, & seniores præteriret, non secus ac *Præteris imbelles ira*

Leonis oves. Seminium enim illud intus per inspiratum, vel quomodocumque ab aëre fulceptum, & quod multum alchalicæ acrimoniæ occuleret promptius dyathesim suam exerebat in iis in quibus sanguis optimus esset ac particulis spirituosus refertus, quam in valerudinariis, & senibus; quibus sanguis est effictus, ideoque aptior ad retundenda acuta spicula, quibus armatum erat malignum miasma, quæ forsan est ratio, cur senes *Pestilentiam minime sentiant*, ut scripsit Plinius, l. 7. H. N. c. 50. seu pesti minus sint obnoxii quam juvenes, de quo Zarotus in Martialem. Sicuti enim vina generosa æstivo tempore facilius putrescunt quam dilutiora (saltem in hac urbe, quæ ob aquarum subterranearum copiam Hypogæis caret) cum vina ineraca, & generosa sub aëre arstuate ob copiosos spiritus quibus turgent facillime in Zymosin corruptivam urgeantur, non ita vero vina Olygophora ob partes aquosas quibus abunde scatent. Talem quoque sanguinis diathesim testabantur virium subita prostratio, pulsus parvi, quæ duo satis constant, ac vigent in iis morbis, (ut in affectibus pectoris) in quibus sanguis per venam sectam emissus manifestam præbet concrefcentiam. Usus præterea acidorum salubrior compertus quam alchaliū, sicuti, & vesicantium applicatio minus prospera, ut quæ sanguini ad fluorem prono stimulos adjicerent, idem confirmare videbantur, quibus accenferi poterat V. S. parum salutaris, a qua ægrotantes cane pejus, & angue abhorrebant.

XLVIII. Nec mirum improspere cessisse venæ sectionem perstant hujusmodi humorum dispositione, quod ut plurimum in Epidemicis, & pestilentibus constitutionibus evenit, in quibus phlebotomia non admodum bene audit (cum perraro contingat ut ejusmodi temporibus ad fixitatem humores vergant, ni potius ad liquationem tendant ob aëreum venenum satis tenue, partibus sanguinis spirituosioribus nimis hostile. Eandem ob causam in omnibus malignis febribus suspenso pede ad venæ sectionem progredi solet ob metum ne una cum sanguine collabascant vires; ideoque Celsus de febris pestilentis cura l. 3. c. 7. ajebat, *Sanguinem non facile mittere, Alvum non facile ducere*, ac valde rationabiliter Doctissimus Vir Jo. Baptista Scaramuccius Urbini Medicus Primarius in Theorematis suis Physico-Medicis Theo. 1. Sanguinis missionem improbat, ubi sales lixiviales præpollent,

a quibus aliqua dissolutio possit emergere.

XLIX. At cur talia e cucurbitulis scarificatis vereri non licebat, inquiet aliquis, quasi sanguis per eas emissus non ex eodem fonte prodiret, ac is qui per venam sectam educitur, ni forsan floridior etiam sit is, quæ per cucurbitulas extrahitur sectis multis arteriis? Non ibo certe inficias sanguinem per cucurbitulas eductum vividiorē esse, fuisse tamen magis proficuum eucurbitularum usum, quam phlebotomiam, non popularis confidentia, sed experientia quæ ratiociniis nostri per sæpe illudit, satis evincit. Neque suarum rationum fulcimento carebat hoc præsidii genus. In hac enim febre, in qua humores a Natura ab intimis ad extima propellebantur, hoc pacto magis promovebatur ad corporis ambitum illorum motus, ac variis in locis incisa cute expirabat aliquantisper occultum illud venenum quod ad cutem protrusum inibi hærebat ab aëre ambiente repercussum.

L. Huic præpostero, ut rebar, cucurbitularum usui & ipse sub initium hujusce popularis morbi non parum obstiti urgebamque levandam prius per venæ sectionem Naturam eo quo promebatur fasce, nec intempestiva cucurbitularum appositione sollicitandum humorum motum, tempore præsertim ebullitionis; reclamabam sanguinis missionem nullatenus trahere a circumferentia ad centrum, imo toto eo tempore quo aperta sit vena, majori nisu ad eam partem quam ad reliquas sanguinem moveri, fidendumque potius rationi quam eventui, quem stultorum Magistrum esse ajebat Q. Fabius M. apud Livium l. 22. At sors melior eorum, qui hoc præsidii genere, vel in ipso morbi principio, utebantur, vellebat aurem, monebatque vertendum stylum, nec tanti faciendas esse rationes confectas, quanti experientiam ipsam. Extant sane multa apud Auctores de cucurbitularum usu, ac si placeat etiam de abusu (ut Hippolytus Obicius in suo libro de multiplici in Medicina abusu) c. 7. ac revera omnes fere in acutorum morborum principio (nisi prius per V. S. plenitudini provisum fuerit) illatum usum improbant, Fracastorius tamen in febre lenticulari, quæ ipsius ætate, ut superius memoravimus, pervagata est, venæ sectioni parcendum volebat, ubi præsertim valde sparfa contagio esset, & cucurbitularum appositionem commendabat, nisi magna adesset plenitudo. Quanti porro faceret in hac febre cucurbitularum usum P. Alpi-

nus ex solo capite quod in libro de Medicina Egyptiorum l. 2. c. 16. instituit, dignosci potest; disquirat enim, *An errant Egyptii Medici non utentes cucurbitulis pro adjuvanda Exanthematum eruptione*; ex recentioribus vero P. Borellus annotavit anno 1648. febres malignas epidemicas purpuratas cum magna clade grassatas fuisse, & frequentem cucurbitularum usum valde profuisse.

LI. Hinc mihi visum est considerandas non esse peticulas ut simplex malignæ febris signum, veluti communis fert opinio, nec a criticarum excretionum censu excludendas, quod ex Clar. Diemerbroëchii observatione, qui peticularum historiam egregie absolvit, confirmari potest; refert enim hic Auctor sibi observatum in denatis ex purpurata febre partes omnes internas peticulis obstitas esse, quod tamen multo ante, si non oculorum, saltem mentis acie, pertigerant Vallesius in historia Simonis; Ballonius in suis Epidemiis, Fernelius in libro de Febribus. Mihi quidem cadaver ullum dissecare non licuit, ut ex autopsia peticularis hujusce diffusionis per interiora corporis certior fierem, (quando apud nos nullo pretio quicquam ex plebecula cadaver aliquod ex suis domesticis pro simplici inspectione permitteret) constans tamen observatio, quod ii, qui ex hac tempestate evaserunt, per nullam sensibilem humorum excretionem convalescerint, ut superius annotavi, sed per solam peticularum suo loco, & tempore apparitionem, ac per totum corpus expansionem, lentamque earundem evanescentiam, ad credendum compellit, Naturam post factam primis diebus justam humorum ebullitionem virulentum illum ichorem despumasse, ac illum primo quidem in partibus internis, mox in externis quoque deposuisse, ut hoc pacto per mille arteriarum oscula retro illo miasmate exantlato tota massa sanguinea pristino suo nitore redderetur. Curiosum autem est id quod Diemerbroëchius refert sibi in cadavere ex hac febre extincto observatum, nimirum, maculas hæc ab ipso periosio initium ducere, & lata basi instar fumi lampadis recenter extinctæ.

LII. Non tam modicum igitur esse illud quod in peticulari febre e sanguineo penitus discernitur censendum est, imo toto eo tempore, quo hujus morbi historia absolvitur, talem esse diacrisim, quæ in criticarum censu reponi possit, quamvis non adeo sensibilis sit, ut reliquæ evacuationes criticæ, tum

ob materiæ tenuitatem, quæ insensibiliter expirat, tum quod illius pars major per interiora corporis diffundatur, in cute pyramidis tantum apice apparente. Sic non inepte explicari posse crediderim superius enarrata symptomata, quæ febrem hanc comitabantur, sicuti & modum quo Natura harum febrium curationem moliebatur; dorsi enim, ac totius corporis lassitudo, qualis in febribus, quæ *tertiana* dicuntur, non aliunde quam ab ichore illo ab arteriarum osculis in membranas, & musculorum fibras refuso ortum ducebat, sicuti & præcordiorum anxietas, faucium ardor, aurium surditas, mentis stupor, ab eadem materia pendebant ad partes transmissa, ubi functiones animales, & vitales exercentur. Cum enim Natura totum venosum genus a pravo illo miasmate expurgare veller, non unam sibi viam eligebat, quo noxios humores eliminaret (ut aliquando per vomitum, alvi fluxum, urinarias vias, cutis poros solet efficere) sed tot sibi fores aperuit quot sunt arteriarum oscula, idcirco omnes fere corporis partes noxam sentiebant, donec rejectamentis illis discussis priorem tonum recuperarent. Cum hoc modo itaque in hac febre expugnanda Natura procederet, mirum non est, si suspenso pede ad venæ sectionem, aliaque remedia administranda procedendum erat, ne distraheretur Natura, & cur felicius res cesserit Medicis sanguinis abstemiis quam phlebotomicis, quam ob causam pagani facilius evadebant, quam urbani, qui per sæpe medendo aegrescebant.

LIII. Ubi vero malignum illud virus præpollebat ad internecionem usque spirituum animalium, & vitalium, cuncta in pejus citissime ruebant, peticulis seu vix se prædentibus, seu subite evanescentibus, quibus præsto aderant summa virium prostratio, asphyxia, totius corporis perfrigerationes, singultus, & ischuriæ spurix, quæ satis frequentes fuerunt; cessante enim spirituum animalium influxu, & feriente corde a naturali motu, nullus fiebat arteriosi sanguinis ad renes appulsus, & consequenter nulla feri secretio; qui autem ex hac febre occumbebant pleni, & succulenti, ut diximus, offerebantur, eo quod non ingens esset calor, qui febres istas comitaretur, (quam ob causam non admodum sitirent) & quia per tenue esset quod per transpiratum exhalaret. Cur vero decrecente luna, ac eadem silente, magis faviret hæc febris (si in re tam obstrusa licet aliquid conjicere) id fieri po-

potuisse crediderim, eo quod sicuti in Microcosmo dicitur luna gubernatrix tenebrarum, & mobilis undæ, cum illi uni æquor obtemperet, sic super Microcosmi limpham dominatum obtineat, & quemadmodum *omnia in Plenitudo Maria purgantur*, ut ait Plinius l. 2. H. N. cap. 98. ita in hac febre, dum luna pleno lumine vigeret, sanguinem serum in motum ciceret, unde promptius macularum eruptio, & totius massæ humoralis repurgatio contingeret, ejus vero lumine deficiente, ac per totum tempus illud, segnius moverentur humores, ideoque minus apti ad exitum, & sic conclusi febrem augerent.

LIV. Quoad reliqua symptomata, quæ hisce febribus in progressu superveniebant, ut singultus, alvi fluxus, verminosa soboles, hac non solum morbi sævitiam prodebant, sed primam regionem crudis humoribus oneratam fuisse demonstrabant, propterea blanda purgatio, non Mochlica, in principio harum febrium peticularium non prorsus fuit incommoda, quamvis casu instituta, nec credita febribus hujus prolapæ multum conferre; leniter enim educta humorum saburra in stomacho contenta, Natura exinde ad perficiendum opus suum pro massa sanguineæ a pravo miasmate expurgatione per macularum diffusionem ad cutem usque facilius procedebat. Hoc documentum blandæ purgationis in principio vel neglectum, vel parum salutare creditum, non levi damno ægrotantibus fuisse crediderim, præpeditis enim, ac conspurcatis primis viis, cardiacis remediis, quibus oppugnanda erat febris, præcludebantur fores, vel iis non licebat cruoris sedem, & cordis penetralia nonnisi deturpata facie subire. Hanc ob causam suspecta sunt alexipharmaca in malignarum principii, nisi ab obstructionibus expeditæ sint viæ, ut apud Galenum, 5. de San. tu. cap. 6. Septalium, Caut. Med. lib. 5. num. 47. lib. 2. cap. 13. & alios videre est, quidquid in contrarium sentiat Manelphus in libro suo de febribus.

LV. Haud me laret non adeo probari a multis in principio harum febrium purgationem hanc per medicamenta Syrmesma dicta, ut P. a Castro in aureo suo Opusculo de Puncticulari Febre, ubi in specie electuarium lenitivum improbat, Antonio Pontee a S. Cruce, Vallesio in commento historix Simonis apud Hippocratem, ac inter recentiores Ermullero, qui suspectos habet in purpuratis febribus clysteres ipsos, nedum

purgantia; non desunt tamen qui levem purgationem admittant, ut Septalius qui Galenum lib. 5. Anim. num. 47. ipsum testem adducit in famosa historia Simonis, cui lata *Exanthemata erant*, purgationem aliquando commendantem.

LVI. Usus porro Peruviani corticis parum salutaris compertus est, vel quod tunc temporis exhiberetur, cum stimulo opus esset, non fræno, dum remedium istud, ut diximus, præscriberetur in febre lenta peticulari febri non bene judicatæ superflite, vel quod tale præsidii genus febribus hujus prolapæ non conveniret. Varie profecto audit, ac variam experitur sortem, vel in iisdem locis, ac regionibus, famosum istud febrifugum, ut eodem tempore laudetur ab his, culpetur ab illis, & modo probrosis, modo magnificis titulis vocetur, medicinam doloſam Peruvianum corticem vocat Willisius de Febr. cap. 6. Richardus vero Mortonus Medicus Anglus in *Pirethologia*, plantam e qua detrahitur cortex iste, arborem vitæ appellat; num id contingat ob remedii inefficiam, quod non omnibus febribus, nec in quolibet temperamento conveniat, an ob imedentium incuriam, qui non rite suo loco, & tempore illud exhibeant, merito ambigi potest. Mehercle omne febrium genus tam magnas, quam parvas, intermittentes pariter, ac continuas gladio hoc Delphico jugulare velle summa dementia est, & funesti casus ubique memorantur, in quibus China China inauspicato assumpta ægrotantes vel inopinato sustulit, vel ad insanabiles ægrotudines sensim deduxit. Cautiones certe notatu dignas pro recto Chinæ Chinæ usu videre est apud celeberrimum Ermullerum in Dissertatione de usu, & abusu Præcipitanium, ubi spiritum salis armoniaci proponit ad excitandam febrem a China China sopitam, quotiescunque, abdominis dolores, artuum ostocops, alvi oclusio, nocturni sudores, aliaque mala supervenerunt; refert enim observatum spiritum salis armoniaci febres ab hoc cortice fugatas prompte revocasse. Non est hujus loci in usum, & naturam tam celebris febrifugi alius inquirere, solum hac occasione memorare libeat, annotasse me in prima mea Dissertatione de constitutione Anni 1690. (quod ulteriori observatione confirmatum comperi) in frigidis & humidis constitutionibus, quæ corpora nostra crassis humoribus insarciunt, parum salutarem esse corticis Peruviani usum; in calidis vero, & siccis constitutionibus, in qui-

quibus humores aliquo egent sufflamine, remedium istud egregiam operam præstitisse.

LVII. Quamvis autem in hac mea Dissertatione præcipuam curam impenderim, ut hujus malignæ febris, quæ tandiu pervagata est, indolem, ac genium explorarem, & exponerem quibus præsidii illius oppugnatione tentata fuerit, non ideo tamen inficias ibo multas alias graves ægritudines sporadicæ eodem tempore hunc vel illum afflixisse, ac etiam sustulisse, quales sunt morbi particulares secundum varia anni tempora, ut Æstate cholera; Autumno febres erraticæ, & quartanæ, & modo morbi Hyemales, & Vernales, sed quia in iis nil Epidemici annotare licuit, eos propterea silentio transigere volui, quando illorum Theoria, & Therapœia apud Practicos Scriptores satis vulgata est, nec in illorum curatione quicquam magis desideratur quam medentis judicium, & prudentia. Quia vero in morbis vulgaribus (qui ut plurimum satis vulgari diligentia tractari solent) memorandum illud τὸ θείον Hippocratis delitescere video, in illorum indagine potissimum mihi defudandum fuit, nec unquam desistam quin Professores exhorter, ut in hunc campum pedem immittant ubi non spicilegium, sed segetem amplissimam contemplationum semper invenient, & quæ ipsis decori, & ægris salutis futuræ sint.

LVII. Ad duos fines nos militare scripsit divinus senex, in *Epist. ad Cratevam*, unum *Hominis*, alterum *Artis*; nostra vero hac ætate nescio quo genio, medentum Primores in rebus quæ decus quidem aliquod arti, sed nullum pene ægrotantibus præsidium possint inferre sunt occupatissimi; cum enim toti sint in minis explorandis, ac tanquam in haruspicina ad extispicia intenti, ex viscerum fibrilis Naturæ opera, ac magisteria alioquin deprehensibilia divinare præsumant, ad gloriam, & nominis celebritatem aucupandam solum incumbunt, quasi eo res deducta fuerit, ut in re medica non nisi professoribus, exercendi ingenii, & famæ comparandæ locus relictus fuerit. Quid si Aristophanes hodie viveret? quibus salibus, curiosam hanc diligentiam non perficeret? liceat referre illius versiculos, qui in sua puritate plus habebunt leporis, & energiae; interrogatus ergo Socratis discipulus a Therpsidæ per quamnam viam canerent culices, nam per superiora, an per inferiora.

Ἰσχυέναι ἰδί τοῦτέρας τῆς ἰμπερίδος
σεύειν διαλέκτου δόξης αὐτῆς τῶν ἐνολῶν
βίαι βαδίζον διδύ τὸ ὑπόπυγιν.
Ἐπὶ παντακτοῖον πρὸς σεαυτὸν προσκείμετον,
τὸν βραχὺτὸν ἡγεῖν ὑπὸ βίας πᾶσι
μακροῖς.

Idest ex versione Andreæ Divi Justinopolitani.

*Dixit esse intestinum publicis
Augustum, per parvi autem existens
ipsius spiritum,
Ut ire recta in podicem,
Postea concuam ad angustum adjacentem
Podicem sonare a vi spiritus.*

LIX. Absit tamen quod anatomicam indaginem tanquam laborem improbum traducam; solum dolendum videtur, quod cum Spartam hanc satis ornatam, & excultam esse pateat quantum praxis medica exigit, omnes fere qui ingenio magis præstant in id usque ad temporis dispendium incumbant, cum ad alia magis usui futura mentem ac vires possent intendere, inter quæ non postremum sane locum meretur Epidemicorum affectuum historia, qua nihil in re medica forsitan magis desideratur, & minus excolitur.

HISTORIA EPIDEMICA GERMANIÆ.

Constitutio Epidemica Augustana Ann. 1695.

D. N. D. LUCÆ SCHROCKII,

Academiæ Cæsareo-Leopoldinæ Naturæ
Curiosorum Præsidis.

PRæclarum institutum, quo singulorum annorum Epidemias erudito calamo conscribere nuper incepit Italiæ suæ ornamentum, Illustr. D. Bernardinus Ramazzinus, Archiater & Professor Murinensis meritissimus, insigni utilitate cum sese commendat, simile quid etiam in Germania nostra moliri, & breviores de Epidemica annorum constitutione relationes exhibere dum intendimus, idem circa dilectam Patriam meam, Augustam, vicinumque districtum, quantum observare mihi datum fuit, simplici historia fideliter tentare, simulque Nobilissimos meos

Dn.

Dn. Collegas Naturæ curiosos ad similem, observata possibili brevitate, præstandam operam humaniter invitare libuit. Eo majorem autem ad hoc persenti stimulum, cum nostri quondam Nestoris I. celeb. Dn. Georgii Hieronymi Welschii manuscriptus libellus, quem *Epidemica Vindelica* inscripsit, ab anno Chrifi. usque ad 1677. in manus meas devenerit; quem laborem mihi hucusque continuare placuit. Quamvis autem hæc in publicum emittere nunquam animus mihi fuerit, Welschianis illis partim nimis succinctis, partim & imperfectis existentibus, meis autem collectaneis in propriæ solum memoriæ subsidium destinatis, si tamen vel tantillum utilitatis in rem medicam ac posteritatem inde resultare posset, publico, qualecumque demum fuerit, haud denegabo. Ut autem anni 1695. statum exordiar; postquam solstitium hyemale frigore intenso annum 1694. terminavit, non minus insequens annus, multis nebulis comitatus, frigore molestus intravit; & quamvis paulo post temperatio aura, Zephyro flante, quin & pluvias adducere, redderetur, euro tamen & austro circa finem Januarii St. Greg. nives spargentibus, insignes frigoris molestias denuo persensimus, easque, licet post bacchanalia mitior aura per aliquot dies spirasset, usque ad æquinoctium vernale perferre coacti fuimus. Unde in hac aëris anomalia non potuit non insignis in sanguine mutatio contingere, & cumprimis lymphæ non tantum ab intromissis ex pluviosa constitutione copiosioribus aqueis moleculis multum augeri, sed calidiorem etiam ob auram magis rarefieri, quam tamen frigidior superveniens denuo condensare, inque liberiore transpiratione impedire, ac passim stagnationem inducere valuit; quo in statu cum nec digestionibus aut debitæ secretionibus sufficienter celebrari, nec sanguinis motus placide promoveri, spirituumve puritas aut vigor conservari queat, facile colligere datur, quam variæ in œconomia animali & vitali turbæ excitentur, eo graviores futurae, si una impuriore, salsa, sulphureaque lateant particulae, quæ hinc fermentatione concepta malignam vel venenatam quasi naturam induant, aut etiam latentem antea malignam auram suscitent. Cum vero aliquot jam per annos tale quid in urbe nostra sedem fixisse comperiamus, ut licet cessare nonnumquam per unam alteramve septimanam videatur, mox tamen exferere se denuo incipiat, quin & contagio se haud

obscurè propagare nitatur, experientia nos edocuit, toto hoc tempore febres continuas fuisse abortas, quæ majori ex parte malignitatis notas, tum consuetis symptomatibus, tum maculis peticularibus ostendebant, quibus aquosæ pustulae, ut plurimum dum morbus ad declinationem vergeret, cum nova caloris symptomatumque exacerbatione, in multis superveniebant; paucissimi erant, qui per morbum delirabant; in plurimis pleuritidem primo vel catharrum mentiebatur morbus; quamvis etiam tum temporis, præter arthritides vagas, pleuritis non infrequens esset, & aliquos graviter, quin & pustulis illis miliaribus malignis simul affligeret. Dira etiam intermittentium febrium, quotidianarum, erraticarum, & tertianarum cohors urbi iniebat. Quæ morborum facies, remissione quidem in vere, frigida cum mitiore aura semper reciprocante, continuabat; quibus, ex ejusdem seri hic ibi stagnantis, & glandulas inundantis ad coagulum pronitate, catharri pectori infesti, & nonnullos cum febrili effervescencia occupantes, accedebant, quotidianæ verò & erraticæ febres, hecticarum fere æmulæ, magis magisque se diffundebant, atque ægrotos in juvenili ac teneriori ætate constitutos graviter affligebant, Medicisque ob mali pertinaciam multum negotii, fere usque ad autumnale æquinoctium faciebant, aderat in omnibus circa orificium ventriculi superius præcordiorum compressio, appetitus prostratus, virium lassitudo, corporis extenuatio, caloris incerto, vespertino tamen ut plurimum tempore, exacerbatio; in quibusdam exiguus hujus, in aliis fere continuus sensus, sudoris rara eruptio; ardor vero & dolor tensivus manuum ac pedum ægros admodum torquebant: nec pauci erant, quos perseverante adhuc morbo, loquela, sine perditio tamen linguæ motu, destituerat, aliquibus etiam surditas, & aliqualis sensuum internorum stupor, per plures dies, vel duas tresve hebdomadas accesserant; malo hoc postea, recedente febre, sponte quasi iterum cessante. Medicamenta autem quæ acorem præternaturalem atque lentorem lymphæ, non negligendo ea, quæ genus nervosum ac spiritus confortare &c. poterant, ex. gr. specificum antihecticum Poterii, gammarorum lapillos, elixirum proprietatis beat. nostri Clauderi, essentiam corticis Peruviani &c. proficua deprehendi; sicut tincturam bezoardicam D. Mich. sal cornu cervini volatile, essentiam mumie Claude-

derianam, Diacordium Fracastorii, theriacam cœlestem Greiffianam, pulverem Sabaudicum, rubeum Pannonicum, cum antimonio diaphoretico, unicornu fossili & marino, pro subjectorum & symptomatum varietate, in tempore & provide propinata, non inefficacia in malignis fuisse, experientia docuit.

Cum sol Gemellorum signum ingrederetur, & crebrioribus pluviis persunderemur, catharri frequentes esse cœperant, tonsillarum in primis intumescantiam inducentes, (consuetisque feri coagulum externe & interne resolventibus medicamentis obtemperantes) præcipue cum frigus insolitum, de quo alibi locorum non minus passim conquererantur, æstatem subinde odiosam reddidisset.

Circa Æquinoctium autumnale, iridem frigore molestum, humorosum convulsivum asthma in puerilem ætatem sæviebat, aliquos etiam trucidabat. Postea tamen, licet haud clementior esset aeris, pluviosa nempe, & frigidiuscula ut plurimum, temperies, amo post medium Octobrem, totum insequentem mensem, nec non dimidium Decembrem frequentissimæ nebulæ, ac per plures sæpe dies continuæ aerem occuparent, Morbo attamen magnas dabat inducias; quæ vero collecto interea ex vaporosis istis halitibus novo infirmitatum apparatu, & serosa colluvie, eo acrius surgebat, & sole Scorpionis signum egressuro, arthritides vagas, rheumatismos, in quibusdam intenso dolore nucham, frequentissime autem pectus ruffi graviore ex cruciantes, in senibus quoque apoplexias fortes lethales accersebat; quin & febres denuo malignæ, petechiis & pustulis stipatæ, hæcenus rariores observatæ, majori jam impetu pluribus insultabant, cephalalgia in principio morbi vehementi, brevi tamen recedente, intensis dorsi doloribus, præcordiorum compressione, tussi, alvi constipatione molesta; cum interea urinæ color non multum a statu naturali recederet, vel justo dilutior compareret, nec pulsus admodum irregularis esset. Frigore autem ultimum anni mensem, satisque intenso ejusdem exitum comitante, pacatiora rursus tempora, atque populariter grassantibus morbis liberiora sequebantur, postquam febrium malignitas supradictis remediis, rheumatismi autem infusi thee, aut analogi veronica, betonica &c. succinatorum, saliumque volatilium urinosorum, non neglecto, ubi opus erat, moderato opiatorum, in pri-

Sydenham Opera Med. Tom. I.

mis pilularum de cynoglossa Nic. usu; arthritides denique cinnabarinis, antimoniatibus, lumbricatis, quin &c, cum in quibusdam febrilem aliquem insultum alternis diebus deprehenderem, kin-kina, quibus subinde blandior ex paucis scammonii sulphurati & antimonii martialis fixi pulvere alvi laxatio interponebatur, atque dolorum sævitiæ per demulcentia in primis cataplasmata (spirituosis, & oleosis eam magis exasperantibus) mitigabatur, essent devicta.

Cum etiam Excellentissimorum Dominorum collegarum curiosorum aliqui petito meo, in simili materia submittanda, benivole subscripserint, eorundem historias subnectere, & ordine, quo fuerat transmissæ, adducere lubuit,

*Constitutio Epidemica Hassiaca Anni
1693. & 1694.*

DN. D. MICHAELIS BERNARDI
VALENTINI.

*Missæ d. 5. Aprilis Ann. 1695. Gissa
Augustam Vindelicorum.*

PRæcedente hyeme pluvioso, sed in fine gelidissimo, sub primo Vere & insolitus aeris fervor ingruerat, qualis & per omnem æstatis cursum observabatur: quæ mutatio subitanea non poterat non inaequalem, & præternaturalem humorum, & spirituum motum causare, quem & hominum, & brutorum strages infecunda est. Boves sane, & vaccæ catervatim succumbebant, cuius rei causa statuebatur inter alia ros corrosivus, lintea maculis plus minus luteis conspurcans, & omnino corrodens, de cuius ætiologia elegantissime D. Ramazzini. Ex carnificum observatione plerumque phthisi pulmonali necabantur, ad quam sine dubio haustus frigida copiosior post æstum intensissimum multum contribuere poterat. Homini- bus præter dysenteriam, & febres malignas sub finem Junii & initium Augusti hic locorum intensa erat febris quædam intermittens, ut plurimum tertiana, sive simplex, sive duplex, solo fere calore molesta, ut a plurimis ab acutis vix distingui potuerit. Præcedenti enim levi frigusculo calor intensissimus, virium summa prostratio, anorexia &c. accedebant, quæ præmissis vomitoriis, corticis Peruviani usu plerumque curabantur, cui regulus antimonii medicinalis quandoque præmittebatur, venæ

fectio, quam vel ipsi urgebant aliquando ægri, nunquam noxia erat, morbumque protrahebat, aut ad minimum summam, fugata licet febris, virium debilitatem inducebat.

Hanc sequebatur paulo alia

Constitutio Anni 1694.

In qua hyemem satis inclementem calor Veris extraordinarius excipiebat, ut arbores brevi admodum in flores se induerent, qui tamen omnem, quam primum iniecerant, spem eludebant, postquam frigore subito superveniente prorsus emarcuerant. Sequebatur Æstas summe calida, qua ultra hominum memoriam vix siccior observata fuit, sub cuius cursu morbilli, sed benigni fere moris grassabantur, aut sponte aut bezoardicis, & expellentibus solitis cedentes, in quibus tussis, & asthma præprimis erant molesta, quæ spiritu salis armoniaci anisato, seu ut hic locorum audit, spiritu pectorali anisato optime sistebantur. Annonæ summa fertilitas, duplicatæ modum infarciens, qua frumentorum caritas hic subito sublata fuit. Autumnus, & Hyemis initium pluviis crebrioribus madebant, variisque catharris, pleuropneumoniis, & febribus malignis a milite e castris ad hyberna redeunte fere allatis, plurimisque funestis erant molesta, quæ omnia frigus horrendum sub cœpti modo anni 1695. initia excepit.

*Constitutio Epidemica Basileensis
Anni 1695.*

DN. D. JOANNIS JACOBI
HARDER I,

*Missæ die 20. April. Ann. 1695. Basilea
Augustam Vindelicorum.*

MOrbi, qui cum hyemali tempore, tum eodem jam finito, epidemice fere grassabantur, sunt colicæ passiones pertinaces: apud infantes vomitus, seu variolæ essent erupturæ, præcedente horrore, inde icterus cum dejectionibus verminosis: apud adultos quoque febres verminosæ: jam vero præter febres continuas ac intermittentes, pleuritides, & pleuropneumoniz: singuli aëris varias constitutionem, & subitanæ immutationem, pro secunda matre agnoscetes.

*Constitutio Epidemica Berolinensis
Anni 1695.*

DN. D. GUSTAVI CASIMIRI
GAHLRIEP,

von der mühlen.

*Missæ die 5. Januarii Ann. 1696. Berolino
Augustam Vindelicorum.*

DN. Præside me ad id excitante, 1. Januarii 1695. (22. Decembr. 1694.) cœpi dietim mutationem aëris ac tempestatum notare, ac observavi a plenilunio die proximè præcedenti 31. (21.) Decembr. illucescente frigus, quod hætenus satis temperatum fuerat, paulatim invalescere, nivibus subinde permixtum. 8. Januarii. (29. Decembr.) autem, sub ultima quadratura aëre nimbofo rursus parumper remittere. Sequentibus vero diebus denuo ingravescere, moderato tamen adhuc ad usque novilunium 14. (4.) Januarii ingruens. Quod subitam gelu remissionem cum nivium ac ventorum copia, postea nubilo cælo gelu iterum moderatum biduum circiter durans ad meridiem usque 18. (8.) induxit. A quo soluta rursus glacie vix mediæ diei inducias dedit; Nam redintegratis viribus revertens primam lunæ quadraturam in 22. (12.) incidentem cum pertinentibus illuc diebus, rigoroso gelu transiegit, ut & plenilunium 30. (20.) lucens, sicque primum hunc mensem finivit.

Alterum eodem vigore inchoans ultimamque quadraturam 7. Febr. (28. Jan.) orientem ad 13. (3.) usque transiens, atque remissionem sic unius, viginti quatuor dierum, nonnunquam tamen paulum mitigato, rigore pensans duravit. Tum vero accedente eodem die 13. (3.) novilunio, rursus aliquantulum remittens pluviis glaciem, quam tot diebus gelu perpererat, unica die liquans, ac parum quod ejus restabat, copiosa nive intermixtis quoque procellis tegens, mox insequenti mane ad ingenium rediit, perque biduum gelando continuavit. Mox vero 17. (7.) rursus remisit; At sequenti die denuo redintegrato vigore, prima quadratura 20. (10.) apparente, nec quicquam obstante ad 23. (13.) usque perrexit. Quo die remisso paululum rigore pluvias nivibus succenturiavit unica tantum die: Graviori enim impetu interpolatis subinde sereno cælo nivibus, ac quandoque ventis irruens, quadratum ad 28. (18.) usque hujus se-

cun-

secundi mensis adeoque ultimum persistit. Quo die a violentia priori desciscens nivibus, ac grandini pluvias interspersit: sed sequenti 1. Martii (19. Febr.) cum plenilunio denuo vim pristinam induens non modo pristinum exeruit robur, sed & auxit. Verum vix biduum servavit, ab illa sevitia. 3. Martii (21. Febr.) deficiens, ac nocturnum frigus, & quandoque gelu diurnis pluvii ac nivibus temperans, reliquum illius quadraturæ, & sequentis postremæ 8. Martii (26. Febr.) apparentis ad novilunium usque 15. (5.) accedens vario & mutabili cœlo transiit. Tum priorem indolem Boreæ stante induit, sereno cœlo gelu, nocturnum præcipue, satis validum reducens ad post primam quadraturam 22. (12.) radiantem ad 24. (14.) usque continuando. Inde variam cœlo faciem sumente, nunc serenam, nunc nubilam, nunc undosam, nunc siccam, nunc tranquillam, nunc turbidam cum plenilunio 30. (20.) lucente, & sequenti die 31. (21.) Martium cum trimestri primo terminante, ad ultimam usque quadraturam etiam 6. Aprilis (26. Martii) subsequenter, die noctuque alternando frigus moderatum calore temperavit.

Morbi huius primi trimestris initio reliquæ fuere præcedentis varii, & inconstantis autumnii, diarrhoeæ, dysentericæ, febres varicæ, & quartanæ præsertim & duplices tertianæ, erraticæ nonnullæ. Quibus sese iungere pleuritides, peripneumoniarum sed raræ, tussis siccæ & humidæ, harumque soboles phthisis, ut & hæcticæ, sed paucæ, malignæ item febres variolis præcipue, morbillicis, purpura nonnunquam, rarius tamen petechiis, sic satis adhuc benignis, intermixtis. Tertio mense accessere prioribus etiam apoplexiæ subito quosdam perimentes, & paralyfes quandoque reparabiles, cathartici contumaces ac tussis implacabiles, arthritides vagæ valde contumaces, & dolores ac defluxiones aliz scorbuticæ pertinaces; plerique tamen horum morborum præter variolas sporadici fuerunt, non Epidemici.

Secundi trimestris exordium a prima Aprilis (22. Martii) ad prædictam ultimam quadraturam 6. Aprilis (27. Martii) accedentem usque de amœnitate præcedentis mensis participans ac veris verum initium exhibens, cum prædicto ultima quadratura degeneravit, ac ingratum denuo frigus nocturnum, ærem tempestuosum, nives, grandines, pruinas, similesque inacceptos. Veri hospite advexit, ad 10. Aprilis, (31. Martii) usque, qui

æthere initius paulo aspirante pluvias lenes, frigidas tamen adhuc, sparsit. Sequentes dies pluvias vento impetuoso ac frigori haud usque quaque grato miscuere, atque aëri turbulento, non tamen plane gelido, ac novilunio 13. (3.) Aprilis tranquilliori cœlo, moderationique frigore placide ingruenti præmisere. Verum 14. (4.) ad pristinum statum tetricum, turbidum, frigidum & immitem rediens 15. (5.) gelu nocturnum, ac serenius paulo cœlum induxit. Cui mox gravius gelu nocturnum sudo interdum mitigatum per biduum, huicque rursus aër temperatus ac serenus alterum biduum durans successit. Quod nubilum rursus & frigidum excepit, succedentibus nocte sequenti nivibus, quas primæ quadraturæ 21. (11.) appropinquantis prodromos mane pluviae sunt subsequutæ, a meridie cœlum relinquentes nubilum, in pruinosam noctem declinans inque temperaturæ insequens mane ac verum tandem de die aërem definens. Qui post noctem placidam, ac mane ventos nonnullos pluviolis madentes, amœnum postera die produxit 24. (14.) per biduum durans, tandemque tertia 26. (16.) die in æstivum fere solis ardorem, pluviae admodum fertilis prænuncium transiens. Cui gratum successit sequentibus diebus sudum pluviis nonnullis irrigatum ad 29. (19.) usque plenilunio tum lucente, ac ventorum aliquid blandorum, etesias dixisses, intercalante. Sequens dies serenus tonitru pomeridie inexpectato, & mature nimis pluvia copiosa stipatum, prima hoc anno vice submisit, sicque finem primo huic secundi trimestris mensi imposuit.

Sequens 1. Maji (21. April.) amœna serenitate inclytus, successorem habuit sui fere similem, paulo tamen magis nubilum & frigidum, periinde ut & reliquos temperato & verno cœlo soleque calente abblendientes ad 5. Maji (15. Aprilis) ultimæ quadraturæ dicatum. Cui nubiloso & sparsis subinde pluviis ab amœnitate illa degeneranti, procellosum & frigore pluviis ac nivibus inacceptum accessit biduum. Illique rursus ad 10. Maji (30. Aprilis) ingratum frigidum, udum ac pluviolum cœlum. Donec 13. (3.) Maji appropinquans novilunium post temperatum sereno magis aëre unicum diem inconstantem & variam, pluviis, ventis, frigore, moderato tamen, intermixtam tempestatem induxisset, nubilum æther rarius solaribus radiis pervium ad 17. (7.) usque continuavit, sudo tandem se-

fectio, quam vel ipsi urgebant aliquando egri, nunquam noxia erat, morbumque protrahebat, aut ad minimum summam, fugata licet febris, virium debilitatem inducebat.

Hanc sequebatur paulo alia

Constitutio Anni 1694.

In qua hyemem satis inclementem calor Veris extraordinarius excipiebat, ut arbores brevi admodum in flores se induerent, qui tamen omnem, quam primum iniecerant, spem eludebant, postquam frigore subito superveniente prorsus emarcuerant. Sequebatur Æstas summe calida, qua ultra hominum memoriam vix siccior observata fuit, sub cuius cursu morbilli, sed benigni fere moris grassabantur, aut sponte aut bezoardicis, & expellentibus solutis cedentes, in quibus tussis, & asthma præprimis erant molestæ, quæ spiritu salis armoniaci anisato, seu ut hic locorum audit, spiritu pectorali anisato optime sistebantur. Annonæ summa fertilitas, duplicato modio infarciens, qua frumentorum caritas hic subito sublata fuit. Autumnus, & Hyemis initium pluviis crebrioribus mædebant, variisque catharris, pleuropneumoniis, & febribus malignis a milite e castris ad hyberna redeunte fere allatis, plurimisque funestis erant molestæ, quæ omnia frigus horrendum sub cæpti modo anni 1695. initia excepit.

*Constitutio Epidemica Basileensis
Anni 1695.*

DN. D. JOANNIS JACOBI
HARDERII,

*Missæ die 20. April. Ann. 1695. Basilea
Augustam Vindelicorum.*

MOrbi, qui cum hyemali tempore, tum eodem jam finito, epidemice fere grassabantur, sunt colicæ passionis pertinaces: apud infantes vomitus, seu variolæ essent erupturæ, præcedente horrore, inde icterus cum dejectionibus verminosis: apud adultos quoque febres verminosæ: jam vero præter febres continuas ac intermittentes, pleuritides, & pleuropneumoniz: singuli aëris varias constitutionem, & subitanam immutationem, pro secunda matre agnoscetes.

*Constitutio Epidemica Berolinensis
Anni 1695.*

DN. D. GUSTAVI CASIMIRI
GAHLRIEP,

von der mühlen.

*Missæ d. 5. Januarii Ann. 1696. Berolinæ
Augustam Vindelicorum.*

DN. Præsides me ad id excitante, 1. Januarii 1695. (22. Decembr. 1694.) cæpi dietim mutationem aëris ac tempestatum notare, ac observavi a plenilunio die proximè præcedenti 31. (21.) Decembr. illucescente frigus, quod hæstenuis satis temperatum fuerat, paulatim invalescere, nivibus subinde permixtum. 8. Januarii. (29. Decembr.) autem, sub ultima quadratura aëre nimboso rursus parumper remittere. Sequentibus vero diebus denuo ingravescere, moderato tamen adhuc ad usque novilunium 14. (4.) Januarii ingruens. Quod subitam gelu remissionem cum nivium ac ventorum copia, postea nubilo cælo gelu iterum moderatum biduum circiter durans ad meridiem usque 18. (8.) induxit. A quo soluta rursus glacie vix medii diei inducias dedit; Nam redintegratis viribus revertens primam lunæ quadraturam in 22. (12.) incidentem cum pertinentibus illuc diebus, rigoro gelu transiegit, ut & plenilunium 30. (20.) lucens, sicque primum hunc mensem finit.

Alterum eodem vigore inchoans ultimamque quadraturam 7. Febr. (28. Jan.) orientem ad 13. (3.) usque transiens, atque remissionem sic unius, viginti quatuor dierum, nonnunquam tamen paulum mitigato, rigore pensans duravit. Tum vero accedente eodem die 13. (3.) novilunio, rursus aliquantulum remittens pluviis glaciem, quanti tot diebus gelu perpererat, unica die liquans, ac parum quod ejus restabat, copiosa nive intermixtis quoque procellis regens, mox insequenti mane ad ingenium rediit, perque biduum gelando continuavit. Mox vero 17. (7.) rursus remisit; At sequenti die denuo redintegrato vigore, prima quadratura 20. (10.) apparente, nec quicquam obstante ad 23. (13.) usque perrexit. Quo die remisso paululum rigore pluviæ nivibus succenturiavit unica tantum die: Gravior enim impetu interpolatis subinde sereno cælo nivibus, ac quandoque ventis irruens, quatrædum ad 28. (18.) usque hujus se-

secundi mensis adeoque ultimum perfluit. Quo die a violentia priori deficiens nivibus, ac grandini pluvias interspersit; sed sequenti 1. Martii (19. Febr.) cum plenilunio denuo vim pristinam induens non modo pristinum exeruit robur, sed & auxit. Verum vix biduum servavit, ab illa scissitia. 3. Martii (21. Febr.) deficiens, ac nocturnum frigus, & quandoque gelu diurnis pluviis ac nivibus temperans, reliquum illius quadraturæ, & sequentis postremæ 8. Martii (26. Febr.) apparentis ad novilunium usque 15. (5.) accedens vario & mutabili cœlo transiit. Tum priorem indolem Boreæ flante induit, sereno cœlo gelu, nocturnum præcipue, satis validum reducens ad post primam quadraturam 22. (12.) radiantem ad 24. (14.) usque continuando. Inde variam cœlo faciem sumente, nunc serenam, nunc nubilam, nunc undosam, nunc siccam, nunc tranquillam, nunc turbidam cum plenilunio 30. (20.) lucente, & sequenti die 31. (21.) Martium cum trimestri primo terminante, ad ultimam usque quadraturam etiam 6. Aprilis (26. Martii) subsequenter, die noctuque alternando frigus moderatum calore temperavit.

Morbi huius primi trimestris initio reliquæ fuere præcedentis varii, & inconstantis autumnii, diarrhoeæ, dysenterici, febres variae, & quartanæ præsertim & duplices tertianæ, erraticæ nonnullæ. Quibus sese iungere pleuritides, peripneumonici sed raræ, tussis sicca & humida; harumque soboles phthisis, ut & hæticæ, sed paucæ, malignæ item febres variolis præcipue, morbilis, purpura nonnunquam, rarius tamen petechiis, sic satis adhuc benignis, intermixtis. Tertio mense accessere prioribus etiam apoplexiæ subito quosdam perimentes, & paralytes quandoque reparabiles, cathartici contumaces ac tussis implacabiles, arthritides vagæ valde contumaces, & dolores ac defluxiones aliz scorbuticæ pertinaces; plerique tamen horum morborum præter variolas sporadici fuerunt, non Epidemici.

Secundi trimestris exordium a prima Aprilis (22. Martii) ad prædictam ultimam quadraturam 6. Aprilis (27. Martii) accedentem usque de amenitate præcedentis mensis participans ac veris verum initium exhibens, cum prædicto ultima quadratura degeneravit, ac ingratum denuo frigus nocturnum, ærem tempestuosum, nives, grandines, pruinas, simileque inacceptos. Veri hospite advexit, ad 10. Aprilis, (31. Martii) usque, qui

æthere mitius paulo aspirante pluvias lenes, frigidas tamen adhuc, sparsit. Sequentes dies pluvias vento impetuoso ac frigori haud usque quaque grato miscuere, atque aëri turbulento, non tamen plane gelido, ac novilunio 13. (3.) Aprilis tranquilliori cœlo, moderatiorique frigore placide ingruenti præmisere. Verum 14. (4.) ad pristinum statum tetricum, turbidum, frigidum & imitem rediens 15. (5.) gelu nocturnum, ac serenius paulo cœlum induxit. Cui mox gravius gelu nocturnum sudo interdiu mitigatum per biduum, huicque rursus aër temperatus ac serenus alterum biduum durans successit. Quod nubilum rursus & frigidum excepit, succedentibus nocte sequenti nivibus, quas primæ quadraturæ 21. (11.) appropinquantis prodromos mane pluviae sunt subsequutæ, a meridie cœlum relinquentes nubilum, in pruinosam noctem declinans inque temperaturæ insequens mane ac verno tandem de die aërem desinens. Qui post noctem placidam, ac mane ventos nonnullos pluviolis madentes, amœnum postera die produxit 24. (14.) per biduum durans, tandemque tertia 26. (16.) die in æstivum fere solis ardorem, pluviae admodum fertilis prænuncium transiens. Cui gratum successit sequentibus diebus sudum pluviis nonnullis irrigatum ad 29. (19.) usque plenilunio tum lucente, ac vantorum aliquid blandorum, etesiis dixisses, intercalante. Sequens dies serenus tonitru pomeridie inexpectato, & mature nimis pluvia copiosa stipatum, prima hoc anno vice submisit, sicque finem primo huic secundi trimestris mensi imposuit.

Sequens 1. Maji (21. April.) amœna serenitate inclytus, successorem habuit sui fere similem, paulo tamen magis nubilum & frigidum, perinde ut & reliquos temperato & verno cœlo soleque calente abblantes ad 5. Maji (15. Aprilis) ultimæ quadraturæ dicatum. Cui nubiloso & sparsis subinde pluviis ab amenitate illa degeneranti, procellosum & frigore pluviis ac nivibus inacceptum accessit biduum. Illique rursus ad 10. Maji (30. Aprilis) ingratum frigidum, udum ac pluviosum cœlum. Donec 13. (3.) Maji appropinquans novilunium post temperatum sereno magis aëre unicum diem inconstantem & variam, pluviis, ventis, frigore, moderato tamen, intermixtam tempestatem induxisset, nubilum æther rarius solaribus radiis pervium ad 17. (7.) usque continuavit, sudo tandem se-

met rursus & calore moderato biduum durante commendantem. Quem pluviz demum ingratis triduum continuantes, & in grave tandem tonitru desinentes 21. (11.) ipso primæ quadraturæ die, secutæ. Hasque rursus sudum in pluvias ac tonitru a meridie terminans. Atque istas denuo sequenti mane sereno aëre, frigus, hoc pluviz lenes, clementiori paulo cælo exceptæ, illud denique sereni aliquot rursus dies aëris clementiæ ac vernæ amœnitatis postliminio quasi cum plenilunio 28. (18.) radiante reducis, ac ad 31. (21.) usque mensis hujus Maji terminum perdurantis, mox tamen in pluvias denuo ac ventos fatiscantis quasi præcursores.

A primo enim Junii (22. Maji) ingrata pluvias ac nimbis tempestas, noctes gelidæ ac pruinosæ, venti Boreales, dies a nocturno gelu rigidi, nec nisi a meridie paulum a Sole culminante degelantes succedere, ad ultimam usque quadram 5. Junii (26. Maji) apparentem sævientes. Hæc commodiori rursus tempestati locum dedit cælo sereno & amœno, calore grato pluvialis lenibus ac sæcundis ad 7. Junii (28. Maji) usque durantibus; Mox vero ab illo, vario & turbulento, frigido & pluvioso ad novilunium usque 11. (1.) accedens perseverantibus permutatæ. Hoc insequens dies solis radios serenior cælo, frigore tamen molesto admisit 13. (3.) denuo in pluviosum pristinum ac nubilum statum transit. 14. (4.) Nubilum sudo temperavit, subsequenter hunc aliquot ad primam usque quadraturam 19. (9.) illucescentem & comites ejus (25.) (15.) solo, qui frigidior, nubilus ac pluviosus, excepto serenis ac paulo mitioribus. Ipso etiam plenilunio his accensendo ut & reliquis, præter 30. (20.) qui mensem hunc, simulque trimestre secundum tonitru ac imbre clausit.

Cujus trimestris primus mensis catharris, rheumatismis, ruffibus, febribus catharralibus, aliisque diverforum generum, tertianis simplicibus ac duplicibus satis frequentibus, paucis quartanis, affectibus scorbuticis, hic endemiis, variis variis varie affligentibus infestus.

Alter, qua morbos, prior fore affinis, nisi quod in hoc variolæ nonnullæ & purpureæ febres, pleuritides veræ & spuræ, petechiæ febrium ardentium malignarum nonnullarum comites, colicæ & hysteriæ passionibus, hypochondriaci affectus, anginae lase quandoque parcius tamen obissent.

Tertius, præter præcedentium nonnullos, menstrua inordinata, cachexias, ventriculi imbecillitates & cruditates, hypochondriorum dolores, colicas, diarrhœas &c. tulit.

Mensis Julii, qui tertii trimestris primus, initium præcedentis Junii fini, postremum si exceperis diem, ultima quoque quadratura 3. Julii (23. Junii) lucente, computata ad 7. Julii (27. Junii) usque aëris serenitate, & sic satis jucunda tempestate respondit. Hic vero nubilus fuit ac turbidus, cujus morem sequentes ex parte imitati mane sereno cælo, pomeridie turbidum nubilum ac pluviosum subjunxerunt. Excepto 10. Julii (30. Junii) qui rursus totus turbidus, frigidus, nubilus, & pluviosus adeoque extreme ingratus fuit, subsequenti 11. (1.) Julii novilunium nubilum cælum sudo correxit, hacque ratione reliquis quatuor ad 16. (6.) usque commoda satis tempestate exemplo quasi prævit. Ille autem a præcedentium more desciscens nubilus, frigidus ac pluviosus successores habuit seipso meliores ac mitiores, æstivo calore, ac sæpius de die sudo, noctu quandoque pluvia moderata commendabiles, ad primam quadraturam 19. (9.) lucentem, ut & plenilunium 25. (15.) fulgens perseverantes & usque ac circa vesperam tonitru varius, similes sui sequaces habuit, præsertim 31. (21.) frigidum valde, breveque sudum imbre copioso pensantem, sicque mensem hunc ingrato epiphonemate terminantem.

Successit eodem fere tenore 1. Augusti (22. Julii) primam quadraturam advehens, simulque aërem instabilem frigidum ventosum, tonitru & pluvias quibusdam mixtum; Huic æqualis fere 2. Augusti (23. Jul.) sudum frigidum pluvias ac ventis subinde varians 3. Augusti (24. Jul.) ad meridiem usque 4. Augusti (25. Jul.) amœnam reduxit serenitatem, sed instabilem ac imbre promeridiano dilutam. 5. Augusti (26. Jul.) turbidus mane & imbribus udus, a meridie quidem ficcior, sed frigore horridus. 6. Augusti (27. Jul.) totus pluviosus & imbris madens, perinde uti & sequens 7. Aug. (28. Jul.) ingrato, turbido & pluvioso aëre sædus. Omnes hi & præcedentes nonnulli, quod Julii potiore partem & Augusti initium insolito hoc anni tempore frigore, sereno licet nonnunquam intercedente cælo, æstivam alias his temporibus debitam amœnitatem deturparint, simulque satorum proventum, incrementum & maturitatem impediuerint, sicque annonæ caritatem

tatem induxerint, infames merito audiunt & insaufi dies. 8. August. (29. Jul.) novilunii 9. August. (30. Julii) apparentis antesignanus, & sequentes gratam ac æstate dignam; sed heu! sero nimis reduxerunt tempestatem, præter 13. (3.) qui eam a meridie pluvia vento, ac tonitru paululum turbavit, stabilem aliquando, ac nisi quod amcenitati pluviolam quandoque interpargerent, ad ultimam usque quadraturam, simulque terminum hujus mensis 31. (21.) nempe ejus, paulo prioribus frigidiorum diem percurabilem.

Septembris exordium 1. Sept. (22. Aug.) præcedentis tempestatem æmulatum cum tonitru pluviam admisit, sic temperato aëre ac sereno ut plurimum cælo lenibus nonnumquam pluviis a meridie præsertim alterato, reliqui subsequentes ad novilunium 8. Sept. (29. Aug.) incidens, quod temperatum alias udam imbris junxit vespem, hacque ratione 15. (5.) addendo etiam procellam ad primam quadraturam 16. (6.) orientem paulo præcedentibus frigidiorum procedendo, varioque sequentibus diebus cælo 20. (10.) temperando nubila serenis, moderato quandoque quoque frigore & pluviis ad plenilunium 22. (12.) radians, imo ipsam ultimam quadraturam exiguo discrimine a præcedentibus discrepantes perrexerunt, sic simul 30. (20.) & hunc tertium tertium trimestris mensem absolverunt.

Morbi hujus trimestris primo mense, Julii nimirum præter scorbuticos affectus & hypochondriacos alii non adeo frequentes fuerunt, febres fortassis nonnullæ, tertianæ & continuæ, pleuritide quandoque tam vera, quam spuria stipatæ, colicæ passiones, hemicranie, catharri.

Secundi, Augusti nimirum, febres variæ ardentes præsertim acutæ, & continuæ cum & sine delirio, cephalæa enormi, & similibus febrium symptomatibus comitatæ, nonnumquam & diarrhœa contumaci, quædam etiam cum exanthematis variis purpura, petechiis raro tamen nec usquequaque malignis. Nec defuerunt scotomiz, lipothymiis nonnumquam complicatæ.

Tertii, Septembris, febres rursus variæ, catharrales præsertim vario typo luxuriantes, tertianæ tamen pleræque, continuis quandoque combinatæ, rheumata, leucophlegmatiz, vertigines, cephalæa graves & continuæ, febrium præcedentis mensis ardentium & continuarum affecta, & podissequæ, pleuritici dolores spurii.

Primordium ultimi trimestris mensis Octobris triste fuit 1. Oct. (21. Sept.) cælo existente frigido, turbido ac pluvioso. Sequentes & quidem 2. Oct. (22. Sept.) frigida ac serena, 3. Oct. (23. Sept.) mane frigida & pluviosa, a meridie siccior & mitior, 4. Oct. (24. Sept.) mane nebulosa & frigidula, a meridie serena & amœna 5. Octob. (25. Sept.) cum prima quadratura constantem ad 10. Octob. (30. Sept.) usque tempestatis amœnæ serenitatem induxit. Hæc decima nebulosa ac turbida tota fuit 11. (1.) & 12. (2.) plenilunio insignis mane nebulosæ, a meridie serenitate aërem temperaverunt, quas sequentes ad 16. (16.) imitatæ. Hæc vero a præcedentibus turbidior paulo calidior ac udo aëre diversa, socias sibi sequentes duas ascivit, 29. (19.) a meridie serena, 30. (20.) ultimæ quadraturæ dicata, tota nubilosa. Sequens 31. (21.) sicque mensis hujus postrema mane præcedenti similis, a meridie udo fuit.

Morbos hic mensis paucos habuit, eosque scorbutico ut plurimum & hypochondriis originem debentes, præter febres nonnullas tam intermittentes, quam continuas, malignas rarius, diarrhœas, haud tamen frequentes, dysenterias paucissimas, epilepsias infantum quasdam, dentitioni plurimum imputandas, arthritides vagas, sed & has scorbuticas, hystericas passiones.

November secundus quarti trimestris mensis a 1. Nov. (22. Octob.) ad 4. Nov. (25. Oct.) a pluvia immunes, nubilos tamen dies præbuit, quarta serena quidem magis, ac frigida quoque magis fuit. Eam nebulosi, turbidi, frigidi & ingrati exceperunt dies, quos inter & 6. Nov. (27. Oct.) Nova luna distinctus, tempestate cæteris æqualis, ad 8. Nov. (29. Oct.) ejusdem tenoris, 10. Nov. (31. Oct.) nebulosum, turbidum & frigidum tulit aërem, sic & sequentes ad primam usque quadraturam 13. (3.) lucentem continuarunt. 14. (4.) Præter nebulam, quam dedit matutinam, prioribus similis fuit, Cujus defectum sequens 15. (5.) pluvia pensavit. 16. (6.) & 17. (7.) prioribus incommodis ventos addidere frigidus & immites. 18. (8.) a pluvia immunitis, frigidus tamen adhuc & turbidus fuit. 19. (9.) ad ingenium udosum rediit. 20. (10.) cum plenilunio mitiorem paulo reduxit, sed turbidum etiamnum aërem ad noctem usque lunæ radiis illustrem, quem frigidus, pluviosus ac procellosus secutus. 21. (11.) in gelu primum hoc anno desinens

ac

ac 22. (12.) ut & 23. (13.) continuans. 24. (14.) a serenitate præcedentium duorum deficiens pluvias turbido frigori miscuit. A quo dissimilis 25. (15.) gelidus fuit atque serenus. 26. (16.) perinde cæpit, sed in pluviam desit. 27. (17.) amœna & serena tempestate, 28. (18.) ultimæ lune quadratura, sudo, miti ac sereno cœlo, exemplo admodum hoc hyberno tempore ut raro, sic grato prævit. Sed æmulum nullum nec imitatore invenit, 29. (19.) a serenitate illa mox descivit, temperatus tamen adhuc & siccus noctem habuit pluviosam, a sequente 30. (20.) ac hæcenus ultimo hujus mensis die sicciore, mitiore, paulum tamen turbido hac in parte diversam.

Morbi, quos hic mensis aluit, haud frequentes fuerunt scorbutici plerique, defluxiones nimirum, externas potissimum partes passim invadentes febribus catharralibus complicatæ, catharri quoque alii, ac tussis, æque valde contumaces, arthritides vagæ, cephalæ, quartanæ nonnullæ, colicæ passionis & nephriticæ, ut & pleuritides, tam veræ quam spurix, paucæ tamen. Cardialgiæ, anginæ, diarrhœæ sed paræ, dysenterix adhuc parciores. Id quod hic annus peculiare his locis habuit ob fructuum proventum valde concisum; frigus enim ab ineunte vere calore frequentius arborum floribus infestum, ne in fructus erumpere possent, obsuit, ac quicquid etiam hujus offensam effugerat, a frigore æstatis insolito & autumnii, ne vel adolesceret vel maturesceret impeditum fuit, hinc sublata causa sublatus quoque fuit effectus.

Postremus hujus ut quarti trimestris, hic anni mensis Decembris, prima die (21. Nov.) turbidus fuit, procellosus ac frigidus. 2. Dec. (22. Nov.) serenior cum rigore gelu reduxit sequentibus diebus ad novilunium 6. Dec. (26. Nov.) apparens & sequentes etiam usque ad 9. Dec. (29. Nov.) continuans. Qui glacialis initio in pluviam subito liquefscens, pluvias lenes per biduum durantes addidit, donec 11. (1.) primæ quadraturæ 12. (2.) lucentis anteaambulo cum serenitate gelu moderatum reddidit, ac eodem tenore ad 15. (5.) vespæram usque perduans, 16. (6.) gelu mitiori aëre turbido temperavit. Hanc vero insequens 17. (7.) mane gelu rigidum a meridie austro satis austere flante degelavit. 18. (8.) primas hoc anno nives plenilunii 19. (9.) appropinquantis præcones sparsit, respirante

simul aliquatenus gelu. Cui tamen rursus dies noctesque gelidæ, & quidem nonnullæ satis intensæ succedere, nivibus quandoque 21. (11.) & 22. (12.) præsertim, qui densam mane adjecit nebulam, in aërem tandem elevatam ac nivis raræ specie stellarum ad instar recidentem, nec non 25. (15.) & præcipue 26. (16.) ubere illarum proventu fecunda, ut & 27. (17.) ultimæ quadraturæ præcursor gelu moderatum nivibus intertexens. Ultima quadratura 28. (18.) splendens copiosa nives primum leni cum gelu tulit, mox flante circa vespæram Favonio plane eas colliquans: Quas tamen mox sequens rursus gelida quadantenus constrinxit; Sol vero 29. (19.) denuo solvit ac leniter degelavit 30. (20.) gelu pristinum recuperavit vigorem, ac satis intenso rigore 31. (21.) mensem hunc simul annum ipsum terminavit.

Morbos hic ultimus mensis genuit ad instar præcedentis febres sporadicas, primum varias intermittentes & continuas, & ex his quoque mixtas, catharrales, malignas etiam, purpura, morbillis, variolis quoque variegatas, defluxiones, catharros, erysipelata, cephalæas, anginas, ophthalmias graves, diarrhœas nonnullas & tussis contumaces.

*Constitutio Epidemica Hassiaca
Anni 1695.*

DN. D. MICHAELIS BERNARDINI
VALENTINI.

*Missæ d. 27. Aprilis An. 1696. Gissæ
Augustam Vindelicarum.*

Constitutionem epidemicam anni 1695. quod atrinet, illa hic locorum tolerabilis, & quæ DEI est clementia, benigna fere fuit, ita quidem ut plures, qui ob tempestatum varietatem & Proteiformes temporum mutationes morbos nobis fonticos prædixerant, in admirationem rapuerit. Licet enim hyemem habuerimus variam & inconstantem, mox frigore, mox pluviis molestam, succedente Vere præmaturo quidem, sed pariter inconstante: Licet quoque æstas cum autumnio pluvia ut plurimum & uliginosa fuerit, interpositis æstibus quibusdam solis subitaneis, affectus tamen leviusculos, sensibus magis, quam vitæ incommodantes observavimus. Si enim ullus hic anni cursus sensoriiis externis summo opere insensus erat.

erat. Sub æquinoctio enim verno ophthalmiæ epidemica grassabantur, interpositis vero Martio & Aprili pleuræ collique inflammationibus a ventis inclementioribus præmaturum Veris calorem suffocantibus, & humorum stases promoventibus, sine dubio exorta, quæ tamen suctis medicamentis diaphoreticis & discutientibus facile cedebant. Post solstitium æstivale mense Julio ulcera aurium quamplures infestabant, suppurata plerunque, quæ vel sponte vel fudoriferis & balsamicis curabantur. Tandem sub æquinoctio autumnali Augusto decrepito inflammatio gingivarum, linguæ & oris in hominibus, in brutis vero pedum inflammationes observari hinc inde, quarum priores, præmissis præmittendis, tinctura ligni sancti felicissime sustuli; posterioribus Veterinariis relictis.

*Constitutio Epidemica Augustana
Anno 1696.*

DN. D. LUCÆ SCHROCKII,

Academiz Cæsareo-Leopoldinæ Naturæ
Curiosorum Præsidis.

Quamvis anni hujus ingressus aërem serenum, nebulis tamen matutinis & vespertinis ut plurimum comitatum, cum acri frigore ostenderit, mox tamen temperatior ac serenior, quem subinde frigidulus, ut & notabili sub euri zephyrique flatu pluviosus, rarius nivofus intercedebat, fuit subsecutus; a solis præcipue in Pisces ingressu, usque dum Arietis signum attingeret, blanda adeo spirabat aura, ut arbores consuetæ citius gemmas protrudere inciperent, ac præmaturum Ver adeste videretur. Quæ tamen constitutio varias in corpore alterationes produxerat, atque latentia in eo morborum semina suscitaverat: unde incunte mox anno feri in faucibus stagnationes catarrhales, rusesque pertinaces, ultra æquinoctium vernale plures civium infestantes, ut & postea febres purpureæ, variolæ, intermittentesque febres oboriebantur. Quas tussis, præter pilulas de cynoglossa, vel styrace, nocturnam quietem, serum acris contemperando, spiritusque agitato sopiendo, parva dosi sumptas, feliciter conciliantes, variis temperationibus pectoralibus, aquis, sirupis, pulveribus, electuariis, tincturis, fibras partium spirituum irritatas demulcentibus, pungentia acris lymphæ splen-

cula obtundentibus, ejusve visciditatem solventibus, interpositis blandissimis laxativis, præsertim infuso theæ vel veronicæ, aut hydromelite, foliis sennæ imprægnatis, profligare datum fuit. Phthisicos tamen aliquot citatiori gradu ad sepulchrum deductos vidimus. Febres purpureæ in adultum usque Ver non puerilem saltem ætatem, sed provestiorem quoque, adolescentes æque ac seniores, passim invadebant; aliquos mitissime habebant, ut nec lecto se committere opus haberent, neque etiam liberiori aëri expositi laderentur, ac sine ullo medicamento, intra biduum vel triduum convalescerent; in nonnullis vero gravius insurgent, & cum notabili calore, debilitate, ac præcordiorum compressione, vigiliisque lecto per octiduum, vel longius affigebant; temperatioribus tamen diaphoreticis, antimonialis, cinnabarinis, &c. effervescentiam impuriorum massæ sanguineæ particularum refranantibus, coagulationem ejus inhibentibus, illarumque per cutis poros eliminationem promoventibus, cedebant; nec deerat in quibusdam contagium, quod uxori a marito, & vice versa communicatum observavimus: oriebantur, præcedaneo ut plurimum horrore, primo per universum corpus parvæ rubræ maculæ, sensim dein majorem in amplitudinem se dilatantes, ac tandem aliquibus in locis, dorso in primis, squamularum instar cuticula decidebat; aderatque in omnibus oculorum pruritus, in nonnullis rubedo, tussis molesta, corporisque pruritus. Quibusdam erysipelatis nomine donabatur, mihi febris purpureæ benignæ species, quæ Dom. Thomæ Sydenhamio in obs. med. circa morbos acut. sect. 6. c. 2. febris scarlatina audit, commodissime appellari posse videbatur; quamvis hanc ipsam commode quoque ad morbillos referri potuisse, cum Dom. Richardo Mortono Pyretolog. part. 2. exerc. 3. c. non negaverim; quo etiam nomine vulgo nostro communiter appellabatur. Variolæ puerili saltem ætati infestæ, primo mitissimæ comparuerunt; quamvis enim pro more suo ante eruptionem calore præternaturali, capitis, oculorum, ventrisque dolore, vomitu levioribus convulsionibus, atque deliriis, timorem in quibusdam incuterent, ubi tamen prodire inceperant, cuncta pacatiora fuerunt reddita, atque inter paucorum medicamentorum, v.gr. antimonii diaphoretici, cornu cervini philosophice preparati, lapillorum gammatorum, &c. vitiosæ lymphæ turgescentiæ moderantiam,

tium, & aciores ejus particulas absorbentium usum, tempus suum absque insigni molestia decurrerunt, in primis ubi primæ corporis viæ prius lenioribus laxativis fuerunt mundatæ a qua lustratione vidi, qui, signa imminuentium variolarum, cephalalgia, dolor ventris, & calor febrilis licet jam compararent, ipsique in eodem cum aliis variolis loco decumberent, sine iis convalescerent. Postea tamen vere adulto, quosdam vehementius, & non sine malignitatis nota affligere cœperunt, quin & trucidarunt; quos inter puella septennis, facile earum eruptionem ferens, erat, in qua tamen, præsertim in facie, die quinto, post iteratos aquæ frigidæ potus, quasi subsistentes, crusta saltem quasi aliqua depressione eandem obducebant, sanguis alvo crebro excernebatur, & hinc inde, in faucibus potissimum, nigræ pustulæ comparebant; cæterum mente sibi constans, nec alias male se habere adstantibus visa, die septimo obiit; postquam ejusdem sororcula, paucis ante diebus, sine ulla fere cura medica decumbens, depressioribus etiam variolaceis crustis ubique obducta, itidem esset demortua. Febres intermittentes non quidem in adeo multis observabantur; quos tamen invadebant, in iis sine intenso calore aut siti, nulloque, ut plurimum cum horrore, alternis, aut singulis diebus recurrebant: in omnibus, paroxysmo præsentem, maximæ de præcordiorum compressionem, atque in regione dorsi his oppositam, usque ad nucham se extendente dolore querelæ audiebantur; ab austeriori lymphæ, quæ in glandulis stomachicis, & œsophagi colligebatur, spasmodicæque fibrarum nervearum corrugationes excitabat, inductæ; quo varia alia symptomata concurrebant. Virum consistentis ætatis curandum habui, qui post superatam feliciter febrem continuam, paulo post altera illa, non tantum die recurrentem, & tertio paroxysmo terminatam, intensissima cum pectoris, & præcordiorum compressionem, pulsu debili, respiratione tamen libera, correptus fuit; cujus etiam uxor, septimo mense gravida, post unicum talem eodem tempore perpeffum vehementem paroxysmum, immediate partus doloribus prehensa, sævis simisque totius corporis convulsionibus exagitata, særum vivum pauculos post dies demortuum, infamia excluderat, sensumque denique convaluerat. Cæterum pro morbo austeriore viscidoque humore attenuando, & enervando, præter urinosa volatilia, cortex Pe-

ruvianus suo hic egregieungebatur officio; ita tamen ut alvus simul esset sollicitanda, partisque vicibus excrementitii humores lenioribus pharmacis educendi.

Nec hysterici affectus ab multum diversa a causa oborti, atque loco tantum, in quo sedem fixerat illa, fortasse discrepant, hic reticendi erunt, qui hoc tempore aliquot maritatas fœminas, non gravidas, tum quæ menstruæ sanguinis evacuationi erant expositæ, tum quæ per ætatem eadem destituebantur, vehementer excruciarunt, dolores nempe in lumbis ardore molestissimi, versusque pubem se extendentes, ac incertis periodis quotidie fere affligentes, quos tepidæ, & uterinis herbis alteratæ aquæ balneo multum demulcente, essentiaque castorei volatilis opio immixto, profigare poterant.

Post æquinoctium vernum horridior magis constitutio amœnitatem priorem exceperat, mutabilisque primo aëris temperies, mox frigore, & euri inclementia modestior fuerat, quam sole in Tauro versante, calidior, pluviis tamen subinde comitata, exceperat; & postquam die 11. 21. Maji hora decima vespertina levior terremotus, quem post quinquæhorium vehementior subsequēbatur, urbem concussisset, atque mane densior nebula (utrum a vaporibus motu illo ex terra in auram emissis elevata? nescio; quamvis per integros duos menses, neque ante, neque post hanc terræ conquassationem ulla alia urbem nostram ambierit) a sole tamen orto facile discussa, successisset, frigidior subinde Jovem, & ubi sereno calore mitiorem quandoque se præboret, mox a tempestate ingruente denuo deservescens, crebrisque pluviis terram madefacientem, persensimus; interea vero, præter dictas purpuras, tusses, variolasque, pleuritides etiam veræ, cum deliriis, febre, veterisque consuetis symptomatibus, exerere se cœperunt, a venæ sectione, ubi dolor urgebat, diaphoreticisque absorbentibus dictis, & expectorantibus auxilium expertæ.

Nec deerant, cum sol ad Gemellos accederet (præter tertianas, & leviores ad guttur catarrhos, ac uvulæ prolapsus) febres petechiales, in superiori fere civitatis parte tantum, qua meridiem spectat, in primis etiam in Xenodochio publico, stragem multorum e plebe edentes, quarum contagium ex vicinia a famulitio Xenodochii allatum credibile erant. Mihi quamvis paucissimi talium ægrorum tractandi occurrerint, deprehendi tamen, hos, qui in morbi princi-

pio alvum adstrictam antimonii diaphoretici largiori dosi, paucissimis diagrydii sulfurati granis permixti, multis inde excretionibus subsequenter, expurgant, evasisse; aliis duabus feminis, quæ sine tali medicamento fuerant, mortuis, quamvis utraque diu morbum celasset, & nonnisi extreme ab eo coactas, lecto ac medicamentis se commisisse, sicque morbi periculosi principia neglexisse, fatendum sit.

Toto fere mense Junio, & Julii principio, zephyri fere semper inclementiam experti fuimus; qui præterquam quod terram, pluviis equidem multoties madefactam, plurimum exsiccaret, frigore etiam ingratisimo corpora nostra offendebar, sicque a natura sua plane descivisse videbatur, cum alias humidam calidioremque temperiem nobis conciliare soleat. Euro e contra, serenitatis alias, & siccitatis nobis indice non fallaci, in mensis Junii initio pluvias præter morem, accumulante. Sed ante solis in Leonis signum ingressum, posteaque ad ejusdem usque inde egressum, calores huic temporis convenientes satis insignes persensimus; quos tamen continua fere ventorum, zephyri in primis spiratio, pluviis subinde intermissis, nunquam diuturnos esse permittebat. Interea Morbosa magnas dabat inducias, nisi quod circa Caniculæ occasum variolæ, & morbilli (qui posteriores per reliquam subsequenter anni partem in aliquibus paucioribus sparsim efflorescere pergebant) de novo puerilem ætatem majori numero, admodum tamen benigne invaderent, ut major ægrotorum pars levioribus remediis, sine Medici opera convalesceret.

Et quamvis a lymphæ, obturbatam insensibilem transpirationem, viscidioris coærvatione, & hinc in varias stagnationes pronitate, atque ex admixtis heterogeneis particulis aliis depravatione, quatuor postremis mensibus, vagi articularum dolores, prima in aliquibus invasione coxæ tantum infesti; Mense Septembri insuper, post frigidus siccosque zephyri impetus, diarrhææ, & dysentericæ; Octobri, tolerabiliorem æris temperiem usque ad Decembris finem, qui frigore intenso nivibusque stipato comparuit, educente, præter febres petechiales, immaturæ aque ac proveciori virginum ætati, nescio quo fato, in primis infestas, catarrhi, qui tussis molestiam excitabant, aut etiam in apoplexiam sortem, levioresque desinebant, observarentur; quin & adultus Autumnus indolentes genarum tumores.

Sydenham Opera Med. Tom. I.

oedematofos, tussim humidam, asthma, in quibusdam febre intensa comitatum, & catarrhos suffocativos produceret, non adeo multi tamen hisce epidemice, morbisve aliis sporadice ægrotare deprehendebantur, tamque otiosa alcyonia nobis notabantur, ut non leves ad nauseam usque, aliquorum, quibus ex morbo aliorum infortunio lucrum capere volupe est, querelæ subinde exaudirentur; cum interea, quæ lymphæ stagnanti debitam fluiditatem conciliare, abundantemque ex corpore eliminare valebant, medicamenta salutarem operam navarent.

*Constitutio Epidemica Berolinensis
Anni 1696.*

DN. D. GUSTAVI CASIMIRI
GAHLRIEP.

*Missæ die 25. Februarii An. 1697. Berolinsæ
Augustin Vindelicorum.*

ANni 1694. mensis ultimus vario variatus æthere, temperatum rigidum miscuerat gelu. Hoc ipso tenore, in gelu tamen adhuc quam calore magis propenso, Januarii sequenti millesimi sexcentissimi nonagesimi sexti anni initium, stylum Gregorianum si sequaris, ad 10. ejusdem usque perseveravit, a 1. 10. st. Juliano ad ultimum ejusdem seu 22. 31. æri udo, pluviis ac nivibus quandoque intermixtis, paucis tantum sparsim intercalatis diebus gelidis, ac paucioribus adhuc serenis, remisso fere pene penitus frigore dolens, hyemis, alias ordinariæ hoc mense, loco Veris primordia substituens, integrum sui dimensum absolvit.

Successit hinc Veri quasi prænuncius Februarius, quem, si paucas noctes exceperis, aliquatenus gelidas, nullosque dies nubilos ac pluviosos; serenitate atque amenitate, prolectis etiam in hortis, meo quoque floribus, colchico, croco vernali, & similibus præcocius, cum Vere certantem, Majum potius, quam Februarium dixisses.

Quem Martius excepit frigidus, noctibus præsertim gelu rigentibus, ac diurnis nivibus, pluviis, & grandine quandoque, cum solis splendore sed rariori alternantibus, florum ulteriorem proventum intercipientibus ad 17. 27. usque qui cum sequentibus verno sudo ac tempore gratus hunc primum anni quadrantem terminavit.

Venti uti in hoc, sic in sequentibus fuerunt

runt pro ætheris varietate varii, nec ullo ordine enumerandi.

Januarii morbi fuerunt præcipui, febres ardentes, ac malignæ diversis symptomatibus stipatæ, ac malignitatem, nunc hujus, nunc alterius generis exanthematis prodentes; præsertim variolis, epidemice grassantibus, partim malignis, & confluentibus, partim benignis, quæ a subsequentibus postea morbillis exceptæ nonnumquam, & petechiis mixtæ.

Februarii febres variæ, catarrhales, ardentes, malignæ etiam, petechiis & morbillis suspectæ, ut & pleuritides nonnullæ fuerunt.

Martio mense rariores fuere febres, molestæ tamen, ac quædam malignitatis non expertes: præterea, & intermittentes nonnullæ; tertianæ potissimum, raræ quartanæ. Ophthalmiæ denique, & oculorum inflammationes, tam hoc, quam præcedentibus, & sequentibus mensibus frequentes, contumaces valde, ac quædam etiam periculosa. Defluxiones ut plurimum a capite ad partes subjacentes, pro causa agnoscentes.

Febrium illarum epidemiarum occasionem præter ætheris, & æris perpetua varietate turbati, varia contenta cum aëre hausta, ac in corporibus continua illa æris mutatione, accedente diætæ nonnumquam inordinatæ vitii, hoc vel aliter prædispositis, humores fermentando moventia, & in orgasmum illum præter naturalem cientia, sicque nunc hac, nunc alia ratione exagitantia, atque ad separationem, & expulsionem particularum noxiarum ipsis communicatarum, sed iidem infestarum stimulantia. Quæ hæc autem sint illa miasmata, cujus naturæ, substantiæ, materiæ, formæ, quorumve qualitatum, & accidentium, aut, ut cum modernis loquar, ejus configurationis, texturæ, motus, activitatis &c. determinare meam transcendit, ut ipsum æther, ingenii modicis, & ob ætatem quodammodo jam torpentis, sphaeram, hujusmodi subtilitatibus neutiquam quadrantem.

Aprilis a primo die styli Gregoriani aut 22. Martii Juliani paucissimis sparsim intercedentibus diebus pluviis uti 31. 10. Martii hujus circa vespertinam, ac quibusdam ventosis uti 5. 15. 8. 18. 9. 19. 10. 20. 13. 23. & sequenti ad meridiem usque, omnes fere a frigore nocturno, diurno vero tempore remittentes, ad æstivum calorem paulatim, & serenitatem transeuntes, æstatem pene loco veris imitavit.

Quo prope tenore Majus etiam, variatæ licet nonnihil, & aucto dierum ab æstiva amœnitate descedentium, frigidorum, turbidorum, & pluviosorum numero, & ordine processit ac transiit.

Junius magis fuit Majo, & quotidie fere, serenitate tamen nonnumquam, sed transitoria intercedente, pluviosus & quandoque nimbosus.

Morbi mense Aprili pauci fuerunt, paucisque funesti, præter enim continuantes adhuc oculorum inflammationes illas contumaces, sparsasque hinc inde febres, tam intermittentes, & inter eas, & quartanas simplices, & duplices, sed raras, quam continuas, immo & quædam malignas erysipelatodes, pleuriticæ, & morbillosas, vix alii occurrerunt hoc mense morbi.

Majus paulo copiosiores morbos tulit, sed epidemicum nullum, nisi prædictas sæpius ophthalmias, & inflammationes oculorum, febresque, quas cum Aprili fere communes ac convenientes habuit.

Junio mense, pauciores adhuc, scorbutum, præcedentibus quoque mensibus non rarum, & veneream luem sororis illos, illam malignitatis prævæ, hunc pravitatis spurcæ, sed sub illius larva sæpius latentis, stigmate notatos, nimis hic, proh! omni tempore frequentes, si dempseris, fuerunt.

Cum pauci hi, qui hoc trimestri fuerunt morbi, cum priori trimestris morbis genio, & moribus fere convenerint, causæ quoque eadem aut parum diversæ proculdubio eos produxerunt, insolitus præsertim his locis hoc anni tempore calor æstivus fere; Quod vero rariores fuerint, æris æquabilitas, & perpetua fere calori moderato juncta temperies, serenitas, & amœnitas. Talis enim cum fuisset Aprilis, nec Majus ab ea admodum descederet, paulo quidam plures, sed ejusdem fere farinæ morbos aluit: Prædictos si exceperis, qui omnium hic temporum dici merentur, sicque ex parte endemicis. Qui etiam Junio mense magis, ob æris majores turbas, frigusque cum cælo pluvioso quandoque recrudescens, illis affectibus præcipue infestum malitiæ suæ, & infamiae notas exeruerunt, ac Medicis proinde plus atque Chirurgis negotii facesserunt.

Julii initium, turbido prima die cælo, tonitru secunda superaddidit. Succedente æstivo unius alteriusve diei æstu, pluvias tandem sudo ac tranquillo temperatoque aëri nonnumquam intersparit ad Caniculæ usque ortum, qui aliam aëri faciem frigidam pro-

cellosam, ac nimbosam induit, sudo tamen sequentibus diebus interpolatam, ac æstu gratis subinde etefiis, ac pluviolis suavis temperato emendatam.

Augustus Julio, variato tamen nonnihil mutationum tam æris quam æstus ordine, amœnitate, ac temperamento respondit.

September 22. Aug. st. v. imo. die mox procelloso, & nebuloso ab æstivo aliquatenus calore, simulque amœnitate præcedentium mensium gratia recessit, atque frequentiores æris turbas, ventos, pluvias, temperamento præcedentium addidit.

Morbi mense Julio, præteriti Junii morbos tam paucitate, quam moribus æquarunt, propter affinitatem forte temperiei æris. Nisi quod catarrhi, ac tusses ob repentinam cum Canicula ingruentem caloris æstivi præcedentis in frigus, pluvias, & nimbos mutationem, ac effectus alii scorbutici paulo frequentiores hoc mense, quam præcedenti fuerint, pleuritides quoque nonnullæ, & anginae satis frequentes a defluxionibus scorbuticis ortæ, valde contumaces ac periculosa, eo præsertim symptomate, quod ut plurimum in tumorem grandem ac apostema tandem juncturam, ac processus maxillæ inferioris occupans, idque cum cruciatibus insignibus, donec nimirum maturuerit, ac interne sponte crepuerit, maxillam immobilem reddens, sicque oris apertionem, ac cibi assumptionem plures dies præcluderent fame fere pereundum fuerit affectis, desierint. Quod tamen incommodum, & periculum nonnulli imposito mature emplastro resolvente, & discutiente, sicque discusso tumore evaserunt.

Causam hujus symptomatis sane peculiaris, si quis præter communem omnium phlegmonum, ac tumorum, affluxum nimirum & stagnationem incrassati, aëre prædicto frigido ac nido, sanguinis, desideraverint, ac conjuncturam illam potius quam illam faciei aut colli partem affecerit, quæsierit & flagitarit, e principiis mechanicis eruendam juxta hodiernam medicinæ theoriam, hunc ad perspicaciores me, nondum in his apicibus satis exercitato, & veterum adhuc placitis quadantenus in hærente remittere cogor.

Augustus, ut & ex parte September sequens, quandam adhuc affectus servavit reliquias, in cæteris quoque Julio mens morborum varietate ac febrium præter catarrhales nonnullas, raritate conformis.

September prædictis febres quasdam, etiam

ardentes, asthmata, anginas, rariores tamen, inflammationes oculorum, aliaque similia symptomata superaddidit, æris proculdubio ab æstivo fervore in autumnale frigus, & udum ætheris temperamentum jam degenerantis, soboles.

Octobris primum biduum Septembris æquavit exordium frigore, aëre turbido, ac pluvis. Alterum biduum sudo ac temperate calido æthere acceptum, sequens triduum pluvis, vento frigido, ac aëre turbido incommodum, quatrinduo tandem amœniori rursus pensatum. Ceteri ad 10. 20. usque, vario cælo, si frigus autumnale, moderatum tamen exceperis, temperati, pruina nocturna sequentis gelu nocturni prænuntia, hyemem præcocem minata, dubiam reliquis diebus serenitate satis stabili ventis rariis pluvisque interpellata, cæli faciem, ac frigoris intensioris aliqualem tandem metum fecerunt.

November a primo, excepto solum 27. 7. Octobris, qui totus undosus, ad 5. 15. usque serenitate ac amœnitate æris, Verni fere commendabilis, frigore postea auctiori, & intercalatis diebus nubilis, ventosis atque pluviolis paulo inamœnior, temperatus tamen adhuc, hyemis exordium satis tolerabile, ad ipsum usque sui finem effecit.

A Decembri non minus, qua initium tolerabili, exceptus, ad 30. 10. Novembris usque serenum ac gelidum. Qui mutua facie nivem primam pluvis nonnullis intermixtam, sequenti mane tulit, cui gelu postea, ad ipsum usque sui ipsius & anni finem, remissis quidem nonnunquam, ac nivibus paucis interpolatum contiguans successit.

Morbos October præter prædictam in guttur, & maxillæ juncturas febri catarrhali junctam, & defluxionem nondum plane defævientem, arthritidem vagam scorbuticam, nephritim, hypochondriacos quosdam affectus & scorbuticos aluit. Præterea diarrhoeas nonnullas, parcas tamen, choleram: Dysenteriam vero, utut proventus hoc anno fructuum arboreorum satis fuerit, gula adhuc non otiante, oppido raræ, id quod admiratione non indignum.

November pleuritides frequentiores, ut & affectus nonnullos hystericos, colicos, scorbuticos, oculorum inflammationes, catarrhos, tusses, & id genus alios, autumnæ frigido, & pluvis, nimbo, & alias variato ætheri debitos, febres præterea catarrhales, continuas initio, mox accessionibus

roxyſmis interpolatas, in ardentes quoque quandoque eaſque malignas degenerantes induxit.

December præter enumeratos hæmoptoen quandoque, etiam non præſente aut præcedente pleuritide, rheumatismos, aliasque deſuxiones varias, ſcorbutis nonnunquam mixta prodidit.

Cauſas horum morborum, & ſymptomatum eos ſtipantium, præter diætæ vitia, & obnoxiam hinc forte aut ob nativitatſ ſtigma, corporum ad recipiendas varias tum ab aëre frigido, & humido autumnali, frigido vero & ſicco hyberno injurias, tum ab exorbitantibus animi pathematis moleſtias ac viciffitudines prædiſpoſitorum diatheſin, indeque naſcentes humorum alterationes, fermentationes, ebullitiones, alias assignare aut determinare vix auſum. Quod ſi vero quis certa quædam, ſed vix præcognita aut dignoſcenda, nedum definienda ætheris miaſmata, occultis, ſed nunc in exilium actis, qualitatibus valde affinia, accuſare velit, huic haud difficulter aſtipulabor.

Cæſarco Leopoldinæ Naturæ Curioſorum Academiæ Præſidi, Perilluſtri ac Generoſo Domino Dn. LUCÆ SCHROEKIO, Sac. Cæſareæ Majestatis Archiatro, ejuſque Perſonæ Imperialis Medico, S. R. I. Nobili, Aulæ Cæſareæ, Palatii Lateranenſis, & Conſiſtorii Imperialis Comiti, Academiæ Patavinæ Recuperatorum Collegæ, ac Reip. Auguſtanae Phyſico ordinario, Patrono ac Fautori Magno.

Salutem Officioſam.

CONRADUS BERTHOLDUS
BEHRENS.

CUM nullas unquam ab illuſtri generoſitate tua literas accipiam, in quibus non ſubinde, continuationem hitoriæ Epidemicæ ſemel cœptæ, hortaris: Tum in primis ſingulare illud Societatem noſtram exornandi, ac medicam rem promovendi ſtadium, ex proximis luculenter apparet. Ego vero, quamvis hæſtenus urgentibus viris ma-

gnis, & quorum juſſa capeſſere ſas eſt, Genealogicis edendis occupatus ſim, non tamen par erga hæc, tanto apud me loco ſunt, ut res, quibus totum me dedicavi, artis ſcilicet noſtræ, ſive apud ægros faciendæ, ſive ſcriptis illuſtrandæ iis poſtponam; Ac propterea multo citius generoſa tua magnificentiæ me officio meo deſunctum vidiffet, modo materia hitoriæ Epidemicæ conſignandæ apta ſe obtuliſſet.

2. Poſt ſolſtitium enim vernum anni elapſi, & luctuoſiſſimam patriæ noſtræ varioſarum lue, vix cum media æſtate deſerveſcentem, quin adhuc ſporadice graſſantem, parum dein ea æſtate circa morbos accidit, quod quidem epidemici nomen mereri, aut ſcriptioni anſam ſuppeditare poſſet; Neque enim quod unus atque alter inordinatæ diætæ uſus, animique affectibus abreptus, tertiana ſeu duplici, ſeu ſimplici, colico dolore, vel ſi ſexum attendas hyſterico corripiatur, hic ſanguinem ſpuat, iſtum calculus torqueat, hypocondriaci aëre nubilo, & circa ſolſtitia magis angantur, alius alio modo labore, epidemicum ſtatim eſt, ſi quidem nec adeo multi eodem tempore, & ex cauſa communi uno dictorum morborum affligebantur. Pleuritides quidem nothæ, & peripneumoniz pituitozæ uti apud nos omnium temporum morbi ſunt, ita & ſubinde iis quidam tam adultæ quam minoris ætatis decumbunt, verum nec illæ ſingulari aliquo ſymptomate, ceu vulgo in conſtitutionibus epidemicis fieri ſolet, ſtipatæ erant, nec cauſæ alicujus univerſalitatis accuſari poterat, inter ſporadicos affectus tum potius numerandæ.

3. Illud vero forte huc referri poſſet, quod mulieribus, quales ego intra duorum circiter menſium ſpatium non paucas novi, circa æſtatis declinationem frequentes effluxus eſſent; cum menſibus per duos treſve circuitus ſubſiſtentibus, & naulea quadam comitante, ut & aliquali ventris intumeſcentia ſuperveniente, gravidæ ſe arbis trarentur; poſtea vero obortis derepente dorſi lumborumque doloribus, parturientium haud abſimilibus, cum maxima anxietate, hyſtericaque ſyncope, grumi ſanguinis enormes, maſſula informis, ſubſtantiam modo veſicalem, modo pinguedinem membranofam referens in medio tamen cava, humoremque mephitin olentem continens, excideret, ac ſanguis primo ſætidus, grumofus, dein vero floridus in magna copia excerneretur, & ægræ, veluti puerperæ, per ali-

aliquot septimanas lecto affixæ decumberent, donec sensim restitutz, pristinz sanitati redderentur. Forte autem quis dubitaret, an circa generationis pariendi negotium epidemici quippiam accidere posset, egoque ipse primo anceps hæsi. Cum vero annum hujus seculi octuagesimum quintum gravidis valde noxium & perniciosum existisse, & haud absimiles abortus provenisse diversis in locis, Excellentissimi Viri *Hannaus* & *Mullerus*, in Decuria secunda, anno quarto & sexto Miscellaneorum nostrorum, notarint, expedita res est, nec video quo pacto & effluxus ejusmodi epidemice contingere posse quippiam negare posset; Ab aëre vero sanguineam massam concitante eisdem dependisse non arbitror, namque eo modo & alios ejusmodi fermentativos effectus, diarrhœas sc. contagiosas & dysenterias habuissimus, de quibus tamen illo autumno vix quippiam apud nos auditum, siquidem unum atque alterum junioris ætatis viridia deicientem, aut colicas quasdam adutorum excretiones exceperis. Nec malum cibum potumque, quamvis alias ad constitutiones morborum epidemias suum symbolum conferant, hic quippiam attulisse opinor, alterius enim sexus tantum labes erat, & personarum in statu certo constitutarum. Arbitror vero ejusmodi mulieres, individuali, si ita loqui liceat, sua corporis massæque sanguineæ constitutione ac effectus hujusmodi concurrisse. Cum enim pleræque illarum circa tempus vernum febriles insultus perpeßæ fuissent, ac ab eo tempore ventriculi imbecillitate laborarent, hinc massa sanguinea nondum debite restaurata, nec spiritus animales vigorosos suppeditante, ovula quoque muliebria debite constituta esse non potuerunt, ut ea propter, quamvis a semine virili fecundata, & ad uterum promota; tamen contentorum staminumque expansionem pro corpusculo fœtus sensim effigurando, adipisci non potuerint, sed in informes massulas excreverint, ac mora putredinem contrahentia partes uterinas ad excretionem ejusmodi & effluxus stimularint; conferente symbolum suum sanguine matris ichoroso & acriori. Rem certe ita se habuisse, vel inde palam evadit, quod quædam eo malo affectarum in cachexias lethales delaberentur, aliis cum tempore ad statum naturalem devenientibus. Cum vero debilis ejusmodi constitutio a causa communi, febribus sc. vernalibus dependit, hinc quoque ratio epidemica effluxuum magis patet. Uti enim recte ob-

servat Illustris *Ramazzinus* in Dissertatione prima, epidemici morbi non constitutionum presentium, sed præcedentium producta sunt.

4. Et hæc quidem ante solstitium hyemale; Illo vero ingruente, ac aëre magis boreali existente, juniores, qui circa æquinoctium vernale variolis laboraverant, maxime infestabant tussis acres & convulsivæ, peripneumoniæ, febresque sere eandem ob rationem, quod digestionem scilicet ab eo tempore imbecilliori existente, sensim sensimque exhalantibus sc. per æstatem partibus tenuioribus multa viticida ac acris pituita in præcordiis se accumularit, & superveniente aëre boreali, acorem contraxerit, similique modo sanguinem infecerit, ut deinceps hæc quasi in peripneumonias & pleuritides notas, aut quoque simplices diaphragmatis irritationes, quarum producta convulsivæ tussis sunt, collinarent. Atque uti in tussi nihil magis conducebat ac lenientia, acrimoniæque demulcentia, ita quoque plurimi laxativorum in primis beneficio in integrum restituebantur, non pauci tamen convulsionibus supervenientibus ante primum septennium suffocabantur.

5. In adultis vero eo tempore præ cæteris quoque affligebant peripneumoniæ, pleuritides, phthises, arthritides vagæ. Peripneumoniæ, pleuritidesque, post solstitium hybernium in majori copia, pituitosæ magis, ac tunc quidem senibus maxime lethales. Incipiebant cum dolore ventriculi tensivo, dorsi quoque ac cordis angustis. In quibusdam pleuritide notha decumbentibus, & quasi alias hypochondrii sinistri dolores molesti erant, diarrhœa quædam serosa, ramentis interdum sanguineis comitata, cum levamine superveniebat.

6. Phthises quidem omnium annorum circa autumnum morbi sunt, tum tamen vitio magis præcordiorum existere videbantur, cum eorundem, hypochondriique in primis sinistri dolores frequenter concurrerent, flatulentia vomitusque eruginosi, nec sputum cruentum esset, quod ipsum tamen, siquidem phthises hæc primario a pulmonum ulcere dependissent, continuo cruentum esse debuisset. Non autem novum, dari phthisicos toto morbi decursu nihil omnino cruoris ejicientes, notavitque post alios id anno nono Decuriæ primæ miscellaneorum nostrorum Excell. *Dn. D. Scharsius* in juvene phthisi ex sputo sensim post nimium opiato- rum usum suppresso, exemplo licet hæc non ad-

admodum quadrante, illud tamen, quod volo, abunde probante. *Zacutus Lusitanus* ejusmodi phthises incruentas asthmaticas vocat; quæ ipsa tamen denotatio apud ægros nostros locum non invenit; non enim meminimus, quosdam ex iis asthmate simul laborasse, nec in iis, qui forte obierunt, vomitus simul adfuisse suspicor. Phthises enim nostræ pleræque vel ex catarrhis existebant, vel ab humoribus in præcordiis corrosivam fere aciditatem contrahentibus, similique qualitate serum sanguinis, spuri materiam imbuentibus, dependebant. Hinc etiam in non uno sputa æruginosa notabantur, id aliis etiam biliosa. Non tamen adeo semper lethales erant, quin aliquot ab omnibus pro deploratis habitos, solo lactis caprilli poru, utpote optimo & nunquam satis laudato corrosivam ejusmodi succorum sanguinisque acrimoniam corrigente, partim restitui, partim ahuc servo, cum reliqua auxilia acori opposita, modo ignea sua volatilitate febrem comitem augerent, modo salinis spiculis tussim magis irritarent, decocta autem pectoralia tonum ventriculi admodum laxarent, & ægris appetitum omnem auferrent. Lac vero ipsum, methodice tamen usurpatum; notante id simul *Illustri Voospero*, Medico quondam nulli secundo, in Epistola ad Verzascham, hypochondria emendet, febri lentæ resistat, habitum firmiorem, colorem nitidiorem, viresque robustiores conciliet, quin novos plane homines efformet, methodice dico usurpatum; nanque in biliosis complexionibus, aut rutibus jam existentibus acidis assumptum, per vomitum instar materiæ caseosæ rejectum vide, quique in prandio pisces, aut alios cibos inconvenientes subjungebant, iis febris de nocte augebatur.

7. In febribus tertianis quartanisque, quæ tamen admodum paucæ, magis ac alias insignis dorsi dolor notabatur, & vomitus in paroxysmis molesti erant. Quartanæ tamen non admodum rebelles existebant, & aliquot vulgatissima methodo, & remediis fere domesticis absque corticis Peruviani usu fugavi.

8. Arthritides autem vagæ præludia erant scorbuti cum novo anno secuturi. Dolores modo totum corpus corripiebant, modo membrum, aura citius, desilientes, in quibusdam etiam tubercula subito erumpebant, mox iterum evanescencia, cum subsequente leviori paralyfi. Inter consueta contra hunc morbum remedia mixturam simplicem satis

laudare nequeo; quæ uti alias divinum remedium in plurimis morbis existit, ita & hic debita cum circumspectione usurpata, nunquam me, quod sciam, fefellit.

9. Cum novo vero anno ær, rarissimo valde, nec senibus observato exemplo, plane æstivus, tepidus, ac humidus ultra duos menses constantes persistit, ita ut ne pruina quidem noctu terras obtegeret, & ranæ coaxare inciperent. Sub ipsum æquinoctii tempus nix iterum & hyems per aliquot septimanas valde aspera, unde, & morbi tum majori numero ingruebant, ceu fieri consuevit temporibus anni debitam suam constitutionem non servantibus. Ex his vero erant apoplexiæ, defluxiones, febres varii generis, cachexiæ, scorbutus.

10. Apoplexiæ, non senibus tantum, quorum alias morbus est, sed & iis, qui vegetæ adhuc ætatis, contingebant; ægri subito animo linguæ videbantur, quibusdam per somnum obveniebat malum. Non tamen adeo lethales erant, sed lymphæ nervosarum partium obstructionem extravasatione sua causante, seu ope sudoriferorum volatiliū, seu quoque propter febrem interdum una supervenientem resoluta, inque motum iterum comitata, circa diem octavum plerumque terminabantur, absque remanente paralyfi. Quibusdam rubedo in parte quapiam externa, altero ab insultu die superveniebat, quæ tamen topicis resolventibus facile cedebat. Nec tamen omnes qui subito ita interibant apoplexiæ proprie dicta extinctos opinor. Quidam non infimæ sortis vix trigessimæ ætatis annum excedens, & ex frequentiori erysipelate finistram pedem tumidiorem gerens, per octiduum de gravitate cordis ac oppressione ejusdem, ut & punctione in latere dextro querebatur, cui ut levamen daret, venam in brachio aperit, sanguine nimis largiter educto. Altero vesperti inter choreas subito animo defecit, stertit & dicto citius extinguitur; cadaver mane apertum, & quantum in tumultuario isto casu licuit, pervestigatum, viscera partesque omnes, præterquam pulmones, sanas retulit. Ex his enim lobus dexter undique adnatus, & parenchyma ejusdem per transversum dissectum, abscessibus sinuosis obfessum se præbuit, haud absurdum in modum quem notarunt in Miscellaneis nostris Excellentissimi Viri, & quidem Decade prima, anno secundo *Dn. Voynclerus*, Decade secunda, anno octavo, *Dn. Dolens* & anno decimo, *Dn. Hartmannus*. Præterea attractu

tactu diffiluebat pulmo, nigriorque erat, ut adeo sanguis per choreas ejusmodi concitator redditus, per illum pulmonis lobum, juxta proportionem motus acquisitam, moveri non potuerit, atque hinc in dextro cordis ventriculo, in quo magna ejus grumescentis copia existeret, sufflaminatus fuerit, illeque quasi syncope correptus, momento citius expiravit. Nulla interim in cute livoris macula, aut sanguinis ex naribus, ore vel auribus eruptio, eoque modo plerosque extinctos arbitror, qui circa æquinoctium illud passim subitanea morte obibant; Vix octiduo post, alius subito inter eundem in platea expirabat, vesperi, sexagenarius fere, & colicis doloribus obnoxius. Animo sensim defecisse, & se deficientem de momento in momentum percepisse supervenientes notarunt. Post mortem pars illa sinistri lateris a collo ad costarum notharum extremitatem livida deprehensa, quod etiam sanguinis in corde & vicina regione grumescentiam arguit.

11. Febres varii generis erant sine dubio juxta temperamentorum, constitutionumque in individuis varietates ita discrepantes. Aliquibus ephemeræ, sed adhuc semel post unum alterumve diem repentes. Quædam paucis diebus intermittentes erant, & remittere videbantur, dein vero evadebant continuæ. Vere vero intermittentes, quo magis vernum tempus appropinquabat, eo minori numero. Quæ vero primo statim insultu continuæ apparebant, in iis modo calor, modo frigus, de cætero acutæ valde, cum dolore nuchæ invadentes, & levi delirio primis statim diebus, circa diem nonum pleraque seu ad salutem, seu ad mortem terminabantur. In quibusdam petechiæ apparebant, quas a malignitate scorbutica haud erronea quispiam deduxerit. Aliis vermes in principio, præcedentibus magnis cordis angustiis, & comitante delirio, proveniebant, quorum tamen aliquot, quamvis ætate profectos, servatos memini, cum alias in malignis pro pessimo signo vermium in principio excretio habeatur. Quorum vero sanguis per venam sectam eductus in superficie instar pulvis albi concrefcebat, iis quamvis in principio nulla pleuritica, aliave pectoris affecti symptomata adessent, tamen circa septimum calore remittente tussis & phlegmatum expectoratio superveniebat. Malignitas vero major, quo magis ad æquinoctium accedebant. Quibusdam in locis adeo acutæ & contagiosæ, ut egros

altero die obiisse, superveniente pustula magna & nigra in femorum altero fama referret. Alio in loco junioribus bubonum in inguinibus tumor superveniebat. Quidam circa diem octavum melius habentes, & sanorum simillimi, in primis quibus urina post quartum diem apparebat citrina, circa duodecimum maligne relabebantur, maximo cum delirio, & generis nervosi symptomatibus, in quibus desperata res erat. Video hoc ipsum ab Excellentissimo *Ridlingo*, anno primo Linearum medicarum, vocari, febrium malignarum inducias, nec ineleganter; nostri tamen ægri in medicamentorum usu continuabant, & nihilominus cum scetore redibat malignitas. Alii, qui videbantur restituti, levi circa res non naturales commisso errore recidebant. Certa vero methodo omnes ii, qui continuo ægrotabant, tractari non poterant, citius vero evadebant, qui temperato tam medicamentorum, quam aliarum rerum regimine tractabantur, in primis vero acidorum medicamentorum usui, si quidem pectoris constitutio eadem concedat, facile cedebant.

12. Defluxiones, neque enim vox adeo absurda semper, ut non interdum retineri queat, cum catarrhorum in externis partibus descensus omnino accidat, & evidenti exemplo a generosa tua magnif. anno tertio, decuriæ secundæ Miscellaneorum nostrorum probatus, & a me quoque circa initium Februarii, in quodam Societatis Jesu Professore observatus, cui post acerbum scapulæ sinistræ dolorem juxta tractum spinæ dorsi humor sensibiliter deorsum rubeat, ad os sacrum usque, ubi per aliquot dies substitit. Exin tam diaphoreticis internis, quam topicis resolutus quasi, seu potius mobilis factus, per femur illius lateris & pedem ad plantam usque descendit, & de nocte magis affligens, donec tandem remediis convenientibus plane discuteretur. Defluxiones inquam, magno numero circa id tempus occurrebant, ad oculos, aures, maxillas, uvulam, cum ejusdem & faucium erosione interdum, ad pectus, scapulas, & quorsum non? Interdum subito, ut ita loquar, recedebant, calore aliquo febrili & lassitudine per octiduum subsequente, in quibusdam vero membrorum contractura, aliisque latentis scorbuti symptomatibus. In primis quoque frequens humorum serosorum ad sinistram scrotum decubitus, præcedente quadam quasi horripilatione, sinistri hypochondrii dolore, & in inguine tensione. Ad hy-

hydroceles vero pertinebant, hydragogisque internis, & topicis his in casibus confectis curabantur.

13. Cachexiæ pedumque tumores in primis circa æquinoctium vernum notabantur, præsertim in iis, qui asthmatis & catarrhis obnoxii erant. In plerisque cum diminuta urinae excretionem, eaque modo viscidum, & album, modo rubrum sedimentum referente. Etiam in puerperis quibusdam observatum hoc malum, quibus alias nihilominus lochia rite fluebant. Causa vero imminutæ hujus excretionis, cum nulla circa vesicæ regionem gravitas deprehenderetur, hinc in massa potius serosanguinea nimis viscosa & tenaciori quaerenda, cui etiam curatio consentit: namque ægri a nullis remediis melius habebant, quam ab attenuantibus incidentibusque, salibus scilicet diureticis fixis cum volatilibus combinatis.

14. Restat scorbutus, qui ipse quamvis endemium apud nos malum sit, non memini tamen intra aliquot annorum spatium, adeo frequentem extitisse, ac post solstitium hyemale. Non quidem me fugit, prudentes Medicos interdum ejusmodi affectus, quorum genuinas appellationes ac causas ægri aut horrent, aut propter terminorum artis subtilitatem capere nequeunt, scorbuti nomine efferre, nec minus & illud commune dictærum me latet, scorbutum esse asyllum ignorantia medicæ, plurimosque affectus, quorum nomine eam inculamus, vel morborum fientium nullumque adhuc certum typum adeptorum effecta esse, vel etiam infelices reliquias existere morbi alicujus nondum penitus destructi, a quibus sanguis & cæteri humores contaminantur, ceu utrumque recte animadvertit *Sydenhamius*. Cum tamen superioris ævi Medicis placuerit ejusmodi dyscrasie massæ serosanguineæ, in qua partes nitro sulphureæ cum quadam viscositate, præ cæteris magis exaltatæ, & ritus vitales (utor termino communi) simul depresso existant, scorbuti nomen imponere, & verba usu valeant, ceu nummi, hinc quoque præsentem ejusmodi sanguinis statum, ac symptomatibus ab eodem dependentibus, voce hac uti nolle, nescio quæ animi singularis opinio existeret. Et certe non apud adultos solum, sed & qui junioris adhuc ætatis erant, & in infantia constituti, frequentia ejus generis symptomata notabantur. Morbillorum enim radices hæud incommode quis in diathesi scorbutica quaesiverit, in aliis lassitudines, hæmorrhagiæ,

qualem insignem in puella octo annorum deprehendi, quam suppressam macula magnæ sanguineæ in pectore & pedibus sequebantur, cum vermium excretionem. Supervenit dein brachiorum pedumque contractura, & horum circa vesperam intumescencia; In adultis vero non modo morbis supra enumeratis comitem se adjuungebat scorbutus, sed & insuper aliis symptomatibus molestus erat. Hinc frequentes de lassitudine cum appetitu prostrato, sudoribus nimis, pyralismo, doloribus membrorum nocturnis, immobilitate contracturis querelæ, alii tuberculis intestabantur, maculisque, quidam vero tantum, quando in lecto incalescerent, gingivæ plurimis sanguinolentæ, & in iis qui alias per totam vitam nec quicquam de scorbuto perceperant, quique dicuntur malum hoc causanti non assueti erant. Aliis phlogoses erysipelatosæ in facie partibusque externis, quibus cessantibus, pustiones in præcordiis cum febre erraticâ, superveniebant, phthisin minantes, nisi præventum fuisset. Singulare in vitriario quodam, alias arthritidi scorbuticæ obnoxio, linguæ symptoma initio hujus mensis deprehendi. Huic cum per aliquot dies pyralismus præcessisset, subito palpitatio tremula apicis linguæ cum aphonia supervenit, sectione venæ ratiore sublata. Exemplo *Augustini Thonneri* Symptoma hoc ad scorbutum refero, qui hæud absimilem linguæ convulsionem, in quodam arthritide scorbutica laborante observavit. Ex sola certe lingua excoriata, pustulisque in eadem valde dolentibus latentis scorbuti indicia desumpsit *Excellentiss. Ridlinus*, Linnearum medicarum anno primo, medela opinionem comprobante. Ad scorbuticam quoque classem symptomata a spirituum defectu existentia referas, uti vertigines, oculorum caligines, lipothymias, melancholias, sive illis inordinatæ dietæ, animique alterationes progressæ, sive in altero sexu, menses suppressi, & graviditas ansam darent. Denique nec illius obliviscendum arboror, nullo anno majores de ventriculi imbecillitate querelas apud illos fuisse, quibus ex sui cætus instituto tempore quadragesimæ piscium esus incumbit, quam digestionis debilitatem, an ad spirituum propter diathesim scorbuticam defectum, & fremendum ventriculi proin non satis exaltatum recte referam, penes alios judicium esto. In curatione vero symptomatum scorbuticorum illud in primis magni momenti deprehendi, cujus etiam in aureis suis observationibus

nibus meminit Illustriſ Pecklinus acidiusculos liquores, amaritudine balsamica delibutos palmam obtinere. Siquidem ſi quopiam in morbo, certe in ſcorbuto ebullitionis tempora, a reliquo ejus motu, maſſæque ſero ſanguineꝝ ſtatu probe dignoſcenda, & medicamenta juxta varianda.

15. Et hæc quidem de conſtitutione morborum apud nos a ſolſtitio æſtivo anni ſuperioris communicare potui; Non quidem talia ſunt, quæ ab aliis conſignari non potuiſſent, ſed quorum continuationem a me fieri poſſe illuſtris tua magnif. cenſuit, ego vero maxime vellem. Quod ſuperest, neque enim ulterius progredi termini Epistolares patiuntur, Te, Magnifice Domine Præſes, ut in præſidium ac incrementum artis ſocietatiſque noſtræ, quin & totius Reip. literariæ in multos annos quam ſeliciffime ſuperſitem Deus ſervet, ex animo voveo, & nemo non ex ſocietate mecum, quo ſummas ingenii dotes, atque elegans in primis maximeque ſubactum judicium præcticum in leſtiſſimis ſcholiis ulterius demirari liceat. Ipſe ego proſecto tota vita mihi gratulabor, quod ILLUSTRIS SCHROCKIO PRÆSIDE, eam ſelicitatem naſtus ſim, qua in SOCIETATEM LEOPOLDINAM recepto, impoſterum cum exercitatiſſimis in arte viris conferendi occaſio mihi ſuppeditetur. Scripſi Hildeſii d. xxviii. Aprilis anni c10 100 LXXXXVI.

*Conſtitutio Epidemica Auguſtana
Ann. 1699. & 1700.*

DN. D. LUCE SCHROCKII,

Academiz Cæſareo-Leopoldinz Naturæ
Curioſorum Præſidis.

UTi anni proxime præcedentis exitum zephyri, pluvioli & tepidi, vehementia comitata fuit, ita præſens annus 1699. ſimili cum auſtrina temperie incepit, atque tam conſtans venti hujus, cum Auſtro tamen & Africo ſubinde reciprocantis, ſeroſia uſque ad ſolis in Aquarii ſignum acceſſum notabatur, ut incolarum nemo tam diu horum impetum continuafſe recordaretur, & rariora ac breviora hyemis indicia intercurrerent. Et quamvis auſtrina conſtitutio alias peſſime Medicis, ipſi etiam Hippocrati Sect. 3. aph. 5. non bene audire ſoleat, hic tamen vires exerere ſuas non valuit, ventorum potentia atomos morbiſicas, quæ

in putredinem proclives, & ærem inquinare aptæ fuerant, ſeliciter ubique diſcutiente; impedire tamen eadem non proſus poterat, quo minus ex collectis jam antea, & porro hucusque coacervatis lymphæ ſuperfluitatibus, æreque interdum frigido inſenſibilem tranſpirationem retardante, pleuritide aliquæ corripereſcerent; Catarrhi autem in prægreſſo Decembri faucibus inſeſti, nunc magnam incolarum partem, gravius mitiusve, & modo fauces ſolas, ſed rariuſ modo, ſimul & frequentius peſtus, ſive glanduloſam aſperæ arteriæ texturam ex improviſo, cum horrore occuparent, concomitante ut plurimum capitis dolore, & febrili intenſo calore ſubſequentē (ſed diaphoretico ſumpto paucaſ intra horas denuo recedente) nec non diuturniore, dum reconvaſcentes æri citius quam decebat ſe exponebant, tuſſi humida ſuperſtite, qua multum craſſi ſputi expellebatur. Et hæc anginæ nothæ ſpecies hyemali tempore quod epidemica evaſerit, quæ alias inter vernaſ morbos ab Hippocrate Sect. 3. aph. 20. reſertur, minus mirari licuit, cum præſens hyems naturam primæ veris induerit, ſicque prægreſſum menſibus prioribus frigus viſcoſi ſeri collectioni anſam cum dediffet, mſtior illa ſuccedens temperies fluxionem ejusdem ſive liquationem promoveret. In ipſa morbi invaſione, quæ ſuffocationis metum ſæpe incutiebat, aliquot olei amygdalarum dulcium, aut olivarum cochlearia præſentaneo cum emolumento fue-re propinata, reliquum autem curæ blandis diaphoreticis, cephalicis temperatis, expectorationem promoventibus, aliſque pro circumſtantiarum, & ſymptomatum diverſitate, externis etiam, emplaſtro de meliloto, malactico ſimplici, & officinis noſtriſ dicto filii Zachariæ, non inanes ſuppeditas ſerentibus, abſolutum fuit. Qui ipſi catarrhi, faucibus, pectori, dentibus inſenſi, in vernum uſque tempus, mitiores tamen ut plurimum, epidemice-graſſari continuarunt. Præter hos morbilli quoque plurimos in puerili in primis ætate, licet nec adultioribus parcerent, invaſerant; & per aliquot, vernaſ etiam, menſes ſe exeruerant, benigni tamen & facile iterum diſſipati, quamvis intenſo ut plurimum calore incipientes, quin & capitis eryſipelas in multis notabatur; moleſta quidem febrili incaleſcentia, tumore & pruritu periodum ſuam decurrens, & cum cuticulæ deſquamatione, moderatogue ſub caloris externi regimine non diſſiculter admodum iterum evaneſcens.

A a

Erant

Erant eodem, & subsequo tempore, quibus febricula, hectica fere æmula, & quotidie calore quodam præternaturali, vel præcordiorum, circa ventriculi superius orificium compressione, incerta periodo recurrens, cum appetitu imminuto, siti vel nulla vel tolerabili, & virium lassitudine, infesta fuerat. Tinctura autem bezoardica bis in die, sine sudoris coactione, sumpta, interpositoque pillularum nostratibus Immanuelis nominis venientium usu, citiori vel tardiori circuitu; prout causa morifica, viscosa, in glandulis fortasse minoribus ventriculi vicinarumque partium hærens, incuneata magis vel minus erat, sine periculo finita. Licet & hectica febriculæ pueruli ætati infestæ essent, a collectis viscidis acidisque in sanguine particulis, & glandulosas in primis viis partes obstruentibus oriri a me creditæ, essentiisque alcalicis & absorbentibus terrestribus medicamentis, post laxativorum usum, maturæ propinatis, non admodum difficulter abigendæ.

Dehinc eurus, penetrante quidem frigore, serenos tamen dies comitante, nos aliquandiu infestabat, cum sol in Aquarii signo esset constitutus; quo tamen dimidio emenso, novus zephyri, ab Africo sæpius intercurrente adjuti, impetus ingruerat, ac nives plures spargebat, quæ vero brevi, cum æris temperies ut plurimum ad temperatiorem statum inclinaret, iterum liquecebant; usque dum aer non multum amplius a ventis agitatus, aliquot ante æquinoctium vernale diebus copiosam nivem demitteret, atque exin frigoris inclementia per longum tempus nos afficeret, sub potiori zephyri dominio, qui post calendas Majales vehementia sua vernalium deliciarum proventus tardabat, tandem in longiores pluvias resolvebatur; cui cum circa solis in Geminos ingressum eurus succedens serenitate gratæ calidiore temperie nos refecisset, lætior terræ facies vernantes suas amoenitates eo liberalius protruserat. Sub vario deinde, modo pluvioso, modo sereno Jove, præter reliquorum ventorum reciprocationes, zephyri potissimum nova violentia concuti aer cœpit, usque dum euro leniori spirante, calor æstivus mense Julio constantior ingrueret, Siriusque campos exsiccaret, messem quidem ita maturiorem nec illaudabilem reddens, succum tamen granis cerealibus, ut jussu maciora existerent, subduceret. Interea febres continuæ petechiales, quandoque insuper pustulis miliaribus aquo-

sis stipatæ, interdum vero malignitate eodem non carentes, sine tamen istiusmodi efflorescentiis periodum suam absolventes, cum horrore, virium prostratione, cephalalgia, dorsi dolore quandoque & siti non admodum molesta, nec appetitu prorsus prostrato incipientes, per urbem, usque dum Virginem sol accederet, notabantur: non paucis, inter succedentia in morbi progressu deliria, & faucium ariditate, exitiales factæ, ubi vel ab imperitis tractatæ, vel per initia neglectæ, aut etiam decumbentes immorigeri monitis Medicorum fuerant, quam ipsam ob causam habitantibus in pagis vicinæ nostræ Hebræis non levem cladem in Majo attulerant: Laniorum etiam familias in urbe, quas præ alii invaserant, crebris funeribus contristaverant: ast in principio ubi ex arte tractabantur, non admodum refractarias eas notare licuit, ita ut etiam in prima, quod dicitur herba, oppressas, paucoque alexipharmacorum, tincturæ bezoardicæ, theriacæ cœlestis cum chinchinæ extracto &c. usu abactas non una vice notaverim; sicut etiam reliqui sub tepidiori per morbi decursum corporis custodia, per continuatum diaphoreticorum usum haud difficulter evaserant. Alvus in nonnullis obstructa per plures dies nullum incommodum attulisse, nec somnolentia in morbi decremento diutius instans nocuisse observabatur.

Sole in Virgine versante, cœlum, euro crebrius perflatum, humidius & frigidiusculum primo, postea constanti radiorum solarium præsentia animarum, denuo excalescens cum esset diarrhœæ simplices, paucioribus cruentæ tenellam præsertim puerilem ætatem, immo vix dum in lucem editos foetus, hoc æstivo tempore infestarent, excretionem aquosa, pituitosa, acidum redolente; quorum agrotulorum magnam partem, ob parentum, & qui curam puerorum agebant, negligentium, remediorumque intermissionem trucidarunt; quibus enim medicæ manus prudenter adhibitz, non infelici-ter evasisse, atque coralliorum in primis, aut terræ signatæ pulverem, cum theriacæ cœlestis tantillo maritatum, aliaque stomachi fibras roborantia conduxisse notavi causam vix aliam fuisse suspicatus sum, quam pulmentorum ex farina cum lacte coctorum esum, quæ ipsa farina ex tritico ante annum tempore humido cœlo collecta, atque exactam maturitatem non adepto parata, plurimas crudiores particulas absconditas, non infrequenter mucidam, quod sapor odor-
que

que testabatur, corruptionem expertas habuit, quæ dein tenero in pusionum ventriculo in liquorem acido viscidum abeuntes, digestionem viriarunt.

Interea etiam magna illa Solis eclipsis d. 23. Septembr. comparuit, quam multi nostratum ex plebe, vana persuasione seducti, licet multum reformidassent, ut sanitatis inde iacturam sic fecissent, haud mirari quis potuisset, quamvis nec tunc temporis, nec postea ullos morbosos effectus observare datum fuerit, quæ enim in Octobri, & Novembri lymphæ stagnationes in plurimis odontalgias, & catarrhos leviores producebant, æris potius, quæ eclipsin a d. 27. Septembr. usque ad d. 27. Octob. insecta fuit, inclementiæ, nebulis crebris, pruinis, pluviis, frigore horridæ debebantur. Ipsa solis obumbratio, quam cælo prius admodum sereno, nubium sparsarum ob orientali plaga progressus antecesserat, cum sensim incretceret, remissioremque caliginem induceret, eurus subito exorians, non tamen impetuofus, horridiusculam auram reddidit, campique, ex nonnullorum relatione, quasi rore maduerunt; quæ tamen cuncta tum obnubilatione cessante, & ipsa recesserunt.

Sol in Scorpionis signum ubi pervenerat, & eurus præsertim, ad meridionalem tamen plagam quandoque inclinans spirabat, plures serenos frigidiusculos numeravimus dies, matutinis tamen crebris nebulis turbatos. Novembre autem ineunte, zephyrus (qui altero post solis in Sagittarium ingressum die vehementissimus erat) temperatiores eos, varietque constitutos, ut plurimum tamen serenos reddidit, & tandem sub multifaria in Decembris æris alteratione, atque cum reliquis ventis, videlicet primum cum euro frigido, circa medium mensem Austro temperato, & tandem Borea frigido alteratione, in nives, & frigus despumabat. Nec singulares morbi notabantur, nisi quod in dicto mense ultimo puerilem ætatem, non quidem admodum multos, Variolæ benignissimæ, quas nostrates aureas dicunt, quibus vero majores pustulæ, longiori quam priores decursu finitæ, in nonnullis interspersæ fuerant, occuparent; omnes tamen absque singulari periculo paucis temperatioribus remediis, & blando externo regimine facile abigerentur; insuper febres quotidianæ, quales jam circa anni principium infestæ fuerant, repullulascerent: quæ majori cum calore, sine horroris ut plurimum sensu

ingruebant, & facile in hæticam declinabant, difficilioremque in multis curam reddebant; tandem tamen, cum interpolato laxativorum usu, pulveribus absorbentibus, nitratis, chinchinatis, martialibus medicamentis cedebant.

Principium anni 1700. serenitate, frigori juncta, cum se commendasset, paulo post varia cæli facies, nebulosa, nubila, nivosa, pluviosa, serena, frigida, temperata comparuit, quin & d. 28. Januarii tonitruum ac fulgure tempestuosa exstitit, cum per aliquot dies zephyrus, hucusque semper, nisi quod ad semimeridionalem plagam sæpius inclinaret, se exserens ærem multum prius concussisset; qui etiam venti M. Februario continuarent, & hyemale frigus constans inter nives sæpius delapsas, induxerunt; quod circa solis in Pisces ingressum ab euro incrementum sumpsit, nivæque, in M. Martio sensim liquatas, subinde spargere non intermisit. Interea Januarius febres quotidianas in fine præcedentis anni memoratas producere non prorsus cessabat, & nonnullos apoplexia, diverso fato terminata, alios rheumatismo artuum superiorum, qui usque in Aprilem, juxta cum febribus nominatis notabatur, atque a repetitis sudoribus, præcipue quos Laconicum coriariorum proiciebat, soluto, infestabat. Infantes autem in glandulis faucium ipsisque pulmonum vesiculis, non sine febrili incalescentia invadens, atque grave asthma inducens stagnatio periculo non levi exposuit, multosque eorum, præsertim aut serius, aut negligentius curæ commissos in sepulchrum præcipitavit, cum reliqui orgasmum istum refrænantium absorbentium, & viscosam colluviem blande per alvum sputumque educantium usum salutarem experirentur. Quæ cuncta sicut inæqualitati æris, lympham modo incrassantis, modo in fluorem iterum aliquantis deberi arbitror; ita ejusdem etiam æris effectum fuisse non dubito, quod diversas puerperas abdominis præcipue in hypogastrica regione tormina corripere, eaque lochiorum evacuationem non ad votum succedentem, & hinc ex sanguinis stagnatione nervosam fibrarum tensionem inducentem comitem haberent; quæ ipsa medicamentis castoris, aliisque fluorem sanguini debitum blande restituentibus, ac viscosas impuritates una per alvum eliminantibus ideo cedebant. Ab eadem æris inæqualitate etiam, antequam æquinoctium vernum advenisset, Icteri, Martialibus remediis debellati, & febres

petechiales continuæ, cum cephalalgia ingruentes, in quibusdam pleuritide comitata, cæterum nihil singulare ostendentes, nec admodum lethales, usque in Aprilem, frigidum, & primo quidem ab euro serenum; postea succedente zephyro, cum semimeridionali vento alternante pluviosum, sparsim ut vix epidemicos inter morbos referri mererentur, notabantur, sed Majus, crebros zephyri status expertus, gratiori cœli amœnitate illuxit, in fine tamen frigidus evasit, morborumque seminia (præter Variolarum, nunquam uti hætenus, ita per totum reliquum anni decursum plane cessantium) prorsus suppressisse visus est; quos nec postea repullulare variorum ventorum, ærea, si quæ ingruerent, inquinamenta ex omni mundi plaga dissipantium vicissitudo, sub grata calidioris, nec non temperationis auræ alternatione, permiserat. Quamvis postea per æstatem febres quotidianæ, & rheumatismi subinde denuo caput extollere conarentur, inque mense Augusto dysenterici aliqua vestigia notarentur, vix tamen memorari hic merentur. Post caniculares dies primo frigidiuscula aura spirabat, postea longior aeris serenitas non levem terræ siccitatem inducebat, usque dum post æquinoctium autumnale zephyri vehementia, ab aliis ventis sæpe interrupta, crebras pluvias suscitaret, repidioremque ut plurimum auram redderet, quæ austrina constitutio, paulo post non tantum Variolas in plures infantes diffuderat, sed etiam tussis contumaces in multis, & febres petechiales in quibusdam produxerat; & has quidem non sine contagii nota, ut integræ etiam domus alicubi inficerentur, & non pauci succumberent, quos tamen non tam morbi violentia, quam quod negligenter, & imperite, præsertim a stupida fœdi carnificis temeritate, quæ nescio quo infortunio plures dementaverat, tractarentur, mortis prædam fecerat, cum alii rite & mature curati, paucis assumptis alexipharmacis, primos morbi impetus prorsus, vel intra biduum retunderent, vel salvi tandem evaderent. Omnes præcedaneo horrore, subitam virium prostrationem & præcordiorum oppressionem patiebantur; nonnulli cephalalgia per initia torquebantur; deliria vero & inquietudines interdum subsequerentur, sitis rarius urgebat, nec calor præternaturalis externa indicia aderant; urina ut plurimum & pulsus non multum a naturali statu recedebant. Talia etiam civis cujusdam uxorem cum filio 17. anno-

rum invaserant, qui empiricæ etiam illius imperitiæ expositi mortui sunt. Filia autem 19. annorum eodem malo correpta in morbi augmento vermem duas spithamas longum mortuum vomitu excreverat, motibusque membrorum convulsivis & continuis deliriis agitata, nil cibi & medicamentorum ulterius assumere voluerat, quin & potum omnem, quamvis fauces aridæ essent, & mucos viscidissimo incrustarentur, per biduum respuerat; quæ tamen, cum utriusque humero vesicatoria applicare curassem, tumque ipsa deglutire iterum aliquid inciperet, sicque cephalicæ alexipharmacis mixta admitteret, mentem paulatim & membrorum tranquillitatem resumpserat, & circa tertiæ hebdomadis a decubitu finem suborta diarrhœa evaserat. Altera filia duodecennis tertio, & quarto morbi die vomitu crebro agitata, nil cibi, potus vel medicamentorum retinere poterat; data vero theriaca cœlesti cum chinchinæ extracto motus ille ventriculi perversus sedatus est; die autem decimo caput intumescere, & immensum dolere cœpit, sed propinatis ibidem cephalicis, & alexipharmacis, nec non vesicatoriis utriusque humero impositis, parotidisque sinistræ tumore suborto, postquam ille a cataplasmatibus usu discussus fuisset, atque diarrhœa supervenisset, convaleuit. Filia 15. annos nata, & filius undecennis parem morbi insultum passi, intra octiduum sanitatem recuperarunt. In omnibus his sudor fere nullus prolici poterat; maculæ etiam punctulares lente, nec satis ad votum prodierant. Pater prima morbi indicia sentiens, sumpta bis tinctura bezoardica, ejus violentiam elisit, inter medicamenta etiam pulveris nostri alexipharmaci officinalis, qui ex terr. sigill. C. C. phil. præp. rad. angel. Zedoar. cort. citr. & myrrh. componitur, repetitum usum in primis proficuum expertus sum; qui non tantum lymphæ visciditatem corrigere, ejusque coagulum resolvere, sicque ad diaphoresin disponere, sed etiam balsamicis suis partibus sanguinem a corruptione præservare valuit, tussis magna vehementia adultis æque ac pueris infestæ, convulsivi aliquid alere visæ fuerunt, & magnam humoris viscidii copiam excreverunt; quibus vero, ut alia taceam, continuatum herbæ theæ vel veronicæ, cum radice liquiritiæ infusæ usum præcipuam medelam attulisse observavi. Quo sub Morbonæ dominio reliquum anni, varias cœli mutationes, temperatiorem in primis auram produciens; transigimus.

Con-

Constitutio Epidemica Berolinensis
Ann. 1699.

DN. D. GUSTAVI CASIMIRI
GAHLIEP.

von der mühlen.

Ianuarii imo dies tota pluviosa, vespertino tonitru sexies satis vehementer roboante insolito, & hoc saltem tempore raro phænomeno tremendum edidit ostentum, ada inconstans mane ex parte serena, & sicca, reliqua nimbis ingrata. 3tia mane pluvius molesta in Caurum a meridie valde impetuosum desit. Sequentes ad decimum varii ut plurimum pluvius, quandoque nivium flocculis mixti, nonnunquam frigore temperato in grave tandem gelu degenerante distincti; succedente demum nive, hisque pluvius, vernam fere cum sudo temperiem ad 19num usque reducentes, cælo nimirum de die sereno; noctu vero gelido, revertente sic paulatim fortiori gelu, triduum durante; tum vero rursus in pluvias ac temperiem aëris leniorem per quadriduum declinante, ac succedente denuo 27vo gelu satis acri sed ephemero, in nebulosum, & pluviosum quadriduum una cum mense terminante.

Februarius eodem typo cœpit, mox vero ado, succedente gelu ad 11mum usque continuavit, in pluviolam vesperi solutum, sed 12mus mane rursus gelidus, cælo quidem obscuro & flocculos subinde nivosos spargente, octiduum continuavit; 19nus tandem remissior toto biduo pluviosus ac nimbosus. Verum 22do post mane obscurum sequens 23us sereno cælo pluvias ac grandinem miscuit, succedente post pacatiori 24to, rursusque nimbofo, ac nivoso 25to, tandem a modico mane gelu in amœnum triduum 28vo & ultimo transiit.

Martius a pauca nive, sereno mox rursus cælo exorsus variis, & inter se alternantibus tempestatum vicissitudinibus, Aprilē potius referens, nivibus pluvias, gelu deliquia miscens ad 12mum usque perrexit. Constantiori postmodum frigore, sereno ut plurimum cælo, nivibus, nonnunquam parvis interpolatum ad 24tum usque continuavit. Inde remittens, post biduum pluviosis quibusdam aspersum, vespeream versus clarescens, 27mo in amœnam serenitatem, sequenti tamen 28vo turbida tempestate, nimbis, pluvius, ac grandine sœda interceptam,

mox vero tolerabiliori biduo redditam, 30mo una cum trimestri hoc primo in vernam amœnitatem desit.

Morbi hujus trimestris initio frequentiores ac epidemice fuerunt præcipue febres peculiare catharrales, malignitatis non expertes, difficiles, periculose, & quibusdam exitiose, quibus ardentes postea succedere, pleuritide ut plurimum comitate, eaque acuta quandoque, & maligna, nonnullis lethali, tandem variolæ. His ob varium adeo cælum Februario mense substitutæ febres acutæ ardentes, & continuæ intermittentes, aut subinde potius exacerbant, malignitate ac petechiis infames, aliæque paulo mitiores quidem, sed variis exanthematis, purpura, morbillis malignitatis latentis indicibus scæte, quæ & sequenti Martio, totoque adeo trimestri, & ultra durarunt, ac haud paucos ad plures miserunt.

Aprilis primus cœptam sub finem mensis præcedentis amœnitatem vernam, quibusdam 4to præsertim, 6to & 8vo cum æstivis de serenitate, & æstu certantibus, ad nonum usque serie vix interrupta, nisi nubiliū, utut rarius, horis potissimum pomeridianis intercedens, cælum variationis insinulaveris, continuavit. Sequens quadriduum a nono ad 10mum serenitati pluvias induxit leves ac sœcundas. Inde ad 18vum euro in aquilonem paulatim deviante, aër quandoque serenus, ut plurimum turbidus, succus tamen, simulque frigidus, nonnunquam ventosus, 18vus serenus fere totus, circa vespeream sœcundam sparsit pluviam. Succedente hinc cum sudo temperato, & ameno octiduo, 21mum procellosum, & subfrigidum si exceperis, ad vigesimum septimum usque, qui varius, mane turbidus a meridie tonitru, pluvia ac grandine horridus, circa vespeream demum serenus, triduo comitatus, turbido tandem in pluviolam sub ipso mensis exordio delituit.

Majus tota, & amœna serenitate ver initiavit, sed a successore paulo asperiore, aquilone nimirum afflante, destitutus, zephyro tandem subeunte in pluviosum transiit quadriduum a biduo sereno denuo exceptum, sed 10mo sub vespere pauca aspersum pluvia. 11mus mane serenus a meridie sudus, successore 12mo sereno ac sicco interferto, pluvium & circa vespeream tempestuosum substituit triduum. Cui biduum æque turbidum, sed præcedenti ternario siccus accessit, donec 18vus serenus & amœnus vernam gratiam ac jucunditatem, quindecim die-

dierum continua serie ad ipsum usque mens terminum durante redintegravit.

Junius eodem quidem tenore inchoavit ac biduo ad vespere usque sereno continuavit, in pluviam vero satis grandem aut imbrem potius & tonitru circa hanc defecit, 4tus nubilosus, & frigidulus, siccus tamen successorem tota die Cauro impetuosius flante nimbosum habuit, triduum tamen serenius & amœnius accersentem, ad nona (quæ pentecostes prima erat) usque meridiem in pluvias fatigentem, 10mo succedenti vario, turbido ac subinde madido, 11mo mane nubiloso a meridie claro, 12mo sereno, amœno ac temperato toto. Huic 13us mane serenus ac ventosus, a meridie pluviosus, Iride bis apparente, ac biduanam serenitatem nunciante, notabilis successit. Quæ tamen a biduo inconstante excepta, quatrimum addidit paulo constantius, mox tamen in biduum e sudo & pluviis mixtum desciscens 21mum totum pluviosum ad meridiem usque 22di a meridie clarescentis succedaneum habuit, 23tius sudo & æstivo calore gratus. 24tum ejusdem amœnitatis ad occasum usque solis imbre degenerem, socium sibi ascivit, ut & triduum sequens, & pluviolis tamen quandoque madens, 28vus pluviosus a 29no siccus & a meridie sereno correctus, cum 30mo toto æstu ac sudo acceptissimo ultimum secundæ hujus anni quadræ mensem clausit. Trimestre hoc secundum morbos haud adeo frequentes aluit præter scorbuticos nonnullos aliis ut plurimum complicatos, utpote arthritidi vagæ, nephritidi, colicæ. Febres quasdam catharrales, quandoque, utut rarius malignas. Majus scorbuticis prædictis hypocondriacos quosdam, & at raro maniacos junxit. Hisque epilepsias infantum præsertim, & puerorum diarrhoeas, subinde, & dysenterias hoc anni tempore alias insolitas, febres quasdam cum colica scorbutica aut hysterica passionibus combinatas accensuit. Junius his malignas nonnullas cum pleuritide, quandoque & in peripneumoniam degenerante concurrentes, exanthematum quoque miliarium peculiari quodam genere, ut & petechiis, iisque periculosis ac quibusdam lethalibus, infames superaddidit.

Julii primus dies sudo ultimo Junii inchoatum per quadriduum ad 5tum usque propagavit, cujus vespere pluviolam sparsit raram. Sextus mane serenus, rorantibus subinde tamen pluviarum guttulis, aspersus a meridie imbrem fudit valde largum, sequentes septem nubilo, aliquando & imbris

& nimbis turbato cælo varii fuerunt. 14tus æstivum redintegravit sudo, ac excepto 19no tonitru, & pluviis circa vespere turbido, & 20mo pluvia vespertina madente, ad 28vum usque jugi sudo & æstu gavisus est; Hic tandem serenitati huic satis durabili triduum tonitruosum, pluviosum ac quandoque grandinosum succenturiavit, ac 31mo demum sereno & amœno finiit.

Augusto a triduo sic satis sereno, pluviis tamen quandoque interpellato exorsus, 4to sudo produxit amœnum, ad vespere usque sequentis durans, tum vero tonitru horrendo, ac imbre valde largo turbatum, 6to sudo subinde pluvias miscuit, 7mo tonitru superaddidit, subsequente vario quandoque ventoso, turbido ac pluvioso ad 20mum usque cælo, postea vero sereniori ac tranquilliori, non tamen omnino a pluviis immuni ætheri abblandivit ad 28mum usque; una cum triduo sereno toto, ac æstivo calore amœno, mensem hunc claudentem.

September sudo æstivo fervore jucundum primo die continuavit, 2do a meridie pluviolas quasdam miscuit, sequens nubibus id subinde temperavit. 5tus idem reparavit, a meridie pluviolam aspersit, 6tus a pluviis immunis, 7mus & 8vus raras sereno pluviis intercalavit; A nono ad 18vum æther æstivum, sudo rursus & temperato calore amœnum affulsit, 18vus pluviz paucillo asperfo, 19no & 20mo redintegratum sed frigidulum, 21mo & subsequente biduo paulo mitius, 24to nebulosum, sed mox rursus serenum cum successore toto 26to sudo pluvia maturina modica, ac nubilo postea interpolatum ad 30mum usque adeoque postremum reduxit, sicque trimestri huic tertio gratum reddidit terminum.

Tertii hujus trimestris a priori haud multum abludentis Julius hypocondriacos nonnullas & scorbuticas affectiones variis committatas symptomatibus, & hæc inter præcordiorum præcipue oppressionibus & angoribus molestas; febres continuas ardentes, aliasque paroxysmis subinde vehementibus graves, nec omni malignitate vacantes symptomata periculosa, pleuritides, hæmoptoes, deliria, ad phrenesiam durantia, inducentes. Epilepticos insultus frequentissime, adeoque epidemice diarrhoeas nonnumquam, & dysenterias periculosas, a tergo trahentes. Augustus eodem fere tenore transit, nisi quod febres continuas ardentes, malignas admodum, frequentiores adhuc ac petechiis quoque

que stipatz successerint, atque Septembri quoque continuarint, in hecticam haud raro, tusses contumacissimas, colicas quoque passiones, diarrhœas & dysenterias transeuntes, periculosas, raro tamen lethales, purpura sæpius, variolis raro, morbillis frequentius notatas.

October autumnò congener a primo ad 19num usque vario cœlo sæpius pluvio, viò, raro sereno, semper horridulo transit; Hic serenus, præter parum pluviz 23tio sparsæ octiduum adduxit serenum & 25to præsertim æstivo sudo fere compari, a biduo paulo nebulosiori exceptum, 29no nebuloso turbido ac pluviis raris tamen interpolatum, biduo alio sereniori, sed euro afflante frigidulo surrogata compensavit, tandem postremo biduo in primam glaciem sub ipso exitu dirigit.

Novembris primus, ejusdem cum prædictis postremis genii, serenus nimirum & gelidus, 2dus gelidus adhuc, sed nubilosus ac turbidus sequenti nocte primas sparsit nives, remittente parum gelu, noctu rursus pruina, tum mane nebulam in pluviolam deliquescentem tulit. Subsequentem 5to sicco, mitiori æthere grato, tum pluviosa nocte ad meridiem usque sequentis interferra, inde clarescente rursus aëre post turbidum 7mum, triduum subsecutum sudo temperato valde amœnum ad vesperam usque 11mi pluvia rorantem, cui quadriduum rursus serenum successit, ac 18vum mane pluviolam spargentem, si exceperis, ad 21. usque a meridie pluvia quoque rara cum sequentibus duobus madentem. 24tus ejusque successor nimboſi affecias habuere turbidos ac pluviosos, solo 30mo mensis nimirum ultimo sereno ac temperato excepto.

Decembris primus, & secundus alternatim pluvias serenitati, ille mane, hic vespere subordinarunt, 3tius in gelu pronus a nocte gelida, meridie nivoso, reliquo sereno in triduum brumali frigore rigens transit; 7mus mitior, cum 8vo toto nives addidit; 9nus temperato gelu serenus; 10mus totus nivosus a procellosa nocte in serenum ac temperatum gelu migravit; 11mo fortius; 12mo subtrubido cœlo per triduum subsequens satis rigorosum, in gelicidium tandem desit, 16to nebuloso cum sequente, cœlo etiam sereno paululum remittens, biduum substituit penitus degelascens, sed redintegrato 20mo gelu ac meridiem usque mitiorem, 21mo & 22do nebulosis ac pluviosis 23. a nocte serena gelicidium a me-

sidie adduxit ad 24ti usque sequentis meridiem, in pluviam tandem fatiscentem, 25tus nebulosus ac nubilosus totus mite restituit gelu, cœlo sereno cum nivibus quandoque alternante; ad 31mum usque & postremum hujus ut trimestris sic anni totius, robur successive validius acquirens.

Postremum hoc trimestre, perinde uti priora, febres obtulit varias satis sequentes satiusque vehementes, acutas & ardentes nonnullas simulque malignas pleuritide, & peripneumonia quandoque, ut plurimum febrestis, diarrhœa, cholera, ictero, catharris cum defluxionibus molestis in dentes, tonsillas, guttur, pulmones &c. depluentibus contumacibus; cephalæa, cardialgia, palpitationibus cordis intensis, purpura subinde, morbillis, variolis & haud raro petechiis stipatus. Præcipue autem colica quædam scorbutica valde frequens fuit, prima facie levis, ac haud magni momenti visa; mox vero nunc diarrhœæ, nunc dysenteriz, nunc pleuritidis in peripneumoniam sæpe degenerantis, contumacis, periculosz & haud raro lethalis, Protei instar larvas induens.

*Constitutio Epidemica Basileensis
Anni 1699.*

DN. D. JO. JACOBI HARDERI.

Pincipium Januarii fere ad usque hujus medium, varia tempestate eaque subita dyscrasia ac mutatione, novi anni auspiciis præludit: imminente paulatim novilunio cœlum læta serenitate, aerque desiderato pruinæ incremento ac siccitate ad usque finem hujus mensis favere perrexit: inde vero obscurior aër ingruit, Februariique initium nunc nebulosum fuit, nunc pluviosa cum nive mixtum, ventis per intervalla fortiter spirantibus. Pleuritides & pleuropneumoniæ cum febribus continuis jam frequenter homines invadebant: neque catharri serini iisdem pepercerunt, variolis teneriori infantiz subinde infestis.

Martii principium pluvialis nix ingratum reddidit quæ instante plenilunio, magna & insolita cohorte, arva montesque adeo obsedit, ut itinerantibus non parvo fuerint obstaculo: inde blandiore accedente aëre, nix paulatim fundi, & fertilis tempestatis spes major affulgere cœpit: usque tamen interpolata circa finem hujus, & Aprilis initium pavales pluviz, eandem rursus extinguere cœperunt. 8. 9. & 10. April. inter-

diu

diu calore blando terræ gremium reficiente, noctu vero pluvia cum tantilla nive idem irrigante, febres continuæ hoc tempore satis adhuc infestabant.

Dies 18. April. calidiuſculæ pluviz fugata in arvis, montibusque adhuc dum hospitans nix maxima ſui parte, aſſulgente, deinceps ſerena tempeſtate, cum exoptato calore ſolis, ſorum fructuumque ſecundo parente, tantum non prorsus evanuit.

Maji initium multa pluvia comitabatur, in montibus hic illic nive per intervalla interſperſa inde optata tempeſtas ingruit, ſolis deſiderato calore ſingulis terræ fructibus & ſeminibus, in vitam excitatis, cujuſmodi in Junium uſque & ultra ſecundiffime continuavit: Julius, quem canicula promittit fervorem minus largum, ſenſit frequentibus pluviis præter votum illum attemperantibus: neque ejus deſectum Auguſtus majori calore, quem ab hujus medio ad finem uſque demum experti ſumus ſarcire potuit, unde uvarum maturitas quam Septembri mortales præſtolantur, verſus finem uſque hujus a nobis deſiderata fuit; & quamvis dies calidi interpolate alluxerint, noctes tamen frigidiuſculæ, eandem non parum ſufflamina-runt. Sub finem Octobris nivalis tempeſtas jam ingruere cœpit, quæ ſubſequentibus hinc Novembri & Decembri menſibus, in primis circa medium finemque hujus cum multa Brumæ ſævitia, ingravit; præter febres continuas & in quibuſdam locis ſatis malignas, alii morbi rarius frequentes erant,

DN. D. RUDOLPHI JACOBI
CAMERARII,

Academici Naturæ Curioſi,

*Schediaſma Tubinga miſſum ad Hiſtoriam
Epidemicam.*

Anno 1699. & 1700.

Laudabile eſt inſtitutum hiſtoriz epidemiz Germanicæ, in appendicem ephemeridum ab annis aliquot referri ſolitæ, quod ex multitudine obſervationum per diverſas provincias collectarum progreſſu temporis acquirendam ſpondet notiſſimam meliorem & pleniorẽ de ſubdolis, alias & occulte, ut ut populariter, graſſantibus morbis. Hanc ego collectaneorum ſupelleſtilem hac qui-

dem vice non venio locupletatum, nec plenam deſcriptionem conſtitutionum utriuſque anni hic inferere neceſſe duco; Quoniam qui ſuis temporibus graſſari ſolebant catharri & inflammatorii pectoris morbi, quæque inter-currebant variolæ, cum aliis levioribus, tanti momenti non videbantur, epidemicarum autem febrium præſtina frequentia & malignitas ab aliquot retro annis per Dei gratiam in urbe dominium non obtinebat: Sed ea ſata, quæ per tristes olim annos communiter plures experiri ſolebant, jam paucis & vel uni atque alteri ſolum obtingere, idque modo quodam ſporadico potius quam epidemico, hoc annotare cum licuerit, communicare etiam operæ pretium viſum fuit.

Exemplum quod huic rei fidem faciat ſingulare pro an. 1699. ſuppetit in una domo, ſcilicet Aprili menſe primus in familia pater, vir robuſtus, idemque hætenus ſanus bibliopegus, febre maligna plane ex improviſo morboque acuto abripitur. Hunc poſt breve tempus, liberis interim etiam correptis, evadentibus omnibus, intra menſem ultima ſequitur in familia mater; ſic viduata domus, cum altum de ſimili malo in urbe eſſet ſilentium, nec per hunc annum ante & poſt ita acute abriperetur quiſquam. Nihil etiam contagii hinc retulerunt vicini, aut qui alias tristes illas ædes viſitarunt. De cauſa illa manifeſta non conſtabat. Audiebantur quidem tum temporis hinc inde varii pauperum morbi ſub annonæ caritate ob diætæ vitia, vertigines, tormina, alvi fluxus, ſed hæc in pagis potiſſimum, minus in urbe. Conſtitutio autem æris per iſtum menſem, utut ſæpe blanda, mitis, velut æſtiva, hinc & leviter tempeſtuſa, in principio tamen & fine fuit frigida, humida, cum & vicinis alpiſus diu inhæreret nix, quin nova ſub medium, & finem ibi caderet.

Pro anno 1700. duo ſuppetunt exempla, notata in binis ædibus: ubi principium continuæ non communis febris iterum deducendum eſt a menſe Aprili, qua ſub ejus finem correptus fuit ſartoris filius, abſque omni, quantum quidem conſtat, cauſa evidenti, nec ab alio quocunque infectus. Hunc ſequitur ſoror major, hanc minor natus; omnes medico nullo conſulto vel abſque vel cum medicamentis, ut ajunt, domeſticis evadunt, ita tamen ut ad quinque & ſex ſeptimanas protenderetur apud ſingulos plena convaleſcentia. Quarta in ordine mater demum die ſeptimo vel octavo Ju-

Junii (non enim simul tres priores personæ decubant; sed, una fere resurgente, dejecta fuerat altera) cum male habere circa præcordia inciperet, sumit purgans, nescio quale aut cujus suavis, & movetur fortiter, sed abhinc statim lecto affigitur, alvum ad tredecim dies habet clausam, tunc suppositoriis & enemate tarde & parce motam, jacet soporosa, omnium negligens, excitata & interrogata sibi non male esse dicit; tandem subdelira, nullis usa medicamentis, in tertia demum septimana die vigesimo quarto Junii moritur, livide post mortem nigricans. Ipso die sepulturæ frater defunctæ, lanio robustus, quinquagenarius, tabellarius, post varios quidem errores dixit, largos certe in vino excessus, ægrotare incipit, sc. prævio horrore maligne deijcitur die vigesimo sexto Junii. Dicitur autem turbatus & vestibus indutus die mansisse extra lectum, ludens, garruens, cum pulsus præ spasmodis jam explorari vix posset, &, ut ajunt, pleuriticus. Quidquid sit de ipso, quem non vidi, moritur satis acute mane diei secundi Julii, convulsus. Abhinc terrore perculsa alterius fratris uxor etiam deijcitur, sed evadit; Cum vero insuper binæ personæ aliis in ædibus, quibus cum ista familia nihil intercesserat commercii, febre, sed mitiore & remittente, corripierentur, caderetque vir sanus hæcenus ex improvise apoplecticus lethaler, imo de subitaneis per patriam casibus tristes hinc inde advolarent nuntii, magna utique tum pavidorum commotio. Sed redeundum ad ædes factoris. Die altero post sepulturam matris, filia annorum septendecim nondum menstruata, mane circa horam octavam ægrotare incipit, friget, a meridie incalescit, atque ita hinc continenter febricitat, ut extra lectum plane non degere, quin sæpe in eo ne quidem se erigere posset, plerisque tamen diebus horas matutinas experiretur meliores, pomeridianis autem sentiret exacerbationes omnium symptomatum, quorum præcipua erant dolor capitis, & ut aiebat cordis, cum levi afflicta, alvo tarda, pauca, siti non nimia, appetitu nunquam pleno abolito, lingua mucosa, molestia quadam deglutitionis, & maculis, (uti & priores omnes) absque singulari delirio, mittens urinam nunc rubram, cum nebula post moram crassalvide pallida. Hæc filia post dies quædecim evadit feliciter, usa decocto rasuræ cerv. rad. glycyrrhiz. sem. fœnicul. peribis pannonicis, alexipharmaco, ceridenham Opera Med. Tom. I.

vino, (prout hic in officinis juxta descriptionem B. Parentis in gratiam pauperum prostant minus pretiosi) bis in die aut ter, alternis enim noctibus dabantur grana quatuor extracti bezoardici, descriptionis ejusdem, cum vehiculo & mixtura aquarum melissæ, card. beued. cerasor. tiliz, Syrup. acerosit. citr. cui addebantur cornu cervi ustum, antimonium diaphoreticum, & tinctura bezoardica, cum pulveres illos porro sumere recusaret. Tandem ultimus in domo pater, die duodecimo Julii languere visus, sibi que metuens, ne ordo jam ipsum tangeret, a deglutitis noctu septem pilulis bezoardicis, & drachma dimidia theriacæ Andromachi mane in vino hausta, largiter sudans præservatur, nihilque ultra mali passus, finem ita imponit malæ febre, inducias hinc iterum urbi nostræ (utinam bene longas) concedenti.

Hæc de hac familia. Interim alibi in urbe lotrix, cum prioribus non communicans, circa idem tempus cum ista muliere, sc. die octavo Julii, post loturam linteorum, sub horam vespertinam septimam horrore gravi correpta, hinc ob æstum, sitim, acutum capitis dolorem, cardialgiam, tussim frustraneam, dolores costarum pleuritidem æmulantes, die decimo Junii mane venam secari jubet in brachio (unde sanguis extractus mora temporis nullam contraxit crustam, sed mundam servavit superficiem) decursu dierum mane, & meridie melius, a vespera in noctem semper pejus habet, tum dyspnoica subinde, & subdelira; Die decimo tertio mensis observantur in collo ipsius & pectore maculæ minutæ rubentes, die decimo octavo per collum efflorescentes vesiculæ milliares; Alvus die decimo quarto ante meridiem sponte novies non torminose soluta per morbi decursum manet lubrica, laxior communiter sub exacerbationibus; Urina mittitur nunquam tinctoria, plerunque turbida, cum sedimento post moram laxo, crasso, pallido. Sic afflicta scæmina sub usu prædictorum medicamentorum, quibus hic accesserat decoctum pectorale alexipharmacum, electuarium diascordium, & cortex Peruvianus, evasit feliciter; equidem in sexta septimana jam iterum lotricem agens, notabile adhuc sub declinatione emergens narravit phenomenon, pruritum scilicet fore universalem, valdeque molestum, quo ad fricandum vehementer corpus urgebatur, unde & in squamulas elevata & siccata cuticula abscesserat passim. Ceterum hæc non

uti prior, infecit quenquam, sive nemo ab ea laboravit similiter, nisi quod filiola annorum quatuor eam videretur sequi, febricitabat enim per dies quatuordecim continenter, cum exacerbationibus vespertinis, sine maculis; convaluit autem absque medico ope, cum post longam anorexiam & abstinentiam appetitu ferebatur in lac acidum eoque satiaretur.

Hæc sunt fata familiarum, quas in alta velut pace securas hostis improvisus diversimode aggressus graviter exercuit, modo unam & alteram in domo eligens personam, reliquis parcens, alias nulla prætermissa paucas fataliter abripiens; Ibi in una domo persistens, decursu intra breve tempus absoluto, hic extra domum ad consanguineos, & affines sese extendens, diu tamen protracta successione in eadem, adensem scilicet usque tertium. Illum alias novimus morem talium febrium, quod cum epidemicam minantur invasionem, accedentes subdole & sparsim se prodant, & cum finis earum adest, recedentes subinde tamen, cum minime credis, recurrant; Hic autem neutrum locum habere videtur, sed alia ratione tristem sui memoriam renovasse malignitas; idque non tam hyberno, quo major olim communiter notabantur, quam æstivo potius hac vice tempore, quo Mars apud nos (utinam per Dei gratiam diu) quiescit, & qua mediocre fuit annonæ pretium. Addendum hac occasionem post hyemem inconstantem, ventosa, lutulentam & gelidam, non minus varium successisse vernum tempus, nive iterum albis diu, ad finem usque Aprilis, inhaerente; Junium in specie sæpe, ipso die septimo fuisse pluviosum, ad exundationem fluviorum in utraque circa urbem valle. Respondebant interim tali constitutioni morbi varii, inter quos præcipue hybernæ variolæ, vernæ scabies, pleuritides, peripneumoniz, sub initium Maji perquam frequentes: Abhinc autem inter benignos nec multos morbos observabatur singularis illa malignitas, ad paucas determinata personas. Quibus sub finem pro declaranda temporum istorum de cetero bonitate addi potest, quod a quo tempore fama de novo remedio antidyfenterico percrebuit, nullus observatus inter nos fuerit ager, quo cum ejus periculum fieri potuerit.

S E R I U S M I S S A

DN. D. AMBROSII STEGMANNI

*Historia Epidemica Mannsfeldica
Anni 1697.*

Cum temporum inæqualitas, Hippocrate & experientia teste, plurimos pariat morbos, nec minima utilitas, iudice perillustri Domino Præfide ex epidemica annorum constitutione, diligentique illorum observatione resultet in rempublicam Medicam, operæ pretium duxi & Ego, ut circa Comitatum Mannsfeldiacum ex epidemica constitutione propullulantes morbos, quantum mihi observare datum fuit, annotarem & ephemeridibus adderem. Ab anno itaque 1697. bono cum DEO, initium faciam; Cujus Mensis Januarius incepit gelu rigorofo congelare aquas, & nive conspergere terram ad quintum usque diem, quem inconstans, ingruente ultima lunæ quadra, aëris tempestas excepit, & per reliquos hujus mensis dies mox pluvius, mox nive, mox turbinibus continuavit.

MORBI. Per hunc mensem tumores insoliti hominum capita occuparunt, ut tertio majores extiterint, quos tamen sudorifera, & vesicatoria optime dissiparunt. Sicut & pleuritis notha in gravidas nimium quantum sævit. Nec non catarrhi suffocativi primæ, mediæ & ultimæ ætatis homines invaserunt, qui affectus tamen appropriatis suis remediis auscultarunt.

FEBRUARIUS, inconstante aëris temperie, multis comitatus nebulis matutinis & vespertinis ad nonum usque diem continuavit, quo frigus intensum ingruit & ad 24. quatembris scilicet diem duravit, reliquos hujus mensis dies rursus aër pluviosus, udosus & nebulosus excepit.

MORBI. Mense hoc morbus Hungaricus, superveniente ut pl. 7imo die angina, febresque petechiales multis exitiales fuere. Petechiæ in plerisque absque ullis datis medicamentis 2do statim & 3tio die maxima cum virium prostratione & malignitate eruperunt. Et licet multi his laborantes sanis similes viderentur, tamen præter omnium opinionem die septimo extincti sunt. Die 5to ut pl. in sexu nobiliori hæmorrhagiarum, in sequiori menstrua cum infallibili lethality indicio, erumpebant. Quibus mox ab

ab initio delirium superveniebat, morbo ab-
solvebantur sic, & diversos ex pauperioris
sortis hominibus vidi superstites, qui negli-
gentius vivebant, in frigore jacebant, nec
ullam sui corporis curam habebant. Ex de-
cumbentibus etiam quidam recidivam sunt
passi, ita ut intra mensem bis fuerint pe-
techii insigniti, qui tamen omnes vita pri-
vati sunt. In quibusdam febre hac demor-
rui, facies vivorum simillima & sudore gut-
tatim conspicua, deprehensa est. Admira-
tionem etiam subit, quod bubones pestilen-
tiales, in quibusdam peste, tempore ultimæ
contagionis, olim infectis, hoc mense rur-
sus intumuerint, purulentamque materiam
de se dederint. Optima bezoardica lege ar-
tis & summo studio adhibita respuebat om-
nia hæc febris; Itidemque vomitoria & ve-
næ sect. in principio etiam administrata
erant de nihilo. Sola vesicatoria, quæ ta-
men plurimi recusabant, primis statim die-
bus in diversis corporis partibus simul ap-
plicata, multos eripiebant e faucibus mortis.

MARTIUS & APRILIS mox pluviis &
tonitru, mox nive, mox turbinibus muta-
runt suos dies.

MORBI: Catharri & tusses nimium quan-
tum infestarunt homines, in his Pillul. de
Succin. Craton. it. de Cynogloss. associatis
Elixeris pectoralibus multum profuerunt.

MAJUS insolito aëris fervore & tonitru
ingruit, & usque ad X. diem continuavit.
Reliqui hujus mensis dies pluviosi & ven-
tosi, noctes vero ob flantem Boream sum-
me frigidæ extiterunt, ut & exinde fructus
& fruges ob glaciem obductam frigore sint
tactæ & læsæ.

MORBI. Hoc mense pleuritis, hæmopti-
sis, arthritidis vaga scorbutica, & in primis
febres catharrales multo infestarunt.

JUNIUS intravit rursus insolito aëris fer-
vore, cujus XI. diem Boreas excepit & us-
que ad XX. diem duravit, quo rursus aëris
fervor cum tonitru ingruit, & mensem fi-
nit.

MORBI. Hoc mense melancholia mul-
tos utriusque sexus homines invasit, qui
truculentas manus sibi suisque intruserunt,
supervenit & quibusdam melancholicis epi-
lepsia paucas post horas lethalis.

JULIUS crebrioribus pluviis, flante Bo-
rea, per totum mensem ita molestus, ut
Vulcanus tunc temporis superbiret in nostris
fornacibus.

MORBI. Hoc mense febres tertianæ &
quartanæ, it. Partus difficiles sequiori sexui
periculosi fuere.

**AUGUSTUS, SEPTEMBER & OCTO-
BER** pluviosi, & ventosi flante Borea &
Euro extiterunt.

MORBI. Catharri, tusses, & pleuritis
vagarunt hinc inde.

NOVEMBER & DECEMBER maxime
inæquales fuerunt, & mox pluviis, mox
nive, mox frigore mutantur suos dies.

MORBI. His mensibus icterus in quibus-
dam cum diarrhœa, in aliis cum vomitu,
in plurimis cum tumore ventris observatus
est, & totas familias infecit, paucos tamen
intra dies pillulis meis Martialibus & sale
cachectico Ludovici profligavi hunc morbum.
Sic & arthritidis vaga scorbutica & podagra
multos infestavit.

Epidemia Mannsfeldiaca. Anni 1698.

JANUARIUS frigore intenso per 4. dies
spirante subsolano continuavit, 5to die
aër nebulosus ingruit, 6to & 7mo Aquilone
nivem, d. 12. 13. 14. zephyrus pluvias pro-
tulit, d. 15. 16. 17. 18. 19. 20. Euro-notus
nivem & intensum frigus reddidit. Reliqui
mensis dies, flante zephyro, rursus pluviosi
extiterunt.

MORBI. Tussis, catharri, & pleuritis
notha multis molesti fuere.

FEBRUARIUS pluvioso & australi aëre
usque ad sextum continuavit diem, 7mo
frigus intensum, spirante euro-noto, ingruit,
& per reliquos hujus mensis duravit.

MORBI. Pleuritis, tumores sub axillis
& morbilli admodum familiares fuere hoc
mense omnis ætatis hominibus.

MARTII primi VI. dies, flante zephy-
ro, pluviosi extiterunt, VII. frigus, spiran-
te Euro-noto, intensum rursus ingruit, &
usque ad XX. continuavit, quos reliquos
mensis hujus dies aër meridionalis cum plu-
viis, & tonitru absolvit.

APRILIS totus pluviosus, spirante aëre
meridionali, extitit.

MAJUS eodem aëre & pluviis usque ad
18. diem continuavit, d. 19. Subsolanus ra-
diis solaribus terram siccavit, quam tamen
d. 27. pluvie & grandines rursus humecta-
runt, & ad finem usque hujus mensis per-
durarunt.

**JUNIUS, JULIUS, AUGUSTUS, SE-
PTEMBER, & OCTOBER** mox pluviis,
mox radiis solaribus, & aëre validiori, mox
frigidiori, variante Aquilone & Austro, ad-
modum molesti extiterunt.

MORBI. Licet maxima aëris inæquali-
tas.

tas per totum ferme annum extiterit, minimi tamen morbi has oras visiterunt. Nam præter melancholiam, maniam & furorem uterinum, plane nullus alius in Comitatu Mansfeldiaco per mensem Julium, Junium & Augustum observatus est morbus. Hi autem affectus permultis familiares fuerunt. Nam XV. melancholia VII. mania, & octo-decim furore uterino laborantes meam solummodo implorarunt opem, quibus etiam ad unum omnibus appropriatis suis remediis, & inprimis velicatoriis, & venæ sect. Deo auxiliante, pristinam reddidi sanitatem. Nymphomaniacæ in primis miræ passæ sunt symptomata. Quædam nil nisi obscæna proferebant verba, veneremque intendebant. Quædam insomnia phantastica recitabant, & modo hunc, modo illum Sanctum. I. Principem. I. alium Magnum pro sponsis habebant. Aliæ cantabant, saltabant, & modo in caput, modo in pedes se conjiciebant, variaque absurda immiscebant. Aliæ rythmos componebant, totas paginas e Bibliis recitabant, & chiliaras se profitebantur. Exstitit autem, quod mirandum, furor uterinus contagiosus, nam iisdem in ædibus sæpe 2. 3. & plures decumbabant mulieres hoc affectu. Vidi etiam oculis meis, quod præfecti cujusdam uxor in paroxysmo ejusmodi furente constituta, ex adstantibus mulierculis rusticam quandam virginem ad osculandam manibus arriperet, recusantique colaphum impingeret, ex quo terrore rustica hæc, altero die post, eodem affectu infecta fuit.

NOVEMBRIS initium frigidum fuit, reliqui vero ejusdem dies mox pluviis, mox nive rursus molesti extiterunt.

DECEMBER mox frigore, mox pluviis, mox nive, mox turbinibus annum absolvit.

MORBI. Hisce mensibus variolæ suis maculis primæ, mediæ & ultimæ ætatis homines signarunt. Vidi enim vetulam septuagenario propinquiorem, & virum sexagenario majorem, variolis absque vitæ jactura decumbentes. Sic & bruta a variolis non immunia fuisse, ex quibus pennatæ, utpote anseres & gallinæ, tum domesticæ, tum indicæ, hisce infecta perierunt ferme omnia. Oves & porci vero, quibus expellentia (utpote cineres ex stipitibus fabarum, vel frumento secalino cum urina humana, vel rob. Sambuci &c.) ab Oeconomis curiosis propinata sunt, ut pl. evaserunt superstites.

*Constitutio Epidemica Berolinensis
Ann. 1700.*

DN. D. GUSTAVI CASIMIRI
GAHRLIEP.

von der mühlen.

JANUarii 1mus st. Greg. gelu quod annum præcedentem finierat, cum degelasciente tempore imbris ac nivibus mixto commutavit, & ad festum Apparitionis s. ut vulgo vocant trium Regum usque continuavit, sequenti festum die gelu cælo sereno vires recuperavit; ac per triduum servavit, 10mo rursus & sequentibus; 12mum gelu aliquali & nivibus diversum, cum 16to, 17mo & 18vo blandum gelu nocturnum cælo nubilofo a meridie pluviis rorantibus, si exceperis ad 25tum usque remittens, 26tus priorem vigore reassumpsit, illique nives superaddidit; eoque tenore sequentibus 29no excepto, ad 30mum usque duravit, tandem 31mo ac ultimo illius mensis, pluvioso, a meridie vario desit arthere.

Februarius temperato quidem frigore cæpit, sed nivibus, quandoque alias pluviis, utut raris, interpolato varius fuit ad 22dum usque, a quo redintegrato per triduum brumali rigore, sereno interdum cælo, 25to sensim remittente, 28vo circa vespæram pluviæ tandem delituit.

Quam prima Martii serenus excepit dies, huncque sequentibus gelu nocturnum, subinde & diurnum, nivibus 3tio & 4to operum, succedentibus a 5to ad 11mum satis rigidum, remittens 12mo ad 25tum usque Cauro impetuosius stante noctu valde gelidum, & hujus sequaces ad finem usque mensis, Cauro licet ab Aquilone repulso ab hinc 30mo succedente Euro eodem fere tenore perdurantes.

Morbi hoc anni quadrante præter scorbutum fere endemium ejusque asseclas, ut & cognatum malum hypochondriacum, fuerunt frequentiores cathatri, tusses, febribus, quandoque catharralibus, variis defluxionibus, in genas, dentes, maxillas, guttur, scapulas, ipsum quoque pectus & pulmones, pleuritide item tam vera, quam spuria, indeque ut plurimum pullulante hæmoptoe, hancque nonnunquam excipiente aut phthisi, aut hæctica, haud raro etiam nephriticis doloribus complicata. Præterea febres quoque aliæ variæ, interque illas quædam malignitate non vacantes, morbilis,

lis, & variolis, & purpura sese prodentes.

Aprilis primis diebus Euro-noto spirante paulo remissior, 6to vernæ amœnitatis prænuntio, variantibus subinde ventis & nonnunquam satis asperis flantibus, sereno tamen plerunque cœlo, rarius pluvias rorantes spargens, ad extremum usque diem temperatus fuit.

Cui Majus fere totus respondit, frigidior equidem paulo præter 12mum & 17mum sudo & tempore verno amœnos, ad 22dum in pluvias comite tonitru circa vespæram cum sequenti toto & 24to mane udo solutum, succedente biduo sereno ac temperato, postque 27mo mane pluvio, tandem ad 31mum adeoque ultimum serenus, & amœnus.

Junius serenitatem, & amœnitatem vernam Majo cœptam ad 6ti usque vespæram cum pluvia tonitru advehentem continuavit, 7mus & 8vus præcedentibus nubiliores, circa vespæram rursus pluvius fuerunt, reliqui ad 12mum obscuri & frigidi, sicci tamen; a 12mo vero (20mo mane pluvioso, vesperi tonitruoso excepto) ad 22dum & 23, serena & amœna temperie commendabiles, ac hos inter 14tum, 15tum, 16tum, & 17mum æstivo fere æstu graves fuerunt, subsequentes pluviosi, quandoque tota die ac nubili ad 30mum usque & ultimum mane nubilum, postea præcedentibus serenior.

Morbos hoc trimestre præter prædictum scorbutum & ab illo dependentes cachexiam, dolores, tumores & id genus alia symptomata, febres genuit omnis generis, communes, ephemeræ, intermittentes varias, etiam septiduanam, paroxysmo septimo quoque die recurrente, rarius, si unquam antehac in praxi occurrentem, continuas, ardentes, cum & sine exacerbationibus, catharrales, malignas hæud raro, pleuritide, arthritide, catharris aliisque variis defluxionibus, tussi, doloribus præcordiorum & hypochondriorum, asthmate, interdum convulsivo infecta, purpura, morbillis atque variolis aliisque exanthematis scædas, passionnes item hystericas, nephritides, diarrhœas, hæmorrhagias etiam uteri, &c.

Julii prima dies serenitatem ultima Junii cœptam continuavit; Verum frequentes mensæ fere toto alternis diebus sudum cum pluvius nunc parvioribus, nunc copiosioribus alternando; æstivum sereni cœli æstum sic imbribus & pluvius temperarunt.

Augustus a primo ad 7mum fere pluvio-

sus, triduum ad 10mum usque serenum intercalavit, sequens triduum mane siccum vesperi pluvia maduit, 14tus vento nubes dissipante serenas, 15tum successorem habuit totum udum & imbrosum, 16tum mane pluvium, postea serenum, serenitate triduum continuante, biduum rursus mane nebulosum post raras spargendo pluvias vidimus. Sudo 22do interfecto 23tio nubilo, tonitruoso, ac pluvioso in serenitatem tandem declinanti, 24tus successit serenus & amœnus, atque huic frigidulum pluvius subinde madens ad finem usque mensis septendium.

September facie a primo rorante nonnunquam alias sereno, in sudum æstu sæpius grave mutata, ad 13tium usque mane serenum, licet a meridie post tonitru grave imbridium, commendabilis, triduum accivit varium pluvius serenitati interspersus, ac frigore, moderato tamen, non usquequaque gratum; triduo alio sudo gratiori exceptum, biduo rursus interpolatum vario, 22do sicco, 23tio toto fere pluvio ac frigido 24to mane nebuloso ac nubilo, a meridie sereno, substituti triduum ejusdem fere tenoris frigidum tum serenitas bidui postremi mensis nunc simulque trimestre hoc absolvit.

Quoad morbos id præcedenti fere compar, nisi quod frequentiores adhuc fuerint febres, præsertim ardentes & malignæ, petechiales quoque, pleuritides in phthisin quandoque declinantes, quædam veræ, quædam etiam nothæ, dysenterix & diarrhœar, æstui partim & inordinatæ, in potu præsertim & fructuum horariorum ingurgitatione, diarræ originem debentes nonnunquam lethales varix, febribus interdum comitatæ defluxiones cum tumoribus artuum, præcipue genarum valde contumacibus.

October a primo ad 4tum usque nubilum & a meridie rorantem, indeque ad 8avi usque vespertinam pluviam serenus, temperatus ac sudo fere jugi veris instar amœnus; Noctu inter 8vum, & 9num tonitru horrendo terribilis, nono sparsis a meridie pluvius paulo horridior, 10mo sine pluvia nubilus, 11mo sudum redintegravit, biduo succedente vario ac quandoque pluvio, 16to vesperi pluvia madens, cætera cum sequentibus quinque serenus, 21mo nubilus subindeque rorans ac Austro flante frigidus, 22do mane pluvius ac nubilus cum sequentibus quinque siccus, 27mo nubilus totus ac imbrofus, 28vo Vulturno aspirante nebulosus mane, postea cum insequentibus ad 31mum ac mensis hujus postremum, paululum roran-

tem & frigidum, serenus atque siccus.

Novembris primus, durante adhuc Vulturno, gelu induxit, & per biduum continuavit, quod tertio rorante mane parumper cœlo remisit, succedente 4to toto pluvioso; cum biduo turbido sicco tamen, mane præsertim atque huic ad 12mum usque varia, quandoque nubila, alias serena, sicca subinde, rursusque pluvia tempestate; tandem Cauro afflante gelu 13tio serenum accessit, ac sequenti mane turbido & a meridie nive prima comitato, usque ad 19num a rigore remittentem & pluviis madentem duravit. Tum post biduum pluvium, biduum successit gelidum, procellosum & grandinosum; huic demum nix mane pluvius mixta, a meridie ac sequenti 24to in imbres deliquescentes, sequenti vere nocte Austro flante, rursus gelascens, diurno succedente per quadriduum sudo, vesperi vento paulatim ad eorum regrediente in nivem resoluta, ac biduo subsequente toto pluvioso, nebuloso, ac inamœno mensem terminante.

Decembris primus gelu reduxit ac nives, quod ad 5tum usque circa vespere pluvia sparsa remittentem duravit, hunc sequens biduum adhuc remissius prima die pluvias vespertinas tulit, altera siccus fuit, 8vus mane nebulosus valde ac pluvius, postea siccior, 9nus, totus nebulosus & zephyro aspirante imbrofus 10mus mane paulo serenior, vesperi pluviosus, 11mus mane turbidus, post serenior, tandem nubilus & udus, 12mus blandum gelu, nonnumquam nivibus, nonnumquam gelicidio, interpolatum reduxit, ad usque 20mum, qui rigorem majorem addidit ac quadriduum continuavit, circa vespere 24ti remittens ac vario cœlo, ut plurimum tamen uvido, ad 31mum usque perseverans, sicque hoc trimestre simulque annum ipsum temperato, at ingrato frigore claudens.

Ultimum hoc trimestre morbos produxit prioribus nec frequentia, nec varietate, nec gravitate cedentes, passiones hypocondriacas, iliacas, colicas, hystericas, nephriticas, febres varias, præsertim acutas, arduas, continuas, catharrhales, pleuriticæ, malignas quoque variolis & petechiis infames, & quandoque funestas. Defluxiones & catharros, suffocativos quoque, in genas, guttur, pulmones &c. depluentes. Asthmata convulsiva quoque nonnumquam & anginas causantes. Diarrhœas & dysenterias, cephalalgias, hemicranias, cardialgias, odontalgias, hemiplegias, apoplexias, epilepsias,

præsertim infantum. Tumores varios & dolores, ut plurimum contumaces, & innumera alia scorbuta præsertim & Venereæ lui familiaria symptomata, brumali frigori, cœlique frigidiori ac humidæ constitutioni variabili & inconstanti ex parte tribuenda.

Constitutio Epidemica Uratislaviensis

Anni 1699. 1700. & 1701.

EXcellentissimi Domini Uratislavienses uti hæcenus inter naturæ curiosos solertiae & curiositatis palmam non paucis aliis dubiam reddere allaborarunt, ita laudabili inslituto, circa conscribendam morborum in Germania epidemicorum historiam, & ipsi favere, ac Patriæ suæ celeberrimæ similem statum delineare decreverunt; Cujus priores tres anni de morbis, qui anno 1699. 1700. & 1701. Uratislaviæ grassati sunt, publicis typis jam descripti legantur, & pro nostro volumine paulo prolixiores sint, Synopsin eorum hic dare libuit, omisis iis morbis, qui epidemicorum censum haud ingrediuntur.

Cum Anni millesimi, sexcentissimi, nonagesimi noni Januarius horridum Uratislaviensibus reddidissent nebulæ & venti, variis vicissitudinibus, potissimum intercurrente pluvia, subinde tamen & frigore, quamvis remissione, graves; initium quoque, imo majorem fere partem Februarii sub eadem cœli inconstantia transegerunt, nisi quod alterna frigoris vis majori impetu corpora concuteret, & aer circa plenilunium serenus languentes animos excitaret; quæ cœli inclementia, ineunte mense Martio, continuavit, non raro tamen effusis ad plenilunium usque, quæ illico tabescebant, nivibus, & terra pruinis horrente; cum e contra mollior aer, vergente ad finem mense, ac sudum, tellurem soveret. Primus ergo hic anni quadrans toto fere decursu excessit in humida constitutione, quam etiam accuratæ tam barometrice, quam thermometricæ observationes confirmarunt. Quo tempore, cum primis sub Januarii principium, dolores spasmodici sanguineo-cholericos, & melancholico-phlegmaticos affligebant, frequens erat arthritis, prædominabatur tamen in subjectis iracundiæ obnoxiiis & diætæ aromaticæ ac vinosæ deditis, præcipue liberaliori vini Hungarici, a solo calce viva fere penitus substrato infecti, potui inhiantibus.

Plu-

Plures intempestivo frigidi & humidi aëris accursu admissio, pleuritis notha occupabat, temperatioribus diureticis magis, quam diaphoreticis cedens. Multi de dolore lumbos infestante conquesti, pro nephriticis promiscue a Medicis non satis exercitatis, & vulgo habiti fuerunt, cum tamen non semper renes, sed plurimas etiam alias partes in illa corporis regione latentes, affici posse, sagaciores Medicos fugere nequeat.

Sub finem ejusdem mensis in scenam prodibat febris petechialis, quæ licet post 14. Aprilis diem conticesceret, mense tamen Majo iterum ferocire, & quidem cum catarrho suffocativo, præprimis in ætate teneriori incipiebat, ac non æque in infantes, pueros & senes, sed in feminas, & frequentius in mares sanguineos & sanguineo-phlegmaticos sæviit, ac præprimis iis gravis ac infesta incubuit, qui vino atque spiritu vini se obruerant, ac corpus cacochymicum prava victus ratione contraxerant; ceterum prævio horrore, cum quadam gravedine, tussi, imo & faucium inflammatione, & tumore invadebat, aderat præceps subita virium prostratio, pulsus exilior & imbecillior, frequens tamen & inæqualis; calor qui horrorem sequebatur, in sanguineis intensior totum corpus occupabat, maxime vero caput, unde in fluidioris habitus corporibus, cephalalgia acutior, rubor faciei, oculi scintillantes, vigilæ, deliria furiosa, jactatio corporis, sitis &c. In sanguineo-phlegmaticis, quorum sanguis sero viscido abundat, color multo mitior apparebat, qui non paucis imponere solet ægris & Medicis, ut parum periculi subesse, cum magno suo discrimine credant, a quo fallaci calore forte febris illa maligna vocari meruit, sumpta metaphora ab hominibus malignis, qui aliud fronte promittunt, aliud in intimiori cordis recessu premunt: in his calori respondebat sitis tolerabilis, & quies corporis sine manifesta jestigatione, sed debilitas gravis ac continua in somnum propensio, ac non consultata antea taciturnitas, cardialgia, lingua modo lento succo obducta, modo fissuris asperis, & scabris dehiscens, aut retorrido calore cum vicinis faucibus arebat. In hominibus melancholici temperamenti, quorum tamen non nimis multi hac infirmitate detenti fuerunt, statim ab assumpto alimento vel medicamento status & hypochondriorum murmura. Cholerici loquacitate sua aliorum aures obrundebant, & calore acriori tangentis manum urebant. Omnes cu-

juscunque complexionis, graviter nausea cibi & appetitus dejectio infestabat. Sensim deinde æstus invalescebat, non luculentus calor in partibus externis deprehenderetur. Exerebant se etiam dolores varii, modo pungentes, modo mordicantes. Circa quartum, septimum, imo etiam undecimum diem, in pectore, dorso, brachiis, lumbis, & cruribus, maculae rubentes, puncturis pulicum similes, sine levamine erumpebant, aliquando etiam majores lenticularum magnitudinem æquantes; rubrae illæ meliores, deteriores vero citrinæ, livida, violaceæ, in primis si hæmorrhagia gingivarum circa dentes incisivos superioris maxillæ enormior juncta fuerit, nigra, præprimis majores omnium pessimæ. Urina non uno modo comparata erat, nec alvi excretio; hæc liberalior salutaris admodum post diem septimum observata, & accedente sudore solutionem morbi promittebat; cum e contra siccitatem alvi hæc febris pessime tulerit. Vermes per alvum cum sedibus aliquoties rejecli. Pejus cum iis agebatur, quos vomitus partim humorum variorum, partim quorumvis assumptorum, aut etiam inanis cum nausea, & cardialgia affligebant, præsertim si singultus iis se comitem adjungeret. Sudores primis statim morbi temporibus sine levamine, sed post quartum morbi diem, circa septimum, undecimum &c. felicioris indices erant: cadaverosus erat fœnellus. Cum hæmorrhagiis quidam evaserunt, morbus nequaquam intra quatuordecim dies finiebatur, sed ad 21. imo & ultra ad 40. utique extendebatur. Solvebatur rarissime per hæmorrhagiam, aliquando per abscessum, frequenter per sudores, sæpissime autem tum per hos, tum per diarrhoeam; quandoque etiam per tumores in variis corporis partibus, cum primis in ano, per exanthemata miliaria, pedum scabiem, icterum &c. Cnra sine V. S. (qua sanguis eductus in superiori parte, crassa alba spissa, tenacissima obductus, in inferiori vero, modo floridus & fluidus, modo concretus, & coagulatus fuit deprehensus) peracta feliciter successit. Quibus statim ab initio mite evacuans datum, facilius morbum superarunt, quale fuit potio Sydenhamiana in dosi aliquantum minori, pulvis ex Antimon. & Nitro depur. Tart. Vitriolato ac grano j. vel ij. scam. sulphur. additis apud ditiores granis paucis auri fulminantis, vel etiam quæ simul ad malignitatem habent respectum. Vomitoria in principio hominibus phleg-

phlegmaticis, aut melancholicis robustis & nauseantibus, præsentī conatu vomendi, interdum cum successu data. Ceterum fere tota cura per placidum sudorem, seu potius madorem, bezoardicis, pulv. Bez. Sennerti, *Rumbaum*, *Doping*. Pannon. rub. &c. Mist. simpl. Essentia scordii saturatori, myrrha, diaiscordio, absoluta; fortiora, volatilia salia, bezoardica calida ac spirituosā omissa, quia obsuerunt: camphora plane præterita, cum vis ejus alexiteria non nisi nuda traditione & opinione hominum nitatur, & interne plus detrimenti quam auxilii spondeat. Diarrhœam, nisi esset colliquativa, aut inflammationi intestinorum superveniret, nequaquam suppressere studuerunt, quinimo non raro laxans ordinarunt, ac interne per totum morbi cursum nitrosa cum sufficienti potus quantitate ea intentione ægris propinarunt, ut ventriculus & intestinorum volumina rite abstergerentur, & materia biliosa acris ac urens e corpore proscriberetur, alvi tamen profluvii modum excedentibus nitro in exigua dosi exhibito, interpositisque terreis pulveribus, aut diaiscordio Fracast. frænum injecerunt, reliquis etiam symptomatibus convenienter obviam iverunt.

In Januario odontalgia seu hemicrania laborant istæ potissimum mulieres, quibus negotium mensium magis impeditum, nec nulli erant, qui ophthalmia vexarentur. Illis tinctura odontalgica Myns. & Vvedelii &c. his decoctum cort. granator. &c. profuit. Occurrebant etiam quos icterus scedabat, & Martialia liquida præcipue cum salinis, aliisque juvabant.

Mense Febuario, præter Variolas & morbillos, aliæ quoque maculæ cum febre sub noctem ingravescente, & tussi serina, corpora infantum occuparunt, latæ rubeæque, morbillis non admodum dissimiles in facie, minutissimæ vero & puniceæ in dorso, lumbis & pectore; nonnullæ elevationes ad naturam Variolarum accedebant, ac pruritu & fervore molestissimæ, tandem per abscessionem epidermidis in squamulas resolvebantur. Grassabantur etiam aliæ irritiores Variolæ, a forma acuminata *die Spitzblattern* vocatæ, nec non quas *Schaafs Blattern* nominant, pustulæ sc. latiores minusque acuminatæ. Graviore ob intensiorem æstum erant rubeolæ, diaphoreticis fixis curatæ.

Fuere etiam qui difficulter admodum respirabant, & de gravedine solum quadam ventriculi conquerebantur, paratam in scor-

buticis medelam invenientes, acetosa, acetosella, rad. ari, helenii &c. non in cochlearia, si maculæ servidioris intemperiei indices deformabant.

Infantes tussis convulsiva fatigabat satis frequenter, in qua pulvis antepilepticus Ludovicianus utilis.

Alii, lactentes æque ac ablactati, omni hyeme atrophia corripuntur, cum febricula circa vesperam ingruente, inquietudine & siti nocturna, fame, torpore, abdomineque tumente; a ductuum lacteorum & glandularum, viscerumque glandulorum lenta ac viscida obstructione, in qua tinctura martis operitiva vitriolata, arcanum duplicatum &c. profunt.

Erant etiam quidam hæmoptoici, atque inter hos pauci, qui sine noxa evaserunt, in lentam tabem & phthisin præcipue prolapsi; V. S. malum hoc cessisse compertum est, nec non largiori nitri exhibitioni.

Non paucos quoque malum hypochondriacum torquebat, solitis stipatum symptomatibus, hypochondriorum distensione, ventriculi concoctione languida, ructibus acidis, vomitu, ructibus, sputatione crebra, alvo segni, duritie, tumore in regione lienis, anxietatibus præcordialibus, cordis palpitationibus, vertigine, pavoribus in somno, aurium tinnitu, doloribusque variis. Cura eorum in crassis humoribus attenuandis erant, per nodulos aperientes, martialia, urinosā volatili. myrrham, crocum, mixturam simpl. tincturam vitriol. o — tart. D. L.

Illucescente Martio turmatim scabiosi occurrerunt curandi; id quod, præter externa, blandis diaphoreticis in primis fuit præstitum.

Circa idem tempus non paucos tantum non exanimabat molestissimus pruritus, præprimis senibus & cælibus gravissimus, ac inter hos hominibus siccioris constitutionis. Conducebant iis medicamenta nitrosa, & diuretica saponaria, quæ salios & acres atomos ad vias urinarias deducunt.

Primus Aprilis dies serenus illuxit, & calore suo Veris delicias sperare jussit. Non diuturna tamen hæc felicitas fuit; nam nebulæ & pluvie a meridie primis diebus gratum solis aspectum ad breve tempus ademerunt. Qui sicuti dies, vernali tempore ad plenilunium omnia brumali aura quasi rigentia blande vegetabant. Deinde cælum varium erat, interdum serenum, interdum nebulis obductum, nimbos ac pluviam effundebat. Majus, quo alias omnia rident & est

& est formosissimus annus, nebulis, pluviis & ventis, si paucos amœniores dies excitas, rigidus erat. In Junio iterum amœnior ac serenior aër, cujus jucunditatem etiam vergente ad finem Majo degustare licuit, comparuit; neque tamen ad finem processit sine imbris, quorum iram proximi Uratislaviæ accolæ, perruptis aggeribus, gravem, cum damno sanitatis & facultatum experti sunt. Grassabantur tum morbi plerique ab Hippocrate enumerati, ubi de vernalibus ei sermo, furores, melancholiz, epilepsiæ, fluxiones sanguinis, anginz, gravedines, raucedines, exanthemata varia, & articulorum dolores, febres insuper intermittentes: in ætate puerili & adolescentia sanguinis excretiones e naribus, hæmoptyses juvenibus magis familiariter evenere, quemadmodum vomitus cruenti viris & scæminis, vitæque sedentariæ deditis, hæmorrhoidales autem depletiones paulo annosioribus acciderunt; mictus quoque cruenti exempla notata. Circa loca illa corporis, quibus sanguis erumpit, ingeniosissimum D. Stahlum, Hallensium Præcticum, & Professore secuti, spasmodicas passionēs, sanguinis congestiōnem, vasorum & pororum tensionem, atque turgescētiā, cum sensu ardoris, lancinationis & pulsationis observarunt, quin etiam fere ad ejus mentem, curam feliciter successu instituerunt: violentioribus vero sanguinis depauperationibus, efficacissimis emediis occurrerunt. Insolita uteri hæmorrhagia septuagenariis proximas, quæ nullo emediorum genere cohiberi potuit, in morē præcipitavit.

Typus febrium intermittentium non unius generis erat: nonnullis paroxysmi omni die, aliis tertio quovis molesti erant: erant, quibus quovis die duo paroxysmi erant suscipiendi. Nec infrequentes tertianæ duplices, in quibus paroxysmo primo non respondet secundus, sed tertius, secundo quartus, tertio quintus, quarto sextus &c. ita tamen, ut non tantum tertio die, sed etiam intercalari febricitarent. Semitertiana paulo quiescentior: at non prorsus desuere, qui omni die quidem febre corriperebantur, sed tertio quovis die duorum paroxysmorum impetum sustinerent. Vigebant quoque febres erraticæ, quæ incertis recurrebant diebus, & horis. Ambigebatur, an in censum febrium intermittentium referri debeant etiam illæ, quæ contra communem intermittentium indolem, tragœdiam a calore satis tenso auspicabantur; nam ut ut *anæsthesia*, *Sydenham Opera Med. Tom. I.*

quæ initio adesse videtur, genium intermittētis redoleat, languor tamen magnus, pulsus aliqua agitatio, & cetera symptomata continuitatis opinionem confirmabant. Eadem fere mens erat de illis quibus malignitas conjuncta est, & tamen remissione quadam non caret, sc. doloso intermissionis cineri primorum dierum suppositum fuisse ignem continuatum, elucet ex eo, quod sequentibus exacerbationem quidem caloris & symptomatum, non item veram remissionem observare liceat. V. S. omissa, vomitoriorum tempore intermissionis frequentior usus fuerat; nec purgantia omissa. Quoniam vero hæc febres focum habent in primis viis, incidentibus cura fuit peracta, præsertim tartaro vitriolato, arcano-dupl. sale lixiv. absinth. centaur. min. card. ben. &c. quæ cum acria sint, incidunt, dissolvunt pituitam, & reluctantur acido, addita iis, præprimis post aliquot febrilium paroxysmorum decursum, subinde præcipitantia; in exanthematica, antiscorbutica; in contumacioribus cortex Peruvianus; in pulvere vel electuario, cum essentia segnior fit; in vino generoso albo maceratus rarissime spem expectationemque implevit; in febribus cum inflammatione quadam conjunctis nunquam non noxius deprehensus; in febribus etiam aliis calidioribus obscure remittentibus funestus fuit, quibus non alia, quam quæ maxime lignis debetur, ratione medendum: & exitui prævidentiæ medicæ statuitur, etiam vere intermittentes, epidemice grassanti aliqua maligna febre, alexipharmacis & bezoardicis oppugnare, ne ægri in prædominantem epidemiam prolabantur.

Vehementius eodem anni tempore dentientes laborabant, ob turgescētes nutritivæ & ipsorum infantium humores.

Sæviebant quoque pathemata spasmodica, ac epilepsia passim pusillorum corpora hoc mense torquebat, multosque jugulabat: In symptomatica, fomitem in pituita viscida & acida habente, resolventia, incidentia, & modeste evacuantia omne ferunt punctum; in idiopathica, quo te veritas, vix apparet, specificis voto non respondentibus.

Multis negotium facessere visa est cardialgia: alii morsus, punctiōnes & lancinationes: alii rosiones sese percipere aiebant: nonnulli de tensivo & compressivo tantum dolore, ad utrumque latus pertingente, & cinguli alicujus instar constringente conqueiebantur: plurimi vero gemitibus & aloductus suspiriis, anxietatis interpretibus, ad-

stantium aures obtundebant. Inanes vomitus ut plurimum cardiogmi erant comites, quos imperiti emetica indicare credebant; sæpe etiam in foeminis, passionibus hystericeis obnoxiiis, deliquia superveniebant; singultus etiam jungebatur.

Nonnulli bubonibus infestabantur; alii tumoribus aliis; præprimis parotidibus, quæ iis, quorum vires violentia morbi fractæ erant, mortem denunciabant; profuerunt autem emollientia, maturantia, discutientia, his vero non satisficientibus, suppurationia.

Frequens erat illis diebus coryza, conjuncta cum ~~capitis~~ dolore capitis, sternutatione; nec non depravata auditio; modo enim erant, qui sonum talem quod tintinnabulum pulsatum edit, sibi percipere viderentur; modo qui de sibilo quererentur; nec nulli, qualem qui pulsationem intra aurem sentirent; pulsus autem ille exacte cum pulsu arteriæ convenit, nec aliunde, nisi ab arteria dilatata pendere verisimile est, senes nonnulli sonum fluctuum allisioni similem, vel strepitus varios in auribus suis excitari aiebant: ubi sane aer aliis fortis corpusculis in ejusmodi sonitu non tantum organum immediatum auditus, sed & partes cerebri, in quibus filamenta nervi auditorii terminantur, concutit, ac eo ipso varios sonos excitat. Varia contumaci huic malo, & aliquando in omnimodam surditatem abeuntis opposita, non semper optatum eventum consecuta fuerunt.

Raucoedo etsi hyberno tempore maxime soleat esse frequens, ac facile curetur, quia fortassis tantum ab exasperatione superficiei glottidis a frigore aut acerbis salisque humoribus inducta, dependet, occurrerunt tamen aliquot etiam in Majo exempla raucedinis omnem artem eludentis.

Mense Junio aliquot anginae exempla oblata fuere, i. e. laryngis seu pharyngis inflammationis, in juvenibus potissimum sanguineæ constitutionis, post motus corporis impetuosiores, aut nimias spirituosorum potuum ingurgitationes; horrorem ingens æstus cum siti Tantalea excipiebat, pulsus erat frequens, durus, inæqualis, urina saturatissime rubra, magna aderat respirationis difficultas, apertoque ore anxium ægri spiritum ducebant, & crescente malo strangulationis periculum instabat; deglutitio tantopere impedita, ut potus faucium angustias vix superaret, quin sæpe in nares refunderetur; in faucium isthmo interdum apparebat tu-

mor, interdum autem in externo collo, ubi morbus mitior est, vel oculis cernebatur, vel manibus palpabatur, in iis vero, vero, quorum vita in majori periculo, nullus plane tumor deprehendebatur. Non tantum isthmus ita exurebatur, sed spectabatur simul in ore rubor flammens, urgebat dolor acutus pulsatorius & punctorius, lingua tumida, obscure rubra canum instar exerebatur, fauces arebant; si ægrotantium os aperias, omnia tensa videbantur; venæ infartæ, oculi prominentes, & sanguine suffusi; præterea aderat jacendi difficultas, ac frequens sedendi cupiditas. Ingens præ foribus periculum, cum articuli gelido torpore rigeant, vultus livescebat, vox intercipiebatur; & stridor quasi in gutture & pectore audiebatur; inexorabilis mors instat, deficiente pulsu, & voce quasi in caninam mutata, apparente etiam subinde spuma oris. Omnino vero symptomata sunt mitiora in notha angina. In vera, post venæ sectionem, leniorem purgationem, resolventia seu discutientia, & in sanguine viscidiori etiam attenuantia profuere, non neglectis lenissimis adstringentibus; si vero conatus discutiendi essent irriti, & dolor pulsatorius quarto vel quinto die suppurationis admoneret, eadem fuit debite promota. Notha purgantibus mercurialibus, & blandioribus diaphoreticis, post venæ sectionem in plethoricis, feliciter intra paucos dies fuit sublata.

Occurrerunt etiam eo tempore quidam alii inflammatorii affectus, quorum sedes an in hepate, an in pleura, an in membrana pulmonum querenda, dubium, signis vulgo traditis fallacibus; cum e contra curandi eos methodus una eademque observari tuto possit; quæ in stasi sanguinis discutienda consistit, per V. S. in plethoricis, & diaphoretica fixa, non exclusis in phlegmatico sanguineis volatilibus in dosi valde mediocri; externe vero per vini spiritum camphoratum.

Julius naturam suam plane exuerat, ac majori ex parte imbris, procellosis aëris agitationibus ac frigore squalidus erat; benignior Augustus, non tamen absque pluviis cursum absolvit. Æstiva amœnitas vero denovo in Septembre affulsit.

Mense Julio vagabantur iidem propemodum morbi, qui præcedentibus mensibus stragem ediderant; sed præ reliquis ferociebant catharri, qui difficillime medicamentis compescebantur, ac præprimis admodum rebel-

elles erant illi, qui sedem in artubus, & notissimum in superiori brachii parte fixerant, ac ex dolore gravativo motu partis impedito, imò etiam tumore aliquo, sine inflammationis signis, ex decubitu serosæ materiæ oriundo cognoscebantur; Unde lympham stagnantem vel motui suo restituere, vel ex corpore, ac præcipue partibus laborantibus evacuare decuit.

Catharralis quoque profapix alii morbi notati, otalgia scilicet & tumores palati; nec non diarrhœæ frequentiores comparuerunt, quas rhabarbarum tostum, c. nucem mosch. & bolus Tockaviensis ac caryophyllata compescuerunt.

Obvenere etiam quædam melancholicæ scemina 30. ætatis annum supergressæ, mœstæ, alta suspiria ducentes, taciturnæ, a communi hominum consortio se subtrahentes, & ad nescio quem strepitum expavescentes, ac mirabilibus suspitionum procelis jactatæ, levique causa in epilepsiam hysterica devolutæ. Cum vero dyscrasia humorum, ac impeditior eorundem motus in vena portæ, ac excretionis menstruæ mota idesset, post venæ sectionem, vomitoria, pediluvia, sanguinis attenuatio procurata fuit per volatilia, sudorifera, martialia &c.

Mense Augusto nonnulli laborabant febris, quam veteres dixerunt biliosam (quæ subinde in lipyriam abit,) cum gravitate & angustia in serobiculo cordis, conjuncta, non raro cum nausea incipiens; aderat horripilatio non nimia, sed frequenter recurrens, capitis turbatio, & sanguineo choleicis etiam dolor. Exacerbabatur quotidie toris matutinis, subsequens vel vomitus vel edibus, quæ si deessent, æstus gravior, fauces aridæ, & sub finem deliria comatosa, semper fere funestum minabantur exitum; hypochondria tendebantur & acerbissimis puncturis infestabantur. Juscula tenuissima, nitrosa, theriaca, optimo cum successu adhibita; locum etiam habebant acida temperatiora, decoctum hordei &c.

Nonnulli etiam patiebantur febrem, quam ynocham Scholæ Medicorum antiquæ, alii ausum nominant; scilicet plethorici hæmorrhagiis vel venæ sectioni assueti, ante solis ortum horrore quodam corripiebantur, subsequente æstu valde gravi, respiratione anhelosa & suspiriosa, lipothimia ac ~~posteriori~~; dolores capitis lancinatorii, ac tinnitus aurium, ut & vertigines indivulsi comites erant; tensiones dorli & artuum non minus molestia afficiebant, sitis premebat maxi-

ma, ejus defectus non semper malus; in junioribus circa diem septimam hæmorrhagia narium largior morbum solvebat, in paulo annosioribus die 14. copiosis cessabat sudoribus; calamitosa aurem horum fors, si soporosi supervenirent affectus. Eximius usus V. S. in principio hujus febris, modo illa non ortum trahat a nimis laboribus, aut quod neo-nuptis aliquando accidit, abusu veneris; Ceterum bezoardica & diaphoretica, analeptica & diaphoretica in usum venerunt.

Speciata insuper fuere aliz febrium species, afodes, elodes, syncopales.

Mense Septembri ophthalmia frequentius occurrit; cui interdum venæ sectio, purgantia fere omnibus aliquod auxilium attulerunt, diaphoretica apprime juvant.

Diarrhœæ satis erant frequentes, neque tamen nisi ad medium mensis durabant, ac locum deinceps cedebant redeuntibus febribus continuis, cum doloribus capitis, nuchæ, faucium, orificii ventriculi, lassitudine ulcerosa &c. quæ bezoardicis fixis & temperatis optime curabantur.

Plurimæ scemina de mensium perturbatione & suppressione conquerebantur, quæ cum ab ingurgitatione ciborum insalubrium proveniat, emetica, in quibus malum nondum egerat radices, cum salutari effectu data sunt; reliquis vero lenioribus purgantibus, ac incidentibus, & aperientibus subveniendum erat.

Nec nulli erant, quos tum vexabat dysenteria; de qua prolixum discursum Excellentiss. Dn. D. Helvvichii in ipso tractatu legere licet.

Initia mensis Octobris æstiva amœnitate ablandiebantur, & a novilunio ad primum Cynthiæ quadrantem demulcebat sudum, quod reliquis hujus mensis diebus, ventis, nebulis, ac pluviis sæpe obscurabatur, donec luna denuo nasceretur mense Novembri, ubi iterum benignior aëris temperies, sed ad breve tempus; nam primus lunæ aspectus ad plenilunium usque rigido frigore horrescebat, quod quidem iterum minuebatur, ac insigniter remittebat, sed ut tanto major vaporum copia ex terra humida ascenderet, ac crassiores inde nascerentur nebulæ, sæpe propter admixtiones sulphureas, tetrum spirantes odorem, ac nubes huc illuc agitata, donec in pluviam satisfcerent. Sub exordium Decembris tempestas varia, ac instans erat; circa medium mensis, & anno in suum vergente intensius frigus dominabatur.

In Octobri, præter febres tertianas, etiam quartanæ occurrebant: horis pomeridianis homines melancholici temperamenti, ac se-gnioris naturæ, qui jam ætatis provectioris erant, adoriebantur, aut etiam febres male curatas, aut diarrhœas ab Empiricis suppressas sequebantur in cujusvis temperamenti, & ætatis hominibus, ne infantibus quidem & pueris exceptis. Præter vomitoria in robustioribus, aliis vero lenissima evacuantia, aperientia in primis data; quorum usu cum impetus febris quodammodo fractus esset, cortex Peruvianus (ad quem ab initio nonnulli malo consilio confugiunt) plerumque subjugavit.

Ferax quoque erat Autumnus febrium lentarum & hecticarum, quæ partim quartanis male curatis, partim hæmorrhagiis, per adstringentia interna & frigida externa cohibitis, aliisve morbis succedebant; quæ, causam earum per res solventia, mundificantia & balsamica tollendo, & excedentem corporis calorem debite temperando, exturbatis acerbiscrementis per absorbentia lenia diaphoretica, & diuternica, in primis nitroso, nec non corpora vix ossibus hærentia commode restaurando, curatæ fuerunt.

Eodem mense Variolæ infantibus erant infestæ, quas aphthæ ac tussis pertinacissima comitabatur. Adultos febres continuæ cum levi rigore, æstu mitiori, dolore capitis & pleuræ, lumborum & artuum infestabant; sub finem vero in remittentes mutabantur, ac diarrhœis quasi criticis, non tamen sine omnibus torminibus, finiebantur.

Fœminis solito frequentius hæmorrhagiæ uteri erant molestæ. Longe autem communissima erant apostemata ac ulcera, quæ non tantum callosa, varicosa, & sinuosa, ac cum carie ossium conjuncta, aut quæ circa articulos erant, aut partes glandulosas, membranosas obsidebant, Chirurgis crucem figebant; sed alia benigniora in iis etiam torporibus, quæ cacochymicis humoribus non adeo surgebant, aut ex cachexia languebant, difficulter curabantur. Nam & symptomata, singulis autumnis, plura eaque graviora, curam alio tempore facilem, plerumque reddunt difficiliorem.

In Decembri tumores circa latus sinistrum (quos antiscorbutica, res solventia, & distensionem ac flacciditatem fibrarum respicientia juvant) in hypochondriacis, ac minime raro in mulieribus hystericis spectati; molles si & fungosi, in non paucis fere universæ sinistri abdominis partem obsidebant;

fere sub costis nothis incipiunt, & quando supini jacent ægri, lineam albam aut transcendunt, aut proxime attingunt, & vacuum spatium inter costas & spinam illi implent; tactu interprete non obscure constabat, quod tumefactus lien supra mesenterium, intestina, ventriculi partem, ac in mulieribus supra uterum emineat. Phlegmatici & plegmatico-melancholici, inter 20. & 30. ætatis annum, catharro correpti, quotiescumque prioribus quinque diebus ex bronchiis resectio non rite procedebat, in febrem incidebant catharralem, seu continuam periodicam quotidianam veterem; scilicet post quartam pomeridianam, horrore & frigore levi tentantur fere per horam unam, succedit calor acris, & ferme per noctem durat; lingua est albo & lento humore obducta; non urget magnopere sitis, pulsus est frequens, non adeo magnus; urinæ colorem aurantiorum æmulantur, ac post brevem moram parietibus vitri inducunt curam ex albo rubentem; lassitudo artuum gravis est; torquet & anorexia ac agrypnia, cum cephalalgia gravativa, aurium insurro, ut & tussi, quæ tamen nec patientes nec Medicum tertere debent; aliquid tamen monstrant pleuritides & deliria; periculum autem maximum denunciant angina & aphthæ, si quando cum ea complicantur. In quæ medicamenta facultate resolvendi mucum, & salia diuretica commodo tempore exhibitæ votis ægrotorum satisfecerant.

Nephriticæ passiones etiam, fere in sanguineis, & hæmorrhagiis antea assuetis, observatæ, siue renum inflammationes, quas non solum dolor & ardor vehemens comitatur, sed & dysuria, fibrosæ excretiones, arenosæ cum sanguine aliquo, subsequæ ordinario lithogenesi. In quo affectu in primis decoctum Foresti, & pulvis famigeratissimi nostri quondam Præsidis Volkameri laudantur.

Nec minus podagrici dolores illo tempore satis erant communes; quibus in paroxysmo, horis matutinis, lenia diaphoretica cum nervinis, sine sudore coacto; pomeridiano aperientia, ac sub noctem pulveres nitrosi, cinnabarini &c. exhibiri; externe camphorata omnibus præferri merita fuerant.

*Constitutio Epidemica Uratislaviensis.**Anno 1700.*

IN Januario frigus usque ad lunam ~~erat~~ satis erat remissum, quod nec nervas fibras spasmodice corrugare, nec glandularum subcutanearum meatus constringere, aut poros cutis coarctare aptum; reliquis vero ejusdem mensis diebus usque ad interlunium nebulæ corporis infestæ, ærque humidus, & feri copiam accumulare hujusque inter glandulas laxiores stagnationi ansam præbere, tonumque relaxare, ac enervare potis erat.

Februarium jam gratum solis jubar illustrabat, jam pluvii & nivibus exposita torporem corpora ægre declinare poterant; frigus vero per aliquot dierum intervalla quodammodo adurebat, cum luna tota nocte luceret. Usque ad medium fere Martii perpetua frigidi & tepidi æris vicissitudines notabantur, quas ad finem mensis usque turbida ventis ac pluviis molesta tempestas excipiebat.

Præter morbos superiori Anno enumeratos Variolæ grassabantur, & quidem multo frequentius distinctæ, quam confluentes. Primis ab invasione diebus, seu tempore ebullitionis, nunquam non febris acuta aderat; cujus exacerbationes satis incertæ, nisi quod tertio die recurrentes aliquibus tertianæ febris suspicionem moverent: præcedebant fere lassitudo & gravitas corporis, pandiculationes & oscitationes, dorsi lumborumque dolores, pulsus ad spinam dorsi, & sensus pruritus ac pruritionis in cute, sed horror & rigor, præsertim recurrens, rarius vulgo; frequenter vomitus a primo morbi insultu fatigabant, iique interdum immanes, aut si hi abessent, præcordiales anxietates gravissimæ cum inani vomendi conatu conjunctæ ægris negotium faceiebant, alvi fluxus rariore observati; in pluribus alvus sine damno ad aliquot dies adstricta; in paucissimis etiam urina suppressa, vix visi qui sæpe se ad reddendam urinam urgeri conquererentur. Urina varia erat, quorundam flammæa, & intense rubra, nonnullorum turbida, & opaca, qualis jumentorum esse solet, quæ post eruptionem variolarum interdum clarius reddebatur; interdum vero per aliquot dies a protrusione adhuc turbida exercebatur; aliorum autem pallida, in uno alterove cruenta; nares frequenter sanguinem stillabant. Propensio in sudorem ingens; nonnulli, præprimis qui erant temperamenti

phlegmatici, dormituriiebant, alii de turbulentis conquerebantur insomniis, ac sæpe expavescebant, ac altos subinde in illis tollebant clamores; capitis dolores jam gravativi, jam punctorii, cum temporum pulsationibus molesti; facies tumebat, atque maxillæ rubebant, oculi prurientes, rubentes ac splendentes, quinimo aqua suffusi; palpebræ ac nares dolore pruriginoso vexabantur; anhelitus difficultas; vox rauca, tussis sicca, cordis palpitantes & tandem etiam deliquia non raro observabantur; in aliquibus habitu corporis densiori præditis etiam saliva in majori quantitate rejiciebatur; pars magna ægrorum corpus varie jactitabat; in genere musculo subinde motitationes; minime etiam raro teneriores invaserunt motus convulsivi, iique vel particulares in labiis, oculis, vel magis universales, in multis deliria. Ordinatio die quarto prorumperebat, in quibusdam tardius vel citius, subruptæ pustulæ tenuissimarum acicularum puncta æquantes, sensim dein suseunte humore agebantur in altum, & evadebant fastigiatæ ac distinctæ, quæ multo erant tutiores, si in basi essent rubræ, supra autem albæ, eminentes, & molles, quam illæ quæ in latum exporrigebantur; mali ominis erant, quanquam non adeo frequentes, lividæ, violaceæ; certi vero lethi prænunciæ, quæ macula nigra in medio deformabantur. In quibusdam cacochymicis corporibus notatæ fuerunt in interstitiis variolarum petechiæ, aliæque maculæ, nonnunquam etiam vesiculæ aqueæ, cum funesti ut plurimum eventus præfagium. Nonnulli etiam post eruptionem nihilominus febris, difficultate spirandi, anxietate, cruciatibus insignibus circa lumbos vexabantur; atque hi non erant extra periculum constituti; evasere nihilominus plerique, modo abessent inexpugnabiles vigilæ, phrenitis, crebra deliquia, palpitantes cordis, motus convulsivi; urina nigra, vel hæmorrhagiæ enormes, alvi profluvium. In aliquibus admissio frigore, alioque incommodo regimine, retrocedebant, non sine summo discrimine vitæ. Circa octavum diem in facie intervalla pustularum prius albæ rubere incipiebant, in tumorem attolli, & dolore tensivo affici; extendebantur palpebræ, & ut vesica inflata, haud raro oculos claudebant; proxime dein intumescebant manus, digitique distendebantur. Calamitosum, si pustulæ subito iterum conciderent. Tandem pus fundebant coctum, quod sensim exsiccabatur, variolæque circa diem 14. de-

ci-

cidebant. Variolis exsiccatas, majores tumores & abscessus subinde in artubus observati, pus acerrimum plorantes, & nisi in tempore occurreretur, venas exedentes, carnes consumentes, ac ipsa ossa vitiantes, membrisque omne robur adimenes. Omnis calidioribus remediis, si motus & agitatio sanguinis jam satis magna in corporibus calidioribus deprehenderetur, ut & V. S. ac purgatione, victus refrigerans, & moderatissime calidus aer fuit commendatus; in effervescencia justo minori lenis & blanda diaphoresis cardiacis moderatis, matre perlar. coral. stib. diaphor. C. C. lap. bezoar. utroque, emulsionibus, ægris phlegmaticis etiam calidiora, Tinct. bez. Ess. myrrh. scordii &c. exhibita: appetente exulcerationis tempore, & pustulis non debite se attollentibus, pulveres bezoardici tantillo myrrhæ, & croci grano uno alterove remixti, suppetias tulere exoptatas: plane maturæ & pure acriori turgentes quibusdam non male apertæ; dum exarescerent, pulveribus supra dictis lapides cancr. additi: In macularum vestigiis certo tutoque sapo Neapolitanus balsamicus profuit.

Varie morborum spasmodicorum species eodem tempore, ac convulsionum non unum genus visum. In spasmo cynico topica non tantum in principio nervorum, sed & bono cum successu in ulculis in latere opposito applicata. Satis communis erat in feminis hysteriis ac spleneticis illud deliquium, quo omnium sensuum ac motus exercitio privabantur & concidebant, quod vulgo audit epilepsia uterina, & curabatur methodo a Practicis præscripta. E contrario interdum corpus variis motibus concussum, sensusque maximam partem fuisse integros, notatum fuit, ita ut omnium, quæ circumstantes egerant, recordarentur, finito paroxysmo.

Erat etiam hisce diebus odontalgia non paucis molesta, quemadmodum etiam aliis anni temporibus esse solet, quando aer frigidus, humidus, & pluviosus existit, quamquam & plurimis aliis a causis eadem alias oriebatur. Unde etiam varia opponenda sunt remedia.

In Aprili terra blando tepebat calore, quæ aliquando etiam calidis fovebatur pluviis, de cetero fere semper grato solis jubare illustrabatur.

In Majo major aeris inconstantia erat, visus post nubila phœbus, ac post phœbum fulgur, & nonnunquam tonitrua audita.

Ineunte Junio calor solis temperatus re-

focebat, qui etiam in procedente mense non tamen absque intermixtis pluviis recreabat; circa finem vero turbida fuit tempestas; ac frequentes imbres.

Sub initium hujus trimestris febres petechiales quadantenus remittebant, ac in quotidianas, tertianas, aliquando etiam utut paulo rarius, quartanas degenerabant.

Passim vero tum temporis erysipelate infestabantur, præprimis sanguinei, & sanguineo cholericis, rarius sanguineo-phlegmaticis, & tanto magis, si consuetæ sanguineis evacuationes ad tempus suppressæ, aut patientes terroribus, aliisve animi pathematibus concussi fuissent. Præcedit fere horripilatio, sequitur vero calor præternaturalis totius, æquabilis & fere vaporosus, cum aliqua tamen acredine & morificatione conjunctus, ac cetera adsunt, quæ alias in inflammationibus observantur, rubor, dolor, febris, aliqua partis intumescencia. Cura sine V. S. & purgatione absolvi potest, solis diaphoreticis, & externe discutientibus.

Purpura alba solito frequentius hisce diebus infans, pueros ac fœminas, & in primis puerperas cholerico-sanguineas &c. corripiebat. Ultimas quidem omni tempore post lochia suppressa invadere suevit; at vero si hæc causa absit, nec iracundia gravior, ac illa quidem fere suppressa præcesserit, aliis anni partibus non æque multis infesta est. Typus morbi sequens est: Initio quidem mediocri corripuntur horripilatione, quam excipit æstus non adeo vehemens; magis molesta est angustia præcordiorum, quam dolor capitis, qui non acutus, sed fere turbulentus existit; adest etiam faucium dolor & ardor; somnus propemodum omnis cessat, & paucæ sunt quæ sub initium morbi, per unam alteramve noctem somno non interrupto fruuntur; alvus plerumque officio non satisfacit; pulsus celer est & quasi oppressus; urina cruda ineunte morbo, sub exitum satis copiosum deponit sedimentum, appropinquante die quarto, quamquam interdum etiam citius illud fiat, in artubus, collo, pectore, elevantur, & extuberant poriculis cum rubore, instar cutis anserinæ, ac sensim oriuntur numerosissimæ pustulæ magnitudinis exiguæ, pellucentes, aquea quadam humiditate gravidæ, quæ in siccioribus satis mature fere intra 24. horas exsiccantur. In humidioribus & junioribus aliquanto diutius, erosa cute, aliquid humoris exillant; non sine aliquo corporis pruritu & ardore, qui ab initio vix observabatur. Con-

veniant nitrosa & salina aliquoties per diem exhibita, & præmissis mane diaphoreticis & bezoardicis fixioribus, aut etiam decoctis ex fumaria, sambuco cum sero lactis caprini paratis.

Satis etiam communis erat fluor albus uterinus in sceminis quibuslibet ultra pubertatem annis, frequentius tamen paulo proventioribus ætate; cuius mali non ita facilis est cura, quippe in qua & viscerum chyli secretioni, & feri depurationi inservientium, & lymphæ ratio habenda; ut nempe abundantia feri excrementitii ac viscosi ex corpore eliminetur, materiæ fluxum hunc confluentis proventus impediatur, & uterus corroboretur, in primis per nodulos ex stomachicis, uterinis ac purgantibus, & diuternica, succinata, terebenthina &c. per diaphoretica, merc. sol. lignorum decocta salivatio generosum illud remedium est, quo etiam inveterati fluxus debellari possunt &c.

Qui isto tempore in ætate puerili fuerant immunes ab exantematibus, sub finem Veris, achoribus & tinea infestabantur; ubi optime conducunt, quæ alias in scabie profunt: non sine fundamento Nicotiana laudatur, at camphoratorum usus noxius, & tantum excitant dolorem, ac si carbonem vivi capitibus impositi essent.

In Julio terra per totum mensis cursum benigno solis calore animabatur, ac simul calidis fovebatur pluviis, subinde tamen etiam tonitrua audiebantur. Per Augustum eadem gratæ inter phœbum & nubila vices durabant. Nec alias aëris in Septembri constitutio, nisi quod frigidior aura post benignum solis calorem allaberetur corpori ac aliquam ei afferret molestiam.

Hoc tempore grassabantur febres continuæ intermittentes, cum dolore hypochondrii dextri, pleuritides spuræ, in infantilibus corporibus excretio miliaris notabatur. Multos cholere, diarrhœa ac dysentericæ fatigabant. Multi catarrhis obnoxii degebant, ac pertinacissimis tussibus concutiebantur.

Vidimus etiam in æstate motus quosdam febriles, qui nullum typum observabant, neque statis exacerbabantur periodis. Mirabilis in istis vicissitudo est, eaque satis crebra: qui hac hora ex angustia cordis gemit & trepidat, de fatigatione summa conqueritur, post unius alteriusve horæ spatium, erecti animi est, & frontis expositæ. Prope modum autem febriles ejusmodi exacercentias experiuntur homines scorbuticis maculis, modo rubicundis, modo lividis defor-

mes. Hæ quando numerosiores in corpore comparent, fere abest ejusmodi ebullitio; sed quando pauciores adsunt præprimis in loco minus consueto, tum ejusmodi alterationes sentiuntur, præsens quoque est manifesta coloris macularum mutatio. Non carent hæ inordinatæ febres suis symptomatibus; nam & anxietates gravissimæ præcordia premunt, languor totius corporis & ossifraga omnium membrorum lassitudo invadit, ac interdum alii graves impetus ac tumultus corpus affligunt; partes autem maculis obsideri solitas dolor tensivus, gravativus, uno & rigor occupat, adest vertigo, non raro æstuantem calorem sequuntur horripilationes; pulsus fere magnus est, interdum aliquo modo inæqualis & parvus; urina fere crassa est, & statim, postquam reddita est, conturbatur, ac deponit corpora rotunda, instar arenularum, & superior substantia nihilominus crassa manet, & quasi pinguedo quædam vitri parietibus adheret; vix post sumpta cathartica, ut alias fieri solet, clarescit, sed turbida manet. Prodest excretionem macularum promovere, aut materiam earum subigere & corrigere, cum antisebrilia sola non sufficiant.

Vicissim eodem tempore excruciantur aliqui dolore artuum, statis horis, singulis diebus per aliquot septimanas redeuntibus, sine ullo febris signo. In cortice Peruviano inventum est remedium.

Viri quidam & mulieres fervido cœlo de tormentis pruritus, interdum ad lypothymiam usque, interdum certis tantum in partibus, præsertim ano & cadendis, fuerunt conquesti. Quædam gravidae cum aliquibus exanthematibus tortorem hunc per multas septimanas sustinuerunt. Qui non tam ab humoribus acris, quam a vermium morsu excitatus fuisse videtur, præsertim quod remedia anthelmintica præ ceteris conduxerint, ut topica amara in vino decocta &c.

Cœlo sereno & calenti frequentissima erant sternutationes, & jungebantur hæ etiam morbis tum grassantibus. Præter hydragoga, suis sudorificis hic constat honos; eximie vero præ ceteris juvant frictiones & ligaturæ extremorum, ut V. S. nec non spiritus retentio.

Octobris initia benigno calore grata, reliqui autem mensis hujus dies turbidiores, & propter pluvias ac frigus inamœniores erant. In Novembri temperatus erat aër, usque ad plenilunium; postea autem nebulosus ac pluviosus, mense ad finem vergente,

re, inconstans ingruerat frigus, ut plurimum tamen satis remissum. December inter nebulas, ventos, & pluvias transactus. Multi sub hac aëris constitutione tussi infestabantur. Regnabant etiam febres cum mordaci calore, doloribus hypochondriorum, dorsi, siti immodica, exanthematibus serosis, purpura, pleuritide, ictero, & diarrhoea, singultuque conjunctæ; & bezoardicis fixis & volatilibus, intermixtis anodynis, oppugnatæ fuerunt. Jungebantur etiam paralytes linguæ, & insultus apoplectici, sine evidenti periculo. Circa solstitium hybernæ etiam asthma convulsivum, aliquando parotides supervenerunt.

Parturientes in autumno experiebantur dolores & spasmodicas vellicationes ac contorfiones in diversis locis, quas ex fructuum ingurgitatione ortas, suspicio fuit, iisdem autem Essent. carm. D. Mich. D. Wedel. &c. obviam ibatur.

Creber affectus erat inflatio ventriculi, interdum satis enormis, quam ructus, difficultas deglutiendi comitabantur per evacuantia, & carminantia non nimium calida facile curabilis.

Alii lienteria corripiebantur, & egregie stomachicis sublevabantur, præprimis ex mentha & absinthio paratis, nisi quod aliquando eveniebat, cum ictero, hydrope, febribus tertianis lentis eadem complicaretur. Quidam cœliaci laborabant fluxu, atque iisdem remediis sanabantur. Exempla etiam asthmatis stomachalis offerebantur, five cruditates in flatus resolutæ diaphragma comprimerent, five ventriculus a contentis suis in spasmus concitatus, contiguum sibi diaphragma simul afficeret; imo unum alterumve darum fuit exemplum febris anhelosæ & asthmaticæ, quam describit Sylvius l. i. prax. c. 30. Cura in eumetis, ubi circumstantiæ permittunt, vomitorio expediri potest.

Consilium Medicorum hoc tempore a Chirurgis non minus requisitum fuit, quomodo in ulceribus sinuosis inveteratis interne ortis & oblongis, exterius vero callosis, rite sese gerere deberent. Hæc enim ulcera tum aliis temporibus Uratislaviæ, tum maxime in Autumno Chirurgis crucem figunt. Ubi totum in primis ductum discindere, callosam cavitatem septicis tollere, consolidationem balsamicis promoveri &c. consultum fuit.

Omni quidem etiam tempore gutturalia Gallica observantur, maximopere tamen circa autumnum sæviunt, quæ post sanguinis depurationem, eorundem par emplastrum

diachyl. c. Gum. & mercur. &c. putrefactione, per causticum apertione, unguento balsilico, mundificatione, in primis curata fuerunt.

*Constitutio Epidemica Uratislaviensis
Anni 1701.*

IN Januario variæ erant ratione frigoris vicissitudines; modo enim aer liquefcere & quodammodo diffuere, ac in ampliora spatia sese diffundere videbatur; modo autem frigore constipatus in angustum cogebatur; finem vero mensis imponebant nebulæ illæ insalubritatum fomites. Februarius tum his, tum etiam nivibus, & variis ventorum mutationibus horridus erat, nonnunquam tamen quodammodo placidus & aquabilis aëris fluxus observabantur. Sub initium Martii frigidiuscula aura subito cum blandiori aëre commutabatur; nec tamen mensis ad finem sine nimbis, grandine, variis ventorum tumultibus decurrebat, sic tamen, ut blandus solis calor in his aëris varietatibus nonnunquam Silesiæ incolæ exhilararet.

Mense Januario febres continuæ periodicæ, variis stipatæ symptomatibus præprimis autem cardialgia, vomitu, spasmis, hypochondriacis &c. non paucis erant molestæ. Grassabatur etiam pleuritis spuria; erant quos erysipelas capitis in periculum vitæ conjiciebat. Lumbago quoque iis, qui Baccho & Venere delectabantur, molestiam creabat. Nec minus febres pectoriales satis erant frequentes, quæ etiam ad domesticos incaute cum ægris conversantes, præprimis si hi essent meticulosiores, per contagium propagabantur. Tractati fuerunt hi morbi non sine felici successu, methodo superius adumbrata.

Catarri, tusses ferinæ &c. etiam grassatæ sunt; in quibus hoc tempore opiata minime profuerunt.

Mense Aprili admodum inclemens erat aëris constitutio, & mitis ventorum, frigoris, grandinum, nebularum, nivium, pluviarum vicissitudinibus, etsi ad teporem nonnunquam inclinaret, ingrata. Nec in Maio Veris dabatur frui deliciis, sed sub turbido & nebulis obducto ac pluvio cælo major mensis pars agebatur, eoque gratior erat blandus in Junio solis calor, qui tamen & ipse pluviis & tonitru subinde turbabatur.

Hoc tempore omnis generis febres grassabantur, præprimis crucem figebat illa, quæ typum talem observabat? primo die horror satis

satis gravis homines catarrho obnoxios & crassiori victui assuetos, aërisque injuriis crebrius expositos, aut ad tabem pronos invadebat, horrorem sequebatur calor valde inæqualis, pulsus autem fere debilis erat, æstus per horas modo pauciores septem, novem, modo plures, v. gr. 12. 14. &c. perseverabat, post quem aliquibus sudores effluebant, quibus manantibus, utut febris remitteret, plane tamen non cessabat. Erant qui post calorem nondum sopitum, eodem die denuo horrore & frigore concuterentur, ac illis jam dicto die vomitus erant molesti; iis præprimis horis, quibus febris intendebatur, die secundo perseverante adhuc calore, denuo propemodum eadem hora, qua primo, miseros opprimebat alius horror, aliudque frigus, & tandem etiam calor, qui sensim augebatur, sed tamen longe adhuc aberat a ferocia ejus, qui primo die ægros exurebat, sed neque tot horis, quam illic continuabat: tertio die eadem, quæ primo, ludebatur fabula; quarta iterum secundo responderebat: verbo semper uno die febris erat gravior & quasi composita ex tertiana, & quotidiana, altero autem erat levior, typum unius quotidianæ referens. Solvebatur intra 14. aut 20. dies per diarrhæam, mutabatur etiam in tertianam duplicem, in aliquibus scabies succedebat per totum corpus diffusa. Cedunt etiam hæc febres adhibita ordinaria methodo curandi superius adumbrata. Lenia evacuantia eximie profuerunt secundo aut quarto die, imo & aliis diebus paribus, etiam repetitis vicibus exhibita. Omnia symptomata erant leviora, si illis diebus, quibus unus tantum affligit paroxysmus, sub declinationem blanda dabantur alexipharmaca. Ante paroxysmos præcipitantiæ cum salibus alcalinis, & nitro recte etiam morbo huic opponuntur, omissa ventæ sectione.

Præter has febres occurrebant etiam, quæ tridem tertio quoque die ut priores invadebant, sed absque rigore & horrore stata observantes tempora, nisi quod rigore æstus & τριπλῆς inordinate, & erraticæ, non una cum paroxysmo invaderent. Non mali videbantur esse moris ab initio, sed procedente morbo fere in pejus ruebant, ac criticis præsertim diebus exandescabant; adebat morsus ventriculi, aliaque symptomata maligna, in his lethargus, in aliis vigilæ cum deliriis conjunctæ; impeditus erat urinae fluxus eo tempore, quo rigeant. Satis

Sydenham Opera Med. Tom. I.

erant contumaces, nec nullos interimerant. In cura nihil peculiare observatum, nisi quod e re fuerit, superato rigore, ad æqualem sanguinis distributionem obtinendam diaphoretica, & alexipharmaca propinare.

Ceteræ febres fere omnes conjunctæ erant cum odontalgia, quæ certe & ægris & Medicis facessit negotium. Omissis emeticis, purgantibus, & V. S. fuerunt interne exhibita, quæ alias in viscerum & menyngum inflammationibus præscribi consueverunt; externe vero potissimum linimenta spirituosæ, & hæc quidem camphorata & crocata sæpius applicata: aliquod etiam in pediluvii solatium, si dolor ille, quod tum temporis observatum, solitarie absque febre affligebat.

Primiparæ habitiores lautioris conditionis, imo & aliæ puerperæ partus doloribus defunctæ, hisce diebus fere omnes conquerebantur de dolore compressivo satis vehementi in dorso, quem nec mulierculæ suis remediis domesticis, nec Medici selectis etiam pharmacis depellere poterant. Acerbiores erant cruciatus earum, quæ jussulis consummatis, ut vocant, lapsas reponere vires gestiebant, præprimis si infantes essent debiliores, & in uberibus sollicitandis negligentiores. Nihil æque his profuit, quam victus tenuior, & evacuatio lactis ex mammis liberalior, evidenti certe argumento, dolorem hunc non aliunde pendere, quam ex vasorum lacteorum, ipsiusque ductus thoracici chylosam materiam pro lactis generatione advehentium repletionem, ac nimia distensione.

Præcipue autem hoc tempore communes de vertigine, tinnitu aurium comitata, quærelæ audiebantur. Occurrebant satis multi, quibus caput & visu objecta circumagi videbantur. Nec nulli erant, quorum oculis tenebræ, aut intra tenebras splendida quædam observabantur, & caput in turbinis modum circumduci videbatur. Hoc autem malo vexabantur, qui in otio viventes liberalius subinde se vino invitarunt, aut qui antea hæmorrhagiam narium, vel fluxum hæmorrhoidalem experti his evacuationibus per tempus aliquod caruerant; aut qui alias catharsi fuerunt assueti eandemque omiserant. In cura V. S. in primis, frictions etiam, ligaturæ & pediluvia fuerunt adhibita; post V. S. purgantia, raro emetica in phlethoricis data; inter sudorifera tinctura bez. D. M. omnium minime expectationi satisfacit, ut & spirituosæ aromatica, taliaque plura. Ali-

D d quan-

quanto major virtus fuit in Succin. Spec. de hyacinth. maxima autem inter usitata in cinnabari nativa.

Præterea multorum infantum corpora hisce diebus moribus convulsivis concutiebantur, quorum non pauci a parentibus suis per mortem evelebantur; nec infrequens in illis erat Ramula.

Sub illud tempus, quo fraga & ribesiorum bacca passim apponebantur, & avide, ut fit, ingerebantur, alii diarrhoea corripiebantur, alii autem cholera, præprimis si vinum in glacie refrigeratum ingurgitarent. Cholericis non tantum sursum & deorsum magno cum impetu humores biliosos egerebant, sed & ingenti siti torquebantur, & assidua corporis jectigatione fatigabantur: mens eorum percellabatur, aderant vigilæ & partium extremarum refrigerationes; quæ symptomata, nisi statim ab initio blanda data abstergentia aut levissima evacuantia ac præcipitantia, cum diaphoreticis, & discutientibus, ipsa mors excipiebat.

Varii oculorum affectus tunc etiam occurrebant. Nonnulli laborabant epiphora, & tenuis humor calidus & mordax, lacrymarum specie in oculos irruebat. Ex his aliqui in febres intermittentes lapsi non modo molestiæ levamen ex febre superveniente non senserunt, sed & dolorem augeri, eo quod forte acerrimum remaneret, dissipatis humidis & aquosis particulis, crebro conquesti sunt. Alios acres & salii humores cum rubore & palpebrarum exulceratione, gravi afficiebant tadio. Inflammationes quoque oculorum aliz aliis erant pertinaciores. Interdum oculi erant satis squalidi, & vasa supra modum extumescabant, & tamen totum malum remediis debitis facile tollebat. Nonnunquam vero inflammatio multo minor erat, & tamen, quicquid etiam ageretur, frustra tentabatur. Erat autem hoc in casu cum ophthalmia dolor capitis diuturnus indissolubili nexu conjunctus, qui satis ostendit, in consortium mali meninges & intimas cerebri partes trahi, quod etiam subinde in aliis fieri morbis patet ex Cl. Baglivi scripto de Fibra mort. Visus autem eorum, qui ita affecti erant, in dies magis obscurabatur, nec in minimo cæcitatæ securæ periculo versabantur. Id creberrima docuit experientia, alvi profluvium, sive sponte natura motum, sive pharmacis excitatum, ophthalmicis esse admodum utile.

Porro sæviebant maximopere brachiorum

dolores, qui omnem remediorum applicationem eludebant.

Mulieres etiam sanguineæ constitutionis, quæ paulo liberalius vinum bibunt, dolebant hypochondrium dextrum. Spirandi aderat difficultas sine tussi, quæ in horas increbrescebat; accedebat nonnunquam febricula, quæ dolorem, modo is esset mediocris, ne ad claviculam aut ilia pertingeret, solvabat; de quo ipso dolore loqui videtur Hippocrates l. 6. aph. 40. Nihil æque profuit, quam primo quovis tempore sanguinem liberaliter ex venis in pede detrudere; id quod argumento est, aut hepar phlogosi in hoc dolore corripere, aut sanguinem in trunco venæ portæ vicinisque ramis stagnare. Difficilior est cura, si dolor hic sit conjunctus cum tussicula inani, ex hoc enim non vane colligi potest, etiam diaphragma in societatem doloris rapi, id quod fit, cum gibba hepatis pars inflammatur, utpote quæ propius diaphragma attingit. Si paulo gravior sit inflammatio, ne digitorum quidem pulsus ægrotantes ferre possunt, jactantur plurimum, lingua arida, & scabra est ob ingens in sanguine incendium.

Mensis Julius erat amenissimus, nam & gratum solis jubar exhilarabat, ac tepidis aliquando pluviis terra refocillabatur. Major æstus erat in principio Augusti, & crebra audiebantur tonitrua; eoque gratiores erant, quæ subsequerentur pluvie. Etesie quoque grate spirantes nimium temperabant fervorem. Nec minus blanda & grata erat aeris constitutio in Septembri, nisi quod circa novilunium rigidior aer corporibus esset molestus.

Præter morbos æstivales in præcedenti enumeratos, scenam hoc tempore ingrediebantur defectiones dysentericæ, quas in corporibus cacochymis, tum etiam quando symptomata remittunt, & scybala minus sunt cruenta, nec sedes adeo torminosæ, sed ad legem Naturæ accedentes, nec non somnus recurrit, & denuo alimenta appetuntur, adeoque in portu ægri sunt, ex improvise sequebatur diarrhoea, quæ corpus variis humoribus repletum deplens, nihil sinistri portendebat, sed, etiamsi vires aliquo modo dejiceret, firmiorem imposterum sanitatem pollicebatur; conf. Hipp. sect. 7. aph. 77.

Post propulsas ejus temporis febres, in diversis hinc inde corporis partibus, præsertim autem in volis manuum & plantis pedum, reconvalescentibus epidermis discedebat,

bat, & quasi per squasmas abradebatur.

Alias iisdem diebus multi ex egenis caco-chymi deformabantur porrigine, præter blandam catharsin, diaphoresin, & diuresin, juxta cum dicta laudabili, topicis abstergendus circumspicte adhibitis curata.

In hac ipsa æstate passim etiam audiebantur querelæ de doloribus artuum & infimi ventris: crurum dolor potissimum multis infestus erat: hunc alii tensivum, alii obtusum, alii mordicantem, alii autem pungentem & erodentem in profundo circa os experiebantur, qui in motu corporis graviter efferebatur. Alii dolorem hunc ita describebant, ut dicerent, malleolis sibi quasi crura contundi: Nec minus brachia gravissimis torquebantur doloribus, qui non secus ac lue venerea oriundi nocturno tempore ingravescabant. Alii per intervalla luctabantur cum doloribus & lincinationibus intestinorum intolerabilibus, qui exhibitis carminantibus & anticolicis remediis magis intendebantur. His autem aliisque variarum partium cruciatibus obnoxii illi erant, qui cibis crassis, salitis, pane non bene a fursuribus purgato, cerevisia crassa, turbida, & sæculenta, aut vino nondum satis bene desecato, vel nescio quibus mangoniis corrupto utebantur. Hic unice antiscorbutica cum rad. chinæ, salsaparillæ, & lignis exoticis decocta aliquo modo ægris erant solatio; quibus ipsis etiam remediis sublevabantur ii, qui de languore, nullo etiam præsentem morbo, lassitudine totius corporis cum aliqua oris siccitate conquesti fuerunt.

Multi in teneriori ætate constituti, circa dies caniculares, etiam si nulla dysenteria aut diarrhœa essent correpti, assidua desidendi cupiditate cum torminibus quibusdam conjuncta vexabantur. Post frustra adhibita enemata, lenia evacuantia, humorem acrem demulcentia, balnea, tandem cum ab ascaridibus malum foveri suspicio esset, majori cum successu anthelmintica enemata addita, atque per os data fuerunt.

Initia mensis Octobris blando calore grata, sed plerique sequentium dierum ventis, pluviis & variis aëris mutationibus horrida erant. In Novembri modo pluviz decidebant, modo nives; & utut aura subinde esset satis temperata, nonnunquam corpora frigore rigeabant; hoc autem in Decembre erat intensius, præprimis circa plenilunium; at paulo post & intercurrentes nebulae, & pluviz solisque jubar violentiam frigoris mitigabant.

Inter varios hujus temporis morbos, non raro occurrebat gonorrhœa virulenta, quæ ab omni tempore Veneris amassios mulctat, autumnio tamen, qui exulcerationibus omnibus minus favet, inclementius sævit.

Porro inter communiores morbos erant febres, quæ nec statum tempus servabant, nec eodem modo semper invadebant, sed modo diebus singulis, diversis tamen horis, modo alternis homines opprimebant; jam diurno, jam nocturno tempore ingravescabant; hoc die cum horrore notabili aut rigore, alio autem sine sensu frigoris paroxysmus ingruerat; hodie immanis cardialgia molesta erat, cras ventris tormina affligebant; jam hoc symptoma, jam aliud miseros magis fatigabat. In cura placuit Hippocratis consilium lib. de rat. vict. in acut. *inconstantes, & erraticos morbos curare non expedit, priusquam constiterint*, seu certum typum & periodum observaverint, quod circa septimum diem hic evenire solebat; nam tum vel in tertianas vel in continuas degenerabant, & methodo convenienti curabantur.

Quartanz quoque autumnalium morborum numerum augebant, in quarum cura plebeis quibusdam illa non male cessit temeritas, qua febricitantes subito terrore graviter percellunt, si vel sedes, ut fit, vel deinceps sudores copiosi, aut alia quædam evacuatio largior succederet. Nec methodus illa, quæ has per anodyna, præmissis lenibus evacuantibus, febres tollit, inutilis deprehensa est.

Præterea urinæ stillicidia, vel ab humorum ad renes per arterias delatorum acrimonia, aut, quod verisimilius, a renum ulcere oriunda exasperabantur. Trichiasis in quibusdam notabatur, incidentibus & purgantibus lenioribus curata. Tabidi pejus habebant. Grassabantur etiam iterum ischiatici dolores. Multi qui cœlo pluvio sub dio laboraverant, aut etiam in aquis ac paludosis locis manuum opera exercuerunt, difficili respiratione, & orthopnœa sine conchis vexabantur, quibus non tam expectorantia, quam evacuantia, diuretica, & sudorifera conducebant. Magnus etiam inter egenos epilepticorum numerus erat. Aliquos passio iliaca horrendo modo afflixit.

*Constitutio Epidemica Berolinensis
Anni 1702.*

Januarii biduo gelido paucis nivibus, ventoque valido turbido, 3tium remissio-rem nivibus aspersis degelantem substitutis, 4tus gelu rigidum redintegravit, sed sequente 5to post gelicidium matutinum in deliquium ac pluvias frequentes nunc ubiores, nunc par- ciores, 19no tantum & 22do moderato ge- lu ut & 29no post pruina matutinam se- reno exceptis, solutus toto mensis reliquo degeneravit.

Februarius 1mus frigidus præcedentibus paulo serenior, circa vespèram in pluviam 2do toto durantem & 3tio serenitate aliqua- li interpolatam desit. 4tus serenus ac frigi- dus. 5tus totus pauca intercedente serenita- te pluviosus. 6tus & sequentes (11mo & 17mo mane pruinosi exceptis) ad 18vum usque verna serenitate fere & temperie amœ- num quarto compares. Reliqui ad finem usque mensis varii, alii uti 19nus & 20mus ante meridiem sicci & frigidi, circa vespè- ram pluvii sereni uti 21mus, alii turbidi & frigidi, uti 22dus, alii uti 23tius cum frigore mane sereni, post turbidi, alii uti 24tus mane udi, a meridie sereni, alii uti 25tus post pluvias rorans mane sicci & tur- bidi, alii mane nebulosi, post sereni, a me- ridie pluvii, ut 26tus, & 27mus succedente procella & 28vo adhuc continuante, & ad- mixta nive grandine, & gelu, reddita tan- dem cum meridie serenitate mensem termi- nante.

Martius frigus cum nive continuatum pri- mo biduo, interspersis de die serenitati ni- vibus interpolavit, 3tio in pluviam maturi- nam delcivit, recuperata tamen a meridie serenitate, 4to quoque continuante ad ve- spertinam usque pluviam, 5tus serenus qui- dem sed algidus, grandines nonnunquam Favonio flante sparsit, quatruidi sereni ge- lidi, & pruinosi prodromus, 10. biduum successit, Africo tumultuante turbidum, pro- cellosum, grandinosum ac nimbosum, 12mus serenitatem restituit matutinam nivibus a meridie comitatam atque biduum sequens gelidum & serenum induxit, moxque inter- calato 15to remissiori, sereno tamen adhuc, gelu satis hæstènus rigidum cœlo sereno Bo- rea aspirante, ac succedente huic post Eu- ro, ad 23tium usque serenitate verna cum sequente biduo commendabilem reduxit, 26tum mane turbidum algidum ac vento- sum cum triduo succedente turbulento, se-

cutus pluviolis quidem sparsis a prioribus diversis, 30mus 31mo socio mane quidem pruinoso, serenitate tamen commendabili bi- duo mensem hunc simul ac trimestre finiit.

Morbi hoc trimestri præter scorbutum en- demium febres intermittentes nonnullas ar- dentes quoque, & cephalæa, ac hemicrania, valde molestas continuas, malignas paucas, variolis ac purpura notata, catharrales & pleuriticæ sporadicæ, epidemici fere nulli fuere, nisi catharros & tussis hæmoptoes, quasdam & pleuritides, ut & arthritides præsertim vagas scorbuticas ob hybernas aëris varias turbas indeque nascentia sanita- tis incommoda, satis frequentes iis annume- rare velis.

Aprilis primum biduum frigidulum cetera serenum leni gelu cœpit ad tertii meridiem usque nubilum in pluviolas circa vespèram solutum, cui 4tus compar, 5tus noctu plu- vius, de die procellosus, ac nimbosus, 6tus nivibus sereno cœlo mixtis varius, & incon- stans successit. Huic congener 7timus, octa- vus nocte a nivibus scæta frigidulus & po- tissimam partem turbidus, post noctem ge- lidam, nonum frigidum, & serenum, post quæ nocturnas denuo nives biduum degela- scens ac pluviosum induxit. Sequentes, præ- ter 12mum sic satis serenum, vespèri tamen adhuc specade rorantem, eique similem 23tium & 24tum totum serenum omnes ad finem usque mensis genio illius conformes, varii, turbidi, frigidi, nivosi, nimbo- si, quan- doque & procellosi fuerunt.

Maji primus verna serenitate commenda- bilis, frigidulus tamen adhuc Euro noto flante, triduum sequens turbidum paucis aspersis pluviolis udum ac horridum adduxit, succedente verna amœnitate integrum men- sem reliquum, paucis 11mo nimirum mane turbido a meridie specade grato 17mo ven- to, 23tio procella 25. pluvia vento mista 27. grandine ac imbre, ut & 31mo seu postremo paululum ventoso exceptis du- rante.

Junii primus ultimo Maji compar, a bi- duo sereno ac temperato exceptus, 4rum obscurum in vespèram & noctem pluviam deficientem, cum subsequente biduo sibi non absimili successorem habuit, quos biduum aliud serenum ac temperatum correxit; suc- cessit huic 9nus totus turbidus in pluviam vespertinam desinens, quem temperatus ac siccus 11mus atque 12dus sudo æstivo infi- gnis secutus. Huic biduum rursus obscurum ac frigidum in pluviam tandem satiscens suc-

successit, eique quadratum sudum ac æstivo ardore fere molestum, subsequente 19no tonitru temperatum, 20mum pluvia nocturna quandoque & diurna secundum, triduum versus serenum ac temperatum secutum in pluviolam vesperti 23tio solutum, quod 24to imber nocturnus, tandemque, 27mum mane obscurum a meridie serenum, & 29num frigidulum sed serenum, si exceperis, reliqui vario cœlo aliquando & nimbofo rarius sereno inamœni, mensi tristem addidere colophonem.

Morbos hoc trimestre epidemios præter morbillos & paucas variolas nullos aluit: Sporadici fuerunt febres varii generis, intermittentes tertianæ nonnullæ, & continuæ ardentes cephalalgia & cardialgia infestæ, catarrhales tussi & asthmate molestæ, quandoque & angina, oculorum & gutturis ac tonsillarum inflammationibus; His hæmorrhagiæ narium, hæmoptoes, arthritides universales, & vagæ quoque scorbuticæ, cachexiæ & cacochymix passionibus hypochondriacis & hysteris, pleuritide, imo & paralyfi & apoplexia nonnunquam slipatæ accessere.

Julii dies quinque priores æstivo calore insignes, 3tius præsertim fervore æstuoso molestus; Quibus biduum successit ventosum ac subinde pluviolum, huic 8vus obscurus ac frigidulus, ut & 9nus sudo & temperato calore amœnus, 10mus post pluvias nocturnas cum septem subsequentibus sudo ac æstugeniū hujus mensis exprimentibus 16to sub vespem, ac 18vo a meridie, 19no, mane pluvio a meridie tonitru addidit. Sequens triduum sudo pluvias miscuit, succedente quadratio imbroso. Unde ad finem usque mensis sereni & æstivo sudo grati succedere dies.

Augusti primus sudo æstuoso gravis, vesperti tonitru leve cum pluvia moderata, sequenti vero triduo post pluviam matutinam modicam temperiem amœnam substituit. Quæ triduo alio ob temperatum sudum commendabili succedente, ac octavo ante & post meridiem lene stillicidium intercalante a biduo pluviolo excepta. Cui aliud rursus biduum vere æstivum ac serenum successit, atque huic 13tius mane specade torans, 14tus præter tonitru breve imbre comitatum cetera serenus, 15tus mane serenus, circa vespem tonitru horrendum procellosum ac nimbofum tulit, 16tus mane serenus post fufas a meridie pluvias frigidior, 17mus serenus ac temperatus, 18vus

a pluvia matutina septem subsequentes dies serenos, ac nonnunquam satis æstuosos, si 25tum exclusis mane pluviolis madentem, adduxit, 27. ceteroquin serenus pluviam vespertinam in noctem usque intempestam protraxit, 28vum frigidulum, licet sereno, 29num totum pluvium & imbrosum ac subfrigidum, 30mum pluviolis quandoque rantem, tandemque 31mum & postremum mensis siccum quidem & serenum, sed frigidum pariter successores habuit.

Septembris primordium 1. & 2da serena & amœna temperie acceptum circa vespem in tonitru horrendum & imbrem degeneravit; a 3tio ad 24tum vario, quandoque subfrigido, quandoque æstivo calore, plerumque sudo pluviis ac specade interpolato, temperatoque æthere continuavit, 25to ventosiori paulo & pluvio biduum successit procellosum & nimbofum, atque huic aliud sedatius, sed ad vespem usque pluviolum; inde serenitas grata comitata temperie 31mum simulque mensem & trimestre tertium absolvit.

Morbos æstiva ætheris cum temperie ambiens subinde intemperies præcedentis æstatis frequens æstus, præter endemios pene scorbutum, illique æthinem veneream luem, epidemicos genuit varias febres tam intermittentes, quam continuas, aliasque ardentes paroxysmis interpolatas, quasdam plane inordinatas nullum typum servantes, catarrhales nonnullas, malignas quoque exanthematibus variis, miliaribus præsertim semet prodentes, pleuriticis insuper, alia cephalæa, cardialgia, colica, hæmoptoes, defluxionibus in buccam, gulam, dentes, ut & inflammationibus oculorum indeque ophthalmiis, gutturis tussibus porro variis, quibusdam etiam ex illarum numero, quas convulsivas Villisius appellat; Præterea epilepsias præsertim infantum, arthritides tam universales quam particulares, unius lateris, ischiadicæ, vagas scorbuticas satis frequentes, omnium tamen frequentissimas ob fructuum immaturorum ingluviem intemperantem, & immoderatum aliarum illecebrarum gulæ usum, choleras, diarrhæas, lienterias & dysenterias copiosissimas, easque satis vehementes; pertinaces, periculosas ac sæpe numero lethales.

October post pluviam 1mo matutinam, triduo sereno ac grata temperie amœno æstu successit triduum nimosum, subinde grandinosum, tandem & pluviis, nivibus pruina vacuum ac frigidum. Illi rursus quadratum,

duum, autumnalis temporis ratione satis temperatum ac gratum. 14tus mane ad meridiem usque nebulosus, inde serenus fuit, 15tus serenus ac temperatus a meridie paucas sparsit pluvias. A 16to ad 20mum æstivo fere calore serenum & amœnum quattriduum, a 20mo, 28vo sereno, ac temperato excepto, obscuri ac frigiduli, interspersi 23tio, 24. 26to, utut rarius pluviis ad 31. adeoque extremum usque mensis, dies secuti mensem terminarunt.

November a siccitate ac frigore aliquali auspiciatus, ad serenitatem ac rigorem satis validum sed ephemerum transiit triduum obscurum, ac specade subinde udum inducens. Quod quattriduum a siccitate ac temperie ad aliqualem algorem, mox & gelu satis rigidum pergens, secutum. Cui 9nus nivem copiosam aspersit, perseverante 10mo adhuc gelu atque post densam 11mo nebulam; & subsequente serenitatem, ad 14tum usque paulo mitiorem in persecadem a meridie fatiscentem continuante, 15tus precedenti fere similis specade pariter udus, 16tus ad vesperam usque siccus, postea pluviosus 17mum procellosum & nimbosum ascrivit, 18vus a pluvia modica matutina in serenitatem, 19no adhuc ad vesperam usque pluviam durantem transiit succedente 20mo sereno ac temperato, in turbidum temperatum tamen adhuc nunc siccum, ut 21mo & 23tio, nunc pluviis & nivibus quibusdam, ut 22do 24to & 25to mutato cœlo, succedente biduo paulo gelidiore & nebuloso, aspersa tandem quoque nive, alioque rursus biduo pluvioso tota ad vesperam usque 29ni a pluvia inclarescentem, sicque 30mo æthere sic satis sereno & frigido mensem simul claudentem.

December subfrigido, verna tamen fere temperie præter morem accepto biduo orsus 3tiū mane pluvium, cetera turbidum sed siccum, posteaque triduum temperatum attulit, sub vespera 6ti nive parca aspersum, 7timus a gelu nocturno serenus triduum sibi quadantenus excepta serenitate nivibus & nubibus interpolata conforme adduxit, 11mo obscuro in pluvias deliquescenti, ac 12mo sereno post specades sublituenti, biduum turbidum ac algidum successit, mox post 15tum mane pluviosum, postea triduum, a nive ac gelu moderato & æthere sereno in horridum muratum substituit; sed 19no ac 20mo rursus post gelicidium & nivem cœlo sereno remittente, 21mo magis specade sorante a serenitate aeris 22do in

gelu satis rigidum abiit; rursusque 23tio post gelicidium matutinum in pluvias 24to a procella; aere turbido sicco, tamen ad vesperam in pluvias, 25tum totum durante fatiscentem, 27mo nivem noctu diuque spargit, 28vum moderatum gelu & circa vesperam nix pauca excepit, 29nus tota die gelu rigidus fuit, 30mus a gelu in nivem, a nive in gelicidium, de gelicidio in pluviam toto fere 31mo durantem sicque æthere nimbo hunc mensem simulque trimestre ultimum, adeoque annum hunc 1702. dum finientem desit.

Morbi hoc ultimo trimestri occurrerunt satis frequentes, febres intermittentes variaz, continuaz, hæque sæpius intermittentibus sociatz, simulque ardentes, malignaz quoque exanthematis varii generis conspicuz; præterea catarrhales, pleuritide nonnunquam comitatz, erysipelatodes, aliazque diversis & periculosis nonnunquam symptomatibus, alia inter paralyfi linguaz, aliarumque partium, inflammatione gutturis, rheumatismo, cardialgia, cephalza periodica nonnunquam; hemicrania, hæmorrhagia narium vehementi & periculosa comitatz. Præter quæ uteri quoque hæmorrhagia graves & pertinaces solitariaz aut aliis morbis sociatz, diarrhoz & dysenteriaz malignitatis nonnunquam participes excessuum autumnalium reliquaz: Colicz & hystericz passionες scorbutō sæpius complicatz, tandem & epilepsiaz cum primis infantum, nonnunquam & adultorum hemiplegiaz & apoplexiæ vehementes & ut plurimum lethales.

Constitutio Epidemica AUGUSTANA.
Ann. 1701. 1702. 1703.
1704. & 1705.

L U C Æ S C H R O K I I.

Licet initium Anni 1701. frigidum comparuisse &c. &c. &c. In hisce quoque deprehensum fuisse animadverto.

Qualem anni præcedentis exitus habuit aeris constitutionem, talis per biduum etiam primum anni 1703. continuavit; & quamvis zephyrus prædominium porro obtineret, ac tolerabiliorem utcumque temperiem redderet, sæpius tamen ab iis diversis ventis excipiebatur, eurusque inprimis ante solis in Aquarium ingressum, a die 18. Januarii usque ad d. 26. frigore intento molestus

lestus erat, multis subinde interea nebulis, & nive, paucioribus serenis diebus observatis; a quo dein tempore inconstans admodum aeris ventorumque, austro tamen prævalente, alternatio, usque dum sol in Piscium signo versaretur, ubi post nivolum boream zephyrus temperatiorem ut plurimum & pluviosam auram redderet; quæ post æquinoctium vernale variis mutationibus, præsertim frigidis humidisque obnoxia, vernali amœnitati multum obstitit, ac tardiorum plantarum vegetationem effecit: Quæ eo felicior postea successit, cum grata temperies fertilitatem admodum promoveret. Interea morbi, præter tussis in hyeme non insolitas, & omnibus fere aliis morbis se complicantes, multas inducias concedebant; Arthriticis tamen doloribus obnoxii novas invasiones contumacioresque patiebantur, nec non febres quotidianæ, & non intermittente calore suo, continuas sæpe in principio æmulantes, pauciores etiam tertianæ (post sumptum vel purgans, vel vomitorium, quod solum quandoque febrilem fomitem expellebat) arcano duplicato ubi biliosa impuritas, unicornu fossili ubi acidæ particulæ, chinachina vero dum viscidior pituita prævalebant, utraq; facile curabiles, in primis mensibus deprehendebatur; in pueris potissimum, vermium suspicionem ob victum prægressum, colorem faciei luridum, ventris morcificationes, deliria nocturna &c. sæpe præsentibus, & præter medicamenta recensita, cinnabaris nativæ, terræ signatæ, mithridatii &c. usum salutare ideo expertis. Subinde quoque continuæ catarrhales notatæ fuerunt, majori vehementia, post horrores, magno calore circa vesperam ingrescente, nec non cephalalgia & virium languore periodum suam decurrentes, sed continuato blandorum diaphoreticorum & alexipharmacorum usui cedentes. Intermittebant illæ præsertim tertianæ, in æstate se in plures utriusque sexus, omniumque ætatum diffundeant; imo in autumnum usque passim se exerebant; nec deerant in diebus canicularibus, calore non admodum molestis, sed per primum decendium in primis frigidiusculis & humidis, postea serenis & calidis, circa finem autem pluviosis, quos malignæ, pustulis crystallinis stipatæ, & nisi alexipharmacis mox atque sedulo obviam ipsi iretur, lethales evaderent.

Post caniculares varia aeris temperies, zephyrique & euri alternatio, illo autem circa d. 8. Septembris prævalente, plurima

pluvia & horridiuscula aura per aliquot dies infesta erant; cui fortasse dysenteria tum ingruens non male adscribenda fuerat; quam & merum ex turbis bellicis, quæ urbem ubique cingebant, & ultimam incolis internecionem minitabantur, incessum, quin & cerevisiæ recenter coctæ nec satis defæcatæ potum contulisse suum symbolum, sit credibile; quibus tonum ventriculi atque intestinorum labefactati, succosque naturales visciditatem & acorem contrahere, non est dubium. Quamvis illa raro graviore insultu noceret, atque ex chyli acrioris vellicatione potius inducta videretur, cum sine prævio vel notabili calore aliisve symptomatibus, præter tormina tolerabilia & stomachi gravitatem, mox in principio cruentæ defectiones contingerent; facile etiam, post rhabarbari tossi (quod solum quandoque curæ sufficiebat) & moderatum stypticorum vel traumaticorum, catechu, tormentillæ &c. cum pauculo opii accessu, usum recederet: in nonnullis, ubi stomachus cruditatibus oneratus indicabatur unicum lene vomitorium, quale vel unicum tartari emetici granum suppeditabat, opem tulisse observatum fuit. Præter hunc cruentum fluxum, postea diarrhoea quoque frequenter ingruerat, eadem fere methodo curata. In Autumno insuper morbilli frequentissimi, & solitis symptomatibus febrili nempe, quandoque ad delirium usque intensa sanguinis effervescencia, tussis, oculorum inflammatione stipati, ceterum sine magno discrimine (ita ut non pauci etiam sine decubitu, & pharmacis easdem paterentur) suum decursum intra breve tempus, octiduum ut plurimum, sub pulveris Pannonici, antimonii diaphoretici &c. usu feliciter absolverant, adultiore etiam ac juvenilem ætatem frequenter pari, sed intensiori insultu traclaverant.

Æquinoctium autumnale cum zephyro austrinam ut plurimum constitutionem adducebat, usque ad Novembris initium, ubi eurus crebrior serenos ac nebulosos dies aliquandiu interponebat; quem post medium Novembrem excipiens auster plures serenos dies quoque producebat. Tandem vero Decembris multas nebulas & magnos zephyri impetus, cum vario aeris, nebuloso tamen potissimum ac nubiloso statu adferebat; post solstitium autem hyemale eurus horridiorem auram ac frigus intensum pariebat, sicque cum anni fine præsentiam hyemis ostendebat. Interea febres malignæ superius indicatæ in plures se diffundeant, multosque

trucidabant, præcipue cum urbs diuturna quasi e longinquo obsidione cincta, vario infortunio quin & postea hostili insultu (ubi cives insueta continua per aliquot dies sub Jove frigido, & humido in excubiis statione plurimum defatigabantur) atque fatali præcipue igne gravissimo premeretur, ac subsequa infelici deditione multivaria torqueretur ac enervaretur: quanta vero ab externa hac aëris & sati iniquitate sanguini labes fuerit impressa, vix opus erit pluribus exprimere. Omnes maligna febrī decumbentes, atque ut pyrobolorum periculum evaderent, in tūriorem urbis partem deportati, quantum scio, perierunt; infantes etiam morbillosi eandem ob causam ignis metui subducti, diuturniori postea ruffi, & hæclicæ discrimine salutem hanc suam redemerunt.

In Anno 1704. hyemali frigori continuando eurus multum perrexerit, usque dum post solis in signum Aquarii ingressum zephyrus, pluviis crebrioribus, cum nive tamen & serenitate alternantibus, gravidus, temperatorem auram produceret; quæ equidem temperies ita continuavit, ut vernalis constitutio deinde citius, quam pluribus aliis præcedentibus annis, compareret, atque cum aëris ac ventorum non adeo ingrata mutatione diu, usque in mensem Junium perduraret: quamvis circa solstitium æstivum pluviæ frequentiores essent, major tamen serenitas, silentibus æt plurimum ventis, cum incunte Julio redibat; quæ ipsa continuans, caniculares dies admodum calidos, grato tamen pluviarum interventu subinde mitigatos efficeret; usque dum occidente Sirio, a d. 19. Augusti ad finem usque ejusdem mensis, Solis nunquam a nubibus interrupti radii fervorem intenderent; sed cum d. 2. Septembris ærior insurgens zephyrus frigidiusculum ac pluviosum aërem per quintiduum produxisset, & succedens ipsi eurus quatrinduum serenitate ornasset, zephyrus tamen mox iterum dominio potitus, frigidos ac pluviosos dies (serenis tamen quandoque intercurrentibus) reproduxit. Interea febrium puncticularium malignitas (horrore, vitium lapsu, appetitu prostrato, capitisque ac dorfi dolore primo se prodens, in nonnullis amaritie oris, anxietate præcordiorum, fluxu alvi seroso, bilioso, quandoque sanguinolento, ruffi &c. concurrente) magnam circa anni principium incolarum stragem dare continuavit, ut quinque primis mensibus ultra mille ducentos homines, (quos inter equidem plures quam centum & quinquaginta milites Galli

fuerant) tum aliis morbis, tum hac febrī potissimum demortuos numerare licuerit; cum alias per integrum annum tota urbs non videbat. Ubi quidem tantæ cladis causam non tam morbi atrociam, quam ægrotorum in prima morbi invasione ab ipsis parum æstimati negligentiam, atque ob prægressas ac in dies renascentes, quin majores subinde ab insensissimō inquilino hoste pertimescenda calamitas, vitalium succorum enervationem, ac depravationem accusare possum. Quæ ipsæ etiam miseriæ aliis morbis, ictero in primis, verno tempore multos invadenti, ansam suppeditare, bilemque justo viscidiorē, atque ita ad obstructions excitandas proniorem reddere potuerunt; prout non minus eodem ex fonte tertianas ac quotidianas febres frequenter tum, & reliquis etiam anni partibus se exerentes profluxisse credibile est. Unde etiam haud dissidentibus remediis ut plurimum, & quidem facile tolli potuerunt; quæ inter arcanum duplicatum non saltem vi qua pollet incidendi & aperiendi, sed quoque correctas hac ratione biliosas impuritates in multis per alvum educendi, egregie profuisse expertus sum. Ceterum mense Junio dysenteriae in scenam prodire, & usque in Octobrem observari, in Augusto in primis plures invadere cœperunt, ut non facile domus, quæ immunis ab ea foret, inveniretur; atque licet malignitate carere viderentur, plurimos tamen, minoris æque ac profectionis ætatis homines trucidarunt, ut defunctorum numeros, qui mense Junio, & Julio nonnihil decrescere inceperat, in Augusto & Septembri admodum augetur; quod equidem non morbi truculentiae, sed incauto in cura regimini adscribendum arbitror; cum variis domesticis, ut vocant, præter rationem propinatis remediis unice confidens incauta plebecula, vel etiam multivarie diætā negligendo, aut justo tardius Medici opem implorando, vehementer peccaverit; neque tamen negari potest, aliquot ægrotantes brevi tempore, deglutito ex. gr. cochleari spiritus vini cum pulvere nucis moschatæ, morbi primordia eluisse; ubi nempe non tam dysenteria, quam simplicior diarrhœa, a ventriculo cruditatibus labefacta, adesset; prout etiam non paucos sumpto mox rhabarbato nonnihil tosto, vel sibi relictos, immunes esse factos scio. Quod etiam rhabarbarmu in principio curæ, vel durante morbo, ubi stomachus gravari sentiretur, profuit. Radice Ipecacœanha non sui usus, neque ejusdem

dem vi emetica optus habui; aliquibus vero, quibus vomendi conatus erat molestus, cum convulsivi quid adesse ostenderet, præter externa calefacientia spirituoſa, idem rhabarbarum in pauca quantitate ad gr. xij. xx. cum corallis rubris, vel terra fig. &c. mixtum, ſelici cum ſucceſſu propinavi. Reliquum curæ per abſorbentia, & acredinem humorum temperantia potiſſimum fuit peractum; ubi præter dictam terram ſigillatam, corallia, flores ferri, cryſtallus in primis montana egregiam opem attulit, quibus ubi nimia dejectiones moleſtæ erant, adſtringentia ex catechu, radice tormentillæ &c. in pulvere, electuario, pilulis, tinctura, doſi non nimis larga, ſed ſæpius repetita, & quando dolores admodum urgebant, laudanum cydoniatum, extractum opii, vel the-riacæ cœleſtis moderate addita, profuerant: potum eadem radix tormentillæ, caro cydoniorum ſicca, cum pauco cinammomo & ſaccharo in aqua cocta, convenientem præbuit; neque vinum Neccarinum, aut Tirolenſe antiquum rubrum noxam attulit, cum raro febrilis calor jungeretur. Undenam vero origo huius mali ſit deducenda, anceps hæreo. Fructuum horreorum immoderatum eſum multis nocuiſſe non dubito; cereviſiæ haud probe defæcatæ potum plurimos in hunc morbum præcipitaſſe, eo magis eſt credibile, cum non paucos jam convaleſcentes, vel cum malo adhuc conſiſtentes, unico etiam hauſtu cereviſiæ in recidivam lethalem incidiffe, aut doloribus auctis, gangræna inteſtinorum obſiſſe noverim; contagium inſuper non raro ægrorum numerum auxiſſe, ſucceſſiva in una eademque domo inſaſio ſuadere poſſet; bellicæ vix tolerabiles adverſitates, cum ſætoribus ex varia militis Galli ſpurcitie, & excrementis equinis ſtramini ſemiputrefacto immixtis, quorum copiam inſignis equorum multitudo indies publice in plateis, nec non in ædibus cumulaverat, quid efficere valuerint, neminem ſugere poſteſt; intenus ille aëris calor, ſpirituum & ſanguinis vigorem minuendo, quantum obeſſe queat, in me ipſo ſum expertus, qui nullo in cibo potuve errore commiſſo, ob continuas tamen per integros dies Sirio urente, ægrotorum viſitationes, & ſudorum inde largiores effuſiones, deſatigatus, poſt biduanam levem diarrhœam, eundem cruentum fluxum pati coactus fui: qui licet magnopere me non affligeret, vires tamen mox adeo debilitaverat, ut diuturniori earum recollectione opus habuerim, Sydenham Opera Med. Tom. I.

ad roſcidas nempe & baſamicas lymphæ particulas reſtituendas, ac ſegnius per vaſa circulantæ vitales humores ad naturalem motum reducendos, cum lymphæ depauperationem & craſſitiem ex variis ſignis colligere licuerit, unde ſalinæ actiores in ea particulæ concentratæ per tubulos minimos inteſtinales ſegnius moveri, ſpiculisque ſuis pungendo nocere potuerunt. Erant quibus inſueta muſcarum multitudini cauſam adſcribere placuit, quarum nempe excrementis cibus potuve contaminatus turbas hæſce in corpore concitaverit, quod ſuis domeſticis ut perſuaderet curioſior aliquis paterfamilias, carnem ſpurcitie tali imbutam cani devorandam dederat, qui ipſe mox ſædo iſto morbo correptus fuerat. Neque tamen alii etiam morbi per æſtatem & autumnum aberant: Ut Variolas pueris æque ac adoleſcentibus magis moleſtas quam periculofas, adultiores etiam non paucis in exigua copia & ſore ſine morbi ſenſu invadentes, febres inſuper petechiales, nec non puerorum verminofas, & cum uterinis malis ſociatas M. Julio obſervatas taceam, M. Auguſto arthritis vaga maſculinum præſertim ſexum ſatis obſtinata, multos etiam angina notha prompte remediis cedens, excruciaverant. In adulto autem Septembri, nec non Octobris initio febres continuæ puſtuloſæ plurimos in adulta æque ac puerili ætate conſtitutos cum præcordiorum anguſtia, inquietudine, deliriis, angina ſpuria, puſtulis albicantibus univerſam corporis peripheriam occupantibus, rarius inferiorem ſaltem abdominis partem occupantibus, invaſerunt, in cuticulâ tandem deſquamationem, præviô tædioſo pruritu, abeuntes. Quas (præter iſterum, martialis remediis, acidulis præſertim & eſſentiæ Martis D. Ludovici haud ægre cedentem) tertianæ & quotidianæ irregularibus paroxyſmis Medicorum exercentes patientiam, exceperunt; ibi alexipharmacis temperatis, hic pro diverſa morbi natura, bilioſam tamen intemperiem ut plurimum oſtendente, arcano duplicato & cortice Peruviano officium ſuum egregie præſtantibus.

Reliquum anni, ſub moderato aëris & ventorum alternantium ſtatu, tranquillius fuit peractum, morbis epidemicis ceſſantibus, ac reliquis etiam, quos ſporadicos vocamus, rarius occurrentibus; cum cœli non tantum clementia, ſed etiam ob hoſtes ex urbe profugos, totaque vicinia expulſos, civium animi novo vigore animati,

ti, morbosas dispositiones feliciter averterent.

Cum zephyrus, Anno 1705. illucescente, moderatis nivibus terram conspersisset, eurus succedens, die duodecimo frigus hyemale induxit, aëremque per biduum serenavit, mox tamen iterum nubibus textit; quibus circa finem primi mensis denuo discussis, d. 8. Februarii, post nebulas, cum zephyro crebriores nives deciderunt; & aliis quandoque ventis, euro-noto in primis, austro, & zephyro borea interpolatus zephyrus diversas aëri temperies impressit, donec circa finem mensis eurus serenitati favens nivium liquationem successive promoveret. Quæ serenitas ad vernale usque æquinoctium continuavit rarius nebulis, & semel nive interrupta, frigore autem comitata.

Post æquinoctium variz subinde ventorum mutationes, & frequentiores pluviz vernalem gratiam retardarunt, atque Aprilem potissimum (cujus dies decimus nonus vesperti, alta, sed paulo post rursus liquata nive, sine Cereris & Pomonæ noxa, terram oneraverat), nec non Majum valde inamœnum atque frigidiusculum reddiderant, sicque morbosas corporibus humanis dispositiones, & tertianas præcipue febres procrearunt; quæ licet jam in Januario sparsim comparerent, in Martio tamen, & Aprili & Majo plures invadere coeperunt, gravi cephalalgia, & præcordiorum pressione, rarius præcedaneo horrore, molestæ, sed post cholagogi, aut emetici usum, chinchinatis medicamentis ut plurimum non difficulter superari potuerunt; quod observare etiam licuit, cum circa finem Maji vires sumendo, plurimos in urbe, quin & vicino agro invaderent, post horrorem magno atque sæpe ad deliria usque intenso calore ægros torquentes. In Martio quoque pleuritides veræ, non admodum vehementes & exquisitæ, blandioribusque diaphoreticis & pectoralibus, sine venæ sectione, interdum etiam absque suppuratione, curabiles; circa Aprilis autem finem apoplexiæ lethales passim observatæ fuerunt. Febris porro scarlatina in Aprili, Majo & Junio in plurimos variz ætatis, sexus & conditionis homines, quin totas etiam in familias sese diffudit, post exiguum, aut nullum horrores sensum, faciem primo inflans & rubore suffundens, postea universam cutem maculis vel tuberculis rubris, crebrioribus, latoribus, interdum magis, quandoque minus, quam in morbillis rubentibus, interdum quoque to-

tam cutem unica quasi macula tingens, ad duas tresve potissimum dies persistens, quin diutius quandoque, & per octiduum durans, modo in squamulas abiens, modo insensibiliter discussa. Nullum equidem vidi qui periculose ex ea ægrotaret; nonnullis tamen, ob majorem sanguinis effervescentiam, diaphoreticis temperatioribus, antimonio diaphor. terra sigillata, unicornu fossili &c. succurrere opus fuit; aliquibus libero se exposuisse aëri, & sine medicamentorum usu, nunquam decubuisse haud nocuit. Quo in morbo licet Clariss. Tb. Sydenham in *obs. med. circa morb. acut. historiam sect. 6. cap. 2.* omnem medicamentorum usum intermittere, in libello tamen, qui ejus nomen præ se fert, & *Processus integros in morbis curandis* ab eo conscriptos exhibet, atque Londini typis prodit, medicamenta supra memoratis similia non improbariprehenditur; cujus eo lubentius mentionem facio, cum Libellus iste in *Ephemeridum nostrar. Dec. 2. Ann. 10. Appendice* recusus censuram acerbiorum ejusdem Anonymi subjerit, qui anno 1693. Londini eundem denuo impressum publicare voluit, nostrum *inspta mole inutilem*, nescio quo jure vocans, cum tamen idem omnino cum Anonymi specimine sit, atque juxta exemplar (cujus viginti circiter tantum Londini primo fuerunt impressa) ab Exc. D. D. Mich. Fausto, Argentoratensi, jam Medico Francosurtenfi ad Mœnum dexterrimo, Acad. N. Curioso, cum ex Anglia redux Norimbergam transiret, beato nostro Præsidi, incomparabili D. Volckamero, tunc temporis in edenda prædicta appendice occupato, communicatum, ingenue recusum fuerat; ut ita quo pacto non irrepisse, sed accessisse ephemeridibus nostris dicendus sit, Lector benevolus inde cognoscere valeat.

Mensis Junius multam ventorum omnium vicissitudinem ostendere pergens, serenitate quidem ut plurimum gaudens, crebriori tamen frigore inamœnus comparuit; elapso autem primo octiduo, constantior zephyrus, post pluviarum frequentiam, temperatiorem auram reddidit; quam ante solstitium æstivum, calores, circa finem mensis remissiones facti, insequabantur; cum interea forenos dies pluviosi sæpius interpolarent, ideoque tolerabili sæpius temperiei ac telluris fecunditati faverent; usque dum una cum Sirii ortu calores ingravescerent, & usque post ejus occasum continuarent, multamque terræ siccitatem adferrent; nisi quod sextiduum

duum ante occasum caniculæ deciduis cum tonitru, & fulgure pluviis eadem refocillarent; quas eo uberiores postea per Septembrem zephyrus adduxerat, post intensiores illos calores temperiem admodum humidam & frigore horridiusculam reddiderat, simulque catarrhis glandulosas in primis & musculosas colli exterioris partes obnoxias sece-
rat, temperationi tamen aëris regimini non difficulter cedentibus.

Post æstivum æquinoctium continuante ventorum varietate, serenos dies plures usque ad Novembris initium vidimus, quos dein multa hyemis indicia sunt secuta, & juxta cum aura frigida, nubibus & nebulis aër turbidus, atque modo in pluvias, modo nives resolutus, humidam admodum constitutionem effecerat, usque dum tandem post hyemale solstitium, prævalente ceteris ventis Austro, quæ ab ea denominatur austrina temperies succederet. Interea lymphæ viscidæ & falsæ (ab humida aëris post magnos æstivos calores intemperie probabiliter coacervatæ) stagnationes non deerant, Odontalgia præcipue, sed tolerabilis, in pluribus ob conjunctam cephalalgiam magis molestæ; quin & tussis humidæ contumacioris, nec facile sine absorbentibus abigendæ feraces. A qua etiam hæcica febris, quæ nonnullis insidiabatur, & non minus medicamentis potissimum acredinem temperantibus haud difficulter cedebant, originem derivare licebat.

EPISTOLA RESPONSORIA SECUNDA

A THOMA SYDENHAM, M. D.

DE

LUIS VENEREÆ HISTORIA,
ET CURATIONE

AD HENRICUM PAMAN M. D.

Doctissimo, Amicissimoque Viro

THOMÆ SYDENHAM M. D.

Magnam rei medicæ exortum est & lumen, & commodum, Vir Clarissime,

ex consummata tua de Morbis Acutis historia, eaque sedula observatione, & fida experientia stabilita, non lucri aut famæ aucupio scripta, sed sincera fide & mente honesta; Cum tibi amplum satis theatrum sit officium fecisse, & præsentī seculo quovis modo profuisse. Ipse hætenus celavi penitus quod volui, at fortasse quid jam parem tibi e longinquo suboles. Qui laudat quod facis, urget ut facias quod adhuc laudetur. De morbis Acutis scribere summa difficultas est, utpote quos tam rapida volvit rota, ut nisi opportuno sistatur sufflamine, in præceptis ruat visa, nullis in posterum auxiliis, nullis suppætiis redimenda. Tu singula eorum momenta notas, & quid quovis temporis articulo fieri necesse sit. Opus quidem perfectum, & absolutum, cui nihil addi poterat, nisi majus promiseris. De Morbis scilicet Chronicis. Hi inducias ferunt, & tuiusmodi examinandi, & judicandi moras.

Sepe nobis incidit sermo de propundio illo Morbi Veneri, cujus ignominiosam originem Gentes Europe a se invicem sedulo satagunt propellere, & ut ejus magis adhuc occultentur vestigia, ad ipsos Indos remotissimos amandant. Scortatorum audit flagellam, furiosæ, & indomita libidini aptissime respondens pæna, eo fortasse sine tarditas remota, ut tanti constet pænitere. Et humanitatis, & peccati simul sensu tactus videbatur, qui palam operavit impurissimam hanc lucem semel tantum curari posse. Cum jam autem ad Agyrras, Tonsores, & infimos quosque scitulos ejus sepe devota sit curatio, illi aut fraude, aut imperitia magno eam sumptu, majore etiam molestia candu differtunt, & protollunt, ut vires plane sedeant inter carnificum tormenta, & longissimas Medicinæ moras protrahat, & fere levius sit egrotasse, quam sanari. Jue igitur promissi, amici tamen, exigo; premittas oro, in arrhabonem reliquorum, si quid habet hæc in te confectum. Humaniter, & sincere explicitæ quæ methodo, quibus auxiliis hoc morbo captus se redimat quam queat minime, Satis est ut ager sub Deo, non etiam pejor sub Medico valeat. Hoc gratum plaribus fiet, & ad me aliquatenus saltem par gloria redibit, utpote cujus precibus desideratissimum hoc opus in lucem dederis.

Tibi omni officio addictissimus,

Ex Ædib. Lambeth.

Febr. 12. 1679. 80.

H. PAMAN.

E c 1 2 3 4 5 6 7 8 9 10 11 12

Ornatissimo, Eruditissimoque Viro

HENRICO PAMAN, M. D.

Divi Joannis Cantabrigiensis Socio, Academia
Oratori Publico, & in Collegio Gresha-
mensi apud Londinenses in Me-
dicina Professori.

Quamquam cum, quem de *Acutis Mor-
bis*, Vir Spectatissime, nuper edidi
Tractatum, quæ est tua tam humani-
tas, quam animi in me propensio, ceu opus
undique consummatum deprædicare digneris;
usque adeo tamen tenuitatis tum istius opel-
læ mihi sum conscius, ut me nihil aliud
egisse existimem, quam viam præmonstra-
se, qua qui ingenio magis valent, dictorum
morborum & historiam & curationem queant
investigare.

Fungor vice Cotis, Acutum

*Reddere quæ ferrum valet, exors ipsa
secandi.*

Et profecto ita multiplex, incerta, &
delicata, ut ita dicam, est Natura, atque
ita ludit in his morbis producendis, ut unius
non sit hominis, utut vivacis, varia eo-
rum *causæ*, & curationes iisdem accom-
modatas graphice depingere. Unum homi-
nem dixi? quid quod vel decem quidem
homines per tot sæcula sibi invicem succen-
turiati, atque iidem tum maxima ingenii
vi, tum indefessa industria præditi, tum
etiam in praxi; quæ numerosas observatio-
nes suppeditaret versatissimi, perpulchre hic
operam suam collocare possint? Tantum
abest, ut ad artem medicam vel pervenerim
ipse, vel me putem pervenisse.

*Mecum habito, & novi quam sit mihi
curæ supellex.*

Morbos istos *Chronicos* quod attinet, quo-
rum historiae perscribendæ spero tibi fece-
ram, ita penitus animo meo insedit ejus-
rei studium, ut non tam alia de causa, si
bene me novi, vitam mihi prorogari exo-
ptem, quam ut istiusmodi aliquo conamine
communi hominum utilitati inserviam. At
verò singuli me dies docent, quam sit ar-
duum cœptum id, & quam periculosa ple-
num alex (mihi præ ceteris qui isto inge-
nii acumine atque solertia, quibus hic est
opus, non satis valeo (cum apud Scripto-

res rei Medicæ (Divinum *Hippocratem* si
demas, atque alios paucissimos numero)
vix ulla deprehendi queant vestigia, quibus
adjutus per rerum avia spinis & sentibus
impedita iter faciam; cum quæ promittunt
subsidia. Authores & lumina ostendant, ma-
gis Ignes Fatui sint, quam veræ facies, &
in salebras potius ac præcipitia sequentem
agant, quam mentem fideliter & recte di-
rigant in genuina Naturæ methodo indagan-
da atque invenienda, utpote quorum scri-
pta fere omnia *Hypothesibus* innituntur, quæ
peperit lascivientis ingenii, & phantasiæ lu-
xuria; ipsæque adeo morborum *Phænomena*
(in quibus eorundem historia vertitur) prout
ab iis describuntur, ex eadem *Hypothesicon*
officina prodeunt; quin & ipsa praxis, qua
morbos aggrediuntur (quod humani generis
pestis est certissima, & pernicies) ad hujus-
modi postulata componitur, non ad rei ve-
ritatem. Usque adeo grassantur, & regnant
fere in singulis paginis cerebroforum homi-
num commenta, jacent interim Naturæ ju-
dicia. Quibus non obstantibus, si vitam Deus
atque otium concesserit, experiar fortassis
aliquando quid valeant humeri. Impræsen-
tiarum, ut animum agnoscas in tui obse-
quia paratissimum, en tibi offero, ceu ejus
quod molior operis specimen, *Dissertatio-*
nem hanc, brevem illam quidem de *Lue*
Venerææ, & quam solam adhuc prælo ador-
navi.

Primum autem id attingere volo, me
haud paucos convenisse, qui sive præ studio,
honesto quidem eo, incontinentiores a pec-
cato coercendi metu infecuturæ poenæ, sive
ut castimoniarum laudem sibi arrogarent, non
dubitabant asserere *Lue Venerææ* curationem
docendam non esse. His ego non assentior,
utpote qui existimem nullum fere locum
charitati atque operæ mutue relictum iri,
nisi ea quæ sibi sua ipsorum culpa improvi-
di accersunt mala, humaniorum officiis sar-
ciantur: Omnipotentis Dei est fontes casti-
igare; nostrum vero miseris pro virili suc-
currere, atque agris opem ferre; non au-
tem curiosa causarum indagatione illos acrima
urgere, aut censorio vexare fastu. Tradam
itaque quæ in hoc morbo observavi atque
expertus sum: non quo hominum animos
deteriores efficiam, sed ut corpora (quod
mihi negotii datum est) reddam saniora.

* *Lue Venerææ* ex India primum Occiden-
tali

* *Lue Venerææ* Historia.

Salv. An. Dom. 1493. *Europam* appulit; cum ante id tempus ne quidem nomine tenus, quantum scire licet, nostro orbi innotuerit: Unde etiam morbus vulgo censetur iis tribus *Americæ Endemius*, in quos nos primi Colonias deduximus. Mihi vero potius e regione aliqua *Nigratarum Guineæ* conterminorum originem traxisse videtur; cum a plurimis nostratum, iisque fide dignis, qui *Insulas Caribæ* dictas incolunt, didicerim, mancipia recens a *Guineæ* allata, etiam antequam in terram descenderint, tum alia ibidem degentia hoc morbo tentari, nulla copula impura prægressa; ita ut non raro universam aliquam eorum familiam, viros scilicet, mulieres, liberosque male mulctet. Neque ista lues quæ afflictissimos hosce sæpe sapius invadit, vel hilum a *Veneræ* nobis dicta, quantum ego quidem intelligo, quoad symptomata, *Dolores* scilicet, *Ulcera*, &c. habita nempe diversorum climatum ratione, videtur discrepare, licet nomine prorsus abludat, cum *The Yavus* ab illis dicatur. At nec medendi methodus qua utuntur illi, a nostra abhorreret, utrobique enim *Salivatio* ex *Hydargyro* utranque facit paginam; non obstante eo quod hic apud nos dicitur de eximia *Guajaci*, & *Salsaparilla* vi, quam in natali solo exerant, quæ ex longo ad nos itinere tantum non exhausta putatur. Probabile itaque mihi videtur *Hispanos*, qui in *Europam* primi hunc morbum traduxere, eodem infectos fuisse ex contagio *Nigrorum* emptorum in *Africa*, quorum genti alicui (multi enim sunt populi *Guineæ* confines, apud quos invaluit mos ille barbarus homines *Europæis* mercibus permutandi). *Endemius* esse potest. Ut ut sit, contagiosa ista lues paulatim serpens, has orbis terrarum partes eo usque inquinavit, ut si ea celeritate grassaretur adhuc qua primum invasit, intra sæcula aliquot actum esset de genere humano, vel saltem notocomiis de cetero additum, prorsus impar esset iis rebus gerendis, quibus continetur hominum societas: nisi quod vegetabilium instar in alienum a patrio solum quasi transplantata, *Europæo* nostro non perinde latatur, sed languet in dies, & mitioribus phænomenis fatiscit. Novus apud nos hospes cum esset, si quem arripuerat, mox omnem sanguinis massam contaminabat, & diris capitis atque artuum doloribus, tum etiam ulceribus variis in partibus se prodebat. At vero centum retro annis *Gonorrhææ Virulentæ* species se primum ostendebat, ostenditque adhuc,

hac sibi porta exitum quærens; nullo alio manifesto symptomate, nisi quod in perpauca ulcusculum in pudendo (vulgo *Shanker*) primum morbi est indicium; cuius viri cum per gonorrhæam non ejiciatur, sanguinis massam dicto citius pervadit inficitque.

Propagatur autem *Veneræ* hæc lues vel per *generationem*, unde misellus infans ab inquinato parentum altero mala ducit stamina vitæ, vel per *contactum mollioris alicujus partis*, quo virulentia, atque inflammatio corpori insinuantur ex occasionibus hoc in loco dicendis. Primo; in lactatione v. g. vel *Infantis* nutricem per rariores mamillarum poros, vel *Matris* infantem per os tenerum inficere potest. Secundo, infantes si nudi cum inquinatis in eodem lecto dormiant. Licet enim adulti, quorum caro jam firmior ætate obdurit, vix nisi intercedente impuro coitu, quamvis simul dormiant, possint infici, infantium tamen laxior caro & texturæ rarioris venenum facile excipit, quod non semel observavi infantibus a genitoribus, quibuscum dormiebant, insectis contigisse. Tertio autem, partis mollioris contactus maxime in coitu impuro fit, ac proinde eo præ ceteris modo serpit lues; cum scilicet penis spiritibus generationi dicatis turgidus, a *Veneræ* sive ulcere, sive etiam pustula in uteri vagina stabulante, noxam de facili haurit, quorum alterutro intus latente mulier nihilominus sana videri potest; veneno nempe vel istarum partium illuvie ita detento ut segnius invadat sanguinem, vel per menstruas purgationes diluto sæpius, & quadantenus exterminato. Contagio hæc carnosam virgæ substantiam, quantum ego judico, primum adurit, quam quidem corrumpens, eidemque primo inflammationem, mox ulcerosam *induratio* sensim inducens, efficit ut sanies, qualom in *Gonorrhæa* cernimus, in urethram lente extillet: quod ut credam, hac ratione permoveor; ipse scilicet vidi virulentam hujusmodi materiam per substantiam glandis porosam exudare, non per urethram ejectam, nulloque ulcere vel glandem occupante, vel praputium. Tandem vero alius penetrans, glandulas *Prostatas* efferato ulcere solet depascescere; quod haud raro cernitur in eorum cadaveribus, quos hic morbus e medio sustulit.

Gradibus mox dicendis procedit hic morbus, æger, (oculus aut serius, prout mulier, quacumque consuevit, magis minuique fuerit in-

qui-

quinata, pro ratione etiam temperaturæ *inveniantur* excipiendo magis minusve idoneæ) primum dolore genitalium insolito cruciatur cum quadam rotatione quasi testiculorum; postea si recutitus non sit, macula primo morbillum jam erumpentem magnitudine & colore amulans glandis partem aliquam invadit. Statim ab hujus maculæ exortu liquor quidam lente extrillat, seminis instar, qui quotidie a seminis tam colore, quam consistentia recedens, flavescit tandem aliquanto dilutius ovi vitello; & in lue virulentiore intensioreque non modo virescit, sed & aqueo humori permiscetur sanguine affatim tincto. Pustula jam dicta *ulcus* tandem fit, primo haud absimile *Aphthis* infantium ora obsidentibus, quod indies latius & profundius depascatur, supervenientibus orificii callo, & duritie. Animadvertendum est autem quod memorata pustula raro gonorrhœam comitem habet in iis qui aut jam pridem gonorrhœa laborarunt, aut recutiti sunt; utpote quorum glans tum ab aëre cui exposita est, tum a frequenti lintheorum attritu indurefcens, noxam non ita facile suscipit. Hujusmodi Verpi igitur glandis ulcere fere non tentantur, sola *Gonorrhœa* dicto modo nascitur. Hanc alia mox symptomata excipiunt, ut primo magnus doloris sensus in pene quoties erigitur, perinde ac si valida manu transversus fortiter constringeretur, qui noctu præcipue urget, quoties in lecto æger coepit incallescere, quam quidem constrictionem penis dolorificam morbi hujus in hoc statu existentis signum *verum* existimo. Incurvatur etiam veretrum a fræno jam contraciore, quod cum in erectione extenditur pro natura sua, acutissimum dolorem affert. Accedit etiam *ardor urine*, qui plerumque inter mingendum vix percipitur, at vero æger jam a miætu cessans per omnem urethræ ductum acriter admodum uritur, maxime qua in glandem definit. Nonnunquam etiam erosa, atque excoriata urethra jugi puris acrioris fluxu, Natura in carne nova vice jam perditæ justo occupatior laxam quandam & spongiosam sublituit, quæ mole quotidie augetur, & sensim indurata *Caruncularum* excrecentiis ita meatum urinarium infert, ut tandem lotio non detur exitus; quæ quidem carunculæ nihilominus ex ulceribus sibi adnatis ichorem quendam evomunt, & tum Medico crucem figunt inter curandum, tum agro magis ipsa morte timendum malum. Quinimo sæpe accidit ut sanies, quæ

per gonorrhœam deplenda erat, vel a motu violentiori, vel adstringentium usu in scrotum deposita, atrocissimum dolorem & scroti inflammationem accersat, nunc alterutro, nunc utroque ejus latere in molem ingentem elato; Gonorrhœa interim progreditur tardius, at vero urinæ ardor non mitius urget. Atque hæc sunt communiora morbi hujus symptomata; manente hoc ejus statu.

At vero quoties sive morbi diuturnitate, & in dictis partibus mora, contagium fursum fertur, & sensim sanguini labem imprimit, aut materiâ virulentâ indebito adstringentium usu in corpore retentâ humores putrescunt, *vera Lues* exoritur, in qua tumores sive *Bubones* sæpe in inguine comparentes primum ejus gradum constituunt. *Dolores* tum caput, tum artus in articularum interstitiis, humeros scilicet, brachia; & talos crudeliter laniant, nullo ordine invadentes, & per intervalla, licet noctu ægrum lectuli calore persusum rarissime destituant, nec nisi sub auroram libenter evanescant, crustulæ etiam & *porrigines* varias corporis partes deturpant. Flavescent hæc ferme adinstar savi, quo signo a ceteris omnibus queant internosci. Quandoque superficie latiore varia occupant corporis spatia ad eum modum, quo *Leprosi* in Medicorum scriptis descripti. Quanto autem magis scabies hæc diffunditur, tanto minus æger discrucietur. Univerfa symptomata pedentim incrudescent, dolor præ reliquis, qui tandem eo usque exacerbatur, ut se nequeat miser diutius in lecto continere, sed protinus exiliens, huc illuc in cubiculo curritet irrequietus ferme, donec illucescat. Adde quod præ doloris vehementia cranium atque ossa tibiæ brachiorumque hinc inde attolluntur in perdura tubera, *Exostoses* dictæ, excrecentiæ ossæ in equorum tibiis (vulgo *Spavin*) haud absimilia; quæ quidem ossa tuberculis obfessa jugi dolore ac inflammatione tandem cariola redduntur & putrescunt. *Ulceræ* etiam *Phagedanica* varias corporis partes depopulantur, quæ fauces ut plurimum primo aggredientia, sensim per palatum in nasæ cartilaginem propagantur, quam mox absumunt, ita ut is jam fulcro destitutus plane concidat. Crescentibus in dies ulceribus, & dolore aucto, æger partim indolentem carnificina enectus, partim ulceribus confectus & putredine, vitam trahit cruciatu, fœtore, carie, opprobrio molestissimam, & quamvis morte longo intervallo miseriores, do-

donec tandem, pereuntibus per vices membris, lacerum cadaver, & jam superius grave, humo condatur.

Intrinsicam hujus morbi naturam, essentialem quam vocant, nisi quatenus ea ex istis, quæ jam depinximus, symptomatibus elucescat, non mihi magis perspectam esse arbitror, quam est essentia live plantæ cujuslibet, sive animalis. Quicquid vero de ea sit, certo mihi constat, humorem hunc committentem inflammationis haud mediocriter participem esse, unde hæc tot malorum Ilias: constat etiam dictum humorem evacuandum esse, idque ii mediis, quorum efficaciz experientia, Medicorum magistra, suffragatur. Cum nondum inveniatur immediatum aliquod, *Specificum*, cujus ope sine evacuatione prægressa lues debellari queat. Neque enim vel *Mercurius*, vel *Ligna Exsiccantia* dicta, Specificorum titulo sunt donanda, nisi exemplis in medium allatis probare quis possit, vel Mercurium absque salivatione, vel lignorum decoctum, nullo subsequente sudore, luis Venereæ curationem quandoque absolvisse. Utque experientia didici sudorifica vulgaria haud minus profecisse in hoc morbo quam lignorum decoctum, ita nullus dubito, quin si reperiri possit aliud quid, sive in regno vegetabili, sive animali, quod in excitanda salivatione pares cum Mercurio vires haberet, pariter etiam ad sanandam luem valeret. Quandoquidem autem hic morbus adhuc intra gonorrhœæ limites subsistens, longe ab eadem distat, cum jam omnem sanguinis massam contaminaverit, & venereæ luis nomen præcise mereatur; ita etiam evacuatio, qua gonorrhœæ materia ejicitur, alia prorsus est atque illa, qua lues jam formata eliminanda est.

* *Gonorrhœam* itaque quod attinet, de qua primo agemus, in remediis *Catharticis*, quantum hucusque usu comperimus, curationis omnis cardo vertitur, quorum auxilio vel educitur humor peccans, vel procuratur diversio succorum corporis naturalium, qui aliter hosti in pabulum cederent. Quamvis autem tum ratio, tum experientia mihi dicant hunc morbum, & quolibet demum cathartico sæpe diuque exhibito sanatum iri, ea tamen ceteris *Spasmodicis* mihi videntur, quæ bilem, maxime vero quæ ichorem ferofum fortiter e sanguine expurgant, & sub-

ducunt. Ac proinde sola *Jalapii radice* pauperibus aliquoties subveni, quorum tenuitati & rebus domi angustis consulendum erat. Cum vero & morbus conspicuum secum trahat inflammationem, & medicamenta purgantia, quibus expugnandus is est, calida etiam sint, *Dieta refrigerans* omnino est imperanda a carceribus, quod dicitur, ad metas.

Sic itaque soleo præscribere *℞. mass. Pilul. cochiar. maj. ℥iij. Extract. Rudii ℥j. resin. Jalap. & diagryd. an. 3℔. cum s. q. Opobalsami s. Pil. & singulis Drach. vi.* Quatuor ex his singulis auroris deglutiendæ sunt hora quarta vel quinta (ita ut æger superdormiat) ad dies 12. vel 14. vel etiam plures, donec sc. urinæ ardor & materiæ seminiformis color flavus admodum imminuantur; quæ cum pro voto successerint, satis esse autumo, si æger interjecto semper die uno, easdem repetat ad septimanas adhuc duas, quo tempore elapso, sufficit ut bis in septimana sumantur pilulæ, donec humor ex urethra stillare solitus prorsus evanescat, quod ut plurimum non nisi post multos dies contingit. Quamvis enim vulgo affirmetur, quod ejusmodi ichor, qui ardore urinæ, & flavo materiæ extillantis colore disparentibus, mane præsertim, in summitate colis digitis compressi ad guttulam unam alteramve cernitur, a debilitate tantum, & a laxitate partium ob diutinam virosi fomitis in eis moram oriatur; miseri tamen experiuntur magno suo malo reliquias has esse contagii, non penitus deleti; quod licet quadantenus subactum, ex levissima quaque occasione (a potu scilicet nimio, aut exercitio quolibet vehementiori aut simili alia) novas excitat tragœdias, gonorrhœa postliminio recrudescente, si nempe æger catharticos molestiam defugerit, nondum extirpato radicitus morbo.

Si post hujusmodi purgationem gonorrhœa nondum cedat, ex usu erit loco pilularum, maxime in iis, qui difficilius purgantur, potentius aliquod medicamentum subinde intercalare, cujusmodi est potio sequens, quæ semel tantum hausta magis aliquando fecit ad sistendam gonorrhœam, quam leniora cathartica sæpenumero ingesta. *℞. Tamarind. 3℔. sol. sen. ℥ij. Rbei 3℔. Coq. s. q. aq. Colature ℥iij. dissolv. Mannæ, & syr. Rosar. solat.*

* *Gonorrhœæ virulente Curatione.*

*solut. an. 3j. syr. de spina Cervin. & Ele-
ctuar. e succo Rosar. an 3ij. M. f. f. potio.*
Vel curatione tardius procedente detur Tur-
bith. minerale ad gr. viij. tantum bis vel
ter, idque interposito debito temporis spa-
tio, ne forte oboriatur ptyalismus, quod
quidem remedium in eradicanda gonorrhœa
pervicaciori facile primas fert. Vel bis in
septimana pil. sequentes exhiberi poterunt.
*24. pil. ex duobus 3ß. Mercur. dulc. 3j.
cum f. q. Opobalsami f. pil. iv. sumenda
summo mane.*

Est autem ubi æger a catharsi dicto mo-
do repetita usque adeo abhorret, ut ne con-
spectum quidem, vel odorem solum reme-
diorum ferre queat. Est etiam ubi corpus
ex *induramentis* quadam ita pertinaciter pur-
gantibus refragatur, ut debita peccantis hu-
moris quantitas nequeat educi, atque ita
dum impensius in hoc laboratur nullo cum
fructu, lues tandem obrepit, quæ eos sæ-
piissime ægros adoritur, quorum corpora ca-
thartica fortius obstant: cum ita se res
habeat, *Enematis* agendum est, quibus in-
jectis utrique indicationi, humoris scilicet
tum expurgandi, tum ab affecta parte de-
rivandi satis fieri potest. Quin etiam hæc
methodus expeditior est nonnunquam præme-
morata ista, at non æque tuta, me iudice,
cum prior illa licet diuturnitate molestior,
minus tamen habeat periculi, ne qua con-
tagiosi somitis particula in visceribus hæreat,
novos datura tumultos. Hoc vero incom-
modum facillime evitatur, si cathartica per
os assumpta diebus ab usu clysterum liberis,
mutuam iis operam commodent.

Hac itaque via incedo, *Pilulas* jam præ-
dictas, aut alias ejusmodi duabus tribusve
auroris continuas exhibendas curo; postea
Enema sequens mane, & hora quinta pome-
ridiana quotidie injiciendum, donec penitus
cessaverint symptomata; nisi quod semel aut
bis in hebdomade catharticum impero, mis-
so die isto clystere, *24. Electuar. e succo Ro-
sar. 3vj. Terebintb. Venet. vitello ovi solut.*
3℞. dissolvantur in aq. Hordei ʒij. Colature
adde El. Diacathol. 3ij. m. f. Enema Sin-
gulis etiam noctibus *Opobalsami* vel *Balsa-
mi e Mecha gut. xxv.* sacchari frustulo ex-
ceptas concedo, sub lecti ingressu, quod qui-
dem medicamentum, cum *Terebenthina* quod-
dam genus sit liquidum ac purum, iisdem
quibus illa facultatibus pollet, & ulcerosæ
genitalium diathesi apprime succurrit; hu-
jus itaque defectu *Terebentina Cypria* ad
quantitatem avellanæ dictis temporibus de-
voranda substitui possit.

Procedente curatione, quacunque ea de-
mum methodo tentetur, ægro cibis omnibus
sale conditis, vel alias dyspeptis (quales sunt
carnes bovinæ, porcinæ, pisces, caseus, ra-
dices, olera) & fructibus horariis quibuscun-
que interdico, quibus substituo carnem ver-
vecinam, vitulinam, pullorum, cuniculo-
rum, & cetera *istiusmodi*. Volo etiam ut vel
his parcissime utatur, tantum ut ægri vi-
res non labascant. *Potus*, vino in genere
abdicato, ut & liquore omni sive spirituo-
so, sive aciescente, *Hydrogala* esto, ex tri-
bus aquæ coctæ partibus, & lactis una, nisi
quod in prandio, & cœna cerevisia tenuis in
parva quantitate possit indulgeri. Ad con-
temperandam insuper inflammationem, &
mitigandum ardorem urinae, refrigerantem
aliquam *Emulsionem* ad sequentis normam
compono, in purgationum intestitio frequen-
ter potandum. *2℥. Sem. Melon. & Pepon.*
an. 3ß. sem. Papav. albi 3ij. Amygdal. dul.
excorticat. n. viij. coctund. simul in mortario
marmoreo, sensim affundendo aq. Hord. ʒiij.
Colatura adde sacchari Crystallini q. s. m. f.
f. a. Emulsio.

In temperamento admodum sanguineo, &
affectu pertinaciori, post mensem catharsi
datum, aut circiter, ut plurimum *sanguini-
nis Uncias octo vel novem* e brachio dextro
detrahendas suadeo, ut maturius celebretur
venæ sectio auctor non sum, ne hac *operatione*
contagium penitus inferatur. *Injectiones* in
urethram non magni facio, utpote quæ sive
acrimonia sua mordaci, sive stipicitate non
raro magis officere soleant, quam prodesse;
veruntamen sub morbi exitu *Aqua Rosacea*
in pauca quantitate potest injici.

Hac methodo, quæ mihi semper pro vo-
to cessit in gonorrhœa sananda; meliorem
nondum comperi; maxime in iis qui facile
purgantur. In iis enim qui purgantur ægrius,
curatio, licet nunquam fallax, tamen non
nisi post longum temporis spatium perfici-
tur. In his itaque sanguis iterum mitten-
dus, & acuenda sunt catartica, tum etiam
repetenda sæpius, atque in eorum usu diu-
tius est perseverandum, aut clysteres modo
jam signato usurpandi. Etenim *Catharsis*
hic ad instar omnium est. Atque in hoc af-
fectu, si in alio quopiam, vere asseritur,
quod qui mundificat bene, bene savor: mo-
do ab *Aquis Mineralibus* sibi temperet, quas
certo mihi constat morbi reliquias & corpo-
re eliminandas vi astringente & plus satis
sanativa arctius constringere, & quasi clavo
figere trabali; unde quod sæpius observavi,

Scrivi

Scroti tumores enascebantur quoties in morbi principio, vel statu, pejoraque adhuc symptomata ut *Carcinula*, si quando sub ejus exitu potarentur. Quod quidem ego fidenter assero, quantumlibet ex more hodie recepto aqua minerales in dicto casu haud raro praescribantur.

Neque sum nescius, quantum se ventitent Practicorum nonnulli in hujus symptomatis curatione, qua brevioris temporis spatii, qua remediis magni nominis, & tituli absolvenda; interim observatione plus satis frequenti certo deprehendi, materiam, quae eliminanda fuit, astringentium vi in corpore detentam maximum aegris dedisse malum, ex qua per sepe sanguinis massam de novo subiens ipsam demum luem parit. Nec majore cum fructu, licet periculo minore decoctum *Lignorum exsiccantium* usurpatum comperi; quo scilicet, sub praetextu *Specificorum*, tum universum aegri corpus, tum praeter ceteris affecta pars jampridem nimis incalcescentia ulterius adhuc inflammabantur; nonnunquam etiam *Gonorrhoea* quae paulo ante evanuerat, quod me observasse memini, denuo in conspectum prodit.

Animadvertendum est autem, quod si aegri glans praeruptio undiquaque contegatur, atque ejusdem ora praeter inflammationem usque adeo tumida, dura, ac callosa reddantur, ut nullo modo queat reduci; laterem lavat quisquis gonorrhoeam remediis purgantibus, fortissimis licet, & quotidie ad nauseam repetitis, aggreditur, nisi eodem tempore id agatur, ut pars ita affecta ad statum sibi naturalem redeat, sublatis & duritie & tumore, unde gonorrhoeae novus utique sones subministratur. Quod quidem ego admolior *Fotus* sequente. *℞. Rad. Althaeae, & liliorum an. ℥ss. fol. Malv. Verbasc. Sambuc. Hyoscyam. flor. Chamemel. & Melilot. an. M. j. sem. lini & Fanugraci an. ℥ss. Coq. f. q. aq. font. ut f. Fotus, parti affectae admoveendus per horae unius spatium bis vel ter in die.* Peraeta fomentatione partem affectam *Oleo e semine lini* recentem extracto perungendam curo; deinde *Emplastrum e Mucilaginis alutae* agninae inductum labiis praeputii tumidis circumponendum. Quod si *Ulcus* vel in ipsius praeputii labiis, vel in subiecta glande haerens sua callositate facit, ut illud non nisi aegre

Sydenham Opera Med. Tom. I.

possit retrahi, praeter solum jam dictum sequens etiam *Linimentum* praescribo. *℞. Unguent. Basilici ℥vi. Unguent. e Nicotiana ℥ij. Praecipitat. aq. Ros. lor. & optime levigat. ℥ss. m. f. Linimentum, quo liniei rasura imbuatur, & ulcusculo admoveatur post Fotus praescripti usum.*

Ubi vero, sive quod justo maturius gonorrhoea sistatur, sive ab exercitio vehementiori, aut alia quacunque de causa, scrotum jam morbi sedes, ab eadem in tumorem insigniorem attollitur, praedictum *Fotus* bis in die parti affectae admoveo, modo non imminuantur & dolor & tumor *Cataplasmate* vulgo noto ex *Oxyrato* & *farina Faba-rum*. Hac dum foras peraguntur, non desino remediis & cathartics, & refrigerantibus, quae modo praescripsimus, intro sumptis, tum etiam dicta supra dicta hostem urgere; neque mihi religio est quovis hujusce mali tempore sanguinis ℥ix. vel x. e brachio isto detrahere quod testiculo tumefacto respondet, sit tumoris magnitudo & vehementia doloris id mihi suadeant. Atque haec haecenus de *Gonorrhoea*.

* Cum vero eo usque invaluerit morbus ut jam *Venerica Lues*, vel *Lues confirmata* praecise dici mereatur, alia omnino porta querenda est, & duriori huic nodo cuneus iridem durior est adhibendus; quandoquidem nullum adhuc experimentum, quod sciam, adferri possit extirpati hujusce morbi, nisi per *Salivationem* ab *Hydrargyro* excitatam: quicquid tam doctorum nonnulli, quam indoctorum de aliis sanandi modis satis temere & audacter effutiverint. Cum itaque *Salivatio* omnem hic numerum absolvat, id tantum mihi incumbit, ut quae in ea excitanda, tum etiam regenda, & ratio (qualis qualis ex demum fuerit) & observatio rationi suffragata mihi dictaverint, edisseram.

In principio autem ne conjectura quidem assequi possum, quid sibi velint crebra ista monita, quibus de corpore remediis *Cathartics* & *Digerentibus*, balneo puro & ceteris id genus, rite praeparando, ita serio cavetur; Ut de venae sectione jam taceam, cui nonnulli hic loci primas deferunt. Cum enim, si veritati sit litandum, eores redigatur, ut *Veneno salivatio* procuranda sit, (neque enim adhuc innotescit salubre ali-

F f quod

quod medicamentum, quo possit excitari, neque æger sine ejus ope in tuto collocari potest) quaritur utrum corpori constantibus adhuc viribus, vegeto & valenti, ac proinde frangendis inimici conatibus haud impari; an eadem missione sanguinis, & tenui diata jam debilitato rectius committatur venenum. Haud dubie satius esse duxerit æquus rerum æstimator nihil agere, quam ita importune satagendo nocere. Quid quod experientia testatur, nullis evacuationibus, aut alio modo infirmatos salivationis impetum multo melius sustinere, quam eos, quorum quasi ante prælium incisi sunt nervi?

Misso itaque damno omni hujusmodi præludio, statim atque accersor *Unguentum* præscribo ex *Axungia Porcine* ℥ij. & *Mercurii crudi* ℥i. Neque oleum aliquod e calidioribus, neque aliud quid admisceo, cum deterius fiat unguentum, si quod adjecta ista frænum injiciant, & nihilo efficacius, si nihil prorsus agant. Et fortasse additamenta ejusmodi sub nomine *Correctivorum*, idem hic præstant (si quid tamen præstant) quod *Catharticis* adjuncta, judice experientia, solent præstare; tormina nempe excitant, & catharsin reddunt laboriosiore, a lucta scilicet inter antidotum, & catharticum, cujus vis omnis purgans in eo posita est quod naturæ hominis inimicetur. Verum ut *tertia parte* dicti *Unguenti* brachia, crura, & tibias ad tres noctes continuas (primam quam accersor includo) manibus suis æger perungat injungo; ita tamen, ut neque axillas, neque inguina attingat uspiam, & abdomen panno lanco tenuiore circumposito & posterius consuto, a linimenti contactu diligenter muniat. Post tertiam inunctionem gingivæ ut plurimum intumescunt, & *Ptyalismus* suboritur. Si vero intra tres dies post ultimam inunctionem idem haud procedat, tum gr. viij. *Turkish. Mineral. in Conserva. ros. rubr.* exhibeantur ægro; qui post singulas vomitationes aut sedesumat haustum liquoris possetrici calide. Cum expuere inceperit, id jam medico negotii tantum est, ut gradum salivationis scrupulose expendat, ne in vocatis temere suppetiis, salivationem eo usque evehat, ut æger de vita periclitetur. Ubi jam ptyalismus statum debitum fuerit adeptus (in quo expuuntur ut plurimum librarum quatuor spatio nyctihemerii) vel symptomata, etiam si parcius expuat æger, evanuerint (quod plerumque contingit post quartam diem a statu salivationis) & induratum, & tori lintea aliis, quam a quo ultimo lavaban-

tur, usurpata aliquandiu fuere, sunt permittenda: cum priora ista unguento infecta salivationem, & magis quam erat opus intendere, & longius protrahere, quam ægro expediat, apta nata sint. Quod si forte prius elanguescat salivatio quam symptomata penitus disparuerint, extimulanda subinde est *Mercurio dulci* ad ℥j. pro dosi exhibitio.

Nonnunquam accidit, præsertim in corporibus *luctuantibus*, quod post unam vel alteram inunctionem (nempe simul ac hydrargyro sanguis affici inceperit) Natura illico per intestina hunc hostem expellere satagat; unde non solum dejectiones mucosæ & tormina ventris, ut in iis qui dysenteria laborant, eveniunt, verum etiam curatio morbi impeditur, utpote qui salivationi tantummodo cedere soleat. In hoc casu a Mercurio sive extra applicito, sive intra assumpto, prorsus abstinendum, donec hæc symptomata penitus evanuerint; atque porro dictus alvi fluxus (qui plerumque accidit, antequam salivatio bene assurgat) sistendus est usu *laxant. liquidi*, ita dosim augendo atque repetendo prout urget symptomata; aut *Diascordii sesquidrachma*, aliquoties, prout opus fuerit, devorata. Diarrhœa tandem cohibita, salivatio debito modo procedere solet, quæ antea vix appareret.

Convalescente de ceteris ægro, nisi quod os adhuc exulceretur (qui genuinus est ptyalismi fructus) salivatio quæ jam indies imminuitur, nec purgatione nec alio modo quocunque sistenda est: fieri enim potest ut etiam post consopitum dolorem, atque exsiccata ulcera aliquid de morbi fomite adhuc in corpore delitescat, bella denuo moturum, nisi sibi permittatur sputatio illa moderata, quæ postquam redintegrata sanitas homo se auræ liberiori aliquandiu exposuerit, desitura est. Periculosum itaque esse arbitror ptyalismi jam abituriensis, & mox evanituri reliquias *Catharsi* deducere, vel *Lignorum decocto* exiccare velle; a qua praxi, quæ vulgo obtinet specie vel Mercurii e corpore eliminandi, vel corrigendæ ejus malignitatis, nascuntur sine dubio frequentes istæ *Recidivæ*, quæ miseris accidunt, sanitatem tandem aliquando post tantum impensarum, tot exantlatos labores, tantum tædii devoratum anhelantibus, ad quam etiam certo pervenissent, si salivatio non non nisi suo tempore determinaretur. Longe itaque consultius esset, ptyalismum promovere *Mercurio dulci* semel in hebdomade exhibito, etiam postquam omnino convalescit

rit & jam sub dio versetur (quod & ego per menses aliquot fieri aliquando jussi) quam eundem prematurius inhibere.

Quantumlibet autem a catharsi in salivationis declinatione ob jam dictas causas abhorream, fieri tamen potest ut in ejusdem statu ea nec pratermitti possit, nec debeat, quoties scilicet re male gesta eousque fuerit averta salivatio, ut jam ægri vitæ metuantur: quo in casu non tutum modo est, sed & necessarium etiam cathartico ingesto ptyalismum ad eum gradum deprimere, ut cum ægri *diocesi* procedat, qui deinde suo juri relinquendus.

Si quis jam quærat, an nuda salivatione contenti esse debeamus, nec cathartici, nec aliis remediis solemnibus in usum, post eam peractam, revocatis? Respondeo, præter jam dicta, quibus & ratio adstipulatur, & experientia, me velle doceri, quam ob causam magis sit necessarium purgare post salivationem, quam salivationem excitare post catharsin, cum remedia purgantia (*Scammoneata* maxime & id genus acria) malignitatis quidpiam in corpore relinquant, quod Naturæ tamen committimus, cujus vi tandem subjugatur istud, quicquid est veneni, eo scilicet qui purgatus fuit ad regimen consuetum, exercitum, & liberio rem aeris usum se recipientem. Atque id porro libenter scire velim, qua demum arte freti Mercurii reliquias per catharsin expellere conamur, cum genuinam illam ac prope unicam methodum (per salivationem scilicet) qua Natura id efficere solet ac debet, non solum negligamus, sed etiam impediamus? Hujusmodi autem hallucinationes minimis istis rationis scintillis imputandæ sunt, quibus nos miseri mortales tantum præditi, ad veritatem in profundo demersam non penetrantes, quamlibet ejus umbram & speciem amplectimur, pro Junone, quod ajuvit, captantes nubem; mox colloquia miscentes, præjudicia male fundata ita penitus nobis invicem insignimus; ut tandem phantasmata nostra & delirantium insomnia pro principiis Apodicticis haberi velimus; cujus specimen, si fallor, præ manibus nobis est.

Quamvis autem in plerisque curatio modo jam dicto absolvatur, viz. *Inunctione* per tres noctes continuas, & exhibito *Turbith. Minerali*, ptyalismo haud rite procedente, *Mercurio* item *dulci* ad vices aliquot, eodem jussu citius fatiscente; serio tamen animadvertendum est, in quibusdam reperiri idiosyncrasiam sive temperamentum quoddam

peculiare, tam salivationis respectu, quam purgationis (atque eadem plerumque in iisdem, ut qui ægre purgantur, ægre etiam ad ptyalismum perducuntur) ita ut in nonnullis methodus laudata vix gingivarum exulcerationem queat efficere, multo minus salivationem ea procurare, quæ malo eradicando par sit. In hujusmodi ægris Medico summopere cavendum est, ne animo nimium obstinato salivationem importunius urgeat, recalcitrante Natura, atque ab isto evacuationis genere prorsus abhorrente; quod qui minus intellexere ægros haud paucos letho dederunt: Etenim in corporibus ita lacticis, quotiescunque medicamenta, sive externa illa fuerint, sive interna, pertinaciter ingeminaveris, loco salivationis perfectæ nil præter ventris tormina, & defectiones dysentericas obtinebis, Natura per hanc portam hydrargyri virus amoliente; vel dolores ventriculi & ægritudines, sudores frigidos, horrendaque alia symptomata accerces, ita ut æger tantum non agat animum, forte etiam mox eam evomat. In his licet Medico concedi possit, ut postquam ad dies quatuor vel quinque a postrema inunctione salivationem frustra præstolatus fuerit, inunctionem jam sæpe dictam, & *Turbith. Minerale* dentio repetat (interjectis inter singulas inunctionum vices diebus aliquot) religiose tamen cavere debet, ne cum tanto conamine salivationem incassum sollicitaverint, eam per vim invite Naturæ extorquere pergat. Hic itaque modus, quantum ego judicio valeo, Medico tenendus est, ut ubi primum vel ægritudo ventriculi, vel ventris tormina succedant, statim sibi temperet a remediis adhibendis donec ea penitus evanuerint symptomata; pluribus enim & fortioribus remediis ad cogendum *excessu* *salivationis* salivationem accumulatis, *Dysenteria* certo certius tormina ventris, & ventriculi ægritudinem mors excipiet. Cum ex adverso si lente cesset, & moras trahat, *Mercurii dulcis* si semel aut bis in septimana exhibendo, vel per se, vel cum *3℔. Diascordii*, si æger in diarrhoeam propensior sit, tandem aliquando cum bonis ægri rebus optata potietur arena. Quantumvis enim ptyalismus ad plenum nunquam assurgat, æger tamen copiosius quam pro more solito expuet; & fortior justæ salivationis comes neque immunitiorem hanc destituet; unde evincitur sanguinem & humores eam sive putrefactionem sive alterationem, quæcunque ea demum sit, attrigisse, quæ vel parit salivationem,

vel cum ea nascitur. Atque hac methodo universa hujus morbi symptomata tandem expugnabis, concessō utique debito temporis spatio.

Observandum est autem, quod licet salivatio remedia alia, qualiacunque ea fuerint, in extirpanda *Lue confirmata* longe exuperet, *Gonorrhœam* tamen cum lue concurrentem neutiquam valet sanare; nec sistetur illa, hac jam penitus devicta; unde recte colligitur nullam vim specificam mercurio inesse, qua Venerea lues immediate debellari possit; quamlibet *Specificum mediatum* forte dici mereatur, in quantum mediante pyralismo morbum expellat, pari ferme *extirpatione* (quod alias subinui) atque scalpellum chirurgicum laterali morbo specificum queat appellari. Sed ut ad rem redeam. Quoties *Lues & Gonorrhœa* una stabulantur, vel ante salivationem, vel ea jam peracta, *Gonorrhœæ* curatio tentanda est, quod & tutius fit, me iudice; & facilius etiam post finitam salivationem, cum luem habens comitem gonorrhœa ægrius dometur; quæ vero a prægressa salivatione quadantenus subacta fuit, minori negotio expugnari solent. Ac vero catharticus religiose abstinendum est quousque vel minimæ salivationis reliquæ superint. Quamobrem *Turbish. Minerali* semel aut bis in hebdomade exhibito securius rem commitemus, quam aliis purgantibus quibuslibet, cujus vi promovebitur aliquantulum pyralismus, dum interim materia gonorrhœam comitans paulatim excernatur.

Porro observandum est, si tumor ossi alioqui, *Exostosis* vulgo dictus, insideat, qui etiam tandiu permanferit, ut os jam carie afficiatur; incassum prorsus erit sive salivatione, siue alia aliqua methodo curationem aggredit, nisi etiam huic malo obviam eatur; ac proinde os opē *Caustici* denudandum, & quamprimum idem, quod ajunt, *exfoliandum*, usu scilicet remediorum quæ intentionem hanc implere solent.

In *Ore exulcerato*, quod salivationem passus ita familiare, si vel æger dolori ferendo par non sit, vel eo usque illud exorietur ut sanguine diffluat, idem nocte dieque vel *aqua Rosarum Damascenarum*, vel *lacte aque permisto*, vel *bordei*, *radic. Altheæ*, & *fem. min. Cydoniorum decocto* sapissime proluendum est. Unicum hoc symptoma memorabile, quod scio, salivationi accidit, saltem quoties ea more debito administratur; & sane si *dolor & oris exulceratio* arte aliqua

protelari potuerit, haud multo esset molestior morbi hujus curatio, quam est aliorum aliquot longe minus satnigeratorum.

Dietam quod spectat, & reliquum ægri regimen, eadem prorsus in *Salivatione*, saltem donec ad finem jam sere vergat, ac in *Catharsi* imperanda censeo. Cumque ei qui medicamentum aliquod purgans assumpsit, id tantum incumbat, ut se in cubiculo a vi frigoris defendat, & cibis *moderate* vescatur, nondum mihi constat, quo nomine vel lecto semper addicatur qui pyralismum subit, vel a victu modico arceatur, qui scilicet Naturæ cum veneno conflictanti vires animumque addat; unde etiam Natura tanto oneri succumbente, haud pauci, spiritibus, atque omni vitæ robore, diaphoresi, purgationibus, & jejuniis supervacuis (præter vulnus ab *Hydrargyro* inditum) tandem penitus exhaustis, misere confecti sunt. Persepe etiam morbo jam pulso, æger ea spirituum copia, qua erat opus ad redintegrandam sanitatem, destitutus, præ imbecillitate concidit; aut si forte *Libitinam* valeat effugere, tot tantisque cruciatibus vitam redimit, ut tanti non sit vivere. De quibus Poeta e Neotericis haud ineleganter.

Graviores morbis patimur remedia;

Nec vita tanti est, vivere ut possis, mori.

Hic autem in promptu est istam objectionem diluere, quæ sit ut nonnulli hoc morbo, (scilicet in statu ejus modo dicto) male mulctati in *Galliam* commigrare cogantur ut ab eo liberentur. Cujus rei hanc esse rationem, quantum judicare possum, existimo. Hujusmodi ægris, oeconomia illorum corporum everfa ac viribus prostratis, apud nos aer crassus ac humidus resarciendis minus idoneus est, cum iste *Gallie*, utpote qui salubrior ac magis serenus, spiritus corporis & vires deperditas instaurare aptus sit. Non quod practici ibidem degentes, utut docti quidem, methodum qua hic morbus devinci possit, melius calleant, quam nos hic in *Angliæ*. Sed ut ad dietam revertar.

Existimo itaque (& experientia mecum facit) quod præter jusculum avenaceum, panatellam, lac cerevisiatum, & cerevisiam tenuem tepescatam, *Ore* juscula insuper e carne vitulina, pullorum, atque alia ejusmodi in mediocri quantitate ægro & possint concedi, & debeant; atque ut, ubi primum eousque subsederit gingivarum tumor ut dentes conferere valeat, cuniculorum, pullorum, agnorum carnes, atque ejusmodi re-

ne-

nesiores, ut parca manu, sint indulgende; ut vel in lecto se contineat, vel ad ignem sedeat, prout hoc vel illud magis allubescat animo. Cum enim *Pyralismo* expugnetur hic morbus, non *Diaphoresi*, hariolando non sum, quorsum æger, nulla urgente necessitate, nimio calore macterur.

Dicta methodus uti expeditior est, cum neque tot dies corpori ante salivationem præparando inutiliter infumendos, nec frequentes istas purgationes, aut decocta solemnia post salivationem, ægris imponat; ita certissimus sum eandem longe faciliorem esse, minus itidem periculofam, & minus recidivæ obnoxiam; quod experimento suo discet quisquis in altera praxi versatus, ad hanc se demum conferet. Mihi saltem ex animi sententia successit in quamplurimis ægris; quorum nonnulli salivationis tedium & laborem plus semel irritò conatu exantlaverant, recidivam semper denuo passi, ex occasionibus, & propter causas, quas supra memoravimus.

Non est autem, Vir Candidissime, cur tuam fidem verborum ambagibus anxie sollicitem, qui jamdudum de probitate mea persuasissimus exiguae æstimationi etiam nostræ favere dignaris. Plura itaque de hoc morbo non addo, cum mihi neutiquam placeat, nec placebit unquam, longis verborum ambagibus & sermonibus *æpochionis* nucleum involvere, quo rei caput, seu *Nili* fons, ægrius innotescat. Quantulicunque autem sit hoc opusculum sive pretii, sive molis, id ut boni consulas rogo: cum illud eo præcipue sine elaboraverim, ut & in bonum publicum cederet, & quo in te essem animo palam testarer: quantumlibet autem magni te faciam, major tamen adhuc tibi honos debetur & a me, & ab iis quibus Summa illa tua eruditio, morum suavitas, animique candor, ceteraque virtutes laude dignissimæ ita clare elucescunt. Haud equidem tibi assentor, quoties profiteor me tuam amicitiam, ex quo me primum ea condecorabas, inter illa, quæ mihi comparavi, pretiosissima luculentissimaque semper habuisse. Inter alia enim in brevi vitæ circulo a me observata eximium est illud, (quod etiam filio meo commendatissimum esse volo) hominum scilicet probitate ceterisque virtutibus præcellentium consuetudinem semper mihi commodo vertisse atque emolumento, atque ex adverso pravorum amicitiam (nisi ea potius, combinatio sive etiam conjunctio dicenda sit) quæ in virtute non fundatur.

quamvis nec dicto, nec vultu quidem me læserint unquam, tamen nescio quo pacto, tandem aliquando aut mihi, aut rebus meis mali, aut damni quippiam affricasse. Vale, Vir Humanissime, & amare perge.

Tui semper observatissimum

THOM. SYDENHAM,



Innumeri prope Authores scripsere de *Lue venerea*, quam paucis explicat Clariss. hoster Author. Longum nimis foret illorum vel partem aliquam hic recensere, pro pleniori scdri ejusce morbi, ac ipsius cura, illustratione. Sufficiat itaque Doctissimi aliis Angli perbreve, sed vere accuratam, eodem in argumento Dissertationem addere, cujus est sequens inscriptio.

GUALTERI HARRIS, M. D.

*Celeberrimi Medicorum Londinensium
Collegii Socii.*

DE LUE VENEREA

Ejusque Origine, Natura & Curatione.

DISSERTATIO.

HIC morbus tam gravis & acerbis est; tam late serpit, & perniciem suam undique spargit; tantis cruciatibus miseros plerumque opprimit; & pristina sanitas tam difficulter restituitur, ut ab annectendo quædam eo spectantia non potuerim prorsus abstinere. Primordia hujus mali quæ pudendis solis labem injurunt, contemptui & ludicro habeant, si ita placet, ganeones & belli nostri, & petulantibus facetiis, tanquam nugæ & crepundia, ea excipiant, sed quandoque aut prima illa inquinamenta aut succedentia, in sanguinem denuo transferentur, atque per totum corpus virus distribuetur, pænas insipientiæ debitas illi abunde persolvent.

De origine hujus morbi ambigitur, an ab omni ævo, post homines natos, existerit, an superiori fere sæculo in Europam ex India Occidentali fuerit advecta. Multa sunt testi-

testimonia, aut saltem suspiciones non contemnendæ, de antiquitate hujus luis, quam tot sere Regna non ita pridem contra ejus natales probrosos decertarunt, alterum in alterum illud opprobrium rejiciens, quot urbes olim *Homerum* sibi gloriose vendicarunt. Certe nomen ejus legitimum usque ad nostra hæc sæcula in tenebris latuit. Nec forma & figura hujus monstri a prioribus Medicis satis clare & distincte sunt descripta, neque ante novam suam denominationem nisi confuse admodum cognita. Hoc autem procul dubio scimus, plurima olim apud nos nosocomia leprosis recipiendis fuisse extructa; & multum fallor, si unica & singularis domus apud nos etiamnum maneat, leprosis vulgo recipiendis peculiariter dicata. Porro Venerei contagii eadem semper causa tyrannidem exercuit, nempe vaga & promiscua scortatio: nullisque sæculis defuerunt meretrices infames, quæ corpore prostituto vilem quæstum facerent: posita vero causa ponitur etiam effectus, quemadmodum & sublata semper tollitur. Quibuscunque enim in regionibus, quibuscunque demum locis prostibula ista, ac corruptelæ juventutis vulgares prorsus exulant; legumque asperitas scortationem omnem coercet, deest etiam una cum impuris scortis lues hæc Venerea. Ubicunque vero lupanaria palam permittuntur, remisso magistratu aut dissimulante; vel ubicunque meretriculæ latebras aliquas sædas secure nanciscuntur; eadem lues cum horrida malorum turba, cumque omni suo miseriarum famulitio, longe lateque dominatur. Atque, ut mihi quidem videtur, in utero impuro meretricum vulgare, quæ plurimis viris, quantumlibet sanis, sese prostant & commiscant, certo & naturaliter propignitur lues, perinde atque in nido ex ovis nascuntur volucres. Et quoniam corruptio optimi est omnium semper pessima, cur non ex seminis prolifici, & in tantos Naturæ usus destinati, corruptione prava & incongrua venenata illa lues possit *omnino* propagari? Et nullus dubito, paucissimos usquam esse scortatores; qui, quantumvis poenas meritis aliquandiu effugerint, non serius aut citius in laqueos illos inciderint, qui non turpi & funesto illo veneno fuerint tandem aliquando contaminati.

Sane lues hæc perniciofa est Supremi Judicis tremendum quoddam flagellum, instar ensis illius stricci capitis Damoclis inter epulandum impendentis, omnibus scortatoribus

semper interminans, quod sapientes ab impuris amplexibus facile deterrebit, quodque insipientes severissimis flagris aliquando cedet. Quis enim mulierosus certus esse potest, meretriculam qualemcumque sibi uni, ut videtur stipendia facientem, non aliis pluribus fuisse prius aut denuo fore divulgatam; atque ideo obnoxiam venero inquinamento, utcumque ista mendacis suis, perjuriisque usitatis, pudorem aliquem comminiscatur?

Neapolitanus hic morbus vulgo nuncupatus est, & ab obsidione *Neapolitana* primum ejus contagium originem traduxisse ut plurimum creditur, anno scilicet post *Christum* millesimo, quadringentesimo, nonagesimo tertio; cum *Neapolim* castris suis circumdaret *Carolus Octavus*, Gallorum Rex. Sed cum rumorum popularium tanta sit incertitudo, ut sapientes vix quicquam pro certo pronuncient, quod non manifestis & sibi notis testimoniis confirmatur; cum aliorum morborum primus exortus in tenebris æque permaneat; cum ita constitutum sit rebus humanis, ut in singulis sæculis quædam continuo pereant, oblivioni tradantur, & alia quædam rursus emergant & fuscitentur, cum virus Venereum in omnes fere regiones totius orbis, quantum nobis innotescit, ab oriente ad occidentem, a septentrione ad meridiem, jandiu spargatur, & usquequaque diffundatur; cum denique Medici aliquot gravissimi luem istam infamem ante obsidionem illam *Neapolitanam* contagio suo virulento *Europam* jandudum invasisse constanter affirmant, sane difficile est aliquid certi & indubitati in re ita obscura stabilire & decernere; quanquam antiquam luis prosapiam admodum aperte indicare videatur antiqua, ac permanenti causæ existentia, nempe scortatio illicita, vaga, & promiscua, primordiis forte rerum humanarum, aut saltem effreni hominum libidini, ac corruptelæ meretriculæ coeva.

Sed ut hanc rem paulo altius persequeremur, *Hippocrates*, cujus autoritas apud omnes doctos plurimum valet, libro tertio de morbis epidemicis plurima horrenda symptomata enumerat, quæ ad formam Venereorum quam proxime accedunt: ut, pustulas magnas, & pustulas corpore universo erumpentes, maximeque caput impetentes, ulcera sædissima circa pubem & pudenda, inflammationes *Erysipelatodes* malignas & depauperantes, diarrhæas & cibi fastidia, tabes

mul.

multas, aut atrophiat, nunc sine febre, nunc cum febre contingentes; carnum, nervorum, & ossium mutilationes ex decidentia magnas, a carie precedente, prolapsus partium abscessibus corruptarum, & denudationes femoris integri, tibiae, aut pedis totius, prolapsus brachii, aut cubiti totius, & omnium miserimas carnum jacturas, cum pubem pudendaque malum affecerit; ichores ulcerum & abscessuum puri absimiles, & pure omni de acriores, capillorum destituta, fluxiones ad pendenda multas, dolores gravissimos cum vigiliis, ulcera oris serpentina, & tubercula tam interna, quam externa circa inguina, aut bubones, tubercula faucium, ulcerationes pudendorum, & similia, quae quidem breviter tradit, & more suo conciso. An vero haec omnia a peste vera, an a pestifera hac lue oriantur, in utranque partem ut differant, par est doctis liberum relinquere.

Quidquid vero de turpibus his natalibus sit statuendum, certe dolendum est maxime, curationem tantae aegritudinis, omnes corporis partes, tam internas, quam externas, a capite ad calcem, polluentis, e manibus Medicorum doctorum & peritorum ita profugisse, atque Chirurgis, nec non tonsoribus imperitis, ignarisque quibuslibet vulgo concedi. Quis enim tam fatuus & insullus, quis tam illiteratus ardelio, qui non Medicaster in hoc morbo circumforaneus facile evadat, sine instituto, sine sumptu, & sine arte; qui non curationem luis, aut saltem gonorrhoeae infallibilem perfricta fronte polliceatur? Quales autem hi sunt Medici? Sartores ut plurimum & fabri, simileque artifices, propinatores inertes & decoctores, qui in officinis suis fidem prius labefactaverant. Quam infelix igitur & misera est infectorum conditio, qui duplices sustinent poenas, damnanturque tum atrocissimi morbi cruciatibus, tum rudis agyrtae ignorantiae periculosa! Quasi levissimi quilibet affectus peritiam medicam jure efflagitarent, morbus vero minime anceps, medullisque penitus infixus, cuius illiterato possit tuto demandari!

Ut autem summum discrimen lue infectorum manifestius appareat, considerandum est, hunc morbum frequenter esse Proteiformem, & post primam ejus subjugationem, saepe novas postea induere facies. Illud equidem facile adducor ut credam, propterea quod tot tabidos, & atrophia confectos, pulmonibus fere intactis, nec nisi secundario delis, viderim perire. Et nisi ex acuto

aliquo morbo illos contigerit extingui, marcore & atrophia vix intellecta, tandem contabescere semper observavi. His lac asinum, pectoralia, narcotica, & similia, primam venenatam causam nihil respicientia, ad supremum usque diem frustra exhibentur. Chirurgi salivatione absoluta, & mercede laborum accepta, integram sanitatem audacter promittebant; atque denuo egrotantes, longe diversis symptomatibus quam prius affecti, neutiquam somniant de reliquiis fomitis venenati, aliquandiu confopiti, & intus delitescens, sed sub nova forma revirescentis. Interim Medicus quantumlibet peritus, nihil causae Venereae facile suspicabitur, atque egrotus partim ex verecundia, partim praeteritae curationis securus, de pristinis rebus oblivioni jam traditis nullam mentionem facit. Heu quanto igitur discrimine versantur hujusmodi egrotantes, cum nec ipsi de causa aegritudinis primaria ne verbum mullitent, cumque Medici contra morbum incognitum, Andabatarum more, caecurientes militent! Certe Authores nonnulli, magis emunctae naris, veritatem horum suboluerunt, cum ita prudenter illi consulerent, quoties aut dolor ischiadicus, aut rheumaticus, aut alius valde pertinax, remediis propriis & usitatis nequaquam cederet, ut ad dietam sudorificam, e ligno sancto, salsaparilla, & consimilibus, tanquam ad sacram anchoram confugeremus.

Ex his luis reliquiis spretis, & aliquandiu abditis, non solummodo pendet valerudinaria, & misella parentum, aequae ac aliorum scortatorum conditio; sed & hinc morbi aliquot puerorum tralatitii, & ferme immedicabiles, & quos nominare minime convenit, ne nati insontes, viri tandem facti, contumeliam, maeritiam, atque animi perturbationem aliquam exinde immerito patiantur. Quamlibet enim majus est revera dedecus a vitiorum suorum, quam natalium, turpitudine & infamia, tamen novi viros eximios & fortes, clara & illustri stirpe, sed illegitime prognatos, qui praeter modum dolore opprimebantur, quoties de natalibus suis spuris mentionem aliquam factam ex susurris clanculariis in communi hominum consortio illi suspicarentur. Atque in ea re major est Turcarum iustitia & sapientia, apud quos nemo parentum culpam in filios inique transfert, & nulla est ignominia natis ex partu illegitimo proditae.

Porro statuendum est luem Veneream esse morbum venenatum, & maxime deleterium.

Et

quinata, pro ratione etiam temperaturæ *minuatur*: excipiendo magis minusve idoneæ) primum dolore genitalium insolito cruciatur cum quadam rotatione quasi testiculorum; postea si recutitus non sit, macula primo morbillum jam erumpentem magnitudine & colore amulans glandis partem aliquam invadit. Statim ab hujus maculæ exortu liquor quidam lente extrillat, seminis instar, qui quotidie a seminis tam colore, quam consistentia recedens, flavescit tandem aliquanto dilutius ovi vitello; & in lue virulentiore intensioreque non modo virefcit, sed & aqueo humori permiscetur sanguine afflatim tincto. Pustula jam dicta *ulcus* tandem fit, primo haud abfimile *Aphris* infantium ora obsidentibus, quod indies tardius & profundius depascatur, supervenientibus orificii callo, & duritie. Animadvertendum est autem quod memorata pustula raro gonorrhœam comitem habet in iis qui aut jam pridem gonorrhœa laborant, aut recutiti sunt; utpote quorum glans tum ab aëre cui exposita est, tum a frequenti linteorum attritu indurefcens, noxam non ita facile suscipit. Hujusmodi Verpi igitur glandis ulcere fere non tentantur, sola *Gonorrhœa* dicto modo nascitur. Hanc alia mox symptomata excipiunt, ut primo magnus doloris sensus in pene quoties erigitur, perinde ac si valida manu transversus fortiter constringeretur, qui noctu præcipue urget, quoties in lecto æger cœpit incallescere, quam quidem constrictionem penis dolorificam morbi hujus in hoc statu existentis signum *verginis* existimo. Incurvatur etiam veretrum a fræno jam contraçtore, quod cum in erectione extenditur pro natura sua, acutissimum dolorem affert. Accedit etiam *ardor urine*, qui plerumque inter mingendum vix percipitur, at vero æger jam a miçtu cessans per omnem urethræ ductum acriter admodum uritur, maxime qua in glandem definit. Nonnunquam etiam erosa, atque exoriata urethra jugi puris acrioris fluxu, Natura in carne nova vice jam perditæ justo occupatior laxam quandam & spongiosam substituit, quæ mole quotidie aucta, & sensim indurata *Caruncularum* excrescentiis ita meatum urinarium infert, ut tandem lotio non detur exitus; quæ quidem carunculæ nihilominus ex ulceribus sibi adnatis ichorem quendam evomunt, & tum Medico crucem figunt inter curandum, tum agro magis ipsa morte timendum malum. Quinimo sæpe accidit ut sanies, quæ

per gonorrhœam deplenda erat, vel a motu violentiori, vel adstringentium usu in scrotum deposita, atrocissimum dolorem & scroti inflammationem accersat, nunc alterutro, nunc utroque ejus latere in molem ingentem elato; Gonorrhœa interim progreditur tardius, at vero urinæ ardor non mitius urget. Atque hæc sunt communiora morbi hujus symptomata; manente hoc ejus statu.

At vero quoties sive morbi diuturnitate, & in dictis partibus mora, contagium sursum fertur, & sensim sanguini labem imprimit, aut materiâ virulentâ indebito adstringentium usu in corpore retentâ humores putrescunt, *vera Lues* exoritur, in qua tumores sive *Bubones* sæpe in inguine comparentes primum ejus gradum constituunt. *Dolores* tum caput, tum artus in articulorum interstitiis, humeros scilicet, brachia; & talos crudeliter laniant, nullo ordine invadentes, & per intervalla, licet noctu ægrum lectuli calore persusum rarissime destituant, nec nisi sub auroram libenter evanescant, crustulæ etiam & *porrigines* varias corporis partes deturpant. Flavescent hæc ferme adinstar favi, quo signo a ceteris omnibus queant internosci. Quandoque superficie latiore varia occupant corporis spatia ad eum modum, quo *Leprosi* in Medicorum scriptis depingitur. Quanto autem magis scabies hæc diffunditur, tanto minus æger discrucietur. Universa symptomata pedentim incrudescunt, dolor præ reliquis, qui tandem eo usque exacerbatur, ut se nequeat miser diutius in lecto continere, sed protinus exiliens, huc illuc in cubiculo cursitet irrequietus ferme, donec illucescat. Adde quod præ doloris vehementia cranium atque ossa tibiæ brachiorumque hinc inde attolluntur in perdura tubera, *Exostoses* dictæ, excrescentiæ ossæ in equorum tibiis (vulgo *Spavin*) haud abfimilia; quæ quidem ossa tuberculis obsessa jugi dolore ac inflammatione tandem cariola redduntur & putrescunt. *Ulceræ* etiam *Phagedænica* varias corporis partes depopulantur, quæ fauces ut plurimum primo aggredientia, sensim per palatum in nasi cartilagine propagantur, quam mox assumunt, ita ut is jam fulcro destitutus plane concidat. Crescentibus in dies ulceribus, & dolore aucto, æger partim indolentem carnificina enectus, partim ulceribus confectus & putredine, vitam trahit cruciatu, fetore, carie, opprobrio molestissimam, & quamvis morte longo intervallo miserorem, do-

donec tandem, pereuntibus per vices membris, lacerum cadaver, & jam superius grave, humo condatur.

Intrinsicam hujus morbi naturam, essentialem quam vocant, nisi quatenus ea ex istis, quæ jam depinximus, symptomatibus elucescat, non mihi magis perspectam esse arbitror, quam est essentia sive plantæ: cuiuslibet, sive animalis. Quicquid vero de ea sit, certo mihi constat, humorem hunc committentem inflammationis haud mediocriter participem esse, unde hæc tot malorum Ilias: constat etiam dictum humorem evacuandum esse, idque ii mediis, quorum efficaciam experientia, Medicorum magistra, suffragatur. Cum nondum inveniat immediatum aliquod, *Specificum*, cuius ope sine evacuatione prægressa lues debellari queat. Neque enim vel *Mercurius*, vel *Ligna Exsiccantia* dicta, *Specificorum* titulo sunt donanda, nisi exemplis in medium allatis probare quis possit, vel Mercurium absque salivatione, vel lignorum decoctum, nullo subsequente sudore, luis Venereæ curationem quandoque absolvisse. Utque experientia didici sudorifica vulgaria haud minus profecisse in hoc morbo quam lignorum decoctum, ita nullus dubito, quin si reperiri possit aliud quid, sive in regno vegetabili, sive animali, quod in excitanda salivatione pares cum Mercurio vires haberet, pariter etiam ad sanandam luem valeret. Quandoquidem autem hic morbus adhuc intra gonorrhœæ limites subsistens, longe ab eadem distat, cum jam omnem sanguinis massam contaminaverit, & venereæ luis nomen præcise mereatur; ita etiam evacuatio, qua gonorrhœæ materia ejicitur, alia prorsus est atque illa, qua lues jam formata eliminanda est.

* *Gonorrhœam* itaque quod attinet, de qua primo agemus, in remediis *Catharticis*, quantum hucusque usu comperimus, curationis omnis cardo vertitur, quorum auxilio vel educitur humor peccans, vel procuratur diversio succorum corporis naturalium, qui aliter hosti in pabulum cederent. Quamvis autem tum ratio, tum experientia mihi distant hunc morbum, & quolibet demum cathartico sæpe diuque exhibito sanatum iri, ea tamen ceteris *Spasmodicis* mihi videntur, quæ bilem, maxime vero quæ ichorem ferocum fortiter e sanguine expurgant, & sub-

ducunt. Ac proinde sola *Jalapii radice* pauperibus aliquoties subveni, quorum tenuitati & rebus domi angustis consulendum erat. Cum vero & morbus conspicuam secum trahat inflammationem, & medicamenta purgantia, quibus expugnandus is est, calida etiam sint, *Dieta refrigerans* omnino est imperanda a carceribus, quod dicitur, ad metas.

Sic itaque soleo præscribere *℞. mass. Pilul. cochiar. maj. ℥iij. Extract. Rudii ℥j. resin. Jalap. & diagryd. an. 3℔. cum s. q. Opobalsami s. Pil. e singulis Drach. vi.* Quatuor ex his singulis auroris deglutienda sunt hora quarta vel quinta (ita ut æger superdormiat) ad dies 12. vel 14. vel etiam plures, donec sc. urinz ardor & materiæ seminiformis color flavus admodum imminuantur; quæ cum pro voto successerint, satis esse autumo, si æger interjecto semper die uno, easdem repetat ad septimanas adhuc duas, quo tempore elapso, sufficit ut bis in septimana sumantur pilulæ, donec humor ex urethra stillare solitus prorsus evanescat, quod ut plurimum non nisi post multos dies contingit. Quamvis enim vulgo affirmetur, quod ejusmodi ichor, qui ardore urinz, & flavo materiæ extillantis colore disparentibus, mane præsertim, in summitate colis digitis compressi ad guttulanæ unam alteramve certitur, a debilitate tantum, & a laxitate partium ob diminam virosi somitis in eis moram oriatur; miseri tamen experiuntur magno suo malo reliquias has esse contagii, non penitus deleti; quod licet quadantenus subactum, ex levissima quaque occasione (a potu scilicet nimio, aut exercitio quolibet vehementiori aut simili alia) novas excitat tragœdias, gonorrhœa postliminio recrudescente, si nempe æger catharticos molestiam defugerit, nondum extirpato radicitus morbo.

Si post hujusmodi purgationem gonorrhœa nondum cedat, ex usu erit loco pilularum, maxime in iis, qui difficilius purgantur, potentius aliquod medicamentum subinde intercalare, cujusmodi est potio sequens, quæ semel tantum hausta magis aliquando fecit ad sistendam gonorrhœam, quam leniora cathartica sæpenumero ingesta. *℞. Tamarind. 3℔. sol. sen. ℥ij. Rbei 3℔. Coq. s. q. aq. Calaturæ ℥iij. dissolv. Mannæ, & syr. Rosar. solut.*

*solut. an. ℥j. syr. de spina Cervin. & Ele-
ctuar. e succo Rosar. an ℥ij. M. s. f. potio.*
Vel curatione tardius procedente detur Tur-
bitb. minerale ad gr. viij. tantum bis vel
ter, idque interposito debito temporis spa-
tio, ne forte oborietur pyralismus, quod
quidem remedium in eradicanda gonorrhœa
pervicaciori facile primas fert. Vel bis in
septimana pil. sequentes exhiberi poterunt.
24. pil. ex duobus ℥ss. Mercur. dulc. ℥j.
cum s. q. Opobalsami s. pil. iv. sumenda
summo mane.

Est autem ubi æger a catharsi dicto mo-
do repetita usque adeo abhorret, ut ne con-
spectum quidem, vel odorem solum reme-
diorum ferre queat. Est etiam ubi corpus
ex *idiocumia* quadam ita pertinaciter pur-
gantibus refragatur, ut debita peccantis hu-
moris quantitas nequeat educi, atque ita
dum impenitus in hoc laboratur nullo cum
fructu, lues tandem obrepit, quæ eos sæ-
pissime ægros adoritur, quorum corpora ca-
thartica sortius obfistunt: cum ita se res
habeat, *Enematis* agendum est, quibus in-
jectis utrique indicationi, humoris scilicet
tum expurgandi, tum ab affecta parte de-
rivandi satis fieri potest. Quin etiam hæc
methodus expeditior est nonnunquam præme-
morata ista, at non æque tuta, me iudice,
cum prior illa licet diuturnitate molestior,
minus tamen habeat periculi, ne qua con-
tagiosi fomitis particula in visceribus hæreat,
novos datura tumultos. Hoc vero incom-
modum facillime evitatur, si cathartica per
os assumpta diebus ab usu clysterum liberis,
mutuam iis operam commodent.

Hac itaque via incedo, *Pilulas* jam præ-
dictas, aut alias ejusmodi duabus tribusve
auroris continuis exhibendas curo; postea
Enema sequens mane, & hora quinta pome-
ridiana quotidie injiciendum, donec penitus
cessaverint symptomata; nisi quod semel aut
bis in hebdomade catharticum impero, mis-
so die isto clystere, 24. *Electuar. e succo Ro-
sar. ℥vj. Terebinth. Venet. vitello ovi solut.*
℥℞. dissolvantur in aq. Hordei ℥i. Colatura
adde El. Diacathol. ℥ij. m. s. *Enema* Sin-
gulis etiam noctibus *Opobalsami* vel *Balsa-
mi e Mecha gut. xxv.* sacchari frustulo ex-
ceptas concedo, sub lecti ingressu, quod qui-
dem medicamentum, cum *Terebenthina* quod-
dam genus sit liquidum ac purum, iisdem
quibus illa facultatibus pollet, & ulcerosæ
genitalium diathesi apprime succurrit; hu-
jus itaque defectu *Terebenthina Cypria* ad
quantitatem avellanæ dictis temporibus de-
voranda substitui possit.

Procedente curatione, quacunque ea de-
mum methodo tentetur, ægro cibis omnibus
sale conditis, vel alias dyspeptis (quales sunt
carnes bovinæ; porcinae, pisces, caseus, ra-
dices, olera) & fructibus horariis quibuscun-
que interdico, quibus substituo carnem ver-
vecinam, vitulinam, pullorum, cuniculo-
rum, & cetera *istiusmodi*. Volo etiam ut vel
his parcissime utatur, tantum ut ægri vi-
res non labascant. Potus, vino in genere
abdicato, ut & liquore omni sive spirituo-
so, sive aciescente, *Hydrogala* esto, ex tri-
bus aquæ coctæ partibus, & lactis una, nisi
quod in prandio, & cœna cerevisia tenuis in
parva quantitate possit indulgeri. Ad con-
temperandam insuper inflammationem, &
mitigandum ardorem urinae, refrigerantem
aliquam *Emulsionem* ad sequentis normam
compono, in purgationum intestitio frequen-
ter potandum. 24. *Sem. Melon. & Popon.*
an. ℥ss. sem. Papav. albi ℥ij. Amygdal. dul.
excorticat. n. viij. contund. simul in mortario
marmoreo, sensim affundendo aq. Hord. ℥i℞.
Colatura adde sacchari Crystallini q. s. m. s.
s. a. Emulsio.

In temperamento admodum sanguineo, &
affectu pertinaciori, post mensem catharsi
datum, aut circiter, ut plurimum *sanguis*
Uncias octo vel novem e brachio dextro
detrahendas suadeo, ut maturius celebretur
venæ sectio auctor non sum, ne hac *operatione*
contagium penitus inferatur. *Injectiones* in
urethram non magni facio, utpote quæ sive
acrimonia sua mordaci, sive stipticitate non
raro magis officere soleant, quam prodesse;
veruntamen sub morbi exitu *Aqua Rosacea*
in pauca quantitate potest injici.

Hac methodo, quæ mihi semper pro vo-
to cessit in gonorrhœa sananda; meliorem
nondum comperi; maxime in iis qui facile
purgantur. In iis enim qui purgantur ægrius,
curatio, licet nunquam fallax, tamen non
nisi post longum temporis spatium perfici-
tur. In his itaque sanguis iterum mitten-
dus, & acuenda sunt catartica; tum etiam
repetenda sæpius, atque in eorum usu diu-
tius est perseverandum, aut clysteres modo
jam signato usurpandi. Etenim *Catharsis*
hic ad instar omnium est. Atque in hoc af-
fectu, si in alio quopiam, vere asseritur,
quod qui mundificat bene, bene favet: mo-
do ab *Aquis Mineralibus* sibi temperet, quas
certo mihi constat morbi reliquias e corpo-
re eliminandas vi astringente & plus satis
sanativa arctius constringere, & quasi clavo
figere trabali; unde quod sæpius observavi,
Scrui

Scroti tumores enascebantur quoties in morbi principio, vel statu, pejoraque adhuc symptomata ut *Caruncula*, si quando sub ejus exitu potarentur. Quod quidem ego fidenter assero, quantumlibet ex more hodie recepto aquæ minerales in dicto casu haud raro præscribantur.

Neque sum nescius, quantum se ventitent Practicorum nonnulli in hujus symptomatis curatione, qua brevioris temporis spatio, qua remediis magni nominis, & tituli absolvenda; interim observatione plus satis frequenti certo deprehendi, materiam, quæ eliminanda fuit, astringentium vi in corpore detentam maximum ægris dedisse malum, ex qua per sæpe sanguinis massam de novo subiens ipsam demum luem parit. Nec majore cum fructu, licet periculo minore decoctum *Lignorum exsiccantium* usurpatum comperi; quo scilicet, sub prætextu *Specificorum*, tum universum ægri corpus, tum præ ceteris affecta pars jampridem nimis incalcescentia ulterius adhuc inflammabantur; nonnunquam etiam *Gonorrhœa* quæ paulo ante evanuerat, quod me observasse memini, denuo in conspectum prodit.

Animadvertendum est autem, quod si ægri glans præruptio undiquaque contegatur, atque ejusdem ora præ inflammatione usque adeo tumida, dura, ac callosa reddantur, ut nullo modo queat reduci; laterem lavat quisquis gonorrhœam remediis purgantibus, fortissimis licet, & quotidie ad nauseam repetitis, aggreditur, nisi eodem tempore id agatur, ut pars ita affecta ad statum sibi naturalem redeat, sublaris & duritiæ & tumore, unde gonorrhœæ novus utique fomes subministratur. Quod quidem ego admolior *Fotu* sequente. *℞. Rad. Althææ, & liliorum an. ʒiʒ. sol. Malv. Verbasc. Sambuc. Hyoscyam. flor. Chamemel. & Melilot. an. M. j. sem. lini & Fanugreci an. ʒiʒ. Coq. f. q. aq. font. ut f. Fotus, parti affectæ admoveatur per horæ unius spatium bis vel ter in die.* Peracta fomentatione partem affectam Oleo e semine lini recentem extracto perungendam curo; deinde *Emplastrum e Mucilaginibus* alutæ agninae inductum labiis præputii tumidis circumponendum. Quod si *Ulcus* vel in ipsius præputii labiis, vel in subiecta glande hærens sua callositate facit, ut illud non nisi ægre

Sydenham Opera Med. Tom. I.

possit retrahi, præter fotum jam dictum sequens etiam *Linimentum* præscribo. *℞. Unguent. Basilici ʒvi. Unguent. & Nicotiana ʒij. Præcipitat. aq. Ros. lor. & optimæ levigat. ʒʒ. m. f. Linimentum, quo lintei rasura imbuatur, & ulcusculo admoveatur post Fotus præscripti usum.*

Ubi vero, sive quod justo maturius gonorrhœa sistatur, sive ab exercitio vehementiori, aut alia quacunque de causa, scrotum jam morbi sedes, ab eadem in tumorem insigniorem attollitur, prædictum Fotum bis in die parti affectæ admoveo, modo non imminuantur & dolor & tumor *Cataplasmate* vulgo noto ex *Oxyrato* & *farina Faba-rum*. Hæc dum foras peraguntur, non desino remediis & catharticis, & refrigerantibus, quæ modo præscripsimus, intro sumptis, tum etiam diæta supra dicta hostem urgere; neque mihi religio est quovis hujusce mali tempore sanguinis ʒix. vel x. e brachio isto detrahere quod testiculo tumefacto respondet, si tumoris magnitudo & vehementia doloris id mihi suadeant. Atque hæc hætenus de *Gonorrhœa*.

* Cum vero eo usque invaluerit morbus ut jam *Veneræ Lues*, vel *Lues confirmata* præcise dici mereatur, alia omnino portâ querenda est, & duriori huic nodo cuneus itidem durior est adhibendus; quandoquidem nullam adhuc experimentum, quod sciam, adferri possit extirpati hujusce morbi, nisi per *Salivationem* ab *Hydrargyro* excitatam: quicquid tam doctorum nonnulli, quam indoctorum de aliis sanandi modis satis temere & audacter effuriverint. Cum itaque *Salivatio* omnem hic numerum absolvat, id tantum mihi incumbit, ut quæ in ea excutanda, tum etiam regenda, & ratio (qualis qualis ex demum fuerit) & observatio rationi suffragata mihi dictaverint, edisseram.

In principio autem ne conjectura quidem assequi possum, quid sibi velint crebra ista monita, quibus de corpore remediis *Catharticis* & *Digerentibus*; balneo puro & ceteris ad genus, rite præparando, ita serio cavetur; Ut de venæ sectione jam taceam, cui nonnulli hic loci primas deferunt. Cum enim, si veritati sit litandum, coeres redigatur, ut *Veneno* salivatio procuranda sit, (neque enim adhuc innotescit salubre ali-

F f quod

quod medicamentum, quo possit excitari, neque æger sine ejus ope in tuto collocari potest) queritur utrum corpori constantibus adhuc viribus, vegeto & valenti, ac proinde frangendis inimici tonatibus haud impari; an eidem missione sanguinis, & tenui diata jam debilitato rectius committatur venenum. Haud dubie satius esse duxerit æquus rerum æstimator nihil agere, quam ita importune satagendo nocere. Quid quod experientia testatur, nullis evacuationibus, aut alio modo infirmatos salivationis impetum multo melius sustinere, quam eos, quorum quasi ante prælium incisi sunt nervi? Misso itaque damno omni hujusmodi præludio, statim atque accersor *Unguentum* præscribo ex *Axungia Porcine* ℥ij. & *Mercurii crudi* ℥i. Neque oleum aliquod e calidioribus, neque aliud quid admisceo, cum deterius fiat unguentum, si quod adjecta ista frænum injiciant, & nihilo efficacius, si nihil prorsus agant. Et fortasse additamenta ejusmodi sub nomine *Correctivorum*, idem hic præstant (si quid tamen præstant) quod *Cathartici* adjuncta judice experientia, solent præstare; tormina nempe excitant, & catharsin reddunt laboriosiores, a lucta scilicet inter antidotum, & catharticum, cujus vis omnis purgans in eo posita est quod naturæ hominis inimicetur. Verum ut *tertiis* parte dicti *Unguents* brachia, crura, & tibias ad tres noctes continuas (primam qua accersor includo) manibus suis æger perungat injungo; ita tamen, ut neque axillas, neque inguina attingat uspiam, & abdomen panno laneo tenuiore circumposito & posterius confuto, a linimenti contactu diligenter muniat. Post tertiam inunctionem gingivæ ut plurimum intumescunt, & *Ptyalismus* suboritur. Si vero intra tres dies post ultimam inunctionem idem haud procedat, tum gr. viij. *Turbith. Mineral. in Conserva. ros. rubr.* exhibeantur ægro; qui post singulas vomitationes aut sedesumat haustum liquoris possetici calide. Cum expuere inceperit, id jam medico negotii tantum est, ut gradum salivationis scrupulose expendat, ne in vocatis temere suppetiis, salivationem eo usque evehat, ut æger de vita periclitetur. Ubi jam ptyalismus statum debitum fuerit adeptus (in quo expuuntur ut plurimum libræ quatuor spatio nycthemeri) vel symptomata, etiam si parcius expuat æger, evanuerint (quod plerumque contingit post quartam diem a statu salivationis) & induratum, & tori lintea aliis, quæ a quo ultimo lavaban-

tur, usurpata aliquandiu fuere, sunt permittenda: cum priora ista unguento infecta salivationem, & magis quam erat opus intendere, & longius protrahere, quam ægro expediat, apta nata sint. Quod si forte prius elanguescat salivatio quam symptomata penitus disparuerint, extimulanda subinde est *Mercurio dulci* ad ℥j. pro dosi exhibitio.

Nonnunquam accidit, præsertim in corporibus *diuturnioribus*, quod post unam vel alteram inunctionem (nempe simul ac hydrargyro sanguis affici inceperit) Natura illico per intestina hunc hostem expellere satagat; unde non solum dejectiones mucosæ & tormina ventris, ut in iis qui dysenteria laborant, eveniunt, verum etiam curatio morbi impeditur, utpote qui salivationi tantummodo cedere soleat. In hoc casu a Mercurio sive extra applicito, sive intra assumpto, prorsus abstinendum, donec hæc symptomata penitus evanuerint; atque porro dictus alvi fluxus (qui plerumque accidit, antequam salivatio bene assurgat) sistendus est usu *luciani liquidi*, ita dosim augendo atque repetendo prout urget symptomata; aut *Diascordii sesquidrachma*, aliquoties, prout opus fuerit, devorata. Diarrhœa tandem cohibita, salivatio debito modo procedere solet, quæ antea vix appareret.

Convalescente de ceteris ægro, nisi quod os adhuc exulceretur (qui genuinus est ptyalismus fructus) salivatio quæ jam indies imminuit, nec purgatione nec alio modo quocunque sistenda est: fieri enim potest ut etiam post consopitum dolorem, atque exsiccata ulcera aliquid de morbi fomite adhuc in corpore delitescat, bella denuo moturum, nisi sibi permittatur sputatio illa moderata, quæ postquam redintegrata sanitas homo se auriæ liberiori aliquandiu exposuerit, desitura est. Periculosum itaque esse arbitror ptyalismum jam abiturentis, & mox evanituri reliquias *Catharsi* deducere, vel *Liquorum decocto* exiccare velle; a qua praxi, quæ vulgo obtinet specie vel Mercurii e corpore eliminandi, vel corrigendæ ejus malignitatis, nascuntur sine dubio frequentes istæ *Recidivæ*, quæ miseris accidunt, sanitatem tandem aliquando post tantum impensarum, tot exantlatos labores, tantum tædii devoratum anhelantibus, ad quam etiam certo pervenissent, si salivatio non non nisi suo tempore determinaretur. Longe itaque consultius esset, ptyalismum promovere *Mercurio dulci* semel in hebdomade exhibito, etiam postquam omnino convalescit

rit & jam sub dio versetur (quod & ego per menses aliquot fieri aliquando jussi) quam eundem præmaturus inhibere .

Quantumlibet autem a catharsi in salivationis declinatione ob jam dictas causas abhorream , fieri tamen potest ut in ejusdem statu ea nec prætermitti possit , nec debeat , quoties scilicet re male gesta eousque fuerit evecta salivatio , ut jam ægri vitæ metuantur : quo in casu non tutum modo est , sed & necessarium etiam cathartico ingesto ptyalismum ad eum gradum deprimere , ut cum ægri *deserui* procedat , qui deinde suo juri relinquendus .

Si quis jam quærat , an nuda salivatione contenti esse debeamus , nec cathartici , nec aliis remediis solemnibus in usum , post eam peractam , revocatis ? Respondeo , præter jam dicta , quibus & ratio adstipulatur , & experientia , me velle doceri , quam ob causam magis sit necessarium purgare post salivationem , quam salivationem excitare post catharsin , cum remedia purgantia (*Scammoneata* maxime & id genus acria) malignitatis quidpiam in corpore relinquunt , quod Naturæ tamen committimus , cujus vi tandem subjugatur istud , quicquid est veneni , eo scilicet qui purgatus fuit ad regimen consuetum , exercitium , & liberiores aëris usum se recipiente . Atque id porro libenter scire velim , qua demum arte freti Mercurii reliquias per catharsin expellere conamur , cum genuinam illam ac prope unicam methodum (per salivationem scilicet) qua Natura id efficere solet ac debet , non solum negligamus , sed etiam impediamus . Hujusmodi autem hallucinationes minimis istis rationis scintillis imputandæ sunt , quibus nos miseri mortales tantum præditi , ad veritatem in profundo demersam non penetrantes , quamlibet ejus umbram & speciem amplectimur , pro Junone , quod ajunt , captantes nubem ; mox colloquia miscentes , præjudicia male fundata ita penitus nobis invicem insignimus , ut tandem phantasmata nostra & delirantium insomnia pro principiis Apodicticis haberi velimus ; cujus specimen , si fallor , præ manibus nobis est .

Quamvis autem in plerisque curatio modo jam dicto absolvatur , viz. *Inunctione* per tres noctes continuas , & exhibito *Turbiti Minerali* , ptyalismo haud rite procedente , *Mercurio* item *dulci* ad vices aliquot , eodem justo citius fatisciente ; serio tamen animadvertendum est , in quibusdam reperiri idiosyncrasiam sive temperamentum quoddam

peculiare , tam salivationis respectu , quam purgationis (atque eadem plerumque in iisdem , ut qui ægre purgantur , ægre etiam ad ptyalismum perducuntur) ita ut in nonnullis methodus laudata vix gingivarum exulcerationem queat efficere , multo minus salivationem ea procurare , quæ malo eradicando par sit . In hujusmodi ægris Medico summopere cavendum est , ne animo nimium obstinato salivationem importunius urgeat , recalcitrante Natura , atque ab isto evacuationis genere prorsus abhorrente ; quod qui minus intellexere ægros haud paucos letho dederunt : Etenim in corporibus ita factis , quotiescunque medicamenta , sive externa illa fuerint , sive interna , pertinaciter ingeminaveris , loco salivationis perfectæ nil præter ventris tormina , & dejectiones dysentericas obtinebis , Natura per hanc portam hydrargyri virus amoliente ; vel dolores ventriculi & ægritudines , sudores frigidos , horrendaque alia symptomata accerces , ita ut æger tantum non agat animam , forte etiam mox eam evomat . In his licet Medico concedi possit , ut postquam ad dies quatuor vel quinque a postrema inunctione salivationem frustra præstolatus fuerit , inunctionem jam sæpe dictam , & *Turbiti Mineralis* dentio repetat (interjectis inter singulas inunctionum vices diebus aliquot) religiose tamen cavere debet , ne cum tanto conamine salivationem incassum sollicitaverint , eam per vim invite Naturæ extorquere pergat . Hic itaque modus , quantum ego judicio valeo , Medico tenendus est , ut ubi primum vel ægritudo ventriculi , vel ventris tormina succedant , statim sibi temperet a remediis adhibendis donec ea penitus evanuerint symptomata ; pluribus enim & fortioribus remediis ad cogendum *exco* *derivationis* salivationem accumulatis , *Dysenteria* certo certius tormina ventris , & ventriculi ægritudinem mors excipiet . Cum ex adverso si lente festinet , & moras trahat , *Mercurii dulcis* ʒi. semel aut bis in septimana exhibendo , vel per se , vel cum ʒi. *Diascordii* , si æger in diarrhoeam propensior sit , tandem aliquando cum bonis ægri rebus optata potietur arena . Quantumvis enim ptyalismus ad plenum numquam assurgat , æger tamen copiosius quam pro more solito expuet , & sætor justæ salivationis comes neque immunior hanc destituet ; unde evincitur sanguinem & humores eam sive putrefactionem sive alterationem , quæcunque ea demum sit , attigisse , quæ vel parit salivationem ,

vel cum ea nascitur. Atque hac methodo universa hujus morbi symptomata tandem expugnabis, concessio unique debito temporis spatium.

Observandum est autem, quod licet salivatio remedia alia, qualiacunque ea fuerint, in extirpanda *Lue confirmata* longe exuperet, *Gonorrhœam* tamen cum lue concurrentem neutiquam valet sanare; nec sistetur illa, hac jam penitus devicta; unde recte colligitur nullam vim specificam mercurio inesse, qua Venerea lues immediate debellari possit; quamlibet *Specificum mediatum* forte dici mereatur, in quantum mediante ptyalismum morbum expellat, pari ferme *catu* (quod alias subinnui) atque scalpellum chirurgicum laterali morbo specificum queat appellari. Sed ut ad rem redeam. Quoties *Lues & Gonorrhœa* una stabulantur, vel ante salivationem, vel ea jam peracta, *Gonorrhœæ* curatio tentanda est, quod & tutius fit, me iudice; & facilius etiam post finitam salivationem, cum luem habens comitem gonorrhœa ægrius dometur; quæ vero a prægressa salivatione quadantenus subacta fuit, minori negotio expugnari solet. Ac vero catharticus religiose abstinendum est quousque vel minimæ salivationis reliquæ supersint. Quamobrem *Turbid. Minervæ* semel aut bis in hebdomade exhibito securius rem commitemus, quam aliis purgantibus quibuslibet, cujus vi promovebitur aliquantulum ptyalismus, dum interim materia gonorrhœam comitans paulatim excernatur.

Porro observandum est, si tumor ossi alioqui, *Exostosis* vulgo dictus, insideat, qui etiam tandiu permanferit, ut os jam carie afficiatur; incassum prorsus erit sive salivatione, sive alia aliqua methodo curationem aggredi, nisi etiam huic malo obviam eatur; ac proinde os opè *Causlici* denudandum, & quamprimum idem, quod ajunt, *exfoliandum*, usu scilicet remedium quæ intentionem hanc implere solent.

In Ore exulcerato, quod salivationem passus ita familiare, si vel æger dolori ferendo par non sit, vel eo usque illud excoerietur ut sanguine diffuset, idem nocte dieque vel aqua *Rosarum Damascenarum*, vel lacte aque permixto, vel *bordei*, *radic. Altheæ*, & *semin. Cydoniorum* decocto sæpissime proluendum est. Unicum hoc symptoma memorabile, quod scio, salivationi accidit, saltem quoties ea more debito administratur; & sane si dolor & oris exulceratio arte aliqua

protelari potuerit, haud multo esset molestior morbi hujus curatio, quam est aliorum aliquot longe minus famigeratorum.

Diximus quod spectat, & reliquum ægri regimen, eadem prorsus in *Salivatione*, saltem donec ad finem jam fere vergat, ac in *Catharsi* imperanda censeo. Cumque ei qui medicamentum aliquod purgans assumpsit, id tantum incumbat, ut se in cubiculo a vi frigoris defendat, & cibis *moderate* vescatur, nondum mihi constat, quo nomine vel lecto semper addicatur qui ptyalismus subit, vel a victu modico arceatur, qui scilicet Naturæ cum veneno conflictanti vires animumque addat; unde etiam Natura tanto oneri succumbente, haud pauci, spiritibus, atque omni vitæ robore, diaphoresi, purgationibus, & jejuniis supervacuis (præter vulnus ab *Hydrargyro* inditum) tandem penitus exhaustis, misere confecti sunt. Persepe etiam morbo jam pulso, æger ea spirituum copia, qua erat opus ad redintegrandam sanitatem, destitutus, præ imbecillitate concidit; aut si forte *Libitinam* valeat effugere, tot tantisque cruciatibus vitam redimit, ut tanti non sit vivere. De quibus Poeta e Neotericis haud ineleganter.

Graviores morbis patimur remedia;

Nec vita tanti est, vivere ut possis, mori.

Hic autem in promptu est istam objectionem diluere, quæ sit ut nonnulli hoc morbo, (scilicet in statu ejus modo dicto) male mulctati in *Galliam* commigrare cogantur ut ab eo liberentur? Cujus rei hanc esse rationem, quantum judicare possum, existimo. Hujusmodi ægris, œconomia illorum corporum everla ac viribus prostratis, apud nos aer crassus ac humidus resarciendis minus idoneus est, cum iste *Gallie*, utpote qui salubrior ac magis serenus, spiritus corporis & vires deperditas instaurare aptus sit. Non quod prædici ibidem degentes, utur docti quidem, methodum qua hic morbus devinci possit, melius calleant, quam nos hic in *Angliæ*. Sed ut ad dictam revertar.

Existimo itaque (& experientia mecum facit) quod præter jusculum avenaceum, panatellam, lac cerevisiatum, & cerevisiam tenuem tepescatam, &c. juscula insuper e carne vitulina, pullorum, atque alia ejusmodi in mediocri quantitate ægro & possint concedi, & debeant; atque ut, ubi primum eousque subsederit gingivarum tumor ut dentes conferere valeat, cunæulorum, pullorum, agnorum carnes, atque ejusmodi re-

nesiotes, at parca manu, sint indulgende; ut vel in lecto se contineat, vel ad ignem sedeat, prout hoc vel illud magis allubescat animo. Cum enim *Ptyalismo* expugnetur hic morbus, non *Diaphoresi*, huriolando non sum, quorsum æger, nulla urgente necessitate, nimio calore maeterur.

Dicta methodus uri expeditior est, cum neque tot dies corpori ante salivationem præparando inutiliter infumendos, nec frequentes istas purgationes, aut decocta solemnia post salivationem, ægris imponat; ita certissimus sum eandem longe faciliorem esse, minus itidem periculosam, & minus recidivæ obnoxiam; quod experimento suo discet quisquis in altera praxi versatus, ad hanc se demum conferet. Mihi saltem ex animi sententia successit in quamplurimis ægris; quorum nonnulli salivationis tedium & laborem plus semel irritò conatu exantlaverant, recidivam semper denuo passi, ex occasionibus, & propter causas, quas supra memoravimus.

Non est autem, Vir Candidissime, cur tuam fidem verborum ambagibus anxie sollicitem, qui jamdudum de probitate mea persuasissimus exiguæ æstimationi etiam nostræ favere dignaris. Plura itaque de hoc morbo non addo, cum mihi neutiquam placeat, nec placebit unquam, longis verborum ambagibus & sermonibus *à propos* nucleus involvere, quo rei caput, seu *Nihil* sons, ægrius innotescat. Quantulicunque autem sit hoc opusculum sive pretii, sive molis, id ut boni consulas rogo: cum illud eo præcipue sine elaboraverim; ut & in bonum publicum cederet, & quo in te essem animo palam testarer: quantumlibet autem magni te faciam, major tamen adhuc tibi honos debetur & a me, & ab iis quibus summa illa tua eruditio, morum suavitas, animique cándor, ceteraque virtutes laude dignissimæ ita clare elucescunt. Haud equidem tibi assentor; quoties profiteor me tuam amicitiam, ex quo me primum ea condecorabas, inter illa, quæ mihi comparavi, prægiosissima luculentissimaque semper habuisse. Inter alia enim in brevi vitæ curriculo a me observata eximium est illud: (quod etiam filio meo commendatissimum esse volo) hominum sc. probitate ceterisque virtutibus præcellentium consuetudinem semper mihi commodo vertisse atque emolumento, atque ex adverso pravorum amicitiam (nisi ea potius, combinatio sive etiam conjunctio dicenda sit, quæ in virtute non fundatur)

quamvis nec dicto, nec vultu quidem me læserint unquam, tamen nescio quo pacto, tandem aliquando aut mihi, aut rebus meis mali, aut damni quippiam affricasse. Vale, Vir Humanissime, & amare perge.

Tui semper observatissimum

THOM. SYDENHAM.



Innumeri prope Authores scripserunt de *Lue venerea*, quam paucis explicat Clariss. *hoster* Author. Longum nimis foret illorum vel partem aliquam hic recensere, pro pleniori scædi ejusce morbi, ac ipsius curæ, illustratione. Sufficiat itaque Doctissimi alijs Angli perbreve, sed vere accuratam, eodem in argumento *Dissertationem* addere, cujus est sequens inscriptio.

GUALTERI HARRIS, M. D.

*Celeberrimi Medicorum Londinensium
Collegii Socii.*

DE LUE VENEREA

Ejusque Origine, Natura & Curatione.

DISSERTATIO.

HIC morbus tam gravis & acerbus est; tam latè serpit, & perniciem suam undique spargit; tantis cruciatibus miseros plerumque opprimit; & pristina sanitas tam difficulter restituitur, ut ab annectendo quædam eo spectantia non potuerim prorsus abstinere. Primordia hujus mali quæ pudendis solis labem inurant, contemptui & ludicro habeant, si ita placet, ganeones & belli nostri, & petulantibus facetijs, tanquam nugæ & crepundia, ea excipiant; sed quandoque aut prima illa inquinamenta aut succedentia, in sanguinem dequo transferentur, atque per totum corpus virus distribuetur, pœnas insipientiæ debitas illi abunde persolvent.

De origine hujus morbi ambigitur, an ab omni ævo, post homines natos, existerit, an superiori sere sæculo in *Europam* ex *India Occidentali* fuerit advecta. Multa sunt testi-

testimonia, aut saltem suspiciones non contemnendæ, de antiquitate huius luis, quam tot fere Regna non ita pridem contra ejus natales probrosos decertarunt, alterum in alterum illud opprobrium rejiciens, quot urbes olim *Homerum* sibi gloriose vendicarunt. Certe nomen ejus legitimum usque ad nostra hæc sæcula in tenebris latuit. Nec forma & figura hujus monstri a prioribus Medicis satis clare & distincte sunt descripta, neque ante novam suam denominationem nisi confuse admodum cognita. Hoc autem procul dubio scimus, plurima olim apud nos nosocomia leprosis recipiendis fuisse extructa; & multum fallor, si unica & singularis domus apud nos etiamnum maneat, leprosis vulgo recipiendis peculiariter dicata. Porro Venerei contagii eadem semper causa tyrannidem exercuit, nempe vaga & promiscua scortatio: nullisque sæculis defuerunt meretrices infames, quæ corpore prostituto vilem quæstum facerent: *posita vero causa ponitur etiam effectus*, quemadmodum & *sublata* semper *tolliitur*. Quibuscunque enim in regionibus, quibuscunque demum locis prostibula ista, ac corruptelæ juventuris vulgares prorsus exulant; legumque asperitas scortationem omnem coercet, deest etiam una cum impuris scortis lues hæc Venerea. Ubicunque vero lupanaria palam permittuntur, remisso magistratu aut dissimulante; vel ubicunque meretriculæ latebras aliquas sædas secure nanciscuntur; eadem lues cum horrida malorum turba, cumque omni suo miseriarum famulitio, longe lateque dominatur. Atque, ut mihi quidem videtur, in utero impuro meretricum vulgare, quæ plurimis viris, quantumlibet sanis, sese prostant & commiscunt, certo & naturaliter propignitur lues, perinde atque in nido ex ovis nascuntur volucres. Et quoniam corruptio optimi est omnium semper pessima, cur non ex feminis prolifici, & in tantos Naturæ usus destinati, corruptione prava & incongrua venenata illa lues possit *quædam* propagari? Et nullus dubito, paucissimos uspiam esse scortatores; qui, quantumvis pœnas meritis aliquandiu effugerint, non serius aut citius in laqueos illos inciderint, qui non turpi & funesto illo veneno fuerint tandem aliquando contaminati.

Sane lues hæc perniciofa est Supremi Judicis tremendum quoddam flagellum; instar ensis illius stricti capitis Damoclis inter epulandum impendentis, omnibus scortatoribus

semper interminans, quod sapientes ab impuris amplexibus facile deterrebit, quodque insipientes severissimis flagris aliquando cedet. Quis enim mulierosus certus esse potest, meretriculam qualemcumque sibi uni, ut videtur stipendia facientem, non aliis pluribus fuisse prius aut denuo fore provulgatam, atque ideo obnoxiam venereo inquinamento, utcumque ista mendaciis suis, perjuriisque usitatæ, pudorem aliquem comminiscatur?

Neapolitanus hic morbus vulgo nuncupatus est, & ab obsidione *Neapolitana* primum ejus contagium originem traduxisse ut plurimum creditur, anno scilicet post *Christum* millesimo, quadringentesimo, nonagesimo tertio; cum *Neapolis* castris suis circumdaret *Carolus Octavus*, Gallorum Rex. Sed cum rumorum popularium tanta sit incertitudo, ut sapientes vix quicquam pro certo pronuncient, quod non manifestis & sibi notis testimoniis confirmatur; cum aliorum morborum primus exortus in tenebris æque permaneat; cum ita constitutum sit rebus humanis, ut in singulis sæculis quædam continuo pereant, oblivioni tradantur, & alia quædam rursus emergant & suscitentur, cum virus Venereum in omnes fere regiones totius orbis, quantum nobis innotescit, ab oriente ad occidentem, a septentrione ad meridiem, jandiu spargatur, & usquequaque diffundatur; cum denique Medici aliquot gravissimi luem istam infamem ante obsidionem illam *Neapolitanam* contagio suo virulento *Europam* jandem invasisse constanter affirmant, sane difficile est aliquid certi & indubitati in re ita obscura stabilire & decernere; quanquam antiquam luis prosapiam admodum aperte indicare videatur antiqua, ac permanentis causæ existentia, nempe scortatio illicita, vaga, & promiscua, primordiis forte rerum humanarum, aut saltem effreni hominum libidini, ac corruptelæ meretricis coarctata.

Sed ut hanc rem paulo altius persequeremur, *Hippocrates*, cujus autoritas apud omnes doctos plurimum valet, libro tertio de morbis epidemicis plurima horrenda symptomata enumerat, quæ ad formam Venereorum quam proxime accedunt: ut, *pustulus magnas*, & *pustulas corpore universo erumpentes*, maximeque caput insipientes, *ulcera fœdissima circa pubem*, & *pudenda*, *inflammationes Erysipelatodes malignas* & *depassentes*, *diarrhæas* & *cibi fastidia*, *tabes* mul-

nudeas, aut atrophias, nunc sine febre, nunc cum febre contingentes; carnum, nervorum, & ossium mutilationes ex decidentia magnas, a carie præcedente, prolapsus partium abscessibus corruptarum, & denudationes femoris integri, tibiae, aut pedis totius, prolapsus brachii, aut cubiti totius, & omnium miserimarum carnum jacturas; cum pubem pudendaque malum affecerit; ichores ulcorum, & abcessuum puri absimiles, & pure omni denique, capillorum defluxia, fluxiones ad pudenda multas, dolores gravissimos cum vigiliis, ulcera oris serpentina, & tubercula tam interna, quam externa circa inguina, aut bubones, tubercula faucium, ulcerationes pudendorum, & similia, quæ quidem breviter tradit, & more suo conciso. An vero hæc omnia a peste vera, an a pestifera hac lue oriantur, in utranque partem ut differant, par est doctis liberum relinquere.

Quidquid vero de turpibus his natalibus sit statuendum, certe dolendum est maxime, curationem tantæ ægrotudinis, omnes corporis partes, tam internas, quam externas, a capite ad calcem, polluentis, e manibus Medicorum doctorum & peritorum ita profugisse, atque Chirurgis, nec non tonsoribus imperitis, ignarisque quibuscumque vulgo concedi. Quis enim tam fatuus & insulsius, quis tam illiteratus ardellio, qui non Medicaster in hoc morbo circumforaneus facile evadat, sine instituto, sine sumptu, & sine arte; qui non curationem luis, aut saltem gonorrhœæ infallibilem perfricta fronte polliceatur? Quales autem hi sunt Medici? Sartores ut plurimum & fabri, similesque artifices, propinatores inertes & decoctores, qui in officinis suis fidem prius labefactaverant. Quam infelix igitur & misera est insectorum conditio, qui duplices sustinent poenas, damnanturque tum atrocissimi morbi cruciatibus, tum rudis agyrtæ ignorantiae periculosa! Quasi levissimi quilibet affectus peritiam medicam jure efflagitarent, morbus vero minime anceps, medullisque penitus infixus, cuius illiterato possit tuto demandari!

Ut autem summum discrimen lue insectorum manifestius appareat, considerandum est, hunc morbum frequenter esse Proteiformem, & post primam ejus subjugationem, sæpe novas postea induere facies. Illud equidem facile adducor ut credam, propterea quod tot tabidos, & atrophia confectos, pulmonibus fere intactis, nec nisi secundario læsis, viderim perire. Et nisi ex acuto

aliquo morbo illos contigerit extinguere, marcore & atrophia vix intellecta, tandem contabescere semper observavi. His-lac asinum, pectoralia, narcotica, & similia, primam venenatam causam nihil respicientia, ad supremum usque diem frustra exhibentur. Chirurgi salivatione absoluta, & mercede laborum accepta, integram sanitatem audacter promittebant; atque denuo ægrotantes, longe diversis symptomatibus quam prius affecti, neutiquam somniant de reliquiis somitis venenati, aliquandiu consopiti, & intus delitescents, sed sub nova forma revirescentis. Interim Medicus quantumlibet peritus, nihil causæ Venereæ facile suspicabitur, atque ægrotus partim ex verecundia, partim præteritæ curationis securus, de pristinis rebus oblivioni jam traditis nullam mentionem facit. Heu quanto igitur discrimine versantur hujusmodi ægrotantes, cum nec ipsi de causa ægrotudinis primaria ne verbum mitterent, cumque Medici contra morbum incognitum, Andabatarum more, cæcipientes militent! Certe Authores nonnulli, magis emunctæ naris, veritatem horum suboluerunt, cum ita prudenter illi consulerent, quoties aut dolor ischiadicus, aut rheumaticus, aut alius valde pertinax, remediis propriis & usitatis nequaquam cederet, ut ad dietam sudorificam, e ligno sancto, salaparilla, & consimilibus, tanquam ad sacram anchoram confugeremus.

Ex his luis reliquiis spretis, & aliquandiu abditis, non solummodo pendet valerudinaris, & misella parentum, æque ac aliorum scortatorum conditio; sed & hinc morbi aliquot puerorum tralatitii, & ferme immedicabiles; & quos nominare minime convenit, ne nati infantes, viri tandem facti, contumeliam, mœsticiam, atque animi perturbationem aliquam exinde immerito patiantur. Quamlibet enim majus est revera dedecus a vitiorum suorum, quam natalium, turpitudine & infamia, tamen novi viros eximios & fortes, clara & illustri stirpe, sed illegitime prognatos, qui præter modum dolore opprimebantur, quoties de natalibus suis spuris mentionem aliquam factam ex susurris clanculariis in communi hominum consortio illi suspicarentur. Atque in ea re major est Turcarum justitia & sapientia, apud quos nemo parentum culpam in filios inique transfert, & nulla est ignominia natis ex partu illegitimo proditi.

Porro statuendum est luem Veneream esse morbum venenatum, & maxime deleperium.

Et

Et quanquam non ita repente interficiat, ut ictus, & morsus animalium venenatorum, tamen temporis aliquo spatio, modo longiore, modo brevior, vitam insectis certissime adimit, nisi remediis propriis, & salutaribus sanitati pristinae tempestive restituantur. Paucis igitur agamus de veneni hujus, cererorumque natura, & breviuscula comparatione. Inter alias notas sunt signa venenorum, insignis faciei totiusque corporis pallor, & extremorum perfrigeratio, quæ in Venereis sunt maxime conspicua. In venenis assumptis, Natura materiam venenatam omni vi expellere nititur in superficiem corporis & partes externas, unde maculae variae, papulae, & exanthemata oriuntur. Similiter in lue Venerea prodeunt maculae, interdum parvae, lentiginum instar, interdum latiores, æque modo rubrae, modo flavescentes; & primum circa fontem ac tempora, deinde caput reliquum, tandemque per totum corpus diffusæ: nec solummodo maculae, sed & pustulae & tubercula in cute erumpunt. Venenis per os assumptis, calidis dico & erodentibus, magnum exoritur incendium in faucibus, & ventriculo, atque intestina doloribus aut torminibus exquisitis cruciantur. Lue insecti faucium inflammatione, & paulatim exulceratione, semper corripuntur; ventriculus illorum sensim prostruitur; & quanquam artus dolorum sevitiam & atrocitatem ut plurimum ferunt, tamen plus semel novi, aut intestinalia, aut hypochondria eisdem diris cruciatibus affecta, iisque tempore vespertino recrudescuntibus, quos artus ut plurimum & magis regulariter sustinent. Denique venena propria & pecularia medicamenta, sive antidota, ut rite expellantur, requirunt. Lues, nisi propriis & quasi specificis antidotis perniciēs ejus virulenta depellatur, vulgaria omnia pharmaca, & methodus omnes quantumlibet doctas, solet aspernari.

Sed natura hujus veneni est alia atque alia, tum secundum regiones magis ad septentrionem aut meridiem positas, tum secundum temperamentorum varietates. Etenim in Hispania & Lusitania de hoc morbo (sæpe tam mitis iste est illic) vulgo colloquuntur, quemadmodum nostri solent de liene & scorbuto. Siquidem illorum Medici ad febricitantes matronas nobilissimas ac virtute præditas accersiti, solemniter quaerunt, an lue Venerea laborent, sicut nostri de Catamenitis, quamquam & verecunde interrogant. Et in illis regionibus, ubi ve-

neni aliqua portio indefinenter perspirat, insecti multi sese totam vitam hoc morbo commisso facis placide traducere nonnunquam posse, sæpe confitentur. Apud nos vero longe aliter se res habet, & hæc lues ferocem & immanem tyrannidem exercet. Nullus hic symptomatum & cruciatuum finis, nisi aspera aliqua, aut diuturna mitior, medicatio interponatur, donec aut dolores contorquendo, aut ulcera depascendo, aut ichor venenatus ossa corrumpendo, miseris finem imponant, & lacerum putridumque cadaver tandem abiciatur, pabulum sane ingratum, & vis vermibus acceptum.

Quin etiam juxta temperamentorum diversitatem venenum hoc dissimiles vires apud nos obtinet. Temperies melancholica, & biliosa ejus exterminationem ægrius sustinent, quam sanguinea, & phlegmatica. Multo facilius restituuntur juvenes, quam ætate proveci. Idemque est dicendum de scabie, herpete, & nonnullis aliis morbis varia temperamenta assidentibus. Et sicut temperamentorum differentia efficit, ut cathartica longe dispares effectus obtineant, hoc corpore mitissimis medicamentis facile purgato, illo fortissimis ægre cedenti; utque idem dejectorium medicamentum eodem pondere diversis hominibus exhibitum, in uno celerem ac violentam, in alio tardam ac mitem, & in alio nullam omnino operationem concitaverit: ita & de venenis dicendum est, quod illa citius aut serius interire soleant, non modo ex propria & innata vi perniciofa, sed secundum fortiozem aut debiliorem repugnantiam naturæ ejus, qui venenum accepit. Nam opinio ista vulgaris ficta est & falsa, quæ *Indos*, ab iisque *Italos*, ita artem veneficam statuit calluisse, ut in statutum diem, aut tempus prædeterminatum, sive fuerit septimana, sive mensis, sive annus, venenatos omnes certo conficere possint. Natura enim tam unius quam alterius, quemadmodum dictum est de catharticis, veneno magis se opponit, & lethale virus reprimat, aut frustratur.

Sunt qui loem arbitrantur, fractis & attritis senio viribus, tyrannidem suam sermo omnem jam deposuisse, & ad interitum suum cum senectute demum vergere. Eademque apud plures doctos sententia jandiu obtinuit, quandoquidem blanditiis verborum tam literati, quam aulici spe vana ducti nonnunquam se accommodant, & gratiam lenociniis solent sibi conciliare. Qui vero sic sentiunt, nosocomia hodierna paulisper adeant,

adeant, aut Chirurgo probos ac exercitatos consulant; videant ulcera multiplicia, cancrofa, & depafcentia, tophos & gummata, offium caries, & carniū putrilagines; videant tabes, lipothymias, cachexias, denique totam Pandoræ pyxidē ibidem apertam; exaudiant etiam horrendas miferorum execrationes, gemitus acerbos, & ulularus permoleftos; tandemque dicant, an Venus egregia illa manfuetudine mancipia fua hodierna excipiat; dijudicentque pariter, utrum Mars an Venus plures ex numero viventium tollat; uter denique iftorum amafiorum exitium pejus & frequentius cultoribus fuis inferat.

Quod ac therapejam attrinet luis, alii falivatione curationem moliuntur; alii fine hydrargyro, & nescio quibus ineptis arcanis, eandem audacter pollicentur; alii denique emeticis, & catharticis mercurialibus, & diætā fudorifica intercalata, fimilibusque, venenum illud penitus fubigere annuntiantur.

Medici fermo omnes, totumque Chirurgorum fodalitium, uno confenfu, falivatione tanquam breviffima, & maxime efficaci methodo, luis curationem aggrediuntur. Nec denegandum eft cuiquam in arte medica mediocriter verfato, falivationem effe omnium methodorum, quas hætenus excogitavit peritia medica, maxime expeditam, atque efficacem, ad virus illud Venereum valde obtundendum, & malignitatem ejus perniciofam abunde frangendam, fi minus ea valeat non raro ad venenum iftud penitus delendum. Certe in his regionibus borealibus, frigoris prædominio obnoxiiis, ubi labes Venerea tanta immanitate sævit, falivatio præ aliis adhuc notis inducias maxime veloces, pernicipiei dilationem, & fymptomatum omnium vehementium ceffationem obtinet celerrimam; nec non in quibusdam infectis, & potiffimum in junioribus, curationem perfectam aliquando complet. Sed fi confideretur horrenda illa, terribilis, & nonnunquam intolerabilis medicatio, tantis cruciatibus & periculis extremis fupata, faltem exoptanda eft, & omnium votis expofcenda, alia aliqua jucundior methodus, tutior illa minusque molefta.

Potentiffimum, & efficaciffimum falivandi genus eft id, quod per inunctionem Mercurialem excitatur, & quod folum, tanquam dignum nodo cuneum Sydenhamius nofter præclariffimus laudat. Sed refert fcire, atque teque contemplari, in quorū vitæ difcrimina

Sydenham Opera Med. Tom. I.

falivatio ifta conjicit infectos; quot ex ea folent vulgo interire; quam horrendas capitis, fauciumque efficit intumefcentias, fuffocationem repentinam frequenter minitantes, & vix fræno manus peritiffimæ recte gubernandas. Norunt quidem aliptæ quam periculofas diarrhœas, dysenterias, lipothymias, in temperamentis maxime Mercurio repugnantibus, ifta crebro producit, fed aliam vix exercebunt artem, vix quærent aliptæ, nifi quam in tyrociniolo a Magiftris fuis didicerunt. Tanta vero eft in hoc falivationis genere humorum fufio, tanta fucorum omnium corporis fæpe exantlatio, ut nil mirum fit, fi fpiritus vitales una difsipentur; & maxime fi in hac terra, aliter feliciffima, ubi melancholia tantum obrinet imperium, complures ex tam rapida fluidorum profufione succumbant ac pereant. Quam fugax fcilicet voluptas acerbiffimas fuftinet fæpenumero pœnas! Quanta cura & industria fîrenum illarum veneficarum blanditiæ funt ab omnibus fugiendæ, quicunque aut fanum corporis temperamentum confervare volunt, aut vitam longævam jucunda lenique fenectute finiendam cupiunt.

Porro fi facultates hydrargyri tanta copia in corpus intromiffi, ac fanguinis motu circulari omnes corporis partes pervadentis, velut in falivatione vulgari contingit; fi illius vires Naturæ humanæ tam noxias, ac inimicas; fi virus ejufdem nervis & cerebro peculiariter adverfum; atteftante id paralyfi, & tremoribus frequentibus; fi onus & tormina, quæ ventriculo & inteftinis vulgo inferit; fi pallidiffimum plumbeumque colorem, quem vultui imperit; fi denique quod a veteribus omnibus medicis hydrargyrum in catalogo venenorum annumeretur, diligenter perpendamus; fane Medico probò incumbit, quando duobus venenis tam morbi quam remedii una convenientibus fit neceffario occurrendum, de antidoto aliqua propria, falutari, & excellenti, follicitum effe. Et fi tela ad hunc morbum rite expugnandum magis apta & idonea unquam repariantur, e Medicorum phætrea magis magisque denuo inftituta, potius quam ex aliorum quorumcunque five armentario, five officina, ni plurimum fallor, certo extrahentur.

Et quicquid delirum vulgus, alii que nonnunquam fanioris iudicii præditi, contra fentiant, fane nescio, an quifquam omnium morborum qui miferos mortales folent excruciare, iudicium acerrimum, Medici periti

G g

riti & exercitati, potius quam agyrtæ aut indocti alicujus artificis, requirat ac mereatur, quam lues ista immanis & venenata.

Quamquam vero salivatio omnibus aliis methodis ubique palmam præripuit, tamen notatu dignum est, quod *Julius Palmarius*, Medicus Parisiensis clarissimus, & eruditissimus copiosius disseruit, qui Magni illius *Fernelii* fuit discipulus, & qui librum de morbis contagiosis tum docte tum eleganter scripsit. Ille salivatione, quantumlibet tunc populari, quantumlibet nunc vulgo usitata, vix centesimum quemque lue correptum, perfecte sanari tradit; sed recidivo illos morbo, ex scintillis aliquandiu consopitis recrudescente, nonnunquam citius, nonnumquam post plures annos affici, & languescere. Atque alii, inquit, decies, alii duodecies suo tempore *Salivationem frustra sunt experti*, tanta interim cum doloris acerbitate, malorumque miserrimorum acervo, ut forti viro multo satius sit semel mori, quam vitam morte pejorem sic proferre.

Ego itaque hæc animo diu multumque evolvens, nunquam complecti potui, quamobrem *Fernelii*, *Palmarii*, aliorumque Medicorum doctissimorum methodi tutiores ac jucundiores tam paucos sectatores consecutæ sint, & praxi hodierna ita proscribantur, nisi ob has potissimum rationes.

1. Medici illi præclarissimi odio adversus hydrargyrum nimis acri flagrabant, propter noxas illas gravissimas quas sæpius infert corpori. Et *Fernelius* primus omnium Medicorum, curationem luis sine quocunque Mercurialium usu interno, & forte nimis temere suscipiebat, & palam pollicebatur; Amuletis suis selectis ac saluberrimis, diætæ sudorificæ, victui tenui & frugi, & catharsi intercalatæ solummodo confusus. Et certe propter ausum ac tentamen tantum, tamque salubre generi humano, si forte minus felix fuisset successus, omni laude dignissimus est egregius ille Medicus, quamquam in perisifero hoc morbo usus illius medicamenti periculosi, quod a Plinio vocatur *Venenum omnium rerum*, summe necessarius nobis hætenus videretur. Nam *malum ovum malo curvo* apprimè convenit. *Palmarius* autem hydrargyrosi vulgari insensu fuit, tum ob perniciem ejus, tum propter extremos cruciatus, doloresque asperuos, quos inuncti sustinere necessario damnantur; tum denique, quia proposita sua curatio per guajacum & amuletum, aut per alexipharmaca sua hydrargyro conjuncta, tutior fuit, &

longe salubrior inunctione vulgari, sputantium vires exaurienti. Quocirca alias luem extirpandi methodos tutiores, ac magis salutaris, nec non jucundiores, licet nonnunquam paulo cunctabundas, fuisse proponebat.

2. Chirurghi uno ore salivationi præ aliis curandi modis favere videntur, aut quia præstis donantur majoribus, isto modo valetudini prospicientes, summa cum assiduitate, insectumque sub imperio quodam despotico viræ ac mortis clanculum in conclavi, remotis aliis plerunque arbitris, præterquam nutrice, tandiu tenentes; aut quia durante tyrocinio nullam aliam æque certam lue medendi artem illi hætenus didicerunt; aut quia aliam discere vix unquam volunt.

3. Quoniam Chirurghi technis suis hanc medicinæ partem, quantum in illis fuit, tanquam sibi jure propriam ubique arripuerunt; & Medici, sive ob molestias tam fœdæ curationis, sive aliis negotiis impediti, illam provinciam quasi derelictam nimis neglexerunt, ac vilipenderunt.

4. Quia curationes temporaneæ & palliativæ in hoc morbo, ut in aliis nonnullis, magis placent, ægrisque gratificantur, quam eradicativæ, quæ magis operosæ sunt, & exercitatione non parva egent. Quam ob rationem induciæ multorum dolorum gravissimorum Narcoticis derepente comparatæ, & ægrotantibus sæpe magis placent, & Medicis nonnunquam præferuntur, quam quæcunque alia, permanentibus interim aliquandiu doloribus, salutaris medicatio. His adde, salivationem symptomata omnia Venerea ita ut plurimum tollere, ut nulla recidivæ suspicio impræsentiarum restet, aut præmii procrastinandi ratio convalescentibus amplius appareat.

Quod ad impostores illos imperitos, turpissimos lucriones, ac nebulones vulgares attinet, qui sine Mercurio, sine regimine, sine quacunque molestia, & nescio quibus *Arcanis* insulsis, curationem brevissimam, nec non infallibilem, omnibus lue infectis cum insigni impudentia publice pollicentur, argumento sunt Bacillino quam Medico digniores, & fascibus Magistratuum aut colistrigio, prout veteratores perfidi, sunt potius castigandi, quam discepcionibus, aut ullis rationum momentis accipiendi.

Denique tertium lue Veneræ medendi genus, quod posthabita salivatione solemniter per inunctionem instituta, & spretis deceptorum inficiorum fallaciis, cathartico-
rur aut

emeticonum Mercurialium vi & efficacia, eum dicta e lignis & radicibus exsiccantibus, ac regimine debito, conjunctorum nititur, fusioem orationis copiam plane requirit. Sed ne tot impostores & ægyptæ dolis & insidiis suis hinc ansam aliquam avide arripiant, vela dicendorum contraham, & pauca haud prorsus inutilia jam dictis adjiciam.

Et 1. Notandum est, ligna exsiccantia, gummi, corticem, & lignum guajaci, lignum sassafras, atque radices salsaparillæ & chinæ, tantum fere emolumenti Naturæ humanæ conferre, & debilitatæ suppetias salutes præbere, quantum damni & nocu-
menti hydrargyrum corpori infligit. Sunt hæc salubria quædam hujus morbi venenati, licet imperfecta, pariter atque Mercurii ipsius alexipharmaca, quandoquidem & citra Mercurii auxilium opera & oleum nostrum sine fructu perdi solent. Et quanquam illa ex se nunquam apud nos scopum attingunt, hydrargyro prætermisso, venenumque Venereum nequeunt penitus delere & extinguere, tamen robur nativum erigunt & sovent, palloremque huic morbo congenitum, in vividum ac sanum colorem certo certius im-
mutant.

2. Notandum est cathartica deleteria dicta huic morbo expugnando, qui vires corporis validissimas ipse infringit, & robur summum facile comminuit, quandoque minus convenire, quam mitiora & blandiora medicamenta. Et quoties fortior & validior requiritur catharsis, illa longe tutius obtinenda est, in debilibus scilicet naturis, sen-
na, rhabbaro, agarico, jalappa, epithymo, polypodio, manna, hermodactylis, aut eorum quibusdam, additis etiam ceu stimulis, sale mirabili, cathartico amaro, polychresto, prunellæ, aut crystallis tartari; his, inquam, sæpe securius & commodius alvus movetur; neque plura eorum identidem repetita ita corpori imbellium nocent, quemadmodum scammonium, colocynthis, & helleborus, quæ aut ventriculum conturbant, aut intestina corradunt, gravibusque torsionibus excruciant, aut visceribus omnibus, partibusque principibus, maligna sua qualitate sunt insensa.

3. Quanquam mercurialia, & hydrargyrosi, in omnibus temperamentis lue inquinatis indiscriminatim vulgo usurpentur, tamen notandum est, corpora crassa, obesa, phlegmatica, & frigida, ab illis maxime omnium lædi, & constat injurias insignes

quas hydrargyrosis talibus facit, vix unquam postea deleri, adeo ut non minus discriminis a medicamento quam ab ipso morbo illis contigerit. Atqui sanguinea, biliosa, & præservido calore redundantia corpora, incommodo minore hydrargyri usum paulo copiosorem sustinent, quam aut prius nuncupata, aut melancholica temperamenta. Etenim calida & sicca viscerum intemperies, contrariis quibus pollet facultatibus hydrargyrum, corrigitur, emendatur, & nonnunquam insigniter juvatur, atque bilis ferocientis acrimonia plurimum demul-
cetur.

4. Quotiescunque lue jam pridem infecti, qui pyralismum prius subierunt, aut qui aliis modis ad tempus tantummodo sunt res-
tituti, morbo recidivo e latibulis erumpente, aut novam formam sortito, turbas novas commovente; quoties, inquam, illi in atrophiam, neque a pulmonibus tabidis, neque a lumbricis pendentem, inciderint, quanquam diarrhœa admodum violenta ex-
hauriantur, a Narcoticis quibuscunque abhorrendum est Medico, & restringentibus interdicens. Nam malignitate veneni Veneri intus delitescens sic imminuta, & per sentinam corporis deposita, propria Antivenerea optato eventu non diu frustrabun-
tur, & corpusculum strigosum deleteria lue pene confectum, præter expectationem rursum pinguescet.

5. Cum virus Venereum sit bene retusum ac fractum, omnisque symptomatum ferocia refrænata, at sordes venenatus haud penitus extinctus sub cineribus delitescat, novos postea tumultus suscitaturus: quemadmodum & in aliis nunquam casibus, ubi sympto-
mata anomala doloresque vagi infirmos detinent, medicamenta nervina, arthritica, amara, & antiscorbutica salubria, aliquan-
diu usurpata, catharticis blandis identidem intercalatis, reliquias veneni istius infracti tuto profligabunt, integramque tandem sa-
nitatem præ aliis restituere valebunt. Siqui-
dem talia corruptelæ humorum deleteriarum contraria, sanitati tuendæ, amissæque recu-
perandæ, vitæ producendæ, flaminibusque vitalibus tenuioribus confirmandis, apprimè
conducunt.

6. Infantes a nutricibus lactantibus infecti, quanquam maculis, pustulis, ulceribus
que scatent, quanquam & nocturnis illis doloribus erunt excruciat, facillime omnium
restituuntur. Farina salsaparillæ fere insi-
da, saltem nullo gustu ingrato, aut fasti-
diofo

dioso prædita, panatellis aut pulciculis suis, ut par est, *commista*, addito etiam, ventriculi gratia, santali citrini polline, nulla pariter naulea donati, catharticiisque debitis intercalatis, tenerrimæ ætati, ut læte nonnunquam observavi, salutem perfectam reddidit. Quod vero infantuli a contaminata nutrice infecti, tanquam a peste quadam, sint ante inceptam curationem quamprimum amovendi, non opus est ut admo-
neamus.

Denique 7. infectis, cum curatio modis mitioribus magisque benignis ac salutaribus, quam salivatione illa acerba & excrucianti instituitur, non est iis persistendum ad certum quendam ac determinatum dierum numerum, sed nunc brevius, nunc diutius, pro ratione veneni, Naturæque reluctantis, remediis immorandum, quousque sub regimine debito venenum penitus subigatur, & symptomata omnia prorsus evanescant.

Antequam finiam, nequeo tacite prætermittere errorem popularem insulsum, at valde perniciosum, qui longe lateque inauspicato increbuit. Nimirum didicit, aut forte audivit ignarum vulgus, si quisquam infectus cum sana muliere mutuis amplexibus se commiscuerit, a labe omni Veneræ se confestim fore tutos & immunes? Quot innocuæ virgines inter alias ex hoc stupido errore perierunt. Sed cum sanguinem pervaserit virus pestilens, & viscera afflatu illo impuro imbuantur, credat etiam plebecula insipiens pari ratione, se clavam *Heraculi*, quod ajunt, & fulmen *Jovi*, extorquere posse, & se montes excelsos, virtute cujusdam incantamenti, posse radicitus avellere, & alioversum transferre.

Ut vero finem faciam, nonnullis videri possum nimis acriter perstrinxisse morbum Venere clementi prognatum, Dea scilicet illa amabili, cui tam Principes summi, quam vulgus infimum, vota sua nimis frequenter faciunt, & cujus illecebræ pectora sere omnium æstu quodam impotenti facile percellunt. Acrius, inquam, hujus morbi sævitiam perstrinxisse videar, quam plurimi medicastri, qui eundem in postremis habere solent, ac pro nihilo, ut ajunt, ducunt; ut scilicet artis cujusdam exquisitæ, quam alicubi didicerunt, ostentationem gloriose faciant; atqui ut revera crumenas incautorum aliquando emungant, ut familiares suos opprimant; omniaque ad quæstum commodumque proprium inique referant. At vero longe præstat medico probò, liberalibusque di-

sciplinis instituto, verum dicere, quam quæstu quovis duci, communique utilitati quam suæ consulere. Modici rerum status, modores sint bene partæ, nemini pœniteat: Nam pauca nonnunquam desiderium explent, permulta animum rarissime satiant. Paucitas rerum commode beneque vivendo necessaria-rum facile suppletur, virisque bonis rariùs deest. Sed in superfluis accumulandis nullus vulgo finis gravissimarum sollicitudinum, nullum molestiarum maximarum tedium rapinarum terminus; quasi dira illa execratio, aut fascinatio, avaros injustosque semper comitaretur, ut in opulentia inopes, in abundantia egeni vitam prorsus inquietam traducere damnarentur. Præcipiti cursu breviuscula labitur vita. Nec magna pompa impedimentorum necessaria est, ut amœna sit prosectio, neque requiritur tanta viatici copia, ut breve iter conficiatur. Præclare illis actum puto, quibus in bene agendo deponitur vita. Nec sapientibus *legendam esse corporis mortem, quam animæ immortalitas consequitur*. Etenim *sum demum nos vere victuros* constat, cum e vita hac excefferimus. Quid eo olim eximie dixerit Philosophus, (pectore spe tumido, consolationis pleno, animoque futuris gaudiis admodum aspirante) in senectam vergens, & *Senectutem* ornatissime laudans? Si in hoc, inquit, erro, quod animas hominum immortales esse credam, lubenter erro: nec mihi hunc errorem, quo delector, dum vivo, exorqueri volo.



DISSERTARIO EPISTOLARIS

A D

GUILLELMUM COLE, M. D.

D E

OBSERVATIONIBUS NUPERIS
circa curationem VARIOLARUM
Confluentium;

Nec-non

DE AFFECTIONE HYSTERICA.

Humanissimo Viro,

THOMÆ SYDENHAM, M. D.

Miraberis fortasse, Clarissime Vir, quidnam importunus interpellator graviora tua interturbet negotia: sed veniam, confido, dabis, postquam intellexeris, ea potissimum de causa banc tibi molestiam creari, ut grati animi sensa exprimat venerabundus Tui cultor. Quippe tantos ex elaboratissimis tuis circa Morbos acutos commentariis, agnosco me accepisse fructus, ut ad grates auctori persolvendas me prorsus obligatum teneam. Tam accurate singulas annorum, aërisque quas tractandas suscepisti, Constitutiones, capto antehac inaudito, observasti; tam genuinas, facileque obvias, pro singulis, qui in illis occurrebant, affectibus sanandis, indicationes excogitasti; tantoque ingenii nitore totum opus exornasti, ut merito tantam sagacitatem, tam indefesso labori junctam, suspiciamus: unde & egrotos, & Medicos tibi æternum devincis.

Quamquam vero cuncta, quæ pertractas, accurate adeo absolvisti, ut pronum sit de singulis in laudes tuas erumpere; præ ceteris tamen haud mihi temperare possum, quin impense tibi gratuler methodum tuam circa Variolarum curationem; cujus ope, quin serialis ille hætenus affectus terrificam suam exuat larvam, interque facillime curabiles (nisi malignitas, vel quiddam valde insolitum accesserit) se sistat, nullus ambigerem, si per nunquidam (turbam raro non inimicissimam hominum saluti) liceret, quæ calido suo regi-

mine, & medicamentis omnia usque adeo perfundant, totque ubivis in sepulchrum ante tempus precipitant, ut merito Tu, Doctissime Vir, humani generis Vindex audire merearis, qui egrotis, misere, cumque extremo vitæ discrimine palantibus, te ducem fidissimum præbes, ut in salutis viam, si ductum tuum sequi volent, redeant. Ut de me loquar, quamquam meis fidere ratiociniis aliquatenus reformidarem, diu tamen credidi, Variolarum eruptionem, sicut non ipsum esse morbum, sed febris crisis, sic par reliquis crisisbus desiderare regimen, in quibus omnium Medicorum effatis sancitur, totum negotium Nature committendum, si cuncta recte procedant; id quod plerumque in isto affectu cernitur, nisi plus justo prius exagitatus fuerit sanguis. Postquam vero, perlecto aureo tuo libro, senseram tandem panicos esse, qui me aliosque tandiu detinuerunt, timores, aususque fueram juxta tui præcepta (reclamantibus licet quandoque non solum vulgo, sed etiam Medicis) egros regere, tantum inde emolumenti iis, ubi in obtemperantes incidi, obvenisse comperi, ut, quicquid alii senserint, me felicissimum reputem, cujus in manus tantus devenit thesaurus. Porro & ubi ad Variolis confluentibus laborantes (quod tamen haud admodum sæpe contigit) accitus fuerim, non dubitavi, quamquam animam jam agere viderentur, ad paenagorica, tua fretus auctoritate, confugere, idque successu haud penitendo, imo vero stupendo. Tam multum equidem hac in parte præstitisse mihi videris; ut nil superesse, quod vel aliorum, vel etiam Tui industriam exerceat, facile crederem, nisi nuperrime a doctissimo Viro, amicoque meo integerrimo, D. Kendrickio, (qui humanitatem tuam plurimum celebrat) audivissem, te innuisse novas quasdam (quas & ad praxin rite exercendam peritiles fore non possum non augurari, neque a te factas) circa idem subjectum tibi occurrisse Observationes, quas nisi publico impertias, & in Tui famam, & in humanum genus injurius eris. Proinde (si quid apud te ignoti valeant preces) haud graveris, obsecro, Celeberrime Vir, eas in lucem emittere.

Sed ne hic subsistam: Nempe ab eodem accepi rariora quedam tibi observata fuisse circa Affectus, Hystericos dictos; qui sane sicut doctissimorum Medicorum, ab omni memoria, exercuerunt, imo lassant ingenia, sic (probenimis sæpe) & medicandi traditas methodos eludunt; documentaque dant, quam parum tutum sit, in Philosophicis, nostræ rationi nimum fidere, nisi iis in rebus, quarum cer-

sien.

tiendam a sensuum testimonio petere valeamus. Plurimum, Dignissime Vir, ulterius & a presenti seculo, & posteris, haud dubie mereberis, si & que circa hanc materiam meditatus es, propalare dignatus fueris. Hoc saltem a te mihi impetrare liceat, ut equi bonique consulas, quod, non mei solum, sed publici etiam causa, ignotus tibi licet, petere non erubuerim; utque me inter innumeros eas habeas, qui tibi se quam maxime devoto presententur.

Devotissimum

Vigorniz,

17. Novembr. 1681.

GUILIELMUM COLE.

Speculatissimo, Doctissimoque Viro

GUILIELMO COLE, M. D.

SI usque adeo Philautiz indulgerem, Ornatissime Vir, ut eas, quæ ad me nihil attinent, laudes mihi arriperem, ægre admodum me ab aliquali animi elatione continere valeam, laudatus tantopere a laudato viro, qui eruditissimis suis lucubrationibus orbi literario, mihi vero nec de facie, quod sciam, innotescit. At vero quod me tanto, licet immerentem, honore dignatus fueris, id demum humanitati tuæ acceptum refero; cum maximos quosque & præstantissimos viros ita Natura comparaverit, ut non tantum leviter errantibus, ut sit, æquiores sint, sed etiam in mediocrium studiis deprecandis, data vel qualibet ansa, ingenio suo candori morem lubentes gerant. Cujus quod & in ipso me, & meis istis conatibus, utut tenuibus, publico tamen commodo destinatis, præclarum edideris specimen, gratus agnosco.

Ea quod spectat, quæ a me præstolaris, five jam editis de *Variolis* observationibus addenda, five etiam de *Passione Hysterica* de novo tradenda, ita habet. Horum primum idcirco aggressus sum, ut quæ olim deficere viderentur, ex iis quæ experientia jam annosior mihi suggererat, possim sarcire. Alterum vero ideo in me recipiendum duxi, tum quoniam *Affectus Hystericos* omnium, post febres, morborum frequentissimos occurrere, tum quia emolumenti ali-

quid e levidensibus meis observationibus capi posse existimarem. Neque tamen diffiteor, aliam quandam, præter hanc publicum juvandi spem, mihi causam subfuisse, ut orium scilicet bene locarem, & radium brumalium noctium honestius fallerem; cum jam ingravescente ætate non amplius Correrrones foras quæram. At quicquid id fuerit, quod me primum instigaverit, me non ita atque speraveram, inceptis ac votis meis parem esse sentio, cum continua illa cogitationum series, qua mens obstinatus defigenda est, mihi jam a multis annis τὸ ἀγῶντι nunquam non officiat, maxime vero, jam appetente senectæ. Cum itaque tam opportune appulerint humanissimæ tuæ litteræ, brevi responsionis limite expediam eorum summam, quæ prius fusius deducenda meditabar.

Sumpto itaque a *Variolis* exordio, illud prælibandum cenfeo, quod scilicet ea febrium intermittentium species, quæ primum anno 1977. uti alibi diximus, caput extulit, atque etiam nunc regnat, anno videlicet, quo hæc conscribo 1681. hæc febres, inquam, pro more epidemicorum omnium, iis maxime tempestatibus grassabantur, quæ cum earum indole magis faciebant, per annos istos omnes, quibus vigeabant, aliena autem tempestate appetente, iis protinus epidemicis cedebant, quibus illa magis favebat. Exempli gratia, ingruente hyeme, nunquam non *Tussi*, & *Febribus Peripneumoniciis* ab illa pendentibus locum dabant, ut & *Variolis*. Redeunte autem Vere dicta febris postliminio reversa est. Ita anno 1680. postquam febris hæc per Autumnum omnia fuerat depopulata, *Variolæ* brumali tempore eam excipiebant, ubique locorum grassantes. Anno autem vertente, 1681. scil. febres intermittentes denuo recrudecebant, haud usquequaque epidemicæ, fractis jam & succis earum viribus; unde etiam *Variolæ* hic illic sparsæ, una cum illis subpullulabant. Æstate vero jam ingressa *Variolæ* increbrescere quotidie, tandemque *δεδεικνύμεναι* factæ stragem haud vulgarem edebant.

Hoc anno, scil. 1681. luce meridiana, quod ajunt, clarius mihi constabat, quod jam olim ratio suadere videbatur; ægrum sc. lectulo noctes atque dies continuos non prius addicendum esse, quam *Variolarum* examen omne in conspectum se dederit. Etenim tum Veris, tum etiam Æstatis temperie sicciore diutius, quam post eorum, qui nunc sunt homines, memoriam invalescente (adeo

(adeo ut omnis ferme ubique locorum herba exaruerit) sanguinem fere omnis illa humiditas, quam aer alias solebat suppeditare, destituebat: ex quo Variolas jam grassantes major quam pro morbi indole inflammatio accendebat, ceteraque exinde nata symptomata præter modum sæviebant. Atque hanc ob causam, si quid ego judico, *Macula Purpureæ* plenam exanthematum eruptionem haud raro præveniebant, & quæ eas extrudebat vehementior inflammatio; debitam sanguinis crasin interturbans atque disperdens, etiam ante justam materiæ morbificæ expulsionem, præmaturam mortem accersebat. Id vero maxime factorum sævitiam promovebat, quod jam exanthemata ob supra dictam causam ita facillime confluerent, vel ipsa aëris intemperie id mali sponte sua procurante, quod alias fere solent scioli, & medicastri, regimine & cardiacis calidioribus in ipso morbi limine inauspicato imperatis atque admotis. Etenim (quod diligenter animadvertendum est) post omnium vel exquisitissimas observationes, rei cardo in hoc vertitur, ut in variolosis salutis spes omnis in *Exanthematum paucitate* reponatur: discrimen in eorundem *multitudine*: & prout plura sunt hæc, vel pauciora, aut moritur, aut vivit æger. Interea fatendum est, & *sanguinis mictum*, & *maculas purpureas*, quæ ita certe mortem prænunciant, quandoque accidere, vix ullo adhuc comparente Variolarum indicio, vel etiam paucissimis pustulis erumpentibus; hæc vero ut Variolas denso agmine confluentes ut plurimum comitantur, ita aliquando tam præpropere invadunt, ut ægrum ante plenam eruptionem e medio tollant, sicut jam præmonuimus.

In proclivi est autem, ut mihi videtur, rationem reddere, quare æger plus minusve periclitetur pro majore minoreve exanthematum numero; cum enim quælibet pustula *Pblegmone* primo sit, licet sub exigua mole, mox in *Apostema* evadat, fieri non potest, quin *Febris secundaria* a *Pure* jam in fieri pendens, magis minusve exacerbetur, pro puris excoquendi quantitate jam in morbi statu; quod in mitissimo confluentium genere, die a primo morbi insultu *undecimo*, in mediocri *decimo quarto*, in crudissima vero & ægrius domabili specie, *decimo septimo* fieri consuevit. Quemadmodum enim (quod est notandum) *Confluentium Variolarum* genus *Distinctum* quod dicitur, ratione periculi imminenti, in tan-

tum superat, quantum ab ipsa *Pesse* superatur, ita etiam supradictæ res confluentium species aliæ aliis præsentius discrimen adterunt. Quod insuper tam in ætate, quam sexu locum habet; cum nemini non sit notissimum, adolescentem in ipso juventutis flore multo magis periclitari ab hoc morbo, quam vel feminam, vel impubem. Sed hæc obiter.

Neque sane mirabitur tam ingens discrimen a majori pustularum numero pendere, qui secum reputaverit, quod si cujuslibet sive humeros, sive brachia, sive aliam quamlibet partem *Pblegmone* (vulgo a Boyle) forte invaserit, idem tempore maturationis, qua jam pus fit, febricitavit; cum sc. sanguis a purulentis particulis, per venas ex lege circulationis in ejus massam resorptis, incitatus, febriculæ fomitem subministret. Quanto Medicus ubi primis morbi diebus ægrum invisens, faciem ad instar pulveris & limatura acicularum undique respersam contemplabitur, mortem prædicet uno aliquo e diebus jam memoratis involaturum; idque præ indomita vi febris succedaneæ, quam, pro ratione quantitatis puris ex innumeris istis apostematis in sanguinem rejecli, desævire necesse est. Quæ quidem hominis funesta ruina aliquot diebus antequam ingruat, facile prævideri potest, utut belle se habere æger, & sibi videatur, & astantibus etiam in hujus morbi historia minus exercitatis.

Quocirca si non aliunde periclitetur æger (purpureis maculis, & sanguinis mictu jam sepositis) quam ex pustularum frequentia, serio mihi perpendendum est, quibus potissimum de causis ita densæ protruduntur, & si tuto fieri potest, iisdem omni ope coercendis incumbendum. Quod quidem rei caput est, & in quo præcipue ægro suppetias ferre queam; cum periculosa plenum sit alex quicquid moliamur, jam constituto in hac specie morbo; nec si tandem mortem æger evaserit, id tam meæ debetur solertia, quam vel insigni narium hæmorrhagiæ, vel fortuitæ alicui, quæ morbo accidebat, mutationi. Profusissima autem illa crebrarum pustularum eruptio, si quid ego conjicere possum, a præcipiti nimis materiæ variolossæ assimilatione ortum ducit, quæ quidem præcipitatio maxime videtur contingere, vel quod ægri natura medicamenti ad instar *Cardiaci*, calore & spiritu plus satis turgeat, vel quod ipse æger, sive præmature se lectulo includendo, sive adhibitis cardiacis calidio-

lidioribus, aut liquore quovis spirituofo, fermentum plus debito exaltaverit; quibus omnibus modis disponitur sanguis ad excipiendas & intimius admittendas morbi impressiones; ipsaque Natura, seu furis agitata, præ exuberanti materia variolosæ copia & plenitudine, omnem fere succorum, & carniū molem in exanthemata evomere satagit.

Nulla vero magis *propaganda* promovetur immodica materia variolosæ assimilitatio, quam si æger intempestive se lecto addicat, viz. ante diem sextum a prima invasione, vel quartum inclusive ab eruptione, quo tempore jam omnis pustularum cohors in conspectu est, nec sunt plures expectandæ.

Et licet moderatus lecti calor etiam post elapsos dies istos phrænesi, vigiliis, aliisque symptomatibus accersendis nonnihil conferat, ea tamen ejusmodi sunt, quæ a medicamentis judicio propinatis vinci possint; cum ingens illud vitæ periculum, quod die undecimo instat, ab innumeris istis pustulis prognatum, omnem medicam opem relpuit & aspernetur.

Hic itaque serio monendum est, ægrum nullo pacto se lectulo interdiu debere committere, si sibi cavere velit a nimio pustularum confluxu, nisi sexto die jam advesperascente, unde se plurimum usque refocillari sentiet: a quo tempore vix se continebit a jugi in lecto decubitu, si insignior fuerit pustularum *confluxus* tum ob acriorem jam pustularum molestiam, tum quod ab ipso sessionis habitu in animi deliquium sit propensior: quod cum sæpenumero animadvertendum, in mentem mihi venit, ex communi hujus morbi lege Naturam ipsam quasi digito mihi monstrasse, quo primum morbi tempore æger lectulo continuo adjudicandus est.

Sed ut non solum dicti Problematis veritatem adstruam, quod tanti est momenti ad minuendum a Variolis impendens periculum, verum etiam ut in hisdem a carcëribus, ut ita dicam, ad metam pertractandis, rationem nostram quasi manu ducam, non abs re fuerit, opinor, quoddam quasi schema totius morbi animo depingere, & diligenter expendere, quæ sit ejus natura, ac qualis methodus; quo demum ex certo sensu hominum, fidissimis observationibus utentium, non ex opinione incerto phantasie fundo innixa, rem clare adjudicare valeamus.

In primis itaque ejus essentia (quantum

nos rerum essentias conjectura assequi valeamus) in peculiari quadam sanguinis *inflammatione* comprehendi videtur, in qua Natura primis aliquot diebus id negotii habet, ut particulas inflammatas præparet subigatque, quo facilius in corporis ambitum eliminantur; quo tempore; mota seditione, & perturbato jam sanguinis statu, febris ut accedat omnino necesse est: quinimo incensæ ac jam furentes particulae, per omnem circulantis sanguis ditionem tumultuantes, ventriculi ægritudines, dolores capitis lancinantes, & quæcumque alia symptomata præcedunt expulsionem, necessario excitant, prout has vel illas partes motu agitatae appellant. At cum jam victrix Natura rebelles particulas in corporis habitum propulsa- verit, ut prius in sanguine, ita deinceps in carnea mole id quod superest tragædiæ peragitur. Et sicuti Natura non alia quidem methodo quam accensa febre materiam in sanguine peccantem novit amoliri; ita etiam non nisi facto apostemate massam carneam a re qualibet extranea liberat: ut si forte sentis aut quippiam ejusmodi carni inhæserit, partes circumjacentes mox apostemate obsidentur, nisi id quicquid est molesti protinus extrahatur. Hæ itaque particulae in carnibus demum stabulantes, primum *Phlegmonas* haud ita speculabiles excitant, in quibus latitant; quæ quidem augescentes in horas, atque efferaiores, & inflammatores redditæ, tandem in *pūs* & vomicas desinunt; quo quidem tempore fieri non potest, quin aliquid ex illa apostematum colluvie, in massam sanguinis, per venas circulari motu reducti, resorbeatur, quod si sanies ista nimia copia sanguini ingeratur, non tantum febrem accersit, cui ægri vires plane sunt impares, sed etiam omnem ejus massam putredine, ceu veneno quodam, inquinat. Sed neque hoc mali caput est: quin etiam ab intensiore febris calore, prostremis hisce diebus a nimia puris vi excitato, *Prydlismus* qui Variolis confluentibus comes indivisus esse debet, præpropere sistitur, unde ægro spiritus continuo intercluditur. Quod si dicta materia purulenta parcius sanguini infundatur, insurgens Naturæ robur secundariæ hujus febris imperum nullo negotio reprimat, & abscessulis in dies magis, magisque exarescentibus, æger brevi convalescit.

Si vera sit hæc & iusta hujus morbi historia, cæcus sit oportet qui non videat, omnem ejusdem in utramque partem eventum, a curationis fundamento recte aut se-

cus primis in diebus iacto, pendere. Nam si calidorum, & præcipue jugi lectuli usu, calentes hæc, ac spirituosæ particulæ acuantur, necesse est ut assimilandi facultas (qua jamdiu plus satis pollent) adhuc intendatur & augeat.

Adde quod sanguis & reliqui humores his modis excalescenti, fortiori particularum impressioni promptius cedunt, unde plures quam res postulabat, emergunt pustulæ, & æger nulla necessitate cogente in vitæ discrimen conjicitur. Quando oppositum huic regimen, & modice frigidiusculum, atque æris usus liberior, non tantum fervidarum, ac ferocientium particularum vim retundit, sed etiam condensat obfirmatque humores, quo se validius spiritibus morbificis opponant, atque eorundem sustineant impetum, unde non major materiæ variolosæ copia conflatur, quam pro genuina morbi indole.

Sed non unico hoc incommodo, quod scilicet nimia materiæ morbificæ quantitas assimiletur, & superexaltetur fermentum morbi, mulctatur is, qui justo citius ad lectum damnatur: at ex eodem fonte sæpissime profluunt tum mictus sanguineus, tum etiam maculæ purpuræ, æstivo maxime tempore, atque in juvenia adhuc florentibus. Utræque hæc symptomata, nisi fallor ego, ortum ducunt ab æstu & furore, in quem agitur sanguis a ferventibus, & spirituosis particulis, a quibus exagitatus atque insigniter attenuatus, vasorum claustra diffringit, nunc in mictu sanguineo, quoties in renes irruit, nunc purpureis in maculis, quoties per arteriarum extremitates in musculos & cutem terminatas, percolatur, unde rotidem quasi *sphaceli* oboriuntur iis in partibus, in quibus extravasatus sanguis coagulatur. Atque ut præcaveri facile poterant duo hæc symptomata primis morbi diebus, quibus plerumque emicant, regimine & dieta in frigidum vergentibus, ita ubi jam actu comparuerint, pariter operam laudet, qui iisdem mederi conabitur, ægrum lecto includendo, & cardiaca exhibendo, ac luderet anicula, quæ nimiam aquæ in olla ebullitionem, igni fomitem subministrando, sufflaminares fatagat.

Sed ut verum fateamur, utut offendantur Dogmatici & hujus rei ignari, ac proinde iniqui judices, non solum male tutum fuerit, ægrum primis diebus lectulo jugiter affigi, verum enim vero est ubi æger libero aëri omnino est exponendus, si æstus scilicet fuerit, atque æger ætatis florem nondum

Sydenham Opera Med. Tom. I.

prætergressus, aut liquoribus spirituosis affuetus, præsertim si morbus nimie compotationi originem debeat. His inquam in casibus, præcipitem nimis pustularum eruptionem haud æquidem arbitror satis coerceri posse, tum a lectulo abstinendo, tum etiam a cardiacis; at sanguis etiam sine horum subsidio, spirituum præservidorum & morbo congenerum largo penu auctus, magno cum impetu, ut explodatur quasi necesse habet; atque insuper tanta humorum congeries in exanthemata facesset, ut præ nimia puris copia in sanguinem regurgitantis sub fine morbi, æger quasi obrutus, fato omnino succumbat.

Quamvis haud raro fermentum immodice exaltatum tantam colluviei variolosæ vim conficiat, ut æger incipiente adhuc morbo e medio tollatur; cum scilicet materia morbum committens, tum præ nimia sui copia, tum præ motu inordinato ac confuso in sanguinis massa excitato, se nequit extricare & foras educere, cujus loco mictus sanguineus & purpureæ maculæ tragædiæ catastrophe fiunt. Quod etiam & in morbillis, & in febre, scarlatina dicta, sæpiusculum occurrit, ubi scilicet intempestiva opera in iisdem ad eruptionem vehementius sollicitandis infelicitè collocatur.

Neque sanguinis missio, quantum mihi videtur, licet mature celebrata, ita efficaciter præproperam materiæ variolosæ assimilationem cohibere valet, ac sanguinis contemperatio ab aëre intromisso, maxime si statim ab emissio sanguine æger lectulo committatur, & cardiacis calidioribus mactetur; his etenim modis, sanguis propensior redditur excipiendis adventitii caloris impressionibus, quam ante venæ sectionem fuerat. Et sanctè assero, insignissimum fere omnium, quos mihi unquam videre contigit, e confluentium genere morbum, & qui ægram undecimo die jugulaverit, juvenulæ supervenisse, ubi primum a rheumatismo usitata illa methodo copiosæ & iteratæ venæ sectionis fuerat liberata. Atque hinc mihi primum innotuit, phlebotomiam non perinde, atque ego prius arbitrabar, Variolis intra justos limites coercendis conducere; Tametsi sæpenumero observaverim, reiteratam catharsin sanguine nondum inquinato, subsequentes Variolas laudabiles & distinctas ut plurimum reddidisse.

Neque vero me fallit permulta esse, quæ contra sententiam hanc nostram, qua ægrum interdiu lecto eximimus, possint objici; ea-

H h

que

que haud exigui tum apud hominum vulgus momenti, tum etiam apud minus hac in palæstra exercitatos, quos Judices appellare solet vulgus medicorum, ut eorum auctoritate male fundata theorematum statuminent, utpote quæ magis, & quasi ad amussim horum captui quadrent, quam quæ ab ingeniis penetrantioribus mature sunt excogitata; unde sequitur, ut cum pars hominum longe maxima exteriori tantum rerum cortici contemplando apta nata sit, paucissimi autem veritati in profundo latitanti inde extrahendæ pares sint, scioli isti τῶν πολλῶν suffragio adjuti primas facile ferant, hi autem perspicaciores calumniantium maledicentia excipiantur, πολλοὶ γὰρ ἐκδοκῶσι, πολλοὶ δὲ τε βλάπτει. Qui tamen æquo id animo ferunt, veritate freti, & saniorum, paucorum licet, consensu. Primo itaque obijciatur, quod lecto abesse primis morbi diebus pustularum eruptioni officiet, & ex consequenti ægritudinem, aliaque symptomata ab impedita eruptione pendentia, in longum ducet. Hoc verum esse minime nego, cum experientia fere quotidiana ei suffragetur. Quærendum est autem, ubi gravius periculum, vel in sufflaminanda paulisper materia variolosa, atque ea de causa ægritudinem a non eruptione pendentem aliquantisper protrahendo; vel ex altera parte nimis urgendo morbi fermentum, & tam insignem materię variolosę quantitatem assumilando, ut æger ad orci fauces sistatur a febre secunda, die morbi undecimo. Si rem recte expendamus, liquebit, opinor, paucissimos ideo fato defunctos, quod exanthemata serius ocys non efflorescerent, nisi forte ex iis aliquot, quorum sanguis præ nimia exaltatione, motu inordinato, quasi æstro quodam, percitus, materię morbificę leniter excernendę otium non concedebant; quod a meis partibus militat, non pugnat mecum. Neque enim extimescendum est, quin, si nihil prorsus agamus, materia variolosa (utut primis hisce diebus hinc illinc transvolans, quancunque occupaverit partem, fatiget, unde vehementiora illa symptomata, vomitiones enormes, dolores variis in partibus, &c. enascuntur) tandem tamen a victrice Natura debellabitur, & in corporis habitum extrudetur, præsertim cum ægri alvus hucusque ut plurimum adstricta, pustularum eruptionem, seram licet, certam tamen fore spondeat. Ast e contrario quot quantique letho patent aditus, quoties pustulę intempestive & nimio opere exigun-

tur? Longum foret omnes percurrere: præcipuos jam indigitavimus. Sunt autem hi. 1. Nimum auctus exanthematum numerus, cui ex æquo responderet febris ultimis diebus succedentis majus minusve discrimen. 2. Mictus sanguineus & maculę purpureę, quorum utrumque ab extravasato sanguine oritur, qui plus justo attenuatus, & quasi præ æstu ferociens, disruptis vasorum repagulis, qua data porta ruit. 3. Ut supra dictum est, debitę eruptionis suppressio totalis, a nimis sedulo in præcipitanda eruptione conamine, quo non magis scopus medico propositus attingitur, quam si quis id agens, ut densa hominum turba spatiosis ædibus inclusa, seriatim & servato ordine inde exiret, machina chartacea pyrio pulvere resecta, ac in medio displota usque adeo omnes percelleret, ut singulis ad portam omni ope contententibus, proindeque consipato agmine in ejus faucibus hærente, exitus universis, quasi cuneo factio, præcluderetur.

Jam si quis roget, quorsum debita materię variolosę separatio non perinde primis hisce diebus promoveri possit, si æger moderato lectuli calore foveatur, ac si ab eodem arceatur; sciscitabor ego ex adverso, an non testetur experientia quemlibet lecto inclusum tempore brumali, stragulis modice contextum, foco non accenso, magis percalefcere, quam si idem probe vestitus in eodem cubiculo extra lectum versetur. Quod si de differentia notabili satis constet, tunc erit quærendum, quænam ex his methodis magis apta sit ad reprimendam exuberantem fermenti variolosi agitationem; ad quam metam, si quid nostra mediocritas judicando valet, a Medico, incipiente morbo, præcipue collimandum est, & prout ab eadem plus minusve is aberraverit, ita cum malis bonisve ægri rebus medicinam fecerit.

Incautioribus id vero præsertim hac in re imposuit, quod se animadverterint ægrum suapte sponte in sudores proclivem, qui cum jugiter manarent, quoties lecto contineretur æger, æstus febiles haud parum minuebant, secus ac in iis, qui non sudabant. Primum autem perpendamus, quam ob causam febrī coercendę ita impensam navemus operam, cum sit illa solemnī Naturę machina, qua tum in præparanda, tum in eliminanda materia quavis inimica in sanguine latenti, præcipue utitur. Quis autem non videt, quod dum ita sedulo sudorem provocemus ad mitigandam febrem, eadem opera, cum fructum præcozem, humorem cru-

crudum & inconcoctum extrudentes, atque iis ipsis sudoribus immaniori postmodum febri ansam praebeamus; cum hoc modo serum sanguinis (quo tum ipse sanguis, tum etiam recens natæ servidæ istæ, & variolæ particulae diluuntur) foras propellitur; his interim particulis vires fumentibus & ferociam, eo quod jam liberæ sint a colluvie serosa, quam sudores exhauserant. Verbo dicam, febris aliorumque symptomatum alleviatio a provocato sudore, & pustulis exinde præmature exactis, quamplurimis male cessit, qui eam ob causam, vitam cum morte die undecimo commutarunt.

Observandum est autem, me ægro primis morbi diebus lecto interdicerere ex hypothese tantum Variolarum e confluentium genere subsecutarum: Namque distinctum genus quod attinet, modo certo prævideri possit, ut nulla ægro imperat necessitas se in lecto jugiter continere, ita illum ab eodem nullus abigo; cum exanthematum paucitas, sive hanc, sive illam viam incendentem in tuto collocet.

Nihilominus non usque adeo mihi assentor, ut ea, quæ jam tradidi, ex autoritate iudicii mei (quod scio quam sit exiguum) credenda autumem. Et profecto, ita parum firmas, & nullius fere ponderis hominum quorumcunque opiniones semper duxi, ut proprias etiam ubique pro suspectis habuerim, quoties cum aliorum sententiis pugnant: quod & hic etiam mihi usu veniret, nisi phænomena practica quasi uno ore rationis iudicio suffragarentur. Seclusis enim practicis observationibus, id quod vel mihi, vel alii cuilibet pro ratione habetur, nihil fortassis erit aliud, quam rationis umbra aut phantasma, hoc est, mera opinio. Et quoties inter homines fuerim, certior inde redeo, quam sit periculosum, vel acutissimo ingenio præditis, cerebrum in qualibet sive arte, sive scientia indaganda agitari perpetim, & quasi concalescere, nisi factum ipsum veri ac falsi iudicem ac sequestrum constituent; quodque istiusmodi magni opinatores, ut cum Cicerone loquar, in controversiis pure speculativis, gradibus vel spatiis infinitis, quantum cuiquam possit innotescere, a veritatis scopo aberrant. Cum qui ad illa tantum applicuerit animum, quæ praxis certo determinare queat, si quid forte fuerit hallucinatus, nullo negotio ab errore liberabitur, ad hanc ceu ad Lydium lapidem probatis, quas animo conceperat, rerum ideis. Nam in hoc nostro negotio,

an non mihi licet observare a quo maxime regimine adhibito, mitius aut sævius Variolarum genus producat, atque adeo conformem rei evidentæ sententiam animo producere? Quod si alii idem fecerint, satis habeo. Iniquissimum est autem, cum ne semel quidem per omnem vitam fuerint experti, quantum ægro profuit noceatve jam sæpe memorata e lecto interdiu immunitas, me tanquam falsarium convitiis proscindere. Quod si jam olim vera, licet inopinabilia, sentientes caluminandi libido obrinuerit, nemo quicquam tentasset quo invento homines juvari possint. Et sane quorsum ego has mihi facerem molestias, nisi repetita sæpe & fere quotidiana experientia, hanc methodum vulgari ista longe tutiorem esse inclamaret? Non sum usque adeo delirus atque inops mentis, ut famam mihi quæram ab exagitata atque explosa eorum opinione, qui, si plausum venarer, omni obsequio mihi ambiendi erant; neque malitiæ tam deploratæ cuiquam videri possim, ut hominibus, etiam sæculis aliquanto multis post mea fata nascituris, ex mea, si quæ erit illa, autoritate insidias struam, & vel mortuus, quod horreo referens, perinde ac vivus, illos occidam. Utur sit, hac ego methodo meos ipsius liberos, sanguine & propinquitate conjunctissimos quosque, & quotquot se mihi libere permiserunt, omnino curavi. Si quid deliquerim, in eo a me erratum est, quod obstinatæ contra sentientium pertinaciæ, ne durus ac præfractus haberer, aliquoties cessi, atque hac de re eorum fidem appello, quibus maxime familiaribus usus sum. Sed hoc ad infelicitatis meæ cumulum accessit, quod aliquoties, etiam ubi astantes, ea quæ suaseram omnia per integrum morbi cursum fuerant aspernati, ægri tamen fatum (etiamsi a calore, quem promovebant amici, & curatrices, me ad ravim usque reclamante, extincti) mihi crimini dabatur. Quæ de causa accedente insuperabili præiudicio, bene mecum agi putarem, si nunquam deinceps ad Variolas laborantes accerferer.

Haud equidem inficias eo, Variolas, quocunque demum modo tractentur, nonnunquam tamen insigniter confluxuras, unde etiam nunquam vacant periculo, quicquid suppetiarum afferatur; id autem assero (quod mihi satis esse debet) diuturna atque iterata sæpe sæpius experientia innixus, eum in longe minori discrimine versari, qui a primo morbi insultu lecto interdiu, & carnibus

H h 2

omni-

no abstinuit; nec nisi potum tenuiorem sibi indulgit, quam qui statim lecto adjudicatus, medicamenta etiam cardiaca assumpsit. Hæc etiam methodus, quod supra etiam innuimus, ut plurimum densam nimis exanthematum segetem cohibebit, & consequenti etiam immodicam febris secundariæ effervescentiam, quæ non solum suo Marte perimit, sed etiam salivam (de qua in hujus morbi historia fusc egimus) præpropere incrassando, ægro perniciem ultimis morbi diebus minatur. Quid quod hoc pacto tum sanguinis mictus, tum maculæ purpureæ præcaveri possint; quæ duo symptomata primis morbi diebus invadunt, idque per sæpe nullo adhuc manifesto eruptionis indicio: quod etiam in morbillis, scarlatina febre, atque acutis aliis ab intensiore inflammationis gradu ortis, fieri assolet. Mitto jam jucundissimum istud refrigerium, quo se æger perfundi animadvertit ab aëris appulsu liberiore, quoties a lecto calente dimittitur; quod etiam singuli, quibus id per me fecit (maximas agentes gratias, quasi vita & spiritu receptis, hac aura postliminio vescerentur) pleno ore agnoverunt.

Unde mihi subiit cogitare, quanto sapius siccum nobis facit illa, quam talem esse opinamur, ratio, quam sensus iste certissimo nobis cognitus; quodque in morborum curatione, plus dandum est agrorum appetitionibus, & desideriis impensioribus (modo perquam enormia non fuerint, & quæ vitam ipso facto extinguant) quam magis dubiis ac fallacibus medicæ artis regulis. Exempli gratia. Febre ardente laborans, tenuioris potus refrigerium liberaliori manu concessum iri vehementer efflagitat; Artis etiam theorematum hypothesi alicui innixa, quæ sibi alium scopum proponit, quocum pugnat liquoris frigentis indulgentia, appetitui adversantur, & hujus loco medicamentum cardiacum imperant. Idem æger alimenti omne genus, dempto potu tenui, maximopere fastidit; hic ars, maxime illa quam profitentur curatrices, & amici adstantes, omnino comedendum esse acriter contendit. Alter post diuturnum ab eadem causa languorem, absurdi aliquid, & quod forte nocere posse videatur, obnixè petit; Ars iterum molesta se opponit; & mortem intentat morem non gerenti; nisi forte ipse artifex sanum illum prudentissimi Hippocratis aphorismum probe concoxerit, *Cibus & potus paulo deterior, suavior tamen, melioribus quidem, sed insuavioribus* (hoc est mi-

nus gratis) est anteponendus. In his omnibus, Naturæ ut videtur, oberrationibus, quilibet in praxi medica vel mediocriter versatus, modo animum diligenter advertit, facile concedet ægros haud paucos, ubi primum spreto Medici dictamine, genio suo obsecundaverint, se melius habuisse. Neque hoc sane mirabitur, qui secum reputaverit, sapientissimum rerum omnium Conditorem Statoremque universa tam exquisito ordine absolvisse, ut sicuti omnia Naturæ mala ad concinnandam totius operis harmoniam egregie conspirent; ita eorum singula divino quodam artificio, propriæ essentiae quasi intertexto, donantur, quo subiectum eadem mala a se amoliat; quod in morborum quamplurimum acutorum exitu naturali satis cernitur (*Acutos* dico, qui ut plurimum Deum habent Authorem, sicut *Chronici* ipsos nos) uti etiam in propensionibus istis, quæ tales comitantur morbos, & ad ægrum ab illa perniciem liberandum viam struunt, quam ars adest, quoties in sautos cadit. Atque in hoc sane bene cum hominibus agitur; quorum genus universum aliter se perquam male habuisset, tum cum ars medica intra breves *Hellados* cancellos tota staret; quæ quidem eam fere ad terrarum orbem proportionem habet, quam habet ignobilis aliqua villa ad nostram hanc *Britanniam*. Et quid vel impræsentiarum de tot tantarum regionum incolis fiet, cum omnis *Asia*, *Africa* omnis, atque omnis etiam *America* (demptis aliquot nuperis *Coloniis* haud ita populosis) atque insuper magna *Europæ* pars, arte medica prorsus destituantur? Attamen ut eleganter *Comicus*, viros rationis ac virtutum usu præstantes, ab eorum grege, qui formam humanam vitam ad instar brutorum ἀλόγων acta conspurcant, distinguens, ὦ χείριον inquit, εἴ τί σοι δοκῇ, αὐτὸ ἀποφύγε. ita etiam ars medica, si revera ars fuerit, & non solum nomine tenus, maximum est donorum omnium; quæ hanc vitam respiciunt, tantoque ceteris omnibus præferendum, quanto ipsa vita iis, quibus in illa gaudemus, præcellit.

Sed ut ad rem redeam: Quantuncunque conducatur plerumque ægro ut primis morbi diebus lecto non addicatur, est tamen (quod observandum) ubi etiam ante eruptionem omnino addici debeat. Exempli gratia, *Infans* de symptomatibus dentitionem comitantibus jam securus, derepente *Spasmo* corripitur: in hoc casu cogitandum est mihi, convulsionem istam fortassis a Naturæ co-

nata

nata quo *Variolas*, *Scarlatinam Febrim*, aut *Morbillas* in corporis habitum protrudere fatagit, pendere, licet hucusque lateant sub cutis tegmine. Ut itaque tam periculoso symptomati eamus obviam, *Emplastro Epispastico* nuchæ mox applicito, lecto quamprimum committendus est; exhibito insuper medicamine aliquo *Cardiaco*, cui etiam *Paragorici* pauxillum est admiscendum, quo & potentius morbi causam eliminet, atque etiam tumultum a quo oritur paroxysmus consopiat. Verbi gratia, puero trienni, gutte v. *Laudani liquidi Aquæ Epidemicæ cochleari uno* (aut quid simile) sunt propinandæ. Et profecto suspicor admodum, ne dicam certus sum, millenos aliquot infantes, & nonnullos etiam ætate provectiores, idcirco letho fuisse datos, quod non satis animadverterint Medici hujuscemodi convulsiones nihil aliud fuisse, quam morborum jam dictorum prænuncios: cum enim Practici paulo incautiores, paroxysmos hosce revera symptomaticos pro affectibus essentialibus habeant, enematis sæpe repetitis & aliis evacuationibus eos aggressi, *Variolarum* eruptioni officiunt, ac proinde permanentiores etiam reddunt paroxysmos istos, quos tanto molimine opprimere student, quique alias, ubi primum pustulæ eruperint, sua sponte certo certius evanescerent. Hic autem, fausto lætoque omine (quod alibi diximus) *Variolæ*, quæ cum spasmo teneriores pueros invadunt, raro insigniter confluent, unde æger longe tutius lecto conceditur primis hisce diebus. Licet observaverim *Variolas*, quoties *Affectus Comatosos* a tergo insequuntur, admodum consuere; quo in casu ipsemet vesicatorium, & paregoricum, quale supra descripsi, potius adhiberem, quam ut ægro jugem lecti usum ante eruptionem permetterem. Quinimo animadverti ejusmodi *Convulsiones* quandoque (oppido tamen raro) *Intermittentium Februm Paroxysmos* præcedere; *Affectus* vero *Comatosos* cum dictis paroxysmis una invadentes & non nisi cum iisdem terminantes, tam in infantibus, quam adultis per sæpe vidi, quorum similiter nulla in curatione ratio habenda est, sola autem febris, utpote morbus primarius & essentialis, omni ope est expugnanda. Si enim comatosis hisce affectibus febrem comitantibus curandis præcipue incumberem, ac proinde venæ sectione, catharsi, atque enematis repetitis, sopori vincendo operam navarem, febrem inde magis accenderem, & ex consequenti eo

usque augerem comam (quod mihi erat tollendum) ut æger tandem ab eo æternum consopiretur; quando si in febre debellanda totis viribus contendam, symptomata omnia ab eadem pendentia nullo negotio una facessent. Quod serio notari velim, cum in hac re tam crebro tamque fataliter errari soleat. De hoc vero alio in loco fusius dixi.

Aliquod etiam (quod proxime tradam) quantumlibet ægro conferat ut lecto interdum absistat, nihilominus non potest id solatii eidem indulgeri, ægritudine sc. *vehementiori*, *intensiori Febre*, *Vomitu enormi*, *Vertigine*, *Artuum dolore* quasi rheumatismo laboret, & similibus contra indicantibus: quæ quidem symptomata omnino sæviora si fuerint, maxime in sanguineis & ætate florentibus, ingentem materiam variolosæ copiam intus natam, & discrimen haud vulgare, a pustulis exitum certatim querentibus, ac mox valde confluentibus, prælagiunt. Cum ita frænum fermento ita exorbitanti omni ope injiciendum sit; attamen hinc quidem illud continuo lectuli calore adjutum ferociet magis, illinc vero præ nimia ægritudine eodem abstinere nequeat ægotans, nisi suppetias asseramus; has ob causas omnino necesse erit, rebus sic stantibus, sanguinem primum e brachii venis educere, & post aliquot horas *Emeticum* eradicativum ex infusione *Croci Metallorum* exhibere, quod non solum materiam, a quo oritur ægritudo ista insolentior foras propellit, sed etiam ægrum ita refocillat, ut jam quasi sanus lectulo abesse queat. Neque huic soli methodo innitendum est ad infringendas fermenti vires, sed quo magis æger in tuto collocari possit, præter evacuationes jam memoratas percommodum erit *Vitrioli spiritum* potui tenuiori, quoties cum haurit, liberalius immiscere; etiam usque ad plenam pustularum eruptionem. Non obstantibus tamen hisce evacuationibus, tum etiam usu potus refrigerantis, æger nihilominus non nisi nocturno tempore lectulo permittendus est, si quidem fieri potest, quoniam hæc universa longe minus ad inhibendam præproperam materiam variolosæ assimilationem faciunt, quam una sanguinis contemperatio a novo aere per pulmones subinde reciprocat; quæ quidem sola mirum in modum ægritudinem symptomaticam, de qua supra, sublevar contestim, quod a me non uno experimento comprobatum est. Hæc autem methodus paulo insolentior non vix in ætate

te florentibus, quorum quidem sanguis sive a Venere, sive a Baccho incaluit, atque in aliis (infantes tenellulos semper excipio) quos una cum Variolis vehementiora atque enormia ista symptomata jam dicta adoriuntur, necessario requiritur. Ubi sanguis non usque adeo accenditur, neque ita urget symptomatum violentia, uti materiz variolozæ præmature assimilandæ longe minor est suspicio; ita ex consequenti & evacuationes præmemoratæ, & vitrioli spiritus omitti possunt.

Longior in his fui, quia fat scio curatio- nis exitum, sive lætum, sive funestum, ab ea potissimum, si non insolidum, ratione pendere, quæ æger primis morbi diebus tractatur. Jam vero omni pustularum acie quasi in campumeducta (quod die ab invasione sexto, quarto autem inclusive ab eruptione prima fieri jam diximus) haud amplius interrumpendus est ægro lecti usus per reliquum morbi decursum: qui quidem ut ante hunc diem concedi non debeat, ita ut diutius differatur, vix patitur ægri status, modo confluentibus Variolis laboret. Hoc autem est genus (quod notari velim) de quo hæc verba fecimus. Quæ enim & pauca & distincta emergunt exanthemata, parum habent momenti sive in hanc, sive in alteram partem, si vel mediocriter in arte valeat is qui medetur. Quanquam etiam in genere hoc, utut suo ingenio omni periculo vacet, haud pauci (quod serio dolendum est) Libitinæ cesserint, quoties scilicet malo suo fato in eos inciderint, qui in promovendo calore spem omnem ponentes, cum morbo ad jugulandum ægrum, licet inscii, conspirabant.

Tempore ab hoc pustulæ augescere & corporis superficiem undique concalescere incipiunt, at caput in primis, unde æger, nisi fuerit infans, ad somnum difficilior est, & inquietudine vexatur. Quod proximo loco in hoc morbo diligenter expendendum esse arbitror; prout enim sedatior fuerit sanguis, ita debitum augmentum & magnitudinem acquirunt pustulæ, atque ex adverso, pro ratione orgasmis, quo tumultuatur dictus sanguis, pustulæ marcescent, intercepto ulteriori progressu; unde non solum peccantis materiz eliminatio sufflaminatur, sed insuper singularum phlegmonum æconomia & genuina crasis inturbatur; indeque vel non omnino debito tempore ad separationem per- tingunt, vel ichor demum sit puris vice, & loco savi liquoris savi colore referen-

tis, nigricans aliquis humor, vel succus alius non naturalis, & a genuinis Variolarum pustulis alienus, egeritur. Quapropter medicamenta *Paregorica* æquè indicari in variolis confluentibus mihi videntur, ac indicatur quodvis remedium in quovis morbo; cum hic quasi *Specificæ* sint, perinde ac cortex Peruvianus in febribus intermittenti- bus: quamvis haud ignorem paregorica non virtute aliqua precise specifica operari, sed illi solum indicationi respondendo, quæ sanguini & spiritibus consopendis, & in ordinem redigendis operam damus. Atque hic quidem sanguinis & spirituum motus inordinatior (Variolarum confluentium in adultis comes individuus) anodynorum usum præ ceteris deposcit, necdum ei satis innotescit hujusce morbi genius, qui ista vigilis tantum debere existimat. Sicuti enim fieri quandoque potest, ut etiam non dormiens bene compositis ac sedatis fruatur spiritibus, (quod ab assumpto Laudano sæpe accidit) ita etiam nonnunquam fit, ut spiritus vehementius agitati laudabili pustularum eruptioni officiant, etiam ubi æger multum dormiat, quod observatione dignum.

Ut de genere anodynorum jam loquar. Tamen ego a multis annis *Laudanum liquidum* satis auspiciato exhibuerim, quoties huic indicationi satisfaciendum erat, nihilominus *Syrupum de Meconio* ipse præferendum censeo; licet enim utrumque ad eundem scopum dirigatur, tamen Laudanum paulo magis calefacere mihi videtur, syrupus autem minus. Dosis quod spectat syrupi, ea non solum ægri ætati est adaptanda, sed & symptomatum gradui, & quæ homini, qui sedatos habet spiritus & probe compositos, nimia forte erit, alteri, cujus spiritus ferociunt magis, vix sufficiet. Exempli gratia, ponamus in genere sex drachmas plerisque convenire, jam in variolosis, quoties id remedii indicatur, vix intra *Unciam*, si quid præstare velimus, est subsistendum; quæ quidem quantitas singulis vicibus morbo decurrente imperanda est. De adultis agimus impræsentiarum, etenim si infantibus propinetur, dosis pro ratione ætatis erit minuenda. Et sane paregorica non perinde indicantur in infantibus variolosis, ac in adultioribus, cum illi in somnos perdurante morbo promiores sint. Quamvis & in his quoties a morbo periclitantur magis, a paregorico abstinere multum extimescerem. At, quod dicere animus mihi erat, difficile

Je est admodum paregoricorum dosin, quotumque in casu ista indicantur, certo determinare. Etenim sive in quocumque *Spirituum motu inordinatiori*, sive in vomitu *enormi* & *alvi fluxu*, sive etiam in dolore *atrociore* (in quibus affectibus tribus præsertim usum paregoricorum indicari alibi docui) ea methodo sunt exhibenda; ut si prima dosis metam non attingat, alia atque alia debito tempore assumatur, donec tandem medicamentum Medici votis responderit, non tam ad ingessam anodynæ quantitatem, quam ad effectum, quod in ægro producendum erat, respectu habito, quod ubi primum successerit, nec citius, Paregorici usu ita copioso ac frequenti cessandum est: interposito tamen semper inter singulas doses spatio aliquo, ut pernoscere valeamus, utrum dosis ultima id, quod, querimus præstiterit, antequam nova ingeratur. At ubi semel finem propositum obrinuerimus, dosis anodynæ in morbi progressu exhibendi, jam minor pro re nata definienda erit.

Exempla haud pauca in promptu mihi sunt, quibus eis, quæ hæcenus tradidi, fidem astruam, at unicum impræsentiarum adducam. Aprilis 13. anno 1681. Quædam e nostra vicinia, nomine *Crosse*, ad me accedens atque flens obnixæ, petiit ut filium, ejus decennem adirem, qui a die quarto male habens, Variolis, ut ipsa metuebat, jam laborabat. Ego a podagra, quæ me tunc temporis excruciebat, detentus, Pharmacopolam, quo uti soleo, rogavi ut ægrum inviseret, ac mihi de ejus statu referret: rediens ille mihi narravit, pueri matrem e nescio cujus mulierculæ consilio, pulverem *Comitisse* & alia calidiora remedia filio propinasse, quin & stragula adjecerat matris indulgentia, sub quibus quasi defossus latebat æger, ut horum pondere sudores (ad quos ceu ad sacram anchoram in hoc morbo femine confugiunt) exprimeret; ad hæc magnam *Posseri* calentiæ vim, *floribus Calendule* & *cornu Cervi incoctis*, ægro infuderat; unde adaucto febris calore, tantam spiritibus confusionem induxerat, ut præter modum deliraret æger, totis adstantium viribus vix lectulo affixus, ac incondita quædam, furentium ad instar, submurmurans. Nondum tamen in lucem prodibant exanthemata, vel saltem obscuro, sed densò agmine cutim impetebant, inhibita plane eruptione ab hac methodo violentiore, quæ ad eam sollicitandam destinebatur. Jubeo ut lectulo eximatur quantocyus, neque eundem

nisi noctu ingrediatur ante elapsam *sexturn diem*: dein ut syrupi de Meconio unciam dimidiam statim sumat, quo ne hilum proficiente post horæ spatium eandem dosin repetito, at nullo cum fructu; quippe quod sanguis tam immani furebat orgasmo, ut non nisi uncis duabus cum dimidia (spatio tamen inter singulas semiuncias interjecto; quo liqueret quid postrema dosis præstiterat) intro assumptis frenari posset; quo facto, unciam dimidiam tantum singulis noctibus hauriendam præscripsi usque ad finem morbi: quæ quidem illam spirituum requiem, quam crebrior exhibitio paraverat, tueri jam partam valebat. Unde etiam convaleuit æger.

Hic minime reticendum est, quod in quantacunque item dosi & quantumlibet repetita exhibeatur primis hujus morbi diebus Narcoticum, modo sanguinis æstus atque enormis spirituum agitatio magnopere ferociant, vix scopum attingere poterit id, nisi æger a lectulo eximatur. Calor enim lecti calorem morbi ulterius atgescit atque incendit; proindeque vim ita magnam Narcotici exhibere necesse erit, cui fortean Natura impar fuerit. Quod etiam usu venit, etsi haud tanto vitæ discrimine, quando cortex Indicus exhibetur in febre intermittente, ægro per ejus usum in lecto se continente. Et hoc, ni fallor, in causa fuit, quod curatio hujusce febris nonnunquam protelata fuerit, quæ alias citius absoluta esset, & quandoque etiam si febris remittens tantummodo, & non interstincta erat, eadem adeo intendebatur, ut mortem ipsam æger haud effugerit.

Missis autem casibus extraordinariis, in quibus nullo non morbi tempore indicari potest hoc remedium; ego ista primum nocte exhibendum suaserim, quæ lecto jam intotum addicitur, *sexto* nempe a prima invasione, a quo tempore usque ad diem *decimum-septimum* omni vespere est propinandum; vel saltem donec æger *seu Animæ* quodajunt, fuerit constitutus. Sexto enim die caro phlogosæ quasi corripitur; unde caput ab humoribus exinde concalescentis turbari incipit, & vacillare.

Curandum est autem sedulo, ut anodynum temporarius sumatur hic, quam in aliis morbis: quoniam quidam calor, & inquietudinis quasi paroxysmus variolosos sub vespere semper affligit; & quandoque accedit, quod, nisi maturius exhibeatur sub ultimis morbi diebus, æger, derepente paulo hebe-

hebetior factus, mox incalcescat, post de agitudine queratur, quæ brevi in ipsa morte terminatur; attonitis haud parum amicis, qui paulo ante magnam de ægro, ceu convalescente, spem soverant. Cui tanto malo occurrere fortæan poterat anodyno confestim ingesto. His itaque diebus, *undecimo* vero præ ceteris, paregoricum temporis propinandum impero, etiam hora quinta sextave pomeridiana, utque in promptu sit, si quando forte agitudo ex improvviso invalerit. Quinimo persuasissimus sum, nonnullos ex mihi notis ideo fato functos, quod dicto medicamento, re jam postulante, destituerentur; cujus ope, si adfuisset, adhuc inter vivos numerari potuissent. Atque hoc in loco maxime, si in quo unquam alio, *Occasio præcepti est.*

Quapropter cum tam ingens discrimen impendat, si Narcoticum vel sat cito non fuerit propinatum; vel si e diverso ita præmature, ut ejusdem vis paregorica, & spirituum sedatrix exoleverit, quam illud repetendum veniat, idcirco cum res in lubrico sit, tutissimum omnino est anodynum. Statis horis, tam mane, quam sero exhibere, ultimis scilicet & periculosissimis morbi diebus. Neque hoc tempore syrupi dicti unciam semper sufficit, cum ea quantitas nihil præstet magis in intensiori sanguinis inflammatione; & spirituum animalium exorbitantia insigniore, quam uncia dimidia in morbo mitiore. Quinimo iterata experientia me edocuit, *Sesquialteram* in juvenibus, & sanguineo temperamento præditis pro singula dosi, violentiæ symptomatum, quæ tunc ingruunt, & in quibus præcavendis totum sumus, frangendæ parem tantum esse; quodque hæc ipsa dosi in talibus subjectis, atque iis temporibus, mane & sero, non tuto tantum, sed cum magno etiam ægrorum commodo, repeti possit, donec illi convalescant.

Neque vero hoc reticebo, quod in ultimis diebus Variolarum egregie confluentium quandoque necesse habui etiam ter in spatiodiei naturalis *i. e.* octava quaque hora, Narcoticum exhibere; quando scilicet, vel ob violentum spirituum orgasmum; vel ob eorundem confusionem agitudinem aliqualem inducentem, longiora ab usu ejus intervalla haud concederentur. Hoc autem notandum, quod si tam frequens diacodii exhibitio ægro nauseam creet (quod in dictis diebus sæpe accidit) hoc in casu *Laudanum liquidum* propinandum; cujus *gutt. xv.* idem

valent, ac *℥j. syr. de Meconio*, nempe si eodem modo præparetur, quem in *Libro de Morbis acutis*, & in *Cap. de Dysenteria* ibidem descripsimus.

Obijciunt, sat scio, illi, quibus hæc minus placent, materiam peccantem a Narcotico toties, & in tam larga dosi repetito, fixam iri, & ptyalismum retundi. Quibus respondeo, omnino satendum esse salivationem aliquatenus imminui, nunquam tamen ita penitus cessare, ut non longissimis ab assumpto anodyno intervallis, atque ejus vi jam fatiscente, nonnihil recrudescat, immo vero gemino hoc commodo superetur. Primo quod æger, viribus a Narcotico instauratis, pituitam validius expectorare valeat. Dein quod saliva, quæ excreatur, licet parcius sit, rectius tamen excoccta est, quam si anodynum non fuerit exhibitum. Proximo loco, ptyalismi defectus hic partialis plusquam compensatur faciei manuumque tumore, qui ex repetito paregorici usu, & certior est & major in iis diebus, quibus hæc partes solent intumescere: facies scilicet ab octavo die usque ad undecimum, (quo tempore fere incipit subsidere) manus vero ab undecimo, usque dum pustulæ eas obidentes maturuerint. Atque fidenter assero, neminem in hoc morbo probe versatum posse negare utriuslibet horum tumorum absentiam, quo tempore se debent ostendere, pejoris esse ominis, quam ptyalismum interceptum. Me quod attinet, longe tutius esse autumo ptyalismi compescendi discrimen subire, quam a Narcotico abstinere: quod ita impense morbus hic efflagitat, ut in eo rudis sit oportet, & parum observationi deditus, qui ægros suos subsidio tanto defraudat.

Non vero ita capienda sunt, quæ hæcenus differui, ac si ego quotidianum diacodii usum, vel ea quæ convenit dosi, in tenellulis infantibus, qui Variolis confluentibus laborant, suaderem, nisi morbus periculum grave intenet, idque duabus de causis; primo, quia usque adeo non valent infantes, utque illi, quorum vitæ fax plenius accensa jam luculentius ardet; dein quod Narcoticorum jugiter assumptorum vim non ita bene ferat ætas mollior, & magis infirma. Adde quod sponte sua somno fere perpetuo morbi tædia fallunt infantes. Nihilominus quoties, vel phrenesi illi corripiuntur, vel pustulæ mali moris sunt, anodyna omnino indicantur, horum enim utrunque sanguinis atque spirituum animalium motum, interrumpat, plus satis evincit.

Duo

Duo hæc, quæ adeo prolixè tractavimus, nempe ista methodus, quæ inhiberi debet præpropera materiæ variolosæ primis in diebus assimilatio, tum & altera, quæ motus spirituum inordinatus ab externarum partium inflammatione excitatus, est præcavendus, duo sunt quasi cardines, in quibus omnis hujus morbi curatio vertitur, quandoquidem quæ ex eo oriuntur mala, quod utrique huic discrimini non satis occurreretur, funesta illa symptomata invitant, quibus Variolarum tragedia absolvitur. Quocirca cum præcipuè hæc fuerint indicationes curativæ, ubi iis modo jam tradito fecero satis, nihil amplius mihi restat agendum, in quantum scilicet Medicus sum, non vero formularum medicarum Præscriptor. Quas ego duas, sive artes, sive dotes, sive etiam provincias appellare libeat, toto cælo a se invicem distare arbitror.

Unum adjicio, si *Epispastico* opus fuerit, id peramplum, & satis acre ægri nuchæ applicandum; quod ita opportuno tempore fieri debet, ut neque præmature appositum vim epispasticam ante diem undecimum, in quo de summa rerum agitur, amiserit; neque in eum ipsum diem rejiciatur, quo jam tardius adveniens, illo temporis articulo obesse possit, præ calore, & æstu, quem sanguini imprimi, cum febre secundaria vix pari Marte tunc decertanti. Opportunissime itaque applicabitur epispasticum nocte illa, quæ magnam morbi crisin præcedit, mox ab assumpto paregorico, quod tunc erat exhibendum. Apposito per id temporis vesicatorio, dolor, quem ejusdem morbus afferet, desinet ante diem illum, quo æger vel agonizaturus, & materiæ peccanti eo ipso tempore dabitur exitus, quo eo est opus ad vincenda mala ista, quæ illum diem præstolantur. Hoc enim primum tempore, quod in hujus morbi historia fuscè deduxi, facies, quæ hætenus inturgescebat, jam detumescere incipit, & salivatio, quæ hucusque pleno amne fluebat, decrescere; condensato jam, & non nisi ægre excreto, qui eam excitabat, humore. Ut vero mittamus epispasticum illud tum faciei detumescentiæ, tum etiam imminutæ salivationi quadantenus substitui, febri insuper secundariæ perdomandæ aliquatenus conducit, quæ nunc temporis invalescit, sanguine quasi obruto, & penitus infecto puris copia a totidem abcessulis resorpta; adeo ut in omnibus fere, quos antiquam tractavi, Variolis laborantes, observaverim, pulsus in carpo salientem ægre

Sydenham Opera Med. Tom. I.

percipi posse hoc tempore, utut facile se pridie hujus diei, & postridie etiam, digito exploratori se proderet.

Sed inter ea, quæ a capite sive derivant, sive revellunt, nihil æque mihi videtur operari ac *Allium* pedum plantis applicitum. Quod allium revera attrahat, manifestum est a vesiculis, quas sæpe excitat; & a dolore illo non ferendo, quem nonnunquam, licet raro, affert, etiam non excitatis vesiculis, humores scilicet in partes illas invitando; unde dolor tam vehemens quandoque exortus est, ut cataplasmate e mica panis similaginei in lacte cocti eundem sedare necesse habuerim. In adultis itaque qui variolis confluentibus laborant, allium incisum, & linteo involutum plantis pedum admove-re soleo, a die octavo, in quo primum facies intumescit, donec jam morbus periculo omni vacet, singulis diebus renovandum.

Neque interim istud mihi prætereundum est, ægrum scilicet a carnibus, durante morbo, arcendum omnino esse, & cerevisiam lupulatam eamque tenuissimam tantum pro potu concedendam. Jusculis avenaceis, pomis coctis, & jam dicta cerevisia commodissime interea vitam tolerabit. At vero instante jam maturatione, ubi particulæ purulentæ in sanguinis massam regurgitantes eandem tabo suo inquinaverint, utile erit cochlearia vini aliquot, singulis auroris, & noctibus ægro indulgere. Stragula quod attinet, & lodices quibus æger in lecto est contegendus, neque plura sint illa, neque pauciora, quam quibus sanus utebatur. Quin & liberum ei sit, quoties voluerit, se ab hac in illam lecti partem transferre, quo præpediri possint sudores isti symptomatici, quos ægro nocere satis opinor, evici. Eodem pacto etiam præcavetur effractor exanthematum phlogosis excitata a nimio calore, quem carnes contrahunt, quoties æger semper eodem in loco, seu palo defixus, jacet. De hoc autem alias prolixius disserui.

Casum nuperrimum, seu specimen integræ hujus praxeos, subnectam. Hac ipsa hyeme me accerscebat scæmina nobilis, Domina *Ducres*, ut quendam suum nepotem, Dominum *Thomam Gbent*, temperamento perquam sanguineo, & ætate florentem Medicus curarem. Pridie coeperat febricitare vehementer; colluviem biliolam in magna copia per vomitum rejiciebat; dorsum plurimum dolebat. His malis solatium querens & levamen, lectum petebat, & tum stragulis acervatim injectis, tum calidis assumptis

I i liquo-

liquoribus sudores per diem integrum omni ope sollicitabat, sed frustra, cum tanta ad vomendum proclivitas, & alvi fluxus, licet modicus, omnem sudorificorum vim eluderent. Oleum interea febris igni affuderat, quo illa multum increverat. Ego jam Variolas brevi exoriturus suspicabar, easque insigniter confluxuras, tum ob ætatis vigorem, tum etiam, quod sanguinem multum excalescebat irritò sudoris extorquendi conatu, (quo quidem, si modo æstate ægrotaverat, & mictum sanguineum, & maculas purpureas certo advocaverat) tum vero maxime, quod semper observaverim in juvenibus immani vomitione, ægritudine, & dolore præter solitum vexatis, Variolas insequentes ultra modum confluxisse. Meum itaque esse ratus, ut nullum non lapidem moverem, quo præproperam materiæ variolose assimilationem obstruerem, a lecto illum arcebam, nisi statis prius horis somni. Die sequenti (tertius is erat) Variolis nondum comparentibus, sanguinis uncias octo e dextro brachio mane extrahi curabam: optimus erat ille floridusque, cum adhuc spirituosum tantum *mirum* exceperat, nondum vero putredinem illam, quam conciliat longior morbi mora, & in eorum sanguine ut plurimum conspicitur, qui nuper ab hoc morbo convalescerint. Hora quinta post meridiem diei ejusdem, infusionis croci metallorum unciam unam exhibui, ex qua satis commode vomebat, & ægritudine levatus, longe melius habere visus est, jam haud invitus a lecto abstinens, a quo prius ægerrime se divelli patiebatur, ægritudine, & vertigine mactatus. Die quarto mane accedens, exanthemata, quibus præcavendis tanta fueram molitus, eo numero prodeuntia conspexi, ut ab insigniori, quem minitabantur, confluxu, ægri vitæ metuendum esset. Diligenter itaque cavebam, ne lecto interdum committeretur; consulebam etiam, ut cerevisiam tenuem spiritu vitrioli instillato acidulatam potaret. In his ad sextum usque diem perseverabat; quibus diebus licet non ægrotaret, sed aura liberius vespens multum reficere, tamen alvo subinde laxiore fuit. Jam sub meridie non valebat ulterius, quod hic fieri assolet, se a lecto abstinere; decubuit itaque ad finem morbi, me non reluctante, cum nunc erupissent pustulæ omnes, quæ, non obstant meo omni conamine, plus satis confluebant. Quamvis enim pauciora erant exanthemata iis, quæ in nonnullis observavi ab hoc morbo extinctis; plura erant

tamen, quam plerisque eorum, qui sanantur, solent prodire. Hac primum nocte syrupi de Meconio unciam unam in Aq. flor. Paralyt. propinabam, singulis deinceps noctibus repetendam; suadebam etiam, ut non aliis stragulis, quam quibus sanus assueverat, tegetetur: ut jusculis avenaceis, & hordeaceis, nonnunquam etiam pomo cocto vesceretur; Cerevisiam etiam tenuem hauriret. Die octavo allium incisum, & panno lineo inclusum pedum plantis applicandum curavi, & renovandum quotidie, donec extra aleam consisteret. Post hæc pro auge-scentium pustularum genio omnia cedebant, usque ad decimum diem; quo tempore mane eum invisens, licet mediocriter se haberet, febris tamen secundariæ quendam quasi prodromum deprehendi, cum jactatione aliquali. Mox itaque procellam veritus imminentem, paregoricum supra laudatum exhibui, a qua tranquilla omnia, & pacata; eadem nocte syrupi de Meconio sesquiunciam præscripsi. Sequentæ aurora, diei sc. undecimi, cum post exolecentem vim anodynæ, quod hesternæ nocte sumpserat, jam de novo esset irrequietior, diacodii iterum sesquiunciam extemplo ingessi; vespere item tantundem, atque eandem dosim mane, & sero ut assumeret quotidie consulebam, donec omnino convalesceret. Paruit æger; neque aliquod nos deinde symptoma exterruit, nisi quod urina ei quandoque suppresseretur, (malum junioribus hoc in morbo familiare) quam tamen genibus innixus in lecto reddebat: ptyalismum quod spectat, quantumvis salivæ copia frequenti anodynorum in tam larga dosi repetitione aliquantulum interciperetur, tamen longiore ab eorum usu intervallo pituitam concoctam excreabat, ac facies manusque debito tempore pro votis intumescabant. Die decimo octavo e lecto surgebat, & tunc primum jusculum e pullorum carnibus indulgebam, a quo per gradus indies ad victum consuetum redibat. Die vicesimo primò sanguis mittebatur e brachio dextro ad uncias octo, qui pleuriticorum sanguinem emulabatur, & puris fere instar erat. Denique ad quatuor vi-ces, spatio interposito, purgatus fuit.

Hic subinnotuit, quod quonies in his pæ-gellis dies ab invasione v. g. sextum, undecimum, &c. nominaverim, non ita accipi id velim, quasi Variolæ confluentes tertio nunquam non die erumperent; cum satis sciam quandoque ita accidere, etiam in iis, qui vel maxime confluant, ut pustulæ non nisi

nisi post aliquod a die tertio temporis spatium se exerant. Eruptio autem ut plurimum in diem tertium ab invasione incidit, & ut plurimum, qui (ex gr.) die lunæ confluentibus Variolis primum laborare incipit, die Mercurii sequenti pustularum primities in cute summa deprehendet, & Jovis dies ab illo die lunæ secundus, undecimus ille erit, periculi plenissimus, nisi interposuerit se Medicus.

Atque hic iterum repeto Theoremata hæc omnia ad *Confluentes* tantum *Variolas* referri debere, quæ in genere distincto nullum prorsus usum habent, nec ab illo exposcuntur. Et tam sibi, quam aliis imponunt, qui attollunt cristas, quoties eos sanaverit, quibus exanthemata numero pauca, eaque interstincta efflorescebant. Si tentare libeat, quantum in arte valeat, in Variolis confluentibus vires experiantur; maxime quoties, vel florescentes ætate; vel eos qui immodica vini ingurgitatione nimium incaluerint, hic morbus invaserit. Ne in levioribus exercitati, ita toto cælo aberrant, ut se eos servasse existiment, quos ipsi adstantes non occiderint.

Verum dissertatiunculam hancce non prius finiam, quam ubi retulero quæ mihi, dum hæc scriberem, suo ore narravit Amicissimus Dominus Carolus Goodall, M. D. Collegii Medicorum Socius, atque impræsentiarum Censor: quod mihi ideo faciendum duxi, quo melius iis fidem conciliem, quæ cum hic, tum alibi, & de petechiis, & de mictu sanguineo affirmavi: utrumque nempe hoc symptoma quoties acutis morbis accedit, atrociori sanguinis inflammationi omnino deberi, ac proinde refrigerantia indicare remedia. Casus se ita habuit.

Juvenis annorum quasi 27. habitu corporis extenuato, & calido temperamento præditus, febre violenta, & continua correptus est mense Junio, Anno 1681. Lingua erat sicca, & scabra, sitis vehemens, pulsus celer, dolor regionem cordis scrobiculo vicinam discruciat, dorsum vero in primis, (in quo jugiter desiebat) sanguinem subinde mejebat, tum & petechiæ coloris subsusci collum, pectus, & corporis dense infidebant. Die sexto accersitus Medicus, & ægrum de vita periclitari a nimia urina sanguinolenta excretionis compariens, Indicationes curativas ad sanguinem refrigerandum incrassandumque, cum etiam ad vasorum oscula, quæ in venibus relaxata debiscabant, obturanda dirigendas censebat.

Premissa itaque tum vane sectione, cum

bola lenitivo, ægrum, ut a lecto, quantum fieri potuit, se abstinere, serio monuit, cum a continuo lectuli calore mictum sanguinis promoveri non dubitaret: suadebat etiam ut in culcitra corio lecta æger potius dormiret, supinus non nisi rarissime jaceret, lac aquæ permixtum, ut potaret, panatella, oryza lactis incocta, pomis coctis, sive suis, sive aqua fontana intritis, & saccharo edulcoratis vesceretur. Medicamenta ordinabat sequentia.

24. Fl. ros. rubr. ʒvi. cort. inter. Querc. ʒss. Sem. Plantag. parum contus. ʒiij. Aq. Font. ʒiij. Sp. Virriol. q. s. ad gratam aciditatem; infundatur in vase clauso calore leni per quatuor, vel sex horas; Colat. add. aq. Cinnam. bord. ʒiij. Sacch. albiss. q. s. ut s. Tinctura gustui grata, de qua sæpius solum bibat die nocturne.

Enema e lacte cum Syrupo Violaceo injiciendatur hora a meridie secunda: & hora somni sequens Haustus propinabatur.

24. Aq. fl. Paralyf. Plantag. Cinnam. bord. an. ʒss. Aceti stillat. ʒij. Syr. de meconio ʒvj. M.

Die septimo, symptomatibus vis se remittentibus, Enema jam descriptum singulis diebus injiciendum curabas, tum etiam Emulsionem, Haustumque ad hunc modum præscribebat.

24. Sem. Cicbor. Endiv. Lactue. Portulacæ an. ʒij. Sem. Cydon. Papav. alb. an. ʒss. Amygd. dulc. excorr. n. ʒv. contundantur simul in Mortar. marmor. sensim affundend. Aq. Hord. ʒiij. colat. add. sacchar. Cry. still. q. s. f. Emulsio, de qua bibat coebl. xij. quarta quaque hora.

24. Aq. fl. Paralyf. Nymph. germin. Querc. Plantag. an. ʒss. Aceti stillat. Aq. Cinnam. bord. an. ʒiij. confect. de Hyacinth. ʒss. Syr. de meconio ʒj. M. f. Haustus hora somni sumendus.

Die octavo, cum adhuc instaret febris, sanguis urina immixtus copiosius exiret, & petechiæ in præmemoratis partibus numerosè comparerent, omnia hæc symptomata a sanguinis calore, tenuitate, & acrimonia, viri conjectans, sanguinem secunda viæ detraxis, liberatiorem corevisis tenuis usum, cui vitrioli spiritus ad gratum acorem prius insillabatur, concessit: quam cum fastidiret æger, possetum e succo limonum, & lacte ei indulsit, uti etiam limonum pulpam in saleolas divisam, & saccharo involutam. Addebat & sequentia.

24. Conf. Lujul. Cynorrhod. an. ʒss. confect. de Hyacinth. ʒiij. Diascord. ʒss. corall. rub. præparat. sang. Dracon. Bol. Armen. an.

3j. Syr. e Symphyt. & Pilosell. q. s. ut f. Opiata, de qua capiat quantis. Avellana sexta quaque hora, superbibendo haustulum feri lactis succo limonum facti, & sacch. alb. edulcorati, vel decocti Vulnerarii Spiritu Vitrioli acidulati.

Haustus hesternus nocte prescriptus repetatur, cum Syr. de Mecon. 3x.

Nono die petechiae paulatim evanescebant, urina minus sanguine scatebat, quique inerat facilius separabatur, & matula fundum libentius precebat, hortabatur itaque agrum ut in remedium horum usu perseveraret, & diebus aliquot elapsis sequentia adjiciebat, ad eundem scopum collimantia.

℞. Conf. Ros. rub. per setaceum traject. & Vitriolat. 3iv. balsam. Lucatel. 3ij. Bol. Armen. Sang. Dracon. Spec. Electuar. Diacoral. an 3j. Syr. e Coral. q. s. ut f. Elect. de quo cap. quant. Nuc. Moschat. bis de Die, superbibendo haustum Emulsionis sequentis.

℞. Sem. Lactuc. Portular. an. 3ij. Cydon. 3jss. Papav. alb. 3ss. Amygd. dulc. excori. n. v. contund. in mortar. marmor. sensim affundendo Ag. Plantag. 3ij. Ag. Cinnam. 3iij. Colat. ad Sacch. q. s.

His remediis, favente numine, aeger intra septimanas tres a febre, & horrendis illis que memoravimus symptomatibus liberatus, petechiis abolitis, atque urina tum colorem naturalem, tum consistentiam recipientem, paulatim ad sanitatem, & vires pristinas rediit.

Quamvis autem symptomata ista jam dicta feбри continuè accrescerent, non vero illi morbo, de quo nos supra egimus; cum tamen quoties utrumlibet ea comitantur, a vehementi inflammatione, & sanguinis nimia attenuatione, unde sanguis per oscula vasorum quasi vi exigitur, semper ortum ducant; nullus dubito quin par methodus in tanta causarum paritate omnino sit adhibenda, quantum se fert utriusque morbi genius. Quamobrem virum optimum rogebam, ut mihi per illum liceret hanc ejus curationem hic subnectere. Quam quidem quis vel mihi insensissimus, (cum autem alienos mores e propriis aestimans, nullum inimicum habere sperem) praestiterat; tamen veritate victus, praclarissimam eam fuisse omnium, quas unquam novi, curationum, lubens faterer: cum jamdiu compertum habeam quam sit fatale febricitantibus sanguinem cum urina excernere. Cum vero idem amicitia mihi sit conjunctissimus, quanto cum animi prolubio, & veritati & viri amantissimi famae mihi litandum erat.

Hic enim ille est, qui cum pauci admodum me vel minimum quid in re medica sive indaganda sive etiam excolenda profecisse asserere auderent, maledicorum torrenti se medium obicere sustinuit, atque me pari zelo, ac fide tutabatur, quo parentem filius. Quantumlibet autem beneficio tam insigni devinctus, nunquam tamen nisi eas, quas commoverit laudes, praedicarem, cum perinde fere sit improbum sive opprobrium, sive laudatione indignos afficere, quandoquidem utrinque a veritate discedatur. Nemo itaque mihi vitio vertat, si virum hunc ego nemini, inter eos qui mihi hactenus innotuere, probitate secundum fidenter affirmaverim, cum in tot annorum spatio, quibus eo familiariter usus sum, nec dicto quenkum lœdere, quanto minus facto, sibi permiserit. Quantum vero in ea quam proficitur arte praeceat, modo Deus vitam ei concesserit, brevi satis elucescet; cum eruditioni haud vulgari, quas omnes medicinae tam antiquae, quam modernae tractus perlustraverit, exquisitissimam in subtilioribus praeceos minutiis indagandis solertiam (sine qua nemo unquam medicinam merita cum laude faciet) catus attulerit. Unde etiam ægrorum suorum votis, bonus felixque cum primis respondet.

Hac demum sunt quae ipse de hoc morbo sentio, quae non mihi suggestit phantasiae imaginatricis temeritas, sed phaenomena practica edocuerunt. Neque sane capio, qui fieri possit, ut fallatur is, qui cogitationes suas omnes mera ac nuda ejus sive artis sive facultatis praxi limitat, & determinat, quam sibi perdiscendam, & cum laude exercendam proposuit; aut e contra qui possit fieri, ut non tam in ipso se, quam in aliis decipientis omnes vitae annos prodigat ille, qui in iis excogitandis operam disperdit, quae cum praxi nihil prorsus habent commune. Et si cuti haudquaquam faustus probusve navis ad Clavum Gubernator fuerit ille, qui non tam ad breviam, & saxa submarina agnoscenda evitandaque, quam ad causas fluxus refluxusque maris speculandas animum advertit (quod quidem cum Philosopho sit dignissimum, ab eo tamen perquam est alienum, cui id tantum negotii datum est ut navis non submergatur) ita neque Medicus, cui non alia quam curandorum morborum provincia decernitur, quantumlibet ingenio ceterisque animi dotibus valeat, in arte vere medica proficiet, qui non tam in occulta, & tortuosa illa methodo, qua Natura mor-

hoc parit alitque (a qua etiam eorundem historia pendet) indaganda , atque in remediis eidem adaptandis omnes animi vires intendat , quam in curiosis & ~~vanis~~ speculationibus cerebrum fatiget , ad homines orco eripiendos (quod spondet medicina) ne bilum facientibus . Quæ quidem prævaricatio non solum in causa est , quod genus humanum commodis illis & emolumentis privetur , quibus a plurimorum ingenio animique dotibus augeri potuisset , sed etiam effecit tandem , ut quæ medica appellatur , revera confabulandi garriendique potius sit ars , quam medendi . Atque eo tandem ventum est , agris vivendum moriendumve sit , prout Philosophus , vel conjectando scopum attigerit , vel ab eodem aberraverit , quod in lubrico semper est atque ancipiti , cum primi isti speculationum repertoires , non minus quam eorum mancipia , & servum pecus , de cerebrosis istis commentis bello quasi internecino invicem digladiantur , attamen nemo fortasse omnium ipsam veritatem assequatur . Quamvis enim , si mentem serio applicuerimus , quid de facto agat Natura , & quibus in operatione sua utatur organis , deprehendere valeamus ; modus tamen , quo illa operatur , mortales , aut ego fallor , semper latebit . Neque hoc mirum est , cum longe (immo supra omnem humanum captum longe) credibilis sit nos misellos homunciones ab illustri vitæ lucifque regione exulantes , methodum , qua in fabricanda machina usus est sapientissimus Artifex , capere nullatenus posse ; quam fabrum ferrarium rudem prorsus , & imperitum nescire quo pacto concinnetur automation horarum index , cujus structura , & motus exquisitissimam artis elegantiam præ se ferunt . Sicut de facto constat ; cerebrum omnis tam sensus , quam motus fontem esse , tum etiam & cogitationum , & memoriz officinam ; & tamen non est possibile a diligentissima ejus inspectione contemplationeve mentem usque adeo illuminari , ut intelligere possit , quo pacto substantia ita crassa , & quasi pulpa quædam , neque operis , ut videtur , usque adeo assabre elaborati , usui ita nobili , & facultatibus tam præcellentibus queat sufficere ; neque exinde assignare quis potis est , qua ratione ex Naturæ ejus vi , & structura partium , sive hæc sive altera ista facultas necessario fuerit exerenda .

Atque hæc de variolis confluentibus : Quibus si adduntur quæ in historia morborum

acutorum de hoc affectu tradidi , summam habes eorum quæ mihi hætenus innotuere , eaque omnia diligentissime , quod a me fieri potuit , trutinata atque expensa .

Accingo me jam (quoniam tu id pustulas , Vir Eruditissime) ad ea exponenda , quæ de *Affectionibus Hystericis* hætenus observatione comperi . Quas quidem , perobscuram & difficilem , præ ceteris qui homines vexant , morbis , diagnosin habere , tum etiam ægrius curationem admittere , lubens fateor . Attamen ut potero morem tibi geram , ea , quæ Epistolæ convenit , brevitate , quam sane a me exigit valetudo infirmior , & quasi vacillans , hac præsertim anni tempestate , qua mihi vertendum est , ne si pertinacius cogitationibus indulsero , podagrae mox paroxysmum accersam . Paucis itaque expediam , quæ hic habeo dicenda , methodo , qua uti soleo , insistens ; brevem scilicet morbi historiam tradens secundum vera naturæ phenomena ; tum etiam medendi rationem subnectens , quæ mihi optime cessit ; quamque non tam librorum lectio , quam experientia propria , magistra haudquaquam infida , jam olim suggessit .

Hic morbus , si recte calculum pono , chronicorum omnium frequentissime occurrit ; & sicuti febres cum appendicibus suis duas partes tertias ad chronicos morbos simul sumptos si comparentur , complent , ita affectus hystericus (vel isti saltem qui eo nomine insigniuntur) ad reliquæ partis tertie dimidium assurgunt , hoc est , chronicorum pars media sunt . Fœminarum enim paucissimæ (qui sexus adultorum dimidia est pars) ab omni horum affectionum specie prorsus liberæ sunt , si istas excipias , quæ laboribus assuetæ dure vitam tolerant . Quinimo non pauci ex iis viris , qui vitam degentes sedentariam chartis solent impallescere , eodem morbo tentantur . Et quamlibet omnis retro antiquitas symptomata illa affectibus hystericis adnascencia utero semper vitio verterit , si tamen *Affectiones Hypochondriacas* vulgo dictas , quas splenis aut viscerum nescio quorum obstructioni imputamus , cum mulierum hystericarum symptomatibus conferamus , vix ovum ovo similis , quam sunt utrobique phenomena , deprehendemus . Neque tamen reticendum est , fœminas multo crebrius hoc morbi genere corripi quam solent mares , non quod se uterus magis male habeat , quam alia quævis corporis regio , sed ob causas infra explicandas .

Sed nec spectabilior est hujus morbi frequen-

quentia, quam varietas illa multiformis quae se ostendit, & nullos fere non æmulatur ex iis affectibus, quibus atteruntur miseri mortales. Quamcunque enim corporis partem infederit, symptomata, qualia ei competant parti, statim producit; Et nisi Medicus tam sagaci quadam solertia & sagacitate, quam in arte peritia valeat, frans ei fiet, atque ista symptomata a morbo aliquo essentiali huius, vel illius partis, non vero ab affectione hysterica, pendere arbitrabitur.

Quandoque v. gr. *Capitis* arcem occupans, *Apoplexiam* facit, quae similiter *Hemiplegia* solvitur, eam omnino referens apoplexiam, qua tum ætate, tum mole corporis grandiores siderantur, & quae ex eo nascitur, quod, cerebri cortice pituitae copia referto ac scattente, spirituum animalium mentus, ac seminae intercludantur: a qua quidem causa, quae foeminis hystericis accidit apoplexia, oriri nullatenus videtur, cum easdem haud infrequens adoriatur confestim a partu, magna sanguinis vi simul eiecta, & vel partui laboriosiori, vel vehementiori alicui animi commotioni debeatur.

Quandoque *Spasmus* horrendos gignit, *Epilepsia* perfimiles, ventre & praecordiis guttur versus intumescens, & nixus ita fortes edente ægra, ut licet alias mediocrium tantum fuerit virium, jam omni adstantium ope vix retineri queat, incondita interim atque inarticulata quaedam vociferans, & pectus feriens. Foeminae, quibus hæc species, quae *uteri Strangulatus* vulgo audit, familiarior est, temperamento sunt ut plurimum plusquam solet sanguineo, & habitu corporis ad viragines accedente.

Nonnunquam *exteriorem Capitis partem* occupat, pericranium inter craniumque, dolorem vix tolerabilem adferens, in quadam tantum particula, quae transverso pollice contegi possit, jugiter defixum. Dolorem hunc etiam comitantur vomitiones enormes. Hæc species *Clavus Hystericus* mihi est, istas præ ceteris fatigans, quae *Chlorosi* laborant.

Nonnunquam in *partes incidens vitales*, ita vehementem *Cordis palpitationem* excitat, ut quae eam patitur foemina pro indubitato habeat, sonitum cordis in costas arietantis etiam ab adstantibus omnino debere percipi. Hæc species eas maxime infestat, quae extenuato sunt corpore, & crassi minus firma, quæque extabescentium pene formam præ se ferunt; tum etiam Juvenculas *Febre Alba* pallescentes.

Nonnunquam *Pulmones* obsidet, unde æger creberrime tussit, & fere sine intermissione, nihil prorsus expectorans: & quantumlibet hæc tussis species non ita valido nisu thoracem concutiat, atque illa quæ convulsiva dicitur, explosiones tamen longe frequentiores sunt, æger præterea non ita sensu valet. Hæc autem *Tussis Hysterica* species oppido rara est, & foeminis pituita scatentes præ ceteris exagitat.

Nonnunquam in *Colon*, & regionem *Scrobiculo Cordis* subtenfam impetum faciens dolorem vix ferendum infligit, *Iliacæ Passioni* haud absimilem; ubi ægra immodice vomit, colluviem quandam viridem, bili, quam *Porracham* appellant, fere parem, nunc etiam insoliti alicujus coloris, rejiciens. Saepe etiam postquam ægra ad multos dies jam dicto dolore (qui vel Stoicorum *crudus* expugnaret) & continuo vomituritionis conatu tantum non fuerit enecta, tandem *Ictero* intensiore omnem corporis superficiem ad instar croci tingente, solvitur paroxysmus. Ægra interea diris mentis angoribus pressa, omnem recuperandæ sanitatis spem prorsus abjicit: quæ quidem animi dejectio, & quasi *desperatio* quaedam; non magis, quantum ego observavi, ab hac hysterico-rum affectuum specie sejungitur, quam sive dolor, sive vomitus præmemorati. Atque hoc genus in istis præcipue locum habet, quæ corporis habitu laxiore crudoque sunt, tum & in iis, quæ infantes grandiusculos, cum ingenti sui & naturalium vitæ flammæ dispendio, sunt enixæ.

Quandoque hoc malum in alterutrum ex *Renibus* incurans, atrocissimo quem illie parit dolore, *Paroxysmum Nephriticum* omnino mentitur, idque non solum doloris genere locoque quo sævit, sed & adscitis vomitionibus immanioribus, tum etiam nonnunquam ex eo, quod dolor per uretherum ductus propagetur; ita ut ægre admodum dignosci queat, utrum hæc symptomata ab incluso calculo, an vero ab affectu aliquo hysterico enascantur, nisi forte casus aliquis acerbior ægræ animum paulo antequam corripetur discrucians, aut materiae viridis per vomitum rejectio, symptomata ista affectioni potius hystericae quam calculosae tribuenda esse docuerint. Sed neque *Vesica* ab hoc pseudosymptomate atque ementito affectu immunis est; cum non tantum ipsa ab eo doleat, sed & urina supprimatur, perinde ac si calculus eam obstrueret, qui tamen nullus est. Rarissime autem cernitur postrema

ma hæc species vesicam attingens, quæ vero renum calculum imitatur, non ita raro. Utraque eas solet invadere scēminas, quarum vires repetitis sæpe paroxysmis hystericiis jam fractæ sunt, & sanitas coporis detrita.

Nunc in *Ventriculum* decumbens, continuas *Vomitiones* excitat; nunc etiam *Diarrheam*; quoties scil. in intestina effunditur: at neutrum horum symptomatum sequitur dolor, licet in utroque per sæpe compareat dictus ille succus viridis. Utraque hæc species iis familiaris est, quas frequentiores paroxysmi hysterici debilitaverunt.

Atque ut hic morbus omnes ferme partes *Internas* infestat, ita etiam nonnunquam, & *Exteriores* carnemque musculosam occupat, *maxillas* scil. *humeros*, *manus*, *crura*, *tibias*, nunc dolorem adducens, nunc tumorem; in quo genere is qui *tibias* distendit, tumor præ reliquis conspicuus est. Cum enim in *hydropicorum* tumoribus duo hæc semper observari possint, ut tumor se sub vesperam se majorem exhibeat, tum etiam ut postea instar madentis, vestigium digiti fortius impressi formamque referat: jam in hoc altero, tumor maturo tempore protuberantior est, nec digito cedit prementis, aut vestigium ullum manet. Plerumque etiam *tibia* alterutram tantum inflat: de cetero si ve magnitudinem spectes, si ve etiam superficiem *hydropicorum* tumores ita ad amissum æmulatur, ut ægre se haud facile ab ea quæ insedit sententia, dimoveri patiantur.

Sed neque ipsi *Dentes* (quod vix credas) ab hujusce morbi insultu se possunt defendere; licet neque vel minima cavitas, neque humoris alicujus defluxus, saltē qui percipi queat, doloris si ve ansam præbuerit, si ve vehiculum; qui nihilominus nec mitior est, nec contractior, aut expugnatio faciliior. Isti vero tum dolores, tum tumores, quibus afficiuntur, partes exteriores, quas supra memoravimus, eas præcipue scēminas adoriuntur, quæ, longa paroxysmorum hysteri-corum serie, ac impetu violento tantum non exanimatæ, vitam ducunt vix vitalem.

Inter omnia vero morbi hujus tormenta, nullum se tam crebro ingerit quam *dolor in Dorsis*; quem certo certius persentiscunt, quotquot vel levissime hoc affectu tanguntur. Quinimo id habent effectum commune dolores prædicti, quod illa, cui inhaerant regio, etiam post eorum discessum, tenera sic, & quasi sustibus probe fuerit dedolata, tactum refugiat; quæ quidem teneritudo sensum evanescit.

Hoc interim observatu dignissimum est, quod non raro notabilis quedam *externarum partium refrigeratio* symptomatibus his omnibus viam quasi sternit, & plerumque non nisi paroxysmo finito dispellitur: quam quidem refrigerationem haud semel isti sere, qua rigent cadavera, parem comperi, pullu nihilominus recte se habente.

Addo, quod hystericae sere omnes, quotquot ego hætenus tractavi, de *Spirituum dejectione* si ve *subsidentia* (ut cum illis loquar) conqueruntur; pulmonis regionem indigantes, quoties locum, in quo hæc *Spirituum contractio*, seu *subsidentia* sentitur, volunt designare.

Demum mulieres affectione hysterica laborantes, nunc in *risum* effundi, nunc in *lacrymas* pariter immodicas solvi, nulla *opium* manifesta si ve illum, si ve has extorqueute, nemini non est notum.

Inter omnia vero, quæ in hoc morbo comparent phenomena, illud maxime proprium est, atque ab eo sere inseparabile, quod scil. ægræ *urinam* subinde reddant plane *limpidam* ad instar aquæ e rupibus scaturientis, idque satis copiose, quod quidem ego sigillatim percontando, in omnibus sere didici signum esse pathognomicum eorum affectuum, quos in scēminis *Hystericas*, in maribus *Hypocondriacas* appellandos censemus. Atque in masculis nonnunquam observavi, quod mox ab excreto, lotio coloris citrini (immo vero proximo temporis momento) violentiori aliquo animi motu derrepente percussis, statim *urinam*, crystallum claritate æmulantem, magna copia, & impetu diu continuato ejecerint, eo usque se male habentes, donec *urina* pristinum colorem induerit, & paroxysmus simul evanuerit.

Quin & omnibus tam hystericiis, quam *hypocondriacis*, quibus, scil. jam malum inolevit, id accidit, ut *flatus* quandoque *nidosos* e ventriculo emittant; quoties aliquid comederint, licet moderate tantum, & pro ratione appetitus, tum etiam aliquando *acidum* eructent, acetum sapore referens, quoties in eos ascenderit; læsa nempe utrobique concoctione, & succis proinde a naturali statu interversis.

Neque hoc tantum nomine infelices sunt, quod corpus ita male affectum, & quasi conquassatum ad instar ædium ruinas undique minitantiū, tantum non corruat, & satiscat, cum magis adhuc animo ægroient, quam corpore. Cum enim desperatio plane insanabilis de hujusce morbi natura sit,

sit, indignantur admodum quoties aliquis, vel minimam de sanitate recuperanda spem injecerit; facile interim credentes omnia scilicet quaecunque in homines cadere possunt incommoda, quæque adeo fert rerum Natura, perpassuros, tristissima quæque sibi ominantes, atque timorem, iram, zelotypiam, suspiciones, & si quæ atrociora sunt animi pathemata, vel ex levissima, vel etiam nulla data ansa, arripientes, & sinu soventes irrequieto anxioque; ab omni interim gaudio, spe, lætitia abhorrentes, quæ si forte occurrant, quando hæc raræ aves sunt, velocissime avolant, animum interim haud minus vehementer exagitantia, quam solent mæstiora illa *μελαγχολία*, ita ut nullibi mediocritatem servant, in una levitate constantes; nunc amant præter modum, mox odio eodem sine causa prosequuntur: nunc hoc illudve sibi agendum proponunt, mox a proposito resiliunt, & quod cum eo pugnat, aggrediuntur, sed neque hoc peragunt, ita animi pendentes, ut nunquam liceat quietam mentem consistere. Quodque de superstitiosis asserit Orator Romanus, nostris hisce melancholicis pulchre quadrat. *Perfugium videtur omnium laborum, & solitudinem esse somnus, ac ex eo ipso plurima cura, metusque nascuntur*; cum funera tantum in somniis, & denatorum amicorum umbræ representantur. Ita tam animo quam corpore excarnificantur, quasi hæc vita omnis ignis esset expurgatorius, in quo scelera alio in statu perpetrata jam luerent atque expiarent. Neque hoc tantum maniacis accidit, & furiosis, quos dicimus, sed etiam illis, qui, si hos animi impetus excipias, prudentia ac judicio valent, quique & meditationum profunditate, & sapientia orationis longe eos superant, quorum mentes his cogitationum aculeis nunquam fuerint excitatæ. Ita ut non sine ratione observaverit Aristoteles, melancholicos ceteris ingenio præstare.

At vero tam horrendus animi status, qualem supra delineavimus, non aliis competit, quam iis, qui diu multumque cum hoc morbo conflictati, tandemque subjugati quasi victas manus dant; maxime si res adversæ animi mœrores, solitudinesve, nimia in literarum studio assiduitas, atque animi contentio cum prava corporis diathesi conspirantes, oleum camino adjecerint.

Dies me deficeret, si omnia quæ affectus hystericos gravant symptomata enumerare velim; tam diversa atque ab invicem contraria specie variantia, quam nec Proteus

lusiit unquam, nec coloratus spectatur Chæmæleon. Proinde recte mihi videtur rationem subduxisse Democritus (quantumlibet in morbi causa hallucinaretur) Ubi in Epistola ad Hippocratem missa diserte asserit: *Sexcentarum ærumnarum, innumerarumque calamitatum auctorem esse uterum*. Neque tantum multifaria sunt ista, sed nec regula aliqua aut typo uniformi se contineri patiuntur, quod in aliis hominum affectibus tamen usu venit, sed quasi farrago sunt quædam *κατασκευασμένη* incomposita atque inordinata, unde perarduum est hujus morbi historiam describere.

Causæ autem hujus morbi *Procatartice* seu externæ, vel sunt vehementiores corporis motus, vel etiam multo sæpius, violenta quædam animi commotio a repentino aliquo, sive iræ, sive doloris, sive etiam timoris, & similium pathematum insultu. Quoties itaque me consulunt scæminæ de hoc illove corporis affectu, cujus ratio e vulgaribus morborum dignoscendorum axiomatibus nequeat reddi, nunquam non diligenter ab eis exquiro; An non eo de quo conquærantur malo, tum præcipue fatigentur, cum tristitia, ærumna, aut alia aliqua perturbatio eas male habeat, quod si annuerint, jam satis superque mihi constat morbum in hac, de qua agimus, Tribu censendum; præsertim vero si diagnosin id clarius illustret, quod scilicet certis aliquot temporibus urinam limpidam, & crystalli æmulam, eamque copiosam simul excernant. His vero animi moribus, qui usitatioribus sunt hujus morbi *πρόδρομοι*, accedunt vel stomachi vacuitas ab inedia pertinaciori, vel nimis humorum evacuationes, sive a sanguine intemperanter effuso, sive ab emetico, aut cathartico cui impares erant ægræ vires.

Jam vero ab hac totius morbi imagine, secundum vulgatissimam ejus *κατὰ φύσιν* depictam, proximo loco ejus *Causæ efficientes internæ* sive *εὐνομήναι* mihi veniunt pensitandæ, quantum eas, ex omnibus quas descripsimus circumstantiis simul junctis, expicari valeam. Pendent ergo affectiones istæ, quas in scæminis hystericas, in maribus hypochondriacas insignire libet, quantum ego judico, a spirituum animalium *ἀνάστασι*, unde factus impetu in hanc illamve partem plus quam prorata densi nimique feruntur, spasmos uti & dolorem excitantes ubi in partes sensu exquisito prædicas irruunt, atque organorum, tum ejus in quod se ingerunt, tum istius a quo abscedunt, functiones pervertentes; cum

utrum-

utrumque ab hac tam iniqua partitione, quæ Naturæ œconomix penitus adversatur, haud parum detrimenti capiat.

Cujus quidem *αἰτίας* origo atque *causa antecedens* est debilior dictorum spirituum crasis, sive nativa ea fuerit, sive etiam adventitia, unde quavis *πρὸς* dissipari faciles sunt, & eorundem systema nullo fere negotio dirimitur. Quemadmodum enim *Homo* quidam exterior conspicitur ex partibus sensui obviis compaginatus, ita proculdubio & interior est quidam homo e debita spirituum serie, & quasi fabrica constans, solo rationis lumine contemplandus. Hic vero cum temperie corporis intimius conjunctus, & quasi unitus, tanto ægrius faciliusve de statu suo deicitur, quanto major est minorve ea, quam a Natura sortimur, principiorum constituentium firmitas. Quamobrem fœminas longe plures quam masculos hic morbus aggreditur, quoniam videlicet istas Natura magis delicatulo rarioreque corporis habitu ceu vitæ molliori, & hominum deliciis destinatas, blanda donavit; mares autem toroso corporis robore, utpote qui laboribus exantlandis in tellure colenda, & repastinanda, & feris, quibus alantur, capiendis, aliisque similibus, apti nati sint.

Dictam autem spirituum *αἰτίαν* hujus morbi causam esse, phænomena jam descripta satis probant; quorum præcipua tantum attingam, a notissimo illo affectu hysterico, qui *Uteri Strangulatus* vulgo dicitur, initium faciens. Hic jam spiritus, facto quasi agmine in ventre inferiore, catervatim magnoque impetu in fauces irruentes, spasmos excitant per omnem quam transeunt regionem, ventrem inflantes ad instar globi prægrandis, qui tamen nihil aliud est quam partium spasmo tentatarum convulsio, & quasi conglobatio quædam, quæ non nisi magna vi reprimi potest, & coerceri. Partes interim externæ massæque carnea a spiritibus, jam alio raptis, magna ex parte destitutz, eo usque frigescunt persæpe, non in hac sola affectus hysterici specie, sed in aliis omnibus, (quod prius adnotatum) ut cadavera non frigeant magis. Pulsus interim qualis sanarum est, nec ægra ab hoc frigore de vita periclitatur, nisi illud ab evacuatione aliqua enormiori præcedente originem ducat.

Idem etiam dici potest de violentiori isto affectu hysterico, qui externa facie *Colicam biliosam*, vel etiam *Passionem Iliacam* æmularur; in quo ægra dolore vix tolerando in *Sydenham Opera Med. Tom. I.*

regione cordis scrobiculo circumposita, una cum immani materiæ herbam colore referentis, evomitione, discruciat. Quæ quidem symptomata haud aliunde nasci existimo, quam a vehementi spirituum dense conglomeratorum in dictas partes impulsu, unde & spasmus, & dolor, & earum totalis facultatum subversio.

Neque ex eo quod ista, quæ in hoc affectu sive per os, sive per sedem egeruntur, colore quandoque viridi tingantur, statim conficitur morbum hunc in humoribus residere, aut atrocissimum illum dolorem ab humoris alicujus acrimonia partem, cui inhæret dilanantis, produci; quem idcirco pro minera morbi habeamus, ac proinde remediis tam *αἰσ* quam *αἰσ* catharticiis radicatus extirpandum censeamus. Etenim de facto constat, ægritudinem illam, qua laborant navigantes (a spirituum animalium agitatione ortam, in fluctuanti ac irrequieto mari) colluviem coloris plane herbacei ex hominum, vel sanissimorum ventriculo exantlare, ut primum in mare longius sunt provecti, quibus tamen ante semihoram ultimo elapsam non inerat bilis hæc, quam porraceam appellare libet. Annon & infantes in paroxysmis convulsivis, in quibus spirituum animalium maxime res agitur, tam per superiora, quam per inferiora materiam ejusdem plane coloris ejiciunt? Quibus addendum est id, quod experientia serme quotidiana docet, scil. quantumlibet ejusmodi, sive fœminas, sive infantes iterata catharsi exhauserimus, attamen color jam dictus in eis, quæ vel per vomitum, vel per sedem exeunt, usque visetur. Quin etiam a pharmacis tam emeticis quam catharticiis frequentius propinatis uberior materiæ viridis nascitur seges, cum ab utroque genere spirituum *αἰτίαι* provehatur: quæ vel, nescio quo modo, istarum partium fermentum destruit ac pervertit, vel in ventriculum intestinaque vi spasmodum succum aliquem alienæ indolis intorquet, qui humores ejusmodi coloribus inficere potis est. *Chymici* sectatores, licet nondum ita bene cum illis sit, ut quæ in organis suis *πρὸς* medicamenta elaboraverint, majus aliquid in morbis debellandis præstent, quam quæ contunduntur in mortario, vel in olla decoquuntur; tamen curiosorum *πείρα* consueque gratificari norunt, ut duos liquores æque limpidos clarosque ostendentes, ex iisdem invicem commixtis saturatum colorem aliquem; quasi præstigiantes, possint exhibere. Et

K k

pro-

profecto, ita lubrica est & evanida colorum speculatio, ut nihil certi ex illis, de corporum in quibus appareant Natura, queat deprehendi. Neque magis sequitur ea quæ colore viridi sunt, acria esse omnia, quam omnia quæ sunt acria, viridi esse colore. Re itaque undique perpensa, satis liquet dolorem immanissimum qui hac colica hysterica laborantes pene exanimat, tum etiam materiæ viridis rejectionem, a spiritibus nimio impetu in partes sub cordis scrobiculo positas incurfantibus, atque easdem spasmo contrahentibus omnino excitari.

Huic etiam spirituum enormitati tribuendum est symptoma istud, quod superius *Clavi Hysterici* nomine indigitavi, in quo spiritus ab omni corporis ambitu in certo pericranii quasi punctulo concentrantur, dolorem haud minus perterebantem, quam si clavus ferreus in caput vi adigeretur, accersentes, una cum insigni materiæ viridis evanitione. Quæ quidem spirituum ab universo corpore quasi in punctum contractio non multum abludit ab ista radiorum Solis collectione, quæ fit ope vitri incensorii: utque hi vi unita exurant, ita & isti ob eandem rationem dolorem infligunt, membranas quasi diserpentes lacerantesque, junctis viribus.

Deinde ab hac inordinata spirituum agitatione sanguinem perturbante, exoritur symptoma illud, tam hysterici, quam hypochondriaci haud insolens, ut supra notavimus, quod nempe sæpenumero urinam reddant claram limpidamque simul, & copiosam: cum enim sanguinis œconomia subinde interpellatur, quod importatur serum satis diu retinere nequit æger, sed illud prius dimittit, quam istis particulis salinis, quarum ope color ad citrinum traduci debuerat, imprægnari potuerit. Cujus rei quotidianum habemus experimentum in eis, qui, cum plus satis liquoris, maxime tenuioris atque attenuantis, ingurgitaverint, lotium mox limpidissimum excernunt. Quo in casu sanguis ab ea feri quantitate, cui retinendo prorsus impar est, plane devictus, illud omnino limpidum amittit, nec dum a corporis succis infectum, ob moram iusto brevior.

Tertius jam agitur annus, a quo Nobilis quidam me sibi Medicum volebat, qui *Colicam Hypochondriacam* pati mihi videbatur, ad *Passionem Iliacam* fere accedentem doloreque, & vomitu enormiori; quo morbo diu multumque fuerat vexatus, & tantum non fractus. Per omnem morbi decur-

sum sedulus animadverti, quod ubi pessime se habuerit, urina limpida, & exors coloris semper fuerit, quando vero paulo melius, ad citrinum vergeret illa. Hunc die quodam adiens, urinam conspexi, quam tribus vicibus excreverat, in matulis totidem reservatam, citrino colore præditam: lætus ipse hilarisque cibum ex *diæta* aliquem jam assumere meditabatur, invitante, quod mihi dicebat, appetitu: in quo temporis articulo superveniens quidam eousque bilem commovebat, ut extemplo ægrotans, matulam deposceret, quam urina limpidissima crystallum colore æmulante, fere implevit.

Fortē etiam a spiritibus sanguinem ita molestantibus pendet *Ptyalismus* ille hysterici familiaris, cum ad multas septimanas salivam expuant tenuem, perinde ac si unguento ex *Mercurio* fuerint delibutæ: durante enim hoc turbido sanguinis statu, in quo excretionibus ad Naturæ methodum exigendis impar is est, serum motum hunc inversum sorte sibi vendicans non jam in renes pro lege Naturæ exoneratur, sed per artiarum extremitates in glandulas deponitur, & per *ductus salivales* salivæ forma prodit. Idem dici potest de nocturnis istis sudoribus, quibus scemina hysterica nonnunquam profunduntur, qui non ab alia causa fluunt, quam a feri sanguinis diathesi, quæ in corporis habitum gestit effundi, ob modo memoratam sanguinis *crasiam*.

Frigus quod attinet, quo toties algent partes externæ in affectibus hysterici, luce clarius est, illud ex eo accidere, quod spiritus suam in illis stationem deserentes, se nimio opere in hanc illamve partem inferant: Nec est dubitandum, quin tam *Fletus*, quam *Cachinnus*, quem tollunt haud raro hysterica, etiam nulla data ansa, a spiritibus animalibus procuretur, organa, quæ his functionibus animalibus inserviunt, magna vi pulsantibus.

Obiter dicam, mares etiam, quamvis rarius id eveniat, fletui ex nulla *causa* quandoque obnoxiosos reperiri. Accersebar aliquando ad virum tam ingenio, quam genere nobilem, qui nonnisi paucis diebus a febre convalescerat, alterius Medici consilio usus, qui & sanguinem detraxerat, & pharmacum catharticum ter exhibuerat, tum etiam carnibus illi interdixerat. Hunc ubi vestitum conspexerim, & de rebus quibuscumque cum judicio differentem audierim, rogabam quorsum me conveniret; respondit familiaris quidam ejus, modo expectarem paulisper, res ipsa

ipsa loqueretur; confidens itaque, & sermones cum ægro trahens, mox observavi labrum inferius pendulum protrudi cum motitatione crebra (uti solent infantes morosiores fletum adornare) & exinde ægrum in tantas solvi lacrymas, quantas vix alias vidi unquam, cum gemitu ac suspiriis tantum non convulsivis. Qui tamen repentinus torrens non ita multo post detumuit prorsus. Hanc ego affectionem a spirituum *ordinatione*, (partim a morbi diuturnitate, partim ab evacuationibus, quas *separata* necessario exigebat, orta) pendere existimabam: partim etiam ab exinanitione, & abstinencia a carnibus, quam etiam ad dies aliquot posteaquam convaluerat, imperaverat Medicus, quo eum a recidiva præstaret securiorem. Hinc eum pronunciaui extra omnem febris aleam jam constitutum; symptomataque prædictum, inanitioni tantum deberi, ac proinde suadebam, ut pullum gallinaceum assum in prandium juberet parari, & simul vinum modice hauriret; quo facto, & carnibus deinceps moderate vescens, nunquam deinceps fletum hunc convulsivum passus est.

Ut tandem finiam, (cetera enim, quæ in hoc morbo spectantur phaenomena, jam missa facio) ab hac ipsa spirituum inordinatione nascitur perturbatio illa, & varians subinde tam animi, quam corporis intemperies, quæ tum in hysteris, tum hypochondriacis dominatur: cum enim utrisque desit ea spirituum firmitas, quæ in robustioribus, atque iis, quorum facultates jugi spirituum vegetorum subsidio actuantur, semper invenitur, impressiones rerum minus gratarum nequeunt perferre, sed vel ira vel dolore subito perciti, perinde sunt irritabiles, atque illi, quorum *organisationis* mollius, & debilius vel Natura primo procudit, aut longior ægritudinum sive series, sive mors tandem reddidit. Etenim animi robur, & constantia, quandiu hoc corporis luto is incrustatur, firmitudine spirituum eidem famulantium maxime pendet, qui quidem supremum in scala materiz gradum constituunt, in ipso *Entis immaterialis* confinio positi: Cumque animi compages, si fas est ita dicere, longe magis assabra sit & delicata, quam est corporis structura, utpote quæ in harmonia facultatum præstantissimarum, & pene divinarum consistat, si hujus *organisationis* quoquomodo fuerit interrupta, turbataque, major inde consequetur ruina, quanto præcellentius erat, & magis exquisi-

tum opificium, dum integrum perstaret. Et hic quidem miserorum quos depinximus, animoque fractorum status est; cui malo non citius remedium adferet pertinax aliquod vel insolentissimi Stoici decretum, quam *separata* præcaverit is, qui firmiter statuerit, se nullo modo permissurum, ut dentes dolore pertententur.

Satis itaque jam constat, opinor, omnem hunc morbum ad spiritus animales non rite dispositos referri debere; nec a semine aut sanguine menstruo corruptis (quod asserunt nonnulli Authores) & halitus malignos in partes affectas elevantibus, produci; nec a succorum nescio qua perversa depravatione, sive etiam humorum acrium congestione, ut alii volunt, sed ab iis quas modo assignavimus causis. Quod enim morbi fomes in materia non delitescat, unica hac instantia satis elucescet. Fœmina v. gr. quæ relictissima semper valetudine uti solet, modo delicatula sit illa, & teneriore corporis habitu, si forte errore aliquo, sive emetico, sive cathartico quovis fortiore nimium fuerit debilitata exhaustaque, certo certius symptomate aliquo, ex iis, quibus hic morbus stipatur, mulcabitur; quod tamen ejusmodi vomitio, vel catharsis amoliretur magis quam invitaret, si morbi minera in humore contineretur. Idem dici potest de immodico sanguinis dispendio, sive phlebotomia is fuerit extractus, sive in puerperio debito copiosius manaverit, uti & de exinanitione, & juxta longiore a carnibus abstinencia, quæ omnia ad effectus hystericos præcavendos potius facerent, quam ad eosdem accersendos, si illorum fomes in materia aliqua involveretur: cum e diverso non alia causa ita constanter pariat hujusmodi affectus, ac solent dictæ evacuationes.

Quamvis autem satis pateat originarium hujus morbi somitem in humoribus nullatenus stabulari, fatendum est tamen (quod res est) spirituum *organisationem* illam, cui morbus debetur, humores putridos in corpore coacervandos gignere, cum tam illarum partium functio, quæ vehementiori spirituum impulsu distenduntur, quam earum, quæ illis privantur, omnino pervertatur. Cumque harum pleræque *Organa* sint quasi *separatoria*, excipiendis cruoris recrementis designata, si earum functiones quovis modo lædantur, fieri non potest, quin ingens sæculentiz colluvies accumuletur; quæ quidem eliminata fuisset, totaque proinde sanguinis massa depuratio facta, modo singula orga-

na munus suum explevissent, cui nullo modo defuissent, si debita spirituum æconomia universa invigorasset. Huic ego causæ adjudico *Cachexias* insigniores, *atæxiæ*, sive *Appetitus prostrationem*; in Juvenilibus *Chlorosin*, sive *Febrim albam* (quam quidem *Speciem esse Affectionis hysterice* nullus dubito) aliamque omnem malorum Lernam, in qua immerguntur misellæ, quotquot hoc morbo diu elanguerunt, quæ omnia a succis putrescentibus in sanguine congestis, atque exinde in organa varia depluentibus succrescunt. Hujus farinae est *Hydrops testium* in foeminis, quæ jam diutius affectu hysterico laboraverint, natus a succis depravatis e sanguinis massa in organa rejectis; unde pervertis corundem facultatibus, primo steriles fiunt mulieres, & destruitur prorsus æconomia partium, indeque serum & sanies gignuntur, quæ non tantum *Nodulos ovaque testium* interficiunt, sed etiam in tunicarum interstitia se insinuantia, testes in molem ingentem elevant, quod in earum dissectionibus cernitur, quæ hoc morbo pereunt. Diathesis interim hysterica horum aliorumque humorum similitum causa est primaria, quamlibet ejusdem cum illa profapiæ non fuerint.

Quemadmodum in *Febre quartana*, quæ vel pancreatice valens quispiam corripitur, si modo duos treve dies in locis paludosis ac lacustribus egerit, primo, spirituosum quoddam *pituitum* morbi hujus sanguini imprimitur, quod diuturnius inherens, læsa tandem Naturæ æconomia, omnes corporis succos inquinat, aliena prorsus indole eos imbuens, unde æger (maxime si ætate grandior fuerit ac in senium jam vergat) cachexiis aliisque malis obnoxius redditur, quæ febribus intermittentibus diu assilgentibus superveniunt. Quæ tamen febres non sunt profligandæ remediis, quibus rectissime expurgantur hujusmodi humores, sed *Specificis* iis, quæ abigendis illis febribus immediate dicantur.

Ex omnibus, quæ nos hætenus congestimus, abunde mihi constare videtur, præcipuam in hoc morbo indicationem curativam eam esse, quæ sanguinis (qui spirituum fons, & origo est) corroboracionem indigitat; quo facto spiritus invigorati eum servare possint tenorem, qui & totius corporis, & singulorum partium æconomiz comperit. Cum vero hæc spirituum *atæxia* (quod, supra fieri posse concessimus) mora longiore humores vitaverit, e re fuerit eisdem jam corruptos

& *Phlebotomia*, & *Catharsi* prius imminuere, modo ægræ vires permiserint, quam ad sanguinem corroborandum nos accingamus; quem quidem scopum vix assequi poterimus, quandiu sæculenta humorum colluvies se mediam, quasi obicem, interposuerint. Quandoquidem autem *Dolores* atrociores, *Vomitiones*, & *Diarrhæa* enormes ita nonnunquam effervescent, ut inducias non ferant usquequo primariæ illi fortificandi sanguinis intentioni possit satishi, quandoque ab effectis consopendis (missa aliquantisper causa) curationis tela necessario ordiendæ est, exhibito scilicet medicamine *Anodyno*: dein spiritibus, quorum crasis infirmior morbi causa est, rectificandis opera danda est, quo ejusmodi symptomatibus deinceps occurratur. Cumque experientia doceat permulta esse, quæ foetoris exhalatione repellendis spiritibus seditionem molientibus, & in loco suo continendis apta nata sint, quæ idcirco *Hysterica* audiunt, neque illa sunt negligenda, quoties dictis intentionibus implendis operam navamus.

Ad hanc ego metam collimans, venam in brachio secari jubeo, dein ut purgetur ægra tribus quatuorve auroris continuis. Per hos dies, in quibus *Vena sectio*, & *Catharsis* celebrantur, ita plane nihil emolumenti capere ægra, ut in pejus ruere, sibi videatur, cum dictæ evacuationes tumultu concitato *atæxiæ* promoveant, quæ de re ægram diligenter præmoneo, ne animum despondeat, suadente morbi genio: utut fuerit, vitiosi illi humores, quos a morbo diuturniore coaggregatos supponimus, quadantenus sunt detrahendi, antequam primariæ intentioni percommode satisfacere queamus.

Post has evacuationes, ad sanguinem confortandum, & proinde etiam spiritus ex eo prognatos, *Remedium* aliquod martiale seu *Chalybeatum* ad dies triginta præscribo assumendum, quo non aliud certius hic votis respondit. Etenim massæ sanguineæ, jam effertæ & languescenti, volatile quoddam fermentum, seu calcaria, subit, a quo excitantur, & quasi eriguntur spiritus antea jacentes, & suo pondere pressi. Cujus rei indicium est vel apertissimum, quod quoties *Chalybs* in *Chlorosi* propinatur, pallus de repente major fit & celerior, exteriora corporis incallescere; facies non amplius pallida & mortalis concolor, sed vivida cerpi, & sanguine purpurata: Attamen hic notandum, quod non semper *venæ sectio* & *cathartica chalybis usus* sint præmittenda; cum viribus

ad-

admodum imbecillis, & diuturnitate morbi attritis fractisque omitti ea possint, ac debeant, & cum chalybe statim incipiendum; quod diligenter advertendum.

Commodissime vero, aut ego fallor, in *Substantia* exhibetur; atque ut nec observavi unquam ipse, nec sando accepi, eum ita sumptum cuius nocuisse, ita certior me fecit experientia multiplex, nudam chalybis substantiam, & felicius & brevioris temporis spatio curationem abolvere, quam si is quovis, ex iis qui vulgo feruntur, modo fuerit preparatus. Cum tam in hoc, quam in aliis melioris notæ remediis, id quandoque præstiterit chymicorum officiosa sedulitas, non tantum ut *Chymicum* non sint, sed etiam a perversa eorundem diligentia & opera plusquam otiosa, magis evilescant. Audivi etiam (quod si modo verum sit, assertionem hanc nostram fortiter sustinebit) ipsam mineram, prout a terræ visceribus effoditur, crudam efficacius in morbis subjugandis operari, quam ferrum ignem jam passum, & fusione depuratum, cuius rei fides tamen penes Authorem sit, me nondum experto, scicere se res habeat, an vero aliter. Id certo scio, nullum remedium præclarum atque *Substantia* ulpiam gentium fuisse procursum, quod non a Natura præcipuas vires acceperit: unde *Opium*, non vero hominum præcellentiora quavis medicamenta antiquitas grata compellavit. Quod vero nativa quidpiam bonitate præstans & efficacia, mirandos edat effectus, quacunque demum forma ingeratur, testes hic adduco par illud nobile, papaveris lacrymam sive *Opium*, & *Corticem Peruvianum*. Neque etiam tantum in medicamentis preparandis medicernitur peritia, quam in iis seligendis appropriandisque, quæ Natura, suo igne elaborata atque evecta, liberali manu porrigit. Id tantum nobis agendum restat, ut medicamenta in eam formam reducantur, quæ vel eorundem substantia, vel saltem vis & efficacia melius corporibus nostris impertiri queat: cui muneri obeundo facultates nasci sumus plus quam pares. Post chalybis substantiam, eundem *Syrupum* lubentius & præceteris utor. Fit autem e ferri aut chalybis limatura, in *Vino Rhenano* in frigido insula, usque dum vinum satis imprægnatum fuerit, quo facto liquor colatus cum sacchari quantitate sufficiente in Syrupi consistentiam excoquendus est.

Nec mihi solemne est toto illo spatio, quo ægra chalybeata sumit, catharticum aliquod

statis intervallis exhibere. Cum tam in genere hysterico, quam hypocondriaco, chalybis vires a cathartico intercidi atque infringi mihi videantur. Quando enim id mihi palmarium sit, ut spiritus in ordinem redigam, atque eorum systema redintegrem firmemque, quod toto vix octiduo resarciveram chalybis ope, cathartico vel lenissimo exhibito die unica rursus demolior; atque ita diruta extruendo, atque a me extructa subruendo, & ægros & operam ludo, vanus & infelix Ardelio. Qui quidem mos cum etiam in usu aquarum mineralium obtineat, quæ ferri mineræ sunt participes, haud mihi dubium est, easdem exinde minus efficaces reddi. Non sum nescius quosdam fuisse sanatos, cathartico non tantum intercalatis, sed etiam quotidie cum chalybe propinatis, quod tamen non tam Medici prudentiam, quam chalybis virtutem *Chalybis* mihi comprobatur, cum, si ea omittantur, breviori temporis spatio curatio succedat.

Neque sane video in aliis affectibus multis præter jam dictum, quid emolumenti, sive potius quid non incommodi tam repetita cathartico exhibito ægris adferre queat. Quamvis enim haud negandum sit, quin intestina ex impuritatibus liberent ea, & pariter e massa sanguinea humores noxios in ea stabulantes aliquantulum extrahant, e contra tamen haud minus certum est, quod frequenter repetita in corporibus imbecillis (maxime vero in ætatibus tenellis) plurimum officiant; cum ex hac *Chalybis* ingens humorum colluvies in viscera eliciatur, atque iis in partibus deposita fermentationes præternaturales invitet, ex quibus deinceps *Tumores* in infimo ventre oriuntur, tanto magis indies mole augescentes, quanto sæpius æger purgetur. Atque id demum accidit, ut istæ partes præ imbecillitate & caloris nativi (jam sub humorum onere quasi obruti) defectu, *tabe* facile afficiantur ac putrescant. Quandoque etiam, æconomia viscerum ob causas jam dictas penitus eversa; *Glandula* præternaturales, *Serum* soboles, & id genus similia mesenterio accrescunt, & ad mortem viam sternunt. His rationibus adductus tutissimum esse iudico in *Infantibus* post evacuationes universales, easque perpaucas, eo indicationem curativam dirigere, ut confortentur sanguis & viscera. Quod *Vinum Hispanicum* vel iolum, vel *Herbis corroborantibus* alteratum efficere potest, modo mane & sero cochlearia aliquot. (pro ratione ætatis ægri)

fatis diu exhibeantur. Cum vero quæ exterius admoventur, tenera infantium corpora facile penetrent, proindeque sanguinem ipsum qualicumque virtute sua penitus afficiant, e re erit in *Tumoribus* qui ventrem eorum occupant, sive *Schrophalis*, sive *Rachitidi* verè originem illi debeant, *Linimentis* uti, quæ sanguinem, ac viscera corroborandi ac pariter labem aliquam morbosam iis inducendam delendi vi pollent: Ut *℥℥. Fol. Absint. vulg. Centaur. min. Marrub. alb. Chamædr. Chamæpit. Scordii, Calamintb. vulg. Parthenii, Saxifrag. pratens. Hyperic. Virga Aur. Serpill. Mentb. Salvia, Ruta, Card. benedict. Puleg. Abrotan. Chamemel. Tanacet. Lilior. Convall. (omnium rec. collectorum & incisorum) an. m. j. Axungia porcina ℞iv. sebi ovini, & vini Claveti an. ℞ij. Macerentur in olla fictili super cineres calidos per horas 12. Deinde ebulliant ad humiditatis consumptionem, & postea colentur, ut fiat Unguentum; quo venter ac Hypochondria illinantur mane, & sero per 30. vel 40. dies continuas, uti etiam Axille utraque. Quoad *Rachitidem* autem hoc notandum, quod in tumoribus istis qui ventres infantium post longas Intermittentes Febres olim infestant, verè rachitidi non multum abludentes, repetita catharsis omnino videretur indicari, cum ante usum *Corticis Peruvian*i istæ febres in diuturnitatem longam se extenderent, ac proinde sedimentum deponerent, huiusmodi tumorum causam; quæ ideo non nisi purgatione repetita abigi poterat: Attamen in *Rachitide* vera cathartica locum non habent, nisi ut semel vel bis ad plurimum æger purgandus antequam usum alterantium aggrediatur. Per totum autem tempus quo partes illiniuntur, intus assumat vel vinum modo dictum; vel, si fieri possit, pro potu omni bibat cerevisiam, in qua quantitas sufficiens herbarum prædictarum, vel earum saltem aliquam multarum, una in dolio inclusa fuerit. Denique hoc quod innui diligenter advertendum volo, cum non paucos infantes aut pueros a cathartici sæpe repetitis (quæ sorte ventris tumor invitaverat) interemptos fuisse satis sciam, Sed hæc obiter.*

Si qui objecerit, *limaturam Chalybis*, nisi æger subinde fuerit expurgatus, in visceribus hærentem, ei, qui illam devoraverit, nocere posse; respondeo primum me nihil unquam tale in quoquamprehendisse: deinde longe verisimilius esse, eandem muco, & excrementitiis partium humoribus invo-

lutam una cum istis tandem omnem elabi, quam medicamentis purgantibus exagitatam, quæ adstrictiones insolitas, & viscerum toriones contractionesque afferunt; quæ quidem compressione, chalybis particulæ viscerum tunicis impactæ in iisdem penitus defigi possunt.

Interea dum chalybs administratur (ad confortandum sc. sanguinem & spiritus animales) remedia vulgo dicta *Hysterica* in usum quasi obiter revocanda sunt, idque eo modo atque ea forma, quæ maxime conveniunt ægris; quæ quidem si in forma solida fuerint deglutita a minus fastidiosis, potentius longe spiritus in officio, & loco suo retinebunt, quam si in liquido hauriantur, hoc est, sive decocta, sive infusa. Ipsa enim substantia ventriculum diutius sapore suo afficit, & corpus inficit penitus.

In summa, indicationibus, quas supra attigi, universis satisfactorius, paucula hæc & vulgaria præscribere soleo; quæ licet nihil magnifici præ se ferant, ut plurimum tamen id præstant; quod volo.

Mittatur sanguis e brachio dextro ad ℥viii.

℥. Galban. in tinctura Castor. solut. & colat. ℥iij. Tacamahac. ℥ij. f. Emplast. Umbilico admoendum.

Sequenti mane aggrediatur usum sequentium Pilularum,

℥. Pilul. Coch. maj. ℥ij. Castor. pulv. gr. ij. Balsam. Peruv. gutt. iv. f. Pilule n. iv. Cap. hora quinta matutina superbibendo. Repetantur per duas vel tres alias vices, idque singulis vel alternis auroris pro ratione virium, aut operationis.

℥. Aq. Ceras. nigr. Rutæ, & Brion. comp. an. ℥iij. Castor. in nodulo ligat. & in vitro suspens. ℥℥. Sacchar. Crystall. q. s. f. Julepum, de quo capiat cochlearia iv. vel v. in omni languore; instillando primæ dosi, modo paroxysmus urgeat, spir. C. C. gutt. xx.

Post pilulas purgantes modo supra descripto sumptas, utatur, & sequentibus.

℥. Limatur. Chalyb. gr. viij. cum f. q. extracti Absynth. f. Pilule n. ij. sumat summo mane, repetanturque hora quinta pomeridiana, per dies xxx. superbibendo haustum Vini Absynthitis.

Vel pre usu quotidiano. ℥. Limatur. Chalyb. & extracti Absynth. an. ℥iv. ms. afferretur pro usu. Capiat iisdem temporibus gr. xvj. vel ℥j. in pilulas tres redact.

Vel si forma boli magis arrideat, ℥. Conserv. Absint. Roman. & conserv. flaved. Aurantior. an. ℥j. Angelic. condit. Nucis moschat.

condit. & Theriac. *Andromach. an.* ʒʒ. Zinzib. condit. ʒij. cum s. q. syr. Aurantior. f. Electuarium. ʒj. Electuarii præscript. ʒʒ. Limatura Chalybis probe triti gr. viij. cum s. q. syr. Aurantior. f. bolus, sumendus mane, & hora quinta pomeridiana, & superbibendo haustum vini Absinthitis.

ʒj. Myrrh. elect. & Galban. an. ʒʒ. Castor. gr. xv. cum s. q. Balsami Peruv. f. Pilule, e singulis Drachmis xii. sumat iij. singulis noctibus, superbibendo Aq. Brion. comp. Cochlear. iij. vel iv. per totum decursum huius processus.

Sin autem pilulæ ultimo præscriptæ ventrem moverint, quod in corporibus quæ facillime purgantur præ Gummis quæ insunt quandoque fit, tum sequentes substituantur.

ʒj. Castor. ʒi. sal. succini volatil. ʒʒ. cum s. q. extract. Rutæ f. Pilule exiguae numero xxx. cap. iij. singulis noctibus.

Hic autem observandum, quod Chalybeata in quacumque forma aut dosi exhibeantur, sceminis quandoque magnas tum animi, tum corporis perturbationes inducant, idque non solum primis diebus (quod fere omnibus solemne est) sed etiam per totum tempus quo illis utuntur; in hoc casu non statim chalybis usus dictis temporibus interrumpendus, sed, quo melius eundem fere poterint, laudanum aqua aliqua hysterica mistum singulis noctibus ad tempus aliquod propinandum.

At ubi symptomata mitiora sunt, & res sine ferro introsumpto transigi posse videtur, (in minore scilicet morbo) satis habeo sanguinem mittere, atque alvum solvere ad dies tres quatuorve, ut supra diximus: Dein Pilulas Hystericas alterantes præmemoratas mane & sero per x. dies capiendas imperare. Quæ quidem methodus in affectu leviori raro a scopo aberrat. Imo pilulæ istæ solæ, vel omissis phlebotomia, & catharsis, sæpe magnos effectus edunt.

Serio interim animadvertendum est, nonnullas feminas Idiosyncrasia quadam, ab Hystericis illis medicamentis (quæ plerisque huius morbi symptomatibus levamen afferunt & solatium) ita penitus abhorreere; ut non solum non juventur, sed etiam insigniter ab eorum usu lædantur. In his itaque omnino sunt omittenda ista: *ὅστις γὰρ ἐντιμωτέρῃ*, ut divinus senex, *καὶ κατὰ*. Invita Minerva nihil quicquam moliendum.

Quæ quidem Idiosyncrasia adeo insignis ac frequens est, quod respectu ad eam non habito ægræ in discrimen vitæ conjici possint;

idque non solum quoad hysterica, sed quoad multa remedia alia: cuius impræsentiarum instantiam unicam adferam. Fœminæ nonnullæ Variolis laborantes Syrupi & Meconio usum ferre non possunt, utque a quo vertigines, vomitiones, & id genus symptomata ad effectus hystericos pertinentia, accersantur, quibus tamen Laudanum liquidum apprime conveniat. Quod & dum hæc scriberem in adolescentula nobili observavi, cui Variolis laboranti cum sexta ac septima nocte syrupum dictum exhibuissem, symptomata prius memorata singula exhibitione ei ingruebant, neque pustularum inflammatio debito modo procedebat; sed cum imposteriorum Laudano uteretur, a symptomatibus dictis prorsus immunis erat, faciei tumore ac pustulis indies augescentibus, & quod non minus læti ominis erat, anxietas ista, cum inquietudine quadam tam mentis, quam corporis, (quæ quasi *paroxysmus Variolarum* solet esse) prorsus tolleretur, quoties paregoricum hoc propinabatur, ægra mox vires atque animum exinde recipiente. Hoc obiter.

Atque ita hysterici Affectus quoad plurimum sanantur, ut & pleræque mulierum, quas appellant, *obstructiones*, at præ ceteris *Chlorosis* seu *pallidi virginum colores*, uti etiam *mensium suppressiones* qualescunque. Attamen si sanguis usque adeo effæctus fuerit, tantaque proinde spirituum *ἀραιία*, ut chalybs præscripta methodo usurpatus malo vincendo par non sit, adeundæ *Aquæ minerales* aliquæ ferri minera saturæ, quales sunt nostræ *Tunbrigenses*, aut aliæ nuper repertæ. Harum enim virtus chalybeata, tum ob insignem quantitatem qua hauriuntur, tum etiam ob earundem cum Natura convenientiam intimius sanguini permiscetur, & potentius morbos expugnat, quam ferrum quocumque demum artificio nobilitatum, ut volunt Cinnifiones imprudentiores.

Hoc autem præ ceteris inter bibendum observandum, si ægritudo quævis ad symptomata affectionis hysterice referenda accidat, hoc in casu per diem unum alterumve æger aquis abstinat donec symptoma illud transitum aquarum alias impediturum, penitus abeat. Etenim tametsi hæc aquæ humoribus agitandis ac proinde spiritibus confusioni inducendæ minus aptæ natæ sint, quam chatartica vel lenissima ex officinis deprompta, aliquantulum tamen idem præstant, quatenus sc. diuretica sunt; ut taceam quod sæpe etiam ventrem movent. Quod siplæ

si ipsæ aquæ humores, ac spiritus exagitan-
do turbandoque aditum sibi met ipsis præclu-
dant quo minus facile transeant, videant illi
quam importune agunt, qui medicamenta
purgativa per harum usum imperant, semel
aut bis in septimana assumenda, vel, quod
adhuc ineptius, ipsis aquis immiscenda præ-
cipiant. Unde sit tam in his, quam in
aliis aquis mineralibus, ut non solum non
promptius, sed & plane tardius ac diffici-
lius, eadem operentur.

Hic mihi non reticendum, quod tamen si
his aquis ferrum inesse in principiis solutis
nonnullis videatur (quod idem plane est ac
si *ferrum liquidum* supponamus) nullus ta-
men dubito quin eadem nonnisi simplices
aquæ extent virtute mineræ, per quam tran-
seunt imprægnatæ ac infectæ. Quod cuiuspiam
liquido constabit, si aquæ communis congiis
aliquot satis magnam vim clavorum vete-
rum ex calceis equinis extractorum infude-
rit. Sentiet scilicet aquam hanc, cui pulvis
Gallarum, *fol. Tea*, vel similia fuerint im-
mixta, eodem plane colore infici, ac si aqua
esset fontis mineralis. Neque sane diversos
effectus hæ aquæ sive artificiales, sive inar-
tificiales (utrum enim mavult quis appel-
let) epotæ edent, modo tempore æstivo,
atque aëre salubri assumantur.

Sed utut hoc sit, si ob contumaciam ejus
hic affectus ferreis aquis minus cedat, adeun-
da sunt *aque calide Sulphureæ*, quales sunt
nostræ *Barbonyenses*; atque æger, postquam
tribus auroris continuis eas intus assumpse-
rit, sequenti die *Balneum* ingrediatur, &
postero die iterum eas bibat; idem facien-
do alternatim per duos menses integros.
Etenim tam in his, quam aliis, cuiuscum-
que demum generis sint, hoc sedulo notan-
dum, quod in earum usu eoque ægro per-
sistendum, donec non tantum levamen ali-
quale sentiat, sed, quo minus symptoma-
ta omnia brevi postliminio revertant, donec
omnino convalescat.

Theriaca Andromachi, vel sola, si crebro
diuque usurpetur, magnum est in hoc mor-
bo remedium. Neque vero in hoc solo, sed
in aliis quamplurimis a caloris, & conco-
ctionis sive digestionis defectu ortis, omnium
sorte potentissimum, quæ hætenus nobis
innotuere, utut a plerisque fastidiatur, quod
& pervulgata sit, & a tot jam sæculis co-
gnita.

Vina Hispanica Gentiana, *Angelica*, *Ab-
sinthio*, *Centauro*, *Corticum Aurantium*
flavedine, aliisque corroborantibus infusis

medicata, si ad aliquot cochlearia ter in
die potentur, admodum conferunt, modo
ægra tenui non fuerit biliosoque corporis ha-
bitu. Profecto vel *Vini Hispanici simplicis*
liberalior haustus hora somni aliquot nocti-
bus, meo suasu propinatus hystericeis non-
nullis perquam salutaris fuit, cum ex eo
robustior universi corporis habitus reddere-
tur, ipsæque adeo scæminæ e chachecticis vi-
vida simul ac vegetæ fierent.

Adhæc *Peruvianus Cortex* eximias miran-
dasque vires in sanguine & spiritibus con-
fortandis invigorandisque habere nonnunquam
deprehenditur, cujus *Scrptulum unum mane
& sero*, ad septimanas aliquot deglutitum,
sanam firmamque corporis crasin (tam Vi-
ris *Hypochondriacis*, quam *Hystericeis* scæmi-
nis diu multumque ægrotantibus, dejectæque
jam quasi corporis æconomia) restituisse,
ipse observavi. In nullo autem hystericeorum
affectuum genere felicius succedit, quam in
illo, quo *Spasmi* afficiuntur scæminæ, nixus
edentes fortissimos & plusquam muliebres;
pectora simul ferientes. Interim tamen con-
fitendum est, quod hoc medicamentum non
ita certo crebroque huic malo succurrat,
ac *Febribus Intermittentibus*. Quamvis vero
(ut id obiter dicam) in harum curatione
egregia præstet, ne dicam miracula, dictus
cortex, atque eodem tum ipsi nos libenter
utamur, tum uxoribus liberisque usurpan-
dum imperemus, quoties res pustulet; sunt
tamen, quibus haud minus jam displicet,
quod tam certo subitoque morbos expugnet,
quam olim displicebat, quod non nisi nuper
his terrarum oris innotuerat. Quo quidem
fato tum optimi quique viri, tum etiam
præstantissima quæque ac *innotata* reme-
dia semper fere urgentur. Veruntamen ad
hanc notam, seu Lydium lapidem, indolem
nostram licet adductam experiri, atque ex-
inde dignoscere, hominesne boni simus, an
vero probrosi; pro gradu sc. quo vel exul-
tamus, vel dolemus ac ringimur, quoties
publica res hominum communi aliquo bene-
ficio, ac Numinis favore augetur.

Si quæ vero ex remediis supra recensitis
minus convenient, quod temperamento bi-
lioso ac tenui præditis sæpe accidit, tunc
Diatæ Lactea posset usurpari. Etenim mu-
lieres aliquot (quod prima statim fronte mi-
rabitur quis) cum affectibus hystericeis diu
confictatæ etiam iis, qui omnes Medicorum
conatus spreverant eluserantque, tandem la-
cte solo aliquandiu vespentes convalescere. At-
que illæ quidem maxime, quæ ea specie la-
bora-

borabant, quam ego colicam hystericam appello, quæ non nisi a Narcoticis potuit desiniri; quibus itaque per intervalla repetendis multum assueverant hæc forminx, dolore recrudescendo ut primum emarcuerit anodynæ virtus. Id vero in hac curandi methodo præcipue mirandum, quod cum lac frigidum tantum crudumque alimentum præbeat, spiritus nihilominus ejus usu corroborentur invigorenturque. Nec tamen hoc a ratione abhorre illis videbitur, qui secum reputaverint, lac, cum simplex omnino nutrimentum suppeditet, Naturæ minus in coquendo negotium facessere, secus ac solent cibi, ac liquores magis compositi; quodque perfectissimam illam concoctionem æqualis sanguinis spirituumque crasis necessario sequatur. Illud etiam est animadvertendum, quod non nuda spirituum debilitas per se considerata, sed eorundem debilitas ad sanguinis statum comparatorum, quam patiuntur, causa sit. Fieri enim potest, ut infanti spiritus satis firmi robustique sint pro sanguinis ratione, qui tamen debitam ad sanguinem adulti hominis proportionem non teneant. Jam vero cum ex jugi lactis usu & Diætâ, quantumvis illa sit cruda atque invalida, sanguis mollior & tenerior evadat, si spiritus ab eo nati sanguini pares tantum sint, satis bene se res habet. Non omnibus tamen contingit, quantumlibet a lacte alias juvari potuerint, ea incommoda superare posse, quæ primis fere diebus apportat, quod nempe tum in ventriculo coaguletur, tum etiam viribus corporis in statu conservandis sustentandisque minus sufficiat.

At vero nihil ex omnibus quæ mihi hætenus innotuere, adeo impense sanguinem spiritusque fovet firmatque, ac diu multumque singulis fere diebus *equo vehi*. Cum enim in hac gymnasticæ specie impetus ferme omnis in ventrem inferiorem fiat, in quo vasa excretoria (quotquot sæculentiis, in sanguinis massa stabulantibus, educendis a Natura instituuntur) sita sunt; Quæ tanta functionum perversio, aliave organorum naturalis impotentia vel fingi potest, cui tot succussionum millia eodem die ingeminata, idque sub diu, opem non attulerint? Cujus calidum innatum usque adeo deferbuerit, ut hoc motu non excitetur, & demum effervescat? Quæ vero sive præternaturalis substantia, sive succus depravatus in aliquo harum partium sinu recondi potest, qui non hoc corporis exercitio, vel in statum Naturæ consentaneum perducatur, vel

Sydenham Opera Med. Tom. I.

quaqua versum dissipetur elimineturque? Quid? quod sanguis perpetuo hoc motu indefinenter exagitatus ac permixtus quasi renovatur ac vigescit? Quæ quidem methodus, licet forminx vitæ desidi atque imbelli assuetis, minus accommoda sit, utpote quæ a motu, maxime in principio, possint lædi, viris tamen est aptissima, & sanitatem præ ceteris conciliat.

Nostrorum quidem in *Sacris Antistes*, Vir prudentia atque eruditione celeberrimus, postquam diu studiis intemperantius incubuerat, omnesque animi, qui permagnus ei est atque excelsus, nervos seriis cogitationibus nimio opere intenderat, tandem in *Affectum Hypochondriacum* incidit, quo diutius lacescente, omnia corporis fermenta erant vitata, concoctionesque penitus subversæ. Medicamentorum chalybeatorum tardium plus semel devoraverat: aquas minerales fere omnes, cum catharsi sæpe repetita, fuerat expertus. Ut etiam antiscorbutica omnium generum, pulveresque testaceos quamplurimos, sanguinis edulcorationem promittentes. Ita partim morbo, partim medicatione per tot annos continuata, tantum non fractus, *Diarrhea Colliquativa* (quæ in *Tabe*, aliisque morbis chronicis, ubi omnes omnino digestionibus sunt prostratæ, mortem anteire solet) demum corripiebatur. Ubi me tandem consuleret, statim mecum reputavi pharmacis nullum amplius locum relinqui, cum tot tantaque nullo cum fructu jam deglutiverit. Suadebam itaque ob causas supra memoratas, ut statim se equo vehendum curandumque traderet; modico primum itinere, quale ferre possit valetudo ita infirma, ut, nisi judicio valuisset rerum interiora altius penetrante, nec ad tentandum quidem illud exercitii genus potuisset adduci. Rogabam autem, ut quotidie in eo persisteret, donec ex animi sententia convalesceret; majora indies spatia gradatim conficiens, donec tandem ad tot milliaria ascenderet, quot uno die percurrunt prudentiores, ac moderati viatores, qui iter longiusculum negotii alicujus gratia susceperunt: Nullo interim sive ad cibos, sive potum, sive etiam aëris temperiem respectu habito, sed ad instar itinerantis omnia, prout sors dederit, exciperet. Ne longior sim, hanc ille viam incescit, productis gradatim itinerum spatiis, donec tandem ad vicessimum, imo ad tricessimum usque lapidem quotidie vectaretur: cumque se longe melius habere post paucos dies experiretur, ipso rei eventu penem-

L I

mi-

mirabili animatus in eodem cursu ad mentes aliquam multos perseverabat, quo temporis spatio plura miliarium millia, quod ipse mihi narrabat, emensus est, donec tandem non convalescit modo, sed satis validum etiam vegetumque corporis habitum fuerit indeptus.

Neque magis *Hypochondriacis* prodest hoc exercitii genus, quam *Tabidis Phthisicisque*, quorum nonnulli mihi sanguine juncti multum terrarum equo vectore peragrantes, ex meo consilio, sanitati sunt restituti; cum certo sciam me vel medicamentis quantivis pretii, aut alia methodo, quæcunque demum ea fuerit, nihil magis iisdem proficere potuisse, quam si multis verbis hortatus fueram, ut recte valerent. Neque in levioribus tantum malis, crebra tussi & macie slipatis, id remedium obtinuit, sed & in *Tabe* tantum non deplorata, ubi *nocturnis sudoribus* jam etiam accesserat. *Diarrhoea* ista superius dicta, quæ phthisi confectis mortis prænuntia solet esse, atque adeo ut plurimum ultima rerum linea. Verbo dicam. Quantumcumque exitialis *Phthisis* & sit & audiat, utpote qua intereunt duo fere trientes eorum, quos *morbi Chronici* jugulant, hoc tamen sancte assero, quod neque *Mercurius* in *Lue Venerea*, neque *Cortex Peruvianus* in *Intermittentibus* efficaciores extent, quam in *Phthisi* curanda *Exercitium* jam laudatum; modo æger curet, ut lintheamina lecti probe fuerint arefacta, atque etiam ut satis longa itinera emetiatur. Attamen hoc notandum, quod vitæ *modicus* prætergressis multo diutius in hoc exercitio persistendum, quam infra istam ætatem positus. Atque hoc multiplici experientia, quæ vix me fefellit unquam, didici. Et licet equo vehi phthisicis præcipue conferat, tamen & itinera curru facta mirandos sane effectus quandoque ediderunt.

Sed ut ad propositum revertar. Hæc est generalis hujusce morbi curandi ratio, quæ causæ originariæ, quæ est debilior sanguinis crasis, occurritur, ac proinde extra paroxysmum tantum locum habet. Quoties vero *Paroxysmus* invaserit adjuncto quolibet ex prædictis symptomate, si tale aut tantum sit malum, ut inducias ferre nolit, donec, sanguine & spiritibus corroboratis, quasi per ambages sanari possit, confestim ad remedia *Hysterica* ista confugiendum est, quæ odore viroso ac gravi spiritus, ut dixi, exorbitantes ac desertores, in proprias stationes remandant, sive intra corpus suman-

tur, sive naribus admoveantur odoranda, sive exterius applicentur; cujusmodi sunt *Assa fetida*, *Galbanum*, *Castoreum*, *Spiritus salis Armoniaci*, & quicquid est denique quod odorem tetrum admodum ingratumque spirat.

Hic enim quod res est dicam. Quæcunque scærent, ea omnia intentioni huic apprime inserviunt, sive natura, sive etiam ars ea putido odore donavit. Atque, ni fallor, *Spiritus C. C. Sanguinis humani*, *Urina*, *Ossium* ac similium, inde præcipuas suas vires acquirunt, quod, dum vi ignis præparentur, empyreuma contrahant tetrum ac male olens, quasi essentia eorum intimius annexum. Quod pariter cernitur in fumis a corio, pennis, & id genus animalium partibus, cum exuruntur, exhalantibus. Etenim id habent commune singulæ animalium substantiæ, ut inter exurendum fumum emittant olidum & olfactui ingratum: qui si importuno igne assatim eliciatur, ac organis excipitur condensatus, is in liquores istos abit ac convertitur, qui *Spirituum Volatilium* nomine insigniuntur; quique facultates eas facile reportant, quæ subjectis suis haud primitus inerant; utpote qui *Ignis* solummodo *Creatura* existunt, & singuli eorum eandem plane virtutem cum ceteris nanciscuntur, ex quacumque demum substantia (modo *Animalis* ea sit) producantur extrahanturve.

Proximo loco animadvertendum est, quod si paroxysmum comitetur *Dolor* aliquis intolerabilis in quacumque demum parte, aut *Vomitio* enormior, aut etiam *Diarrhoea*, tunc præter hystericam jam laudatam, *Laudanum* in usum revocari debet, quod solum vires habet his symptomatibus cohibendis prorsus pares.

At vero in iis doloribus sedandis, qui vomitiones excitant, cavendum est sedulo, ne illi sive *Laudano*, sive alio paregorico mitigentur, non præmissis debitis evacuationibus, nisi patientiam fere humanam omnem vicerint. Primum, quia tanta nonnunquam sanguinis & humorum copia est aggesta (maxime in sceminis sanguineo, & masculis proprio habitu præditis) quanta Narcotici vel efficacissimi, ejusque sæpius repetiti, operationem valeat sufflaminare. Unde in talibus sanguis e brachii venis necessario est extrahendus, & catharticum eis propinandum est, antequam ad *Laudani* usum accedamus; his enim rite peractis, quod prius vel in maxima dosi exhibitum, nihil

nihil proficiebat, jam in dosi mediocri scopum attinget. Deinde quia multiplici experientia edocti sumus, quod quoties ægra paulatim Laudano assueverit, non præmissa evacuatione debita, necesse habuit ob dolorem mox ab evanescente remedii virtute denuo revertentem, paregoricum rursus ingerere, idque quotidie annos aliquot continuos, dosi subinde per gradus aucta, ita ut nullo modo jam a Laudano abstinere queat, licet omnes ab illo digestiones vitientur, & functiones naturales debilitentur. Quamvis non sentiam Laudani usum sive cerebro, sive nervis, sive facultatibus animalibus immediate nocere. Judico itaque ego, quod expertus loquor, evacuationi anodynus debere præmitti; v. gr. virginibus & sceminis in quibus sanguis prædominatur, vena secunda est, & alvus subducenda, præsertim si non jam a longo tempore paroxysmo fuerint correptæ. Si vero sceminæ debiliores, & quæ temperamenti a prioribus illis plane diversi sunt, hujuscemodi paroxysmo & dolore affligantur, atque eodem subinde haud ita pridem laboraverint, sufficiet eorum ventriculos congio uno, plus minus, lactis cerevisiati hausto, & mox per vomitum rejecto detergere; dein largam dosin imperare sive *Tberiacæ Andromachi*, sive *Electuarii Orvietani*, & cochlearia aliquot liquoris aliqujus spirituosii & gustui non ingrati cum paucis Laudani liquidi guttulis superbibenda.

Quod si ægra jam pridem vomuerit, antequam accerferetur Medicus, & metus sit ne si emeticis ulterius sollicitetur, in furorem agantur spiritus, & ægræ vires nimium dejiciantur, hoc in casu *Laudanum* sine mora propinari debet, eo dosi modo numeroque, quæ symptomatis magnitudinem, ac durationem non tantum exæquare possit, sed & vincere.

Duo autem hic præ ceteris diligenter sunt notanda. Primo, quod cum semel postevacuationes justas & necessarias, Laudano uti cœperimus, ea dosi, atque illa toties repetita, sumendum est istud pharmacum, donec symptoma omnino fuerit debellatum; interjecto tantum spatiolo inter singulas doses, ut quid prior præstiterit ante noscamus, quam alteram repetamus. Sed de hoc fusius alibi egimus. Deinceps dum Laudano morbum aggredimur, nihil prorsus movendum est, nihil evacuandum, cum vel mitissimum illud enema e lacte saccharato possit destruere, quicquid reparaverat paregoricum, & tam dolorem quam vomitionem possimulino revocare.

Utut vero dolores, quod jam innuimus, supra memorati importuni sint in anodyno efflagitando, tamen vomitiones enormes & dosin ejusdem longe maximam & sæpiissime repetitam indicant, cum ab inverso motu ventriculi peristaltico (quo in eo contenta versus inferiora erant protrudenda) remedium paregoricum prius eliminetur per cœlophagum, quam opis aliquid afferre queat, nisi post singulas vomitiones Narcoticum de novo toties quoties iteretur, idque in forma potissimum solida; aut si in liquida datur, vehiculum ita parcum esse debet, ut ventriculum imbuat tantum, & præ materiæ inopia ab illo sursum evehi nequeat, verbi gratia *Guttæ aliquot in cochleari uno Aquæ Cinnamomi fortioris*, aut similis. Monenda interim est ægra, ut statim ab assumpto Laudano conquiescat, ac caput præsertim quantum fieri potest immotum teneat; quando vel levissimus capitis motus præ ceteris omnibus vomitionem provocet, unde medicamenti modo deglutiti jactura fit. Quinimo etiam cessante & quasi perdomita vomitione, expedit anodyno ad pauculos dies mane & sero exhibito, ceu injecto freno, recidivam præcavere. Quod itidem post dolorem hystericum Narcotico sedatum, aut diarrhoeam, omnino observari debeat.

Atque ita demum methodo jam tradita & *Dolori & Vomitioni* symptomaticis mederi in promptu est, a quibus, cum aliorum per sæpe morborum speciem præ se ferant, Medicis facilius imponitur, quam ab aliis quibuscumque symptomatibus, quotquot manum medicam deposcunt; de quo pauca subjungam verbi gratia in ista hysterice affectionis specie jam descripta, quæ *Paroxysmum Nephriticum* imitatur, quis non videt quanta sit paritas morbi utriusque, & similitudo, tum quod pars eadem utrobique doleat, tum quod in utroque affectu vomituriant ægræ, cum tamen a causis ita ab invicem variantibus pendeant, & tam impari methodo debeant sanari, ut quod in hoc lædat, in illo juvet, & e contra? Si enim sive *Calculus*, sive *Arrenula* renum substantiam atterentes, dolorem inferant, atque ex partium consensu vomitionem, nihil æque conducet ac præ larga & frequens causæ antecedentis per phlebotomiam revulsio, tum ut dilatentur laxenturque meatus, per quos calculus excludendus est, enematis emollientibus sæpenumero repetitis, aliisque ejus generis remediis internis. Quibus medicamenta diuretica, & lithontripica addenda sunt,

sunt. Jam si dicta symptomata a calculo nullatenus oriuntur, sed a spiritibus animalibus nimia copia renes impetentibus (quo in casu paregorica tantum indicantur, nec vel enema e mitioribus, post primas evacuationes, sine periculo injicitur) in quanto vitæ discrimine versetur infelix ista, de cuius jam corio luditur, non opus est dicere. Idem potest affirmari de affectu illo hysterico, qui *Colicam Biliofam*, vel *Iliacam Passionem* simulat. Hic ubi pro concessio habeatur affectum istum (licet indolis omnino sit diversæ, imo contrariæ) colicam biliosam esse, & ab humore acri in viscera per arteriarum mesentericarum oscula excreto nasci (in quem errorem dolor intolerabilis, & viridis color; qui in materia cernitur tam per os quam per sedem expulsa, Medicum incautiores & cogitationibus minus assuetum haud ægre perducant) quæ methodus tam commoda, quam ut in temperanda, remedium refrigerantium atque incrassantium ope, humorum acrimonia operam locemus? Atque, quo humores e visceribus exterminentur, præter enemata quotidiana, ut cathartica frequenter propinemus; inter cetera vero etiam Mercurium dulcem diagrydiatis permixtum ad plenioris materiæ morbificæ eradicationem? Quam male autem cum ægris agatur, quantumque eis periculum imminet, dum huic methodo insistamus, si affectus qui colica biliosa censetur, re ipsa hysterica tantum fuerit, aut hypochondriacus, nemini non liquet; cum clamet experientia, quo post primas evacuationes universales (quæ humorum putrescentium, quos peperit *crasis* jam sæpe dicta, quique anodynus obstaculo esse possint, saburra amoliendæ dicantur) nihil jam restat nisi ut tumultuantes spiritus consopiamus, donec tandem symptomata evanuerint, atque iis cessantibus opportune chalybeata imperemus, vel si quod aliud est remedium quod sanguinem accendendo atque invigorando morborum radicibus extirpet. Meum non est plurimas atque ingentes illas calamitates enumerare, quas fœminis contigisse ipse novi, ubi colica hæc hysterica a bile ortum ducere existimaretur. Verumtamen affirmo evacuationes sæpe repetitas, quæ quidem in colica biliosa omnino indicantur, dolorem vomitumque non solum non compescere, sed irritare magis, spirituum sc. perturbationem, quæ vera horum symptomatum causa est, promovendo. Tandemque malum ad menses aliquot prolonga-

tum, methathesi derepente in cerebrum facta, definit in *Spasmos*, a quibus ægra brevi e medio tollitur; idque vel maxime, ubi post alias evacuationes diutius repetitas, suadente colore viridi eorum, quæ per os e ventriculo excernuntur, emeticum fuerit propinatum. Verbo dicam: Si quid ego observando didici, in primis cavendum est, ne symptomata fœminis hystericis familiaria ab aliis quos sæpe æmulantur morbis, diagnosi errante putentur oriri.

Hic non est reticendum, quod præter errores jam recensitos, a quibus fœminæ affectibus hystericis obnoxia de vita periclitantur, permultæ insuper errore non minus funesto dictis affectibus mulcantur ea tempestate, qua hic morbus, licet sua natura non sit lethalis, tamen vi malorum *irregularium* ac subsequen- tium haud paucas e medio tollat. Exempli gratia: Fœmina teneriori atque infirmo corporis habitu infantem parit, cui omnia feliciter & secundum naturam cedunt; Obstetrix, sive rudis & imperita, sive jactabunda, & quam præclare suo illa munere functa sit palam ostendens, suadet ut puerpera paucis, a partu diebus surgat, & se a lecto aliquandiu abstineat. Hæc morem gerens, statim a primo corporis motu *Affectione Hysterica* corripitur, & pro ratione qua morbus inausciscit, *Lochia* primum imminuuntur, deinde sistuntur penitus; quorum suppressionem præmaturam longa symptomatum series excepit: quæ, nisi permagna tam diligentia quam in medendo peritia intercedat, ægram brevi perimunt. Nonnunquam enim *Puerperi* laborant ex hac occasione, quæ indies efferrator reddita *Spasmos* primum, dein mortem affert: Si vero mortem evadant, mitius aliquantulum insaniunt, quandoque ad ultimum vitæ terminum. Nonnunquam post lochiorum suppressionem in *Febrem* incidunt, quæ vel in earum, quæ tum grassantur, epidemiarum castra transit, vel ab ea sola pendet origine. Adde quod iidem affectus hysterici, quibus lochiorum suppressio in primis debetur, jam magis sæviunt, tanquam ex se denuo nati. Diu est a quo mihi subiit in mentem, quod ex iis quæ moriuntur puerperis, vix decima quæque, ut modeste computemus, vel ex eo perit quod vires partui necessariæ eam defecerint, vel ex doloribus partum laboriosiores comitantibus; at eo maxime nomine, quod debito citius lecto exurgat, excitatis a motu illo paroxysmis hystericis, a quibus cum sistantur lochia, mox ingens ineluctabile

Hum symptomatum turba ingruit. Quamobrem istis quæ me audiunt ubique Author sum, ut ad diem saltem Decimum usque in lecto se contineant, si modo Natura paulo debiliores sint, præcipue si Vaporibus, qui vulgo dicuntur, jampridem fuerint tentata. Præterquam enim quod ista, qua in lecto fruuntur, quies, a malis jam toties commemoratis eas immunes præstet, non interruptus lecti calor spiritus pariter reficit tum a pariendi doloribus, tum ab evacuationibus in hoc casu solemnibus exhaustos fractosque; quinimo & Naturæ suppetias fert, atque omnes, quas gestationis tempore mulier congegnerat, cruditates digerit & amolitur.

Verum, si ab admissis hoc errore quodvis e dictis symptomatibus supervenerit, indicationes curativæ eo dirigendæ sunt, ut spiritus ab hoc motu jam irrequieti redditi sedentur, & ut Lochia rursus fluant, quandoquidem eorum suppressio horum symptomatum causa sit proxima atque immediata. Neque tamen huic methodo pertinacius insistendum, sed exhibitis aliquandiu remediis quæ in hoc casu cum successu usurpari solent, si votis ea non respondeant, ab iis temperandum est; cum neque fortiora hic locum habeant, neque in mitiorum usu perseverare debeamus, propter attritas & fere prostratas puerperarum ita affectarum vires. Exempli gratia, ubi primum lochia jam suppressi constat, e re fuerit scæminam e vestigio lecto addicere, mox Emplastrum Hystericum umbilico admove, atque quamprimum Electuarium sequens propinandum imperare. Ut *Conserv. absinth. Roman. ℥. ruta an. ℥j. trochisc. e myrrha ℥ij. castor. croci Angl. sal. volatil. salis Armoniæ, & assæ fetide an. ʒss. cum s. q. syr. de s. radicibus, f. Electuar. Cap. ad magnitudinem nucis moschat. majoris tertia quaque hora, superbibendo seq. Julapii cochl. iv. vel v. ℥. aq. rutæ, bryon. comp. an. ℥iij. sacchari Cund. q. s. ms. f. Julap.* Atque hæc, si statim a primo suppressionis indicio exhibeantur, hoc malum plerunque devincunt. Sin autem dictis remediis eoque continuatis donec tota quantitas assumpta fuerit, lochia adhuc suppressantur, hoc in casu Laudanum, una saltem vice, tentandum. Hic Laudanum, quantumlibet suapte indole adstringat, cum tamen spirituum perturbationem, a qua sollemnis lochiorum evacuatio fuerat interrupta, compescat, quandoque plurimum juvare, & Emmenagogis nihil proficientibus, lochiorum fluxum postliminio revocare possit.

Commodissime vero Narcotica una cum Hystericis & Emmenagogis propinantur; v. gr. *Laudani liquidi gutta xiv. in Aqua Bryoniæ composita, vel Laudani in forma solida granum unum semis cum scrupulo dimidio Assæ fetide in Pilulas duas redactum.* Sedulo interim animadvertendum est, quod si telo hoc semel misso scopum non attingamus, nec sequantur lochia, Opium nullo modo est repetendum, ut in aliis casibus fieri solet ac debet: Etenim si reiteretur hic pæregoricum, lochia ita potenter sistet, ut ea nulla deinceps arte provocari queant. Verum enim vero si & hoc minus succedat (interjecto aliquo temporis spatio, quo certiores simus quid istud præstiterit) ad medicamenta iterum Emmenagogis hystericis permixta redeundum est, & dein ad Enematis ex Lacte saccharato injectionem. Verum quod de Opio supra, hic de Enematis dicendum est; nisi enim primo injectum lochia educat, nihil prorsus a pluribus est sperandum: cum unum humores leniter sollicitando, ut fluant lochia efficere possit; plura vero eadem alio divertant. His itaque peractis, (quæ tamen leviter tangenda sunt) tutissimum est, & prudentis Medici officium, temporis συνουχία præstolari; cum singulo quoque die curationis negotium magis magisque extra aleam ponatur, & si ægra Vigessimam diem superaverit, jam fere in vado est. Etenim cum a morbo, quisquis is fuerit, jam diuturniori scæmina aliquantisper respiraverit, viresque quadantenus receperit, eam methodum valebit ferre, quæ aptissima videbitur illi malo averruncando, quod a lochiorum suppressione accreverat: quando remedia obstinatius ingesta, primis ne hilum promoventibus, tum etiam spirituum perturbationem, a qua morbus oritur, augere possint, quod sedulo advertendum velim.

Nuper Matrona, tam natalibus, quam moribus honestis ac probis, me sibi Medicum volebat: huic ex modo dicta occasione statim a partu paroxysmis hystericis affectæ, lochia penitus defecerant. Conabar medicamentis supra memoratis eadem proritare, at frustra, affectione hysterica vehementiore omnem opem medicam respuente. Unde, dum ita demum eam salvam fore præviderem, si nihil prorsus molirer, rem omnem tempori, Medicorum facile principi ac coryphæo, committendam censui. Hoc meum consilium ad diem utque decimum quartum optime illi cessit; quotidie enim illam invivens, nullo die eam in pejore loco, quam pri-

pridie fuerat, deprehendi. Post hunc mulierculæ adstantes, quas hæcenus a noxa illi sub officii specie inferenda ægre arcueram, maritum impellebant, ut sine mora sanguinem e pede uxori extrahi curaret: quo facto, paroxysmi hysterici adeo invalescebant, ut intra paucas horas spasmi accederent, & non ita diu postea, ærumnarum requies, mors.

Et si fas mihi sit libere quæ sentio effari, jandiu in ea hæresi fui ut arbitrarer me, non tantum in dictis puerperarum morbis, sed etiam in acutis omnibus, ubi curationem ab hac illave, qua uti placet, methodo certo infecuturam polliceri nequeam, & viri & Medici boni probique pulchre defungi munere, quoties nihil omnino tento, modo ægrum invisens, illum non se pejus habere hoc die quam heri habuit; comperiam, nec cras habiturum, quam hodie conjectura assequi possum. Cum si in ægro curando ea methodo incedam, de cujus efficacia nondum mihi certo constet, tam ab experimento quod ex eo capturus sum, quam ab ipso morbo is periclitabitur: neque ita facile geminum discrimen effugiet, ac simplex erat evasurus. Quamvis enim impræsentiarum nullum vel incipientis convalescentiæ signum manifestum se prodatur, certissimum tamen sum morbi acuri cujuslibet naturam non ferre ut quis eo semper laboret, ac proinde dies quilibet res ægri magis magisque in tuto collocat, vel saltem Medico ansam præbet, ex qua opportunius ac certius morbum seriat confodiatque, quam in præcedentibus liceret. Quod quidem uti de acutorum plerisque vere affirmatur, ita præcipue de puerperarum morbis, quibus error vel levissimus fatalis esse possit; & in quibus ita parum valeamus naturalem illam evacuationem regere, a cujus suppressione mala, de quibus diximus, proveniunt.

Cum vero *Affectus Hysterici* non semper primariæ causæ, spirituum nempe debilitati nativæ, sed adventitiæ aliquando originem suam debeant, hujusmodi itaque causam, antequam finiam, hic recensere libet, quæ frequentissime *Vaporum*, quos appellant, pararia existit. Atque ea est *Fluxus mensium immodicus*, sive in *Puerperio*, sive extra idem invadat. Quoad primam speciem, ea primis diebus post partum laboriosiore maxime infestat, & longa symptomatum hysterico-rum caterva stipatur. Et sicuti in primis hisce diebus solum ingruit ac urget, ita etiam brevi se proripere solet. Etenim si

victus paulo incrassans instituitur, facile abigitur; cui & sequens potus addi poterit.

Assumatur aq. plantag. & vini rubri an. ℥j. Coq. simul ad tertias, & deinde edulcoretur s. q. sacchari albiss. Cujus, cum frigeat, capiat ℥ss. bis vel ter in die. Interim Julapium aliquod Hysteritum, at satis mire, subinde propinetur, & nodulus seq. naribus admoveatur. ℥. Galban. & Asse fetid. an. ℥ij. Castor. ℥jss. sal. succini volatilis ℥ss. ms. f. nodulus. Vel ℥. spir. salis Armoniac. ℥ij. quem sæpius olfaciat.

Quod vero ad hujusmodi *extra Puerperium Fluxum* attinet, licet idem omni tempore sæminis accidere soleat, eas tamen paulo ante tempus illud quo sponte sua omnino menses cessaturi, sæpissime invadit; circa ætatis scilicet annum 45. si modo temporius fluere inceperant, circa autem 50. si serius in vita prius prorumpebant. His, uti dictum, paulo ante totalem eorundem discessum (instar candelæ jam fere absumptæ deflagratæque, quæ subito flammam edit insigniorem, mox penitus disparituram) cum magno impetu assatim excidunt, & ob copiam sanguinis ingentem qui continuo excernitur, in paroxysmos hystericos fere continuos miseras dejiciunt. Hic licet *Hysterica* tam interna, quam externa obiter usurpanda (fortiora devitanda ne fluxum ulterius ea provocent) omnis tamen curationis cado in mensibus cohibendis vertitur, quæ hunc in modum quam primum sistenda.

Mittatur sanguis e brachio ad ℥viii. Seq. mane exhibeatur potio purgativa communis, quæ repetenda est tertia quaque die per duas alias vices; & singulis noctibus per totum morbi decursum sumat Purgatorium ex syr. de meconio ℥j.

℥. Conserv. rosar. siccat. ℥ij. trochisc. de terra Lemn. ℥jss. Cort. granator. & Coral. rubr. præp. an. ℥ij. lapid. hematis. sang. dracon. & bol. Armen. an. ℥j. cum s. q. syr. e Coral. simpl. f. Elektuar. de quo sumat ad magnitud. nuc. Moschat. maj. mane & quinta pomerid. superbibendo seq. Julapii Cochl. vj.

℥. Aq. germin. quercus & plantag. an. ℥iiij. aq. Cinnamom. hord. & syr. de rosis siccis an. ℥j. spir. Vitriol. q. s. ad gratiam aciditatem.

℥. Fol. Plantag. & urtica an. q. s. contundantur simul in mortario marmor. & succus exprimatur, qui postea clarificetur. Cap. cochl. vj. frigide ter vel quater in die. Post primam purgationem applicetur Emplast. seq. regioni lumborum. ℥. Emplast. Diapalm. & ad

¶ *ad Herniam an. part. equal. misf. extendatur super Abutam, & f. Emplast.*

Dixta refrigerans incrassantque imperanda, nisi quod e re erit semel vel bis in die vini clareti haustulum ægæ indulgere, quod etsi minus conveniat in quantum ebullitionem ciere aptum natum sit, ad vires tamen refocillandas concedi possit. Atque hæc quidem methodus ut sceminiis hoc modo affectis apprimè proficua sit, ita eadem iis, quibus Abortus periculum imminet, non minus confert. Atqui cathartica & succi hic omittantur.

Est & alia, etsi minus frequens, affectuum hystericonum causa. Nempe post partum laboriosiore Uteri procidentia, magnam hujusmodi malorum Iliada secum trahens, quæ tamen cito ac facile hoc modo sanatur. *℞. Cort. quercus ℥ij. Coq. aq. font. ℥iv. ad ℥ij. sub finem addendo Cort. granator. contus. ℥j. rosar. rubr. flor. granator. an. M. ij. deinde adde Vini rubri ℥℥. Colatura sit pro Fotu, qui cum pannis laneis parti affecta admoveatur mane horis duabus antequam e lecto assurgat, & nocte post decubitus donec symptomata penitus evanuerint.* Sed de his plus satis.

Habes tandem, Humanissime Vir, eorum summam quæ a me in hujusce morbi sive historia, sive curatione hætenus fuerint observata. Restat, ut si quid forte peccaverim, ista minus quam oportuit accurate describens, veniam a te petam; tum ut opellam hanc, eo animo exaratam ut gratias tibi referam, quod alia nostra conamina, qualia illa fuerint, tuo calculo probare haud dedigneris, æqui bonique consulas. Quæ quidem gratulatio mihi ita raro obvenit, ut vel nihil prorsus ab hominibus sim promeritus, vel candidi ingenuique isti, quos ea mentis præstantia Natura effinxit, ut grati esse norint, perpauci sunt; Vix totidem quot *Thebarum portæ, vel divitis ostia Nili.* Quo non obstante pergo adhuc, imo & pergam, in ediscenda promovendaque quoad potero methodo curandorum morborum, atque iis, qui me minus in praxi valent (si qui sunt ejusmodi) instruendis. Famæ meæ interim arbitrium penes alios sit. Aqua enim lance & scrupulose expendens, hominesne juvare præstet, aut ab iisdem celebrari, prius illud præponderare comperio, & maximi sane momenti esse ad animi tranquillitatem; Famam vero populique halitum pluma leviorē aut bulla, atque umbra infomniū magis evanidum. Quod si opes ejusmodi no-

minis celebritate partæ majas aliquod pondus habere videantur, fruuntur illis per me licet, qui jam corraferint. Meminerint tamen mechanicorum nonnullos, artes vel sordidissimas exercentium, uberiores quotidie quæstum facere, & majorem auri argenti-que vim posteris legare; neque tamen in hoc brutis animalibus superiores evadere, qui sibi suisque pro sua indole prospiciunt; & si recta ex animi arbitrio & virtute, nata excipiamus (quorum non est capax brutorum Natura) hoc plane exæquant bellux, imo & alios qui non eum sibi vitæ scopum proponunt, ut prosint quamplurimis. Commendatum me habeas, rogo, Viro sagaci & eruditissimo D. Kendrick, tibi mihiq; amicissimo; utpote cui debeam quod tuum in me ita propensum animum resciverim, eamque, qua me complecteris amicitiam, eo internunciō, didicerim. Conabor quantum in me est, mutuas officiorum vices reddere, & par pari referre, utpote qui sum jure meritoque, Vir dignissime.

Londini,
Jan. 20. 1681.

*Tibi Devotissimus, Tuique
semper Studiosissimus*

THOMAS SYDENHAM.



DE variolis hætenus Clarissimus noster Auctor, in variis hujusce Operis locis, ac præcipue in primis ultimæ hujus Dissertationis paginis, accuratissime pro more scripsit, ejusque morbi contagium inter homines tum juniores, tum etiam adultos & senes, ita subinde se spargens, ut ejus necessitatem, si ita loqui liceat, vix ex centenis paucissimi evadant, abunde explicuit, curamque, tam atroci quandoque morbo aptissimam exhibuit. Verum in eodem argumento aliquid se nobis offert infrequentius ac minus familiare; contagium scilicet Variolicum armenta quandoque invadens, de quo docte ac præeleganter commentatus

tus est Clarissimus Ramazzini, post-
que cum Clariss. Dnus Herment, Me-
dicus in Galliis Regius, ac Peritiss.
Dnus Drouin Legionis Prætorianæ,
ibidem Chirurgus Primarius, in id a
Rege Christianissimo deputati. Horum
autem ultimorum Schedas hic omitti-
mus, unica Clarissimi Ramazzini Dis-
sertatione, quam jam exhibemus con-
tenti. Illa autem sic inscribitur, &
hæc est.

D E

CONTAGIOSA EPIDEMIA,

Quæ in Patavino Agro, & tota fere
Veneta ditione in Boves
irrepsit.

DISSERTATIO

HABITA

IN PATAVINO LYCEO

A BERNARDINO RAMAZZINI

Præticæ Medicinæ Professore Primario.
Die IX. Novembris MDCCXI.

SI veri speciem præfert quod vulgo dici
consuevit, & apud sapientes quoque re-
ceptum, consuetudinem vim quandam legis
obtinere, ut qui illam violarit, si non ple-
cti, laudari tamen haudquaquam mereatur,
qualem mihi legem ipsemet imposuerim,
modo quamvis sero nimis agnosco. Etenim
cum annus iste secundi sexennii, ex quo in
hoc celeberrimo lyceo practicam medicinam
profiteor, sit complementum, ac quotannis
in solemnî studiorum Instauratione, ut diu
feriatam juventutem ad studia capeffenda
allicerem, oratione aliqua proludere consue-
verim, nunc mihi jam effæctis corporis at-
que animi viribus, quando ætas prædatrix
omnia secum aufert, magnum onus incum-
bere video, si consuetudini meæ nondum
interruptæ obsecundare velim, ac vestram
expectationem non omnino fallere. Auden-

dum tamen ratus, in unum coactis, qui
superfunt spiritibus, ita me comparaveram,
ut quod antea præstiteram, hoc anno quo-
que pro viribus præstarem. Post aliquot igitur
meditationes, argumentum non incurio-
sum, ut reor, nactus fueram, circa quod
ingenii mei vires exercebam, cum præsens
hæc autumnalis constitutio præter modum
insolens, atque ominosa, Opus quod molie-
bar, & ab umbilicum pene deduxeram, mi-
hi e manibus excussit, & aliud argumen-
tum a Medicis amœnitatibus longe diver-
sum suscipere coëgit, vestra tamen attentio-
ne A. O. non indignum. Nemo non no-
vit, quam inopinate, quam violenter bubu-
lum genus dira contagio pervaserit flammæ
ad instar, quæ ope nulla humana consopi-
ri, nedum restringui potuerit. Hæc primum
quidem in Vicentino Agro subobscurè ob-
servari cœpit, mox in Patavinum transgre-
ssa, aperte se prodidit, ac longe lateque ef-
fusa, usque ad ipsa urbis pomœria, tam
magnam ac horrendam boum stragem edi-
dit, ut tum rura, tum civitatem incerore,
ac metu complerit. Mœret rusticana plebs,
imo stupet attonita, dum ampla bovia va-
cua, ac deserta intuerur, dum quotidie fere
tumulos adspicit, in quibus sepulta sunt
fortunæ suæ pignora, propriis natis forsan
etiam chariora, dum bobus extinctis, equos
ad frumenti sationem parum aptos cogitur
sufficere.

*Quid labor, aut benefacta juvant, quid
vomere terras*

Intervenisse graves?

Sic miserandam agricolarum sortem desle-
re libet cum Poetarum Principe, qui ter-
tio Georgicorum huic non absimilem boum
cladem carmine descripsit. Mœrorem dissi-
mulare nequeunt cives, & nobiles viri, dum
prædia sua, & villas, præcipuo ornatu, &
patrimonio orbatas intelligunt, atque etiam
vident. Tristatur, ac dolet plebs urbana,
dum annonæ, rerumque omnium, quæ ad
victum spectant, caritatem brevi secuturam
prænoscit. Nemo est igitur, quæcunque sit
ejus conditio, qui damnum aliquod non sen-
tiat, & graviora quoque non timeat. De
hac igitur tam portentosa boum clade ho-
dierna hac mea Dissertatione, seu potius
prælectione, quam hoc anno ad tractatum
de febribus, ac præsertim de febre maligna
ac pestilenti, sum habiturus, verba facere
constitui, hujus morbi indolem, casus per-
vestigando, quibus remediis illi obviam sit
eundum.

Nec

Nec obtrudat quisquam, in hoc tam celebri lyceo, ab hac exedra, quæ ordinis sui primatum obtinet, indecorum esse pro Hippocratica doctrina M. Varronis, Palladii, Columellæ, Vegetii, aliorumque Veterinariæ artis Scriptorum documenta tradere; regeram enim ego, magnum Hippocratem, cui nullius rei scientia vilis habita est, non puduisse de boum morbis verba facere: in Libro enim de Articulis rationem adfert, cur bobus tam facile contingant semorum luxationes. Præterea si congruentia, quæ omnibus in rebus momentum habet non leve, hic quoque suam meretur animadversionem, tractatio de hac boum epidemia nostri muneris est, Illustrissimi, & Spectatissimi Professores. Vobis quæso succurrat, quoniam in loco nos simus, & professorium munus exerceamus? Nonne in lyceo, cui a Majoribus nostris bovis nomen est inditum? neque inauspicato, quando bos iste suis mugitibus, hoc est doctrinæ robore totum literarum orbem implevit, ut nulla pars sit tam longe dissita, quæ ad illius celebritatem non reboet, ac ubi non colatur magis illius nomen, quam olim Serapis in Ægypto. Si ergo sub signo bovis militamus, si bos iste nos pascit, quis erit tam vecors, seu tam malignæ indolis, qui indecorum putet, provinciam hanc suscipere, quam detrahare vellet impium, & nefas esset; eoque magis, quod ab Excellentissimo Magistratu, qui sanitatis tutelæ Venetiis præsidet, ac postremo ab ipso Serenissimo Principe demandatum est celeberrimo hujus civitatis Medicorum Collegio, serio exquirere, quænam sit hujus morbi conditio, quæ causa, & quibus præfidiis ferocienti in dies malo possit occurrere.

Affectionis genus, quod bubulo generi bellum ad internecionem usque videtur induxisse, ex frigore, rigore, horripilatione, mox ex calore acri, & vehementi per universum corpus diffuso cum pulsus frequentia, febrem esse satis liquet; malignam vero, exitialem, pestilentialem etiam, si mavis; esse aperte testantur, quæ illam comitantur symptomata; qualia sunt, magna anxietas, & gravis anhelitus, etiam cum stertore, & in principio febris, stupor & species quædam veterini, continuus ex ore, & naribus graveolentis materiæ descensus, foedissima alvi proluvies, interdum etiam cruenta, anorexia, & abolita penitus ruminatio, pustulæ quinta vel sexta die per totum corpus erumpentes, ac tubercula variolarum speciem referentia, communis tandem omnium

Sydenham Opera Med. Tom. 1.

eodem modo circa quintam, & septimam interitus, cum boves paucissimi evadant, iique sorte potius quadam, quam remedium dynami. Hæc quidem ex se patent, quid vero intus patiantur miserandi boves, cum jacent anxii, ac stertentes, ac dum stant immoti, capite usque ad terram demisso, conjectare equidem possumus; sed ex mutis animantibus, quæ per nutus nihil significare possunt, nil certi rescire possumus, quod forsitan in causa est, ut difficilior sit curatio. Causam igitur hujusce malignæ febris pro viribus perscrutemur.

Omnibus epidemiis, si a sporadicis affectibus differre debent, id peculiare inest, quod communem causam habeant, sive ab aëris vitio, sive a corruptis alimentis, aut ab aliquo contagioso fomite prognata fuerit, qui ab uno corpore in aliud transmigret, illicque eandem labem communicet. Dissimulare quidem non licet, tempestatum hujusce anni non adeo legitimam fuisse temperiem, juxta illarum naturam, Æstatis præsertim, quæ Veris speciem præferre visa est non admodum latrante Syrio, nec cicadis arbuscula rumpentibus. Annus tamen in universum non insalubris fuit, neque multum in quæstu Medicis, ac Pharmacopolis: nec solum in hac civitate, sed in aliis quoque, & in transpadana regione, ut per litteras accepi, ut parum verax visus fuerit Hippocrates, quod cum æstus veri similis est, autumnales morbos expectare oporteat. Nulla in aëre a Meteoreleſchis portenta visa sunt, nulla in herbis, & frugibus apparere rubiginis signa, quemadmodum anno elapso, quo carbunculari morbo laborarunt fruges, nec tamen noxam ullam persensere armenta, & pecudes, in fructibus tum æstivis, tum autumnalibus, qui omnes serotini fuere, nullæ deprehensæ sunt notæ, quas nebulæ uredo inusserit.

Cælum equidem non consului, ut viderem, num ex aliquo maligno astrorum influxu, pestilentia bubuli gregis causam divinare liceret, ut ex Saturni cum Marte syzigia, in Tauri signo; quemadmodum olim Marsilius Ficinus, in Consilio quodam Thulco sermone edito, ut ab omnibus inteligeretur, pestis quæ anno 1478. totam Etruriam, ac præcipue Florentiam, depopulata est, causam retulit in conjunctione Martis cum Saturno in signo humano (quasi Asterismorum in hæc inferiora virtus ab Inditis nominibus esset petenda, ut si forte hujusmodi conjunctio observaretur in signo Arietis,

M m

tis, aut Piscium, posset aliquis ovilis generis, aut marini populi excidium prædicere) Sed postquam, cum juvenis essem, Pici Mirandulani libros adversus Astrologos legi, judiciariam a studiis meis valere jussi. Aërem itaque, & pascua, ab hoc crimine quod hujus morbi, in causa fuerint absolvere fas erit. Quis enim unquam sibi persuadeat, campos, & prata, talem ab aëre humorem combibisse, qui solis bobus tam dirum esset venenum, ceteris vero animalibus, quæ easdem herbas pascere, esset omnino innoxius? Aliam igitur causam comminisci oportebit, quam nonnisi a contagioso fomite licebit deducere, cujus rei non simplices conjecturas, sed argumentum habemus apodicticum.

Jam satis constat, & in acta publica relatum, ex boum turmis, quos e Dalmatia & conterminis regionibus, mercatores in hæc loca solent adducere, bovem unum a ceteris secessisse, qui a bubulco repertus, & perductus in latifundium Illustrissimi, & Reverendissimi Comitis Trojani Borromæi, Canonici Patavini, pro hospitio, eadem labe qua erat infectus, hospites suos sedavit; illo enim paucos post dies mortuo, paulatim eodem morbi genere omnes misere perire, uno tantum superflite, cui in collo factum fuerat setaceum. Casus iste totam viciniam perterrefecit, sed nulla juvit diligentia, ut domus suas, & casae a flamma nimis vicina præservarent. Istæ itaque contagio paulatim serpens, totam Patavini agri amplitudinem brevi pervasit, quin postremo Padum transgressa, Æmilie populis idem minatur excidium.

Quoniam autem morbofi semini ea est indoles, ut facile sobolescat, & in immensum se propaget, si in subjectum proprium, & muniatum, ut vocant, incidat, cujus rei amplissimum specimen habemus in lue gallica; quæ ex Indiis occidentalibus, a paucis navigantibus ad nos delata, Italiam primo, mox universam Europam, sedissima, & ineluibili labe citissime inquinavit; Non est quod miremur, si per aporias, & effluvia, quæ ad modum atmosphæram expirant a bobus ægris, ab extinctis, & stabulis, a pascuis, quæ ipsimet boves pascendo infecerint, promptius autem & facilius ab ipsis Bubsequis, & illorum vestibibus, (pesti enim volupe est, in lana molliter cubare) non est, inquam, quod miremur, si hæc contagio tam longe lateque sese effuderit. Ubi igitur hæc aura venenata subtilissima bovem

aliquem antea sanum afflarit, spiritibus vitalibus, & seroso latici se consocians, dum in Orbem agitur, naturalem sanguinis consistentiam lædit, & viscerum fermenta corrumpit; quare naturales viscerum functiones paulatim vitiari, & debitas excretiones coerceri necesse est, quod paulatim fieri fas est credere, non enim subito ac bos aliquis venenum istud hauserit, vel quoquomodo illud susceperit, non illico, inquam, virulentiam persentit; ut qui a cane rabido commorssi fuerint, ad longum tempus sibi sani videntur, at postea ex improviso, ad aquæ conspectum palam faciunt, quam durum venenum intus gestarent. Naturalem sanguinis consistentiam ab hoc contagioso fomite lædi paulo ante diximus; suppono etenim, imo pro certo habeo, venenum istud esse de illorum genere, quæ sanguinem potius figant, & coagulent, quam dissolvant; id primum attestantur symptomata, quæ febrem comitantur, nempe anxietas, gravis anhelitus, stertor, & stupiditas, ocularis quoque inspectio, dum a laniis boves extincti diffecantur, qui licet adhuc calentes parum aut nihil sanguinis effundunt. Bos præterea piger ac tardus ex sua natura est, & carnes habet duras, & graves ad staturam, ut ait Hippocrates, data nimirum paritate molis ad carnes ceterorum animalium; ideo illius sanguinem talem esse oportet. Taurinum sanguinem inter venena recensuit Dioscorides, eo quod epotus ad coagulationem in stomacho sit facilis; Prætorius autem propter statulentiam; Themistoclem sanguine taurino calido epoto sibi mortem conscivisse, ex Plutarcho, in ejusdem vita habemus. Mirum itaque non est si venenatus hic fomes, in hujus animantis genere sanguinem ex sua natura crassum coagularit. Hanc cruoris concretionem in malignis febribus observarunt Scriptores, uti Petrus Salius, qui refert in quadam ex maligna febre extincta repertum fuisse in arteria magna sanguinem ita concretum, ut prehensio illius sanguinis altero principio, totus sanguis coalescent, ita integer eductus fuerit, perinde ac gladius e vagina extrahi solet. Idem quoque aliquando in pestilentis accidere testatur Ricardus Lower in tractatu de corde: Nisi autem talis esset in hac epidemia sanguinis conditio, non protraheretur ad tot dies febris; ubi enim sanguis est nimis dissolutus, & vis deleteria humorum corruptioni prævalet, febrilis calor est adeo mitis, ut ægri interdum se febrile non putent,

tent, sed citissime intra unam vel alteram diem occumbant. Postquam igitur fermentificus, & pestifer hic sones per venas, & arterias tanquam per cuniculos totum corpus peragravit, tunc, tanquam hostis ex insidiis erumpens feritatem suam patefacit, febrem malignam excitando, quæ intra quintam, aut septimam, laniationem suam absolvit, indiscriminatim boves, aratores, tauros, vaccas, juvencos, vitulos jugulando.

Hujus autem pestis primam originem, num hos ille peregrinus eam aliunde susceperit, vel in ipso primum genita fuerit, exquirere ad rem nostram parum refert. Necesse est enim quemadmodum in libro de contagione tradit Fracastorius, ac pariter Joseph Aromatarius, in libro de rabie contagiosa, quod ad aliquod animal tandem sit deveniendum, in quo productum fuerit morbosum seminum. Extra enim controversiam est non solum in brutis, sed etiam hominibus per varios corruptionis gradus, generari posse venena, ac talis naturæ humores, qui ad alia corpora symbolica, & analogia facile transeant: sic qui tabe pulmonari laborant, consanguineos suos facile inficiunt, si cum illis consuetudinem habeat; lippitudinem contagiosam esse verus est observatio.

Dum spectant oculi laesos leduntur & ipsi. Multaque corporibus transiunt nocent.

In boum cadaveribus, quotquot lanionum secespitz subjecta fuere coram Excellentissimis Anatomes professoribus D. Molinetto, & Viscardo, id singulare in omnibus repertum est, in omaso nempe, corpus quoddam durum, & compactum; ventriculi parietibus fortiter adherens, magnæ molis, & intolerandæ graveolentiæ; in aliis vero partibus repertæ sunt hydatides, in cerebro, pulmonibus, sicuti etiam ingentes vesicæ solo statu plenz, quæ dissectæ diram mephitum exhalarent, ulcera in radice linguæ, & ad illius latera vesiculæ sero plenz. Illud vero corpus durum, & compactum ad instar calcis, quod in omaso observabatur; primum productum esse contagiosi miasmatis, pro certo habeo, dum tacite sævitiem suam exercens stomachicum fermentum labefaciat, & corrumpit; non enim est credibile, post febrem excitatam conflare hoc corpus intra paucos dies, dum boves ubi primum febrile coeperint, quodcumque alimentum adversantur, nec quidquam, nisi liquidum per os infundi potest: cetera vero, quæ memoravimus, malignæ febris producta esse, facile crediderim, sed omnium phaenomenorum

exactam rationem adferre velle non patitur unius horæ ambitus; ampla enim materia suppeteret ad integrum tractatum conscribendum.

Verum ne amplius vos morer, A. O. ad ea properabo, quæ sunt dicenda, conjectando nempe, quem finem habitura sit hæc contagio, & num aliquid gravius portendat, ac quod magis refert, quid agendum. Quoad primum, in hac epidemia idem quod in ceteris evenire solet, secuturum existimo, nimirum quod post tot tentamina, tot experimenta, ac præsertim post observatam methodum, quam morborum medicatrix natura servat in iis bobus sanandis, quos maligna febris non sustulerit, felicior curatio possit institui, ac forsitan hujus veneni verum, & specificum remedium reperiri, quo malignum istud miasma penitus extirpari possit. Levamen quoque aliquod expectare licet ab adventante hyeme, ac a ventis aquilonariis, qui tanquam aëris scopæ australes flatus pessimæ semper indolis procul abigant, quales venti per totum Octobris mensem dominatum obtinuerunt. Memoratu dignum est, quod de ventorum potestate supra humana corpora refert Vitruvius. *In insula Lesbo (inquit ille) Oppidum Mitylene magnificenter est edificatum, & eleganter, sed positum non prudenter. In qua Civitate Austro cum flat, homines egrotant, quando Corrus, tussiant, cum Septentrio, omnes in salubritatem restituantur.* Quantum sævierit pestis Octobris mense, austro, & euronoto flantibus, satis vulgatum est, cum plures dies adeo nefasti fuerint, ut neque quotidianis hecatombis, interdum etiam geminatis, funeralis hæc, & execranda febris mitior fieri, nedum placari potuerit. Scio equidem, calori, & frigori morbos pestiferos non admodum auscultare, cum alias fuerit observatum, in summo æstu, & summo frigore pariter sævisse hominum pestem: attamen cum feralis hic morbus, qui celeris est motus, ortum habuerit æstivo tempore, incrementum, atque etiam suam acmen autumnali, sperare licet, quod hyemali tempore finem, & sui desitionem, ope divina sit habiturus.

Num autem hæc epidemicus bovini populi morbus longum in tempus perseverans, humanis corporibus labem aliquam affricare valeat, ut nonnulli suspicantur, non alienum est disquirere. Si in morbis malignis, qui ratiocinia nostra sæpe eludunt, quidquam ponderis habent rationum momenta,

sperare licet homines intactos, & illæfos relicurum esse; etenim si trium mensium spatio lues ista alia ruminantia, & cornigera non attigit, quamvis inter ea magnus sit symbolismus, nec equos, sues, ac alias sylvestres feras hæcenus quidquam læsit, non apparet ratio, cur homines, qui ab istis animantibus tam longe distant, debeat afficere.

Non sum nescius inter futuræ pestilentiz signa, quæ plurima sunt, recenseri solere non boum solummodo, sed aliorum quoque animantium stragem, qualis ea fuit, quæ Ægyptum insulam depopulata est, de qua Ovidius:

*Strage canum primo, volucrumque,
aviumque, boumque.*

ac ea, quam memorat Livius, quæ in Sicilia Romanum exercitum, & Carthaginensem pene delevit, de qua Silius Italicus:

*Vim primi sensere canes, mox nubibus
æris*

*Fluxit deficiens, penna labente, volu-
cris.*

Cui aliam non abfimilem refert Dionysius Halicarnassensis, quæ primo equorum, boumque armenta invasis, mox pecudes, & alia quadrupedia aggressa est, deinde Pastores, & Colonos attigit, & totum Romanum agrum pervagata, Urbem invasis. At illorum temporum pestilentiz non in solis bobus, sed in omnibus animantibus, ut ipsis etiam maris piscibus non parceret, (qualis ea fuit, quam Lucretius carinine descripsit) levitatem suam exercere, ut quæ ab æris vitio ortum duxissent; de quo non habemus quod suspicemur; in solis enim bobus, & facilius in iis, qui habitiores, & pinguiores essent, quam in gracilibus, hæc lues alimentum invenit, quo rabiem suam pasceret. Magna tamen cautione utendum est in tumultandis cadaveribus, terra alte defossa, quemadmodum publica edicta præscribunt; si quid enim timendum, præcipue a nimia cadaverum copia, ex quibus minus apte humatis, ac postea putrefactis, redeunte vere, pravi halitus ærem inquinare possint. Bonum autem esset, in loco inculto, seu in pratis, quæ arationi non sunt subjecta, cadavera humare. Ubi enim de morbo contagioso agitur, nunquam satis cavemus, dum cavemus. Quoniam autem, solutis in liquamen cadaveribus, necesse erit, terram subfodere, censerem, bonum esse, novam terram superingerere, in illam conjiciendo grami-

nis, aliarumque herbarum semina. Refert Petrus Forestus Delphis apud Batavos, peste jam sopita, & cœmeterio Templi vetusti, cadaveribus oppleto, habitam consultationem inter Medicos, num calce, aut lapidibus illud cœmeterium esset obruendum, ac decretum fuisse ut multa terra superinduceretur, atque in eam varia herbarum semina conjicerentur, ut crescente gramine, & clausis spiraculis, lues minus denuo suppullularet.

Silentio tamen præterire non licet, observatam aliquando pestem in solis bobus, ac postea secutam hominum pestilentiam; interdum etiam hominum pestem in boves terminasse. Primum exemplum habemus ex Livio, qui scribit pestem magnam in boves ingruisse, sequenti anno ad homines vertisse. Secundum vero apud Ripamontium Chronistam Mediolanensem, qui in Libro de Peste, quæ anno trigesimo exacti nuper sæculi cispadanam, & transpadanam regionem pessime multavit, pestilentiz hominum, pestem boum subsecutam refert. Hisce tamen duobus monumentis totidem habemus, quæ opponamus nec longe petenda. Primum a celeberrimo Fracastorio, qui in Opere doctissimo de contagione scriptum reliquit, anno decimo quarto supra sæculi millesimum diram pestem in solos boves irrepsisse, quæ in tractu Forojuliensi primum nata, exinde vique ad Euganeos, postmodum in Veronensem agrum, aliasque Venetæ Ditionis regiones delata, magnam boum cladem ediderit eodem ferme modo, ac iisdem symptomatibus, ut hæc nostra illius soboles videatur. Alterum monumentum suggerunt nobis manuscripti artis lanionum, quibus non est deneganda fides, quales libri in hac civitate asservantur, in quibus ad posterorum memoriam ab Antonio Faccio scriptum legitur, anno nonagesimo nono ejusdem sæculi, quo vixit Fracastorius, adeo gravem in boves pestem grassatam, ut publicis Augustissimi Senatus Venetæ edictis vetitum fuerit, ne caro bubula, caseus recens, butyrum, lac sub capitali poena in hac civitate vendi possent, sed solis carnibus vervecinis vesci liceret; attamen iis annis nihil sinistri, præter rei familiaris damnum hominibus obtigisse, certo scimus. Habemus igitur unde spes nostras alamus.

Utrum autem, grassante hac epidemia, carnis bubulæ sanæ credere adeo tutus sit usus, ut noxam ullam humanis corporibus non possit inferre, abs re non erit disquire-

re,

re . Res equidem suspitione non vacat ; etenim , etiamsi bos antequam ad lanienam ducatur , fuerit observatus vegetus , atque hilaris , ac postea in illo jugulato , & excoxiato , nullæ in visceribus deprehendantur corruptionis notæ , quæ in ceteris , qui ex hoc morbo intereunt , deprehenduntur ; at tamen certi non sumus , quod bos ille contagiosum fomitem non gestaret , quod aliis etiam communicare posset ; credibile est enim , paucos apud nos esse boves , qui astatum hunc malignum non persenserint , licet sani degant ; morboſi enim semini ea est subdola malitia , ut hominum iudicia non raro fallat ; perſæpe enim evenit , ut qui illud in se continet , & secum circumfert , læsionem nullam sentiat , nec forsitan sensurus sit , in alium tamen ejusdem speciei possit facile transferre . Hujus rei exemplum habemus in gallico morbo ; non raro enim contingit , ut aliquis a muliere infecta luem suscipiat , nec quidquam sentiat , & uxori postea eam communicet , sic ut illa paucos post dies gonorrhœa , vel bubone corripiatur ; ex quo fit , quod non leves rixæ , & jurgia inter conjuges oriantur , & uxor pudicitia suæ conscia virum maledictis incessat , quod ab illo tam fœda labe inquinata fuerit ; ille autem , qui se perfecte sanum agnoscit , nec quidquam de infectione suspicatur , de conjugis fide non parum dubitet . Qua de re legendus Paulus Zachias , Mercurialis , Gaspar a Rejes . Circa esum carnis bubulæ memoratu dignum est quod refert Theodoricus Skenkius in Hist. humor. gen. cap. 2. his verbis ; *Olim decretatum Venetiis , & Patavii inter lanios , & incolas , quod illi ex Hungaria boves adveſtos , emptos & mactatos in macello venditaſſent , quos tamen cives lue quadam infectos fuiſſe noverant , cum fluxu alvi cruento tentati plurimi periſſent , translato nimirum ab uno ad alterum contagio . Hac de re conſulſi Medici Patavini , in ea fuere ſententia , carnes hujusmodi eſui adhibitas innoxias eſſe , eo quod eſſet contagium particulare , & ſpecificum , ac omnis malitia fuiſſet emendata ac diſcuſſa a prævia agitatione gymnastica , antequam boves mactentur . Contrariam opinionem ſuſtinuiſſe Medicos Venetos tradit Chriſtophorus Fridericus Grammannus in Opere ſuo eruditiffimo de mortuorum miraculis , eo quia carnes hujusmodi eſſent contagioſæ , & cadaverolæ . Fabius Paulinus Medicus Utinenſis controverſiam hanc dirimere aggreſſus eſt : ſuam enim ſententiam dixit , nimirum ſi neceſſi-*

tas urgeat in cibum carnes vocare , ſale ac aceto prius probe eſſe macerandas , viſceraque cum aliis interaneis eſſe abjicienda , cum in iis cauſa morbiſicæ focus & nidus exiſtat . Qualis cautio num ſufficiat , & omnem dubitationem tollat , liberum cuique eſto iudicium .

Quid ergo agendum in tam exitiali morbo , qui bubuli generis extinctionem videtur interminari ? In id unum incumbendum eſſe , perſuaſum habeo , ut per univerſalia alexipharmaca (quando particulare , & ſpecificum hujus veneni remedium non habemus) miasma iſtud peſtiferum extingatur , aut ſaltem enervetur , ut natura roborata illud ad cutis ambitum ableget , atque extrudat , quando per ulcera , puſtulas , & tubercula in iis bobus , qui evaſere , ſponte excitata , ipſamet natura nobis indigitavit , qua via ſit incedendum . Crediderim itaque in curatione hujus malignæ febris , ea methodo procedendum , quæ a bonis Medicis ſervatur in curanda varioloſa puerorum febre , diſtinguendo tempus ebullitionis a tempore expulſionis ; tempore nimirum ebullitionis erit caute utendum remediis calidioribus , ne intendatur calor febrilis , & plus æquo efferveſcat maſſa ſanguinea , cui facile ſuccedit perturbata coctio , quam natura reſtrix intendit ; qua in re non leviter peccatum eſſe cenſeo , cum hujus febris initio ad calidiora cardiaca ventum fuerit , & præcipue ad vina meraciora cum multa theriaca ; quare præpoſterum remediorum uſum , ſtragem longe majorem edidiſſe cenſeo , quam febrem ipſam . Non deſunt medicæ praxis docti Scriptores , qui in varioloſis conſtitutionibus in principio febris præcipitantibus utendum eſſe volunt . Dum hæc ſub prælo eſſent , apud amicum ea legi , quæ Illuſtriſſimus D. Joannes Maria Lanciſius Clementis XI. P. O. M. Archiater meritiffimus , ac intimus Cubicularius perdocte , & erudite , ut ſolet in omnibus , de hoc morbo conſultus , ſcripſit ; nam inter varia monita , hoc habet , quod cardiacis acida ſint maritanda . In febris itaque principio moderate agendum per alexipharmaca , in progreſſu vero morbi , & deſpumationis , & expulſionis ſignis liberalius bezoardicis utendum .

Ut autem ad remediorum materiam deſcendamus , quando id unum eſt , quod expetitur , & a nobis exigitur , nequaquam vero nuda verba . Quod præſidia externa , ſanguinis miſſio viſa eſt improſpere ceſſiſſe , idcirco cœpta eſt omitti ; nihil tamen ſevi-

tiz

tiæ suæ remisit morbus ; imo truculentior factus est . Equidem in omnibus epidemiis suspecta est phlebotomia , sicuti purgatio , unde Celsus : *Sanguinem non facile mittere, alvum non facile ducere* ; in febre tamen variolosa passim mittitur sanguis , in pueris bimis , aut trimis per cucurbitulas scarificatas , & quibusdam in locis etiam per venam sectam , in principio tamen febris . In hac itaque boum febre , non salubrem tantum , sed necessariam fore venæ sectionem crediderim , ad sarcinam minuendam , ut mitior fiat ebullitio totius massæ sanguineæ , & per sua vasa circulatio . Cum enim , ut diximus , bovis cruor ex sua natura sit valde crassus , & ad facilem concretionem pronus , atque venenum istud de illorum sit genere , quæ massam sanguineam coagulandi vim habent , quo precor remedio laboranti bovi , & anhelanti ob sanguinis concreciones in vasis sanguifluis , in pulmone , in corde , quam per ipsam sanguinis missionem promptius , & facilius poterit succurri ? Animadversione dignum est , quod lues ista , boves robustos , & valde obesos facilius corripit , macilentos vero , qui vix ossibus hæreant , prætergrediatur ; propterea in hac febre quæ non absimilis est iis , quas appellant inflammatorias (quales sunt , quæ in pleuritide , peripneumonia , angina observantur) sanguinem in fervorem actum , & alioquin ad coagulationem aptum , detrahere , salutare consilium erit . Clamitet autem ad ravim usque contra hanc operationem , quisquis velit ; non enim video (si tamen per analogismum in curanda hac febre licet procedere , ut in curatione febris pestilentis quæ homines corripit) ego , inquam , non video , cur miseranda hæc animalia , dum febriunt , & oculis lacrymantibus , opem aliquam quodammodo implorant , hoc magno remedio debeant destitui ; morbi enim magnitudo , plethorica dispositio , ob pascua hoc anno solito uberiora , phlebotomiam manifeste exposcunt , in principio tamen febris , dum vires validæ permittunt , quam doctiores Medici in febre pestilenti , uti Sennertus , Septalius , Antonius Ponce , Sancta Crux , Fracastorius , & alii gravissimi Scriptores admittunt . Certe vires horum animalium , in ipso etiam vigore morbi satis validas esse observavi , e stabulis enim educti , & per campos circumducti experiundi causa , num herbam aliquam velint pascere , robuste incedunt , & suæ libertati relictæ , ad stabula prompte recurrunt . Circa porro vena-

rum delectum , non adeo laborandum ; ubi enim ad vasorum plenitudinem tollendam mittitur sanguis , parum refert , an ab hac , vel illa vena mittatur .

Inustiones quoque lato ferro candenti faciendæ in collo utrinque , sublata enim eschara , apparebunt ulcera , quæ vesicantium loco esse poterunt ; aures quoque rotundo ferro perforandæ , indita postea radice hellebori , ut veterinarii Scriptores suadent , similiter sub mento perforanda palæaria , injecto postea funiculo , quem setacetum vocant , indiget enim natura aliquo emissario , per quod venenum istud exanthlet ; nulli enim comperti sunt evasisse boves , nisi per pustulas in cute excitatas , multum crassæ , ac fœtidæ materiæ fundentes , nec bovem ullum , qui sic purgatus fuerit , recidivam passum fuisse adhuc accepi ; nam ex Hippocratis oraculo in sexto Epidemicorum : *Quid quid suppuratur non revertitur ; ipsa enim maturatio , & judicatio simul , & abscessus* . Observatione dignum est , quod refert laudatus Fracastorius , ait enim , *eos boves , quibus labe a faucibus ad armos descendebat , & inde ad pedes , sanatos fuisse , quibus autem hæc permutatio non fiebat , ut plurimum interivisse* . Linguam , & palatum , aceto , & sale colluere sæpius oportebit ; frictiones pluries in die faciendæ ad faciliorem perspirationem obtinendum , ac ut cutis paratior sit ad recipienda rejectamenta nervorum , & articularum in glandulas . Cum persæpe in faucibus generentur tumores & crustæ , ut sit in variolis , ut nihil per os possit infundi , compertum est baculum salignum viridem butyro inunctum , longitudinis ulnæ , & amplius per os inditum , valde contulisse ad impedimentum illud tollendum .

Quoad præfidia interna , hæc e triplici regno erunt petenda . E vegetabili plantas multas habemus cardiacas , quarum magna est supellex ; Decoctio itaque in aqua fieri poterit ex foliis scordii , cardui benedicti , dictami Cretici , centauri , radicibus gentianæ , tormentillæ , scorzonæræ , & similibus , quibus addi poterunt cicoracea ad illarum calorem temperandum , quæ decoctio , bis , vel ter in die per os infundi poterit ad duas , vel tres libras . Cum vero febris ad statum pervenerit , decoctio ista ex prædictis plantis debet esse saturatior ad expulsionem promovendam . Camphora quoque magnum antipestilentialia , accensa , & in aquam coniecta , potionem efficiet aptam ad pestiferum miasma perdomandum , & diaphoresim promo-

movendam. Pulveres quoque ex iisdem plantis parati, & in aqua cardiaca dissoluti, exhiberi poterunt.

Ut autem præter universalia alexipharmaca, quæ pro malignæ febris curatione a vegetabilium classe abunde suppetunt, aliquod singulare proponamus, placet expendere, num solemne illud antipyreticum, h. e. cortex Peruvianus, vulgo China China, ad malignam hanc febrem expugnandam salutare remedium esse possit. Equidem hoc præsidii genus in febribus periodicis miranda præstat, ac præsertim in tertianis intermittentibus malignis, quæ in ipso impetu accessionis, ægros interdum necant, quarum febrium in constitutionibus meis epidemicis Mutinensibus mentionem habui; hoc enim febrisfugum, fermentum illud malignum, si ve penitus restinguit, si ve ita enervat, ut periculum illud tollatur, ne æger in ipso febris accessu intereat; at in febribus continuis, & inflammatoriis, perraro ex corticis Peruviani usu, febrem solutam observavi; si tamen habenda fides Richardi Mortoni rationibus, & experimentis, qui in quacunque febre venenum quoddam spiritibus vitalibus hostile agnoscit, cur in hoc bovini generis morbo experiri non licebit hujus febrisfugi virtutem? Ist hæc enim boum febris continua, & acuta, a febribus continuis ab aliqua inflammatione comitatis, quæ homines corripit, nullatenus differt; licet Joseph Aromatarius ex Antiquorum doctrina differentiam aliquam statuatur inter febres brutorum, & febres hominum, ut brutorum febris *ακαυστος*, hominum vero *μικτός* vocetur. Possent itaque unciz tres pulveris Chinæ (Chinæ) quando hujus remedii largior dosis esse cœpit, quam olim) infundi in libris decem vel duodecim aquæ cardiacæ, seu vino non admodum generoso, quæ infusio inservire poterit pro quatuor, vel quinque dosibus, his illam in die exhibendo, in febris tamen principio, & cum primum bos ægrotare cœperit.

Sua quoque remedia suppeditabit regnum animale; cornu cervi primas tenebit, infusio itaque ac decoctio, & quæ ex eo parantur remedia erunt ex usu. Pulvis viperinus, qui febrilem calorem non adeo intendet, bis in die exhiberi poterit ad drachmam unam, in aqua cordiali tepida pariter dissolutus; efficacior tamen esset vipera una, vel altera in qua cordiali decocta: febris enim ista intra paucos dies cursum

suum absolvit. Quoniam autem inter cetera symptomata, gravi anhelitu, & stertore boves premuntur, sperma ceti tanquam remedium aptum ad dissolvendas sanguinis concretiones, & in asthmate usurpari solitum, præscribi poterit ad drachmas duas in vino tepido dissolutum. Mineralia quoque, ut quæ non tam facile a calore nativo, & digestiva facultate alterantur, uti vegetabilia, & animalia, sed integris viribus corpus pervadunt, symbolam suam conferent. Antimonium diaphoreticum, paratu facile, & exiguae impensæ, quod nihil aliud est, quam antimonii crudi in pulverem contriti, cum æquis partibus nitri, in crucibulo, vel mortario æneo per carbonem ignitum, aut bacillum ferreum candentem, conflagratio, ter, vel quater repetita, addita semper novæ conflagrationi æquali portione salis nitri, erit proficuum remedium ad obtinendam illam, quæ expetitur, expulsionem diri veneni ab intimis ad extima. Quoniam vero repertos ajunt esse lumbricos, & ascarides in intestinis, quod persicile est credere, cum etiam in pestilentiis hominum observari soleat verminatio, non solum in ventriculo, & intestinis, sed etiam in aliis partibus, quod in scrutinio Pestis tradit Pater Athanasius Kircher e S. J. & animatam putredinem appellat, ad remedia anthelmintica erit confugiendum; Mercurii infusio, ad libram semis super cineres calidos, in aliqua ex prædictis aquis optimum erit remedium, ceteris quæ decantantur præferendum; quando enim inter helminthicos Scriptores disputari solet, num acida, an dulcia ad vermes necandos sint usurpanda, Mercurium, licet insipidum, id valenter præstare, & frequenti in usu esse, pro certo habemus. Idem quoque efficiet Mutinensis agri petroleum; præter enim id, quod vermes enecat, putrescentiam quoque corrigit, & diaphoreses erit stimulus. Nostrates rustici, cum vitulos habent verminantes, quod facile deprehendunt ex odore, quem vituli expirant, cum lacte exhibent istud petroleum, ad guttas aliquot per os infundendum.

Quoad alimentum, portiones parari poterunt, ex farina hordei, tritici, panis contriti ad instar ptisanæ. Pro potu laudatur scæni puri, odorati, mense Maji collecti, in aqua maceratio, quod potionis genus hisce animalibus gratum esse observavi. Externorum quoque habenda est ratio. In loco calido boves detinendi, & custodiendi strag-

gulis cooperti, cavendo quantum licet ab aëre frigido; quotidie stabulum suffumigando ex baccis juniperi, galbano, & similibus.

Atque hæc quidem ad therapcejam, modo pauca quædam documenta pro hujus morbi prælectionis coronide, in prophylaxeos gratiam lubet proponere, quando longe præstantius est præservare, quam curare, sicuti satius est tempestatem prævidere, ac illam effugere, quam ab ipsa evadere. Cum igitur boves ab agris post labores in stabulum ad hyemandum jam sint deducti, ut milites ad castra hyberna, magna diligentia studendum erit, ut ea loca, in quibus boves sani degere debeant, munda sint, quantum fieri potest, ac sæpe suffumiganda, quæcumque animalia, ut sues, oves etiam ab illis arcendo. Solent rustici, ut stabula hyeme sint calidiora, finum, & excrementa boum in iis cumulare, sed satius si quotidie alvinas fæces alio adportent. Consilium salubre erit parietum crustas abradere, eo modo, quo Judæi ex legis edicto jubebantur cubiculorum, in quibus leprosus aliquis habitasset, parietes crusta denudare, & flore calcis obducere, solum autem in hoc casu muros eradere sufficiet; timere enim licet, ne recentis calcis odor hyemali tempore bobus inibi conclusis possit officere. In id quoque erit incumbendum, ut pura, & munda sint illorum alimenta, cavendo, ne scænum, palea, & alia, a pluviis, & illuvionibus fuerint inquinata; parcius quoque erunt alendi, ne plus æquo pinguescant; non enim hoc anno polysarcia, sed sanitas procuranda, æstate quidem, quo tempore, in frugum tritura, aratione, & plaustrorum vectura exercentur, ac multum est quod dissipatur, plenius sunt alendi; aut hyeme, hoc anno præcipue, quo suspecta est saginatio, & macies tutior visa est, moderata diætâ in iis nutriendis erit utendum.

Frictiones pluries in die adhibendæ, non solum manu, sed strigilibus quoque, multum enim conferent ad sanguinem in sua fluiditate continendum, simulque ad superfuitatem exhauriendam, si præsertim frictiones sint validæ: habet enim hoc præsidii genus varias facultates, modo implendi, modo extenuandi. Celsus ex Hippocrate scripsit: *Frictione, si vehementis sit, durari corpus, si lenis, molliori, si multa, minui, si modica, impleri*. Si nimis pin-

guescant, quandoquidem hoc anno copiosa erit bubuli generis annona, posset etiam institui phlebotomia, sed diætâ si fuerit conveniens, venæ sectionis, atque etiam purgationis erit vicaria. Postremo cum ex observatione boum, qui in hac tempestate evaserint, satis constet, naturam per crustas, & ulcera excitata in corporis ambitu, & multam saniei expurgationem, morbosum illud miasma, luem hanc expugnasse, sanum consilium foret emissarium aliquod in bobus sanis aperire, per quod si qua sint vestigia morborum semini, illa sensim extrudantur. Aureum documentum habemus ex Hippocrate in 6. Epid. ad rem nostram accommodandum, hisce verbis: *Decubitus quidem, in quibus facta tollit, hæc ante facta prohibet*. Locus quidem subobscurus est, uti sunt Hippocratis oracula, sed illum egregie explicat Vallesius. Ait enim, decubitus a natura factos, qui sunt aliorum morborum medela, eosdem morbos antevertere, & præservare, si tales decubitus arte procurantur, non simpliciter tamen, quemcumque decubitus, sed illum, qui facta tollit. Non inutile igitur foret sanis bobus, palearia sub mento candenti ferro perforare, atque funiculo indito, apertum illud diu servare, ut per illud paulatim egerantur impuritates illæ, quæ hujus contagiosi somitis sunt soboles, & in capite potissimum acervari solent.

Sed cur ingenii mei tenuitatem frustror, ac divexo, ut morbi hujus naturam, & causas explorem, ac medicinæ præcepta ad veterinariam traducam? Jamdudum veram, & immediatam hujus ferini morbi causam agnovit, ac patefecit Purpurati Principis, ad hujus urbis incolumitatem cœlitus dimissi admiranda pietas, & sollicitudo: nullam aliam scilicet esse causam, quam Deum justissimum criminum vindicem, nobis iratum; sicuti etiam idem unicum, & verum aperuit antidotum, decretis ad plures dies supplicationibus ad cœlestem iram placandam. Magna sane frequentia clausis ubique officinis, ad excellam hujus urbis Basilicam concursus est, ut nunquam alias tantus in unum populi conventus fuerit observatus, nec tanta erga Superos reverentia, ac pietas. Neque vero fervor hujusmodi postea refrixit, uti aliquando fieri consuevit, sed persistit, magno ad alia celebriora urbis Tempia populi confluxu, quin ceteris civitatibus, quæ eodem malo premun-


muntur, exemplo fuit, ut ad divinam opem implorandam publicis precibus confugerent. Hæc tam subito mutata rerum facies, & recens nata hic, & alibi pietas, quam gravium malorum metus expressit, in mentem revocant magnam illam Romanæ urbis consternationem, quam Livius hujus Civitatis immortale Decus, tam egregie descripsit, quando nimirum Annibal, fusus, ac deletis Romanis exercitibus, ex improvviso Romam petiit, ac illam tam arcta obsidione pressit, ut trepidantis civitatis clamores audiret; subito enim terrore perculsus Romanus populus, ad Tempia, & Aras Deorum turmatim concurrebat; ut victimas mactaret, & pro publica salute

vota conciperet; visebantur mulieres sparsis crinibus, effusæ in lacrymas, cum parvis liberis ad Tempia convolantes, ac ibi ad Simulacra Deorum armillas, annulos, aurea monilia appendere, ferreas scilicet Pœnorum catenas, & asperrima vincula metuentes. Hanc eandem consternationem eleganti carmine descripsit Silius Italicus. Labet hic carmina hujus Poetæ vere aurea ad rem nostram apponere.

Tanta adeo, cum res trepida, reverentia Divum

Nascitur, & rare fumant felicibus aræ.

Num hisce temporibus congruant hi duo versus, Vobis A. O. judicandum relinquam.




T H O M Æ S Y D E N H A M M . D . T R A C T A T U S D E P O D A G R A E T H Y D R O P E .

Non fingendum , aut excogitandum , sed inveniendum ,
quid Natura faciat , aut ferat . Bacon.

Doctissimo Viro

T H O M Æ S H O R T M . D .

Coll. Med. Lond. Soc.



N tibi Humanissime Vir , Tractatum de Podagra & Hydrope , loco spissioris voluminis quod animo destinaveram ; Historiam intelligo Morborum Chronicorum , eorum maxime , circa quos mea Praxis potissimum versata est . Cum vero omnem cogitandi vim atque omnes nervos his rebus plus satis intendendo , atrociorum podagræ paroxysmum mihi accerserim , quam quo alias , ut puto , fueram multandus , res ipsa monebat , ut has lucubrationes vel invitatus ponerem , & mihi tandem ipse consulerem , hos tantum morbos duos quoadantenus expedituisse contentus . Quoties enim ad hæc studia me recipiebam , toties & podagra recurrebat . Hoc itaque operis , quale demum id est , accipere digneris ; quod Tibi duabus potissimum de causis dicandum censeo . Primum , quod earum , quas jam olim in publicum dedi , Observationum , a quibusdam despectarum , utilitatem aliquam , non tantum me coram atque in os , sed etiam coram aliis agnoscere atque asserere nullus dubitaveris . Deinde quod ex aliqua consuetudine , quam mutuam habuimus , Consilia in commune pro Aegrorum commodis conferentes , Ego tuum genium deprehenderim ad Praxim Medicam apprime sa-

Elum : quodque tamen si doctrina omnis generis inclarescas , Te tamen natura ad eas potius subtilitates determinaverit , quæ e praxi nascuntur , quam ad inanes speculationes : quæ duo haud minori intervallo a se invicem distant , quam Sapientum res seriæ ac maximi momenti a puerulorum ludo ac crepundiis determinantur : Et fortasse (nisi me fallit observatio mea) perituro in eodem subiecto conveniunt . Quæ tua sagacitas , juncta opportunitate , quam tibi suppeditavit ingens medicandorum copia ad Experimenta stabilienda , Te ad Artis nostræ fastigium evehit : Et meum comitas versus omnes haud vulgaris estimationem , quam nactus es , facile tuebitur . Si quæ hic differui neque tibi , cui ista inscribo , nec pascis illis , ac spectata probitatis viris , quos amicos habeo , vitio dari possint , haud multum alios morabor , qui nulla alia de causa mihi insensissimi sunt , nisi quod aliter tam de ipsis morbis , quam de eorum Curationibus sentiam , atque illi sentiant . Quod ut ita non fieret penes me nullo modo fuit , quando sic a natura factus atque dispositus sim , ut quod temporis alii libris legendis , id ego omne meditatione impendere soleam , neque tam queram , an alii eadem mecum asserant , quam utrum quæ ego trado cum veritate consentiant : utpote qui rumores & vulgi plausum haud magni faciam . Et sane quid tanti est , si officio Civis boni strenue persunctus , & publico commodo etiam cum privato damno inserviens , nullam tamen exinde gloriam reportem ? Cum si rem recte perpendam , consulere existimationi meæ , qui jam senex sim , brevi perinde erit ac si Non-enti consulissem .

Quid

Quid enim mihi post obitum prodesse queat, ut octo Elementa Alphabetica in istum ordinem redacta, ut nomen meum componant, eorum linguis jactentur, qui non magis aliquam mei Ideam animo possunt effingere, quam ego jam queam concipere, qualesnam tandem illi futuri sunt, qui omnes & mortuos prioris sæculi ignorabunt, & aliis, tum dialectis tum moribus utentur, pro rerum humanarum omnium inconstantia ac vicissitudine. At quorsum ego de aliorum judicio sollicitus sim? Si meo aliquo conatu in promovenda & morborum & eorundem Curationum scientia aliquantulum promeritus fuerim, haud diu ista laude fruor: Atque e diverso, si cui minus placuerint mea scripta, vix puto me alia additurum; cum non patiatur ratio sanitatis meæ, ut mundo ulteriores, rem medicam tractando, molestias facessam. Et profecto vel in hoc Tractatulo, quem jam edo, cum manus tremula calamus regere nequiret, operam mihi commodatam ab Amicissimo viro D. Joanne Drake, Baccalaureo in Medicina ex Æde Christi apud Cantabrigenses, agnoscere debeo: Quem quidem virum, & nativus morum candor, & vitæ integritas amicum perquam exoptabilem; animi vero dotes tam a natura subministratæ, quam studio excultæ Humano generi utilem admodum reddent, & beneficium, ubi eam Artem exercere placuerit, quam ita probe calles. De cetero rogandus es, Vir Spectatissime, ut huic meo in te officio, si permolestior fuerim, veniam concedas: quod tamen non aliunde nasci existimes velim, quam ex illo bonore & obsequio, quibus te merito, atque ex animo prosequitur.

Tibi addictissimus

Tuique observantissimus

Londini,
Maji 21. 1683.

THOM. SYDENHAM.

DE PODAGRA:

PROcul dubio æstimabunt homines, vel morbi, de quo agimus, naturam detestari, ac fere incomprehensibilem esse, vel me, quem jam ab annis triginta quatuor vexavit, ingenii tardissimi ac prorsus hebetis, cum meæ tam de ipso morbo, quam

de ejus curatione observationes ita parum votis respondeant. Utur tamen se res habeat; ego bona saltem fide tradam, quæ hæcenus rescivi omnia, difficultates, salubrasque, sive rationem morbi ipsius, sive curationis methodum spectantes, tempori, duci veritatis, evincendas complanandasque relinquens.

Podagra eos plerumque senes invadit, qui postquam meliores vitæ dies mollius, ac delicatius transegerint, epulis lautioribus, vino, aliisque liquoribus spirituosius liberalius indulgentes, tandem ob pigritiam ætatis ingravescentis semper comitem, ea corporis exercitia penitus omisere, quibus juvenes assueverant. Ad hæc, isti, qui huic morbo sunt obnoxii, crania habent grandiuscula, habitu corporis ut plurimum sunt pleniori, humido & laxo; & constitutionem habent omnes luxuriantem virosamque, ditissima atque optima vitæ stamina.

Non quod podagra eos solum adoriatur, qui crasso, & corpulento habitu donantur, cum aliquando etiam, etsi rarius, graciles & macilentos invadat; neque quod hic morbus in omnibus senium præstoleatur: quandoque enim etiam ætate florentes corripit, quoties scilicet infelicia morbi semina a parentibus, quasi ex traduce acceperint; vel si hoc non fuerit, immodicè Veneri præmaturius indulserint, aut exercitiis omnino valedixerint, quibus prius etiam vehementioribus utebantur; edaciores insuper fuerint, & liquores spirituosos immoderatus hauserint, postea derepente ad liquores tenues, & refrigerantes se contulerint.

Si quem non nisi jam senio confectum primum adoriatur, nunquam postea vel tam flatas habet periodos, vel tam immaniter sævit, quam si juniorem occupaverit; tum quod vita ut plurimum elabitur antequam morbus naturalibus symptomatibus stipatus ad ætatem pervenerit, tum etiam quia calore nativo & vigore corporis imminutis, nec vehementer in articulos displodi potest. At si quem maturius lacestat, quamvis nec sedem adhuc figat, nec eum ita male tractet, sed incerta periodo pro data ansa ingruat, leviter ad paucos dies torquens, & nulla methodo invadens recedensque, sensim tamen castramentatur, legem sibi ponens, typumque præformans, tam quoad paroxysmi durationem, quam quoad doloris vehementiam: ad hæc ferocius quam primo insultu debacchatur.

De hoc morbo dum ita regulam typumque servat, libet primo differere, postea de

eiusdem phænomenis anomalis atque incertioribus, quoties scilicet vel præpostero indolentorum medicamentorum usu, de statu suo dejectus fuit, vel ob subjecti debilitatem & languorem, ad propria & genuina symptomata nequit assurgere. Quoties itaque *Regularis* est *Podagra*, hoc fere modo ægrum aggreditur: *Januario* exeunte, aut incipiente *Februario* derepente & nulla fere præsentione antecedente ingruit, nisi quod ventriculi cruditate atque *anxia* ad septimanas aliquot æger laboraverit; corporis insuper intumescencia quasi ventosa & gravitate, quæ indies augetur, donec tandem detonet paroxysmus; quem paucis diebus præit torpor & quasi statuum descensus per femorum carnes, cum affectione *crampulosa*, tum etiam pridie paroxysmi appetitus voracior, non tamen naturalis. Sanus lecto somnoque committitur; hora vero secunda post mediam noctem excitatur a dolore pollicem pedis ut plurimum occupante, quandoque vero calcaneum, suram, aut talum: Hic dolor eum refert, qui ossium dictorum dislocationem comitatur, cum sensu quasi aquæ tantam non frigida partis affectæ membranæ affusæ. Mox sequitur rigor cum horrore, & febricitatione aliquali. Dolor autem hic primo remissior gradatim intenditur, (& pari passu rigor atque horror recedunt) idque in singulas horas, donec tandem sub noctem ad apicem pervenerit, se ad varietatem ossiculorum tarsi & metatarsi, quorum ligamenta obidet, perbelle accommodans, nunc tensionem violentam, vel ligamentorum istorum dilacerationem, nunc morsum canis rodentis, quandoque pressuram & coarctationem exprimens: adhuc, ita vivum exquisitumque habet sensum pars affecta, ut nec linteorum super incumbentium pondus, nec cubiculi a fortiori ambulatione concussionem ferre valeat. Atque hinc fit, ut nox non tantum in cruciatu transigatur; sed etiam cum irrequieta partis affectæ hæc, istac rotatione, & mutatione situs quasi perpetua. Neque minor est totius corporis jactatio incessans, quæ semper paroxysmum, maxime vero accedentem, comitatur, quam torti membri agitatio & dolor. Hinc etiam mille conamina, situs tum ipsius corporis, tum membri affecti mutatione assidua, doloris sedationem incassum exambiunt: quæ tamen non contingit ante horam secundam tertiamve matutinam, (decurso scilicet nycthemeri spatio a primo appulsu paroxysmi) quo tempore æger post materiam pec-

cantis modicam digestionem & distillationem aliqualem, subito a dolore respirat, licet hanc ille liberationem isti membri affecti posituræ, quæ postremo usus erat, immerito acceptam referat. Jam leni madore perfusus somno concedit, a quo evigilans, dolore multum imminuto, partem affectam tumore recenter occupatam cernit; cum solum antehac (quod in omnibus podagricorum paroxysmis solemne est) insignior intumescencia venarum membro vexato intertextarum se in conspectum dederat. Sequentæ die, forte etiam ad biduum triduumve, si materia podagræ generandæ apta fuerit copiosior, dolet nonnihil pars affecta, idque vehementius die jam advesperascente, levatur autem sub galli cantu. Intra paucos dies, alter pes eodem dolore torquetur, quo is, qui prior doluit, vel si prior iste jam dolore defuerit, debilitas quæ eum infirmaverat, mox evanescit, tam viribus, quam integræ sanitate isti pedi statim restitutus, perinde ac nunquam laboraverit, si modo dolor podagræ nuper tentatum ferocius lancinet. Nihilominus easdem hic excitat tragedias, quas prius in altero pede, tam quoad doloris vehementiam, quam durationem. Quandoque etiam primis morbi diebus cum materia peccans adeo exuberat, ut ei capiendæ pes unus impar sit, utrosque simul pari vehementia fatigat: sed ut plurimum pedes successive, uti diximus, aggreditur. Postquam utrumque pedem exercuerit, qui sequuntur paroxysmi abnormes sunt, tum quoad tempus invasionis, tum etiam quoad durationem; hoc tamen ubique servat, quod dolor noctu recrudescat, mane vero remittatur. Atque ex serie horum *Paroxysmulorum* (sit verbo venia) constat paroxysmus, qui dicitur podagræ, diuturnior, breviorve pro ægri ætate. Neque enim censendum est, quoties quis cum hoc morbo ad menses duos vel tres fuerit conflictatus, unum illum paroxysmum fuisse, sed seriem potius, & catenam paroxysmulorum, quorum posterior quilibet priore & mitior fuit & contractior, donec tandem materia peccante prorsus absorpta æger pristinam obtinuerit sanitatem: quod in vegetioribus, & iis, quos podagra rarius invadit, diebus sæpe quatuordecim fit; in senioribus, atque iis, quos sæpius affixit, duobus mensibus; iis vero, qui vel annis, vel diuturniore morbi mora fractiores jam sunt, non prius valedicit, quam ætas jam adultior eam fugaverit. Ad quatuordecim primos dies *urina coloratior est*, quæ post separationem sedi-

Sedimentum tubrum & quasi arenulis refer-
tum deponit; nec æger ut plurimum nisi
tertiam potulentorum, quæ assumpsit, partem
per vesicam reddit. Alvus item ad dictos
primos fere dies constipata est. Appetitus
prostrator, rigor totius corporis sub vespere-
ram, partium etiam non affectarum gravi-
tas & molesta sensatio integrum paroxysmum
comitantur. Recedentem paroxysmum exci-
pit pedis affecti pruritus vix ferendus, maxi-
me inter digitos, unde decidunt furfures, &
pedes ipsi, quasi ab epoto veneno, desquamantur.
Morbo jam discusso, ægri tum *Altitis*,
tum appetitus redeunt pro rata doloris,
quæ sæviebat paroxysmus nuper elapsus, &
eadem proportionem servata vel acceleratur,
vel differtur sequens paroxysmus. Nam si
hic ultimus ægrum pessime multaverit, se-
quens paroxysmus non nisi anno ad idem
punctum revertente denuo accedet.

Atque hoc se habet modo podagra regu-
laris, phænomenis genuinis, propriisque se
ostendens. Cum vero vel ab indebita medi-
catione turbatur, vel ob diuturniorem mor-
bi pertinaciam, corporis substantia quasi in
morbi fomitem pervertitur, neque par est
natura eidem, methodo consueta, eliminan-
do, phænomena multum sunt diversa a jam
descriptis. Nam cum hætenus dolor pedi-
bus tantum fuerit infestus, (qui peccantis
materiæ sedes sunt genuina, quæ cum alias
quaslibet partes occupat, certissimum est vel
morbi methodum inversam esse, vel corpo-
ris vigorem paulatim jam imminutum) jam
itaque manus, carpos, cubitos, genua, alias-
que regiones occupat, ea jam, sicut pedes
olim solebat, discrucians. Quandoque enim
unum pluresve digitos distorquens fasciculo
radicum Pastinacæ similes eos reddit, motu
paulatim privans, tandemque concreciones
circa articulorum ligamenta tophaceas, quæ
articulorum cuticulam ipsamque cutem de-
struens, nudos *tophos*, *cretam* vel *oculos*
Cancrorum æmulantes, acicula eruendos ex-
hibet conspectui. Nonnunquam materia mor-
bum committens cubitis impacta tumorem
subalbam excitat fere ad ovi magnitudinem,
qui sensim inflammatur cum rubore. Est
ubi sensus occupans sensum exhibet quasi
ingentis ponderis appensi, sine dolore tamen
notabili; at genu exinde petens id acrius
urget, motum omnem inhibens, ut quasi
clavo transacto lectulo affixum ne latum pi-
lum a loco, in quo est se queat dimovere.
Et quando vel propter totius corporis in-
quietudinem huic morbo ita familiarem, vel

urgente necessario aliquo vitæ officio, æger
aliorum opera est movendus, omni cautela
opus est, ne forte vel nimia motus contra-
rietas dolorem accersat, qui eo tantum no-
mine potest tolerari, quod confestim eva-
nescat. Quæ quidem corporis latitudo ita cau-
te & delicate peragenda, haud exigua pars
est ærumnarum, quibus podagra oneratur:
Dolor enim vehementior non per omnem
paroxysmum extenditur, si modo pars affe-
cta omnino quiescat.

Cum podagra antehac non nisi exeunte
hyeme soleret invadere, post duos tresve
menses pro more recessura; jam per annum
integrum vexat ægrum, demptis duobus, vel
tribus mensibus calidioribus, atque æstivis.
Et quod insuper est observandum, quemad-
modum *Paroxysmus* major sive *Generalis* jam
protractior quam olim fuerat, inveniatur,
ita etiam *Paroxysmi* isti *particulares*, ex qui-
bus generalior componitur, singuli diutius
sæviunt: cum enim antehac particulares isti
non ultra unum alterumve diem excrucia-
rent, jam ubicunque sedem figant, maxime
si pedes vel genua occupaverint, non ante
diem decimum quartum castra movent: Pri-
mo ad hæc, aut secundo post appulsum die,
æger præter dolorem, aliqualem etiam agri-
tudinem patitur, atque simul omnimodam
appetitus prostrationem.

Postremo, cum antequam malum usque
adeo in cruduerat, æger non solum longiori-
bus frueretur paroxysmorum intervallis, sed
etiam durante ista intermissione recte vale-
ret tam artubus, quam reliquo corpore, fa-
cultatibus singulis naturalibus officio suo
debite fungentibus; jam artus habet fere
undiquaque contractos, atque impeditos, ita
ut quamlibet stare possit, forte etiam ali-
quantisper procedere, gressu tamen ita clau-
dicante ac permolesto prærept, ut etiam
cum ambulet quiescere videatur: & si ultra
vires ambulare perstiterit, quo pedibus rectius
valeat, quanto magis ipsos ambulando con-
firmat, & dolori excipiendo minus obnoxios
reddit, tanto morbi fomes, nunquam per
hoc omne intervallum perfecte dissipatus,
visceribus periculosius imminet, cum in po-
des ita libere nequeat effundi; qui hoc mor-
bi tempore vix unquam doloris sunt exper-
tes, sed sensatione aliqua plus minuste mo-
lesta perpetuo tentantur.

Quin etiam multis aliis symptomatibus
infestatur ægor, ut venarum hæmorrhoida-
lium dolore, ructus nidoso cibi jam man-
ducari, & in ventriculo putrescentis gustum
rese-

referente, quoties vel aliquid e dyspeptis assumpserit, vel eam tantum cibi quantitatem, quæ sano competit. Appetitus languet, uri & totum corpus præ inopia spirituum. Denique ideo tantum vivit, ut calamitosus sit & miser, non ut vitæ dulcedine vel minimum fruatur. Urina, quam prius coloratorem, maxime in paroxysmis, & in pauca quantitate solebat reddere, jam illam tam colore imitatur, quam copia, quæ in *Diabete* excernitur. Dorsum, aliaque partes moleste pruriunt maxime sub horam somni.

Id etiam in hoc morbo, quoties jam confirmator est, incommodi accidit, quod ab oscitatione, in primis vero matutina, ligamenta ossium metatarsi vehementer convelluntur, cum sensu quasi coarctationis vel compressionis fortissimæ a manu valida. Quandoque etiam nulla oscitatione præcedente, æger jam se somno committens ictum quasi clavæ metatarsum confringentis derепente persentiscit, unde cum ejulatu expurgiscitur. Tendines musculorum, qui tibias suffulciunt, subinde spasmo corripiuntur ita acri & violento, ut dolor, quem excitat, si vel tantisper duraret, omnem humanam patientiam deiceret, vinceretque.

Post multos dirosque cruciatus, & carnificinam diuturniorem, ceu pignus missionis, quam mors jam in propinquo stans mox est datura, paroxysmi subsequentes ægrum quoad dolorem clementius tractant, (Natura partim ab onere materiæ peccantis oppressa, partim ob senium, eandem in corporis extremitates jugiter, ac strenue relegare non amplius valente) ac loco doloris consueti, ægritudo quædam cum dolore ventris, lassitudo spontanea, quandoque etiam propensio ad diarrhœam superveniunt. Hæc symptomata, dum vigent, artuum dolorem leniunt, quæ pariter evanescent, quoties articulos dolor fatigat: atque ita nunc dolore, nunc ægritudine quasi alternatim lacessente, paroxysmus longas moras nectit. Animadvertendum est enim, quod ubi quis ad multos annos podagra laboraverit, dolor singulis paroxysmis gradatim imminuitur, tandemque ægritudine potius conficitur, quam dolore. Quem enim in his patitur dolor, quamlibet sint productiores, vix ad decimam partem ejus assurgit doloris, quem pati solebat, cum viribus esset magis integris. Nihilominus hæc ipsa morbi inclementia pensabatur ut plurimum longiore intercapedine, quæ paroxysmos intercedebat, tum sanitate, qua interea satis commoda

utebatur. Nanque hoc in morbo dolor amantissimum est naturæ pharmacum, qui quo vehementior est, eo citius præterlabitur paroxysmus, atque insuper & longior erit intermissio & magis perfecta; & vice versa.

Neque tamen dolor, claudicatio, atque impeditus partium affectarum motus, ægritudo, aliaque symptomata jam descripta, hujusce morbi tragediam absolvunt: *Calculus* insuper *Renum* in quamplurimis parit hic affectus, tum ex eo, quod æger diu supinus recumbat, tum etiam quod ferientur organa secretoria a debitis sibi functionibus; sive etiam quod calculus ejusdem materiæ morbificæ in genere portio quædam sit, quam ego litem non dijudico. Quæcunque vero sit hujus mali origo, nonnunquam ægri animum molestissima interpellit contemplatio, calculusne an podagra immitior sit. Quandoque etiam calculus lotii per meatus urinarjos in vesicam transitum impediens, ægrum de medio tollit, lentas podagræ moras haud amplius expectantem.

Nec satis est ægrum ita miseris modis dilaniari, ut nec sui jam fuerit compos, alienæ opis prorsus indigens, sed & hic accedit miseriæ cumulus, quod durante paroxysmo, animus etiam ceu contagio afflatus, eo usque corpori compatitur, ut haud facile sit dictu utro horum æger calamitosius doleat. Non enim rectius podagræ, quam iracundiæ, paroxysmus omnis dici potest; cum mens & ratio usque adeo ab infirmato corpore enerventur, ut vel levissimo affectuum motu impellantur & vacillent: unde non magis ipsi, quam alijs gravis est. Quid quod & ceteris quoque passionibus est obnoxius, timori videlicet, solitudinique, atque alijs id genus? A quibus pariter torquetur, donec morbo evanescente, animus quoque pristina tranquillitate recepta una convalescet.

Tandem æger (ut funestissimi hujus morbi catastrophæ semel expediam) visceribus a materiæ peccantis incubatu complexuque ita læsis, ut secretionis organa non amplius suo munere fungi queant, unde & sanguis quasi limo & sæculentiis refertus stagnat, & materia peccans non jam, ut olim solebat, in corporis extremitates disploditur, atque rejicitur; tandem inquam *ὁ τῆς ἀνάτης* vitam afflictissimam & jam diu non vitalem cum morte ærumnarum requiescēter commutat.

At vero (quod mihi aliisque, licet tam fortunæ, quam ingenti dotibus mediocriter instructis, hoc morbo laborantibus solatio esse

esse possit) ita vixerunt atque ita tandem mortem obierunt magni Reges, Dynastæ, Exercituum Classiumque Duces, Philosophi, alique his similes haud pauci. Verbo dicam, Articularis hicce morbus (quod vix de quovis alio affirmaveris) divites plures interemit, quam pauperes, plures sapientes, quam fatuos, natura quasi digito monstrante, quam parum iniqua sit omnium parens & arbitra, quam partibus studeat; cum eos, quibus alicubi defuit, alio aliquo bonorum genere cumulatius ditare soleat; profusorem vero erga alios munificentiam æqua malorum parte admixta diluat & contemperet. Adeo ut ubique gentium rata sit lex atque inviolabilis, nullum hominem vel ex omni parte beatum, vel per omnia miserum, ac calamitosum posse inveniri, singulos autem utranque experiri sortem. Quæ boni atque mali contemperatio, fragilitati nostræ & mortalitati ita propria, nobis fortasse apprime conducit.

Podagra sæminas perraro infestat, easque non nisi jam vetulas, & viragines, seu corpore masculorum habitum æmulantes. Graciliores, quæ vel in adolescentia, vel constanti ætate symptomata patiuntur podagram mentientia, ea ipsa vel affectibus hystericis, vel rheumatismo, quo jam olim laborarunt, & cujus fomes non satis initio fuerat eliminatus, accepta referunt.

Neque pueros, neque juvenibus minores podagra vera atque genuina vexatos hæcenus observavi: Nonnulli tamen mihi nori sunt, qui priusquam eam ætatem attigissent, leviculam aliquam quasi velitationem præsenferant; quorum nempe patres etiam tunc hoc morbo tenerentur, cum iis generandis operam darent. Atque hic explicit morbi hujus historia.

Omnes animi nervos variis hujusce morbi phænomenis contemplandis acriter intendens, illum *Arabia*, seu labefactatæ, tam in partibus, quam succis corporis universis concoctioni ortum debere existimo. In istis enim, qui huic morbo sunt obnoxii, cum jam vel ætate fuerint confecti, vel effrænata morum licentia senectutem præmaturius accersiverint, spiritus animales per totum corpus deficient, immodico functionum in juventutis calore vegetissimarum exercitio consumpti; verbi gratia, præpropere, nimioque Veneris usu, insanis, improbissimisque laboribus, quibus ardentem atque indefesse voluptatibus inserviunt, & his similibus. Accessit etiam sive ab annis, sive ab iner-

tia, exercitiorum corporis, quibus olim assueverant, intermissio vel cessatio repentina (quorum usu rum sanguis vigoratur, tum partium tonus firmior & constantior solebat reddi) unde jam corpus flaccescit, & concoctiones non amplius recte promoventur; e contra vero, succorum corporis recrementata, quæ talium exercitiorum ope excernebantur, dehinc in vasis, ceu morbi seminum, reconduntur. Nonnunquam & studium, seu meditatio de re quapiam seria, ac diuturna malum auxit, quo scilicet spiritus defæciores & magis volatiles a concoctionum penso, quod debuerant absolvere, nimium evocantur. Adde, quod huic morbo obnoxii, non solum ciborum in genere fere sunt appetentiores, sed & eorum maxime, qui difficillime ventriculo cedunt; quos cum haud parcius devorent, quam tum solerent cum exercitiis uterentur, non jam iis digerendis pares sunt. Neque tamen dicta voracitas & liberalior ciborum ingestio ita frequenter (licet id haud raro contigerit) podagræ viam stravit, ac vesana & immoderatio vini compotatio; unde fermenta coctionibus variis dicata penitus prosternuntur, præcipitantur ipsæ coctiones, & spiritus naturales ab halituum adventitiorum copia subjungantur, dispergunturque. Jam vero cum uno eodemque tempore & spirituum (qui coctionis instrumenta sunt) vigor imminuatur, atque insuper ingens humorum colluvies sanguinem opprimat, omnino necesse est, ut singulæ coctiones haud rite peragantur, dum ita obruuntur singula viscera, unde Spiritus jamdiu fatiscientes nunc etiam suffocantur. Nam si a sola spirituum debilitate penderet hic morbus, infantes, sæminas, atque eos, quos agritudo diuturnior maceravit, pariter invaderet; cum fere virolissimos quosque adoriatur, & robustissimis Naturæ principiis præditos; quos tamen non aggreditur, donec caloris & spirituum naturalium defectum, sive declinationem, humorum quoque congestio excipiat, a quibus simul junctis concoctiones vitiatæ pervertuntur.

Porro ut causarum, quas enumeravimus, singulæ indigestionem promoverant, ita earum pleræque laxitati habitus & musculorum corporis procurandæ nonnihil contulerunt, unde porta crudis indigestisque humoribus intromittendis panditur, quoties isti ad exteriora protruduntur. Quoties enim in sanguine diutius stabulantes tam mole, quam prava diathesi macti fuerint, tandem calorem

rem putrescentem acquirunt ; & cum non amplius a Natura regi possint, prorumpunt in speciem, & in articulos depluunt, calore atque acredine dolores exquisitissimos in ligamentis membranisque ossa contegentibus excitantes ; quæ vel a senio, vel luxu, atque intemperantia labefactata, laxataque facile humoribus impetum facientibus locum concedunt . Hic vero humorum podagram generantium prolapsus, qui paroxysmum constituit, serius occlusæ contingit, prout ansa hujusmodi humoribus in motum cingendis data fuerit .

Jam vero *curationem* quod spectat ; (ut primo quæ sunt omittenda subinnuam) licet, si humores respiciamus, atque indigestionem, unde isti trahunt originem, prima fronte videri possit indicationes curativas in primis ad humores jam factos evacuandos, dein ad coctiones roborandas, (unde aliorum humorum succrescentium aggestio possit præcaveri) collimare debere, quandoquidem hæ sunt indicationes magis generales, quibus in plerisque aliis morbis humoralibus satisfaciendum est : in podagra nihilominus naturæ quasi prærogativa est, materiam peccantem suo modo exterminare, & in articulos deponere, per insensibilem transpirationem diffundam . Namque haud plures tribus proponuntur modi, quibus causam podagræ continentem ejicere valeamus, venæ sectio scilicet, catharsis, ac diaphoresis per sudorem : nulla vero ex his methodus scopum attinget unquam .

In primis venæ sectio, quantumvis magna polliceatur tum in humoribus, qui in prociectu stant, & quasi descensum meditantes, tum in istis, qui jam jam articulos obsederunt, evacuandis ; manifesto tamen pugnat cum indicatione illa, quam causa antecedens, quæ est indigestio a spirituum (quos sanguinis detractio magis imminuit, opprimique) depravatione ac defectu orta, sibi vindicat . Non est itaque adhibenda phlebotomia, vel ad præcavendum paroxysmum, qui timetur, vel ad istum, qui jam adest, mitigandum, in iis nempe, qui ætate jam fiunt provectiores . Quamvis enim qui educitur sanguis pleuriticorum, & rheumatismo laborantium sanguinem ut plurimum referat ; attamen venæ sectio haud minus insigniter in hoc morbo officere ægro, quam in duobus prædictis prodesse cernitur . Etenim si sanguis in intermissione, quantumlibet diu post paroxysmum, fuerit extractus, periculum est, ne a sanguinis, & humorum agi-

tatione novus succrescat paroxysmus, qui & priore diuturnior futurus est, & symptomatibus enormibus stipandus, sanguinis robore, & vigore, quibus adjutoribus morbi fomitem strenue ac constanter excutere debuerat, exinde retusus . Atque hoc incommodi toties etiam accersitur, quoties ineunte paroxysmo vena pertunditur . Si mox a paroxysmo feriatur vena, ingens periculum est, ne natura, dum sanguis adhuc languidior est, & nondum pristinas vires a morbo succifas reintegraverit, ejusmodi vulnere importune inflicto usque adeo infirmetur & succumbat, ut hydropi aditus aperiatur . Verumtamen si æger adhuc juvenis fuerit, & ab immodica potatione excalescens, sanguis initio paroxysmi potest detrahi ; sin autem in paroxysmis subsequenteribus phlebotomia jugiter utatur, podagra quam citissime etiam in juvenibus inveterascet, & intra paucos annos latius imperium seu potius tyrannidem propagabit, quam alias in multis extendere valuisset .

Deinde, catharsin quod attinet, sive *ætro* sive *ætro* animadvertendum est, quod cum Naturæ lex sit inviolabilis, atque ipsi hujusce morbi essentia intertexta innexaque, morbi fomitem semper in articulos rejicere debere ; nihil prorsus aliud præstabunt remedia sive emetica, sive cathartica proprie dicta, nisi ut materia peccans, quam natura in corporis extremitates protrulerat, in sanguinis massam denuo revocetur ; unde accidit, ut quæ in articulos eliminari debuerat, in aliquod e visceribus forte irruat, atque ita æger, qui in nullo prius discrimine versabatur, jam de vita periclitetur . Quod iis fatale esse haud raro observatur, qui medicamentis purgantibus vel ad podagram præcavendam, vel (quod adhuc pejus est) ad leniendum paroxysmum assueverant . Etenim cum Natura a methodo sibi familiari exturbata fuerit, qua, utpote securissima optimaque, materiam morificam in articulos ablegat, dum humores intro versus intestina sollicitentur, loco doloris in juncturis, quem vel nullum habent, vel certe perexiguum, ventriculi ægritudine, alvi torminibus, lipothymia, & longo anomalorum symptomatum agmine miseri quasi enecantur .

Ego certe persuasissimus sum, a jugi & sæpe iterata experientia edoctus, catharsin omnem tam per lenientia, quam per fortiora medicamenta, qualia pro more articulis expurgandis destinantur, plurimum nocere ; sive in paroxysmo ad minuendam materiam pec-

peccantem, five in fine ad dissipandas morbi reliquias, five in perfecta intermissione, & recta valetudine, ut venturo paroxysmo occurratur, purgatio in usum revocetur. Etenim tam mei ipsius, quam aliorum periculo compertissimum habeo, catharsin quovis horum temporum administratam, ita parum votis respondisse, ut malum, quod debuerat averruncare, atque avertere, accersierit. Primum itaque purgatio sævientem adhuc paroxysmo adhibita, Naturæ, in materia morbifica separanda, & in articulos deponenda occupatæ, negotium facessens, magnam spirituum *crasis* nonnunquam excitavit; unde non tantum paroxysmus magis invalescebat, sed & æger in vitæ discrimen haud obscure conjiciebatur. Deinde cathartica in fine paroxysmi usurpata, cum morbi reliquias amoliri debuerint, id tantum egere, ut recens paroxysmus de novo suppullularet, haud mitior priori isto; atque ita æger spe falsa lactatus ea sibi fabricat mala, quæ non fuerit perpeffus, nisi humores denuo in rabiem agerentur. Quod genus incommodi ipsemet plus semel expertus sum; artis medicæ opem præpostere implorans ad exturbandas, ut mihi videbatur, reliquias morbi. Postremo quod ad purgationem attinet, certis intervallis, & integra sanitate repetendam, ut paroxysmo eatur obviam, atque ei aditus præcludatur; etsi, quod est fatendum, non ita præsens periculum est, ne nova accessio invitetur, atque fuit in casu jam dicto, cum æger nondum *crasis* omnino fuerit, tamen etiam hoc tempore paroxysmum parit, idque ob causas supra memoratas, quo malo si forte ægrum non statim mulctaverit, nullatenus tamen eum a morbo liberat, quantumlibet constanter, & debitis intervallis cathartica hæc illave assumpserit. Quinimo nonnullos novi huic morbo obnoxios, qui catharsi non solum Vere, & Autumno, sed & singulis mensibus, immo & septimanis continuis, celebrata, sanitati litabant, neque tamen horum quisquam podagram effugit: quæ exhinc crudelius plerumque, & immanioribus symptomatibus eos impetebat, quam si ab omni medicatione sibi temperassent. Licet enim jam dicta purgatio causæ continetis partem aliquam possit educere, cum tamen concoctioni roborandæ (a quo tantum abest, ut potius eam debilitet) recenti vulnere naturam subruens, ac dejiciens, ne hilum conferat, uni tantummodo causæ op-

Sydenham Opera Med. Tom. I.

ponitur, & morbi curationi impares prorsus habet vires.

Ad hæc annotandum est, ab eodem illo spirituum defectu, quo coctiones in iis vitiantur, qui podagra solent laborare, eorundem spirituum animalium *crasis* minus firmam vegetamque reddi, unde mox dejicitur, & inturbatur a quavis causa, quæ vel animum, vel corpus paulo violentius concutit exagitatque; ac proinde jam fugax ac dissipabilis est admodum, prout iis, qui affectioni, vel hypocondriacæ, vel hysteriæ obnoxii vivunt, sæpe accidit. A qua etiam spirituum ad *crasis* propensione fit, ut podagra, vel levissimam quamlibet evacuationem sere subsequatur. Dissoluto enim corporis tono, quem spirituum firmitas, dum in vigore suo persistunt, rite compactum vegetumque servat, materia peccans, quasi disruptis repagulis, jam sui juris est, atque ab hac plaga corpori infecta paroxysmus statim exoritur.

At vero hæc ipsa methodus utut perniciofa, ac nocens, nihilominus Empiricis quibusdam, qui catharticum, quo utebantur, medicamentum astute omnes celarunt, haud mediocrem existimationem conciliavit. Observandum est enim, quod purgatione currente, æger vel non omnino, vel remisse admodum dolet; & si catharsis ad plures dies produci queat, nullo superveniente paroxysmo recenti, æger confestim ab eo, quo jam tenetur, convalescet: verum enimvero pœnas imposterum pendet dirissimas ab *crasis*, in quam dicta humorum exagitatio naturam præcipitem egit.

Denique materiæ peccantis per sudores evacuatio, licet prædictis evacuationibus minus officiat; liquido tamen officere cernitur. Quamvis enim morbi fomitem non retrahat in viscera, sed e contra in corporis habitum propellat, attamen his saltem nominibus obest. Primo quidem, quod extra paroxysmum humores adhuc crudos, & nondum ita subactos, ut rite separari debeant, quasi vi quadam protrudit in artus, atque eo pacto cunctantem paroxysmum ante diem, & vel invita Natura sollicitat. Deinde quod sudoris provocatio in ipso paroxysmo materiam morbificam nimis violenter in affectum membrum impingat adigatque, dolorem simul adducens haud tolerandum, & si major sit materiæ peccantis copia, quam ut pars affecta eam queat admittere, illam mox in artus alios deturbat, unde orgasmus interea, atque

O o

atque ingens tam sanguinis, quam ceterorum humorum ebullitio sive exæstuatio; si vero corpus colluvie serosa podagræ generandæ apra admodum scateat, metuendum est, ne apoplexia ingruat. Quamobrem in hoc affectu, perinde ac in ceteris omnibus, in quibus sudores artis ope sollicitantur ad eliminandam materiam morbificam, non vero Naturæ ductu profluunt, periculosissimum est eodem nimis violenter, atque ultra eum coctionis gradum, ad quem humores evacuandi sua sponte pervenerint, elicere. Et celeberrimus iste Hippocratis Aphorismus, *Cotta, non cruda sunt medicanda*, tam in sudoribus provocandis, quam in subducenda alvo locum habet. Quod quidem liquido constat ex sudore illo, quo paroxysmus februm intermittentium claudi solet, qui, si modicus fuerit, & materiæ febrilis a præcedente paroxysmo concoctæ quantitati apte respondens, ægrum insigniter juvat levaturque; si vero ultra Naturæ modum sudatio promoveatur, ex eo quod æger lectulo jugiter affigatur, jam febris continua subnascitur, & recens focus succenditur, cum iste qui prius afflagrabat, fuerat extinguendus. Pari ratione in podagra etiam lenis ille mador, qui ut plurimum mane sua sponte oritur post minorum paroxysmorum durationem, e quibus majorem paroxysmum constare docui, singulos, tam dolorem, quam inquietudinem quibuscum æger tota nocte conflictabatur, mitigat; e contra vero, si quando levis hicc mador, & suapte natura fugax, diutius & vehementius proritetur, quam fert proportio materiæ peccantis jam ab ultimo paroxysmo concoctæ, morbus inde exacerbatur. Tam itaque in hoc, quam in aliis morbis quibuscunque, quos mihi videre contigit, dempta sola peste, sudores prolicere non tam Medici, quam Naturæ provincia est: cum nullo modo assequi possimus, quantam materiæ pars ejuscemodi separationi obviandæ jamjam est parata, nec per consequens, quem in provocando sudore modum tenere debeamus.

Ex jam dictis cum satis liqueat, non solum podagræ curationem a medicamentis evacuantibus incassum peti, sed & eadem *podagræ* noxam adferre, restat ut exquiramus, ad quem alium scopum curativæ indicationes sunt dirigendæ. Ego quidem ex accurata *observatio* prædictorum omnium pen-
sitatione, & diligenti examine colligo, duabus potissimum causis in hujusce morbi cu-

ratione obviam iri debere. Prima est causa antecedens, sive humorum indigestio a caloris, & spirituum naturalium defectu orta. Altera est causa continens, sive eorundem humorum calor, & exæstuatio, ubi jam tum putredinem, tum etiam acredinem nacti sunt a mora in corpore, quam oportuerat, diuturniore, quæ mora ab inconcoctione supra memorata pendet. Hæ causæ ita toto coelo, quod ajunt, a se invicem discrepant, ut, quæ huic profunt remedia, alteri obsint; unde hic affectus ita curatu perditicilis est. Etenim dum medicamentis calefacientibus indigestionem vincere satagimus, periculum est, ne ex altera parte humorum calor intendatur: atque e diverso, dum sive diætâ, sive remediis refrigerantibus calorem, & acredinem humorum committigare volumus, *accersimus*, labefactato scilicet calore naturali. At vero hic causam continentem non eam tantum intelligo, quæ jam actu articulos oblidens paroxysmum format, sed etiam insuper, quæ adhuc in sanguine delitescens separationi hætenus est inepta. Perraro enim materia morbifica omnis a paroxysmo quantumlibet diuturno, & crudeli, ita plene egeritur, ut nullæ prorsus in corpore reliquæ sint, eodem jam elapso. Ac proinde utriusque hujus causæ tam extra paroxysmum, quam eo vigente ratio habenda est. Quandoquidem vero materiæ continentis eliminatio Naturæ omnino opus est, sua ipsius methodo peragendum; cumque nihil interea temporis, ad humores calidos acresque leniendos, absque damno digestionibus illato, possit tentari, nisi ut exulent ac evitentur victus medicamentaque calidiora, a quibus inflammantur humores; maxima certe, & præcipua curandi intentio in eo verti debet, ut coctioni, indigestionibus sublatis, consulatur, de qua jam agam: ita tamen ut in Dissertationis serie ea etiam attingam remedia, prout ansa data fuerit, quæ ad leniendum humorum calorem, & acredinem retundendam facere possint.

Quæcunque igitur Naturæ opem ferunt in muneribus suis rite fungendis, sive ventriculum confortando, ut alimenta recte coquat, sive sanguinem ad debitam chyli in illum investiti assimilationem, sive partes solidas corroborando, quo melius inccos earundem nutritioni, atque augmento destinatos in propriam substantiam convertant, quæcunque denique varia excretionis organa atque emundatoria corporis in eo statu con-

conservant, ut singularum partium recre-
menta debito tempore atque ordine valeant
emendare; hæc & huiusmodi omnia huic
intentioni adimplenda conferunt, ac proprie
Digestivæ appellantur, sive pharmaca ea fue-
rint, sive ratio victus, sive exercitatio, sive
alia ex istis quolibet, quæ *sex res non natu-
rales* indignantur.

Huiusmodi medicamenta sunt in genere,
quæ moderate excalefaciunt, & vel amari-
cant, vel linguam leniter feriunt, utpotè
quæ ventriculo sunt pergrata, sanguini me-
dentur, & ceteras partes sovent confortant-
que, qualia sunt, verbi gratia, radices an-
gelicæ, enulæ, folia absinthii, centaurei mi-
noris, chamædryos, chamæpityos, &c. Ad-
di possunt etiam antiscorbutica vulgo dicta,
ut radices raphani rusticani, folia cochlea-
riæ hortensis, nasturtii aquatici, &c. Cum
autem herbæ istæ acres ac pungentes, utut
stomacho arrideant, atque eidem conferant
in coctione juvanda, morbi tamen fomiti
jamdiu formato aculeos subdant, & augeant
calorem, parcius usurpandæ veniunt, præ
aliis istis, quæ miti calore atque amaritudi-
ne, & ventriculum corroborant, & sangui-
nis massam vegetiorem reddunt, ac magis
vitalem.

Eorum species aliquot affabre permistæ
humoribus concoquendis rectius, ut mihi
videtur, quam simplex quodlibet ex eorum
tribu desumptum ministrant. Quamlibet enim
quoties specifica medicamenti cujuslibet vir-
tute opus est nobis, regula tenet, *Quo sim-
plicius eo melius*; tamen cum id habemus
propositi, ut huic illive indicationi satisfac-
iendo ægrum sanemus, singula ingredientia
symbolam pro morbo curando quasi confe-
runt, atque in hoc casu, quanto major est
simplicium numerus, tanto potentius medi-
camentum operabitur. E prædictis itaque,
& reliqua ejusdem farinae materia medica,
variarum remediorum formulæ ad hunc scopum
tendentes concinnari possunt. Ego formam
electuarii ad exemplum Theriacæ Androma-
chi ceteris præfero, ceu viribus præstantissi-
mam, eo quod muræ simplicium confer-
mentatio omnium virtutem adaugeat, quasi
aliquid tertium progignens, quod in ita
conjunctis majorum est virium in pari quan-
titate, quam in eorum quolibet. Verum
tam delectum ejusmodi ingredientium, quam
formulas, quibus exhibenda sunt prudenti
Medico lubens relinquo, tunc nunquam mei
officii duxerim Receptulas, ut vocant, con-
scribere, at potius veras indicationes nota-

re, ad quas curationes sunt dirigendæ: Quod
cum minus observetur, exhinc, ut alibi di-
xi, Empiricis ansa data est, ut se artis me-
dicæ Principes jactent.

Verumtamen tironum gratia, remedium,
quo ego uti soleo, in medium proferam,
quod ad hunc modum componitur. ℞. Rad.
*Angelic. Calam. Arom. Imperator. Enul. cam-
pan. Fol. Absinth. vulg. Centaur. min. Mar-
rub. alb. Chamædr. Chamæpyt. Scord. Calam-
minth. vulgar. Partben. Saxifrag. pratens.
Hyperic. Virg. taur. Serpil. Menthe, Salviae,
Rutæ, Card. Ben. Puleg. Abrotan. Flor. Cha-
mem. Tanacet. Lil. Convul. Croci Anglican.
Sem. Thlasp. Cochlear. hortens. Carui. Bacc.
Junip. singulorum quantitatem sufficientem.*
Legantur singula Herba, Flores, & Radices
*quo tempore viribus pollent maximis. Siccen-
tur, ac in Papyraceis sacculis asserventur, dum*
*in pulverem tenuissimum redigantur. Singulo-
rum Unciæ sex simul probe mistæ excipiantur*
f. q. mellis opt. despumati, & Vini Canarini
*& in Electuarium debite consistentiæ confi-
ciantur f. a. Sumat Drachmas duas mane &*
sero, vel hujus defectu, sequenti utatur. ℞.
Cons. Cochlear. hortens. ℥i℥. Absinth. Roman.
*& Flavæd. Aurantior. an. ℥j. Angelic. con-
dit. Nuc. Moscat. condit. an. ℥℥. Theriacæ*
Androm. ℥iij. Pulv. Ari comp. ℥ij. cum f. q.
Sirupi Aurantiorum fiat Electuarium. Capiat
Drachmas duas bis in die, superbibendo
sequent. Aquæ cochlearia v. vel vj. ℞. Rad.
Raphan. rust. incis. ℥iij. Cochlear. hortens.
manip. xij. Nasturt. aquatic. Becabung. Salu.
Menth. ana manip. iv. Cortic. Aurantior. no.
vj. Nuc. Moschat. contus. no. ij. Cerevisiæ
*Brunswic. ℥xij. Destillentur organis commu-
nibus, donec solummodo libræ sex Aquæ eli-
ciantur pro usu.*

E medicamentis vulgo cognitis *Theriaca*
Andromachi concoctionibus roborandis præ
ceteris confert; cum tamen plures in se spe-
cies contineat, quæ plus satis calefaciunt,
atque insuper opio abundet, Electuarium
supra dictum commodius parari potest e ve-
getabilibus præcipuis excalefacientibus, &
corroborantibus. Curandum est interim, ut
ea simplicia eligantur, quæ ad ægri gustum
magis faciant, cum enim diu admodum,
scil. ad omnem fere ætatem, in ejus usu
perseverandum sit, omnino convenit, ut pa-
lato minus sit ingratum. Inter simplicia
Cortex Peruvianus primas obtinet, cum san-
guinem corroboret, vegetumque reddat, ejus
grana aliquot mane, & sero assumantur.

Et sane uti in hoc affectu, de quo jam
O o 2 agi-

agimus, ita & in aliis chronicis plerisque, hæc & huic similia remedia quæ sanguinem corroborant, vegetumque reddunt (si modo eorundem calor, propter causas postea adferendas, in spiritibus vinosis non consistat) præ ceteris juvant; quando quidem singuli hujus generis morbi ad unam eandemque causam universalem, humorum scilicet *Indigestionem*, si recte conjicio, referri debeant.

Nihil est autem, ex quo hoc certius evinci poterit ac probari, quam si ob oculos ponamus differentiam, quæ inter morbos, *Acutos & Chronicos* intercedit; quam ob causam æquus Lector boni consulat, si paulisper ab eo, quod jam præ manibus est, negotio digrediar. Prout itaque morbi *Acuti* ii fere habentur, qui cito vel perimunt, vel ad concoctionem perducuntur; ita *Chronici* appellantur isti, qui vel non omnino, vel tarde admodum, & longa temporis mora ad eandem concoctionem pertingunt. Atque hoc quidem tam ipsa rei Natura, quam verba, quibus illa exprimuntur, aperte loquuntur; at vero causa hujus differentię, quæ inter hæc duo morborum genera deprehenditur, altius latet, haud ita facile eruenda: cujus indagatoni si aliquantisper immoremur, operæ, ut puto, vix nos pœnitebit, cum harum rerum notitia clara, ac distincta, ad inveniendas veras indicationes horum morborum curationis accommodas, magnum momentum adferre queat.

Sive interiora terræ viscera, si ita loquias est, varias subeant mutationes, unde a vaporum inde exhalantium interventu aer inquinetur, quod mihi maxime probatur: sive inficiatur atmosphaera omnis, ab alteratione quam eidem inducit peculiaris aliqua corporum cœlestium quorumlibet conjunctio: res ita se habet, ut ad hoc illudve tempus aer particulis referciatur, quæ humani corporis œconomix adversentur; uti etiam alio tempore istiusmodi particulis impregnatur, quæ cum corporibus speciei alicujus brutorum minus conveniunt. His jam temporibus, quoties nos hujusmodi noxia, & naturæ inimica *mixta* in nudum sanguinem inspiratione attrahimus, & in illos morbos epidemicos incidimus, quos illa parere apta nata sunt, Natura *Febrim* accersit, solemnem nempe sibi machinam ad sanguinem a materia aliqua hostili, & contraria intus stabulante vindicandum. Et tales morbi *Epidemici* vulgo audiunt, & ideo acuti sunt & breves, quia motum habent ita celerem & violentum. At vero præter

hos morbos a causa externa excitatos, sunt & alii perinde acuti, ab hac vel illa peculiari sanguinis inflammatione nati, quæ non a causa aliqua generaliori ab aere pendente, sed a particulari particularium corporum anomalia vel intemperie producuntur. Quod quidem febrium genus ego *Intercurrens*, & sporadicum idcirco vocito, quod annis fere quibuslibet occurrant.

At vero morbi *Chronici* genium habent longe ab his diversum; quamvis enim aer minus salubris hujus vel illius generis ad hos morbos generandos multum conferat; non tamen aeri ita immediate originem debent suam, sed ut plurimum communi omnium horum patienti humorum sc. *Indigestioni*. Ubi enim quis Naturæ principia jam habuerit infirmata ac protrita, sive a senectate, sive a magnis & continuis circa *Sex res non naturales* erroribus, præcipue in cibo potuque, vel si organa secretoria eo usque fuerint debilitata, ut jam functionibus suis ad defacandum sanguinem, & ejus superfuitates eliminandas destinatis, prorsus fuerint imparia: his in casibus uberiori humorum proventu jam coagmentato, quam cui dirigendo hominis vires sufficiant, dicti humores mora diuturniore varias fermentationes ac putrefactiones patiuntur, tandemque in *speciem* erumpunt, & varias morborum species edunt pro depravationum varietate. Et prout hi succi depravati variam habent indolem, ita varie in hanc illamve partem dilabuntur, quæ eisdem excipiendis aptissima est; atque ibi sensim longam illam symptomatum seriem explicant; quæ partim a talium succorum Natura, partim ab *estatibus* illis partibus illata, solent exoriri: quæ duo simul juncta istam Naturæ *anomaliam* constituunt, quæ morbi alicujus nomine insignitur.

Jam quod ejusmodi impotentia naturæ ad coquendos humores plerorumque morborum chronicorum causa sit præcipua, facile liquebit, si animadvertamus senes, quorum coctiones sunt læsæ, & spiritus, earum instrumenta, absumpti a repetitis vitæ longioris functionibus, hisce affectibus magis esse obnoxios, quam sunt juniores, quorum vitæ flamma magis accensa recrementa ista coacervata dissipat, & quorum organa secretoria jugi isto caloris naturalis subsidio instruuntur, ut functionibus in totius sanguinis massa depuranda peragendis neuti-quam deficiant, nisi insuper premantur, & quasi suffocentur a nimia humorum copia. Adhæc

Adhuc talem humorum indigestionem plurimum morborum chronicorum causam esse ex eo constat, quod hyems ad istiusmodi morbos gignendos longe magis faciat, quam æstas. Licet nonnulli ex his morbis non actu exerantur, nisi sub brumæ exitum; attamen iste humorum proventus, a quo illi pendunt, per omnem hyemis decursum fuscrescens, auctior factus est ab ejus tempestatis frigore, & effecto languore naturam debilitante, quo minus valeat in administranda corporis œconomia. Unde fit, ut qui in æstate satis bene habeant, raro tamen hyeme eos morbos effugiant, ad quos magis sunt proclives, *Podagram*, verbi gratia, *Asthma*, *Tussis* &c. Atque hinc etiam ratio deducenda est, quare peregrinatio in regiones magis australes ita efficaciter eos morbos expugnet, quorum curatio in frigidioribus incassum tentabatur. Eorum, quæ de generali morborum chronicorum causa jam dixi, veritas magis adhuc patebit ab ingenti, & quasi stupendo ac incredibili emolumento, quod ii, qui morbis chronicis plerisque, præcipue vero *Phtisicis*, laborant, ab equitatione percipiunt, quod genus exercitii digestionem singulas vigorat firmatque, dum a continua corporis succussione calor naturalis reaccenditur, & organa secretioni destinata in munere depurandi sanguinis rite fungendo promoventur: unde necesse est, ut sequatur digestionum deperditarum quasi renovatio quædam, & e consequenti totius corporis crasis optima.

Quo circa ex rationibus jam allegatis satis elucescit, quod non in podagra tantum, sed & in aliis quoque chronicis morbis, ubi nullum symptoma manifestum contra *Herbas* ejusmodi *excelsificantes* magnum omnino commodum adferre, cum sanguini æstatis calorem vel media hyeme concilient: quamvis si æstivo tempore earum usui assuescamus, melius præcavebunt mala ista, quæ adversa tempestas solet apportare. Et profecto si ad hyemis usque appulsum deferantur, quo tempore ingens humorum saburra accumulatur, periculum est ne sero nimis ad hoc asylum confugiamus, & quod dici solet, *Μὴ τὸν ποταμὸν ἐν χειμῶνι*. Quamvis autem, ut supra fusius disserui, podagra id sibi habeat peculiare, ut non tantum non juvetur, sed & lædatur a catharticiis; tamen in aliis chronicis plerisque, & venæ sectio quoties opus fuerit repetita, & purgatio ante sunt imperanda, quam remediis corroborantibus & digestivis hic a me laudatis ope-

ra danda est: ubi vero se æger his addixerit, in iis perseverandum est, nullis intercalatis evacuationibus. Etenim hoc est firmiter retinendum, quod quoties cujuscunque morbi curatio remediis corroborantibus innititur, evacuationes, qualescunque ea fuerint, officiant prorsus. Denique non is sum, qui asseram, medicamenta digestiva jam memorata ceteris quibuscunque præstare: at vero dico, eum, qui remedium ad hanc intentionem satisfaciendam potentissimum invenire potuerit, longe majora in sanandis morbis chronicis præstare posse, quam ipse se posse existimaverit.

Istud vero iis omnibus, quæ de podagra sananda dicturus sum, præmittendum est, maximopere præ ceteris observandum, nempe quod *Digestiva* remedia quæcunque, sive medicamentorum apparatu, sive diætâ, sive exercitatione ea constant, haud obiter instituenda sint, verum constanter, atque omni adhibita diligentia assidue usurpanda. Cum enim in hoc morbo, uti etiam in chronicorum quamplurimis causa ejus in habitum, & novam quasi naturam transiverit, nemo sanus existimaverit leviculam aliquam, ac momentaneam alterationem sanguini, atque humoribus a quolibet sive remedii sive victus genere superinductam, curationis scopum posse attingere; at vero corporis habitus omnis alio traducendus est, atque homo integer deinceps, quasi nova incude, refingendus. Neque enim hic ita se res habet, atque in morbo acuto aliquo, ubi is qui modo athleticæ ac pancreaticæ valebat, repente febre correptus, ab optimo sanitatis statu in morbum periculosissimum, quasi rupto ponte, præceps ruit. Podagræ dispar admodum ratio: ubi quis per multos annos continuos comestationibus, comotationibusque intemperantius indulgendo, solita exercitia intermittendo, desidia atque pigritia intabescendo, vel etiam nimio studio atque irremissa animi intentione, aliisque vitæ erroribus, id egit tandem, quasi dedita opera, ut varia corporis fermenta pervertantur, atque opprimantur spiritus animales (qui coctionis instrumenta sunt primaria;) unde humores præter naturales coacervati erumpunt tandem, cum jam ad summum gradum exaltati fuerint, ac stragem edunt; carnibus denique emollitis & effœminatis articulis, unde humores illabentes promptius excipiunt. Atque ita demum alia quasi Natura sensim superinducitur, pristina & naturali corporis œconomia eversa funditus & dele-

deleta. Cum isti paroxyfmi, qui hominum incautorum ac minus perfpicacium oculos animosque foli fere perstringunt, & occupant, nihil prorfus aliud fint, quam feries & ordo fymptomatum ab illa methodo pendentium, qua uti folet Natura in materia morborum committente foras pellenda. Quamobrem operam laudabit quifquis hoc illove, five medicamento, five etiam regimine fubinde in ufum revocato, hunc morbum protelare fatagit. Cum vero hic habitus tum in digeffionum omnium labefactione, tum & in amiffione firmitudinis naturalis partium fingularum præcipue fundetur ac conflet, utrique malo occurrendum eft; & tam coctionum robur, quam firmitudo partium pedetentim reduci debet ac reftaurari, pro modulo fc. priftinæ ac confuetæ corporis æconomix. Quantumlibet vero iftud plene perfectæque fieri non poffe videatur, non eo folum nomine, quod habitus quicumque non nifi ægerrime in fibi contrarios tranfmutantur, fed etiam quod ætas fenilis, quæ huic morbo ut plurimum comes eft, & focia, vehementer refragatur; tamen quantum vires annique finent, tentanda eft curatio, & prout æger propius ad hanc meam accedet, vel recedet longius, podagræ tyrannidem magis, minusve effugiet.

Atque porro animadvertendum eft, quod remedia *virtutis* vel digeffiva, five partem medicam ea fpectant, five diæteticam, in paroxyfmore præcipue intervallis in ufum revocanda funt; idque quam longiffime fieri poteft a paroxyfmo infecuturo. Neque enim fine magna temporis mora, & pertinentaci remediorum ufu concoctionum omnium corroboratio, fermentorum corporis jam imminutorum reftauratio, tantaque firmitas, quantum expetunt tum fanguis, tum viscera, fenio adverfante, poffunt acquiri.

Quantumlibet vero profint hæc, aliaque ejufmodi remedia, attamen hiſce folis hæc corroborandi intentio fatisfieri nequit; fed & earum etiam rerum habenda eft ratio, quæ ad artem proprie medicam non fpectant. Et certiffime voto fruftrabitur is, qui in hoc, aliove morbo chronico omnem curationem medicamentis folis abfolvi poffe autumat. Primum itaque ea in cibo, potuque mediocritas eft obfervanda, ut neque plus alimenti ingeratur, quam ventriculus concoquere valeat, ac proinde morbo fomes fubminiftratur: neque e contra, nimia abftinentia partes ea proportionem defraudentur, qua earundem robur, & vigor debuerat fu-

fineri, unde etiam magis debilitentur: quorum utrunque ex æquo nocet, prout tam in me ipfo, quam in aliis haud femel expertus fum. Adhæc, ciborum qualitatem quod fpectat, licet *Eutectæ* per fe confiderata *diuturnitas* præferenda fint, attamen ægri palato eft confulendum: quandoquidem obfervandum eft, quod fæpenumero id, quod ventriculus vehementer appetit, licet difficiliter coquatur, citius tamen a Natura vincitur, quam quod facilioris concoctionis habetur, fi ventriculo naufeam creet: at vero quæ *diuturnitas* habentur, idcirco parcius funt comedenda: Unica etiam ciborum fpecie fingulis partibus vefcendum arbitror, cum varia carnum genera fimul ingefta plus ventriculo moleftiæ faceffant, quam unicum, quod omnia ifta quantitate exæquat. De ceteris, dempta carne, pro libitu comedat, modo nec acria, nec fale condita fint; nec aromatis; quæ licet coctionem non lædant, nocent tamen quatenus morbi fomitem exagitant.

Tempora quod attinet, prandere tantum expedit; cum enim lectus humoribus digerendis proprie dicetur, id temporis in cibis concoquendis non eft infumendum. Non cœnent itaque, qui podagræ funt obnoxii; haufum tamen cerevifiæ alicujus tenuioris liberaliorem fibi indulgeant: quandoquidem etiam renum calculo generando proclives fere fint tales; cujus concretio a liquore ejusmodi hoc tempore hauflo multum impeditur, refrigeratis fc. ab eo renibus, prolutifque.

Lactutotia, feu diætæ e folo lacte, five crudo, five cocto, exulantibus ceteris omnibus, nifi quod panis aliquid femel forte in die adjiciatur, ab annis retro viginti obtinuit. Profuit hæc quamplurimis præ ceteris hujufcemorbi præfidiiis, quamdiu ne latum unguem ab ea difcefferint. Quamprimum vero ad fanorum diætæ, utut lenem, mitemque, fefe receperit, qui huic infueverat, podagra confestim reverfa ægrum pejus longe, quam antehac vexavit: labefactatis enim hac methode Naturæ principiis, æger jam morbo pellendo magis impar redditur, unde & periculofius infeftat, & diuturnius. Qui igitur huic fe methode tradere cogitat, primum ferio fecum perpendat, num valeat per omnem vitam in eadem perfiftere: quod tamen fortaffis penes eum non erit, utut propofiti tenax fuerit. Novi enim nobilem quendam, qui poftquam per annum integrum folo lacte viciſſaverat, non tantum

sine offensione, sed & cum summa voluptate; (quo tempore quotidie semel, aut pluries deiecerat) sistente derepente alvo, ac mutata corporis temperie, manente vero adhuc animi propensione, & ventriculo tandem ad lac nausente, absistere coactus est. Nonnulli vero hypochondriaci, crasso corporis habitu, vel qui alias liquoribus spirituosus diu, multumque assuevere, lactis usum nullatenus ferre possunt. Interea emolumentum illud perbreve, ac fugax, quod ex hac diætâ percipiunt illi, quibus cum lacte convenit, hinc oritur, videlicet quod non tantum diætâ sit simplicissima (unde nullus dubito, quin jusculum avenaceum, modo ventriculus illud ferat, idem præstare possit) sed etiam sanguinem dulciorem, mitioremque reddat, particulas in eo aciores contemperando: atque insuper, quod ego palmarium judico, cum lac alimenti genus sit adultis prorsus impar, istam humorum turgescentiam, sive virositatem reprimit, cui podagræ ortum debet, eo nomine paucos istos quibus congruit, tamdiu a podagra immunes præstat, quamdiu eo solo vescuntur, nec juvat ulterius. Cum enim podagræ causæ originali ac primariæ, nempe concoctionum ac fermentorum debilitati omnino contrarietur, longe magis hac ratione obest, quam altera prodest. Quod cum minus perspectum fuerit, nonnulli incautiores in errores permaginos, & plane exitiabiles inciderunt; dum morbi causæ continentis, humorum sc. calori & acedini, obviam ire satagentes, concoctiones pestuuderunt, & functiones naturales prostraverunt omnes.

Liquores quod spectat, ii, me iudice, optimi sunt, qui neque ad vini generositatem ascendunt, nec ad aquæ debilitatem deprimuntur, cuiusmodi sunt cerevisia tenuis *Londinensis*, sive lupulata, sive non lupulata; cum extrema ab utraque parte noceant. Primum de vino, licet proverbio iactetur: Vinum potans podagra laborabis, & vinum non potans laborabis podagra; extra controversiam tamen est, & variis *podagrycistis* experimentis confirmatissimum, *Vinum* de facto officere. Licet enim prodesse credatur juvandis coctionibus, quarum vitia causam podagræ antecedentem jamdudum statui; ratione tamen causæ continentis omnino obesse censendum est, humores sc. fomitem morbi, jam in procinctu stantes accendendo exagitandoque. Sed neque damus, vinum pro potu ordinario usurpatum coctiones promoveri, at potius subvertere dicimus, nisi in

diu vino assuetis. Quamvis enim calorem aliqualem in transitu imperet, certissimum est tamen, fermenta corporis ab eo subjungi, & avocari spiritus naturales atque fugari: unde est, si bene conjicio, quod bibaces atque potatores isti male feriati, *Podagra*, *Paralysi*, *Hydrope* aliisque morbis frigidis fere perimuntur. Adde quod jugis & immodica vini ingurgitatio corpus ad instar corporum sceminarum emollit laxatque; cum liquores temperati partium omnium tonum roborant ac firment; unde qui liquoribus tenuioribus semper assuevere, podagram fere nesciunt. Notandum est insuper, quod huic morbo maxime obnoxii viri sunt, qui licet imminutam habeant concoctionem naturalem; tamen ex quadam sanguinis luxuria plus satis nutriuntur & incrementum sumunt ex materia quadam indigesta loco substantiæ sanioris & rite compactæ. Hanc sanguinis luxuriam *Oivocoria* adauget magis, ac proinde tum novam materiæ saburram accumulatur, tum etiam fomitem jamdiu repositum quasi subdita face actu in morbum provocat. Huic accedat strui, quod cum podagricorum sanguis isti qui e pleuritico- rum, aliorumque morbis inflammatoriis laborantium pertusis venis extrahitur, persimilis sit, insanorum esset sanguinem jam *opysura* ulterius spirituosus liquoribus, ceu ignem oleo, proutare. Neque tutius ex adverso liquores nimium retrigerantes in usum revocantur, cum hi concoctiones prorsus deiciendo, & extinguendo calorem naturalem, majorem adhuc noxam inferant, non dolorem scilicet ut vinum, sed ipsam adeo mortem: prout experientia docet in iis, qui ad senium usque vino liberalius indulgentes, aquam aut tenuiores liquores derepente cum vino, & non ita diu post vitam cum morte commutarunt.

Hic itaque podagræ obnoxiiis in potu modus statuatur, ut iis utantur liquoribus, qui neque, vel in maxima copia assumpti inebriare possunt, neque frigore suo ventriculum lædere. Hujusmodi est, ut dixi, cerevisia tenuis nostra, & in aliis regionibus confici poterit ex multa aqua cum paucio vino permixta. Aquam puram crudamque, & periculosam existimo, & expertus sum meo damno. Attamen satis commode ab ineunte ætate potatur aqua; qua hodieque longe major hominum pars sitim levat: inopia sua feliciores sunt illi, quam nos nostra copia & luxu. Testes appello ingens morborum agmen, quo corpora nostra hoc nomine

mine discruciantur, podagram sc., calculum, apoplexiam, & c. tum & vim animis illatam, qua nativa rectitudine transferum aguntur, dum adventitii talium liquorum spiritus, cum spiritibus animalibus cogitationi formandæ inservientibus complicati, mentem nimium volatilisando perturbant, vana ac futilia loco rerum solidarum atque alicujus momenti subingerentes: atque ita demum ingeniose lepidos ac dicaces, pro sapientibus nos reddentes; inter quos eadem ferme differentia intercedit, atque est inter substantiam, & prorsus nihil. Sed de his satis.

Jam vero quamvis sufficiat ei, qui podagra mitius ac tantum per intervalla laborat, vel cerevisia tenui uti, vel vino dilutiori, cum is morbi gradus tanti non sit, ut severiori regimini se subjiciat; attamen cum universa corporis substantia in podagram quasi degeneraverit, minus quam exoptet in profligando morbo promovebit, qui non a liquore fermentato quocunque, quantumvis leni & tenui, in totum abstinere: cum hi omnes spiritus pungentes, & aliquem acedinis gradum in se contineant: & quod pejus est, quatenus fermento imbuti (perinde ac flores cerevisiæ liquoribus inditi vim suam fermentativam toti massæ communicant) humores fermentationi perpetuæ addicunt. Potus itaque *Dieteticus* ex ingredientibus vulgo notis, & huic usui dicatis pro tali potu ordinario præscribendus est: modo non sit justo fortior, quo haud multo minus periculose accendantur humores, quam ipso vino; nec e contra aquosior justo, naturales functiones nimia refrigeratione prosternens. Hujuscemodi potus si rite paretur selectis ingredientibus istis, quæ ægro minus sunt ingrata, licet ad septimanam unam, alteramve non sine aliquali fastidio ita jugiter assumatur, postea tamen perinde gratus & acceptus est, ac sunt alii liquores, quibus quis maxime assueverit. Atque ab hoc potus genere non tantum non imminuetur appetitus, sed & augebitur: magis insuper naturalis, & genuinus evadet, quam cum liquoribus fermentatis uti soleat. Hoc insuper commodi accedet, quod qui hujusmodi potum dieteticum loco ordinarii hauriunt, liberius in cetero victu sibi possint indulgere, quam cum cerevisiam biberent, aut vinum: cum errores in victu, (quos omnes penitus evitare pene supra humanam sortem est) hoc pacto aliquatenus corrigantur compensenturque. Quod ve-

ro omnium primum est, æger hoc modo sibi a calculo præcavebit, qui podagræ fere individuus est comes; cum liquores acres ac attenuantes quilibet, uti ad calculum jam factum proritandum, ita ad eundem generandum etiam faciunt. Liquor sequens, utpote qui gustu ac colore jucundo est, mihi maxime arridet. *℞. Sarsaparil. ℥vj. Lign. Sassafr. China, & ras. c. c. ℥ij. Glycyrrhiz. ℥j. Coq. in Aq. fontan. Cong. duobus per hore dimidium; deinde sicut clausa super cineres calidos per horas 12. postea ebulliant ad tertiæ partis consumptionem. Cum primum ab igne amoveatur, infunde sem. Anisi ℥℥. Post duas horas coletur, & postea depuretur per residentiam, & liquor clarus reponatur in lagenis vitreis probe clausis ad usum.*

Hic liquor tum primum commodissime in usum trahetur, ubi quis a paroxysmo convalescit; atque in eo perseverandum tam in ipsis paroxysmis, quam in eorum intervallis per reliquum vitæ cursum. Neque enim satisfactum est, læviente adhuc morbo, novis rebus studere, cum in ejusmodi *crasi* & motu inordinato Natura vix ferre queat, ut liquores fermentati, qui vegetiores sunt ac magis spirituosi, cum alio inertis ac spiritibus destituto commutentur. Eodem etiam tempore & *Electuarium* prædictum usurpabitur; quod pariter deinceps tam in paroxysmorum insultibus, quam extra eos quotidie est devorandum. Hujus calor potus dietetici aquositatem quadantenus pensabit, sanguini, & visceribus debitum caloris gradum concilians, sine ista agitatione, quæ excitari solet ab æstu liquorum fermentatorum.

Si quis objiciat, eam vitam vix vitalem esse, in qua omnimoda tum a vino, tum ab aliis liquoribus fermentatis abstinencia observatur; respondeo perpendendum esse, an non longe miserius sit, ac minus tolerabile diris inveterascentis podagræ cruciatibus (nam in mitiori morbo non hoc postulo) quotidie excarnificari, quam huic soli liquori se adstringere, cujus usu continuato in ceteris esculentis ferme omnibus animo obsequi licet, ut jam non repetam, quod & hic potus (uti cetera omnia) dulcescat consuetudine. Certe qui hunc morbum expertus est, modo homo, non bipes fuerit pecus, nihil ambiget, in quam partem debeat concedere.

Quo non obstante, si æger vel a longo, ac nimio usu liquorum inebriantium, vel ab ætate provectiore, vel denique præ nimia debilitate, cibos absque vino, vel quovis

vis alio liquore fermentato nequeat concoquere, non vacat certe periculo eundem protinus, ac repente a vino depellere; qui quidem error haud paucis lethalis fuit. Proritus itaque, si me audit, apozema dieteticum supra præscriptum abdicet, vel, si eodem uti statuerit, ei sensim assuescat, haustum vini in pastibus ad tempus aliquod sibi indulgens, quasi remedii loco potius, quam dietæ, donec decoctum illud familiarius evaserit. *Vinum autem Hispanicum* hic loci tam Rhenano, quam Gallico omnino præferendum est, quæ posteriora, licet ventriculo pergrata sint, tamen exacerbandis humoribus, & augendo morbi fomiti apra nata sunt. Adde, quod cum æque fere cruda sint, & vix magis concocta, quam est nostrum pomaceum, non perinde cardiaca sunt, atque calida, ac res postulat. Atque hæc de cibo potuque ~~relaxationis~~ dicta sunt.

Est & aliud, quod tamen parvi pendatur, magni tamen momenti est tam in dirigendo morbi fomite, paroxysmo adhuc vigente, quam ad prohibendam ejusdem materię generationem extra paroxysmum, nempe ut æger, maxime hyemis tempore, mature lectum petat. Etenim post venæ sectionem, & catharsin nihil æque Naturæ vires subruit, ac noctu vigilare: quod quidem valetudinariorum quilibet expertus affirmabit, si serio animadverterit, quanto alacrior vegetiorque exsurgit, quoties se lecto temporius commiserit, quam vero enervis est, ac languidus, quoties ad multam noctem vigilaverit. Et quamvis res eodem recidere videatur, an citius feriusve quis lectum repetat, modo per tot horas eidem indulgeat, verbi gratia, an *hora nona* cubitum eat, & *quinta* surgat, vel *undecima* cubitum eat, & surgat *septima*; multum tamen interest, idque ob hanc, ut existimo, potissimum rationem. Interdiu sc. spiritus dissipantur, si ve in corporis exercitio, si ve animi, qui in minus recte valentibus ita sunt infirmi, ac debiles, ut vesperi somni subsidio maturius opus habeant; & cum noctis appulsus œconomix corporis quasi relaxationem quandam adferat, quæ diurno tempore a solis influxu vegeta conservatur, lecti calor, bruma præsertim, solis vicem ut gerat, necesse est. Mane vero spiritibus tam a prægressæ noctis quiete, quam a lectuli calore refocillatis vigoratisque, præterquam quod dies superveniens firmitatem, ac robur corporis tono conciliet, diluculo surgere hoc tempo-

Sydenham Opera Med. Tom. I.

re, licet horam unam alteramve a somno matutino detrahat; non ita altum vulnus Naturæ infligit, ac vigilæ vespertinæ ad horam unam vel alteram protrahat. Quamobrem istis, qui podagræ sunt obnoxii, auctor ego sum, hyeme præcipue, ut lecto mature admodum se committant, & diluculo exsurgant, quantumvis somnus iusto brevior suadeat, ut diutius cubantes eundem adhuc venentur. Cum somnus, qui ita diluculo capitur securæ noctis somno tantundem detrahat; atque ita tandem Naturæ vi illata, spretoque sapienti ejus instituto, noctem pro die quis habeat, diem perversus pro nocte.

Quinimo *animi tranquillitas* omni ope stabilienda est: cum perturbationes omnes, si repagula semel effringant, ad solvendam spirituum, qui sunt digestionum instrumenta, systasin, ac proinde ad podagræ incrementum multum faciant. Prudenter itaque secum meditetur æger mortalitatis suæ conditionem, nec se earum, quæ eam sequuntur, molestiarum exortem stultus opinetur: si ve enim sui ipsius, si ve aliorum culpa hanc animi ægritudinem pariat, non poterit unquam mundo leges dare, qui nemini hætenus, quantumlibet demum potens, aut sapiens fuerit, semper morem gessit; neque ita cuiquam semper ex animi voto cedebant res omnes, ac vana mens sponderat; atque repente inter rerum apparatus animam agens humanæ fragilitatis specimen tandem edidit, immerito se brevi vitæ fructu spoliens. Idem etiam incommodi sequitur nimium animi ad studia, & res serias applicationem. Cum enim huic morbo præ ceteris quibuslibet melancholia vulgo dicta comes semper adhæreat, qui ei sunt obnoxii, spiritus animales diu, multumque cogitando, etiam non adhibito artificiali librorum adminiculo, fatigare solent, atque obruere, hoc ipsum ita valde ac nimio opere agentes, ut corporis œconomia integra amplius conservari nequeat: Quam ob causam, ut mihi videtur, hic morbus perpauco insipientes (me excipiat qui volet) occupavit unquam.

Ceteris vero omnibus, quæ ad impediendum humorum indigestionem (quam ego primariam podagræ causam constitui) & ad sanguinem idcirco corroborandum, ac firmitudinem partibus conciliandam faciunt, *Exercitium* corporis facile palam præripit. Animadvertendum est autem, uti supra monui, quod cum in hoc morbo; etiam magis quam in chronicorum quovis; totius corporis habitus immutari debeat; exercitatio

P p

cor-

corporis, nisi quotidiana fuerit, nihil juvabit, huiusmodi enim exercitatio per vices intermissa, uti nihil fere confert ad immutandum habitum corporis ab inertia atque indulgentia jam languescentis, & effoeminati, ita fortassis & nocere possit, paroxysmum accersendo, ubi quis jamdiu ab ea desueverat. Hoc vero exercitium vehemens non sit oportet, tale vero quale senibus competit, qui podagræ subjecta sunt magis usitata. Motus enim corporis iusto vehementior nimium dissipat, & e consequenti concoctiones laedit; quando exercitatio moderata, ac perseverans eisdem firmat. Quantumlibet hoc durum videatur homini, qui præter senium, & corporis ad motum ineptitudinem, & socordiam huic præsertim malo quasi connaturalis, dolore insuper mactatur; tamen si hoc omittatur, nihil ex hætenus inventis quicquam proficiet. Utque paroxysmorum intervalla sine jugi corporis exercitio magna esse non possint, ita etiam ad calculi generationem talis erit proclivior, qui quidem plus habet, & periculi, & cruciatus, quam ipsa podagra.

His adde, (quod magnum pondus habere debet) materiam *tophaceam* a longa requie admodum auctam iri in articulis corporis, maxime vero digitorum, ita ut tandem omni motu priventur. Utut enim fidenter asserant nonnulli, horum tophorum materiam nil aliud esse, quam sanguinis *Tartarum* ad articulos transmissum, facile tamen constabit cuilibet rem paulo attentius perpendenti, quod dum magna vis materię incoctę podagram facientis in articulos quosdam depluit, & partes vicinas diutius tumidas reddit, ut partim harum virtus assimilativa sufflaminetur, partim a suffocante obstructione, quam in eis parit iners hic humor, dicta materia generetur, quę a calore doloreque articuli in huiusmodi substantiam coagitur, atque indies augetur, tum carnem, tum cutim articuli in propriam Naturam vertens; quę jam nuda jacet, acicula, ad instar *Crate*, *Ocul. Cancr.* aut similis alicujus rei, extrahenda. Jam vero hoc malum ab exercitio quotidiano præcavetur, a quo oritur debita humorum podagram generantium, qui unam aliquam partem libenter occupant, diffusio per omne corpus. Unde fit, uti ipsemet expertus sum, quod exercitatio longa & quotidiana non tantum non officit generationi tophorum, sed etiam tophos veteres, & induratos solvit, modo non eo usque invaluerint, ut cutim extimam in suam substantiam mutaverint.

Exercitii genus quod spectat, *Equitatio*, quoties nec grandior ætas, nec calculus intercedunt, reliquis longe præferenda est. Et sane diu, multumque mecum reputavi, quod si cui innotesceret medicamentum, quod & celare vellet, æque efficax in hoc morbo, ut in chronicis plerisque, ac est equitatio constans, & assidua, opes ille exinde amplissimas facile accumulare posset. Hac si uti non liceat, vestio frequens in curru ferre eodem redit. Atque in hoc saltem podagra laborantibus plerisque bene est, quod opes quę luxurię, unde pullulavit morbus, irritamenta erant, facultates currus habendi subministrant, quo hac saltem exercitatio nis specie fruuntur, cum altera, frui nequeant.

Observandum est autem, quod exercitatio in aëre salubri longe ea præstantior est, quę in minus salubri peragitur: ruri scilicet potius, quam in urbe, ubi aër vaporibus a variorum artificum officinis exhalantibus est repletus, & ædificiorum densitate constipatus; qualis est in *Londino* hoc nostro, urbe, quantum certo scimus, omnium quę in toto terrarum orbe sunt, spatiosissima. Quantum vero intersit, an quis ruri, an in urbe se exerceat, podagricorum quivis statim persentiet.

Quod *Venerem* attinet, is qui tam podagra, quam senectas laborat (quandoquidem jam jam ea spirituum copia destitutus est, qua concoctiones promoveri debuerant, & per consequens absque hac clade adventitia articulos, & reliquas partes adjacentes plus satis laxatas habet, & debilitatas) æque improvidus meo iudicio foret si ejus lenociniis indulgeret, atque illi, qui cum longum iter emetiendum suscepit, viaticum omne prius abliguriret, quam se vię committeret. Quinimo præter malum, quod sibi accersit, languidiora ævi jam satiscientis desideria non cohibens, maximo illo privilegio fruendi jubilati, quod speciali atque eximio Naturę munere senibus conceditur, se abdicat; qui jam in ultima vitę scena ab eorum libidinum impetu, quę, ceu tot rabide ferę, eos per juventam omnem diu noctuque quasi laniabant, tandem aliquando sunt emancipati: cum horum appetituum expletio nullo modo longum illud malorum agmen, quod eam vel comitabatur, vel insequabatur, pensaret unquam. Atque hæc de regimine.

Quamvis autem huiusmodi regulę tam dictam, quam ceterum regimen spectantes, si ab

si ab homine podagræ obnoxio religiose observentur, eum ab enormioribus morbi insultibus præservare queant, atque istam sanguini, & partibus solidis firmitatem conciliare, quæ ab illa malorum iliade, unde morbus non solum supra humanæ patientiæ vires, sed & funestus tandem redditur, eundem immunem præstare possit; non tamen efficient, ut non post quædam intervalla, maxime exeunte hyeme, podagra quandoque tentetur. Licet enim æstivo tempore dum tonus vigorque sanguinis a solis calore excitatus fuerit, & in statu conservatur, & pariter debita humorum per poros eliminatio pro voto successit, omnino oportet ut coctiones longe melius quam hyeme celebratæ fuerint; tamen cum appetente bruma, & sanguinis robur fuerit imminutum, & perspiratio per cutis poros impeditior, necesse est ut ingens materiæ indigestæ colluvies sit accumulata, quæ tandem diuturna mora in speciem prorumpet, propriis se exerens symptomatibus, & paroxysmum inducens, quamprimum vel ab humorum motu ab accessu solis propiore, vini potatione, exercitio vehementiori, aut alia causa evidenti quacunque ansa detur.

Ex jam dictis liquet eum qui hujusce morbi curationem molitur, id negotii sibi dari debere credere, ut totius corporis habitum immutet, atque illud ad pristinam constitutionem refingat, quantum per ætatem, & reliquas circumstantias fieri possit: quod in paroxysmorum interstitiis, non in ipsis paroxysmis annitendum est. Cum enim morbi fomes non solum generatus, sed & in articulos jam ablegatus fuerit, sero nimis vel ejusdem mutationem, vel eliminationem per alias vias conabimur: cum non alia methodo foras ejiciendus sit, quam ea, quam Natura præmonstrat, cui soli permitendus omnino est. Quod & in febrium intermittentium paroxysmis usu venit, quas ob eandem causam remediis non oppugnamus, nisi æstu prius consopito. Nec absurdus quis in extinguendis harum febrium, calore scilicet, siti, inquietudine, aliisque symptomatibus, anxie operam locaverit, quam existimaverit alius se podagram sanare, cum in podagræ symptomatibus tantum coercendis laboret; cum tantum hoc tempore a curatione morbi abscedat, ut eandem aliquatenus impediat, ac remoretur. Quanto enim magis ægri dolores lenit, tanto magis humorum concoctioni adversatur; quantoque claudicationem arcet, tanto materiæ morbificæ ex-

pulsioni officit. Adde, quod quanto paroxysmi furor ac acies retunditur, non solum tanto diutius affligit, sed & brevius erit spatium interiacens, & minus etiam liberum ab omni gradu symptomatum, quibus hic morbus funestatur. Quod nemo inficiabitur, qui diligenter trutinaverit, quæ supra in hujusce morbi historia edisserui.

Quamobrem licet nihil magni in *Paroxysmo* tentandum sit, nisi quod istis symptomatibus occurrendum est, quæ falsa medendi methodus quandoque parturit; tamen cum omnes uno ore fateantur, morbum huncce ab humorum copia, & exuberanti plenitudine nasci, ægro fortasse conducet a carnibus per aliquot dies, ubi primum a morbo corripitur, abstinere, & harum loco simplici jussulo avenaceo uti, aut alio pari alimento; cujusmodi diætæ tenuis materiæ morbificæ imminuendæ multum conferet, & Naturæ opportunitatem subministrabit, qua eandem ocyus digerat. Cum vero ingens sit corporum aliorum ab aliis discrimen, quibusdam abstinentiam a carne non ferentibus, statim vero ab ea spirituum animalium *strepitus*, animi deliquio, aliisque symptomatibus, qualia scæminis hysterica affectione laborantibus accidere solent, correptis; istos non tantum juvabit, sed & lædet, si diutius a carnibus abstineant, quam ventriculus earum usum aversetur: quod ut plurimum non excedit primum, aut secundum diem eorum paroxysmorum particularium, qui omnes simul juncti integrum paroxysmum, ut supra innui, constituunt. At vero si tardius, sive ocyus quis carne vescatur, serio cavendum est, ne urgente morbo majore copia utatur, quam quæ ad Naturam sustentandam necessaria sit, nec minore cura opus est in assignanda victus qualitate. Namque ut semper in paroxysmorum intervallis, ita præcipue paroxysmo jam præsentē, æger summopere curare debet, ne quid vel in quantitate, vel qualitate sive potus, sive ciborum peccetur. Neque in hoc solo, sed in alio omni regimine, de quo fusius egi, in intervallis observando, cautela haud vulgaris adhibenda est. Et licet tam dolor, quam magna ad motum inhabilitas, exercitio, quod ego præ ceteris omnibus laudavi, contra indicare videantur, tamen & hic labor exantlandus omnino est. Quamlibet enim in paroxysmi initio ægro impossibile videatur, ut lationem in currum, multo minus ejus motum ferre queat; attamen si id tentaverit, ita diu post sentiet se mi-

minus a tali motu dolere, quam cum se in cathedra domi contineret. Id insuper accedit emolumenti, si ad horas aliquot tam anane, quam post meridiem in curru vectus fuerit, quod cum domi toto die sederet, noctem fere infomnem ageret, jam dolorem somno ad multam noctem fugare poterit; cum exercitatio permodica podagra laborantem eoque delasser, ut in somnum dilabatur. Adde, quod eadem exercitatio calculum, quem vita deses ac iners ut plurimum accersit, quadantenus præcavebit. Quod vero maximi momenti est, a jugi ac pertinaci exercitio occurreretur totali artuum ad motum impotentiz, quæ haud paucis accidit post paroxysmum unum alterumve diuturniorem, contractis sive poplitum, sive calcaneorum tendinibus: dum enim in cruciatu longiore quieti indulerint (maxime crura nolentes extendere, quoties dolor genu occupaverit) tandem crurum ac pedum motu per reliquum vitæ tempus orbari sunt, tam in paroxysmorum interstitiis, quam in ipsis paroxysmis, quos non ita tamen effugiunt. Quinimo in iis senibus, quorum concoctiones admodum vitiatæ sunt, & qui a morbo per multos annos affligente ipsam corporis substantiam quasi in podagram habent conversam, nihil minus sperandum est, quam ut morbus sine exercitio ad digestionem perducatur unquam; cum enim morbus naturam viribus superet, sæpe moriuntur a languore atque ægritudine, quæ formitis morboſi copia concoctionem respuentis apportat, & ab hac materia inconcoctili, quæ nullo modo potest assimilari, tanquam a veneno enecantur.

Attamen non obstantibus iis, quæ de exercitii utilitate in podagræ paroxysmis dicta sunt, si tamen æger præ nimia paroxysmi atrocitate primo statim insultu quasi prostratus fuerit, (quod istis fere usu venit in quibus podagra jam *acuta* suam attigit, nec adhuc a multorum annorum decursu mitigata est) hoc in casu si æger cubiculo includendus est, e re erit, ut etiam lectulo ad primos dies aliquot, donec scilicet doloris vehementia remiserit, idem includatur: etenim lectulus exercitii defectum aliquatenus supplebit; cum ejus usus continuus materiam morbosicam potentius digerat paucis diebus, quam excubatio aliqua multis, maxime incipiente morbo, si modo æger absque lipothymia aliisque malis symptomatibus a carnibus abstinere queat, solo jusculo a venaceo, cerevisia tenui & ceteris ejusmo-

di contentus. Verumtamen haud omittendum est, quod si podagra jam inveterata fuerit, atque æger ad animi deliquia, ventris tormina, diarrhœam, aliaque his similia symptomata propendat, vix libitinam evitabit ab aliquo paroxysmorum jugulatus, si non exercitio utatur, idque in aëre liberiore, ac perflabili loco; quod diligenter animadvertendum censeo, quando magnus podagricorum numerus iis symptomatibus jam perierit, quibus hæc in cubiculo, & præsertim in lecto incarceration eisdem obnoxios fecerat, qui non ita mature fato concessissent, si molestiam vestationis per majorem diei partem devorare voluissent. Licet enim qui unico artuum dolore fatigatur, se cubiculo possit includere; tamen qui loco doloris acerbissimi, ægritudine, aliisque symptomatibus prædictis laborat; talis idem imitando, se in vitæ discrimen conjiciet. Et quidem bene nobiscum agitur, quod quoties dolor ita vehemens est, ut æger motum tolerare non valeat, neque eo admodum opus habeat, ipso dolore, quod amarissimum est Naturæ remedium, ægro de vita prospiciente.

Jam vero quod attinet podagræ *Symptomata*, iis occurrendum est, a quibus æger in *Paroxysmo* de vita periclitatur. Horum maxime familiare est ventriculi debilitas, ac languor, cum ventris torminibus tanquam a flatu, quod iis accidit, qui vel jam a multis annis podagræ obnoxii vixerunt, vel iis, qui licet non ita diu eadem laborantes, hoc tamen mali invitarunt præpropere, liquores spirituosos cum tenuioribus, & multum refrigerantibus, derepente commutantes; vel *Emplastra repellentia*, aliaque medicamenta refrigerantia partibus affectis ad leniendum dolorem admoventes; unde morbi causa materialis, quæ in artus debuerat deponi, in viscera reficitur. Multa egomet expertus sum in postremorum annorum paroxysmis ad mitigandum hoc symptoma, nihil vero æque votis respondit, ac *Vini Canariensis* haustulus subinde deglutitus, languore, atque ægritudine urgentibus: neque vel visum Gallicum rubrum, vel theriaca Andromachi, neque aliud quodlibet e cardiacis mihi hætenus notis pares habet vires. Sed neque vinum hocce, nec cardiacorum aliud quodlibet ægrum, si exercitio non utatur, omnino servare posse existimandum est.

Sin autem gravius aliquod symptoma inducias haud ferens, ex retrocessu materiæ podagricæ subito ingruat, & morrem ægri

minuitur, neque vino, neque exercitio supra laudatis fidendum; verum hoc in casu, modo non caput, aut partes vel naturales vel vitales ejusmodi malum impetat, ad *Laudanum* statim confugiendum; nempe *Laudani liquidi gutt. xx. haustulo aq. Epidemice immista* propinentur, & in lecto ad quietem æger se componat.

Quod si materia podagram committens, quia non jam in artus fuerit eliminata, *Diarrhæam* induxerit, modo ea paroxysmi singularis crisis non fuerit, & laudano jam laudato, & exercitio omniufmodi (hoc enim in primis ad diarrhææ curationem obeundum est) non obstante, alvus nihilominus diutius fluat, agitudine, torminibus ventris, &c. accedentibus; unicum, quod scio, remedium est, ut *Sudor* provocetur methodo & medicamentis huic usui destinatis: quod si fiat ad biduum triduumve mane & vespere, per duas tresve horas continuas, sistetur ut plurimum diarrhæa, & morbi fomēs magna vi in artus denotabit. Hac ego methodo aliquot retro annis mea vitæ consului, postquam me in hoc malum a potatione aquæ frigidæ pro ordinario potu, imprudens conjeceram; idque posteaquam cardiacorum & adstringentium varii generis opem frustra imploraveram.

Est & aliud symptoma non perinde crebrum, quod tamen aliquoties ipse vidi, metastasis scilicet materiæ peccantis in pulmonum lobos; quoties nempe tussis brumalis a frigore tempore paroxysmi suscepto, materiam sensim in pulmones allicit, artubus interim, ob translationem materiæ morbificæ in aliam regionem, vel omnino, vel tantum non, tam a dolore, quam a tumore liberatis. Uno hoc in casu intentio curativa non ad ipsam podagram dirigenda est, at vero hoc symptoma pari modo tractandum est, quo peripneumonia absoluta; venæ sectione scilicet reperita, cum diæta & remediis refrigerantibus, ac incrassantibus, cum sanguis, in hoc symptomate præcipue, extractus pleuriticorum sanguinem prorsus referat. Purgandus est insuper æger inter venæ sectiones portionibus lenientibus, quibus hæc colluvies in pulmones illapsa possit amandari. Sudoris autem provocatio, quam vim cumque habeat in morbi fomite super artus deturbando, hic tamen non tantum non prodest, sed & obest, materiam pulmonibus impactam indurando; unde generantur *abscessus*, & tandem agri mors certissima subsequitur.

Hic porro notandum, quod *Podagrici* fere omnes postquam cum hoc morbo diu conflixerint, *calculo renum* sint obnoxii, proindeque vel statu, vel declinatione sæpius paroxysmi generalis nephritico dolore laborare soleant; idque cum magno ægrorum non tantum cruciatu, sed & virium dispendio, cum jam plus satis attritæ fractæque ea fuerint. Hoc in casu posthabitis quibuscvis aliis remediis *liquoris possatici*, cui *rad. Alibæ* ℥ii. *incollæ fuerint*, *Congium unum* quam citissime devoretur, & sequens *Enema* injiciatur.

℞. Rad. Alibæ, & lilior. an. ℥j. sol. malvæ, parietar. branch. Ursin. & flor. Chamemel. an. M. j. sem. lin. & fenug. rec. an. ℥ss. Coq. s. q. aq. ad ℥iiss. Colatura dissolv. sacchar. Culinariis, & syr. dialibæ an. ℥ij. Mf. f. Enema. Quam primum per vomitionem æger totum reddiderit, quod per os ingestum fuerit, ut etiam enema rejecerit, *laudani liquidi* satis magna dosis propinetur, viz. ad gutt. xxv. vel *pil. Matthæi*, gr. xv.

Remedia *Externa* si quis querat ad leniendum podagræ dolorem accommoda, nulla mihi hætenus cognita sunt (licet plurimum tum in me ipso, tum in aliis expertus fuerim) præter mere refrigerantia, & repellentia, quorum usum jam supra docui periculo haud vacare. Et fidenter assero, multa & longa observatione suffultus, maximam partem eorum, qui podagra periisse putantur, non tam ipso morbo, quam subleita, atque indebita medicatione fuisse peremptos. Si quis autem remediorum externorum, quæ pro anodynīs indubitatis habentur, virtutem probare velit, non fucum sibi faciat eadem sub declinatione paroxysmi particularis (quo tempore dolor jam sponte sua cessurus est) applicando: quin potius sub initio paroxysmi ista usurpet: & statim edocebitur, quam ficulneum sit illud auxilium, quam vana spes; cum hæc epithemata nocere quandoque possint, prodesse nunquam. Qua de causa egomet jam a multis annis nulla remedia externa adhibui: Pulcra sola ex pane similagineo cum croco in lacte cocto, addito postea, oleo rosaceo in pauca quantitate, mihi olim præ ceteris profuit, quæ tamen in paroxysmi initio nihil prorsus juvabat. Si igitur dolor admodum sæviat, æger rectius sibi consulat se in lecto continendo, donec is aliquantisper remiserit, quam anodynīs utatur: attamen haud abs re fuerit *Laudani pauxillum* vespere sumere, si dolor

lor patientiam multum vincat, aliter melius omittetur.

At vero cum in externis hujusmodi remediis jam sim, omnino aliquid mihi dicendum est de musco quodam Indico, *Moxam* vocant, nuper magni nominis in podagræ curatione, si nempe pars affecta eadem accensa leviter ustuletur. Quamlibet hoc remedii genus *Indis Orientalibus* acceptum referatur, atque *Europæis* universim omnibus pro incognito habeatur, attamen constabit antiquioris id esse ævi etiam apud nos, illi qui *Hippocratis* effata jam ante annos bis mille literis tradita voluerit consulere. In præstantissimo illo de *Affectionibus* libro, *Secl. quinta*, pag. mihi 524. de *Ischiade* agens hæc habet, « *ἢ δὲ ὁ τριχίω, &c. i. e. Quod si uno aliquo loco firmiter consisterit dolor, neque medicamentis expellatur; quocunque loco dolor forte existarit, eum lino crudo inurito. Et paulo post de Podagra verba faciens: Εὐαγίμ δὲ ἔ τὰ τε, &c. i. e. Huic eadem que articulari morbo conferunt, & longus quidem hic morbus est & gravis, minime tamen letalis. Quod si in digitis dolor remaneat, venas in digito paulo supra articulum inurito; ustio autem per linum crudum fiat. Opinor, neminem posse existimare, eam esse differentiam specificam inter flammam vel a lino, vel ab hoc musco Indico excitatam, ut hæc illa in sanatione podagræ plus valeat, non magis quam reputaverit ignem e *Roboris* segmentis accensum majus aliquid præstare posse illo, qui *Fraxini* ligno alitur. Hæc partis affectæ ustulatio aliquid pollicetur (quod & efficere quandoque possit) ad doloris committigationem, evocata scil. somitis morbifici parte subtilissima ac maxime spirituosa, in articulum jam deposita. Attamen beneficium ab hoc remedio partum, cum indigestionem, quæ podagræ causa est antecedens, nullo modo attingat, fugax esse oportet, ac breve. Neque opus est, ut dicam, illud in podagris tantum incipientibus locum habere; quando enim sive a morbi diuturnitate, sive ab importuno atque indebito medicamentorum usu, podagra, ut subinde fit, ad partes internas fuerit conversa, ac proinde ægitudine, torminibus ventris, atque longo hujusmodi symptomatum agmine, potius quam dolore ægrum multaverit, nemo sanus igne urendum esse arbitrabitur.*

En vobis omnia, quæ mihi hætenus comperta sunt in hujus morbi curatione. Si quis objiciat multa esse remedia *Specificæ* ad po-

dagram; ego me ea nescire lubens fateor; & vereor ne promissores isti perinde sint ignari, ac sum ego. Et sane dolendum est, medicinam artem nobilissimam hujusmodi magis, quæ, sive ab inscitia, sive a pravitate *Scriptorum*, credulis objiciuntur, usque adeo deturpari; cum in omni fere morborum genere hujusmodi aliquid a nugivendulis tanquam *Θεῶν χάρις* decanteretur pleno ore. Et, quod est magis mirandum, quod non tantum in morbis typo indutis hujusmodi deliramenta obtineant, sed & in minime formatis, qui ab organorum læsione aliqua, aut *παραίτια* externa producuntur, viris etiam cetera cordatis imponant. Atque hoc satis evincunt *Specificæ in Contusionibus* vulgo prædicata, qualia sunt *Sperma Ceti*, *Tegula Hybernica*, &c. quæ omnia id tantum præstant, ut methodum, qua tractari debuerat hic affectus, divertant: prout illi satis constabit, qui experiri voluerit, quanto tutius, atque ocyus sanabitur is, qui *Veneræ* sectionibus, ac *Purgationibus* utetur *alternatis*, usque dum bene habuerit; neglectis prorsus levidensibus istis, quæ pro more post sanguinem semel eductum sæpe exhibentur, atque etiam ea sudorum sollicitatione, quæ pari passu cum eorum usu solet procedere, a qua partium jamdiu ad inflammationem propensarum excalesfactione æger sine causa in vitæ periculum adducitur.

Quod si nihil proficientibus his, quæ attuli omnibus, adhuc minus sagax videar, & minus copiosus in medicamentis eruendis enumerandisque; *Universa* illa proponam, quæ *Lucianus* in *Τρυφονίδῳ* jam plenius collegit, e quibus tam externa, quam interna qui volet, eligat, quæ forsitan haud minus efficacia sentiet; quam sunt eorum plurima, quæ a nonnullis deprædicantur. Apud hunc *Podagræ* persona ita istos alloquitur, qui secreta quædam remedia se habere jactabant; quibus is morbus possit expugnari.

Τὸ τὴν ἀνθρώπων, &c. i. e.

*Quis invictam me dominam dolorum Ignorat podagram in terra mortalium?
Quam neque Thuris vapor placat,
Neque effusus sanguis aras ad incensat;
Non templum divitiarum undique suspensis
ornatum donariis.
Quam neque Apollo medicamentis expugnare
valet;*

*Omnium Medicus in cælo Deorum;
Non filius Apollinis doctissimus Æsculapius.
Postquam enim enatum est primum hominibus
genus,*

Conantur omnes meam elidere potentiam;
Misceles semper medicamentorum artificia!
Alius aliam in me experitur artem.
Terunt Plantagines, & Apia mihi;
Et folia Lactucarum; & silvestrem Portu-

lacam;
Alii Marrubium; alii Potamogetonem;
Alii Urticas terunt; alii Symphytum;
Alii Lentescunt ex palustribus lectas.
Alii Pastinacam coctam; alii folia Persico-

rum,
Hyoscyamum, Papaver, Cepas agrestes, Mali
Puniei Cortices;

Rhysium, Thus, radicem Ellebori; Nitrum,
Fenum graecum cum vino, Gyrinum, Col-

lampbacum,
Cyparissiam Gallam; Pollen bordeaceum,
Brassica decocta folia, Gypsum ex Garo.
Stereora Montana Caprae, humanum oletum,
Farinas Fabarum, florent Afri lapidis;
Coquunt Rubetas, Mares, Araneos, Lacertas,

Feles,
Ramas, Hyenas, Tragelaphos; Vulpeculas.
Quale Metallum non exploratum est mortali-

bus?
Quis non succus? Qualis non arborum la-

cryma?
Animalium quorumvis ossa, nervi, pelles;
Adeps, sanguis, medulla, stercus, lac.
Bibunt alii numero quaternis pharmacum:
Alii octono: sed septeno plures.

Alius vero bibens Hieram purgatur:
Alius incantamenti impostoram deladitur:
Judeus alium stultum excantat nactus:
Alius vero remedium petit ab Hirundinis nido.
Ego autem his omnibus plorare impetro,
Et facientibus haec, atque irritantibus me
Soleo occurrere multo iracundior.

His vero, qui cogitant nihil adversum mihi,
Benignam adhibeo mentem, facilisque fio.

Nullus dubito prudentissimos quosque eo-
rum, qui cum hoc morbo diu confixere de
omnimoda curatione desperantes, Choro qui
istius Dramatis catastropham facit, suffraga-
tuos:

Hic est & varius, &c. i. e.
Lenem, O ubique gentium celebrata afferas
(nobis) dolorem, Podagra,
Levem, facilem, non acutum, brevem, laud-

facientem,
Tolerabilem, facile desinentem, parum vali-

dum, ambulationes non impediens.
Multi sunt morbi miserorum:
Sed exercitia dolorum, & consuetudo
Podagricor solentur.

Ideoque aquo animo, o Complices, oblivisci
puni

Dolorum. Si ea quae placent non sunt.
Tamen etiam praeter spem accidentibus viam
invenire soles Deus.

Quis sustineat Podagra laborantium
Deludi & derideri:

Talis enim hujus morbi natura est.

Ut semel finiam. Methodus, quam hic
trado, & praedictorum examini inniti-
tur; quamque ego secutus tam in ipso me,
quam in aliis, morbi levamen percepi, The-
rapeja Radicalis, & usquequaque perfecta,
qua quis etiam a diathesi ad hunc morbum
foret liberatus, adhuc in Democriti puteo
latet, atque in naturae sinu reconditur, ne-
scio quando, aut a quibus in lucem extra-
henda. Spero nihilominus, me hoc scripto
humano generi commodi aliquid contulisse,
si istos scopulos fideliter indigitaverim, ad
quos tum ipsemet, tum alii plurimi naufragium
fecimus; atque insuper optimam, quae
haecenus innotescit, methodum praemonstra-
verim. Non his majora promitto; quam-
vis a longa cogitationum serie, quas huic rei
impendere tantum non sum coactus, indu-
car credere, ejusmodi remedium quandoque
inventum iri. Quod si unquam acciderit,
inscitiam suam dogmaticis exprobrabit, atque
exinde liquebit, quam insigniter tam in di-
gnoscentis morborum essentiis, quam in me-
dicamentis, quibus eos aggrediuntur, hallu-
cinentur. Cujus rei exemplum satis luculen-
tum habemus in repertione summi illius ad
Febres intermittentes specifici, Corticis Peru-
viani. Per quot jam saecula homines quique
solertissimi ingenia exercuerant in investi-
gandis harum febrium causis, quibus pra-
xin quilibet aptavit Theoriae a se excogita-
tae optime respondentem? Quomodo vero
haec medicationes theorematum valebant defen-
dere, ex iis constat, quorum adhuc recens
est memoria, in quibus varias intermitten-
tium species in variis humoribus in corpore
redundantibus collocantes, curationem ad
humorum istorum alterationem, atque eva-
cuationem dirigere solebant. At quam in-
auspicato id egerunt, eorum in his conami-
num frustratio, praecipue vero hujus Corticis
usus felicitior, palam faciunt; cuius ope nos
nunc temporis tum humores huiusmodi om-
nes, tum etiam diatam & regimen quod-
cunque susque deque habentes, ac nihil nisi
methodum pulveri exhibendo debitam obser-
vantes, scopum recta attingimus; vix ab
illo aberrantes unquam, nisi aegrum, lecto-
sine ulla necessitate addicimus; dum in ejus
usu est. Tanta tamen est hujus remedii vis,
ut

ut non obstante eo incommodi, quod scilicet febris a lecti calore plus, quam erat opus intendatur, agrum nihilominus ad sanitatem ut plurimum reducat. Interea donec hæc podagræ curatio radicalis comperta non fuerit, quod Medicos omnes, me præ ceteris, optare fas est; hanc meam qualemcumque opellam boni consulite. Quod si minus eveniat, hominum mores ita probe perspectos habeo, ut non multum fallar; & officii mei rationem ita calleo, ut animo neutiquam cadam. Et si fœvissimi isti cruciatus, impotentia ad motum, ceteraque corporis mala, quæ ego per maximam vitæ partem sum perpeffus, (una cum damno rei familiaris, quod sustinui, a medicina facienda toties adversa valetudine avocatus) aliis quietem & *sanctam* possint comparare; erit unde me fructum aliquem miseriarum hujus generis, quas in hac vita toleravi, in aliam migrans percepisse existimabo.

EX paucis hisce Clarissimi nostri Auctoris paginis, satis manifestum est, quid de Podagra in genere ejusque cura legitima, quæ in solis palliatis posita est, sentiendum veniat. Verum specialius quid circa hunc morbum, aliasque omnes affectiones de ejusdem Natura participantibus, reperitur in Clarissimi Musgrave Tractatibus de Arthritide Symptomatica, & Anomala, quos propterea pro pleniori ejusce ægritudinis cognitione hic inferere propositum nobis fuit; sed quandoquidem grandior illorum moles, longiorem Auctoris nostri textui interruptionem procreasset, magis e re visum fuit eos in Voluminis hujus prope finem rejicere, ubi æque commode a docto Lectore perlegi poterunt, ac si ipso hoc loco exhiberentur.

THOMÆ SYDENHAM M. D.

TRACTATUS

DE HYDROPE.

OMnis hominum ætas, sexus omnis ab *Hydope* nonnunquam infestatur. Feminae tamen huic morbo magis sunt obnoxie, quam viri: verum hos ætate præsertim ingravescente adorigitur, illas ubi jam parere desierint: Steriles autem quandoque etiam juniores occupat. Foveæ a digitorum im-

pressionem in surarum parte inferiore, sub noctem in primis conspicitur, mane vero evanescentes, primum hujusce mali indicium dant, quod non perinde certum est hydropis ingruentis signum in sceminis, atque est in maribus; cum & prægnantes, & alie quibus catamenia quavis de causa sistuntur, haud raro idem patiantur. Neque tamen in viris ejusmodi tumor hydropem certo indicat: enim cum senex quispiam, habitu corporis paulo pleniori præditus, *Asthmate* jam a multis annis laborans, ab eodem deropente, idque hyemis tempore, fuerit liberatus, mox ingens tumor musculos tibiarum occupabit, hydropicorum tumores æmulans, qui hyeme etiam magis quam æstate, tempestate magis pluvia quam serena, pariter invalescet; & tamen sine quovis incommodo insigniori, eundem ad Libitinam usque comitabitur. Quo non obstante, si generaliter loquamur, suræ & tibiæ intumescentes, etiam in viris, pro signo supervenientis hydropis habendæ sunt; maxime si ita affecti spiritum ægrius ducant: qui quidem tumor tam copia, quam mole auctior in dies redditur, donec pedibus majorem aquarum vim jam respuentibus, crura tentantur, ac postea abdomen ipsum; quod quidem sero e sanguine jugiter decedente repletum, paulatim ad ultimum capacitatis suæ limen distenditur; adeo ut sæpe multos aquæ congios intus contineat, quæ in umbilicum, qua data porta, ruentes, quandoque exomphalon constituunt.

Tria interim hunc morbum stipant symptomata, *Dyspnœa*, *Urinæ paucitas*, & *sitis intensa*. Spirandi difficultas oritur ab aqua diaphragma comprimente, unde naturalis ejus motus sufflaminatur. Urina idcirco parce redditur, quia sanguinis serum, quod per ductus urinarios ex lege naturæ excerni debuerat, jam in cavitatem abdominis deponitur, & in ceteras partes eidem excipiendi aptas natas. Sitis est a putredine colluviei serosæ, quæ a mora in corpore longiore & calorem & acridinem contrahit, unde æger & febre quadantenus semper laborat, & memorata siti.

Pro rata, qua æger in partibus quas morbus obsidet, mole augetur, in reliquis magis magisque indies emaciatur, & gracilefcit, tandemque cum tanta aquarum vis intra abdominis ambitum coerceri ulterius nequeat, impetu in viscera nobiliora, & vitalem arcem facta, cataclysmo quasi submersus perit.

Cau.

Causa hujusce morbi in genere sanguinis debilitas est, unde alimento, quod forinsecus importatur, in substantiam suam convertendo non jam par, idem in extremitates, & pendulas corporis partes explodere necesse habet, mox in abdomen etiam, in quo, quamdiu in exigua quantitate hinc inde dispergitur, natura eidem continendo vesiculas quasdam fabricat, donec tandem, modum jam superans, uno peritonæo simul clauditur.

Sanguini autem debilitando operam ut plurimum commodabant vel nimia ejus per venæ sectionem, aut alio quovis modo evacuatio, vel morbus aliquis diuturnior, vel perditus ille liquores spirituosos ingurgitandi mos, unde & naturalia corporis fermenta destruuntur, & dissipantur spiritus. Hinc est, quod bibacissimi quique helluones sæpius cum hoc morbo, frigido licet, quam ceteri conflentur. E contra etiam aquæ potatio in iis qui generosi liquoribus diu assueverant, sanguini eandem noxam infert.

In sæminis vero, quod notandum est, alia quædam & ab his longe diversa hydropis causa reperitur, inclusa nempe in testiculorum alterutro saburra seu obstructio, quæ sensim ejusdem crasin subvertit; unde in dicto testiculo reposita primum morbi minera, tunica ejusdem mirum in modum distenditur; qua jam tantum non crepante, natura humori excipiendi vesiculas quasdam suggerit, quarum tandem sive una aliqua, sive etiam pluribus disruptis, & in abdominis cavitatem se exonerantibus, eadem occurrunt symptomata, quæ in hydrope, quam supra depinximus. Sed de hoc genere jam olim egi.

Sunt & aliæ duæ species tumorum abdominis hydropem mentientes, sæminis utraque familiares. Prima est carni in partibus intra abdomen excrescentia præternaturalis, quæ ventrem in molem haud minus conspicuam attollit, quam solet inclusa aqua. Altera species flatibus ortum debet, qui non tumorem tantum, sed & alia ingravitationis signa pariunt. Hæc viduas ut plurimum exercet, vel etiam mulieres, quæ non nisi provectiores ætate nupserant; atque hæc tam suo ipsarum, quam obstetricum judicio, quarum oracula hac ipsa de re consulere, motum infantis jam a tempore consueto usque ad legitimum tempus pariendi persentiscentes, quin & ad eundem modum, quo gravidæ solent, subinde ægrotautes, sororiantibus insuper mammillis, &

Sydenham Opera Med. Tom. I.

lacte extillante, de fasciis haud raro ceterisque ad excipiendum infantem necessariis sibi prospexerunt, donec tandem venter pari quo increverat gradu, sensim detumescens, spem vanam eluserit. Neutra vero harum ad eum, de quo agimus, morbum est referenda.

Indicationes curativæ veræ, ac genuinæ, utpote a prædictis phænomenis naturaliter quasi exortæ, vel ad aquarum in abdomine ceterisque partibus contentarum evacuationem, vel ad instaurandum sanguinis robur, quo novus earundem proventus præcaveri possit, omnino dirigendæ sunt.

Seri evacuationem quod spectat, magni refert, ut diligenter observemus in omnibus hydropicis ea cathartica, quæ vel segnius vel minus potenter operantur, officere magis quam prodesse: cum enim medicamenta purgantia ad unum omnia naturæ sint inimica, quo nomine catharticos munere funguntur, sanguinem aliquatenus debilitant læduntque; unde nisi corpus celeriter pervadant & citissime expellantur, camerinam eam moventia quam secum abducere nequeunt, & sanguinem tumultuose exagitantia, tumorem magis adaugent: quod plus satis liquet in eorum pedibus, quibus alvus ita leniter ac blande sollicitatur. Quamobrem ut cum bonis ægri rebus purgatio instituat, scire oportet, utrum ægri corpus facile, an vero difficulter atque ægre cathartici cedat, cum in hoc cardine curationis omnis, sive nullo, sive non nisi magno labore peragendæ negotium vertatur.

Quoties itaque *Hydragogis* utendum est, sollicite ad facilitatem vel difficultatem, quæ ægri corpus catharsin ferre solebat, respicere omnino convenit; quod non alia via ulla certius dignosci potest, quam ex diligenti inquisitione, quomodo alia purgantia remedia alio tempore aliquo usurpata, opus destinatum peregerint. Cum enim in corporibus idiosyncrasia quædam inveniat, quoad facilem difficilemve catharticonum operationem, ægrum sæpius in vitæ discrimen conjiciet is, qui sensibile corporis temperamentum, modum sibi ac normam statuerit: quando non ita raro usu veniat, ut qui habitu sunt ferme athletico mediocribus cathartici facile pareant; cum qui contrario plane habitu sunt præditi, vel fortissimis ægre cedant. Et profecto jam dicta cautio de ægri corporis ad purgantia ferenda ineptitudine non hydragogis tantum præscribendis, sed in aliis quibuslibet cathartici

Q q

lo-

cum habere debet. Etenim sæpenumero observavi hypercatharthes a potionibus etiam lenientibus adductas, ex eo quod ægrum Medicus non interrogaverit, prout oportuit, utrumne corpus facile, an vero difficulter expurgaretur. Attamen cum hydrops, quod superius dixi, præ ceteris morbis quibuslibet catharsin & validissimam postulet, & maxime celerem; cumque in hoc morbo purgatio per *irrigationem* quæ in nonnullis aliis prodest, nullatenus admitti debeat, (cum huius generis catharsis non tantum non immittat tumorem, sed & adaugeat:) Hanc inquam ob causam, expurgatio paulo fortior & nimia, iusto debiliore est præterenda; præcipue cum *Laudano* non destituatur, certissimo ad hypercatharsin istiusmodi subito domandam freno.

Ad hæc in *Cathartici* omnibus hydropicorum sanationi dicatis, id diligenter est observandum, ut aquæ ea maxima celeritate exhauriantur, quam ægri vires ferre queant; utpote qui singulis diebus expurgari debeat: nisi quod sive ob nimiam debilitatem corporis, sive propter cathartici præcedentis operationem plus satis violentam dies unus aut alter nonnunquam intercalari possit. Etenim si non nisi post longa interval-la repetatur purgatio, quantumlibet copiosa catharsis præcesserit, aquis denuo assatim colligendis ansam præbeamus; atque ex hac induciarum occasione, quasi victoria jam parata uti nescientes, tandem loco pulsi, re infecta turpiter fugabimur. Adde quod periculum est, ne aquarum intervallum mora diuturnior eadem putredine quadam sua inquinat ac inficiat. Atque insuper, quod parvi ducendum non est, istæ aquæ a prægressis cathartici ita in motum concitæ ad noxam inferendam jam propensiores sunt, quam ubi quiescerent. Tam ob hanc itaque causam, quam ob alias supra memoratas, huic intentioni, quæ colluviem ferocem intrus clausam respicit, quam velocissime satis faciendum est; neque ab ea nisi urgente necessitate est abstinendum, aut cessandum, donec omnis aquarum moles omnino demum exantlata fuerit.

Hoc porro notandum venit, quod cum e praxi constet hydragoga fere omnia, genio quodam sibi peculiari, si sola exhibeantur, iis qui ægre purgantur parum admodum votis respondere, quin & largiorem eorundem dosin, non tam catharsin, quam sanguinis tumultum promovere (unde qui imminui debuerat tumor, jam auctior cernitur:)

Hæc itaque non alium obtinent usum, in huiusmodi corporibus, quam ut lenioribus cathartici stimulum addant. Quo non obstante in iis, qui purgati sunt faciles hydragoga ista & celeriter, & cum magno effectu operantur.

Quocirca in istis, qui catharsi prompte cedunt, *Syrupus de Spina Cervina*, etiam solus, aquas sat copiose elicit. Quod quidem remedium in his aquas fere solas, easque in magna quantitate educit, nec sanguinem perturbans, nec urinam reddens coloratiorem pro reliquorum purgantium more; Id tantum habet incommodi syrupus ille, quod inter operandum ingentem sitim provocet. Quod si idem vel in summa dosi aliis propinetur, qui ægre expurgantur, neque multæ sequentur defectiones, neque ex multa aqua, ut debuerant, refertæ.

Equidem probe memini, (cum tunc primum ad hydropem curandam invitarer) me annis ab hinc 27. aut circiter, ad Matronam quandam piam & honestam, nomine *Saltmarsb*, *Westmonasterii* commorantem, fuisse accersitum; cuius abdomen hydrops, quo atrociorem nondum vidi, in molem magnitudinis vix credendæ evexerat: huic ego syrupi prædicti unciam unam ante prandium, qui tunc mos obtinuit, exhibui: credi vix potest quam magnam aquarum vim per se dem deturbavit, idque nullo excitato tumultu, abique ulla virium ægræ iactura: Quod mihi animos addidit, ut eundem quotidie repeterem, nisi quod diem unum alterumve intercalari paterer, si quando paulo infirmior videretur. Atque ita aquis sensim eductis, venter indies detumuit, ipsaque prorsus convaluit. Ego fiducia plane juvenili atque hominis inexerti, credebam me ejusmodi medicamen possidere, quo hydropes quoscunque possem debellare: verum huiusmodi erroris intra paticas septimanas admonebar. Cum enim non ita diu post ad aliam sceminam eodem morbo laborantem, qui febris quartanæ diuturniori supervenerat, medicinam facturus accederem; eundem syrupum propinavi, quo sæpius repetito, & dosi gradatim aucta, morbum lacebsebam; at cum aquarum evacuationem frustra tentarem, catharsi non procedente, tumore autem ventris magis aucto, missum me fecit ægra: atque alterius medici ope, qui remedia efficaciora adhibuit, si bene memini, sanitatem recepit.

Ubi igitur constiterit, ægrum eo esse corporis habitu ut cathartica leniora nec celeri-

riteſ, nec cum bona euphoria opus ſuum peragant, fortiora tentanda. Quo in caſu, ut modo innui, notandum eſt, quod licet hydragogorum pauca, ſi ſola exhibeantur, votis reſpondeant, lenioribus tamen calcaris vice permiſta, efficaciffima omnino ſunt. In huiusmodi corporibus, exempli gratia, ſequentem potionem cum ſucceſſu ſæpenumero præſcripti. *℞. Tamarind. ℥ſſ. Fol. Sen. ℥ij. Coq. in q. ſ. Aq. fontan. ad ℥iij. in Colatur. diſſolv. Mann. & Syr. de Spin. Cervin. ℥ſſ. Elect. & ſucc. Roſar. ℥ij. m. ſ. Potio.* Quæ tamen potio non niſi robuſtioribus exhibenda eſt, quibus alvum ſolvit, ubi cetera id præſtare nequiverint; quod multiplici experientia ipſe probavi. Vel *℞. Vini alb. ℥iij. Zalaſ. ſubtiliſſ. pul. ℥j. Zinzib. pul. ℥ſſ. Syr. de ſpin. cervin. ℥j. m. ſ. potio, ſumenda ſummo mane, repetendaque ſingulis, vel alternis diebus pro ratione virium.*

Sequitur alia medicamenti formula, mihi haud infrequens, quo illi ſatis commode utentur, qui a repetito aliorum purgantium uſu abhorrent; quando ægrum calefaciat inter purgandum, tum etiam corroboret, ex. g. *℞. Rad. Jalap. contuſ. Hermodactyl. an. ℥ſſ. Scammon. crud. ℥iij. ſol. Senn. ℥ij. Glycirrhiz. raf. ſem. Anif. Carui an. ℥ſſ. Summit. Abſinth. Fol. Salv. an. m. j. Infunde frigide in ℥iij. Aq. vitæ vulgaris, & colatur tantummodo uſus tempore. Cap. cochlear j. hora ſomni, & ii. mane ſequenti. Augendo vel minuendo doſin pro ratione operationis.*

Reſtant vero medicamenta duo, me iudice, palmaria, & in iis qui non niſi ægre purgantur, ceteris quæ vel ſupra enumeravi, vel adhuc comperta habeo *διεσπώματα*, Elaterium intelligo, & Infuſionem Croci Metallorum. Elaterium ſive Fæcula Cucumeris agreſſis potenter in permodica quantitate vires ſuas exerit in conturbanda alvo, & fecibus cum ſeroſis & aquoſis humoribus copioſe egerendis, adeo ut ejus grana duo plerique, in genere loquendo, corporibus doſis aptiſſima ſint. Ego permiſcere ſoleo *Pil. ex Duobus ℥j.* quas in pilulas tres exiguas formandas, ac mane ſumendas impero.

Infuſionem Croci quod ſpectat, ejus *℥iſſ.* (vel purgatu difficillimis *℥ij.*) mane exhibita, & quotidie pro ægri viribus reiterata, quamlibet prima facie haud aliud promittat, quam colluviem in ventriculo ſtabulantem egerere, tandem tamen efficiet, ut abdomen ab aquarum ſuper-incumbentium onere liberetur. Præterquam enim quod ceſſante

vomitione, in catharſin *ῥῆμα* ſolet deſinere, necelle eſt omnino, ut cum tanta fuerit agitatiſ concuſſioque tam ventriculi quam viſcerum, a tam inſigni aquarum corrivatione quaſi circumſectorum, earundem evacuatione, per ductus communi naturæ lege haud ſatis patentem, conatum ita vehementem inſequatur. Verumtamen ſi prædictum vomitorium inferiorem ventrem haud efficaciter expurgaverit, tam *Electuarium de Succo Roſarum, quam Syrupum de Spina cervina* ſoleo poſt tertiam aut quartam doſin meræ infuſionis croci metallorum quandoque, licet rarius, adjicere. Ex. gr. *℞. Aq. Card. Ben. ℥iij. Infuſ. Croc. Metallor. ℥iſſ. Syr. de Spin. cervin. ℥ſſ. Elect. de Succ. Roſar. ℥ij. m. ſ. Potio.*

Quod vero dentur ejuſmodi cæci meatus, per quod aquæ ex abdominis cavitate ad inteſtina transferantur, de facto liquet; cum quotidie obſervemus, hydragoga tantam aquarum in abdomine incluſarum vim per ſe ceſſum educere, perinde ac ſi primitus in ipſis inteſtinis continerentur. Cui tam duro nodo cum parem cuneum haud facile inveniamus, in mentem mihi venit celebre illud dictum medici omnium ſæculorum iudicio ſapientiſſimi, optimique, Hippocratis ſcilicet, qui in libro de priſca medicina hæc habet.

Λίγυσι δὲ τῖνές καὶ ἰατροὶ, καὶ σοφισταὶ, ὥς οὐχ εὖ διακρίνοντες ἰατρικῶν ἀδείκτους, ὅτις μὴ οἶδεν ὁ, τί ἐστὶν ἀνδρῶπιος, καὶ ὅπως ἐγένετο πρῶτον, καὶ ὅπως συνέτεται. ἔγὼ δὲ τούτων μὲν ὅσα τίτι ἀρῶμαι σοφιστῶν, ἢ ἰατρῶν, ἢ γυμναστῶν περὶ φύσεως, ἡσσοῦ τομῆς τῆς ἰατρικῆς τεχνῆς προσήκοντες ἢ τῇ γυμναστικῇ.

i. e. Medici quidam & Sophiſte dicunt, quod impoſſibile eſt eum medicinam cognoscere, qui non novit quid ſis Homo, & quomodo primum factus & compactus ſit. Ego vero ea quæ ab aliquo Sophiſta, aut Medico de Natura dicta, aut ſcripta ſunt, minus conſeo ad Artem Medicam ſpectare, quam ad Piſtoriam.

Attamen (ne vel divinus hic Auctor erroris ullatenus inſimuletur, vel ex hoc loco Empirici ignorantia ſuæ patrociniū quærant) aperte dicam, me quantum attentiſſima cogitatione, eaque ad praxin (quæ medicinam profitentium lapis Lydius haberi debet) relata aſſequi valeam, utcunque exiſtimare, quod necelle omnino ſit, ut Medicus ſtructuram humani corporis probe calleat, quo rectius veras ideas & naturæ, & cauſarum quorundam morborum animo concipere ac formare queat. Neque enim fieri

potest, ut qui renum fabricam ignorat, ductumque exinde ad vesicam tendentium, conicere possit, unde oriantur symptomata illa, quæ a calculo, vel in pelvim, vel in ureteres altius impacto pendent. Nec minus Chirurgum oportet eandem humani corporis structuram perdiscere, quo melius inter operandum ab iis vasibus, sive aliis partibus abstineat, quæ, si violentur, ægro exitium afferant. Sed nec ossa dislocata ad firum naturalem recte poterit reducere, nisi eam osium compagem, *Skeleton* dictam, curiose inspexerit, atque animo comprehenderit.

Hujusmodi itaque humani corporis notitia omnino necessaria est; quam qui non habet, cum quibusdam morbis *Andabatarum*, quod ajunt, more pugnabit, aut sine nautica pyxide tentabit mare. Porro hæc scientia & cito & facile acquiritur, cum id præ ceteris difficilioribus habeat compendii, quod autem in cadaveribus vel humanis vel animalium quorumlibet perdiscatur, idque nullo fere negotio, etiam ab iis, qui mente ac judicio minus valent. Veruntamen in acutis quibuslibet, quod genus plus quam duas tertias morborum partes comprehendit, atque porro in chronicis plerisque, omnino fatendum est τὴν θάμιν inesse, sive specificam proprietatem aliquam, quam nulla unquam contemplatio a speculatione corporis humani deducta, queat indagare, atque in lucem protrahere. Quamobrem ne ita homines in cadaverum dissectionem præcipuam locarent operam, tanquam exinde potius quam ex *κατασκευῇ* naturalium, ut & *Juvantium* & *Ledentium* diligenti observatione, promoveri possit ars medica; id opinor, ut maxime caveri in loco prædicto voluit divinus ille senex, non autem generalem fabricam humani corporis notitiam carpere, ac fugillare.

Et profecto virum tantum tamque sapientem nullo modo potuit latere, humanam omnem investigationem ultra generalem ejusmodi notitiam pertingere non posse. Licet enim diligenti in secandis cadaveribus inquisitione ac scrutinio, majora organa, quibus natura in peragendis operationibus suis utitur, in conspectum veniant, vasaque itidem nonnulla, per quæ succi ab his ad illas corporis partes transmittuntur; quæ tamen hujus motus sit origo & causa primaria, oculi docere nequeunt. Nec microscopium quodvis vel exquisitissime elaboratum exiles istos meatus, per quos chylus, ex. gr. ex intestinis in vasa chyliifera transcoletur, vel per quos ductus sanguis per arterias derivatus

in venarum oscula reducendus transmittatur, potest detegere. Quinimo sunt & alii fere innumeri, iique magis adhuc affabre concinnati, meatus, ac pori in hac miranda hominis compage, quos nemo hominum ne per somnium quidem vidit; cum rudis & indocta, (sit verbo venia) cognitio nostra in rerum cortice omnis ferme versetur, ac ad τὴν εἰς sive quod res hoc modo se habeat, fere tantum assurgens, τὴν διὰ, sive rerum causas nullatenus attingat. Utur se res habeat, haud difficili investigatione scire possumus, quantum nobis dirigendis (prout fert rei natura) sufficit in eorum curatione morborum, qui hujusmodi peritiam, quod supra dixi, sibi vendicant: maxime vero quantum nos impellat ad Divinum Artificem summa animi demissione adorandum, dum stupendum ejus artificium contemplamur in iis, quorum ratio nobis innotescit, tum illud longe excellentissimum in ceteris, ad quæ prorsus cæcutimus.

Et sicuti *Hippocrates* eos reprehendit, qui huic in humanis corporibus speculandis curiositati & *κατασκευῇ* plus dant, quam observationibus practicis, ac proinde quam ipsius naturæ judicio; ita pari jure prudens vir quispiam in hoc nostro sæculo eos culpare possit, qui existimant, artem medicam nulla re alia magis promoveri posse, quam novis *Chymicorum* inventis. Quanquam enim ingrati prorsus animi esset non libenter agnoscere id emolumenti, quod Chymix acceptum debemus, eo quod utilia nonnulla medicamenta, & indicationibus satis faciendis perquam accommodata (inter quæ vel hoc ipsum *Emeticum*, de quo jam agimus, haud infimum locum tenet) nobis suppeditaverit; atque eam ob causam, si intra pharmacopœæ limites contineatur, ars est satis quidem laudabilis: attamen nec illi culpa, aut saltem errore vacant, qui cerebrum sibi eousque excalescunt, ac torquent, ut tandem arbitrentur, artem medicam in hoc præsertim deficere, quod remediis magnis atque efficacibus a sola *Chymicorum* præparatione, atque opera nobis subministrandis, indigeat. Cum ei, qui rem recte perpenderit, satis liqueat, præcipuum medicinæ faciendæ defectum non in eo verti, quod nesciamus, quopæcto huic aut illi intentioni satisfacere debeamus, sed quod non satis sciamus, quænam sit illa intentio, cui satisfaciendum est. Cum vel rudissimus quispiam pharmacopœæ servulus intra dimidium horæ quadrantem certum me faciat, quo medicamento vomitio-

tio-

tionem, purgationem, vel sudores provocabo, vel refrigerabo æstuantem; at vero in palæstra medica probe exercitatus sit oportet, qui pari certitudine me docere queat, ubi hoc, vel illud remediorum genus in usum revocare debeam per omnem morborum ac curationum circuitum.

Et quia certissimus sum nihil æque ad iudicium hac in re rite formandum conferre, atque observationem exactissimam *phænomenorum* naturalium & morborum, & pariter eorum, quæ in praxi cernuntur a *Juuantibus* & *Ledentibus* derivata, post ea sive remedia usurpata, sive etiam medendi methodum istam, quibus morbos depellere satagimus. Hæc si diligenter inter se collata fuerint, mihi ostendent & morbi naturam, & insuper undenam curativæ indicationes desumendæ sint longe melius, certiusque, quam si ad speculationem naturæ hujus, aut illius principii corporis concreti, tanquam ad *Cynosuram* cursum dirigam. Etenim vel exquisitissimæ hujus generis dissertationes nihil aliud sunt, quam metaphora belle deducta exornataque: quæ etiam ad eorum *instar* omnium, quæ in scena imaginationis, non vero in ipsa rerum natura fundamentum habent, dies delebit ac proteret; cum *Nature indicia* rerum veritati superstructa, non nisi cum ipsa natura interciderint.

Quamvis autem *Hypotheses* speculationibus philosophicis innixæ futiles sint prorsus, cum nemo hominum scientia intuitiva præditus sit, qua fretus principia queat subternere, quibus mox superstruat; attamen si *Hypotheses* ab ipsis rebus factis fluant, ex eis tantum observationibus natæ, quas phænomena practica & naturalia suggerunt, stabiles manent & inconcussæ: ita ut licet praxis medica, si scribendi ordinem respicias, ex hypothesibus orta videatur, nihilominus ipsæ hypotheses, si modo solidæ fuerint, ac genuinæ, praxi quadantenus originem debeant. Exempli gratia, in *Affectione Hysterica* non ideo calybeatis utor, ceterisque sanguinem invigorantibus; nec ideo ab evacuantibus me tempero (nisi scilicet in statibus quibusdam circumstantiis) & remedia potius paregorica impero, quia primum pro concessio habui, hunc morbum a debilitatis fractisque spiritibus animalibus pendere: verum cum *phænomenorum* practico-rum constans observatio me docuisset, cathartica exhibitâ morbi symptomata semper auxisse, his vero contraria eadem symptomata conspire solere, ex hac, aliisque *phænomenorum* naturalium ob-

servationibus hypothesin meam desumpsi, ita ut Philosophus Empirico hic famularetur. Quod si ab hypothesi cœpissem, ea plane ratione insanirem, atque ille, qui tabulata, tignaue domus superiora prius velit erigere, quam fundamentum jecerit: quod quidem illis tantum convenit, qui in aëre *Castella*, quod ajunt, solent extruere: his enim certo quodam privilegio ab alterutra extremitate licet ordiri.

Sed ut ad rem redeam. Quicumque dæmum sint meatus isti, per quos aqua ex abdominis cavitate in intestina deducitur, certissimus sum vomitionem a dicto emetico excitatam easdem potenter evacuare, idque non solum deorsum per sedem, sed & rursum per ipsum ventriculum, atque os in vomendi actu. Etenim post duas vel tres evomendi vices, aquæ non tam medicamenti vi secretoria elici videntur, quam ruptis quasi repagulis & claustris resecatis, pleno alveo effundi; quod satis constat ex earundem eruptione, atque impetu sæpe facto inter ipsa vomendi spatia, sive intervalla.

Mense Augusto postremum elapso, paupercula quædam annos habens 55. aut circiter, opem meam imploravit. Febre intermittente diu laboraverat, dein carcere fuerat inclusa fere per triennium, a frigore multum passa erat, venter denique ad tantam molem increverat, ut ei parem nunquam hæcenus viderim: Ego *℞* Infusio-nis Croci Metallorum singulis diebus ad tri-duum exhibui, mox alternis diebus, pro vi-rium ægræ ratione, usque dum doses omni-no sex hauserat. Primis aliquot vomendi vicibus urina penitus supprimebatur, quam postea quandoque per intervalla reddebat, sed raro admodum: quo frequentius emeti-cum repetebat, eo majorem aquæ copiam solebat rejicere, idque sub finem, tam per os quam, per sedem. Verum post tertiam do-lin tumor subsidere, atque imminui cœpit, & post quatuordecim dies filo, quo crassiti-em corporis inflati jussu meo fuerat di-men-sa, iudice ac teste, jam tribus pedibus gracilior comparuit, atque aliquot aquæ congios, supputatione ex iis, quæ mihi ipsa narravit facta, *σύν τῷ κέντρῳ* egresserat. Ita ut quæ prius in lecto non nisi erecta dormiebat, ne decumbens ab aquarum pondere suf-focaretur, jam capite in pulvinar reclinato secura jaceret, & de latere in latus pro ar-bitrio se movere potuerit. Cum vero dicta emetica operandi violentia *Vapores*, quos di-cunt, ad eum gradum excitarent, ut iisdem diu-

diutius morbum laceffere tutum non foret, & tamen tam ex residua adhuc ventris mole, quam aquarum rotatione, quam toties percipiebat, quoties se in alterutrum latus convertibat, & vestigiis insuper rei cuiuslibet prementis in tibiis etiam nunc manentibus, plus satis liqueret, multum aquæ adhuc in corpore restare: ob causam jam dictam, reliquam curationem purgantibus proprie dictis cogebar absolvere. Posthac igitur vel potionem purgantem supra dictam, vel aliud quoddam hydragogum præscripsi; idque vel rarius vel sæpius, prout vires ejus ferrent, aut vapores minus infestarent. Etenim & catharsis per inferiora affectus hystericos aliquatenus invitabat, licet non ita graves, & violentos, ac solebant emetica. Atque in hac methodo persisteram, donec prorsus convalescere videretur. Quæ dum fierent, hæc mihi præcipue observanda occurrebant. Primo, quod iis diebus, quibus a purgatione feriabatur, nonnunquam magnam aquarum vim per sedem excernebat, atque etiam sub finem per meatus urinarios, vel ad congii mensuram; quamlibet non ultra ℥iij. vel ℥ij. porus pro singulis diebus concederem: ita ut portæ omnes, atque canales undique patere viderentur. Secundo notatu dignum erat, quod curatione fere absoluta si quando vapores a catharticiis commoti tumultuarentur, venter, maxime versus superiora, intumescere, tanquam novo aquarum proventu denuo repletus foret, quod tamen fieri non posse sciebam, cum ita parce bibisset; ac proinde tumorem illum a flatibus, quos peperit ætæ ista a catharticiis provocata, tantum oriri: quod meum iudicium eventus comprobavit. Licet enim vel congium aquæ eo die quo purgabatur ejecisset, mox tamen cæpit intumescere, nec remittebat tumor ille, ad guttur usque assurgens, & dyspnœa affligens, donec corpus a purgantium molestia liberatum, statum naturalem, ac quietem reciperet; quo facto & tumor & cetera symptomata repente evanescebant, donec a succedente catharsi de novo irritarentur. Denique & hoc animadvertendum erat, quod cum præfata scæmina annum agens quinquagesimum quintum, fluxum menstruum jam ab annis aliquot non fuerat passa, attamen menses magno quasi flumine erumpebant denuo; qui sanguinis fluxus debilitari & evacuationibus prægressis additus ingens affectuum hystericorum agmen adducebat, dolorem scilicet in dorso & circa regionem splenis vehementem,

cephalalgiam, & rissum serinam. Adhæc tamen post tam insignem aquæ quantitatem per os, sedem, & urinas eliminatam omnino credibile esset, non multum in corpore restare; attamen venter haud minus protuberabat, quam nulla adhuc evacuatione tentata solebat. Quamobrem ad hos motus sedandos, qui etiam ad septimanam a postrema purgatione negotium faceffebant, coactus sum ad quatuor noctes continuas *Diacordii* ℥iij. propinare; quæ etiam dosis erat repetenda, nisi somnus intra horas tres insequeretur. Quo tandem pacata sunt omnia, & tumor disparuit.

Hoc interim observari velim, quod si leviculo aliquo ventris tumore tentetur æger, non ita prompte educuntur aquæ per infusionem croci metallorum, ac in ascite grandiore, ubi ingens aquarum copia aggesta fuerit: etenim vel ipsa aquarum moles dum emetici operatione agitur, ac concutitur, ad earundem evacuationem mire confert, atque eam ob causam, nisi venter in tumorem insignem attollatur, omnino convenit, ut tota res evacuationibus per inferiora committatur.

Est & aliud medicamentum satis vulgare ac simplex; quod hydropem pari ratione, qua illud, de quo modo egimus, expugnat. Nempe manipuli iij. *Corticis interioris Sambuci* a ligno derasi in ℥ij. aquæ & lactis simul mistorum, ad ℥ij. incoquantur. Decocti hujus altera medietas mane, altera sero quotidie assumatur, donec æger convalescat. Hoc remedium & vomitionem ciet & catharsin, pariter ac crocus metallorum; ac proinde eodem modo morbum depellit, non vi aliqua specifica: quocirca si neutram harum operationum præstet, vel si mediocriter ac parce, ne hilum prodest quidem: ubi vero alterutram producit efficaciter, maxime vero si utramque, mire ad hunc morbum debellandum confert.

At sane, quod serio animadvertendum est, haud raro accidit, ut aqua non solum in crura ac tibiae deturbetur, sed etiam in ipsam abdominis cavitatem depluat, quæ tamen medicamentis catharticiis, sive ætæ, sive ætate ducentibus, omnino elicienda non est. Verbi gratia, quoties hujusmodi tumor vel phthisin diuturnam excipit, vel a viscerum alicujus labe ac putredine nascitur; vel a sanguinis tono, si ita loqui fas est, non tantum relaxato, sed & deperdito, ac spiritibus penitus exhaustis, vel a longa fistularum in partibus carnis mora, quæ

copiosam saniem egresserunt; vel a nimia debilitate, atque evacuatione tam humorum, quam spirituum, quos advocavit sive salivatio, sive sudatio, sive etiam purgatio justo intensior, & diæta tenuis quæ in luis veneræ curatione, etiam magis quam res postulabat, fuerant adhibita. In his atque aliis morbis ad hunc modum factis, æger non tantum non juvabitur a catharsi, sed immutato adhuc amplius sanguinis tono, augebitur malum. Quamobrem, rebus ita stantibus, omnis curationis cardo in sanguine ac visceribus omni ope corroborandis firmandisque omnino vertetur. Inter cetera hujus ordinis, præter remedia confortativa infra enumeranda, ego certissimo experimento edoctus sum, aëris mutationem, & in aëre libero exercitium, quale quale demum æger ferre potuerit, huic indicationi apprimè respondisse; spiritibus sc. quasi nova vita hoc pacto afflatis, atque organis excretoriis ad pensum sibi debitum denuo revocatis.

Est etiam ubi absque omni istiusmodi intentioni isti, quæ aquas evacuandas respicit, nec cathartici, nec emetici satisfaciendum est: quoties enim vel æger constitutione est infirmiore, vel scæmina vaporibus, atque ataxiis spirituum animalium admodum obnoxia; fieri non potest, ut cathartici, & multo minus ut emetici res geratur. Hic itaque aquarum evacuatio Diureticis committenda est. E quorum familia, licet quamplurima in Medicorum scriptis magni sint nominis, efficacissima tamen (ne dicam sola) mihi videntur ea, quæ e *Salibus Lixivialibus* sunt: neque quicquam refert, e quorum vegetabilium genere cineres petantur. Quandoquidem vero vix aliud vegetabile *Genista* sit parabilis, & in hoc morbo bene audiat; ego ut plurimum cinerum ejus ℥j. in Vini Rhenani ℥iiij. frigidi infundi jubeo, addendo foliorum *Absinthii vulgaris* pugillum unum, alterumve. Liquoris per filtrationem colati ℥iiij. mane, hora quinta pomeridiana, & sero, ægro jugiter hauriendas impero, usque dum tumor evanuerit. Quo solo remedio hydropes pro deploratis habitos, curatos vidi in iis, quorum crasis debilior purgantibus ferendis non fuit.

Aquis autem, (ut ad secundam intentionem properemus) quæ sunt proxima causa morbi, jam penitus evacuatis, non nisi ad dimidiam curationis partem ut plurimum perventum est, nisi sanguinis etiam debilitati, quæ prima morbi origo fuit, occorra-

tur longo & assiduo medicamentorum *Calefacientium*, & *Corroborantium* usu, unde novus aquarum proventus præcaveri possit. Quamvis enim in junioribus sæpe contingat, ut aquis rite expurgatis, sine alio quovis præsidio convalescant, cum eorum calor naturalis jam ab aquarum onere, ac pressura liberatus, distorum remediorum vices supplere valeat; tamen in ætate provecioribus, aut iis, qui alias minus sano corporis habitu sunt præditi, omnino necesse est; ut statim ab aquarum educatione jam absoluta, ad eorum simplicium usum, quæ sanguinem excalefaciunt invigorantque, protinus confugiant. Inter quæ ea, quæ ego jam superius in *Podagra* curanda laudavi, sive ipsa remedia spectent, sive *sex res non naturales*, præter illa, quæ jam dicuntur, locum habere possunt: (nisi quod *Vinum*, a quo in *podagra* prorsus est abstinendum, non tantum non noceat hydropicis, sed & prosit admodum, si pro potu ordinario usurpetur) Cum hi duo morbi id habeant commune, quod eadem remedia corroborantia utriusque causæ originali adversentur. Fatendum est interim, quod cum tam ex manifestis phænomenis, quam a juvantibus & lædentibus edocti simus, tum hos, tum alios plures *morbos Chronicos* sanguinis debilitati atque *indigestioni* ortum debere; nec ulterius progredi valeamus, adhuc in extimo morborum cortice hæremus; nec in essentielles eorundem differentias, & específicas humorum depravationes ab istiusmodi indigestionibus prognatas, (quæ quidem *arthritis* communis omnium stirps est) quivimus penetrare. Uti neque varias illas specificationes, quæ in morbis acutis ab una eademque causa, sanguinis nempe *inflammatione*, fluunt, ulatenus callemus. Quocirca tam in his, quam in chronicis morbis, cum *Specificis* careamus, curationem non ad essentialem morborum naturam, sed ad causam eorundem magis generalem dirigere cogimur. Curandi methodum subinde variantes, vel pro indicio naturæ spontaneo, quo in morborum eliminatione illa utitur; vel experientiæ; cui potissimum medicationis generi quilibet morbus facillime concedat distantis, filum secuti.

Porro ad hanc de qua jam agimus, intentionem implendam, nempe ut sanguis corroboretur, sive aquarum evacuatio per hoc diureticum, sive per catharsin, vel etiam vomitionem procuretur ut supra, omnino necesse est, ut æger, quantum res ferat,

Vi.

Vinum potare teneatur dum curando est, (modo ne prius incipiat *obscure*, quam ineatus quadantenus reclusi fuerint, & porta aquis data) vel saltem loco vini cerevisiam aliquam e generosioribus; cum liquores tenues ac refrigerantes quilibet, utut acri palato arrideant, qui fere semper in hoc morbo siticulosus est, eum magis phlegmaticum reddant, & aquis obstetricentur: raro itaque, aut nunquam hi sunt concedendi. Atque e diverso liquores generosi, modo non sint spiritus per distillationem elicti, usque adeo sanitatem promovent, ut vel soli aliquando amissam revocaverint; utique in morbi initio, nondum multa aqua distento abdomine, praesertim si herbis calefacientibus & confortantibus fuerint imprægnati. In pauperibus, verbi gratia, quorum res angusta domi, meliora remedia non permittebat, *Cerevisia fortis*, in qua quantitas sufficiens *Radic. Raphan. Rustic. sol. Absinth. vulgaris, Cochlear. bortenj. Salvia. Centaurii min. summitatum Geniste* inclusa fuerit, meo consilio usurpata pro potu ordinario, sola fuit instar omnium. Pro ditioribus vinum Canarinum eisdem herbis amaris potest similiter imprægnari, cujus haustulus bis terve de die inter medicamenta supra memorata deglutiendus est. Vel si id palato minus allubescat, *Vinum Absynthites* vice ejus substituat, de quo æger sumere possit cochlearia ix. post *Electuarii Digestivi* (in *Tract. de Podagra* descript.) 3ij. horis medicinalibus, i. e. mane, quarta pomeridiana, & nocte, devorandas. Electuarium hoc huic intentioni faciendo satis, corroborantia quilibet medicamenta longo post se intervallo linquit alia. Hic vero magni momenti est, quod æger parce admodum bibat liquores istos, qui minus generosi sunt; quandoquidem omnes, qualescumque demum sint, aquis nonnihil incrementi dant; adeo ut vel omnimoda abstinencia a potu nonnullos sanaverit: atque ob eam causam si liquoribus istis quandoque indulgendum sit, æger tamen admodum parce eos bibat. Veruntamen cum sitis magna huic affectui se comitem adjungere soleat, quam insuper a potu tenuiori abstinencia adaugere, e re erit, ut æger sæpiusculum aqua frigida, *Spiritu Virrioli acidulata*, os colluat, aut *Tamarindos* in ore subinde teneat, aut *Limonem* manducet; neutrum vero deglutiens, præ eorum frigidityte, quæ morbo minus convenit.

Verum inter *Corroborantia*, *Chalybs* in hydropis incipientis curatione haud infirmum

locum sibi vendicat, sanguinem videlicet invigorando, calefaciendoque. Quam ob causam & *Allium* hic adeo conducit, cum eo solo, missis evacantibus, hydropem ex aliorum præscripto, non meo, depulsum novem.

Est enim observandum, eum hydropem, qui vel pedes tantum inflavit, vel etiam ventrem, sed modice, non statim curationem per emetica & cathartica sibi deposcere; sed hujusmodi liquoribus præfatis calefacientibus & corroborantibus haud raro cedere. At vero præ ceteris serio animadvertendum est, quod quoties hunc morbum solis corroborantibus, vel etiam lixivialibus aggredimur, æger nullo modo expurgandus est sive mitiori, sive fortiori quocumque pharmaco, tantisper dum sanguinis corroborationi navatur opera: evertet enim catharticum quicquid corroborans substruxerit; quod vel invitatus agnoscat oportet, qui observaverit tumorem, qui ab usu corroborantium jam imminui cœperat, mox a purgatione augeri. Etenim tamen cum intentioni isti aquas educendi satisfacere cupiamus, haud abs re fuerit, etiam corroborantia subinde exhibere; tamen cum tota res in isto solum cardine vertitur, ut sanguis corroboretur, omnino necesse est, ut a cathartici abstinemus.

Notandum est autem, ægrum non semper sanari, quamvis utrique indicationi satisfecerimus, i. e. cum aquæ in abdomine congestæ omnino eductæ fuerint, tum etiam calefacientia & corroborantia postea ad præcavendum novam aquarum proventum fuerint exhibita. Etenim non raro contingit, ut *Ascites* ad multos annos perdurans, diuturna aquarum in viscera incubatione eorum substantiam perverterit, & quasi semicoxerit: & tam ipsa viscera, quam partes vicinas corruerit penitus, glandulas præternaturales & vesiculas sanie turgidas generans, & omnia intra abdominis cavitatem contenta in putrilaginem quasi quandam convertens: prout in eorum cadaveribus, qui ab ascite inveterato sunt interempti, sectio patet. Morbus ad hunc gradum jam proventus, artis subsidia, quantum video, contemnit. Nihilominus Medici est, cum certo scire nequeat, quantum adhuc noxæ visceribus illatum fuerit, curationem omni ope moliri remediis tam evacuantibus quam corroborantibus: & neque animo ipsis cadere, neque ægro ut cadat auctor esse debet. Cui rei ob hanc potissimum causam danda est ope-

opera, quoniam in permultis affectibus, morbi fomite jam penitus exantlato, natura, quæ noctes atque dies nostris rebus invigilat consulitque, sponte sua mirum in modum machinatur, quo ægrum a pernicioso morbi reliquiis muniat ac tueatur. Quamobrem omnis ascites quantumlibet inveteratus, & quantumlibet funestam cladem visceribus intulerit, haud alio modo tractari potest, quam si nunc primum occæperit.

Topica, sive remedia *Externa*, quantum ego observare potui, nihil egregium in hoc morbo præstiterunt unquam. Ea minus saltem nocuere, quæ in forma sive cataplasmatibus, sine linimenti abdomini ad tumorem discutiendum fuerint applicata. Neque tamen video, quo pacto aquæ possint discuti. Verum & alia sunt a nonnullis remediorum loco præscripta, quæ ita non prosunt, ut etiam obstat plurimum. Hujusmodi sunt *Unguenta & Cathartica* fortioribus confecta, atque abdomini adhibita; *Vesicatoria* item crucibus & tibiis superimposita, ubi cutis in magnam molem fuerit protensa, ad aquas sc. hoc pacto educendas. Utrunque hoc genus medicationis est periculosum; cum a primo vis simplicium cathartica ita penitus nonnunquam musculis ac membranis impingatur, ut excitetur hypercatharsis, nulla remediorum ope unquam sistenda. *Vesicatoria* autem locis prædictis ab empiricis applicari solita, calorem naturalem jam ferme aquis obrutum, deficientibus item spiritibus animalibus, omnino extinguunt, & *Gangrenam* (plus satis in hoc casu familiarem) sæpenumero invitant. Etenim vulnus vel levissimum in hydropicorum carnibus, maxime in membro pendente, sanatu difficillimum est: quoniam ipsa carniū substantia his in partibus usque adeo irrigua est, & scatens latice, ut data quacunque porta, continuo cursu prorumpat humor, a quo vulneris conglutinatio impeditur. Neque aut feliciori cum eventu, aut minore discrimine administrantur, me iudice, sive *Paracentesi*, sive *Acupuncture* a nonnullis celebratæ, quam vesicatoria.

Ut tandem finiam; quamvis hic morbus ubi jam in verum *Ascitem* evaserit, pro explorato semper habitus fuerit; attamen consilabit, quod si dicto modo tractetur, æque certo potest subjugari (modo viscera a corruptione sint libera) ac alii permulti, qui non ita funesti vulgo æstimantur.

At si quis forte arguerit hæc remedia, utpote simplicissima & plane inanisficialia, *Sydenham Opera Med. Tom. I.*

ego potiori jure ejus nequitiam arguam & improbos mores; si dum fingatur alios hujusmodi simplicibus medicamentis jurari, se, uxorem, vel liberos suos, si quando ægrotaverint, vel vilissimis ad sanitatem reduci enoptet. Adde, quod fucum sibi facit Morio, *Equitans in arundine longa*: etenim artis medicæ pompa & dignitas non tam in formularum concinnitate & elegantia, quam in morborum curatione cernitur.

Atque hæc sunt, quæ de his duobus morbis dicenda habui: & nisi fallor alios haud attingam unquam. Verum ista quod spectat, quæ hætenus in publicum dedi, si quis ea semel tantum perlegere dignetur, est quod doleam, me huic eam perdendi temporis ansam præbuisse. Quod si eadem sapius relegere voluerit, & alta mente reponere, nullus dubito, quin eum fructum ex iis capiat, qui voto & magnis laboribus, quos ego in istis observationibus faciendis componendisque locavi, aliquatenus respondeat. Quæ quidem quam bona fide fuerint traditæ, haud aliter sciet, quam si in earum praxi fuerit versatus, ac perinde in observando diligens ac curiosus explorator atque ego prius fueram. At si in paucis iis quæ scripsi, naturam, me quasi manu ducentem, omnino secutus fuerim, nullius unquam hominis, quantumcunque is demum sit, opinionationibus me addicens, pro certo habeo sapientes, quotquot sunt, veniam mihi saltem duros; quos & latere non potest, duo esse hominum genera, qui profectum omnem in arte medica ex æquo prohibent, sufflamminantque. Primum ii sunt, qui nullam prorsus symbolam ad eam, quam profitentur, artem excolendam ipsi conferentes, illis succensent, qui vel minimum conferre videantur; defectus interim suos atque socordiam, reverentiam, quam antiquioribus, a quibus ne latum unguem discedere audent, deberi contendunt, specie prætexentes. Quorsum vero reliquæ artes omnes, quæ homines minus tangunt juvantque, magna incrementa sumpsisse fateamur, etiam sine ulla præscorum hominum injuria, solam autem medicam undique perfectam existimemus? An non certioris istius, quæ nunc obtinet, navigandi artis repertores, cum *Pyxidibus Nauticæ* usum, qui ita feliciter cessit, tentare potuerint, nisi primos ac rudiores illos, qui non nisi ad stellarum conspectum, & litiorum anfractus, cursum suum dirigebant, prius contemplerint? Aut accuratior illa ac magis perfecta, sive construendarum navium, sive

earundem in pugna regendarum, ars; quæ hodie præ ceteris pollent Europæ magis Occidentales incolæ, istos sagillat Nauegos, qui classes eas fabricabant, quæ olim *Ælii* depræliabantur? Aut *Augustum & Marcum Antonium*, tanti belli duces & classium rectores, ignominia afficit? Adhæc innumera fere sunt exempla rerum a nuperis hominibus inventarum, quæ antiquioris sæculi inventis longe antecellunt: quarum omnium repertores haud potiori jure præcorum memoriz vim inferre censendi sunt, quam is filius patris famam lædere putandus est, qui rem familiarem a parente acceptam, industria ac solertia sua auctiorem ac cumulatorem reddiderit. Est & aliud hominum genus, quæ præ animi levitate, ingenii ac sapientiæ haud vulgaris titulum affectantes, *Speculationes* ad morborum curationem nihilum facientes, moleste ingerunt; Medicis non tam viam præmonstrantes, quam ignibus suis fatuis devios in errorem agentes. His natura cum ingenii modum largita est, quo de illa docte nugari queant; at prudentiam non dedit, qua intelligant, se eam haud aliter scire posse, nisi experientia indice, atque ejus peplum revelanti: quando abjectior humanæ naturæ conditio ad scientiam *Intuitivam* nullatenus assurgens intra angustos cognitionis, quam a quinque sensibus haurire potest, limites coarctetur. Unde nihilominus vir *Prudens*, quantum fert sors humana, quis potest evadere; *Philosophus* vero, saltem pro angustiori hujus nominis majestate, nemo mortalium evadet unquam. Medici autem *Philosophia* omnis in expiscandis morborum historiis, iisque remediis adhibendis, quæ *experientia* indice ac magistra, eosdem valent depellere, tota stat; observata tamen, ut alibi dixi, medendi methodo, quam recta ratio (non speculationum commentis, sed trito & naturali cogitandi modo innixa) ei dictaverit.

Postscriptum.

Lector mihi veniam concedat, si unum haud parvi, tam in dignoscendis, quam curandis febribus, momenti, hic adjiciam, quod nisi memoriæ mihi exciderat, loco magis suo dicendum fuerat. Observavi, quod singulis annis ab hyeme ingruenti usque ad ver aduatum, *Febris* quædam invadit, quæ tam quoad symptomata quam curationem

a *Stationaria*, sive febre epidemica constitutionis generalis, quæ tum obtinet, plane discrepat, proindeque in febrium, quas *Intercurrentes* appello, classem recensenda est. Frigiditati aëris una cum crassitie ac humiditate ejusdem illa originem suam debere videtur: Hinc enim pori cutis occluduntur, & sanguis ob impeditam transpirationem colluvie serosa oneratur, quæ tandem inimica facta, ac diuturniore mora putrescens, facile a suscepto frigore, vel a levi aliqua occasione febrem accendit. Si materia morborum committens copiosa admodum fuerit, ea febris emergit, quam sub titulo *Peripneumonia noctua*, Libro de morbis Acutis *Sectione sexta*, Capite quarto descripsi. Sin autem humor iste minus scateat, ea solummodo symptomata producit, quæ jam sum descripturus. Eger per diem unum vel alterum post primum febris insultum nunc incalcescit, nunc friget: de dolore capitis atque artuum cum inquietudine quadam totius corporis conqueritur: Lingua alba apparet: pulsus sanorum pulsui non admodum absimilis: urina turbida est & intense rubet: sanguis ei detractus pleuriticorum sanguinem æmulatur: tussis serme adest; sed respirationis difficultas, thoracis coarctatio, & dolor capitis inter tussendum quasi idem diffiliret, dictæ tussi, (sicut in *Peripneumonia noctua* solent) se non adjungunt, proindeque cum notis insignioribus peripneumonicis hæc febris haud stipletur, licet a dicto morbo non nisi gradu diffideat, *Febrim Hyemalem* indigitare lubet.


Hic morbus, etsi primo ejus insultu symptomata solummodo a frigore suscepto orta, præ se ferat, si tamen male tractetur, longam ineluctabilem malorum catenam post se trahit, quæ tandem mortem ipsam accersunt. Etenim cum æger lectulo incarceratus fuerit, & cardiacis, nescio quibus ad sudorem eliciendum, ac proinde ad febrem solvendam (quod tamen raro perficitur) multatus, delirium, lethargus, pulsus languidus & inordinatus, lingua arida, maculæ rubentes, & quandoque ad livorem aliquantulum accedentes sæpe sæpius hanc febrem comitantur. Hæc atque hujusmodi symptomata, etsi nonnullis pro *malignitate*, ut loqui amant, imponant, revera tamen rei male gestæ sunt adscribenda. Cum enim hæc febris suapte natura plus satis inflammatione polleat, sanguis adhuc ulterius cardiacorum, & jugi lectuli usu incenditur: unde spiritus in confusionem, ac motus inordinatus.

dinatos inconditosque adiguntur, atque materia morbifica in cerebrum impulsâ in pectus ruunt omnia.

In hac febre pellenda hunc mihi scopum propono, ut exundantem scilicet illam pituitâ colluviem ob hyemis analogiam congestam venæ sectione revellam, & repetita catharsis subducam. Hæc ut fiant, ubi primum accersor, sanguinem e brachio dextero ad ℥ix. vel x. mitti jubeo. Die sequenti blandam illam potionem purgativam, mihi in praxi familiarem exhibeo. Ut ℞. *Thamarind.* ℥ij. *sol. sennæ* ℥ij. *rhæbarb.* ℥ij. *Coq. s. q. aq. ad* ℥ijj. *Colatura dissolve manna & syr. rosar. sol. an. ℥j. m. s. ppsio, sumenda mane.* Hanc potionem per duas alias vires repeto, die uno inter singulas purgationes interpolato, modo symptomata omnia citius non disparuerint: Et noctibus insequentibus paregoricum ex syr. de meconio ℥j. propino. Diebus a purgatione vacuis, modo tussis adsit, *Decoctum Pectorale*, & *Eclegma* ex oleo amygdalarum dulcium, syr. *Capill. Veneris & violarum* subinde assumenda præcipio. Atque ad nimium sanguinis fervorem reprimendum, si febris magnopere æstuet, *Emulsionem* ex seminibus frigidis præscribo; ut *Julapium* seq. ℞. *Aq. Nymph.*

Porralac. & lachry. an. ℥ijj. syr. de timonib. ℥ij. syr. viol. ℥j. M. s. Julap. de quo bibat ad libitum. Interim ut æger a lecto interdiu sibi temperet, injungo, ut & a carnis esu: post primam vero, vel secundam purgationem haustulum jusculi tenuis ex pullo gallinæ facti subinde assumendum concedo. Verum hoc notandum, si symptomata quævis graviora, ut respirationis difficultas, dolor capitis inter tussendum lancinans, malum hoc ad peripneumoniam, notham propius accedere indigiter, hoc in casu tam venæ sectio, quam catharsis eoque debitis intervallis sunt iterandæ, donec symptomata omnia penitus evanuerint, & æger eo modo, quem capite dicto descripsimus, sedulo tractandus. Ar non nisi perquam raro febris, de qua jam agimus, ad eam fevitiem assurgit, ut post unicam phlebotomiam, & tres purgationes pluribus evacuationibus indigeat.

Sed de hoc satis, quod tamen mihi nequaquam reticendum videbatur, quo minus errante diagnosi febris hæc hyemalis pro *Stationaria*, sive febre epidemica generalis cujusvis constitutionis habeatur, cum ingentem hominum vim ob hanc rem, vel neglectam, vel ignoratam, perisse certo sciam.



SCHEDULA MONITORIA
DE
NOVÆ FEBRIS INGRESSU
PER
THOMAM SYDENHAM, M.D.
ACCEDUNT EJUSDEM
DE FEBRE PUTRIDA VARIOLIS
CONFLUENTIBUS SUPERVENIENTE,
ET
DE MICTU SANGUINEO
A CALCULO RENISUS IMPACTO
DISSERTATIONES.

V I R O

*Tam Virtute, quam Eruditione undique
consummato,*

CAROLO GOODALL, M.D.

Coll. Med. Lond. Soc.



CUM ea, quæ de Febre præsentis
hujusce Constitutionis nuper ob-
servaram, in publicum edere sta-
tuerem, Tibi, præ ceteris, Vir
Ornatissime, opellam hanc meam
dicandam esse censui; idque ob
duas potissimum rationes mihi faciendum vi-
debatur. Primum, quodcum amicissimus mihi
sis, comes indivulsus lateri semper hæsis-
ti, moque tuo juvasti patrocinio contra omnes
quotquot se mihi uspiam objecerant. Quod
non tam mei ipsius gratia præstabas, quam
ex incognito generoso pectore honesto, hoc est, ex
magno proboque animo, qui tibi Auctor fuit,
ut veritati a te cognite compertaque assentiri
haud dubitares, etiam cum omnes fere omnium,

qui rem Medicam tractabant lingua in me
unum exacerentur. Quibus tamen non est
quod irascar, (nec irascor sane) quandoqui-
dem cum tot nequam Medicastri cerebrosa sua
somnia & figmenta venditantes, quo famam
sui lasius spargerent, toties mundo imposue-
runt; fas omnino erat, ut Viri ingenio &
judicio præditi, non statim & sine examine
ea admisterent, quæ ego jam recepto Præceos
movi plurimum adversantia in medium protu-
leram. Quo non obstante cum nihilo tibi mi-
nus debeam, mearum partium esse duxi, gra-
tum animi mei in te affectum omnibus testa-
tum facere; quando vix alia virtus naturam
humanam ad profectus ultimas metas evectam,
hac deceat magis. Nam sicuti Reges eos, qui-
bus favent, titulis & honorum insignibus il-
lustrare, atque aliis spectabiliores reddere sata-
gunt; ita Natura quoties hunc vel illum hu-
mili turba ac grege hominum eximere volue-
rit, gratitudinem, seu excelsioris genii notam
ac characterem solet imprimere. Altera Ratio,
cur tibi potissimum inscribam, hæc est: quod
sc. pro familiari illa & quasi quotidiana con-
suetudine, quam jam per multos annos invi-
cem habuimus: Tibi in primis, plusquam
cuiquam mortalium, notum esse oporteat, quan-
to cum labore Notitias illas, quantulascumque,

tam

nam Historie, quam curationis morborum, de quibus palam differui, indeptus fuerim. Quae omnia non simul & semel divulgavi, sed interposito annorum aliquot intervallo, prout in aliqualem eorundem cognitionem pervenire tandem potuerim. Istas vero Observationes meas ita meucas & imperfectas esse judico, ut me magis earum pudeat, quam ut ullam exinde laudem mihi queram. Utur se res habeat, illud saltem in mei excusationem potest adferri, quod licet 30. annorum, & quod excurret, spatium, quibus ego non indiligenter in morborum observatione versabar, sufficere posse videatur ad maiorem, quam in eorum cognitione ego feci, profectum faciendum; attamen haud temere affirmo, quod licet hoc temporis spatium plus quam sufficiat ad cerebrum Theorematis & Commentis fuditur, ex Auditorum libris collectis, (quae omnia non magis ad morborum curationem faciunt, quam pingendi Ars ad Artem navigandi) plane obtuendum, attamen ne quadruplicatus quidem horum annorum numerus, etiam in homine occupationibus medicis distractissimo, satis erit ad eundem in omni Medica Artis, quaque patet, circuitu rite perficiendum. Ego saltem pro meo modulo omnem quam potui operam istuc consuli, ut Observationes quam accuratissimas colligerem, quas sine mora praelo mandandas curavi, ut si quid utile haberent, id statim Publico cederet. Qua in re cum meo munere, pro virili, defunctus jam mihi videar, acquiescit animus meus, nihil porro sollicitus, quo in loco ab aliis habeantur mea scripta. Hoc tantum addo, quod sicuti si quis ea neglexerit, mihi nihilum nocuerit; ita qui semel tantum perlegerit, haud multum exinde proficiet. Sed ut haec missa faciam, obsecro te, humanissime Vir, ut Tractatum hunc aequi bonique consulas, quo testatum esse volui, quanto te honore prosequor; quod pariter faciunt etiam ii omnes, quibus longe minus quam mihi perspecta est virtus tua. Neque jure merito existimare quis potest, me, qui tui nullatenus indigeo, tibi assentari, cum palam profitear; Quod sicuti in ea quam exerces Arte, nemini secundus sis (ut modeste loquar,) ita morum integritate, honestateque undique absolutissima, omnes fere, quorum ego consuetudine unquam usus fuerim, superes. Diu vivas post mea fata, & in laetitia palmam feras; non tam ad nummos posterorum usui contrahendos (quae quidem ratio, si cum sequente conferatur, animam fere brutorum reddet) quam ut seculo tandem aliquando de-regas, quibus modis istae in morbis persanan-

dis difficultates, sub quibus Ars Medica haecenus genuit & succumbit, vinci queant. Quod dum moliris, istis quae ego primis jeci fundamentis, si modo libet, possis superstruere. Ita tamen, ut errata in quae ego sorte incidervim, pro more humano, in meis Observationibus sive Historiam, sive Curationem hujus illiusque morbi attinentibus, ubi ab annosa & repetita experientia melius fueris edoctus, libere ac palam arguas. Neque hoc pacto defuncti ejus memoriam laedes, qui in vita cum esset, nihil prius habuit, quam ut Ars Medica a quocunque demum promoveretur, non tam eruditis de morborum natura commentationibus, (quibus ad nauseam & fastidium usque jamdiu explemur) quam certa fidaque eorundem curandorum Methodo. Vale, Vir Optime, & amare perge

Tibi semper addictissimum

THOM. SYDENHAM.

Excellenti, & in re Medica
Admirabili Viro

D. THOMÆ SYDENHAM, M.D.

O Qui capacem nobilis artifex
Eludis Orcum, quo tamen ibimus
Cuncti, quot humane Parentes
Et decima tulit ordo Lunae;
Praesens fugacem sistere Spiritum,
Praesens maligno tollere de toro
Mortale Corpus, & propinquum
Exequiis removere Morbum.
Quem Nos honorem, quas statuas Tibi
Ponemus, O qui non alium parem
In arte Phœbus, se remoto,
Aut oriens videt aut recumbens?
Quo Febris audax cumque movet pedem,
Te Mater, omnis, Te lacrymabilis
Accurrit Uxor, ne caducum
Orba virum puerosque ploret:
Seu Confluentes forte timet notas
Decora Virgo; Tu faciem eripis
Periclitantem, protegisque
Perniciem juvenum futuram.
Atqui odit artes & Tua pocula
Hares profusus, quem simul extulit
Ad spem implicatus vel Febrili
Igne Pater, vel Hydropis Unda.
Mire paratam, Te Medico, Senex
Prosciat Urnam, non sine gloria

Phe.

habeam, alterationes quoad sensibiles annorum qualitates, utcumque dispares, morborum epidemicorum species non protulisse; & certam annorum seriem, quantumlibet annus unus ab alio, externa facie & temperamento discrepaverit, nihilominus omnes in eadem febrium stationariorum specie producenda convenisse. Quod cum serio animadverterem, opinari mihi subiit, prout a me alias dictum fuit, constitutionis mutationem a secreta aliqua abditaque alteratione in terræ visceribus atmosphæram omnem pervadente, vel a corporum cœlestium influxu aliquo maxime pendere. Tamen hic est notandum, quod valedicente nobis olim febre depuratoria, siccissimum ac vehemens gelu ab initio hyemis 1664. omnia constrinxerat, nec quicquam remisit, donec mensis Martius adoleret; quo quidem tempore, quamprimum satisciente gelu terra solveretur, mox febris pestilentialis, postmodum ipsa pestis grassari cœperunt. Ut vero hoc se habeat, febris, quam nunc tractamus, jam dicto tempore primum se ostendit, nempe Februario mense 1684. & tam præcedente anno, quam eo, qui jam agitur, per omnes Angliæ regiones latius vagata est; longe magis & *E'videtur* aliis in locis, quam hic Londini deserviens.

Ubi primum ad hanc febrem vocarer, omnino existimabam, illam non ex eo genere febrium fuisse, quas ego stationarias appello; sed potius ex intercurrentium familia, quæ singulis fere annis promiscue adoriantur. Non aliud sc. morbi genus esse rebar, quam peripneumoniam illam notham, quam Libro de Morbis Acutis olim delineaveram. Una hac intercedente discriminis nota, quod in hac febre subinde non comparebant symptomata in peripneumonia magis pathognomonica, qualia sunt tussis vehementior, cephalalgia inter tussendum sævissima, & quasi caput diffringens, vertigo a motu quolibet, & dyspnœa ingens, quæ omnia peripneumoniam notham fere comitabantur. Cum itaque Librarius novam Tractatum meorum editionem eo tempore sollicitaret, visum est conjecturam tunc meam, in qua me hallucinatum fuisse, jam sentio, in forma postscripti publico dare, in quem quidem errorem me induxit ingens consensus, quo febris hæc cum dicta illa peripneumonica luculenter conveniebat: quæ nulla non hyeme subinde occurrit. At cum ætate superveniente, quæ febres illas peripneumonicas solebat fugare, hæc nihilominus

perseveraret, statim erroris mei commotionis, febrem hanc ad novam constitutionem redigendam omnino censui.

Symptomata diligenti quantum potui indagine comprehensa, hæc fere sunt, & olim fuere: æger per vices calore & frigore tentatur; sæpenumero & de captis, & artuum dolore queritur; pulsus sanorum pulsui non absimilis est; sanguis e venis eductus pleuriticorum sanguinem haud raro æmuletur; æger ut plurimum laborat tussi, quæ quidem quanto ab hyeme longius invadit morbus, tanto citius, una cum aliis symptomatibus peripneumoniam mitem, & boni moris comitantibus, recedit. Dolor collum, & fauces (hic vero levior quam in angina) sub primum morbi insultum quandoque occupat. Febris tamen prorsus continua sit, sæpe tamen exacerbationes molestissimas ingruente nocte apportat, non aliter, ac si duplex foret tertiana, sive quotidiana. Æger jugem in lecto decubitus quantumlibet levissime stragulis coopertus sit, non sine magno suo periculo experitur; febre enim exinde in cerebrum versa vel in coma, vel in phrenesin facile incidit. Et, ut verum fatear, ita proclivis est in hoc morbo ad phrenesin lapsus, ut sæpe sua sponte, nulla ejusmodi data ansa, ilico subrepat. At non eo excaescentiæ, & furoris ascendit phrenitis in hac febre, atque illa, quæ variolis atque aliis febribus correpti laborant; quinimo æger potius tranquille delirat, incongrua subinde effutens. Ab intempestivo cardiacorum usu, & regimine paulo calidiore petechiæ sæpius efflorescunt, & in junioribus calido temperamento præditis, maculæ etiam purpureæ, certissimum summæ inflammationis indicium, tam in hoc, quam in alio quovis morborum acutorum genere. Quandoque eruptiones miliaræ, quas vocant, in superficiem corporis se dispergunt, morbillis haud multum absimiles, nisi quod rubent magis, & quando recedunt, squamulas istas fursuraceas, quæ in morbillis cernuntur, haud relinquunt: licet hæc sponte sua nonnunquam ingruant, sæpius tamen lecti calore, & cardiacis extorquentur. Lingua ægri pro ratione imperati regiminis, vel humida est, vel sicca. Ubi inaruerit, fusci est coloris in medio; quam partem undique cingit fimbria inalbescens. Ubi vero humida est lingua, omni ex parte alba est, pellicula item scabra, & alba vestita. Nam si æger ab adhibito regimine plus justo incalescat, lingua fere est fusca, & arda;

da; sin minus, humida est, & alba. Idem de sudore dicendum est, qui pro ratione diversis regiminis præfati dimanat. Nam si calidius tractetur æger, ferme viscosus effluit, e capitis præsertim regione. Quantumvis autem sudor copiose, & undequaque erumpat, parum tamen ex eo levaminis sentit æger; unde liquet ejusmodi sudores symptomaticos tantum esse, criticos non esse. Primis morbi diebus sudoris ex arte provocatio, materiam morbificam si non in caput, saltem in artus solebat deponere. At ubi jam caput febris occupavit, & phrenesis semel invaluit, nulla restant febris indicia, nisi quod pulsus nunc citatior est, nunc tardior; tandem vero, cum ex re male gesta spiritus in confusionem omnimodam adigantur, pulsus inordinatus cum subsultu membrorum subingreditur, quem non ita diu post mors excipit.

Curationem quod spectat, ista peripneumoniz signa quæ hanc febrem comitabantur *Februarii* illo anni postremi, quo primum emergebat, statim ab hyemis exitu fidem, ut dixi, mihi fecere, eam prorsus in peripneumoniacarum familia censendam esse. Ac proinde me statim contuli ad usum methodi istius, quam olim laudaveram in curatione peripneumoniz nothæ, & auctatio supra memorato. Quæ quidem methodus satis feliciter cessit, tum mihi, in paucis illis, quibus medicandis per adversam valetudinem meam vix sufficebam, tum etiam aliis, qui, me auctore, eandem experiri haud aspernabantur. Quicquid vero ad demum fuerit, quod hanc mihi methodum suaderet, jam mihi satis compertum est, quando & morbi phænomena, & ultimi anni qui binas rigidissimas hyemes excepit, perpendo temperiem (hyeme præsertim, si modo hyems dici possit, quæ nulum frigus notabile secum adduxit) mihi inquam constat, hanc febrem nihil esse aliud, quam simplicem sanguinis inflammationem; ac proinde indicationes curativas ad dictam inflammationem debitæ remediis, & methodo reprimendam, omnino dirigendas esse.

Hunc itaque ductum sequens, primo loco sanguinem e brachio dextero ad ℥v. educi volo. Neque sane febris hæc (utrum sanguis emissus pleuriticorum sæpissime sanguinem æmulatur) reiteratam phlebotomiam facile tolerat. Sin autem respirationis difficultas, dolor capitis inter tussendum lancinans, &c. malum hoc ad peripneumoniam notham propius accedere indigent; hoc in casu tam

venæ sectio, quam catharsis eousque sunt iterandæ, donec symptomata omnia penitus evanuerint; prout Capite de Peripneumonia tradidi. Atque hoc diligenter animadvertendum volo. Vesperis *Epispasticum*, seu vesicatorium nuchæ appono. Sequentæ aurora, lenitivam hanc potionem exhibeo.

℥℥. Tamarind. ℥℥.

Fol. sen. ℥ij.

Rhabarb. ℥ij.

Coq. s. q. aq. ad ℥iiij.

in Colat. dissolv. Mann. & syr. Rosar. solutiv. an. ℥j. Ms. F. Potio, sumenda summo mane.

Quod quidem catharticum etiam alternis diebus repetendum præscribo, donec tertiam vicem expleverit. Hora somni post catharsin toties, quoties paregoricum hoc vel simile injungo.

℥℥. Aq. Paralyseos ℥ij.

Syr. de Mecanio ℥j.

Succi Limon. recentis extracti cochl. ij.

Ms. F. Haustus.

Id scil. cavens, ne forte ab agitatione, & tumultu, quem in febricitantium sanguine, & humoribus purgantia sæpe excitant, æger ex spirituum animalium confusione, comatosus fiat. Quod quidem symptoma medicamentum hypnoticum, quantumlibet contra facere videatur, procul amolitur. Qua de causa ego in febre comatosa anni 1673. catharticum propinare non ausus, in clysterum usu subsistebam, certo sciens remedia purgantia eo tempore usurpata, illico comata adduxisse. Quod fortean aliter evenire potuisset, si paregoricum usurpatum fuisse post talem catharsin mihi in mentem venisset. Ubi vero purgatio celebrata non fuerit, hypnoticum hora somni nullatenus est concedendum; ne scil. cathartici postridie deglutiendi operationem ac vim (quod fieri solet quantumvis sero assumatur illud) sufflammet, vel si non insolidum retundat, efficaciam tamen imminuat. In hac, aut alia quavis febre epidemica, statutum mihi est alvum non turbare in principio statuve morbi, nisi venæ sectione præmissa. Quæ quidem praxeos regula susque deque habita aut violata quam plurimos orco addixit, infantes maxime, prout alias in cautelam monui.

Observandum est autem, quod licet ut plurimum evacuationes omnes præfatæ in hujus febris curatione usurpari debeant; sæpe tamen æger, maxime si juvenis aut infans

lans fuerit, post eductum sanguinem una catharsi defunctus, statim convalescit, nec pluribus fatigandus est, febre primo purgantis remedii impetu expugnata. E contra vero nonnunquam opus est ut alvus ad plures, quam supra dicimus, vices sollicitetur. Quandoque enim, licet id raro eveniat, ægro e febre jam dicta methodo liberato, recrudescencia materiz febrilis post dies aliquot morbum postliminio reducere videtur, quem tamen purgatio quarta vice repetita mox eliminat. Tametsi in hac methodo nova hæc febris raro accidit nisi ab aphthis, quæ sub exitu febris præcedenti supervenere, & quæ jam ad statum auctæ eam denovo revocant. Quæ quidem febris symptomatrica tantum est, & singultum per intervalla redeuntem sæpenumero post se trahit, qui etiam sublata febre per dies aliquot perseverat; at pro ratione redintegratarum ægri virium sponte tandem evanescit. Quod est diligenter animadvertendum, quandoquidem ex singultu sub finem hujusce febris accedente nihil ægro periculi est, nisi officiose nimis, & inutiliter multa ingerantur remedia: quod si fiat, mors pro Medico est. Verumtamen tam aphthæ quam singultus, vel horum utervis, si non sponte facessat, sed in longum tempus decurrat, facile fugantur usu *Pul. Corticis Peruviani*; nempe *ʒj. Corticis cum syr. Papaver. Rhæad. q. s.* in forma electuarii, vel pilularum redacta, eaque methodo assumpta, quam olim tradebam epistola ad D. D. Brady, superbibendo haustum lactis deslorati. Quod remedii genus experimento deprehendi certius in hoc casu scopum attingere, quam aliud quodvis etiam e celebratissimis; modo non frustrentur ejus vires (quod fieri assolet) ex jugi ægri in lecto decubitu.

Diebus a purgatione liberis sequentia vel his similia nonnunquam præscribo.

ʒj. Conserv. Lajule & Cynosbati an. ʒj.

Conserv. Berberum. ʒʒ.

Cremoris Tartar. ʒj.

Cum s. q. syr. e Limonibus F. Electuarium, de quo capiat ad magnitud.

Nucis Moschat. ter in die superbibendo seq. Julap. cochl. vj.

ʒj. Aq. Portulac. Lactinc. Paralyf. an. ʒij.

Syr. de Limon. ʒʒ.

Syr. Violar. ʒj.

Mf. F. Julapium. vel.

ʒj. Aq. Font. ʒij. Aq. Rosarum, Succ.

Sydenham Opera Med. Tom. I.

Limon. Sachar. albiss. an. ʒij.

Cog. lento igne dum despumaverint cap. ʒij. ad libitum.

Verum in his omnibus spiritum vitrioli, etsi summe refrigerantem, semper devito, utpote qui, cum egregie stypticus sit, minus convenit morbis omnibus, quorum curatio purgationi innititur; ut in hoc loco mineralem hujus spiritus naturam haud memorem.

Sæpenumero hic accidit, maxime febre jam ad finem vergente, ut æger dum hac methodo tractatur, nocte subinde sudore sponte prorumpente diffluat: a quo admodum mitigantur universa morbi symptomata. Quo non obstante, cum hujusmodi diaphoresis fidendum non sit, supra dicta methodus nullo pacto est intermittenda; quandoquidem si æger ad longius temporis spatium istis sudoribus indulgeat, febris, quam purgationes præcedentes quadantenus subjugaverunt, denovo vires resumet. Si enim diaphoresis ista protrahatur ultra tempus illud quo particulæ febriles coctione debita præparatæ prorsus difflantur, qui post insequuntur sudores, non ad aliud faciunt quam ad inflammationem de novo accendendam. Quamobrem licet sudores isti qui sponte manabant, critici fortasse fuerint, quoad materiz febrilis ejus quæ expulsiõni jam parata est, eliminationem, alii tamen qui post illos eliciunt, symptomatrica tantum esse possunt, atque adeo officere magis, quam prodesse. Verbo dictam: Hujusmodi sudoribus noctu sponte sua prodeuntibus, opportune favet lecti per noctem lenis calor; quare stragula nec plura, nec densiora illis quibus sanus assueverat, ægro aggerantur; nec exhibeantur medicamenta quavis excalefacientia: lectulo tantum indulgeat æger aliquantulum solito diutius mane subsequente: & postea pergat in supra descripta medendi methodo.

Dieta ex pulicula avenacea est, vel juscule hordeaceo, cum pomo subinde ad ignem cocto, atque etiam post secundam purgationem juscule tenui ex pullo gallinaceo. Pro potu ordinario cerevisiam tenuem nullatenus tepesactam injungo, ut & decoctum album (quod appellant) ex ʒi. C. C. ubi in aq. communis ʒij. coctum, & postea sacchar. albiss. edulcoratum.

Post catharsin bis celebratam nulla suadet necessitas, ut alio loco adnotavi, pullo- rum carnibus aut similibus eupeptis ægro interdicere, cum hæc per purgationem medicatio ea indulgeat, quæ non poterant con-
S s cedi,

cedi, si alii viæ infisteretur. Atque porro post ultimam purgationem modo febris aliquantulum deflagraverit, & intermittens typum nondum prorsus induerit, Vini Canarini cochl. tria vel quatuor mane, & sero, ut & post prandium, per dies aliquot propinentur, quo & vires citius instaurentur, & febriles avertantur accessus.

Cum autem hæc febris species præ ceteris, quas mihi unquam videre contigit, cerebrum petere quasi apta nata sit, nec sine ingenti tum molimine, tum ægri periculo, inde queat deturbari; ægros meos sollicito moneo, ne se nudos lectulo, nisi nocturnum committant: quod si usque adeo debilitati a morbo fuerint, ut erecto corpore sedere nequeant, permitto ut vel super lectum ipsum, vel super grabatum, vestiti jaceant, capite paululum elevato; nec sino ut focus sit luculentior in cubiculo, quam cui æger tunc cum sanus erat, assueverat.

Atque ut hoc regimen omnino tenendum est ab initio in singulis hac febre correptis (si scēminas, in primis puerperii diebus decumbentes excipias) ita necessario est imperandum, ubi ad ægrum quem ob regimen iusto calidius, phrenesis, petechiæ, aut purpureæ maculæ obfederunt, aut alia quævis essentia inflammationis indicia, accersitur Medicus. Hoc enim in statu, quantumlibet sanguinis detrahatur, quantumvis leviter regatur corpus, quicumque demum liquores refrigerantes ingerantur, non prius sedabitur febris, quam æger se lectulo interdum abstinuerit: cum calor circumambientis aëris inter stragula conclusi, sanguinem plus satis exagitet, & procumbentis corporis situs vehementiori impetu eundem in caput impingat. At hic ubi phrenesis ob methodum imperitiorem semel invaluit, nec subito deleri potest, nec tutum est repetita ultra limites præscriptos vel phlebotomia, vel purgatione, ejusdem curationem aggredi, tandem vero suo tempore suaque sponte, ope dicti regiminis recedet. Ad quam tamen amovendam nihil perinde confert, atque ægri caput radi: quod itaque semper præcipio, nullum emplastrum admovent, sed pileolum tantum quod ablatum rasura capillitium spissitudine quadantenus compenset, aut saltem caput a frigore externo muniat. Hac methodo cerebrum refrigeratur admodum, & recreatur, ita ut sensim calidas impressiones phrenesin excitantes queat vincere.

Et quæ de phrenitide hic dicuntur, de

comate etiam huic febre supervenienti dicta sunt, in quo ut in dicta phrenitide materia febrilis in caput sursum fertur, ac proinde si linguæ albedinem excipias, nulla adsunt febris signa, at æger apyrexia prorsus frui videtur. In hoc pariter affectu ac in alio, cathartica, sudorifica, vesicatoria atque id genus alia non tantum nullo cum fructu, sed ne quidem sine maximo periculo usurpantur; istiusmodi enim evacuationes mortem sæpius quam symptomatis hujus curationem adsciscunt. Quamobrem post evacuationes generales per venæ sectionem & purgationem factas, quantumlibet hoc symptoma astantes perterrefaciat, tota res naturæ & tempori committenda est, licet enim stupore æger diu laborarit, post aliquos, multos tamen dies, pristinam sanitatem recuperabit, modo lecto non perpetim affigatur, sed de eo eximatur indies, & supra grabatum vel etiam lectum vestitus decumbat. Interim autem abradatur caput, & sub affectus finem vini Canarini cochl. tria vel quatuor bis in die exhibeantur. Sed de hoc iustus egi in *Sectione quinta & capite secundo, lib. de Morbis Acutis*, ubi de comate quodam insigni febrem constitutionis illius comitante, disserui.

Quoad febrem autem haud deterrendus est Medicus a faciendis prædictis evacuationibus, si forte membrorum subulsum, vel motum convulsivum in ægri corpore persentiscat, dum pulsus tangitur; quandoquidem in quibusdam generis nervosi affectibus tam venæ sectio quam purgatio, etiam sæpius repetita non tantum non nocent, sed & necessario sunt adhibendæ. Cujus rei experimentum a me factum in medium profero, nempe in quadam convulsionis specie, quæ *Chorea Sancti Viti* vulgo appellatur; quo morbo haud pauciores quinque laborantes, & vidi, & sanavi ipsemet, & venæ sectionibus, & purgationibus, per intervalla celebratis. De quo morbi genere cum, & mihi opportune occurrat, & eorum quæ jam assero, veritati luculenter astipuletur, pauca dicere non gravabor. *Chorea Sancti Viti* convulsionis est species, quæ ut plurimum pueros puellasve a decimo ætatis anno, ad pubertatem usque invadit; primo se prodit claudicatione quadam vel potius instabilitate alterutrius cruris, quod æger post se trahit fatuorum more; postea in manu ejusdem lateris cernitur, quam hoc morbo affectus, vel pectori vel alii alicui parti applicitam, nullo pacto potest continere in eodem situ, vel

vel horæ momento, sed in alium situm, aliumque locum convulsione quadam distorquebitur, quicquid æger contra nitatur. Si vas aliquod potu repletum in manus porrigatur, antequam illud ad os possit adducere, mille gesticulationes, circulatorum instar exhibebit; cum enim poculum recta linea ori admove nequeat, deducta a spasmo manu, huc illuc aliquamdiu versat, donec tandem forte fortuna illud labris propius opponens, liquorem derrepente in os injicit, atque avide haurit, tanquam misellus id tantum ageret, ut dedita opera spectantibus risum moveret. Cum affectus iste ab humore aliquo in nervos irruente, quorum irritatione istiusmodi motus præternaturales producuntur, pendere mihi videretur; indicationes curativas primum ad humores illos tam venæ sectione, quam purgatione minuendos, dein ad corroborandum genus nervosum omnino dirigendas censebam. Quem in finem hac utor methodo. Sanguinem ex ægri brachio ad ℥viij. plus, vel minus pro ratione ætatis, educi jubeo. Die sequenti vel dimidiam partem, vel quiddam amplius (pro ratione vel ætatis, vel etiam majoris minorisve corporis ad subeundam catharsin aptitudine) potionis purgantis communis supra descriptæ ex *Tamarind. Fol. Senn. &c.* exhibeo. Vespere haustulum seq. propino.

℥℥. *Aq. Cerasor. Nigr.* ℥iij.
Aq. Epilept. Langii. ℥j.
Theriac. Androm. vet. ℥j.
Laudani liquid. gutt. viij.
F. Haust.

Potionem istam cathartica ad tres vices alternis diebus repetendam præscribo, & haustum paregoricum iisdem noctibus. Postea sanguinem rursus extrahi curo, dein ut ad catharsin, uti prius, æger revertatur. Atque ita alternatim sanguinem mitto, & subduco alvum, donec ægro vena ter quaterve fuerit incisa, & post singulas venæ sectiones, toties fuerit purgatus, quoties vires ferre posse viderentur: eo tamen temporis spatio inter alternas evacuationes diligenter observato, ut nihil inde periculi ægro immineat. Diebus a purgatione vacuis, sequentia præscribo.

℥℥. *Conserv. Absynth. Rom. & flavedinis Aurantiorum* an. ℥j.
Conserv. Anthos ℥ss.
Theriac. Androm. veteris, & Nuc. Moschat. condit. an. ℥iij.

Zinzib. condit. ℥j.

Syr. e succ. Citri q. s. f. Elect. de quo cap. ad magnitud. Nucis Moschat. mane & hora quinta vespertina, superbibendo Vini sequentis cochl. v.

℥℥. *Rad. Pæoniæ. Enul. Campan. Imperator. & Angelice* an. ℥j.

Fol. Rutæ, Salvie, Betonicæ, Chamædr. marrubii albi & summisat. Centaur. minor. an. m. l. Baccar. juniper. ℥vj.

Corr. duorum Aurantior. Incidantur & insuadantur frigide in Vini Canariini ℥vj. *Coloretur tantammodo tempore usus.*

℥℥. *Aq. Rutæ* ℥iv.

Aq. Epilept. Langii & Bryon. compos. an. ℥j.

Syr. Pæoniæ ℥vj.

Mf. f. Julap. cap. cochl. iv.

Sing. noctibus cubitum iturus, instillando C. C. gutt. viij.

Applicetur plantis pedum emplastrum a Caranna.

Quanto magis convalescit æger, tanto minus pedem ducit; tanto pariter & diutius, & constantius manum in eodem situ continens, & scyphum ori magis directæ via admovet: quæ certissima sunt indicia quantum profecerit in sanitate redintegrandâ. Ad quam quidem consummarius perficiendam, licet auctor non sim, ut plus ter quaterve ut plurimum sanguinem emittat æger; attamen remedia cathartica & altærantia eoque in usum sunt revocanda, donec rectissime tandem valeat. Et quoniam qui hoc morbo semel laboravit facile recidivam pati possit, & re fore existimo, ut pertundatur ei vena, & ad dies aliquot purgetur, vel ea ipsa tempestate anni sequentis, vel paulo antequam morbus primo invasit. Sane haud multum abest quin huic methodo epilepsiam Adultorum cedere posse autumem, modo remedia præscripta ætati eorum rite adæquantur; tametsi, cum non nisi perquam raro hic morbus mihi occurreret, non adhuc idem sum expertus. Sed de hoc obiter. In scæminis affectionibus hystericeis obnoxiiis quandoque accidit, quod ubi curatio evacuationibus diètis commissâ fuit, febris post venæ sectionem & purgationes istiusmodi iteratas etiamnum duret procurratque. In hoc casu febris, quæ jam urget spirituum commotioni ab evacuationibus ex-

citatz durationem ejus plane debet, ac proinde jam aliis omnibus posthabitis indicationes curativæ, modo signa peripneumoniz, & inflammationis circa partes vitales absint, ad quietem spiritibus induendam, & eorum orgasmum sedandum omnino sunt dirigendæ. Quem in finem singulis noctibus pægoricum, quod vigiliis debellandis par sit, exhibeatur, atque etiam medicamentâ *Hysterica* proprie dicta bis vel ter in die injungantur, qualia sunt pilulæ ex *Galbano*, *Assa fœtida*, *Castoreo* & similibus, & julepia ejusdem indolis in *cap. de affect. Hyster.* descripta. Insuper ad vires instaurandas & vapores, quos dicunt, suppressimendos concedatur ægræ talibus victitare, tam quoad cibum, quam potum, qualia appetitui maxime conveniunt.

Jam diximus, febrem hanc tum anno ultimum elapso, tum maxime hoc ipso qui nunc currit, exacerbationem quandam sub noctem quotidie adducere, paroxysmo febris intermittens non absimilem. Quamobrem Medici illi qui usu didicerant omnes illas febres, quæ vel minimum intermittebant, (sæpe etiam quæ ne intermittebant quidem) per illam annorum seriem ab *An. 1677.* ad initium *An. 1685.* a cortice Peruviano certissime fugari, eodem remedio hanc etiam febrem adoriebantur. Quod quidem licet judicio rationis suffragante tentarent, non tamen æque feliciter illis cessit, atque prioribus illis annis plerumque cesserat. Mihi enim quantum potui diligenter perquirenti compertum fuit, etiam magnam corticis quantitatem exhibitam, rarissime ægrum a morbo liberasse. Idque ita perraro, ut quoties restitueretur æger pristinae sanitati, ego id magis fortunato alicui morbi eventui, quam corticis viribus tribuendum arbitrarer: ita penitus cortex deservit ab illa sanandi vi & certitudine, qua prædictis illis annis pollebat. Febrem istam intelligo, quæ cum nobis impræsentiarum res est, quæ quotidianam aliquatenus imitatur. Ubi vero tertianæ genuinæ, vel alternis diebus invadentis, typus reperitur cortex Peruvianus perinde hodie atque olim agris opitulatur. Unde liquido constat, hanc febrem ab istis constitutionis prioris toto cœlo distare; cum ne hilum quidem corticis usu hic proficiamus; cumque hæc e vino & cardiacis, aliisque calidis exasperetur magis; quibus omnibus cum corticis usu olim satis conveniebat, quin & cum ipsa febre.

Porro notandum est, quod grassante hæc febre, per æstatem omnem, maximo illam anni jam currentis, morbis sæpe non tam pathognomonicis febris signis, calore scilicet inquietudine, &c. quam *ventris Torminibus*, nunc siccis, nunc dejectionibus, se ostendebat. Cum nihilominus sub hac larva ipsa hujusce tempestatis febris delitesceret, in qua exhalationes sanguinis inflammationis, non pro more solito, in externum corporis habitum protrudebantur, sed introrsum per arterias mesentericas in viscera inferioris ventris, sive intestina; & nonnunquam etiam per arteriarum cœliacarum ramos in ventriculum deponebantur, quæ quidem exhalationes vomituritionem excitare solent præcipue statim ab ingestione sive potus sive nutrimenti cujusvis solidioris. Quamvis autem hæc febris sub dictorum symptomatum specie & forma delitescat, omnino tamen genuina illa methodo, quam supra dedimus, expugnanda est, perinde ac si usitata hujus febris facie compareret, idque tam ratione venæ sectionis, quam repetitæ catharseos. Nisi quod hic animadvertendum sit, quod quoties febris eo usque ventriculum intestet, ut æger portionem retinere nequeat, *Pilulæ Cochiz Majores* (quæ ad *℞ij.* exhibitæ nunquam non per viscera sibi exitum parant) loco potionis leniter purgantis substitui possint. Devorentur vero pilulæ hora quarta matutina, ita ut æger supetdormiat.

Tum etiam hypnoticum dosi paulo largiore est concedendum *verb. gratia Laudani solidi Londinensis gr. j.℥.* cum simili quantitate *Masticis* in duas pilulas redacta eadem nocte deglutiantur; vel etiam *Laudani liquidi gutt. 18. vel 20. in ℥j. Aq. Cinnamon. Hordeat.* aut alio quovis vehiculo generosiore; quo ventriculus hujus tum viribus corroboratus tum minori quantitate non irritatus, ad medicamenti rejectionem minus insurgat. At si quovis modo potio purgans, & diacodium in ventriculo queant retineri, dictis pilulis, & laudano omnino præferantur; cum officio suo fungantur, corpore minus quam ex pilulis excalescât.

Cum autem de torminibus ventris mentionem fecerim, monendi hic mihi sunt populares mei, quanto cum periculo, prout frequenti observatione didici, *Aquæ Minerales* in ventris torminibus quibuslibet, vel diarrhœa, vel vomitione, vel affectu alio quocunque, quem a febre oriri vel suspicari

ri possumus, præscribi soleant. Quandoquidem in tam subtili & spirituoſo morbi genere ac febris extat, ejusmodi medicamenta mineralia ita omnia conturbant, ut loco eorum ſymptomatum, quæ febrem ex more uſitato comitantur, accidentia proſus anomala adducant, nec quicquam interea ad febris extirpationem conferant, quod me diu ſæpeque obſervavi memini.

Illud interim omnino obſervandum eſt, utpote quod ad quamplurimos ab orci faucibus liberandos pertineat, quod non obſtantibus iis quæ ſupra jam tradidimus, quotieſcunque prædicta ventris tormina ad *Dysenteriam* uſque confirmatam (in qua præter illa tormina materia quædam mucoſa una cum ſanguine per ſedem excernitur) promoventur; hic mihi periculoſiſſimum eſſe conſtat morbum aggredi protractiore illa methodo, quæ evacuandos primum, dein contemperandos acres iſtos humores, eſſe docet (ut de remediis adſtringentibus, varii generis, & variante forma intro aſſumptis, tum & clyſteribus nunc abſtergentibus, nunc conſolidantibus ſubinde injectis nihil dicam,) cum experientia didicerim dysenteriam & certiſſime & celerrime curari, ſi miſſis ambagibus, fluxus laudano conſeſſim ſiſtatur. Ita enim atrox & vehemens eſt hicce morbus, ut, ſi dysenteria jam confirmata adhuc purgare ſatagas, perquam metuendum ſit, ne dysenteria ſumptis inde viribus in præceps lata, ægrum præ incredibili fermento, quocunque te poſtea verteris, diutius excruciet, vel etiam vita ſpoliet. Advocatus itaque, guttas circa xxij. laudani liquidi in Aq. epidemica vel aq. mirabili vel alia ſimili protinus exhibeo, bis intra horas 24. repetendas; vel etiam hoc ſæpius ſtatis intervallis, ſi nempe doſis jam præſcripta, mane ac ſero tantum uſurpata, tam torminibus ventris, quam dejectionibus cruentis, rite compeſcendis par non fuerit. Dejectionibus paululum incrassatis, vel jam magis conſiſtentibus (quod primum ſanitatis mox recuperandæ indicium eſt) & ſugatis ſymptomatibus, tutiſſimum arbitror, ut aeger aliquantiſper in uſu prædicti remedii mane & ſero capiendi perſequeretur, guttulis aliquot indies demptis, donec eo amplius non fuerit opus. Animadvertendum autem eſt diligenter, quod ægrum diutius ab uſu paregorici lectulo aſſigendum curo, cum ſitus quilibet paulo erectior cerebrum facile conturbat, niſi æger ſomnos poſt in lecto ſa-

tis longos captaverit. Dietam quod attinet; ſi æger vino prius aſſueverat, Canarienſe concedo, proba tamen aqua dilutum, in qua panis cruſtulum fuerat decoctum; & quam frigidam in hunc uſum in lagenâ aſſervandam jubet, ut in promptu ſit ubi vinum eſt contemperandum. Decoctum album, & cornu cervi uſto in aqua fontana, hic etiam aſſatim epotum prodeſt. Pro viſtu juſculum hordeaceum, vel e pullorum carnibus elixir; ovum ſine teſta coctum, vel aliud quodvis ex eupeptis in primos dies ſufficiet. Deinceps vero tum ad liquores magis generoſos, tum ad alimentum uberius ſolidiusque paulatim ascendendum, ne ſcilicet nimia vacuitas ſive exinanitio, vel morbum a quo convaluerat, vel alia ſymptomata, quæ exinanitio ſolet parere, denuo reducat. Veruntamen hoc eſt adnotandum, quod licet in conſtitutione jam regnante, laudanum ſolitarium ſuo Marte dysenterias ſubjugabat; in iſtis tamen annis, in quibus dysenteria epidemica graſſantur, & cæteris prælucent morbis, non abs re fuerit illas primum evacuationes, quas in capite de dysenteria olim deſcripſi, in uſum revocate.

Et ſicuti in radicata illa dysenteria modo dicta, ita etiam in hoc qui ſequitur caſu, fieri in poteſt, ut curatio methodo illa quæ febrî unde primitus ortum duxit, deberetur, illico poſſit expediri. Verbi gratia. Nonnunquam uſu venit, ut qui rigore atque horrore corripiatur, calore & frigore per vices alternantibus, quæ ſunt haud mendacia febris jam imminentis indicia, repente viſcerum torminibus, a materie febrilis irruptione ac inſultu graviffime diſcruciat. Æger cum venam ferire, & alvum repurgare deberet, ad normam ſupra ſcriptam, ad medicamenta neſcio quæ calefacientia, tam intro aſſumenda, quam extra applicanda ſe conſert: eo ſcil. animo natus, quos hujus mali ſontem eſſe auguratur, his mediis diſcutiat, donec tandem augeſcente dolore & viſceribus diuturniori mora quaſi impacto, motus inteſtinorum perſtalticus, quo ex naturæ ordine omnia deorſum propellere debent, inverſi occipit, & incluſa omnia ſuſum tendunt, unde æger ſaviſſimo cruciatu torquetur, & provocatur ad vomitionem, malo jam in iliaca paſſione deſinente. Hic in medendi ratione, quam febris quæ hujusce ſymptomatis cauſa erat antecedens, ſibi poſtulabat, ulterius procedere nequit Medicus, quam

ut

ut sanguinem ex ægri brachio semel extrahendum præcipiat: etenim quot & qualiacunque demum cathartica propinaveris, ea statim emetica fieri atque ita sursum inversum viscerum motum magis promoveri solent; cum ut plurimum vix fortissima quidem medicamenta purgantia vel minima eorum pars intestina permeare valeant, ac sedem petere. Rebus sic stantibus, consultissimum esse arbitror brachii venam primum pertundere; mox interjecta hora una alterave, clysterem aliquem ex iis, qui potentius operantur, injicere, ego fumum nicotianæ sive tabacci, ex tubulo inverso, per vesicam majusculam, in intestina validissime insufflatum, Enema omnium, qua mihi innotescunt, hætenus efficacissimum esse duco. Qui etiam post moram aliquam reiterari potest, nisi prior immixtus, soluta alvo, meatus deorsum versus relexerit. Huic autem remedio symptomatice haud cedente omnino necesse est, ut catharticum paulo fortius ac *dragmatis* in usum veniat, utut difficile fuerit exinde viam facere: Ut,

℞. Pil. ex duobus gr. xxv.

Mercurii dulc. ℥i. cum f. q. Bals. Peruv. f. Pil. num. iv. capit, e cochl, uno Syr. violar.

nullum insuper liquorem assumendo, ne minus retineantur. Sin autem æger hoc remedium per os rejecerit hac methodo procedendum,

Laudani liq. gut. xxv.

Aque Cinnam. fortis ℥℥.

instillate statim propinentur; & interjectis aliquot horis idem paregoricum repetatur. Cum vero horum usu vomituritio ac ventris dolores remiserint, tunc catharticum prius dictum iterum exhibeatur. Hoc enim tempore idem laudani tutela assumptum retinebitur, ac suo tandem defungetur munere. Verum si *Anodynorum* virtute ac vi jam penitus infractis, vomituritio ac dolor iterum redierint, cathartico interim in corpore resistente: in hoc casu, ex dejectionibus per inferiora spe omni impræsentiarum abjecta, ad usum paregorici supra descripti revertendum, idemque eousque repetendum quarta vel sexta quaque hora, donec intestinis quies omnimoda inducatur, ac proinde motus eorum naturalis deorsum versus restituatur: quo quidem tempore catharticum, quod hætenus ob contrarium

intestinorum motum in corpore resisteretur; jam operationem suam per sedes exeret, quantumlibet ex tam repetito narcoticorum usu plane contrarium effectum iri videatur. Quod & ipse, dum hæc scriberem, in generoso quodam ileo sævissimo laborante expertus sum; cui tamen postea ex nimis longa tam humorum morbum committentium, quam acrium catharticonum retentione, *Aphise* supervenere, sed quæ satis facile debellarentur usu corticis Peruviani supra descripto; ut & os sæpe colluendo cum sequente gargarismate.

℞. Succ. Pomorum agrestium ℥℥.
Syr. de Rubo Ideo ℥j.

At cum jam ductus isti pro naturæ lege denuo pateant, ægro liberum est, ut ad dies aliquot serietur a purgatione, donec scilicet tumultus nuper in visceribus excitatus, omnino resederit; quod temporis spatium humorum calori & acrimoniæ diluendis contemperandisque satis commode impertiri potest. Quo facto catharsi alternis diebus, ut supra, repetendæ vacare debet, si vel minima adhuc restent febris vestigia. Sed de hoc satis.

Si infans hac febre laboret, gargarisma, tum hirudines duæ utrinque pone aures applicentur,

Dein emplastrum epispasticum posteriori cervici admoveatur,

Cum cerevisia in qua rhabarbarum fuerit infusum purgetur.

Si post catharsin febris intermittere videatur, tum *Jalapium cum Cort. Peruv.* (in cap. de Febre Intermittenti, pro infantibus descriptum) exhibeatur.

Hoc in loco insuper est animadvertendum, quod licet *Infantes* huic febris generi æque cum adultis obnoxii sint, ac proinde pari cum illis methodo curandi, nisi quod pro ratione ætatis, minor sanguinis quantitas est detrahenda, ac catharsis tum eorum ætatulæ accommodanda, tum etiam sorte rarius celebranda (sæpe enim & infantium & juniorum morbus a primo vel secundo saltem cathartico prædominabitur) nihilominus serio advertendum est, an quæ hoc modo tractatur febris pro certo hujusce constitutionis fuerit, non vero alterius speciei, quod diligenter perquiri debet in febribus iis, quæ infantes corripunt, in omnibus quibuscunque annorum constitutionibus. Vulgo enim notissimum est infantes a doloribus ex dentitione ortis, sæpius in febres quæ,

agi, quæ haud ita facile alterius generis febribus internoscuntur. In harum ego curatione diu multumque angebar, nec nisi nuperis his annis, certo mihi persuadere potui quemlibet ex illis qui meæ curæ concrediti, ad sanitatem restituti fuerunt, tam arte, quam casu convaluisse, donec tandem de felici successu remedii haud ita celebris, imo ob tritum ejus usum plane contempti, frequenter admonitus illud ipse quoque præscriberem; quod etiamnum præ cæteris, quæ mihi innotescunt, medicamentis optime votis hic respondet. Ejusmodi verum est. Guttae duæ, tres, vel quatuor spiritus C. C. pro ratione ætatis, in cochleari uno vel altero aq. cerasor. nigr. vel Julapii alterius appropriati, exhibeantur quarta quaque hora ad vices quatuor vel sex.

Est & symptoma aliud infantibus permolestum longe diversum & a febribus variorum annorum constitutionum, & ab illa proxime memorata. Est vero hæctica species infantes diu affligens, quæ infestati sine insigni aliquo calore languent, cum appetitus dejectione; & tam artus, quam corporis truncus ubique emaciantur. Simplicissima qua hic utor methodo, talis est. Rhei electi taleolarim incisi ℥ij. lagenam vitream duarum librarum cerevisiæ tenuis capacem, subere mox probe obturandam, immitti curo, (vel in alio quolibet liquore, quo pro potu ordinario uti solet infans) quam cerevisiam ita medicatam infanti tam noctu, quam interdiu, & cum & sine cibo propinandam injungo. Epoto hoc liquore, duas alias libras rhabbaro eidem super affundi jubeo; quibus pariter exhaustis, alias adhuc duas pro tertia vice substituo; quo factò & rheum vires suas amittit, & infans morbo ut plurimum liberatur. Ne tamen cerevisia primum affusa, rhei vi cathartica saturatius imprægnata, justo vehementius alvum cieat, cautius agimus, si libra una epota alteram statim adjiciamus: post vero, recentem cerevisiam non affundemus, nisi exhausta ea omni quæ prius fuerat lagenæ inclusa.

Sed ut febrem, de qua nunc agimus, constitutionis scilicet jam currentis revertamur. Hoc sedulo observandum est, quod in hoc febris genere (perinde ac in rheumatismo & aliis morbis quamplurimis, quorum curatio solis evacuationibus absolvitur) si dictis evacuationibus pertinaciter insistamus, usque dum symptomata omnia prorsus ablegaverimus, sæpius ægro non ni-

si morte medebimur. Neque enim ita intolens est, ut symptomata quædam leviora, & quasi effictæ febris reliquæ aliquantisper etiam expirante jam morbo, perdurent: a quibus tamen nullum ægro recidivæ periculum est, quæque sua sponte pari passu quo sanitas redit, abscedent. Quid quod jam recitata symptomata haud raro nihil aliud sunt quam reiteratarum evacuationum, quibus Medicus morbi curationem tentavit, vera progenies: si huic saltem addamus in causæ partem exinanitionem illam, quam ægri a consuetis cibis potuque abstinencia superinduxit: quæ omnia cum in corpora jam a morbis infirmata & pene confecta vim fecerint, vapores, quod dicunt, haud aliter elevantur, quam in fœminis, atque eandem plane ob rationem, ob debilitatum sc. & quasi disiectum fractumque spirituum animalium systema. Quapropter post factas, quæ tollendo morbo sufficere queant, evacuationes, prudentis Medici est, ab importuna earundem ordinatione sibi temperare, & paulisper attendere quid tempus, Medicorum sæpe felicissimus optimusque, ad leviculorum istorum symptomatum depulsionem conferre possit, quæ quidem sæpenumero, prout multoties repetita observatione comperi, a paregorico duabus vel tribus noctibus assumpto, sine alio quovis apparatu, sub morbi hujusmodi exitu devincuntur.

Methodus jam laudata cæteris, quas expertus sum omnibus, in hujusce febris curatione facile antecellit. Si quando vero febrem non prorsus tollat, id saltem agit ut intermittere cogatur; ac proinde Peruviano cortici, qui hic nunquam non triumphat, conficiendam tradit. Cum autem catharsis isthic imperata curationi hujus febris obesse nonnullis forte videatur, pro comperto affirmo, nihil ita certo atque ita potenter ægrum refrigerare atque catharsin, post venæ sectionem (quæ ubique præmittenda est) celebratam. Tametsi enim medicamentum purgans eo ipso quo sumitur die, atque adeo inter operandum majorem impræsentiarum & in sanguine & in reliquis humoribus, quam qui ante fuit, tumultum excitet, & proinde febrem intendat; id tamen noxæ emolumento mox inde subsequuturo plus satis pensatur. Testatur enim experientia, catharsin, modo post educlum sanguinem tentetur, quibuslibet aliis remediis felicius certiusque febrem perdomare; tum quatenus sordam illam humorum illuviem

viem e corpore exigat, a quibus ut a causa antecedente febris accendebatur; vel si non antea peccabant ii, jam saltem concallesciti, & a febris ardore quasi cocti & consipati, ad ejusdem moram diuturniorem multum faciunt; tum etiam quatenus anodyno viam sternit, quod tutius longe certiusque officio suo fungitur, quam si humores peccantes, qui paregorici vires aliter potuissent infringere, purgatione non fuerint eliminati.

At e contra sicuti methodus illa quæ materiam febrilem per poros cutis eliminare satagit, minus habet certitudinis, ita plus habet & fastidii, & moræ, utpote qua morbus sæpius ad septimanas aliquot producit. Cum æger hoc modo primum in ipso sepulchri margine (si forte libitinam evitet tandem) constituatur, & per longum illum febris decursus, denso remediorum agmine infestetur, quibus ea expugnantur symptomata quæ imperita morbi tractatio advexit; dum regimine & medicamentis calidissimis tentatur curatio ejusmodi affectus, qui pro genio suo, utraque horum frigidissima omnino deposcit. Atque ita dum male sani homines artis falso dictæ regulis se manciant; etiam spreto sensuum illis reclamantium judicio, morbum ex sua natura brevem facilemque in diuturnum, & difficilem erudite convertunt, omnia tumultu & metu conturbantes, & fluctus, quod ajunt, excitantes in simpulo. Quo facto non iis magis opus erat, quam est nauclo, ut dum in mari libero navim possit agere, eandem inter cautes & brevia inferat; unde licet majoris peritæ gubernationis famæ comparandæ opportunitatem nanciscatur, servato in tanta desperatione navigio, viri prudentis saltem nomen amittit.

Has itaque ob causas, & prudenti, ut spero, fiducia affirmare lubet, quod dicta methodus curationis per venæ sectionem & purgationem expediendæ, plus alia quavis præstabit in febribus quamplurimarum specierum expugnandis. Licet enim diaphoresis, proprie loquendo, naturæ ipsius sit methodus, qua materiam febrilem foras protrudit, & præ cæteris maxime genuina sit, & accommodatissima, quoties natura suo relicta arbitrio dictam materiam primum digerat, dein rite coctam per corporis habitum blande expellat, (quem felicem naturæ eventum febres per sudores abigentis eum Medici practici sæpe animadvertissent,

hinc ansam arripiebant *Asymmetria* fidenter statuendi, febres universas hac tantum methodo, non vero alia quavis, profligari posse ac debere). Quo tamen dato & concesso, ars nihilominus, quantumcunque naturæ imitationem præ se ferat, id saltem sibi privilegii arrogare nequit, ut febribus per sudores certo exigendis par sit. Primo enim nescit ars quo pacto materia peccans ad expulsionem subeundam rite præparanda sit; nec si hoc sciat, certa ulla habet indicia, quibus de hujusmodi debita præparatione possit moneri; unde etiam & tempus ciendo sudori opportunissimum ignorari necesse est. Temerariam vero sudoris, nondum peracta coctione, provocationem longe periculosissimam esse, nemo opinor nisi pertinax negaverit; cum materiam crudam in cerebrum impingens, oleum camino addat. Atque, prout alias etiam innui, saluberrimum illud Hippocratis monitum, *Cœcta, non cruda, sunt medicanda*, non tam catharsin, quam diaphoresin ex arte sollicitandam spectare videtur. Etenim neminem in ægris tractandis vel mediocriter versatum fugere potest, quam multi indies male mulcentur a vetulis & imperitis medicastis, præpostero hoc sudorificorum abusu: his enim more receptum est, ut signis de rigore, & capitis atque ossium dolore (quæ ut plurimum febris mox invasuræ præludia sunt) conqueratur, extemplo illum lecto adjudicant, & sudoribus quoquo modo extorquendis toti incumbunt. A quo importuno molimine tantum abest ut præcaveatur febris, quæ forte vel sua sponte, vel eductis aliquot sanguinis uncis potuerat evanescere, ut e contra magis accensa vehementius exardescat, & in morbum jam radicatum confirmatumque abeat. Illud insuper (ut vetulas jam missas faciamus) notissimum est, quod sicut sudores isti qui febre primum ingruente spontanei erumpunt, symptomatici omnino sunt, nullatenus vero critici; ita etiam qui primis febribus diebus diaphoreticorum vi exprimuntur, nihil magis ad morbi curationem plerumque conferunt, quam solent alteri illi symptomatici, ita præmature sua sponte manantes, hoc est ut plurimum, ne hilum quidem. Deinde vero sicut ignorat ars opportunitatem illam temporis qua sudores eliciendi fuerint, ita pariter nescia est quandiu in iisdem sollicitandis perseverandum sit. Quod si diaphoresis ultra debitum tempus, quo scilicet materia morbum committens penitus fuerit

fuerit exacta, protrahatur; humidarum istarum particularum, quibus sanguis diluendus contemperandusque erat, absumptio, febris tum moræ diurniori, tum incremento ministrabit. Constat itaque, quam in lubrico res hic vertatur; cum e contra penes Medicum sit alteram illam methodum, qua materia febrilis per phlebotomiam & catharsin eliminatur, pro arbitrio suo moderari. Adde, quod hoc etiam nomine hæc illi alteri anteponenda est; quod scilicet si forte Medicus propositum sibi scopum non attigerit in sanando ægro, saltem eundem in nullum discrimen adducit, quod in diaphoreticorum usu contingit, nisi convalescat. Etenim vel calor lectulo jugiter inclusi, cui præter solitum morem aliquandiu se addixit, (ut cardiaca, quæ in hac medendi ratione locum semper obtinent, omitamus) naturæ œconomiam confundit, & convulsivos artuum motus, aliaque symptomata prorsus anomala adfert. Quæ sane ideo delineari non possunt, quia sub morbi historiam non cadunt (quod in symptomatibus plerisque ad quemlibet morbum spectantibus usu venit) sed a superaddito tumultu & confusione oriuntur, quibus sæpe opprimitur natura, quoties curationem morbi hac methodo aggredimur. Quæ quidem omnia vulgo malignitati nescio cui solent imputari.

Cujus de *Malignitate* (sive notionem, sive verbum dixeris) opinionis inventio humano generi longe ipsa pyrii pulveris inventionem lethalior fuit. Cum enim ex febres præsertim malignæ dicantur, in quibus intensioris præ cæteris inflammationis gradus conspicitur, hinc Medici se ad usum cardiacorum, & alexipharmacorum nescio quorum contulerunt, quo scilicet per cutis poros expellant quod somniant *Venenum*, (hoc enim est dicendum, nisi malint verbis ludere, quam illud quod potest intelligi, serio proponere) ex quo factum est, ut regimen calidissimum methodumque huic parem iis morbis adaptaverint, quæ frigidissima tum remedia, tum regimen præ cæteris sibi postulabant. Quod quidem satis arguitur tum in variolarum, qui ex calidissimis in rerum natura affectibus est, tum in febrium aliarum curatione. In quem errorem forte inciderunt ex conspectu petechiarum, macularum purpurearum, & cæterorum id genus *quædam*; Quæ tamen omnia in plerisque subjectis, inflammationi, ægri sanguini jamdiu plus satis a febre ac-

Sydenham Opera Med. Tom. I.

censo superinductæ, omnino debentur. Utpote quæ raro sponte sua efflorescunt, præter quam sub adventu pestis ipsius: atque in initio invasionis istarum variolarum confluentium, quæ summæ inflammationis participes sunt. In hoc enim morbi genere maculæ viventes in variis corporis partibus, una cum pustulis primum erumpentibus, comparent; atque æger eodem tempore sanguinis excretionem vel per meatus urinarios, vel cum tussi per pulmones, fatigabitur; cum ita valida exagitatione, atque orgasmo ab inflammatione orto, sanguis ferociat, ut diffractis jam repagulis, in cavitates corporis præceps ruat: Et licet maculæ istæ purpureæ in hac febre non a tam intenso sanguinis calore, qualis is est, qui istiusmodi hæmorrhagias excitat, ortum ducant; ab eadem nihilominus inflammatione sed gradu remissiori producuntur: & quoties ista sanguinis excretio (unicum in variolis symptoma cui devincendo nondum par est ars medica) non accedit, refrigeranti regimini facile cedunt. Quod si malignitatis præsentiam non tantum e maculis purpureis colligunt, sed ex eo quod observaverint, febris symptomata subinde fuisse mitiora quam quæ ejus naturæ competere viderentur, ægrum tamen magis viribus occisum fuisse, quam pro ratione temporis a quo cœpit ægrotare; Respondeo omnia hæc exinde tantum procedere, quod natura à primo morbi impetu quasi oppressa, devictaque, non satis valida est, ut symptomata regularia & magnitudini morbi consona exerat; omnia vero phænomena prorsus sunt anomala. Etenim perturbata œconomia animali & quasi disjecta, febris exinde deprimatur, quæ obtinente genuino naturæ ductu, vigere solet. Cujus rei experimentum haud vulgare occurrisse mihi meminimus multis abhinc annis, in juvene quodam ad quem accersebar. Quamvis enim ferme animam agere videretur ille, calor tamen in externis corporis partibus ita ad tactum sentiebatur temperatus, ut fidem mihi derogarent adstantes amici, quoties assereram eum febre laborare, quæ ob sanguinis oppressionem (cujus mole, exitu negato, quasi strangularetur) se explicare & ostendere palam nequibat: quod si venam inciderent, febrem illico satis violentam statim animadverterent. Aperta vena, & sanguine paulo copiosius educto emicuit febris, qua vehementiorem mihi nondum videre contigit; quæ non nisi tertium

T 2

quar-

quartæve demum phlebotomiæ cessit. Sed de his satis.

Quod si rationes a me allatæ tanti non sint, ut certo ac necessario evincant, rem ita se habere atque ego statui; attamen si suffragante experientia deprehendero hancce febrem evacuationibus per diaphoresin factis haud libenter cedere, habeo quod quero. Neque enim cujuslibet demum ratiocinatio, sed potius experientia docere poterit, quænam febrium species diaphoreticis, quænam vero aliusmodi evacuationibus sanari possint ac debeant. Et profecto nemo sapiens cui tam hominum quam rerum natura satis est perspecta, in iis, quæ meræ speculationes sunt, nullo autem certo experimento determinari queunt, in cujusvis mortalis verba, quantuscunque is demum fuerit, facile juraverit: cum idem animadvertisse debeat, *Memento Rationis* ita prorsus varia, itaque subtilia esse, ut cum aliquis theoriam quamlibet proposuerit, ita validis rationibus sussultam, ut adstantium, quotquot sunt, omnium assensum extorqueat; hunc mox alius insignioribus forte naturæ dotibus præditus, excipit, qui sententiam istam, quæ ita pulchræ stabilita videbatur, convellit, & firmitiori argumentorum vi nihil illud esse, quam cerebri commentum, ejus nulla prorsus in natura vestigia reperiuntur, palam ostendit. Cujus jam loco is novam quandam substituit hypothesin, majori adhuc verisimilitudinis specie innixam, & magis affabre concinnatam; quod tamen posterius figmentum, pari cum superiori illo fato sungetur, quoties Tertius aliquis se objecerit, qui Secundum istum tantum ingenio vincat, quantum ille sibi præcedentem devicerat. Atque hoc iterabitur toties quoties, donec tandem ad illum proventum fuerit, quem *ultima humani ingenii potentia* consummaverit. Quam vero difficile sit hunc hominem investigare & a cæteris distinguere, statim sentiet, quisquis non usque adeo desipit, ut hanc sibi laudem delirus arroget. Quinimo, cum jure merito suspicari liceat, esse naturas in orbibus illustrioribus, per Universi expansum hinc illinc sparsis, pene infinitas, quæ præcellentiori longe intellectus vi pollent, quam nos hominiones; haud satis scimus, an non vultorum hominum genus cerebrum, cogitationum officinam, habeant a natura ita effectum, ut non tam quid sit absolute verum, quam quid maxime conveniens, ac suis patribus accommodum, excogitare que-

ant. Atque hæc iis qui in medicina faciendæ potius speculationibus vanis, quam experientie solido sensuum testimonio innixæ, fidem adhibent, dicta sunt.

Quod si quis hic regerat; An non igitur de facto experimur hanc febrem methodo huic quam tradis, prorsus contraria persæpe sugari? Respondeo toto, quod ajunt, cælo distare curationem morbi ea methodo cui solum ægri nonnunquam ad sanitatem restitutio astipulatur; & ejusdem curationem, ista praxeos methodo, cui & frequentior ægri restitutio, atque etiam phænomena practica omnia quæ in eodem curando incidunt, pariter astipulantur. Exempli gratia: in variolis. Multi ex iis qui diro calidorum & regiminis & remediorum usu cruciantur, tamen convalescent; ex adverso autem, & iis pariter feliciter cedit, quorum curatio methodo plane contraria tentatur. Jam quo pacto litem hanc finiemus? quænam methodus est præferenda? hoc plane modo certissime dijudicabimus. Nempe si in illo regimine priori exploratum habuero, me quanto magis ægrum excalefacio, tanto magis febrem, inquietudinem, delirium cæteraque symptomata intendere ac promovere; e contra vero deprehendero, eundem, ubi moderate refrigeretur, tanto sedatiore temperamento esse, tantoque minus tam a febre, quam ab aliis symptomatibus vexari. Adde quod servata debita illa carnis musculosæ temperie, quæ pustularum tum augmento, tum maturationi maxime competit, & grandiores sunt pustula: & liberalius implentur, quam si æger nimio suffocaretur calore. Posito hoc utroque casu, satis manifestum esse arbitror, quam potius praxeos methodum sequi debeamus. Pariter in illa, de qua nunc agimus, febre, si comperiam ægrum quo magis calefit, eo magis non tantum phrenesi, maculis purpureis, petechiis, &c. obnoxium esse; sed & febrem insuper symptomatibus omnium generum irregularibus & anomalis exinde stipari. E contra vero si alium ægrum ea, quam jam proponimus, methodo tractatum ab his symptomatibus prorsus liberum observaverim, ratio dicat posteriorem hunc praxeos modum, longe alteri præstare, tamen si uterque æger ita diversimode curati ad sanitatem revertantur. Quod si plures hac via quam alia ista mortem effugiant, eo facilius solvitur controversiæ nodus; qua de re non est mearum partium judicium ferre, ne mihi & meis plus æquo saveam.

Atque

Atque hæc de hac febris specie. Quousque illa durabit non bariolor. Neque satis scio, an non sit initium aliquod spirituosius ac subtile, & quasi primordium Febris illius *Depuratorie* jam antiquatæ, quam insecta est immanissima illa pestis. Sunt profecto phænomena quædam, quæ me, ut hoc credam, quadantenus inducunt, quandoquidem non tantum febres intermittentes proprie dictæ, præsertim *Quartana* hic illic sparsæ adhuc restant; verum etiam nonnullæ ex his febribus continuis subinde in intermittentiæ castra, maxime autumnæ jam pendente commigrant. Ut jam taceam, exacerbationes in hac febre supra memoratas, eorum paroxysmorum qui febres intermittenter comitantur, genium aliquo saltem modo referre. Tum etiam quod hoc morbo laborantes ad vomitionem satis sunt propensi. Qua de re tamen nihil prorsus pro comperto venditare animus mihi est, quoniam non jam mihi succurrit, qua facie febris depuratoria se primum extulit; prout libro *de morbis acutis*, sect. 1. Cap. III. his verbis subindico. *Quanto autem jam tempore prædicta Febris continua invaluerat dicendo non sum, cum mihi hætenus satis fuerat ad generalia Februm Symptomata attendere; utpote qui nondum vel juxta varias Annorum crases, aut ejusdem Anni varia tempora easdem distingui posse animadvertam.*

Quandoquidem in toto Clariss. Auctoris nostri Opere de Febris in genere, ac de pestilentialibus, contagiosis, aliisque malignis in specie, abunde actum est; ommissa tamen Febre Miliari, quæ inter has ultimas a Clariss. Hamilton recensetur, ejus in hoc argumento Tractatum jam tradimus, & hic est.

DAVIDIS HAMILTON,

Equitis Aurati, Regalis Societatis
Londinensis utriusque Socii, Nec
non Magnæ Britannicæ Re-
ginæ Medici Ordinarii.

TRACTATUS

DE

FEBRE MILIARI SEU VESICULARI.

Accessus

Febris Miliaris Historiarum
Fasciculus.

Ad Lectorem.

P R Æ F A T I O.

TRACTATUI naturali ordine prodromo sequentem addendum censui ea ratione, ut Praxeos speciem, secundum normam mihi usitatam, & a me jam ante propositam, Lectori exhiberem. In quam rem utilius præstandam, præ aliis morbis, Febris Miliaris sive Vesicularis naturam, curandique methodum describendam elegi; quod Medicorum neminem, de hac febre, tanquam specie diversa, saltem justo volumine, hætenus scripsisse viderim. Cum tamen in quamplurimis, vel in chronicum morbum immutari, vel brevi exitialem fuisse, noverim. Nonnunquam enim id ægrotum, in hujus morbi principio mitiori, de seipsis negligentia, aut diutius elongati impatientia, evenit; Nonnunquam etiam Medicorum fallacibus ejus symptomatibus cæcatorum ignorantia; aut tandem, ubi visitatio-

nes necessario continuandas omittunt, intempestivo metu, ne lucri gratia curationem procrastinare videantur. Quamobrem & existimavi operæ impendendæ pretium, si his meis observationibus, ab inspectis ægris diligentissime collectis, Medicis junioribus lumen præberem, & hoc facto Peritos excitarem, suas etiam in lucem proferre. Quo autem ea, quæ in hac Dissertatione dicta sunt, magis adhuc firmentur, clariusque illustrentur; Historiarum huc pertinentium, fusiussque exaratarum, Fasciculum subjiciendum curavi. Et firme credat Lector, me summa ubique veracitate usum fuisse.

*De Namine hujus Morbi, Genere,
& Speciebus.*

Febbris miliaris, a pustulis sive vesiculis, seminis milii speciem quodammodo præ se ferentibus, & præcipue circa partes superiores apparentibus, nomen accepit. Mihi tamen videtur potius nominari debere febris vesicularis. Quia pustulæ sunt vesiculæ, primo sero limpidi, deinceps subalbo, perlarum colori non absimili, plenæ.

Non desunt, qui febres solummodo pestilentialia petechialesque opinantur malignis annumerandas. Censeo tamen & alias, specie diversas, malignarum classi debere referri.

Primo, quasunque febres, vel contactu, halituve, vel quavis alia contagione trahantur.

Deinde, & istiusmodi febres quas statim ab initio dolor vehemens, & alicui parti affixus comitatur, viz. capiti, aut intestinorum renunve regioni, aut etiam artubus. Pariter ac si ægrotus cephalalgia, vel dolore colico, aut nephritico, vel podagra, aut rheumatismo, vel etiam doloribus parturientis, tanquam originali morbo, laborasset. Cum tamen istiusmodi febris miliaris symptomata haud iis cessura sint remediis, quæ ubi morbi ira nominati primarii sunt, valere solent.

Porro, & in quibus spiritus animales subito opprimuntur & desciunt; Et ubi præ-

dicta symptomata a nulla causa evidenti, sed a veneno quodam latente, pendere videntur. ab Antiquis occultæ qualitatis, a Neotericis vaporum nomine designato.

Vel demum, ubi ex causa, ut videtur, non absimili, spem salutis subitanea mors excipit. Quæ omnia, ut malignitatem ostendunt, ita & in febre miliari servavi accidisse.

Et notatu dignum est, hanc febrem eadem malignitate ac petechialis apud Indos grassari.

Hæc febris species duplex est, simplex & composita. Simplicem dico, quories pustulæ erumpunt nullæ, præter miliares, de qua hic disserturus sum. Complexam, cum pustulæ pupillares rubræ, miliaribus sint intermixtæ; quæque ubi solitariae sunt, a *Rash*, vulgo appellantur.

Et notandum est, pustulas miliares nunquam variolis immisceri, easque, dum intumescunt variolæ, paulatim exarescere. Verum post exiccatas pupillares superstites manere.

Febris Miliaris Descriptio.

Quo melius febris miliaris historiam præscribam; antecedentia, concomitantia, & consequentia enumerare placeat.

Antecedunt, constitutio corporis imbecillius, sive ea naturalis est, sive ex evacuationibus supra modum factis, victuque nimis parco adventitia: sanguis serosior: mens imbecillior & timidiuscula, ac facilius læsa ab externis, ut in scæminis & effæminatis viris. Cogitatio multa & intensa, aut mæstitia. Obstructio, vel ulcus in aliqua parte cum dolore conjunctum. Unde dolore colico, aut calculo, aut renum ulcere, Podagrae diu affecti, huic febri magis sunt obnoxii. Calor etiam internus in mulieribus, cum vel sine siti, & præcipue sub tempus puerperii; unde & partus dolores minus solito vehementes sunt, & spiritus sine causa evidente admodum depressuntur, cum oppressione pectoris suspiria cogente. Quibus, ut in aliis febribus, hic etiam fere semper accedit frigus externum.

Hanc febrem sæpe comitatur dolor, colici, nephritici, pleuritici, rheumatismatici, vel parturientis æmulus. Nec non oppressio pectoris, cum depressione spirituum. Dolore prædicto post biduum triduumve recedente, totius corporis horror, deindeque frigus calorque alternatim oriuntur. Lenior tamen hic calor est, quam in febre vulgari con-

continua, & naturali propius accedit: Dum vola manus calore magis intenso afficitur, pars convexa mitiori. Pulsus etiam frequens est, sed debilis. Spiritus saepe maxime deficiunt, & quasi ex magno pondere pectus oppressum edit suspiria. Somnus obrepens subito est interruptus; omnium peno symptomatum maxime inseparabile. Saepe enim plures dies noctesque sine delirio, aut capitis dolore, insomnes sunt: fere multo diutius quam in aliis febribus. Cujus rei exemplum vidi, prae aliis singulare, in foemina quadam illustri, quae sub cura Doct. *Francisci Bernard*, in hac febre, sine delirio, doloreve capitis, per mensem passa est vigilias. Lingua nunc aphta alba obducta est, nunc sanorum similis. Urina, nonnunquam, fere ut aqua communis, pallida; alias, naturalem prae se fert colorem. Quo symptomate decepti juniores Medici, frequenter ad vapores, uti vulgo loquuntur, referunt. Hac febre correpti aliquando ventriculi aegritudinem, praecipue post somnum, patiuntur, & nonnunquam diarrhoeam, vel ex sua negligentia, vel ex mala praxi, scilicet, dum calefacientia in paroxysmis hystericiis usitata, sine diaphoreticis, praescripta sunt. Unde, loco placidi naturae progressus, materiam morbificam per diaphoresin expellentis, rapida fermentatio eandem in intestina deturbat. Alvus nunc astricta, nunc cum ventriculi aegritudine, & intestinorum doloribus, soluta est. Modo multum sitiunt, modo parum. Aliquando manus & lingua, Medico porrectae, tremunt; & aegri quasi cum tremore loquuntur. Motibus etiam convulsivis, delirio, ac difficili respiratione haud raro premuntur. Quorum symptomatum exacerbationes, febris intermittens paroxysmorum instar, recurrunt. Pectoris cum suspiriis oppressio, vel sine causa evidente spirituum major defectus, vigilae, & spirituum commotio, a *Hurry in te Head* vulgo dicta, quoties aegri ad somnum se componunt, nec non pulsu frequens & debilis, quibuscunque aliis symptomatibus conjuncta, pustulas miliares erupturas semper praenuntiant. Quaeque omnia persistere solent, donec pustulae miliares emineant: deinde a plerisque aegroti liberantur.

Haec pustulae, plerumque in pectore, collo, & digitorum intersitiis, interdum etiam in toto corpore sunt perspicuae; & paulatim indies auctae; tandem evanescunt; cuticula pustularum sedibus subscabra ma-

nente. Nonnunquam pruriant, praecipue in febre miliari complexa; ubi scilicet pustulae pupillares rubrae permixtae sunt miliaribus. Et observare est, hanc febrem, quo simplicior est, symptomata habere eo leviora; Quaeque hac ratione, tam incautis Medicis, quam aegris, incuriam frequenter creat. Unde febris, haec vel magis sit periculosa, vel morbus alius saepe oritur. Ex minori enim cautela, quam primo loco adhiberi oportuit, gravioribus, sc. ventriculi aegritudine, appetitu diminuto, calore interno, oppressione pectoris, spirituum depressione & suspiriis: caloris, & frigoris irregulari recursum, vigiliis, & similibus, aliquando incipit.

In hujus febris declinatione sudore frigido saepe madent mammarum superiora.

An pustulae miliares certo die apparere soleant, difficillimum est observare: cum prima hujus morbi facies, & de eodem patientis narratio, adeo sint incertae. Quantum autem assequi possum, eas opinor decimo vel undecimo die, a principio, plerumque pullulare; si modo febris regularem habeat progressum; & circa decimum & octavum, vel ubi materia morbifica abundat, circa primum vel secundum & vicinum desiccari.

Tempus eruptionis observare, tanta vi primo in iis foeminis, quae tertio a partu die advocatus, de horrore vel frigore, & calore subsequente quærentes audiui. Cum enim pustulas miliares in illarum pectore & collo inspectis viderim, eas judicavi a multis diebus febre miliari correptas fuisse. Et scrutinio facto ab usque morbi initio, vel calorem praeternaturalem, vel partus alicujus dolorem, cum vel sine siti, & cum maxima pectoris oppressione, ac suspiriis, spirituumque defectu, ante partum sensitisse comperi. Quae symptomata, cum ab appropinquante partu pendere putarentur, a partu se bene habituras sperabant. Deinde, partus dolores, etiam si solito sint mitiores, eos tamen, maxima pectoris oppressio cum suspiriis, spirituumque defectus (ab obstetricibus timor & vapores dictus) pulsusque frequens ac debilis subsequuntur, pustulaeque miliares praenuntiare solent. Quam eruptioni in puerperis, ad sudorem in lecto compositis, via sternitur. A primo itaque calore interno, vel dolore ante partum, ad eruptionem a partu, dies undecim frequenter numero. Verum aegrotæ sui status ignorantia & praepostera narratio, Medici prognosin ut plurimum adeo confundit, ut ipsi

ipissimum diem vel curiosissimus haud indigitare noverit.

Febris miliaris consequentia, quatenus meæ observationi occurrunt, sunt tumor femorum, tibiarum, pedumque, non semper indolens, extumescencia & abscessus mammarum; depravata memoria, fluxus lochiorum nimius, & utinæ, affectus, hypochondriaci aut hysterici æmulus; calor internus, cum debilitate, languore, & diminuto appetitu conjunctus. Horum inquam, nunc hæc, nunc illa contingunt, quoties febris, vel ex suo malo more, vel Medici mala praxi, infelicem habet exitum.

De Febris Miliaris Causis internis.

Quod ad causas febris miliaris internas attinet, partim a sanguinis, & succi nervosi serositatem nimia, & quadam acida acrimonia, partim etiam a succi nervosi nimia commotione, pendere videtur. Quæ meæ conjectura ex hujus morbi præcedente historia, ex medicamentorum huc pertinentium effectu, & ex cadaveribus hæc febre mortuorum dissectis, probabilis videtur.

Sanguinis acrimoniam seu aciditatem arguunt secretionem huic febre peculiarem. Urina enim hic magis decolor est, sanorumque similior; emittiturque majori copia, quam in febre ardente, ubi sanguis & succus nervosus particulis sulphureo salinis imprægnantur. Et experimur urinam decolorem copiose effluere, ex usu Oxymellitis scillitici in hydropse incipiente. Ptyalismus etiam in hac febre plerumque copiosior est, quam in ardente. Ideoque hic sitis ut plurimum minor est, & lingua viscoso humore minus obducta. Porro, & pustulæ miliaræ, quæ sero plenæ sunt vesiculæ, ab aciditate prædicta secerni videntur: non secus ac a quovis acido affuso, fit lactis serum.

Idem patet a medicamentis juvenilibus, testaceis scilicet, ut oculis cancrorum & similibus, quæ acida absorbent.

Nec minus ex lædentibus. Omnia enim sapore acida, ut succus limonum, &c. in hac febre nocent.

Serositas sanguinis probatur a calore, qui hic mitior, quam in febre ardente, sentitur. Et quo simplicior est hæc febris, eo mitior est calor. Nam ubi pustulæ rubræ, a *Rash* vulgo dictæ, miliaribus sunt

interspersæ, omnia symptomata febrem magis ardentem ostendunt. Et anasarca laborantes, ubi sanguis sero abundat, licet febre aliquando miliari, & symptomatibus nervosis, vix tamen unquam ardente afficiuntur.

Idem probat tempus, quo pustulæ miliaræ erumpunt. Quæ ob sanguinis serositatem, indeque calorem & motum mitiorem, non tam cito ac papillares & variolæ, ubi sanguis sulphure magis abundat, expelluntur. Quemadmodum simplex aqua, tardius quam vinum aut spiritus vini ebullit. Quam etiam ob causam spiritus animales in febre primo commoventur.

Remedia hujus febris curationi adhibita idem ostendunt: nimirum, continuata diaphoresis, & vesicatoria successive apposita. Quæ serositatem sanguinis, & succi nervosi diminuunt, eodem tempore quo eorundem aciditatem edulcorant. Adde, & curatio hujus febris a natura perficitur, sanguinis serum, ex aliqua parte, in generatione pustularum miliarium, eliminando. Neque liquores & aquosiores, hic adeo multum, ac in febre ardente, profunt, ubi potius pulli gallinæci jasculum copiose bibendum est. Porro, & quæcunque feri diminutionem per diaphoresin impediunt, lædentibus adnumeranda sunt; ut frigus externum, & medicamenta calefacientia sine vi diaphoretica.

Tam aciditatem sanguinis, quam serositatem, cadavera eorum, qui hac febre moriuntur, satis perspicue demonstrant. In quibusdam enim partibus sanguis coagulatur, & non secus ac oleum ex effusione spiritus vitrioli nigrescit. Idem tamen sanguis extravasatus linteam valde pallido colore imbuunt. In aliis partibus, adeo serosus est, ut & ipsa vasa sanguinea verè pallescant. Cujus rei instantiam profero, in sequentium historiarum ultima. Et nuper rime vidi non ab similem, in juvene quodam illustri, annos circiter unum & viginti nato, hac febre mortuo, ex omni morbi curatione tempestiva. In cujus abdomine, thorace, & cranio apertis, vasa, quibusdam in partibus, sanguine nigricante & coagulato, distenta erant. Sanguis tamen e vasis discissis elapsus pallido colore linteam infect. Et non infrequenter experimur, e vena secta sanguinem rutilantem fluere; a vino nempe generoso copiose ingesto, colore tamen pallido lintei imbuti suam serositatem ostendere. In aliis hujus cada-

cadaveris partibus, sanguis serosus videbatur, & pallido colore tinctus, ut & cor ipsum. Plexus etiam choroides, ob copiam sanguineorum vasorum ipsum formantium, semper fere rubicundus, maxime pallebat: tum acidi, tum serosi sanguinis augmentum. Neque dubitandum est, succum nervosum, a sanguine ortum, similem naturam adeptum fuisse.

Intemperiem febrilem in liquore nervoso sive spiritibus animalibus primitus accendi, symptomata nervosa primo occurrentia, nempe dolor, spirituum depressio, vigilie, & similia supra enumerata, probant. Cum interim symptomata, quæ sanguinis fervorem febrilem indicant, uti calor vehemens, pulsus fortis, capitis dolor, sitis, lingue siccitas, urina rubicunda & parca, &c. omnino desunt. Demum in hac febre juvenia, nempe mens spiritusque ab omni tumultuario motu immunes, idem ostendunt. Hic itaque commotio febrilis, & feri sanguinis metastasis in succum nervosum originari videtur, indeque in sanguinem transferri.

De Symptomatum Causis.

Febbris acuta continua, non maligna, ex obstructione glandularum, cutanearum præcipue, indeque sanguineorum vasorum plethora pendere, plerique autumant. Et in febre simplici miliari succo nervoso idem accidere, verisimile est. Nam ut nervi ex obstructione tenduntur, ita ex tensione dolor oritur, hujusce febris symptoma omnium fere primum. Ideoque medicamentis diaphoreticis, plethoram & obstructionem nervorum capillarium minuentibus, potius quam laudano consopitur. Uti & ex pethechiarum aut variolarum eruptione, ægri a dolore, symptomate eorum primario, magis liberantur, quam ab usu laudani.

Succus nervosus, nervorum capillarium obstructione auctus, & in suo motu repulsus, motum irregularem imprimit spiritibus animalibus, & horrore ægrotum afficit.

Calor autem succedit frigori, ex succo nervoso in sanguinem (tandem obstructione referata) copiosius transfuso, motumque sanguinis citatiorem generante. Neque tamen hic, ubi sanguis scater partibus seroso acidis, quæ motus ejus inhibent, pulsus adeo magnus est, ac in aliis febribus, quæ primo in ipso sanguine, salinis sub-

phureisque particulis luxuriante, excitantur.

Calor & frigus se mutuo excipiunt, sed irregulariter. Nimirum a serositate sanguinis, succique nervosi ab ea secreti: qui exinde citius a medicamentis, motu corporis, multiloquio, vel animi pathematis, affecti sunt. Ideoque nihil magis conducit ad caloris frigorisque irregularem recursum cohibendum, quam mora in lecto & quietudo.

Pectoris oppressio & suspiria, a liquore nervoso, in nervis pectoris capillaribus stagnante oriuntur. Vesiculis enim seu pustulis miliaribus emissis, ægri ab oppensione liberantur. Certo a sero in asperæ arteriæ extremis ramulis minime pendet. Ita enim produceretur asthma, & pharmacis pectoralibus oppressio allevaretur: quæ tamen hic sunt inutilia, & quæcumque pustularum miliarium eruptioni incommoda.

Oppressionem hanc comitatur spirituum defectus. Neque ob sanguinis serositatem, indeque parciolem in succum nervosum spirituum secretionem. Oritur etiam a succo nervosi serositatem, spiritus animales onerante. Serositatem enim per diaphoresin diminutam, liberantur spiritus animales, viresque ægri recuperare videtur. Non secus ac bajulator, qui deposito onere spiritus statim resumit. Quod non accidit in spirituum defectu, ex hypercatharsi orto. Et notatu dignum est hac febre miliari laborantium, non secus ac oneribus defessorum, pulsus eundem manere, dum spirituum defectum passi sint, & ab eodem liberentur. Verum ex evacuatione nimia pulsus debilitas spirituum depressioni respondet.

A motu spirituum animalium magis celeri insomnes sunt, sæpeque delirant; & quoties ad somnum se componunt, de quadam sensus interni confusione quærentur.

Quando in vigiliis caput indolens est, a minori impetu sanguinis versus cerebrum pendet. Licet enim motu paulo vegetiore circuit, quam in sanis, remissius tamen quam in aliis febribus, sive intermittentibus, sive continuis, movetur. Quamobrem & sitis hic longe mitior est, quam in febre ardente. Et eandem ob causam urina est magis decolor, sanorumque similior: & majori copia emissa, ex aciditate sanguinis serum separante. Qua de causa frequentius etiam expuere solent.

A serositatem spirituum animalium mu-

sculi antagonista non semper aequaliter contracti retinentur ; unde sunt motus convulsivi . Sin autem a serositate praedicta contractio musculorum fuerit debilior , linguae manuumque solummodo fit tremor .

In hujus febris principio , si aegri similitudine vaporum decepti , e lecto surgant , calidave medicamenta usurpent , sanguinis spirituumque motus exinde augetur : Et loco pustularum miliarium natura ad materiam morbosam intempestivam ac deviam secretionem stimulat . Unde producuntur symptomata , secundum varias partes in quibus deponitur , variata ; febrisque miliaris sub alterius morbi forma delitescit . Si in ventriculo , nauseam & vomitum parit ; in intestinis , dolorem & diarrhoeam . In quo casu , dolores & diarrhoea , citius leni & continua diaphoresi , quam laudano vel adstringentibus recedunt . Et si contigerint solummodo duae tresve sedes , absque ventris torminibus , spirituumque defectu ; quaecunque adstringentia & opiata censeo amovenda . Quippe saepenumero satis est materiae , tam in sedes , quam in pustulas miliares distribuendae . Quapropter & de earum eruptione a sedibus nihil metuendum est , idemque experimur , ubicunque materia abundat secernenda : exempli gratia , in variolis ubi nec enema , nec venae sectio , pustularum eruptionem impedit . Nec quicquam mali accidit a catameniis , toto variolarum cursu lente effluentibus .

Pulsus denique fit debilis , a serositate sanguinis succique nervosi ; & proinde spirituum animalium paucitate , cordisque laxiore systole .

De Signis in hac Febre Prognosticis .

DE hac febre prognosis ita instituenda est . Si aegrotus sui regimen in principio omiserit , medicusve pharmaca calida diaphoresin minime excitantia praescripserit , licet symptomata ab initio fuerint mitiora , morbus tamen saepe in pejus ruit , & vel mortem , vel aegritudinis diuturnitatem minatur .

Si ab initio pars aliqua doleat , vel aeger indolenter calefceret , aut ei ventriculus aegrotaret , deindeque calor & frigus alternis vicibus , intervallis tamen inaequalibus recurrerent , spirituumque defectus , & pectoris oppressio cum suspiriis , facili respirationi conjuncta sint , tandemque pustulae cum

leni & perpetua diaphoresi sese ostenderent , res plerumque in vado est .

Delirium , motus convulsivi , convulsio , vel apoplexia , si ex signis hujus febris pathognomonicis , nempe summa pectoris oppressione , cum suspiriis , spirituumque defectu , symptomata comitantia viderentur , & in principio acciderent ; facilius Medici diligentiae praxique regulari cedunt . In progressu vero , & declinatione , ubi aeger unbecillior est , & pustulae miliares , aut ex impresso frigore , aut forsitan a mala praxi delitescunt , in cerebrum , nervosque lethalis fit metastasis , & brevi mors sequitur .

In hac febre , suppressio diarrhoeae subitanea , sive sponte , sive adstringentium , sive opiatorum ab usu sit , apoplexiam cavere jubet . Praecipue , si iste morbus , ex plethora & partium structura , staret in procinctu .

Citrinus urinae color , qui subito in pallorem transit , de metuenda metastasi Medicum monet .

In puerperis hac febre correptis , diarrhoea symptoma periculosum est . Non modo enim pustularum eruptionem , sed & fluxum lochiorum impedit .

Respiratio difficilis , vox faucibus haerens , & linguae tremor , inter periculosa symptomata collocanda sunt . Praecipue , dyspnoea nervosa .

Aegri , quo magis somnolenti , eo felicius convalescunt .

Qui mitioris sunt indolis , facilius quam qui feroces & iracundi , liberantur .

Si natura & Medicus , quasi junctis manibus procedant , statim a desiccatis pustulis , aegri vires recuperant . Nisi ex abundantia materiae morbosae , reliquiae super partem aliquam separentur .

In febre scarlatina , si pustulae miliares colori rubro extincto superveniant , salutem promittunt .

De Febris Miliaris Simplicis Curatione .

EX hujus febris miliaris simplicis naturae descripta enatae indicationes curativae sunt hujusmodi . Nimirum , sanguinis & succi nervosi aciditatem dulcificare , eorumque serositatem diminueri , nec non spiritus animales liberare & restaurare : Et hac methodo obviam eundo periculosis symptomatibus spirituum animalium sanguinisque motum ad aequilibrium restituere . Quo facto ,

to, pustulas miliares e materia rite preparata genitas, solito tempore expectare licet.

Ad sanguinis suocique nervosi aciditatem (unde coagulationes sanguinis, & feri secretiones proveniunt) edulcorandam; medicamenta, vulgo alcalina dicta, & precipue testacea, sunt oculi cancerorum, margaritæ preparatæ, & similia. Et ad eorum serositates simul minuendum, quæ etiam lenem & continuam diaphoresin promovent, maxime omnium profunt: in quorum numero pulvis e chelis cancerorum compositis, lapis Goensis, & bezoar Orientalis, præcipuum locum obtinent. Horum enim usu, dies aliquot repetito, sanguinis & succi nervosi vitia corriguntur, pulsusque ad fortorem motum restitutus, magisque æquabilem, pustularum miliarium eruptionem accelerat. Equidem, si nulla ratio diaphoresios habenda esset, neque alicujus indicationis nisi ut sanguis spiritusque animales exaltentur; calidiora cardiaca, uti radicem serpentariæ virginianæ, aut similia, vel etiam vinum ipsum tuto & copiose sumere licuerit. Hæc autem & hujusmodi, in hac febre, viz. ad pustulas miliares expellendas, raro locum habent. Nam sanguinis fermentatio vehementior, & materiæ morbificæ contemporanea secretio, non bene conveniunt. Et sæpe calidorum usu, delirium, motus convulsivi, & similia producuntur. Omnes itaque secretiones, siue natura, siue arte effectæ, facilius lente procedunt. Id quod a medicamentis testaceis obtinetur; quæ dum calorem solvent medicrem, simul & edulcorant, & diaphoresin promovent.

Ad serocitatem minuendam optime etiam respondent vesicatoria: nec non ad coagulationem sale suo volatili impediendas. Nullum itaque aliud remedium spirituum animalium commotionem magis sedat, somnumque conciliat, aut spiritus depresso levare solet, materia enim morbifica ex aliqua parte eorum ope diminuta, natura reliquam, via sibi consueta, facilius emendare potest: tantum abest ut pustularum eruptionem impediunt. Neque tamen plura una vice vesicatoria, sed alia post alia, applicanda sunt, nisi grande aliquod symptoma exigat. Notandum autem est, postquam ulcus prioris vesicæ siccatum fuerit, quamprimum aliam debere excitari. Cum sæpe observaverim, omnia symptomata statim a siccatis priorum vesicarum ulceribus ingra-

Sydenham Opera Med. Tom. I.

vescere, iterumque ab aliis vesicis excitatis fieri leviora.

Anno 1697. quidam hac febre correpti non modo capitis dolore, sed & tumore affecti sunt: attamen ex vesicatoriis successive apposis, diem imminutis. Ex apposis pone aures disparuit frontis tumor; temporum & oculorum, ex tertio inter scapulas, & genarum similiter, labiorum, fauciumque, ex aliis super brachiis, femoribus, tibiisque, ut in sequentium historiarum prima fusius ostenditur. Et notetur, quod ex minimo temporis intervallo, a prioris vesicæ exiccatione ad generationem alterius, & dolor & tumor aucti fuere.

Anno 1704. quorundam in hac febre fauces occupavit dolor, illius qui in angina æmulus. Quo percepto symptoma, licet multi subito mortui sint; eo tamen leni & continua perspiratione domito omnes sub mea curatione evaserunt.

In hac febre, cathartica raro sunt admitenda; nisi grande aliquod symptoma indicaverit. Emollienti vero enemati, ad primas vias mundificandas, sane locus est.

Raro etiam sanguinis emissio permittenda, nisi ex urgente aliquo symptoma, viz. asthma, pleuritide, vel simili indicaretur.

Animi pathemata in hac febre vitanda sunt. Et quæcunque commovent spiritus animales, siue grata siue ingrata fuerint, noxia sunt. Quietudo etiam in lecto imperanda est. Contrario autem in hac febre incipiente regimine, pustularum miliarium materia versus cutem motura, alio repulsa, symptomata periculosa producit. Quibus symptomatibus, si talia adhibeantur medicamenta, qualia ad primarium morbum inepta sint, vel morbus chronicus, sine ulla postea pustularum eruptione, sequitur. Unde discimus qui sit, ut puerperæ ex hac febre felicius emergant. Ob id nempe, quod in lecto tranquillo animo se continentes, lenem & perpetuam diaphoresin sibi concilient; cibisque potulentis, calefacientium pharmacorum loco, refocillantur. Sæpe enim observare est, eas, quæ in lecto bene se habere visæ sunt, si inde surgant, tanto spirituum defectu correptas fuisse, ut moribundæ videantur, & ex iis nonnullæ subito obierint. Quæ etiam nimis propere lectum renunt, se tantum histerice affectas æstimantes, statim in pejus ruunt.

Hujus rei instantiam jam præ oculis habeo in domina *Sphenberd*, in vico vulgo

V u

voca-

vocato *Bartholomewlane*, habitante, & cui D. *Lancashire* fuit pharmacopœus. Illa pectoris oppressionem cum suspiriis, nec non confusionem interni sensus, cordisque palpitantioriem passa est, quæ symptomata, & ægra, & astantes, vapores æstimarunt. Ideoque necessarium esse putabant, ut e lecto resurgat. Simul ac vero induerat vestimenta, tremores & motus convulsivi, prædictis symptomatibus sunt adjuncti. Ego jam ad illam vocatus, ex oppressione pectoris, cum suspiriis, spirituumque defectu, febre miliari laborare censui & in periculo stare, nec sine leni & continua diaphoresi servari posse. Præscripsi itaque in lecto quietudinem seclusa visitantium turba; vesicatorium inter scapulas applicandum; bolumque sequentem sexta quaque hora cum julapio sumendum.

U. Putv. & Chel. Cancr. comp. Spermat. Ceti a. ʒj. Croci gr. vj. Syr. Paralyf. q. s. Mf. f. Bolus.

Qua methodo adeo late res cessit, ut intra biduum motus convulsivi pene penitus aboliti fuerint. Pustulæque miliares, jam tandem enatæ, alius indies emicuore, serumque in iis, usque ad earum exiccationem, videbatur magis incrassari & albescere.

Puerperæ hac febre laborantes, & nimis lecto lectum renuentes, nonnunquam ex improvise moriuntur. Uti accidit domine *Bariklei*; ad quam licet vocatus essem, tamen ante adventum meum mortua est. Amici illam, nullo morbo, præter vapores vulgo dictos, affici putarunt. Et proinde exurgere, immiscere se colloquiis, & similia, sanæ instar, agere voluerunt. Ego vero, ex dolore femoris, oppressione pectoris, suspiriis, spirituumque defectu, mihi narratis, ipsam febre miliari periisse ratus sum. Et allata candela, pustulas miliares quamplurimas super pectore adhuc eminentes vidi. Et nullus dubito, quin ex frigore materiam pustularum in nervos repellente, hæc mulier morte subitanea oppressa fuerit. Id quod etiam quibuscumque parturientibus in simili casu accidisse memini. Ideoque, ubi ad parturientes vocatus, febris miliaris signa viderim pathognomonica, moram in lecto, & ut ægra ad partum se componat, impero.

In prædictæ domine dissecto cadavere, nihil morbosum conspexi præter polypum. Qui ab eadem causa ac ipsa febris, viz. ferocitate acida proveniens, minime mortis

causa existimanda est.

Sæpe etiam observare est, eos qui in lecto bene se habere visi sunt, si exurgerent, tantum spirituum defectum sensitisse, ut moribundi viderentur: cujus rei in historia casus D. *Smith*, in area *Bartholomew Close* vocata, exemplum dabimus. Ideoque cautela, tum a parturientibus, tum puerperis observanda est, ut si pectore oppresso & languore sine causa evidente affectæ fuerint; statim obstetricis ope partum avelli curent, & spretis mulierum argutiunculis in contrarium, ad eliciendam diurnam diaphoresin sese lecto affigant.

De Curatione Febris Miliaris Symptomatum.

Singulis symptomatibus iisdem remediis occurrendum censeo, quibus uti malumus, si solitarie apparuerint: nisi aliquod symptoma contra indicet: quod a perito Medico perspiciendum est.

Capitis vel partis alterius cujuscunque dolor, longe certius leni & continua diaphoresi, quam opiatis consopitur. Quemadmodum in febribus petechialibus variolisque, nullo modo dolores sedari vidimus, donec expellenda materia super cutem emineat. Cum itaque vel parturienti, vel dolore quovis laboranti advocatus sum, & spirituum defectum pulsuumque frequentem ac paulo debiliorem viderim; omissis hypnoticis, naturæ morem gero, & statim diaphoresin excitare soleo. Sin autem doloris vehementia opiatorum usum indicaverit, diaphoretica admiscenda impero. Alias autem non sedant dolorem, aut ejus loco aliquid mali afferunt. Et si pleuriticus sit dolor, vel alibi inflammationem ostendat, venæ sectio raro est omittenda.

Quoties calor & frigus alternis vicibus & irregularibus recurrunt, ut plerunque solent; lenis diaphoresis, ex *Putv. & Chel. Cancr. comp.* usu, valde prodest, si modo sine calefacientibus sumptus fuerit. Quod, etiam si a nonnullis parvipendatur remedium, multoties tamen ejus virtutem expertus sum. Hæcque, ex multis aliis, uno exemplo in D. *Bolton*, D. *Saler* pharmacopœi filia, satis patebit. Illi, secundo die a partu, doluit abdomen prope coxam. Qua in parte lenito dolore, calore, deinde & frigore alternis, nec non vigiliis & oppressione pectoris cum suspiriis, & languore, afflicta fuit: tandemque post dies aliquot pustulæ milia-

miliares evadunt. Solo itaque pulveris e chelis cancrorum compositi usu sexta quaque hora, ad continuandam diaphoresin; omniaque pathemata prohibendo, ægramque cibis fovendo potulentis, vinoque paucò Canarino, illamque dies quatuordecim post emissas pustulas lecto alligando, æque feliciter convaluit, ac si non ægrotasset. Etiam si ante partum calor hæcticus, tussis difficilisque respiratio, tabem minutarint. Constat itaque multis hac febre correptis, sanitatem redintegrari longe difficilius, aut ex debita cura in principio omissa, quasi ægra tantum hysterice laboret; aut valde calefacientium abusu, materiam scilicet morificam, non critice, sed symptomatice expellentium. Et observatu non indignum est, quod hac corrente febre, ut prædictum pulverem, experimenti gratia, omittendo, non solum cessavit diaphoresis, sed symptomata omnia pejora videbantur: ita, & illius usum repetendo, quæcunque laudabiliora renovari.

A vigiliis levantur, vesicatoriis, & quietudine in lecto, remotis omni strepitu, animique pathematis.

Ad delirium maxime prodest antimonium diaphoreticum, per se sumptum. Quod licet a quibusdam Medicis, ut effusa calx æstimetur; sæpe tamen, & semper per se, optato successu, non modo in vigiliis, sed & in delirio præscripti.

Sæpe etiam pacantur vigilæ, leni & continua diaphoresi. Ad quam efficiendam, si pulveris prædicti usus sit irritus, spiritus cornu cervi, aliis medicamentis præferendus est, & in posseto salviato potius bibendus, quam salvie infuso. Ideo scilicet, quod plus nutrimenti in hac febre magis necessarii, suppeditet.

Opiata, si unquam in hac febre, post vesicatoria adhibenda sunt. Et urgente diarrhoea, vel pustularum eruptione remorata, Diascordium Fracastorii, aut theriaca Androm. locum præcipuum tenet.

Nihil a me expertum est, quod felicius morus convulsivos in hac febre compescit; quam omnes illinire artus succini essentia; illiusque quasi viginti guttas in quovis conveniente liquore sæpe exhibere.

In oppressione pectoris cum suspiriis, præcipue asthmate convulsivo conjunctis, eadem sere, nempe lenis & continua diaphoresis, spiritus cornu cervi & vesicatoria, summe sunt utilia.

In spirituum defectu, nihil magis valere

expertus sum, quam aquam theriacalem, vel per se, vel in vehiculo cum salis volatilis guttis aliquot, & croci pulvere, præcipue si cordis palpitatio eundem comitetur.

In tremoribus, spiritus animales aptis sunt reficiendi medicamentis, e quibus crocus maxime prodest. Nec non cibis potulentis magisque nutritiis, uti pullorum jure, & similibus.

In convulsione universali, præcipue a materie morificæ versus interiora metastasi orta, cucurbitulis cum emissionem sanguinis usus sum feliciter. Deinde calefacientia, spiritusque volatiles ægrotorum ori ingerendos, nec non enemata, imperare solco. Quæ quidem in convulsionibus, præcipue puerorum, sunt proficua.

Ægritudo cum nausea, pectorisque calor signa sunt aphtharum imminentium. Quæ mitigantur symptomata diaphoresi continuata, donec lingua aphthis oblecta fuerit. E observare est, eodem tempore augeri aphthas, pustulasque miliares exarescere. E contra simul ac lingua aphthis nudata fuerit, pustulas miliares elevari. Et nonnunquam febris reliquias, post desiccationem pustularum, in aphthas nutriendas derivari.

Vomitioni occuro, addendo pulveris e chelis cancror. comp. scrupulo, salis absinthii gr. x. Præcipue si calor febrilis æqualibus intervallis fuerit repetitus. Nisi aliquod symptoma (uti tonsillarum inflammatio, quæ salis lixivialis usu augetur) contraindicet.

In diarrhoea, quam sæpe astringentibus augeri expertus sum, vel eidem suppressæ aliud symptoma pejus succrescere, vesicatorium utiliter præscribo. Ut hujus & diaphoresis conjunctæ ope materia serosa ab intestinorum glandulis revellatur. Margaritas etiam, vel per se vel cum aliquo conveniente diaphoretico, scrupuli pondere, sumendas vicibusque aliquot repetendas jubeo.

Vesicatorii efficaciam ad chronicam diarrhoeam frequentissime expertus sum. Cujus rei jam præ manibus habeo instantiam in domina *Vashta* puerpera, Mercatoris Hispanici in *Gloak lane* habitantis uxore, cui *D. Sherwood* est pharmacopœus. Horrore primo correpta fuit, deinde frigore & calore, incertis spatiis recurrentibus: nec non oppressione pectoris cum suspiriis, spirituumque defectu. Pulsus etiam ei debilis ac frequentissimus. Et passa est vigilias, sere usque

V u 2 ad

ad enatas in lingua aphthas. Sub earum autem eruptionem erat admodum somnolenta; uti & aphtharum tempore infantes sunt. Ægritudine etiam ventriculi premebatur, & diarrhœa, cujus vi improba lochia ei suppressa sunt. Hanc mulierem sequente methodo multos dies continuata ad sanitatem restitui.

2^a. *Sper. Ceti, Pulv. e Chel. Cancr. comp. an. ʒj. Croci gr. v. Syr. Paralys. q. s. Mf. f. Bolus*, sumendus sexta quaque hora e cochleari julapii communis. Et applicetur vesicatorium inter scapulas. Horum usu emicere pustulæ miliares, paulatim minuebatur diarrhœa.

Et cum aphthis postea enatis creverunt pustulæ miliares, sine astringentium usu. Hujusmodi quidem medicamenta ægrota in promptu habuit, sed neque sumpsit, neque eis opus fuit.

Sî theriaca, aliave opiata usurpanda viderentur, opportune id fit, post apposita vesicatoria; quæ pravos opiatorum effectus inhibent.

Hoc etiam potenter efficiunt sudorifica opiatis admixta. E multis hujus rei exemplis, unum dabo in quadam domina *Roberts*. Illa secundo a partu die, dolore colico, sine vomitione aut diarrhœa, sed admodum vehemente & abdomini affixo, correpta fuit. Quapropter coactus sum, laudani liquidi guttas centum, sesquihoræ spatio sumendas, imperare. Attamen paulo postea pulveris e chelis cancr. compositi salisque volatis oleosi dosin majorem offerendo, multas sudavit horas, dolorque sine ulla superstite querela evanuit. Contra ac in eadem muliere, & in eodem casu, sub cura alterius doctiss. Medici acciderat. Ille enim, dando laudanum sine sudoriferis, dolorem equidem sedavit, diu tamen ægra de quadam inquietudine subsequente querebatur. Ex liquido mihi constat ex laudano per se sumpto, omnes evacuationes plerumque suppressi. Quod si aliter contingat, forsitan non laudano, sed alio referendum est. Similiter ac si ex sumpto cortice Peruviano, aut vino Clareto, ob materiz morbosicæ congeriem, fibrarumve intestinorum imbecillitatem, vel quandam antipathiam, sequeretur diarrhœa. Neque post sumptum laudanum sudor nonnunquam profluens, & variolarum extumescencia, quicquam redarguunt. Quorum neuter a laudani natura, sed potius a morbi conditione immediate pendet. Nam ut in febribus, durante ser-

mentatione, sanguis velocius movetur, naturaque secretionibus minime vacat; ideoque urinam tenuem ægri mejunt, desinente vero, crassam cum hypostasi turbidamque: pari modo, ubi motus sanguis ex sumpto laudano citatior compescitur, nervi relaxantur, porique aperti fuerint, in febribus sudor, in variolis pus eliminatur facilius. Natura itaque medicamenti non ex aliquo remoto & incerto, sed ex proximo illius effectû definienda est. Laudanum enim in quibusdam alvum movit. Quam observando regulam, Medici de laudani, aliorumque pharmacorum usu vel abusu, rarius disceptantes, magis amice honorificeque convenirent.

Hoc mihi in memoriam revocat effectum laudani memorabilem in scemina quadam, ad Insigne Solis in vico *Chancery-lane* vulgo dicto habitante. Illa, cum post abortum dolore colico vehementissimo laboraret, laudani magnas sumpsit doses, & per se repetitas. Unde urinæ, sedum, lochiorumque orta suppressio, maximusque tumor ventris brevi expectandam mortem prænuntiavit. Postquam autem inquisitione facta a morbi usque initio, inspectisque præcedentis Medici præscriptis, jam memorata symptomata, a laudani abusu, ut dictum est, provenire cognoverim; Enema injiciendum imperavi. A cujus operatione peracta, omnia, non sine astantium stupore, disparuere symptomata; quippe, non a morbo, sed ab usu laudani, oriunda.

De Febre Miliari composita.

Febbris miliaris composita est, ubi pustulæ miliares, papillis rubris (a *Resb* vulgo dictis) petechiis, variolis, aut morbillis sunt intermixtæ.

Symptomata eadem fere sunt, ac in febre syncho dicta. Spirituum tamen defectu & suspiriis ægroti magis opprimuntur. In vigiliis etiam proniores sunt; & eorum urina sanorum est similior.

In febre cum pustulis rubris aliquando pustulæ miliares non tantum illis intermixtæ sunt, verum etiam penitus desiccatis supersunt. In variolis & morbillis pustulæ miliares plerumque præcedunt, & in principio eas comitantur.

In febre miliari composita symptomata sanguinis potius quam nervosi generis vitia præ se ferunt. Ubi nempe pulvis frequens est & fortis, calor intensus, lingua sicca, sitis.

stisquæ haud mediocris. In febre miliari simplice, e contra. Verum defectus spirituum, & oppressiones circa pectus, coacta suspiria symptomata sunt utrique communia. Quod ad curationem attinet, ubi pustulæ miliares variolas & morbillos comitantur, diaphoretica medicamenta paulo calidiora tutiora sunt, quam in variolis per se existentibus.

Frigus externum, aut regimen quocunque modo frigidum, periculosum est, & mortis causa nonnunquam subitaneæ: tum etiam, cum pleraque symptomata optatum morbi eventum promittunt.

Quamobrem & opiata calida, ut diascordium, & similia, felicius cedunt, quam diacordium vel laudanum, quoties variolis pustulæ miliares conjunctæ sunt.

De Morbis quibusdam Febri Miliari supervenientibus.

PRæter febris miliaris consequentia, de quibus ante mentionem feci, & in sequentibus historiis facturus sum duo sunt, quæ paulo frequentius eidem superveniunt; nempe artuum inferiorum tumor, & calor hecticus.

Tumor pedum & tibiæ, nec non femorum inguinisque fit, aliquando sine, verum sæpius cum dolore haud mediocri, tumori præeunte. Iste autem tumor, ex materię morbosæ congestis reliquiis, in his febribus non rite curatis, contingit. Cujus rei etiam si plura exempla proferre possim; methodum tamen, qua morbum profigare soleo, hic annexere sufficiat.

Ea autem est: Pilularum catharticarum, cum opio vel aliquo opiato, singulis noctibus sumendarum præscriptio. Opiatum mihi usitatum, est pilula de cynoglossa ad ℥j. Catharticum vero eligo, secundum coindicantia. Verbi gratia in appetitu & digestionē diminutis, pilulas stomachicas ad ℥ss. In lochiis aut mensibus suppressis, pilulam aloephanginam, aut scetidam. Aliquando etiam resinæ julap. gr. iv. vel v. jubeo addenda. Et nonnunquam decocti amari sine fena haustum bis in die propino. Si cathartica paulo fortiora usurpanda sunt, alternis noctibus adhibeo, & decoctum aliquod stomachicum diebus interpositis sumendum præscribo. Et post plura alia medicamenta frustra sumpta, haud raro feliciter usus sum hac methodo.

Sin autem adsit tumor indolens, cathar-

ticus utor sine opiatis. Et si febrē miliarem comitetur tanquam symptoma, solā continuata diaphoresi dissipatur.

Spiritus etiam cochleariæ, tam simplicis, quam cathartici, usus, in hoc casu maxime prodest. Simplicis, efficaciam expertus sum in Domino *Bellasis*, circa ætatis annum octogesimum, febre vehementi correpto, merque curæ a Regia majestate commendato. In quo jam extinctæ febris tumor ab inguine usque ad pedum digitos supervenit, qui, post vesicatoria frustra adhibita, tandem spiritus cochleariæ simplicis usui cessit.

Spiritus autem cochleariæ tam simplicis, quam cathartici, scilicet cum julapio præparati, usum conjunctum, expertus sum felicissimum in D. *Lowe*, quæ aliquot ante annos puerperio cubabat. Hæc dolore vehementi, cum tumore ab inguine ad pedum usque digitos, affecta, duorum Medicorum celeberrimum curæ submissa fuit; sed id incassum. Eandem itaque sceminam, spiritu cochleariæ simplice, ad 10. vel 30. guttas, e conveniente vehiculo ter in die sumpto, & spiritu cochleariæ cathartico, tertio quoque die deglutito ad guttas 100. nec non pilula *Muthie* die purgationis hora somni, penitus curavi.

Calor hecticus, appetitus diminutio, spiritusque vitalis defectus, locum habent inter ea, quæ febre miliari superveniunt. Præcipue, si patientes nimis cito de lecto resurgant. Cujus rei vidi quamplurima exempla.

Methodus, quæ hic bonis avibus utor, est hujusmodi. Sumantur mane dies per aliquot salis absinth. gr. 10. aut 15. ex aq. spadana haustulo; & deinde paulatim ejusdem aquæ ℥ij. nempe, si spiritus maxime defecerint. Alias ex haustu aq. Bathoniensis, superbibendo ejusdem ℥ij. similiter. Ut hoc modo aciditatis, ubicunque in hac febre peccantis, reliquiæ, una cum prædictis aqua & sale, excernantur. Quod si talis absinthii usu caput doleret, præscribo medicamentum aliquod lenitivum, 3. vel 4. quoque die hora somni sumendum. Salta & acida a cibis amovenda, nimiusque corporis animique motus cohibendus. Nam ex alterutro recidivam sæpe fieri expertus sum. Nec quicquam febris intermittens, e præproprio corticis Peruviani usu, recidivæ, certius occurrit. Cujus rei instantiam, in D. *Varrant* in *Milkstreet* habitante, & jam fere moribunda, vidi insignem: postquam duo alii Medici non incelebres, pro eadem, se in-

re infecta præscriperant. Et nonnunquam lac asinum, cum testaceis pulveribus, & præcipue margaritis, prodesse solet.

Hystoria Febris Miliaris cum Apoplexia.

Julii 16. 1697. ad Digniss. Virum D. Mulseamp, Vicecomitissæ de Lansborough Maritum, in platea vulgo dicta Pallmall habitantem, evocatus sum. Cui D. Mulseamp erat phararmacopæus; idem qui jam Reginus. Annum agebat ægrotus, sextum & quinquagesimum. Constitutione erat pituitoso sanguineus, & obesus. Appetitu gaudebat optimo: deditus negotiis & cogitabundus. Ab aliquo retroacto tempore cum asthmate ac nephritico dolore laborasset, calculos nonnullos, usu olei lini ad cochlearia tria singulis noctibus a me præscripto, cum urina emisit. Proxime præcedentibus aliquot hebdomadis, calore interno, deinde & languore, sive spirituum defectu, sine ulla causa evidente, affectus est.

Supra dicto die subito correptus est apoplexia. Ut ex antecedentibus jam memoratis, respiratione cum stertore somni profundi æmulo, sensibusque læsis externis omnibus, certo comperi. Illamque a seroso potius quam grumoso sanguine stagnante oriri, facies ejus minus rubicunda monstrabat: ut clarius patebit ex meis Observationibus, quas de Apoplexia altera a stagnante & extravasato sanguine grumoso, altera a seroso, si vitam DEUS atque otium dederit, posthac in lucem emissurus sum.

Ad serosi sanguinis stagnantis excitandum motum, ac ventriculi & intestinorum onus amovendum, a quo sæpe tentatur caput, sequentem pulverem emeticum præscripsi.

℞. Salis Vitriol. ℥ij. f. Pulvis in doses sex dividendus. Sumat singulas ex Aq. Juglandis comp. Cochl. j. superbib. haustum post festi solis Card. bened. alterati.

Spiritum etiam salis armoniaci naribus offerendum jussi. Et ut ægrotum, tam a saburra in ventriculo, quam pulveris emetici reliquiis nauseam sæpe sequente die creantibus, liberarem, pilulas sequentes præscripsi.

℞. Pil. Tartar. Querc. ℥j. Resina Jalapii gr. iv. Syr. e Spin. Cerv. q. f. Mf. f. Pilula, finita Emetici operatione sumenda.

Ad serosum laticem minuendum, sanguinisque adhuc magis accelerandum motum, emplastra præscripsi vesicatoria, & mixturam spirituosam sequentem,

℞. Salis vol. oleos. ℥iv. Spirit. Lavend. com. ℥ij. Mf. Sumat. gutt. xx. ex haustu decocti Hordei Syrup. Violaceo edulcorati. Hoc jussi vehiculum, ut, & lente augeam vim Pilularum, & Dysuriz Dolorique Renum a Vesicatoriis, præveniam. Demum Emplastra subpedalia, ex Empl. Cephal. cum Euphorbia & Picis Burgundice ana a. p. curavi applicanda.

Die prædicti mensis 17mo ægrotus assidentes mihi narrabant, illam statim a peracta vi vomitorii & somnolentia & stertore expersæctum, sensus omnes recuperasse.

Symptomata jam tum apparentia, hujusmodi fuere, vid. Tumor faciei, & torius capitis: quod eo anno in febre miliari commune erat. Calor etiam febrilis, pulsus frequens, sed debilis; cum defectu spirituum, maximaque pectoris oppressione cum suspiriis scilicet, a malignitate morbi, non nimis evacuationibus. Quippe pulsus, post eas finitas, nihilo quam ante, debiliior fuit. Neque subiit alterationem, quoties de spirituum defectu ægrotus querebatur. Urina tenuitate aquea & satis copiosa; lingua humore albo & viscoso cooperta; sitis immensis, etiamsi & infomnis fuit. E quibus omnibus symptomatibus & præcipue ex oppressione pectoris cum suspiriis, spirituum defectu, & signis mihi pathognomonicis) febrem hanc esse miliarem, pustulasque suo tempore expectandas præmonui. Nec quidem apoplexia, si hic non fuisset symptoma, sed primarius morbus, tam cito & perfecte evanesceret.

Ut itaque secundum meam methodum in hoc morbo consuetam, lenem & continuam sorem diaphoresin, irregularibus caloris frigorisque paroxysmis occurrerem, tandemque lentam pustularum eruptionem efficerem, sequentia præscripsi.

℞. Pulv. e Chel. Cancr. comp. 3℔. Sumatur 6ta quaque hora e Julapii sequentis Cochl. j. superbib. Cochl. iv. vel v.

℞. Aq. Lact. alex. 3vj. fl. Tilia ℥iv. Paon. comp. 2vi. Margar. pp. 3j. Sacchari albiss. q. f. Mf. f. Julapium.

Jussi etiam persistat in usu decocti hord. cum syr. violaceo: Ut & diluendo a dolore nephritico præcaverem, & satis materiz sovendæ diaphoresi suppeditarem. Verum ne frigido nimis regimine spiritus ægroti deficerent, singulis decocti haustibus mixtura spirituosæ antea præscriptæ gutt. xx. addendas curavi. Ne omiserim indicationum, etiamsi contrariarum, alicui satisfecisse. In qua

qua re ars medicinalis præcipua consistit.

Ad viscidam materiam lingue obductam præscripsi mucilaginem ex sem. cydon. & psyllii, syr. e rubo idæo edulcoratam, cuius cochl. j. sæpe sumeret sensim deglutendo.

Die 18vo, caput vi vesicatorii detumuit superius. Urina coloratior aliquando magis, & paucior. Spiritus, sudoris mediocri & mixturæ prædictæ cordialis beneficio, non tam multum defecerunt. Adhuc tamen depressi cocebant suspiria, cum querimonii de pondere pectori incumbente. Quibus penitatis, in omnium hactenus sumptorum repetitione persistere decrevi.

Die 19no, eadem apparere symptomata, quæ antea. Si modo id excipias, quod caput leviter gravari incepit, & alvus, non obstante decocti hordei cum syrupo violarum usu, astricta fuit. Quibus ut prospicerem symptomatibus, renunquere dolorem adhuc præcaverem, clysterem sequentem præscripsi.

℞. Decoct. commun. pro Clyst. ℥viii. Mell. Mercur. ℥ij. Sacch. rubr. q. s. Mf. f. Enema.

Die 20mo, ex enematis usu liber erat a capitis gravedine. Ulcere autem e vesicatorio citius quam debuit exsiccato, prædictus tumor, spirituum defectus, pectoris oppressio, nonnihil renovari videbantur, sed sine quovis alio suboriente symptomate. Vesicatoria itaque pone aures applicanda iussi, decocti prædicti duabus libris aq. præon. comp. ℥iv. addendas, & cum singulis illius haustibus spir. lavend. comp. gutt. xv. sumendas imperavi. Hisque non satis prævalentibus, aq. theriacal. cochl. j. vel ij. adhibenda, & circa quintam vespertinam enema repetendum.

Diebus 21mo, & 22do, & omnia symptomata cum sint mitiora, antea præscripta continuando, & solummodo emplastra subpedalia addenda curavi.

Die 23io, vesicarum ultimo excitatarum ulcera jam fere exsiccata sunt. Caput de novo extumuit, spiritusque magis defecerunt. Quamobrem mandavi, emplastra vesicatoria carpiis apponenda, pulveris, julapii, & decocti usum continuandum, repetendumque enema præscriptum.

Die 24to, omnia symptomata laudabilia, excepto urinae pallore, capitisque gravedine cum quadam somnolentia. Quare cum metastasim metuerim, a prædicta methodo recedens, sequentes pilulas præscripsi.

℞. Pil. Tarr. Querc. ℥j. Refine Jalap. gr. iv. Syr. e Rhab. q. s. Mf. f. Pilule statim sumende. Et cum continuato usu decocti hordei, ut ultimo parati, vesicatoria ampla femoribus internis applicanda iussi.

Die 25to, urina tingitur aliquanto magis; caput sanatum optime; spiritus redi-vivi, pustulaeque miliares super pectore emicuerunt.

Si quis hic catharsin supra memoratam, quasi pustularum eruptioni contrariam, reprehenderet, effectus ipse obijcienti responderet. Verum etiam reminisci debet, hujus ægroti habitum fuisse adiposum. Neque ex vomitu & catharsi primo præscriptis, elevatio tumoris in capite impedita fuit, sed materiae morbificæ copiam minuendo potius accelerabatur.

Cum jam pustulas miliares pullulare viderim, Pulverem a chel. Cancr. comp. 4tæ quaque hora e cochleari julap. sequentis sumendum iussi.

℞. Aq. Card. Bened. Melisse, Cinnamom. Hord. an. ℥iij. Epidem. ʒij. Marg. pp. ℥j. Sacch. albiss. q. s. Mf. f. Julap.

Præscripsi etiam, ut cum decocto hordei apozematis sequentis haustulum sumat.

℞. Rad. Scorzon. ℥j. Cort. Aurant. cond. ℥vj. fol. Melisse, Galege, an. Mj. flor. Card. an. p. ʒss. Sem. Card. bened. ʒss. coq. in Aq. font. q. s. ad ℔ij. Colaturæ adde Aq. Epid. ℥ij, Mf. f. Apozema.

Et ut per vices sumat aq. theriacal. cochl. ij. Ideo nempe, quod in hac febre, præcipue declinante, dum calent volæ manuum, superiora frigescent.

Die 26to, cum omnia viderim symptomata adhuc leviora, ultimo præscriptorum usum censui continuandum.

Die 27mo, pustulae miliares numero & magnitudinis auctæ sunt. Ideoque julapio ultimo præscripto hoc substitui.

℞. Aq. Melisse, Cinnamom. Hord. an. ℥v. Scord. Comp. ʒij. Epidem. ℥j. Syr. e Cor. Citr. q. s. Mf. f. Julap. de quo sumat haustulum in languoribus.

Die 28vo, pustulae visæ sunt adhuc magis elevari, spiritusque nullo modo defecere. Cum tamen dorsa manuum frigerent, ideo novissime præscripta continuari velim.

Die 29no, febris declinare cæpit. Quare julapium continuandum, & enema injiciendum iussi.

Die 30mo, symptomata omnia evanuerunt. Quoniam tamen de aciditate quadam in ventriculo questus est; præscripsi margarit. pp.

pp. ℞. e julap. seq. cochl. j. sumendum aliquoties in die.

℞. Aq. Laſt. alex. Meliſſ. Cinnamom. Hord. an. ℥iij. Epid. ℥j. Sacch. perlat. q. ſ. Mſ. f. Julap.

Deinde ut per biduum triduumve decoſto hordei, cum ſpiritus lavend. comp. guttis aliquot, & julapio, ut perſiſteret. Deumque aquas Strethameneſes a ℥iv. ad ℥ij. coſtas ſumeret, ter iterando. Quibus remediis ab apoplexia, febre, renumque affectu perfecte liberabatur.

Hiſtoria Febris Miliaris cum Artuum inferorum Paralyſi.

Circa Decembr. finem, 1705. Vir humaniſſimus D. D. Garth. atque ego vocati fuimus ad D. Throgmorton viduam, Ducisſe Nortumbrie filiam, dies aliquot antequam parturiret; cuique D. Birch ut pharmacopola miniſtravit. Fatigarunt illam vomitio ſere perpetua & ægrotudo. His etiam aſtictio alvi, & inappetentia, tuſſis, & dyſpnœa ſpirituumque deſectus acceſſere. Quæ omnia ex mœnore ob nuperam mariti morrem contigiſſe æſtimabantur.

Primo loco emplaſtrum ſtomacho applicandum, & aquam Strethameneſem cum ſale abſinthii ſumendam præſcripſimus: nempe ut ventriculi & inteſtinorum motum reſtitueremus. Hinc equidem rarior vomitio; at nonnihil nutabant ſpiritus. Qui tamen, cum ægra poſtea puerperio cubaret, continuata diaphoreſi quodammodo reſtituti ſunt.

Verum circa tertium puerperii diem artus inferni, paralyſi correpti, ſuam movendi vim amiſerunt. Et nocte proxime ſequenti adeo deſecere ſpiritus, ut pone in ſyncopem incideret. Quare & prædictus Collega meus nocte vocatus, emplaſt. veſicat. ſemoribus quamprimum applicanda, ſolumque ſequentem ſumendum præſcripſit.

℞. Salis Volat. Succini gr. viij. Croci gr. iv. Pulv. e Chel. Cancr. comp. ℞j. Conf. Alcherm. ſine odorat. q. ſ. ut ſ. Bolus cum Julapio appropriato degluſtiendus.

Die proximo mano ægrotz ſpiritus haud parum elevati ſunt. Verum paralyſin nulla ex parte reſceſſiſſe vidimus. Sed & mediocrem tumorem, & dolorificum eidem acceſſiſſe. Dixi, non infrequenter in febre millari, paralyticos affectus, ex materia morbiſica in artus deſcendente, ſuboriri.

Deindeque ſtatim ad ægrotam accedentes in denudato peſtore puſtulas conſpeximus miliares, febremque miliarem, morbum originale agnovimus. Unde concordi animo medicamenta diaphoretica aliorum omnium maxime neceſſaria decrevimus; & Januarii die 5to a nobis ſequentia præſcripta ſunt.

℞. Pulveris e Chel. Cancr. comp. ℞j. Croci ℞ſ. Conf. Alcherm. ſine odorat. q. ſ. Mſ. f. Bolus ſexta quaque hora ſumendus e Cochl. i. Julap. ſequent. ſuperbib. Cochl. iv. vel v.

℞. Aq. Ceraſ. nigr. ℥x. Bryon. comp. ℞ij. Sacch. albiſt. q. ſ. M. f. Julapium.

Januar. die 6to, ægrotâ paulo erat vivacior, peſtusque illi minus oppreſſum: Dyſpnœam autem ex tuſſi adhuc paſſa eſt, cum vigiliis. Quare & bolo, die præcedente præſcripto, addidimus hauſtum ſequentem.

℞. Aq. Puleg. Ruta an ℥j. Theriacal. Syr. de Mecon. an. Tinct. Caſtor. gutt. x. Mſ. f. Hauſtus.

Die 7mo, ſpiritus mediocriter reſecti, expectoratio facilior, puſtularumque miliarium eruptio magis conſpicua. Bolum itaque juſſimus cum julapio repetendum, & hauſtum veſperi.

Die 8vo, omnia ſymptomata facta ſunt mitiora, excepta paralyſi, & muſculorum laryngis hyſterica quadam convulſione leviori. Ideoque præter antea præſcripta, pilulas e caſtor. gr. vi. & aſſe ſœtidæ gr. xii. ſex parandas ſinguliſque noctibus duas ſumendas imperavimus.

Die 9no, reſpiratio longe magis, quam antea difficilis; & dolori lateris pleuriticæ ac vehementiori conjuncta. Metuimus a venæ ſectione malum eventum; nempe, ne exinde puſtulæ miliares retroceſſiſſent. Urgentia autem ſymptomata prævalebant; & emiſſi ſanguinis ſperato fructu, tum ægrotâ, tum noſmet ſreti ſumus. Hoc tamen, non ſine decocto peſtorali, bologue antea in uſu, & ſpermatis ceti ℞ſ. ſumptis. Quibus & addidimus emplaſtrum laterale e pice Burgundica, hauſtumque veſperi paregoricum, & oleum lini in promptu habendum, ſumendumque urgente diſpnœa.

Die 10mo, reſpirabat paulo liberius, mitiusque latus doluit. Spiritus tamen deſecere maxime. Interim miliarium puſtularum moles conſpicua & multitudo præbebant ſalutis ſpem haud mediocrem. Quas diaphoreticis adhuc ſolvendas pro penſo habuimus in primis accurando. Et ad dyſpnœam, etiamnum prævalentem, juſſimus olei lini cochl.

cochl. ij., secunda quaque hora sumenda. Et si alvus inde laxa fuerit, mixturæ sequentis cochl. aliquot bibenda.

M. Diascordii ℥ij. Aq. Pulegii ℥vi. Epidem. ℥j. Mf.

Die 11mo, pustulæ miliares erant laudabiles, spiritus quodammodo refecti, dolorque aliquando mitior. Respiratio tamen adhuc difficilis, sedesque paulo molliores. Bolo itaque & apozemati pectorali jam in usu adjicimus decoctum album alternis vicibus sumendum, emplastra vesicatoria brachiis applicanda, & hora somni haustum sequentem.

M. Aq. Puleg. ℥ij. Tim. Martis gutt. xx. Ol. Amygd. dulc. ℥j. Syr. de Mecon. ℥vi. Mf.

Die 12mo, pustulæ miliares satis conspicuæ; at difficilior respiratio, & diarrhœa, adhuc persistere. Bolum etiam cum julapio, oleum lini, mixturam cum diascordio, & haustum pacificum iterari volumus.

Die 13io, subsistere sedes, pustulæque miliares adhuc optimæ. Dyspnœa tamen, laterisque dolor, paulo pertinacior. Bolum itaque præscriptum continuandum. Et quod ab oleo lini maxime abhorrerit ægrotæ ol. amygdal. dulc. cochl. j. tertia quaque hora bibendum. Nec non hyssopi folia cum radicibus helenii decocto pectorali adenda.

Die 14. cum intermittente diaphoresi, febrilem calorem accendi, continuari dyspnœam, & vesicatoriorum ulcera pene exsiccata vidimus. Quare præter antea præscripta repetenda, vesicatorium inter scapulas applicari volumus.

Die 15to Spiritus ei longe magis, quam ab aliquot diebus retro actis, fuere depressi. Loco itaque boli hætenus in usu, sequent. substituiimus.

M. Confect. Alkermes ℥℥. Croci, salis Vol. salis Armon. an. gr. vi. Syr. Caryophil. q. s. f. Bolus. Reliquaque ut antea sumenda.

Die 16to, spiritus aliquanto vivacior, leviorque dyspnœa; dolor tamen lateralis paulo asperior. Ideoque bolum præscriptum priorem, haustumque pacificum cum decocto pectorali repetendum.

Die 17mo, eadem quæ die præcedente iussimus sumenda. Jam enim, & hinc in dies, omnia meliora videbantur. Tandemque membra, hætenus paralytica, vim suam morivam aliquatenus recuperavere. Postquam itaque mannæ ℥ij. in decoct. pe-

Sydenham Opera Med. Tom. I.

torali dissolutas sumpsisset, solum præscriptum tibiis applicandum, vini chalybeati usum, & ut Bathoniam adiret.

Historia Febris Miliaris cum Delirio, Motibusque Convulsivis.

AUGUSTI 8vo, 1700. vocatus sum ad D. Bullock apud insigne calcei Equini, in vico Cheapside vulgo vocato. Cui pharmacopœus erat D. Wyer in vico vocato Woodstreet. Viceesimum quartum annum agebat, constitutione pituitoso melancholicus, & adhuc cælebs.

Post itinera quædam rure peracta sensit ægritudinem, cum diminuto appetitu, depressoque spiritus, atque oppressionem pectoris cum suspiriis, per intervalla. Pro remedio vinum nonnunquam, & aquæ eujusdam cordialis aliquantulum bibere solebat, appetitus tandem omnino aboletur. Et pridie quam illum visitavi, vomitu, diarrhœa, & hæmorrhagia narium correptus est. Sumpto autem medicamento quodam interno, & nuchæ appposito vesicatorio ex pharmacopœi præscripto, ista disparuere symptomata.

Cum ego primo ægrotum adiverim, horrore quodam laborabar, cum frigore & calore, se mutuo insequentibus, sed temporibus incertis. Maximam etiam pectoris oppressionem cum suspiriis & languorem spirituum passus est: nec non animi perturbationem, per intervalla ad delirium usque recurrentem. Item manuum & linguæ tremorem, cum motibus convulsivis & vigiliis. Pulsus etiam frequens & debilis; lingua viscositate alba obducta, sed sine siti; & urina sanorum similis.

Ex oppressione pectoris & languore, hanc febrem in miliarem, eamque ex inæquali calore ac leni simplicem, terminaturam prænovi. Ideoque carpis empl. vesicatoria, & plantis pedum alia ex cephal. cum euphorbio & pice Burgundica applicanda iussi, & sequentia sumenda ad lenem diaphoresin excitandam.

℞. Pulv. e Chel. Canch. comp. Lapid. Goensis an. ℥. Mf. f. Pulvis sexta quaque hora e Cochle. j. Julap. seq. sumendus, superbib. Cochlearia vi.

℞. Aq. Ceras. nigr. ℥iii. Cinnam. bord. ℥iv. Epidem. ℥i. Sacchar. perlasi q. s. Mf. f. Julap.

Et ut sudor lenis continuo, & facilius ema-

emanaret, seq. apozema addendum curavi.

℞. Rad. Fragar. Chelidonia major. an. 3. Fol. Fragar. Mij. flor. Paralyseos, p. ij. sem. Cardui Benedict. ʒi. Bulliant in Aq. font. q. s. ad ℥ii. Colatura adde Syr. Croci, ʒi. Mf. f. Apozema, de quo sumat Coch. x. saepe in die.

Die 9no, calor, sine subsequente frigore, regularis fuit & cutis humida; spiritusque non multum defecere. Ager tamen de quadam oppressione pectoris cum tussibus valde querebatur; & deliria, tremores, motusque convulsivi adhuc persistere. Ideoque pulveris, julapii, & apozematis usum suum continuandum. Et ad viscidam materiam, linguae & palato obductam, mucilaginis, ex sem. cydoniorum & psyllii cum hordeo coctis, os colluendum prescripsi.

Die 10mo, calor similiter ac die precedente regularis sine renovato frigore, cutisque humida. Sed motus tendinum convulsivi adhuc majores. Quapropter vesicatoria tibiis internis applicanda iussi: Et haustum hunc ℞. Lapid. Goens. ʒi. cum Pulv. de gutt. ʒss. ex Aq. Lact. alex. Coch. j. sexta quaque hora sumendum superbib. Coch. x. Et quoniam erat ager nauseabundus, regioni ventriculi apponendum emplastrum sequens.

℞. Empl. Stomach. Magistr. part. ij. Caranne, Tucamah. an. p. vi. Ol. Cinnamon. gutt. vi. Mf. f. Empl. Et ut vicibus interpositis bibat haustum julapii cum gutt. xv. mixtura ex Sp. C. C. ʒss. Tinct. Castor. ʒii. Et in quantum prescripta mucilago vix quicquam in viscidam materiam linguae adhaerentem prevalebat, gargarismatis sequentis usum imperavi.

℞. Aq. Melis. ʒvi. Epidem. ʒi. Syr. de Alibai, Jujubin. & Mellis Mercur. an. ʒi. Mf. f. Gargarism. aquam addidi epidem. ne quid mali, etiam si parum deglutiret, accideret.

Vesperis pleraque conplexi ut antea. Motus quidem convulsivi rarius iterabantur; verum spiritus valde defecerunt, manuumque superiora frigeabant, volis interim calore affectis. Idcirco, omisso pulvere de gutteta, bolum sequentem prescripsi.

℞. Conf. Lujula ʒi. Bezoar Orient. ʒss. Croci gr. vi. Castor. gr. iv. Syr. Paralyf. q. s. Mf. f. Bolus sexta quaque hora sumendus cum julapio antea prescripto.

Die 11mo mala symptomata fere disparuerunt; ideoque ultima prescripta iussi continuanda. Sed quia apozematis patientem exadebat, in ejus locum substitui aq.

lactis & decoct. pectoral. an. ʒbi. pro potu ordinario, ut eo melius gustui gratificarem. Nec quicquam jam de diarrhoea, quasi ex decocto accidere possit, metum ostendebat.

Vesperis omnia ut antea. Proindeque in usu omnium ultimum prescriptorum persistendum decrevi.

Die 12mo similiter, excepta quadam corporis inquietudine. Ad quam vesicatoria pone aures applicanda iussi, & sequentem haustum statim sumendum.

℞. Aq. Paralys. ʒiii. Croci ʒss. Syr. Paral. ʒss. Mf. f. Haustus.

Die 13tio inquietudini praedictae jam abolitae supervenit haemorrhagia narium. Quare suasi agro, ut assatim bibendo potum ultimo prescriptum sanguinem dilueret: sed & persisteret in usu boli, julapii, & mucilaginis. Et si de novo accideret haemorrhagia, sequens sumeretur haustus.

℞. Aq. Spermat. Ranar. ʒiii. Syr. Plantag. ʒi. Mf. f. Haustus.

Sub Vesperam haemorrhagia substitit. Reliqua symptomata, viz. delirium, tremores, motus convulsivi, languores, pectorisque oppressio, in statu eodem fere ac antea fuere: ideoque & ultima prescripta continuavi. Hoc solum addendo, ut apozematis, ex decocti hordei ʒbi. syr. viol. ʒii. sumeret coch. x. ter in die, tepide.

Die 14to, aegroti conditio pene eadem: nisi quod aliquanto magis delirabat. Immiscui itaque singulis bolis camphorae grana aliquot: & caetera continuanda iussi.

Die 15to pustulae miliares tandem emissae spiritus animales elevarunt; attamen tremores motusque convulsivi iidem manebant; & delirium potius videbatur exacerbari. Cum autem id fieri ex eruptione pustularum nimis tarda ac rara existimarem; antimonium diaphoreticum (cujus efficaciam, tum ad pustulas expellendas, tum ad sedanda deliria, expertus sum) sequenti modo prescripsi.

℞. Antimonii Diaphoret. ʒi. Conservae Lujula ʒss. Syr. Paralyf. q. s. Mf. f. bolus sumendus e cochleari potus pectoralis, superbibendo haustum ejusdem. Post horas quinque bolum cum castoreo & croco sumendum iussi, atque ut alternis vicibus repellantur. Et ut injiciatur gargarismus ope syringae saepe in die: quia lingua, antimonii diaphoretici usu, frequenter viscido humore inficitur.

Vesperis uberius aliusque extabant pustulae; aliaque symptomata mitiora sunt, delirio

lirio solo excepto: Quare & prohibui volatilia, antimonium autem diaphoreticum quinta quaque hora, cum decocto pectorali, repetendum mandavi; & gargarismatis jupiliqne usum continuandum.

Die 16to, pustulæ erant adhuc crebriores, eæque majores, quam quæ primo pullulabant. Longe etiam levius delirium per intervalla. Ideoque censui optimum fore, ut ægrotus persistat in ultimo præscriptorum usu. Quoniam tamen tremores, motusque convulsivi, non obstante pustularum eruptione, ex aliqua parte manebant; vesicatoria brachiis internis applicanda jussi.

Vespero omnia pene ut tempore matutino, excepto delirio, quod sit adhuc mitius. Ex causæ nempe metastasi, a cerebro in brachia. Nam motus convulsivi intensiores fuere: Quare & ultimo præscripta judicavi continuanda.

Die 17mo, pustulæ numerosiores auctioresque erant.

Motus tamen convulsivi reliquaque symptomata prope eadem. Tussis autem ac languor aliquanto graviore. Quare & antea præscriptis addidi aq. theriacal. cochl. j. in spirituum deliquis, & usum seq. apozematis.

℞. Decoct. Pectoral. ℞ij. Syr. Croci ℞j. Mf. sumat Haustus frequenter.

Vespero tussis spirituumque defectus fuere leviores; ideoque ultimo præscripta continuanda imperavi.

Die 18vo omnia ut die præcedente vidi, eademque remedia curavi repetenda.

Post horas autem aliquot elapsas a meo discessu iterum accersor. Motus enim convulsivi aucti fuerunt ex improvise, spiritusque magis defecerunt. Exinde vero nil metuebam; pustulæ enim copiosissimæ erant, motusque aucti convulsivi, delirium mitigarunt. Præscripsi tamen *Pulv. de gutt. cum Sem. Pæonie, & haustum ex Aq. Card. bened. ℞ij. Croci, ℞j. Syr. Gutyoph. ℞ij.*

Eodem die, paucas post horas, nuncius ad me accurrit, qui aiebat, ægrorum brevi moriturum. Quem cum revisi, laborantem inspexi motibus convulsivis iisdem gravioribus. Sed exinde delirium fuit mitius. Et prædixi illius matri, similes motus repetitos iri, donec a delirio perfecte liberaretur. Et ut prædixi, a proxime sequente paroxysmo omnino evanuit: & tam animi quam membrorum quies restituta fuit. Cavendo tamen ne prædicta symptomata novarentur, sequens apozema: (sepeffime in adultis, præ-

eipue autem infantibus expertum) præscripsi.

℞. Ungula Aleis rase ℞j. Sem. Pæon. ℞i. sc. Querc. an. ℞ij. Ras. Cran. Human. ℞j. Coqu. leniter in Aq. font. q. s. ad ℞ij. Calatura adde Syr. Pæon. comp. ℞ij. mf. f. Apozema. Sumat. Cochl. x. frequenter. Jussi etiam manuum volas pedumque plantas oleo succini illiniendas; succum rad. paralyt. tempore paroxysmi naribus attrahendum: sumendumque holum sequentem.

℞. Conf. Anthos, Pulv. e Chel. Cantr. comp. an. ℞j. Castorei gr. vi. Syr. Pæon. comp. q. s. mf. f. bolus sumendus e julapio antea præscripto. Et ne prædicta, si forsitan repeterentur, symptomata, tandem in apoplexiam vel convulsionem generalem terminarent, addidi antimonium diaphoreticum, ad pustulas miliares adhuc numerosius atque expellendas. Et ad feri sanguinis morbiuci extrahendas reliquias vesicatoria femoribus applicanda jussi.

Die 19no pustulæ copiosissimæ ad tantam crevere molem, ut latæ unguis medietatem æquarent, ut ægroti verbis utar. Delirio deinde motibusque convulsivis profligatis, manuum duntaxat tremor, corporis debilitas, spirituumque aliqualis languor superstiti fuere. Boli itaque & antimonii diaphoretici loco jussi *pulv. e chel. cantr. comp. ℞j.* cum julapio antea præscripto sexta quaque hora sumendum, ad leniter continuandam diaphoresin. Ut languoribus aque theriacalis usurpetur: in potum ordinarium apozema antepilepticum. Et ad linguam, adhuc quodammodo affectam, gargarisma.

Die 20mo omnia in eodem loco ac in die præcedente stabant. Excipe id tantum, quod pustulæ videbantur paulo minus turgescere. Mandavi itaque, ut antimonium diaphoreticum, pulvisque e chel. cantr. compositus alternis vicibus sumerentur. Et gargarismatis, & julapii, & apozematis ultimo præscripti in usu persisteret.

Die 21mo pustulæ versus siccitatem decubabant.

Apozema tamen, cum *pulv. de lap. Goens. & pulv. de gutt. censui* continuandum. Nec non gargarisma cum mucilag. ne, ad linguam nondum ab immunditie omnino liberam.

Vespere calorem lingue sensit, & internum, sine sudore. Præscripsi itaque margaritarum pp. ℞j, singulis dosibus pulveris jam in usu addendum. Et ex hausto potus ordinari spir. O. C. gutt. xx. secunda vel

tertia quaque hora sumerentur, donec lenem diaphoresin excitaverint.

Diebus 22do & 23io, cum omnia optata viderim, novissime præscripta decrevi repetenda.

Die 24to, cum internus calor usque persisteret, pulverem jam in usu suavi continuandum. Et in languoribus sal. vol. oleos. cum spir. C. C. ex haustu potus ordinarii sumendum.

Diebus 25to & 26to, reliqua omittendo, solummodo sal. vol. oleos. ex potu ordinario sumend. iussi. Et julapium sequens ad languores, si forte acciderint, in promptu habendum.

℞. Aq. Ceras. nigr. ℥viii. Scordii comp. pos. Saxon. frigid. an. ℥ii. Pæon. comp. & Syr. Pæon. comp. an. ℥i. Mf. Et sic tandem æger perfecte convaluit.

Historia Febris Miliaris ex Opii usu desinentis in Apoplexiam.

Augusti 4to, 1697. evocatus sum ad D. Thom. Western, in Vico Tamesstreet dicto, cui D. Lancashire, erat pharmacopæus.

Vir ille habitu obeso gravabatur, & plethora; magno capite, buccinata facie, brevique collo præditus. Unde & quocunque morbo antea laboraverat, caput ei semper doluit, & delirabat. Ante dies aliquot lavavit pedes, & cum amicis libere comedit. Postea vero de nausea & ægritudine, cum calore & frigore irregulariter recurrentibus, spirituumque languore & oppressione pectoris cum suspiriis querebatur, nec aqua quædam cordialis, quam sponte sumpsit, ægritudinem levavit.

Cum prædicto die illum visitaverim, pulsus erat frequens & debilis, nausea & ægritudo nihilo mitiores. Cum calore & frigore, vicibus alternis, sed duratione incertis, spirituum defectus, pectorisque maxima oppressio cum suspiriis. Nec sine quadam perturbatione, quoties somnus irrepetere incepit. Quibus omnibus rite perpenfis, in primis haustulum sequentem præscripsi.

℞. Salis Vitriol. Vomit. ℥i℥. Ex Aq. Jugland. comp. sumatur. Et in languoribus bibat julapii sequentis haustum. ℞. Aq. Mentb. ℥x. Epid. ℥i℥. Sir. Mentb. ℥j. Mf. f. Julapium.

Die 5to nausea & ægritudo minores sunt. Idem vero languor, eadem pectoris oppressio,

& ægroti dormituri perturbatio. Pulsus adhuc frequens & debilis. Manuum caluere volæ, minime superiora. Urina sanorum similis; calorque internus sentitur absque siti. Ex quibus symptomatibus novi febrem adesse miliarem. Ut itaque lenem excitarem diaphoresin, propinque potu illam fovendo symptomatibus prædictis obstitere, sequentia præscripsi.

℞. Pulv. e Chel. Cancr. comp. gr. xxv. Syr. Caryoph. q. s. Mf. f. bolus e julapio antea præscripto sumendus sexta quaque hora.

℞. Decoct. Hord. ℔i. ℥. addendo inter coquendum cocchinellæ ℥j. colaturæ adde Syr. Caryoph. & Viol. an. ℥j. Mf. f. Apozema, Sumat haustum per intervalla.

Vespere omnia vidi emendatoria. Ideoque bolum ad ℥i℥. augendum & continuandum præscripsi. Ut persisteret in usu apozematis; & in languoribus, cum salis volat. oleosi gut. xx. vel aq. theriacal. cochl. ij. At si remissior fuerit diaphoresis, loco salis vol. oleos. spir. C. C. gurt. xx. sumeret. Et quoniam patientis amici eundem narrabant in nullo morbo tamdiu a delirio fuisse liberum, hoc itaque præcavendo, vesicatorium nuchæ, & emplastra subpedalia applicanda.

Die 6to, mane, cum omnia eadem ac die præcedente viderim, iussi antea præscripta continuanda.

Vespere quædam in peiorem partem inclinabant. Paucula enim verba locutus est inepte; & cum nausea singultiebat. Præscripsi itaque empl. stomachic. magistral. cum caranna, tacamahaca, & ol. cinnaom. regioni ventriculi applicandum; & possetum salvia & semine anethi alteratum; utpote in singultu a me probatum & expertum, pro potu ordinatio.

Die 7mo, quinus singultiebat; post duas tresve sedes, a delirio omnino liberabatur; pustulæque miliares super pectore emicuerunt.

Hodie ægroti amici alium Medicum mihi addiderunt collegam. Is sedes, ne pustularum eruptioni obstarent, cohiberi voluit; ideoque astringentia ex diascordio & similibus quamprimum adhiberi. Ego vero, sumendo argumentum a materiz morbificæ colluvie, nempe tum ad pustulas replendas, tum ad sedes sufficientes, suavi contrarium. Allegavi etiam, exempli loco, foeminam quamdam generosam, quæ a diarrhæa, errore quodam suppressa, indeque mor-

morbosa materia ex partibus inferioribus in cerebrum irridente, paucas post horas obiit. Et in nostro patiente, scilicet obeso habitu, brevique cervice, & ea ratione ad apoplexiam proclivi, multo magis humorum metastasin nos cavere instabam debuisse. Attamen, ut in hac re mediam incamus viam, assensum hand difficilem præbui; præscripsimus itaque bolum ex margaritar. & corallior. pp. an. gr. xv. salis absinth. gr. vij. syr. caryoph. q. s. Et ut bibat decoctum album, cocchinella concocta, & aq. cinnamom. hord. alterarum, instar potus ordinarii. Ut emplastrum ex galbano umbilico applicetur; ut & mucilagine, aq. rosarum extracta, os madefiat.

Vespere diarrhoea multo mitior fuit. Sed aliquanto plus delirabat æger; forte a sedibus rarioribus. Neque a singultu omnino abstinuit. His animadversis, addidimus antea præscriptis emplastra vesicatoria brachiis internis applicanda. Emplastra etiam subpedalia, & possetum alteratum, ut ante antea præscriptum.

Die 8vo, tertius Medicus ad consultandum vocatus suam opinionem, de sedibus necessario suppressendis, statim proposuit. Dixitque alias impossibile fore (ut ipsius verbis utar) pustulas emitti. E contra Medicorum prior, atque egomet objecimus materiam morbosam abundantiam, & delirium, aliaque periculosa symptomata, ex illius metastasi metuenda: Sed frustra. Ille itaque sequentia præscripsit.

℞. Theriac. Androm. ʒʒ. Pulv. e Chel. Cancror. comp. Spec. Confect. de Hyacinth. an. gr. xii. Syr. Cydon. q. s. mf. f. bolus sumendus e julapii seq. cochl. j. superbibendo julapii dimidium quam primum, reliquum post horam vel primam sedem.

℞. Aq. Cinnam. Hord. Mentb. an. ʒii. Epidem. ʒj. Syr. e Mecon. ʒʒ. Diascordii ʒj. mf. Et emplastra vesicatoria tibiis applicanda.

Collega primo vocatus illi assensit de bolo sumendo; sed julapium constanter reprobavit. Nihilominus ambo medicamenta (circa nonam matutinam præscripta) sumpta sunt.

Circa tertiam vel quartam pomeridianam iterum convenimus, intelleximusque patientem statim a suppressis sedibus in apoplexiam incidisse. Quem etiam, pustulis miliaribus in universum delotis, sensibus orbem vidimus. Quare & vesicatoria capiti & carpis quamprimum applicanda iussimus,

sternutatorium ex spiritu flor. lilii conv. insufflandum, & sequentia sumenda.

℞. Salis Vol. Oleos. Tinct. Castorei sp. Lavend. comp. an. ʒi. mf. Sumat frequenter gutt. xxx. circiter, ex haustulo julapii seq.

℞. Aq. Meliss. Ruta an. ʒiiij, Pæon. comp. ʒiʒ. Spir. Lavend. comp. ʒiii. Tinct. Castor. ʒi. Syr. Pæon. comp. ʒj. mf. f. julapium ut supra sumendum. Sed incassum omnia; nam paucas post horas mortuus est.

Historia Febris Miliaris ex Aere frigido admisso Lethalis.

SEPT. 25. 1700. evocatus sum ad D. Arnold Cerevisiarii Westmonasteriensis uxorem. Cui obstetricis officium præstitit D. Watson: Et pharmacopœi D. Pronghson, in Vico vocato Tuttlestreet.

Illam, antequam parturiret, dolorum colico, ventriculo, ut aiebat, quasi onusto, & spirituum defectu ingemuit.

Cum die supra dicto primum adiverim, aquæ serosæ, ex membranis foetum in utero includentibus, sed jam disruptis, effluerunt, & infantis caput extra orificium uteri internum hærebat. Nempe ex via angustia, capitis mole majori, spirituum defectu, doloreque mitiori, quam qui ad partum sufficeret.

De eodem spirituum defectu, etiam post partum exemptum, adeo querebatur, ut astantes omnes illam putarent brevi morituram. Cum autem hoc symptoma jam idem videretur ac ante partum, idemque pulsus, imminens periculi nil metuens, febrem adesse miliarem palam indicavi, pustulasque prædixi miliares, tandem aliquando exituras. Ut itaque lenem diaphoresin consueta mea methodo excitarem, seq. præscripsi.

℞. Pulv. e Chel. Cancr. comp. ʒj. Castorei gr. iv. Syr. Paralyf. q. s. mf. f. bolus quamprimum sumendus e cochl. j. julapii communis.

Die 26to Medicus alter magni nominis de patientis salute consulitur. Quam adhuc de spirituum defectu & oppresso pectore querentem audivimus. Ex quo præcipue symptomate prædixi etiam alteri Medico, pustulas miliares suo tempore erupturas.

Ægrota

Ægrotæ pulsus frequens adhuc & debilis; calor universus, & sine alterno frigore; urina sanorum similis; verum a colico dolore (forſan alvi bis ſolutæ beneficio) libera evaſit. Ne tamen lochia minuerentur ex diarrhœa, pilulas imperavimus ſequentes ſumendas.

℞. *Caſtorei* gr. vj. *Aſſe Fatid.* gr. xii. *Laud.* Lond. gr. j. *Syr. Atrip.* q. ſ. mſ. f. *Pilul.* n. vi. ſumant. ii. urgente alvo; & deinceps quarta quaque hora. Sumatur autem e cochl. i. ſequentis julapij ſuperbib. hauſtulum ejusdem.

℞. *Aq. Ceraſ.* nigr. ℥viii. *Cinnam.* Ford. ℥iv. *Epidem.* ℥x. *Margar.* pp. ℥i. *Sacchar. albiſſ.* q. ſ. mſ. f. *Julap.* ſumendum, ut ſupra præſcriptum eſt in languoribus.

Die 27mo ægrotam in eodem ſtatu, quo die præcedente, vidimus: excepta leviori quadam cordis palpitatione. Juſſimus itaque ut perſiſtat in uſu pilularum cum julapio, ſumatque gutt. xx. ſalis volat. oleoſ. in hauſtu potus ordinarii, & in languoribus prædictum julapium.

Die 28vo, puſtulis miliaribus jam in conſpectum eminentibus, ſpiritus minus deſecerant, mitiora ſuſpiria, minor oppreſſio. Recte etiam effluebant lochia, & alvus mediocriter ſoluta fuit. Conſulimus itaque pilulas ſine laudano ſexta quaque hora ſumendas. Mater vero puerperæ, mortem ex diarrhœa pertimeſcens, obnixè rogabat ſiſteretur. Et ut videamur ex aliqua parte ad ejus mentem accedere, mandavimus ſequentis julapii uſum.

℞. *Aq. Mentb.* ℥ii. *Epid.* ℥iſſ. *Diaſcordii Fracaſt.* ℥j. *Syr. de Mecon.* & de *Mentb. an.* ℥ſſ. *Mſ. f. Julap.* de quo ſumat cochl. iv. urgente diarrhœa. Et ut perſiſtat in uſu ſalis vol. oleoſ. & julapit perlati.

Die 29no, ægrotam viſitantes, intelleximus admodum timuiſſe matrem ob diarrhœam, & illi multo largius, quam a nobis conſeſſum eſt, de julapio præbuiſſe: Sed ſeſque exinde primo inſpiſſatas fuiſſe, poſtea omnino ſuppreſſas. Unde & palpitatio, pectoriſque oppreſſio, majores ſubſecutæ ſunt. Quapropter & ſequentia cenſuimus ſumenda.

℞. *Croci* ℥ſſ. *Sumatur* e Cochl. j. *Aq. Lactis ſuperbib.* Cochl. V. *Sumat.* etiam *Tinct. Croci gutt.* xx. ex hauſtulo *Aq. Lactis ſepe.* Uſu etiam croci, ad cordis palpitationem, fluxum lochiorum, ſpirituum deſectum puſtulaſque miliares altius emittendas,

reſpectum habuimus: Demumque perſiſtat in uſu pilularum ſine laudano, & julapii in languoribus. Et matris importunitati cedentes, præſcripſimus etiam julap. cum diaſcordio in promptu habendum: dicebat enim mater, ſe id velle. Ægrotæ etiam percontanti, an ſemet in lecto erigere, & ventrilabro uti liceat, necne? aſſenſus eſt alter Medicus. Atque etiam, ut in ſe collectis cortinis pateat lectus; igniſque extrueretur vel nullus, vel duntaxat parvulus. Interim mihi ab illa quærenti, an ex aere frigido, collo vel pectori admiſſo, quicquam mali ſentiret? reſpondet, ſemet exinde ſpirituum deſectum pectoriſque oppreſſionem ſenſiſſe. Quamobrem illam obnixè rogavi, ut toto illo die calido utatur regimine; eoque potius, quod ille eſſet dies febris lactæ: ne ceſſante diaphoreſi puſtulae miliares retrocederent. Sed a noſtro diſceſſu ſibi aërem admiſit; puſtulaeque miliares ſubito occultabantur. Unde materiæ morbiſcæ in cerebrum facta eſt metaſtaſis, ſtatimque ægra ſenſibus orbata eſt.

Cum eventus meæ reſponderet prognofi, ſeorſim vocatus ſum: ſed jam nullum viſi præſcribendi locum.

Ex hiſce duabus hiſtoriis clare conſtat, febrim miliarem, cum ſymptomatibus mitioribus incipientem, ex nimio errore fatalem ſæpe exitum habere.

Hiſtoria Febris Miliaris, ubi quoddam Animi Deliquium maxime mirabile ſupra biduum erat continuatum.

SEPT. 12. 1697. advocatus ſum ad D. Hall, ad inſigne Leopardi in *Blackmanſtreet*, prope divi Georgii Templum habitantem, nono poſt partum die. Cui pharmacopœus D. Bynn, & obſtetric D. Cretier in vico *Abchurch-lane* vulgo dicto.

Hæc puerpera annum agebat trigefimum octavum, & ſextum jam partum enixa eſt. Conſtitutione debilis, tam ex partu ſemper difficili, quam dolore colico ſæpe recurrente. Quemque nuper paſſa eſt, cum calore & frigore alternis, & cum oppreſſione pectoris, ſpirituumque languore. Quæ ſymptomata ab amicis tantummodo vapores, ut vulgo vocant, uſque ad diem quo inſans baptizatus eſt, communi errore, æſtimabantur. Quo die viſitantium multitudine adeo

adeo fuit obstrepera, ut exinde spiritus ejus, antea debiles intenso perturbarentur, & tremore ac motibus convulsivis correpta fuerit: Tantaque corporis inquietudine laboraverit, ut maritus vix potis esset eam in lecto retinere. Donec tandem, die scilicet illum quo advocatus sum precedente, in convulsionem universalem incidit, & summo languore jacuit quasi pene mortua.

Die supra dicto, cum circa nonam matutinam patientem visitaturus sim, mihi domestici narrabant, maritum ejus meum adventum per nuncium inhibuisse: jussisseque, si forte adsum, ne me in cubiculum admittant: putabat enim illam revera animam reddidisse. Et cum, nolentibus illis, egrotam adiverim, illam equidem absque pulsu, absque respiratione (ut per speculum ori & naribus appositum probavi) facieque mortis pallidissima, in lecto immotam & extensam ego, & astantes conspeximus.

Nihilominus ex facto scrupulosiori de antecedentibus scrutinio conjecturam feci, mortis similitudinem illam a materiz morbi in totum genus nervosum metastasi provenisse. Nam mihi hic in mentem id venit, quod notatu dignum est in pisciculis tubulo vitreo inclusis, & per microscopium inspectis: in quibus, scilicet, conspicua est sanguinis circulatio, etiam si mortui videantur. Prohibui itaque ne per dies aliquot hanc egrotam stragulis denudarent, & non ante septimanam sepeliendam. Et multa contentione obtinui cucurbitulas cum scarificatione, inter scapulas, & semoribus internis applicari permittant, emplastra vesicatoria pone aures & super carpis apponi, tempora & manuum volas pedumque plantas oleo succini illiniri; succum paralyseos, & ex helleboro, salvia, & floribus betonicæ sternutatorium pulverem, naribus alternis vicibus insufflari; & haustum ex aq. lact. 3vi; nec non apozema pro D. *Bullock* præscriptum, si fieri possit, vi in os injici.

Post pene biduum, die scilicet 13tio, circa quartam pomeridianam, missi ad me domestici narrabant, Chirurgum, simul ac hanc puerperam inspexerat, admiratione perculsum interrogasse, an cucurbitulas mortuæ applicari vellent. Utcunque tamen eis morem gerens cucurbitulas semoribus apposuit; at non inter scapulas, adeo multum rigebat. Vesicatoria etiam carpis applicarunt. Cæterum die supra dicto, nem-

pe 13tio vesperi, licet ne minimum respiraret, visa est tamen parum calefcere. Jussi itaque cranii humani 3i, cum aq. rutæ & syr. artemisiz, si fieri possit, in os immitti.

Die tandem 14to, circa quartam matutinam, mollissime respirare, atque etiam deglutire incepit. Ideoque emplastra vesicatoria inter scapulas applicanda iterum præscripti. Et ut gutt. xx. salis volat. oleos. sumat sine vehiculo. Quo facto, pustulæ miliares demum in conspectum venire. Et in earum incrementum sequentia sumenda consului.

℞. Pul. e Chel. Cancr. comp. 3ss. sumatur quarta quaque hora e cochl. j. julapii sequentis superbibendo cochl. iiii.

℞. Aq. Cinnam. Hord. 3iv. Rutæ 3iii, Pæon. comp. 3ss. Sacchar. albiss. q. s. Ms. f. Julapium.

Et ut bibat de apozemate ex ung. alcis pro potu ordinario.

Die 15to loqui, seseque movere valuit; & de dolore ex vesicatoriis edidit querimoniam: Pustulæque miliares super pectus pullularunt copiosissime. Ideoque antea præscripta censui continuanda.

Die 16to pustulæ molem acceperunt adhuc multo majorem, mensque illi redintegrata est. Nec amplius oppressione pectoris, aut languore, sed sola corporis imbecillitate, laboravit. Quapropter & sequentia præscripti.

℞. Pulv. e Chel. Cancr. comp. gr. xxv. Aq. Lact. alex. 3iiss. Epidem. 3ii Ms. f. haustus sexta quaque hora sumendus.

℞. Rad. Scorzon. Hisp. 3i. Cort. Aurant. cond. 3vi. sal. Galeg. Meliss. an. Mj. flor. Card. an. p. i. Sem. Card. bened. 3ss. Coqu. in A. font. q. s. ad 3ss. Addendo colaturæ Syr. Limon. 3i. Ms. f. Apozema, de quo sumat haustum ad libitum; & in languoribus aq. theriacalem.

Egrotam adeo bene se habentem abhinc usque ad diem 19um omisi visitare. Jamque solum stomachica quædam amara præscripti, ad acuendum appetitum, sumereque post quartam noctem Sacram Tincturam, aquasque *Strethamenses* die sequente. Quo facto, in omnium admirationem perfecte convaluit. Tamen, ut audiui, in nate, durante febre, nimis compressa, passa est sphacelationem. Qua Chirurgi ope sanata, alios quinque vixit annos; tandemque, ut mihi ejus maritus retulit, ex dolore colico & convulsione eidem superinducta e vita discessit.

Hi-

*Historia Febris Miliaris in Chronicum
Morbum terminantis.*

IAn. 14to, 1699. evocatus sum ad D. Berenberg, puerperam, tunc in platea Walbrook vulgo vocata habitantem. Cui ut pharmacopæus inserviebat D. Basket. Obstetricis autem officium præstabat D. Taylor, in platea Pater-noster-Ron.

Querebatur, dum parturiret, de virium maxima imbecillitate. Et post partum, ut assistentes mihi narrabant, tanta oppressione pectoris, cum spirituum defectu, laboravit, ut ad trahenda suspiria cogeretur. Ex illis tamen symptomatibus nihil præter hystericos vapores, ut vulgo vocant, suspicatz sunt. Pridie autem ejus diei, quo me advocarunt, cum mammas ad lactandum infantem denudasset, ad relaxandam alvum super aquæ calefactæ vaporem sedisset, frigoriq; multo semet exposuisset; exinde tandem spirituum angustia, respiratione difficili, asthmatis convulsivi æmula, tussiq; sicca, adeo depressa fuit, ut illi mortem esse in propinquo existimaverint.

Cum primum illam adiverim, de prædictis affectibus, atque etiam de vigiliis querelas edidit. Pulsus illi erat frequens & debilis, & febrilis calor. Urina tamen pallida, & lochia omnino suppressa.

Ex antecedentibus supra memoratis illam febre miliari laborare censui: attamen in principio mitiori. Quamdiu, scilicet, consueto puerperarum regimine gubernaretur. Postquam autem, eo ipso tempore, ut verisimile est, quo miliarium pustularum erupcio instabat, se irruenti frigori denudaverat; materiam morbificam, retrogrado motu pectori interiori impactam, supradictum asthma creasse, conjectare licet. Nam ut in pectore a me inspecto pustulas tunc primo pullulantes, ita & duntaxat paucissimas, cernere potueram.

Statui itaque, mihi consueta methodo, lenem sudorem & continuum excitare. Et ut alia medicamenta, convulsivo asthma, reliquisque symptomatibus, puerperisque commoda adjungeretur. Quamobrem & sequentia præscripsi.

℞. Spermat. Ceti ℥i. Bezoar. Orient. Croci an. ℥ss. Syr. Heder. terrestr. q. s. Mf. f. bolus sumendus c Coch. j. Aq. Lactis alex. superbibendo Coch. x. His enim

lochii promovendis, asthma levando, excitandis spiritibus, & sudoribus magis liberis consului. Et ut patienti illiusque amicis placerem, qui hanc febrem hystericum affectum æstimarunt, atque etiam lochia feliciter continuarem, pilulas sequentes præscripsi.

℞. Castorei gr. vi. Assæ fetid. gr. xii. Syr. Pæon. comp. q. s. mf. f. Pil. num. vi.

Die 15to optime se habebat; Nam ex quo bolum sumpserat, spiritus fuere elevatiores, facilior respiratio, renovatur effluxus lochiorum, urina coloratior, pustulæque miliares super pectus magis conspicuæ. Bolum itaque die præcedente præscriptum censui repetendum. Addendo *Pulv. de gutt.* grana aliquot, ne asthma convulsivum recurreret. Umbilico etiam emplastrum ex racamahaca, & emplastra subpedalia applicanda jussi. Et in lagoribus sumeret haustum julapii perlati: Nec non aq. theriacalis coch. ii. alternis vicibus.

Vesperi, ex leni persistente sudore, respiratio adhuc facilis, pustulæ miliares densiores, spiritusque minus defecere. Ideoque, ut in usu bolorum antea præscriptorum persisteret, duxi optimum fore: sumeretque, pro re nata, succi fimi equini in *Aq. Card. Bened. & Pulg.* infusi & expressi. Nimirum, ut lochiorum effluxus, volatilibus fimi particulis, excitaretur.

Die 16to noctem intellexi præcedentem sine ullo symptomate ægrotæ transisse. Antequam vero ab illa discessi, respiratione convulsiva iterata, vires subito diminutas sensit. Præscripsi itaque haustum sequentem.

℞. Aq. Lact. alex. ℥iii. Epidem. Syr. Carioph. an. ℥ii. Epid. Lapid. Gœnsf. pulv. de gutt. an. ℥ss. mf. f. Haustus. Et post horas sex sumat etiam bolum antea præscriptum, pilularumque duas tempore intermedio.

Vesperi sudorem, ex sumpto haustu, universalem dimanasse narrabant. Unde & magis extumescere pustulæ miliares, & asthma diminutum est. Ideoque jussi persisteret in usu ultimo præscriptorum omnium. Et ad flatum, qui multum attulerunt molestiæ, saccharo instillarentur olei cort. aurant. gutt. iii., & sumerentur ad libitum.

Die 17mo, cum prædicta symptomata debellari viderentur, antea præscripta continuari consului.

Die 18vo, ex sudore intermisso, renovantur symptomata, cum ventriculi ægritudi-

tudine, & quadam confusione, quasi delirii prodromo, conjuncta. Quamobrem, ad restituendum sudorem, jussi ut in usu haustus persistat; addendo singulis haustibus bezoar. Orient. grana aliquot. Ut cum posseto salviato aquam theriacalem large sumeret, & emplastra subpedalia repeterentur.

Vesperis ex sudore copiose renovato iterum evanescere symptomata. Neque exinde quicquam infirmata vires, sed potius auctae fuere. Etiam si quaedam pustulae rubrae, & prurientes, miliaribus interspersae, vi sudoris excreverint. Jussi itaque ut in usu haustus & infusi persisteret.

Die 19no. Pustulae miliares coeperunt exsiccari: & omnia visa sunt versus sanitatem perfectam progredi: solummodo spirituum diminutione excepta. Quapropter & praescripti usum haustus cordialis continuari.

Die 20mo vocatus sum circa quintam matutinam. Quippe quod aegrotam in difficilem respirationem denuo incidisset: Non a pustulis miliaribus recessis; cum hae jam antea penitus exsiccatae fuerint: Sed forsitan a materiae morbosae quibusdam reliquiis, viam quasi quaerentibus qua excerneretur. Nam ex tribus sedibus, sponte ac subito supervenientibus, dyspnoea omnino evanuit, atque aegra quam optime convaleuit.

Nihilominus ex illius amicis aliquis alium Medicum advocari voluit. Qui cum adveniret, & pustulas miliares jam antea, ut dictum est, exsiccatas, nusquam vidit, sed tantummodo rubras; me, quod hanc febrem vocaverim miliarem, irrisit: Dixitque rubras pustulas a solo sudore posse oriri. Proindeque juxta indicationes quas sumpterat claudicantes aliquot dies praescripsit, sed re infecta. Deinde alius Medicus, & post illum tertius, atque quartus vocatus est. Qui omnes ignoti morbi curationem incaute susceperunt, donec in chronicum tandem transiit. Quod si noverint hanc febrem revera fuisse miliarem, & post exsiccatas pustulas miliares crisin perficiendam naturae commississent: nullus dubito, quin morbi latus fuisset exitus. Nam ab illo momento, quo pustulae miliares etiam salubriter exarescere solent, non infrequenter observavi, materiae morbosae reliquias vel per intestina, in hoc casu; vel per vias urinarias, ut in sequenti; vel cum lochiis per uterum, ut in quadam D. King, in Vico

Sydenhami Opera Med. Tom. I.

Fleet street dicto, sponte & feliciter extirminari.

Historia Febris Miliaris in Morbum Chronicum, tandemque Mortem desinentis.

SEPT. 17mo, 1709. vocatus sum ad D. Bateman, equitis aurati uxorem. Hec ante viginti septimanas, in principio puerperii, dolore colico, oppensione pectoris, cum suspiriis spirituumque defectu, nec non pulsu frequente ac debili laboravit. Ex quibus symptomatibus morbum febrem esse miliarem palam praedixi. Et ex usu diaphoreticorum optime se habere sibi suaeque matri visa est. Praedicta enim symptomata parvipenderunt, Aegrotam itaque diutius visitare nolui. Consului tamen ut seipsam per mensem lecto assigeret, in eorum quae praescripseram usu persisteret, & ab infantis lactatione abstineret.

Meo autem consilio obtemperare noluit. Proindeque post quinque septimanas a partu passa est recidivam cum dolore colico & laterali, calore & frigore alternatim recurrentibus, oppensione pectoris, cum suspiriis, spirituum defectu. Ad lateris dolorem sanguis fuit emissus; unde & auctus languor: & quaedam suffocatio, hysterici affectus similis, cum suspiriis illam premebat. Quae symptomata vapores, ut vulgo loquuntur, tam aegra, quam ejus mater aestimarunt. Cum revera a venae sectione, catameniorum tempore, orta sint. Nam lochia, quae a partu ad sextam septimanam usque duraverant, exinde subito suppressa fuere, & deinceps ad illius e vita exitum.

Jamque, quod ante exacerbationem symptomatum magis frigeret, morbum putarunt febrem esse intermittentem: etiam si pustulae miliares hoc tempore fuere conspicuae. Nihilominus sumpsit corticem Peruvianum ex praescriptione pharmacopaei. Ex quo motum materiae, pustulis adhuc magis augendis aptae, in cutis superficiem impeditum, eandemque alio transmissam fuisse, minime dubitandum est. Primo super semur, tibiam, pedemque; quem Chirurgus scarificabat: deinde & super intestina, ubi genuit diarrhoeam: nec non super nervos pulmonum, ramosque asperae arteriae capillares; ubi asthma, cum tussi sputatoria & foetida produxit. Verum ex emissio e pede sero minime remissior fuit dyspnoea.

Y y

A Ju.

A Junii 23io, ad 25tum, Medicus prescripsit bolum ex Pulv. Chel. Cancr. composito, Rad. Serpent. Virg. & Castoreo; Decoctum album, Suppositorium, Empl. Vesicat. nucae, & pedibus Cephalicum.

Junii 25to, corticis Peruviani decoctum. Die 26. corticis Peruv. pulverem: 28vo, Julapium ex Aq. Laet. 3iv. Menthae, Cinnamonis hord. an. 3j. Laud. liq. 3i. Conf. Fracast. 7iii. in Diarrhaeam.

Julii 8vo, Lac Asininum cum Pulvere Margaritarum, & Chelis Cancror. simplice, & Saccharo perlato. Nec non Infusum amarum ex Absinthio Romano & Sem. Coriandri; addendo Colaturae Gummi Ammoniaci Aq. Pison. comp. & mirabil. an. q. s. dissoluti 3i. & Aq. Ceras. nigr. 3vi.

Die 9no, corticem Peruvianum. 16to, Bolum ex Pulvere & Chel. Cancr. comp. & Theriaca Andromac. Et Decoctum album cum Rad. Tormentillae. 19no; Infusum amarum, & Pilulas ex pulvere millepedum.

Aug. 3tio, Pilulas ex Pulv. Ari comp. Myrrhae & Syr. Balsamico. Et Decoctum ex cortice Sassafras, Sem. Dauci, Baccis Juniperi, Rad. Eryngii condit. & A. Calcis q. s. addendo Colaturae Aq. Nephriticam.

Die 17mo in consultatione cum alio Medico, Pilulam Matthaeusianam. 19no, Vesicatoria Nucae & Brachii applicanda. Pilulas ex Galbano, Gum. Ammoniaco, Croco, & Opobalsamo. Et Julapium perlatum.

Sept. 6to, Enema ex Decocto albo, Theriaca Androm., & Diascordio. Infusum amarum ex Radicib. Gentianae, Helenii, Absint. & Marrubii foliis, Sem. Dauci & Baccar. Junip. in Aq. font. infusis addendo Colaturae Vinum Chalybeatum. Et Bolum ex Diascordio, Terra Japonica, & Ol. Cinnamonis.

Die 13tio, vesicatorium parvum, cum epispastico unguento, ad diu continuandum ulcus Pilularum ex specieb. Diambrae, Castoreo, Sale Volat. C. C. & Galbano. Et Julapium Hystericum.

Hactenus tres Medici magni nominis, duoque Chirurghi non incelebres aegrotam viderunt. Et hanc morbi methodique prescribendi historiam, majori ex parte, ab illa illiusque matre, iterum advocatus accepi.

Jam tum difficili respiratione, diarrhoea, & manuum artuumque inferiorum tumore gravata est: Adeo vertiginosa & languida, ut bis uno die ne syncope moreretur metuerint. Pulsus ei valde frequens ac debilis. Et circa meridiem, calore, rubore, dyspnoea, quoti-

die affectam fuisse narrabant.

Horum omnium, fere a morbi principio, symptomatum, tres quatuorve causas fuisse arbitror. Quotidianum scilicet e lecto egressum, lactationem, venae sectionem, & sumptis medicamentis in primis corticem Peruvianum. Haec enim omnia pustularum miliarium incremento & durationi certum est obstitisse, & materiam morificam in pulmones, intestina, artusque inferiores transulisse.

De hoc morbo, quod sit immedicabilis, feci prognosin. Praecipue ob summam aegrotae imbecillitatem; & quod dyspnoea & diarrhoea contraria indicarent.

Triste confessa est, multum poenituisse se, me posterius vocatis Medicis non associatum fuisse: praecipue, quod suam sororem in simili casu a me sanatam meminerit. Jam tamen a me proposita vesicatoria nullibi apponi voluit, etiamsi respiratio difficilis & vertigo exigerent. Fontanellas itaque inter scapulas aperiendas suasi. Et in ventris tormina, diarrhoeam comitantia, spiritum millepedum, cujus efficaciam saepe expertus sum, ex haustu potus ordinarii, ad gutt. xx. bis in die sumendum praescripsi. Et ut sexta quaque hora bolum ex spermate ceti, pulv. & chel. cancr. comp. & croco, ad menses movendos, lenem diaohorem excitandam, respirationemque allevandam, deglutiret.

Die 20mo, in reditu meo a Regio apud Windesforiam Castello visitavi aegrotam, eamque a vertigine omnino liberam conplexi, ejus spiritus haud medioeriter resectos, ventris tormina consopita, & suppressam diarrhoeam, ut postea mixtura opiata non opus fuerit. Persistentibus autem dyspnoea, ac inferiorum artuum tumore, & universa imbecillitate in dies aucta, post unam atque alteram septimanam obiit.

Historia Febris Miliaris cum largissimo Urinae effluxu circa finem.

Julii 29no, 1705. D. Loyd Lintearius, apud Gynaræ insigni in platea Cheapside dicta, cuique D. Basket erat pharmacopoeus, me ad suam filiulam septem annos natam evocavit.

Habitudine erat tenuior, temperie calidior. Spiritus illi vivaces, sed facile dissolubiles. Diebus aliquot praecedentibus, ex calore

calore interno cutis aridior fuit. Pridie hujus diei, cancrum comedit. Ex quo non agrotabat, & calore vehementi sitique crepta est. Quibus etiam spirituum defectus, vomitio, pulsus frequens ac debilis, & urina sanorum similis accessere.

Ex morbis antecedentibus & symptomatibus prænovi hanc febrem fore miliarem, Ideoque lacteo enemate, ad primas abluendas vias injecto, pro meo more decrevi lenem ac continuam diaphoresin excitare, calidæque interim & siccæ temperiei diluentibus favere. Præscripsi autem sequentem in modum.

℞. Pulv. & chel. cancr. comp. gran. viii. sumantur & cochl. j. Julapii sequentis, superbibendo cochl. ij. vel iij.

℞. Aq. ceras. nigr. ℥viii. Epidem. ℥j. Sacchari albiss. q. s. Ms. f. Julapium.

His addidi emplastra, ex cephalico cum euphorbio, & pice Burgundica, subpedalia.

Die 3^{mo} visitanti mihi narrant, ægrotam ex enemate alvum satis dejecisse: Nolemque magis placidam, quam præcedentem, illi contigisse. Non adeo multum ardebat, calore tamen & frigore alternis mitius affecta fuit, vomitioque omnino suppressa. Et jam primum super pectus pustulæ miliares in conspectum venere. Præscripsi itaque ut persisteret in usu pulveris, & ad diluendam materiam febrilem, sudoremque fovendum, possetum salviatum assatim potaret.

Die 4^{mo}, spiritus minus oppressi sunt, & mediocriter refecti. Sed ex usu posseti intermisso paulo plus caluit; pulsus frequentior, sed debilis; pustulæ tamen miliares aliquanto magis fuere conspicuæ. Præscripsi itaque pulveris & chel. cancr. comp. gr. viii. totidemque margaritarum præparatarum alternis vicibus sumenda.

Augusti 1^{mo} pustulæ miliares sunt rumidiusculæ, calorque internus minor. Externe vero paulo plus caluit, cutisque leni diaphoresi humectabatur. Jussi itaque post subductam alvum ex injecto enemate antea præscripta repetenda.

Aug. 2^{do} spiritus fuere vivaciores, calorque adhuc minor interne. Consului itaque persisteret in usu margarit. pp. cum julapio quarta quaque hora: Et ad tuendum caput emplastra vesicatoria pone aures applicanda.

Aug. 3^{tio} non adeo equidem externe calebat: verum pustulæ miliares aspectum habebant minus laudabilem. Censui, itaque

pulverem & chelis cancr. compositum in usum revocandum. Quoniam vero puellæ mater ægre ferebat medicamenta adeo frequenter sumenda, sequentia præscripsi.

℞. Aq. ceras. nigr. ℥xii. Epidem. ℥iij. pulv. & chel. cancr. comp. ℥i. Sacch. albiss. q. s. Ms. f. Julapium, de quo sumat haustum sexta quaque hora, agitata phiala tempore usus, Et sumeret margar. præparat. in omnibus intervallis. Uteretur etiam mucilagine ex sem. cydon. & Psyll. Syr. & Rubo Ideo edulcorata. Et empl. subpedalia repeterentur.

Aug. 4^{to} calor erat multo intensior, nec sine quibusdam motibus convulsivis. Puella enim, cujus calida erat naturalis temperies, largius de julapio potaverat, quam debuit. Præscripsi itaque, julapii loco, margarit. pp. ℥ss. sexta quaque hora sumendum, & julapii sequentis cochl. j. superbib. cochl. iij.

℞. Aq. Lact. alex. ℥viii. Epidem. ℥i. Syr. & Cor. Citr. q. s. Ms. f. Julap. Et ad feri sanguinis partem acriorem diluendam, ut lactis aquam alexit. sumeret edulcoratam, instar potus ordinarii. Si diaphoresis suppressa fuerit, singulis aquæ prædictæ haustulis spiritus C. C. gutt. iv. adderentur: Et julapio immisceretur pulveris de gutt. ℥i.

Die 5^{to} motus quievit convulsivi, calor fit mitior, spiritus animales vires sumunt, pustulæque miliares jam in principio declinationis sunt. Quæ clare indicant, mala antea memorata symptomata non tam a morbo, quam a julapio, nimia quantitate sumpto, provenisse. Jussi itaque ut in novissime præscriptorum usu persisteret. Naturæ enim non imperandum, ut bene monet Baglivus, sed illius monitis parendum est.

Die 6^{to} febris adeo declinavit, ut pustulæ miliares desiccare inceperint, Præscripsi tamen, ad febrilem calorem superstitem extinguendum, ut lactis aquam cum margaritis præparatis puella assatim bibat, & cortex Peruvianus in promptu esset, pro re nata sumendus.

Die 7^{mo} summo mane advocor. Tanta enim copia, tamque subito minxit puella, ut de illa, antequam matulam afferri potuit, efflueret urina. Unde pertimuit mater, ne diabetes, & deinde mors sequeretur; ut suo nepoti accidisse aiebat. Cum revera partim ex aq. lactis, die præcedente liberalius potata, partim & pustulis miliaribus, tum exsiccatis, eveniret. Quomodo in antea descripto casu, & in

eodem morbi tempore, materię morbificę reliquię, ad crinim perficiendam, per alvum abierunt. Quod & hic forsan accidisset, si patientis temperies minus calida, alvus natura laxior, usqueque margaritarum parcius fuisset. Et in simili casu hujusmodi morbi reliquię per lochia nonnunquam expelluntur, ut D. King, ad trium regum insigne in *Lugdate hill*, cum pharmacopœus erat D. Allen, accidisse memini. Illi enim, statim a pustulis miliaribus penitus exsiccatis, lochia, instar sanguinis super carbones adusti, nigricantia, sine ulla causa evidenti, aut subsequente periculo, per horam integram emanarunt. Et quoties evacuatio neurius prædicti generis post exsiccatas pustulas contingit, sæpe vel calorem internis partibus hærentem, cum pressura spirituum, deprehendo; vel quavis levi de causa recidivam patiuntur ægri, & nonnunquam mortem subitanam; vel ex materia in artus rejecta, aut erysipelas, aut hydropicus dolensque tumor generatur.

Hæc omnia puellæ matri sigillatim monstravi, quo melius eam a timore liberarem. Nihilque amplius agendum, præter virium instaurationem, vel corticis Peruv. usum, vel pulveris testacei cum lacte asinino; cuius usus ei antea bene cessit. Alium tamen Medicum associari voluit. Eodem vero tempore ipse evocor ad nobiliss. D. Clarendonæ Comitem, ut de ejus nepote, honorabil. D. Obrian, consulerem. Ideo & alter Medicus sequentia solus præscripsit.

℞. Pulv. de gutt. Lapid. Contray. an. gr. vj. Castor. Salis Vol. C. C. an. gr. ij. Conf. Alchem. sine Mosch. ℥j. Syr. Pæon. comp. q. s. Mf. f. bolus statim sumendus, & sexta quaque hora, solutus in Coch. i. julapii.

℞. Decoct. albi ℥j. Aq. Cinnam. bord. ℥j. Sacch. albiss. q. s. Mf. f. Apozema pro potu ordinatio.

℞. Salis vol. Oleos. ℥ii. sumat gutt. vi. frequenter in potu quovis ordinario.

Et applicentur emplastra vesicatoria brachiis internis & inter scapulas.

Hujus præscripti cartulam D. Basket pharmacopœus ad me misit. Qua perlecta stupore quodam percussus sum; dixique, cum minime retrocesserint pustulæ miliares, sed regulariter & sine quovis pravo symptomate exsiccarentur, me ex medicamentis calorigificis, & a puella calidi temperamenti ac debilitata sumptis, nil melius quam febrem de novo accensam, mortemque minitantem sperare.

Nec me mea fefellit conjectura. Cum enim circa horam vespertinam puellam visitaverim, ut omnia, secundum præscriptum ultimo memoratum, intellexi facta fuisse: ita & puellam ardore vehementissimo, cum siti ingente, linguaque arida, & respiratio- ne difficili, laborantem vidi. Attamen, absente altero Medico, nihil præscribere mihi visum est.

Die proximo mane, nobis una puellam visitantibus, narratum est, illi pessime transisse noctem, & jam ardebat maxime, sitique valde urgente & dispnoea afflicta fuit. Et mihi interroganti alterum Medicum, qualibus indicationibus satisfacisse proposuerat? Respondet, se me absente, qui solus morbi historiam enarrare potui, pustulas miliares retrogradas æstimavisse. At cum id fieri non posse monstraverim, habita consultatione, concessit Medicus dosin diminuire, & sequentia præscribere.

℞. Lapid. contray. Pulv. de gutt. an. gr. iv. Croci, Castor. an. gr. i. Syr. Pæon. comp. q. s. Mf. f. Bolus sumendus e Coch. i. Julapii. Sumeretque ad diluendos humores decoctum album pro potu ordinario. Et ne ex alvo adstricta usuque boli calor excitaretur, suppositorium præscripsimus ex melle & sale gemmeo.

Die 9no calor fuit remissior, liberiusque respiravit. Præscripsimus itaque enema ex lacte saccharato, bolumque unum.

Die 10mo in statu longe meliori puellam vidimus, symptomatibus, a calidis medicamentis ortis, consopitis omnibus. Attamen ad recuperandas vires, calorisque interit recursum præveniendum, pulverem præscripsimus sequentem; e coch. i. lactis asinini sumendum, superbibendo ℥ss. repide.

℞. Pulv. e Chel. Cancr. comp. Margar. pp. an. gr. vj. Mf. f. Pulvis.

Die 11mo ut adhuc tutius præmuniamus puellam, ne illi febrilis calor novaretur, consultuimus. Corr. Peruv. Pulv. ℥ss. e Coch. i. Julapii quarta quaque hora sumendum; & pro re nata, aq. lactis haustulum. Et ad perficiendam valetudinem tus adiret, ubi saniori statu semper gaudebat.

Haud multo post audiui, illam iterum male valere, aliosque advocari Medicos. Id autem minime mihi displicebat: nam sub eorum cura obiit; cum antea, me illam curante solo, Deoque favente, tam bene illi res cesserit, ut e febre mediocri tempore evaserit.

Hi-

*Historia Febris Miliaris in Mamme
Apostema terminantis.*

Junii 12. 1699. ad viri admodum honorab. D. Trevor. Commun. Placitor. Jufticiarii capitalis uxorem, jam defunctam, circa fui puerperii principium, evocatus sum. Cui pharmacopœus erat D. Gelft horp, obftrix D. Dodfon.

Cum gracili corpore animum possedit tranquillum; Spiritus tamen nativos debiliores. Ante partum in calorem internum sæpe incidit. Postea dolere dorsum & femora, ut in puerperis solent: Et, doloribus remissis, horrore correpta est; quem febrem esse lacteam putarunt mulieres: tertio enim a partu die contigit.

Quoniam tamen spiritus deficere sensit, die prædicto vocatus sum. Cum observarem symptomata, quadam oppressione pectoris suspiria cogente, summe dejectis spiritibus, capitis dolore, pulsusque frequenti ac debili, illam laborare vidi. Urina sanorum similis, palmæ erant calidæ, lochia effluebant, alvusque potius accedit ad laxitatem. Denudato autem pectore, inibi numeravi pustulas tres miliares. E quibus, etiam si paucissimis, satis aperte constabat, hanc febrem esse miliarem. Mihi autem id affirmanti dignis. D. Hambden, aliaque astantes, vix assentiri voluerunt.

Attamen ex numero pustularum adeo parvo materiam ad eas fovendas aptam alio tendere suspicatus sum. Ut itaque earum eruptionem leni & continua diaphoresi promoverem, sequentem haustum sexta quaque hora sumendum præscripsi.

℞. Aq. Lact. ℥iii. Pœon. comp. ʒss. Pul. e Chel. Cancr. comp. gr. xv. Pulv. de gutt. ʒl. Syr. Meliss. q. s. Ms. f. Haustus.

Pulverem e Chel. cancrorum paulo minori quantitate præscripsi, ne motum sanguinis magis accelerem, quam diaphoresi jam excitatæ continuandæ par esset. Ad tuendos nervos, si pustulæ sorte retrocessissent, addidi pulv. de guttera cum aquæ lactis majori dosi diluente.

Præscripsi etiam ad capitis dolorem emplastrum vesicatorium inter scapulas applicandum, & empl. subpedalia. Et pro alimento ut pullorum jus sorberet. Quod, ut magis nutritium, in hac febre potius quam an quavis alia, præcipue in natura debilibus, præbere soleo. Quibus & adjunxit seq.

Julapium ad libitum sumendum.

. Aq. Meliss. ʒviii. Cinnamon. hord. ʒiv. Epidem. ʒi. Sach. perlato ʒii. Ms. f. Julapium.

Die 3tio melius se habuit, ex omni parte. Attamen, ne remitteretur diaphoresis, præscripsi bolum sequentem.

℞. Conf. Anth. ʒss. Pulv. e Chel. Cancr. comp. ʒss. Syr. Meliss. q. s. Ms. f. Bolus sumendus cum Julapio.

Vesperis febris exacerbata est primo contingentibus symptomatibus. Quibus etiam accessit respiratio difficilis: Nec non levior diarrhœa, e lochiis diminutis. Nam excrementitia materia tentabat transitum ab utero ad intestina. Sequentem itaque bolum cum julapio sumendum præscripsi.

℞. Conf. Anth. ʒss. Theriacæ Andr. ʒi. Pulv. e Chel. Cancr. comp. Croci, an. ʒl. Syr. Melissæ q. s. Ms. f. Bolus.

Theriacam prætuli diascordio, quod non solum moderetur alvum, sed & plerumque magis faveat sudoribus. Et, omissis aliis adstringentibus, crocum addidi, ut uberio rem fluxum lochiorum, sine astrictione glandularum intestinalium, restituerem. Quæcumque enim intestina astringunt, suum etiam utero effectum imprimunt. Quod in primis advertendum est, ne ex uno sanato symptomate aliud generetur.

Veruntamen, ne bolus supra dictus minus sit efficax, seq. julapium præscripsi in promptu habendum.

℞. Aq. Ceras. nigr. ʒviii. Cinnam. hord. ʒiv. Epidem. ʒj. Conf. Fracast. ʒj. Conf. de Hyacinth. sin. od. ʒl. Syr. de Menth. ʒj. Ms. f. Julap. de quo sumat Cochl. iv. post sedes singulas. Et ne quid mali accideret ex opiatis, præscripsi vesicatoria carpis applicanda. Quæ etiam in diarrhœa nonnunquam profunt, dum materiam morbosam ad exteriora revellunt.

Die 4to a sumpto bolo theriacali somnum sudoremque secutos fuisse intellexi. Unde & omnia symptomata in meliorem partem inclinarunt. Neque astringentis julapii opus erat. Præscripsi itaque bolum cum julapio perlato repetendum. At sine theriaca; quod hic minus calida ad continuandam diaphoresin viderentur sufficere. Et inefficacis medicamenti, majore quantitate quam par est adhiberi, exemplum habemus in salivatione. Hanc enim sæpe, & præcipue in debilibus, mercurii dulcis gr. v. vel x. singulis noctibus sumpta, felicius produciunt, quam ejusdem medicamenti tripla dosis. Cujus etiam rei

rei testis est D. Tindal. pharmacopœus. Qui, cum hanc methodum cuidam patienti præscripsissem, multa admiratione dixit, se nil inde expectare: nuperrime enim doses multo majores prædictæ patientis filix, a magni nominis Chirurgo dari, & vel undecim hebdomadas frustra continuari, videbat. Verum mercurius dulcis nimia quantitate sumptus sanguinis motum adeo accelerat; ut materiam, quæ ex mediocri dosi per glandulas salivales secerni solet, vomitione aut sedibus expellat. Et notum est, in melancholicis alvum facilius subduci medicamentis lenitivis, quam catharticis pleurisque fortioribus. Et pari modo sudor jam profluens, diaphoreticorum dosin augendo vel nimis frequenter repetendo, sæpe in ardorem definit.

Attamen ne ad continuandum sudorem deesset materia, Apozem. seq. præscripsi.

℞. Rad. Fragar. Chelid. major. an. ℥ss. fol. Meliss. Fragar. Chelid. an. p. ij. Sem. Card. bened. ℥ij. stor. Cordial. an. p. ℥. Coquantur in Aq. font. q. s. Colature flis. adde Aq. Epidem. ℥ij. Mf. f. Apozema.

Vespere rediit exacerbatio, sed multo levior. Bolum itaque theriacalem repetendum præscripsi. Deinde, post horas sex, bolum sine theriaca: Et emplastra subpedalia applicanda.

Die 5to symptomata quæque vidi benigniora, pustulasque miliares ad maturitatem properantes. Præscripsi itaque ut in usu boli sine theriaca, apozematis, & julap. persisteret.

Quoniam tamen dyspnœam renovari posse suspicatus sum, si exacerbationes prædictæ iterentur, donec pustulæ exsiccatae fuerint, alium Medicum in consultationem vocandum monui, quem patientis amici nominarunt. Vespere itaque convenientes symptomata totum illum diem fuisse leviora intelleximus. Jam vero vidimus omnia, nempe diarrhœam, dyspnœam, spirituumque defectum exacerbari, Præscripsimus itaque sequentia.

℞. Pulv. & Chel. Cancr. comp. Conf. Fracastor. an. ℥ss., Syr. Caryoph. q. s. Mf. f. Bolus sumendus ex Coch. i. julapii sequentis, superbibendo coch. v.

℞. Aq. Ceras. nigr. ℥x. Puleg. Bryon. comp. an. ℥ij. Margar. pp. ℥ij. Sacch. albiss. q. s. M. f. Julapium.

Die 6to mane, non obstante bolo, patienti sexies sedem petiverat, noxque ei in quiete transit. Nec jam exacerbatio omni-

no finita fuit. Jussimus itaque bolum continuandum, & vesicatoria brachiis internis applicanda. Quibus addidimus gargarismum decocto plantaginis cum toto, & seq. enema.

℞. Seri Lact. Vini Hisp. separati ℥x. Flest. & Baccis Laur. j. Sacch. rubr. ℥ij. Mf. f. Enema.

Attamen interrogatus seorsum a D. Hedges, ægrotae matre: Quid ad magnum illum spirituum defectum sit faciendum? Suasi, ut in Aq. Lact. haustulo croci sumeret ℥i. & post aliquot horas repeteret.

Vespere nobis narratum est, patientem omisisse bolum cum diascordio. Sed croci, ut a me præscripti, usu repetito, levioribus symptomatibus diem transegisse. Nam ex lepi sudore pustulæ miliares laudabili modo se extulerunt. A juvantibus itaque indicationem sumentes præscripsimus pulverem sequentem.

℞. Pulv. & Chel. Cancr. comp. ℥ss. Croci Pulv. gr. vi. Mf. f. Pulvis sexta quaque hora sumendus cum julapio.

Die 7mo visa est optime se habere. Alvus ei mediocriter soluta fuit; nempe longioribus intervallis, & sine virium iactura. Neque inde pustulæ miliares disparuere. Quamobrem, ut in uso alterno boli sine diascordio, & pulveris ultimo præscripti cum julapio, persisteret decrevimus.

Vespere symptomata, cum difficili respiratione & diarrhœa, exacerbata sunt. Quare & præscripsimus bolum cum diascordio, & reliqua ut antea.

Die 8vo etiam si bolum sumpsisset cum diascordio, haud tamen ita bene sudasse, aut dormissey, ac post bolum theriacalem a me præscriptum astantes aiebant. Magis enim inquieta fuit & calida, difficilisque adhuc respirabat. Præscripsimus itaque, ut in usu pulveris persisteret.

Vespere videbatur novam pati exacerbationem. Ego vero ultimam nondum penitus finitam esse censui. Loco itaque boli diascordialis theriacalem præscripsimus repetendum.

Die 9no intelleximus, noctem præcedentem fuisse facillimam. Et jam quæque symptomata benigna, pustulasque miliares, & numero & mole auctas vidimus. Præscripsimus itaque in exacerbationis intervallis bolum sine diascordio aut theriaca sumendum. Opiata enim tempore exacerbationis sumpta melius operari, expertum habeo: præcipue si vesicatoria simul applicarentur.

Die

Die tertio, post noctem valde pacatam, ægotam spirituum summo defectu, madore frigido, & universali, præcipue in manibus, fractam mirati sumus. Præscripsimus itaque croci ℥ss. ex haustulo Aq. Lact. bibendum; & suppositorium ex melle spec. hier. cocto intrudendum. Ut lap. Goens. ℥i. cum croci gr. vj, sumeret sexta quaque hora: haustumque cum croco in languoribus & madore frigido. Nec non apozema pectorale, cum linctu oleoso, ad moderandam tussiculam jam primo ortam, ne pustulis ad siccitatem tendentibus materiæ morbificæ residuum in pulmones irrueret.

Diebus sequentibus nihil præter julapium perlatum & crocum, in languoribus sumendum; & dietam nutritiam, præscriptum est. Quibus adeo vires patientis auctæ sunt, ut postea materiæ morbificæ reliquæ in mammarum glandulas tuto secernerentur. Verum ad ejus imbecillitatem habita ratione, pilula tart. Quercet. aliquot vicibus sumpta, materiæ prædictæ maturationem tardare volui. Quo facto, ita bene res cessit sub cura D. Bernard. Chirurgi Regii, ut paulatim, & pene sine dolore, pus generaretur, & paucis post diebus optime convalesceret.

Veruntamen paulo ante proximum puerperium narravit Medico magni nominis se sub præcedente, febre correptam fuisse; & ex calore, quem sensit interno, timere ne similiter recurreret. Quare ille Medicus sanguinis 3x venæ sectione emittendes consuluit. Qua facta, ut foetum in utero languidius moveri statim senserit; itaque cum ad partum ventum esset, adeo debilitata fuit, ut antequam illam adire potuerim, in ipso conatu, ad excludendum foetum (etiamsi hic rite positum) necessario, supremam diem obierit.

Historia Febris Miliaris, ex Frigore prope Mortalis.

Sub finem mensis Julii 1706. vocatus sum ad filiam Dom. Smith. in area Bartholomæi clofe vulgo vocata, statim post partum. Cui obstetricis officium præstitit D. Summers, & D. Springer pharmacopœi.

Post partum passa est fluxum lochiorum nimium, cum pectoris oppressione maxima spirituumque defectu: nec non frequenti pulsu ac debili; manibusque superius pene frigidis.

Quorum symptomatum, cum nulla causa, sive ad infantem, sive ad placentam, habita ratione, apparuerit: a quodam febrili calore, ejus spiritus exhalante, & simul frangente vasorum vim retinendi, pendere videbantur, febremque miliarem, latentem monstrare. Sequentia itaque præscripti.

24. Pulv. e Chel. Cancr. comp. ℥j. Castor. gr. iv. Syr. Paralyf. q. s. Mf. f. Bolus in Cochl. j. Julapii perlato communis sumendus, superbib. Cochl. iv. vel v. Id scilicet mibi met ipsi proposui, ut, facta per diaphoresim secretionem mediocri, moderarer urinam. Nam ut sanguinis fermentatio aut motus violentior secretionem minuit: ita & altera evacuatio alteram. Quem duplicem aphorismum, ex multiplici mea observatione enatum, habeo. Neque adeo tuto vel astringentia præscripsissem, vel opiata. Dum ex nimio lochiorum fluxu, hoc modo diminuto, forsan & fluxus naturalis defectus sequeretur. Cujus rei effectus quantum metuendi sunt, tam Medici, quam obstetrices bene norunt.

Meæque in hac re conjecturæ sumpti medicamenti operatio dedit suffragium. Nam boli usum, ut spirituum antea depressorum elevatio, ita & lochiorum diminutio secuta est.

Dehinc, etiamsi prænoverim, febrem suam naturam brevi patefacturam: ne tamen patientis amici studere me lucro putarent, de illa tacens, consului, ut in usu boli mane, & vespere persisteret, in lecto maneret, seque ab omnium consortio averteret. Ut tranquillii esset animi, pro cibo sumeret puli gallinacei brodium, nec non decoctum avenarum excorticatarum vinosum; & pro potu ordinario, possetum salviatum; addendo singulis haustibus spiritus cornu cervi guttas aliquot, si diaphoresis remissio contingerit: & in languoribus salis vol. oleosi similiter. Hoc facto, patienti in aliquot dies valedixi.

Deinde redeunti mihi narratum est ab adstantibus, mea mandata diligenter illam observasse, & mediocri usam fuisse valetudine; vaporibus solis (ut locuti sunt) exceptis. Spirituum enim defectum, pectusque oppressum passa est, cum vigiliis & animi perturbatione ex obrepente somno. Calore enim & frigore alternis vicibus, sed inæqualibus intervallis, & præcipue in sudoris intermissione recurrentibus, affecta est. E quibus symptomatibus adhuc cerius prævidi, pustulas miales se tandem exhibituras.

Hu-

Hujusmodi fere statum febris retinuit usque ad diem Augusti undecimum. Ubi a prandio vocatus sum ad illam, syncope ex improvise correptam; quamque brevi morituram amici aestimarunt. Cum illi adsum, e lecto surrexisse intellexi, & deinde statim in synopen incidisse: nec ab ea evalisse, donec in lectum redierit. Ego vero pustulas miliares editas fuisse subolens, & ab irruente frigore retrocessisse; eas equidem in denudato pectore deprehendi, sed inter surgendum depressas.

In hoc casu non ad vehementer calida censui confugiendum, ne, nimis sanguinis accelerando motum pustularum uberiores proventum, magisque aspectabilem impedirem. Verum istiusmodi potius elegi medicamenta, quæ, cum mitiora sint, felicius excitarent diaphoresin, & emittendo pustulas, depressus spiritus elevarent. Sequentem itaque in modum præscripsi.

℞. Conf. Acetos. ℥j. Bezoar. Origen. Croci ʒss. Syr. Paralyf. q. s. Mf. f. Bolus sumendus e Cochl. j. Julapii sequentis, superbib. haustum ejusdem.

℞. Aq. Ceras. nigr. ℥. x. Angel. comp. ʒiss. Sacch. perlari q. s. Mf. f. Julap. de quo sumat haustulum ut supra, & in languoribus. Repetatque Bolus sexta quaque hora.

℞. Salis Vol. Oleos. ʒss. sumat gutt. xx. eam potus ordinarii haustulo aliquoties in die. Es subpedalia Emplastra applicentur.

Die 12mo multo melius se habuit. Spiritus enim nec adeo depressi sunt, neque perturbati; pustulaeque magis confertæ, & expansæ, magisque extumere. Unde eas ex frigore retrocessisse patet. Alias enim tantum progressum, tamque subitaneum fecisse, minime existimandum est. Jussi itaque ut in usu boli, & Julapii persisteret, sumeretque in languoribus Aq. Theriac. tenuioris Cochl. ij.

Die 13tio cum quæque viderim laudabilia, ne sæpe visitando tædium patienti asferrem crearemque sumendorum odium, sequentia, usque ad diem decimum septimum, continuanda jussi.

℞. Pulv. e Cbel. Cancr. comp. ℥j. Castor. gr. iv. Syr. Paralyf. q. s. Mf. f. Bolus sexta quaque hora sumendus cum Julapii perlari haustulo.

℞. Castor. gr. vj. Assæ fætid. gr. xij. Syr. Paralyf. q. s. Mf. f. pilule n. vj. sumat. ij. in Intervallis, ad fluxum Lochiorum continuandum.

Die 17mo pustulis jam exsiccatis, patienti usquequaque recte se habuit. Excepto quodammodo frigido madore, per intervalla, recurrente. Cui ut occurrerem, provideremque ne quid mali a pustulis jam deletis accideret: jussi, ut in usu boli dies decem persisteret. Et si e lecto surgendo defici spiritus sentiret, statim in eundem rediret, bolumque præscriptum sumeret. Quibus obtemperando præceptis, perfecte convaluit.

Historia Febris Miliaris, cum Delirio maxime furioso.

MAji 24. 1699. evocatus sum ad D. *Povvell*, in platea *Basinghall street*. vulgo dicta, Ancillam; cui D. *Dalton* erat pharmacopæus.

Hæc primo capitis dolore, & frigore caloreque alternis, sed mitioribus, rure affecta fuit. Una cum magno spirituum defectu, & pectoris oppressione suspiria cogente. Quæ symptomata, a mensibus obstructis, & exinde vaporibus (ut vulgo loquuntur) provenire, domestici putarunt.

Cum autem indies ingravescerent, primo nocte visitationis prædicto, illam pulsu frequenti ac debili, maximoque languore vidi laborantem, adeoque vehementer delirabat, ut penitus nesciverit responsa dare; vociferabaturque, etiam in vicinorum molestiam. Unde & judicavi, hanc febrem fore miliarem. Sed ex omisso hætenus debito regimine, materiam pustulis generandis aptam, partim inhzrere sanguini, & ex parte nervis impelli.

Præscripsi itaque enema, ex Decoct. communis pro Clyst. ℥vij. Mellis Mercur. ʒij. Sacchar. rubr. q. s. injiciendum quamprimum. Vesicatoria etiam carpis applicanda, & ab enematis finita operatione, bolum sequentem sexta quaque hora sumendum.

℞. Conf. Acetos. ʒss. Pulv. e Cbel. Cancr. comp. ℥j. Croci gr. iv. Sem. pæon. gr. vj. Syr. Atrip. q. s. Mf. f. Bolus in Cochl. j. Julap. sequentis sumendus superbib. Cochl. iv.

℞. Aq. Ceras. nigr. ℥vij. Aq. pæon. comp. Syr. Atrip. an. ʒj. Mf. f. Julapium.

Ad deobstruendos menses pilulas sequentes præscripsi.

℞. Assæ fætid. gr. x. Castor. gr. v. Syr. Atrip. q. s. M. f. pilul. vj. capiat ij. sexta quaque hora Bolorum usui interposita.

Et

Et in furorem, si insomnis fuerit, ut ad-
datur bolo circa horam quartam matutinam
sumendo, *Laudan. Lond. gr. j.*

Die 25to pulsus ei, ut antea, frequens
ac debilis, perstititque vociferari. Non au-
tem continuo deliravit. Bolum itaque cum
laudano amici omiserunt, proinde & ipse
bolum sine laudano, cum julapio, & pilu-
lis, continuandum præscripsi.

Vespere paulo melior erat morbi facies
ac matutino tempore. Coeperunt enim su-
dores jam effluere, pauculæ in pectore pu-
stulæ miliares pullulare. Alvus tamen, ene-
matis antea præscripti vim eludens, adhuc
valde stricta fuit. Quamobrem & aliud
jussi injiciendum.

℞. Decoct. commun. pro Clyst. ℥viii. Elect.
Lenit. ℥j. Conf. Hameeb. ℥ss. Sacch. rubri
q. s. Mf. f. Enema.

Et ab enematis operatione finita, ut su-
meretur bolus sequens.

℞. Conf. Acetof. ℥ss. pulv. Chel. Cancer.
comp. ℥j. Syr. Melissa q. s. Mf. f. Bolus
quinta quaque hora sumendus.

His addidi mucilaginem ex semine eydon.
& psyllii decocto hordei extractam, &
syr. e rubo idæo edulcoratam; sumendam
cochleatim, sensimque deglutiendam.

Die 26to ab astantibus intellexi, somni
paululum obrepisse patienti post enema re-
jectum, totamque noctem continuasse dia-
phoresin. Plures etiam jam exitere pustu-
læ, suspiria fuerunt ratiore. Præscripti ita-
que bolum repetendum.

Vesperis mihi narratum est, ægrotam
omnia symptomata de novo passam fuisse:
Et in vehemente suo furore se adeo in-
lecto jactasse, ut inde sudores subsisterent.
Quos ut resituerem, spirituumque turbulen-
tiam pacificarem, camphoræ usum, (in si-
mili casu sæpe a me expertum) cum emul-
sione sequente consului.

℞. Sem. Papav. albi ℥ij. Amygd. dulc.
decoct. n. xv. Contund. cum decoct. Hord. q.
s. a fundendo deinde ejusdem decocti ℥iij.
Edulcoretur Colatura Saccharo albo pro potu
ordinario.

Jussi etiam ut julapium repeteret, & bo-
lum cum laudano die sequente mane.

Die 27mo dictum est, patientem a sumpto
laudano vix quicquam dormire potuisse.
Ex usu autem camphoræ totam noctem
perstitit diaphoresis, pustulæque plures ex-
citere. Jussi itaque bolum sine laudano con-
tinuandum.

Die 28vo eadem pustulæ miliares visæ
Sydenham Opera Med. Tom. I.

sunt incredibili stipari numero. Quæ at-
tamen haud usque adeo profecerunt, quin
delirium vociferansque furor recurrerent.
Cum itaque Antimon. diaphoretici vim,
tam ad pustulas expellendas, quam ad com-
pescendum delirium, sæpe expertus sum, se-
quentia præscripsi.

℞. Antimon. Diaphor. Pulv. e Chel. Can-
cr. comp. an. ℥ss. Mf. sumatur ter de die
e Cochl. j. Julap. sequentis, superbib.
Cochl. v.

℞. Aq. Ceras. nigr. ℥vj. Meliss. ℥jv.
Epidem. ℥ij. Syr. Melissa ℥j. Mf. f.
Julap.

Et ad calorem internum ac sitim, lin-
guamque sordidam ac siccam, præscripsi De-
cocti Hord. ℥ij. Syr. Viol. ℥ij. edulcora-
tas pro potu ordinario.

Die 29no post noctem multo quietiorem
quam antea, pustulæ sunt adhuc amplio-
res. Unde & vociferatio, & delirium ac-
cepere temperamentum. Lingua tamen ma-
nusque arida sunt. Præscripti itaque ut
bolo addatur Lap. Prun. ℥ss; ut bibat sin-
gulis diebus Apozematis ℥ij. & ut Empl.
Vesicat. Tibiis applicarentur.

Die 30mo omnia symptomata optabilia
sunt. Quare ut persisteret in novissime præ-
scriptorum usu ad Junii 12. consului.
Tandem, circa Junii 16. præscripti Pil.
Tart. Q. ℥j. secunda vel tertia quaque
nocte sumend. ad sextam vicem. Qui-
bus sumptis, perfecte, & præter omnium
domesticorum, & visitantium expectatio-
nem, convaluit.

Historia Febris Miliaris cum lesa memoria.

A Prilis 4to 1701. vocatus sum ad D.
Butler in Newington Butis, cui ut phar-
macopæus inserviebat D. Hunter.

Ille, dum iter ad Londinum confecit,
maximo dorsi dolore, cum ventriculi ægri-
tudine, vomitione & dysuria, correptus
est. Quæ symptomata sibi visa sunt simpli-
citer nephritica. Et medicamenta quædam
huc referentia frustra sumpsit. Prædicto die
ad eum accessi. Et quoniam antecedentia
narrando, spirituum defectum, & suspiria
tacuisset, sequentem præscripsi haustum eme-
ticum.

℞. Salis Vitrioli Vomitiv. ℥ij. Divide in
Doses sex. Sumantur singula ex Aq. Jugland.
Z z comp.

comp. Coch. j. superbibendo haustum possiti
sol. Card. bened. alterati. Et Vomitione fini-
ta, ut sumeret Pil. Stomach. cum Gum.
ʒij. ad Humorum, & Vomitorii eliminan-
das reliquias, & ad mundificandas vias Uri-
narias, ut die sequente mane bibat *Aque*
Stretbamenf. ʒij.

Die 5to cessabant vomitus, & ægritudo,
libereque tam per urinam, quam per se-
dem, aqua cathartica effluxit. Dorsi ta-
men persistit dolor, etiam si mitiori gradu.
Caloreque ac frigore, vicibus alternis, sed
inæqualibus, captus est. Pulsus etiam illi
erat frequens ac debilis. Spirituumque pe-
nuria, & pectoris oppressione suspiria provo-
cante, vexabatur. Unde conjecturam feci,
hanc febrem miliarem esse futuram & se-
quentia præscripti.

ʒl. Lapid. Goens. Pulv. de gutt. an. ʒʒ.
Ms. f. Pulvis e Julapii perlato haustulo sexta
quaque hora sumendus.

Die 6to Languor, & suspiria leviora
sunt. Cum vero dorsi dolor potius ingra-
vesceret, præter pulverem antea præscriptum,
monui enema ex decocto communi, & mel-
le mercuriali injiciendum. Eoque rejecto,
ut Pulv. e Chel. Cancr. com. ʒj. ex hau-
stu sequente sumeret.

ʒl. Aq. Laet. alex. ʒij. Epidem. Syr. de
Meconio, Ol. Amygd. dulc. an. ʒʒ. Ms. f.
Haustus. Demumque, ut pareretur Mucilago ad
emolliendam linguam.

Die 7mo dolor fit mitior; spiritus au-
tem perturbati sunt; & depressi: forsan ex
sumpto syrupo e meconio nocte præceden-
te. Præscripti itaque emplastra vesicato-
ria quamprimum brachiis internis applican-
da. Et ad continuandum sudorem haustum
sequentem.

ʒl. Aq. Laet. alex. ʒij. Epidem. ʒʒ. Lap.
Goens. Pulv. de gutt. an. ʒj. ms.

Et spirituum defectu urgente, ut hau-
stum Julapii perlato, & Aq. Theriacal.
Coch. j. aut ij. vicibus alternis sume-
ret. Et ad linguam manusque jam paulisper
tremantes, ut cum haustu potus ordinarii
spiritus Layend. comp. gutt. xx. capiat ali-
quoties in die.

Die 8vo pustulæ miliares in conspectum
venere. Ideoque multo lenior factus est
dorsi dolor; spiritusque minus defecerunt,
neque adeo sunt perturbati. Jussi itaque ut
sumeret alternis vicibus haustum ultimo præ-
scriptum, & holum sequentem.

ʒl. Bezoard. Orient. Croci an. ʒʒ. Syr.
Paralif. q. s. Ms. f. Bolus.

His addidi apozema ex Aq. Hordeatz
ʒij. & syr. viol. ʒij. Ut & medicamentis
& pustularum materiæ expellendæ sit vehi-
culum. Nec non ad renes viasque urina-
rias abluendas: Alvumque plerunque stri-
ctiorem, leviter relaxandam. Et apozema-
tis hausti Aq. Theriacalis aliquot cochlea-
ria minuscule suasi addenda.

Die 9no auctus erat tremor, nec sine
quibusdam indicibus levioris delirii. Inquan-
tum tamen pustulæ, adhuc plures majores-
que existerunt, spiritusque fuerunt minus
depressi, jussi, ut in omnium antea præ-
scriptorum usu persisteret.

Die 10mo symptomata; die præeunte
mala, emendantur. Verum jam orta tussis
levicula molestiam patienti attulit. Ideoque
ne materiæ morbificæ reliquæ pulmonibus
post pustulas desiccatas irruerent, sequen-
tem sinctum præscripti.

ʒl. Ol. Amygd. dulc. ʒij. Syr. Heder. terr.
Capill. Vener. an. ʒj. Sacch. albiss. q. s. Ms.
f. Linctus.

Et ut loco apozematis antea præscripti
bibat sequentem ptisanam instar potus or-
dinarii.

ʒl. Decoct. pectoral. depurat. Aq. Laet.
alex. an. ʒʒ. Ms.

Et ut sumat sequentis mixturæ gutt. xx.
cum haustu ptisanæ in languoribus.

ʒl. Tint. Castor. ʒij. Salis Vol. Oleos. ʒʒ.
Ms. Demumque ut in usu Haustus, & Bo-
lorum persisteret.

Die 11mo cum omnia pene eadem ac in
die præcedente viderim, jussi ultimo præ-
scripta continuanda.

Die 12mo ex noctis præcedentis vigiliis
quodammodo perturbantur spiritus; sed mi-
nime defecerunt. Quoad reliqua, mediocri-
ter etiam se æger habuit; pustulæque
in desiccationem inclinarunt. Ne tamen
morbi reliquæ in sanguinem nervosque trans-
ferrentur, vesicatorium inter scapulas præ-
scripti applicandum, usumque bolorum, &
julapii perlato repetendum.

Die 13to a febre liberatur, excepta qua-
dam spirituum perturbatione levicula. Ad
quam enema repetendum jussi; holumque
cum julapio mane, & vesperi, & in lan-
guoribus sumendum, ne medicamentorum
usui nimis subito defuisceret.

Die 18vo ex pilularum quarundam ca-
tharticarum usu sensit se capite multum le-
vari. Deinceps, etiam si pulmones precau-
tione antea memorata evasere salvi, ex
morbi tamen reliquiis versus exteriora pro-
pulsis,

pulsis, apostema fuit genitum: quod sub cura D. Hunter brevi sanatum est.

Ex hac febre licet aegroti memoria lata fuit maxime, exquisitæ tamen diæte usu, post bimestre spatium perfecte redintegrata est.

N. B. Symptoma in febre miliari primo sensibile partem antea affectam fere semper occupare; ut in casu jam supra descritto contigit.

Historia Febris Miliaris ex sumpta Emulsione lethalis.

Die 10mo Septembris 1700, vocatus sum ad viri admodum honorab. D. Trevor Aurigæ uxorem, in Candelariorum societatis adibus habitantem, & jam puerperam; cuique pharmacopœus erat D. Hunter.

Tertio a partu die, febrili horrore, caloreque succedente, febris lactez simili, correpta est. In maximum etiam languorem, pectorisque oppressionem cum suspiriis incidit, insomnis diem noctemque transegit. Quæ symptomata, cum mere hysterica vulgo putarentur; ægrotæ hæc hysterica etiam medicamenta, sed frustra sumpsit. Quamobrem a digniss. viro D. Thoma Lane Equite Aurato, cui patienti maritus olim infervierat, visitare illam exoratus sum. Quam cum primo adiverim, pulsu frequenti ac debili, perturbatis spiritibus, oppresso pectore, suspiriis caloreque interno, laborantem vidi. Et licet urina ejus esset sanorum similis; palmæ tamen caluere. Quæ omnia ut febris miliaris mihi visa sunt indicia; ita & quedam pustulæ, in illius deinde denudato pectore conspicuæ, hanc meam conjecturam comprobaverunt. Præscripti itaque secundum meam usitatam methodum pulverem sequentem, sexta quaque hora sumendum.

℞. Pulv. & Chel. Cancr. comp. ʒj. Croci ʒss. Ms. f. Pulvis.

Die 11mo pustulæ miliares mirum in modum conspiciantur. Unde & nox patienti transit placidissime; spirituumque perturbatio, & suspiria fuere mediocria. Præscripti itaque ut in pulveris, & julapii usu triduum persisteret; sumeretque in languoribus spir. C. C. guttas aliquot in potu ordinario.

Die 14to pustularum eruptio fuit adhuc

magis conspicua; languore & oppressione pectoris jam devictis. Nam præter calorem internum vix quicquam mali sensit. Forasan autem persistit iste calor, quod ægra diluentia, vel nondum, vel non satis potavisset. Ideoque lactis aquam alexiteriam instar potus ordinarii bibendam præscripsi. Et ut sumat aquæ theriacalis aliquot cochlearia in haustu ejusdem, ad servandum inter potum & medicamenta æquilibrium: præcipue, si vel languor, & oppressio recurrerent, vel remitteretur diaphoresis. Deum, ut vesicatoria brachiis internis applicarentur, tam ad pustulas felicius ampliandas, quam ad mala quæcunque accidentia avertenda.

Diebus 15to & 16to cum eadem esset morbi facies, ultimo præscripta censui repetenda.

Die 17mo ex usu Aq. Lactis intermissa incidit ægrotæ in levem dysuriam. Statim itaque D. Hunter pharmacopœus, eoque absente, alter accersitus est. Qui dum solummodo dysuriam præ oculis haberet, emulsione libram bibendam misit. A cujus usu statim substitit diaphoresis, maximaque oppressionem & dyspnoea prehensa fuit. Tandem & me vocarunt. Sed antequam illam adiverim, de ea conclamatum est, & brevi obiit.

Ex historia jam supra descripta patet, quam maximum periculum in hac febre ab errore, etiam minimo pendere potest.

Historia Febris Miliaris, cum Ulcere, Calculoque Renum.

Febr. 27mo 1707. vocatus sum ad D. Cours, in Vico Mark lane vulgo dicto, jam puerperam; cui D. Hunter ut pharmacopœus ministravit.

Annos aliquot sinistri lateris dolorem sustinuerat. Quem a splene genitum plerique ob id æstimarunt, quod prope partem lineis anticam latus occupare videretur, cum sinistri renis antica pars esset revera affecta.

Ex morbo nephritico totum ægrotæ genus nervosum imbecillitatem atque vitia contraxerat. In pyralisimum frequenter incidere solebat. Et per bimestre spatium ante partum passa est internum calorem. Qui (ut antea monui) sæpe & præcipue in gravidis paulo ante partum febrem milia-

Vesperis convenimus. Et statim a consultatione inita, iste Medicus, primariam indicationem pro continuanda diaphoresi flocci faciens, medicamentis valde caloricis opus esse urget. Quibus a me reiectis, sequentia præscripsimus.

℞. Lapid. Goens. ℥ss. Oculor. Cancr. pp. ℥j. Croci, gr. iv. Syr. Pæon. comp. q. f. Ms. f. Bolus hora nona sumendus in Cocbl. j. Julapii sequentis superbib. Cocbl. v.

℞. Aq. Meliss. ℥vj. Puleg. Bryon. comp. an. ℥ss. Oculor. Canc. pp. an. ℥ij. Sacch. albiss. q. f. Ms. f. Julapium.

Et ut applicentur emplastra epispastica super carpis.

Martii imo nobis narratum est, patientem nocte præcedente insomnem fuisse: & jam inquietudine, calore, & delirio laborare vidimus: medicamentum enim sudorificum, diluensque omissa fuere. Proposui itaque antimonii diaphorici usum, medicamenti, scilicet ad pustulas miliares emittendas nec non ad levandum delirium, a me sapissime probati. Ille vero, postquam diu renixus est, tandem mihi assensit; convenitque inter nos sequentia præscribere.

℞. Antimon. Diaphor. ℥j. Lap. Goens. gr. xij. Castorei grana aliquot, Syr. Caryoph. q. f. Ms. f. Bolus sexta quaque hora sumend. cum Julapio antea præscripto.

Et ut emplastra subpedalia applicarentur.

Die 2do involuntarie quidem urina extilaverat; sed id a vesicatoriis, ut videbatur. Domiti enim delirii loco sana mens rediit. Respiratio etiam erat faciliior; motusque convulsivi vix quicquam sensibiles. Vidimusque pustulam quandam rubram super inspecto collo. Quod alter Medicus, hanc febrem haud esse miliarem, arguere contendit. Quem errorem postquam illi ex aliis symptomatibus parefecissem; concordi animo eadem quæ ultimo præscripta sunt, continuari iussimus.

Die 3io in denudato pectore pustulas miliares absque ullis alterius generis conspeximus. Unde & quæque lenita sunt symptomata. Quamvis enim per noctem pene insomnis fuisset, ex leni tamen diaphoresi, quietudine, animique tranquillitate, & respiratione facili fruebatur.

Nihilominus ille idem Medicus, eorum loco, quorum usu finem desideratum obtinimus, calida medicamenta, ad spiritus, ut ajebat, exaltandos, usurpari voluit. Ego vero, post longam discrepationem, cum assentire minime ausus sim, ipsum, ut per

se faceret experimentum, permisi. Interim pharmacopœum cubiculariamque monui, ut horum calidorum effectum accuratissime notarent. Ille vero sequentia præscripsit.

℞. Conf. Alchem. sine odor. ℥ss. Pulv. e chel. cancr. comp. Lapid. Goens. contray. an. gr. xij. Salis Succin. gr. v. castor. gr. iij. Syr. e cort. citr. q. f. Ms. f. Bolus sumendus quinta quaque hora, superbib. Julap. sequ. cocbl. iv.

℞. Aq. Meliss. Lact. alex. an. ℥iv. Scordii comp. ℥ij. Bryon. comp. ℥iss. Margar. pp. ℥iv. Sacch. albiss. q. f. Ms. f. Julapium, sumendum ut supra præscriptum est, & pro libitu in languoribus.

Die 4to nobis narratum est, ægrota noctem valde inquiete transisse. Ita ut præ anxia quadam ægritudine sudores calidi per totum corpus ei effusi sint, & (ut asseveravit pedissequa) lintea mordere cogeretur. Ad hæc maxima oppressione & dyspnœa, motibusque convulsivis magnis, & frequenter repetitis afflicta fuit. Quæ omnia pulsus frequentissimus, & vermicularis comitabatur.

Forsan prædicta dos, quoad quantitatem, non adeo calorifica videbatur. Cum tamen brevioribus intervallis, & ab ægrota, jam & antehac ad febrilem effervescentiam proclivi, sumeretur; & ubi ren suo proprio morbo fuit affectus, minor dos, instar majoris valere potuit.

Cæterum ille alter Medicus, cum ad consultandum secesserimus, a me quæsit, quid esset tandem faciendum. Ego vero respondere haud dubitavi, locum consultandi dari nullum, nec quidem sperandi. Ille vero a sudoribus salutem promisit. E contra, eos ex agonia, & morbi veneno esse mere colliquativos admonui. Demum, post quædam alia hic illic objecta, sequentia præscripta sunt.

Applicentur empl. vesicat. ampla, & acria femoribus internis. Et repetantur subpedalia.

℞. Bezoar. Orient. ℥j. Antimon. Diaphor. gr. xij. Conf. Alchem. sine odor. ℥j. Syr. Caryoph. q. f. Ms. f. Bolus quamprimum sumendus, superbib. Julapii ultimo præscripti Cocbl. iv.

℞. Tinct. Castor. ℥ij. Capiat gutt. xvi. in haustu potus ordinarii.

℞. Decoct. alb. ℥ss. Aq. Cinnam. bord. ℥iv. Sacch. albi q. f. Ms. pro potu ordinario. Sed, ætequam parata erant medicamenta, ægrota hæc mortua est.

In dissecto cadavere intestina, ut sæpe solent, statibus valde distenta vidimus; & illorum vasa capillaria sanguine referta. Majora vero, & præcipue in peritonei interna superficie, stagnante sanguine quasi nigricantia, gangrænz similitudinem præ se ferebant: scilicet, circa dextrum latus, ubi nuper ægra de dolore maxime querebatur. Nam antea latus præcipue sinistrum ei doluit. Ideoque sinistri renis parenchyma conspeximus absumptum, tunicasque pure plenas, & calculo magno, cum quibusdam parvulis infima, & antica parte positis. Ren dexter videbatur fere sanus; & similiter hepar, atque uterus. Vesica vero fellea bile flavissima & subflavis lapillis distenta erat.

Ex his patet, dolorem diuturnum, & in recensione symptomatum memoratum, a sinistri renis calculo; hecticam autem intemperiem, ab ulcere, & forsan e vesicæ felleæ lapillis, bilis exitum præcludentibus, pendere. Doloremque recentem in regione dextra a stagnante sanguine. Qualem dolorem, hoc est recentem, in aliis etiam cadaveribus sanguinis stagnationi conjunctum sæpe comperi.

Historia Variolarum cum pustulis Miliaribus.

Julii 15. 1706. vocatus sum ad Dominam Bek, D. Bek Mercatoris celebris uxorem; quæ tum temporis, apud *Hampstedium* commorata est; cuique D. *Schervood* erat pharmacopœus. Hæc, cum antea perfecta valetudine usa fuisset: 14to die Julii, dolore dorsi vehementi, cum oppressione pectoris, atque altis suspiriis, spirituumque defectu, correpta est. Ex quibus symptomatibus, febris miliaris signis pathognomonicis, novi hanc esse hujus generis, pustulasque miales se brevi exhibituras prædixi. Et de expectandis variolis feci etiam conjecturam. Eo magis probabilem, quod tum temporis longe lateque grassabantur. Consului itaque illam ad visitationes facilitandas, in *Londinum* deferri. Et ut tutius suum iter perficeret, *Pulverem ex Bezoar. Orient. & Putv. & Chel. Cancr. comp. an.* ʒj. *sumendum præscripsi.*

Die 16to variolæ cum pustulis miliaribus interjectis emicuerunt. Præscripsi itaque pulv.

e chel. cancr. comp. ʒi. cum Julapii perlati communis haustulo, sexta quaque hora sumendum. Ad præveniendam diarrhœam dyspnœamque, tum decoctum album, tum pectorale, alternis vicibus bibenda. Quibus etiam provisum est, ne pustularum miliarium variolarumque materiæ emittendæ desit vehiculum: & ut melius linguæ viscositas inhiberi possit. Præscripsi etiam astringens gargarisma, ut ejus usu variolas de faucibus repellerem.

Die 17. pustulæ miales, & variolæ numerosi exabant. Capite, gutture, Thorace, ventriculo, ægra bene se habebat. Oppressio etiam, & defectus spirituum fuerunt mitiores. Tantum insomnis erat, ut febre miliari correpti solent. Suasi itaque ut in omnium die præcedente præscriptorum usu persisteret.

Vespere paulum delirabat. Non a pustularum miliarium aut variolarum paucitate, satis enim erant numerosæ; sed ex perpetuis vigiliis. Ad quam consecutionem *Fracastorii*, in hac febre vel laudano vel diacordio potiorum, in sequente haustu præscripsi.

24. Aq. Ceras. nigr. ʒiiij. Epid. ʒiiij. Conf. Fracast. ʒj. Ms. f. Haustus persistente Delirio sumendus.

Die 18vo a nocturno somno delirium patatum fuit. Ægrotæ autem embryonis recenter concepti abortum, verum absque ullo malo symptomate, passa est. Jussi itaque ut in usu antea præscriptorum persisteret. Addendo pulv. e chel. cancr. comp. singulis scrupulis margarit. pp. gr. vij. quo certius, & a diarrhœa, & a nimio lochiorum fluxu præcaverem.

Vespere variolæ satis erant conspicuæ. Ægrotæ tamen summa pectoris oppressione, spirituumque defectu laborabat cum suspiriis. Quæ symptomata, cum lenem & continuam diaphoresin indicaverint, præscripsi pulv. e chel. cancr. comp. usum sine margaritis, & cum Julapio seq.

24. Aq. Meliss. ʒviiij. Pæon. comp. ʒij. Syr. Caryophil. ʒj. Ms. Julap.

Suasi etiam ut persisteret in usu apozematis pectoralis, addendo singulis haustibus spir. C. C. gutt. xx. Tum ad levanda ex oppressione suspiria, tum ad continuandam uberiores diaphoresin. Ubi enim per se extant variolæ, spiritusque elevari possunt sine diaphoresi; sale volatili oleoso potius quam spiritu C. cervi utor.

Die 19no facies atque artus paulisper tumue-

nuere. Variolæ autem pleræque exsiccat, & colore quasi cornæ videbantur. Oppressio etiam magna erat, & suspiriis conjuncta; sed sine spirituum defectu. Habita itaque ratione ad partium & variolarum tumorem, & pustularum miliarium eruptionem, julapium seq. præscripti.

℞. Aqu. Ceras. nigr. ℥x. Pæon. comp. ℥i℥. Confect. Fracast. ℥j. Spec. Conf. de Hyacinth. sine odorat. ℥ij. Syr. & Mecon. ℥ & Cort. Citr. an. ℥℥. mf. f. Julap. de quo sumat Coch. iv. tertia quaque hora. Eo fine, ut ex dosibus, brevioribus intervallis sumptis, ægra perpetua quietudine in lecto jaceret. Eoque modo a frigore externo, & non semper variolarum, vesicularum tamen miliarum eruptioni inimico, præcaveretur. Præscripti etiam, ut ad tussim dyspnœamque saltem minuendas, in usu apozematis pectoralis persisteret. Et cum variolæ jam & in collo & in toto corpore plene expulsæ fuerint, loco astringentis gargarismatis lenientem substitui.

Vespere quiete, sed pene insomnis, jacuerat. In vola manuum, ubi cutis valde crassa, variolæ videbantur vesiculæ sero limpidò plenæ; in aliis partibus quasi exsiccat. Præscripti itaque, ut in apozematis pectoralis frequentia persisteret; scilicet, ad materiam & variolis & salivationi præbendam. Et ad majorem cautelam, ne aut variolæ aut pustulæ miliares versus interiora remearent, haustui apozematis, aquæ theriacal. coch. j. sæpe addendum monui. Et ut tumorem partium promoverem, hora somni haustum sequentem bibendum.

℞. Aq. Paralyf. ℥ij. Theriacal. ℥iij. Confectionis Fracastorii ℥j. Syr. de Mecon. ℥℥. mf. f. Haustus.

Die 20mo omnia in eodem statu perdurarunt symptomata. Jussi itaque ut in usu mixturæ pacificæ antea præscriptæ quarta quaque hora persisteret. Et in usu apozematis, julapii, & gargarismatis.

Vespere, cum eadem videretur morbi facies, eadem quæ prius præscripti continuanda. Et ut Julapii sequentis haustum sumeret in languoribus.

℞. Aq. Meliss. ℥x. Pæon. comp. Epidem. an. ℥i℥. Syr. Pæon. comp. q. f. mf. f. Julapium.

Die 21mo ægra fere eadem ac antea. Id tantum jam querebatur, totum corpus vehementer prurire. Præscripti itaque ut in usu omnium persisteret, præcipue, mixturæ pacificæ, ne inquietudine ex pruri-

tu pateret frigori, eoque pustulæ miliares recederent.

Vespere, cum in eodem statu fuisset ac matutino tempore, visum est omnia jubere continuari. Eo potius, quod ex usu apozematis pectoralis gargarismatisque frequente omisso, salivationem (ut in variolis siccioribus, & corneis solet) sisti viderim. Hincque patet, cur multi, circa diem a morbi principio undecimum moriantur. Nimirum, quod nimis parce ad diluendum attenuandumque sanguinem, & materiam in salivationem præparandam biberent. Unde & oneri succumbit natura, faucium subsidit tumor, cum gravissima dyspnœa, quæcunque expectorantia eludente; demumque ex alvo semel aut bis soluta, vel mensium fluxu, subito mortem obeunt. Calida quoque medicamenta, a multis præscripta, dyspnœam siccitatemque gutturis, & linguae inferendo, simili epilogo præludunt. Semper itaque usque ab initio, & per totum progressum morbi diluentia præscribo. Nec cerevisiam tenuem pane tosto alteratam prohibeo; nisi ægritudo, vel diarrhœa contraindicaverint.

In difficili respiratione, & ubi salivatione maxime opus est, indicationes pro medicamentis valde calidis nullas agnosco. Cæterum, si forsan, non obstante eorum usu, patientes evadant, viribus naturæ referendum est. Partium extumescentiam opiata satis bene promovent; & salivationem diluentia. Calida autem medicamenta, sanguinis accelerando motum, utrumque inhibent. Etenim fermentatio, & secretio contemporanæ, nullo modo consistunt. Cujus rei exemplum nuperrime vidi singulare in domino *Huttsell*. cui pharmacopœus erat D. *Lancashire*. Is enim cum mali moris variolis laboraret, & ex sumpta tincturæ croci, vel confect. alchermes tantum pusilla dosi, febris vehementius accenderetur, coactus sum oculos cancerorum, margaritas, & similia, cum diluentibus præscribere. Quorum benigna vi ægrorum ex orci faucibus ereptum sanavi. Sed ad historiam præ manibus jam redeo.

Die 22do intellexi generosam mulierem, cujus hic casum narro, nocte præcedente vix dormiisse. Multum de calore interno querebatur, palluitque urina. Unde & metastasim materiæ, aut pustularum miliarium, aut variolarum metui. Præscripti itaque sequentia.

℞. Decoct. Pectoral. depurat. Aq. Laet. alex.

alex. an. ℥ij. Theriacal. ℥ij. Ms. sumat haustum aliquoties in die.

Et quo melius, non solum variolas, diluendo, sed & pustulas miliares, spiritus roborando foverem, julapium cum diascordio antea præscriptum, & alterum cordiale, una cum diluente julapio, vicissim sumenda præscripsi.

Vespere in eodem statu persistit. Ideoque eadem medicamenta jussi continuanda.

Die 23tio nempe a morbi principio undecimo, ægrotā incidit in aliquanto gravius quam hætenus periculum. Nam totam fere noctem insomnis fuerat. Potius, ut mihi videbatur, a pustularum miliarium vitio, quam variolarum, Præscripsi itaque *Pulv. e Chel. Cancr. comp. ℥j. cum Julap. perlato sumendum octava quaque hora.*

Vespere ter alvus descenderat. Jussi itaque paregoricum antea præscriptum quamprimum repetendum. Et post singulas sedes, mixturæ cum conf. Fracast. cochl. iv. bibenda; addendumque decoctum album. Et ad alia symptomata, ut sint in promptu mucilago, & gargarisma, necnon apozema pectorale spiritu sulphuris leviter acidulatum.

Die 24. narratum est, febrem totam noctem intensiorem fuisse. Facies manusque, sed hæc minus, detumere. Ad hæc persistit diarrhœa; desecere spiritus, respiravit difficillime, & salivatio declinavit. Quibus symptomatibus ultimo præscripta methodo occurrendum eensui: Addendo oxymelitis scillit. cochl. j. aq. cinnam. hord. dilutum. Et ut pulv. e chelis canceror. comp. apozematique pectoralis in usu persisteret; cum spiritus corn. c. gutt. xvj. in singulis haustibus apozematis. Et in diarrhœam, mixturam cum confect. Fracast. statim & post singulas sedes sumendam jussi.

Vespere facilius respirabat. Verum ex sumpto oxymelite scillitico aliquoties vomuerat. Julapii itaque sequentis haustum urgente vomitu bibendum præscripsi.

℥j. Aq. Mentb. ℥x. Pæon. comp. ℥ij. Sp. rit. Mentb. gutt. x. Syrup. Mentb. ℥j. ms. f. Julapium.

Die 25to narratum est patientem nocte præcedente calore febrili valde accenso gravatam fuisse; nec non delirio, respiratione difficili, & diarrhœa; minime autem modo paroxysmi regularis. Variolas etiam ubique nigricantes, quasi gangræna tactas, apparuisse. At cum mane accederem, symptomata hæc vidi maxime diminuta, & vomitio penitus suppressa. Ad tracheæ autem,

quam nunc passa est, strangulationem, pilulas sequentes sumendas curavi.

℥j. Castor. gr. vj. Assæ fatid. gr. xij. Syr. Paralyf. q. s. ms. f. Pil. n. vj. Et ut persisteret in usu ultimo præscriptorum.

Vespere exacerbatio febrilis, cum vigiliis, delirio, dyspnœa, sedibus, motibusque convulsivis, fuit repetita. Emplastra itaque subpedalia, vesicatorium inter scapulas, bolumque cum julapio sequentem præscripsi.

℥j. Spermat. Ceti, & Pulv. e chel. Cancr. comp. an. ℥j. Laud. Lond. gr. j. Syr. Paralyf. q. s. Ms. f. bolus sumendus statim, superbibendo Julap. seq. Cochl. iv. & deinceps per intervalla.

℥j. Aq. Rutæ, ℥x. Pæon. comp. ℥ij. Sacchar. albi q. s. Ms. f. Julapium. Ut persistat in usu apozematis pectoralis, & mixtura cum confect. Fracast. pro re nata.

Die 26to intellexi, noctu ægram perturbatam fuisse inquietudine, & delirio, nec non sedibus, spirituum defectu; sed sine suffocatione. Imperavi itaque ut in usu ultimo præscriptorum persisteret.

Vespere caloris exacerbatio renovatur. Mitius autem deliravit, sedesque paulo restrictæ sunt. Præscripsi itaque omnia continuanda; & urgente delirio, vesicatoria brachiis applicanda.

Die 27mo relatum est, noctem ægrotant pessime sustinuisse. Nam ex reaccensa febre deliravit cum vociferatione. Quamobrem, & curatrix præscripta vesicatoria apposuit: Et ex vesicis apertis tam febris quam delirium multum levabantur. Jussi itaque, ut tinctura corticis Peruviani in promptu esset. Interim ad sitim sedandam, ut lactis aquam alexit. saccharo edulcoratam biberet, & persisteret in usu reliquorum præscriptorum pro re nata.

Observandum est, post apertas vesicas emplastris excitatas, salivationem fuisse reintegratam, & ad diem hinc usque quartum persistisse. Unde constat in variolis, durante salivatione, medicamenta calida minime ad rem esse, nisi magnum aliquod symptoma indicaverit; & jam tum multum ea debere esse diluentia.

Eodem die circa meridiem ad patientem accedens vidi illam, inquietudine, delirio, dyspnœa, suffocatione, sedibusque immunem. Calorem solummodo sensit internum, illius, qui febre miliari, vel corticis Peruviani in febre intermittente præproprio usui succedit, non ab similem. Ad quem præscripsi margar. pp. ℥j. quinta quaque hora sumen-

sumendum, cujus efficaciam, ad huiusmodi calorem extinguendum, frequenter expertus sum.

Vespere febrilis calor arat experts, nondum tamen alvus substitit. Volui itaque, ut sumeret perlatum pulverem in forma boli, quo in ventriculo, & intestinis diutius maneret, transiretque melius in venas. Et ut decoctum album mixturamque ex conf. Fracast. &c. in promptu haberet.

Die 28. minus caluit, sedesque pauciores sunt. Nec recurrere reliqua symptomata. Præscripsi itaque ut in usu decocti albi, bolique cum julapio sexta quaque hora persisteret.

Vespere in eodem statu erat laudabili, quo mane. Ne tamen a vesicatoriorum ulceribus, nimis cito desiccatis, morbificæ materiæ pars superesset, iussi vesicatoria pone aures applicanda. Scilicet ut cathartici vicem explerent, donec purgatio per alvum foret tempestiva. Et ut julapii & decocti albi usus continuaretur.

Die 29no similiter ut pridie se habuit. Quemadmodum & diebus 30mo & 31mo. Quapropter & iussi, ut in usu pilularum ex assa foetida &c. & julapii persisteret. Et hoc die 31mo præscripsi pilulæ stomachicæ cum gum. 3j. hora somni sumendam, & mane seq. syr. rosacei solurivi 3j.

August. 1mo ter quaterve alvus laxa fuit bonis avibus.

2do Usa est Julapio, & pilulis de assa foetida, &c. 3tio & 4to & deinde 5to & 6to pilulas catharticas & syrupum repetendo, a morbo periculosissimo omnino convaleuit.

Historia Febris Exitialis, ubi Æger statim a principio sua voce fuit privatus.

Circa quintam diem Octobris 1709. digniff. Viri D. *Guiljelmi Morisoni* armigeri filius, sedecim annos natus, temperie biliosus, & in iracundiam aliaque animi pathemata facile accensus, febre correptus est. In qua tempestate, ab aliquot antea hebdomadis, febris maligna Londini grassata fuerat.

Cum primum illum visitaverim, nulla pars ei doluit. Neque ulla vomitione, aut ventriculi ægritudine emetici usum indicante, tentabatur. Pulsus erat frequens ac debilis. Et usque a morbi principio magna

Sydenham Opera Med. Tom. I.

loquendi difficultate, cum stupore, affectus est. Quibus accessere tremores subsultusque tendinum, lingua arida & subnigra, urina coloratior & clara, & ut plurimum involuntarie emissa, cutisque calida, & sicca.

Hæc pessimorum symptomatum apparente syndrome, accitus est D. D. *Grevv*, præscripsimus alexipharmaca ex serpentariæ radice, bezoar, &c. & paucos post dies maculis rubris, & purpureis ægroti cuticula, in primis super pectus, crura, tibiasque, scædata fuit. Hæc symptomata, aliquando paulo mitiora, dies quatuordecim prævalebant. Postea evanescere maculæ, creveruntque adeo motus convulsivi, ut æger plures dies moribundus videretur.

Fere in morbi principio emplastrum vesicatorium capiti applicandum iussimus; ex quo recolligere mentem, & quodammodo balbutire cœpit. Deinde & morbi progressu artubus universis alia apponenda; immo & aliquibus renovanda. Semper enim exsiccatis vesicatoriorum ulceribus ferocius ingruerent symptomata.

Deinceps, cum dies aliquot eadem vespere exacerbari videremus, corticis Peruviani tum pulverem, tum insulum, minore dosi visum est præscribere. Unde motus convulsivi suppressi sunt. Ægrotus tamen, cujus vires & ipsa caro absumptæ fuere (ita ut in coxa, in quam cubabat, sphacelismus generetur) tandem fato cessit.

Notatu non indignum est, quod morbi decem aut duodecim ultimis diebus, adeo foetide spiraret perspiraretque ægrotus, ut cubiculum odoratis fumigare necessum esset. Et ego ipse, dum paulo propius illi, in os meum respiranti inclinarem, subito ægritudine, & languore correptus, horas aliquot in patulis agris vehi coactus sum; & inde rediens vinum Hispanicum montanum assatum inter prandium bibere.

Dissectum est cadaver perita manu D. D. *Douglass*. Super pectus fusci coloris macularum congeries adhuc erat conspicua. In arteriis venisque in abdomine magis conspicuis, nil contentum erat, præter *σπύμνιν* nigricantis sanguinis, mediis spatiis sero omnino vacuit. Haud equidem vulgare spectaculum. Vel quod rarius contingeret, vel quod ex febribus mortuorum, rarius dissece-remus cadavera. Etiam si hinc constet, huiusmodi cadaverum, æque ac aliorum, anatomem, haud mediocri ex usu fore. Proindeque hanc febris, licet alterius generis, historiam apposui; tum ut exhiberem exemplum,

A a a

plum, ad Tractatus prioris appendicem referendum tum ut alios alia hujusmodi exempla; in communem Medicorum usum suaderem proferre.



THOMÆ SYDENHAM,

De Febre Putrida Variolis Confluentibus superveniente.

Cum vel ætas jam provectior & in casum ruens, vel adversa quacum jamdiu confictor valetudo, opportunum forte spatium posthac non concesserit, quo nuptas aliquot observationes a me (tamen nimirum sero in vita mea) factas, circa *Febrem Secundariam* variolis confluentibus supervenientem, in publicum edam; veniam dabit lector, opinor, si paucula quædam de hoc affectu, quantumvis a morbo quem superius tractavimus satis abhorrente, subnecterem.

Jamdiu alias demonstravi quantum intersit inter variolas generis distincti, & confluentis: in hoc scilicet quod qui *Distincto* genere laborat, vix opis medicæ indigus, sponte sua, & naturæ vi convalescet; nisi forte ab initio diaphoresi in lectulo continuo indulserit. Namque, mi pridem alibi adnotavi, qui *Discretis Variolis* laborat æger, cum satis prompte sudoribus distillet, ac sibi omnia bona promittat, si morbi, ut sperat, virus per cutis poros hoc pacto amandaverit; diligenter ideo huic methodo insistit, tum remediis cardiacis intro assumptis, tum regimine calidiore, ut par est, adhibito; (atque hæc eo facit lubentius, quod tum ab hac methodo in principio sibi melius videatur habere, tum etiam ad male fundatam astantium opinionem propius accedat). Tandem vero eliminatis per *Diaphoresin* particulis istis, quæ ad pustularum elevationem, atque intumescentiam faciei debuerant facere, die *Octavo* quæ turgescere, & per interstitia pustulis interjecta inflammari debuerat facies; flaccida e contra reperitur, & albescunt interstitia, licet interim rubescant pustulæ atque eleventur, etiam post ægri mortem. Qui ad hunc usque diem nullo negotio manaverat sudor, jam subito suæque sponte evanescit, neque remediis ullis cardiacis, vel etiam calidissimis, revocari potest. Æger interim phre-

nitide corripitur, anxietate, jactatione, ægritudine vehementibus; urinam parce reddit, ac frequenter; ac tandem paucissimarum horarum spatium amicorum spem fallit, & ad plures migrat. Quando idem ille sine ullo vitæ periculo a morbo convalesceret, si naturæ rem committens, nulli se prorsus regimini subjecisset.

At in *Variolarum Confluentium* genere longe aliter se res habet: licet enim hæc (nisi sanguinis, sive per pulmones, sive per meatus urinarios excretio primis diebus accedat) nec astantes admodum perterrefaciant, nec ægrum in discrimen aliquod vitæ adducant ad primos morbi dies; postea tamen istis diebus, sub morbi exitu, quibus ægrum maxime periclitari jam olim monui, ita derepente ad incitas redigitur æger, ut an vita, an mors insequatur, pariter incertum sit. In horum numero *Undecimum* pono (si a primo morbi insultu computes) scilicet in minime crudo, at maxime vulgari confluentium genere: *Decimum quartum* in crudiore adhuc: *Decimum septimum* vero in omnium, quæ passim obviæ sunt, genere crudissimo. Tamen æger nonnunquam, sed rarius, non ante *Diem Vicesimum primum* satis defungatur, pustulis usque ad id tempus ita incrustatis exsiccatisque, & in carnes quasi impactis, maxime in ipsa facie, ut ad separationem nulla arte queant perducí. At vero undecimo die æger, ut plurimum primum periclitari videtur, febre atrociori, inquietudine, aliisque symptomatibus una invadentibus, quæ mortem in propinquo esse denunciant; a qua æger, nisi ars medica intercesserit, plerumque opprimitur. Quod si hoc die non succumbat morbo, utique illi posteriores, quos indicavimus, adhuc metuendi restant. Quinimo per spatium illud omne, quod inter undecimum, & decimum septimum interiacet, appetente vespere, molestissimo inquietudinis quasi paroxysmo quotidie vexatur; & mors quasi vi, & armis protelatur. Porro ostendi hanc causam esse majoris minorisve, in his variolarum generibus, periculi ægroto impendentis, quod scilicet in genere *Discreto* cum phlegmone, sive tumore cum inflammatione (cujusmodi sunt pustulæ omnes ubi primum elevantur) pauciores extiterint, ac proinde non nisi exigua puris quantitas in sanguinem per circulationis leges foret regetenda, ubi illæ jam coeperint maturefcere; nullus ex hac parte metus est, ne febris nimium insur-

insurgat, cum natura impressionibus in sanguinem tactis a tantillo puris, cohibendis facile par sit. Cum vero in *genere Confluentium*, ubi corpus fere universum his phlegmonibus tegitur, quæ postmodum in abscessulos toridem facessunt, tanta puris vis, diebus præfatis (in quibus pustulæ duce natura, *modum* suam, vel debitam maturitatem ut plurimum obtinent) per venas in sanguinem reducit, tanta item halituum putridorum copia ab omni corporis jam quasi suppurati undique superficie, in sanguinem subrepat, ut febris ex hac occasione excitata, naturæ vires penitus prosteruat: atque ita extinguitur tandem æger, partim a febre, partim a veneno quod sanguinis massam infecerat, jugulatus. Quapropter quando ægri incolumitas usque adeo a variolarum paucitate, periculum vero e contra ab earumdem auctiori numero pendeat; dicat ratio, vel etiam sensus omnibus communis, periti Medici esse ita non materiam variolosam, sub principio morbi, regimine & cardiacis calidioribus vehementer propellere (unde nimia fit assimilatio materiæ morbificæ in sanguine contentæ, totaque corporis substantia quasi in fomitem morbi facessit) ut omnem potius operam in reprimenda tam enormi, & subtili inflammatione collocare debeat. Nempe educto ante omnia e brachii venis sanguine, si vel levis fuerit suspicio, sive a flore ægri ætate, sive ex eo quod sanguinem liquoribus generosis accenderit, sive quod vehementiores dolores in aliqua corporis parte fuerit perpeffus, sive denique ab immani vomitione, variolas jamjam exituras ad confluentium speciem referendas; postea vero propinato *Emerico*, ad eundem scopum collimabit. Cum vero nihil æque ægrum percalefaciat, nec proinde nimis copiosam materiæ variolosæ assimilationem æque promoveat, atque ægri jugis in lecto decubitus: ego illum ab usu lectuli interdum semper arceo usque ad *Sextam diem* a prima morbi invasione, sive ab eruptione pustularum *Quartam*, quo tempore omne pustularum agmen jam in conspectu est. Post hac eundem lectulo committo usque ad morbi finem: at non pluribus densioribusque stragulis coopertum, aut luculentiori in cubiculo foco illum uti sino, quam quibus sanus cum esset solebat uti. Interim cerevisiæ tenuioris aliorumque liquorum refrigerantium, qui ægro sunt acceptissimi, usum liberalem concedo. Quandoquidem vero non obstante vel temperatissimo regimine, æger

nihilominus in calores, deliria & molestas inquietudines frequenter incidet; *Hypnoticum* præscribo singulis noctibus, sed paulo temperatius, quam pro recepto more, sumendum: quoniam in hoc morbo quasi paroxysmus quidam, sive exacerbatio caloris & inquietudinis quotidie sub vespere fere reperitur. Quæ hic traditur methodus & ad præcavendum iusto uberius variolarum proventum, (unde maximum ægro periculum intentatur, ut supra docui) & ad conciliandum tum incrementum pustulæ, ubi jam omnes exierint, tum debitam postea maturationem, accommodatissima est.

Attamen (quod sane dolendum est, cum florentissima hominum ætas hac fere strage deleatur) tum his quæ præcipimus, tum aliis omnibus, quæ hæcenus invenit Ars Medica præfidiis nihil proficientibus; sæpenuero æger, licet usque eo admodum periclitetur, tamen vel *Undecimo*, quod usu venit die, vel alio aliquo istorum, quos variis speciebus variolarum confluentium, *ceu magis fatales*, assignavi, vehemente febre corripitur, una cum suffocatione, & jactatione inquietissima, & de tanta spe decidens subito moritur, attonitis & stupentibus amicis, qui ad hoc usque punctum ægro bene ominabantur. In frangendo improvise hoc morbi impetu, cum prius is omnia fecerit quibus præcaveri potuerat, maximopere desudabit Medicus. Quem in finem serio perpendendum est, febrem illam adventitiam, quæ undecimo die variolis confluentibus laborantes adoritur, morbum esse tam ab ipsis variolis, quam ista febreque vel earum eruptionem præcedit, vel primis non nunquam diebus a phlegmonarum inflammatione gignitur, prorsus diversum. Nihil enim est aliud, quam *Febris putrida*, proprie dicta, particulis putrescentibus, & a pustulis jam adeptis maturitatem suam inquinatis, in sanguinem, uti dixi, resorptis ortum debens, quarum noxia & naturæ inimica qualitate æger eodem tempore, & pessima febre, & veneno laceffitur. Quamobrem ea sola in remediis huic malo cedere posse, prudens quispiam existimaverit, quæ ad retundendam secundariam hanc febrem, quam putridam appello, maxime faciunt. Id vero nihil efficacius præstat, quam copiosa sanguinis eductio; quo pacto vitiatæ illæ particule quæ morbi sunt sones, confestim e sanguine exulant. Neque huic praxi, si quid ego judico, variolæ in quo jam sunt latu, vel minimum intercedunt. Jam enim

pustulæ nullo modo introrsum agi possunt, adeo ut si æger morbi tempore satis cederet, & cadaver in terram frigidam exponeretur, attamen pustulæ jam in duritiem incrustatæ, nec intra cutim se recipere, nec minimam molis suæ partem amittere poterint. Nec sane cum variolis jam nobis res est, sed cum alio prorsus morbo, nempe *Febre putrida*. Has ob causas sequente methodo, a quo postremas de variolis observationes in publicum edidi, mihi comperta, feliciter usus sum; quam si omittas, nec aliam video, nec conjectura assequi possum, quo pacto æger ita certo queat liberari. Cum itaque ad has incitas redactus fuerit æger, & ex inusitata symptomatum immanitate, statim animam aclusus videatur, nisi quis *ἰσχυρὸν αἷμα* præsentissimam opem adferat, in hoc inquam casu, sive alius quis isto posterior, sanguinis ℥x. vel xij. ex eo brachio, in quo pustulæ rariores sint, & majorem feriendæ venæ commoditatem fecerint, quamprimum sunt mittendæ. Quamvis enim paregorica, vel lectuli interdiu abdicatio primis morbi diebus etiam omissa venæ sectione, orgasmo vel paroxysmo, cum nocte ut plurimum ingruenti, debellando queant sufficere: attamen per hos dies febris secundariæ, nulli alteri adminiculo secure fiditur, nisi copiosæ sanguinis detractioni, qua sola orgasmus per id temporis desiciens tuto sedatur. Vesperis anodynum, uti prius, larga dosi exhibendum est (ad quod jam tanquam ad sacram anchoram confugimus) atque ita deinceps tam mane, quam sero, alicubi etiam & hoc sæpius. Est enim diligenter observandum, quod in quibusdam orgasmus ita supra modum efferatur, ut etiam prælonga paregorici dosi ejusdem imperum usque ad 12. horarum spatium subjugare vel sistere nequeat; quo in casu omnino necesse est, ut dicta dosi octava quaque hora repetatur.

Cum vero sub ultimis morbi diebus haud raro accidat, ægri alvum, partim a morbi natura, partim a magna paregoricorum vi, quorum opem plane deposcebat medendi ratio, ita constipatam esse, ut tum sere suscitetur ille, tum febris ad eum gradum ascenderit, ut jam de ægro pene conclamatum videatur; duro huic nodo durus cuneus aptandus est, & rebus sic stantibus longe minus ægro periculi erit ab assumpto cathartico leniente, quam a febre eo vehementer ab alvinarum sæcum retentione prosecta. Hic ego satis feliciter ℥i.℥. *Electua-*

vii Lenitivi in Aq. stillatitia tenuioris, (ex gr. Aq. Cichorei, vel Aq. Lactis Alexiter.) ℥iv. solus. propinavi. Qui quidem haustus licet tum ob alvi constrictionem huic affectui solemnem, tum etiam ob diuturniorem hypnoticorum usum haud ita subito ventrem exolvat, plerumque tamen si mane deglutiatur, ante noctem dejectiones aliquas parit. Quod si minus præstare valeat: attamen paregoricum vesperti assumendum est, imo & citius, non obstante cathartico paregorico nuper assumpto, si modo inquietudo ingens aut ægritudo aliqua insignis periculum minuetur, ne æger hoc præsidio destitutus, dum dejectiones nos præstolamur, luce privetur. Nec æger damni vel minimum ex hoc tam leni cathartico capiet, si nihil prorsus efficiat ad dejectionem provocandam. Si itaque primo die votis non respondeat, iteretur proxime sequenti; quæ secunda dosi priori in suppetias data, rarissime Medici vorum frustrabitur. At si primo die id egerit, ut hujus saburra quantum satis in præsens est, subduxisse Medico videatur, atque æger exinde melius se habere cœperit, secunda dosi in aliud tempus potest differri. Atque hac ratione tam venæ sectio, quam catharsis per intervalla repeti possint, prout febris mos, atque ægri inquietudo postulare videantur, donec tandem res in vado sit. Veruntamen in catharticos negotio illud probe notari velim, (ne injecta ejus rei mentio longe plus damni, quam emolumenti apportet) ægrum non esse purgandum, nisi facessente jam morbo v. gr. *die decimo tertio*, aut eorum aliquo, qui illum sequuntur; nec per istos etiam dies, nisi sanguis, a quo secundaria febris invasit fuerat imminutus.

Sed ut quantum in me est, praxi in hoc morbo ultimam manum imponam, paucula de *Sputo Sanguinis*, ut & de *Mictu sanguineo* variolis supervenientibus in medium proferre non gravabor. Utraque hæc hæmorrhagia, ut olim adnotavi, sub morbi initio contingit pustulis nondum erumpentibus, vel si in quibusdam locis se ostendant, in plerisque tamen aliis adhuc sub cute densæ latent, atque ejus sunt generis, quæ in maxime confluentes adoleverint, nisi jam dictum symptoma ægri morte morbum finierit, maculæ interim purpureæ hic illic superficiem corporis obident, tristem eventum interminantes. Verum tametsi debita sanguinis contemperazione maculæ ejusmodi auferantur, attamen tam mi-

clut

Etis sanguinis, quam violenta ejusdem e pulmonibus eruptio indubie mortem prænunciare solent. Veruntamen tremenda hæc difficultas superari etiam posset, & ægri vita in tuto collocari. Etenim cum hæc symptomata intensæ sanguinis inflammationis, ac proinde summæ ejusdem tenuitatis originem suam debeant; remedia ista, quæ sanguinem contemperant, ac pariter quæ vi, qua pollent, astringendi incrassandique eum minus fluxilem reddunt, hæmorrhagiis hisce apprime succurrunt. Quamobrem post unicam sanguinis liberali manu educationem Paregoricum exhibeatur, ut:

℞. Aq. papav. rhæad. ℥ij. Laud. liq. gutt.

XIV. Aceti distillat. ℥ij. Syr. de Mecon.

℞. Mf. f. Haustus.

Deinde sequentia vel his similia præscribantur, donec hæmorrhagia prius evanuerit.

℞. Trochisc. de Terra Lemn. & boli Armenæ an. ℥j. Terra sigill. Lapid. hæmatit. sang. Draconis, & Corall. rubri preparati ana ℞. Mastich. & gum. Arab. ana ℥j. M. f. Pulv. subtiliss. cujus cap. ℞. tertia quaque hora ex cochl. uno Syr. de Symphyto, superbibendo cochl. IV. vel V. Jalap. sequentis.

℞. Aq. Plantag. & germin. quercus ana ℥ij. Aq. Cinnam. bordeat. ℥ij. Syr. de Ros. scitis ℥j. spirit. Vitrioli q. s. ad levem aciditatem.


Interim singulis noctibus paregoricum præscriptum propinetur.

Emulsiones item ex 4. sem. frig. mai. cum sem. papav. alb. magnopere conferunt.

Cessante vero hæmorrhagia, reliqua per decursum morbi agantur, prout in *Variolæ tum capite* traditur.

Antequam finem faciam, hoc adjiciam: quod quoties guttulas aliquot laudani usurpandas præscribo. Laudanum meæ descriptionis intelligo; cujus formula in libro nostro de *Morbis Acutis*, capite de *Dysenteria* habetur. Et quod *Syrupum de Meconio*, illum volo, qui conficitur ex ℞xiv. *Capitum Papaveris albi* bene ficcatorum, & (post macerationem in aquæ font. ℞viii. ad horas 24.) probe coctorum, dein expressorum quam fortissime; quorum colaturæ adduntur sacchari ℞xxiv. & in syrupum coquitur. Has enim duas præparationes in suo genere efficacissimas esse judico: præsertim *Syrupum de Meconio*, cujus ℥j. plus præstat quam ℥ij. alteriusistius,

in quo papaverum capita humidiora usurpantur, liquor non ita fortiter exprimitur, & loco *Nigri* quandoque capita *Papaveris Rhædos*, quæ paululum virtutis habent, partem ita magnam suppeditant. Quoties itaque non satis mihi constat de alterutrius horum paregoricorum viribus, utrorumvis loco, *Laudani Londinensis solidi* sesquigranum, vel etiam gr. ij. soleo præscribere in aqua appropriata soluta; quo pacto ab omni errore & mihi, & ægro meo caveo.



THOMÆ SYDENHAM,

DE

MICTU SANGUINEO

A Calculo Renibus impacto.

Quamvis hominis minus cauti & prudentis esse videatur, observationem in vulgus spargere, cujus in seipso tantum experimentum cepit, nemo tamen, opinor, æquus rerum arbiter ægre feret, me, qui tandiu tantaque a *Mictu Sanguineo*, a calculo renibus impacto orto, fuerim perpeffus, humanitate & miseratione erga sodales in hoc malo meos commotum; iis qui eodem morbo excrucianti quandoque poterint, ista remedia indicare, quæ mihi aliquali levamini fuerunt, quantumlibet vulgaria, & nihili facienda forte videantur.

Anno 1660. *Podagra* me invasit, paroxysmo tum immaniore, tum diuturniore, quam prius unquam, miserum affligens, cum ex hac causa æstivo tempore, vel intra, vel supra lectum submollem jugiter ad duos menses decumberem, finem paroxysmi, dolorem hebetem & obtusum maxime in sinistro rene nonnumquam, licet rarius, & in dextro cœpi præsentiscere. A podagra convalescenti hærebat utcumque renum dolor, qui per intervalla quædam, nullatenus acutus, sed satistolerabilis, me submonebat; nondum enim paroxysmo nephritico (cujus sunt comites dolor ingens per ureterum ductus vesicam versus tendens, tum vomitio enormis) vel semel laboraveram. Quamvis vero nondum aderant ista calculi renum indicia, cum ratione tamen judi-

judicabam, me calculum, mole insigniorem in renum pelvi gestare; qui cum major esset, quam ut ex pelvi dicta in ureterum ductus elabi posset, prædicta symptomata non intulit. Qua in re, post annos multos elapsos me hallucinatum non fuisse certo comperi. Etenim cum bruma anni 1776. statim a soluto rigidissimo gelu, diu multumque obambularem, urinam mox reddidi sanguine permixtam; idque toties mihi usu venit, quoties vel multum itineris pedibus conficerem, vel in curru per platearum pavimenta veherer, quantumlibet lento equorum gressu; quod mihi tamen non accidebat, quoties per viam regiam lapidibus non stratam, licet quam longissime, curru vectarer. Urina quam tunc excernebam, tamen si terribilis sanguinis tantum non sinceri specie prodiret, non ita diu post sanguine in fundo seorsim grumescente, in summitate limpida & sui similis conspiciebatur. In hujusce mali remedium sanguinem satis copiosum e brachio mitti curabam, & post purgationes universales, medicamenta refrigerantia & incrassantia, varii generis in usum revocabam; dietam interea his consentaneam adhibens, liquores acidos, acres, & attenuantes sollicitè devitans. Cum autem neque ista, neque alia permulta, quæ numerare longum esset, quicquam prodesse, & metuens calculum, quem grandiorum esse suspicabar, quam ut expelli posset, aquis chalibeatis ad exitum sollicitare, tandem spem rei bene gerendæ prorsus amisi; idque eo potissimum nomine, quod observarem, senes aliquot mihi notos, sibi mortem accersisse, dum hujusmodi remediis incassum morbi curationem molirentur. Stetit itaque sententia non amplius tentare, at vitato tantum, quam potui maxime corporis motu, ab hoc effectu mihi cavere. Tandem verò animo forte recolens, quam mirè nonnulli deprædicent seminis *Fraxini* vim lithontripticam, subiit cogitare, quod si semen ejusmodi virtute polleret, omnino verisimile esset *Mannam* fraxini adhuc plus posse. Cum manna quam habemus, docente Botanographo *ty. car. Dom. Jo. Ray* post alios scriptores, neque mel acreum est, nec ros aliquis cœlestis; sed liquor potius, tam e foliis, quam e trunco & ramis fraxinorum in *Calabria* nascentium, exudans; de cuius rei veritate idem dum in *Italia* peragraretur certior factus est ab eruditissi-

mo Medico, qui ex ramulis, & foliis lintheo a se curiose contextis mannam (qui est succus ut dixi) sæpius collegit. *Vidi Jo. Ray. Catalogum plantarum Angliæ.* Experimentum itaque facturus, mannæ ℥iij . in seri lactis ℥ij . solutæ hausi, paucillum succi limonum subinde, dum purgarer, deglutiens; quo & catharticum acuerem, quod segnius operari solet, & ventriculo minus ingratum redderem. Ab hujusce remedii usu vix dici queat, quantum ego levaminis circa renum regionem perceperim; licet enim antea non semper dolerent renes, tamen pondere quodam gravativo & molesto sensu afficiebantur. Quod cum ita feliciter mihi cessit, idem catharticum singulis hebdomadis stato quodam die ad menses aliquot continuos in usum revocabam; & post singulas catharticos vires melius me habuisse plane sum expertus, donec tandem etiam rudiorum curus conquassationem ferre potuerim: ab hoc symptomate prorsus liberatus usque ad veris tempus jam proxime elapsam. Quo appetente, cum per prægressam hyemem fere omnem podagra laborassem, & quæ nimia corporis ad motum inhabilitate, quieti, & ~~anxia~~ magis quam alias solebam, indulgissem, rediit denuo sanguinis mictus. Hic ergo an ad catharsin me iterum reciperem, hærebam dubius; quoniam nuperis hisce annis omni corporis substantia in podagræ sedem & somitem quasi perversa, catharticum, quantumlibet lenè, diutinum podagræ paroxysmum certo certius accersebat. Tandem animo succurrebat, quod si paregoricum singulis noctibus post purgationem adhiberem, quo tumultus a cathartico excitatus sedaretur, posse me pristinam methodum mannæ semel in hebdomada capiendæ tuto resumero. Uncias itaque duas cum semisse in seri lactis ℥ij . dissolutas mage hausi, & sero guttas xvi. *Laudani liquidi* in cerevisia tenui dormiturus adjeci. Et mannam & laudanum dicto modo repetens bis in septimana ad sex vires. Postea vero manna semel in septimana tantum uteretur, humorum illuvie jam ita copiose a cathartico subducta, ut a podagra minus metuendum erat. Cum tamen mea mihi ratio plane dictaverit, quod si facultate aliqua, sive dissolvente, sive alio quovis modo lithontriptica, fuerit infinita manna, omnino est necesse ut medicamentum, quale est laudanum, valide adstringens, remedii, in quo spem colloca-

locaveram efficaciam, ac vim quadantenus infringat; satius esse duxi hypnoticum misum facere, cum jam semel tantum in septimana alvum solverem. In qua methodo jam ad menses aliquot persisterim, eundem septimanæ diem ubique catharsi dicans; nec me ab hoc meo more, ex quacunque data ansa dimoveri paterer, licet a prima remedii hujus dosi dolor qui in dorso erat, remittebat, uti prius, tamen non ita diu post repetita catharsis podagræ signum dedit; quod nunc artubus, nunc visceribus, bellum cepit indicere, at hæc morbi tentamina laudanum fortiter repressit. Cum hæc mihi medendi ratio hætenus bene verterit, in eadem perseverandum mihi esse judicabam, tam ad præcavendum mictus sanguinis recursum, quam ad imminuendum aliquantulum calculi fomitem. Quod tandem votis respondit, hæmorrhagia ista ex quo Tractatulum hunc primum edidi prorsus evanescente, proindeque manna in totum abjecta. Purgationem itaque quod attinet (modo sanguinis mictus urgeat, & solum cathartico hoc lenitivo, manna scilicet, & secundum methodum supra a me traditam subducatur alvus) jam retractanda mihi est sententia illa mea, quam in scripto de podagra olim evulgaveram; nempe podagra affectis minime conducere, ut vel initio, vel in declinatione, vel per paroxysmorum intervalla purgentur.

Nec si miserum fortuna Sinonem

Finxit, vanum etiam, mendacemque improba finget.

Nondum enim in mentem mihi venerat, paroxysmum, quem a tumultuante cathartico excitandum metuebam, exhibitio sub noctem hypnotico prohiberi potuisse: Nihilominus si podagram solum respiciamus, evacuationes qualescunque plurimum noceant, ac proinde nequaquam sunt admittendæ, nisi symptoma dictum earundem usum omnino postulaverit.

De *Regimine & victus* ratione; quæ utrovis horum affectuum laborantibus competere mihi videntur, (quando nihil eorum præterire velim, quæ istis usui esse poterint, qui iisdem; quibuscum Ego, morbis consistantur) hæc addo: Mane lecto exurgens, decoctionis *foliorum Tæcyatum* unum alterave exhibeo; dein curru ad meridiem usque gestatus, & domum reversus, quovis ciborum genere mihi grato & eupepto *modice* (id enim ante omnia semper, & diligenti cum cura tenendum

est) me reficio; statim a prandio per singulos dies vini Canarini plus aliquid quarta parte libræ (seu pintæ) vulgaris ad promovendum ciborum in ventriculo concoctionem, & ad arthritidem e visceribus procul arcendam, haurire soleo. Pransus iterum rheda vector, & quoties per occupationes meas non detineor, rus peto, aeris salubrioris inspirandi gratia, ad miliaria duo vel tria. Cerevisiæ tenuioris haustus mihi pro cœna est; sed & hunc repetito etiam in lectulo, me jam ad somnum compositurus, idque eo fine, ut hoc julapio succos acres calidosque in renibus stabulantes, e quibus fit calculus, refrigerem simul ac diluam. Ego vero & hic & inter prandendum cerevisiam tenuem lupulatam, cerevisiæ non lupulatæ, quantumlibet tenui ac miti, præferendam censeo. Licet enim non lupulata, mollitie ac lubricitate, qua pollet, ad subducendum calculum jam in renibus concretum magis faciat; attamen lupulata, ob levem illam stipticitatem quam impertiunt lupuli, minus facit ad sabuli vel materiæ calculosæ generationem, quam facit non lupulata, cujus & viscidior est substantia, & lutulentior. Quo die catharsi defungor, ex pulli carnibus prandium mihi est; vinum tamen Canarinum pro more meo superbibo. Mihi cura est, præsertim hyeme, ut lectum temporius petam, quo nihil magis confert ad concoctiones recte perficiendas, & conservandum pariter tenorem illum atque ordinem, qui naturæ jure debetur. Sicuti ex adverso, nocturnæ lucubrations senum cum morbo chronico qualicumque consistantium, tum concoctiones omnes imminuunt ac depravant, tum eorundem principio vitali vulnus haud facile medicabile infligunt. Illud etiam sedulo observo, ad præcavendum a calculo mictum sanguineum, ut quoties per plateas ad longius aliquod intervallum curru vehendus sim (gestatio enim, vel ad maximam quamlibet distantiam, per vias lapidibus non stratas minime officit mihi) non prius rhedam ingredior, quam haustum cerevisiæ tenuis paulo liberiores ingessero, quem pariter iterum ante regressum domum versus, si forte alicubi diutius fuerim commoratus; quo pacto semper mihi a mictu sanguineo satis est præcautum. At quoad podagram hoc unum adjiciam. Nuperis hæc annis ex errore aliquo circa sex res non naturales commissio, mihi retrocessio subinde materiæ podagricæ accidit; cujus signa sunt

zgr

agritudo ingens, cum vomituritione, & aliquali ventris dolore. Artus interim ex improvise doloris sunt expertes, ac ad motum plus solito habiles. In hoc casu congium unum liquoris posseticici, vel cerevisie tenuis devoro, & quamprimum totum per vomitionem rejecerim, vini Canarini haustulum, cui instillatae fuerint laudani liquidi gutt. xviii. ebibo, in lecto ad quietem me componens. Atque hac methodo meipsum ab imminente morte aliquoties liberavi.

Et si vero haud quenquam fortasse deceat (cum maxime, quem sive salvum, sive mortuum esse hominem vix interfit) ita crebram sui mentionem injicere; hac tamen eo animo dicta volui, ne aliis, quorum vita salusque majoris fortasse ponderis & momenti sunt, queant prodesse.

Hic postremo subindicandum est ingens discrimen, in quod nonnulli se conjiciunt, tam calculo, quam podagra laborantes, quoties mannam in *Aquis Mineralibus* catharticiis solutam inconsulto capiunt. Quamvis enim hoc modo assumpta, & celerius vim cathartica edat, & minori nausea ventriculum irritet; tamen minora ista commoda injuriam alias ab aquis illatam pensare non valent. Etenim si calculus renibus inclusus ita magnae molis sit, ut per ureterum ductus in vesicam propelli nequeat, istae aquae paroxysmum ut plurimum excitant, qui eoque perdurabit, cum magno vitæ ægri periculo, donec tandem calculus in pelvim redierit. Quinimo nec *chalybeatis Aquis* æger se tuto committet, nisi prius certo sciat calculum majorem non esse, quam ut per ureteres viam possit sive invenire, sive facere, quod hoc tantum modo, quantum ego conjicio, certo dignoscere potest, si nempe jam antea paroxysmum aliquem nephriticum fuerit perpeustus, (cum dolore scilicet sævissimo in renem alterutro, per ureterum ductus propagato, & vomitu enormi) pro comperto habeat, non tam grandiozem aliquem calculum pelvi concludi, quam lapillorum exiguorum congeriem, quorum unus subinde in ureterem illabitur, atque ita paroxysmum hunc invitat, qui fere non desinit calculo in vesicam detruso. Cum res ita se habeat, nullum est magis efficax remedium, sive ad præcavendum minorum calculorum incrementum, sive ad eosdem e renibus deturbandos, quam *Aquarum Chalybeatarum* potatio liberalior, per singulas æstates jugiter repetenda.

Cum vero sæpe accadat, ut *Paroxysmo Nephritico* quis corripitur, quando hujusmodi minerales aquae haud præsto sint, vel etiam tempestas anni adsit, quæ earundem potationi minus saveat, hac itaque compendiosa methodo, sine ulteriore remediorum apparatu, insistendum. Si æger temperamento Tanguineo præditus fuerit, & ætatem provectionem haud adhuc attigerit, sanguis ex brachio reni affecto respondenti, ad \mathfrak{x} . extrahatur, deinde *Liquoris posseticici* cui *Rad. Altheæ* \mathfrak{z} ij. *incollæ fuerint*, Congium unum quam citissime devoretur, & sequens *Enema* injiciatur. \mathfrak{z} . *Rad. Altheæ* & *Lilior. an.* \mathfrak{z} ij. *Fol. Malvæ, Parietar. Branc. Ursin. & Flor. Chamemel. an. M. f. Sem. liv. & Fœnug. ana* \mathfrak{z} ss. *Coq. f. q. Aq. ad* \mathfrak{ss} . *Colatura dissolve Sacchari culinaris, & Syr. Dialtheæ, un.* \mathfrak{z} ij. *Mf. f. Enema*. Quamprimum per vomitionem æger totum reddiderit, quod per os ingestum fuerit, ut etiam enema rejecerit, *Laudani liquidi* satis magna dosis propinetur, viz. ad gutt. xxv. vel *Pil. Matthæi* xv. vel xvi.

In senibus vero, morbo aliquo diuturno fractis, ut & in vetulis, *Vaporibus*, vulgo dictis, obnoxiiis (præcipue si sub initium paroxysmi urinam ex reddant nigram ac sabulosam) venæ sectio omittatur. At quoad reliqua, eadem, quæ jam dicta sunt, via omnino procedendum.


Sed ut ad calculum, qui hujus loci est, grandiozem revertamur. Quod si calculosus nullo unquam paroxysmo nephritico fuerit tentatus, cum jam major sit calculus, quam ut ex pelvi possit elabi: non solum mihi proderunt *Ferræ Aquæ*, sed etiam ob jam dictas rationes, non sine præsentis periculo sumentur. Neque minus male quandoque *Podagricis* cedit aquarum mineralium usus, modo senes fuerint (ut sunt plerumque) & pariter corporis habitu phlegmatico imbecilloque. In his enim nonnunquam naturæ vires eo usque sunt imminutæ ac succisæ, ut omnino metuendum sit, ne tanta copia aquarum penitus obruantur ac succumbant. Sive vero hoc in causa sit noxæ, quam exinde capiunt homines tali habitu ac temperamento præditi, sive non sit; illud mihi compertissimum est, haud paucos, quorum corpora hoc morbo fracta admodum, & quasi confecta fuerant, hisce aquis interemptos diem suum obiisse.

Atque hæc eorum fere summa est, quæ mihi in morborum curatione hactenus in-

note-

notescunt, ad diem quo hæc scribo *Septembris se. vicesimum & nonum*, Anno Domini 1686.

DE calculo renibus impacto, ac inde enato mictu sanguineo, verba fecit in specie Clariss. noster Auctor, propria in hoc morbo describendo, eaque sane durissima usus experientia. At vero de aliis calculis, tum vesicæ, tum variarum etiam corporis cavitatum, aut solidarum partium, altum omnino siluit. Non itaque ingratum Doctissimo Lectori fuerit, si quæ de ejus natura, origine, progressibus, varietatibus, diversisque sedibus ac cura, magna diligentia scriptis consignarunt Præclarissimi Viri Carolus Drelincurtius, & Martinus Listerus, hic legendum exhibeamus, eoque magis, quod quæ ex illius Auctoris primo loco nominati, Discipulis, Magni sui Preceptoris ductu scribentibus & disputantibus, habemus, ejusdem variis observationibus, variis prorsus & curiosis, nobis jam dudum a Celeberrimo hoc Viro communicatis, abunde illustrare valeamus. Sic itaque primo.



DISPUTATIO MEDICA

DE

CALCULO VESICÆ,

Quam sub Presidio Præclarissimi Viri,

CAROLI DRELINCURTII

Lugduni in Batavis Professoris Medici
Senioris, habuit doctissimus
Philippus Rose, Gal-
lo-Cadomæus.

CUM Microcosmum inter & Macrocosmum, collationem instituo, & summas utriusque dignitates, rationis balance exploro, summam illius, cum hoc necessitudinem, satis demirari non possum. Quamquam etenim meliore principique sui parte, Microcosmum omnes Macrocosmi potiores excellentioresque videatur dotes excedere, posteriore tamen, utpote materiali, tanta illi cum hoc datur affinitas, ut ab iisdem principiis, ab iisdem elementis, iisdem Sydenham Opera Med. Tom. I.

dem prorsus, variorum impetuum, a Sapientissimo Creatore, editis legibus omnino pendeant. Hinc sane ter beatum prædicabimus, qui indefatigata, exactaque orbis machinæ ~~quædam~~ indagatione, accuratissimam, perfectissimamque eorum notionem erit adeptus. Enimvero hic præviz scientiæ memor, consciusque, facta attentionis suæ translatione, omnes corporis humani tam salubres, quam insalubres, anomalasque constitutiones, maximo cum emolumento, scrutari potis est. Ast quanquam tam diviti scientiæ thesauro, mentis nostræ arcam locupletatam non sentiamus, nihil tamen est, quod nos a Speciminis consilio deterreat, vel impediat, quominus omnes contendamus nervos, ut Calculi, affectuum quibus adeo misere consistatur Adami posteritas, mehercule non infimi, *Natura*, *Differentiis*, & *Symptomatibus* rite explanatis, ejusdem *medela* delineationem absolvamus, eamque rationi consentaneam. Adsit infirmo tyroni saluberrimus humanæ pro-sapiez Medicus.

Quia animi Mercurius, loquela est, atque mentis nostræ sensa, aliter quam sermone, scriptura, vel nutibus, unicuique significare penes nos non est: hac moti ratione quædam in calculi *ætiologia* prælibare, ab instituto haud alienum ducimus. Calculus latinis vulgo sic appellatur, eos vero, qui aliquam in vesica foveant rupem, calculosos nominant. Istud autem concretum a calce suam traxisse denominationem (alicujus nempe *καλκός* ergo) cum sæcundissimo Ger. Joban. Voss. in *Etymol. Ling. Lat.* existimamus. Medicorum Princeps nomine *λίθος* calculum plerumque intelligit, uti videre est libro iv. de morbis. Calculosos vero *λιθιάστας*, lib. de vuln. ut & affectum *λιθίασιν*, *aphorif.* 26. *sect.* 3. nuncupat. Helmontio post Paracelsum, calculus in tractatu de Lithiasi, vocabulo *Duslech* indigitatur.

Calculi nomine explicato, rem ipsam aggrediamur. Ejus autem naturæ certam, distinctamque notionem affectui videbimur, si diligenti, rectoque examine, causas ejus tam *efficientem*, quam *materialem*, quantum in nobis est, in medium protulerimus. De calculi materia, ipsiusque concrendi modo, non parum apud artis procures hætenus fuit dimicatum: quod quidem nemini admirationem pariat, si quot de cæteris affectibus & morbis, inter ipsos variaz promulgentur sententiæ, paulisper apud se perpendit.

B b b

derit. Sed ne curiosius quæsitæ harum diffensionum occasione, extra operis cancellos vagari conspiciamur, Ιατρικῇ Primariorum, hac de re sensus huc referre, atque ex iisdem quid porius, quid verosimilius habeant ad maiorem huius lemmatis dilucidationem, depromere sat nobis fore iudicamus.

Venerandus Αἰχματὶς lib. 4. de morbis, qui sit calculus, quaque generetur ratione trutinans, sic scribit: Εἰς τῇ κύσει γίνεται λίθος τῷ τῷ τοῖσδε φανερὸν ἰσχυρῶς μὴ καθαρῶ παραχρῆντι ἐν κύσει, ἢ ἐν χαλίκῳ, καὶ κατακρῆντι, ἀποσάδμῃ ἄλλῃ γίνεται ἐν τῷ μίσθῳ. Οὕτω καὶ ἐν τῇ κύσει ἀπὸ τῶν ὕδρων, μὴ καθαρῶ ἰσχυρῶς δεσ. in vesica generatur lapis hoc modo; quemadmodum in aqua non pura turbata in calice, aut in vase æneo, & denuo quiescente, sæx simul fit in medio, sic & in vesica, ab urina non pura existente. Quæ quidem explicatio propter tanti Viri auctoritatem nobis plurimum arrideret, nisi sæcis in calicis fundo coacervatæ exemplum, quadantenus impar, mancumque animadverteremus. Quamvis enim sæcis in calicis fundo coacervatio, & calculi in vesica formatio utrunque convenire videantur, quod utrobique fiat quædam particularum mixti liquidi, ab aliis secretio, seu coagulatio, procul tamen a sese invicem eas non parum distare, neminem negaturum arbitror, qui vel minimum ad speciem formamque utriusque concreti attendit. Nec dubio locum fore spero, si αἰσθητὶς discrimen, quod intendo, unicuique palam fecerit.

Optice nimirum dignoscimus, sæcis in fundo calicis congestionem eam esse, quæ vel minimo ipsius vasis motu, vel aquæ in eodem vase coercitæ, facta bacillo agitatione, omnino solvatur, atque aqua impuris istis quicquiliis modo purgata, ipsis iterum inquinetur, summeque saturetur. Quod sane a calculi concretionem longe abesse, nullus refragabitur, qui matulam introspicere non dedignatur; nam inibi non secus ac in vesica calculum formari, cum Paracelso, Helmontioque, mens nobis est: quod postea solidis confirmabimus argumentis. Si ergo calculi materia, sive calculus ipse parietibus & fundo matulæ adhærens examinetur, magnam certe ejus esse duritiem, nec non arctam vasis concavo adhæSIONem, sensus organis innotescet, adeo ut vel matula concussa, vel lotio alia ratione commoto, prædictus calculus a matulæ mu-

ris non secedat. Præterea silentio non possum prætermittere, calculi coagulationem absolute in fundo matulæ, instar sæcis prædictæ nequaquam fieri: insipientibus enim patet, matulæ fundi crustam, ab eisdem parietum lorica non multum disferre, & æqualem fere cum ea crassitudinem habere. Unde merito concludimus, pace Hippocratis, sæcis in fundo vasis aqua pleni cumulatæ exemplum, calculi διαμέρυσιν, minus perfecte exponere.

At forte aliquis integer Hippocratis sensum assertor nostram in improbando culpabit audaciam, atque ad paulo post sequentia ejusdem Auctoris verba nos ablegabit. Πήγνυται τε ὑπὸ τῶν φλέγματος ὡμῶ ἰσχυρῶς, κόλλα γὰρ γίνεται τῇ ὑποσάδμῃ πρὸ φλέγματος μειγνύμενον: Induraturque a phlegmate crudo, gluten enim fit, phlegmate cum sæcis mixto. Sed hæc prædictam nostram sententiam nullatenus debilitant, quin nihil aliud probant quam calculi concretionem a sæcis coactione, ut jam innuimus, maxime discrepare: κόλλα enim, quam ex phlegmate & sæcis commissione statuit Hippocrates, coagulationem calculosam alio penitus modo ac sæculentam perfici, certo arguit. Nec etiam tale phlegma sive materiam pituitosam, ad calculi compactiorem, & indurationem, maxime necessariam nobis fingimus: cum in matula tale gluten ut plurimum non reperiatur, nec ideo ibidem desinat constipari calculus. Sed donemus adesse in matula aliquam glutinis speciem, an inde consequi liceat, eam calculi formationis causam esse genuinam, nec non eandem istam materiam esse meram pituitam? Quoad prius stare nequit; adsit enim tale gluten, vel desit, calculus in matula proinde nascitur. Quoad posterius, merito in dubium revocemus, utrum ista materia, pura puta sit pituita, an potius internum vesicæ intro exsudans, atque ex ea in matulam emictum. Et licet talis mucago, calculi compositionem forsan ingrediatur, immerito tamen ejus concretionis atque indurationis causam, ad phlegma idque ὡμῶς, referamus.

Verum reclamabit alius, calculum suam coagmentationem duritiemque glutini prædicto absolute quidem debere, sed vesicæ calore atque siccitate, instar laterum fictilium, condensari atque lapidescere. Sed quam futilia & absurda sint illa vesicæ calor & siccitas, aut frigus ipsum, ad calculi γίνεσθαι, nemo non videt. Nec etenim matu-

matula, five vesica, intensis clibani ardoribus retorrentur, aut quid ex gravi Borealis Poli frigore participant, quo calculus instar lateris coquatur, aut instar glaciei congeletur, atque ad debitam, quam solet exhibere soliditatem deducatur. Quis etenim nescit, vesicam perpetuo serosi laticis stillicidio irrorari, matulamque, dum in ipsa calculus perficitur, lotio madere. Nonne etiam notum est matulæ calorem, si quis adsit, igni admoto, vesicæ autem, calculo benignam ejus mucaginem abstergenti, fibras asperitatibus vellicanti, atque atterenti, acceptum referri debere. At hæc non magis in renum, quam vesicæ, calculi generationem, prædictarum causarum ullam agnoscimus. Utrumque enim ab eadem causa esse oriundum, posthac propalabimus.

Sed in tantis rerum angustiis, tamque obscuro opinionum pene infinitarum chaos, veritatis partus maxime languescit: cui plures obstetricandi avidi, renum vel vesicæ vim lapidificam alta voce implorabunt. Ast talis Lucinæ auxilium frustra invocetur. Quem etenim fugit ita philosophantes, obscurum per obscurius explicare niti, & ad patens celeberrimumque crassioris ignorantiz sacellum citatis equis confugere? Apage apage insulas, causas ignotas, superbamque qualitatatum quadrigam, qua velocissime abrepti omnia naturæ ænigmata solvere, universasque difficultates superare, ac veluti calcare, nimis gloriose contendunt. Hos itaque missos facimus, ut quid hac de re sentiat Fernellius curiose expendamus.

Prædictus Auctor lib. VI. de part. morb. & sympt. cap. XIII. asserit: *Omne calculum in vesica conclusum, rudimentum quoddam e renibus traxisse, e quibus per nephriticum dolorem excidens, si grandiusculus est, in vesica aliquandiu hæret, ac plerumque persistit, illicque allatarum sordium adhæsu coagmentatur, dum vorus confirmatusque lapis fiat.* Quæ Fernellii mens sua non orbat verisimilitudine, eamque ob rem ab ea non omnino dissentimus: cum enim ipse eodem libro notaverit, se neminem in vesica calculum habentem offendisse, qui nephriticis doloribus ante non fuisset divexatus; inde sane liquet plerosque vesicæ lapides, calculo e renibus per uretheres in vesicam delapso, principium suum debere. Quod suum iudicium sequente paulo post observatione confirmare conatur

Auctor, ajens: *Quoscunque exemptos vesicæ calculos observi (observi autem experiundis gratia permultos) in eorum medio quasi nucleum reperi, verum rudimentum e renibus deturbatum, diversi, quam reliquum integumentum, ac involucrium, & coloris & substantiæ.* Luculentissima hæc Fernellii animadversio, ad ejus opinionem fulciendam non parum confert, adeo ut ipsius vestigiis incedentes, calculos vesicæ, maximam partem, prima a renibus accepisse voluminis sui stamina, non dubitemus affirmare; nec tamen ipsi penitus subscribimus; vesicam enim non secus ac renes saxeo foetu, quamquam rarius, imprægnati, a ratione alienum minime censemus.

Enim vero quamvis a Fernellii parte contra Hippocratem stemus, faciem subsidentem, sanguinis grumos, pus, mucosam pituitam, aliaque id genus crassiora, facile ex vesica profluere cum urina, ac proinde calculum ex his non formari: ipsi tamen talium e vesica excretionem posita, calculi ibidem generationem, eamque primariam, tolli constanter negamus, neque etenim ex ejus ratiocinio, inductionem imperfectam referente, quid generale deduci potest. Nam unicuique primo intuitu elucescit, prædicta omnia, a Fernelio enumerata, siquidem valeant semper e vesica foras amandari, calculi formationi neutiquam prodesse, ac proinde ex istis calculum progigni, negare, ipsi fas esse: sed inde omnem calculi in vesica concretionem, primariamque, ut jam scriptum est, omnino explodi, incipias imus; nam peculiarem calculi materiam, & a facie subsidente grumis sanguineis, pure, mucosa pituita, maxime diversam postea asfignabimus.

Quæcumque hætenus Auctorum placita ponderavimus, quo obscuram calculi cognitionem, e Democriti puteo nobis fortunate contingeret eruere, parum utilitatis nostræ tribuerunt indagini: aliorum ergo proram convertamus, ut ad optatum veritatis portum tuto valeamus appellere. Jamque mihi faustum iter polliceor, modo hac in tenebrarum caligine, ad ignem protinus apparentem, portusque optati nihil monstrantem ostia, recta contendam. Emporion *Spargirici* siquidem portus hic est, nec etenim sibi temere persuadeant, abstrusam calculi indolem, aliter quam industria Vulcani resolutione, posse unquam referari. Hæce investiganti, ratio omnium turissima nobis est, sed cum curis, laboribus, nec

non impensis, ardua sit, incerti de prospecto coepto eventu, forsitan pro soribus hæremus, nisi bonis avibus res in promptu nobis occurreret. Vigili quippe & indefesso, *Præstantissimi*, & *Expertissimi*, D. D. *Caroli Drelincurtii*, *Apollinis mei*, æternum suspiciendi, reverendique, scrutinio, perfectam calculi nanciscor analysim. Hic enim in *Epistola* sua Gallice exarata, cui nomen est, *La Legende du Gascon* &c. calculum in singula principia subtilissime diremptum, famoso offert viro. Quanta autem maxima possum fidelitate verba, quæ pagina 35. habentur hic Latine referam. Sed quod tua longe dignius est experientia, & quod evidentissimum argumentum mihi est, scilicet corporis humani calculi per ignem mihi suppeditant, longe potiori ratione quam per aquam, tertiam salis volatilis, & spiritus urinosi penetrantissimi, & circiter quadragesimam partem olei fatidi aut sulphuris: adeo ut inde mihi supersint fere duæ tertiæ partium terrenarum, quæ trigesimam partem continent salis adeo fixi, ut ignem violentissimum sustineat. Quibus verbis cernere est hanc calculi resolutionem igne fuisse peractam, post aliam beneficio aquæ expeditam: quæ in superiori pagina est reperienda: ea tamen quæ igne fuit absoluta, frequentius usuri, quandoquidem ut placet clarissimo Auctori: per ignem mihi suppeditat longe potiori ratione, quam per aquam. Tam certo tamque egregia calculi potitus anatome, hic pedem figere segniter, instituti conditio prohibet. Pergo igitur inditas unicuique principio dumtaxat, sedulo investigaturus.

Scenam recludit spiritus urinosus, isque penetrantissimus, potentissimum, mehercule, naturæ coagulum ac forsan pari non gaudens. Talem enim præ se fert *ὀρίπυμα*, ut spiritum vini, seu aquam vitæ dephlegmatam in offam coagulet. Testem appello *Helmontium de Lithiasi* cap. 3. §. 5. Rara hæc mirabilisque simul spiritus urinosi virium experientia, obsepiens calculi *συνπύκνωσις*, nebulas non parum diluit & dissipat. Validissimum quippe assequimur *ἀσπύγμα*, quo præceps a peripheria in centrum motus peragatur. Hic per transfennam hominum sortem dolere mihi incumbit, quod ipsis fere solis inter animalia, talem spiritum gignere contigerit. Helmontii etenim opera distillata est urina equina, verum dissimilis prorsus inde emanavit spiritus, quod apud ipsum legere est, *Tract. de Lith. cap. 3. §. 9.* Huius phænomeni, humano generi,

proh dolor! nimium familiaris, rationem hanc esse arbitror. Homo scilicet gulæ satiantis avidior, viscera condit in visceribus, sæpeque intempestiva eduliorum, spiritibus tam sulphureis, quam salinis, præsertimque terrestribus abundantium, farragine ventriculi ingurgitat, quæ ipsis fermentato forte non imbelli edomita atque elaborata per ductus mesentericos in leberem cardiacum promoventur, ubi ulteriore donata coctione, majoreque exaltatione, numerosos spiritus, a se invicem, volumine, figura, motuque sæpiissime non parum diversos acquirunt. Quemadmodum autem plurium Regnorum Imperia, dominationi suæ immutationem pertimescere non solent, cum libratæ singulorum viribus, ex nulla parte in aliam, cum successu, fieri potest invasio: pariter si spiritus varii massam sanguineam exagitant, eamque uno tenore compellentes, temperata quadam proportione, æquisque legibus, motus suos exerant, nihil sane, tunc, humano corpori, damni impendere potest. Sin autem res aliter se habeat, adeo ut v. gr. *Spiritus urinosus* aliis dominetur, ipse, procul dubio, in subtilissimas adjacentes particulas perpetim incurrens, eas non solum varia impellet ratione, sed etiam cum ipsis in mutuos ruens amplexus, siquidem idonea, ad coeundum figura præditæ fuerint, pro superficialium magis vel minus immediato contactu, magis vel minus solidum lapidem, seu calculum exhibebit. Felicior hac in parte equus suo Domino, ut & multæ aliæ brutæ animantes. Nam herbaceis parumque spirituosius vescentes pabulis, succum particulis activis minime, vel saltem parum turgentem obtinent; adeoque fermento generosiori, seu agente efficaciori, quale est *Spiritus urinae*, destituti, calculosis concretionibus vacare, vel saltem raro infestari, debent. Quod rationi, nec non experientiæ consonum reperimus.

Canere palinodiam, molestum est: valeant ergo quæ scripsimus, sitque *Spiritus urinae* summus coagulatus, seu genuina calculi efficiens causa audiat. Nunc in subiectam ipsius materiam diligenter inquiramus. At certe ipsa *λέγυμα οἴμου* nequaquam erit. In matula enim materiam, seu calculum ipsum concavo adnatum vidimus, sed antea nullum urinae phlegma aderat; neque etiam terra, sicuti videtur in concreto calculo: quin potius urina recens emicta, ubique & æqualiter citrino erat colore perfusa. Præterea

terea notante Helmontio *Tractatu de Lith. capit. 3. §. 36.* concretio calculosa in vitro recipiente e spiritibus, liquoribus nempe stillatis & clavis, facta est; unde infero, calculosam crustam in matula contentam: pariter e spiritibus in urina mea delitescens fuisse confectam. Nec nobis obtrudant urinam nostram non fuisse destillatam; certissimum enim est, Helmontii urinam ab ipso destillatam aliud duelech non produxisse, quam quod non destillata fuisset editura.

Satis commode satisque evidenter *spiritus urinosi* notitiam videmur adepti, nec aliorum cognitionem majus nobis negotium facessituram confidimus, si methodo jam incepta progrediamur. Ideo *quadragesimam partem olei sœtidi aut sulphuris* considerare subest. Non solum autem ad prædicti olei *qualitatem* sed & *quantitatem* fortiter attendere, non parvi momenti est. Primo, quoad ejus *qualitatem*, aliorum oleorum naturam sapit: quatenus ex particulis longiusculis, ramosis, sive invicem intricatis, ac proinde sœtidum etiam est, quatenus nimirum in distillatione, & præcipue in sanguinea fermentatione, ac dein, vel in naturali, vel in artificiali matula maximam passum est sui dissolutionem: unde corpuscula ab ipso jugiter emanantia, nimioque fermentationis attritu figuras valde irregulares nata, cum ad nervos olfactorios allidunt, irregularem etiam, seu ingratum sensum in nobis debent excitare. Secundo, quod ad *quantitatem* attinet, valde exilis est: *quadragesimam* enim tantum exhibet. Unde jure consequitur, parum olei seu *spiritus urinosi* ad concretionem duelech concurrere. Præterea hoc sulphure eruto, *materiam* habemus in quam spiritus urinosus, dum in urina adhuc resideret suam potuerit *virtutem* exercere; eadem fere ratione, qua in Helmontii experimento citato.

Supereft tandem, ut *duas tertias partium terrenarum*, ut par est, contemplemur: ex liquidem etsi crassiores & graviore sentiantur, quam quæ ullo possent motu cieri, sicque vix eo inducamur, ut eas naturam spirituum potuisse unquam asciscere, credamus, ex præcognitis tamen liquido apparet, istam quam rudem & pene informem cernimus molem, motui tamen non plane fuisse ineptam atque alias, ante scilicet ipsius coagulationem, volatilisationis legibus paruisse. Rasuræ etenim matulæ quæ duelech in pulverem redactum repræsentant, ante ipsarum otium & captivitatem, per cam-

pum lotii libere exspatiabantur, atque in omnem loci differentiam abreptæ, spirituum indolem necessario æmulabantur, eoque magis, quod nullam peculiarem nobis præberent sui visionem.

Integrum non esset *partium terrenarum* examen, nisi quædam in *salem* intra earum viscera conclusum quædam mitteremus. Nam etsi *terrenas* calculi partes, *spirituosas* olim extitisse, in propatulo sit, dubio tamen aliquo posset quis nos laceffere; eo præsertim fretus, quod perpetuo laudandus Clarissimus D. Drelincurtius, designet illum *salem* adeo fixum, ut ignem violentissimum sustineret. Sed objectionis hujus facilis est enodatio, si mature considerabimus, istius salis, dum ignis viribus subiceretur, eam fuisse constitutionem; ut ipsius minutissimæ particulæ arctissimam inter se iniissent unionem, convenientique præterea caruisse juvamine, seu vehiculo, quod veluti mechanice potuisset attolli. In matula, vel in vesica non item; singula etenim corpusculo salina, tum seroso latice, tum aliis particulis ibidem occurrentibus a sese invicem distincta, & divisa, communi liquoris motu, ultro citroque provehebantur. Ad hanc sententiam ulterius corroborandam multa possemus asserere, rationi & experientiz cognata, sed cum præscriptæ nobis angustia, seu limites id non patiantur, iter matabimus.

Cum res ita se habeant, causas calculosæ concretionis, tam *efficientem*, quam *materialem*, nos jam fuisse consecutos arbitramur. Pensandum nunc est, quonam pacto ab istis duelech in matula oriatur. Quod sane non fuerit nobis cognitu difficile, si *spiritus urinosi*, spiritum vini coagulantis, virium meminerimus: Is etenim *penetrantissimus*, id est particulis valde activis donatus, stipatusque, vinosas, seu sulphureas impetens, easque ad mutuum cogens accessum, intermediis, tum terrestres, tum salinas, in summas redigit angustias, adeo ut velut irretitæ, motumque suum idcirco amplius edere nesciæ, in immediatum fere cum vicinis acquirant superficiem contactum, ac proinde cum ipsis firmissima fruantur connexionem. Hoc prorsus morbo in matula æque ac in vesica, calculum fieri, persuasum habemus. Cum nimirum ægri urina in vesica, vel sani in matula, talem sui textus affecuta est dissolutionem, seu corruptionem, *spiritus urinae penetrantissimi* titulum adeptas talem valeat effectum producere.

ducere: Si quis autem cum *Paracelso*, *Crollio*, aliisque causam calculi *materiam tartari* nomine velit intelligere, de verbo non litigabimus.

Calculi *natura* abunde satis explanata, præcipuas ipsius differentias enumerare, ordo postulat. Primo, alius est magnus, alius parvus. Secundo, alius mollis, alius durus. Tertio, alius gravis alius levis. Quarto, alius levis, alius asper. Quinto, alius albus, alius subfuscus &c. Sexto, alius in centro nucleum habet, alius caret. Septimo denique, alius adhærens, alius vagus: quorum discriminum causas has esse opinor. Primo, quo diutius vel brevius in vesica calculus hospitatus est, eo maiorem materię appositionem passus est, ideoque grandior vel exilior est. Secundo, quo abundantior internæ vesicæ mucaginis copia in calculi compositionem contrahitur, eo mollius; quo autem parcius, eo durius duellum compingitur. Tertio, alius gravis, alius levis. Quod quidem secundum ampliorem tantum & minorem molem non est intelligendum, sed etiam respectu ejusdem calculi voluminis: uti perbelle *Mecænas* meus, in Epistola sua a nobis citata, *scilicet* pagina. 32. animadvertit. Quarto, alius levis, alius asper, prout nimirum æqualis vel inæqualis facta est materię accessio, indeque sequitur. Quinta differentia, quæ colorem spectat: nam a varia corpusculorum ordinatione variz parantur superficies, quæ solares, vel candelares radios diversimode reflectentes modificantesque, diversos necessario, *τὸν πρὸς αὐτὴν αἰσθητικὸν* suggerant colorum sensus: de quibus in *physica*. Sexto, si nucleus, ut sæpiissime accidit, e renibus per urethres in vesicam devolvatur, ibique ulterius accipiat molis suæ incrementum,

haud laboriosum cogitatu est, in calculi inde orti centro, nucleum debere occurrere, non solum enim nucleus ille superstratis corticibus longe durior & firmior est: ut præclare monet æternum colendus *Mecænas*, prædictæ Epistolæ pag. 34. Sed in super tam congrua, tamque homogenea, particularum, uno verbo *tartararum*, fieri non potuit adjectio, quin earum stratificationum ordines a genuinis nuclei corpusculorum seriebus maxime differrent. Ista omnia contra *Fernelii* sententiam a nobis superius oppugnatam nihil facerent, nisi ex doctissimi *Salmasii* ad eruditissimum *Beverovicium* responsione pag. 141. sciremus, calculos dari nucleo carentes, qui proinde in ipsa vesica primariam, ut ante a nobis scriptum est, sortiti fuerint generationem. Septimo tandem, alius vesicæ adhærens, alius vagus: hujus ratio nulli non perspicua; illius vero hanc esse reor. Quemadmodum matulæ, seu figulinæ, seu stannæ, interior superficies tam continua ubique, & polita non est, quin innumeris scateat poris & asperitatibus, quibus proxime adjacens calculi materia concrecendo impingatur, atque affigatur: similiter in vesica eoque potiori jure, cum ea sit membranacea, accidere putamus. His subnectimus expertissimi *Bartol.* observationem pag. 200. anatomiz recens editæ; ubi (inquit de intima vesicæ membrana) *rugæ quæ plurimæ in calculosis, & veluti cuniculi exculpi cernuntur, calculos servantes ex dilatationis desuetudine contracti*. Unde haurio calculos non solum prædicto modo, interiori vesicæ membranæ, summa adhæsiōe adnasci, sed etiam intra ejusdem membranæ rugas intime coacervari, atque ibidem cavos cuniculos agere. (a)

Præ-

(a) Hæc omnia quam maxime illustrabantur per ea, quæ nobis olim amicissime communicavit Vir omni sane laude major, ipse scilicet Carolus Drelincurtius: cujus hæc ipsa sunt verba.

Calculos instar corallii ramosos, & expansos ab ambitu pedis asserini in pelvim, ubi coeunt molem in unam, alias compactam & unicam; alias vero multiplicem atque divulsam, necnon articulis veluti distinctam, & *ginglymi* riu ad lumbos inflexos & erectos, mobilem aliquando eduxi & inter musei mei cimelia anatomica curiosis oculis objicio. Et isti porro calculi *caput uretheris* obturant quidem & expanduntur; sed quia raro sphaerici sunt, urinam vulgo e pelvi in vesicam influere sinunt.

Calculos præterea in extremo *uretere* ita constrictos vidi, ut in vesicam devolvi nequeant, sed inibi hærentes dum urinæ tenuissimum per rimulas transmittunt, crassamen retinent, cujus accessu mole fiunt auctiores, & *ureteris* infimul atque *vesicæ* *rimicæ* ita distendunt, ut alterius idea vesicæ

Præcipuis calculis *Differentiis* perlustratis, antequam ad ipsius *Symptomatum*, signorumque explorationem nos accingamus, operæ pretium videtur disquirere, quinam illi sint in quos gravis hic affectus imperium suum exercere soleat. Primum obtinent locum, qui a patre, vel a matre, vel ab utroque calculosum acceperunt characterem; nam ut ait *Fernelius lib. 1. de morborum causis, cap. xi. nephritici, arthritici, & epileptici, filios vitiosa constitutione gignunt, qua tandem in morbos similes, hereditarios idcirco nuncupatos, incurrant, ut parentibus liberi*

succedant, non minus morborum, quam possessionum heredes.

Quare mirum non videatur, si tot infantes, totque adulti miseræ vitæ stadium sæpe imperfecte emerientes, tam horrendis cruciatibus distorqueantur. Apud ipsos enim morbosum matrimonium tam validas, tamque altas egit radices, ut nulla mortalium vis id unquam valeat penitus extorquere, funditusque revellere. *Gaudeant ergo benenati.* Prioribus succedunt ii, qui a parentibus alioquin sanis oriundi, propter tamen magnam a causis externis in ipsos introdu-

ctam

sicæ rudiores deludant, quasi reapse foret *vesica duplex*; & in illum crassum atque supinum errorem Medicos *Casauboni* incidisse putem, dum viri tanti *vesicam urinariam* nobis geminam obtundunt. Hic porro, ubi ad extrema devenit, & calculi in *infimo uretere* taliter impacti atque cuneati viam urinæ præcludunt omnino, tunc illa in uretere stagnat, & illum enormiter expandit, una cum pelvi sua. Inde est ut in cadaveribus aliquot distentam urina pelvim, illamque olidissimam detexerim. Imo totum ureterem eadem illa turgidulum & expansum. Sed a calculis divelli nequeo citra hist. *unam & alteram*. Prima est de molli uno & farinaceo, qui solius in vesicam catheteris impulsu ita comminutus est & attritus, ut per frustilla minutiora totus fuerit abreptus urinæ fluente: atque sic qui cystotomus erat in procinctu ad carnificinam, ab ea fuerit longe semotus. At e diverso calculos conservo siliceos omnino, quique de marmore resiliunt, uti *Brassavol.* narrat *Comm. in Aph. 79. Sect. iv.* Altera hist. *puerilis* quidem est, sed *Pæonio* stylo notanda. Puer calculi doloribus excarnificatus, & ambulationi impar, lecto detinetur, ubi post aliquot dies furunculus in peritonæo subortus est, cuius pus per medios acceleratores tam profunde serpsit, ut vesicam arrosisset, quæ validius contracta non urinam modo, sed & *calculum* per ulcus emisit, atque ita prædam quidem eripuit cystotomo, sed fistulam ingeneravit, quæ perennat, & qua jugiter & unice effluit urina, abolito prorsus usu ductus nativi.

Coronidis vice *fœminæ* calculos subnectam per ureteram (*virili brevior, latior, atque rectior*) longe optatius excerni, quam in nobis, atque ita raras esse fœminas quibus calculus extrahatur. Imo quasdam vidi *vesicæ* doloribus *ceci labore partus*, excruciatas, sed quæ post tormenta enormia *petraeos sætus* excluderint, in renibus embryonatos, & intra urinæ cisternam sensim auctos in molem usque ovi columbini. Et ipsum profecto, imo quid majus ab *Hipp.* visum est, viro ubique præceos summe perito.

Calculorum Chymicam analysin habes in *Epimetis Thesuro de Lienosis*. Sed in hac Chymica calculorum vesicæ analysi, paucum exhibet oleum, quo bilarii calculi scatent, tanto ut aquæ innascent, & tori ardeant, picis instar. Deridendos ergo sese propinant, qui profitentur bilarios calculos in vesicula bilis & ejus ductibus concrevere ob prædominium *tartari* sive *calcis*, & defectum *olei*, sive *sulphuris*. Et id ipsum nequidem vere proferrent de concretionibus in arthritide nodosa; nam e virili pede, *mensis unius decursu*, gypsum vidi, sing. dieb. matur. eductum, quod glutine multo e tendinibus extensorum nudatis, & lymphæ ductibus incisis, viscatum erat; sed quod exiccatum, ac cerei flammulæ admotum leviter tantum arsit. Sulphuris itaque consors, fellei calculi sorte. Id autem tartari singulis diebus a me collectum, supra chartam emporeticam extendebatur, exsiccationis gratia, & ex illo, (*ad unciam circiter unam probe siccat*) frusta majora aquæ imposui, ac etiam demersi; sed suberis instar semper resiliuerunt & innatarunt. Illorum igitur comparatio cum calce vel gypso, candoris quidem ratione valet, sed ponderis ergo claudicat. At calculi urinariæ vesicæ plani quidem innascent, sed depressi resiliunt nunquam, flammæ autem admoti non ardent, etsi sulphuris non exortes, sed ob ejus parcitatem non ignescunt.

Ist hæc rara quidem: sed rariora 2. proferam, 1. de calculo unc. xv. quem inter *æquales* sedulus conservo. Is intra viri pancreas sensim increverat cum gravitate ad lumbos, maxime post pastum & inter ambulandum. Vomitus denique civit enormes & letiferam atrophiam intulit, omni præpedito tam conficiendo quam distribuendo chylo. Mediæ est consistentiæ atque soliditatis inter vesicales, quos farinaceos siliceosque designavi. Fundum aquæ petit, nec ardet, metalli more.

Alterum est de Virgine ann. circiter 20. qua dira cephalæa semestri discruciat, occaecata est tandem, ac reliquis deinceps sensibus orbata, & mediis in planctibus extincta.

Tota ipsi pinealis gland. saxeæ fuit, unius ovi gallin. amplitudine, & mole tanta nervor. optior. thalamos, nec non reliquos tandem nervos lethifere compressit.

Etiam alternationem, eodem, ac præcedentes, affliguntur malo. Novit enim quilibet, quod *cause necessariae* quas declinare non possumus, ut sunt *aër*, quem respiramus, *cibus & potus*, *motus & quies*, *sonnus & vigilia*, quæ excernuntur, aut subsistunt, *animi denique perturbationes*, totam animalis æconomiam gubernent, ideoque eorum vitio, vel ipsius animalis abusu, multa emergant monstra, humanæ valetudini insensissima. Hic inter marem & foeminam discrimen aliquod interferendum venit. Quamvis enim acceptas a parentibus morbosas affectiones, æquali jure, portioneque partiantur; attamen propter diversam partium, vesicæ in primis, varietatem, ille hac in calculum propensior evadit. Utriusque nimirum, anatome docet maris urethram longam, curvam, & angustam, foeminæ vero ductum, brevem, rectum, amplumque existere, adeoque difficulter ex illius, verum ex hujus vesica facile satis calculum nondum seniore posse eliminari. Non omittendum adultiores, renum, infantes vero & senes vesicæ calculo magis esse obnoxios. Illis scilicet arteriæ & venæ sanguine adeo fermentato turgescunt, ut cum ferum in renibus a massa sanguinea segregatur, *spiritus urinosus*, quo tinctum est, tali jam polleat virtute, ut particulas sulphureas & salinoterreas in renum anfractibus statim coagulet, quo peracto latex aquosus per ureteres in vesicam stillans, in ipsa sterilis omnino residet, utpote saxeo semine in renibus orbat. In illis enim adhuc tenellis & imbecillibus, sanguinis principia, tanto fermentationis orgasmo non percelluntur, nec his senio pene confectis spirituum *δυνάμει* adeo vegetæ, ut *coagulator urinosus*, tartareas particulas, in renibus, dum eos cum sero pertransit, queat in unum cogere, exinde salvis sæpe renibus in vesicam cum seroso latice depluit, ubi majori robore, atque imperio in particulas sulphureas & salinoterreas, comparatis, earum vibrationes infringit, & quasi arctis compedibus revinctas impedit, quo minus vesicæ carcerem effugiant. Haud dubie tamen multi sunt senium a limine salutantes, qui calculos in vesica, ex renibus contraxerint, eodem pacto, quo cum *Fernelio*, supra narravimus.

Symptomata, quæ calculum vulgo comitantur, & ex quibus affectus *διάγνωσις* haurit Medicus, quinque enumerat *Hippocrates*, lib. 4. de morbis. Συμπτώματα δὲ ἡ νόσος ἔχει

πέντε, ἐπὶ ταῖς ἀρχαῖς δόλῃ, πορεύεται καὶ τὸ ἔργον κατ' ὀλίγον ῥέειν, ὡς περ τραγγυρακοῖσι, καὶ ἔστιν ὑφαίμων οἷα τῆς κύστεος ἡλικωμένης, ὑπὸ τῇ λίθῃ· καὶ ἡ κύστις φλεγμαίνῃ· ἀλλὰ τὸτο μετ' ὀφθαλμοῦ σημεῖον δὲ ἀκροποσθίον. Signa autem morbus quinque habet; nam ubi meşte vult, dolore affligitur, & urina paulatim fluit, velut in urinae stillicidio; & est subcruenta, nimirum vesica a lapide exulcerata, & vesica inflammata est: verum hoc signum inconspicuum est: indicat tamen summa glandis pars. Horum symptomatum signorumque causas has esse ducimus. Primo quidem ἐπὶ ταῖς ἀρχαῖς δόλῃ, πορεύεται. Quia cum musculi abdominis, nec non diaphragma, vesicam in urinae excretionem comprimant, valde verosimile est eorum & membranae musculosæ vesicæ actione, lapidem e suo loco dimoveri, atque asperitatibus ejus interioris membranae fibras corradere: unde non parum sensibilis debet exoriri dolor. Verum quandoquidem totus omnium prædictorum musculorum impulsus, urina ad meatum urinarium impellit, maxime probabile est, calculum eadem vi, eodem loci pelli, præsentiaque sua qua egressum urinae fere præcludit, eam sinere κατ' ὀλίγον ῥέειν ὡς περ τραγγυρακοῖσι. Id est veluti in urinae stillicidio dolorifico: quod est tertium symptoma. Quarto καὶ ἔστιν ὑφαίμων, & est urina subcruenta. Cujus symptomatis rationem reddit ipse Hippocrates: οἷα τῆς κύστεος ἡλικωμένης, ὑπὸ τῇ λίθῃ. nimirum vesica a lapide exulcerata. Quinto tandem, καὶ ἡ κύστις φλεγμαίνῃ, & vesica inflammata est. Quod de symptomate nutare videtur Auctor, id enim vocat *δοκίμει*. Exinde conjectare licet, illud symptoma non esse perpetuum, nec *παθολογικὸν*, sed tantum in iis locum habere, quibus vesica calculo impense læsa fuerit; adeo ut etiam *ἀκαρπία*, id est, *summæ glandis ardor* illud significare debeat, seu potius ordinario manifestet. His accedit sublequens Hippocratis textus, ex quo aphorismus 79. sect. 4. Οὐρόσσειον ἐν τῇ ὕρῃ λευκώδην ὑφίσταται, πυρρίοισιν ἢ κύστις λίθις, quibus in urina subsident sabulosa, iis vesica calculo laborat. At hic aphorismus tam renum, quam vesicæ calculo competere mihi videtur. Renibus quippe calculo laborantibus, sabulosa etiam excernuntur. Vesicam tamen vel renes speciatim potest respicere, modo cum aliis signis magis particularibus conjungatur, seu coincidat. Hæc & alia signa, ut

erurum intercruciationes, manuum pudendis admotio, priapismus, tenesmus, &c. tam ab *Hippocrate*, quam *Fernelio*, *Sennerto*, aliisque magnæ notæ Auctoribus probata, cum fructu possunt usurpari si calculus vagus fuerit; at si laterali vesicæ parti, vel etiam ejus fundo adhæserit, vix ullum ex prædictis signis de illo nuncium refert. Hac in re nobis favet *Fernelius de part. morb. & sympt. lib. vi. c. 13.* Huc accedit memorabilis historia ab *Helmontio* descripta tractatu de lithiasi, cap. 3. §. 49. de quodam Prædicatore prope Barclajam in Anglia, qui anno 1629. sanus atque sospes contendens a prandio, librum e sublimi ad se trahere, in imo ventre, magno percussus pondere atque dolore, certis inde a quadriduo signis, scivit se calculo gravatum. Ex hujus narrationis conditione & circumstantiis, judicare possumus Prædicatorem, nullam antea ab isto calculo tulisse molestiam, nec ullam forte utcumque manifestam de illo suspicionis causam habuisse. Omnia hoc in casu Medicorum dubia solvit catheter: ipso etenim leniter & industrie in vesicam immisso omnes explorantur anfractus, omniaque latibula, in quibus alioquin calculus omnem Medicorum solertiam & sagacitatem eluderet.

Jam hujus ægritudinis curationem suspiciendi hora est. Sed hoc opus, his labor est. Nam etsi concepta, causarum externarum immoderatione, atque intemperie, in calculum inclinatio, earumdem moderatione, & temperie, sæpe avertatur & emendetur, hæreditariam tamen, nulla posse fugari ratione, ratum habeo. Rara etiam, ut fortasse ignota sunt medicamenta, quæ ore assumpta activitatis spheram, tam longe lateque ferant, ut ad calculum in regione vesicæ situm, ea extendantur. Tentandum tamen est quod ratio experientiae maritata nobis est dictatura.

Vera & recta hujus hostis debellandi methodo insistemus, si primo grassari incipientis progressus inhibeamus, eumque si fieri queat, capite truncemus. Secundo, si eum jam vesicæ muris loricatum atque munitum, foras ejiciamus, integra, in primis, remanente arce. Primam indicationem absolvere poterimus, tali vivendi ratione, quæ massæ sanguineæ succos, ad pristinam *consuetudinem* revocet; adeo ut *spiritus urinosus* omni sua ferocia deposita, cum partibus tartareis, tragicam suam personam amplius non possit agere. Primo si aer sit

intemperatus, atque vaporibus seu effluviis e cryptis saxeis avolantibus, infamis, protinus deferatur. Hæc etenim non solum fermenta seu semina, calculo excitando idonea largiuntur, sed & homines, bestias, carpenta, reliquamque supellectilem, in rupes aliquando valent convertere: uti legitur in *Helmontio de lith. c. 1. §. 18.* multisque in aliis Auctoribus. Secundo, summa cautio in *esculentis*, & *potulentis* capienda. Quippe ut ea, nimia quantitate ingesta, grave ventriculi fermento detrimentum inurunt, & vitalem auram maxime pessundant, sæpeque suffocant, sic nociva qualitate, pluribus heteroclitis affectibus, ac præcipue huic, ansam præbent. Absit tetra ingluvies, quæ plures quam gladius perimit. Procul panis male fermentatus, nec bene coctus. Legumina fere omnia, rubris ciceribus exceptis, caseus, lacticia omnia, pisces grandiores, haleces passæ, seu infusmatæ, ostreae & conchyliæ, & tandem omnia quæ copiam seminis petrificantis secum gerunt. Horum vices subeant caro vervecina, vitulina, capones, perdices, turdi, coturnices, vitelli ovorum &c. amygdalæ amare, pistacia, pinæ, nuclei persicorum, ceras, ficus, rubra cicera. Inter herbas malva, atriplex, petroselinum, asparagus, & in primis chærefolium *Sennerto* singulare calculi remedium. Vitetur cerevisia nondum bene fermentata, in eamque dum coquitur semen pauci injiciatur. Fugiat etiam vinum non defæcatum. Nam ea morbi causam secum portant. Ex insalubrium numero est aqua stagnans, in fundo conceptaculi, filicibus, seu arenis orba, talis enim impura est, & terrenis grava. Verum ea optima censetur, quæ perenni scaturigine, jugique fluente e terræ visceribus per summum ejus corticem derivatur, innumerisque calculis & arenulis fundum stratum habet. Motu nimirum, a corruptione vindicatur, & a spermate lapidescente purgatur, dum ipsum in arenas facessens subidet. Vinum Rhenanum album, liquor pomaceus, pyraceus, propter vim diureticam, valde juvant. Si qua autem purgatione utendum, ad succum sanguineum reformandum, inter alia hæc esto, a celebri Riverio probata. R. Cassiæ recenter extractæ cum ol. amygd. dulcium ʒj. diaphœnici ʒiij. rhabarb. pulv. ʒj. cum pulvere liquiritiæ fiat bolus. Ad hujus affectus *propagandæ* mire faciunt aquæ minerales acidulæ, & vitriolatæ; ut etenim ex varia

corporum concreta valent dissolvere, ita calculosam dispositionem potenter enervant, plura utilissima apud *Paracelsum*, *Helmontium*, *Sennertum*, *Riverium*, aliosque majoris famæ Medicos, quorum ampliora volumina hic inserere non decrevi. Tertio excernendorum excretioni, & non excernendorum retentioni prospiciatur. Quarto motu nimio pretiosum hominis balsamum non profundatur, nec pigriori quiete torpeat, aut gravetur. Quinto de somno & vigilia idem dicimus. Sexto animi perturbationibus consulendum; eæ etenim, idem ac motus intensior, & quies desidiore, præstant. Omnia igitur medio modo procedant. His & aliis, quæ opusculi brevisitas reconferi renuit, ingruenti huic affectui succurritur.

Ad alteram indicationem adimplendam non ita pollet Medicus. Vix etenim pharmaca cum sua operandi facultate, ad vesicam pertingunt. Tentanda ramen quæ calculum minuere ferantur. Radices apii, petroselinii, brusci, graminis, asparagi, folia parietariæ. Semina anisi, fœniculi, dauci, ameos, carthami, rutæ, sal prunellæ, crystal. tartar. Primas obtinet sanguis hirci, vel integer, vel distillatus per B. M. Studendum autem cum *Riverio*, ut hircus nutriatur per mensem, saxifraga, pimpinella, baccis juniperi, petroselino, aliisque diureticis, sine potu. Vinum alkekengi ab *Arnoldo Villanovano* maxime commendatur; quod sit fructus alkekengi contundendo, cum vino albo & colaturam exhibendo. *Horatius Augustinus* historiam refert cujusdam typographi filii, calculo liberati per pharmacum a Jesuita ipsi oblatum, quod tale est. ℞. pulv. millep. ʒj. ad sursum ʒiv. aquæ vitæ ʒss. juris cicero rubrorum ʒix. vel x. capiat horis ante prandium quinque. Spirit. salis hispalensis extollit *Helmont. de lib. c. 8. §. 28.* aitque ipso calculum imminui. His omnibus ore haustis palmam præriperant medicamenta, quæ suadente *Paracelso*, aliisque in vesicam syringa transfunduntur; at agrorum experientia id alienat. Nam miriora medicamenta, in ipsam vesicam injecta, dolores magnos cient. Si igitur diæta appositæ, & remediis deglutitis, affectus rebellis non cedat, sacra anchora, *NESTOMIA*, amplectenda, vesicæ inflationem, flabello peractam, apud *Ægyptios* olim exercitam, abhorremus: varia etiam abhinc crudelia imaginamur, tormenta, nec commodam calculi educationem. Nec spiritus a *Fab. Hildano* extrahendi calculi modus,

magis nobis cordi est. Regnet ergo ea sola calculi eruendi ratio, quæ tot excellentibus practicis, Celsoque præsertim, maxime arridet. Si quis autem nosse aveat, quale in viro, quale in puero, mulieribus, aut virginibus calculi educendi *ὀρθρινὰ* excellat, peritorum *ἄνδρῶν* monumenta adeat. Sed a tedioso librorum evolvendorum labore abstinere queat, quicumque eximiam dictam epistolam, ab ipso naturæ genio scriptam, consulere voluerit. Hic sisto calamus, & DEO TRIUNI gratias ex imo meo corde fundo, & ipsum demisso, humilique rogo animo, ut tentamini huicce benignus faveat, luminisque scintillulam gratus impertire dignetur, quo densis ignorantiz tenebris mens mea tandem eripiat.

Dissertationem hanc primam, alia jam Præclarissimi Martini Lister excipiat. Quo sic habet.

DISSERTATIO MEDICINALIS

DE

CALCULO HUMANO, &c.

Calculi ubique corporis humani ac præcipue in renibus & vesica generantur: cujus rei rationem infra privarum exponam. Igitur inventi sunt calculi sub lingua, in ductibus pituitariis, in cerebro, in hepate, in pulmone, in vesiculis seminalibus, in utero, in ventriculo, in intestinis, in articulis tum manuum, tum pedum, at multo frequentius in renibus & vesica. Adibis *Historiæ Medicinalis* Scriptores, & præcipue mortuorum dissectores.

Calculi autem, etiam si maxime inter se discrepare videantur & figura & colore & pondere; nam in iis sunt leves, sunt asperi: alii opaci, alii pellucidi & crystallosum æmuli: sunt & tephacei & valde friabiles: alii vero vere metallici, ponderosi, peneque silicei videntur: alii rotundi, alii inæquales: alii quadrati, alii fissiles: alii testacei &c. tamen eorum natura & generationis ratio eadem est, non solum in hominibus, sed etiam in aliis animalibus, ubi calculorum quoque quam maxima varietas differentiarumque occurrunt.

At licet ea distinctio calculorum secundum loca & animalium genera laudabilis & histo-

& historica sit, instituti tamen nostri bre-
vitas nos diutius insistere istiusmodi minutiis
non patitur.

Verum ne futilibus conjecturis oratio no-
stra procedat, primum videndum est,
quid nobis de calculorum natura, & ex
eorum analysi per ignem, & cum crudi
nondumque ignem experti fuerint, existi-
mare liceat.

De calculo autem humano cremato hæc
exhibet diligentissimus Leeuwenhoekius ope
microscopii.

„ In calculo humano, inquit, ignis vi
„ in calcem redacto, magna copia insunt
„ & salia fixa & volatilia. *Idem albi*, ex
„ sale volatili & fixo maxima pars calculi
„ constituitur, *itemque*, calculi vesicæ hu-
„ manæ ex magna particularum salinarum
„ copia constant.

Porro „ ex calculo combusto crystalli erant
„ pellucidi, atque ita angulares ac lateri-
„ bus planis, ac si ipsum fuisset crystallum.

„ Rursus ex calculo adusto, cui aqua
„ infusa est, sal coagulatur, ac *tam durum*
„ *fit ac rigidum*, ut quamvis aqua ad co-
„ ctionem usque serveſcat, sal illud tamen
„ cum aqua non denuo conjungitur.

„ Item sal volatile calculi adeo *rigidum*
„ & *firmum* est, ut, ubi coagulatum est,
„ humido cælo dissolvi nequeat.

„ Ex capite mortuo calculi combusto, cui
„ aqua pura infusa est, eadem aqua sen-
„ sim in aëre siccata detegi plures salis fi-
„ guras, pellucidas instar adamantum: nec
„ solum erant pellucide, sed & anguli ea-
„ rum erant adeo glabri, ac adamantum
„ anguli possint poliri. Inter eas vero ma-
„ xima erat plana, & ejus basis triangula-
„ ris: unus ex angulis erat obtusus, juxta
„ hanc vero jacebat particula salina, cujus
„ basis erat sexangularis, &c.

„ Præterea jacebat (præcipue in liquoris
„ superficie) magna copia particularum,
„ simillium iis, quas in *Arthritidis calcem*
„ appellamus.

„ Etiam si cælum, dum accurare intueret
„ salis particulas, admodum esset humidum
„ ac frigidum, omnes hæc particule undi-
„ que, quasi aqueo humori injectæ erant:
„ unde earum rigiditas facile conjici
„ potest.

„ Calculus crudus ex aqua frigida infu-
„ sus suos quoque sales similiter rigidos
„ dat.

„ Nullam vidi particulam salinam, ex
„ tot myriadibus salis, qui calculo huma-

„ no insunt, communi nostro sali simi-
„ lem. Neque illud ex siccato humore de-
„ tegi potuit.

„ Omne sal palato nostro non sapit; ita
„ nec sal e testis conchyliorum crematis,
„ ex alabaſtro crudo; ita nec sapit qui eli-
„ citur ex calculo humano: id est, *acrem*
„ & *acidum* saporem admodum salis commu-
„ nis non exhibet; sed sal tamen esse non de-
„ ſinit. i. e. suum habet peculiarem saporem,
„ de quo supra satis dictum est.

„ Capite mortuo materiæ calcarie *Arthri-*
„ *ticorum* ad nigredinem exulto, aqua
„ adjecta inest magna copia particularum
„ salinarum, simillium salium in calculo
„ humano: scilicet rigidorum pluriumque
„ angulorum; nihil salis vulgaris, quod
„ in cibis utimur, inest materia calcaria
„ arthriticorum. *Hactenus Leeuwenhoekius.*

Illud autem notes velim, figurarum sa-
lium illorum varietatem ac imperfectio-
nem apud eum ab incredibilis particularum
salinarum exiguitate dependere, quæ, ut
is testatur, vix tantæ sunt, ut multæ
earum myriades arenulam æquent: adeo-
que propter parvitatem vix satis recte de-
pingi poterant.

In crystallos itaque majusculas (quan-
tum fieri potest) aliquo artificio cogendæ
sunt, ut lenta siccatione in umbra, idque
diebus maxime calidis: quo certe tempore
ex aquis nostris mineralibus crystallos ad
sesqui scrupuli pondus habuimus: deinde quo
major quantitas salis erit, eo promptius
experimentum ejus concretionis in crys-
tallos, magnitudinis conspicuæ & perfectissime
successurum est.

Hæc autem non exhibui, ac si aliquod
dubium sit de veritate experimenti a
Leeuwenhoekio de illis salibus expositi, sed
ut, etiam sine microscopio, vel nudis ocu-
lis res manifestaretur.

Igitur de copia & natura salis in calcu-
lo humano jam satis fere diximus; item
de ipsa calce similiter sive materia calcaria
& metallica.

Illud autem unum addam de hac calculi
humani materia, scilicet quod in earum
aliquibus debite crematis etiam ipsum *fer-
reum metallum*, ad aliquot grana adhibito
magnete posse extrahi; id quod olim osten-
di coram *societate Regia Londinensi*, cum
ibi forte caput mortuum dictum alicujus
calculi humani a *D. Stare* expositum fuisset.
Appello autem registra ejusdem *Socie-
tatis* de fide experimenti.

Quæ vero præterea calculi, *chymica analysi* dent, minus moror, nempe olea & aquam. Cum non alia sint a sanguine, humoribusque corporis; adeoque minus faciunt ad calculi generandi intelligentiam; quæ tamen hujus Dissertationis præcipua intentio est.

Igitur his expositis quale sit id, quod in homine lapidescat, satis intellectum puto, atque ita *calculum definitio*, nempe esse quid vere lapideum a sale lapideque calcario, & interdum a ferreo metallo, humoribusque quibuscumque corporis concretum, atque in plerisque ductibus viscerum excretoriis, maxime vero in renibus & vesica natum.

Causam itaque *materialem* calculi in solis humoribus, ut in pituitosis, crassis, viscosis, tartareis aut sæculentis non posuimus. Etenim materiam non solum concrecioni aptam, quales sunt humores, indicare satis est, sed aliam etiam vere lapideam & metallicam calculi exigere videntur, atque ea ipsissima est, quam in proxime superiore Tractatu Anatomico exhibuimus, e quibus conchyliorum testæ sunt, inque fontibus medicatis inveniri diximus; nempe succum lapidescentem e saxo quovis calcario, pyriteve sive ferreo metallo *Germinante* ortum, atque aquis abreptum, nobis aliisque animalibus quovis alimento, maxime vero portione assumptum.

Humor autem iste sive succus lapidescens etiam si ejus effectus passim extra nos innumeris exemplis appareat, tamen a nemine quod scio, explicatus est. Etenim Helmontii somnia hic non vendito, videlicet cuncta metalla ex mera aqua fieri, specifica metallorum semina, fermenta, odorem & spiritum nescio quem urinæ lapidificum, terram ejusdem volatilem, spiritum vini urinæ incolam, hæc meræ nugæ sunt.

Non semen, inquit Helmontius, cum aqua sibi subdita solum petrescit, quin insuper corpus sibi contiguum, odoris seminis petrificis, solo attractu petrificat, at si ita esset, cur renes & ipsa vesica non petrificarentur: ubi interdum semen istud, odor & fermentum tam vehemens est, ut innumeros & sæpe ingentes calculos generare potis sit: *ἀλλὰ ἰσχυρὸς τὸ τῆς οὐρῆς τῶν λόγων λίθου ἕστ᾽ ἔστιν.*

Quæ vero passim observare licet, ea tantum exhibeo, scil. saxa calcaria & pyriten i. e. ferri metallum sulphureum, præ omnibus metallis, *salia sua lapideis particulis gravida* edere, more plantarum pullu-

lantium; his vero *plantas salinas* aquarum cursibus dissolvi, iterumque vel ob moram, adhesionem ex aptitudine quadam partium & contiguitate, imbibitionem, aliave ignorabilia accidentia inter se coire, & in primam suam materiam redire, hinc, inquam, petrificationes extraneas, & calculos intra nos fieri verisimile est.

Est itaque peculiaris quædam materia sive succi lapidescentis aptitudo, ut in lapidem convertatur, nimirum ex salis lapidei naturali coitione, ejusque rigiditate, ut dissolutioni, ut dictum est, resistat; itemque ex copia & qualitate particularum lapidearum in isto succo contentarum, suo scilicet sali ex quadam harmonia ortus, prompte committendarum, nexu haud facile dissolubili.

Igitur calculi materiam ab esculentis & potulentis, quæ hujusmodi salibus lapideisque particulis abundant, provenire. Si vero corpus bene se habeat, foras ejiciuntur, neque in renibus, aut vesica retinentur; si renes imbecilli fuerint & vesica labefactetur, in lapidem coire apta sunt.

Efficiens itaque causa calculi est copia materiae lapideæ in ductibus viscerum excretoriis imbecillis diutius suppressa.

Si qua vero sit in aliquibus hominibus hæreditaria dispositio ad calculum generandum, ea oriri posset ex mala partium constitutione; ex usu tamen quotidiano victus, lapidea materia maxime infestis, vel in maxime integris hominibus calculi etiam generantur, videlicet si alimentis continuo & magna copia utantur, quæ plurimum succi lapidescentis in se contineant, aquasve bibant tali succo vitiatas, quia in illis aquis aut cibis causa materialis; unde est, quod in quibusdam regionibus præ aliis incolæ complures calculo laborent.

Itaque renes & vesica vitiantur vel ex nativa constitutione, vel victu calculoso supervacaneo, quam autem rem sic intelligo, nimirum a nimia copia & pondere materiae metallicæ arteriolæ capillares, renum ductibus excretoriis commissæ, distendantur, præterque naturam valde ampliantur, unde excretio debilitatur a constrictione arteriolarum labefactata. Igitur materia metallica in ductibus excretoriis imbecillis sensim accumulatur moramque trahit, unde ejus coitio in calculos: idem cogita in tabe hæreditaria, ubi mala renum constitutio.

Inter causas autem calculi *antecedentes* & *procatarticas*, hæc recte numerantur.

1. Mala

1. Mala concoctio, qua chylus crudus & lentus quo involvitur succus lapidescent, indiscriminatim intra habitum corporis assumitur, etiam si vero causa calculi materialis non ex stomacho deducenda sit, tamen eo labefactato in officio suo chyli conficiendi, succus petrescens plus minus in omnigeno alimento necessario & naturaliter existens, possit ob chyli crassitiem citius & facilius in majores arenulas coire in renibus.

Profecto robur inaequale partium est calculosorum praecipua ratio; ita renum alter calculos parit altero sano, quod satis evincit calculi vitium a parte labefactata potius, quam ab ullo materiae calculosae defectu oriri, quae semper, ut dictum est, adest; at raro supra modum arenularum concrevit, nisi vitietur tonus & vigor renis expulsiuus.

2. *Lactea infirmata*; nam ab iis integris etiam chylus bene digestus a succo istiusmodi petrescente ex parte purgatur; quod scilicet is fluori minus aptus sit, adeoque inter alimenti soluti excrementa per intestina dejicitur, antequam venas lacteas subire possit.

3. Hyems autumnusque calculos renum parit, auctore *Aretaeo*, an quod magis laborent renes, suppressa ex frigore perspiratione cutanea?

Sed ad alia pergamus, & privatim materiam calculi suppeditant maxime *ostrea* & omnia *Testacea* animalia, *aqua medicata*, quaeque vel calcario vel ferreo metallo imbutae, & quae petrescentes ob conspicuos effectus praecipue audiunt. *Vina* aut quaelibet alia alimenta locis aqua petrescente vitiosis nutrita.

Salsa autem *carnes* minime, prout *Leeuwenhoeckius* extra dubium posuit, scilicet in calculo omnino nil salis culinarii reperiuntur esse.

His vero adjici possunt *vehementissima* quaeque *Diuretica*, quae materiam morbificam vel nimio impetu ad renes deturbent, vel victum per se minus noxium infestum reddant, quod ipsi renes ob nimiam excretionem infirmantur.

In his quoque causis *Balnea* ponenda

sunt, quibus renes nimium laxentur, item alimenta vehementer calida, ut piper, allia, resinae quaevis, exercitium vehemens, Venus immoderata.

Audi Hippocratem, (a) pueris calculi principium ex lacte impuro, pituita enim, ex eo lacte urinae sedimento admixta, glutinum evadit; ad primum quidem parva lanugo accrescit, deinde quod accedit arenosum. Rursus autem alimentum solidum aut lapidosum efficitur, non secus ac ferrum ex lapidibus &c.

Ita nobiscum satis bene sentit antiquissimus Medicus, calculum accrescere ex arena pituitae commista, i. e. ex materia vere lapidea, primoque mollem velut lanuginem, mox virtute arenosae accessionis solidum, ac lapidosum effici, non secus ac ferrum ex lapidibus.

Haecenus de calculi natura, ejusque generandi modo causisque; proximo autem in loco ipsius morbi ratio, sive *pathologia*, sive is in renibus, sive in vesica fiat, instituenda est; cum *Diagnosticis* vero incipiam.

Haec autem calculi in renibus indicia sunt. 1. Omnium certissima significatio, calculus excretus est.

2. Ad renem doloris gravitas. (b).

3. Femoris e directo stupor sentitur, *idem ibidem*.

4. Nausea & vomitus.

5. Urina cruenta: at hoc perpetuum non est: unum tamen e praecipuis est quando contigerit quod dolorem nephriticum a colico distinguat.

6. Urina in principio aquea, pauca, aut integra ejus suppressio: a moto vero calculo per ureteres, ea copiosa, sere turbida, arenosa.

Haec autem indicia per se patent, neque ulla explicatione, certe arte periti, indigent.

Ubi vero id malum in vesica fuerit, his indiciis, inquit *Celsus*, (c) cognoscitur. „ Difficiliter urina redditur; paulatimque, interdum etiam sine voluntate destillat, eadem „ arenosa est, nonnunquam aut sanguis, „ aut cruentum, aut purulentum aliquid „ cum ea excernitur; eamque quidam promptius recti, quidam resupinati, maxime „ hi,

(a) Lib. 4. de Morbis.

(b) Hipp. Epidem. l. 2. S. 1.

(c) lib. 2. cap. 7.

hi, qui grandes habent calculos, quidam etiam inclinati reddunt, colemque extendendo dolorem levant. Gravitatis quoque cujusdam in ea parte sensus est; atque ea cursu omnique motu augetur. Quidam etiam cum torquentur, pedes inter se, sebinde mutatis vicibus implicant. Feminae vero oras naturalium suorum, manibus admotis, scabere crebro coguntur. Nonnunquam si digitum admovent, ubi vesicae cervicem is urget, calculum sentiunt.

Neque multum aliter Hippocrates. (a) Hic morbus quinque habet signa. Dolor in urina reddenda: ejus stillicidium: interdum cruenta, a vesica inflammatione vexata: verum id non apparet, indicio tamen est *summa praeputii pars* (i. e. inflammata), interdum arenosa reddit, interdum duos aut plures calculos.

Aretaeus ex antiquissimis Auctoribus in plerisque consentit. Si vesicae inhaerit calculus, ex colliquationibus patefiat; neque doloris neque gravitatis expertes sunt, licet urinam expedite reddant: Sin minus & urinae difficultas accedet: omnes vero calculos ex sabulosis urinae subsidentibus deprehendes, & quod istis virilia saepius eriguntur: quando enim mejuunt subestque calculus, dolent, tractant, attrahuntque pudenda, anus quoque vitii particeps redditur.

De inflammatione autem vesicae satis constat ex observatione Hippocratis, cum ad summam glandem fere visibilis sit, ex insigni rubore; unde non mirandum est, si molestus interdum pruritus sit in pudendo, dolorque in vesicae collo incipiens, ad glandis extremum usque porrigatur, unde etiam *Virilium* frequens erectio, non secus ac cantharidibus sumptis.

Urinae autem *Stillicidium*, & ponderis sensus: item mictio facilior in uno corporis positu quam in alio: item dejectiendi cupiditas, quae mictionem excipit, haec omnia a magnitudine, & figura & motu calculi oriri videntur.

Ultimum autem & omnium certissimum

signum est exploratio, vel per digitum in anum vel per catheterem in ipsam vesicam immisum.

De illo autem Hippocratis (b) aphorismo magna interpretum dissensio est a Galeno ad nostra tempora. Quibus in urina arenosa *Subsidentia* subsident, his vesica calculo laborat.

Johannis Zecchi (c) opinio, ut video, plerisque arridet; qui hanc subsidentiam non meram arenam esse vult, sed glutinū istud mucaginosum in plerisque calculosis conspicuum; at hoc non perpetuum signum est, adeoque minime pathognomonicum.

Sed, brevitatis causa, missis aliorum disputationibus mihi videtur, Hippocratem hic, generationis arenae locum, non calculi existentiam indicare voluisse, & dicit tantum ipsam vesicam in vitio, ubi arenae a mictione formantur atque subsident; ita quidem expono *ἡ ἀρετὴ*, imo idem Hippocrates (d) alibi ait arenam non esse signum calculi in vesica; atque ita ille aphorismus diverso ab hoc sensu intelligendus est.

Verum ais, arenae non sunt calculi, neque negandum est, quod a quibusdam exhibetur, scilicet vix e decem unum reperiri, qui arenas cum lotio non excernant; raros tamen esse, qui renum calculo laborant, & rariores multo, qui vesicae.

Quamvis autem arenae revera calculi sint, nec ab iis essentialiter differant; tantum secundum magis & minus, nam perexiguus calculus arena est; tamen aliquo sensu, in gratiam Medicorum, probanda est ista distinctio, nempe arenae quotidianarum cum urina ejectarum, & calculorum majusculorum non sine dolore & difficulter excernendorum; utraque tamen partes, & renes & vesica tam suas arenas, suosque calculos generant: neque aliter visum est Hippocrati, ut supra dictum est in diagnosticis; vult autem in hoc aphorismo, arenas ex urina micta subsidentes praecipue a vesica vitiata oriri, eamque calculis generandis praereminibus pronam esse innuere. At hic praetereunda non est singularis opinio Fernelii, qui statuit omnem vesicae calculum, rudimen-

(a) 4. de Morbis.

(b) Aphor. 79. S. 4.

(c) Conf. 58.

(d) L. de affectionibus.

mentum quoddam, seu interiorem nucleum, ex renibus trahere, e quibus per nephriticum dolorem excidens, si sit grandiusculus, in vesica hæret, & sordium illic allatarum adhæsu coagmentatur, dum adoleverit in justum lapidem; eo, inquit, argumento, quod neminem offenderit in vesica calculosum, qui non fuerit diu ante nephritide vexatus: item quod in contritis vesicæ lapidibus nucleum quendam se reperisse asserit, diversi a reliquo integumento coloris & substantiæ.

Huic autem opinioni ipse addo, etiam in mediis calculis, e vesica extractis, vidi & *ferramenta* (a) & ossa, per ipsum penem injecta: possunt itaque arenulæ renum esse pro rudimentis calculorum vesicæ: at hoc perpetuum non est.

Etenim priorem huius rei rationem alii Medici ex propria sua experientia negant; nempe in pueris calculosos dari, quibus nulli nephritici dolores antecesserunt: item non in omnibus calculis nucleum istiusmodi in esse.

Illud quidem verum est, calculos renum sive arenulas ab iis plerumque fulvas esse, vesicæ vero albicantes, quare calculorum color, ut supra dictum est, & consistentia varia: modo rufi, modo nigricantes, modo albi sunt, nempe pro ratione cibi potusve assumpti; at sere a renibus subcrocei, a vesicæ albi: ap quia in renibus urina defecior, puriorque ei insit, arenularum materia ad ocræ accedens, in vesicæ vero eadem pituitæ mucosa & albicanti, e glandulis excretæ, mista & contaminata sit?

Sed ad *Prægnescit* transeamus.

Lapis magnus neque potione, neque medicamento frangitur, auctore Aretæo. Chimicorum somnia hæcenus vana sunt.

Morbus periculosus: hæreditarius incuribilis; nam calculorum procreationem (cum Aretæo loquor) e secunda sterilem reddere, nemo potest: facilius est enim uterum a pariendo prohibere, quam calculosos renes calculis vacuare.

Vitia renum & vesicæ in senibus difficulter curantur. (b)

Hippocrates in Coacis vult, lapidem in vesica non generari æ 14. ætatis anno usque ad 60. nisi prius extiterit.

Ita pueri & senes sunt ipsis viris calculosiores. Pueri autem magis calculo vesicæ laborant, senes vero calculo renum: quid ita? Audi Galenum (c) quia in pueris facultas renum expultricis fortior est, ejus autem actio naturalis est, item retinendi in vesica facultas non minus fortis est; at cum vesica proprie urinæ receptaculum est, & pueri parum bibant, parumque mingant, cum mictio actio voluntaria sit, vesicæ exonerandæ non attendunt, sic calculorum coitioni major opportunitas ex mora.

Ex Anatomia autem discimus, ubi calculosis ægris mucosa urina effunditur, vesicæ corpus cancrum esse, & digiti aut pollicis crassitiem nonnunquam adeptum esse: in calculosis vero, qui claram ac tenuem urinam mingunt, vesicæ substantia invenitur membranosa, sereque ut in statu naturali se habet; de his autem ita sentio, calculum primum exiguum contraxisse, vesicæ adhuc integræ; aucto vero calculo, ab ejus pondere, asperitate, motuque vesicam lædi, ejusque membranarum glandulas inflammari, intumescere, indurari, i. e. cancrum fieri: unde veluti puris sive pituitæ viscosæ, interdum cruentatæ ingens copia cum urinæ profluit.

Postremo in *sectione* sola cura magnorum lapidum, *Cælio Aureliano* (d) auctore.

At, inquit, cur non quibusdam medicamentis dissolvantur, certe quidam lapides majores, cum ex calculis in humano corpore reperti quidam tophacei & friabiles & leves, quales sub lingua & in articulis ori? Respondeo in vesica lapides sere filicei sunt, raro molles, & si ita, ramen ex arenulis duris compaginantur; Ratio est, quia per majores vias & in majoribus conceptaculis metalla, sive particule tum salinæ, tum lapideæ, e quibus iste succus petrescens constat, ponderis sui virtute sere copiosius & excernantur & in calculos concrecant, atque hæc de prognosi hæcenus. Proximo autem in loco de curatione & medicamentis dicendum est.

Cura.

(a) *Alia Philosoph. Lond.*

(b) *Hipp. Aphor. 6. 5. 6.*

(c) *In 6. Epid. sect. 3.*

(d) *T. P. l. 5.*

Curationes autem hæc fere instituendæ sunt: vel ad calculos minores, arenasve, cum molesti fuerint, expellendos, specialibus adiutoris: atque hæc fere diuretica sunt: vel materiam calculosam minuendam, doloresque acerbos mitigandos, in maioribus calculis excretioni ineptis: atque illa prophylactica anodyna sunt, profecto qui dolorem sustulit, satis ad valetudinem profuit.

Quoniam autem instituti nostri ratio brevitate requirit, & ut repetitiones supervacane evitentur, ex adversariis nostris ægros aliquot, qui nobis commissi fuerint, eorumque curationes paucis enarrabo, deinde medicamentorum, maxime a nobis exhibitum rationes exponam.

Hi autem *Nephritide* laborarunt.

1. *Ægrotus.*

D Dryden, Præbyter Ecclesiæ Eboracensis, mediæ ætatis vir, ex pluribus mensibus sanguinis mictione misere affectus est, maxime ab equitatione, aut vehementiori corporis motu: item calculos innumeros, fere arenosos (& in iis fuerunt, qui seminum coriandri grana implebant) excernere consuevit, huic etiam frequentissima mingendi cupiditas.

Is autem multa a multis frustra sumpsit: tandem hoc remedium a me feliciter præscriptum est (℞. *sem. & rad. pæoniae maris, agarici vitrioli, Romani, mithridat. an. ʒ. ʒ. conserv. ros. rubr. ʒiii. Syrup. e rosif. f. f. Electuarium.*

Convaluit & a sanguinis mictione & a calculo.

2. *Ægrotus.*

D. Breeden de Pangburne, unus e Parlamento Jacobi Secundi Regis, sexagenarius, ex vehementi saltatione in uno & dextro pede per hortos suos, quo exercitio cum aliis sæpius certare consuevit, sanguinem minxit.

Huic malo curando ei pluries sanguis e brachio missus est, aquas *ferratas* sumpsit; aliaque plurima medicamenta frustra ab aliis atque aliis Medicis adhibita sunt.

Post sesquiannum autem hominem in hac conditione inveni. Sanguinis plus minus ab aliquot septimanis quotidie mingebat, non sine urinæ stillicidio, tumor ingens & durus in abdomine contra renem dextrum; item dolor continuus in dorso: summus ardor in

imo abdomine e regione renis dextri: *venæ* abdominis externæ ejusdem lateris *varicosæ* & præter modum tumidæ: habitus corporis qualis in leucophlegmatia: multum sitiebat: parum dormiebat. Denique huic coxendicum stupor, & summa crurum imbecillitas.

Huic autem malo sic auxiliandum censei. (℞. *Mithridatii sine opio confecti. ʒj. ʒ. G. Trazacanth. aq. rosac. dissolut. ʒ. ʒ. f. pilul. n. vi.*) ex his unam singulis noctibus sumpsit.

Item (℞. *Aq. hordei ʒij. olei vitrioli guttas vi, succi limon. ʒiv. C. C. usti. ʒj. sacch. candi. albi. ʒij. ʒ. misce; de quo ad ʒvi. bis quotidie propinavit.*

Item (℞. *Balsami martis i. e. salis martis ex balsamo Locatelli ʒj. (optime super marmor contriti) gr. iij. hora aliqua vespertina devoravit.*

Ex his autem medicamentis intra diem unum vel alterum multo melius se habuit.

Postremo bis hominem purgavi hieræ diacolocynthidos ʒj. quod medicamentum facile tulit.

N. B. Quamvis in reliquis mire a meis medicamentis levatus est: adeo ut non amplius sanguinem mingeret, & optime dormiret, & sat bene cibum appeteret; tamen vix ambulare centum passus præ mira imbecillitate crurum potuit, aut scalas ullatenus ascendere.

In hoc statu ad tres hebdomadas mansit; tandem nulla amicorum prece prohiberi potuit, quin rus iret ad quinquagesimum fere lapidem a Londinos, ad videndum uxorem moribundam; ex itinere autem (quamvis lætica veheretur) iterum sanguinem minxit, & aliquot postea diebus ex urinæ suppressione interiit.

Ex dissectione ren dexter immensæ magnitudinis inventus est, cancrusus, ad quinquaginta uncias pendebat, atque in eo inventi sunt plurimi exigui calculi.

Nequeo sane mirari satis veterum diligentiam; nam cum rarissimum sit hoc morbi genus, idque mihi semel tantum in praxi occurrit, tamen opud Aëtium summa ac curatione descriptum illud legere est.

3. *Ægrotus.*

D. Athins, quinquagenarius, unus e regni Justitiaris, Eboraci, cum publica negotia obiturus erat, calculo laboravit, huic in altero rene dolor vehemens, vomuit,

ingere cupivit, at frustra, nam paucam tantum urinam reddidit, eamque aqueam.

E lenioribus autem medicamentis hæc sumpsit, nimirum præmisso enemate e the-rebinthina ex vitello ovi dissoluta in decoct. communi, cui vini emetici ℥iii. adjectæ fuerint, parum effecimus: ideo statim hæc purgatoria exhibuimus cum diureticis mixta & stomachicis. (℥. *Elect. lenitiv.* ℥ss. *a-fellorum cochinnell.* an. ℥j. *sal. absinth.* ℥j. *m. f. bolus*, huic superbibat potionem sequen-tem. ℥. *decoct. fenna Gereon.* ℥ij. *syr. e spi-na cervina* ℥j. *f. aq. mirab.* ℥vi. *olei amygdalarum dulcium* ℥j. *misce f. potio.*) bene fecit: calculos enim aliquot albidos cum urina subfulva & sæculenta excrevit; & postridie publicis negotiis præfuit.

4. *Ægrot.*

Domina *Bellingham* quadragenaria subito post dejectionem vehementi dolore nephritico, & ad alteram abdominis partem correpta est; vomuit, mox quatuor calculos excrevit cum tantillo urinæ. Ab his primis calculis dolore perseverante hoc medicamen-tum præscripsi. (℥. *Cassie recenter extra-ctæ* ℥ss. *pulv. jalap.* ℥j. *mercurii dulcis gr.* vj. *olei cinnam. gut. i. m. f. bolus.*) alios autem multos calculos deinceps per aliquot dies reddidit.

N. B. Horum autem calculorum color *luteus*, figura omnium subteres; at non eadem magnitudo: ad grana vero piperis ma-jusculi; omnium durities insignis: aliquot ex iis fractis cortex lapideus unus, more czparum alteri superinjectus est; item inte-rior medulla similiter & lapidea, & ruse-scens.

5. *Ægrotus.*

D. *Harduich*, mediz ætatis vir, ex iti-nere primum sanguinem minxit, cum re-num dolore; post aliquot vero menses cal-culos *rufos* exiguos non sine vomitu & ve-herementi renum dolore excrevit; item intra annum tertium eodem dolore renum cor-reptus est, cum vomitu & calculorum ex-cretionem.

Huic sic præscripsi (℥. *Agarici pulv.* ℥j. *ss. jalap. pulver.* gr. vj. *summitat. hy-perici pulverisat.* ℥ij. *vini veteris Rhenani* ℥v. *m. f. potio.*) ab ea vigesies minimum, dejecit, neque tarde aut cum illis tormini-bus alvum movebat, convaleuit.

Syndeham Opera Med. Tom. I.

6. *Ægrotus.*

D. *Ascough*, senex calculo sæpe vexatus est, renisque alterius vehementi dolore, vo-mitu, sanguineo mictu: is autem dolor, ante meum adventum sine febre ad octi-duum manserat, exhibui statim cassiæ ad ℥vi. &c. in polo, a quo non sine levamine purgatus est; at rediit vehemens dolor; ideo nocte dormituro data est *Trochisc. Al-kekeng.* ℥j. optime se habuit, postridieque mane sine ullo dolore calculum grandiuscu-lum minxit.

7. *Ægrot.*

D. *Rhodes* diu multumque renis dolore affecta est, cum vomitu: multa & eneme-ta & alia remedia data sunt, a quibus in-ducias trium circiter dierum habuit, tandem huic dormituræ vesperi *Trochisc. Alkekengi* ℥i. exhibuimus; ea nocte placide quievit; & postridie hora aliqua pomeridiana tres calculos majusculos fere sine dolore excre-vit, convaleuit.

N. B. In his trochiscis insunt præter bac-cas solani *Alkekengi* dictas, & amygdalæ amaræ, & opium, &c.

8. *Ægrot.*

D. *Logger* quinquagenaria, primaria fœ-mina, diu cum febre intermittente luctavit, tandem ad me venit, Eboraci degentem: gra-viter præter febrem symptomatibus histericis affecta est, huic ideo apozema præscripsi ex cortice Peruviano, phyllitide, cererac, ruta muraria, &c. Singulorum ad ℥iii. in vino post longam macerationem leviter co-quend. de eo per aliquot dies sumpsit; tan-dem febre victa, vomitu & vehementi re-nis dolore correpta est, calculumque majusculum excrevit: id quod semel tantum in vita ante quinquennium fecerat: agnosco autem libens, & expertus jam egregiam vim herbarum capillarum ad effectus ute-rinos; at suspicor illas herbas non tantum calculum expellere, sed etiam ex parte il-lum ab iis, tanquam materia, gigni, quod rupibus fere calcariis, locisque montanis uliginosisque naturaliter crescunt, ubi eas plurimum succo calcario imbui nutritique necesse est.

Idem de eodem apozemate in alia atque alia fœmina, D. *Roxbie*, &c. observavi: unde magis magisque fidem do jam positæ sententiæ.

D d d

D. Gre.

D. Green, coquus aliquoties calculos a renibus excrevit; at ultimo paroxysmo, quo me accersivit ut opem ei ferrem, ex communi consilio cum D. Barvick collega meo dignissimo, dysuriam ad triduum passus est magna corporis iactitatione atque anxietate; in extremis autem cum pene de hominis vita desperatum fuerit, sic præscripsimus, (℞. *Cantbarid. prob. costarum, tantum non crematarum* ℞. aq. spermatis Ranarum ℞ij. m. f. haustus) paucis horis elapsis urinam ad quatuor minimum libras reddidit, & una plurimos calculos, convaluit.

Hi autem calculo vesicæ laborarunt, renibus forte in plerisque non integris.

9. Ægrotus.

D. Damsden, mercator Eboracensis, medietatis ætatis vir, ex patre calculis mihiere afflicto natus, & ipse renum & vesicæ calculo a multis retro annis vehementer laboravit; item ejus filius unicus triennis calculo correptus est, & sectione tandem a pene pueri grandiusculus calculus exemptus est, gravissimis autem symptomatibus malum in dies & molestius & periculosius fit; nam sanguinem sæpius minxit, modo dysuria, modo lumborum contra renes dolore, horrendum, cruciatus est: sæpenumero vero calculos fere asperos, & inæquales excrevit, tum albidos, tum flavos hordei grani magnitudine.

Tandem vero ab equitatione primum observavit se humorem quendam albidum tenacem cum urina reddidisse; is autem humor præ lentore suo matulæ fundo adhæsit; nec facile cum urina effundi potuit; & interdum ad plures uncias diel unius spatio excretus est; neque unquam sine dolore excerni potuit, propter virgam (puta) inflammata & acrimoniam frigidæ, & marcescentis urinæ; nam vetustatem redoluit, etiamsi novissime fuerit reddita.

Sane hunc hominem, cum primum medicinam facerem, curavi; mihiq; adeo cum ex propria experientia minus notæ essent medicamentorum vires, illud equidem unum totis viribus efficere conatus sum, scilicet, ut materiam istam lentam aut minuerem, aut liquefacerem, quo minore cum dolore per urethram exire posset.

Neque aliud magis profuit, quam *mercurius dulcis ad gr. vi. ex pulv. jalap. ℞j. exhibitus*: quippe eo & alvus diu liquefacta est, & materia lenta & mucosa in grumos

farinaceos divisa est: ac sic multo melius se habuit & ratione dysuriæ, & minus frequenter mingendi cupiditate vexatus est: tandem vero maxima ex parte desit prodire iste mucus, at scætor urinæ usque permansit, etiam cum cætera sanus sibi visus fuerit.

Post mensem vero ex frigore & cruditatibus eodem mucro mire viscido tentatus est.

Tum vero hominem sic purgavi (℞. *Rhei Torrefacti* ℞ss. *Therobinth. Vener.* ad duritiem cost. & pulverisat. ℞ij. f. Pulvis: detur ex haustu sequenti ℞. mellis despumati ℞iss. aq. sperm. ranar. ℞ij. misce.)

Urina autem quæ antea aquea fuit, jam ex rheo intense colorata est, eique ex therbinthina odor suavis conciliatus est, at postriedie idem urinæ pallor atque idem scætor redierunt.

Porro, ex semicupio, in quo semel tantum ad mitigandos dolores demissus est, involuntaria mictio secuta est, idem observavi ex usu opii.

Rursus, ex mercurii dulcis aucta dosi ad gr. x. & pro secunda vice dato, idem effectus secutus est, ut sc. mucosæ urinæ materia in exiguos grumos incideretur, & matulæ fundo vix amplius adhæreret: at propter stimulatam anum & ex consensu communi cum sphinctere vesicæ, diarrhœam plurium dierum, imo fere integri mensis induxit, item aphthæ in ore & faucibus ortæ sunt.

Cum vero levi febricula sub eo malo corripere venam in brachio incidimus: sanguis autem missus, & refrigeratus, crassa pelle albida contextus est.

Tandem ex communi consilio aliorum mecum Medicorum & trochisci Alkekengi & emulsio cum seminibus frigidis minoribus cum decocto symphyti majoris, &c. præscripta sunt.

Ab his autem remediis calculi multi parvi, sed *albissimi*, qualis color fuit emulsionis, excreti sunt; item postriedie rediit urina mucosa & lenta & dolor vehementer auctus est, & urinæ difficultas: ideo abstini a præscriptis medicamentis: itaque spiritus salis armoniaci cum gummi ammoniaci destillati ad guttas vj. ter quotidie sumpsit ex aquæ spermatis ranarum haustulo.

Ejus autem medicamenti post aliquot dies effectus erat, ut urinæ malus odor, fere sublatus est, & ejus sedimentum jam bona ex parte similagineum, candidius & leve factum fuerit.

Rediit

Rediit autem appetitus, & ex usu salsa-
menti veteris, apud nostrates *Ling* dicti,
alvus subito compressa est, & urinam rur-
sus continuit, cæteraque omnia incommoda
mirifice levata sunt præter unicum in uri-
na foetorem, neque amplius urina viscosa.

Hic autem vir, tolerabilem valetudinem
consecutus, Eboraco Londinum se contulit,
ubi a chirurgis, ejus artis peritis, examina-
tus digitis in anum immisiss, calculus ad
ovi magnitudinem compertus est.

Illud sedulo autem notavi, medicamenta
leniter diuretica, & renum dolorem supra
modum intendisse, & si e valentissimis fue-
runt, & testiculorum, ipsiusque urethrae, &
glandis, ad exitum, inflammationem & ru-
bedinem excitasse.

Ab eo tempore, quo Eboracum rediit,
nihil, quantum scio, sumpsit; certe unum
vel alterum annum vixit, sed graviter de-
cubuit, nec calculum ullum postea excrevit.

Tandem nescio cujus suasu, unciam unam
guttarum dictarum a *Goddard* auctore, a
Londino marus, ad ejus *ßß.* in qua parie-
tariz bis aut ter in die sumpsit; hoc au-
tem medicamentum (ut postea didici ab
ipso Rege Carolo Secundo, qui a vidua
Goddard magno pretio secretum redemit)
nihil aliud fuit, quam *spiritus* salinus vo-
latilis a *serico crudo* vi ignis elicitus, at
tanta erat ejus malitia in optimo viro, ut
biduo a sumptione, sanguinis mictu, & di-
ris cruciatibus, correptus, misereque con-
vulsus, diem ultimum obierit.

Sub eo tempore in eadem urbe duo senes,
metallorum fossores, ex calculo a plurimis
annis decumbentes (*Smith* unus appellatus
est, alterius nominis oblitus sum) convul-
si perierunt, porione spiritus terebinthinæ,
ad *℥ij.* aliquoties exhibiti: unde inflam-
matio imum ventrem ex toto occupavit,
in gangrænam protinus mutata, hoc medi-
camentum suasu cujusdam Agyrtæ chymici
sumpserunt, quorum alterum, super pontem
habitantem, prece viduæ, dissecui.

10. *Ægrotus.*

Illustrissimus Baro D. *Franshauv*, puer
novennis, calculo vesicæ ab aliquot annis
laboravit, illum *Sandbeck* vidi, villam
amœnissimam D. Comitum de *Castleton*, dum
ibi ejus matri decumbenti advocatus sum:

Hujus autem pueri urina, instar feri la-
ctis recenter concreti, turbida & grumosa
erat: item in fundo ejus resedere grumuli al-

bissimi, vere caseosi; ejusque urinae odor
ipissimus qui casei recentis: is autem nu-
per, ex præscripto Medicorum, quotidie
lac asininum bibere consuevit, ex ejus ve-
ro vesica postea calculus feliciter excretus est
Londini.

Illud autem ex hoc casu constat, sc. la-
ctearum venarum imbecillitatem, easque
officio suo non recte fungi, quod (cætera
sanus puer) odorem & substantiam fraci-
di casei ejus urina exhibebat; aliter multo,
quam in integris etiam puerulis lactanti-
bus, quorum urinae suus odor & consisten-
tia est.

11. *Ægrotus.*

D. *Little* Prætoriz cohortis eques, Ebo-
raci tum degens mediæ, ætatis vir, ex equi-
tatione, primum urinae difficultate correptus
est: mox ea fere ex toto suppressa est cum
vehementi dolore circa pubem, & in ipso
penis itinere.

Cum urina vero exiit mucus quidam al-
bidus, visci instar tenax, matulæque fundo
portinaciter adhærens, item ejus odor foeti-
dus, qualis ex urina veteri.

Ob vehemens vero malum sæpius animæ
defecit, & misere convulsus est.

Hæc autem ante meum adventum, sta-
tim oleum amygdalarum dulcium leniter
tepesactum, injiciendum vesicæ præscripsi,
cum bono eventu, deinde hoc medicamen-
tum exhibui devorandum. (*℞. mercurii
dulcis gr. iv. pulv. jalap. ℥j. Cassie ʒij. f.
bolus*) a quo alvus septies mota, dolores
levati sunt; nocte troch. Alkekengi ʒi. da-
ta. Verum postridie & sanguinem minxit
& iste mucus exire desiit, convaleuit. Hunc
forte hominem in nosocomio militari Chel-
sensi superiore anno vidi, beneficii mei
non immemorem, & (ut mihi narravit)
post viginti annos, calculos quod attinet,
sanum.

12. *Ægrotus.*

D. *Hedley*, in vicinia Leedes, oppidi
agri Eboracensis degens, quinquagenaria,
admodum obesa, ex multis annis calculi cu-
jusdam arenacei excretionem vehementer cru-
ciata est. Ii autem calculi ipsum *Saxum
molare* nostrum arenaceum valde reserebant;
nam ex arenis majusculis Crystallinis, inter
se coagmentatis in calculos majusculos con-
stabant; interdum vero solidos, interdum

D d d 2 solu-

solutiores eos, quotidie, haud modica quantitate cum urina reddebat.

Hæc autem symptomata præter calculorum excretionem passa est, cordis palpitationem, assiduam mingendi cupiditatem, lumborum & vesicæ dolorem, urinam aqueam, cibi inappetentiam, &c.

His autem malis sic occurrendum esse censui, (℥℥. *Lingue cervinae*, *Trichoman. an.* ʒj. *macis* ʒ℥. f. *pulvis subtilissimus*, *detur ex aq. bordei haustu*, post horam infusionis, ter quotidie.) post 4. dies non amplius calculos reddidit; urina jam fulva, qualis sanorum cum sedimento albido, quod sere defuit ante: ad aliquot amplius dies iisdem medicamentis, at alia atque alia compositionis ratione, usa est; præter opinionem convaluit.

Reversa autem ad suos, rursus calculorum id genus excretionem correpta est: iterumque ad me Eboracum venit: atque, iisdem medicamentis similiter sumptis, convaluit.

Huic domum redeunti usum cerevisiæ præcepi tantummodo ex aqua fluminis, & non putei, ut ante consueverat confectæ: nam non sine ratione arbitratus sum, aquas puteales horum calculorum materiam, utpote succum lapideum, in se continuïsse.

13. Ægrotus.

D. *Freestone* de *Hornecastle*, micturitione admodum dolorosa & frequenti, cum viscosa materia matulæ fundo adhærente, correptus est: nisi tamen erectus mingere haud potuit, ut multoties per noctem mingendi causa e lectulo surgere coactus sit. Diu vitam sic miseram traxit, huic sic præscripsi. (℥℥. *Balsami martis*) i. e. *bals. Lucatell. & salis martis an.* ʒj. f. *pilula sive bolus*, quem *sumat nocte & tantundem mane*) quo per triduum sumpto non amplius cubitum per noctem reliquit: sed facile resupinatus in lecto mingere potuit, item huic minor dolor in urethra & extremo pene.

Item (℥℥. *Aq. spermatis Ranarum* ʒj. *C. C. usti in subtilissimum pollinem contriti* ʒj. *gummi Tragacanth.* ʒj. *misce hujus bene conquassati* ʒiv. *ter quotidie bibat.*)

Item (℥℥. *Balsami veneris* ʒj. *dividatur in sex doses*) has autem per triduum sumpsit singulis diebus mane: a quo alvus die tertio leniter mota est. Omnino melius se habuit; rursusque abiit, nescio an hic æger calculosus fuit; nam in adversariis nostris

de calculo nihil scriptum inveni.

14. Ægrotus.

D. *Lans*, *Divi Laurentii* in *Urbe Iudi-magister*, ex tribus circiter annis, urinæ stillicidio vehementer cruciatus est. Item plurimos calculos excrevit. Huic autem mingendi cupiditas bis aut ter aut pluries in hora, die nocteque; alvus firma, urina sætida & visco quodam referta, item doloris acuti sensus in ano, & circa pubem.

Huic autem sic præscripsi. (℥℥. *Succi hypocistidis glycyrrhizæ an.* ʒj. *mithridatii sine opio* ʒj. *Gummi Tragacanth.* aq. spir. ranar. dissolut. ʒij. *C. C. usti* ʒ℥. *massæ f. pilol. vlij. ex.* ʒj. *missæ barum pilularum unam vespere atque alteram mane quotidie sumat.*

N. B. Tertia nocte ab iis sumptis tertantum minxit; at quotidie alvus bis aut pluries soluta est. Ab eo autem tempore ad dies septem tantum bis aut ter in nocte minxit & placide dormivit, & mirifice levatus est; neque opium ei dedisse putavit: imo plane se convaluisse affirmavit; adeo dolor mitigatus est præ eo, quem ante meum adventum sentire consuevit, at portioni, præ siti, contra meum præceptum indulgere voluit. Unde rediit mingendi frequens cupiditas, & remediis abstinuit.

Alios autem multos calculos omitto, quibus hæc medicamenta in micturitione sive mingendi importuna cupiditate profuerunt: neque aliud malum gravius est, ex iis quæ humano generi contingunt; imo omnium, perhibente Plinio, ex decisione veterum Medicorum, longe gravissimum est stillicidium urinæ.

14. Ægrotus.

D. *Spacy* ex multis annis sanguinem mingere consuevit: Interim plurima interval-la optimæ sanitatis habuit, eoque malo vacuus. Tandem vero mucum quendam sive pituitam vitream, viscidamque reddidit, fundo matulæ pertinaciter adhærentem: jamque urinæ odor sætibus, ejusque stillicidium molestum: at a mictione in extrema penis glande sævissimus dolor.

Huic sic medicinam feci. *Trochiscos Alb. Rbas* ex aq. sperm. ranar. in penem injici feci.

Item (℥℥. *Mer. dulcis* ʒj. *Elect. lenitiv. mithridatii an.* ʒij. f. *Bolus*, *vesperi detur*) mane

mane alvus soluta est mannae portione.

At his medicamentis, calculos plurimos excrevit albidos, leves, angulosos. Symptomata ex bona parte sublata sunt.

16. Agrotus.

D. Monteg, sexagenarius & amplius, optimus vir, calculosus cum urina mire viscida; huic viscositati urinae ter remedia praescripta, & toties ex ea ad mensem minimum convaluit: Scil. (℞. Aq. simplicis Limacum, ex lacte destillata ℥ij. C. C. ussi & in tenuissimum pollinem contr. ℥j. sacchar. cand. alb. ℥℞. misce. Hujus probe coagulati & turbidi ℥iv. ter quotidie potavit.) item ℞. Penis viridis testudinis furno siccati ℥ij. Hujus pulveris ad ℥j. alternis diebus sumpsis ex eadem aqua: At ex recidivis frequentibus, mali viraeque pertaes, in lithotomorum manibus, tertio a sectione die, obiit.

Verum agrotorum & mihi & tibi fortasse lector satis superque est; ad medicamentorum vero rationes explicandas, quorum praecipua causa haec narratiunculae ex adversariis nostris conscriptae sunt, propero. Simplicia autem medicamenta calculo maxime accommodata, sive specialia adjutoria, ut Caelii Aureliani verbis utar, haec sunt, nempe, quae in quatuor classes commode redigi possint.

Prima autem & praecipua Classis est eorum, quae ex Insectis animalibus oriuntur.

Poenis Testitudinis viridis testus, Margaritae, Conchyliorum testa, & cruda, & crematae. Millepedes sive Aselli, Scorpionum, Cantharidum, Coebinel, lumbricorum terrestrium, apum, formicarum nascentium cinis. Cocco baphice. Spongia Bedegaris sive Rosa Sylvestris, mel, aq. spermatis Ranarum, coeblearum terrestrium. Jus conchyliorum marginorum, sericum, ejusque spiritus destillatus.

Haec autem omnia mirifice calculos expellunt; idque communi fere virtute praeslant, nempe septica, qua vehementer corrodunt, stimulantque ductus viscerum excretorios, praecipueque majores renum & vesicae.

In horum autem aliquibus ea vis tanta est, ut illa cruda sumere, nemo impune

ferre possit, quin sanguinem quoque cum calculis effundat, contractionesque nervorum patiatur. Ideo torrenda sunt, ut igne mitescat vis illa septica, salinis particulis acrioribus ex bona parte evaporatis.

De horum autem aliquibus privatim differere lubet. De millepedis audi Scribonium Largum. † Asellos quinque ex aquae cyathis tribus suffundere (i. infundere) & per urinam extrahere lapides certum est. Tanta erat de his animalculis experientia apud veteros.

Hic autem praeterire nolo, quod olim ediderim, nempe ex *multipedarum* genere esse speciem quandam apud nos non infrequentem in sepibus, teretem, longiusculam, ad digitum puta; quam si conteras, nariumque protinus admoveas, eos tanto odore sulphureo & corrosivo percellit, ut multo mitior sit odoratus ex integra uncia spiritus urinae destillati.

Haud dissimilis vero odor e *Formicis* crudis contritis prodiit, maxime ab *Hyppomyrmecis* nostris, consule nares.

Puerulis autem *Lumbricorum terrestrium* rostorum falsedo insignis est.

Margaritarum vero & conchyliorum crematorum calx sale supra fidem abundat, teste Leevvenhoeckio.

Vis autem salina e serico evaporata apud nostros notissima est, sub nomine (*Goddards drops*).

Cantharidum, apum, formicarum, scorpionum vis septica & exurens, ab illorum animalculorum effectibus, si viva aliquem pupugerint, cutive admoveantur, neminem latet.

Idem cogita de Cocco baphice, spongiaque dicta Rosa Sylvestris, quae ex apiculis conficiuntur, foeturae gratia.

Neque ob aliam rationem Gallae, ut id hic obiter dicam) tanti usus sunt, ad lanas tingendas, aliave in arte insectoria, nisi quod insectorum mera opificia sunt, eorumque excrementis & veneno septico penitus imbuantur; at pergam ad ea quae restant.

Cocchineil vero medius status est alicujus scarabaei indici, i. e. cantharidibus congenetis; at multo mitioris virtutis.

In hoc autem censu sunt Cicadae ad calculos

† Comp. 151.

* *At. Phil. Lond. N.*

losos commodæ; vide *Aëtium*, nempe *Inse-ctum* quoddam ad scarabæos accedens.

Cochlea autem, maxime earum cervices, ubi organa generationi dicata, ut vesicam & penem mirifice afficiant, diximus in prima exercitatione ex *Petronio*.

Idem puta de pene testudinis viridis, ranarumque aqua stillatitia, magna equidem volumina non affecto; res tantum attingo, earumque virtutes quasdam communes indicare contentus, ut in singulis admiratione dignam quandam vim septiceam & urentem, vehementer adeo stimulantem ductuum excretoriorum; privatum vero renum & vesicæ, necum agnoscas.

His autem annumerari debent insectivora quædam animalia, propter victus rationem, calculis expellendis idonea. Tales sunt aves quædam ut hirundines, ille regulus sive passerulus quidam Trogloclites, nostratibus a *Werren* dictus, de quo consule *Aëtium**, hanc autem aviculam ad calculosos summe efficacem, magna accuratatione describit ejusque condiendi exhibendique modum. Naturalem autem, inquit, vim omnino admiratione dignam habet, itaque sale conditus & crudus in cibo acceptus morbum porteste sanat: & *novi* adeo quosdam ab ejus usu nunquam amplius ab affectione vexatos: & infra, de causa tantæ virtutis recte judicare videtur. Arbitror, inquit, & sanguinis istius aviculæ naturam quiddam in se complecti, quod minime vulgariter proficit, cui amplius stercoreis efficacia accedit; ac revera & in sanguine & in stercore insectorum, quibus vescitur, vis septica insignis est; secunda autem classis sit ex animalibus vel *frigidis*; nempe ossa cremata in capite tuberionis, aselli piscis, similiaque: hæc quidem parem virtutem habent cum conchyliis crematis, & ob eandem rationem, quod in calcem salinam similiter comburantur; vel *calidis*; scilicet tunica interiores ventriculi gallinæ, & sterces album ejusdem, item cinis corticum ovorum adustorum: atque illa eandem facultatis sunt expulsiæ rationem habere videntur cum superioribus. Nam tunica illa tanquam cornea est: albumque sterces & urinosum, & ipsum cortexque ovorum ad testaceum genus quam proxime accedunt.

Tertia vero classis ex herbis diureticis ferre est, ut terebinthina, balsamum Judaicum, Peruvianum, Copaivi &c.

Omnia autem terebinthinata vehementer urinam movent, cuti admota erodunt: neque vim suam emplasticeam, nisi ustione quadam exerunt. Etenim quatenus vulneris carnem putridam marcescentemque exedendo abstergant; viva interim, quæ subsit, in cicatricem comoda nutritur.

Ex illa autem corrosione calor ac inflammatio oritur: unde ductus urinæ majores ad vehementem contractionem, expulsionemque stimulantur.

Porro in hac classe numerare licet tartarum ex vino, ipsumque vinum album acidulum, vel per se, vel sulphure, more Gallorum, vel ex gypso, more Hispanorum conditum: item sucum limonum: balaustia ex granatis acidis ac sylvestribus: atque hæc omnia herbarum sale essentiali dicto, & utrinque mucronato, tenuissimis acutissimisque particulis constante abundant, quo majores ductus renum & vesicæ continuo lacerantur.

In hac quoque classe & *Legumina* habentur, præ reliquis vero *cicera rubra* decantantur ob acrium statum copiam: nam hos mire excitant; forte materiam illis non paucam adjiciant, ita velut mantissa quadam addita ferociam quandam statibus, in corpore præexistentibus, præstant, eosque per renes trahant. Quam vehementer autem penem, eosque ductus afficiant, scire licet ex testimonio veterum: quos adi. Igitur verisimile est quod conferunt & status excitant, quod illas partes partes distendere & expulsionem ob acredinem promovere apta sint.

Postremo ad hanc classem pertinent nukes avellanæ, amygdalæ præcipue amaræ: hæc autem medicamenta lenire potius videntur, quam expellere; adeoque inter anodyna censenda sunt. At amaritudo amygdalarum aliud suadet.

Reliqua autem olea dulcia iter expediunt lubricando. Sane hujusmodi olea vere pingua sunt, nec concrefcere apta; perinde ut alibi de oleo lini, nucum jugulandis, & papaveris a me dictum est.

At pereunt, inquit, istiusmodi virtutes a concoctione: scilicet succus, puta citri, ex prima digestionem acorem suum amittit: mi-

* *Tetr. 3. Serm. 3. c. 11.*

minime vero: si recte se habeat aliquis & dolore vacuus sit, ita esse concedo: ubi autem adest nephritis, ac horrida illa a vesicæ renumve calculo symptomata, digestio ex bona parte cessat, corporis habitum medicamenta tantum non integra pertranseunt, inque venas viscerum excretorias promota, parum mutata egrediuntur, ita in maximis calculi doloribus is succus v. c. subcrudior vim suam extensivam in ipsis renum glandulis vehementer exerit: profecto in ægris renes, ut & omnia alia itinera tam citra quam extra sanguinis curriculum magis aperta sunt, ac laxata; unde virium medicamentorum mira retentio & ælerrima trajectio.

Ad Quartam autem ac ultimam classem pertinent a metallis medicamenta: scilicet corallium, lapis Judaicus, nitrum veterum, spiritus salis vitrioli, sulphuris, sal prunellæ, aquæ medicatæ, vel acidulæ, ferratæ, calcariæve, vel mixtæ, scilicet muriatæ, salidæ, frigidaque, mercurius dulcis. Atque ex his fere medicamentis vani homines lapidum renum & vesicæ non expulsionem tantum, sed & fractionem comminutionemque vehementer jactitant.

A salibus certe metallicis, fateor, ob stimulum & summam acrimoniam vehemens contractio majorum ductuum & lapidum expulsio expectanda est: idque veteribus probe cognitum est ex multiplici experientia; quos consule, unam aut alteram tantum instantiam exhibebo.

Nitri vitriolati pondo, ex vino, in arenam solvit lapidem, Scribonio Largo auctore. †

„ Aquæ calidæ quæ sunt Tuscia Ferratæ,
„ mixtice remediunt vesicæ vitii; appel-
„ lantur item *vesicariæ* quorundam Milonis
„ Gracchi Prætorii hominis optimi ad quin-
„ quagesimum lapidem reddentis eodem
„ perhibente. “

„ Iis qui vesicæ lapidibus afficiuntur erunt
„ aquæ eligendæ *salsæ*, vel quæ Nitri habeant
„ qualitatem, ut apud Tenariam Insulam,
„ quæ potandæ & lavacro adhibendæ sunt.
„ Ita Cælius Aurelianus.

At in labefactatis calculo renibus & ve-

sica, maxima opera danda est, ne quid metallicorum, aquarumve medicatarum nimis exhibeatur. Etenim fortiter licet calculum expellant, tamen propter imbecillitatem istarum partium metus est, ne & ipsa quæque remedia ibidem concreverent in lapidem, cum ipsissimam lapidis novi materiam in se contineant: scilicet & salem & succum lapideum, id quod vehementer moneo, sæpiusque dicendum esse putavi.

Huic autem nostræ sententiæ favet illud „ Hippocratis præceptum *, Qui sanus
„ est ac valet, is nullo habito discrimine,
„ semper eam aquam bibat, quæ adest.
„ Qui vero morbi causa (puta calculi)
„ eam, quæ maxime conveniat, bibere vo-
„ let, is sanitatem consequetur.

Item alibi; calculis maxime tentantur & renum morbis, qui *aquas salsas*, (i. e. medicatas) bibunt.

Ejus autem rei rationem reddit; scilicet, aquæ, quarum fontes in saxosis locis sunt, *duræ* sint, necesse est: aut si ubi aquæ calidæ existant, aut *ferrum* nascitur aut *sulphur*, aut *nitrum*.

„ Etenim aquæ salsæ, nitrosæ, ferratæ,
„ saxosæ *indomitæ* nascuntur & coqui ne-
„ queunt; sunt tamen naturæ quædam &
„ morbi, quibus tales aquæ potu sunt com-
„ modæ, i. e. ventribus mollibus & humi-
„ dis & pituitosis; iis durissimæ aquæ &
„ coctui difficiles & aliquantulum salsæ ac-
„ commodatæ sunt.

Profecto illud sæpius vidi, ex iis qui animi tantum causa aquas nostras medicatas biberunt, quosdam inter ipsa remedia nephritide primum correptos fuisse, & calculos excrevisse; quos ex aquis istis putrescentibus (ita omnes aquæ medicatæ merito, ut ex supra narratis satis ostensum est, exstimandæ sunt) ortos fuisse nullus dubito, cum in renum pelvi, aut uretheribus nulla arenula majuscula, vel momento consistere possit sine vehementi dolore, non magis quam in aspera arteria vel minima mica panis puta, sine gravi tussi.

At, inquires, nulla fere aqua succo putrescente prorsus vacua est, atque adeo hoc nomine nobis noxia foret. Quid igitur indulsis

† Comp. 153.

* Comp. 146.

• L. De Aere, locis, & aquis.

dulsi natura humano generi præ reliquis animalibus? libenter accedo plerasque aquas, certe quatenus succi petrescentis participes sint, non usque adeo tutas esse.

Atque idem olim nobis exhibuit Hippocrates. * Qui „ magnis fluminibus bibunt, „ in qua alia flumina decurrunt, & de stagnis in quod multarum & cujusvis generis aquarum rivuli decurrunt: quique adventitiis (per fistulas plumbeas puta) aquis aluntur; quæ ex longo intervallo deducuntur, & calculo maxime tentantur, & renum morbis ac urinæ stillicidio &c. scilicet quia ex iis mixtis aquis aliz salz sunt, i. e. medicatz.

Idem quoque nobis abunde manifestatur, ex aquis plerisque nostris coctis, tam fluvialibus, quam marinis: videlicet in fundo leberis lapidem quendam calcarium, lapidis alicujus fissilis more, adhærere.

Providentia tamen divina admiranda est, vel ob hoc commune beneficium omnibus animalibus concessum: atque homo solus culpandus est, si eo non recte usus fuerit ex intemperantia; si quidem noluit natura uspiam deesse materiam animalium testis ossibusque generandis, nutriendis, firmandis.

Igitur, suadeo, memor sis admonitionis illius Hippocraticæ, supra positæ; nempe de aquis non sollicitus sit sanus; at qui calculo puta laboret, aquis petrescentibus abstineat; certe de iis admodum parce, cauteque bibat, ne justas intemperantiæ poenas luat. Atque hæc hæcenus; antequam vero manum de hac tabula auferam, illud quoque Hippocraticum de aquarum vitiis verbo considerandum non alienum erit, nimirum, Præ sunt aquæ omnes, quæ ex nive & glacie fiunt: ubi enim semel concreverint, non amplius ad pristinam naturam redeunt. Hinc, inquit, urinæ stillicidium & herniæ; an quod ex frigore intenso eadem particularum petrescentium concretio metuenda sit, ac ex coctione; sane constat experientia, & ex observatione, olim edita, D. Joannis Raii inter principes hujus sæculi philo-

sophos, mihiq; veteri amicitia conjunctissimi ab hyeme durissima, & a longa aquarum congelatione æstatem maxime morbosam secutam esse.

Verum cum nivatz aquæ ad se nunquam redeant: tamen cur eadem aquæ fluminis alicujus, Thamesis nostri puta, toties putrescant & suaves denuo ac potabiles fiant, inquirere lubet; certe ad Indiam Orientalem navigantes experiuntur, istam aquam fere intra Tropicos & sub lineæ Equinoctiali supra modum foetere, turbidamque fieri: mox limpidam reddi & bene olere; item eandem aquam iterum foetere & turbari in reditu ad nos; denno purgari a fœcibus & a malo odore, imo interdum sub hac mutatione illam ardescere ad candelam admotam, instar spiritus vini, dolio aperto exhalanteque.

Hujus equidem rei rationem sic intelligo, scilicet omnem aquam fluvialilem plus minus insectis resertam esse; quod microscopio adhibito extra dubium ponitur; hæc autem animalcula, quod nostratia sint, sub ardoribus pereunt, unde aquæ tantus foetor: ubi vero ista putredo e bestiolis corruptis in fundum dolii subsederit, coiveritque, aqua fit limpidi odore malo vacua. Rursus in India eadem aqua novis insectis Indicis repletur, quæ tamen in reditu similiter moriuntur, unde novus foetor ac aquæ turbatio; iisdem quoque rationibus aqua ad claritatem suam suavitatemque redit.

Ad ardorem vero & inflammationem aquæ istiusmodi quod attinet, ab insectorum quoque putrefactione, id commode oriri possit, perinde ut status intestinorum per anum emissos, & ab alimentorum coctione putredinosa ortos, flamma admotâ ardere, notissimum est: atque ita exposui, quam brevissime potui, medicamentorum ad calculos maxime accommodatorum cognatas virtutes, earumque rationes & usus ex veterum fere diligentia, fideque.

THO.

THOMÆ SYDENHAM, M. D. INTEGRI PROCESSUS IN MORBIS FERE OMNIBUS CURANDIS:

QUIBUS ACCESSIT

GRAPHICA SYMPTOMATUM DELINEATIO;

UNA CUM QUAMPLURIMIS OBSERVATU DIGNIS.

EDITIO NOVISSIMA PLURIBUS ARTICULIS AUCTA.

N E C N O N

DE P H T H I S I

TRACTATULUS NUNQUAM ANTEHAC EDITUS.

A M I C E L E C T O R .



*Pecimen habes Præceos eximie ,
in dilectissimi filii M. D. usum,
caute & diligenter excogitatum ,
sua ipsius manu conscriptum ,
mihi autem pro familiaritate il-
la , qua omnes excepit , concessum*

a Cl. Sydenham, Viro sane, cui vix ætas su-
perior parem dederat, vel postera data est,
non modo in arte sua, mira sagacitate & in-
genii acumine singulari, conspicuo: sed &
probris moribus, & in humanum genus, stu-
dio, & amore insignibus adeo, ut apud om-
nes summum sui reliquerit desiderium, Cu-
jus præcepta licet animo meo, & imo pe-
ctore infixæ sint, ne tamen forte fortuna in
mei ipsius, & egrorum detrimentum exci-
dant memoria parum fida, typis haud ita
pridem mandabam exemplaribus circiter vi-
ginti impressis, ut amicis quoque inservirem.
Nescio autem quo pacto in lucem irrepfit publicam
inter Miscellanea Curiosa superioris anni No-
rimberg. editum, sed inepta mole inutile.
Prodiit tandem eo modo vestitum, ut tibi sit
in quovis loco paratum; figmentis cerebri va-
nis, & futilibus sciolorum dogmatis nequa-
quam refertum, nec hypothese placita solidis
ut videretur rationum momentis undequaque
constipata superbiens; humile autem & mo-
Sydenham Opera Med. Tom. I.

destum accurate morbos depingit, & accura-
tius aduc medetur; in id solum sollicitum in-
notescat, quod natura faciat aut ferat. Et si
verum loqui liceat, modo partium situs no-
veris, pateant tibi per symptomata ægitudi-
nes, { quod assidua et assidua observatione }
scias deinde veram & genuinam medendi
methodum per dietam, & pharmaciam adhi-
bere felicissimus eris practicus, & tibi &
infirmis optima consules. Parum interim tua
refert, utrum Alkali peccet, an acidum, num
in spiritibus animalibus, an in ipso sangui-
ne, aut in recondito aliqua visceris delitescat
morbi minera, unde de periodico intermit-
tium reditu docto satis & prolixo possis dis-
serere, dum interea ipsa febris sine ullis am-
bagibus, inquietudine, siti, calore, pulsu co-
leri, nausea, cæterisque symptomatibus, etiam
astantibus palam est, & aperte dignoscitur.
Hinc sæpius mirari subit, quamobrem anxie
ita & scrupulose immediatas, & proximas
morborum causas, dum medicinam pertractan-
dam suscipiant, indagare satagunt, & e te-
nebris istis, quibus natura obduxit, irritis
licet conatu, eruere, gravi & subactis judi-
cio viri, & in praxi versatissimi; satis in-
terim gnari se latere vel quævis obvia; unde
enim dimanat graminis viridis, aut albus
nivis color? Quid est quod humana anima
ratiocinari nequeat dum adhuc infantes aut
pueri sumus? Unde forma tua specifica; sa-
tius esse Medicum quam Philosophum agere
E e e (quis

(quis enim unquam Cartesium sibi Medicum voluerit) minutissima phenomena plane & vite enumerare , & remedia quibus unusquisque morbus facilius cedat candido & sincero animo proponere : ita tandem limites suos prætergressa , quibus angustiis nimis jam includitur nobilissima , omnibus , quaqua-versum patet orbis , feliciter satis , & prospere salutem , filiis autem suis honores summos conciliabit .

Meditabatur paulo ante obitum tractatum de phibisi periclitissimus Medicus in perquirendo naturæ methodum , qua morbos amoliri studet , ut adjutrices porrigeret manus , & miseris hominum subveniret , diu noctuque pensitabundo , & anxio animo , exercitissimus ; hinc fidissimarum observationum serie & irrefragabili edoctus experientia , medicine praxim ornauit , & ad saniores reduxit regulas : sed vae tabidis , dum hujusmodi nunquam intermissis studiis detenti , & defatigati spiritus , solitiis non vacabant excubiis , truculentissimus hostis , Podagta , que per multos annos obsederat , & debilitaverat artus , impetu , facto in interiora viscera irruit , per vomitum , & secessum enormiores intentans mortem , unico autem morbo nescit cedere Medicorum Princeps , sed cum malorum cumulo accessit , & Renum Calculus , qui corrasis vasorum osculis , sanguinem liberalius , quam senectus tulit , urina permixtum effudit , se jam non amplius opponens , nec vite , nec mortis cupidus , placidam , & pacatam expiravit animam . Ne tamen auxilio prorsus destituantur tabidi , fragmenta quedam que Auctorem ubivis sapiunt in primo saltem morbi stadio plerumque proficiens , (neque enim fas est , quod egrotanti proximo opituletur , celare) in publicum prodeunt , ut exinde pateat , quam accurata , & omnibus numeris absoluta , si modo Deus Opt. Maximus concessisset vitam , expectari posuisset Phthisiologia .

Quid in febribus , variolis , morbillis , acutis cæteris , & ut chronicis sanandis valuit , optime meritis Auctor noster , sequentes indicans pagine , Regimen , & Dicta instituantur aptissima , præscribuntur remedia pauca , sed necessaria , nec in Pharmacopolarum lucrum excogitata , nec inani ostentationi composita , sitibundis agris (eodem modo quo & ipse sitis suam restinguere solitus erat) cerevisiam tenuem assatim , & pro libitu hæriendam , unde mire reficiuntur , & refrigerantur , concedi ; nec immanitate plus quam barbara precibus eorum , sudus , Apo-

zemata & Julapia , præ ingrato sapore fistidita , substituit : maximam adhibet cautelam ne exestuans nimis , vel igne luculentior , vel stragidorum onere , plus adhuc incallescere , vel a propinatis forsan remediis eum in finem , ut per poros eliminetur materia morbifica cruda adhuc & inconcocta , qua tamen hac data ansa concitato motu cerebrum petit , unde phrenesis , aut coma , aut extravasata sanguine deturpant cutim macule purpureæ , aut eruptiones quas vocant miliares collum & pectus ubivis obsident . Numquid adamussum magis depingi poterat quam variolarum historia ! eruptionis diem in utraque specie designat , pustularum ingenium ad unguem describit , quo tempore incipiat , & quandiu continuetur salivatio , quo iterum faciei manuumque tumor se prodit , quid tandem quolibet die expectandum diserte explicat . Pægoricorum usum , quo entolumento judicent prælici , primus persuasit , malum ingerendi cardiaca , ante eruptionem , more , unde sæpe accessitum fuerit confluentium genus , merito primus improbat . Melius autem hæc ex ipso fonte . Valeas itaque amice Lector , & sicubi scateant menda ignoscas .

Amico suo integerrimo M. D. Expertissimo Damipo S. M.

Solum sequaces prætulimus diu
Cum modentes ; compar habebitur .
Qui clariorem te , minori
Reddidit hoc , Medicina , Libro .
Non huic tumoris Mole superbiens
Blattis futurus Preda opulentior :
Sensu sed arcta Ditioni
Conciliant sibi Verba Pondus .
Frustra molesto vasta Volumine
Lustres Galeni scripta : Minutula
Acumen huic majus Tabella .
Se stupet hic Medicina totam .
Hic non remoto sordidus Angulo .
Sensim fatiscet , sedula strenue
Mans quotannis , spe perenni
Deteret , auctior ut resurgat .
Applaudes Votis Turba Medentium :
Non febris illum , Morbus atrocior
Haud afflet ullus , Commodis qui
Immoritur satagendo Vestris .

Sic vovet
Christophorus Crelle , M. D.

MEDICAMENTORUM

quædam formulæ in praxi
magis familiares.

Potio communis purgativa.

℞. **T**amarind. ℥ss. fol. Sennæ ℥ii. Rhei
℥i℥. coq. in f. q. aq. ad ℥iiij. in
Colatura dissolve Manna & Syr. Rosar. so-
lut. an. ℥j. m. f. Potio.

Emeticum commune.

℞. Aq. Cardui Benedicti. ℥ij. Infus. Croci
Metal. ℥j. Syr. Cariophyll. ℥ss. m. f. vo-
mitorium. Sumat hora 4. pomeridiana, su-
perbibendo post singulas vomitiones haustum
largum liquoris possети.

Julapium perlatum.

℞. Aq. Cerasor. nigr. lact. Alexiter. an.
℥iiij. aq. Cinnamom. ℥j. Margarit. preparat.
℥i℥. sacchar. Crystall. q. s. adde aq. Rosar.
Damascen. ℥ss. f. Julap. de quo cap. cochlear.
iv. vel v. in languoribus.

Julapium cardiacum.

℞. Aq. Lact. Alexiter. Cerasor. nigr. an.
℥iiij. aq. Epid. Syr. Cariophyll. & de succo
Citri, an. unc. ℥. m. f. Julap. de quo ca-
piat sæpius.

Decoctum diætetikum.

℞. Rad. Sarsaparill. unc. vj. ligni Sas-
saffr. & Chine ana unc. ij. Glycyrrh. unc.
j. coq. in aq. font. Congiis ij. per bore di-
midium, deinde stent clausæ super cineres
calidos per horas xij. postea ebulliant ad ter-
tie partis consumptionem; cum primùm ab
igne amoveatur, infunde sem. Anisi unc. ℥.
post duas horas coletur, & postea depuretur
per residentiam, & liquor reponatur in lage-
nis vitreis probe clausis ad usum. Sit pro
potu ordinario per xxx. dies.

Apozema aperiens & Antiscorbuticum.

℞. Rad. gramin. Cicbor. Fanicul. &
asparag. ana unc. i. uvarum Corinthiac. &
passul. enucleat. an. unc. ij. fol. hepat. ling.
cerv. & cap. Ven. an. M. i. Fol. Beccabung.
sub finem addit. M. ij. coq. f. q. aq. fon-
tan. ad ℥. ij. sub finem adde vini Rhenani
℥ss. Colatura adhuc calente, infunde ad
duas horas, vase clauso, Cochl. borrens. M.
i. colatur. adde syr. & quinque radic. & e
succo Aurant. ana unc. ij. aq. Cinnamom.
hordeat. unc. i. M. f. Apozema. Sumat.
℥ss. mane & j. pomeridiana per xiv.
dies.

Eclegma incrassans in tussi.

℞. Ol. Amygd. dul. unc. i. Syr. Papav.
Rhead. Portulac. Iujub. & Loboc sani,
ana ℥ss. Sacchar. cristall. q. s. M. in mor-
tario marmoreo ad integræ horæ spatium &
f. Linctus perfecte mistus; recondatur in olla
figulina ad usum, cap. sæpius lambendo &
baculo liquiritiæ.

Eclegma fortius incrassans.

℞. Conserv. Ros. rub. Syr. violar. de Mecon.
an. unc. i. sem. papav. alb. ℥iiij. contundan-
tur simul & per setaceum trahantur, dein-
de adde ol. nuc. Moscat. express. gr. vi. f.
Eclegma.

In defluxione tenui.

℞. Conserv. ros. rub. unc. ii. Syr. de Me-
con. & iujub. an. unc. i. Oliban. Mastic.
& Succin. an. ℥i. ol. nuc. Moscat. per ex-
pressionem gr. vi. M. f. Loboch. de quo lam-
bat sæpe; bis in die cap. eclegm. descript.
cochl. j. instilland. Balsam. sulphur. anisat.
a gutt. viii. ad gutt. xii.

Cerevisia purgativa.

℞. Polypod. Querc. ℥bi. Rad. Rhabarb.
Monac. fol. sennæ & passul. enucleat. ana
℥ss. Rhabarb. incis. & rad. Raphan. Ru-
stican. an. unc. iii. fol. Cochl. borrens. salu.
an. M. iv. Aurantior. incis. N. iv. infunde
in Congiis v. vel vi. Cerevisiæ non lupula-
te, fermentationis tempore, & quando ad
maturitatem perveneris, sit pro potu ordina-
rio per dies xiv. vel xxi. præcipue vero su-
mat haustum singulis auroris.

E e e a

Empla-

Emplastrum hystericum.

℞. Galbani in tinctura Castor. solut. & solat. ℥iij. Tacamabac. ℥ii. f. Emplast. pro umbilico.

Catharticum pro infantibus tenellis.

℞. Syrup. Cichor. cum Rhabar. Coch. i. parvulum.

Decoctum amarum purgativum.

℞. Decoct. amar. duplicata fenna ℥iv. Syr. de Spina cervina unc. j. Elect. de Succ. Rosar. ℥ii. M. f. Potio.

Laudanum liquidum Authoris.

℞. Vini Hispanici ℔i. Opii ℥ii. Croc. ℥i. pulv. Cinnamomi, & Cariophyllorum, an. ℥i. infundantur simul in B. M. per duos vel tres dies, donec liquor debitam consistentiam acquirat. Colatura servetur pro usu.



PROCESSUS INTEGR I IN MORBIS

Fere omnibus curandis.

De affectione, in sceminis Hysterica, in maribus Hypochondriaca, dicta.

CUm a casu aliquo graviori molestum patitur humana anima, ataxiam concipiunt animales spiritus, urina subinde limpidissima copiose excernitur; sanitatis recuperandæ spes omnis protinus abjicitur, tristissima quævis sibi ominantur ægrota: quamcunque corporis partem morbus infuderit (plurimas autem insidet) symptomata ei parti competentia confestim urgent; in capite apoplexia, hemiplegia soluta, statim a partu adoritur; spasmi epilepsia per similes (vulgo uteri strangulatus, in quo

venter & præcordia guttur versus intumescunt) infestant; clavus hystericus, in quo dolor in capite atrocissimus, quem transverso pollice possis contegere; ægra interim materiam viridem bili porraceæ parem evomente, misere excruciat; cordis palpitacionem, tussim, passiones iliacam, & colicam, nephritin, urinæ suppressionem æmulatur paroxysmus; vomitiones enormes, diarrhœam subinde excitat; externe in carne musculosa nunc dolorem, nunc tumorem inducit in tibiis hydropis instar; nec (quod mireris) intractos dimittit dentes; dolor dorsi creberrime sævit; & sæpe sæpius adeo refrigerantur externæ partes ut cadaver plane referant; in risum & lacrymas effusissimas sine ulla *modica* ridicule erumpunt; pyralismus nonnunquam eo gradu laborantes afficit, ut mercurio delibutas facile crederes. Dolores hystericus, quamcunque partem obsident, ubi discesserint, teneritudinem, quæ tangi recusat, relinquunt, ac si verberatæ fuissent carnes.

Mittatur sanguis ad unc. viii.

Emplast. de Galbano umbilico admoveatur. Sequenti mane aggrediatur usum sequentium pilularum.

℞. Pilul. Coch. maj. ℥ij. Castor. pulv. gr. ij. Balsam. Peruv. gutt. iij. f. Pil. xij. cap. iv. singulis vel alternis matutinis, pro ratione virium, hora 4. vel 5. matutina, superdormiendo.

℞. Aq. Rutæ ℥iv. Bryon. comp. ℥ij. Castor. nodulo ligat. & in vitro suspens. ℥℔. Sacchar. Crystall. q. s. f. Julap. de quo capiat coch. iv. vel v. in omni languore. Post has pilulas sumptas utatur sequenti.

℞. Limatur. Chalyb. gr. viii. cum s. q. Extract. Absint. f. Pil. N. iij. Sumat summo mane, & repetantur hora 5. pomeridiana per xxx. dies, superbibendo haustum vini absinthitis.

Si forma boli magis arrideat.

℞. Conserv. Absint. Roman. & Conserv. flaved. Aurant. an. ℥j. Angelic. condit. Nuc. Moscat. condit. & Theriac. Andromach. an. ℥℔. pulv. Ar. comp. ℥iij. Zingib. condit. ℥ij. cum s. q. Syrup. de succ. citr. vel ejus defectu, Syr. Aurantior. f. Electuarium.

℞. Elect. præscript. ℥ij. limatur Chalyb. gr. viii. cum s. q. Syrup. Aurantior. f. Bolus sumendus mane & sero, superbibendo haustum vini absinthitis, vel coch. vi. seq. infusionis.

℞. Rad. Angelic. Enul. campan. & Imperator. an. ℥j. fol. Absinth. vulg. Centaur. min.

min. Marrub. alb. & Chamædr. an. M. j. Cort. Aurant. duor. incis. aſunde vini Hiſpanic. q. ſ. ad ſupereminentiam duorum digitorum. Coletur tempore uſus. Vel

In Delicatuſis *Chalybs* exhiberi poterit in forma pulv. ſequentis.

℞. *Limatur. Chalyb. probe trit. unc. j. pulv. Ari comp. ʒvj. ſem. Coriand. preparat. Anifi, Fenicul. dule. an. ʒiſ. Cinnamom. acutiſſ. Corall. rubr. preparat. an. ʒiiij. Nuc. Moſchat. ʒij. ſ. omnium pulvis ſubtiliſſimus, cui adde ſacchar. albiſſ. ad pondus omnium, hujus cap. e cochleari ʒʒ. bis in die per 4. dies, tum ʒj. bis in dies ſuperbibendo.*

℞. *Aq. Laſt. Alexiter. unc. xij. Gentian. comp. ʒiv. Abſinth. magiſ. comp. unc. ij. ſacchar. albiſſ. q. ſ. ſ. Julap. Vel*

℞. *Vini Rhenan. Abſinth. ʒʒ. aq. Gentian. comp. ʒij. Syr. Cariophyll. ʒj. ſ. Julap.*

℞. *Myrrh. elect. Galban. & Aſſe fetida, an. ʒj. Caſtor. ʒʒ. cum ſ. q. Baſam. Peruv. ſ. Pil. e ſingulis drachmis xij. Sumat iij. ſingulis noctibus, ſuperbibend. aq. Bryon. compoſ. cochl. iij. vel iv. per totum decurſum hujus proceſſus.*

Si pilulæ præſcriptæ ventrem moverint, utatur ſequentibus.

℞. *Caſtor. ʒj. ſal. ſuccin. volat. ʒʒ. cum ſ. q. extract. Rutæ ſ. pilule N. xxiv. cap. iij. ſingulis noctibus, ſuperbibendo julapii hysteric. cochl. iij. vel iv.*

Sp. C. C. ad gutt. xvi. vel xvii. in aqua aliqua appropriata ſæpius exhibitus, valde conſert.

Si vero his non cedat remediis, tum capiat ſequentes pilulas.

℞. *Trochiſc. de Myrrh. pulv. ʒj. Baſam. ſulphur. Terobynth. gutt. iv. cum. ſ. q. gum. Ammoniac. ſolut. ſ. Pil. N. iv. cap. mane & ſero ſuperbib. julap. hysteric. cochl. iv. vel v. inſtillando Sp. C. C. gutt. xij.*

Electuarium Antiſcorbut. cum aqua ibidem deſcripta prodeſt in his affectionibus, ut & Electuar. corroborans cum additione Conſerv. Cochl. hortenf. ʒj. pulv. Ari compoſ. ʒvi. ſuperbibendo præſcriptam aquam.

At ſi affectus hic non cedat remediis, eundem eſt ad aquas ferreas; & ſi neque his, tum ad Sulphureas, quales ſunt *Barbonienſes*.

Inter bibendum aquas ferreas hæc obſervanda; ſi aliquod ſymptoma gravius acciderit, quod potationi aquarum referri poſſeſt, tunc ab iis æger abſtineat, donec

ſymptoma iſtud penitus evanuerit. Æger in earum uſu per ſex ſeptimanas ad minimum, vel potius ad duos menſes perſeſeret. *Zinziber conditum*, vel *Semina Carui Saccharata*, ad calefaciendum ventriculum ſubinde ſumat. *Pilule etiam hystericæ* iij. devorari poſſunt per primas x. noctes, ſuperbibendo *Julap. hysteric. cochl. iv. vel v.*

Quoad uſum *aquarum Barbonienſium*, duobus diebus bibat eas, ac tertio die per modum balnei eas ingrediatur, atque ita alternatim per ſex ſeptimanas vel duos menſes.

Si *Chalybs* juſto plus corpus caleſciat, tum per ejus uſum, quarta quaque aurora ſumat *aq. mineralium purgantium* ʒiv. Quæ tamenſi alvum moveant, haud tamen tumultum cient, ut ſolent cathartica ex officinis deprompta.

Si *Chalybs* magnas peturbationes inſuſcat, laudanum aq. aliqua hystericæ miſtum, ſingulis noctibus ad tempus aliquod propinandum.

Cum a morbi diuturnitate fractæ, & attritæ fuerint vires, venæ ſectio, & cathartica ſunt præmittenda, ſed a chalybe ſtatim incipiendum.

Ubi ſymptomata ſunt mitiora, ſatis eſt ſanguinem mittere, & alvum ſolvere ad dies iij. vel iv. dein pilulas hystericas ad dies x. mane & ſero exhibere.

In dolore intolerabili, vomitione, & *Diarrhæa* enormioribus, exhibendum laudanum, & poſtea corroborandi ſpiritus, at modo per vires liceat, ante uſum laudani, educatur e venis ſanguis & catharticum propinetur: in virginibus præſertim, & ſanguineo temperamento præditis; in debilio-ribus autem, & haud ita pridem paroxyſmum paſſis, ſufficit ventriculum congio uno lactis cereviſiati hauſto, & mox per vomitum rejeſto detergere, dein largam doſim *Theriac. Androm. vel Elect. Orvietan.* imperare, & cochl. aliquot, liquoris alicujus ſpirituſi, cum pauculis laudani liquidi guttulis, ſuperbibenda dare. Quod ſi egra jam pridem vomuerit, & ulterius emeticis ſolicitare periculo non vacabit, laudanum ſi ne mora propinandum eſt, ea doſi, quæ ſymptoma vincat, & poſt ſingulas vomitiones toties quoties repetendum, in forma potiſſimum ſolida, vel in liquida, in parco vehiculo, viz. gutt. aliquot in cochl. j. aq. cinnamom. fortiori, zgra interim conquieſcente, & caput immotum tenente.

Perdomito ſymptomate, mane & ſero, dies

dies pauculos continuetur usus laudani.

Hæc duo diligenter notanda, quod cum semel post evacuationem laudano uti cœperimus, ea dosi, atque illa toties repetita, fumendum est, donec symptoma omnino fuerit debellatum, interjecto tantum spatio inter singulas doses, ut quid prior præstiterit ante noscamus, quam alteram ingeramus: deinceps cum laudano morbum aggredimur, nihil movendum est, nihil evacuandum, vel per mitissimum enema.

Theriaca Andromachi crebro, diuque usurpata, magnam est in hoc, & aliis morbis quamplurimis a caloris, & concoctionis defectu ortis, remedium.

Vina *Hispanica* gentiana, angelica, absinth. centaurio, corticum aurantior. flavedine, aliisque corroborantibus infusis medicata, si ad aliquot cochlearia ter in die potentur admodum conferunt, modo ægra tenui non fuerit biliosoque corporis habitu.

Cortex Peruv. ad ℥j. mane, & sero, per septimanas aliquot deglutitus, præsertim in spasmodicis hystericis miras habet vires.

In tenui biliosoque corporis habitu potest usurpari dicta lactea, præcipue in colica hystérica, si modo ea incommoda possint superari, quæ primis fere diebus apponatur, quod nempe tum in ventriculo coagulatur, tum etiam viribus corporis, in statu conservandis, sustendandisque minus sufficiat.

Nihil tamen æque sanguinem spiritusque fovet, & confirmat, ac diu multumque, singulis fere diebus equo vehi, nec itinera in curru facta suo carent successu.

De Febre Depuratoria annorum 1661.

62. 63. 64.

Si æger juvenis sit, extrahatur sanguis a brachio, & eodem die post aliquot horas, vel sequenti die, duabus horis post leve prandium, *Emeticum ex infus. Croci Metal. paratis Zythogal.* ℥vi. vel viij. ut quoties vomuerit, aut alvum exoneraverit, e vestigio sumatur haustus; exhibeatur & post finitam operationem emetici, hoc vel simile paregoricum.

℥℥. *Aq. Cerasor. nigr.* ℥i℥. *aq. Epidem.* ℥℥. *Laud. liquid. gurr.* xvi. *Syrup. Caryophyl.* ℥ii. *M. F. Haustus.*

Vomitoria ex infus. *Croci Metal. parata*, puerulis, aliisque infra adolescentiam constitutis, vel minima quantitate, non est tutum exhibere.

Post hunc diem usque ad undecimum, singulis auroris, injiciatur enema sequens.

℥℥. *Decoct. commun. pro Clystere* ℥℥. (vel *lactis vaccini eandem quantitatem*) *Sacchari Culinar. & Syrup. violac.* an. ℥ij. *f. Enema.*

Post dictum diem alvus constipari permittatur, quo materia febrilis citius concoquatur, ad quem etiam finem cardiaca moderata his ultimis diebus exhibita apprimè conducunt.

℥℥. *Pulv. & Chel. Cancror. comp.* gr. xiv. *Elect. de Ovo* ℥℥. cum *f. q. Syr. Caryophyl.* *f. Bolus* sumendus octava quaque hora, superbibendo sequentis julapii cochl. v. vel vi.

℥℥. *Aq. lact. Alexiter. Cerasor. nigr.* an. ℥iii. *Aq. Epidem. & Syr. Caryophyll.* an. ℥i. *M. F. Julap.* vel alia his similia.

Hæc methodo sollicite observata, circa xv. diem (tum ex laudabili in urina separatione, tum ex manifesta symptomatum omnium remissione) tempestivum esse potionem purgantem communem exhibere percipies.

Accidit interdum, maxime in senibus, curata febre, & purgato corpore, ægrum nihilominus valde debilem esse, & quandoque tussi, interdum etiam sreatu, magnam glutinosi viscosique phlegmatis copiam expectorare. Hoc in casu vinum Malaganum annosum, cum pane tosto ei immisso, bibat æger.

Si superveniat iliaca passio, præscribatur sal. absinth. ℥j. ex cochl. suc. limonum, mane & sero; intermediis temporibus cap. aq. menth. stillatit. sine saccharo, cochl. aliquot, bis quaque hora; dum hæc sunt, catulus vivens nudo ventri indefinenter accumbat, postquam dolor cum vomitu per biduum triduumve cessaverit, exhibeatur *Pil. Coch. mai.* ℥j. in *Aq. Menth.* soluta, nec removendus catulus ante pilularum usum.

Ad recidivam præcavendam, persistat in usu prædictæ aquæ per longum tempus, & duplicatis pannis laneis ventrem a frigore defendat.

De Febre Pestilentiali 1665. 66.

Post venæ sectionem in lecto celebrandam, æger stragulis obruatur, & lacinia lanea sincipiti alligetur; tum, si vomitus non adsit, hoc vel simile hydroticum exhibe.

℥℥. *Theriac. Andromach.* ℥℥. *Elect. de ov.*

ov. ℥℥. Pulv. & chel. cancr. comp. gr. xii. Coccinel. gr. viii. Croc. gr. iv. cum f. q. succ. Kermes, f. Bolus, quem sumat sexta quaque hora, superbibendo cochl. vi. seq. Julapii.

℥. Aq. Card. Benedict. & Scord. comp. an. ℥iv. Aq. Theriacal. stillat. ℥ii. Syr. Cariophyll. ℥j. M. f. Julapium.

Si adsit vomitio, hydroticum differatur, donec solo segumentorum pondere sudor promanare incipiat, linteaminis parte vultui superinducta.

Incipit diaphoresis haustulis zytogalæ salvia alteratæ, vel cerevisiæ, cui macis aliquantulum incoxeris subinde repetitis ad naturalis diei spatium (i. e. horas 24.) est continuanda; in sudore licet jusculis confortativis ægrum reficere.

Ubi tumor enatus fuerit, venam aperire non sustinui; per horas adhuc a finito sudore xxiv. ægro se in lecto continente frigus caute devitetur. Indusum sponte sua in corpore arescere permittatur, potulenta omnia calidiusculè hauriantur, & zytogalæ salvia alteratæ usus etiamnum continuetur, in seq. luce potio purgat. communis exhibetur.

Anni 1667. 1668 Febrim variolosam, & variolas produxerunt.

Anni 1669. 70. 71. 72. Febrim dysentericam.

Anni 1673. 74. 75. Febrim comatosam.

Curationem febrium horum annorum non attingo; quoniam methodo in febre anni 1685. &c. descripta curari eas potuisse autumo.

De Febribus Intermittentibus.

Cum rigore & horrore adoritur paroxysmus; quibus mox succedit calor, & huic tandem sudor, & subsequens *crisis*: licet in primis morbi diebus, autumnò maxime, aliquoties remissio potius quam intermissio persenscatur, in calore æque ac in rigore vomiturit ut plurimum ac vehementer ægrotat miser cum siti & lingua arida. In tenera ætate abdominis inflatio, in adultis crurum tumor febris solutionem, tonsillarum dolor, rauco, oculi cavi, facies hypocratica, mortem denunciant.

℥. Cort. Peruv. subtiliss. pulv. ℥i. cum f. q. Syr. Carioph. vel de Rosis siccis, f. Eletharium dividendum in xii. doses; quorum unam capiat quarta quaque hora, superbibendo vini cujuslibet haustum, incipien-

do immediate post paroxysmum.

Si autem præscripti boli ventrem moverint, in haustu vini dentur *gutt. Laudan. liq. quid.* singulis vel alternis vicibus post assumptionem boli, ut opus fuerit.

Ad recidivam præcavendam (præcipue in quartana) repetatur processus prædictus singulis septimanis per tres alias vices.

Sin forma pilularum magis arrideat.

℥. Cort. Peruv. pulv. ℥j. cum f. q. Syrup. Cariophyll. f. Pilule mediocris magnitudinis, quarum capiat vi. quarta quaque hora.

℥. Cort. Peruv. pulv. ℥ii. Vin. Rhenan. ℥ii. stent simul in Infusione frigida, & coletur per manicam Hippocratis. Usus tempore cap. ℥iii. tertia vel quarta quaque hora.

Sin ob vomituritionem, fere continuam, corticem deglutire nequeat æger, tum sexies, vel octies, spatio duarum horarum, *Succi Limonum* recens expressi cochl. j. cum *Salis absinth.* ℥j. assumat, dein *Laudan. Liquid. gutt. xvi.* cum *Aq. cinnam.* fortior. cochl. j. ac brevi post, cessante vomitu, corticis usum aggrediatur.

In intermittentibus vernalibus, nonnunquam emeticum, tempestive propinatum, ut nempe ante paroxysmum negotio suo desungi possit, felicissime successit. Nonnunquam enema in diebus intermittentibus per triduum, vel quatrimum injectum, curationem absolvit. Quæ sequenti quoque modo tentari potest.

℥. Serpentar. Virgin. subtiliss. pulverisat. gr. xv. Vin. alb. ℥iii. Sumat duabus horis ante paroxysmum, & stragulis coopertus æger sudet per iij. vel iv. horas, idem faciendo per duas alias vices ante paroxysmum.

Si ab ingeminatis paroxysmis summe debilis fuerit æger.

*℥. Conserv. Flor. Borag. Bugloss. an. ℥j. conserv. Anibos. ℥ss. cort. citr. condit. Nuc. Moschat. condit. Theriac. Andromach. an. ℥iij. confectio. Alchermes ℥ij. M. F. Opia-æ, cap. ad quantitatem avellanae, mane & vespere, superbibendo cochlearia paucula, alicujus *Aq. Epidemicæ* simplicioris, *Saccharo* edulcoratæ, interdicto interim enematum usu.*

Si sub morbi exitum occurrat hydrops, nondum tamen depulsa febre, curatio non est instituenda remediis purgantibus, sed infusionibus rad. *Raphan. Rustican. Summitat. Absinth. centaure. Min. Baccar. Juniper.*

per. cinerum genist. &c. in vino factis, exulante autem febre, cathartici, & aperientibus.

Aq. cerasor. nigr. & Vini Rhenan. an. ℥ij. cort. Peruv. subtiliss. pulv. ℥iij. Syr. Cariophyll. ℥i. M. f. Julap. Cap. Cochl. j. alterumve, pro ratione ætatis quarta quaque hora, donec paroxysmi non amplius discracient, instillando alternis vicibus, si diarrhœa adsuerit. Laud. liquid. gutt. j. vel ij.

*De Febre Stationaria, ab an.
1685. ad 90.*

Calor & frigus se invicem excipiunt, artus pariter & caput dolent, pulsus interrim fere sanus, nonnunquam tussis, dolor circa collum, & fauces, exacerbatio febris prope noctem, inquietudo, sitis, lingua vel humida & ex omni parte pellicula alba, & scabra vestita, vel sicca, fusci coloris in medio, quam partem undique cingit fimbria inalbescent. A jugi in lecto decubitu coma, & phrenesis, a calido regimine petechiæ, maculæ purpureæ, eruptiones (quas vocant) miliares morbillis magis rubentes, pulsus inordinatus, tendinum subsultus, atque ita tandem mors. Sudores in initio symptomati divexant, qui si ab arte provocentur, viscosi a capite erumpunt, & materiam morificam in caput aut in artus transferunt.

Mittatur sanguis ad unc. x. e brachio. Reiteretur venæ sectio; si modo respiratio- nis difficultas, dolor capitis inter tussendum lancinans, & alia signa peripneumoniz nothæ adsint; in hoc casu tam venæ sectio, quam catharsis repetenda, donec æger convaluerit.

Vesperis applicetur epispasticum, & sequenti aurora potio lenitiva præscribatur, quæ ad tertiam vicem alternis diebus repetatur, & hora somni post catharsin haustus pacificus propinetur.

℥j. Aq. Paralyf. ℥iii. Syr. de Mecon. ℥j. Succ. Limon. recent. extract. cochl. ii. M. F. Haustus.

Aphthæ & singultus post curationem febris supervenientes sponte sua evanescent: si in longum tempus decurrant, facile sugantur *Cortic. Peruv. ℥j. cum Syr. Papav. Rhead. q. s. in formam Electuar. vel pilular. redacta*, superbibendo haustum lactis deflorati. Remedium hoc certissime scopum attinget; si non frustrentur ejus vires ex jugi ægri in lecto decubitu.

Diebus a purgatione liberis sequentia præscribentur.

℥j. Conserv. Lujul. & cynosbat. an. unc. i. conserv. Berber. unc. ℥. crem. Tart. ℥j. cum s. q. Syr. de Limonib. f. Electuarium, de quo cap. ad magnitud. Nuc. moschat. ter in die superbibendo sequent. julap. cochl. vj.

℥j. Aq. Portulac. Lactuc. Paral. an. ℥iii. Syr. de Limonib. ℥i℥. Syr. Vialar. unc. i. M. f. Julapium. Vel

℥j. Aq. font. ℥ij. aq. Rosar. Succ. Limonum, Sacchar. albiss. an. unc. iv. coq. lento igne dum despumaverint, cap. unc. iii. a libitum, præscribatur quoque seq. gargarisma.

℥j. Succ. Pomor. agrest. ℥℥. Syr. de rubo Ideo un. i. m. f. gargarisma.

Si febris ita ventriculum infestet, ut æger potionem retinere nequeat, *Pil. Coch. mai. ad ℥ij. exhibeantur*, tum etiam hypnoticum est concedendum, v. gr. *Laudan. Londin. gr. i. cum simili quantitate Mastice vel Laudan. liquid. gutt. xvii. in aq. Cinnamom. hordeat. unc. j.*

Decoctum album paratum ex ℥j. C. C. usli in aq. communis ℥iii. cocti & postea. Saccharo albissimo edulcoratum. Sit pro potu, ut & cerevisia tenuis pro libitu.

Post catharsin bis celebratam, concedatur ægro, pullorum carnibus velci, & post ultimam purgationem, modo febris aliquantulum deflagraverit, vini Canarini cochl. iij. vel iv. mane, & sero ut & post prandium, per dies aliquot propinentur.

In phrenitide, ut & comate, nihil perinde confert, atque ægri caput radi, nullo admoto emplastro, sed pileolo tantum.

Si (quod scemini hysterici quandoque accidit) post venæ sectionem, & purgationes hujusmodi iteratas, etiamnum duret, procurratque febris, modo signa peripneumoniz, & inflammationis circa partes vitales absint, singulis noctibus paregoricum, & medicamenta hysterica, bis vel ter in die injungantur.

De Infantibus febre Stationaria laborantibus.

Hirudines duæ utrinque pone aures applicentur, dein Emplast. Epispasticum cervici admoveatur.

Cerevisia, qua Rhabarbarum fuerit infusum, purgetur.

Si post catharsin febris intermittere videatur,

deatur, tum *Julapium cum cortice Peruviano* (in capite de febre intermittenti pro infantibus descriptum) exhibeatur.

De Febre Scarlatina.

Æstate exeunte, infantes præcipue infestant. Rigent & horrent sub initium; nec tamen admodum ægrotant; cutis univèrsa maculis parvis, crebrioribus, latioribus & magis rubentibus, quam in morbillis interlinguitur. Ad duos trefve dies persistunt, quo quidem tempore evanescunt, & decedente subiecta cuticula, squamulis fursuraeis, ad instar farinæ, cutis conspergitur.

℞. *C. C. usti* & *pulv. e Chel. cancr. comp. an.* ʒʒ. *Coccinell. gr.* ii. *Sacchar. Crystall.* ʒj. *M. f. pulvis subtiliss. in xii. Chartulas dividend. quarum unam cap. 6. quaque hora, superbibendo coch. ii. vel iii. sequentis julapii.*

℞. *Aq. Cerasor. nigr. aq. Lactis Alexiter. an.* ʒiii. *Syr. e succo citri unc. i. M. f. Julap.*

Applicetur etiam epispasticum cervici, & qualibet nocte *paregoricum ex Syr. de Meron.* propinetur, & postquam symptomata cessaverint, purgetur æger.

De Pleuritide.

Inter ver & æstatem dominatur. A rigore & horrore orditur, quos statim comitantur calor, sitis, inquietudo, & cætera febrium symptomata; elapsis pauculis horis, æger vehementi dolore punctorio in laterum alterutro circa costas corripitur; qui nunc versus homoplatas, nunc spinam, nunc anteriora pectoris sese propagat, tussi crebra excruciat; materia sputo rejecla in initio morbi pauca est & tenuis, & sæpe sanguinis particulis intermixta, progressu vero copiosior, & magis concocta, sanguine etiam permixto. Febris pari passu incedit cum tussi, sputo sanguinis, dolore, & pro ratione liberioris expectorationis sensim immittitur; nunc alvus est astricta, nunc soluta nimis. Eductus e vena sanguis sevi liquati speciem præ se fert ubi refrigerit.

Mittatur sanguis e brachio lateris affecti ad ʒx.

℞. *Aqu. Papav. Rhoead. unc. iv. Sal. prunel.* ʒj. *Syr. violar. unc. i. M. f. Haustus sumendus statim a prima venæ sectione.*

℞. *Amygd. dulc. excorticat. N. v. sem. Melon. Pepon. an. unc. ʒ. sem. papav. alb. Sydenham Opera Med. Tom. I.*

ʒii. *aq. hord. ʒiij. aq. Rosat. ʒii. cum f. q. sacchar. cand. f. f. a. Emulsio, Cap. unc. iv. 4. quaque hora.*

℞. *Decoct. Pectoral. ʒii. Syr. Violar. & Cap. Ven. unc. iʒ. M. f. Apozema Cap. ʒi. ter in die.*

℞. *Ol. Amygd. dulc. unc. ii. Syr. Violar. & Cap. Ven. an. unc. i. Sacch. Cand. q. f. M. f. Eclegma, de quo sæpe lambat.*

Oleum Amygd. dulc. per se, vel Oleum sem. Lini recenter extract. exhiberi potest.

℞. *Ol. Amygd. dulc. Lilior. & unguent. Dialtheæ, unc. i. M. f. Linimentum, quo inungatur latus affectum mane, & sero superimponendo sol. Brassicæ.*

Repetatur venæ sectio ad tres alias vices, ad eandem quantitatem, quatuor diebus continuis, ubi dolor, & respirandi difficultas suadent.

De Peripneumonia notha.

Ingruente hyeme & sæpe sub ejus exitum emergit, insultu primo nunc incalcescit, nunc friget æger, ex motu quolibet vertiginosus est, rubent & inflammantur genæ, oculique; tussis, & inter tussendum dolor capitis lancinans premit, poculenta vomitu rejicit, urina turbida est, & intense rubet, sanguis pleuriticorum æmulus, anhelus crebro & celeriter spirituum ducit, dolente thorace. Ab asthma sicco plane distinguitur, quod in isto nusquam comparent febris indicia, in hac manifesto se produnt, licet minora longe & magis obscura, quam in peripneumonia vera.

Mittatur sanguis e brachio dextro ad unc. x. Die sequenti æger hanc potionem sumat.

℞. *Cassie extract. unc. i. Glycyrr. ʒii. fucus pinguis N. iv. fol. sem. ʒiij. Agaric. trochiscat. ʒi. coq. f. q. aquæ ad unc. iv. in Colatur. dissolv. Manna unc. i. Syr. Rosar. solut. unc. ʒ.*

Si vero potionem assumere nequeat, *Cap. Pil. Coch. mai. ʒii. hora quarta matutina.*

Sequenti die celebretur iterum venæ sectio, ad eandem quantitatem; ac postero die repetatur catharsis, quæ porro repetenda est alternis diebus, vel post majora intervalla, pro ratione virium; atque insuper si symptomata non cessaverint, extrahatur iterum sanguis, semel adhuc, bis, vel sæpius, diebus aliquot interjectis, prout res postulaverit; sed ut plurimum venæ sectio bis celebrata sufficiet; interim, dum

Sunt, præsertim in diebus a purgatione vacans, utatur decocto Pectorali, Eclegmate & oleo Amygd. dulcium, in pleuritide descriptis.

De Rheumatismo.

Rigorem & horrorem & cætera febrium Symptomata patiuntur, elapso die uno alterove (est & ubi citius) dolor adest atrox, nunc in hoc, nunc illo artu, in carpis, humeris & genibus præsertim, vicissim hos relinquens, & illos occupans, rubore & tumore in parte, quam postremum affecit, adhuc residuis. Febris sensim evanescit, manente dolore, quin & nonnunquam immanius sæviens. In lumbagine rheumatica immanis dolor est, circa lumborum regionem fixus, nephritin mentiens, nisi quod æger non vomituriat, qui procumbere nequit, sed vel e lecto exilit, vel super eodem erectus sedet, corpore perpetua agitatione, nunc versus anteriora, nunc posteriora inclinato. Sanguis pleuriticorum similis.

Mittatur sanguis e brachio lateris affecti, ad unc. x.

℞. Aq. Nymph. Portulac. Lactuc. an. unc. iv. Syr. de Limonib. ℥ij. Syr. Violac. unc. i. M. f. Julap. de quo bibat ad libitum.

Præscribenda Emulsio q. Sem. frigid. maj. Cataplasma e mica panis albiss. & lacte Crocæ rincto applicetur parti dolenti.

Die sequenti eadem sanguinis quantitas detrahatur, atque iterum, die uno vel altero interjecto, reiteretur, atque porro quater vel pluries, si opus fuerit, hoc observando, ut post secundam venæ sectionem majora sint intervalla inter singulas sanguinis missiones.

Diebus a phlebotomia vacuis, enemata e lacte saccharato subinde injiciantur, vel sequens.

℞. Decoct. commun. pro Clystere ℥j. Syr. Violar. & Sacchar. culinar. an. unc. ii. M. f. Enema.

Si imbecillitas ægri repetitionem phlebotomiæ non ferat, tum post secundam vel tertiam venæ sectionem, curatio hac methodo tentanda.

Capiat alternis diebus portionem purgativam communem, donec convalescat, & iisdem noctibus paregoricum ex Syr. de Mecon.

Sin his remediis non cedat, & æger ob imbecillitatem evacuationes qualescunque ferre nequeat, aggrediatur usus Elect. &

aq. Antiscorbuticæ in scorbuto descripta, quæ etiam locum habent in rheumatismo scorbutico.

In juvenibus, atque iis, qui temperate vixerunt, vino non plus æquo dediti, rheumatismus diætâ simplici admodum refrigerante, & mediocriter nutriente, æque feliciter, ac repetitis venæ sectionibus (quas minus ferre queant) profligari potest. Ex. grat.

Solo lactis sero ad dies quatuor vescatur æger, postea præter serum pane similagineo semel in die loco prandii, donec penitus convalescat, nisi quod postremis diebus iterum panem in cœnam indulgere liceat, symptomatibus cessantibus, carnes pullorum elixorum, cæteraque eupeptâ concedantur, tertio autem quoque die solo lactis sero victitet, donec tandem pancreaticè valeat.

De Febre erysipelatoza.

Nulla non corporis pars præsertim facies, tumet, dolet & summo rubet, pustulæ densæ, parvæ; in vesiculas subinde faciesunt, quæ per frontem caputque serpunt, oculi tumore obruti, rigor & horror atque reliqua febris indicia adsunt. In alia hujus morbi specie, liquorum attenuantium potationi superveniente, febricula adest, pustulæ urticarum puncturas referentes nonnunquam, quæ in vesiculas sublata, mox recedentes, tuberculorum more, sub cute se condentes, maxime pruriunt, & scalpando rursus apparent. Est & alia eruptionis species; pectus ut plurimum obsidens, macula nimirum lata, cuti vix supereminens, porriginosa, cum squamulis flavis, quæ vigente, æger bene se habet; eadem evanescente, leviter agrotat, urina turbida & flavæ, iisdem remediis, quibus pruritus ferinus, cedit, vino utatur æger & carnibus eupeptis.

Mittatur sanguis e brachio ad ℥ix. vel x. Die sequenti sumat portionem communem purgativam.

℞. Rad. Althææ & Lilior. an. ℥j. sol. Malv. Sambuc. Verbas. flor. Chamemel. Melilot. summit. Hyperic. & centa. minor. an. M. j. sem. Lini, fenugrac. an. ℥ss. coq. f. aq. ad ℥iij. Coletur liquor & tempore usus adde singulis libris decocti, Sp. Vini ℥ij. Stupæ e panno laneo huic decocto immersæ, ac expressæ, calide admoveantur bis in die, & pars affecta post

post solum sequenti mixtura illiniatur.

℞. Sp. Vini ℞℞. *Theriac. Androm.* ℞iii. *pul. piperis longi, & Caryophyll. an.* ℞ii. *f. mixtura*, qua charta emporctica madefacta parti affectæ circumvolvatur.

Si primæ venæ sectione non cedat morbus, tum repetatur; & nondum cessante; ad duas alias vices celebretur, interposito semper die uno.

Diebus a venæ sectioni liberis *Enema e lacte cum Syr. Violarum, Emulsio Refrigerans, & Julap. refrigerans*, sunt præscribenda.

De pruritu serino, & inveteratis cutis eruptionibus, quæ venæ sectioni & catharsi non cedunt.

℞. Theriac. Andromach. ℞℞. *Elect. de ovo* ℞j. *rad. Serpentar. Virgin. subtiliss. pulver. gr.* xv. *Lapid. Bezoar. oriental. gr.* v. *tum f. q. Syr. e conditur. citri f. Bolus*, hora somni sumendus per dies xxi. superbibendo cochl. vi. sequent. julapii.

℞. Aq. Card. Benedict. ℞vi. *aq. Epidemic. & Theriacal. Stillat. an. unc.* ii. *Syrup. Caryophyll.* ℞i. *M. f. Julap.*

Singulis matutinis capiat liquoris possetici ℞℞. calide, & sudet horæ unius spatio.

His finitis, si pustulæ adhuc non evanuerint, sequenti linimento partes affectæ inungantur.

℞. Unguent. ex Oxylapatho unc. ii. *Unguent. Pomati unc.* i. *flor. Sulphur.* ℞iii. *ol. Rhodii* ℞℞. *f. linimentum.*

Veruntamen medicamenta præscripta haud usurpentur, nisi venæ sectione & catharsi rite præmissis.

De Angina.

Angina inter ver & æstatem ut plurimum aggreditur. Sequuntur febris insultum dolor, & faucium inflammatio, unde a tumore uvulæ, tonsillarum & laryngis, nec deglutire queat æger, nec spiritum ducere.

Mittatur sanguis e brachio copiose. Tangantur partes inflammatæ melle Rosaceo *Sp. Vitrioli, vel Sp. Sulphuris ad summum acorem permixto, vel Sp. Vitrioli solo*. Mox gargarisma sequens usurpetur, non vulgari modo; sed ita ut sine ulla agitatione in ore contineatur, donec incalescat; dein expuatur, & repetatur subinde.

℞. Aq. Plantag. Rosar. Rubr. & Spermi. Ranar. an. ℞iv. *album. ovor. in aquam agi-*

tando redact. N. iii. *Sacchar. Chrystat.* ℞iii. *M. f. Gargarisma.*

Emulsio Refrigerans in pleuritide descripta indies sumatur.

Sequenti mane, nisi febris & dolor inter deglutendum remiserint, venæ sectio repetatur, catharsis in diem posterum rejecta, alias catharticum lenitivum exhibeatur.

Manente adhuc affectu (quod oppidorum) repetatur adhuc venæ sectio, & catharsis, epispasticum amplum ac forte applicetur cervici post primam venæ sectionem. Omni mane, nisi diebus purgationi datæ enema refrigerans & emolliens injiciatur, diæta tenui utatur æger, & lecto per horas aliquot quotidie abstat.

In his omnibus febribus, quas intercurrentes appello, ut etiam in illa, quæ stationaria est, caute observandum, quod æger a lecto abstineat magnam diei partem, ut jusculis hordeaceis, avenaceis, ac id genus aliis viscitur, & cerevisiam lupulatam, & hydrogalam pro potu ordinario bibat.

De Morbillis.

Infantes plerunque impetunt. Primo die rigent horrentque, calent & frigent alternatim. Secundo consummatam febrim accersunt, ægritudo vehemens, sitis, inappetentia, lingua alba (non vero sicca) tussicula, capitis & oculorum gravedo, & somnolentia perpetua, acriter premunt, humor e naribus & oculis jugiter stillat (quæ lacrymæ certissimum morbillorum signum.) Huc accedunt sternutatio, tussit palpebrarum paulo ante eruptionem; vomitus, diarrhœa, cum dejectionibus colore viridi in dentientibus præsertim; symptomata ingravescent ad quartum usque diem, quo quidem die (nonnunquam quinto) in fronte & facie maculæ parvæ, rubræ, pulicum moribus persimiles prodeunt; quæ numero & magnitudine auctæ, racematim coalescunt, & faciem maculis rubris majusculis interstringunt, hæ maculæ e parvulis, supra cutim paululum elevatis constantur, quarum protuberantia digito levi, vix oculorum acie deprehendi possit.

A facie, quam primo solum occupant, ad pectus ventremque, crura deinde tibiasque propagantur maculæ; in his autem partibus latæ, & rubræ, superficiem cutis non superantes conspiciuntur. Eruptione morbillorum non perinde delinuntur

symptomata ac in variolis. Vomitus post eruptionem nullus, sed tussicula & febris cum spirandi difficultate intenduntur, in oculos defluxio, somnolentia & inappetentia perseverant. Die sexto aut circiter frons, & facies asperescunt, emorientibus pustulis, ruptaque cuticula, in reliquo corpore maculae latissimae sunt, & maxime rubescunt. Octavo circiter die in facie evanescent, & vix in reliquo corpore permanent. Nono nullae prorsus sunt, per faciem vero & artus quandoque, & totum corpus in farinam quandam, & squamulas facessunt, & tunc temporis febris, spirandi difficultas, & tussicula augentur. In adultis a calido regimine livefcunt primo, mox nigrescunt exanthemata.

℞. Decoct. Pectoral. ℞iſs. Syrup. Violar. ☉ cap. Ven. an. ℞iſs. M. f. Apozema, cap. ℞iſs. vel iv. ter vel quater in die.

℞. Ol. Amygd. dulc. unc. ii. Syr. Violar. ☉ cap. ven. an. unc. i. Sacchar. Cand. albiss. q. s. M. f. Eclegma, de quo saepius lambat, praecipue quando tussis urget.

℞. Aq. Cerasor. nigr. ℞iſs. Syr. de Mezon. M. ℞i. f. haustus singulis noctibus sumendus, a primo morbi insultu, usque dum convalescit aeger, dosin augendo vel imminuendo pro ratione aetatis.

Aeger se contineat in lecto per biduum post primam eruptionem.

Si post morbillorum discessum, febris, respirandi difficultas, & alia symptomata peripneumoniam mentientia supervenerint, sanguis liberaliter extrahendus e brachio; semel, bis, vel ter, prout opus fuerit, convenienti spatio inter singulas venae sectiones; atque etiam continuetur decoctum Pectorale supra descriptum ut & Loboch, vel Ol. Amygd. dulc. per se. Circa diem xii. ab invasione cathartico lenienti purgetur.

Diarrhoea, quae morbillos excipit, venae sectione sanatur.

De Variolis.

Distinctae sunt, vel confluentes, & in diastis invadunt rigor & horror, calor intensus, capitis & dorsi dolor vehemens, vomituritio, in adultis ingens in sudores propensio (& hinc minime confluxuras esse licet conjicere) dolor sub scrobiculo cordis si manu prematur, stupor & somnolentia, nonnumquam & insultus epileptici (in infantibus praesertim) quibus si, dentitione

peracta corripiantur, in procinctu esse variolas possis praedicere; ita ut si forte insultum epilepticum sub vespere patiantur, sequenti aurora in conspectum se daturae sunt variolae, mites ut plurimum & rarissime confluentes. Quarto inclusive ab invasione die, nonnumquam serius, raro tamen ante illum erumpunt, quo tempore, vel minuuntur symptomata, vel prorsus evanescent. In eruptione autem subrubrae primo pustulae tenuissimarum acicularum puncta aequantes, sparsim se produnt per faciem, collum, pectus, & corpus universum; tunc in faucibus dolor, qui cum pustulis surgentibus augetur. Circiter octavum a primo insultu diem intervalla pustularum prius alba rubere jam incipiunt, in tumorem attolli, & dolore tensivo affici; extenduntur palpebrae, & ut vesica inflata, oculos claudunt. Proxime a facie intumescunt manus, digitique distenduntur, pustulae faciei antea leves & rubrae, jam asperae (primum maturationis indicium) & subalidae apparent; succum insuper luteum, colore a flavo non abludentem evomunt, faciei & manuum inflammatio jam summa in pustularum interstitiis colorem exhibet floridum, & rosarum Damascenarum aemulum, quem quidem colorem, quo mitiores sunt variolae, eo magis tum pustulae tum cutis interjecta ad amissim exprimunt. Quae faciem occupant pustulae, asperiores quotidie ac magis flavae promaturationis ratione; quae manus, & reliquum corpus minus asperae albaeque magis conspiciuntur indies. Die undecimo faciei tumor & inflammatio recedunt, pustulae & justam magnitudinem (viz. pisi grandiusculi) adeptae exarescunt deciduntque. Decimo quarto, vel quinto pereunt funditus; manuum autem pustulae pertinaciores, albae adhuc & recentes die uno aut altero moras trahunt, & tandem dirumpuntur; ceterae autem, faciei nimirum & corporis desquamantur, & in facie squamulis hisce fursuraceis succedunt sores. Per totum morbi decursum alvus vel prorsus constipatur, vel rarissime dejicit. Maxima eorum pars, qui ex hoc morbo pereunt, octavo die in discretis, undecimo autem in confluentibus intereunt: Quippe cum in discreto hoc genere promoventur sudores tum cardiacis, tum regimine calidiore, praedicto die facies, quae turgida & per interstitia pustulis interjecta inflammari debuerat, e contra flaccida reperitur, & albescens, pustulis nihilominus rubentibus, & elevatis, etiam post aegri

ægrum mortem, sudor, qui huc usque manaverat, derepente evanescit, æger interim phrenitide corripitur, anxietate, jactatione, ægritudine vebementibus, urinam parce reddit ac frequenter, & tandem paucissimarum horarum spatio ad plures migrat.

In confluentibus eadem symptomata (sed atrociora) febris scilicet, anxietas, ægritudo, vomitatio, &c. immanius seviunt, licet non ita prompte, ac in discretis, in sudores dissolvitur æger. Diarrhœa nonnunquam eruptionem præcedit, & ad diem unum aut alterum post illam protrahitur, quod in discretis vix contingit. Tertio die aut citius, raro tardius, erumpunt; & quo citius, eo magis confluent. Quandoque ad quartum vel quintum diem differitur eruptio ob atrox aliquod symptoma, v. gr. acutissimum dolorem in lumbis, nephritici æmulum, in latere pleuritici, in artubus rheumatici, in ventriculo cum ingenti ægritudine, & vomitu. Non perinde, ac in discretis, mox ab eruptione remittunt symptomata, sed & febris & alia symptomata ad multos etiam dies post eruptionem pustularum ægrum discruciant; nunc erysipelatis ritu, nunc morbillorum erumpunt, eruptionis licet tempore plane distinguantur. Crescente morbo, non in molem aliquam spectabilem attolluntur; sed in facie sibi invicem implicatæ, tanquam vesicula rubra vultum omnem contegunt, quem maturius elevent quam discretæ: postmodum ad instar pelliculæ vultui agglutinatæ cutis superficiem non admodum superant. Præterlapso die octavo, pellicula alba quotidie paulatim magis exasperatur, colore fusco: intensus magis est dolor cutis, donec tandem in truculentiori morbo non nisi post diem vicesimum latioribus laminis desquamatur. Hoc interim observatu dignum, quod quanto pustulæ maturescentes propius ad colorem subfuscum vergunt, eo deteriores lentius abscedunt; quo magis autem flavescunt, eo minus confluerint, & ocyus se proripiunt. Ubi primum deciderit pellicula, nulla scabritie vultus afficitur, at vero mox illam excipiunt squamulæ sursuracæ, indolis perquam corrosivæ, quæ soveas relinquunt patentes, & sæpe cicatrices. Quandoque humeri & dorsum cuticula denudantur. Morbi periculum a pustularum frequentia, & numero in facie sola, æstimandum. Pustulæ manuum, & pedum majores, & quo altius ab extremitate artuum ascenderis, eo sensim minores, & contra-

ctiores extant. In adultis salivatio, infantibus diarrhœa (licet non ita certo) confluentium comes. Ptyalismus nunc cum eruptione se prodat, nunc biduo triduo præterito; materiam primo tenuem, die undecimo viscidior ægerime, excreat. Sitticulosus est æger, voce rauca, somnolentia, & stupore ingentibus corripitur, inter bibendum subinde tussit, & potus per nares revertitur. Tunc cessat ut plurimum salivatio, cui nisi faciei intumescencia (quæ licet hoc ipso die pro morbi genio aliquantisper remitti debeat, non tamen nisi post diem unum alterumve omnino recedere debet) & manuum jam insigniter incipiens, & diutius perdurans suppetias tulerint, ægro protinus moriendum est. Diarrhœa non ita mature infantes occupat ac ptyalismus adultos. In utraque variolarum specie febris ab insultu ad eruptionem dominatur, inde dat inducias ad pustularum maturationem, qua peracta, desinit. Superveniunt a malo regimine symptomata anomala, qualia sunt, pustularum flacciditas & subsidentia, phrenitis, coma, maculæ purpureæ pustulis interspersæ, & in earum summitate maculæ nigræ exiguæ in medio subsidentes, sanguinis mictus, & sputum sub initio morbi, urinæ suppressio.

Separationis tempus cum febrili ebullitione tribus, vel quatuor primis diebus transigitur. Expulsio per reliquum morbi tempus, mediantibus parvis abscessibus, in carne perficitur.

Dies, in quo maxime periclitatur æger, in confluentibus, in minime crudo, maxime vulgari genere, a primo morbi insultu, est undecimus, in crudiore adhuc, decimus quartus, & in crudissimo, decimus septimus; nonnunquam tamen, sed rarius, non ante diem vicesimum moritur æger. Quinimo per spatium illud omne, quod inter tres undecimum, & decimum septimum interjacet, appetente vespera, molestissimo inquietudinis paroxysmo, quotidie vexatur æger.

Mittatur sanguis quovis ex tribus primis diebus ab invasionem ad unc. ix. vel x., & postea Vomitorium exhibeatur ad ℥j. vel ℥ij. Infusionis Croci Metallorum.

His primis diebus diluatur sanguis frequenti potatione cerevisiæ tenuis lupulata, cui vitrioli spiritus immisceatur usque ad plenam pustularum eruptionem.

Cum variolæ omnes eruperint (quod ut plurimum est sexto die post invasionem) vespe-

vesperi propinetur *Syr. de Mecon.* ℥j. quæ reperatur dehinc singulis noctibus ad diem decimum post invasionem. Et nocte, si variolæ e confluentium genere fuerint, augeatur dosi ad ℥i℥. quæ dein repetatur ad ʒj. mane, & ad ℥i℥. sero, singulis noctibus, donec æger convaluerit.

Si *syr. de mecon.* minus congruat, substitui possit *Laudan. liquid.* viz. *gutt. xviii.* pro ℥j. *Syrupi*, & *gutt. xv.* pro unc. i℥. Hoc interim observandum, quod si paregoricum bis in die exhibitum orgasmum compescere non valent (quod in variolis insigniter confluentibus, sub finem harum sæpe accidit) tum octava quaque hora exhibendum, vel sæpius, si opus fuerit.

At si variolæ interdistingtæ fuerint, satis erit, ut solummodo singulis noctibus post plenam eruptionem exhibeatur paregoricum; atque etiam in minori dosi.

Qualicumque autem generis variolæ fuerint, atque etiam qualicumque morbi tempore, si phrenitis acciderit, omnino oportet ut inordinato spirituum motui frænum injiciatur, ac proinde si prior paregorici dosi metam non attingat, alia atque alia assumatur, donec tumultus penitus compescatur, interposito inter singulas doses spatio aliquo, ut permoscere valeamus, utrum dosi ultima id, quod quærimus, præstiterit, antequam nova ingeratur.

Si omnimoda urinæ suppressio acciderit, æger e lecto eximatur, & aliquantulum obambulet.

Si saliva ob calorem sit adeo viscida, ut expectorari non possit, tum gargarisma cum syringa sæpe in fauces injiciatur. Componatur e *Cerevisia tenui*, vel *aq. bord.* cum *Melle Rosarum*, vel sequens usurpari poterit.

M. Cort. Ulmi ℥vj. *rad. Glycyrrhiz.* ℥℞. *Passul. enucleat.* N. xx. *ros. rub.* p. ii. *cog. f. q. ad ℥i℥.* in *Colatur. dissolv. oxymel. simp.* & *mell. Rosar. an.* ℥ii. *M. f. Gargarisma.*

Si epispastico opus fuerit, amplum satis & acre nuchæ applicetur nocte ista, quæ magnam morbi crisin præcedit, mox ab assumpto paregorico, planis quoque pedum applicari potest allium, a die octavo, usque ad morbi finem, singulis diebus renovandum.

Si infans de symptomatibus dentitionem comitantibus jam secutus, derepente spasmo corripitur, hic cogitandum est, convulsionem istam, fortassis a naturæ conatu, quæ variolas, scarlatinam febrem, aut morbil-

los, in corporis habitum protrudere satagit, pendere, applicetur itaque emplastr. epispasticum nuchæ, lecto quam primum committatur æger, exhibeatur insuper cardiacum, cui paregorici pauxillum est admiscendum, puero nempe trienni *Laud. Liquid. gutt. v. in aq. Epidem. concbl. i.*

Si die undecimo, vel alio quovis post eum, febris secundaria cum inquietudine, jactatione & cæteris id genus symptomatibus, usque adeo efferatur, ut paregoricis utcunque repetitis sufflaminari nequeat; & mors quasi immineat, tum sanguis in satis magnam quantitatem illico detrahatur, nempe ad unc. xii. vel circiter, atque porro repeti possit vel bis in sequentibus diebus, si symptomatum ratio idem postularit; at non alias. Catharsis etiam blanda die decimo tertio (non antea) vel quovis alio die eum insequente (modo venæ sectio præcesserit) institui possit, nempe ex *Electuarii Lenitivi* ℥i. *dissolv. in aq. Cichor. vel lactis Alexiter.* ℥iv. Veruntamen nec venæ sectio, nec catharsis impediunt, quo minus paregorica in usum veniant, quæ (haud obstantibus iis) tam quoad largam dosin, quam repetitam exhiberi debent, si opus adhuc fuerit: nam ad hæc in hoc morbo semper confugiendum.

Quando pustulæ perfecte exaruerint, inungatur facies linimento ex æqualibus partibus *ol. Amygd. dulc.* & *Pomat.* per biduum, ac non ultra.

Die xxi. post invasionem mittatur sanguis e brachio; & sequenti die catharsis celebranda, quæ porro alternis diebus ad tres alias vlces repetatur.

Quoad regimen, a lecto absteineat ad sextum diem post invasionem, in quo postea se contineat usque xvii. non aliis stragulis rectus, quam quibus sanus uti solebat.

Jusculi avenac. hordeac. pomis coct. & cerevisia tenui victoret, & post undecimum diem vini Hispanici cochlearia iv. vel v. bis in die exhibeantur, si æger voluerit.

Si crurum tumor non evacuationibus præscript. cedat, tum tota sol. malv. verbasc. sambuc. lauri, cum floribus camemel. & melilot. in lacte coct. facile fugatur.

Si primis morbi diebus æger hæmoptoe laboret, vel urinam reddat sanguineam, & tinctura, quæ in capite de hæmoptoe præscribuntur, sexta quaque hora (donec symptomata ista prorsus cessaverint) diligenter exhibeantur. Quo etiam casu paregorica liberali manu propinanda.

De Choreæ Sancti Viti.

Convulsionis species quædam est, pueros puellæve a decimo ætatis anno ad pubertatem invadit, prodit se claudicatione, vel instabilitate alterutrius cruris, quod æger post se trahit fatuorum more, manum ejusdem lateris, vel pectori vel alii alicui parti applicitam, nequit continere in eodem situ horæ momento, sed in alium situm & locum convulsione distorquebitur, quicquid æger contra nitatur. Antequam poculum ad os possit adducere, mille gesticulationes, circulatorum instar, exhibebit: Non enim recta linea ori admoveat, sed deducta a spasmus manu, huc illuc aliquandiu versat, donec tandem fortuna labiis propius apponens liquorem derepente in os injicit, & avidè haurit, dedita tanquam opera, ut spectantibus risum moveret.

Sanguis ad ℥viij. plus minus, pro ætate, ex brachio educatur.

Die sequenti, dimidia pars, vel quiddam amplius, pro ratione ætatis, potionis commun. hauriatur; & vesperi haustus sequens propinetur.

℥℥. Aq. Cerasor. nigr. ℥j. aq. Epilept. Langii ℥iij. Theriac. Andromach. ℥j. Laudan. Liquid. gut. viii. s. haustus.

Potio Cathartic. ad tres vices, alternis diebus, repetatur; & haustus Purgatorius iisdem noctibus.

Postea sanguis iterum extrahatur; & ad catharsin, uti prius, reverratur, & sic sanguis mittatur; & alvus subducatur ad tertiam quartamve vicem, spatium tamen inter alternas evacuationes observato, ut nihil periculi ægro imminuat.

Diebus a purgatione vacuis sequentia præscribantur.

℥℥. Conserv. Absinth. Roman. & flaved. Aurantior. an. ℥j. Conserv. Anthos ℥ss. Theriac. Andromach. vet. & nuc. moschat. condit. ℥iij. Zingib. condit. ℥j. Syr. e succ. citr. q. s. f. f. Electuar. de quo capiat ad magnitud. nuc. moschat. mane & hora quinta pomeridiana, superbibendo vini sequentis cochlear. v.

℥℥. Rad. Pæonie, Enul. Campan. Imperator. & Angelic. an. ℥j. fol. Rut. Salv. Betonic. Chamedr. Marrub. alb. & sammit. Cent. min. an. Ml. Baccar. Juniper. ℥vj. Cortic. duor. Aurantior. Incidantur & infundantur frigide in vini Canarini ℥vj. coletur tantummodo usus tempore.

℥℥. Aq. Rut. ℥iv. aq. Epilept. Lang. &

Bryon. comp. an. ℥j. Syr. Pæon. ℥vi. M. f. Julap. cap. cochl. iv. singulis noctibus cubitum iturus, instillando Sp. C. C. gur. viii.

Applicetur plantis pedum emplastr. e caranna.

Ob recidivæ metum pertundatur ei vena, & ad dies aliquot purgetur, ea ipsa anni sequentis tempestate (vel paulo ante) quam morbus invasit.

Verisimile mihi videtur, quod hæc methodus curationi epilepsiæ adultorum convenire possit, quod tamen non adhuc expertus sum. Cum vero Choreæ S. Viti ætatem teneras adoriri soleat, in epilepsia adultorum tam sanguinis detrahendi quantitas, quam cathartorum dosis adaugeantur.

De Apoplexia.

Somnus est profundissimus, & omnimoda sensus & motus privatio, excepta respiratione, quam ægri habent difficilem cum stertore.

Mittatur sanguis e brachio ad ℥xij. quamprimum, ac postea ex venis jugularibus ad ℥viij. deinde Vomitorium ex ℥iij. vel uno.

ii. Infus. Croc. Metal. propinetur statim.

Emplastr. Epispastic. satis amplum ac forte cervici applicetur.

Dum hæc aguntur, erectus sedeat æger in lecto, nec stragulis nimis obrutus.

Sal Armoniac. optime rectificatus admoveatur naribus.

Finita vomitorii operatione, subinde exhibeantur cochl. iii. vel iv. sequentis julapii.

℥℥. Aq. Rusc. ℥iv. aq. Bryon. compos. & Antiepilept. Lang. an. ℥j. Spir. C. C. gur. xx. Sacchar. Crystall. q. s. f. Julap.

Vel Cochlear. i. Sp. Lavendulæ comp. per se propinari possit bis vel ter, durante paroxysmo, hora dimidia vel integra interposita.

Cavendum est, ne cardiaca plus justo calida, ac nimis frequenter (uti mos est) exhibeantur; nam quacumque demum specifica virtute pollere videantur, plus damni quam emolumenti ægro apportant, utpotè quæ humores fundere (ac proinde malum augere) apta nata sunt; quod etiam incommodum non minus insertur ex nimia stragulorum congestione.

Paroxysmo jam finito, ad præcavendam recidivam sequentia exhibeantur.

℥℥. Pil. Coch. mai. ℥ij. cap. tertia quaque die per 6. vices horæ 4. matutina superdormiendo.

℥℥. Con-

℞. Conserv. flor. salv. Rorismarin. an. unc. i. Conserv. flaved. Aurant. ℥vj. nuc. Moschat. condit. & Zinzib. condit. an. unc. ℞. Theriac. Androm. ver. ℥ij. pulv. elect. diamib. diamosch. dulc. an. ℥j. cum. f. q. Syr. conditur. citr. f. opiata, ad magnitudinem castaneæ mane & sero, superbibend. aq. Epi-lept. Lang. Coch. ij.

℞. Ambr. gris. ℥℞. ol. destil. sem. Anisi, cinnamom. nuc. moschat. an. gutt. ij. ol. Charyophil. gut. j. Sacchar. in aq. flor. aurantior. solut. unc. iv. f. f. a. Tabellæ, quarum capiat unam ad libitum.

Ab usu potus generosioris cujusvis sibi temperet, vescatur jusculis avenaceis, hordeaceis, ut & ex pullis gallinaceis confectis, & quandoque etiam (præcipue inter purgandum) carne pullorum, agnorum ac id genus ciborum eupepton.

De Ophthalmia.

Ex oculorum inflammatione patet.

Mittatur sanguis e brachio ad unc. x. Sequenti die sumat potionem purgativam communem, quæ repetenda est per duas alias vices, duobus diebus interpositis; iisdem noctibus sumat *haustum paretoricum ex Syr. de Mecon. unc. j.*

Diebus a purgatione vacuis sumat ter aut quater in die unc. iv. *Emulsionis ex sem. frigid. mai. & Papav. alb.*

℞. Aq. Plantag. Ros. rubr. & Spermat. Ranar. an. unc. j. pulv. Tutie preparat. ℥j. f. Collyrium, cujus guttæ aliquot instillantur oculis bis in die; at non incipiendum, nisi post primam purgationem.

Si his remediis affectus haud cedat, repetatur venæ sectio semel vel bis, (præcipue si sanguis pleuriticus apparuerit) ut etiam catharsis.

Abstineat ab usu vini & cujusvis liquoris generosi (ab usu etiam ciborum coctum difficilium, & sale conditorum;) & diebus inter purgationes hydrogalam coctam.

Nota, quod sæpe accidit, quod venæ sectione & catharsi utrunque repetitis ophthalmia non cedit; hoc in casu *Paretoric. ex Syr. de Mecon. unc. j.* singulis noctibus exhibitum, curationem sine aliorum suppetiis absolvit.

De uteri Procidencia.

℞. Cors. Querc. ℥ij. Coq. in Aq. font. ℞iv. ad ℞ij. Sub finem addendo Cortic. Gra-

nator. contus. ℥j. ros. rubr. flor. Granator. an. Mii. dein adde vini rubr. ℞℞. colatura sit pro fotu, qui cum pannis laneis parti affectæ admoveatur mane horis duabus, antequam e lecto assurgat, & nocte post decubitum, donec symptoma penitus evanuerit.

De Paroxysmo Nephritico.

Adsunt dolor fixus in lumborum regione, urina cruenta, arenularum, aut calculi excretio, stupor cruris e directo renis laborantis, testis retractio ejus lateris, in quo est dolor, nausea & vomitus. Dolor colicus nephritico haud absimilis; licet in quibusdam symptomatibus plane discrepet, quæ recensita in *Capite De Colica biliosa* videas.

Si æger temperamento sanguineo fuerit, mittatur sanguis e brachio affecto reni respondententi ad ℞x., dein liquoris possetici, cui *Rad. Altheæ ℥ij. incocta fuerint, Cong. j.* quam citissime deglutatur, & enema sequens injiciatur.

℞. Rad. Altheæ & Lilior. an. ℥j. fol. Malv. Parietar. Branc. Ursin. & flor. Chamemoli. an. M. j. Sem. Lini & Fenugr. an. ℥℞. coq. f. q. aq. ad ℞℞. M. F. Enema, Rejctis vomitorio & enemate, Landan. Liquid. satis magna dosi propinetur, viz. ad gutt. xxv. vel Pil. Matth. gr. xv. vel xvi. In senibus vero, & morbo diuturno fractis, ut & vetulis vaporibus obnoxiiis (præcipue si sub initium paroxysmi urinam ex reddant nigram & sabulosam) venæ sectio omittatur; & quoad reliqua, eadem quæ dicta est via omnino procedendum.

In Mictu sanguineo calculo renibus impaſſio.

Capiat æger, stato quodam die, singulis hebdomadis, *Manna ℥iij℞. in seri lactis ℞ij. solutæ.*

Conducit aliquando haustus cerevisiæ tenuis liberalior.

In calculo renum grandiori, dolor hebes, & obtusus, nullatenus auctus, sed satis tolerabilis perſentitur, nec paroxysmus nephriticus comitatur.

Aquis chalybeatis æger se non ruto committet, nisi prius certo sciat, calculum majorem non esse, quam ut per ureteres viam possit invenire, quod hoc tantum modo certo potest dignosci, si nempe, jam antea, paroxysmum aliquem nephriticum fue-

fuerit perpeſſus, (cum dolore ſæviſſimo in renum alterutro, per uretherum ductus propagato, vomitu enormi) pro comperto habeat, non tam grandiore aliquem calculum pelvi concludi, quam lapillorum exiguorum congeriem, quorum unus ſubinde in uretherem illabitur, atque ita paroxyſmum invitat, qui fere non deſinit, niſi calculo iu veſicam detrufo; cum ſic ſe res habeat, nullum eſt magis efficax remedium, quam aquarum chalybeatarum potatio; quod ſi calculoſus, nullo unquam paroxyſmo nephritico fuerit tentatus, cum jam major ſit calculus, quam qui ex pelvi poſſit elabi, devitandæ ſunt aquæ ferreæ.

*De Dyſenteria, Diarrhœa
& Tenefmo.*

Rigent horrentque, ſequitur deinde totius corporis color, quem brevi excipiunt ventris tormina, & hæc, dejectiones crebræ, & mucoſæ omnes (niſi quod ſtercoroſæ nonnunquam interponantur) cum ingenti cruciatu & moleſtiſſimo viſcerum omnium quaſi deſcenſu, quoties exoneratur alvus, ſanguinis interim lineamentis intertextæ, licet aliquando ne minimum ſanguinis per totum morbi decurſum admiſceatur. Progreſſu morbi ſanguis ſincerus quandoque excernitur, & gangræna inſanabili afficiuntur inteſtina. Si æger floreat, vel cardiacis incaleſcat, febricitat admodum, lingua eſt ſubalbida, quadam mucilagine denſe obſita, interdum nigra & ſicca. Proſternuntur vires, diſſipantur ſpiritus, aphthæ inſuper oris interna faucesque obſident, præſertim ubi materiæ peccantis evacuatio adſtringentibus præpoſtere impeditur, non exacto per cathartica morbi ſomite. Aliquando exulant febres, ægmen ducunt tormina & cætera morbi ſymptomata ſequuntur.

In diarrhœa humores excrementitii ſine ſanguine aut inteſtinorum exulceratione excernuntur.

In tenefmo aſſidua eſt deſidendi cupiditas; nihil tamen præter mucoſum quoddam & ſubcruentum aut purulentum rejicitur.

Mittatur ſanguis e brachio quamprimum, eademque nocte *Paregoricum* propinetur; & mane ſequenti. *Potio purgans communis*, repetenda alternis diebus ad duas alias vices, & *Paregoricum* poſt purgationes, quamprimum ſuo deſunctæ ſunt munere, ac diebus a purgatione vacuis, idem mane & ſero eſt exhibendum.

Sydenham Opera Med. Tom. I.

Post venæ ſectionem & catharſin ſemel celebratam, per totum morbi decurſum, ſequens cardiacum exhibeatur.

℞. Aq. Ceraſ. nigr. & fragor. an ℥iij. Aq. Epidem. Scord. comp. & Cinnam. bordeat. an. ℥j. Margarit. præparat. ℥iſſ. Sacchar. cryſtal. q. ſ. adde Aq. Roſar. Damascen. ℥iſſ. ad gratum ſaporem, m. ſ. Julap. de quo cap. cochl. iv. vel v. in languoribus, vel ad libitum.

Potus ſit lac coſtum cum aquæ triplo, vel *Decoſt. Alb.* ut.

℞. C. C. calcin. & Mic. panis alb. an. ℥ij. coqu. in Aq. font. ℔iij. ad ℔ij. poſtea ſ. q. Sacchar. Albiſſ. edulcoretur. Vel ſi dejectionis virium poſtulaverit. Aq. font. ℔ij. cum Vin. Canarin. ℔j. ſimul. coctæ, pro potu frigide aſſumantur.

Cum per tres vices purgatus fuerit æger, tota curatio uſui *Laudani* bis vel ter in die repetiti poſtea incumbit, niſi quod *Enema ex Lact. vaccin. ℔ſſ. & Theriac. Androm. ℥iſſ.* ſubinde injiciatur, quod in alvi egeſtionibus mire conſert.

Cum alvi fluxus in diarrhœam tantum aſurgat, phlebotomia, & catharſi præſcriptis omiſſis, ſeq. bolus ſingulis matutinis exhibeatur.

℞. Rhabarb. pulv. ℥j. (plus minus pro ratione virium) cum ſ. q. Diaſcordii. ſ. Bolus, addendo Ol. Chym. cinnam. gutt. ij.

Noctibus inſequentibus *Paregoricum ex Aq. cinnam. bordeat. unc. j. & Laudan. Liqid. gutt. xix.* exhibeatur.

Ubi tormina ſicca ſine dejectionibus excruciant, curantur diluendo ſero lactis frigide propinato, repide injecto; ut in cholera morbo pullorum juſculo, aut lacte ce-reviſiato.

Si hic morbus diutius excurrat, adeo ut omnis ejus vis in rectum inteſtinum decumbat, cum aſſidua deſidendi cupiditate, diæta analeptica inſtituatur, & liquor aliquis cardiacus pro libitu ingeratur, ut reſtaurari poſſint vires, quibus redeuntibus tenefmus ſponte ſe proripit.

In dyſenteria male curata dolores aliquando ægrum ad annos aliquot diſcruciant; in hoc caſu phlebotomia repetita priſtinam ſanitatem reſtituet.

Notandum eſt, quod in conſtitutionibus huic morbo minus faventibus, omiſſis evacuationibus, dyſenteria laudano ſolo ſanatur, quod mane & ſero repetendum, donec ſymptomata penitus evanuerint, vel etiam ter nycthemeri ſpatio, ſi opus fuerit.

G g g

De

De Colica biliosa.

Intestinorum dolor atrocissimus est, per horas aliquot affligit febris in hunc morbum desinens, qui aut quasi injecta fascia constringit, aut in punctum contractus quasi terebello perforat; subinde remittitur, mox recrudescit. Sub initio non ita certo ad unum aliquod punctum determinatur, neque tam crebra vomitatio, neque alvus ita pertinaciter cathartorum vim eludit; quo autem magis augetur dolor, eo obstinatius in puncto figitur, vomitatio frequentior, & major alvi adstrictio, colica tandem in iliacam transeunte. A nephritide sic distinguitur. 1. Dolor nephriticus fixus in rene est, & ab eo ad testem exportigitur secundum longitudinem uretheris. Colicus vero vagus est, & cinguli instar medium ventrem affligit. 2. A pastu colicus dolor augetur: nephriticus potius imminuitur. 3. In colico dolore, ab excretionem per alvum & per vomitum majus levamen emergit, quam in nephritico. 4. In dolore nephritico urina primum clara & tenuis, postea aliquid subsidet, & tandem arenulae aut lapilli excernuntur: In colica urinae ab initio crassiores existunt.

Sanguis e brachio paulo liberalius educatur, & post horas iii. vel iv. *Anodynum* exhibetur. Postero die *Catharticum Lenitivum* & interposito die uno, ad tertiam vicem propinetur.

At si malum hoc fructibus horariis, vel aliis cibis avidè ingestis, originem debeat, tum ventriculus ante omnia lacte cerevisiato assatim hausto eluendus est; quo exantato *anodynum* propinandum est; sequenti autem die vena secanda est, & in ordine praescripto procedendum.

Ubi hic morbus minus perite tractatus diutissime fatigaverit, & aegrum pene confecerit, liberalior, sive aquae epidem. sive alius cujusvis, qua sanus maxime delectabatur, usus, aegrum hoc tempore ultra spem omnem juvat.

De Cholera morbo.

Intra Augusti limites se continens, vix in priores Septembris hebdomadas evagatur. A crapula & ingluvie excitatus similis effectus, nullo temporis discrimine insurgit, qui licet eodem curetur modo, alterius tamen est subfellii. Adhuc vomitus enormes, ac pravorum humorum cum maxima

difficultate & angustia per alvum dejectio; ventris ac intestinorum dolor vehemens, inflatio & distentio, cardialgia, sitis, pulsus celer ac frequens, parvus & inaequalis, aestus & anxietas, nausea molestissima, sudor, crurum & brachiorum contractura, animi deliquium, partium extremarum frigiditas, & similia, quae aegrum in 24. horarum spatio interimunt.

Pulsus tener in tribus circiter aquae font. congiis elixetur, ut carnis saporem vix perceptibilem liquor referat, hujus decocti vel (defectu ejus) liquoris posserei capaciores aliquot cyathos aeger tepide exauriat; & eodem tempore ex eodem liquore *Enonata* successive repetenda. Haustibus & clysteribus *Syr. Lactuc. Violar. Portulac. Nymph. eorumve* alicujus uncia subinde admisceri poterit.

Exantato hoc eluvionis penso (quod iii. vel iv. horas sibi vendicat) *Paregoricum* curationi coronidem imponit.

Si non accesserit Medicus, nisi postquam aeger vomitu & dejectionibus per multas horas continuatis fuerit exhaustus, & jam frigescant membrorum extrema, tum ad *Laudanum liquidum* confugiendum est in paulo majori dosi (viz. *Laudan. liquid. gutt. xxv. in Aq. cinnam. fort. unc. i.*) & cum cessaverint symptomata, nihilominus mane & sero quotidie est repetendum; at in minori dosi, donec pristinas vires receperit.

Est species quaedam cholerae morbi infantibus valde familiaris, ac saepenumero funesta, ex dentitione vel crapula originem ducens.

Horum aetas tenella minime fert, ut diluatur ventriculus larga liquorum potatione, multo minus, ut cathartici tumultus major in humoribus excitetur, sed curationem *Laudano* solo aggredi oportet; quomobrem *gut. ii. iii. vel iv. vel plures*, pro ratione aetatis, cochlear j. cerevisiae tenuis vel aquae cujusvis appropriatae instillatae exhibeantur, repetanturque, ut opus fuerit.

De Colica Pittonum.

Est species quaedam colicae, quae degenerare solet in paralyin, & motus omnimodam manuum ac pedum depravationem; quam hoc nomine *Riverius* in capite de paralyfi indigitat, & apud insulas Caribum notissima est, utpote quae magnam vim hominum infestat.

Hunc

Hunc dolorem atrocissimum sanat *Balsam. Peruv.* frequenter ac in magna dosi exhibitum, nempe, si *ejus gutt. xx. xxx.* vel *xi. Sacchar. Albiss. cochl. i. instillentur*, & bis vel ter in die dentur: at paralytis huic remedio haud cedit.

De Iliaca passione.

Peristalticus intestinorum motus invertitur, propinata cathartica & injecta enemata in emetica statim transeunt, alvi feces per vomitum rejiciuntur.

Mittatur sanguis e brachio dextro ad unc. ix. vel x. post aliquot horas exhibeatur sequens pulvis.

℞. Resin. Scammon. vel (defectu ejus) Resin. Jalap. gr. xii. Calomelan. Turpet. ℥j. m. f. Pulvis; cap. e cochl. i. lactis vaccini, superbibendo ejusdem lactis cochl. i. vel alterum, vel si forma pilularum magis arrideat.

℞. Pil. ex duobus ℥℥. Calomel. Turpet. ℥j. cum f. q. Balsam. Peruv. f. Pil. iv. sumend. e cochl. i. syr. violarum.

Sin autem æger hoc remedium per os rejecerit, *Laudan. Liquid. gutt. xxv. Aq. Cinnamom. fort. ℥℥. instillatæ statim propinentur*; cum vero horum usu vomituritio, ac ventris dolores remiserint, catharticum dictum iterum exhibeatur, verum si anodynorum virtute ac vi jam penitus infractis vomituritio ac dolor iterum redierint, cathartico interim in corpore resitante, ad usum paregorici supra descripti revertendum, idemque eo usque repetendum quarta vel sexta quaque hora, donec intestinis quies omnino inducatur, quo quidem tempore catharticum operationem suam per sedes exercet.

Nec sane abs re fuerit elapsa una, aut altera post venæ sectionem hora, clysterem aliquem, ex iis qui potentius operantur, injicere, sumum scilicet nicotianæ, ex tubulo inverso, per vesicam majusculam, in intestina validissime insufflatum, quæ quidem operatio post aliquot horas reiterari debet, nisi citius meatus deorsum pateat.

Finita operatione cathartici,umat sequentem haustum.

℞. Aq. Cinnam. fort. unc. i. Laudan. liquid. gutt. xxv. m. f. Haustus, qui porro repetendus est bis, ter, vel sæpius in die, donec vomituritio, & dolor penitus cessaverint, atque etiam, istis symptomatibus cessanti-

bus nihilominus ad curationem confirmandam per aliquot adhuc noctes capiat idem paregoricum in minori dosi cubitum iturus.

De Fluxu Menstruorum immodico.

Menstruorum fluxus, naturaliter constitutus, capacitatem testæ ovi anserini implet. Patet autem immodicus ex difficili tolerantia, virium lapsu, inappetentia, cachexia, colore cadaveroso, & pedum intumescencia.

Mittatur sanguis e brachio ad unc. viii. sequenti mane sumatur *potio purgativa communis*, repetaturque aternis diebus ad duas alias vices; & noctibus post purgationem *Paregoric. e Syr. de Mecon.* exhibeatur.

Diebus a purgatione vacuisumat sequentia.

℞. Conserv. Rosar. sicc. ℥ij. Trachist. de terra Lemnia ℥ij. Cort. Granator. Corall. rub. preparat. & boli Armen. an. ℥j. cum f. q. Syr. Cydonior. f. Elect. de quoumat ad magnitudinem nucis moscat. maj. mane & hora quinta pomeridiana, superbibendo sequentis julapii cochl. vi.

℞. Aq. Germin. Querc. & plantag. an. ℥iij. Aq. Cinnamom. bordeat. & Syr. de Rosis siccis an. ℥i. Sp. Vitriol. q. f. ad gratam aciditatem.

℞. Fol. Plantag. & Urtic. an. q. f. Confundantur simul, & succus exprimatur, & postea clarificetur, de quo cap. cochl. iv. vel v. sæpiusculæ ad libitum.

Post primam purgationem applicetur emplastr. seq. regioni lumborum.

℞. Emplast. de Minio & ad Herniam an. part. æq. extendantur super alutam, f. Emplastrum regioni lumborum admovendum.

De Colica hysterica.

Est species quædam, seu potius insigne ac valde usitatum affectionis hysterice symptomata, cucomitem se adjungit dolor circa scrobiculum cordis atrocissimus, uti etiam humorum viridi colore per vomitionem ejectio.

Primo, quo saburra vitiosorum humorum in ventriculo contentorum minus impediatur paregorici efficaciam, satis magna quantitas liquoris posseticici afflatim ingurgitetur, atque iterum per vomitionem rejiciatur, nempe *ejusdem liquoris Cong. i℥.* quo peracto *Laudan. liquid. gutt. xxv. in Aq. Epidem. vel alius vehiculi unc. i. propinetur.*

In usu paregorici hoc notandum, quod

usque repetendum est, donec symptomata omnia penitus cessaverint, debitum interea tempus interjiciendo, ut dijudicare valeamus, quid prior dosis effecit, antequam novam ingeramus.

Si sanguineo temperamento præditus sit æger, vel si antea hoc symptomate haud multum infestatus fuerit ac viribus fractus, hoc in casu primum a brachio detrahendus antequam vomitorium præscriptum propinetur.

Hac ipsa methodo clavus hystericus curatur. Sin vero colica hystERICA diuturnior fuerit per paroxysmos affligens: tum in eorum intervallis, sive extra paroxysmum, seq. usurpentur.

℞. Zedoar. subtiliss. pulv. ʒj. cum f. q. Syr. & conditur. citri. f. Bolus, sumendus mane & sero per xxx. dies, superbibendo sequentem infusionem.

℞. Zedoar. incis. minutim unc. ℥. vini Canar. unc. iv. infundantur frigide per xij. horas; deinde colentur pro usu, vel Balsam. Peruv. ut in colica Pictonum, usurpetur.

Quæ de colica hystERICA hic dicuntur, de colica etiam hypochondriaca dicta sunt: ut & hoc diligenter advertendum.

Utriusque affectus natura sibi vindicare videtur, ut alia atque alia tententur, donec tandem ad illud remedium perventum fuerit, cui quasi genuine morbus cedit: tametsi ut plurimum chalybs in primis confert.

Colica hystERICA tam in hypochondriacis, quam hystERICIS sæpissime in icterum desinit, qui sensim sponte sua facessit; sin autem longas moras nectat, exhibeatur apozema sequens.

℞. Rad. Rub. Tinctur. curcum. an. unc. i. ebeldon. maj. cum toto & summitat. centaure. an. M. j. coq. in equalib. partibus Vini Rhenani & Aq. fontan. ad ℥ij. colatur. dissolv. Syr. de ʒ. radicibus unc. ij. m. f. Apozema, de quo capiat ℥ss. calide mane & sero, usque dum convalescit.

De Ictero, colica neustquam progressa.

Color flavus in toto corpore, præsertim in oculorum albis est conspicuus, quo quidem colore objecta omnia apparent afflicta tincta, corporis pruritus, segnities, & lassitudo, lingue amaror, vomitus biliosus interdum, singultus, egestio alba, urina crocea & pannum immersum eodem colore inficiens, morbum indignant.

Exhibeatur potio purgativa communis, dein aggrediatur usum sequentium; & durante eorundem usu, catharticum præscriptum quarto quoque die exhibeatur.

℞. Conserv. Absinth. Rom. conserv. flav. ved. Aurant. an. unc. i. Angelic. condit. nuc. moschat. condit. pulv. Ari compos. & chalyb. cum aceto preparat. an. unc. ℥. Extract. Gentian. & cremor. Tartar. an. ʒij. croc. Anglic. pulv. ʒ℥. cum f. q. Syrup. de ʒ. radicibus f. Electuarium, de quo cap. ad magnitud. nuc. moschat. mane & hora quinta pomeridiana (vel vice electuarii sumat pilulas chalybeatas) superbibendo post matutinam dosin aquarum mineralium purgantium ℥iv. & post pomeridianam dosin Apozemat. in colica hystERICA descript. lib. ℥ss.

At si signa hydropis adsuerint, tam mane, quam sero apozema superbibat.

Si vel his diu continuatis morbus adhuc persisterit, ad aquas ferreas eundum est, quæ ex ipso fonte sunt bibendæ.

Ad præcavendum abortum.

Eadem præscribenda, ac in fluxu mensium immodico, omissis solummodo cathartici & succis.

De immodico Lochiorum fluxu.

Fluxum lochiorum naturalem tria constituunt, sanguis scilicet purus, copiosus, per triduum primum fluens; dehinc sanguis aquosus, loturæ carniū crassiori similis per quatrimum præter propter durans; hinc postmodum materia viscosa & mucilagino-sa, paucio aut nullo sanguine permixta, per quinque aut septem dies prodiens, & sic porro ad mensis finem.

Fluxus autem eorum immodicus dijudicandus est ex virium defectione, animi deliquio, sanguine grumoso effluente, cibi fastidio, dolore in hypochondriis, ventris tensione, pulsu debili & frequenti, visus obtenebratione, aurium tinnitu, & convulsionibus.

Victus incrassans instituat, & potus sequens addatur.

℞. Aq. Plantag. vin. rubr. an. lib. i. coq. simul ad tertias, & deinde edulcoretur f. q. sacchar. albiss. cujus, cum frigescat, cap. lib. ℥. bis vel ter in die.

Interim julap. aliquod hystericum (at satis mite) subinde propinetur, & nodulus sequens naribus applicetur.

℞. Gal.

℥℥. Galban. *Assē fœtid.* an. ℥ij. castor. sal. succin. volat. an. ℥ss. m. f. nodulus, vel

℥℥. Sp. salis Armoniaci ℥ij. quem saepe olfaciat.

De suppressione Lochiorum.

Intumescit venter, dolor gravativus inum ventrem, lumbos & inguina occupat, facies rubescit, difficilis est respiratio, perturbantur oculi, rigores, febres acutæ adfunt, animi deliquia, sudores frigidi, pulsationis & ardoris sensus in utero, paralytis in partibus inferioribus, ut & interdum epilepsia. E vestigio lecto addicatur, & *Emplast. hystericum* umbilico admoveatur quamprimum, elect. seq. adhibeatur.

℥℥. Conserv. Absinth. Rom. Rut. an. unc. i. Trochisc. e Myrrb. ℥ij. Castor. croc. Anglic. sal. Armoniac. & *Assē fœtid.* an. ℥ss. cum s. q. Syr. e s. radicib. f. Elect. cap. ad magnitud. nuc. moschat. quarta quaque hora, superbibendo de julap. cochl. 4. vel 5.

℥℥. Aq. ruta unc. iv. Bryon. compos. unc. ij. Sacchar. cand. q. s. f. Julap. vel sumat Trochisc. de Myrrb. ℥j. quarta quaque hora.

Si tota prædictorum quantitas consumatur, & lochia adhuc supprimantur, Laudanum unica saltem vice exhibendum ut Laudan. liquid. gutt. xiv. in Aq. Bryon. compos. vel Laudan. solid. gr. iſs. cum *Assē fœtid.* ℥ss. in pilulas duas redactum.

Si hæc nihil proficiant, tum enema ex lacte saccharato, unica saltem vice injiciatur.

De Hydropē.

Foveæ a digitorum impressione in surarum parte inferiori sub noctem conspicuæ mane evanescentes, hoc malum primum indicant, maxime si spiritus interim ægrius ducatur (haud raro tamen foeminae prægnantes, & quibus catamenia sistuntur: ut & viri ab asthma inveterato deropente liberati eodem tumore tentantur) pedibus cruribusque ad extremum extensis, in abdomen ruunt aquæ, & ad ultimum capacitatis suæ limen paulatim distendunt, donec tandem in viscera nobiliora impetu ab iis facto æger submergitur. Pro rata quæ partes a morbo obsessæ mole augentur, aliæ magis magisque gracilescunt, urgentibus dyspnœa, urinæ paucitate, & siti intensa. Viros ingravescente ætate; foeminas, ubi jam parere de-

fierint, ut plurimum adoritur.

Indicationes curativæ dirigendæ sunt primo ad aquarum evacuationem, deinde ad instaurandum sanguinis robur; quo novus aquarum proventus præcaveri possit.

℥℥. Vini albi ℥iv. Jalap. subtiliss. pulv. ℥j. zinzib. pulv. ℥. Syr. de Spin. Cervin. unc. i. M. f. Potio, sumendaque singulis vel alternis diebus, pro ratione virium donec partes affectæ detumuerint, vel

℥℥. Tamarind. unc. ss. sol. Senn. ℥ii. Rhei ℥jss. Coq. in s. q. aq. ad unc. iii. in Colatur. dissolv. Manna & Syr. Ros. solut. an. unc. i. Syr. de Spin. cervin. unc. ss. Elect. e succ. Rosar. ℥iii. M. f. Potio, sumenda ut supra, vel

℥℥. Pil. ex duob. ℥i. Elater. gr. iii. Ol. Chym. Caryophyl. gutt. ii. f. Pil. N. iii. cap. summo mane, repetanturque, ut opus fuerit, vel

℥℥. Gambugii gr. xv. vin. alb. & aq. Cichor. an. unc. ss. M. f. Potio sumenda ut supra, vel

℥℥. Cortic. interior. Samb. & lact. & aqua partibus æqu. e ligno derafi M. iii. coq. in aq. mistorum ℥ii. ad ℥i. colaturæ capiat dimidiam partem mane, & alteram sero quotidie, donec convalescat. At hoc remedium, nisi in corporibus, quæ facillime purgativis cedunt, nihil confert.

Circa usum catharticonum in hoc morbo hæc tria advertenda sunt.

Primo, utrum ægri corpus facile, an vero difficulter catharticis cedere soleat, cum illis qui facile purgantur Syr. de Spin. Cervin. solus ad unc. i. exhibitus, aquas sat copiose eliciat; in illis vero, qui difficulter purgantur, cathartica supra descripta, utut valida, vix scopum attingant.

Secundo, cathartica omnia, quæ segnius operantur, magis officiant quam profunt; quamobrem purgatio paulo fortior & nimia, justo debiliore est præferenda.

Tertio, aquæ ea maxima celeritate exhauriri debent, quam ægri vires ferre queant: ne nimis longa inter purgationes intervalla adhibendo, aq. denuo assatim colligantur.

Est autem ubi medicamenta omnia, quæviscunque demum generis, quæ alvum movent, prorsus omitti possint ac debeant; quoties enim æger constitutione est infirmiori, vel foemina vaporibus obnoxia, aquarum evacuatio diureticis solum committenda, inter quæ ea sunt efficacissima, quæ ex salibus lixivialibus fiunt; ut,

℥℥. Cinereum Genistæ ℥j. infundantur frigide

gide in vini Rhenan. *Ibiv. liquoris per filtrationem colati unc. iii. mane quinta pomeridiana & sero singulis diebus exhibeantur, usque dum humor evanuerit.*

Aquis jam penitus evacuatis calefacientia & corroborantia medicamenta usurpanda; ut,

℞. Rad. Raphan. Rustican. sol. Coch. hortens. absinth. vulgar. Salu. summitat. centaur. min. & Geniste; infundantur in cerevisia fortis pro potu ordinario, qui potus incipienti hydropi aliquando sine cathartici subvenit, vel sequenti utatur.

℞. Conser. Coch. hortens. absinth. Roman. an. unc. i. Extract. Gentian. Absinth. vulgar. & Centaur. min. aa. ℥iii. cum f. q. Syr. & corric. citr. f. Electuarium, de quo sumat ad quantitatem nuc. moschar. maj. mane, quinta pomeridiana, & vespere, superbibend. unc. iv. sequentis infusionis.

℞. Rad. Gentian. unc. i. summitat. Genist. Centaur. & Absinth. vulgar. an. M. j. Sem. fœnicul. & Petroselin. an. ℥ii. incisis minutim affunde vini Rhenani ℥iv. stent simul in infusione frigida, & coletur solummodo tempore usus.

Notandum, cum ad corroborantium usum deventum fuerit, agrum nullo modo esse purgandum, tantisper dum sanguinis corroboratori navetur opera.

Quod & per salium lixivialium usum omnino observandum; quo quidem tempore pariter corroborare convenit.

℞. Rad. Raphan. Rustican. unc. iii. sol. Coch. Hortens. Absint. vulg. salvia, summitat. Centaur. & Geniste, an. M. iii. Aurant. incis. N. iii. Infundantur in Congiis vj. Cerevisie fortis non lupulate, inter fermentandum; sit pro potu ordinario.

De Gonorrhœa virulenta.

Corripiunt dolor genitalium insolitus, & rotatio testiculorum in non recutitis, macula morbilli æmula glandem occupat, statim a cujus exortu liquor, seminis, instar, exstillat, qui quotidie a seminis colore & consistentia recedens flavescit tandem dilutius ovi vitello, in huc virulentiore virescit, & aqueo humori permiscetur sanguine tincto. Pustula dicta ulcus fit, aphthis infantum simile, indies latius & profundius depascens, superveniente orificii callo. *Verpi non glandis ulcere, sola Gonorrhœa sen-*

tantur. Mox magnus dolor in pene, quæties erigitur quasi manu transversus fortiter constringeretur, noctu præcipue urget, dum æger lecto incalescit. Curvatur penis a fræculo contracto. Accedit ardor urinae, inter mingendum vix perceptibilis: sed mixtu finito, per urethræ ductum acriter urens, maxime qua in glandem desinit. Carunculae lotii exitum quandoque impediunt, & fortis dolor ac inflammatio nonnunquam superveniunt,

℞. Mass. Pil. Coch. maj. ℥iii. Extract. Rad. ℥j. Resin. Jalap. & Diagryd. an. ℥℞. cum f. q. Opobalsam. f. Pilul. & singulis drachmis vi. cap. iv. singulis auroris, donec urinae ardor & color flavus materiae seminiformis, admodum imminuantur. Postea alternis diebus ad septimanas adhuc duas; ac sub finem bis in septimana, donec humor stillare prorsus cessaverit.

In iis, qui difficulter purgantur, subinde intercalari posset potio communis purgativa, cui addantur, *Syr. & Spin. Cervin. & Elect. & Succ. Rosar. an. ℥ii. vel, curatione minus feliciter succedente Turbitb Minerale ad gr. viii. exhiberi potest bis vel ter, diebus quatuor interpositis, vel vice Turbitb. Mineral.*

℞. Pil. ex duob. ℥℞. Merc. dulc. ℥j. cum f. q. Opobalsam. f. Pil. iv. summo mane sumendæ.

Si æger a dicta catharsi abhorreat, pilulas primo descriptas, tribus auroris continuis sumptas, tum mane & hora quinta pomeridiana quotidie injiciatur clyster sequens, nisi quod semel aut bis in hebdomada, omissio clystere, catharticum imperandum.

℞. Elect. & succ. Rosar. ℥vi. Terebinth. Venet. Vitello ovi solut. ℥℞. dissolvantur in Aq. bord. ℥i. Colatur. adde Syr. Violar. unc. ii. M. f. Clyster.

Singulis noctibus cap. *Opobalsam. vel Balsam. & Meeb. gutt. xxv. Sacch. frustulo exceptas.* Hujus defectu *Terebinth. Cypr.* ad quantitatem avellanæ substitui possit.

Sit pro potu hydrogala; at cerevisia tenuis in pastibus.

Vel sequentem methodum aggrediatur.

℞. Pil. ex duobus ℥℞. Opobalsam. gutt. iii. f. Pil. N. iii. cap. hora quarta matutina, superdormiendo, repetanturque alternis diebus, vel tertia quaque die. Diebus a purgatione vacuis injiciatur mane & hora quinta pomeridiana clyster super descriptus.

Procedente curatione (quacunque ea demum methodo tentetur) sanguinis sub medium curationis semel vel bis mittatur, & dicta refrigerans, incrassans præscribatur, & medicamenta iisdem virtutibus pollentia, qualia sunt *hydrogala*, *Emulsiones ex feminib. frig.* &c.

Si penis tumore afficiatur,

℞. Rad. *Altheæ*, *Lilior. an. unc. iij. fol. Malv. Verbasc. Sambuc. Hyoscyam. stor. Chamamel. Melilot. an. M. i. sem. Lini, Fæ-nugrec. an. unc. ℞. coq. f. q. Aq. font. & f. foras parti affectæ admoveendus per horæ unius spatium bis, vel ter in die.*

Peracta fomentatione, perungatur pars affecta ol. sem. lin. rec. extract. dein *Em-plast. e mucilaginis alutæ agninae inductum* labiis præputii tumidis circumponatur.

Si ulcus in præputii labiis, vel in subiecta glande hæreat, tum sequens linimentum præscribatur.

℞. Unguent. *Basilic. ℥vi. Unguent. Nicotian. ℥iii. præcipitat. Aq. Rosar. loti & optime levigat. ℥ss. M. f. linimentum*, quo lintei rasura imbuatur, & ulcusculo admoveatur semper post foras præscripti usum.

Si scrotum tumore afficiatur, statim sanguis e brachio extrahatur, atque bis in die foras præscriptus parti affectæ admoveatur, singul. foribus addendo *Sp. vin. Gallic. Coch. j. vel alternum, vel Cataplasma ex Oxy-crato & farina fabarum ejus loco applicandum.*

Catharticis interim & refrigerantibus modo descriptis introsumptis utendum est.

De Lue venerea.

Ubi aut Gonorrhœæ mora, aut indebito astringentium usu labes sanguini imprimatur, exoritur lues. Comparent in inguine bubones, in capite dolores & artubus, articulorum interstitiis, noctu præcipue invadentes in lecto calido; crustulae & porrigines in variis corporis partibus, quæ ad instar favi flavescent. Quo magis scabies diffunditur, tanto minus æger discrucietur. In cranio, tibiis brachiisque exostoses, ossium inflammatio & caries; ulcera phagedenica in variis partibus, sed fauces ut plurimum primo aggredientia, quæ sensim per palatum in nasi cartilagine propagata, mox eam absumunt, ita ut sulcro destitutus nasus plane concidat. Ulceribus, carie & dolore indies exacerbatis, pereunt per vices membra; lacerum donec cadaver, &

jam Superis grave humo condatur.

℞. *Axung. Parc. unc. ii. Mercur. crud. unc. j. M. f. Linimentum*, in tres æquales partes dividendum, quarum una brachia, crura & tibiae ad tres noctes continuas manibus suis æger perungat.

Sin intra tres dies post ultimam unctionem salivatio haud procedat tum gr. viii. *Turbith. Mineral. in conserv. Rosar. rubr. exhibeantur, aut corporibus minus robustis, Mercur. dulc. ℥j.* sed si salivatio jam incœpta prius elanguescat, symptomata penitus disparuerint, exstinguenda subinde est eadem dosi mercur. dulc.

Ptyalismus ita moderari debet, ut lib. iv. nichemmeri spatium expuat: aut circiter.

Si justo altius exurgat ptyalismus, cum inflammatione nimia, atque id genus symptomatibus ingruentibus, aliquantulum reprimendus est medicamentis catharticis, donec debitum gradum attingat.

Quamprimum symptomata cessaverint, statim immutentur indusium & tori lintea; ac sint ea, quæ prius usurpata fuerint.

Si diarrhœa supervenerit (quod plerumque accidit antequam salivatio bene assurgat) tunc sistenda est usu laudani liquid. ita dosin augendo, ut debitum opus absolvat.

Si os exulceretur, *Aq. Ros. Damascen. vel lacte Aq. permisto, vel seq. decoct. idem colluatur.*

℞. Rad. *Alth. Hord. mundat. an. unc. i. sem. Cydonior. unc. ℞. coq. f. q. ad lib. ii. M. f. Gargarisma*, quo sæpius utatur.

Dicta & reliquum ægri regimen, eadem ac in catharsi imperanda, nisi quod primis aliquot diebus liquore possético, jusculis avenac. hordeac. ac cerevisia tenui tepefacta nutriatur.

His omnibus rite peractis (etiamsi symptomata omnia evanuerint, ac subinde morbus penitus profligari videatur) quo minus recidivam postliminio patiat, ægro semel in septimana per 4. vel 6. vices, *Mercur. dulc. ℥j.* exhibendus, utcunque bene se habeat, & etiam jam domo egrediatur.

De Fluore albo.

Quod effluit, modo album, modo pallidum, flavum, viride aut subnigrum, modo acre & erodens, tetrum quandoque & graveolens, decoloratur facies, dolet spina dorsa, prosternitur appetentia, oculi pedesque intumescunt.

Mit-

Mittatur sanguis e brachio ad unc. viii.
 ℞. Pil. Coch. mai. ℥ij. Castor. gr. ij.
 Balsam. Peruv. gutt. iiii. f. Pil. N. iv. cap.
 hora quarta matutina, superdormiendo; re-
 peranturque per duas alias vices interpo-
 nendo diem unum vel alterum pro ratione
 virium.

℞. Aq. Rut. unc. iv. Aq. Bryon. comp.
 unc. ii. Sacchar. Cbristall. q. s. f. Julapium;
 cap. cochl. iiii. vel iv. in omni languore;
 deinde aggrediatur usum sequentium.

℞. Theriac. Andromat. ℥i. Conserv. fla-
 ved. Aurant. unc. i. Diascord. unc. ℞. Zin-
 zib. condit. & nuc. moscat. condit. an. ℥iii.
 Pulv. & Chel. cancr. comp. ℥i℞. cort. exte-
 rior. granat. Rad. Angel. Hispan. corall. rubr.
 preparat. & Trochisc. de terra Lemnia an.
 ℥i. Boli Armen. ℥ij. Gumm. Arabic. ℥℞.
 cum s. q. Syr. de Rosis siccis f. Electuar.
 de quo sumat ad magnitud. nuc. moscat.
 maj. mane, hora quinta pomeridiana, &
 nocte per mensem integrum, superbibendo
 sequent. infusionis cochl. vi.

℞. Rad. Enul. campan. Imperator. An-
 gelic. Aromat. an. ℥℞. fol. Absint. Roman.
 Marrub. alb. Centaur. min. Calaminth. vul-
 gar. salv. sic. an. M. i. Junip. unc. i. inci-
 dantur minutim & infundantur in Vini Ca-
 navini ℔iv. stent simul in infusione frigida,
 coletur tantummodo tempore usus.

Vescatur cibus eupeptis, & absterneat ab
 usu oleorum & fructuum qualiumcunque,
 & singulis passibus bibat vinum Hispanicum.

De Diabete.

Succi sanguini illati per vias urinarias
 crudi & incocti exitum sibi querunt, unde
 sensim labefactantur vires, colliquescit cor-
 pus, & quasi substantia ejus per hanc cloa-
 cam exinanitur, cum siti, ardore viscerum,
 lumborum coxarumque intumescencia, &
 salivæ spumosæ expuitione crebra.

Eadem præscribenda sunt, quæ in fluore
 albo, omissis solummodo venæ sectione &
 catharsi.

De Doloze Hamorrhoidum.

Intensissimus inter excernendum dolor
 excruciat, & excrementi superficies cruore
 conspergitur: Nonnunquam tumores verru-
 cis similes in sphinctere delitescunt, vel in
 margine ani apparent.

Mittatur sanguis e brachio dextero ad
 unc. x.

℞. Sem. Melon. Pepor. an. unc. ℞. Sem.
 papav. alb. ℥ii. Amyg. dulc. excorticat. N.
 v. contundantur in mortario marmoreo, sensim
 affundend. Aq. Hord. ℔℞. Aq. Rosar. ℥ii.
 Sacchar. albiss. q. s. f. s. a. emulsiō; cap.
 sæpiusculæ.

℞. Flor. Sulphuris, Pulv. Glycerhiz.
 Salviae an. ℥i. cum s. q. Balsam. Locatell.
 f. Pil. & sing. drachm. iv. cap. iiii. ter in
 die, superbibendo emuls. præscript. cochl. vi.

℞. Aq. Spermat. Ranar. unc. iiii. in qua
 dissolv. Lithargyr. ℥ii. Opii ℥i. f. mixtur.
 cujus tantillo linteam madefactum applice-
 tur, vel si tumor intus lateat, cochl. iiii.
 ejusdem mixturæ modo clysteris injiciantur.

Pro potu ordinario bibat aquam cum la-
 cte coctam, vel aquam hordei, & a carnis
 usu absterneat. Singulis noctibus sumat dia-
 scordium.

De fluxu Hemorrhoidum immodico.

Innotescit ex viribus prostratis copia &
 diuturnitate sanguinis excreti, sædo corpor-
 is colore, ad citrinum (ut ictero) ver-
 gente, succedit cachexia, & deinde hydrops.

Eadem conferunt, quæ in fluxu men-
 suum immodico, ommissa solummodo catharsi.

De Epilepsia Puerorum.

Vel primo mense aggreditur a frequen-
 tibus nimis alvi dejectionibus; (quo in
 casu Diascordium ad quantitatem grani pip-
 eris in Aq. Saxifrag. aut lacte materno solu-
 tum, & exhibitum, præstantissimum est re-
 medium) vel circa dentitionis tempus, a
 septimo ad decimum mensem, tussi comi-
 tata est, aut (quod multo deterius) vo-
 mitu & diarrhœa, viridia (ut solent hy-
 sterica) egerente infante. Quandoque im-
 provisò occupat paroxysmus, os oculosque
 distorquens, nigredine vultum perfundens,
 & artus varios convellens; quandoque præ-
 sentitur ex digitorum in pugnum contra-
 ctione, & ex stabili & insolita oculorum
 orbitarum immobilitate. Nunc serius, nunc
 ocus se proripiunt paroxysmi, certa subin-
 de periodo, vago alias insultu revertentes:
 sed, appetente morte, a tergo se invicem
 premunt; Si quando inducias dent, in so-
 porem proclives sunt infantes, donec a no-
 vo resuscitentur insultu.

Applicetur Emplastr. Epispastic. cervici
 quamprimum.

℞. Aq.

℞. Aq. Epilept. Lang. ℥iii. Laudan. li-
quid. gutt. i. vel ii. vel plures, pro ratione
ætatis. Syr. Pæon. ℥i. M. f. Haustus, su-
mendus quamprimum.

℞. Aq. rutæ ℥iii. Aq. Epilept. Lang. &
Aq. Bryon comp. an. ℥i. Syr. Cariophyll. ℥℥.
M. f. Julap. cap. cochl. i. singulis horis,
si haustus præscriptus paroxysmum non fu-
gaverit.

De Rachitide.

In rachitide adsunt partium laxitas &
mollities, debilitas & languor, ignavia &
torpor, & inæqualis earundem nutritio,
viz. caput iusto majus, facies plenior &
floridior, partes carnosæ infra caput ema-
ciantur, nodis prætulerant articuli, maxi-
me carpi, paulo minus tali, tument &
extremitates costarum, ossa incurvantur,
præcipue tibiarum & fibularum, hinc ulnarum & ra-
diorum; aliquando femora, & humeri, dentes
tarde & moleste erumpunt, vacillant, ni-
grescunt, & frustulatim excidunt, pectus a-
lateralibus angustum, anterius acuminatum,
abdominis repletio, & hypochondriorum
tensio, tussis & pulmonum vitia laceffunt,
lateralis decubitus modo dexteri, modo si-
nistri averfatio.

℞. Fol. Absinth. Vulgar. centaur. minor.
Marrub. Alb. chamædryos, Scordii, calamint.
vulg. Parten. Saxifrag. pratens. hyper. Virg.
auræ, serpill. mensb. salv. Ruta, card. Be-
nedict. Puleg. Abrotan. chamæmel. Tanacet.
Lilior. convall. omnium rsc. collect. & incis.
an. Mii. axung. Porcin. ℥j. sev. ovin. & Vin.
claret. an. ℥ii. macerentur in olla fictili super
cineres calidos per horas xii. deinde ebulliant
ad humiditatis consumptionem, & postea co-
lentur, ut f. Linimentum, quo venter &
hypocondria illiniantur mane & sero, ut
etiam & artus hoc malo affecti, per 30.
vel 40. dies, vel donec convalescerit.

℞. Singulor. ingrediens. præscript. an. Mij.
infundantur frigide in cerevisiæ non lupu-
lar. cong. iv. pro potu.

In tumoribus infantum ventres occupan-
tibus ab evacuationibus nimis procedenti-
bus sanguis & viscera herbis corroborantibus
confortentur, ut in rachitide vera; nisi quod
axillæ etiam utraq; inungantur, at non
artus.

De Febris & dentitione ortis.

Sp. C. C. gutt. ii. vel iv. pro ratione æta-
tis in cochl. j. vel altero aq. Cerasor. nigr.
vel julap. alterius appropriati; exhibean-
tur quarta quaque hora ad vices quatuor,
vel sex.

De febre hectica infantum,

Sine insigni calore languent cum appeti-
tus defectione, artus & truncus corporis
emaciantur.

℞. Rhabarb. incis. ℥ii. in lagenam vitream
cerevisiæ tenuis ℥ii. capactem immittantur
pro potu ordinario.

Epoto hoc liquore, alia ℥ii. eidem Rha-
barb. super effundantur ad tertiam vicem.

Si vero potus vi cathartica saturatus im-
prægnetur, tum ℥j. epota altera cerevisia
mox adjiciatur.

De Tussi puerorum convulsiva.

Phlebotomia, & repetita catharsis, eaque
sola, expugnatur hæc tussis, malum alias
pertinacissimum, & sere insuperabile; sed
leniora tantum cathartica hic conveniunt,
eaque cochleatim ingerenda sunt, pro ra-
tione ætatis.

De Hemorrhagia narium.

Dolor & calor sinciput lancinant.

Sanguis e brachio frequenter extrahatur
victus ratio refrigerans & incrassans injun-
gatur, julap. refriger. & incrassans, cum
emulsionibus refrigerantibus præscribantur.

Singulis diebus injiciatur Enema refrige-
rans, atque omni nocte Purgativ. ex Symp.
de Mecon. exhibeatur, & semel vel bis po-
tio purgativa commun. præscribatur.

Lintea quadruplicata immersa in Aq. frigi-
da, in qua sal Prunell. dissolvatur, & po-
stea leviter expressa admoveantur nuchæ, &
utrinque cervici sæpius in die.

Post evacuationes liquor seq. applicetur.

℞. Vitriol. Hungaric. & Alumin. an. ℥i.
Phlegm. Vitriol. ℥℥. Coq. tandiu, donec om-
nia fuerint dissoluta, liquorem frigescentem
filtra, & a ChrySTALLIS subinde natis separa,
liquori residuo adde Ol. Vitrioli duodecimam
partem, vel potius.

℞. Aq. Plantag. ℥iii. Bol. Armen. subti-
liss. pulv. ℥℥. probe misceantur; Turunda

H h b

ex

ex linteis quæso liquore hoc humectata nari, ex quo sanguis stillat indatur per dies duos istuc relinquenda.

Hoc minus succedente, Vitriol. Rom. Aq. commun. dissolvatur, qua Turunda imbuta nari indatur, liquore etiam hoc linteamine imbuta, & applicata sanguinem sistunt, & ex parte externa diffluat.

De Chloresi.

Adhuc vultus & totius corporis decoloratio, intumescencia in facie, palpebris & malleolis, gravitas totius corporis, crurum ac pedum tensiva lassitudo, respiratio difficilis, cordis palpitatio, capitis dolor, pulsus febrilis, somnolentia, pica, & mensium suppressio.

Sumat Pilulas Chalybeatas, vel Pulv. Chalybeatum in affectione hysterica præscript. plus minus pro ratione ætatis, superbibendo haustum vini cujuslibet ad libitum, vel infusion. corroborant. cum rad. angelic. ibidem descriptam. Si ægra non valde debilis fuerit, purgetur semel vel bis ante præscriptorum usum.

De suppressione Mensium.

Cibum fastidiunt mulierculæ, fœdus faciei color est, gravitas totius corporis, dolores fincipitis, lumborum, crurum & imi ventris: pedum tumores infestant.

Eadem præscribenda ac in hysterica affectione; at si iisdem remediis affectus non cesserit, tum seq. sunt præscribenda.

Singulis auroris, & quarta pomeridiana sumat Julap. Hysteric. sine Castor. Coch. v. instilland. Sp. C. C. gutt. xii. Singulis noctibus sumat cubitum itura Trochisc. de Myrrh. ℥i. cum Syr. de Artemis. in formam boli, vel Pil. Redact. De Vomitu sanguinis, vel etiam de Hemoptoe.

In hæmoptoe dolor & calor pectus obsident, cum debilitate quadam.

Mittatur sanguis ex brachio dextro ad ℥x. Sequenti mane sumat potionem purgativ. commun. & eadem nocte Purgativ. ex ℥iii. Aq. Cerasor. nigr. & Syr. de Mecon. ℥i. Postea aggrediatur usum sequent.

℥i. Bol. Armen. ℥i. Pulv. Radic. Simphyt. ℥ii. Terr. Sigillat. Lapid. hamariz. & Sang. Dracon. an. ℥i. Sacchar. Albiss. ad pondus omnium; M. f. Pulvis subtilissimus, cujus cap. ℥. mane, quinta pomeri-

diana, & nocte, superbibendo sequent. Apozemat. ℥iv.

℥i. Fol. Plantag. Rubi Sylvestris, & mil. lesol. an. M. i. coq. f. q. Aq. ad ℥iiss. in salatura dissolv. Syr. de Symphyt. ℥. i. M. f. Apozema; vel cap. coch. vi. sequent. tinctura.

℥i. Flor. Ros. rubr. ℥vi. Cort. intera. querc. unc. ℞. sem. Plantag. parum contus. ℥iiii. Aq. font. ℥ii. Sp. Vitriol. q. f. ad levem aciditatem, infundatur in vase clauso, calore leni, per 4. horas, Colatur. adde Aq. cinnam. Hordear. ℥iii. Sacchar. Albiss. q. f. in f. Tinctura gustui grata.

Si ab usu pulveris abhorreat, utatur electuario in fluxu mensium immodico præscripto.

Enema quotidie injiciatur, & diacodium hora somni propinetur.

Phlebotomia insuper semel, bis, vel ter (ut opus fuerit) reiteretur, diebus aliquot interpositis, & semel iterum, si res postulet, repetatur potio purgativa.

Dietæ inctassans & refrigerans observanda.

De Punctura tendinis.

Humor aqueus, vel ichor quidam, ex orificio venæ incisæ jugiter distillat.

℥i. Rad. Lilior. alb. in lacte vaccin. ad teneritud. coct. & contus. ℥iv. farin. sem. Lin. & avenas. an. ℥iii. coq. ad cataplasmatem consistentiam in eodem lacte, quo radices coctæ fuere, applicetur parti affectæ mane & sero.

De Ambustis.

Foveatur pars affecta linteis Sp. Vini imbutis, usque dum evanescat dolor, ac deinceps de novo imbantur lintea, quod ter vel quater in die parti affectæ applicetur.

De Manis communi.

A nimis exaltata & vivida sanguinis crass oritur. Est & alia manis species febres intermittentes diuturniores excipiens, in stultitiam tandem degenerans, producta quidem a debilitate & vapiditate sanguinis, a diuturna fermentatione. Præscribantur itaque cardiaca generosiora, viz. Theriac. Andromach. Electuar. de ovo. Pulv. Comitiss. Pulv. Gualt. Ravleigh, in Aq. epidem. sbe-

theriacal. vel alia, & diata instituat^r analeptica.

In junioribus mittatur sanguis e brachio ad ℥iii. vel ix. bis vel ter, diebus tribus inter singulas venæ sectiones interpositis. Tum semel extrahatur sanguis e venis jugularibus. Postea tota curatio innitatur sequenti cathartico, quod sumat tertia vel quarta quaque die, donec convaluerit, hoc interim observando, quod cum oclies vel decies purgatus fuerit æger, exhibitio cathartici ad septimanam unam vel alteram omittatur.

℥. *Pharmac. domestic.* (i. e. *Rad. Bryon. alb.*) pulv. ℥j. lactis vaccin. ℥iv. vel

℥. *Ejusdem* ℥ss. ℥vj. *Vin. alb.* ℥iv. infundantur per nodum, in colatura dissolve Syr. *Violar.* ℥i. *M. f. Potio*, vel

℥. *Gambugii* gr. xxv. *Aq. Cerasor. nigr.* ℥iii. *Syr. Cariophyll. unc.* ℞. *f. Potio*.

De Contusionibus.

Mittatur sanguis e brachio lateris affecti ad unc. x. dein exhibeatur *potio communis purgativa*, ac delitops eodem modo venæ sectio & purgatio alternatim repetantur, donec æger convaluerit. Interim toto decursu, si internæ partes lædantur, sequentia præscribantur.

℥. *Decoct. Pectorat.* ℥ss. *Syr. Violar. cap. Ven. an. unc.* ii. *f. Apozema*, cap. ℥ss. ter in die. Item *Ol. Amygd. dulc. rec. Cochl.* i. sæpius propinetur.

℥. *Ol. Amygd. dulc. unguent. Dialb. & Pomat. an. un.* i. *M. f. Linimentum*, quo inungatur pars læsa mane & sero, superimponendo fol. *Brassicæ*.

De fursure, sive porrigne capitis.

Potio purgans communis bis propinetur, dein.

℥. *Ol. Amygd. Amarar. & Laurini, Cinnarum fol. Abrotani an. unc.* i. misceantur probe, & *f. Linimentum*, quo inungatur totum caput singulis matutinis, diligenter fricando, & postea superimponendo vesicam suillam.

At primum abradatur totum capillitium, & postea desricentur squamulæ sensim singulis auroris, prout decidere prone fuerint.

De morsu canis rabidi.

Post 40. dies aut plures melancholica adsunt symptomata, febris, sitis, hydrophobia, & tandem partium extremarum convulsio.

℥. *Sp. vin. optime rectificat. unc.* iv. *Theriac. Andromach. unc.* i. *f. mixtura*, qua illiniatur pars læsa ter in die, superimponendo linteum eadem mixtura imbutum.

De Ulcere Vesicæ.

Pus graveolens, aut sanguis, nonnunquam squamulæ seu pelliculæ membranæ ac veluti fursuraceæ crustulæ (si in renibus hæreat ulcus carunculæ minutulæ, aliquando crassiores) una cum urina excernuntur; perpetua dysuria & continuus earum partium dolor infestant; renibus autem affectis ulcere, dilucida dysuriæ & doloris dantur intervalla; pus etiam excretum copiosius est, album, leve & minime fætidum, lacti similis profunditur urina: & longe post mictionem pus ab eo separatum in fundo residet.

℥. *Emplastr. Flos unguent. dist.* ℥ss. *f. Pil. N. ix. cap. iiii. horis medicinalibus*, superbibendo sequentis *aq. cochl.* vi.

℥. *Rad. Fanicul. Consol. Aristoloch. & Cariophyll. an. ℥iii. fol. Agrimon. Hyper. Sanicul. Plantag. an. M. vi. inciduntur minutim, & destillantur in vini alb. & lact. an. ℥iv. & eliciantur solummodo ℥iv. pro usu.*

℥. *Pulv. rad. Consolid. maj. & gum. Arab. an. ℥i. Sacchar. Penid. ℥. f. Pulv. cap. cochl. i. bis in die.*

De Asthmate inveterato in iis, qui sanguineo temperamento præditi sunt.

Dividitur in tres species. Dyspnœam, quæ difficilis est respiratio, in qua crebrior densiorque est spiritus tractio ex infarctâ pulmonum sine stertore oriunda. Asthma, ubi frequens & magna respiratio, in qua diaphragma, musculi intercostales, tum etiam abdominis, violenter moventur, cum stertore & sibilo. In priore specie substantia pulmonum, in posteriore bronchia oppilantur. Et orthopnœam, quæ est maxima spirandi difficultas, sub qua ægrotantes non nisi sedentes, erecta cervice respirare possunt.

H h h 2 mu-

musculi etiam pectoris & scapularum vehementer exagitantur.

Mittatur sanguis e brachio dextro ad 3x. die sequenti sumat *portionem purgativam communem*, quæ repetatur tertia quaque die per duas alias vices.

Diebus a purgatione vacuis sumat sequentia.

Sem. Anisi subtiliss. pulv. 3ii. cum. f. q. Balsam. Lucatell. f. pil. ex singulis drachmis vi. cap. iii. mane & quinta pomeridiana, superbibendo decocti Amari sine purgantibus 3iv. calide.

Si Symptomata adhuc mancant, repetatur de novo integer Processus.

De Paralyfi.

Sensus & motus in partibus quæ afficiuntur, vel simul, vel alterutra tantum facultas aut prorsus extinguitur, aut viariatur.

Sumat pil. Coch. min. 3ii. alternis matutinis per vi. vices; deinde capiat ter in die per xxx. dies *Electuar. Antiscorbutic. 3ii. superbibendo Aq. Antiscorbutic. Coch. vi. Vide cap. de scorbuto,*

2f. Unguent. Nervin. 3iii. Sp. Lavendul. comp. & Sp. Coch. hortens. an. 3iss. M. inungantur partes affectæ, ut spina dorsi, &c. mane & sero.

Pleraque præscriptorum, utut curationi scorbuti solum destinari videantur; attamen cum humores crudos ac fixos volatilizare præ aliis apta nata sint, in paralyfi etiam conveniunt.

De tussi & Phthisi.

Tussis per se patet. Phthisis autem invadit ab ætatis anno 18. ad 35. Extenuatur totum corpus. Febris molestat hæctica, a cibo invalescens (quæ ex celeritate pulsus, rubedineque genarum dignoscitur) materia per tussim excreta est aut purulenta, aut in ignem coniecta tetrum spirat odorem, & immissa in vas aqua repletum, fundum petit. Sudores nocturni superveniunt, livescunt tandem genæ, facies pallet, exacuuntur nares; temporum quoque collapsus, unguinum incurvatio, capillorum defluxio, & alvi profluvium colliquativum, mortem statim subsequitur denunciant.

Si tussis recens fuerit, & nondum febrem, aut alia signa peripneumoniam notham comitantia, accessiverit, vel si a pleuritide,

aut peripneumonia, ob neglectam sufficientem phlebotomiam, male curatis, eadem nequaquam orta fuerit, satis erit, ut æger per dies aliquot ab usu vini & carnis abstineat, & his aut similibus remediis ab libitum utatur.

Balsamum sulphuris Anisatum ad gutt. x. Coch. i. Sacchar. cristall. instillatum bis vel ter in die devoretur; ut etiam Tabellar. sequent. quas secum æger continuo portet, unam frequenter assumat.

2f. Sacchar. cand. 3biss. coq. f. q. Aq. font. usque dum adhærescat extremis digitorum addo pulv. Glycyrrhizæ. Enul. Campan. seant. Anis. & Angelic. an. 3ss. pulv. Irid. Florentina. Sulphur. an. 3ii. Ol. Cham. Anisi 3ii. f. f. a. Tabella domestica vocand. atque hoc interim eclegmate utatur.

3f. Ol. Amygd. dulc. 3ii. Syr. cap. Ven. Violac. an. 3i. Sacchar. cand. q. f. f. Lohoch. de quo sæpius lambat bacillo Glycyrrhizæ, quando tussis urget.

In defluxione tenui Eclegmata incrassantia exhiberi poterunt.

Sin vero tussis his remediis haud cessaret (præcipue autem si febrem comitem habeat, vel si a peripneumonia aut pleuritide originem ducat) tum ineptum fuerit pectoralibus fidere, sed venæ sectione & catharsi debellanda est, ut in methodo, quæ in curatione peripneumoniz nothæ describitur.

Verum enimvero cum, his omnibus non obstantibus, tussis non modo non curationi cesserit, sed & diuturna pulmonum concussionem eos adeo debilitaverit, ut phthisis tandem subingressa fuerit, tum hac methodo procedendum.

2f. Balsam. Peruv. gutt. x. instillentur Coch. j. Syr. Hederae terrestris, vel si id minus gratum fuerit ægro, Coch. j. Sacchar. cristall. cap. ter in die superbibendo Decocti Amari sine purgantibus unc. iv. vel (si idem ventrem moverit) unc. iii.

Sed omnibus aliis (quotquot adhuc inventa sunt) Equitatio ad satis longa & diutina itinera facile palmam præripit, hoc observando, ut si æger juvenilem ætatem prætergressus fuerit, plus temporis huic exercitio impendere debet, quam si puer aut juvenis esset, & sane haud multo certius cortex Peruv. feбри intermittenti, quam in hac ætate equitatio phthisi medetur.

De Scorbuto.

Adfunt spontaneæ lassitudines, corporis gravitas, dyspnœa, præcipue ex motu corporis, gingivarum putrefactio; oris graveolentia, sanguinis e naribus crebra eruptio; ambulandi difficultas, crurum nunc intumescencia, tunc extenuatio, in iisdem perpetuo maculæ lividæ, plumbeæ, flavæ, aut violaceæ, faciei color plerunque ex pallido fuscus.

Extrahatur sanguis e brachio ad *unc. viii.* nisi signa hydropis adfuerint. Seq. mane exhibeatur potio purgat. communis, quæ repetatur tertia quaque die per duas alias vices.

Diebus a purgatione vacuis, etiam postea, per mensem unum vel alterum sumat sequentia.

℞. Conserv. Cochl. hortens. unc. ii. Conserv. Lujul. unc. j. pulv. Ari compos. ʒvj. cum s. q. Syr. Aurantior. f. Electuar. de quo capiat ad magnitud. nuc. moschat. maj. mane, quinta pomeridiana, & nocte, superbibendo Aq. Raphan. compos. Cochl. ʒj. vel sequentis.

℞. Rad. Raphan. Rustican. raspat. ℥ii. rad. Ari ℥j. fol. Cochl. hort. M. xii. fol. Mentb. Salv. Nasturt. Aquat. & Beccabung. an. M. j. Sem. Cochl. hort. parum contus. lib. ℥. nuc. Moschat. unc. ℥. Vir. Alb. lib. xii. destillentur organis communib. & sicciantur solummodo lib. ʒj. pro usu.

Vel Folia Rec. Cochl. hortens. per se destillantur pro usu dicto.

Porro sequens cerevisia sit pro potu ordinario.

℞. Radic. Raphan. Rustican. recens in-cisi ʒii. fol. Cochl. hort. N. xii. passular. enucleat. N. ʒj. Aurant cum toto incisi dimidium, in Lagenam vitream lib. ii. Cerevisia tenuis capacem subere mox probe obturandam immittantur.

In hunc modum parentur eodem tempore sex lagenæ pro usu, & post aliquot dies sex aliæ, antequam priores exhauriantur, & sic deinceps, vel

Vice hujus cerevisiæ seq. mixturæ cochl. iij. vel iv. immisceri poterint singulis haustibus potus communis.

℞. Rad. Raphan. rustic. & sem. Cochl. hortens. an. unc. ℥. fol. Cochl. hortens. M. ii. pulpam unius Aurant. Contundantur simul in mortar. marm. sensim affundendo vin. alb. lib. ℥. Coletur cum levi expressione, & reponatur pro usu.

Eadem remedia, phlebotomia & catharsis, omisiss, in rheumatismo scorbutico, sive hysterico, valde profunt.

Phthisis seu Tabis Descriptio & Cura.

Plures sunt tabis species. Prima fere oritur e frigore hyeme contracto. Paulo enim ante solstitium brumale quamplurimi ab ingruente tempestate frigida, tussi tentantur: Quæ cum illos invaserit, quibus pulmones ab ortu sunt infirmiores, omnino necesse est ut a repetitis tussendi conatibus magis adhuc debilitentur; atque ita tandem alimento sibi proprio assimilando, præ mala *indiscreta*, prorsus impares reddantur. Hinc jam ingens pituitæ crudæ copia aggeritur, quæ continua pulmonum agitatione & vehementi nisu assatim per os rejicitur. Pulmones exinde pure referti purulenta *undata* quaquaversum in carnes dispergunt. Hinc enascitur febris putrida, cujus paroxysmus sub vesperam fatigat, sub auro-ram vero sudore copioso ac vires imminuente solvitur. Denique ad malorum cumulum diarrhœa succedit, partim ab humoribus putridis ex arteriis mesentericis in intestina depositis excretisque; partim a labefactato pessundatoque viscerum tono. Atque ita demum æger proxima æstate fato suo fungitur, a morbo cui prægressa hyems viam straverat, extinctus. Atque hæc est præcipua tabis species.

Porro cum sanguis hac tempestate particulis humidis admodum scateat, perspiratioque a subita pororum contractione plus satis inhibeatur, particulæ hæ in pulmones depluunt per interspersos venæ arteriosæ ramos, vel per ductus salivales in glandulis fauces occupantibus reponuntur; unde jam humor per asperam arteriam delapsus in pulmones, catharri ritu, eos ita jugiter irritat, ut creber & vehemens tussendi conatus, tum illam debilitatem, tum alia quæ diximus symptomata, brevi accersat. Cumque non jam amplius naturalem sibi pulmones œconomiam statimque rueri valeant, glandulæ & tubercula adnasci solent; quæ in ægris ex hoc morbo decedentibus, si aspiciantur pulmones, purulenta sanie plurimum distenta reperiuntur.

Ubi semel evaluerit hic morbus & radices egerit, remedia plerunque aspernatur. Tentari utcumque potest medicatio, minuendo causam defluxionis in pulmones, pertusa in cubito vena, catharticis mitioribus, tum medi-

medicamentis pectoralibus dictis, ad varios morbi status accommodatis. Incrassantibus sc. ubi humor subtilior & tenuior vim expultricis facultatis videtur eludere; attenuantibus vero ubi pituita crassior ægre & cum molestia per os rejicitur. Dein & hæctica febris remediis refrigerantibus contemperantibus coercenda. Talia sunt *Lac Asininum*, *Aqua Lactis Stillatitia*, *Emulsiones ex Amygd. dulc. Sem. Melon. Pepon. Papav. alb. Aq. Fl. Paralyf. &c.* Denique & curando ulceri opera danda est; cui rei terebinthina illa liquida, opobalsamum vulgo dicta apprime conferre censetur.

Hujusce morbi curatio, me iudice, hac methodo optime ac felicissime instituetur. Primum educatur e brachio sanguis, dein subducatur alvus ad tres dies continuos, vel *Pil. Coch. majoribus*, vel *Decoct. Leniente a nobis præscripto*. Tertia nocte exhibeatur *Syrup. de Mec. unc. ℥.* Intermissio biduo, triduo, pro re nata, repetatur purgatio, idque toties fiat, quoties opus esse videatur, donec symptomata vel prorsus evanuerint, vel saltem mitescant. Post singulas catharthes jam finitas opobalsami gutt. xx. sacchari particulæ majori instillatas permixtasque nihil superbibendo. Vel pil. e terebinth. ex Insula Chio cum saccharo cantido confectam. Opobalsamum non assumendum est nisi prægressis evacuationibus debitis. Hujus loco *Electuarium e Balsamo Lucatelli*, *Glycyrrh. pulvere*, *semine Anisi* & *Terebinthina concinnatum* poterit substitui. Post evacuationes, sedulo conandum est, ut tussis sedetur, ne pulmones jugi agitatione infirmiores evadant. Hoc facit præ cæteris syrupus jam laudatus, qui hac formula possit usurpari. *℥. Decoct. Pectoral. lib. i. Syr. de Mecon. Syrup. Capill. Ven. an. unc. ij. Cap. Coch. v. ter in die.* Medicamentum hoc ita frequenter haustum catharrum in pulmones depluentem paulatim sistet; eosque in pristinam *Ætatem* reducet, nisi jampridem a naturali statu nimium recesserint. Promovebit insuper purulentæ materiæ in iisdem aggestæ concoctionem.

At vero palmarium hujusce morbi præsidium est, ut æger quotidie equo vehatur. Et qui se huic corporis exercitio sanandum tradit, nullis jam diætæ legibus adstrictus, nullo cibi potusve genere privandus est: cum in hoc uno omnis rei cardo vertatur. Quibusdam eorum qui ex hac methodo convaluerunt, tumor in collo exortus est non multum a scrophulis ablatus.

Est & alia tabis species a tussi prognata, longe diverso anni tempore, initio scilicet ætatis. Hæc juvenes per sæpe illos invadit qui debiliori sunt corporis habitu, & quorum sanguis particulis calidis acribusque refertus est, sanguinem isti e pulmonibus per tussim exantlant, nimio meri potuprius excalefacti. Ægri dolorem sive ægritudinem quandam in pulmonibus persentiscunt; quæ symptomata nisi mature remediis appropriatis eliminentur, primo scabrities, mox & ulcus accedit, unde pus confectum demum expuitur.


Dicta jam tabis species venæ sectione & catharsi alternatim repetitis, saltem in principio, facile vincetur; si diætâ insuper refrigerante & incrassante utatur æger & a carnibus in solidum abstineat.

Tertia hujus morbi species ortum debet materiæ febrili in pulmones febre jam fatiscente, amandata, qui sensim infirmiores redditi a symptomatibus jam memoratis vexantur.

Quandoque oritur a sanie ista purulenta, quæ a pleuriticis non satis copiose per expectorationem egeritur. Quo in casu eandem, quam empyema, curationem postulat.

Sunt etiam qui e nimis copiosis, & debito frequentioribus evacuationibus debilitati in quartam tabis speciem præcipitantur. Hos calor hæcticus a cibo potuque sumpto, sub noctem laceffit; atque hos præ cæteris aphthæ infestant.

Phthisis, seu tabis descriptionem ac curam integram, Præclarissimus Auctor morte præoccupatus, absolvere nequivit, & pauca tantum, sed pro more suo quam maxime accurata, de hoc argumento nobis reliquit: quibus in aliquale supplementum, adjicere non inconsultum credidimus Præclarissimi Caroli Leigh M. D. Phthisiologiam Lancastrensem, jam anno 1694. Londini editam. Opusculum sane eximium, & Methodo Sydenhamiana annuino affini conscriptum. Sit itaque.



D E

PHTHISEOS

Speciebus & Causis.

CAPUT I.

*Quo agitur de variis Phthiſeos Speciebus
& earum Causis.*

Phthiſes in hac patria praxi vulgariter occurrentes ad ſequentes reduci poſſunt, videlicet, ſunt vel ſcorbuticæ, ſtrumofæ, chyloſæ, vel febres epidemicas intermittentes, hydropem, rachitidem, crapulas, chloroſin, fluorem album, icterum, rheumatifmum ſcorbuticum, ſarcocelen & vermes ſæpius conſequuntur; nec non hæmoptylin & vomitum ſanguinis; cum phthiſes autem ſcorbuticæ præ cæteris furiant eas choream ducere ſtatimino.

Phthiſes ſcorbuticæ ſunt vel ab aëre, vel a parentibus, vel ab erroribus in ſex rebus non naturalibus. De iis autem quæ ab aëre ſunt, quia locis pleriſque morbi ſtationarii appellari debent, in primis agam. Iſtis terrarum areis quæ paludolis arenis ſaliſis luxuriant, vel aëre ſumo carbonaceo craſſeſcente tantum non epidemicè graſſantur; quæ phænomena innuere videntur ex particulis vitriolaceis & ſulphureo ſalinis hunc morbum ſomitẽ ſuum trahere; quo autem hæc res clarius eluceſcat haud inconfultum duco tentamina quædam præmittere, quæ auſpiciis hiſce faciem ulteriorem accendant.

In primis. In ſalivam inſtillantur guttæ aliquot ſpiritus vitrioli, & ſtatim in coagulum album viſcoſum tranſit, quale per tuſſum in phthiſi ſæpius eructatur.

Secundo. Guttis aliquot ſontis vitriolacei, juxta Haigh in agro Lancaſtriẽſi cum ſaliva commiſtis, in coagulum viſcoſum tranſit cinerei coloris, quale in phthiſi ſcorbutica haud ſemel notavi.

Tertio. Diſtillantur carbonẽs ſoſſiles & aſcendet liquor vitriolaceus, quo cum ſero ſanguinis commiſto, in coagulum viſcoſum tranſit, quale in phthiſi ſcorbutica obſervare in proclivi eſt.

His poſitis, videlicet quod per particulas

vitriolaceas ſaliva, vel ſerum ſanguinis fit coagulum viſcoſum, ei tabidorum guſtu, conſiſtentia & colore ſimile.

Secundo. Quod in reſolutione carbonum particulæ vitriolacæ catervatim ſublimantur, quod encheireſi pyrotechnicæ patet, adeoque illis atmophæra propemodum ſaturatur, cum in aëre huiusmodi phthiſis ſit morbus ſtationarius, haud abs re fore iudicare exiſtimo, quod ibi terrarum per inſpirationem particulæ vitriolacæ maſſæ ſanguineæ communicantur, adeoque ſæpe ſæpius phthiſin inducunt.

Summa jam difficultas diluenda hæc eſt, nempe unde fit quod circa littora ſaliſa paludofa hoc morbo tantopere infeſtantur indigenæ, etiamſi ſolo ceſpite uruntur, cibique ſale & ſumo conditis per totum vitæ decurſum abhorreant? & quomodo iſtis terrarum aëreis particulis ſalinis atmophæra conſtipatur? cum ſalia marina (ſicut ab eorum evaporatione conſtat) ſint fixioris naturæ, quam ut radiis ſolaribus vel ventorum aſcenderent.

Anxie diu circa hæc cogitanti, hæc tandem conjeſtura in mentem mihi venit.

Obſervatu ſatis eſt obvium, plagas iſtas maritimas, tam ſulphure, quam ſale luxuriare; hæc hypotheſis ſequentibus argumentis nititur.

In primis. Noctiluçæ infinitæ horis veſpertinis hiſce quaſi tot *Phoſphori* erumpentes, ſulphuris præſentiam arguunt.

Secundo. Sæpius odores fœtidos emittunt, quales ex ſulphure & ſale unitis percipiuntur; in hiſ itaque terris ſalinis, paludolis, particulæ ſulphuræ fugam continuo moliantur, particulis autem ſalinis divortium haud ſerentibus, particulæ ſulphuræ ſalia muriatica ſecum gerunt, adeoque illis atmophæra conſtipatur; cum in aëre itaque huiusmodi phthiſis ſit morbus ſtationarius, ibi ex particulis ſulphureo ſalinis trahit phthiſis illius pabulum, ſicut opinari fas eſt.

In ulteriorem huiusce ſententiæ confirmationem argumentum e contrario produci poteſt. Ubi hi limi ſalini deſunt, hic morbus raro aut nunquam infeſtat. Hinc ergo fit, quod in *Ruſſiæ* & *novæ Angliæ* quibuſdam partibus per totum anni decurſum tuſſis ſonitus haud auditur, etiamſi mare ſit in præcinctu; & hinc quoque forſan fit quod celeberrimus iſte *Monſ. lienſium* aër anti-phthiſicus evadit, etiamſi parum e mari *Mediterraneo* diſtat.

Dum e contra haud in ſeſe volvitur annus

nus, quin phthisis, scorbutus, febres intermittentes, & pene dixissem morborum myriades in hisce terrarum aeris truculenter grassantur; adeoque quod de terris hisce salis paludosis tale propemodum dici potest, quale *Pythagoras*, de herba *Apraxi*, de qua talia dicit: Datur herba, radix cussus *Naphtha* adinstar ignem concipit; quique morbo quocumque correpti sunt, hac germinante, recidivam patiuntur, quoties illius effluvia per aerem diffunduntur.

De reliquis phthiseos scorbuticæ speciebus differere jam restat, de iis scilicet quæ ab erroribus in sex rebus nonnaturalibus, & illis quæ a parentibus derivantur. Jam vero cum phthises ab erroribus in diætâ & victu per causas allatas facile explicari possint, earum ætiologiis enodandis immorari impræsentiarum inutile esset; quapropter de phthisi scorbutica hæreditaria breviter jam attingam.

Inter omnes sane Philosophantes fortum humanum in ovo formari ultra aleam dubitandi ponitur; de modo autem ova fecundandi haud tam bene inter se convenit Auctoribus.

Ova duplici investuntur membrana, propriisque tunicis involuta sunt, adeo quod ne gutta quidem liquoris ex iis exprimi potest; hinc pro Gas quodam virili, sive aura seminali ovis fecundandis quidam viriliter contendunt; in praxi tamen nihil vulgarius occurrit, quam hunc morbum intueri patris genium consequentem, etiam si per totum vitæ decursum matre sat athletica degente, quidam circa eandem ætatem cum patribus hoc morbo correpti sunt, alii citius, alii valetudinarii tantum vivere, alii sat pancreaticæ priusquam phthisi confecti sunt, pro diversa scilicet crassi seminis virilis, scilicet sicut spiritus eo nidulantes, magis vel minus sunt depressi & particulæ salinæ evehæ, primis vitæ incunabulis varia format stamina vitæ; adeoque citius vel serius infans vergit versus temperiem salinam huic morbo inducendo aptam. Ex præmissis ut mihi videtur inferre liceat, quod ab utero semen virile pervasorum extremitates absorbetur, hinc massæ sanguinæ communicatur, & circuitu sanguinis, sicut opinari fas est, ova fecundat, arduum etenim mihi concipere videtur, quomodo hic morbus, podagra, & calculus patris genium consequerentur, si ab aura seminali tantum ova fecundentur: ex præmissis patet ex quali profapia huic morbo sit origo, capite itaque sequenti venit symptomatum explicatio.

• C A P U T II.

De Symptomatum Serie & eorum Causis in statu incipiente.

Quandoquidem morborum scientia haud melius quam ab eorum productis expromitur, mihi hunc morbum descripturo, haud alia videtur insistere methodo, quam in symptomatum syndrome delineanda. Misso itaque olympico pulvere cerebri circa futilia dimicantis, ea solummodo quæ ratio experientia suffulta dictitat brevibus aperiam.

Invadit frequenter cum appetitus & virium dejectione, angustia pectoris, tussi titillante, sputo copioso, crasso, albo, quandoque flavescente, pellucido, & caruleo, cinereo, foetido, salso, acido, subdulci, pro sanguinis dyscrasia scilicet, & obstructionum mole & genio.

Sudoribus quandoque nocturnis, carnis intabescencia, calore & frigore levi & incerto alternatim succedentibus.

Urina lixiviali, sedimento copioso, albo, sæpius autem flavo, vel rufo saturata.

Aliquando diarrhœa, torminibus ventris, & partium extremarum tumore.

Hisce prælibatis symptomatum explicationem aggredi jam incumbit.

Si de appetitu prostrato interrogemur, ideo evenire dicimus, quod glandulæ in ventriculi parte inferiore sitæ, quæ humores subacidos, fluxiles ex arteriis separare debent, humores viscosos enutrient, adeoque fibris nerveis titillandis (quo motu consistit appetitus) inepti sunt, hic cibi fit fastidium & hinc est, ni fallor, quod in quibusdam ab emetico assumpto, tam immensam saburram viscosi phlegmatis per vomitum frequenter ejectionem inspexi.

Per succum viscosum in pulmonibus extravasatum aeris inspiratio interrumpitur, adeoque angustia pectoris frequenter corripitur æger; quo pariter circa glandulas tracheales deposito, & intra pulmones spurum istud, ni fallor, efformat quod tanta copia per tussim eructatur, ab hoc quoque tracheam oblinente raucedo procedit.

Hisce coagulis folliculis in glandulis conglobatis gravidis, adeoque foraminulis lymphæ ductuum obturatis, latex serosus, qui per lymphatica peregrinare debuit, propriis emun-

emunctoriis orbatus, massæ sanguineæ regurgitat, & sic per vasa insolita eliminatur; hinc ergo ex glandulis trachealibus, imbris pene dixissem continuis depluit, qui tussim titillantem & continuam inducit.

A pari ratione sudores tantopere profusi, diarrhœæ, tormina ventris, & partium extremarum tumores huc collimant.

Quandoque viscosis humoribus mesenterii glandulis infarctis, chylo transitus denegatur in sanguinem, quo pabulo diurno orbatus, nutrimento debito privatur corpus, hinc vires dejiuntur, emaciatur corpus, & quandoque fæces albescunt, quapropter a viscosis hisce saburris venæ lacteæ mesenterio disparent, sicut in cœlis *Galaxia* propter densas nubes sese interponentes.

Aliæ chyli portiones per particulas salinas præcipitantur, & inde quandoque sputo albo, crasso, subdulci, per tussim eructantur. Aliquando per renes ablegantur, & inde in hoc morbo frequenter urinæ sedimento candido copioso saturantur.

Propter musculos subsidentes humeros alatos observatu in proclivi est, quod (sicuti plebeis placet) malum portendit, quasi anima relicta corpus illius fugam appropinquantem indicaret. Hi *Hippocrati* aliisque græcis *τρωχίδες* appellantur.

Propter glandulas in hepate obstructas bili transcolanti imponitur remora, quæ sanguini itaque regurgitat, ex ea cum acidis in sanguine effervescente lenta febris frequenter in tabidis gliscit, & ni fallor ratio urinæ lixivialis tanta flavescente hypostasi, quandoque rufa saturatæ, hinc quoque petenda est.

Quandoque calore & frigore alternatim succedentibus cruciatur æger; propter chyli aculentis fermentationem & inæqualem cum sanguine misturam.

Sputum frequenter in hoc morbo fit crassum, album & dulce, quod (sicut prius innuimus) chylum præcipitatum ponimus; aliquando fit tenue & pellucidum cum crasso commixtum, quod ponimus esse lympham, quæ per lymphæ ductus transire debuit, propter glandulas autem conglobatas obstructas, per alia secretoria eliminatur, & in hoc quidem casu, quique humori huic sistendo medicamentis opiatîs pertinaciter insistit, a vero deviat, & præstat eis *modus componere fluctus*.

Sputum aliquando fit cæruleum, salsum, acidum, & amarum, sicut bilis; & salia diversæ profapiæ varie cum eo miscentur.

Sydenham Opera Med. Tom. I.

Restat aliud symptoma, nec minus reliquis infrequens explicandum, viz. unde est, quod in hoc morbo urina tam intense lixivialis excernitur, sedimentum copiosum rufum deponens, suavem emittens odorem parum ei dissimilem in urinis obvium post medicamenta terebinthinata, & quædam præparata sulphuris assumpta, superficiem gerens pellicula tenui oleosa obductam? In hoc casu ponimus urinam particulis vitriolicis vel muriaticis esse summopere saturatam; particula salinæ post ortam cum bile effervescentiam præcipitant, adeoque urinæ tantam hypostasim deponunt: particula biliosæ ab effervescentia cum particulis salinis (sicut sulphur ab incendio adjuncto) rufescunt, & inde urinæ sedimentum lateritium deponunt. Particulæ salinæ oleosas quasdam particulas in fermento incarcerant, quæ tum una cum illis per renes ablegantur, hinc urina aëri exposita, particulisque fermentescentibus saturatis, particulæ sulphureæ oleosæ divortium conantur, adeoque in superficie pelliculam efformant, & odorem suavem emittunt; hypothese huic suffragatur phenomenon in spiritu nitri dulci satis obvium, ibi etenim ab acido cum sulphure unito, odor ejusmodi profapiæ observari potest.

Utrum in hoc statu tuberculis semper infarciuntur pulmones a clarissimo *Morrono* notatis; Hac patria a cultro anatomico tanquam a peste abhorrente, nec nego, nec affirmarem; hoc tamen (praxi suffragante) assererem, in hoc morbo plures satis succumbere vidi, ne uno quidem symptomate febris inflammatoriæ apparente, cui sententiæ adstipulatur Historia e doctoris *Ben-net* desumpta Theatro tabidor. pag. 96.

Cum apud *Bristollenses* medicinam facerem, in qua urbe pensili tabes frequenter grassatur, nonnullos sputum subdulce levi conatu expectorantes, spatio trimestri fari-scentes, & totaliter enervatos vidi; horum vero quosdam, non omnes tussis vehementior aliquoties corripuit, & arescentes strigosi periere, in quorum unica detectionis causa, licet sanguinem (peracto salino ptyalismo) extussierat, & pulmo ubique inteneratus tonum amiserat, universa spirabilia nec non viscera omnia naturalia, quoad sensum sana comperta sunt. Haud hic intelligi velim quod in phthisi pulmones hisce tuberculis nunquam infarciuntur, eos etenim sæpius ulceratos vidi: at hoc solummodo assero ea phthisi quæ tam vulga-

I i i

rites

riter in agro *Lancastriensi* grassatur, qua in dies deflorescunt ægri sputum crassum album expuentes; in his dico, huiusce morbi principio & incremento, raro aut nunquam pulmones consodiuntur, imo aliquando, ægri e medio tolluntur, & (sicut opinari fas est) iis haud ulceratis, quibusdam etenim per totum morbi decursum febris hæclicæ symptoma haud apparuit unum.

C A P U T III.

In hoc Capite Symptomata in statu confirmato recensentur, & eorum Cause assignantur.

Fatiscente in dies natura in prosapiam propemodum vitriolaceam degenerat massa sanguinis, hinc sputum frequenter aluminis vel vitrioli ergo mali fit saporis, jam particulis salinis sui juris factis, effusis velut habenis hic morbus affligit; hinc febris fit continua & auctior, ex particulis scilicet vitriolaceis cum sulphure sanguinis effervescentibus, sicut ex oleis vitrioli & terbinthinæ permistis observare fas est.

Ex hac effervescentia vasis capillaribus circa genas distentis, inde est quod rubor fixus genas utraque occupat, mortis adstantis frequens indicium; quasi vitalis flamma ellychnii ad instar (cujus pabulum propemodum exhaustum est) receptaculo glisceret; vel solis ad instar rubro colore hemisphaerium spargentis priusquam Cinerias descendit in umbras.

Conglobatis glandulis indies magis infarctis, & majori copia nutritio succo quotidie præcipitato, hinc est quod sputum fit copiosius & crassius, & ex fermento vitriolaceo cum sulphure sanguinis permisto, aliquando saporis putridorum piscium.

Ex sputo copiosius in dies intra pulmones extravasato, asthma frequenter corripitur æger. Et continua propemodum gravitate pectoris opprimitur. Sputum aliquando egregie foetidum hoc statu quoque notavi, quod tamen haud semper ab ulcere pulmonum, sicut quibusdam placet, ortum ducit; sæpius etenim hoc notavi, & patientes tam diarrhœæ quam sudoribus immunes, quod procul dubio haud evenire posset ulcere foetido pulmonibus confossis, potius itaque foetoris istius causa in hoc consistere videtur, particulis sulphureis volati-

libus particulis salinis aculeatis, hisque lactice seroso luxuriante, cum saliva miscetur, jam particulis sulphuris ad evolandum satis aptis secum salinas vehunt, quas unitas effluviis saliva emittit, hinc sensorium olfactus tenellum vellicant, iisque itaque ingratum foetorem conciliant; sicut e contrario particulæ sulphureæ globosæ sine salinarum mixtura, fibras olfactorias percutientes gratum odorem causant; sicut in aromatibus & balsamicis florum effluviis observare in proclivi est. Grandiori mole indies nutritio lucco expectorato, hinc vultus evadit *Hippocraticus*, & corporis universi marasmus.

Indies conglobatis glandulis infarctioribus, & versus temperiem salinam vergente sanguine, hinc sudoribus profusis & diarrhœis immanibus cruciantur ægri, nec non doloribus acutis, iis rheumatismo versatilibus, quibusdam atrocioribus, ossibus etenim in ipsis de dolore lancinante quidam conqueSSI sunt, iique in quibus morbum venereum suspicari nefas.

His symptoma aliud haud minus commune, & summa quidem indagine dignum addi potest, strigosi plures etiam si ad orci fauces propemodum sunt redacti, appetitu laudabili dirantur, post cibum assumptum hæcico nullo calore succedente, neque sudores, nec diarrhœæ, nec ventriculi inflammationes adsunt; tamen indies intabescit æger prægrandi copia sputum crassum album expuens. Auguriis nostris ex præmissis sat superque propalatis particulis vitriolaceis frequenter luxuriare sanguinem; circa hoc symptoma hæc conjectare liceat. Vitriolaceis particulis aculeatum naturale fermentum, ictu altiori fibras nerveas titillat, quæ quasi ab æstro percitæ, spiritus fibræ ventriculi indigenæ in motus concitatiores adiguntur; & inde est, ni fallor, quod appetitus sit voracior, esculenta quævis assumpta struthionis ad instar colliquans; hoc colliquamentum per lacteas, ductumque chyloferum propagatum cum sanguine miscetur, quod in propriam naturam haud assimilatur, & inde in universi corporis nutrimentum, quin salinæ particulæ sanguine nidulantes, in humoribus crassis hoc præcipitant; & inde est quod alimenta assumpta, etiam si in sanguinis naturam haud convertuntur, tamen nec per sudores, nec diarrhœas eliminantur, quin intra pulmones coagulo albo viscoso subsidunt, & inde est quod indies intabescit æger.

Restat

Restat adhuc aliud symptoma, quod sub hoc larvatur vultu: plures hoc morbo propemodum confectos febris intermittens anomala frequenter invadit, quosdam semel tantum, alios bis vel ter spatio viginti quatuor horarum conquassat, ingruit saepe cum horrore & pruritu inter scapulas, & circa regionem lumbarem, totum postea convellitur corpus per horam unam vel alteram tremulum permanens, calor postea succedit, & huic sudores & aliquando diarrhoea: ex lentoribus falsis circa membranas nerveas, nervorum extremitates, plexus, & glandulas subcutaneas miliares extravasatis, hæ frigoris & caloris reciprocationes procedere videntur, his ad plenitudinem aggestis, & acorem insignem nactis, partes nerveas vellicant, adeoque, ni fallor, dolores hosce frigorificos inducunt, lentoribus hisce per vasorum extremitates tandem absorptis, adeoque cum sanguine permistis, ex iis cum particulis sulphureis sanguinis nova repullulat fermentatio, calor itaque febrilis succedit, tandem autem materia morbifica subacta aliquando per diarrhoeam amandatur. Alii in statu eusarco, etiam si animi indole dulcissima præditi, hoc morbo tandem confecti, ex levi qualibet occasione irascendi ansam capiunt: itaque tam continua ebulliont, ut vix vocem vel visum alicujus tranquille ferunt: ex succis hisce acescentibus spiritibus animalibus continuo tanquam ab æstro percitis, sicut opinari fas est.

Hisce præmissis, de reliquis phthiseos scorbuticæ speciebus breviter differere adhuc restat: at cum eæ (scilicet utrum sint hæreditariæ, vel ab erroribus in diætâ & victu) maxima ex parte eadem vel similia symptomata præbent: verosimile mihi videretur eas a tali prosapia oriri; quapropter earum ætiologiis explicandis diutius immorari impræsentiarum inutile esset; nobis itaque sufficere in casu quolibet historiam unam vel aliam subnectere, & medendi methodum recensere.

CAPUT IV.

Hoc Capite Canones quidam generales circa hunc morbum proponuntur.

IN hoc capite symptomata in statu deplorato recenseri debent; at cum nullus sit propemodum e plebe, quin in hoc statu ægro ex hoc vitæ curriculo manumissionem pronunciet, diutius hisce immorari extra propositum esset; nobis itaque sufficere canones quosdam generales circa hunc morbum proponere, exque iis medendi methodum efformare.

1. In statu simplici incipiente facile curatur phthisis.
2. In statu complicato incipiente, visceribus & lymphaticis salvis, bonum sit expectandum.
3. In statu confirmato, difficulter, tamen quandoque curatur.
4. In statu confirmato complicato, alea res est dubio plena.
5. In statu confirmato complicato, visceribus vel lymphaticis insanis, nil nisi malum sit pronuncandum.
6. In statu confirmato phthises hæreditariæ inducias frequenter patiuntur, raro autem vel nunquam curantur.
7. In statu confirmato, modo febris adsit, læticia sunt vitanda, in hoc quoque casu chalibeatis abstinendum est.
8. Urgente dyspnœa, etiam si catarrho titillante infestetur trachæa, ab opiatas tanquam a peste fugiendum est.

CAPUT V.

Hoc Capite medendi methodus in statu incipiente proponitur.

INtentiones in hoc stadio variis indicationibus respondentes ad sequentes reduci possunt.

In primis, per emetica vel lenia cathartica, primæ viz ex saburra viscosa sunt detergendæ.

Secundo, In adultis phlebotomiam semper profiguam inveni.

Tertio, Pulmones ab humoribus crassis sunt liberandi.

Quarto, Glandulæ infarctæ sunt aperiendæ.

Quinto, Temperies salina sanguinis est alteranda.

Sexto, Lymphæ succedentis in pulmones defluxus est præcavendus.

Medicamenta intentioni primæ respondentia, hæc vel similia esse possunt, quibus forma liquida ariditæ sequentia præscribi possunt.

Si emetico opus est.

℞. Mell. Scillitic. ab *℥*ii. ad *℥*iv. aq. Cardui, hyssop. aa. nnc. ii. syr. scabios. compos. *℥*ss. M. S. F. Emeticum.

Si per cathartisin alvus sit subducenda, sequentia in usum veniunt.

℞. Decocti Sennæ Gereonis *℥*iv. syr. de spina cervina unc. i. *℥*ss. crem. tartari *℥*ss. aq. lumbricor. *℥*ii. M. S. F. P. cum regimine sumend. Vel

℞. Decocti Sennæ Gereonis unc. iii. Manna Calabrine unc. i. tinctura sacre unc. i. crem. tartari *℥*ss. aq. lumbricor. solutione gummi Ammoniaci saturat. *℥*j. M. F. P.

Cum regimine sumend. huic syrup. Rosar. solutiv. addi potest, pro re nata.

Quibus forma pilularis ariditæ, hæc vel similia esse possunt.

℞. Pil. Stomach. cum gummi. *℥*j. de ammoniaco Magistral. *℥*ss. tartari vitriolati gr. vi. resin. jalap. gr. vi. Balsam. Peruv. q. s. F. Pil. N. 7. cum regimine sumend. Vel

℞. Pil. aleophangin. tartarear. Quercetan. aa. gr. 10. de ammon. *℥*ss. tartari vitriolati gr. vi. resin. jalap. a gr. 6. ad 10. Balsam. Peruv. q. s. F. Pil. N. 7. cum regimine sumend. his Calomelas a gr. 14. ad *℥*i. addi potest pro re nata.

Quibus sit in animo bolus talis esse potest.

℞. Elect. lenitivi *℥*vi. crem. tartari *℥*i. syr. ros. q. s. bolus cum regimine sumend.

Pro puerulis doses & forma variari possunt, scilicet, pulveres de Rhabarbar. senna, Calomelan. resina jalapæ, & id genus aliis; nec non Elixiria, & tinctura, inter quæ tinctura sacra & Elixir Salutis veteris palmam præripiunt.

Quibusdam cerevisia medicata præ ceteris allubescit, & in eo casu talis esse potest.

℞. Folior. senna, Rhabar. polypodii quercini aa. unc. ii. epithymi unc. i. *℥*ss. pini, tamarisci summat. aa. *Mii*. folior. beccabung. *Miii*. hedera terrestris *Mv*. salvia agrestis *Miii*. radic. *ss*. aperientium aa. unc. ii. lapath. acut. unc. vi. baccar. juniperi unc. i. cortic. aurantior. Nu. vi. F. sacc. pro tribus cong. cerevisia; dos. *℥*ss. aurora qualibet, vel alterna sicut vires ferent. Phtisim incipientem tempore vernali hac sola cerevisia baud semel curavi. Intentioni tertie, quarta, &c, medicamenta sequentia respondent.

℞. Conserv. Cynosbat. unc. iv. corall. rubr. *℥*iii. syrup. balsamic. q. s. F. Elec. horis medicis sumend. Vel

℞. Conserv. Cynosbat. florum cicorei aa. unc. i. *℥*ss. extract. trifolii fibrini unc. *℥*ss. anima martis ab insigni Vignano pp. unc. i. gummi. ammoniaci in aq. lumbricor. solut. unc. i. florum Belzoin. *℥*i. cum s. q. syrup. balsamic. Tolutan. F. Elec. eodem modo sumend. Vel

℞. Conf. Cynosbat. loboch. de pulmon. vulp. aa. *℥*ss. enula Campan. condit. *℥*ss. aristolochia rotunda *℥*ii. *℥*ss. glycyrrhiza *℥*ii. hedera terrestris preparata *℥*iii. florum sulphuris *℥*ss. syr. de Erysimos q. s. f. Elec. Vel

℞. Conserv. Cynosbat. *℥*iv. martis cum sulphure pp. *℥*iii. sal. spirituof. *℥*j. cum s. q. syrup. & cortic. citri. F. Elec.

Electuariis præscriptis, sicut dyspnæa magis vel minus urgebit; species diacircos, solutio gummi. ammoniaci in aq. lumbricor. facta, flores Benzoin. extract. enula, radix aristolochia rotunda, addi possunt, vel omitti, sicut medico videbitur idoneum.

℞. Syrup. Balsamic. Tolutan. & succ. heder. terrestris, capillor. veneris aa. *℥*iii. f. syrup.

℞. Aq. lactis alexiteria *℥*ss. limac. magistral. *℥*ii. gentiana compos. *℥*iii. lumbric. *℥*i. sacchar. perlat. q. s. F. julapium.

℞. Ingredientium q. s. ad *℥*ii. decocti pettoralis: adde radic. sarsaparil. *℥*ss. china, fenic. bardan. urtic. cariophyllat. aa. *℥*vi. stolochia rotund. *℥*ss. sem. anisi, coriandri, urtic. aa. *℥*ii. passular. exacinat. *℥*i. baccar. juniperi *℥*i. c. c. rasur. eboris aa. *℥*v. folior. hyperici, capillor. veneris, hedera terrestris, marrubii albi aa. *Mi*. coq. in aq. fontan. s. q. ad *℥*iv. colature adde vini albi *℥*iv. mell. despumat. sacchar. cand. albi. aa. *℥*ii. M. F. Apozema usus eximii in asthmate & gravitate pectoris.

℞. Aq. limac. magistral. lumbricor. aa. *℥*iv. syrup. balsamic. Tolutan. de Præssio, Allio

Allio, vel Erisymo aa. ℥i. spir. sal. armoniaci e gumm. ammon. distillat. ℥ii. M. F. mixtura, vel

℥. Aq. lactis alexiteria ℔i℥. gentian. compos. ℥iv. limac. magistral. ℥i℥. sacchar. q. s. F. julapium.

℥. Putucris milleped. pp. ℥iii. radic. aristolochie, gumm. ammoniaci in aq. lumbricor. solut. aa. ℥i℥. florum Benzoin. ℥℥. extract. enule. croci an. ℥i. Balsam. Peruv. ℥i. balsam. sulphuris anisat. q. s. F. pil. mediciores in dyspnœa usus egregii, vel

℥. Florum Sulphuris, gumm. ammoniaci aa. ℥ii. enule campan. aristolochie rotund. glycyrrhiz. Iros Florentin. aa. ℥i. sem. anisi ℥ii. picis liquida Barbadeos partes xv. in Balsam. Peruv. partem i. M. F. Massa pilularis, vel

℥. Balsam. Tolu. ℥i℥. milleped. pp. ℥ii. gumm. ammoniaci depurat. ℥i℥. florum Benzoin. ℥i. Myrrhæ ℥i. Balsam. sulphuris anisat. gut. 12. succi glycyrrhiz. in tinctura croci solut. q. s. M. F. massa, dos. ℥i℥. vel ℥i.

℥. Pulveris milleped. ℥iii. animæ martis ℥i. gumm. ammon. in aq. lumbricor. solut. ℥i. extract. trifolii fibrin. q. s. F. pil. mediciores.

℥. Cinnabar. antimonii ℥ii. F. pulvis. Capiat bis in die: Panacea quoque antimonii Doctoris Needham egregii est usus.

℥. Pini summitat. Miii. folior. beccabung. Miii. salviae agrestis Mii. capillor. veneris, hederæ terrestris. aa. Miii. radic. lapath. acut. ℥vi. baccar. juniperi ℥i. cortic. aurantior. N. 6. F. sacc. pro tribus cong. cerevisia.

℥. Pini, tamarisci summitat. aa. Mii. folior. Beccabung. Miii. hederæ terrestris, capillor. veneris aa. Mvi. salviae agrestis Miii. radic. osmund. Bezal. ℥iv. enule campan. ℥ii. lapath. acut. ℥vi. 3. aperientium aa. ℥ii. sarsaparillæ ℥vii. baccar. juniperi ℥i. sem. anisi ℥℥. cortic. aurantior. N. vii. F. sacc. pro tribus cong. cerevisia, de qua c. ad ℔ii. in die cum syrup. & pil. prius præscriptis. His debite adhibitis medicamentis ulterioribus vix opus est; quo autem intentio ultima omni ex parte perfici potest, externa etiam in usum veniunt v.g. capitis rasula, fontanella, vesicatoria satis ampra, quæ revera tussim Phthificam tutius & magis radicitus tollunt, quam medicamenta quævis opiata forma quacumque sumpta, ingenue etenim fateor ex opiatis copiosius sumptis, nil, nisi inducias incertas mihi adhuc observare antigit.

CAPUT VI.

Quo agitur de methodo in statu confirmato.

Intentiones in statu secundo a prioribus tantum minutiis distant, nisi quod in hoc stadio catharses mitiores esse debent, phlebotomia si omnino, manu tantum pariori sit celebranda; jam calor febrilis qui vehementius exaltuat præ singulis sit temperandus: ad calorem febrilem temperandum a variis auctoribus præscribuntur, pulveres, scilicet testacei, antihædici, conservæ, antidoti, analeptici, julapia refrigerantia, emulsiones, & id genus alia, at ingenue fateor in hoc statu, hac vel tali methodo haud phthisin semel radicitus sanatam vidi; missis itaque ambagibus, ad cortic. Peruvianum (modo absit pulmonum ulcus) semel in die tantum exhibitum tanquam ad asylum fugiendum est, hoc tantum observando, quod tunc temporis pectoralibus fortioribus insistendum est, & die quolibet tertio, vel alterno per catharsin levem alvus sit subducenda; hac methodo appetitum prius totaliter prostratum statim restitutum vidi, & calorem febrilem totaliter debellatum. Et cum ita se res habet ad coronidem methodo inceptæ imponendam, ad pectoralia detergentia, aperientia, & antiscorbutica mitiora confugio, in hoc itaque statu methodus sequens, vel similis observari potest.

In primis si vires ferent, emeticum lene exhiberi jubeo: v. gr.

℥. Mell. scillitic. ℥iij. aq. cardui, hyssop. aa. ℥ij. scabios, compos. ℥℥. M. F. Emeticum. Ab hoc assumpto sæpius ingentem massam viscosi phlegmatis per vomitum ejectam inveni.

Aurora sequenti leve catharticum exhibendum curo, scilicet cum quodam ex iis cap. priori præscripto, at si diarrhœa adsit, quæ sæpius in hoc morbo occurrit, infusionem sequentem exhibendam suadeo.

℥. Aq. lactis alexiteria ℔i. gentiane compos. ℥iv. limac. magistral. ℥i℥. lumbricor. ℥℥. sal. tartari ℥ij. aq. menthe fortioris ℥j. Rhabar. optimi incisi ℥℥. F. s. a. infusion de quo c. 6. Cochlearia Mane. Aurora qualibet tertia vel alterna.

Ad calorem temperandum.

℥. Conf. Cynosbat. ℥iv. Cortic. optimi Peruv.

Peruv. pulverifat. ℞i. cum s. q. sirup. balsamic. Tolutan. F. Elec.

Methodus pro pectoralibus & antiscorbuticis ex c. priori desumi potest, pro re nata utenda; dietam ex cibis eupeptis instituto, jusculis scilicet, carnibus ovinis, vitulinis, pullis, ovis sorbilibus, & id genus aliis, religiose observando a lacticiis abstinere; modo febris adsit, liquores pectoralibus & antiscorbuticis medicatos instituo. Hac methodo quamplures ultra suas & omnium amicorum spes perfectæ sanitati restitui.

C A P U T VII.

Quo agitur de Phtisi in statu deplorato.

IN hoc stadio remedia tantum palliativa exhiberi possunt, & vulgariter quicquid exoptat æger concedo. Utcunque ut ægri & amicorum votis importunis modo quocunque satisfacerem, remedium aliquod symptomati maxime urgenti respondens præscribo. Univerſo scilicet marcere jam corpus colliquatur, & frequenter summopere gutturis dolore lancinante laborat æger, tali scilicet, quod vix aut ne vix deglutire potest, hinc lac asininum si haberi potest, ejus autem defectu vaccinum, per se, vel ex decoctis pectoralibus balsamicis exhibendum curo, haustu autem quolibet guttis aliquot olei tartari per deliquium, vel pulvere quodam testaceo commisto, quantum scio remediis ulterioribus haud opus est, quapropter his coronidem imponam.

HISTORIÆ

In Statu Primo.

Observatio I.

C*arolus Fleetwood*, Generosus & magno ingenii acumine, oppido de *Kirkham* Chirurgiæ facilius in carnis intabescen-
tiam incidit, tussi laborabat gravi, & nycthemeri spatio saburræ ingentem albi viscosi phlegmatis expuebat, appetitus prostratus erat, quandoque coctlearia aliquot

sanguinis expuebat, flatibus intumuit ventriculus, lassitudine spontanea & debilitate corpus universum macerabatur. Me tandem in subsidium vocato, lenitivam potionem præscripsi, & semel repetendam institui, postea syrup. martis *Willisianum* cerevisia pectorali bis in die sumendum suasi, & hora somni guttas aliquot balsam. Peruv. cum syrupo balsamico Tolutano, brevi tempore cessavit tussis, ipse vires recte peravit; & jam pancreaticæ valet.

Observatio II.

Gilbertus Onsy de Chorley Causidicus, post febrem tertianam catarrho continuo coreptus erat; sputum crassum album expuebat, pulsus erat debilis & celer, calor & frigus sæpius in die alternatim succedebant, vultus erat pallidus, muscoli totius corporis flaccidi, appetitus totaliter prostratus, vires dejectæ, & sudoribus nocturnis propemodum colliquatus. Electuarium cum cortic. Peruv. hora quarta pomeridiana sumendum suasi, aurora & hora somni, pil. pectorales, syropos balsamicos deterſivos, & jussupia præscripsi, die quolibet tertio 6. cochlearia infusi de rhabarbato in aqua lactis alexiteria fact. sumenda imperabam, postea pil. pectorales & syropos cerevisia pectorali sumendos institui; hac methodo sanitatem recuperavit, & jam firma valetudine fruitur.

Observatio III.

Jacobus Sherdley Baccalaureus in Artibus, & celeberrimo viro Domino *Price* de *Blakburn* Curatus, incidit in tussim gravem, angustia magna laborabat pectoris, sputum crassum copiosum expuebat cum sanguine commixtum, vultus & oculi flavescebant, urina parca & lixivialis erat cum sedimento rubro, appetitus prostratus erat, & magna quidem debilitate laborabat. Electuarium cum cortice Peruviano præscripsi, postea pil. pectorales, syropos balsamicos & apozema deterſivum horis medicis sumenda suasi. Et postea pil. pectorales cum cerevisia pectorali aperitiva semel in septimana: nec non infusum de rhabarbato, vel dos. pil. stomach. cum gumm. & de ammoniaco magistrati, sumenda suasi hora somni; his assumptis evanuit morbus, & firma valetudine magna cum laude muniis jam solitis obitur. Eadem, vel methodo simili

Evam

Evan Mandsley de Penrvertham sanitati restitui.

Observatio IV.

Dominus *Blackburst* de *Preston*, tempore vernali Anno 1691. modo sequenti hoc morbo laborabat, angustia tanta pectoris confriktus erat, ut lineis tantum quibusdam describendis creber recurreter halitus, ab imo anhelans pectore: tussi continua titillante tempore decubitus infomnis jacuit, expuit sputum tenue, pellucidum, horis autem maturinis crassum, & quandoque æruginosum subflavum, vultus pallecebat, intumescere pedes, appetitus prostermitur, & vires indies labefactabantur. Eruptio miliaris cutem universam conspurcavit, urina erat exigua & lixivialis, & sæpius in die de calore & frigore conquestus est. In subsidium accersitus, statim phlebotomiam celebrandam institui, & fontanellam in brachio secandam, leves cathartes repetendas præscripsi, electuario postea sequenti usus est, dosi qualibet superbibendo haustum decocti amari alterantis.

℞. Pulveris Ari compos. ℥i℥. martis pp. ℥i. sal. spirituos. ℥i. conserv. cioborei, beccabung. recenter fact. aa. ℥ii. cum s. q. sirup. Chalib. F. Electuarium.

Hoc repetendum imperavi, & bis in die cum cerevisia pectorali sumendum, brevi vires recuperavit, & ab hoc morbo perfecte convaleuit. Anno sequenti Domine perillustri connubio conjunctus erat, & sex circiter mensibus elapsis recidivam passus est. Rursus ad me misit, tunc temporis autem tertiana epidemica me suspirante, Dominus *Parsons* in auxilium vocatus erat, cum qua methodo tractavit, nescio, in dies autem in pessum abiit, & hyeme sequenti ad me rediit, at quantum mutatus ab illo! marasmo universali jam confectus erat, vultus erat *Hippocraticus*, febris continua, rubor fixus genas utraque occupavit, dolore lancinante guttur quotidie terebrabatur. Cortic. Peruv. alcaliis, balsamic. natiscorbuticis, remediisque aliis appropriatis incassum tentatis auspicante vere, satis succubuit.

HISTORIÆ

In Statu Secundo.

Observatio V.

Dominus *Wood* de *Kirkham* B. A. cum per totam hyemem gravi laborasset tussi, initio veris me in auxilium vocavit; strigosum perfecte inveni, & quidem ad extremum marcorem redactum, nycthemeri spatio libram unam vel alteram sputi viscosi cerulei eructabar, glutine propemodum tenacioris; de dolore laterali quotidie conquestus est, & magna constrictione, & quasi mole pectoris, & debilitate tanta, quod vires vix ei sufficerent ab alia thori parte ad alteram sibi movendo, urina lixivialis fuit, sitis autem parva, vel nulla, nec quantum memini de calore quodam insigni conquestus est: in primis bolum purgantem ex electuario lenitivo præscripsi, postea decoctum ex radicibus *g. aperientibus* & *salvia agresti* vice potus communis institui, deinde per mensis spatium pro potu communi decoctum amarum alterans & traumaticum solummodo concessi, hora somni linctu sequenti usus est.

℞. Syr. capillar veneris, e succo hedere terrestris, balsamic. Tolutan. aa. ℥j. specier. diatreos ℥iij. gum. ammoniaci in aqua lumbrior. solut. ℥j. floram Sulphuris ♂. cum s. q. sirup. de g. radicibus F. linctus, c. coctus unum hora somni cum gut. 4. Balsam. Peruv. initio Aprilis, sumos de cerevisia pectorali aperitiva bis in die, & perfecte convaleuit, quod adstantes omnes tunc temporis pro miro habuerunt. Anno 1689.

Observatio VI.

Johannes Veale Anniger per totam hyemem gravi catarrho correptus fuit, Anno 90. initio veris ad me accedit, tunc temporis vultus erat pallidus & perfecte *Hippocraticus*, tussis, continua & sicca, horis autem matutinis sputum crassum sanguinolentum expuebat; tanta raucedine correptus erat, vix ut ullus vocem illius caperet; appetitus prostratus erat, sudoribus nocturnis propemodum colliquatus; de angustia & pondere pectoris conquestus est, & continuis intestinorum torminibus; urina lixiv-

vialis erat, & scabies sicca manus præcipue scedavit.

In primis decoctum lenitivum cum tinctura sacra præscripti, postea usum pilularum pectoralium, syruporum & decocti pectoralis, per 14. dierum spatium institui, & deinde pilulas pectorales & syropos, cum cerevisia pectorali per mensis spatium; ab his sanitati restitutus fuit, & jam pancreaticæ vivit.

Observatio VII.

Rogerus Threlfal tunc temporis invico de *Crosmore* habitans, Anno 91. ad me misit; vultus erat pallidus & macilentus, nec non tabe universali macerabatur corpus; sudoribus continuis, & febre lenta laborabat, nec non tussi continua, expuit & sputum crassum sordidumque, quandoque sanguinolentum: in primis bolum purgantem ex electuario lenitivo præscripti, & deinde usum cerevisiæ pectoralis aperitivæ per mensis spatium institui, nocte qualibet hora somni cepit gut. aliquot balsam. Peruv. in syrup. Balsamico Tolutan. & perfecte convaleuit.

Observatio VIII.

Filia natu maxima *Guiljelmi Torrving de Weston*, Anno 91. tempore vernali ad me accessit; vultus erat pallidus, oculi concavi, nares acutæ, humeri alati, & insigni quidem extabescencia totius corporis laboravit, febris erat continua, sitis intolerabilis, tussis continua, aspera arteria perpetuo titillans, parum vel nihil expuens nisi horis matutinis, & tunc sputum crassum eructavit, appetitus prostratus erat, & urina sedimento copioso albo saturata; ei infusum de rhabar. in aqua lactis alexiteria præscripti, nec non pil. pectorales, electuarius cum cortice Peruviano, syropos pectorales, & ab his sanitati restituta fuit.

Observatio IX.

Guiljelmus Farington de Ormskirk, pharmacopola, & in arte quidem ista hujusce Patriæ decus, pleuritide correptus erat, cui gravis successit catharrhus, nycthemeri spatium libram unam vel alteram sputi pellucidi saporis vitrioli martis per tussim eructavit; de gravitate & mole pectoris continuo conquestus est, indies extabuit corpus & appetitus prostratus erat, nec non calcu-

li sæpius cruciante paroxysmo laboravit; in consilio conjunctus cum Medico fideli & prudenti Doctore *Grundy*, phlebotomiam repetendam imperavimus, & catharthes lenes repetendas pro re nata, & usum pil. pectoral. apozematis, & mixturæ pectoralis instituimus, ab his valetudinem recuperavit, & per totam ætatem magna cum laude artem suam exercuit; tempore hyemali recidivam passus est, rursus in subsidium vocatus, methodum similem præscripti, & julapia pectoralia succo millepedum imprægnata, his autem haud cedente morbo cursum chalybeatum temperatum institui; & quia de mole ventriculi conquestus est, emeticum ex melle scillitico propinandum suasi, a quo copiose evomuit, & saburram ingentem viscosi phlegmatis ejecit, hinc dolor & moles ventriculi evanuit, & tussis parvas inducias dedit, brevi autem tempore redeunte calculi paroxysmo repululavit morbus; hinc suasi ut morbi syndromen delinearem, eamque celeberrimo *Gibbonsio* communicarem; his transactis vir celeberrimus aquas *Spadanenses* propinandas suavit, & cursum temperatum chalybeatum: nec non *Bocherum* ex sarsaparilla, pulveres quoque cinnabaris antimonii, pil. de styraçe, liquores ex cerevisia *Brunsvicensi* cum antiscorbuticis destillatos instituit, his horis medicis doglutitis, spes nova salutis affulsit, redeunte autem calculi paroxysmo rursus morbus revirescebat; hinc ætate elapsa *Thermas Bateovenses* adiit, rediit autem cum arundine alteri hærenti, expuit jam copiosius & crassius & saporis ingrati, hæctico calore & febre inflammatoria immunis factis succubuit.

Observatio X.

Anno 91. *Guiljelmus Tate de Blackburn* sicca laborabat tussi, qua nihil emolitus est, nisi horis matutinis, urina erat exigua & coloris cerevisiæ *Brunsvicensis*, lingua sicca & nigrescens, sitis continua, extenuatio universalis corporis, partes extremæ ad molem insignem tumuere, asthmate frequenter correptus erat, & pulmones tanta mole oppressi vix palmæ ad instar depresso resurgebant, in pectore sibilus perpetuus aures percutit, cui talis rauco succedit, ut vix sermo perceptibilis, tandem Medico isto expertissimo Doctore *Grundy* mecum in consilio conjuncto methodum sequentem instituimus. In primis per leves catharthes al-

vum

vum esse subducendam, deinde fontanellam in brachio celebrandam, & sequentia præparata.

℞. Pulveris millepedum pp. ℥iij. specier. diatreos ℥iij. gumm. ammon. in aq. lumbricor. solut. ℥i. florum Benzoin ℥℞. conserv. cynosbat. ℥iv. cum s. q. sirup. Balsamic. F. Elect. bis in die cum syr. & cerevisia pectorali aperitiva sumendum: his adhibitis modicum salutis statum recuperavit, & adhuc muniis solitis obitur.

Observatio XI.

Georgius Langvorb de Eccleston, Anno 90. me in subsidium vocavit; vultus erat virido nigrescens, appetitus prostratus, tussis continua & sicca nisi horis matutinis, quo tempore phlegma lividum viscosum emolitus est; his successit extenuatio corporis, partes extremæ tumuere, torminibus intestinorum inducias vix ferentibus cruciatus est, urina coloris fuit nigrescentis, & hic revera ab omnibus adstantibus conclamatus; morbum phthisin scorbuticam judicavi, & methodum sequentem institui, leves catharses imperavi, deinde electuaria chalibeata horis medicis cum cerevisia pectorali aperitiva sumenda, & perfecte convaluit.



D E

P H T H I S I

In Particulari.

C A P U T I.

De Phthisi ab Hemoptysi.

Observatio I.

Vir insignissimus *Petrus Bold de Bold, Armiger, a celeberrimo nec minus antiquo Stemmate oriundus, & animi nobilitate inter eos illius ætatis facile primus, Anno 92. ætatis 35. in gravem hæmoptysin incidit; mecum insigni Doctore Grundy in auxilium vocato, phlebotomiam repetendam inculcavimus, nec non haustus succorum hederæ terrestris, plantaginis, beua-*
Sydenham Opera Med. Tom. I.

bungæ, & aliorum ejusmodi prosapiæ jula-
piis refrigerantibus sumendos instituimus: ab
his sedato fermento sanguinis, ad vasa dis-
rupta consolidanda, vel saltem hiantia con-
stringenda, balsamica restringentia præ-
scripsimus, ex Balsamo scilicet Tolutano,
gumm. Arabic., & id genus aliis, postea
ad præcavendam putredinem a sanguine
pulmonibus extravasato, decocta pectoralia
balsamica deterfiva, nec non linctus, pi-
lulas pectorales, & medicamenta talis prosa-
piæ formis diversis instituimus; his debite
adhibitis cessavit hæmoptysis, & tussis, &
revera sanitati restitutus erat; ad recidivam
autem præcavendam ingurgitationem acidu-
larum & cursum chalibeatum remperatum
institui, & evacuationes per Epicrisin
diebus intermediis intercalandas. At prob-
dolor! vir celeberrimus indole animi dulcissi-
ma præditus, ut tesseram hospitalem haud
confringeret, liquores spirituosos nimis co-
piose ingurgitavit, & brevi postea catar-
rho correptus fuit, tussis fuit sicca & clango-
sa; horis autem matutinis phlegma vis-
cosum subflavum ex glandulis per excrea-
tiones, & pulmonibus per tussim eructa-
vit, indies emaciavit, appetitus dejectus
erat, urina magna ex parte suppressa, &
sibilus continuus in pectore aures percutit;
hinc pectoralia balsamica deterfiva, liquo-
res antiscorbuticos, mixturas succo & in-
fusionem millepedum imprægnatas institui,
his autem haud cessit morbus; versus au-
tem hæticum calorem indies vergebat, ad
hunc suppressum corticem Peruvianum
medicamentum Herculeum judicavimus, il-
lius autem usu tunc temporis hac in regio-
ne vix lanuginem adepto, inculcavimus
morbi syndromen delineandam, & quibus-
dam Collegii Regalis Londinensium commu-
nicanam, hinc viri celeberrimi Doctores
Rascliff, & Gibbons in subsidium vocati
sunt, & doctissimus Dr. Gibbons metho-
dum ex cortice Peruviano, & lacte asinino
instituit; his debite adhibitis morbus indu-
cias passus est, brevi autem repullulavit vi-
rus, hinc sputum crassius & copiosius, fe-
bris adauctior, diarrhœa immanior, dolor
terebrens fauces continuo infestavit, tumue-
re pedes, rubor fixus genas utrasque occu-
pavit, quo tempore omnibus sibi cognitis
lacrymas vi nulla coercendas effluentibus,
quasi in tot Niobes conversis; fato irresistibi-
li e medio tollitur.

Observatio II.

Dominus *Fletcher* de *Cartmell* Mercator, vir ingenio peracri, & totus negotiis deditus, Anno 89. in gravem hæmoptysin incidit, nycthemeri spatio librarum aliquot purpureæ massæ dispendium passus est, nec loqui potuit quin ore pleno sanguinem eructarit. In auxilium vocatus, statim phlebotomiam celebrandam institui, sanguis & eductus fuit tantopere spumofus, haud adhuc similem vidi. Ingurgitationem julapiorum refrigerantium, & succorum institui; sedato fermento sanguinis, decocta pectoralia pro potu communi institui, & ad catarrhum sistendum pilulas sequentes.

℞. Succ. bederæ terrestris per insolationem depurat. ℞j. florum sarsapar. siccatur. summitat. hyssop. salvie, pulegii aa. Mj. sem. anisi, carui, fœniculi dulc. contus. aa. ʒ℥. distillantur in B. M. ad medietatem, deinde F. colatura; quæ distilletur ad consistentiam pilular. addendo succi glycyrrhiz. ʒ℥. pulv. radic. enule campan. flor. sulph. aa. ʒiij. flor. Benzoin. ʒj. Balsam. Peruv. ʒ℥. tinkturæ sulph. ʒiij. Ladani Parisat. ʒij. M. F. massa formetur in pilulas exiguas, & sumat iij. hora somni; & primo mane ceruvisiam pariter pectoralem antiscorbuticam prescripsi, cui folia lingue cervinæ addenda curavi; hac methodo perfecte convaleuit per aliquot annos, & per plures annos pro potu communi lac cum aqua commixtum solummodo sumpsit: tribus annis elapsis recidivam passus est. Rursus in auxilium vocatus Phlebotomia celebrata sequentia prescripsi.

℞. Conserva Rosar. rubrar. cynosbat. aa. ʒiij. pulv. santal. omnium aa. ʒ℥. coral. rubri pp. ʒi. croci martis rubicundissimi ʒii. sal. prunel. ʒiv. cum s. q. syrup. e coral. F. Elec. hora somni & primo mane sumend. ad quanti aten nucis myristic. superbibendo haustum julapii sequentis.

℞. Aq. lactis pectoralis Batean. ℞i. porculac. spermatis ranar. aa. ʒiv. syrup. e succ. bederæ terrestris ʒii. sal. prunel. ʒ. M. F. julapium; pro potu communi decocta pectoralia institui, & hora somni gut. aliquot Balsam. Peruv. e cochlear. syrup. Balsamic. Tolutan. quoties recidivam passus est hac methodo usus est, & nullo negotio sanitatem recuperavit. Anno elapso repullulavit virus, quo tempore me in agrum Eboracensem accersito, vir præclarus ad medicamenta veterina quasi valentissima auxilia confugit; tunc

temporis autem phlebotomia manu liberali celebrata fermentum sanguinis haud sedari potuit, hinc cortic. Peruvianum dosi prætervaga exhibendum curavi; hoc debite adhibito morbus inducias passus est, & de magna constrictione pectoris jam conquestus est, & sputum crassum copiosum eructavit; hinc pil. pectorales deterivas, julapia pectoralia & syrupos prescripsi, & leves catharthes repetendas institui; vires autem & carnes in dies labefactabantur, tandem Kensington adiiit, quo loco post lunarum aliquot circuitus satis succubuit.

Observatio III.

Ricardus Tinkler de *Poulton* hospes, cum diu gravi hæmoptysi laborasset, gravi catarrho magnopere emaciatus erat, appetitus prostratus, & revera una voce pronuntiarent omnes ei nulla vestigia restorsum. In auxilium vocatus, phlebotomiam repetendam inculcavi, die sequenti levem potionem exhibendam curavi, & postea remedia sequentia.

℞. Conserv. Cynosbat. ʒiv. sal. martis, Balsam. Peruv. aa. ʒi. specier. diatrion. santal. aa. ʒi℥. cum s. q. syrup. Balsamic. Tolutan. F. Elec. ex hoc sumpsit bis in die cum syrupis & decoctis pectoralibus, postea per 14. diem spatium acidulas Lærbrienses copiose ingurgitavit, perfecte convaleuit, & jam pancreaticæ valet. Methodo simili *Henric. Stirup. Servus Udwardi Hyde Armigeri*, post dispendium librarum aliquot sanguinis ad integram sanitatem rediit.

Domina perillustis *Domin. Marsdea* de *Frekleton* ex mensium suppressione toties hæmoptyses passa est, post potiones lenitivas purgantes per electuaria chalybeata, & infusiones amaras chalybeatas nullo negotio ad sanitatem rediit.

PHTHISIS

Ex Vomitu Sanguinis.

Observatio I.

INsignis *Domina Domin. Farington* de *Scharv. Halle*, consors *Georgii Farington* armigeri, Anno 91. æstivo tempore per vomitum

nitum tantum sanguinis dispendium passa est, ut vix fuerit inter vivos habenda, algore universali correpta fuit, sudoribus algidis, pulsus & respiratio vix perceptibiles, vox defecit, & ab omnibus conclamata fuit. In subsidium vocatus, sequentia præscripsi.

℞. Cortic. Peruv. ℥i. corall. rubri, hæmæmætic. croc. martis restringent. aa. ʒ. confect. Hyacinth. ʒij. conserv. cynosbat. ʒiv. cum s. q. sirup. Balsamic. Tolutan. F. Electuarium horis medicis cum Julapio sequenti sumend.

℞. Aq. spermatis ranar. Cinnamom. bordeat. ænuioris aa. ʒiij. boli armen. ʒj. sirup. corat. ʒiij. F. Julapium.

His quarta vice dosi debita deglutitis, rediere vox, respiratio & pulsus; & de dolore terebranti pulsatili ventriculi conquesta est. Dom. Worthington de Wigan Chirurgus expertus apostema ventriculo pronuntiavit, ei autem sententiæ mecum Dr. Grundi reclamavit, quapropter ut methodo præscripta insisteret inculcavimus, diebus aliquot elapsis clysmata injicienda curavimus, & ingentem massam sanguinis istar picis nigrescentis per sedes ejecit, remediis sumptis, & semel repetitis, leves cathartes instituímus, decocta balsamica, & cerevisias pectorales, ab his ad sanitatem rediit, nisi quod vicibus quibusdam de phlegmate viscoso bronchiis pulmonum adhærente conqueritur, levi autem conatu cum pectoralibus balsamicis deterfivis evanescit.

norbat. Or sirup. de rosis siccis F. El. horis medicis ex Julapio sequent. sumend.

℞. Aq. melissæ, lactis alexiterie, cinnamom. bordeat. aa. ʒiij. confec. hyacinth. ʒj. sirup. myrtini ʒj. M. F. Julapium.

His debite sumptis fluxus cessavit sanguinis, & ipsa gradu lento indies vires recuperavit, vere sequenti de doloribus continuis versatilibus conquesta est, flatibus admodum molestis, appetitu prostrato, calore & frigore sæpius in die alternatim recurrentibus, nec non de continua siti, & revera perfecte strigosa fuit, ossibus scilicet nil nisi cute pendula adhærente. Hinc sequentia præscripsi.

℞. Pulveris Ar. compos. ʒvi. florum sal. armon. ʒss. animæ martis Vigan ʒj. conserv. cynosbat. cochlearie aa. ʒiij. lulule ʒij. cum s. q. sirup. de cortic. citri F. Elect. horis medicis cum Julapio sequent. sumend.

℞. Aq. lactis pectoralis ℥ij. limac. magistral. gentian. compos. aa. ʒiij. lumbricor. ʒj. sacchar. perlat. q. s. F. Julapium, in dos. qualibet instillent. gutt. 7. spiritus sal. armoniaci succinati.

His cum regimine deglutitis, & levi catharsi cum cerevisia aperitiva antiscorbutica semel septimana repetita, integre convaleuit, & onus jam Lucine gerit.

Phthisis ab Impetigine.

Observatio I.

Phthisis ab Hemorrhagia uterina.

Observatio I.

Domina Towning. de Weeton, uxor Guilielmi Towning, cum per plures menses hac laborasset, a magno dispendio sanguinis frequentes lypothymias & quandoque paroxysmos hystericos patitur; ad fermentum sedandum sanguinis electuarium cum cortice Peruviano pro basi præscripsi. Antidoti autem vires morbo impares fuere; quapropter electuarium sequens (cujus vires in eodem casu in domina Sudel de Preston expertus fueram) statim præscripsi.

℞. Corall. rubri pulverisat. succini flav. boli Armen. sanguinis draconis aa. ʒij. sem. plantaginis, vitrioli martis, croci martis restringentis aa. ʒj. cum s. q. conservæ de cy.

Quantum Græcorum & Arabum impetigines inter se discrepant differere, mihi brevitati studepti, morbumque descripturo Meridiano, uti loqui amant Mathematici, calculatum, a meta proposita alienum foret. In summa tamen hoc dici potest, hic morbus medicamentis vulgaribus raro cedit, & priusquam pulmones illius veneno conspurcantur, post salivationem repetitam morbum repullulasse novi. In hoc morbo symptomata præ cæteris vulgaribus ad sequentia reduci possunt. Rubris, duris tuberculis vultus aliæque corporis partes defœdantur, his maturitatem adeptis squamæ furfuraceæ ab iis decidunt, tussi molesta, tempore præsertim vespertino, corripitur ager, parum vel nihil expectorans, nisi copiam satis amplam sputi pellucidi, frigore continuo horis antemeridianis convellitur; huic calor

& sitis succedunt, adeoque inter duo extrema breves tantum dantur induciæ. Dolores pungentes tantopere fauces infestant, ut vix loqui vel deglutire valeat æger. Appetitus totaliter prosternitur. In hoc morbo, cum statum confirmatum attigit æger, sputum est copiosum, crassum, sordidum, cærulei, quandoque rufi coloris. In veneno quodam fomes morbi consistere videtur, quale autem sit parum scio; conjecturam tamen proponere liceat, verosimile mihi videtur in hoc morbo particulis salinis acidis luxuriare sanguinem, & genus nervosum, quæ cum particulis sulphureis massa sanguinis eliminantur, adeoque more sublimati cujusdam cuticulæ adhærent, sicut in tentamine sequenti conspiciere fas est; sume aceti acerrimi q. v. super lentum ignem impone organo quodam communi, vas lintheo raro cooperies, particulæ sulphuræ metallicæ una cum fumis acescentibus sublimabuntur, & operculo forma sicca albescente adhærent, squamis impetiginosis parum discrepantes. His accedunt rationes sequentes, istis cœlorum plagis hic morbus præcipue grassatur, quibus particulis atmosphæra dissipatur salis, scilicet paludosis, & summa hujus morbi antidotus in carne viperina consistit, cujus præcipua virtus acido infringendo constat, methodus medendi nititur catharticis, acidulis, viperarum & millepedum præparationibus, cerevisiis antiscorbuticis mitioribus, antivenereis, nec non peboralibus balsamicis. Historias plures recitarem, at in hoc casu nomina affigere forsitan ingratum foret.

Phthisis a Rheumatismo Scorbutico.

Observatio I.

Inter personas provectioris ætatis prope fluvios salfos habitantes hic morbus vernaculus appellari potest. E quorum numero Dominus *Ashton de Lea* prope *Preston*, Anno 92. me in auxilium vocavit, tunc temporis præter atrophiam universalem arenulis quoque propemodum confectus erat, per totum diem cruciatu immunis mansit, thoro autem haud citius se commisit, quin *Hydra* nova reviresceret; insomnis per totam noctem frequenter decubuit, quandoque eo usque furoris morbus evectus est, circa mediam noctem, lecto quasi tauro *Phalaris*.

dis aufugit, & levaminis causa per horam unam vel alteram cathedra prope ignem se apposuit, appetitus prostratus erat, & vix nosocomium *Skeleton* quoddam magis visui obiceret. Calore & siti immunis fuit, nec ulla tussi afflictus fuit. In primis potionem sequentem præscripsi.

24. *Decocti semina Gereonis* ℥iij. *syrup. de spina cervin.* ℥j. *diacnicu* ℥ss. *crem. tartari* ℥ss. *aq. lumbricor.* ℥ii. *M. F. P. cum regimine sumend.*

25. *Pulveris Ar. comp.* ℥vj. *florum sal. armon.* ℥ss. *animæ martis Vigan.* ℥j. *extracti trifolii fibrini* ℥ii. *conserv. cochlearia & flavedinis aurantior.* aa. ℥ij. *cum s. q. syrup. e cortic. citri F. Elect. boris medicis cum julapio sequenti sumen.*

26. *Aq. lactis alexiteria* ℞j. *gentian. compof.* ℥iij. *limac. magistral.* ℥ij. *lumbricor.* ℥j. *succ. express. e milleped.* N. 500. *sacchar. perlat.* q. s. *F. julapium.*

His deglutitis cerevisiam antiscorbuticam aperitivam institui, æstivo tempore acidulas *Larbricenses* ingurgitavit, & sanus evasit. Vere sequenti repullulavit virus, methodum similem præscripsi, altius autem veneno tincto systemate nervoso, conatus omnis irritus fuit; hinc post summos cruciatus, pedes, tibias, & femora tumuere, quapropter mortem adstantem pronunciaui; hinc vir probus, tunc temporis populari *Empirico* oppido *Prestonensi* suo more medicinam fascitanti (columnis scilicet oppidanis schedulis suis obrectis) *panaceis theatri* se commisit. *Medicaster circumforaneus* etiam si *Atrophiam* in summo gradu adstantem conspiceret, nec morbum nec vocis quidem etymologiam cognovit, quin certam ac subitaneam medelam promisit, at brevi tempore fraus fallentis detecta fuit, post mensem etenim unum vel alterum satis succubuit.

Observatio II.

Illustissima Domina Domina *Fleetwood de Penwortham*, cum cachexia scorbutica diu laborasset, totam propemodum antiscorbuticorum encyclopediam tentasset, parum autem levaminis recepit. *Thermas Bathonienses* adiit, conatus autem omnis adhuc irritus erat, eandem suavis viri celeberrimi Doctoris *Baynard*. Coll. Regal. *Londinens.* focii, tunc temporis herculeo successu, & summo ingenii cum acumine agro *Lancastriensi* artem Apollineam fascitantis, acidulas *Eboracen-*

enses adiit, has copiose per mensis spatium ingurgitabat, & sæpius septimana balneo isto frigido, *Saint Mungus* characteris insignito, se lavabat. Hinc dolores rheumatici & calor hecticus penitus debellati sunt, & per plures annos valetudini restituta fuit. Anno 90. recidivam passa est, rursus *acidulas* ingurgitavit, & morbus inducias passus est: vere autem repullulavit virus, & jam particulis salinis saturato sanguine, indies vires labefactabantur; tanta anorexia correpta fuit, ut a cibi usu vomitus in immanes incideret, & frequenter bilis æruginosæ copiam immensam eructaret, remediis quamplurimis incassum tentatis, indies sitis & calor hecticus eam affligebant, expuit phlegma viscosum cinereum, & quandoque æruginosum, asthmate postea correpta fuit, hinc sanguinis uncias aliquot a brachio sumendas suasi: sanguis eductus crassa pellicula glutine tenaciore obiectus erat, hinc alcalicis, volatilibus, pectoralibus, deterisivis, & antiscorbuticis cujuscunque generis incassum tentatis, rediit asthmatis paroxysmus, aphonia correpta fuit, & supremam clausit diem; hoc notavi, quia post dominæ celeberrimæ ab *acidulis* & *balneis frigidis* per torum morbi decursum solummodo quid levaminis accessit.

guos, aliter ex inæquali nutritione necesse est, partes a situ naturali declinent; similiter ad erectionem istius floris *Heliotropium* dicti *radii solares* requiruntur, quod detracto lumine solari vultu torvo & pendente terram despicit. Propter spiritus nimis parce fluentes albescit vultus, emaciat corpus, vacillant pedes, acescit sanguis, hinc tussis, febris lenta, & quandoque diarrhœa, humores viscosi intra fibrillas musculares extravasati, durities prædictas constituere videntur. In infantibus methodus medendi constat ex linimentis nervinis, medicamentis volatilibus, specificis, inter quæ prima jure *ens Veneris* & radix *Osmundæ regalis* recenseri debent. In adolterioribus methodus medendi constat ex medicamentis chalybeatis, decoctis & cerevisiis aperitivis, aquis mineralibus acidulis, *balneis frigidis*, & id genus aliis. Methodo priori infantes virorum illustrium *Ambrosæ Pudsay* de *Bolton Hale*, agro *Eboracensi* Armigeri, & *Joannis Franc* de *Preston* convalescere, posteriori methodo ab ipsis orci faucibus *Edmundus Forde*, filius natu maximus *Lancelotti Forde* de *Kendale*, sanitati restitutus fuit.

Phtisis a fluore albo.

Phtisis a Rachitide.

Observatio I.

IN hoc morbo tantopere vultus albescit, quod nive propemodum candidior infans, adeoque muscoli flaccescunt, vestimenti ad instar penduli cutis circumambit corpus, crura & pedes tantopere vacillant, corpori sustentando inepta evadunt, durities planæ & amplæ abdomine frequenter interspersæ, quæ idiomate vernaculo *Liver cake* audiunt; tussi corripitur æger, & quandoque diarrhœa. Febri lenta, & siti continua. In *medulla spinali* mihi somitem morbi consistere videtur, in hac quibusdam illecebris spiritus animales irretiti, influxu debito spirituum privantur nervi ab ea ramificantes; hinc nervi & fibrillæ musculares pabulo diurno orbatæ flaccescunt, & consequenter emaciatur corpus, & incurvantur ossa: in hac etenim tenella ætate, ut membra sint firma & recta, necesse est musculos membra circumambientes esse spiritu irri-

IN temperiem salinam sanguine mutato, lentorum colluvie luxurians purpurea massa, hinc viscosa saburra ventriculus infarcitur, quapropter nec edulia assumpta recte concoquit, nec male concocta sanguis assimilat; hinc fit quod magna chyli portio albo fluore præcipitatur, portiones aliæ intra pulmones subsidunt, hinc tussi corripitur æger, & sputum salum viscosum album copia prægrandi eructat. Intumescunt frequenter pedes; quod symptoma ab eadem falsedine sanguinis deduci potest. Lenta febris gliscit indies ex salino fermento, sicut mihi videtur, orta. Eruptiones miliaræ per cutim universam frequenter interspersæ sunt, & lumbago dolorosa summo opere torquet, albescit vultus, & caro indies intabescit, quæ symptomata per causam allatam facile explicari possunt. Methodus medendi consistit in primis viis detergendis, massa sanguinea invigoranda, & partibus continuo humorum fluxu tonum amissis, constringendis. Remedia huc collimantia, sunt emetica scillitica, cathartica aperitiva, chalybeata, & balsamica parum astringentia.

An

Ab his Serenissimæ quædam Dominæ oppido de *Preston & Kendale* sanitatem integram recuperavere.

Phthisis a Chlorosi.

Fœminis quibuscunque bene se habentibus a natura infit fermentum quoddam internum a pubertate finita ad senectutis usque lanuginem; hujus gratia per quemlibet lunæ decursum solemnes suas evacuationes habent, ex quibus suppressis pleuritidem, peripneumoniam, rheumatismum, & phthisin haud semel pullulasse notavi. Ab æstuanti quodam animi desiderio, & vitiato ventriculi fermento hæ sæpissime suppressiones contingunt, qualis aurem prospiciæ fermentum sit menstruale haud magis forsitan a priori explicari potest, quam fluxus & refluxus Oceani, *Cynthia* motum quasi tot *satellites* observantes. At ne altum silentium profiteamur, liceat conjecturam proponere; Chlorosin grave quoddam animi desiderium consequi, amorem scilicet, mœstiriam, omnibus in propatulo est, nec non appetitum diætæ cujuslibet obscœnæ, cretæ scilicet, calcis, carbonum & id genus aliorum; Sanguinem in hoc morbo detractum semper glutinosum inveni, & ventriculum viscosa saburra repletum, ex quibus opinari liceat, ex pathemate quodam graviore spiritibus nimium oppressis, vel circa quendam appetitum æstuantem copia nimis prægrandi absumptis, penu spirituum diurno privatur massa sanguinis, ex quo fit quod particule sanguinis tenaciores tardius motæ arctius coherent & viscosæ fiunt, sicut in tentamine sequenti videre est.

℞. Aq. & glutinis, q. v. vase quodam super ignem impone, dum particulis igneis partes aquosæ circumagitantur, efficiunt quo minus particule tenaces coherent, & liquidæ manent, amoto autem igne, statim viscosæ fiunt; pari forsitan modo dum particule serosæ & segnes in massa sanguinis, vi spirituum circumagitantur, serum sanguinis manet liquidum & lentoribus immune, æstro autem amoto, spiritibus scilicet pathemate quodam nimium absumptis, particulas segnes tardius movent, adeoque strictius coherent & viscosæ fiunt. Huic

sententiæ suffragatur clarissimi *Sylvii* auctoritas pag. 304. a mœrore autem solent humores reddi glutinosi ac viscosi; maxime in tenui intestino, & quidem propter succum pancreaticum idcirco factum austeriorem; modus revera, quo succi glandulares a quodam pathemate vehementi acescunt haud aliam iconographiam admittit, quantum ego conjectando valeo, quam liquores fermentiscibiles ab istu fulminis acscentes. Methodus medendi sumitur a vomitoriis, catharticis, amaris, detergentibus, volatilibus, martiatis, & aquis acidulis naturalibus & artificialibus, historias pene infinitas recitarem; at brevitati studens has omitto.


Phthisis Chylosa.

Observatio.

Post febres cujuscunque generis inter infantes præcipue hic morbus contingit, quapropter verosimile videtur, quod conflictu febrili spirituum penus summo opere absumitur, hinc in salinam dyscrasiam degenerat massa sanguinis, & verosimiliter, pars serosa sanguinis per salia coagulatur, adeoque lentoribus glandulæ mesenterii infarciuntur, quapropter in intestina regurgitat chylus, & si lacteæ totaliter obstruuntur, emarcescit corpus, intumescit abdomen, albescent fæces, & gravi tussi laborat patiens; quandoque lacteæ totaliter haud oppilantur, & hinc fæces haud albescent, intumescit tamen abdomen, & emaciatur corpus propter lacteas quasquam oppliatas; hoc symptoma frequenter notavi. Phthisis hujusmodi lento procedit gradu, tractu tamen temporis, glandulæ infarctæ mesenterii strumosæ fiunt, & quandoque glandulæ pulmonares, & in isto stadio conclamatum est. Methodus medendi quæ mihi præ cæteris arridet, & quæ spem raro aut nunquam abludit, modo sit in principio vel augmento morbi, sumitur a chatarticis aperitivis, inter quæ *Elixir Salutis* cæteris palmam præripit, diebus intermediis pilulas ex trifolio fibrino, gum. ammoniaco, & anima martis, instituo, nec non in adultis *Electuaria Chalybeata*, & *cervisias pectorales* ape-

aperitivas, ens veneris & radix osmundæ regalis egregii sunt usus, & ubi vermium suspicio, æthiops mineralis, abdomen sæpius in die linimentis emollientibus & aperitivis illiniendum inculco, & gestare Sylvii Emplastrum carminans, opio omisso. Hac methodo, filia natu maxima Domini Smith de Scalming Grange, & scæmina quedam prope *Whale-bill* habitans, sanitati restituta fuere. Plures recitarem; ad umbilicum autem jam ducere incumbit.

*Hic est finis Phtisiologie Lancastrensis;
redeamus jam ad ea quæ restant
de Clarissimi Thomæ Syden-
ham Processibus inte-
gris, &c.*



THOMÆ SYDENHAM

DE PODAGRA.

EXeunte Jannario, aut incipiente Februario ingruit hora fere secunda matutina, dolore pollicem pedis ut plurimum occupante, quandoque vero calcaneum, suram, aut talum; mox sequitur rigor cum horrore & febricitatione aliquali, dolor gradatim intenditur, (& pari passu rigor atque horror recedunt) idque in singulas horas, donec tandem sub noctem ad apicem pervenerit, nunc tensionem violentam, nunc morsum canis rodentis, quandoque pressuram, & coarctationem exprimens, hinc præ exquisito dolore, nec linteorum superincumbentium pondus, nec cubiculi a fortiori ambulatione concussionem ferre podagricus valeat; dolor non sedatur, nisi ante horam secundam, tertiamve matutinam (decurso scilicet nycthemeri spatio a primo appulsu) & jam leni madore perfusus æger somno concedit, a quo evigilans, dolore multum imminuto, partem affectam tumore recenter occupatam cernit. Sequenti die, forte etiam ad biduum, triduumve

dolet nonnihil pars affecta, idque vehementius advesperascente die, levatur autem sub galli cantu. Intra paucos dies alter pes eodem dolore torquetur. Postquam utrumque pedem exercuerit dolor, qui sequuntur paroxysmi enormes sunt, tum quoad tempus invasionis, tum ob durationem, atque ex serie horum paroxysmolorum, constat paroxysmus, qui dicitur podagra, diuturnior, breviorve, pro ægri ætate; in iis qui vegetiores sunt, & quos podagra rarius invasit, diebus sæpe quatuordecim, in senioribus, atque iis quos sæpius afflixit, duobus mensibus fere desinit; iis vero, qui vel annis, vel diuturniore morbi mora fracti sunt, non prius valedicit, quam ætas jam adultior eam fugaverit.

Ad quatuordecim primos dies urina coloratior est, cum sedimento rubro, & quasi arenulis referto, alvus fere constipata est, Appetitus prostratio, rigor totius corporis sub vesperam integrum paroxysmum committantur, recedentem paroxysmum excipit pedis affecti inter digitos pruritus vix ferendus; unde decidunt fursures, & pedes desquamantur.

Haecenus dolor pedibus tantum fuerit infestus; cum vero vel ab indebita medicatione turbatur podagra, vel ob diuturnam morbi pertinaciam corporis substantia quasi in morbi fomitem pervertitur; jam manus, carpos, cubitos, genua, aliasque regiones occupat, quandoque unum, pluresve digitos distorquens, fasciculo radicum pastinacæ similes eos reddit, motu paulatim privans, tandemque concreciones, circa articularum ligamenta, rophaceos generans, cretam vel oculos cancrorum æmulantes, nonnunquam in cubitis tumorem subalbum ciet, fere ad ovæ magnitudinem, qui sensim inflammatur cum rubore, nonnunquam semur occupans, sensum exhibet, quasi ingentis ponderis appensi, sine dolore tamen notabili, at genu exinde petens, id acrius urget, artus jam habet æger fere undequaque contractos, & impeditos, ita ut claudiceret, & permoleste prorepit. Urina illam colore imitatur, quæ in diabete excernitur, dorsum, aliaque partes moleste pruriunt, maxime sub horam somni.

Post multos, dirosque cruciatus paroxysmi subsequentes (natura partim onere materis peccantis, partim senio oppressa) ægrum quoad dolorem clementius tractant, at loco doloris consueti, ægritudo quædam cum dolore ventris, lassitudo spontanea, quan-

quandoque etiam propensio ad diarrhœam superveniunt, quæ symptomata evanescunt, quoties articulos dolor fatigat, atque ita nunc dolore, nunc ægritudine, quasi alternatim laceffentibus, paroxysmus longas moras neciit.

Calculus renum in quamplurimis parit hic affectus.

Fœminas perraro infestat, easque, non nisi jam vetulas, & viragines, pueros quoque, & juvenibus minores vix adoritur.

Indicatio curativa in eo vertitur, ut cœtioni consulatur, indigestionibus sublatis, seu sit per pharmaca, seu victus rationem, seu exercitationem, seu per alia ex istis quælibet, quæ sex res non naturales indignantur.

Venæ sectio, catharsis, ac diaphoresis scopum non attingent, licet iis qui *Renum simul Calculo*, & exinde orto *Mictu Sanguineo* laborant, non abs re erit semel in septimana, alvum *Manna* subducere, & singulis noctibus, post purgationem paregoricum exhibere.

Medicamenta, quæ prædictæ indicationi satisfaciunt, ea sunt, quæ moderate calent, & vel amarificant, vel linguam leniter feriunt, talia sunt, *Rad. Angelic. enulæ, fol. Absinth. cent. min. chamædr. chamæp. &c.* quibus addi possunt *Antiscorbutica* dicta, ut *Rad. raph. rustic. fol. Cochl. hort. nasturt. Aq. &c.* quæ tamen parcius usurpanda veniunt, quia morbi fomiti aculeos subdunt, & calorem augent, præ istis aliis, quæ miti calore, atque amaritudine, ventriculum corroborant. Haud inutile est *Electuar. sequens.*

℞. Conserv. Cochl. hort. unc. iß. Absinth. rom. flav. Aurant. an. unc. j. Angel. condit. nuc. moschat. cond. an. unc. ß. Theriac. Androm. ℥iij. Pulv. ari. comp. ℥ii. cum s. q. Syr. Aurant. f. Elect. de quo sumat ℥ii. bis in die superbibendo seq. Aq. distillat. Cochl. v. vel vi.

℞. Rad. raphan. rustic. incis. unc. iij. Cochl. hort. M. xij. nasturt. Aq. beccabung. saliv. menth. an. M. rv. cort. aurant. No. vi. nuc. mosch. cond. No. ii. cerv. Brunsvicens. ℞xii. destillentur organis communibus, donec solummodo ℞vi. aquæ elician- tur pro usu.

Hæc autem remedia *digestiva*, constanter, atque omni adhibita diligentia, assidue usurpanda, & in *Paroxysmorum* intervallis præcipue in usum revocanda sunt.

Mediocritas ea in cibo observanda est, ut neque plus alimenti ingeratur, quam ventriculus concoquere valeat, neque e contra nimia abstinencia, partes ea proportionem alimenti defraudentur, quæ earundem robur & vigorem sustinere potis est. Quoad qualitatem ciborum, ægri palato consulendum est, & unica ciborum specie singulis pastibus vescatur, de cæteris, dempta carne, pro libitu comedat, modo nec acria, nec sale condita sint, nec aromatis. Prandere tantum expedit, loco autem cœnæ indulgeat sibi haustum cerevisiæ alicujus tenuioris, quo calculi concretio impediat.

Liquores optimi sunt, qui neque ad vini generositatem ascendunt, nec ad aquæ debilitatem, ne frigore suo lædant ventriculum, deprimuntur. Hujusmodi est *Cerevisia tenuis Londinensis*, aut multa aqua cum paucio vino permixta; aqua autem pura & cruda periculosa est; cum autem universa fere corporis substantia in podagram degeneraverit, a liquore quocunque fermentato quantumvis levi, & tenui abstineat, & utatur *Decocto Dietetico ex Sarsa*, in remedium formulis descripto, ubi primum a paroxysmo convalescit, per reliquum vitæ cursum.

Sin autem æger a longo, & nimio liquorum inebriantium usu, vel ab ætate proveciore, vel denique præ nimia debilitate, cibos absque vino nequeat concoquere, in pastibus haustum vini Hispanici sibi indulgeat, *Apozema Dieteticum* abdicans.

Æger, maxime hyemis tempore, mature lectum petat, diluculo exurgat, animus sit tranquillus, nec nimis intentus studiis, & rebus seriis, cæteris vero omnibus, exercitatio corporis quotidiana, facile palmam præripit, quæ moderata sit, & perseverans, nullo autem modo justo vehementior; quoad exercitii genus, quoties nec grandior ætas, nec calculus intercedant, reliquis præferenda est equitatio constans, ac assidua aëre salubri, aut vectio in curru.

Veneris lenociniis ne indulgeat. Remedia externa nulla adhibenda.

Quamvis nihil magni in paroxysmo tentandum sit, conducet tamen fortasse per aliquot dies, ubi primum a morbo corripitur a carnibus abstinere, jusculo uti avenaceo, aut alio pari alimento, sin autem spiritus animales ataxiam concipere apti sunt, non expedit a carnibus abstinere diutius, quam ventriculus earum usum adversetur,

ne

ne quid autem vel in quantitate, vel in qualitate ciborum aut potus peccet.

Symptomatibus iis occurrendum est, a quibus æger in paroxysmo de vita periclitatur. Horum maxime familiare est, ventriculi languor, cum ventris torminibus, tanquam a flatu. Hoc in casu, nihil æque votis respondet, ac vini Canarenſis haustulus subinde deglutitus, exercitio utatur æger; ſin autem symptoma, inducias haud ferens, mortem minitetur, modo caput malum non imperat, ad *Laudan.* ſtatim confugiendum, viz. gutt. xx. in haustulo *Aq. Epidem.* & in lecto ad quietem æger ſe componat; hac ipſa methodo ſe ab imminente morte liberavit Auctor clariffimus, ubi ex errore aliquo, circa res ſex non naturales, in ingentem ventriculi ægri tudinem incidit, cum vomituritione, & aliquali ventris dolore; artus interim, ex retroceſſione materiæ podagri-

cæ, doloris erant expertes, ac ad motum plus ſolito habiles; Congium nempe unum liquoris poſſetici, vel cereviſiæ tenuis devorabat, & quamprimum totum per vomitum rejecerit, Vini Canar. haustulum, cui inſtillatæ fuerint *Laudan. liquid. gutt. xviii.* ſumebat. Quod ſi huic remedio symptoma non cedat, ſudor provocetur, methodo & medicamentis huic uſui dicatis ad biduum, triduumve, mane & vesp̄i per duas treſve horas continuas.

Si autem metaſtaſis fuerit materiæ peccantis in pulmonum lobos, liberatis artibus a dolore, & tumore, tractandum eſt hoc symptoma, pari modo ac peripneumonia abſoluta, venæ ſectiōe ſcilicet repetita, diætā, & remediis refrigerantibus, & incrassantibus: purgandus eſt inſuper æger, inter venæ ſectiōes, potionibus lenientibus, ſudoris autem provocatio obest,

F I N I S.

ADMONITIO.

Ne quid desit eorum omnium, quæ super Constitutionibus Epidemicis hætenus in Ephemeridibus Germanicis & alibi vulgata sunt, hic, quamvis extra ordinem, adjiciemus, tum ea quæ in hoc argumento, de annis 1697. & 1698. fuere scripta, quæque a nobis proprio loco omissa sunt, tum alia omnia, quæ ab anno 1701. ad annum usque 1717. in variis Germaniæ locis fuere observata, quæque ad manus nostras non prius pervenerunt, quam opus nostrum ad finem prope deductum esset.

HISTORIA EPIDEMICA GERMANIÆ.

*Constitutio Epidemica Augustana
An. 1697.*

DN. D. LUCÆ SCHROECKII,

Academ. Cæsar. Leopold. Naturæ
Curiosorum Præsidis.

QUam Morbona Anno elapso ad finem vergente quietem Medicis Augustanis concesserat, multam hoc quoque continuaverat, ita ut licet morbi aliqui epidemice Urbem infestarent, raro tamen multos invadere deprehenderentur. Morbilli in primis & variolæ tum benigniores, tum confluentes, gravibusque symptomatibus stipatæ, puerilem æque ac juvenilem ætatem invadebant, & cladem iisdem inferebant. Dn. G. mercatoris filiulus novem annorum, cum variolas feliciter superasset, paulo post mense April. in tres etiam sorores fratremque octo annos natum contagium derivaverat; inter quas sororcula triennis, ad medicamenta sumenda difficilis, atque pustulis non adeo multis licet laboraret, ob crassæ lymphæ bronchia obviscantis abundantiam gravius respirans, nec non cephalalgia intensa, cum subsequo ex aure dextra purulenti humoris, parciore tamen effluxu tentata, accedentibus convulsionibus sensim defecit; in altera autem sorore, decimum ætatis annum agente, non admodum agrotare visa, variolæ quidem plurimæ, nec difficulter prodierunt, nulla tamen arte, in justas pustulas extolli atque suppurari recusarunt,

ut & ipsa tertia hebdomade obierit; tertia vero soror sedecim annos nata, atque confluentibus variolis obsita; de intenso totius corporis ardore, quem & ipse rubens cutis color testabatur, potissimum conquesta, feliciter emerfit; cumque ipse frater, qui variolas discretas mediocri numero efflorescentes, nec symptomatum aliorum concursu graves licet pateretur, decimo tamen a decubitu die, magnam narium hæmorrhagiam subiit, quæ per quatrimum subinde recurrens, variolarum tamen neque ad interiora ingressum, neque mortem induxit, sed temperationum emulsionum post usum cessavit, quam, variolis jam exsiccatis, icterus plurium dierum excepit, a quo iusculis, herbis recentibus bellidis &c. medicatis sensim convaleuit.

Plenitides etiam veræ, & peripneumoniæ, in principio si negligebantur, senibus in primis funestæ; quin & catharrhi graviores faucibus molesti, ac fere suffocativi, tussisque humidae notabantur; in illustrissimo quodam Barone fauces constringebantur, ut suffocationis in periculo versaretur, cui elixir proprietatis Claud. cum spiritu cornu cervini mixtum præsentaneam opem præstitit, & recurrentem aliquoties insultum potiuncula laxativa, subductis serosis viscositatibus, penitus abegit. In aliis decocta herbæ veronicæ, radice liquoritiæ, seminis anisi &c. aliæque serum stagnans dissolvendi vi pollentia, & quæ illius abundantiam blande eliminabant, laxativa se commendarunt. Nonnullis facta serosa materię in ventrem inferiorem metastasi, cum subsequa diarrhœa, aut febre tertiana, morbus fuit solutus; quidam virili in ætate constitutus; cum faciei intumescantiam, intenso calori, cephalalgia & virium debilitati junctam incidisset, paulo post, a propinata bis sudorifera potione, cessante tumore

more atque dolore, serum peccans inde per anteriorem corporis partem defluere, scorumque in molem insignem extendere sensit, eodem tamen tumore, post propinatum binis solum vicibus diascordium Fracastorii, alvumque sicciorum per folia sennæ prunorum Damascenorum decocto infusa referatam, a cataplasmate ex resolventibus & discutientibus pulveribus cum lacte coctis parato, facile iterum evanescente.

Ut porro arthritides vagas, ischiadicos dolores, in Anni præcedentis exitu memoratos, & hucusque urbem infestantes taceam, febres etiam ardentes in pustulosas sæpe & maculosas efflorescentias, non absque malignitatis aut contagii nota, & cum dorsi præcipue ac capitis magno dolore in principio conjunctas, abeuntes; præcipue autem, præter erraticas, quotidianæ ac tertianæ notabantur; quæ cum primum invaderent, continuatum in aliquibus metum, vehementi suo calore, cephalalgia, deliriis ac virium debilitate, incusserant; brevi autem tempore a propinato, varia sub forma, chinchinæ cortice, & sine quo difficilis ac fere frustranea reddebatur, cura, interposito quandoque blandiorum evacuantium usu, absque recidivæ metu, ni gravis in diæta error committeretur, recesserant; prout nec continuæ febres, bezoardicis & diaphoreticis continuatis haud immorigenæ, perfectam sanitatem semper admittebant, nisi superstitem vitiosæ lymphæ abundantiam, ventriculo in primis atque intestinis molestant, in fine morbi lenitivis commode educere studuissent. Nobil. Matrona, floridæ ætatis, sanguinæque constitutionis, in fine secundi mensis gravida, post cibos concoctu difficiliore in tertianam incidit, cum permolesto tensivo dolore, a quo, post biduanum specifici stomachici Poteriani usum, pulveris Peruviani scrupulum unum in tantillo vini Neccarini rubri subastringentis, mane & vespere per duos dies sumpsisset, libera quidem evasit; insignem vero uteri hæmorrhagiam, cum abortus periculo incurrit, quæ tamen a coralliorum rubrorum pulvere tum solitario, tum lapidibus mariti ac terræ sigillatæ commixto, successive exhibitæ, imperata simul quiete, sensim cessavit, alvo interea sicciori & flatibus gravata, cibis lubricantibus minime, foliolis autem sennæ parva quantitate decocto prunorum Damasc. infusis, obsecundante, partu vero filiolum justo tempore sanum & vegetum excludente.

Pluribus ophthalmiæ, & genarum non tantum œdematosos tumores, modo indolentes, modo odontalgicæ, in ulcuscula buccarum interna aliquibus terminatæ, juncti, molestiam magis quam periculum creverunt, sed parotides etiam glandulas, modo in uno, modo in utroque latere, cum præcedente febrili effervescencia, in pueris quandoque ad delirium usque spiritus magis mobiles exagitante, lymphæ lentescencia stagnatio, M. Majo occupaverat; nec catharrhæ capitis & pectoris gravedines M. Junio omnino aberant. Ophthalmiæ ardorem nihil felicius, quam vini spiritus linteolo exceptus & impositus compecebat. Parotides autem, juxta cum diaphoreticorum usu, emplastrum malasticum August. simplex discutiebat.

Infirmis hisce, quæ a feri stagnationibus ac coacervationibus, nec non ob sufflaminatam insensibilem transpirationem, variarum impuriorum particularum iniquationibus commode derivari amant, producendis, frigida aëris inclementia, & postea inæqualitas plurimum contulisse videbatur; cum enim primus Anni mensis frigore, admodum quandoque intenso, crebrisque comitato nebulis, infestus esset, quas M. Februario frequentes nives, præter frigoris continuationem, vespertinis autem horis remissionem excipiebant, Martius & Aprilis principium inconstantia sua modo nebulas, pluvias, nives, modo serenitates, aëris teporem frigusque produxerant; usque dum sol ad Tauri signum propius accedens, amœnioris veris spem faceret, inque Majo calores æstivis fere æquales primo excitaret, quos tempestates non infrequentes, nobis equidem per Dei gratiam clementiores, vicinæ autem nostræ, atque remotissimis etiam in locis, in primis die 21. st. n. grandine insolita (nobis equidem e longinquo saltem comparente) admodum damnosæ sequebantur; quam intemperiem succedens zephyri vehementia d. 27. nivem copiosam adduxerat, aëremque postea ad pruinas matutinas usque, in fine Maji, sub crebriori euri flatu, ac cœli serenitate refrigeraverat: cum ceteroquin temperatior aëris status & grata caloris variatio M. Junio nihil inconstituti corporibus nostris inferret; accedente præterea crebriori ventorum alternatione, qui modo ab orientali, modo occidentali in primis plaga urbem hucusque perflaverant, terramque a pluviis licet multoties madefactam

factam iterum exsiccaverant, quin & simul continuo isto aëris motu plurima morborum miasmata discusserant.

Nec aliam æstas faciem induerat. Sole autem Leonis signum percurrente, frigidiusculam frequenter auram, & crebriores pluvias, metis collectioni multum damnosæ, zephyrus adduxerat: quæ ipsa temporis constitutio, præsertim horarum fructuum abundantia cum daretur, diarrhæas non paucas, minus tamen periculosas aut refractarias pariebat; usque dum Sol Virginem tenebat, ubi meridionalis ventus nubila discutiens, serenius, vespertino tamen & matutino frigore horridiusculum cælum reddiderat. Cum æquinoctio tamen autumnali crebriores zephyri impetus plurimas denovo pluvias, frigore comitatas, adduxerant: quæ pluviosa, ventosa & frigida facies usque ad Solis in Scorpionem adventum continuaverat; ubi sub ulteriori varia ventorum alternatione, frigida aëris intemperies, quam Sole Sagittarii signum ingresso, diurnæ nebulae & postea crebriores nives comitabantur, nec non circa hyemale solstitium pluviae ac temperatior aura exceperant; finem autem Anni frigidus ac nebulosus aër clauserat.

Interea variolæ, quamvis malignitate carente visæ, atque odontalgia nunquam recesserant; ante æquinoctium autumnale febres etiam quotidianæ & tertianæ, nec non ruses humidæ æque ac convulsivi quid habentes contumaciores, in puerili præcipue, sed adulta quoque ætate, nec non post æquinoctium rheumatismi ad brachia, atque senescente Autumno febres petechiales notabantur, quin & ischiadica passio, cum præcedaneo vel comitante circa os sacrum dolore, haud infrequenter occurrebat; quæ etiam extra urbem infesta erat, quin multis in Sueviæ locis plurimos excruciare ferebatur.

Odontalgia quidem majorem pene incolarum partem affligebant, ut rarè in civitate domus essent, in quibus malum hoc non inveniret hospitium, a medicamentis vero serum ex corpore subducentibus, ac præterea spiritus ferocientes demulcentibus opiatis, noctu parva dosi successive exhibitis, certius, quam aliis artificiis, expelli aptum: qui vero dentium ab evulsione lenimentum speraverant, pertinaciorum ut plurimum dolorem experti fuerunt.

Rheumatismos ad brachia, in quibus nec rubedo nec tumor notabatur, capitis dolor

aut gravedo prægressa, a feri ex cerebro in nervos decubitu, productos fuisse indicabat; quorum difficilis erat cura, quæ etiam reiteratio laxantium ab usu promptius, quam sudoriferorum successerat; externe autem crebriori spiritus vini camphorati aut similibus inunctione symbolum conferente.

Qua ipsa etiam methodo coxarum dolor tractari volebat, a simili in nervos feri abundantis translatione dubio procul ortus, præcipue cum illum ab ossis sacri regione potissimum principium sumpsisse, ex ægrotorum relatione constiteris.

Febres petechiales minus erant lethiferae, pleuritides ut plurimum in principio mentiebantur, dolore capitis semper, deliriis tamen nunquam, vel rarioribus infestæ. Sic vir quadragenario major, J. C. S. melancholici temperamenti, d. 22. Novembris st. n. subito horrore cum calore alternante, intensa cephalalgia, vigiliis, virium prostratione, lateris sinistri dolore punctorio, & appetitu prostrato prehensus, tincturam bezoardicam sumpsit, sine ullo levamine. Die morbi tertio vocatus, potionem diaphoreticam ex diascordio Fracast. sale cornu cervi volatili, & pulvere rubeo Pannonico duabus vicibus sumendam præscripsi; nox inquieta, d. quarto horror & dolor lateris remiserunt, capitis vero erat tolerabilior, urina paulo minus tincta quam præcedenti die, idem medicamentum mane continuavit, vesperi ad alia nausebundus, tincturam bezoardicam solam admisit, nocte quietiore subsequente; d. quinto eadem, sitis adaucla, quam aqua pomis citriis medicata, demulcebat; tincturam continuavit, quam tamen postea sibi nocere imaginatus est; successit tussis sicca, molesta, fortasse a potu frigidior; nox inquieta, d. 6. dolor in capitis tantum dextra parte recruduit, tantus, ut nec manus attractum ferret, ab imposita vero herba recenti rutæ, cum baccis juniperi contusis, atque inter sudandum (quæ continua diaphoresis, sub temperato aëris regimine per bolum ex diascordio, sale C. C. vol. & antimonio diaphoretico, quavis sexta hora exhibitum, sensim promovebatur) cum halitum quasi aliquem ex aure dextra erupisse sensisset, remisit; die 7. in meliori statu versabatur, urina minus tincta & petechiales maculae cum intermissis plurimis pustulis aqueis in collo, pectore & dorso orumpebant, sicque successive alias etiam partes d. 8. 9. 10. occupabant; quas, earum ante ignarus, d. 11. 12.

in manibus etiam obortae conspiceret, valde contristatus inde & perterritus fuit; urina quoad colorem naturali similis, noctu largiori rivo effluxit; d. 12. tussicula continuavit, sitis intensa, urina maxima in quantitate, & longe ultra potus sumpti mensuram exercebatur, aquea prorsus, cum summa virium prostratione; unde vinum sive succum cydoniorum saccharatum aqua dilutum bibere vesperti iussus est: cuncta mala inde mitigari visa, nocte etiam quieta succedente, calori interea adhuc gliscienti moderato bezoardicorum, & tandem unicorni marini matutino ac vespertino usu obviam ibatur; die 16. noctu sudor magnus cum totali morbi cessatione erupit.

Mulierem juvenulam, J. L. tertio mense gravidam, eadem symptomata d. 21. Novembris invaserant, altero die meam opem domi tantum desideravit; d. 4. ut ipse accederem rogatus, magnum sanguinis aestum & præcordiorum angustiam adesse observavi, dolor lateris erat remissior, urina tincta, sed copioso viscido sedimento repleta, vesperti & noctu aliquoties narium hæmorrhagiam moderatam patiebatur; d. 5. dolor capitis tolerabilior, cor liberum, vesperti dolor colicus; qui d. 6. a sumpto amygdalarum dulcium oleo, & bino subiecto vomitu cessavit, remanente tamen stomachi ardore; petechiæ apparent; nox insomnis, sed alvus soluta; d. 7. stomachus pacatior, noctu parum deliravit; d. 8. somno, quamvis interrupto nonnunquam fruebatur; d. 9. nonnihil cibi sumpsit, sicque continuans, d. 13. vesperti cibo se replevit, unde appetitus denuo prostratus; cæterum d. 14. satis commode vixit, sumptaque tinctura bezoardica, quam aliquoties per morbi decursum, (juxta cum temperationum diaphoreticorum, alexipharmacorum, uti pulveris rub. Pannon. specier. diacret. Myns. &c. usu adhibuerat) noctu alvus cum torminibus soluta est; petechiæ sensim disparuerunt; e contra febris quotidiana, vesperti calore infesta successit, quam chinchinæ infusum, cum aqua cichorii factum, post colaturam paulatim ebibitum, brevi profligavit; ipsa ægrotæ postea debito tempore puerpera feliciter reddita.

Virginem N. J. unum supra viginti annum natam, eadem febris, similibus symptomatibus stipata, d. 24. Novembr. occupaverat, præterquam quod dolor pleurítico similis non adesset, hypochondrium vero sinistrum doluerat; sumpsit, ex matris con-

silio purgans, quæ d. 3. meam opem domi imploravit, cui potionem diaphoreticam bis sumendam ordinavi; d. 4. ipse eam visitans, petechiis & pustulis totam maculatam, cæterum melius se habentem deprehendi; & cum diebus sequentibus quatuor, tincturam bezoardicam, reliquis medicamentis fastiditis, diligenter sumpisset, d. 9. ob alvum constipatam supra memoratum infusum sennatum bibit, a cuius usu circa vespertam ingentem quantitatem excrementorum pituitosorum, sanguini & puri permixtorum unica dejectione emisit, sicque protinus convaleuit.

*Constitutio Epidemica Augustana
Anni 1698.*

Laudatissimi D. D.

LUCÆ SCHROECKII.

Anni principium equidem aura temperiori pluviis stipata illuxit, paulo post tamen nivosum & frigore horridum comparuit; & quamvis miriorem interdum temperiem, atque post Februarii initium zephyrus pluvias adduceret, mox tamen eurus nives & frigus intensius reduxerat, usque dum circa æquinoctium vernale, zephyrus vehementer spirans crebriores pluvias concitaret, alternante subinde cum ipso euri impetu, utroque autem terra imbribus sæpius irrigante, sicque ad finem usque Maji, qui ideo, ut passim alibi in remotioribus etiam locis, frigore horridiusculus comparuit, continuante.

Interea pauci ægrotabant; tussis tamen graviores ac contumaces, nec non pleuritides, nonnullis ob vehementiam lethales, variolæ, febres continuæ, paucae malignæ, icterus, (cui martialia medicamenta, acidulæ Egranæ, essentia mineræ Martis Hass. opitulabantur) ob aëris inæqualitatem sparsim notabantur.

Circa Solis autem in Taurum ingressum febres tertianæ, intenso circa scrobiculum cordis compressivo, in regione etiam dorsi opposita molesto dolore, cephalalgia, interdum & vomitu stipatæ, plures invaserant, sed a sumpto purgante, & chinchinæ pariori etiam dosi facile curatæ; Virgo viginti annorum, eadem prehensa, frigida potu die morbi sexto, cessante febre, mox in sinistri lateris sævum punctorium dolorem cum febre acuta, sputoque cruento incidit, quod

quod in purulentum die octavo morbi mutatum, sumpta binis vicibus olei amygdalini recenter expressi dimidia uncia, copiose per alvum fuit eiecsum, sicque cessante tussis ferocia, & calore præternaturali (cui antimonii diaphoretici larga dosi obviam ivi) ab iterato dicti olei usu, die nono convaleuit.

Post tot tandem pluvias cum jamjam Junius appropinquaret, serenior aura comparuit, caloreque fortiori terram iterum exsiccavit, Cereri autem & Floræ Bacchoque vires crescendi attulit; quæ serenitas, a pluviis tamen sapius interrupta, calorque toto mense illo continuarunt: Julius vero crebrioribus imbris & nimbis, zephyri vehementia subinde comitatis, infestus successit; quam humidam aeris constitutionem Augustus etiam mensis, frigoreque insolito, sub euri dominio, austeriorem reddidit, ut ita messis non tantum serius inciperet, sed non exiguo etiam in periculo corruptionis versaretur, quam tamen blandior cæli facies, post Solis in signum Virginis progressum, satis exoptatam in vicinia nostra reddidit, ut quæ subsequuta fuit annonæ caritas, non tam Cereri deficienti, quam ad commune aliatum regionum exemplum compositæ, impiæ infortiorum avaritiæ imputari debuerit. Inclementior autem September, præter multiplicem ventorum variationem, diversam etiam aeris temperiem, ut plurimum tamen humidam & frigidam produxerat, donec d. 5. Octobr. st. n. Sol discussis nubibus, decem dies sereno nos reficeret: postea tamen austerior Favonius cum aeri pluviis iterantibus multum frigoris impressisset, November præmaturum hyemis adventum dabat, crebrioresque nives spargebat, ita tamen ut varia tempestas subinde intercurreret, nebulis, pluviis, serenitate, ventisque modo ab occidentali; modo orientali aut meridionali plaga spirantibus molesta, atque hyemale usque ad solstitium continuans; quo præterlapso, zephyrus vehemens, pluviis stipatus, temperatioris aerem effecerat.

Interea, mense nempe Junio & præsertim Julio, morbilli puerilem ætatem invaserant, plurimosque lecto affixerant, non adeo difficulter tamen, temperatiori sub regimine, & absorbentium dictorum ac diaphoreticorum blandorum, pulveris rubei Pannon. oculor. cancr. &c. usu curabiles; donec sub æquinoctium autumnale plane dissiperent. In non paucis quidem hæcticæ

dispositione, tussique pertinaci, sive ob diætæ errores, sive ob præexistentem acriorem sanguinis constitutionem superstitæ, diligentiori tamen sanguinem contemperantium usu, non neglectis, ubi opus, laxantibus, & quæ vermibus, quorum vestigia non raro notabantur, resistunt; tandem devictæ. Licet crebriora quoque funera puerilia numerare tum temporis datum fuerit, non tam mortis, nostrorum Medicorum artem haud adeo eludentis, malignitati, quam incuriæ potius, vel perversæ muliebri sapientiæ, aut medicastorum imperitiæ adscribenda.

Cæterum rariores apud nos hoc tempore ægrotabant alii, nec epidemicorum morborum tyrannis major notabatur. Julius quidem febres quotidianas, tertianas, catarrhos pectori molestos, Augustus colicas, dysenterias; September præter cruentos hos fluxus, variolas majores, (*Schafblateren* nostratibus dictas) Octobris initium strangurias seniles; adultus, cum subsequis Mensibus, pleuritides veras ac spurias; December catharrhos ad fauces ruentes (morbos omnes ex coarctata in sanguine sensim per tot aeris anomalias, frigidas præsertim & humidas, viscidiori lymphæ ortos, quæ tandem per varios in diætæ errores hic vel ibi stagnabat, aut etiam eandem ob causam, vel sponte in orgasmum concitabatur) alebat, non adeo multi tamen eorum impetum experiebantur. Febres, interdum præcipitanti-
bus sic appellatis, chinchina autem pariori etiam dosi sumptæ facilius; catharrhi continuato expectorantium usui, non posthabita, quæ sæpe conjungebatur, febris intermittens cura, & corpore semper blande evacuato, cedebant; colicæ, quæ flatuosa quidem dici merebatur, non sine convulsiva tamen labe erat, atque ideo lumborum conjuncto dolore & urinæ suppressione nephritidem simulabat, demulcentia & potissimum laxantia, sive ore sumpta, sive clysteris forma adhibita; dysenterici, tormentillæ vel catechu essentia aut extractum, cum paucis opio maritatum, & parca dosi sapius assumptum, medebatur; variolæ benignissimæ, cum febrili tamen calore, vehementiori quandoque, paucarum tamen horarum spatio finito, invadentes, nulla fere sine medicinx ope sensim sponte exsiccabantur; stranguriæ illæ, quæ visciditatem lymphæ in primis corrigunt, perque urinarios meatus educunt, uti essentia carminativa Wedeliana, spiritus nitri, tincturæ cor.

cortic. aurantior. mixtus &c. Pleuritidi vero nostris in pharmacopoliis usualis pulvis, cum antimonio diaphoretico, lapillis gammarorum &c. medelam conferebant.

*Constitutio Epidemica Basileensis
Anni 1698.*

D. D. JOANNIS JACOBI
HARDERI.

Mense Februar. sub finem, cum brumæ alias rigorem adhuc experiremur, sol calore suo primi veris delicias præciter sperare fecit, quas cum Aprili dehinc, tempore destinato oprabamus pleniores, amarulentas reddidit sævientis Eoli frigus, nivalisque ingruens tempestas, in Majum usque continuata, fructuum nociva pestis, nec tamen variolæ, quæ non modo tenellam, sed etiam adultioræ ætatem frequentissime infestabant, funestæ fuerunt apud nos, contra quam Sturgardiæ vidimus & audivimus, ubi complures materiæ malignitas, præmaturæ mortis tradidit. Ingruentibus hinc pertinacibus, copiosisque pluviis, etiamsi sol desideratissimo suo calore, terram reliquis mensibus fovere studeret, usque tamen aquarum depluentium cohortes, ejus igni offecerunt, inde September efficaciam illius tam necessariam, magis experiebatur quam Augustus, utraq; minus maturæ, Octobri mense, infortunium tantum graviter luerunt, dysenteria non tam apud nos, quam in vicina rusticam gentem crebro exercente.

November circa sui initium, candida nive arva utcumque tegebat, brumæ aliquali rigore per octiduum durante, quam mox intempestivus calor, udosus, cum pluviarum copia excepit, ad finem ejus tantum non durans pleuritidis, febriumque continuarum hic illic genitrix.

Mense Decembri crescente luna, etiam brumale frigus intendi ac durare cœpit, parilli subitaneo udoso ac pluvioso calore, præter votum ac expectationem, scenam dehinc mutante, neque tamen morborum exitia-
lium frequentia, annus iste, vere anomalus, ferax fuit.

*Constitutio Epidemica Berolinensis
An. 1697.*

D. DOCT. GUSTAVI CASI.
MIRI GAHRLIEP

von der Mullen.

Januar. Styli Gregoriani, gelu nonnunquam satis rigido, borea ut plurimum flante, pauca nive quandoque interspersa cœpit, quo ad quintus usque duravit, tunc succedente cauro paulum triduo continuo regelascens, 19no gelu redintegravit, & 21mum si exceperis, tolerabiliorem, ut & 28vum vulturno spirante remittentem, ad ipsum usque finem, ac subsequens Februarii 9num continuavit. A quo tempore rigor ille remisit, atque blandiori æthere, nonnunquam apprime amœno, gelu interpolavit, ad 20mum usque, qui frigore rigidiore recrudescente, noctu præsertim, de die vero parum mitescens, ad finem ac porro quintum usque Martii transiit. A quo rigore paulatim desæviente, mitiora tempora veris prodromos, nebulas pluviis & sudo intercalatas tulere, ad 14tum usque verna, sed ephemera serenitate & amœnitate commendabilem, succedente cum vulturno nubilo & horrido triduo, sed pluribus ad 24tum usque suavioribus pensato. Hic 24tus repedante vulturno variam & ingratham Aprili alias familiarem aëris intemperiem tulit, frigore pluviis, nive quandoque & grandine, nocturno quoque gelu nonnunquam distinctam, ad 30mum usque, adeoque ultimum, durante sparsa noctu nive copiosa, a succedente diurna serenitate ac aliquali amœnitate rursus colliquata, notabilem, primum sic trimestre grato fine terminantem.

Morbi hoc trimestri non adeo frequentes aut populariter grassantes fuerunt, nisi forte ob variabile gelidum initio & horridum, humidum postea plerumque & tempestuosum cœlum, catharrhos quis aut tusses febribus ut plurimum comitatas huc trahere velit, defluxiones in uvulam & tonsillas, præteriti anni defluxionibus molestia & pertinacia analogas; Prætereaque pleuritides nonnullas, variolas interspersas, paucos adultos, plures infantes adorientes, malignas quasdam ac periculosas, benignas plures, paucas lethales. Paralyseos item & apoplexias quibusdam exitiosas, arthritides vagas scorbuticas, ut & febres varias, quan-

doque & acutas & continuas, exanthematis etiam scorbuticam malignitatem testantes.

Aprilis temperato sed pluvioso facti exordio, unico interposito sereniori die, nimirum secundo, ad 9num usque nocturno gelu, diurnisque nymbis ac imbribus horridum processit. Postea ameniore paululum cœlo, noctibus tamen adhuc gelidis, quandoque & nivibus, pluviis ac ventis quibusdam variato, ad 19num transit amenitate verna & serenitate sero stabili cum succedentibus, 13io solum frigido ac procelloso excepto, ad 30num usque adeoque ultimum mensis, adblandientem.

Successit *Majus* frigore moderato, interdum tamen, initio præsertim borea inspirante, rigidiusculo. Postea sereno cœlo admixtis licet sub finem præcipue nonnullis pluviolis sic satis amœnus & ad fertilitatem, 31num eumque postremum, grandine nimis asperum & nocivum si dempseris, pronus.

Huic rursus *Junius* pari fere amœnitate ac serenitate, paucis secundo forte & quinto blande rorantibus, 7mo & 8vo, illo turbido, hoc Africo stante nimbo, 12mo & 24to imbre sæcundo arva rigantibus, 26to imbre tonitru jungente, 27mo, Africo rursus pluvias spargente, udo, variantibus diebus exceptis, conformis, torus prope ad finem usque temperatus.

Morbos trimestre perinde non multos genuit. Præter enim febres nonnullas, paucas intermittentes, pauciores continuas, & catarrhales paucissimas, variolas si dempseris & epilepsias infantibus quibusdam infestas, rarissime tamen lethales, pleuritides quædam & arthritides vagas scorbuticas, cardialgias, cephalæas, odontalgias & asthmaticos affectus paucissimos, parum negotii Medicis fecerunt alii morbi. Id quod æris clementiæ adeo stabili Majopæsertim & Junio humores in laudabili ac moderato statu conservanti, nec nimio æstu exagitantis tribuendum esse reor.

Julius trimestris tertiæ initium pari cum præcedentibus amœnitate, clementia ac serenitate cœli, secundum & tertium sæcundis imbribus temperans fecit; Verum sequenti sexto sudum diurnum circa noctem horrendo tonitruum identidem reboante fragore, & fulgetris fere continuis animos & oculos immensum perculit. Septimus quoque, octavus & decimus mitius tamen paulo, serenum die cælum vesperi tempestuo-

so tonitru sædarunt. Reliquum ad finem usque mensis vario, sed non adeo turbulento, udo tamen nonnunquam & nimbo aëre transit.

Talis quoque *Augusti*, 7num, 8vum, 10num, 12num, 16tum, 17num, 30num & 31num, adeoque postremum, serenos & amœnos dies, si exceperis, status fuit.

Nec procul ab his ultimis diebus abluit *Septembris* initium, primum nimirum biduum sic satis serenum & amœnum, cui quatriduum successit, autumnæ præludium, imbridum ac frigidum. Quod septimus æstivum sudum æmulatus correxit, cui 8vus paulo frigidior, sed adhuc & 9nus, 10mus, 11mus, ad 18vum usque, qui imbris vespertini aliquod interscenium inferuit, sereni successerunt, sequentes ad 22dum usque ejusdem quo præcedentis tenoris, temperata nimirum serenitate commendabiles, ut & reliqui ad 27num usque, paulo, cum sequentibus tribus postremis, turbidiorem, frigidiorum, & aspersis subinde pluviis ac ventis asperiorum.

Rari admodum hoc trimestri fuere morbi, nec præter diarrhœas atque dysenterias, utur pro proventu omnis generis fructuum valde, DEO largiente, uberi, nec gula illecebris suis parcente admodum paucas, tusses nonnullas, paucissimas febres, pleuriticos quosdam & asthmaticos affectus, nec non unum alterumve paralyticos & arthritidis scorbuticæ casum, alii fere nulli occurrerunt.

October mixta pluviis frequentibus serenitate pauca accessit, ac quatriduum hac ratione processit. Quintum serenum & amœnum totum, sextus totus udosus secutus; sed septimus & sequentes ad usque mensis finem sexto serenitate pene pares, præter nonum & ejus sequaces cum sudo borea spirante frigidulos, 13um roridum, 17num imbre madentem, 24tum, 27num & 28vum pluvias nonnullas spargentes, 29num vero & 30num sicque ultimum cæciam, frigoris intensioris auctorem ascendendo horridos, in procellam tandem valde impetuosam prima *Novembris* degenerantem, verum secundo & tertio paululum desævientem. Quartus & quintus tranquilliores fuerunt ac sereniores, rigidi tamen adhuc, sextus mane nebulosus, postea præcedentibus similis, septimus frigidus ac nubilosus, octavus ad sequens usque mane nimbulosus, ex quo serenior 9nus, 10mus pri-

nam tulit glaciem ad noctem usque 12mi durante, pluvia subsequens 13tii & 14ti rursus liquatam. Quos 15to sudum admodum gratum cum æstiva amœnitate quasi certans, sed ephemerum excepit. Ab illa brevi serenitate matutinis & vespertinis pluviis, in procellam 17mo quidem desinentem, sed hujus & sequentium antemeridianum cum pomeridiano, pluvias inter & turbidum, siccum tamen cœlum partiendo ad 25. usque, si 21mum serenum totum & amœnum excluderis, & 25tum sequentes duos boreali sudo commendabiles. Tandem 18vus Divo Simoni Judæ dicatus frigidus & turbidus, 29nus pluviis horridis mixtus, 30mus demum serenus denno totus, sed borea paulo acrius spirante gelidus agmen dierum Novembris clausit. Successit December primo die rigorem precedentis prima nive sparsa temperans, at secundo gelu redintegrans, sequentibus cum nive pluvias alternavit ad 11mum usque, qui cauro aspirante raro gelicidio gelu satis intentum substituit, qui sequens nivem rursus submitit, atque hinc, borea cauro succedente sequentes duos gelu prius moderatum, decimo sexto in rigidum valde degenerans, decimo septimo nive copiosa paulo temperatius, decimo octavo vero & vigesimo magis, accedente copiosa nive, invalescens, vigesimo primo rursus, vento remittente ac nive repedante, mitescens. Triduum sequens mitius adhuc, vigesimo tertio pluvias immiscuit ad vespem usque vigesimi quarti sereniorum at gelidiorum, subsequente quadriduo vehementi gelu, vigesimonono demum remittente ac post nebulam toto die trigesimo cœlum obscurantem; trigessimoprimum vero discussa nebula sudo redintegrato simulque gelu reddente, ultimum hoc trimestre sicque totum annum 1697. terminante.

Morbi hoc ultimo trimestri paulo quam precedentibus frequentiores fuerunt, ob ætheris & aëris nunc sereni, nunc turbidi, nunc sicci, nunc humidi ac pluviosi, nunc tranquilli, nunc turbulenti & procellosi, nunc temperati ac remissi, nunc gelidi ac horridi, varie invicem alternantis, sicque pro diversitate constitutionis suæ, humorum quoque diathesin & crasin, communicantis tum per inspirationem, tum per ambientes, & poros corporis subeuntes variorum tam ætheris, quam aëris miasmaturum particulas, diversis forte ut formis, sic qualitatibus instructas diversimode moventibus,

alterantibus, ac ad varias ebullitiones, orgasmos, metastases, quandoque sed raro in melius, sæpius in pejus disponentibus atomis, mutantis. Hinc exorti diverso tempore diversi morbi Medicorum animos & curas exercuerunt. Inter quos potiores fuerunt febres variz, tum intermittentes, tum continuæ, hasque inter nonnullæ etiam malignæ, exanthematibus quoque variis, purpura, morbillis & variolis stipatz, non tamen adeo frequentes ut epidemiarum nomen iusto titulo mererentur; præterea catarrhales, tussi, vertigine, odontalgia, inflammationibus gutturis & tonsillarum, uvulæ laxationibus, angina, suffocationibus, hypocondriacas imitantibus, præcordiorum oppressionibus scorbutis familiaribus, comitatz, arthriticæ, pleuriticæ, nephriticæ, colicæ passiones, epilepsiz, sed raræ, ut & paralyseis tam particulares quam universales, apoplexiæ & has inter quedam funestæ & læthales.

*Constitutio epidemica Berolinensis
Anni 1698.*

**Dr. D. GUSTAVI CASIMIRI
GAHLRIE**

von der Mullen.

Primus mensis Januarii st. Greg. biduum serenum ac gelidum remissus excepit degelascens ac pluviosum sex dierum intervallum. Nono temperato diei, decimus successit frigidus paucis nive canescens dies, triduo turbido in boream tandem, satis vehementer exstuantem, despumante comitatus, ac altero triduo miriori nivibus, nebula ac pluviis ex parte interpolato exceptus. Inde ingravescent paulatim gelu vulturno boreæ succedente vigesimo mensis die, octiduum continuavit, postea mirius aliquanto æstum ac nives glaciei deliquescenti interspersæ, donec repedante una cum aquilone, ultimis hujus primi mensis ac quatuor Februarii diebus graviore gelu serenius cœlum illuxit; mox vero rursus remittente, ac in pluvia nivi mixta fatiscente obscurum æther ad decimum septimum usque penitus degelantem perdurans. Inde gelu euro flante paulatim denuo vires resumere cœpit, ac succedente aquilone, & aquiloni tandem apæstia, huic vero rursus euro valide insurgente paucis tantum intermixtis nivibus ac paucioribus blandis remissio-

missionibus ad finem usque Februarii & sequentis Martii nonnum continuavit. Tunc verna de die amenitas, sereno aethere ridens, austro aspirante advecta, ablandiri quadriduum visa est, noctibus interea adhuc gelidis subsecuturum, borea pristinam recuperante sedem, gelu minantibus, euroque boreæ succedente aether, unico vigesimo septimo sereno ac temperato die excepto, ad trigésimum usque, primum Pascharis Gregoriani diem festum turbantibus, qui ipso a nocte gelida, reducta aliquali temperie, sequentem medium festi ac ultimum mensis ut & trimestri huius primi diem sudo ac sereno aëre beavit.

Morbos primum hoc trimestre, præter scorbutum indigenam pro varia aëris mutatione varios exhibuit, quos inter febres tam intermittentes, quam continuæ, eæque ardentes satis frequentes, ac quasi epidemica, malignæ quoque nonnullæ variolis, præsertim confluentibus, uti dicuntur conspicuæ, eminuere valde nonnullis infestæ ac periculosa, pleuritides hisque affines affectus, peripneumonix hæmopote nonnunquam comitatæ, & catarrhales, variis defluxionibus molestæ: ruses contumaces, asthmaticæ quandoque & suffocativæ, arthritides vagæ, hypochondriacæ, colicæ, nephriticæ passionibus & hystericæ, sed hæc posteriores prioribus rariores.

Aprilis primus secundi trimestris, festisque prædicti Pascharis postremus, dies æstivum mane æmulatus sudum a meridie primo tonitru sat gravis frigore animos amenitate ac festivitate diei in horros & campos prosectorum, atque ludis & genio indulgentium valide perculit, subsequenti- bus hunc primum pluribus ad 28. usque Martii continuavit serenis ac amenis diebus interea gelidis intercalatis, prima fronte ablandientibus, mutata vero vigesima octava sparsis tota die pluviolis faciem variam, ut plurimum turbidam, horridam ac inamœnam Aprili genuinam induit.

Quam etiam primus Maii retinuit, & paucis interfertis sudis, ut 2. 5. 10. 17. 23. ad 27um usque continuavit, qui vigesimus septimus verna temperie ac serenitate acceptus, cum sequentibus nativam huic mensi gratiam redintegravit.

Eademque sequentem Junium, (octavo solum excepto, cauronimirum amenitatem præcedentium pluviis intersparis turbante, ac duodecima cum successore decimoquarto in turbidum & undosum degenerante) se-

renis ac amenis, nec nisi patissimis nonnunquam ventis ac pluviolis paululum exasperatis, ad ipsum usque finem commendavit.

Secundum hoc trimestre cæli benignioris ac stabilioris favores morborum quoque ratione mitius aliquanto priori egit: præter enim scorbuticos quosdam affectus, febres, catharrhales quoque nonnullas sparsim infestantes, acutas & ardentes paucas, malignas raras morbillis subinde sociatas, hypochondriacas nonnullas passiones, pleuritides paucissimas, asthmata, cardialgias, ac cephalas, vix alios produxit.

Julius, præcedentis Junii sudum continuando, huic ad decimumtertium usque duranti pluvisum, & quandoque nimbosum ac subfrigidum triduum succenturiavit, cui triduum rursus serenum ac gratum successit, a biduo turbidiori paulo & inconstanti, vento ac pluviis subinde interpellato, exceptum, recuperata tamen pristina amenitate, uno forte alterove paululum degenerantibus ac pluvias nonnullas aspergentibus, ad trigésimum primum usque, adeoque ultimum mensis continuavit.

Augustus mox ab ingressu procella turbatus, severiorem paulo frontem induit, ac quinto solum sudo & temperato, ut & decimo inter serenum antemeridianum ac pluvisum & tonitru fragoso horridum pomeridianum pensum suum partiente, nec non vigésimum octavum æstivam adhuc amenitatem redolente, paucisque aliis paulo mitioribus exceptis, totus varius, turbidus, frigidus, pluvisus & nimbosus fuit, unico postremo trigésimo primo sereno & amenis gratiæ pristinae factam quasi jacturam quadrantenus reparante, ac

Subsequenti Septembri conservandam tradente, qui eam septimo, octavo & nono a tonitru nocturno frigidis & plurimum pluvisis, tanquam triduo degeneri decimoquinto, decimosexto & decimoséptimo turbido rursus & frigido triduo, ut & vigesimo primo & vigesimo secundo ejusdem sortis, biduo exclusis, ad vigesimumquartum usque servavit intemeratam; donec autumnus tempestuosæ & inconstanti indoli cedens horridiorem ac tempestuosam assumpsit larvam.

Morbi hoc tertio trimestri vario & multabili frequentiores paulo quam secundo fuerunt, febres præsertim tam benignæ, quam malignæ, symptomatibus varii generis stipatæ, rarius intermittentes, sæpius conti-

nuz, & ardentes, catarrhales quoque & pleuriticæ in hecticam & phthisin proclives, malignæ quoque, aphthis, quandoque purpura, nonnunquam morbillis, frequentius variolis, raro petechiis, sæpius infames, lethales quoque & epidemicæ grassantes; & has præter cephalalgia, cardialgia, asthma, arthritides statz & vagæ intercurrentes.

October ultimi trimestris primus detecta antecessori suo horrida, quam sub exordio sumpserat, larva, gratiori vultu scenam ingressus, sexto die æstivæ amœnitatis personam ad rôtum usque serena & exporrecta fronte egit. Exinde paulo austerior nubiloso ut plurimum ac ventoso cœlo varius, vigesimo sexto & vigesimosextimo biduo sereno præmisso, vigesimo octavo, primam sparuit nivem, mox in pluviam postea fatiscentem, nocte succedente gelida, pruina a sudo gelascente exceptam tulit, cui biduum successit amœnum ac temperatum, subsequente turbido mane cœlo trigesimo primo in pluvias tonitru hoc tempore insolito comitatas, circa noctem deficiens.

November initio inconstans, mox euro instante serenior gelu induxit, remissius quidem primo nebulis subinde intermixtis, circa quam tamen aquilone irruente satis rigidum. Nivem copiosam valde præter expectationem cauro sufflante in horridum & intensum gelu quinque dies durans erupit; decimosexto tamen desæviens noctu remittere, ac subsequente decimosextimo sudo penitus degelare cœpit. Inde rursus instabilis, nunc turbido cœlo asperior, nunc sereno temperatior, post nives vigesimotertio denuo sparsas, vigesimoquarto gelu satis intensum redintegravit, ac ad finem prope mensis continuavit, postremo mensis die libanoto aspirante, degelascens.

December a primo ad octavum paulo gelidior, varius, pluviosus ac nimbosus, ab octavo ad decimum quartum gelu, sed interspersis, utut raris nivibus mite ac temperatum induxit, a decimoquarto præcedentibus algidiore varium asperum, ventis subinde ac nimbis horridum cœlum ad finem usque mensis continuavit, tandemque circa vespæram trigessimiprimi, adeoque ultimi hujus mensis & anni diei, senis tonitru, hoc anni tempore plane insoliti ac portentosi, pluribusque funesti fragoribus anno huic 1689. valedixit.

Morbi hoc trimestri præter febres quas-

dam continuas ardentes, ab omni malignitate haud vacuas, purpura & morbillis eam prodentibus, catarrhales satis frequentes, tussi contumaci & ferina, catarrhis & defluxionibus scorbuticis debita, valde infestæ & molestæ fuerunt, variæ, inconstanti, horridæ ac immiti cœli constitutioni natales suos debentes. Præterea arthritides vagæ, præsertim scorbuticæ, pleuritides, diarrhœæ & lientericæ frequentes, dysentericæ tamen raræ, pro proventu prunorum hoc autumnno valde uberi, cardialgiæ, & hæmoptoes nonnullæ. Sub finem tamen & soporosi ac comatosi nonnulli affectus, quibusdam lethales, eidem frigidæ ac humidæ aëris intemperiei hac hyeme prædominanti, omni procul dubio imputandi.

*Constitutio Epidemica Sangallensis,
finis Anni 1696. & principii 1697.*

DN. DOCT. SYLVESTRI SAMUELIS
ANHORNII, DE
HARTVISS.

Vix dysenteria æstiva grassari desiit, autumnus successit, ventis austrinis die nocteque spirantibus, uvis fructibusque maturandis coaptatus, infantibus vero in hoc fatalis, dum insolito tepore diurno atque nocturno, ad turgescientiam motus sanguis puerorum tenerior, morbillos variolasque exclusit, quas perpaucis effugisse datum fuit. Fuerunt, qui febre continua cum inquietudine, deliriis, multis deterioris notæ symptomatibus ad septimum diem dubie agitati, exhibitis ex aq. ulmar. CC. citrat. ac diaphoreticis temperatis ex magist. anrimon. diaph. CC. ph. ppt. & unicorn. fossili, per sudorem vel hæmorrhagiam subsecuta crisi convalescerunt. Plures vix ac auræ liberiori commissi, insuper morbillis, hosque adhuc excipientibus variolis correpti fuerunt. Declinante autumnno, & æstu remittente, mixtim grassari cœperunt febres & variolæ, plurimum tamen morbilli. Mense Novembri & Decembri initio varia fuit cœli facies, tempestas aquilonia, nebulosa, pluviosa, frigidior, morbillos qui vix superarunt, jam cum variolis colluctare, febricitantes visi non sunt, & morbilli perpauci, variolæ solæ, candida veste terra recta, magis magisque propulularunt. Fuerunt autem optimæ indolis, cito erumpentes, rubræ, molles, fastigia-

stigiatae, distinctae, cito maturae, nec foveas relinquentes.

Deterior fors fuit illorum, qui serius, non quidem matura tempestate, in principio anni 1697. iisdem decubuere. In plurimis copiosiores ac confluentes visae sunt. Multi cum febre intensa, convulsionibus, ventris meteorismo & dolore intenso, ac alvo constipatissima; pustulis tandem violaceis, lividis, nigris notati interierunt. Id vero est quod notari meretur, non alios praeter lanionum infantes, & quidem trinos quandoque, & binos una in domo (ceu quod sordibus & squalore ex pellibus ad exsiccandum expositis, cruore & carne praeter aliis sordescant illorum domus, vel quod minus ac alii curam infantum habere possint) hoc ventris meteorismo petechiisque lividis fuisse correptos, atque sublatos. Si quando in aliis etiam domibus variorum bonae notae, tres, quatuorve huiusmodi maculas interspersas habuerunt, mox illae lanceola parumper scarificatae, digestivo suppuratae, & ad separationem escharae perductae fuerunt; haec tandem separata, fovea illa nunquam non instar fonticuli nunc latior, nunc profundior relicta nova carne expleta atque consolidata fuit.

Inter adultos hoc hyemis decursu, quamvis omnia frigore horruerint, nihil epidemii observatum est.

Ver vario ingruit caelo, aestum subitaneum pluviae repentinae cum ventis septentrionalibus exceperunt. Discordiae accesserunt a vicinis commotae, quae cruentum nonnullis excidium minitari visae sunt. Inter sexum muliebre hunc errore percussum crebri abortus conspiciebantur. Nonnullis tempestiva venae sectio & instituti sudores cum bezoardicis, quae sanguis coagulum tollunt, bono auxilio fuerunt. Nati abhinc infantes multi convulsionibus occubuerunt. Viri vero insuetas horrido imbribus caelo excubias diu nocturnae strenue agentes, omnem tempestatem innoxie tolerarunt. Perpaucos tussis praevia corripuit.

Aestas & autumnus ex frequentibus quamvis pluviiis injucundi, insalubres non adeo fuerunt.

Mense Septembri apoplexia nonnullos corripuit.

Femina provectioris aetatis ex paralyti lateris dextri, praemisso vomitorio, sudoriferis atque specificis in & externis apoplecticis usitatis, intra triduum convaluit.

In alia nobilis familiae Matrona paraly-

sis manus dextrae cum intercepta bihorium loquela, aquis aut apoplecticis, frictionibus, sudoriferis &c. restituta fuit.

Vir septuagenario major, Reipl. Senator, recidivam passus ex instituto vomitu loquelam statim recuperavit, at paralyticus in latere sinistro permanet, dum per phlogoses & stragulas ferendi impotentiam, propter tumorem sensumque hepatis exquisitum, ad sudorem se componere hactenus non voluit; qui tamen praeterito anno, toto latere paralyticus, sudoribus quotidie institutis, integre convaluit. Interim hepatis inflammationi convenientibus, in & externis prospicitur, inter quae emplastrum Norimbergense impositum, ceu praestantissimum sibi paregoricum, summe extollit. Fotus etiam particulares cum decocto herbarum, non sine levamine insiruantur.

Alius sexagenarius inter pocula sensu motuque privatus concidit, cum stertore spiritum duxit, in manu nullus, pede vero aliquis motus restabat, concitato syrupo emetico vomitu, & deinceps in usum vocatis frictionibus, lotionibus aliisque usitatis anti-apoplecticis, paucas intra hebdomadas in pristinum rediit.

Neogamus dissolute vivens, dum in templo sacris interesset, subito expalluit, concidit & domum deportatur, per hypocaustum tractus varieque agitato, ubique elanguidus movere ne digitum voluit, pulsus fuit tardus & debilis, externa frigeant, jacuit stertens a nona matutina ad primam, sine sensu & motu, ingesta difficulter deglutiit; ego accersitus ex uno cochleari syrupi emet. porrexi gr. iii. tart. emet. Operatio demum post bihorium successit. Phlegmata porracea frequenti vomitu reddidit; sudor toto corpore disfluxit, sanguis e naribus protrusus est, sicque corporis motus, linguae ac rationis usus paulatim redierunt.

Infeliciores fors fuit puellae alias praeter ceteris venustae, quae novendecim annos nata menses nunquam vidit. Hinc sensim expalluit, macilentior, tristior & difficilis ad motum evasit, scabie vexata, unguenta tartarea cum mercurio praecipitato adhibuit, tempestate frigidioris pluviosa vestibulis male munita e domo exiens frigori pluviiisque pro expediendis negotiis incaute se credidit; post horam domum deportatur a quo sensu motuque privata, stertens, & apoplectica, crebroque vomendi tentata conatu. Vicinus vocatur chirurgus, qui ve-

nam

nam ipsi fecat. Sanguis non nisi guttatim prodiit. Dantur spiritus cerasorum, aqua vitæ naribus spirituosa admoverur, Capiti imponitur aq. Reginæ Hungariæ; interim ego advocatus syrupum emericum propinari jubeo, quem vix medium deglutiit, dum expectatur operatio, accedunt convulsiones, miseræ circa vespérâ finem vitæ faciunt.

*Constitutio Epidemica Posoniensis An-
norum MDCXCV. MDCXCVI.
MDCXCVII.*

Dn. D. CAROLI RAYGERI.

Quamvis inter sit Medico nosse & observare aëris constitutionem ac inde resultantibus morbos, jam suo tempore agnovit graviterque inculcavit Hippocrates, dum ita librum suum de Aër. Aq. & Loc. auspiciatur: *Quicumque artem Medicam integre assequi velit, primum quidem temporum anni rationem habere debet, quantum potentia quodlibet eorum valeat. Non enim simile quicquam in illis existit, verum differunt invicem propter varias, quæ in illis sunt, mutationes*: Hinc qui morbi singulis anni temporibus proprii qualesque fiant in illis mutationes, tam prolixè tota describit sectione III. Aphorismorum. Nec dubitavit Galenus *τὸ θᾶν* in morbis ambientis nos aëris constitutionem appellare, quam quidem sententiam fusius examinat & pertrahat *Celeberrimus D. D. Melchior Sebiz. p. m.* in *Dissertatione sua de eo quod Divinum est in morbis*. Sane rem tam salutarem rei-que medicæ summopere proficuum jam pridem mecum animo revolvens, statim ac manum praxi admovi, constitui singulas aëris & temporum vices indeque exortorum morborum generationes & mutationes diligenter observare, annuatim colligere ac endemiis & epidemiis meis Hungariæ, cum tempore prodituris inferere. Id cum etiam a. XXV. annis scilicet ad annum usque 1695. pro meis usibus præstitissem, communicatur mihi a Perillustri ac Magnifico Domino Præsidi laudatissimum suum institutum, quo voluit, ut, qualis in diversis regionibus & provinciis fuerit aëris constitutio epidemica, observaretur, & quotannis ephemeridibus curiosis infereretur. Quo intellecto, substiti in privato studio, & quæ illo tempore hac in materia a me observata atque annotata in publicum contribuere decrevi, modo initium faciurus ab

Anno M. DCXCV.

Cujus constitutio hic Posonii in Hungaria fuit talis.

HYems rigidissima, nix plurima, gelu in Martium usque durans, Frigus immediate post solstitium incæpit, & toto Januario sine remissione continuavit, nives cecidere supra nives, gelu supra gelu. Nec mitior Februarius, ipseque Martius adhuc frigore & gelu horridus.

Mense Jan. plurimos observavi ex castris redeuntes colica laborasse convulsiva; absque dubio febribus autumnalibus, partim non bene curatis, partim male circa solstitium hybernium judicatis. Raro quartana scilicet febris utut tractetur, recedit, quin vel hæmorrhagiam narium, vel laterum duriem, vel pedum tumorem œdematosum, vel languorem & dolorem artuum; sæpius me vero colicam convulsivam post se relinquat. Mense Febuario & Martio grassabatur quoddam genus febrium cum latente malignitate. Imponebat plurimis catarrhus cum dolore capitis gravativo, febricula lenta, tussis sicca, coryza vehementi invadens: mox nona vel nonnunquam undecima demum post primam invasionem die exasperari cœpit morbus, & graviora reddi symptomata; accessere enim vigilie, deliria, nonnunquam ipsæ petechiæ, subsequente morte. Servati autem omnes qui non tantum alexipharmaca ab initio adhibere, sed & ea usque ad nonum vel decimum diem continuavere.

Ab æquinoctio vernali usque ad solstitium æstivum tempus varium, mox calidum, modo pluviosum, modo serenum. Initium Aprilis adhuc brumale, circa medium vero & finem calor prope æstivus. Successit Majus pluvius mixtus, cum frigore & calore alternante. Prima & secunda dies Junii ventis turbida, tertia serenari de nocte cœpit cœlum cum pruina matutina valde noxia, id quod apud nos valde rarum, & vix a sæculo observatum. Segetibus nihil nocuit hoc gelu matutinum, nec destructæ vineæ, præterquam illæ quæ versus plagam occidentalem sitæ; quarta Jun. iterum pruina, sed plane innocua. Septimæ ros mane cecidit purpurei coloris, observatus in foliis arborum & vitium, ut & hominum in vineis laborantium lintheaminibus, in quibus, (prout ego observavi) exacte referebat colorem macularum ex succo mo-

forum aut cerasorum. Circa id tempus morbi fuere nulli, ut plerunque fieri solet mense Junio, febres quidem comparebant tertianæ, sed adeo mites, ut etiam in quamplurimis post tertium vel quartum paroxysmum sine medicamentis, aut sola purgatione & venæ sectione adhibita cessaverint. Variolis quoque corripiebantur parvuli, parvulaque, sed illæ cum nullis feris aut gravioribus symptomatibus, hinc omnes servati qui non incuria neglecti aut minus rite, prout a plebe quandoque fieri solet, tractati fuere.

Successit æstas plus frigida quam calida, magis humida, quam sicca: Finis tamen Junii & initium Julii gaudebant aliqua serenitate, mox nubibus exasperatum cælum & largissimam aliquot diebus effudit pluviam; unde intumescens Danubius litora supergressus longe lateque se per prata & agros diffudit cum maximo damno rusticorum, tam sœnifecorum, quam messorum. Rediit sub initium Augustii calor, isque intensissimus, sed ultra septem vel novem dies non perdurans, insequentibus pluviis usque ad Octobrem. Inter istas tam varias mutationes vix tamen aliquid morborum observatum; nisi quod in Septembri plurimi infantes, adulti non item, correpti fuerint dysenteria, iique ferme omnes lactantes; credo ex lymphâ plus justo acriori ad intestina delata illaque lædente. Errorem quippe illi in esu fructuum horarum non committere poterant, nec commiseri nutrices sedulo examinatae & observatae, paucissimi tamen periire, sed omnes convenienter clysteriis, in primis ex lacte & decocto capitis vervecini tractati, convalescere.

Post æquinoctium secutus autumnus, ferme totus fuit pluviosus. October subinde serenus. November inæqualis, jam ad hyemem inclinans, & prout reliquum Decembris usque ad solstitium, frigidus cum siccis nivium & creberrimis pluviis. Hinc vinum nec quantitate nec qualitate laudabile crevit. Circa initium Octobris frequenter hinc inde in civitate comparuere febres erraticæ nullum typum servantes, invadebant prope omnes cum frigore aliquando trium horarum, insequente calore ultra horas 15. durante, post apyrexiam aliquot saltem interjectis horis nova febris affligebat. Memini me habuisse quendam, in quo calor ultra 48. horas duravit, cum terribili capitis dolore, siti vehementi, squalore lingux & faucium, summaque virium debilitate, ita ut in febrem continuam fore me-

tuerim; tamen post venæ sectionem remisit calor, morbusque in melius mutatus. In alia Illustrissima persona similem protractionem paroxysmi primi notavi, similiter post venæ sectionem remittentem & intermittentem; sed tertia die redeuntem, hinc propinatus cortex Peruvianus in aqua cichorii alvum movit; id quod nunquam in aliis, ausim dicere millenis, cui corticem hunc exhibui, factum observavi. Credidi prima vice fortuito factum, turgente sorte & ad exitum per se tendente materia vitiosa in corpore, sed & post secundam, imo etiam post tertiam exhibitionem idem factum, movit autem alvum semper sexies, septies, sine nausea. Alius pariter febri corripiebatur levi ab initio & cito remittente. Tertia die media nocte in lecto suo dormientem horribile invasit frigus trium vel quatuor horarum spatio, subsequente calore in alteram noctem perdurante, cum pedis dextræ ingenti dolore, accepit sudoriferum, unde optime sudavit, moxque apparuit ingens rubedo & inflammatio in pede dolente, factumque erysipelas, quod facile, convenientibus remediis tractatum, sublatum est.

Anno M. DCXCVI.

Jurasset quispiam permutata fuisse tempora; præteritam æstatem fuisse brumam, nunc autem æstatis vicem obire hyemem, usque adeo in bruma nihil brumale, & in frigidissimis alias mensibus, nullum frigus, nullum gelu, nullæ nives, breviter hyems fuit clementissima. Januarius aliquo modo ventis turbidus, nebulosus, pluviosus. Februarius quasi totus serenus, siccus, sine notabili frigore, nisi matutino tempore, ubi aura parum frigidiuscula, mox surgente sole temperata. Huic ad æquinoctium usque plane similis Martius, nisi quod parum ventosior, hinc etiam salubrior. Nam totis hisce mensibus vix præter catarrhos aliquid notabile occurrit in medicina. Post æquinoctium vero & aer & morbi cœperunt mutari. In fine quippe Martii longè majora frigora, major cœli inclementia, de nocte gelu & nives, minus tamen durabiles, sed in pluviâs ferme continuas de die abeuntes. Nec mitior Aprilis sua natura variabilis, sub finem tamen siccior. Meliora temporum sperabantur sub gemellis, sed & Majus ipse cum initio Junii usque ad solstitium valde inæqualis. Nunc grata & vernalia serenatum pollicebatur cælum;

tem.

tempora, mox atris iterum inhorruit nubi-
bus, tempusque reddidit turbato aëre frigi-
disque pluviis minus vernale, minus maja-
le. Hinc non mirum, cum ver simile fa-
ctum fuerit hyemi, non vernaes sed hye-
males fuisse exortas ægri tudines.

Nam quas in hyemem relegavit pleuri-
rides Hippocrates III. Aphor. 23. eas circa
hæc tempora deprehendere licuit valde fre-
quentes. Inter has in primis notabilis fuit
illa cujusdam Generalis quartiriorum Ma-
gistri (ut communiter vocatur) maligna
ferisque comitata symptomatibus. Excesse-
rat ille multum in vino & comestationibus
tempore bacchanaliorum, hinc catarrhum
acquisivit cum tussi vehementi & lateris
puncturis. Aperta vena, suasi purgationem,
quam tamen vocatus Medicus dissuasit. Il-
le autem reluctans consuetum sibi sumpsit
laxativum, unde sibi videbatur melius va-
lere; sed mox sequenti nocte omnia in de-
terius, aucta in summo gradu febris, ac-
cessit furibundum delirium, sputum crassum,
crudum, sanguineum, idque perpauca,
quæ omnia extrema minabantur. Vocatus
ego, exhibui sudoriferum, jussi applicari
vesicatoria, dedi oleum lini, sic remiserunt
symptomata, illeque ex lethi faucibus ere-
ptus ad castra perrexit. In Majo notavi in
nonnullis febres malignas, cum exanthema-
tibus, minime tamen funestas, nisi in dua-
bus personis; in servo quodam qui illa pro
morbillis habuit, nec aliud nisi myrrham
& semen napi accepit; hinc accedentibus
gravioribus symptomatibus expiravit. Alte-
ra erat puerpera quæ febrim lacteam aut
puerperalem esse credens, neglectis alexi-
pharmacis solum potum aquæ chamæpythios
cum saccharo adhibuit, nostris puerperis in
hoc casu consuetum, tandem conspectu
exanthematum hinc inde erumpentium per-
territa Medicum vocavit quidem, sed ni-
mis tarde, accedente enim diarrhœa, deli-
rio, & tandem convulsione, mortua.

Jam ad æstatem devenio, in qua mense
Julio & Augusto subinde calor intensus
nonnunquam, sed raro durans, intermixtis
subinde pluviis frigidis usque in medium
Septembrem. Notabiles erant mense Augu-
sto dysenterix in infantibus lactantibus &
ab lactariis, plane ut ante annum valde fre-
quentes, sed ut plurimum funestæ, statim
enim post duam vel alteram dejectionem
comparuit sanguis, mox extrema debilitas
& mors, paucissimi ad decimum servati,
qui tamen mortui; adultiores facilius cu-

rabantur. Valde insuper contagiosa fuit ista
dysenteria, nam facile corripiebat adstantes
& infantibus ministrantes, ex quibus ta-
men nulli obiere. Credo malignitatis hanc
luem non fuisse expertem, quæ quidem te-
nellulis mortem intulit ob nimiam teneram
constitutionem, in adultis autem ita vim
exerere nequivit, sed facile fuit suppressa.

Tandem in autumno comparuit æstas.
Scilicet ab æquinoctio usque ad Decembrem,
per totum Octobrem & Nov. serenitas,
frigidiuscula tamen aura matutina; hinc
præter spem etiam melius crevit vinum
quam ante annum, non tamen in abundan-
tia aut illa bonitate prout alias apud nos fie-
ri solet. In Decembri mutatus aër tempus-
que redditum turbidum ventis, nebulis atque
pluviis, duodecima cecidit nix alta, quam
ita solidavit subsequens rigidissimum frigus,
ut supercadentibus consequenter aliis nivi-
bus, prima manserit usque in Aprilem se-
quentis Anni. Morbi circa hoc tempus nul-
li notabiles. Hinc progredior ad

Annum M. DCXCVII.

Hujus initium fuit sicut finis præteriti.
Scilicet a solstitio hyemali usque ad
æquinoctium vernale, frigus acerrimum sine
remissione, congelatus Danubius statim in
Januario, mansitque pons iste glacialis ul-
tra octo septimanas firmus & constans, quod
alias valde rarum apud nos. Fuit insuper
hoc memorabile, quod sub densissimis pari-
ter ac profundissimis nivibus terra semper
manserit aperta, ita ut, remotis illis, hæc
non aliter ac in vere sodi potuerit. Perie-
re & computruere sub hac mole nivium
fere omnes segetes & olera hortensia, fri-
gus hyemale alia tolerantia, quæ, liquefa-
ctis nivibus, non aliter ac mucago quæ-
dam viridis terræ incubabant, ac in lurum
resolvebantur; non levi insequente in pri-
mis frumenti penuria. Cæterum quod Hip-
pocrates III. Aphor. 7. dicit, Magnis sicci-
tatibus fieri morbos acutos, hoc vice ver-
sa hisce temporibus meliori jure dici po-
tuisset, de magnis frigoribus. Iisdemque
durantibus circa finem Februarii; febres
acutæ malignæ per totam grassabantur ci-
vitatem. Invadebant plerosque levissimo ri-
gore, succedente calore non adeo forti &
quandoque iterum remittente primis diebus,
mox circa quartum vel sextum diem auge-
ri cœpit calor, & notæ hinc inde in super-
ficie cutis apparere malignitatis. Pulsus
ab

ab initio valde erat sanorum similis, ut & urinae, sed ubi calor auctus rubicundæ instar sanguinis factæ. Deliria circa nonum vel decimum diem comparuere, in quibusdam vehementia & ad decimum septimum usque durantia, in quibusdam remissiora & breviora. Maculae erant parvæ instar morfus pulicum, obscure purpurascens, circa decimum octavum aut etiam circa vigesimum primum disparentes. Non valde lethales erant hæc febres, sed supra modum contagiosæ (quod alias non semper fieri solet) nam in aliquot ædibus ne unum omisit, quem non corripuisset, raro in una aut altera persona cessavit. Duravit hæc lues in Majum usque, ubi incalcescente aëre remisit.

Hyemem excepit ver, sed & hujus initia adhuc satis ventis & nivibus turbida. Successit Aprilis totus serenus, siccus, absque pluviis cum calore pro tempore insolito. Majus variabilis, nunc frigidus, mox serenus, iterum pluviosus, talis etiam totus Junius. Circa hæc tempora vix ullus notabilis occurrit morbus, cessantibus etiam, ut supra dictum, febribus malignis.

Æstas ferme prioris anni æstati similis, mediocriter calida, & matutinis horis subinde frigida, vigesima nona Augusti, trigesima & trigesima prima mane pruinae fuerunt, sed plane innocuæ, nostrates appellant *ein Vasser Reiff*, id quod tamen apud nos insolitum, ubi tales pruinae raro ante festum S. Michaelis observantur. Hoc tempore frequentes erant icteri, qui flavedine sua plurimos deformabant. Sentiebant, qui corripiebantur, aliquam cordis compressionem, nauseam, anorexiam, & non raro vomitum, mox flavo colore toto corpore perfundebantur, sed qua velocitate venit, eadem iterum abivit. Post unum vel alterum laxativum disparuit flavedo, rediitque sanitas cum bono appetitu.

Qui subsecutus autumnus semper erat variabilis & inconstans, usque in Decembrem, cum quo hyems ante hyemem, id est ante solstitium gelu & nivibus suum sumpsit initium. Febres, quæ circa hoc tempus grassabantur ut plurimum erant tertianæ duplices, raro quartanæ, & præter morem autumnalium nec longæ nec lethales, sed convenienter tractatæ, facile curabantur.

*Constitutio Epidemica Augustana Anni
1701. & sequentium.*

Dr. D. LUCÆ SCHROECKII.

Licet initium anni 1701. frigidum comparuisset, triduo tamen post mitior aëris temperies, sub mutabili ventorum, zephyri tamen prævalentis, crebrioresque nives, subinde vero etiam pluvias adducentis flatu, excepit, usque dum ante, & circa æquinoctium vernale magis constantem serenitatem eurus largiretur; paulo post ventis priorem inconstantiam resumentibus, hyememque protractiorem, quin & gravem terræ siccitatem circa Solis in Tauri signum ingressum, cum sensibili frigoris molestia, sereno quidem cælo, producentibus, ut Cereris etiam, Pomonæ & Floræ sinus tardius panderetur, atque Maji principium vernalis amœnitatis parum ostenderet, quæ postea eo largior comparuit, atque, Gemellorum signum cum Sol occupasset, aërem multum delinivit, & in tantum calefecit, ut, ni zephyrus, euronotus, & austri subinde pluvias interspersissent, nimia siccitate, præcipue quia ventorum perpetuus quasi motus continuabat, terra plurimum laborasset. Interea prior morborum in anno prægresso observatorum facies continuavit, quam itaque depingere superfluum foret, variolarum puta, febrium petechialium, tussisque humidæ. In mense Februario insuper, duobusque eum excipientibus, pleuritides veræ in suppurationem abeuntes, sed diligenti pectoralium & diaphoreticorum temperaturarum usu, sine etiam venæ sectione curabiles accesserunt; quibus in nonnullis M. Aprili, cum morbus jam in decrementum vergeret, nova febrilis effervescencia supervenit, cum eruptione per totum corpus pustularum aquearum, majus periculum minitantium, ægrotis tamen per continuatam alexipharmacorum blandiorum adhibitionem intra primum, quandoque secundum octiduum reconvalescentibus. Mense Majo & Junio, præter dictas punctulares, (quæ jam sine magna præcordiorum oppressione, cum horrore, lassitudine, lumborum, nuchæ, & capitis dolore ut plurimum ingruerant) purpuratæ etiam febres teneriorem in primis ætatem, non admodum periculose invaserunt; nec melancholici insultus maritatis foeminis, mensurais quidem rite se habentibus, infrequentes fuerunt, venæ sectione quidem mitigari, paulo

N n n lo

lo post tamen recidivi facti, acidularum vero martialium potu curati.

Post Solis ingressum in Cancri signum crebriores primo pluviae, postea cum plurimarum tempestatum graviorum imperu, calores, circa caniculares in primis dies intensi, & qui ad æquinoctium autumnale usque, paucis frigidiusculis diebus intervenientibus, continuabant, fuere notati; quo tempore frequentia morborum desuit, nisi quod ibi ob transpirationem fortasse ab aëre humidior & frigidiusculo nonnihil cohibita, febres quotidianæ, post exiguum horrorem intensiori calore invadentes, & facile curabiles, hic ob sanguinem aëris calore nimis rarefactum febriculæ scarlatinæ, sine magno corporis æstu aut gravibus symptomatibus, sed levi saltem præcordiorum compressione præcedentes, non minus brevi & sponte quasi cessantes observarentur. Alii autem, quibus probabiliter lymphæ viscidior in sanguine erat, non maculis istis pingebantur, sed pustulis albicantibus, majoribus minoribusve, cum interspersis quandoque vesiculis parvis limpidis, pruritu commite tandem exsiccatis, ac in squamulas secedentibus, per totum corpus, sine vitæ periculo, & prævio non admodum intenso calore, onerabantur. Nec infrequentes erant diarrhœæ, quibus interdum, sed rarius dysenterici succedebant, ex negligentiori, ut mihi videbatur, corporis ab aëre externo custodia, & liberaliori potus ingurgitatione, hincque stomachi tono labefactato subortæ, quæ etiam facile, vel solius rhabarbari cum terra signata, aut coralliis rubris mixti usu, vel insuper essentia catechu, lenibusve aliis adstringentibus & stomachicis absorbentibus curabantur. Plurimos etiam odontalgia correptos licuit conspicerere, quæ licet rarius Medicorum consilio exponeretur, quantum tamen dijudicare valui, ex eadem ventriculi imbecillitate, & chyli vel lymphæ crudioris circa dentes stagnatione citabatur. Erant insuper scæminæ præsertim, quas sinistra axillæ intensus dolor, sine tumoris vel inflammationis indicio excruciebat, periodice ut plurimum & circa vespeream recurrens, cujus radicem circa ventriculum pariter hærrere, tum notatæ ibidem, in primis sinistro in hypochondrio molestiæ, tum salutaris curandi ratio conjecturari faciebant; credidissimè, chylum viscidior & crudior, per ductum Pecquetianum ad venam subclaviam sinistram delatum, & cum obvio ibi sanguine permixtum, agi-

rationem præternaturalem ibi excitasse, pariterque illas dolorifice hac ratione distendisse, nisi dextrum humerum in scæmina quadam idem malum tunc occupasse notassim, cum insolitam ductus illius ad partem dextram declinationem sine urgentiori causa hic fingere non audeam; quamvis in eadem rheumaticum potius affectum subfuisse credere malim, præsertim cum dolor ille dicto modo quidem intensior per intervalla redderetur, nunquam tamen plane intermiserit, ac tandem brachii tumor supervenerit, diaphoreticorum, emplastri oxycrocei, & laconici coriarii usu omnino sublatus. In cæteris repetitus leniter evacuantium & humores corrigentium, præsertim acidularum martialium usus proficiuus existit, remedia autem externa nullum levamen dederunt.

Eandem chyli & lymphæ vitiosæ in stomacho nidulantis labem febres quotidianæ epidemicæ, incerto quandoque paroxysmi tempore invadentes testabantur; quæ nullo prævio horrore, magna præcordiorum ad oppositam in dorso regionem se extendentæ oppressione, & nullo sensibili, vel tolerabili saltem excipiente calore, infestæ erant, atque propinatis, pro exigente necessitate, emeticis, vel repetitis laxantibus, absorbentibus, amaricantibus, absinthio, chinchina &c. curabantur.

Post æquinoctium autumnale primo aëris serenitas & siccitas continuabant, mox pruina, nebulæ, d. 17. & 18. Octobr. copiosæ nives, pluviae postea, & venti modo ex hac, modo ex alia mundi plaga, in primis ex septentrione frequentius irruentes compaeruerunt; Sol autem ubi ad Scorpionis signum pervenit, denuo per aliquot dies serenitatem, terræque siccitatem conciliavit, varia dein aëris temperie, ut plurimum tamen austrina subsequente; & cum aër parum a ventis jam agigaretur, vapores in eo hospitantes parce dispellebantur; unde iidem corporibus humanis copiosiores communicati variis ægritudinibus producendis patrocinebantur; hinc non tantum variolæ iterum se exerebant, pleuritides veræ, atque febres continuæ, catarrhales magno cum æstu, cephalalgia & tussi, pueros æque ac maturiorem ætatem invadentes, nec, ubi debite tractabantur, lethales subortæ; sed frequens etiam catarrhorum cohors, coryza, odontalgia, raucedine, tussi infesta urbi incubuit. Muliebris sexus non minus habuit, de quo speciatim conquereretur, uter

uteri nimirum hæmorrhagia, cui non gravida saltem, ultimis præsertim duobus graviditatis mensibus, sed aliæ quoque plures obnoxie erant; quem sanguinis orgasmum non commodius quam absorbentibus martialibus &c. uti hæmatite, croco martis adstringente, item bolo Armena, coralliis rubris &c. haud neglecto, ubi opus erat, paucopii additamento, sedatum expertus sum. Memorari etiam merentur apoplexiæ crebræ, ut plurimum exitiosæ. Memini egregium quendam virum mihi aliquando narrasse, quod jam olim fuerit, post crebriorem aquilonium flatum apoplexias frequentes hic contigisse: neque admodum in dubium id vocare vellem, cum ab illo vento nescio quæ atomi impuræ nobis inferantur; id quod civem quendam nostratem indurium non latet qui ceræ dealbandæ in portu suo boreæ multum exposito operam navans, eandem infesta flavedine ab eo nunciavit; unde quamprimum spirare eundem observat, ceram studiose tegere, nedia etiam, si is tum ingruat, nocte properat, quem in finem machinulam artificiosam excogitavit, quæ a vento hoc comota somnum excutiat. Ubi in memoriam mihi revoco, quæ noster quondam Æsculapius Phil. Hæcstetterus, in scholio ad dec. p. obs. med. cas. 1. protulit, ubi urbis nostræ descriptionem exhibens, zephyrum ex lepreffis & alicubi paludosis Marchionatus Burgavienfis locis inquinamenta secum raperet, & huc advehere scribit; quæ sane le borea quoque nobis, & non minori jure pronunciare licet, qui ex locis humidis Danubio proximis putridas particulas abripere, atque in capita nostra effundere valet.

Tandem cum circa mensis Decembris principium zephyri impetus major denuo insurrexisset, d. 10. eundem eurus compevit, frigore, creberrimisque nebulis, quibus præsertim a d. 17. usque ad d. 23. Decembris continuis civitas oblecta fuit, sitatus, usque dum circa finem anni zephyro borea succedens auream tolerabiliorem redderet, niviumque crebritate colophonem imponeret. Quo tempore, præter memoratas pleuritides, variolas & febres continuas, in pueris etiam quotidianæ febres, ussi humida & cephalagia graves, nec non icteri, in adultis autem malignæ petechiales, ut plurimum pustulis limpidis miliaribus post macularum eruptionem comitantibus, comitatæ observabantur: hæ in principio post horrorem lassitudinemque, to-

lerabili calore, intenso capitis dolore (quem paulo post recedentem tussis, non quidem diu durans, & sicca magis quam humida, atque calor auctior cum deliriis nocturnis insequiebantur) procedebant, contagia quandoque in alios se diffundebant, rariusque, ubi temperationibus alexipharmacis tempestive obviam itum est, occidebant: in pleuritide vero continuatus diaphoreticorum, præcipitantium dictorum, usus coagulum sanguinis feliciter resolvebat; qualia medicamenta etiam contra quotidianas febres, ut & juxta martialium usu adversus icterum, promptum auxilium ferebant.

Eurus in anni 1702. introitu serenitatem cum frigore molesto induxerat, quarto tamen mox die zephyrus pluviosam primæ constitutionem, postea ventorum frequens mutatio tempestatis etiam varietatem multam subinde attulit, semper tamen humida ex pluviis, & temperatiore paululum, sub dominio zephyri, post solis in Pisces ingressum diu impetuosus, prævalente, ut hyems non admodum rigorosa quidem, protrahior tamen fieret; præsertim cum post æquinoctium vernale eurus non solum magis spiraret, & post serenos plures dies circa initium Aprilis rediens zephyri ferocia erebriores nives spargeret; quas sub eodem faviente licet ab aliis ventis sæpe interrumpetur, frequentes pluvie, cum Sol ad Tauri signum appropinquaret, exceperunt, usque dum post Maji principium eurus sereniorem & vernæ temperiei magis conformem aërem redderet, siccitate tamen terræ exinde non parva inducta, ut Flora suas amœnitates non nisi serius expromere valuerit. Hoc toto tempore eadem morborum facies, in primis vero pleuritides, ut plurimum sine suppuratione curabiles, usque in Aprilem continuabant. In quo & Majo mense febres continuæ, in paucis cum miliari efflorescentia, semper autem prævio horrore, (sine intenso calore) magna virium debilitate, & cephalagia gravi, raro deliriis, aliisve gravioribus symptomatibus comitata, atque alexipharmacorum & diaphoreticorum usui cedentes, hic ibi propullulabant. Majori vero numero febres quotidianæ & pauciores tertianæ ingruiebant; illæ tantum non in omnibus, qui se curæ mez commiserant, insignem capitis dolorem in paroxysmo inducebant, viresque prosternebant; in multis prima sub invasione, & sæpe aliquot per dies continuatum typum, vix perceptibili caloris & cephalagiæ remissione,

referebant; chinchinatis autem medicamentis, vel arcano duplicato facile curabantur; quibus non minus tertianæ, post emetici, vel scammonii sulfurati, ubi opus erat, adhibitionem brevissime abigebantur.

Circa æquinoctium dictum arthriticis affectibus obnoxii fere omnes, quotquot mihi noti, insultus ut plurimum non admodum feroces patiebantur, atque ubi post exantlatam periodum iusto citius aëri se exposuerunt vel artus delassarunt, recidivas experiebantur. Plurimos etiam infantes epilepsia e medio sustulit, quæ ex lymphæ acido viscidæ in cerebro stagnatione, præsertim dentitione difficili accedente, ortum traxisse visa est. Istæ autem lymphæ crassioris collectiones non minus in aliis frequentes admodum fuerunt, ut non tantum crebriores tussis, coryzæ, odontalgiz exinde obortæ fuerint, sed frequentissime aliis etiam morbis epidemice & sporadice grassantibus, rursus se associaverit.

Cum Junio zephyrus euro successit, pluviarum multarum serax paucis diebus serenis intermixtis; qui in Julio quidem per primum triduum cum calore non mediocri continuabant, ast mox aëre in fulgura & tonitrua despumante, in pluviosos juxta & frigidiusculos, ac postea temperatos mutabantur, usque dum post Canis exortum enrus, sæpe ad meridionalem plagam inclinans, serenitatem non sine calore reduceret. Magna dehinc ventorum varietas fuit notata (nisi quod post autumnale æquinoctium a d. 24. Septemb. usque ad d. 6. Octobr. zephyrus impetuose admodum dominaretur, a frigido & non minus per triduum vehementi euro tandem quasi in fugam coniectus) quæ diversam quoque aëris temperiem, potissimum tamen calidam & serenam in Augusto effecit. Ast in Novembri multa hyemis præludia, imo præmaturus adventus ejusdem, crebro, & quandoque intenso frigore, niveque repetita, quam benignior aura & interpolatæ pluviz denuo liquabant, molestus exstitit. Quæ ipsa mutabilis constitutio, tum ningendo, tum præsertim pluendo, frigore modo aucto, modo remisso, zephyro reliquis ventis prævalente, & circa, nec non post solstitium hyemale, usque ad finem anni, multum faviente, nubibus autem continuo fere Solem obducentibus, integrum præsertim Decembrem fastidiosum admodum reddidit. Morbi interea longiores inducias dederunt, tales tamen, quibus aliqualis epidemice luis

præsentia non prorsus excluderetur; uti præsertim in febribus quotidianis supra memoratis passim per Junium & subsequentes menses usque in Novembrem observari poterat; quæ tandem in non paucis, cum autumnus adventaret, hæclicæ merum iniecerunt, quibus tamen juxta cum aliis coagulum lymphæ acidum destruentibus, specificum in primis antihecticum Poterii, lapilli gammarorum &c. salutarem opem præstiterunt. Circa solstitium hyemale variolæ benignæ in pueris se exercuerunt, cum magno quidem calore ingruentes, a pulvere tamen rubeo Pannonico, Antimonio diaphoretico, unicornu marino &c. quinimo quandoque etiam sine medicamentis celeriter periodum suam absolventes, & cum fine anni jam iterum omnino disparentes. Quod tandem de ægritudinibus aliis, quibus semper fere tussis se sociaverat, dictum, in hisce quoque deprehensum fuit.

Quæ Annorum sequentium, videl. 1703. 1704. & 1705. constitutio fuerit, in Appendice Dec. tertiæ Anni noni & decimi Miscellaneorum nostrorum curios. legi potest; cui nempe typothetæ negligentia antecedentem præfigere intermisit.

Anno 1706. hyemale frigus, ob austrinam aëris temperiem, qualis anni prægressi in fine observata fuerat, & usque dum Sol Aquarii signum attingeret, continuaverat, hætenus ut plurimum tolerabile, nunc magis se exernit, præsertim cum orientalis ventus in Februario constanter, interdum ad meridionalem plagam inclinans, spiraret, ac continuè fere nebulæ usque ad Solis in Pisces ingressum, ubi serenus aër frigus augebat, nos cingerent. Cum interea hæclicæ febris insultui (coryzas, & tussis humidas, tanquam indivulsi quasi hyemis comites, nec non odontalgias ut taceam) denuo plures exponerentur, sed facile etiam medicamentis acridinem temperantibus abigerentur.

Circa vernale æquinoctium zephyrus potissimum dominio potitus, atque, a reliquis tamen ventis nonnunquam interruptus, multum invalescens, diversam etiam temperiem, austrinam præcipue excitavit, ac vernali amœnitati subinde obstitit. Sub qua constitutione febres quotidianæ, & plures tertianæ ingruerunt, magno cum impetu; in quibusdam etiam cum deliriis, sine tamen cephalalgia ut plurimum, & quæ post sumptum cholagogum, vel emeticum, absorbentibus non difficultet, promptè etiam

etiam chinchinatis cesserunt. Plures in super
circa Solis in Gemellos transitum nephriti-
is doloribus, non admodum refractariis,
obnoxii fuerunt.

Postea sub mutabili valde ventorum vi-
situdine, ante & post solstitium æstivum,
plures serenos calidosque dies experti fui-
mus, qui etiam diu continuarunt, multam-
que ideo terræ siccitatem, præsertim a ven-
is adiuti, attulerunt; cui interea febres
 prædictas, sensim declinantes, neque tamen
per reliquam postea annum prorsus silen-
es, crebræ odontalgia, (quæ etiam per
otum hunc annum fuerunt observatæ)
vires, interdum convulsivi quid habentes,
& coryzæ; adultos, æque ac juniores affli-
gerent, & cum negligentior diæta accede-
ret, diu durarent. Quas molestias magnæ
illi & totali solari eclipssi, quæ d. 12. Maji
contigit, adscribere multis placuit. Et
quamvis subita illa æris calidi, interceptos
ab Solis radios, in frigidum, hisque non
minus celeriter redditus, in calidum rursus
mutatio, juxta cum animorum, ex inspe-
rata illa & nulli unquam visa caligine,
consternatione, aliquid contribuisse videri
posset, cum tamen jam ante eclipsin istæ
lymphæ stases contigerint, vix locum illa
opinio inveniet, negari tamen nequit, fre-
quentiores post illam solis obscurationem,
& circa solstitium æstivum illas occurrisse:
deoque non prorsus improbabile est, spiri-
tus a phænomeno isto terrifico labelatos,
(qui sane terror in nonnullis tantus fuit,
ut lipothymiam ipsis induxerit) lympham-
que simul crassiorem redditam, quin & a
frigore illo insolito magis condensatam, ad
catarrhales has stagnationes disposuisse.

Mensis Julius quamvis pariter multa se-
renitate gauderet, nonnunquam tamen plu-
viis sitientem terram refocillavit; post Ca-
niculæ vero exortum calores admodum in-
valuernunt, & usque ad occasum persevera-
runt; quin licet temperatior ob pluvias,
parciores equidem, aura per paucos dies
succederet, ad pristinum tamen genium
nox reversa est, usque dum d. 7. Septembr.
luna inchoante zephyrus pluvias sæ-
pius adduceret. Quo tempore dysenteria
grassari cœperunt, & infantibus non levem
lægem intulerunt, adultis vero nec tam
frequenter, nec etiam lethaliter ea decum-
bentibus. Ubi quidem hisce fructuum ho-
ratorum intemperantiori ab esu, vel libe-
raliori ob caniculares æstus potu, præser-
tim cerevisiæ; nobis albæ diætæ, propter

tenuitatem suam & imperfectam a parca
fermentatione depurationem, in acorem pro-
naz, illam obrigisse verisimile est; illis au-
tem, quorum major pars ob tenellam æta-
tem nihil horum degustaverat, cur adeo fa-
talis fuerit difficulter determinari potest.
Utrum in lacte vaccino aliquid adversi deli-
tuerit, quo cum nempe pulmenta in eorum
cibum coqui solent, affirmare nequeo; cum
tamen alia causa non suppetat; in vacca-
rum sanguine, ob æris fervorem, pratorum
siccitatem, & pabuli inde ortam pe-
nuriam, temperatas balsamicas particu-
las multum fuisse immutatas; actioresque
redditas; haud incredibile videtur, quæ
lacti communicatæ vim suam in tenerri-
mis infantum corpusculis exerere, eorum-
que destructioni, quin & epilepsiæ aliis
quibusdam tum temporis funestæ, an-
tam dare valuerunt; & cum muliebris imperita
industria pusionum curæ se sufficere ut plu-
rimum persuasa sit, aut saltem Medicum
desperato jam morbo advocet, funerum
multiplicatio facile contingere potuit; præ-
sertim ubi difficilior fortasse prægressus par-
tus foetui debilitatem aliquam antea impres-
serat, cum, incertum qua de causa, hoc
anno de dystokia & præmaturo partu non
levibus querelis urbs perstrepuerit.

Reliquum anni, una cum ventorum con-
tinua mutabilitate, nebulas inter & pluvias
frequentiores, ærem temperatiorem quoad
activam ejus qualitatem, (nisi quod paulo
ante solstitium hybernum curus eundem ni-
vibus asperiores per triduum reddiderit)
expertum fuit, multasque nobis inducias
concessit, si rheumaticas post solstitium di-
ctum, musculis caput attollentibus fastidio-
sas lymphæ stases exceperis, quæ solo tamen
tum hypocausti calore, tum suffituum ma-
stichinorum &c. ope haud difficulter resolvi
potuerunt.

Plurimas inter nebulas temperatioremque
auram non saltem annum 1707. inchoavi-
mus, sed potro etiam clementem, & Sole
in Aquario versante, humidam æris tem-
periem experti sumus, raro, nec diu du-
rabili frigore, ac multo rarius nive com-
parente; neque etiam multi, humidam nem-
pe & nocivas alias in aëre particulas fre-
quenti ventorum agitatione dispellente,
morbis populares aderant, nisi quod rheuma-
tismi præfati, nec non febres intermitten-
tes; quamvis pauciores, atque post sumptum
lene laxans, essentia corticis Peruviani fa-
cile abigendæ, continuarent; quoddam vero plu-

pleuritides veræ, in suppurationem ut plurimum terminatæ, nec tamen admodum acutæ, & antimonio diaphoretico, pulveri pleuritico Aug. prompte cedentes, puerilem autem sparsum variolæ, nulla malignitate suspectæ, ac per totum postea anni decursum observatæ; alios denique icteri non adeo contumaces: præsertim sub crebriori essentia mart. D. Lud. usu, invaderent.

Licet autem circa Martii initium frigus intentum ingruerit, mox tamen post quadriduum temperatiorem in statum denuo fuit mutatum, ut veris præludia multa comparerent; cuius vero amœnitatem ventorum diverforum, euri in primis austeritas, cui nebulæ crebræ jungebantur, multum retardavit, aeremque frigore horridiusculum reddidit; quo ipso intensibilis transpiratio admodum sufflaminata, serum in corpore auxisse, atque creberrimas adstagnationes disposuisse visa est, ut major incolarum pars catarrhosis ægitudinibus, pectus, vel nares, aures, faucesve occupantibus affligeretur; in quibusdam fluxu celerrime, vehementerque gravi cum cephalalgia & febrili incalescentia invadente. Quo tempore etiam febres, tum quotidianæ, tum tertianæ, ex eadem dubio procul causa, multiplicabantur, atque non raro graviores in principio, magna utpote cum cephalalgia, virium debilitate, & calore, ut continuæ quasi typum referrent, oriebantur, postea vero medicamentis oppugnata, prompte etiam recedebant; facile tamen ab aëris frigidi admissione, vel cerevisiæ potu recidivam passæ; quæ etiam febres in autumnum usque continuarunt; qui humidus admodum & graviori zephyri vehementia fastidiosus exitit. Postquam æstas, Sole Cancri signum occupante, magno æstu, rarius a ventis pluviusque temperato, primo sat gravis, ab ingressu autem Solis in Leonem, crebriores propter pluvias, zephyrique impetus frigidulus ut plurimum fuerat; & sic (ut crebriores catarrhos dentibus præcipue infestos taceam) non saltem in nonnullis quartanæ, longiori horrore & calore multum molestæ, eoque contumaciores, quo minus ii, qui eadem afflicti ex plebe meam opem implorarunt, in dixta convenienti medicamentorumque usu morigeros præbuerunt, sed etiam arthritidis vagæ, pulveribus ex coralliis, spodio foss. lap. gammar. cinnabari, aliisque antimoniatis fixis, opii tantillo addito, præter interpolatum laxantium usum, haud difficulter cedentis, generationi

ansam dederunt. Hyemis præsentiam in Decembris initio præmaturum frigus, & nives copiosæ ab Aquilone adductæ, indicaverunt; quæ tamen post decennium e pluviiis eliquatæ, quas zephyrus ante solstitium hyemale vehementissimus concitaverat; cui cum caurus, & postea euronotus successissent, aëre nubiloso & nebuloso, ac moderate frigido, morbis silentibus, reddito, anni exordium fecerunt.

Anno 1708. dissipatis nubibus, benignior euronotus per duas primas hebdomadas serenitatem, aliqua tamen nebulosa caligine ut plurimum se immiscente, produxit; quam postea humida ac pluviosa constitutio excepit, præsertim cum quadriduana circa Solis in signum Aquarii ingressum zephyri vehementia ingruisset; cui sub ventorum mutabilitate prior serenitas circa finem huius mensis primi, & principium secundi successit, atque temperatam adeo brumam, uti passim alibi locorum, experti fuimus, ut multa veris indicia ostenderet; donec euronotus d. 10. Febr. cum nivibus frigus adduceret, humida vero paucos post dies, cum intermixto quandoque frigore, intemperies a zephyro reduceretur. Quamvis autem hac sub insolita aëris clementia multæ graves esse oboriturus morbos vererentur, nihil tamen epidemici, (ut febres quotidianas & tertianas sparsim & rarius adhuc occurrentes taceam) præter variolas, usque dum Sol Tauri signum accederet; continuantes, & consuetæ, hoc tempore catarrhalia incommoda, tussēs præsertim humidæ, & ab eadem feri stagnatione capitis erysipelas in sexu muliebri, produxit, quod ex negligentiori fortasse partis istius custodia præviis in collo tensivis doloribus, cum febrili incalescentia invasit, & moderato lecti calore, præsertim diaphoreticorum terreorum usu accedente, non difficulter discussum fuit.

Humidus autem hic aëris status ante & post æquinoctium vernale continuabat, ut pauci sereni dies nobis obtingerent, & licet Solis quandoque radii resocillarent, nebulosæ tamen exhalationes eosdem sæpissime deturparunt; usque dum austerior eurus d. 27. April. aërem serenaret, atque ab eo, & alternante cauro molestum frigus terræque siccitas producerentur, quæ in adultum usque Majum, in quo diversæ ventorum ex omni plaga mutationes notatæ, continuabant, donec d. 15. post fulmina & tonitrua in crebras pluvias mutarentur; quæ dein

in humida facies, zephyro & borea alternantibus, usque ad principium Augusti perurabat; ubi zephyro potissimum dominante, calores magni & multa serenitas, epe tamen matutinis nebulosis evaporationibus gravata, usque ad Caniculæ occasum urgebant, pluvioso ac frigidiusculo aëre accedente; qui etiam, rara intercurrente serenitate, usque ad æquinoctium autumnale continuabat. Interea frequentes febres ædificis similes; tussi præsertim & caloribus lentis inordinatis stipatæ, atque continuo absorbentium fixorum usui obtemperantes, notabantur. Variolas autem circa fasti finem cessantes, morbilli excipiebant, non tantum in infantibus; qui prius saniterant, sed etiam, qui paulo ante variolis laboraverant, nec non in adultioribus, et & non paucis morbum hunc jam olim expertis, absque tamen malignitatis nota, sub blandorum diaphoreticorum usu paucis intra dies periodum suam absolventes, si tamen in mense Julio iterum cessarent; quo tempore postea odontalgia, ophthalmia, nec non dolores spasmodici uterini & foemini, ischiadicique præcipue in viris sequenter occurrebant, ex lymphæ, uti illi videbatur, ab aëris inclementia visceris atque ideo ad stagnationem proclivis redditæ virio generati, præsertim cum reviviscere aciescentis, qua de plurimæ passim verelæ fiebant, potus accederet, & nervis & coxas ac uterum tendentibus spicula sua figeret, ubi præter lenia eccoprotica, hyemalibus medicamenta castorina, cinnabari &c. & ischiadicis blandam per vices diaphoresin promoventia, non neglecta ut plenum opiatorum succisa miscella, profuisse pertus sum.

Circa æquinoctium autumnale per 16. dies serenitas adsuit, raro nubibus aut pluvæ exposita; nebulis tamen crebris matutinis stipata, quibus post multam ventorum rietatem, subsequ. etiam diebus observam, boreas per 12. dies nubes adduxit, zephyro postea in pluvias resolutas; quin post solis in signum Scorpionis ingressum, euro flante, nix decidua præmaturum asi hyemale frigus efficiebat. Ineunte Novembri multa quidem usque ad solis ingitarium ingressum serenitas, crebro tamen nebulosa, præsertim matutina, caliginata; succedente usque ad d. 15. Decembris fastidiosa, frigida, ob nives, nubes, nebulas intemperie; ubi quidem solibus discussis, serenitatem non sine mul-

to frigore, crebris etiam nebulis interruptam, reddidit. Interim, præter frequentes odontalgias, catarrhi in primis, capiti & pectori infesti, plurimos in M. Novembri infestant, tantumque incrementum sumpserunt, ut in M. Decembri paucissimi in urbe essent, quos molestia illa non tentaverat; multos etiam gravius tractaret, qui nempe prægresso acri horrore, febriles effervescentias, intensas cephalalgias, aut capitis stupores, virium prostrationes; quandoque faucium spasticas strangulationes, vel dolores pleuræ spurios experti fuerunt. Causam continuæ quasi nebulosæ aëris temporis potissimum adscripserim, quæ non solum particulas suas humidas, impuras, per inspirationem corporis communicare, sicque serosam colluviem augere, & sanguinem inquinare potuit, sed etiam frigore & gravitate sua poros constringendo, ac transpirationem humorum impediendo, eosdem cumulare, incrassare, atque in subtilissimis cerebri, narium, trachæ glandulis ac tubulis stagnare fecit. Cui iraque præter moderatum aëris regimen, medicamentis resolventibus, attenuantibus, absorbentibus, demulcentibus &c. pro subjectorum & symptomatum diversitate, ubi morbi gravitas id deposcebat, succurrendum fuit, eo cum successu, ut nullus, qui Libitinæ censum subiisset, mihi innotuerit.

Principium anni 1709. spirante euronoto, nebulosum fuerat, altero autem & subsequentibus diebus zephyrus vehemens pluvias, & noctu, inter d. 5. & 6. Januarii plurimam nivem eurus, versus aquilonem inclinans, cum intenso frigore adduxerat; quod indies sere, inter matutinas præcipue nebulas, diesque & noctes serenas, crescendo ea vehementia nos afflixit, qua de longe lateque querelas multiplicare Europæ contigit, donec d. 24. prægressa nivosa, vesperi auster temperatiorem & pluviosam auram induceret. Licet autem ineunte Februario frigus iterum, tolerabilius quidem, intenderetur, ac variis sub ventis aerisque mutationibus, nive quandoque rariore decedente, ad diem usque decimum continuaret, zephyrus tamen temperatiorem tunc aërem reddidit, usque dum d. 16. orientalis ventus, ad septentrionem, nonnihil denovo deflectens, & præsertim biduo post acriter spirans, novo gelu affligeret; quod incrementa subinde fumens, eo rigore inhorruit, ut d. 27. Febr. intensissimo frigori, d. 21. Januarii observato (testante id spiritu

ritu vini in meo thermometro, utrobique matutino tempore ante solis ortum, ad gradum usque septimum, vespertino autem post solis occasum ad nonum gradum depresso) parum cesserit; quod dein multas inter ventorum mutationes, variasque aeris, humidam in primis, constitutiones, tolerabilius redditum, sed d. 12. Martii, & insequente triduo iterum auctum fuerat, spiritumque vini in thermometro ad gradum nonum cum dimidio, vesperti autem ad undecimum atque dimidium deprefferat: tandem autem remittens, d. 16. dicti mensis spiritum ad gradum undecimum, & sic sensim magis sursum extolli permiserat, ut d. 17. Aprilis gradum decimum quintum mane attingeret. Interea non tantum ventorum mutabilitas, sed aeris etiam, ob crebriores pluvias, humida ac frigidiuscula, interveniente tamen subinde serenitate atque calore, ante & circa solis in Tauri signum ingressum intensiori, continuantur, ut fecunditati terræ non modice faverent, matutinæ quoque nebulae tenuiores, ubi pluviae aberant cælumque serenum erat, tunc & per totum reliquum annum, semper observabantur. Et quamvis post refferatos terræ ab insolito frigore profunde constrictos meatus, indeque diu repressas exhalationes, vapores isti liberiores facti multis gravium subsequendarum ægitudinum metum excitarent, contrarium tamen per DEI gratiam evenit, conglaciata ista terræ crusta sensim resoluta, sicque vaporibus non confertim erumpentibus, sed paulatim exhalantibus, atque ventorum perpetua agitatione particulas istas humidas impuras dissipante. Tot tamen aqueæ in atmosphæra oberrantes particulae non poterant non feri proventum nimium in corpore accumulare; præsertim cum per totum reliquum anni decursum mutabilis subinde, præsertim humida & frigidiuscula temperies (nisi quod Syrius ante & circa sui exortum finemque zephyro, uti hic, ita etiam reliquo tempore, potissimum prævalente, quandoque per pauculos dies acrius ureret) & hinc catarrhorum molestiarum, cum helici caloris in quibusdam metu, in naribus, bronchiis, dentibus, artubus, per totum anni decursum, & quæ omnibus fere aliis morbis sese iungebat, frequentiam excitare; præter quas etiam, in vere & æstatæ, febres quotidianæ & tertianæ, interdum gravibus symptomatibus, præsertim in morbi principio, uti deliriis, cephalal-

giis, spastico nuchæ dolore, narium hæmorrhagia, vomitu &c. stipatæ, ex transpiratione insensibili, ob temperiem aeris sæpius variantem, impedita obortæ, minus tamen refractariæ, non paucæ notabantur. Inter remedia, juxta cum eccoproticis, blanda diaphoretica & absorbentia potissimam curæ partem absolverant.

Constitutio anni 1710. cum humida & moderate frigida, sub ventorum, zephyro tamen prævalente, alternatione, primo continuaret, affectus etiam catarrhosi, in primis arthritides nondum desierunt, & mense Martio febres tertianæ, cephalalgia, deliriis, vomituque in prima invasione sæpius molestæ, non paucos invaserunt; quibustamen, post pulveris Cornachini, & ubi ventriculus viscido muco obrutus videbatur, lenioris emetici usum, cortex Peruvianus ad ʒiij. &c. semel vel bis in die sumptus, præsentaneam opem ferebat, ut post secundum, aut quartum paroxysmum, sine recidivæ incommodo, ut plurimum cessarent.

Postquam in Arietis signum sol pervenit, cum serenitate, (ita tamen, ut hic quoque annus, cælo sereno, soleque oriente, nebulosum nonnihil ærem semper experiretur) triduanum quidem intensum calorem, Africo flante, excitaverat, quem tamen zephyrus pluviosus creber iterum dissipaverat, qualem etiam sextiduanum calorem, antequam sol in Tauri signum progressus esset, euro spirante, sensimus, ab occidentali tamen pluvioso vento iterum temperatum. Et hæc aeris, modo humidi, modo siccæ, calidi, frigidiusculi, sæpius nubilosi, ventorum etiam crebra permutatio in posterum usque ad finem anni perseveravit, prævalente tamen semper humida constitutione; unde hæc vicissitudo primo terræ fecunditati multum, postea etiam hyems ut longius abesset, simul tamen variæ catarrhorum & rheumaticæ invasiones ut frequenter orirentur, effecit. Febres etiam tertianæ, quamvis non frequentes, nec non quotidianæ, hecticæque per totum annum observabantur; mense autem Majo & Junio morbillis plures infantes, cum vehementi rufi, oculorum gravedine, hæmorrhagia sæpe prævia, decumbebant; variolæ quoque in multis, non quidem malignitate, sed copia, & symptomatum consuetorum vehementia, & pustularum, rariori tamen, confluxu infestæ notabantur. In cura omnium horum morborum remediis, in præcedenti-

us historiis memoratis, non infelicitè uti
latum fuit.

*Constitutio Epidemica Basileensis Anni
1700. & 1701.*

Dr. D. JOANNIS JACOBI
HARDERI.

Æstivus calor diebus canicularibus An-
no 1700. temperiem suam non exce-
sit, quin ventis quandoque placidis per-
flaretur, neque corpori incommodum fa-
cisset, imo Augusto mense, pluvius
præter votum quandoque infringebatur;
September insequens ficcus & calidus illo
magis fuit, nec tamen sufficiens, qui uvas
ad optatam maturitatem undique perduce-
ret; neque etiam morborum serax: ista an-
ni constitutio fuit. October nebulosa, ut
solet, & sæpiusculæ pluviosa tempestate,
hyemalem brumam antevertit; hæc ipsa
autem per Novembrem, & Decembrem
mitior extitit, & quamvis multa nive mon-
tes & juga altiora integerentur, ingruente
tamen pluvioso, & hoc quandoque udoso
aëre, ab eadem promptè liberata fuerunt;
ista autem aëris *dispositio*, non modo catar-
thalibus febribus, sed pleuritidi ac pleu-
ropneumoniz, etiam sparsim ansam præbuit.

Anno 1701. Januarii initium boreali ven-
to magis perflabatur, aërisque serenitate
animum refecit; in primis vero sub meri-
diem propius accedentes solares radii bru-
mæ matutinæ spicula ex voto pepulerunt,
& continuata in Februarium usque sua acti-
vitate fere inconcussa, nives boreamque in
arvis campisque tantum non intempestive
sugarunt, siquidem subsequente Martio ac
Aprili, quibus blandiorem solis calorem,
& hinc pluvias amabili austro mitigatas
sperabamus, brumæ rigorem majorem niva-
lisque tempestatis, ac nivis copiose dela-
bentis spicula, frequenter experti sumus.

Maji delicias, si quas matutinæ auræ
fulgor interdum promisit, mox nebularum
crassiorum cohors, nunc calor subsequens
intensior, mox irruentes grandinosæ tempe-
states, omnimodo amarulentas reddiderunt.
Ante caniculæ autem exortum, & hac du-
rante, solis æstus longe intensior & tantum
non exurens calor, animantibus brutis non
minus, quam homini, valde molestus fuit,
februm intermittentium serax mater, & quem
neque tempestates horrendæ, crebrius in-
gruentes, usque attemperare valuerunt.

Sydenham Opera Med. Tom. I.

Post Caniculam increbescens tantisper plu-
viosa, & hinc temperatior aëris constitu-
tio, placidiorem motum videbatur promit-
tere; verum alcyonia hæc non diu duran-
te, quin redeunte intensiore aëris siccitate,
sereno cælo, si nebulas Septembri mense,
minus tamen frequentes, mane excipias;
in Octobris usque principium calor insuetus
& immoderatio persistit, exarescentiæ æque,
si non magis, quam majoris fructuum ma-
turescentiæ pares, & dysenteriz satis atro-
cis apud nos, aliisque in locis sæcundus
genitor, cui nunc pluviz a diebus aliquot,
arva præ siccitate hiscentia blande irrigan-
tes, atque hominibus gratissimæ, obicem
sint posituræ, horæ subsequitur docebunt.

*Constitutio Epidemica Berolinensis
Anni 1701.*

Dr. Doct. GUSTAVI CASI-
MIRI GAHLRIE

von der Mullen.

Annum sæculi XVIII. primum, prima
Januarii, turbido, sed sicco cælo in-
choavit, & in vespèram pluviosam desit.
Sequens secunda pluvius nivem ad meridiem
usque miscuit, post discussis nubibus se-
nior gelu moderatum adduxit. Quod se-
quenti tertia continuans, ac per quatrimum
ingravescentis rursusque in nives, & pluviz
procellæ junctas per triduum delituit. Cui
denuo undecima cum nive copiosa leve suc-
cessit gelu, atque octiduum pauciori quan-
doque, quandoque copiosiori nivem aspera
duravit. Vigesima nebula densa mu-
tationis prænuncia, sequentibus tribus, in-
terspersis quandoque pluvius, tandemque
gelicidio degelavit. Vigesima quarta Iris
matutina turbidi atque pluvii ætheris nun-
cia apparuit, sequente per triduum, gelu
moderato ac parcis nonnunquam nivibus
stipato, quod quatrimum rursus nocturno
ac matutino gelu, a meridie ut plurimum
degelante varium ad finem usque mensis
excepit. Februarius nebula densa cum gelu
moderato, sed mox in pluvias fatifcente
cœpit, cui nubilum successit cæelum, remit-
tente gelu, & in imbrem circa vespèram
deliquescente. Mox, tertia procellosa, sic-
ca & clara, a nivosa nocte, die vero, li-
cet borea flante remisso ac egelido, nocte
tamen rigida succedente, ac die nivosa,
sed temperata sequente, a triduo gelido ite-
rum

O o o

rum

sum excepta. Nona tempestuosa cum succedere decimo gelu in nives deliquescentes resolvit. Quas sequentes duæ noctes in glaciem rursus densarunt, de die parumper degelantem. Decima tertia nimborum rursus nives parvas sparsit, mox aëre temperato solutas. Decimam quartam cælo sereno gratam, gelidum excepit biduum, quod gelu nocturno & matutino temperato, pomeridianum adhuc mitius substituit. Huic aliud successit biduum ventosum; ab octiduo gelido & ut plurimum sereno comitatum, 25ta quidem turbida, & uvida interruptum, sed triduo rursus gelido & ex parte obscuro redintegratum, & pluviis nonnullis interpolatum 15. una cum mense desinens.

Martius verna temperie initiatus, vario cælo nunc placido, nunc turbulento, ventoso, frigido, diversimode alterato, ad novum usque & decimum gelidus transit. Tum remittens, octiduo temperato ac verna amœnitate grato, ad vigesimum pluvium initio tandem rursus clarescentem duravit, a quatrinduo perinde variato exceptum, in noctes gelidas, sexque dies serenos desit.

Morbos trimestre hoc, præter scorbutum, endemium & illius affectus & affines, aluit febres diversarum specierum, malignas quædam variolis notatas, alias ardentes, continuas ac intermittentes, catarrhales, pleuriticæ nonnullas, alias tussibus vehementibus ac diuturnis, cephalæa, asthmate affligentes, in phthisis quandoque degenerantes; præterea cardialgias, hypochondriacas, & colicas passiones.

Aprilis, quo Martius tramite desit, rursus inceptit, nisi quod serenitatem præcedentem cum turbido ac ventoso cælo commutavit, & a sexto per quatrinduum, nives quandoque utut raras pluviolis nonnullis interseruerit, tum gelu nocturno dies serenos, & haud inamœnos ad 14tum usque substituerit. Cui cum 15to pluvia nivibus mixta nimborum, quatrinduum successit serenum ac frigidum: huic vero biduum turbidum pluviis subinde, & nonnunquam grandine interpolatum. 24to & 25. serenis ac verna gratia temperatis, reliqui ad trigessimum usque successerunt inconstantes, pluvioli & nimborum.

Majus turbido, sed mox sereniori inchoavit biduo subsequente triduo nubilo ac frigido, sparsis quoque nonnunquam pluviis ex parte uvido, ad septimum totum plu-

viosum, & octavum varium, tandemque novum serenum ac æstivo calore gratum perrexit. Cui triduo quatrinduum, intercalato decimo tertio pauca pluvia irrigato, addidit. Tum 6. dierum sudo plane æstivo ad 20. usque continuavit. Cui alii sex non æque sereni, sed varietate pluviolis nonnunquam temperata; adeoque non inamœna distincti successerunt tandemque reliqui ad finem usque mensis verno temperamento commendabiles.

Junius a principio ad 12dum usque in ea temperie, pluviolis tamen quandoque interpolata perseveravit. A 13tia verna temperies, in æstum sæpius satis grandem mutata, & præter nocturnas 16ti & 20mi pluvias fere torridum, ad 23dum usque pluvia nocturna ac tonitru matutino fractum, cui ad 26tum pluvia moderata madentem, quatrinduum temperatum; huic vero 27mus paulo calidior, 28vus cum 29no pluviis modicis irrigui successerunt, tandem 30mus sereno & temperato cælo amœnus mensis simulque trimestre finit.

Morbi hujus trimestris præter prædictos endemios maligni & epidemici, quantum mihi quidem innotuit, pauci fuerunt, sporadici plures, febres pleuriticæ, ardentes, continuæ, asthmate, nausea, vomitu, cephalæis molestæ; intermittentes quædam, hemicrania, cardiogmo, celiacæ passionis, diarrhœa, dysenteria aliisque symptomatibus exacerbata, typhus quoque sed una sola.

Julius sudo ac calore æstivo, quo præcedens recessit, denovo accessit, ac ad 13tium usque serenitate jugi ac æstu indies ingravescente, si 5tum excipias temperatorem reliquis, ac 6tum pauca pluvia irriguum, continuavit. Sequentes etesii nonnunquam & pluviolis alterati, unico 27mo, a meridie spargente exempto, ad finem usque mensis serenitate ac temperie laudabili excelluerunt.

Augustus eodem fere statu cæli, utut quandoque torantis inchoans, mox variabilis fuit. Secundus enim servidior & siccior. Tertius tonitru imbrem, tota nocte durantem, addidit. Quartus mane frigidus sudum diurnum cum æstu substituit. Quintus mane pluviolosus, reliquo diei priore temperatior. Septimus sudum nubibus interpolavit, cui cætera similis octavus in tonitru horrendum vesperti & imbrem desit. Nono sudo antemeridiano pluvias meridie copiosas. Decimus antemeridiano sudo vespertinas submisit.

Un-

Undecimus paucis pluviis martinis, sudum pomeridianum, huic vero vespertinum tonitru fragorofum cum fulgetris fere perpetuis, nimboque densissimo. Duodecimus precedenti, tonitru si dempseris, & fulgura, compar. His haftenus variis ad vigesimum usque ostiduum aquabile, sudo ac aestu paucissimis pluviis temperato gratum, huicque aliud ostiduum nebulosum magis, ventis pluviisque subinde madens, illique biduum serenum quidem & siccum, sed vento frigido flante haud adeo gratum successit. Tandemque 31mus sudo ac temperato æthere menslem terminavit.

September triduo sereno ac moderato sex dies, pluviis serenitati varie interpolata inferuit. Quibus post noctem procellosam, quatrduum serenum & temperatum, quandoque tamen ventosum, & pluviis parce sparsis roscidum successit, sex diebus seren. aliis aestu æstivo fere compari amoenis exceptum. Trigessimus biduum reduxit paucarum pluviarum aspergine, ut & nebula toridum, cui triduum serenum quidem, sed algidum & ventosum, illique rursus aliud temperatius successit, & menslem simul ac trimestre absolvit.

Morbos præter scorbutum & ejus appendices, ut & ejus affinem ante hic raram, nunc ab adventu Gallorum exulum, inter Germanos etiam, infantes præsertim, fere endemiam rachitidem, hoc trimestre tam poradicos, quam epidemicos plures tulit. Et hos inter febres malignas & contagioas, haud paucis exitiosas, variis ut symptomatibus, sic exanthematibus miliaribus, urpura, morbillis, variolis, petechiis quoque insignitas & distinctas. Præterea arcentes etiam, continuas & intermittentes, atarrhales, erysipelatodes, pleuriticas, eraticas etiam. Diarrhoeas item ac dysenterias, lenterias, colicas, cardialgias, tussis ferinas ab aestu præsertim humore colluante oriundas, hæmoptoes, cephalæas, emicranias, colicas & hypochondriacas passiones cum obstructionibus nonnunquam valde contumacibus, icteros, scabies & psoras.

October serenitatem Septembris, præter uvias secundi vespertinas, quatrduo satis tato orsus sexto, & septimo frigidulis & uvia matutina madentibus, interpositis, quatrduum rursus verna temperie gratum dedit. Cui 12mus matutina, 13tius vespertina, 14tus nocturna pluvia madidi succurrunt, illisque 15tus totus pluvius ac nimbus. Quem rursus 16tus cum quatrduo

perinde procelloso & subinde nimbofo secutus. Vigessimus primus sparsa circa decimam pluviola torans, quatrduo sicciori & ameniori locum fecit. Subsequens quatrduum, vario, nubiloso ac quandoque torante cælo frigidulum, 31mo turbido æthere, geluque moderato menslem finem imposuit.

Decembris primo totus pluvius, secundus a meridie tantum pluvias sparsit. His successit triduum siccum, sed nubilum & frigidum. Sextus mane nebulosus parca pluit, a meridie siccus. Septimus udosus. Octavus serenior, procellosus simul & frigidus. Nonus absque procella precedenti similis. Decimus nives addidit ac gelu, sed haftenus moderatum, ab 11mo ad 13um rigidum, sereno utplurimum cælo, præter 12. mane ac vesperti, & 27mum vesperti tantum nebulosum, 24to remittens atque circa vespertam pluviolas spargens, noctu gelicidium, 26to subsequente nubula liquefscens, a meridie cum serenitate frigus, sed temperatum per biduum stabile reddens, 28vo nives superaddens, 29no ingravescent, 30mo nivolum, 31 absque nive perdurans, sicque cum mense trimestri ipsique anno colophonem imponens.

Morbi hoc ultimo trimestri occurrentes, præter endemios scorbuticos, arthritides præsertim & asthmata scorbutico originem debentia, & venereos, epidemici fuerunt catarrhales præcipue febres, gravedine molesta, & tussis gravi & diuturna infestantes, ardentes præterea tam continuæ, quam intermittentes variæ, malignæ quoque variolæ, sæpius confluentibus ac petechiis infames, pleuritides graves & quandoque funestæ, cephalalgæ, diarrhoeæ & dysenteriae pertinaces, nephriticæ, colicæ & hystericæ passionēs.

Constitutio Epidemica aëris Berolinensis Anni 1703.

JANUARIUS primo mane capit gelu, cælo succedente sereno, post obscuro, tandemque pluvioso. Secundus siccus ventosus & frigidus cum gelu moderato, successores habuit tertium circa vespertam pluviolam spargentem, reliquos ad octavum usque siccus; hunc vero totum nivolum æthere temperato. Nonus miti cælo pluviolis subinde vividus. Decimus imbrofus. Undecimus parum gelascens, cætera siccus. Duodecimus cum decimo tertio cælo turbido gelidiores. Decimus quartus verna serenitate ac tempore

gratus, vesperi nebulosus. Decimus quintus & decimus sextus vernæ fere amœnitatis æmuli. Decimus septimus nebulosus, tandemque imbrofus. Decimus octavus vicissim siccus & serenus. Decimus nonus cum sequentibus ad vigesimum sextum usque satis rigide gelidi. Vigessimus sextus parum nivis addidit. Vigessimus septimus noctu plusculum ejus sparsit æthere temperato. Vigessimus octavus sereno cœlo valide gelidus, ut & vigessimus nonus. Trigessimus nubilus pauloque mitior. Tandem trigessimus primus mitiori, sicco tamen cœlo mensẽ hunc primum clausit.

Februarius temperato gelu, sed turbido siccoque cœlo orsus. Secundus gelu satis rigido sereno cœlo nonnunquam tamen parum remittente ad septimum usque cum gelicidio grandinem submittentem, postque degelantem continuavit. Octavus regelascens cum nono ac decimo parum sereno & amœno cœlo gelidis. Undecimus gelu paulo intensius cœlo obscuro induxit; ac ad decimum quartum cum sequentibus ad vigesimum usque paulo cum sequenti biduo mitiorem porrexit. Vigessimus tertius densa nebula antemeridiana remissior. Vigessimus quartus mane turbidus, postea serenus. Vigessimus quintus nebulosus ac ventosus parum nivis sparsit. Vigessimus sextus intense gelidus ut & vigessimus septimus, simulque cum vento nivosi. Vigessimus octavus nive copiosa mensi coronidem imposuit.

Martius biduano gelu intenso cœpit. Tertius noctu gelidus, a meridie remissior, circa vesp̄eram pluviosus ac ventosus. Quartus eodem tenore tota die continuavit. Quintus gelidus ac nivosus, tandem pluviosus. Sextus totus pluviosus ac ventosus. Septimus mane sparsa copiosa nive mox postea in pluviam deliquit. Octavus perinde continuavit. Nonus satis intense gelavit, parumque nivis sparsit. Decimus copiose noctu nixit, postea remisse cum parca nive gelavit. Sic & undecimus, decimo quarto nebula matutina diverso, ad decimum quintum usque sereno cœlo continuavit. Hic mane nivis pauxillum sparsit, post leniter degelavit. Decimus sextus totus fere pluviosus. Decimus septimus noctu gelidus, post sparsa nive mitior, ut & decimus octavus cum pauca nive gelascens. Decimus nonus post pluviam gelidus ac nivosus, post serenior. Vigessimus quoque gelu cum parca nive miscuit, in pluviam tandem deliquescens. Vigessimus primus tota die udosus.

Vigessimus secundus mane & circa vesp̄eram pluvius. Vigessimus tertius mane parum pluvius, post vesp̄era temperiem submisit. Vigesimo quarto mane parum nebuloso æthere serenitatem successit ac siccus. Vigessimus quintus ventosus æthere sereno nivium aspergine subinde variato. Vigessimus sextus perinde ventosus nivem cum pluvia ac sereno sæpius. Vigessimus septimus matutino tempore serenus, post turbidus ac ventosus. Vigessimus octavus mane nivosus, a meridie pluviosus. Vigessimus nonus nubilosus, temperatus tamen. Triduo sequente sereno, temperato ac verna amœnitate & tepore grato mensẽ simul ac trimestre primum finiit.

Morbi præter scorbutum, Protheum illum plurimorum symptomatum syndrome variatum ac hic loci endemium, frequentiores fuerunt febres variæ, continuæ & intermittentes benignæ, malignæ, catarrhales & caustodes, purpureæ, pleuritide ac arthritide quandoque comitatæ, cephalalgicæ, vertigines, passiones hystericae, asthma, cachexia & cacoehymia.

Aprilis primus dies vernæ serenitatis ac temperiei particeps, circa vesp̄eram pluviola madidus fuit. Secundus mane obscurus, a meridie serenus ac frigidus. Tertius, quartus & quintus primo ex affe similis, nisi quod postremus paulo frigidior. Sextus mane turbidus cum aspergine pluviolæ, postea serenus. Septimus serenus, sed frigidulus. Octavus ad decimum tertium usque sudo ac temperie, præter decimum paulo calidiorem, amœni. Decimus tertius turbidus ac ventosus mane, post serenitatem pluviolis miscuit. Decimus quartus frigidulus ac ventosus cum aspergine pluviarum. Decimus quintus totus pluviosus, ut & decimus sextus, subinde tamen pluvias paulo serenior. Decimus septimus mane pluvias sparsit paucis grandine mixtas, a meridie serenus. Decimus octavus serenus, temperatus & amœnus, nec non decimus nonus excepta pruina nocturna talis. Vigessimus cum vigesimo primo secundo verna amœnitate gratus, nisi quod postremus una cum biduo sequenti pluviarum aspergine sub vesp̄eram torridi. Vigessimus quintus obscurus ac nubilosus, raroque intercedente sudo siccus. Vigessimus sextus verna temperie ac pluviolæ subinde aspergine, cum sequenti biduo siccus. Vigessimus nonus variato identidem æthere pluvias sudo miscuit. Trigessimus post pluviam matutinam siccus mensẽ hunc absolvit.

Maji

Majj primus temperato cœlo ad secundum mane pluviolæ aspergine uvidum post serenum processit. Secutus tertius mane frigidulus, post serenus & amœnus, cui compar fere quartus aspergine pluviolæ roridus, cui biduum serenum, siccum & calidum successit, a meridie tamen sexti pluviolam aspergens. Septimus mane serenus, a meridie nubilus. Octavus ad decimum tertium usque sereni ac verna varietate accepti, rara pluviarum aspergine temperati, præter duodecimum cum vento tonitru adducentem. Decimus quartus a meridie modice, decimus quintus valide tonuit; quos biduum decimo & septimo excepit sudo ac calore verno gratum. Decimus octavus mane nubilus ac vento, pluviolis quoque subinde sparsis turbidus. Decimus nonus similis, absque tamen pluvia siccus, ac tandem serenus, a vigesimo sereno ac amœno exceptus temperatus ad vigesimum secundum & sequentes calidiores, vigesimum sextum æstu gravem, & vigesimum nonum verna temperie & amœnitate gratum transiit. Reliquum triduum mane serenum, vesperti pluviolis uvidum, trigesimo primo modico fulgurum additamento mensem hunc circumscripsit.

Junii primus nocturno imbre, diurno sudo & æstu orsus, secundum serenum & vesperti pluviolæ aspergine uvidum comitem habuit. Tertius mane ad meridiem usque pluvius, post temperatus ac siccus, quartum mane subinde pluentem alias amœnum ac temperatum præcessit, sequente biduo sereno ac temperato. Septimus pluvius, post ventis flantibus siccus. Octavus serena temperie amœnus. Nonus pluviolis serenitatem subinde variavit. Decimus mane ad meridiem usque imbrofus. Decimus semel a meridie imbre molestus, alias serenus. Duodecimus pluviarum aspergine quandoque varius. Decimus tertius serenus ac siccus, ventosus tamen simul ac frigidus, compar habuit decimum quartum, quintum & sextum, hunc æstuosum simul valde ac procellosum. Decimus septimus nubilus ac ventosus cum aspergine pluviarum nonnunquam mixtus. Decimus octavus amœna temperie gratus. Decimus nonus nubilus ac frigidulus, pluviolis subinde rorans, cui vigesimus post noctem pluviolosam æqualis, temperata amœnitate ventis placidis velut etesiis interpolatus. Vigessimus primus denuo serenus ac calidus. Vigessimus secundus æstu paulo gravior. Vigessimus tertius sudo si-

mul & æstu molestus. Vigessimus quartus æstu ventis paulo temperationi. Vigessimus quintus pluviola moderatus. Vigessimus sextus totus fere cum tonitru pluviosus. Vigessimus septimus mane & vesperti parum pluvius. Vigessimus octavus mane nubilus, postea clarens. Vigessimus nonus mane serenus, a meridie pluviosus. Trigessimus mane ad meridiem usque serenus, a meridie quandoque pluvius, mensem simul & trimestre secundum finiit.

Morbi hoc secundo trimestri infensiores fuere cacoehymia, & cachexia scorbutica variique alii affectus ejusdem farinae, febres variæ continuæ & intermittentes, tertianæ, catarrhales, ardentes benignæ ac malignæ, variolis quandoque comitatæ & morbillis, pleuritides veræ ut plurimum nonnunquam spuria, hypochondriacæ affectiones & passionis hystericae, tussis inveteratæ, & graves, phthisicos & hæcticæ comites. Icteri, colicæ passionis, cholerae, diarrhoeæ.

Augusti primus nubilus ac pluviosus. Secundus obscurus & ventosus subinde pluviolas aspergens. Tertius mane nubilus ac parce pluvius a meridie serenus, triduo sudo ac calido exceptus. Septimus post mane aspergine varium, a meridie tonitru terruit. Octavus mane serenus, a meridie modice pluvius. Nonus sudum. Decimus idem etesiis temperatum. Undecimus sudum æstuosum, æstivum, ut & duodecimus etesiis mixtum induxerunt, reliqui, exceptis decimo tertio his destituto, decimo octavo mane semel pluvio, vigesimo quarto vesperti cum imbre tonitru inducente, vigesimo quinto mane nubilo, ac ventis turbido, omnes ad finem usque mensis æstivo æstu perseverarunt, præter trigessimum primum, mensem hunc cœlo turbido vesperti claudentem.

Septembris primum biduum sudo & etesiis gratum. Tertius nubilus & procellofus. Quartus mane frigidus, & serenus, a meridie nubilus ac turbidus, triduo pluvioso, frigido, ac ventoso exceptus. Octavus cum nono paulo temperationes ac calidiores. Decimus serenus ac temperie amœnus. Undecimus sæpius pluviosus ac tandem imbrofus. Duodecimus, decimus tertius, & quartus cum sequentibus ad vigesimum primum usque præter morem æstivo calore & amœnitate grati serenitate pluvias vicerunt. Vigessimus secundus ad meridiem usque mane pluviosus, post serenus, ut & vigessimus tertius & quartus æstivo calore commendabiles,

biles. Biduo intercedente pluvioso rursus ad vigesimum octavum usque nubilum, sereno tepore laudabiles. Vigessimus nonus aspergine vespertina pluviolarum, trigessimus nubilum coelo a prioribus diversi tandem serenitate reduce mensem hunc ac simul trimestre coronide ornarunt.

Morbi huius trimestris fuere præter scorbuticas ac hypochondriacas affectiones, colicæ, diarrhœæ ac dysentericæ, febres variæ intermittentes & continuæ, ardentes, etiam malignæ variolis, morbillis ac purpura nonnunquam suspectæ, pleuritides utriusque generis, arthritides vagæ, scorbuticæ, paralyfes & apoplexiæ, asthmata, dyspnœæ, tussis graves ac diurnæ, cachexiæ.

Octobris primus nubilus ac ventosus, sudo tamen subinde mixtus. Secundus mane serenus a meridie nubilus. Tertius mane serenus, a meridie turbidus ac pluviosus. Quartus & quintus mane nubili, cum aspergine pluviarum. Sextus vice versa mane serenus, a meridie pluvius. Septimus post nebulam serenus & amœnus. Octavus mane pluvia parum roridus, alias amœnus, nono quoque ac decimo sicque ad undecimum nubilum ac subinde pluvium transit, Duodecimus nubilus, & subsequenter imbrofus. Decimus tertius procellosus ac sæpius nimbosus. Decimus quartus frigidulus ac ventosus mane a meridie serenus, semel tantum imbre madens. Decimus quintus serenus mane ac frigidus, a meridie parum pluvie spargens. Decimus sextus mane nebulosus, post nubilus ac frigidus. Decimus septimus frigidus & pluviis mixtus. Decimus octavus frigido coelo serenus. Decimus nonus primam nivem sparsit serenante postea coelo. Vigesimo & vigesimo primo tota die cum nive pluvie. Vigesimo secundo cum sudo frigus ac gelu moderatum. Vigessimus tertius post mane gelidum pluvias dedit degelascens. Vigessimus quartus mane turbidus, postea clarescens. Vigessimus quintus mane pluvius, a meridie nubilus cum pluviolarum aspergine. Vigessimus sextus mane pluviosus, postea serenitatis parum subinde miscens. Vigessimus septimus ficcus, sed nubilus, solis splendore paucis interdum interlucente. Vigessimus octavus ad meridiem usque pluviolarum aspergine madens, a meridie nubilus ac ficcus. Vigessimus nonus mane nubilus postea serenus, sed frigidus. Trigessimus frigidus & pruinosus. Trigessimus primus temperia autumnali grata mensem finit.

Novembris primus ac secundus frigidus, sparsa parumper nive, postque pluviola. Tertius & quartus temperati & amœni, ut & quintus nisi sparsa sub finem pluviola turbidus. Sextus mane nebulosus, post vento frigido molestus. Septimus nubilum mitior. Octavus nubilus ac frigidus. Nonus successit simile biduum cum sudo frigidulum. Duodecimus nubilus ac subfrigidus. Decimus tertius satis temperatus. Decimus quartus mane ad meridiem usque nubilus, a meridie pluviosus. Decimus quintus mane pluvius, post turbidus ac humidus. Decimus sextus nubilus, frigidus ac ficcus. Decimus septimus idem, paucis interspersis nivium micis. Decimus Octavus perinde, sed sine nive gelidus. Decimo nono ut & vigesimo sudum subsequente noctu rigido gelu. Vigessimus primus nubilus, ut & vigessimus secundus tandem pluviolæ aspergine mitescens. Vigessimus tertius mane nubilus, aspergine pluviolarum modica sub vespere rorans. Vigessimus quartus totus nubilus, ut & vigesimo quintus vespere pluvius. Vigesimo sextus cum septimo temperati & amœni. Vigesimo octavus nubilosus ac frigidus, ficcus tamen. Vigessimus nonus, mane nubilus, post serenus ac temperatus. Trigessimus post modicam pruina mane serenus ac temperatus, circa vespere pluvia mensem terminavit.

Decembris primus post nebulam matutinam ut & secundus sereni ac temperati, nec non tertius unica pluviolæ aspergine roridus. Quartus post nebulam matutinam serenus. Quintus sudo frigidus. Sextus quarto similis. Septimus tota die serenus, circa vespere maduit. Octavus sereno coelo procellosus, nono quoque continuante, procella, & pluvia a meridie interpersa. Decimus mane ad meridiem pluvius, post serenus, ac sedata procella placidus. Undecimus mane serenus, a meridie parum pluvius. Duodecimus totus pluviosus. Decimus tertius mane serenus, a meridie pluviolæ aspergine udus. Decimus quartus tota fere die pluviosus & imbrofus, ut & decimus quintus totus nimbosus & sub vespere procellosus. Decimus sextus mane gelidus, post tota die serenus ac frigidus. Decimus septimus mane nubilus, ac mitis; tandem in pluvie asperginem desinens. Decimus octavus mane nebulosus, post pluviosus. Decimus nonus gelidus mane, ac serenus. Vigessimus aère obscuro gelidus. Vigessimus primus cum sudo gelascens. Vigessimus se-

cus.

cundus rigide gelans . Vigessimus tertius noctu nivem sparsit , post degelascens pluvias . Vigessimus quartus nubilus ac humidus . Vigessimus quintus cœlo sereno gelascens . Vigessimus sextus noctu nivofus , post nubilus , mox tandem serenus ac gelidus , ut & vigessimus octavus meridie serenus . Vigessimus nonus cœlo sereno rigide gelans . Trigessimus ut & trigessimus primus ex parte , nungentes mensem hunc simul & trimestre quartum ut & annum 1703. absolverunt .

Morbi huic trimestri familiares , præter endemios sæpius indigitatos , fuerunt febres omnis generis sere , ardentes , malignæ , variolis suspectæ , intermittentes , tertianæ , quartanæ , ephemeræ , catarrhales , hæcticæ , phthises , tusses ferinæ & inveteratæ , colicæ passionēs ; scorbuticæ etiam , diarrhææ , arthritides scorbuticæ , vagæ & fixæ , paralyfes , cephalææ contumaces , hemicranicæ , passionēs hypochondriacæ & hysteriæ &c.

*Constitutio Epidemica Berolinensis
Anni 1704.*

JANUarii primus paucis nivium flocculis gelu orsus , paululum mox rursus remissit . Successit huic triduum cœlo sereno gelidum . Quintus cum sexto noctu totoque sequenti die nives sparsit , quorum postremus cessante nive turbidus ac frigidus . Septimus cum biduo sequenti cœlo quandoque sereno gelidus . Decimus pauca interpersa nive circa vespèram remissior . Undecimus cum sequenti duodecimo ventosi ac procellosi . Decimus tertius rigido gelu horridus . Decimus quartus paululum remissior . Decimus quintus rigidum decimi tertii gelu redintegravit . Decimus sextus mane remissior , a meridie robur prioris resumpsit , cum sequenti decimo septimo paucos nivium flocculos aspergente . Decimus octavus noctu nives parumper auxit . Decimus nonus gelu pauculos denuo nivium flocculos miscuit , noctu auctiores cum gelu satis rigido . Vigesimo nox cum nive copiosa , procellosa inter vigesimum primum & vigesimum secundum sine nive gelidum successit , ut & sequens vigessimus tertius pauca nive præmissa serenus . Vigessimus quartus satis rigide gelidus circa vespèram nivofus ac ventosus . Vigessimus sextus noctu cum pluvia regelans , tandem serenus ac temperatus . Vigessimus septimus ea temperie sine pluvia ac nive continuavit . Ut & vigesi-

mus octavus circa vespèram cum sequenti vigesimo nono procellosus ac parum pluvius . Trigessimus post gelu modicum a meridie serenus , tandem nive ventosus . Trigessimus primus mensis postremus procellosus admodum ac subinde pluviosus .

Februarii primi nox tempestuosa , succedens dies pluviosus , grandinosus ac procellosus . Secundus illi ex parte similis modice gelascens , mane parum ac vespèri nungens . Tertius vento cum pluviis & pluviolis mixto varius . Quartus noctu gelidus , postea serenus , ac verna quasi temperie amœnus . Quintus mane parum gelascens cætera turbidus , siccus , tandemque temperatus . Sextus absque omni gelu priori similis . Septimus turbidus ac ventosus , a meridie cum nive nimbosus . Cui triduum successit temperatum , siccum ac tranquillum . Undecimus remissior , sparsis quandoque pluviis udus ac ventosus . Duodecimus dempta pluvia priori æqualis . Decimus tertius turbidus , sparsis quandoque pluviis ac pluviolis cum sequenti decimo quarto a priori diversus . Decimus quintus cum decimo sexto noctu gelidi , de die cum serenitate procellosi . Triduum sequens noctu gelidum , mane nivofum , tandemque pluviolis aspersis uvidum . Vigessimus noctu gelidus ac nivofus , post paulo serenior . Vigessimus primus cœlo sereno gelidus , pauco grandine niveo interfecto . Vigessimus secundus & vigessimus tertius mane cœlo sereno satis gelidi , a meridie remissiores . Triduum subsequens rigide gelans . Biduum sequens nive admixta paulo remissius . Vigessimus nonus nive vacuus mensem absolvit hunc intercalarem .

Martii primus mane gelidus , cætera serenus ac remissior , una cum sequenti quadriduo verna temperie ac amœnitate commendabili . Sextus satis gelidus , turbidus ac procellosus ; ut & septimus tandem serenior . Octavus pauca nive turbidus ac , aliquanto remissior , ut & nonus ac decimus tota die tales , prætereaque turbidi ac ventosi . Undecimus serenus vernaque temperie gratus , cum biduo sequenti , cuius tamen postremus decimus tertius paulo obscurior ac noctu gelidior , decimus quartus cum undecimo verna serenitate certans . Decimus quintus mane pluvia cum tepore secunda verna amœnitate commendabilis . Decimus sextus turbidus ac ventosus , pluviosa quandoque riguus . Decimus septimus mane sparsis subinde pluviolis turbidior , seren-

renitate postmodum grata amœnus. Decimus octavus toto mane turbidus a meridie pluviolosus. Decimus nonus cum sequenti triduo mane pluvius, post frigidus, ast siccus. Vigésimus tertius mane gelidus, paulo post serenus, frigidulus ac parum ventosus. Sequens quatrídium temperate frigidum, ventosum ac obscurum. 28vus mane paulo obscurior, postea sudo ac serena temperie acceptus, ut & sequens 29vus, vento frigidior solum diversus. 30vus nubilus, frigidulus, subindeque pluvius. Postremus 31mus vento austrino frigido serenitati aspirante temperatus trimestre primum terminavit.

Morbi hac anni quadra præter scorbutum endemium, & luem fere epidemiam, febres fuere variaz, cum tertiana, duplicata, continuæ & ardentes, benignæ, & malignæ, catarrhales & acutæ variis symptomatibus stipatæ, cum & sine tussi, hæcticæ, in phthisin declives, pleuritides, asthmata, dyspnœæ, arthritides statæ & vagæ scorbuticæ, icteri, cardialgiæ, hæmorrhagiæ uteri.

Aprilis 1mus nubilosus, pluviolis subinde aspersis frigidus. 2dus mane pluvius, post aliquanto serenior. 3tius serenus ac temperatus, vesperi pluviolosus. Cui congener 4tus subinde pluviolas spargens. 5tus noctu tonuit, a meridie pluit, cætera serenus ac calidus. 6tus verna serenitate ac tepore gratus cum biduo sequenti. 7mus tamen paulo frigidior ac ventosus. 9nus mane turbidus ac frigidulus, tandem post pluviam sæcundam serenus. 10mus æthere sæcunda serenitate, pluviolis interdum interpolata, laudabilis. 11mus eum sequentibus duobus verna temperie ac serenitate commendabilis, ut & 13mus circa vespæram paulum pluviz aspergens. 14tus sudum cum nubilo ac pluviis quibusdam miscuit. 15tus cum sequente sæcundo cælo frigidulo parumper temperati. 17mus exiguum matutinum gelu sudo temperans, sequentibus ad 23tium usque, 19no ac 20mo præsertim æstivo fere calore amœnis, 23tio paululum pluviz addidit. Sequens triduum temperata serenitate ad vespæram usque postremi paulo obscuriorem continuavit. 27mus mane pluvius, post frigidulus & nubilosus, perinde ut & 28vus absque tamen pluvia. 29vus temperatus cum 30. mensis postremo, paulo tamen frigidior & ventoso.

Majus eodem tenore cœpit pluviolas interdum miscens. 2dus serenior paulo &

siccior. 3tius ut & sequentes ad 7timum usque sparsis quandoque pluviolis udi & subfrigidi, postremus 7mus noctu cum pruina grandinosus, mane serenus, 8vus mane frigidus ac ventosus, a meridie serenus ac calidus. 9nus verna temperie amœnus ut & 10mus circa vespæram parumper pluvius, 11mus serenus ac calidus. 12mus adhuc calidior subsequente sero pluvio. 13tius absque pluvia similis. 14tus mane ad meridiem usque nubilus ac subfrigidus, postea serenus. 15tus & sequentes verna serenitate ac spirantibus quandoque æstivis quasi æstivæ temperie commendabiles, ad 20mum usque obscurum, pluvia moderata subinde interpolatum. 21mus cum sequente triduo serenus, calidus & amœnus, parum ventosus ad 24tum usque, post tonitru moderatum a vento impetuoso frigidior. Quatrídium sequens obscurum, quandoque cum, alias sine pluvia, ad 29num usque perinde turbidum sæpiusque pluvium. 30mus cum 31mo, mensis hujus postremo sine pluvia nubilosi.

Junii primus temperata serenitate ad vespæram usque parumper pluviam amœnus. 2dus turbidior ac frigidior mane, a meridie serenitatem aliqualem subinde pluviis miscuit. Sequentes sudo temperati, calidi ac sicci ad 9num usque vesperi parum pluentem. 10mus cum 11mo frididi ac ventosi. 12mus cum sequentibus sereni, calidi ac placidi, præter 13m paulo obscuriorem, ad 17mum tota die pluvium. 18vus frigidulus & obscurus, serenitate nonnunquam interpolatus, vesperi pluviolosus. 19vus ventosus & a meridie imbrofus. 20mus temperatus, ut 31mus sero parum pluens. 22dus obscurior paulo, siccus tamen temperatus. 23tius serenior præcedenti. 24tus cum triduo sequenti serenitatem pluviis intercalavit, ad 28vum usque & 29num serenos, temperatos, siccos, & amœnos. 30mus paucis pluviis quandoque intermixtis obscurus mensem simul cum hoc anni quadrante clausit.

Morbi hoc trimestri priori fere fuerunt analogi, præter nimirum geminos illos endemios, febres rursus varii generis, intermittentes, tertianæ simplices ac duplices, quartanæ, & continuæ, ardentes, benignæ & malignæ, variis symptomatibus comitata, cum & sine exanthematibus, catarrhales, pleuriticæ, in hæcticam & phthisin pronæ, variolæ, morbilli, diarrhœæ, colicæ passionis, cholera, melancholiz hypochondria-

drinæ passiones, cephalæ, hemicranie, paralyfes, epilepsie, asthmata cum & sine hyprope, rachitides.

Julii primus serenus atque siccus. 2dus sudo pluvias miscuit, tertius serenus ac temperatus vesperti pluviolas sparsit. 4tus priori fere similis, nisi quod procellæ semel pluviolam aspersit. 5tus sudo absque pluviis, ventum impetuosum intercalavit. 6tus núbilo cælo serenum absque pluvia induxit æther. 7mus serenus. 8vus sudo æstivus. 9no mane pluvio, serenitas calorem intensum addidit. 10mus pluvias cum sudo alternavit, perinde & 11mus cum núbilo cælo sudum. 12mus temperatus ac siccus. 13tius, serenus & æstuosus. 14tus cum biduo sequenti mane ac vesperti pluvii, cætera sereni. 17mus toto fere die pluvius. 18vus mane ad meridiem usque pluviosus, & ventosus. 19nus mane serenus, a meridie bis pluit. 20mus pluviam cum sudo sparsit frigidulus & ventosus. 21mus mane obscurus pluviolas post quandoque sparsit. 22dus mane quidem serenus, subfrigidus tamen, a meridie pluviolas dispersit. 23tius temperatus, serenus partim, partim pluvius. 24tus amœnus, calidus ac siccus, cum quadrado sequenti æstuoso, 29nus post pluviam matutinam núbilosus, frigidus ac ventosus. 30mus temperatus & amœnus. 31mus post matutinam pluviam serenitate mensem finiit.

Augusti primus ad meridiem usque serenus, a meridie parumper pluvius. 2dus mane núbilus, postea serenus, & amœnus. 3tius mane parum pluens, postea siccus & obscurus. 4tus tota die sine pluvia núbilus. 5tus mane turbidus, post serenus. 6tus serenus, calidus & amœnus. 7timus núbilus ac calidus pluviolas subinde spargens. 8vus sine pluvia serenus ac calidus. 9nus serenus & temperatus in æstum vergens. 10mus huic præcedenti analogus: vesperti tonuit. 11mus núbilum cum sudo alternans vento subinde pluviolas aspersit, cui 12mus similis semel pluviola maduit. 13tius mane núbilus ac frigidulus absque pluviola. 14tus pluvias nonnunquam addidit. 15tus procellam impetuosam. 16to parum remittentem. 17mus mane núbilus, circa vespertam serenus & ob calorem temperatum amœnus. 19nus æstuosior paulo. 20mus remissior mane ac modica pluviola sæcundus. 21mus serenus, calidus ac siccus, præter 23um valde æstuosum, ad 26tum núbilum mane ac subfrigidum, 27mus cum 28vo pluviolarum quandoque alpergine ventosi. Biduum

Sydenham Opera Med. Tom. I.

sequens serenum ac calidum. 31mus mensis postremus etesiis æstum præcedentem temperavit.

Septembris primus núbilus mane, post ob ventum frigidus. 2dus paulo temperatior. 3tius primo fere similis, subinde pluvius. Triduum sequens mane pluviosum, a meridie serenum. 7mus núbilus, frigidus & siccus, ad usque vespertam pluviolam spargentem. 8vus perinde frigidus, sed sæpius pluviolis madens. 9nus mane ad meridiem usque 7mo compar, a meridie pluvit, tandem serenior. 10mus temperatus ac serenus totus, ut & triduum sequens ad meridiem usque 13ii, a meridie quandoque pluens. Pariter & 15tus circa meridiem semel pluens. 15tus ventosus subinde ac pluviosus. 16tus cum 17mo sicci, temperati & amœni. 18vo sudum ut plurimum pluviis sparsum mixtum. 19nus temperatus, serenus & amœnus. 20mus mane & a meridie quandoque pluvius, cætera temperatus, serenus & amœnus. 21mus circa primam pomeridianam parum pluit, reliquo temperatus & serenus. Biduum sequens turbidum, frigidum & ventosum, subinde pluens. 24tus nimbosus ac procellosus. 25tus ut & 26tus nonnunquam pluvias fundens. 27mus tota fere die pluviosus. 28vus post pluviam matutinam subfrigidus & serenus. 29nus temperatus, serenus & amœnus. 30mus æstiva serenitate & calore mensem hunc simulque trimestre anni tertium absolvit.

Morbi hujus trimestris haud multum abluunt a prioribus, gemini nempe illorum Choragi cum affectis suis in hac quoque tragodia personas suas egerunt, præterque illos febres omnis fere generis ephemeræ, himitritæ, tertianæ, simplices & duplices, erraticæ & exquisitæ, quotidianæ, intermittentes & continuæ, putridæ, ut olim audierunt, & causodes, quartanæ quoque, benignæ pariter, & malignæ exanthematibus se prodentes, variolæ & morbilli, pleuritici, erysipelatodes, hæctici, & phthisici, catarrhales tandem, cephalæ pertinaces, & enormes, paralyfes, epilepsie, tusses contumaces, asthmata subinde convulsiva, inflammationes gutturis, anginæ, hæmoptoës, stranguriæ, hydropes, hypochondriaci affectus, hystericae passiones, cholera, dysentericæ & dysentericæ, rheumatismi, chloroses, emorrhoides cæcæ & cruentæ.

Octobris primus serenus ac temperatus, 2dus mane obscurus, post serenior. 3tius mane núbilosus, mox serenus. 4tus mane

P p p

plu-

HISTORIA EPIDEMICA GERMANIÆ.

pluvius, vesperi serenus & frigidulus. 5tus procella pluvii mixta, tempestuosus. 6tus de die frigidus & siccus, vesperi pluviosus. 7mus cum pluvia modica procellosus. 8vus serenior, quandoque tamen pluvius. 9vus cum 10mo temperate sereni. 11mus tempestuosus, frigidus ac pluviosus. 12mus serenus & subfrigidus. 13tius mane serenus, postea imperuosus ac frigidus. 14tus ad 23tium mane pluviosum usque sereni, siccus ac temperati, præter 16tum, 19num & 22dum mane paulo obscuriores. 24tus mane turbidus ac frigidus, postea serenus. 25tus pruinosus & glacialis, cætera serenus. 26tus valide gelans, 27mus paulo remissior. 18vus cum 29no rigide gelidi. 30mus cum 31mo postremo hujus mensis mane pluvii, post sereni.

Novembris primus & secundus mane nubili, post subinde pluvii. 3tius serenus & temperatus. 4tus mane gelidus, postea serenus. 5tus cum modica nebula gelidus, 6tus & 7mus mane gelidi, vesperi remissiores. 8vus cælo sereno remissus. 9vus noctu remisse gelascens, alias cum serenitate æthere temperatus, cui compar fere 10mus, obscurior tamen paulo, sparsis nonnunquam modico pluviolis. 11mus huic similis vesperi pluvius. 12mus satis alias serenus, semel parum pluviola sparsit. 13tius tota fere die pluviosus. 14tus siccus ac frigidus. 15tus mane pluviosus cum siccitate postea alternavit. 16tus cum 17mo pluviosus. 18vus vento satis forti aspirante serenior, pluviolam raram sero spargens. 19vus frigidus sæpiusque pluviosus. 20mus procellosus insuper. 21mus cum 22do grandinosus quoque. 23tius cum 24to perinde, quandoque tamen sereni. 25tus sudum cum nubilo, sicco sufflante vento campsit. 26tus toto fere die imbrofus. 27mus serenus ac subgelidus. 28vus mane gelidus, post nebulosus. 29vus nebulosus ac frigidus. 30mus mensis postremus spirante aquilone turbidus, humidus ac frigidus.

Decembris primus postremo Novembris ex æsse similis, turbidus, humidus ac frigidus, ut & secundus, sed siccior paulo. 3tius sereno cælo gelidus. 4tus post maturum gelicidium, cum 5to continue pluens. 6tus quandoque tantum pluviolas sparsit. 7mus nubilus, siccus tamen. 8vus noctu gelavit, de die serenus. 9vus noctu nixit, de die sereno cælo gelavit. 10mus satis rigide gelans. 11mus regelavit. 12mus remisse gelidus mane absque pluvia. 13tius &

14tus & ut 15tus cum sequenti triduo cum pluvia remissiores. 18vus mane etiam imbre maduit, a meridie sole cluctante parum inclaruit. 19vus gelidus ac nivofus. 20mus ad 23tium usque sine nive gelidus cælo sereno. 23tius remissior nubilus & nebulosus. 24tus cum 25to post nebulam, matutinam imbrofi, triduum sequens ventosum, regelans, ac pluviosum. 29vus parum gelascens atque nigans. 30mus & 31mus rigido gelu mensi huic & trimestri, simulque anno 1704. colophonem imposuit.

Morbi, si scorbutum ejusque comites, & sub illius larva sæpius latitantem infamem illam luem, cum appendicibus illorum exceperis, hoc trimestri non adeo frequentes fuere ac precedentibus. Febres nonnullæ ardentes & malignæ, quæ morbillis aut variolis ut plurimum stipatæ, catarrhales, pleuriticæ, in tussis & phthisin declinantes, vagæ quandoque, catarrhis suffocativis sociatæ, melancholicæ hypocondriacæ, & passionet hystericae, cephalæ, & cachexiæ, tussis contumaces admodum &c.

*Constitutio Epidemica Holsatica
Anni 1706.*

Dn. D. GUNTHERI CHR.
STOPHORI SCHE-
LHAMERI.

Hic jam morbi penitus silent, toto autem hoc anno variolæ confluentes sævissime sunt grassatæ, multaque propemodum dixerim millia infantum, maxime tum & juvenum & adultorum rapuere per Holsatiam & Hamburgum. Propterea autem tales se exhibuere, quales Sydenhamius describit. In principio mites, mox 2. vel 3. die erumpentes, optime sibi constantes, neque gravioribus symptomatibus stipatæ, præterquam quod deliria statim ab initio usque ad finem, lævia tamen, adessent. Ubi vero ad statum perveniebant, & suppurabantur, nihil remittebat calor, pulsus semper frequens & celer, æqualis tamen nec admodum debilis erat, sed die 9. 10. vel 11. ubi ad summum ascendere oportebat, subito, & quasi in momento foveam ostendebant, confluebant, concidebant, pallebant, instar lepræ, in facie præsertim, & tum actum erat. Alexipharmacis & calidis exhibitis, iterum tumebant quidem, sed mox redibant ad pristinum. V. S. ubi adhiberi poterat initio, optimè codebat, etiam in infantibus. Non-

Nunquam petechiæ conjugebantur in principio. Ubi vero evadebant ægri, scelerate maxime faciei pulchritudo evertitur, oculi contorti, immo cæcitas etiam, ingentes furunculi; aut fistulæ ossa etiam exedentes brevi sequebantur, & sphacelus.

*Constitutio Anni 1709. Apud
Labuenses in Carniola
notata a*

Dr. D. MARCO GERBEZIO.

Posteaquam præterisset anni 1708. autumnus fere in meris nivium cum pluviis, nebulisque vicissitudinibus, subingressus erat annus jamjam ad exitum properans 1709. cum eis nivibus, frigorebusque, quantum fere non recordamur unquam. Hippocrates 3. *Apb.* 17. quidam laudavit frigidas aeris constitutiones, dum dixit, *Aquilonias constitutiones cogere corpora, firma, agilia, bene colorata, ac auditu valentiora reddere.* Quantam tamen vim ex fere universæ naturæ inferre valeant, si frigus suos limites transcendat, quemadmodum factum anno ad finem decurrente 1709. experta est cum maxima sua calamitate universa Europa. & propterea quoque nos Labuenses ipsi, quibus plane terra ipsa fuerat a frigore in Aprilem usque protensi, rarissimisque vicibus ab austris paulisper tetusi inclementia adeo effecta, & infœcunda reddita, ut colonis pro suis laboribus vix satorem semen, & illud ipsum effectum, & ærugine corrugatum reddiderit. Arborea frugifera, & quibus perfecte fere cunctæ siderant, aut nullam, aut parvissimam, & cum fere verminosum, corrugatum, & certis nigris stigmatibus ab ærugine maculatum fructum portare. Vites similiter usque ad radices emortuæ omni botrorum opimitate destitutæ, & sic de aliis. Quin laxa ipsa observabantur alicubi præ frigore in arenas comminuta. Et parvi dentium æstimari poterat istud, si hujusmodi strages non etiam animata, & inter ea quoque hominem ipsum contigisset: verum deploravimus, & deploramus etiamnum, quod (ut reliqua animantia silentio præteream, quorum tamen plurima fuere frigore exanimata) ejus inclementiam quoque ex incolis nostris plurimi, & nonnulli singularissimi viri propriæ vitæ intereptione luescent. Tot siquidem vix unquam vidimus apoplexiis repente sublato, tot vertiginosos, arthriticos, catarrho-

so, pleuriticos, phthysicos &c. quot hoc ipso anno. Cui alteri autem impurari poterat strages isthuc, quam recta enarrata immensi frigoris immanitati? Cujus, cum juxta a nobis in Chronologia nostra medica Anni I. §. XXII. & alibi dicta vis sit refrigerare, condensare, incrassare, coagulare, adstringere, & sanguinem cum reliquis corporum succis ob inhaerentes sibi magna quantitate nitrosas, vitriolicas, & alias salinas atomos acrem reddere; qui aliter fieri, quam, quod intolerabilitate illa frigoris oclusi cutis pori ingentem alias per insensibilem perspirationem excludendam noxiorum humorum saburram in corporibus retinuerint? que intus coagulata facile in cerebri meatibus substitit, desuperque aut repentina corporum in excalescentis hypocaustis incallescencia, aut alia quacunque occasione attenuata, & dissoluta eatenus diluxit, ut universos, vel saltem potissimos cerebri meatus, & nervorum inde in reliquum corpus protensorum origines inundarit, obstruxeritque, eoque ipso spiritibus animabus suam circulationem, & consuetum in subjectas partes influxum præpedierit. Unde repentina illæ, de quibus supra, apoplexiæ, vel si qua obstructions tantæ non fuere, tantæ tamen, ut præ iis spiritus animales cursum suum debito sibi tramite prosequi non ponerint, sed potius in gyrum acti fuerint; vertigines illæ, vel saltem terræ fluctuationes cerebri sæpe sæpius apoplexiarum, vel epilepsiarum prodromi; de quibus hoc anno plurimi non solum fuere lamentati, sed quipiam plane apoplectici successively, vel epileptici facti. Quod si autem tales coagulationes, & subsistentiæ, seu stagnationes dictorum humorum simili modo in aliis corporis partibus quandoque acciderent, aliæ ibidem evenire indispositiones; veluti in pulmonibus vomicae, ad quas postea consecuta sunt primum ruffitationes inanes, successively humidae, & sæpe cruentæ, ultimam plane purulentæ cum totius corporis contabescencia phthysicos nomine veniente, & interitu ipso; in collo scrophulæ, alibi alterius generis tumores. Quatenus tales humores autem copiosius ad nares destillabant, ad fauces, aut alias partes, evadebant gravedinum, raucedinum, ruffini, & aliarum vulgo dictarum destillationum causa; sicut arthriticorum & rheumaticorum dolorum, si ii a frigore justo aciores redditi, inque periostiis articulorum, vel etiam interjacentium partium depo-

P p p 2

depositi, ea sua acredine rodebant, lancinabantque &c.

Sicut autem reliquus anni decursus erat quoad aëris temperiem ordinatior, ita erat sanitati humanæ conferentior: excepto, quod vere Aprilis fuerit repente ac præter morem vigorosis & constantibus solis radiis adeo excalesfactus, ut auræ temperie fere æstatem præ se ferret; Majus e contra ob prædominantem cum euro boream, pluviasque adeo rursus perfrigeratus, ut præ se ferret autumnum, quod ominosum Hippocrati 3. *apb.* 1. quod tempus propterea etiam notabiliter plurimum erat serax morborum. Æstate e contra & autumno, utpote quoad auræ temperiem regulatoribus, tanto salubrius vivebatur, neque observabantur in eis facile aliæ indispositiones (exceptis variolis toti anno communibus) præterquam sporadicæ, & quæ potius erroribus circa victus rationem commissis videbantur esse imputandæ, quam aëris vitiiis: febres puta potissimum intermittentes, vomitiones, alvi fluxus, colici dolores &c. quamvis & ad hos poterat jam prius aliquod fundamentum jecisse prægressum adeo rigidum hyemale frigus saltem sua acredine: sicut pariter ad vertigines illas, & apoplexias, quæ quibusdam etiam æstare ipsa, & autumno fuere perniciosæ. Probatum siquidem fuit a nobis in præcitata nostræ *Chronologia Med. Ann. 1. §. XLIII.* morbos, qui in temporibus accidunt, non tam ex præsentibus, quam ex præteritis aëris morbidis constitutionibus esse dimetiendos.

Nunc, qui præterit, December jam in alteram hebdomadam constantibus zephyris perflatur cælo nunc nubilo, nunc pluvioso, jugiter autem vaporoso, existente. Metuo valde, ne cum tempore sinistri quid parturiat; curationes denique hætenus enarratorum, & aliorum brevitatis gratia præteritorum morborum quod concernit, ex quidem nihil singulare præ se tulere, utpote remediis nobis familiaribus, & in similibus casibus in *Chronologia nostra Medica* hinc & inde notatis communiter feliciter insitutz, sicut tamen apoplexiæ communiter fuere *fortes*; adeoque ex sententia *Hipp. 2. apb. 42. incurabiles*, ita nullam recepere curationem, uti neque confirmata phthises. Quæ apoplexiæ autem fuere leviores, et quidem demum rursus fuere superata, sed valde lente; quemadmodum in certo artium Præfecto, quamvis ego eum non tam pro apoplectico habuerim, quam cui memoria

adeo erat læsa, ut sui idiomatis omnimode per aliquot hebdomadas oblitus fuerit. Reliqui siquidem sensus utcumque sibi constabant, ille se etiam, quantum ex signis colligebatur, super omnia reflectebat: solum (quod quid est plane singulare) nullam prorsus rem significativa aliqua voce nominare poterat; verum quæcunque ad se explicandum loquebatur, vel etiam scribebat, erant articulata quidem, sed nihil significativa, qui nunc demum tamen ad tot usurpata eatenus se recollegit, ut ob defectum vocabulorum significativorum inter loquendum raro tantisper subsistat.

Coxæ dolores fuere etiam plerumque adeo contumaces ut etiamnum sint, qui eis jam a vere hoc acerrime detinentur. Certus Juris Consultus ex eis suppuratis plane interiiit. In quo illud admirabar ego, quod priusquam moreretur ille, tussire, pectore dolere, & cruenta rejicere, purulentaque incæperit, ante nunquam pectore indispositus. Procul dubie pus a venis in ulcere absorptum, & circulando ad pulmones delatum, eos adeo corroserat, ut illi suppurati successive in tabem abierint; sed sic fit, dum Empiricis, sicut in hoc casu, confiditur; ubi prætermissa methodo curandi artificiali bonus se totum Empiricis concediderat.

In variolis denique, quarum curationes similiter feliciter succedebant remediis a nobis in *Chronologia nostra medica* descriptis (nisi eis accesserint vel petechiæ vel alvi fluxus) mirabar ego, quantumvis illæ fuerint satis alias malignæ & propterea multis perniciosæ; nullas tamen post se relinquere solitæ sint foveas. Uti, & quod eas hætenus nondum consecutæ sint febres petechiales; quod tamen, quantum hætenus observavi, communiter accidere solet. Nisi id forte primo fiat. Earum siquidem nondum est factus finis.

Quia, quibus accesserant alvi fluxus, communiter obierant, lubet curam pro coronide adjungere, quam ego cum felici successu peregi in puellula novem annorum. Illa sub principium invasionis per superna aliquoties vermes rejecerat, per decursum autem deiciebat frequentissime cum torminibus cruenta, atque adeo versabatur juxta dicta in manifesto vitæ periculo: postquam tamen sequentia ordine surpassasset, convaleuit felicissime. Omnium autem primo ipsi injiciebatur talis clyster abstergens: ℞. Decoct. hordei cum rad. torment. ℥ij. flor. ros.

ros. rub. p. 1. facti lbss. mell. ros. col. 3ss. m. f. clyster. Cui paulo post succedebat talis adstringens: Rec. Lact. vaccini. chalyb. in quo decoctæ fuere rad. torment. 3ij. herb. polygon. flor. hyperic. & verbasco. ana p. 1. 3v. Adde mell. ros. col. 3ss. ter. sigil. 3i. m. f. Clyster. qui per decursum etiam sæpius repetebatur.

Secundo per os quotidie assumebatur talis bolus. 2℥. Conserv. menth. elect. diascord. Frac. troch. de ter. sigil. ana 3ss. unicorn. foss. gr. v. lap. bezoard. or. gr. iij. M. cum syr. coral. f. bolus. Cui semper superbibebatur tantillum de vino cydoniorum.

Tertio externe abdomini admovebantur calide a post & ante sacculi herb. chameæmæ. absynth. menth. polygon. & ros. rub. referti, & in vino rubro decocti. Potus denique erat decoctum torment. gran. mastic. & crustæ panis. Cibus oryza, panatellæ ex bis cocto &c.

Constitutio Anni 1710.

QUantum in conservanda, vel lædenda humanorum corporum valeant salubres, vel insalubres aëris constitutiones dedimus pluribus in *Chronologia nostra Medica*, & docuit nos proxime valedicturus annus 1710. utpote qui sicut hyeme fuit paucis nivibus perspersus, & propterea toleranter frigidus, ita fuit paucissimis morbis, & eis potius sporadicis, ac ab inordinata victus ratione, quam epidemicis, ac ab insalubri aëris temporie dependentibus obnoxius plane aliter, ac postremo præterlapsus annus 1709. quem utpote nivissimum, frigidissimumque ante annum recensueramus, fuisse apoplexiis, epilepsiis, vertiginibus, gravedinibus, cephalæis, pleuritidibus, raucedinibus, tussibus, hemoptysibus & omnis generis aliis defluxionibus quam plenissimum. Est verum quidem neque hanc hyemem eis ipsis affectibus omnino caruisse: certum tamen æque est, eis longissime minus fuisse obnoxiam. Neque sine ratione; quando enim tempora in sibi connata temperie citra singulares repentinas, & multum sensibiles de calido in frigidum &c. mutationes (qualiter factum hac hyeme toleranter boreali, & æqualiter frigida) decurrunt, sicut in corporibus non accedunt singulares alterationes, ita neque singulares morbi. Mutationes siquidem temporum, teste Hipp. 3. aph. 1. potissimum pariunt morbos,

& in ipsis temporibus magnæ mutationes aut frigoris aut caloris. Quales proinde cum non acciderint hac hyeme, ea non potuit fuisse singulariter morbosa. Quod ea vero interea tamen morbis non caruerit; fecere ut dixi, potius subinde commissi in victus ratione errores, quam aëris morbosa constitutio.

Ver autem sicut erat nonnihil inordinatius, & a septima Aprilis usque ad undecimam ad prægressam mitiorem auram nivoso pluviosum, & ex borea sensibilius frigidum. In Junio etiam sæpe sæpius tempestuoso grandinosum, consequenter pariter ultra modum asperum; ita memoratis defluxionibus tanto magis dives. Cæterum vero tamen ob prægressam, uti dictum, mitem, & nivibus fere expertem hyemem adeo acceptum, ut jam sub dimidio Aprilis omnia essent in virore, & flore: 21. Aprilis etiam præter solitum siligo actu aristas protruderet.

Quod nunc dictum est de vere, idem plane accipiendum venit de æstate, utpote similiter varia sæpius pluviosa tonitruosa, & ex potissimum prædominante borea sæpe etiam sub ipsis canicularibus potius frigida, quam more sibi debito æstuosa, & propterea etiam, præterquam satis, vineisque nociva, catarrhorum, russionum, arthritidum, & morborum autumnalium, si quæ alia ferace. Per anni siquidem tempestates, teste Hipp. 3. aph. 4. quando eodem die modo calor, modo frigus fit, autumnales morbos expectare oportet. Teste Valleriola etiam de loc. com. lib. 2. cap. 4. Si vicissitudine quadam aquilonius flatus austrinum sequatur, fluxionum tum morbi sequuntur.

Autumnus denique non fuit quidem adeo varius, ac communiter esse solet, eo quod excepto fine Octobris, quo ex diutius protractis pluviis omnia aquis inundabantur, non fuerit admodum pluviosus, neque consuetæ ventorum alternatione multum inæqualis: in eo tamen erat præ aliis hujus anni temporibus insalubris, quod fere incessanter aut prædominarentur austri, venti teste Hipp. 3. aph. 5. insaluberrimi, aut aura fuisset nebulosa, crassa, humida, vapidæ, & veluti stagnans diutissime solis radiis orbata, ac propterea maxime tetrica, & præsertim melancholicis adversa, merarum obstructionum fabricatrix. Hinc etiam fere nunquam tot consilia medica circa affectiones hypochondriacas habita, quam recte hoc autumnno. Quamvis præterea pluri-

rima passi fuerint etiam arthritici; quartanarii, & colici doloribus torti cum non raro desuper consecutis epilepticis convulsionibus, aut parësisbus. Taceo catarrhos, & omnis generis defluxiones, quorum utinam majores effectus non primo in futurum experiremur, vel etiam pestiferae luis, cum de ejus savitia alias jam multum spargatur, ulteriorem progressum! Nulla siquidem aeris constitutio solet esse hujusmodi malignitatis adeo ferax, quam reſtetalis. Quamvis, uti in *vindictis meis Medicis unæ Labatenſis* §. XXIX. memini apud nos non eo usque; ob vicinitatem maris Adriatici, ex quo in transitu statibus austrinis multum particularum salinarum volatilium admiscetur, quibus putredinosa illorum malignitas corrigitur. Plurimum sunt passæ etiam in uteris gerentes, propterea sæpius vel ante destinatum tempus puerperæ factæ, vel morbosos fœtus enixæ ob acetabula uterorum mucore ex tantis aeris humiditatibus contracto reſerta.

Curabantur autem colicis doloribus torti feliciter levibus laxativis per intervalla propinatis, anodynis, quale fuit præprimis ol. amygd. dulc. & carminativis, quale erat decoctum florum chamomil. rom. cum additione succi stercoreis equini avena passi, & syr. de althæa Fern. Quartanarii præmissis præmittendis tali specifico: rec. cort. peruv. alcohol. ʒij. flor. salis armoniaci, antimonii diaphor. ana ʒss. m. s. pulv. detur mane & vespere, sed methodo tali, ut febris non solum evaneat, quod plerunque intra hebdomadam fit, verum etiam ut nunquam amplius reſertatur, quod etiam facile præcaveretur.

Arthriti denique suis specificis, præsertim oss. microsc. phil. pp. antimonio diaph. cinnab. nativ. mixtura simplici, lumbr. ter. &c.

DISSERTATIO EPISTOLICA

D E

MULHUSINI TERRITORIÏ

Finitimorumque locorum Constitutione Epidemica Anno 1700. observata.

A D

DOM. LUCAM SCHROECKIUM,

Cæsareo-Leopoldinæ Nat. Cur. Academiæ Præsidentem &c.

Augustam Vindolicorum transmissis

A JOANNE GEORGIO HOYERO,

Philosopho Medico Doctore & Cæsareo-Leopoldinæ Nat. Cur. Academiæ Collega Apollodoro dicto.

§. 1. **L**icet in historia morborum epidemicorum primus vetustissimorum scriptorum Hippocrates defudaverit, & digito quasi filius artis usus tanti laboris præfusus insignes monstraverit, nescio tamen, quo fato sequentium temporum scriptores negligenter ferme tractaverint epidemica. Postquam autem postliminio exteri Medici, celeberrimus Sydenhamius de constitutione Londinensi, atque splendidissimum Italiæ sidus Excellentiss. Ramazzinus de constitutione agri Mutinensis scripta divulgaverunt, genus horum scriptorum non solum ab omnibus solide doctis semper fuit expectatum, sed & eorum vicit opinionem.

§. 2. Enim vero cum non minus climata, sub quibus laudatissimi viri suas observationes consignarunt, ut & vitæ genus seu rerum sex non naturalium usus aliaque a nostratibus diversissima sint, ipsique Germani, dum pati videntur idem quod Græci, Angli, vel Itali, idem profecto non sit, quis obsecro non commendet, quæ plures Excellentissimi Viri de diversarum Germaniæ nostræ provinciarum Constitutionibus Epidemicis conscribere operæ pretium putarunt? Quibus eruditissimis, si parva magnis componere licet, Epidemicam Territoriæ patriæ

patrii Mulhusini Constitutionem superaddere ac perillustri tuo nomini inscribere non erubescor. Fateor enim, a singulari gratia tua erga me, de qua suavissime in litteris tuis ad me datis scripsisti, magis me affectum fuisse, quam Mercurium Xenophontium illam a voluptate, ut eo adducat ad hoc suscipiendam amorique tuo plusculum etiam, quam facultas, & copia mea forsan concedit, largiar.

§. 3. Laudatum itaque libertæ & imperialis civitatis territorium sub elevatione post 51. grad. 20. minut. in Thuringiæ & Hassiæ confiniis situm ampla, & amœna planitie conspicuum, soli polique singulari clementia beatum, quamvis præ finitimis locis saluberrimum quidem putarum; nihilominus tam ab aëris & tempestatum injuriis, quam ab epidemicis & contagiosis morbis minime fuit immune. Nam ut a fine lapsi præcedentis sæculi potissimum exordiar (pluribus aliis quæ duobus lustris, licet minus perfecte notaverim, data occasione intermiscendis) hyemale tempus tam finit 1699. quam auspici 1700. anni nobis prorsus inconstans erat: nunc rigido borea ab axe ruente, mox pluvioso nobis libanoto (vento inter austrum & favonium medio) spirante; nunc maxima nivis copia defluente, mox nebulosa ac nubilosa, maximam vero partem pluviosa, rarius procellosa, in tempestate varias subinde molestias creante.

§. 4. Durabat hæc tempestatum varietas ad æquinoctium usque vernalis: & sicut his mensibus varius microcosmi status, ita microcosmus etiam variis symptomatibus, & ægitudinibus erat obnoxius. Tenellorum, qui nutritionis annos nondum exceperant, plures febribus catarrhalibus, nonnulli catarrhis suffocativis decumbebant, qui tamen omnes forme post adhibita pectoralia diaphoreticis maritata, laxativis, & emeticis pro re nata interpolatis ex voto convalescebant. Sub finem mensis Januarii, morbillis affligi cœperunt, benignis quidem, adeo ut pluribus, modici caloris temperamento servato, sine medicamentorum usu morbilli copiosi erumperent ac tempore solito rursus evanescerent. Paucis atrocius afflicti bezoardica fixiora, aquæ destillatæ & papaveracea proderant, quorum nonnullis, qui medicamenta neglexerant prorsus, post exantlatos morbillos tussis cum febre hecica difficiliter curanda eveniebat.

§. 5. Adultorum quidam doloribus arthri-

ticis tum vagabundis scorbuticis, tum fixioribus (quales morbi nobis endemii quasi sunt) mensibus hyemalibus fere durantibus disforciabantur, qui tandem per medicamenta specifica, sudorifera interna, nervina & spiritiosa externa, venæ sectiones & scarificationes iteratas &c. unguinosis, & emplastis (nodos & affectus chronicos improprie incurabiles causantibus) vitatis, feliciter sopiebantur. Alii febribus ardentibus, & malignis, periculosis phœnomenis, pleuritide, deliriis, convulsionibus, &c. stupatis corripiebantur, non tamen ut annis præcedentibus æque lethiferis, nisi forsan unus & alter vel ab empirica manu, vel negligentius tractatus ad plures abierit.

§. 6. Imminente tempore vernali anni 1700. humidiores tempestatum status aëris temperatior, & socior exiciebat, qui per hos menses euro subinde spirante continuabatur; adeo ut pluviae vernaes fertilitatem præfagientes rariores, ipsaque tellus pulverulenta quasi notaretur, & hinc frugum æstivarum spes agricolis dubia redderetur. Id quod eventus ipse pluribus in agris tardius satis comprobabat. Neque enim hordei, avenæ, leguminum, pluriumque æstivarum optimam æque quam hybernorum frumentorum siliginis & tritici messem vidimus.

§. 7. Jam morbillos excipiebant variolæ, apud alios interstinctæ, apud alios confluentes: quamvis tam vernalibus hisce quam mensibus æstivis, paucis exceptis, qui diutius limites exceperant liberius, minus funderent. Neque febres more malignarum decurrentes jam cessabant: nonnullis medicamenta prorsus insuper habentibus in nostro territorio lethales. Vicinorum autem locorum, in primis septentrionem versus sitorum, Libere Imperialis Northusæ & aliorum finitum oppidorum & pagorum incolis & Herciniæ sylvæ accolis tam præterito brumali quam hoc vernali tempore magis insensæ & pluribus exitiosæ.

§. 8. His ita contingentibus, non potui non ruminari prognosticon, quod anno superiori 1699. grana illa nigricantia majora, in siligine copiosissime reperta & per magnum Thuringiæ tractum ab Hercinia ad Semanam usque sylvam observata (vernacula lingua *Mutter Korn* appellata) curiosis subministrabant: videlicet abusu monstrosum ejusmodi granorum inevitabili, non sane farina laudabili & altrice, sed inutili,

inutili, depravata & insalubri protinus materia ipsis etiam brutis nauseam movente refectorum, variis morbis, febribus, variolis, morbillis, aliis afflictum iri genus humanum.

§. 9. Cui præfatio cum jam responderet eventus, illorum sententiam confirmare videbantur, qui morbos epidemicos non præsentium, sed præcedentium effectus esse persuasum sibi habent. Quamvis a mente mea impetrare nondum potuerim, ut hoc assertum *vera veritas* affirmari posse credam. Certissimum quidem est, prava & depravata alimenta ab annis præcedentibus nobis suppeditata multo usu continuata epidemicos effectus sæpe producere. Qualis enim cibus talis chylus, qualis chylus talis sanguis sanguis & talis valetudinis nostræ status. Enimvero constitutiones præsentis non solum plures epidemicos morbos, alimentis etiam sanis existentibus, parere, sed illos etiam, vitiosis cibus debemus, quasi modificare seu intendere & remittere cum magno Hippocrate rerum magistra quotidiana experientia testatur. Ecquis enim dubitavit frigidum, humidum, & cœnosum atmospheræ statum (qualis supra citata nostra hyemalis erat) *admodum* (quæ illustri *Wedelio* teste *Theorem. Med. part. 4. Sect. 2. th. 3. infinitorum morborum & febrium mater est*) peperisse? De quo pluribus ingeniosissimus *Sanctorius* in *Medicina Statica* Sect. 2. aphorism. VI. & VIII. &c. videndus.

Ecquis negabit aëris nostri verni & mox dicendi æstivi statum sereniorum epidemicos hos affectus benigniores nobis reddidisse? Ut jam ea, quæ superioribus annis de periculosioribus affectibus epidemicis a præsentis constitutione unice quasi derivandis notavi, nunc mittam, neque de contagio, de nebulis, de roribus vitiosis & aliis mille malis, (quæ atmospheræ nostra in dies & horas obnoxia,) machinæ humanæ mediante respiratione dictum factum exitiosis hic quicquam memorem.

§. 10. Amplissimus hic aperiretur campus de nebulis, de roribus, in primis autem de causa dictorum corruptorum sili-gineorum granorum, rore puta vitioso, mellei saporis & consistentiæ, (nostratibus *Honigthau* nuncupato) differendi: sed ne justo prolixior sim, ea, quæ hic inferere petuissem, ad observationes anno futuro, Deo volente, ephemeridibus Germanorum communicandas refero.

§. 11. Post solstitium tempus æstivum calidius & siccus usque ad æquinoctium autumnale permanebat: Pluviis enim non, nisi expectatissimis, evenientibus cœli serenitas constantissima ridebat, lætamque messem & optatam, flantibus suaviter etelæis, nobis ridebat. Exoptatissimus omnibus erat hujus temporis status. Postquam enim caritas annonæ mortalium myriadas partium fame emaciaverat, partim ad incitas redigerat, jamjam sub auspiciis sæculi velut e cornu copiæ omnium rerum provita sustentanda necessariarum Divina Munificentia largiebatur opimam messem. Horrea frumentorum ad laxiorem annonam redeuntium abundantiam vix capiebant, Conclavia, cellæ, pavimenta larga rerum copia & opibus Cerealibus quasi scatebant. Neque vini ultra duo lustra desiderati spes concepta autumnis sequente decollabat. Tanta felicitatis non ultimam sane causam laudatissimum calorem æstivum putandum esse jamdudum præfagivit Virgiliarum veriloquium *Georgic. I. Magnaque cum magno venit tritona calore*. Cujus veritatem sicut præcedentium quorundam annorum sterilitas, ita sane præsentis fertilitas per universam Europam satis confirmabat.

§. 12. Interea temporis non cessabant affectus epidemici, videlicet variolæ continuatæ benigniorum more sua tempora decurrebant, neque malignitas earum jam crescebat. Præter hæc quotidianæ, tertianæ tam continuæ, quam intermittentes & quartanæ febres, minus tamen rebelles & rariores observatæ & post adhibita probata remedia brevi fugatæ. Febres ardentes autem suo contagio eo latius serpebant, quo intensior his diebus sentiebatur æstus. Mirum profecto febres hæc symptomatibus malignis horrendas, minime tamen lethales, hoc potissimum tempore, quo saluberrimum videbatur, invaluisse. Nec inanem locabo operam si plenius paulo tam phenomenorum, quam curationis historiam brevissimis hic tradam.

§. 13. Corripiebantur hac febre non solum juvenes, sed mediæ ætatis utriusque sexus homines, quin etiam senes. In plurimis horrorem prævium calor totius corporis summe effertus subsequabatur. Hinc sitis, vigiliæ, & atroces dolores capitis, & aliorum membrorum circa articulos præsertim se exerentes notabantur. Arthriticis hisce doloribus vexati paralyticorum more decumbebant, adeo ut neque pedes neque manus suisungi pot-

possent munis. Nonnullis alvus & urina vel invitis per aliquot dies effluebat. Deliria leviora paucis saltem aderant. Vires autem omnibus pene valde prostratæ. Aliis vomitus biliosi, aliis diarrhœæ satis molestæ. Quibusdam fluxus hæmorrhoidum nimius, ab imperitis pro fluxu dysenterico habitus. Plurimis hæmorrhagiæ narium largiffimæ imo prorsus enormes eveniebant. Cum primis vero quosdam cardialgiæ summe dolorificæ tantopere discruciabant, ut de salute corporis desperantes sacram Eucharistiam moribundi velut ultimam ad consequendam æternam salutem medicinam unice expeterent, quin imo a syncopiticis & moribundis discerni vix possent.

§. 14. Neque contagii experts erat hoc malum, dum unico decumbente plerunque reliqui, quotquot aderant, domestici vel una vel aliquandiu post eadem febre corripiebantur. Ut enim reliquos tam in civitate & suburbiis, quam in pagis decumbentes silentio præteream, exempli loco adducam milites a centurionibus sive capitaneis quibusdam nutu potentissimi Daniæ atque Norwegiæ Monarchæ noviter hic conscriptos, quorum unus & alter hoc febris genere cum forte vexatus fuisset, brevi post eodem malo plures afficiebantur, adeo ut intra duorum vel trium mensium spatium plures quinquaginta curationi meæ traderentur.

§. 15. Ex phænomenis citatis velut ex ungue leonem causam febris hujus proximam particulas alcalinas massæ sanguineæ crasin seu mixtionem nimis rarefaciendo turbantes, facile dijudicare poteram. Ex quo fundamento curationis methodum formare non adeo difficile erat. Scilicet calor æstivus intensior, ætatis vigor, potus cerevisiæ nostratæ satis lupulatæ calidior & copiosior, enormes hæmorrhagiæ, omnia & singula phlebotomiam præprimis postulare videbantur, quam plerisque semel, quibusdam pro indicationis modulo bis administrare suadebam. Sanguine vix evacuato, singulari stratagemate sudorem, quem quidem Celebrissimus *Baglivus Medicus Romanus* Prax. med. lib. 1. post sanguinis missionem cum levamine patientis statim apparere scribit, medicamentis procurabam. Quo fine pulveres ex bezoardicis fixioribus C. C. phil. præparat. oc. cancr. antimon. diaphoret. rad. contrajerv. corall. rubr. terra sigillata, nitr. anodyn. vel pulv. bez. Wed. addito camphoræ tantillo loco sudoriferi nonnullis exi-

mio cum successu propinabam, atque febrem in prima quasi herba citius ac felicius quam emeticis vel purgantibus sine singulari successu quibusdam datis, suffocabam. Morbo nihilominus ingravescente dolorum capitis mitigandorum & delirii præcavendi causa vesicatoria optato cum levamine nuchæ applicare suadebam. Morbo durante balsamica & bezoardica remedia ex tinctura prophylact. m. d. ess. myrrh. simpl. & balsam. Scordii, mixtur. simpl. Elix. p. p. &c. præscribebam. Ad restinguendam sitim loco potus ordinarii vel infusum veronicæ vel cerevisiæ secundaria tenuis valde, cui vel tinct. rosar. vel papav. errat. vel violar. vel spiritus ipse vitrioli sedulo instillatus commendabatur.

§. 16. Interim vero symptomatibus reliquis vel ex maligna morbi natura vel errore diætæ individuo contingentibus, aptis remediis obviam ire non neglegebam. Nam, ut verum fatear, majorem curam talia ~~incuriam~~ postulare videbantur, quam ipse febrilis affectus. Sic urgentissimum symptoma cardialgia, quod nonnullos tantopere discruciabatur, ut ab agonizantibus discerni vix possent, spirituosis, aromaticis, carminativis vel in primis pulvere absorbente *Vvedelii* plerunque curabatur. Dolores arthritici consumaciores spiritu volatili urinoso bezoardico, ess. anod. nec non pulveribus bezoardicis, diaphoreticis, cinnabarinis tardius quidem, feliciter tamen mitigabantur, additis præsertim anodynis. Opiata enim, quæ febre arthritica epidemica anno 1699. grassante instar salivæ viperinæ vitanda jam velut anchora sacra nobis erant. Vomitus spontanei vel biliosi vel assumptorum, ut & alvi profluvia, quando diutius durabant, mixturis ex ess. theriacal. tinct. terræ catechu & tinct. opii cum succo cydoniorum per fermentationem parata, nec non pilulis stypticis m. d. pulveribus ex terra sigill. bol. armen. G. C. Ust. rad. bistort. pulv. bez. Vved. &c. compescebantur. Hæmorrhagiæ narium aliis quarto, aliis septimo, aliis nono, vel undecimo die contingentes, quæ multum negotii facessere solebant, ultra euphoriam & ad lipothymiam usque durantes præter interna refrigerantia & incrassantia externo probatissimo styptico Anglicano sive in formâ sicca sive spissa cum aceto & gossypio, applicato: Hæmorrhoides nisi fluentes præter pulveres & stypticos & bezoardicis conflatos essent, theriaq. trau-

mat. *Vved.* & Beato Hagendornio in *tr. de terra Catechu* descripta susebantur. Taceo pleuritidem tam veram quam spuriam, anginam, alvum per multos dies adstrictam, alia remediis aptis aliis curata. Adeo singula phaenomena quamvis periculosa putata facili negotio tollebantur, & quæ a practicis infide crises passim notata, jam fide, perfecta & salutare erant. Hoc apparatu perexiguo tum laudatus gregarius miles, tum plures vilioris conditionis homines, Deo benedicente, ex voto curabantur. Delicatoribus nonnullis præter dictas potiones cordiales confortantes, & pulveres bezoardiæ pretiosiores proderant.

§. 17. Quod vero admiratione maxime dignum, ne unicum satis periculose licet decumbentium, mensibus quidem æstivis vivere desisse memini. Neque lunæ phasæ notabilem his febribus alterationem attulisse vidi, qualem tamen, cum præcedentibus anni 1698. & 99. febris epidemica, quæ nonnullis petechialis erat, hic loci grassaretur, multoties mecum plures curiosi præsertim mensibus hyemalibus & autumnalibus observabant. Mensibus enim his singulis omnibus fere, luna decrecente vel silente nonnulli febricitantes, tam illi, qui ab experientissimis Medicis summa industria probatis medicamentis curabantur, quam qui naturæ, morborum medicatrici, ope freti, sine ullo remedii genere decumbebant, eelerius opinione Libitinæ tradebantur: convalescentibus plerisque, qui post novilunium ad crescentem usque lunam manebant superstitēs.

§. 18. Vix attentius hæc mentis lance trutinasse, nisi laudatissimus *Ramazzini*, febre petechiali in civitate & agro Mutinensi grassante, idem illud observasse, dissertationis ejus *decuria quarta, Ephemeridum Germanarum anno quarto inserta* §. XVI. testaretur, aliosque, ut lunæ phasæ in morbis epidemicis animadverterent, hortaretur. Quam ob rem non desii causam rimari, cur febres continuæ malignæ, non tamen æque omnes pro mutationibus lunæ, adeo subitaneis alterationibus, mortem ipsam portendentibus, sint obnoxie? Cujus phaenomeni causa quo dilucidius explicetur suppono.

I. Juxta tritum:

Ad lunæ cursum variant animalia corpus,
lunarem influxum (reliquis tam superstitiosis quam sanioribus astrologorum opinionibus juxta recentiorum quorundam hypothe-

ses jam semotis) esse extra ullum dubium statuendum, in primis in morbida animalium corpora, de quo cum laudatus *Vvedelius* in *theorem. med. part. 3. sect. 6.* tum præprimis philosophorum recentiorum celeberrimus & accuratissimus *Sturmius* in *Philosophia Eclectica disp. de siderum influxu p. m. 632. seqq.* legi merentur.

II. Influentialas hæc lunares, quas vel alia sublunaria vel ipsa præprimis ægrotantium corpora sentiunt, vix aliunde quam a lumine lunæ dependere, & sicut tempora interlunii nullum lumen, ita neque influentialas habere lunam; videatur *Sturmius loco citato*.

III. Influentialas tales esse subtilissimas & quasi spirituales, ideoque subtilissimum succum nervosum, quem spirituum animalium nomine indigitant, potissimum concernere, id quod exempla Epilepticorum &c. toto die manifestum faciunt.

IV. Dari febres, quæ succum nervosum subtilissimum seu spiritus animales magis afficiunt & quasi depauperant, quam massam sanguineam. De quibus Celeberrimi *Wirdigii Medicina spirituum* pluribus consulenda. Ut jam non laudem quotidianam experientiam, quando Medici clinicam praxin exercentes ingeminant: *Urina bona, pulsus bonus, æger moritur*: præsentem putamalignitatem non æque vitales quam spiritus animales pessundante. Ex his colligere licet, utique ab influxu, lunari tempore lunæ decrecentis & interlunii debiliore existente, dependere lethiferas ejusmodi alterationes, in febribus præsertim nervosum genus seu spiritibus animales potius quam massam sanguineam afficientibus. Nimirum spiritus animales ab inimico miasmate febrili depauperati, tantisper refocillantur subinde per influentialas lunares lunæ crescentis & plenilunii tempore fortiores; hisce vero tanquam aliquali fomento luna decrecente vel silente deficientibus spiritus ipsi magis magisque deficiunt, deficientibus spiritibus vita deficit & ægrotus vivere desinit. Vix opus est disquirere prolixius, num febres petechiales agro Mutinensi & malignæ territorio Mulhusino annis 1698. & 1699. citatis molestæ, nervosum genus magis affecerint, quam massam sanguineam, cum ipsæ spirituum & sensuum læsionem variæ syncopes, lipothymiz, convulsiones epilepticæ, deliria phrenitica & alia symptomata, quæ febribus illis frequentia fuerunt, id satis evincant. Econtrario, cujus occa-

occasione hæc dicta sunt, æstivam nostram in massa sanguinea radicatam, & hinc prophasibus lunæ tantis alterationibus minus obnoxiam fuisse, per supra memorata clarissimum est.

§. 19. Sed ut è diverticulo redeam in viam, ex illis sanè, quæ de morbis æstivis superius sunt allata, lucè meridianà clariùs flucescit veritas eorum, quæ divinus præceptor *Hippocrates de Constitutione temporum* passim in operibus suis commentatur: quicquid alii in contrarium asserere sustinent. Ita sanè velut è tripede Apollinis dicta quæ *lib. de aeribus, aquis & locis §. III. p. m. 330.* rectè divinat: *Siquidem æstas sicca fuerit, citius sedantur morbi: Si vero pluviosa, diuturni sunt & 3. aphorismi. 15. Inter anni status omnino siccitates imbris assiduis sunt salubriores, minusque funeste.*

§. 20. Quæ quam consentanea verò sint, ipse equidem, qui sequebatur autumnus satis pluviosus etiam contrario exemplo confirmabat. Quippe post æquinoctium autumnale circa Michaelis festivitatem mira cœli clementia huc usque continuata pluviis assiduis permutabatur, intercurrentibus nunquam ventorum injuriis, quibus ad finem mēsis Octobris perdurantibus, Sole ad Scorpionem accedente, circa vendemiam nebulæ pluribus diebus constantes cum frigore satis acri in scenam prodibant. Mensis sequentis Novembris auspiciū austrinum erat cum pluviis copiosissimis. Hisce post novilunium, aliquandiu cessantibus frigora nocturna, Sole interdū splendēte vento-que inter zephyrum & aquilonium medio spirante, vix diutius durantiā notabantur.

Mox nivem primam vidimus, sed pluviis subsequētibz ad finem mēsis durantibus alternantem. Sole medios Sagittarii gradus perambulante furere cœpit aquilonius nix & frigore comitatus, phœbo dies quosdam serenante: sed brevi post carbus rediit pluviosissimus. Frigore tandem brumali leniori ad solstitium usque perdurante, tempus autumnale finiente.

§. 21. Tempestas itaque pluviosissima per maximam autumnī partem notata non solum deteriorem reddebat recensitum hætenus affectum epidemicum variolarum, sed novum insuper morbum, tussim puta contumacissimam, tenellis itidem magis quam adultis exitiosam, chronicam ferme difficulter curandam, & hinc tam medentibus quam ægrotantibus molestissimam, præpripis circa vendemiæ tempus, post nebulam

illam dies aliquot durātem, in scenam producebat. Ab hac tussē afflicti materiam quasi purulentam veluti phthisici consummati copiosissimam, nonnulli ob tussis vehementiam sanguinolentam (ruptis a motus vehementia & materiæ acrimonia venis pulmonaribus) excreabant. His pectoralia, resolventia, balsamica, diaphoretica, nervina, anodyna, diluentia decocta levamen quidem afferebant, quibus verò laxativa subinde supperaddita non nisi post hebdomadam plurium decursum curam tandem agillabant.

§. 22. Delineata interim febris epidemica postquam depontanis quibusdam senibus finem vitæ fecerat, contagio quo suo plures haud afficiebat, sed cum calore æstivo ferme cessabat. Variolæ verò, quas per menses vernaes & æstivos benignas deprædicavimus, cum mutabili tempestate suam quoque mutasse genium videbantur, ex benignis & distinctis malignæ, confluentes & quasi *viduæ* factæ. Existimarem profecto cœli & tempestatis singularem clementiam, qua tum verno tum æstivo tempore gavisi eramus, variolas huc usque nobis conservasse benignas, nisi annus præteriti sæculi 1679. contrarium me edocuisset. Licet enim annus citatus pari si non majori cœli clementia rideret, nihilominus Variolæ Brunsvigæ & Hafniæ eodem tempore æstivo grassantes genii malignioris erant, ipsisque Hafniensibus in primis adeo insensæ, ut plus mille hominibus, atque inter eos pluribus primariis & ipsis juventutis Principibus, epicedia pararent: Autumnalibus verò mensibus anni citati, præsertim mense Octobri brumali frigore ingruente prorsus evanescerent: Ut hinc in aprico sit, neque a temporis & atmosphæræ statu epidemicam constitutionem unice derivandam, sed alias circumstantias, de quibus supra diximus, semper simul & quasi conjunctim considerandas esse.

§. 23. Nostrarum itaque variolarum genium graphice quasi delineatum laudatissimus *D. Sydenhamius in observ. Med. Sect. III. cap. I.* exhibet, quando scribit: *Apparente æquinoctio verno, variolæ caput ceperunt attollere, jamque indices latius grassantes sub autumno viduæ factæ sunt.* Cujus quidem phænomeni causam, quam silentii peplo involvit, capite subsequente secundo paucis innuere voluisse videtur, quando, *Variolæ, inquit, quibus annis epidemicæ grassantur, si regulares etiam sint atque*

mitiores, circa æquinoctium vernum, ingrediuntur. Quibus vero annis non tantum grassantur epidemice, sed & irregulares atque periculosiores sunt generis, maturius nonnunquam mense puta Januario invadunt. Quasi dicere voluisset; pro varietate causæ nunc maturius & maligniores, nunc tardius & benigniores contingunt variolæ. Videlicet massa sanguinea particulis recrementitiis serosis sulphureis, salinis, volatilibus & fermentificis copiosioribus inquinata, variolæ progenerantur maturius & malignæ: iisdem vero in minori quantitate præsentibus tardius & benignæ fiunt. Peregrinas vero ac morbificas ejusmodi particulas massam sanguineam inquinantes, nostrarum variolarum causas, partim ob vitiosæ siltiginis usum, partim ob fructuum Cerealium esum in tenerioribus in primis comite *ἀδύρως* extirpasse facile colligere licet. Quamvis interim non negem, esum carniū ex laudatissimi *Vuedelii* sententia in *Doctrina manuscripta de febribus* cap. 18. videnda in locis mediterraneis, sicuti piscium in maritimis hunc morbum non parum vulgare.

§. 24. Inde vero manifestissimum fieri censeo, nodum ni scirpo querere, qui variolas a sanguine menstruo materno veluti causa accerere laborant. Vellem sane ac possem falsam ejusmodi hypothesin ab Arabibus, in primis maximo Arabicæ scholæ Magistro *Ebusina* seu *Avicenna* lib. IV. *Fen. I. tract. IV. cap. 11. pag. 434.* effictam & adhuc hodie in scholis receptam & ad ravim usque defensam, pluribus rationibus, phænomenis, observationibus tam a priori, quam a posteriori refellere nisi Celeberrimus *D. Bebreus*, Practicus Hildesienſis, in peculiari *Epistola de Variolis epidemicis ad Perillustrem D. Franckum de Franchenau.* S. R. I. Equitem Archiatrum Danicum &c. data *Ephemeredibus Germanorum Dec. III. ann. 3. inserta*, idem satis abunde fecisset.

§. 25. Id saltem nostra ætate vetustæ illius sententiæ Patroni explicent mihi velim, cur ex eodem parente prognatorum unus variolis laboret, reliquis sine exanthematibus vel febricitantibus vel etiam bene valentibus? Cur vice versa plures decumbant variolis, uno vel febricitante vel bene valente? aut quod magis mirandum foret, gemellorum unus variolis laboret, altero salvo permanente? Dicant mihi quæso ex fictitia hypothesi, cur unus vel una plus una, secunda scilicet & tertia vice, quod

multoties observavi, variolis affligi possit. Dicant denique quomodo nonnulli, qui per totum vitæ decursum a variolarum contagio liberi permanserunt, in extrema demum senectæ, quod nuper vidi, corripiantur iisdem? In quibus quæso ductibus, tubulis, meatibus, vel venarum & vasorum anfractibus veluti latibulis delituisse putandum fermentum illud in utero susceptum, & per tantam annorum seriem a nullis febribus, vel alio morbo, a nulla tempestate, a nullis cibis, a nullis medicamentis etiam fortissimis & volatilibus, per circulationis leges, angustissimos machinæ humanæ ductus & poros permeantibus extricandum vel eliminandum?

§. 26. Ex causis itaque citatis per menses vernos & æstivos variolæ benignæ cum symptomatibus consuetis & benignis eveniebant, nisi fortassis error individuus dixerat uni vel alteri maligniores redderet. Quo pacto puella quædam satis bella & sana, dum cerevisiam recentem non satis desecatam largius biberet, variolis malignis & confluentibus correpta & convulsa moriebatur, convalescentibus reliquis omnibus, quotquot eodem tempore decumbebant: adaucta scilicet causa morbifica a sæcibus cerevisiæ recenti permixtis?

§. 27. Autumnalibus vero mensibus in tempestate tepida & humida diutius continuata, frugum Cerealium (quarum equidem maximam abundantiam ex hortis suburbanis, quæ hæc urbs veluti densa & ampla quadam sylva cingitur, annis fertioribus colligere solemus) usu abundantiori & iterato plurimis periculosiores nec paucis lethales eveniebant.

§. 28. Jam præter symptomata ab aliis recensita diarrhoeam, salivationem, phrenitidem & alia, frequenter notabantur paniculationes, sternutationes, stridor dentium, angina, vellicationes labiorum & narium. Ex his stridor dentium motibus convulsivis accensendus, periculosus, non tamen omnibus æque lethalis erat. Sed periculosior angina, ipsi etiam *Avicenna* loco citato dudum suspecta, a variolis fauces & pectora obsidentibus, tam deglutitionem, quam respirationem ipsam inhibentibus, sæpe sæpius omnimodam quasi suffocationem inferentibus. Ut hinc recte *Lommius*, in *observationibus Medicinalibus* pag. m. 295. *Quisquis huic malo succumbit fere, tanquam ex angina præfocatus moritur.* Ingenue fateor me huic malo postquam radices egerat, hætenus non.

nondum mederi potuisse, quanquam a phrenide, diarrhœa pluribusque phænomenis (a scriptoribus pro pernicioso habitis) vexatos, feliciter cum Deo liberaverim. Id tamen silentio non prætereundum, me certo habere persuasum, posse tale symptoma potu calido præcaveri: Cum neminem decocta vel alium potum calidum nec non jacula avenacea &c. absorbentem, licet linguam & fauces copiosæ variolæ obsiderent, angina correptum vel mortuum fuisse inominerim. Neque assidua vellicationes labiorum, & narium, ab *afflictis diuturnis*, perinde ut floccorum compilatio in adultis febribus malignis lethaliter decumbentibus deducenda, periculo vocabant.

§. 29. Realescentibus præter moderatum caloris regimen & victum tenuem, pulveres bezoardicos Sennerti, Wedelii, epilepticum Marchionis, vel ex antimonio diaphoretico, corn. cerv. philosophice calcinato, unicornu vero philosophico, perlis, coralliis, conchis præparatis, nitro anodyno, pulv. anod. cordiali, camphora, lapide bezoar orientali, occidentali conflatos magis quam volatilia spirituosæ &c. proficua fuisse vidi. Præprimis a solo dicti lapidis bezoar orientalis usu plurimos sine præsentia Medici ex voto a variolis liberatos fuisse multoties observavi. Incredibile profecto dictu, quam cito, & quam bene ab usu lapidis hujus omnia symptomata, convulsiones, anxietatem & alii eruptionis prodromi conquieverint, ipsis variolis egregio ægrotantium cum levamine erumpentibus Hinc non possum non mirari eos, qui pretiosum hunc lapidem, quem factitium putant, infra dignitatem nativorum verbi gr. lapidum cancrorum, concharum vel aliorum deicere frustra laborant. Refragantibus quotidianis experimentis & Medicorum principum testimoniis, quorum plures, ut jam non laudem, ipsum equidem Perillustrem atque magnificum Dominum Illmerum de & in Vvarstenberg, Consiliarium & Archiatrum Cæsareum & Regium &c. lapidem bezoar orientalem magni æstimare, atque agonizantibus & alterum pedem velut in tumultu habentibus, tanquam ultimum remedium non absque pereximio successu cum aliis exhibendum suadere ex *Dicuria III. Ann. I. Observat. LXVIII. Ephemerid. German.* pluribus elucescit. Præterea decoctum euphorion ex Corn. Cerv. raspat. glycyrrhiza, scorzonæ. passulis min. hordeo, lentibus nec non emulsiones & potiones bezoardicas

cordiales vel expellentibus vel temperantibus pro re nata variatas, instillatis tenui potui mixturis ex tinc. papaver. rœhad. non acidulata, clysto antim. sulphurat. spiritu nitri dulcis &c. multum profuisse notavi. Neque balsamica & bezoardica media, verbi causa tinctura prophylactica m. d. (quam præservandi sine tam in Hafniensibus anno 1689. quam nostratibus utilem deprehendi) ess. myrrh. balsam. mixt. simpl. succellu carebant.

§. 30. Nonnulli denique, postquam a malignitate variolarum prorsus liberati quidem videbantur, vel a materia morbifica non penitus eliminata, vel ab aeris injuriis, vel diæta neglecta, vel alia causa procatartica nescio qua levissima, periculosis, imo lethalibus affectibus aliis denuo corripiebantur. Quod licet nonnullis prædicebatur, tantum tamen aberat, ut haberetur fides, donec propriis exemplis confirmarent *Hippocratis lib. 2. aphorism. 12. Morborum reliquias, quæ a crisi supersunt, recidivos morbos parere*. Plurimos hoc pacto tussis contumacissima, vomitu quandoque comitata, vexabat, febre lenta simul afflictos, qui multis pectoralibus, diluentibus, humectantibus, nervinis, balsamicis & laxativis curari vix poterant. Aliis abdomen intumescere, facie inflata, infra caput macie conspicua, quasi rachitide laborantibus. Taceo tumorem pedum, scabiem tam siccam quam humidam, tinea variæque ulcera, quibus affligebantur alii. Quorum quidem plurimis siquidem vires mediocres suppetebant, laxativa iterata, ex resina jalappæ cum spiritu appropriato decenter soluta, cinnabari nativa, antimonio diaphoretico, confect. alkermes, syrup. ros. vel violar. &c. & balnea ex herbis siderit. conyz. tabac. saponar. origan. serpill. flor. chamæm. ocul. popul. &c. instar anchoræ sacræ subveniebant. Reliquos tabes sensim consumebat.

§. 31. Cæterum nec tempore hyemali imminente cessantem variolarum luen, sed satis licenter vagantem, ne limites epistolæ dissertationis digrediar, alia occasione plenius delineandam reservo.

§. 32. Has vero observationes ad Te deferre persuasit, tam non obscura tua in me benevolentia, quam peracre tuum in his iudicium. Demonstrasti enim te tritas habere manus notandis ejusmodi observationibus & consuetudine legendi. Singularem vero tam benevolentiam nisi exoscularer,

larer, ~~ferus~~ essem, dum tot Illustribus atque Excellentissimis Viris in Cæsareo-Leopoldina naturæ curiosorum Academia me quoque Collegam forte indignum adscribere non sis designatus. Stabat quidem sententia Cydoniologiam ad normam & formam Academicæ nostræ tractatam publicæ luci nunc exponere; Enim vero postquam Excellentissimum D. D. Georg. Sebast. Jungium, *Aula Cæsareæ Medicum*, Tractatum de Cydoniis Vennæ impressum (nuppiam a me visum) contempnissimè, honoratissimè Tuz literæ d. 9. Decembris anni proxime finiti ad me datæ pluribus dixere, mentem mutavi, ipsasque schedulas, in quibus hujus pomi virtutes & usus sane insignes rudi quasi poncillo delineaveram, abieci, ne fortassis Iliada post Homerum scribere putarer. Interim observantia ergo, quam Tuo nomini debeo, hoc quaecunque praxeos clinicæ specimen gratique animi mei symbolum exhibere volui, debui, quod ut æqui bonique accipere velis, est quod summopere contendo.

Apollodorus.

*Scribebam Mulhusæ Imperialis d. 25.
Januarii, Anno Christi 1701.*

*Constitutio Epidemica Tubingensis
Anni 1701.*

D. D.

RUDOLPHI JACOBI CAMERARII.

Quamquam de raris & epidemiis verum forte sit illud Galeni, se observandi morbos occasionem præ Hippocrate habuisse commodiorem; cum unus Romæ vicus plures habuerit incolas, quam integra urbs Græciæ, atque adeo ex tantis urbibus, uti & e castris, historia hujus anni epidemica plurimum sibi promittat, non tamen parva negligenda putem, sed & ex talium particularium collectione formandum aliquid universale; imo juvat nosse, quibus satis diversa loca ex diversis causis in pace aut in bello fuerint exercita, ut pateat, quid universale anni vel particulare loci fuerit. Decimus per Dei gratiam completur annus, quo Tubingam liberam reliqui dysenteria, quæ cum per tres annos prioris sæculi octuagesimum nonum, nonagesimum, nonagesimum primum, belli injuriis alias graves, ab æstate in autumnum epidemia fuisset

grassata, tum morte etiam epidemico requievit, ut cum interim fama publicaret ipecacuanam novum antidysentericum, hæc haftenus opus nobis fuerit, nec experimentis ejus laudes comprobata; quibus tamen multum derogat, si verum, quod in novellis legi, pro Gallorum exercitu aliud novum remedium antidysentericum in Italiam fuisse mittendum. Nostram pacem si vel illas inducias rupit nupera æstas, & alvi fluxus noviter urbi intulit. Quam prior illæ æstas, quæ ante decennium finem dysenteriarum tulit, sicco calore prævaluit duas præcedaneas, tam ultima hæc nupera omnes hæc haftenus intermedias; quanquam illa nonagesimi tertii æstas, dysenteriarum apud nos non serax, æstuosa siccitatis testimonium habuerit in bonitate sui vini & frumenti. Recordor quoque anni nonagesimi noni, quod mense Junio satis etiam calido & sicco, diarrhæas quasdam concitavit, & metum mali gravius invalituri jam tum incusserit, sed in herba velut suffocatum malum brevi evanuit, quanquam & illa æstas tulerit vinum & frumentum bonum, calidæ temperiei fructus. Quæ itaque & qualis fuerit labentis hujus anni æstas, notoria quidem, determinanda tamen. Primo enim frigida veris constitutio, diu nimis durans, & ad finem usque Aprilis se extendens; nec Majum sivit incallescere, sub inconstante adhuc aëre, nisi versus finem; abhinc autem invaluit æstuosa temperies, an potius intemperies: audiebantur passim tristes novellæ de calamitatibus gravissimarum tempestatum, quæ per Dei gratiam super capita nostra transierunt sere innoxia; raræ paræque pluvie siccitatem contemperare non valebant, usque dum finis Augusti aliquale frigus ferret, novam autem denud subsequam æstatem terminaret pruinosus sub finem September, prævalente hæc haftenus siccitate. Astra qui volent, his applicabit & determinabit ex ephemeridibus. Respondit istis, post tardam utique germinationem, contra spem bona & messis & vindemia; etenim uvæ ab immatura putredine, quam minabantur plurimum acinorum hospites vermiculi quo minus latius serperet; cohibuit illa siccitas. Poma autem & pyra vermifera pleraque præcociter ceciderant nec diu asservari potuerunt, in putredinem nimis proclivia, ne de fagorum foliis gallarum extraordinaria copia obsitis, de brassica ab erucis depasta, &c. dicam. Prius vero & ex vicino quodam vaccarum grege (salvo

no-

nostro) hydrops pectoris multas abstulerat, & anserum juniorum strages aliquibus locis tanta fuerat, ut præ sœtore sepeliri defuerint. Hæc igitur æstas iterum inter nos alvum fluere fecit; primi qui laborare cœperunt, erant infantes, mense statim Junio, plures sequenti Julio, quo etiam adultos (non tamen ex illis dictæ erroribus famosos) invasit diarrhœa quædam torminosa, acuta, imò cum vomitibus (spasmoque furarum, cholera. Tandem rari in urbe dysenteriz, non ita malignæ, casus, frequentiores ex pagis aliisque locis audiebantur, nec tamen ullus illorum fluxum, uti quidem minitari videbantur, nimis apud nos invaluit, nec stragem edidit; non desideratis nisi paucis infantibus. Insuper autumnò in totum sat esto hic loci omnis lues requievit. Mærum curæ concreditis succurri, præter usum pulverum pannonici, antimonii daphoretici, gelatinæ cornu cervi siccæ, seminis plantaginis in congruis vehiculis, methodo in primis Mortoniana, successum secundante Deo, jungens corticem Peruvianum cum electuario dilaecordio per syropos in bolos, vel ejus extractum cum nostro bezoardico aut theriaca cælesti in pilulas formando. Ultra illos alvi fluxus nil epidemii tulit æstas, nisi quod eodem tempore puerorum genæ communiter intumuerint, auditi quoque fuerint catarrhi æstivi, sive tusses pleuræque siccæ, quibus addi possunt tres studiosi unius collegii, quorum unus hæmorrhagia narium enormi, alter hæmoptoe largæ, tertius vomitu cruento sub idem tempus laborarunt. Hæc est nostra æstivi fluxus historia, quam propterea notare volui, ut conferri possit cum aliis, utpote spe fretus, fore vel tandem clariorem causam, cur non omnibus, sed certis annis fiant talium epidemiorum recursus.

Eiusdem Schediasmi ad Historiam Epidemicam Anni 1702.

QUandoquidem adhuc super nos manet Dei benignitas, quam prioribus annis prædicavi, quod pristinam epidemiorum morborum malitiam Tubingæ gravem represserit, nec sinat hucusque iterum invalescere; idcirco historiæ illorum pro hoc anno per modum appendicis tria solum breviter subjungam, quæ notari poterant.

Ante omnia inconstantia & anomalie, quæ per ultimam hyemem, uti & per duas priores fuit, non satis videntur respondere

morbosi effectus. Major illa fuit, & omnino talis, ut sub ea sanitatem mortalium adeo bene sibi potuisse constare, sæpe admirationem moverit, dum pauci utique per urbem illo tempore ægrotarent, & malignorum epidemia plane exularet, eorum autem morborum, qui quadranti anni sunt congrui, nec magnus numerus, nec extraordinaria esset ferocia. Hoc est paradoxum, quod voxare possit & soleat practicos, favere luem eandem sub diverso aëre, & filere ipsam sub tali, quem morbisferum accusaveras.

Quia vero morbosi effectus non statim ipso mense vel quadrante erumpere, sed sequenti demum succedere perhibentur, huc proin referri poterit, quod secundo notari meretur, scilicet utut interdum proprie epidemium in urbe nihil sit, sed sporadice multi ægrotent, certo tamen tempore plures ægros abripi, quam alio, per morbos diversos & dispersos. Tale fuit tempus verum hujus anni sub finem Aprilis & principium Maji, quo personæ diu infirmæ, senes, viduæ, infantes, plures quam alias fuerunt abreptæ. Quomodo singulorum ita fata concurrant, vel in quantum debilitas eorum non ferendo conveniat, facilius est determinatu in thesi, quam hypothesi.

Tertio, quæ de fluxibus alvi mediocritatem adhuc servantibus per æstatem ad annum præteritum notavi, huc repeti possunt pro hoc anno; nam pariter cum æstate redeuntes non invaluerunt ultra gradum pristinum. Illud modo addam, aliunde ad nos advectum fuisse quid mali gravioris. Inter reduces ex castris ad Landavium, qui febre tertiana & diarrhœa laborarunt unus ex civibus sub finem obsidionis sibi & Philisburgi non nisi per diem unum & alterum commoratus vix domum attingeret post medium Septembris, cum dysenteria dejiceretur atroci. Hæc uti per contagium hausta fuisse videtur, quia non tam errores in diætâ commissos novit, quam conceptum inter infectos horrorem ipse accusat; ita domi etiam se diffudit ad plures, observans quidem fatalem illum morem, quo certæ solum personæ solent corripri, salvis aliis: Nam conjux omnium sordium injuriis exposita mansit intacta, conjugis autem soror ipso die septimo a decubitu viri completo dejecta fuit, & die sequente filiolus trimulus sedes torminose cruentas frequentare cœpit; evasit tamen illa triga feliciter, & perstitit hanc intra domum lues. Multo autem

autem gravior fuit hujus viri dysenteria peregre allata, quam ulla per urbem sponte oborta, non solum duratione in tertiam septimanam & dejectionum nimis citata frequentia, sed excreti diu sinceri cruoris, dein non muci, verum flavo-viridis liquaminis, copia perquam magna, stipata etiam symptomatum molestissima vehementia, præter oppressionem præcordialem, tormina, tenesimum, in primis dysuria & tantum non jugi singultu, de quibus ultra decem dies & præ reliquis majores audiebantur ægri querelæ. Cum die sexto, quo demum post tentata domi varia consuli cœptum, ut & diebus sequentibus nullæ distingui possent remissionum & exacerbationum vicissitudines, & urina omnis rubedinis expers, flava & clara, sed turbata admodum facilis, offerretur, paucis cum non tam febris (nec aphthæ unquam nec deliria supervenerunt) quam fluxus & vires urgere viderentur; æger item a meridie per vespertinam sumptis ana duas corticis Peruviani & electuarii diascordii drachmas, ut ingratiatam sibi formulam, porro nausearet, inde purioris cruoris copiam citari prætendens. Itaque pro nocte primum medicam narcotici dosin extractis corticis, tormentillæ & bezoardico addere consultum videbatur, & ob bonum effectum continuare alternatim tales pilulas & emulsionem ex semine papaveris albi, plantaginis, amygdalarum; in congruo vehiculo, edulcoratas cum absorbentibus & pulvere anodino, semper ita dosi nocturnæ reservando vim opiatæ. Per dies vero suis horis dabantur quater scrupuli pulveris ex unicornu fossili, coralliis, semine plantaginis, priapo cervi, dente hyppopotami, pannonico, itidem in consimili vehiculo; Quibus tandem accesserunt datæ subin guttæ balsami Peruviani cum cocleari syruporum papaveris erratici, rosarum rubrarum, symphiti, & electuarium temperatum cordiale stomachicum. Dubia movit potus, cum ab aqua cieri alvum, a vino æstum prætenderet æger; Videbatur ergo medium tenendum, concessio modico vino vetere pro pastu, etiam ob languorem & anorexiam perparco, extra id tempus præscripto decocto ex rasura cornu cervi, mastiche, & cinnamomo. Serum lactis commendatum nescio cur cito nauseavit æger, multum gelatinæ cornu cervi hausit solutæ in vario vehiculo calido. Externa scrobiculo cordis, sedi, membro, roboris & linimenti ergo admota, & cætera

prolixius recensere opus non fuerit. Illud addendum, dysenteriam scæminæ cruore multo, magnis torminibus, ad usque deliquia, non impedisse tamen, quo minus die quarto, stato utique tempore, venirent menses, & durarent aliquandiu, citius tamen finiti, quibus etiam id dandum videbatur, ut interim parcius insisteretur usui ischæmorum.

Quam in ephemeridibus meteorologicis Tubingensibus olim exhibui tabulam motuum mercurialium per triennium, eam ulterius ad præsens tempus continuatam, perque annos adeo plusquam octodecim, extensam, quia brevis est, publice hic propono, dum ephemerides ipsæ tot annorum domi latent prolixiores. Observationes quidem circa experimentum Torricellianum fuerunt inscriptæ alicubi difficiles nugæ; habuerunt tamen suos vindices. Transseat, aut maneat liberum, quorumcunque judicium: meam ego tabulam illis modo destinavi, qui nihil temere prætermittentes etiam perpetuo tali mobili delectantur, utuntur. Horum non modo curiositas cum propriis conferre alienas amabit observationes, verum etiam sagacitas per earum sylvam venabitur prædam, aut scrutabitur vias, quas in meteorologia non minus ac in epidemia occulit natura. Ne asymbolus ipse sum, excerpam unum alterumque casum, cui applicari possint, quæ in tabula exhibentur stationes. Si primus monuero, sermonem adhuc esse de uno eodemque barometro illo simplici, cui scalam admotam fuisse olim monui minorum decem, quallium palmo Romano dat P. Lana; illam hac vice subdivisi in gradus viginti, ut evitarem numerorum fractiones. Sic omnium suprema statio & altitudo mercurii designatur per seminata 20. medium scalæ habet 10. imum 60.

Horum sive decem palvi minorum, sive viginti scalæ graduum varietate absolvuntur motus mercurii intra tubum; quibus extra respondent motus aëris tanti & tales, ac per hos annos contigisse meminimus, magna copia & differentia. Variant anni, interdum nec ad summum nec ad imum scalæ deducunt mercurium; variant menses interdum diu quasi in eodem tenent ipsum, sub exigua motuum differentia, alias intra paucos dies fit lapsus a summo ad imum, aut ascensus ab hoc ad illud. Itaque si cui libuerit comparare annos annorumque partes inter se, habebit, in quo se exer-

exerceat; occurreret autem ipsi communius hyeme gradus supremus, interdum quoque autumnō, rarius primo vere, nunquam æstate. Quibus autem mensibus supremus, iisdem quoque infimus: sic æstivis neuter. Adeoque differentia illa motuum maxima decem, novem minorum est hyberna: autumnalis nunquam minor quinque minutis, sæpe fuit major: His æstiva nunquam major, sæpe minor. Dantur autem menses omnium anni partium, quibus non nisi trium min. est differentia: uti dantur interdum dies, quibus quasi suorum motuum deminuisse videtur mercurius, hærens diu in eodem.

Sed ad ea, quæ promisi, specialia. *Diluvium tempestuosum* anno 1702. ad d. 13. Jul. de quo in E. N. C. 3. 7. 137. non fuit cum illa mensis statione humili, quam exhibet tabula, sed cum mediæ scalæ. Præcesserat descensus non nisi per gradum unum; plane non pro ratione: talis ac tantæ exonerationis, tam venientis, quam finientis & factæ. Bili fluxus, quorum omen illud tunc metuebatur, irruerunt utique nimis heu graves, transierunt tamen Dei gratia; quæ vel tandem plene ipsos compescat! Nondum quippe cessant. Nam nupero demum Augusto hujus anni 1710. noviter fuit præceps vallium nostrarum inundatio; iterum non cum humilitate, quanta solet esse cum talibus exonerationibus aeris hybernis, sed cum gradu modo scalæ sexto.

Ominosum quoque inter alia nimis multa tristia signa videbatur *fulmen extraordinarium*, cum nocte præcise media inter ultimum Decembris Ann. 1702. & primum Januarii Ann. 1703. ad sonum fere duodecimæ graviter detonaret vetus, aut intoneret novus annus: Utique tristis recordationis. Tulerat serus & ultimus vespert lapsum ad imum illud scalæ, quod in tabula, sub austrino, laxo & humido aëre. Mensis diu tunc humilis mercurius, imo quod non alias factum, descendit adhuc infra illud scalæ imum: Ut non nisi illa vice differentia motuum fieret major decem minutis. Cito, ejusdem enim quippe Januarii sub finem, conspicuus iterum fuit in altiore gradu illo, quem tabula exhibet. Nescio, num ad causas vel signa fatorum talium spectet, quod singulare tunc videbatur spectaculum: Mars accedens ad vicinos Saturnum & Jovem; hoc subinuisse modo sufficiat.

Anno 1705. ad gradum scalæ, quem tabula offert, sextum cecidit Majo mense in-

Syden. Opera Med. Tom. I.

tempestiva nix; nobis quidem pluvia, vicinis autem alpibus utique nix copiosa. Scribatur tunc ex provinciis Germaniæ septentrionalioribus, gravem pati arbores calamitatem, præ nivis mole avulsos vel grandes tiliarum ramos: Ad alpes nostras multa nive rectæ & pressæ segetes & vinearum frondes, manserunt tamen in salvo, post paucos dies resurgebant & lætæ virebant; retardata modo, non, uti alias a pruinis, laesa fuit germinatio. Successit brevi, sc. nivi diei 25. aliud die 29. meteorum, cum jam supremam mensis stationem occupasset mercurius, sub aëre nondum quieto, deiciebat enim granedulæ copiam, apriliformis.

Ex An. 1706. *Eclipsis Solis* memorabilis fuit, neque cum suprema, neque cum infima Maji mensis statione, sed cum media: Et quod sub eclipsi solari partiali, magna tamen, An. 1699. in E. N. C. 3. 7. 88. annotavi, de barometri nulla prorsus facta mutatione, per omne illud obscuracionis tempus, idem sub totali nobis & annulari pariter omnino se habuit. Stetit mercurius obscuro illo tempore, quasi crepusculo, fixus, plane invariatus, ne pilæ latitudine vel dimissus, vel elevatus, utut thermometri fide aër bene refrigeraretur. Vesperti autem comparuit per quartam minuti partem humilior: Tunc nubes pomeridianas, quidem diffarat eurus, sequens mane tamen tulit pluviam, & serus vespert signum gratiæ, iridem, cum altior jam ac ante eclipsin esset mercurius.

Anno 1707. & 1708. *hyemes austrinae* non tulerunt consuetam altitudinem. Januarii 1708. vernus potius, quam hybernus; quo in pratis colchicum, mezereon in silvis floruerunt. Et insolita tamen illius temporis lenitas & temperies docente thermometro fuisset nobis per æstatem summa rigiditas. Nunquam illo mense altus mercurius, vix semel, nec diu, venit ac stetit ultra scalæ medium, plerumque multum infra ipsum. Cum in imo hæreret per decimum & sequentes dies, mirum non fuit cum aëre turbulento, sed satis quieto, grato, apud nos, post nebulam aut flavedinem vel rubedinem matutinam, tunc frequentem, non pluviosus, sed vel serenus vel nubilus solisque radiis alternans. Alibi forsitan se exoneravit. Die illius Januarii 20. & seqq. cum perturbaret aërem ventorum vis, & ferret fulgura, irides, pluvias, mercurius quidem descenderat, sed non eo usque. Interim passim quoque scribitur

R r r

aliunde, visa meteora varia, facta diluvia, delapsos ignes, &c. Communiter autem, ex septentrione, esse potius ver, quam hyemem. Prægressus December 1707. fuerat non minus & mercurii motu apriliformis, differentiam suam quatuor minorum absolvens vel viginti quatuor horarum spatio, a nive ad ejus solutionem: Nec ad imum, nec ad summum scalæ, ut alias hyeme solet, unquam pertigit.

Anno 1709. Januarii *hyems sine pari*, sive gelu extraordinarie longum & magnum, non obstitit, quo minus caderet mercurius, scilicet ad venturam opportune nivem, tegmentum segeti. Certe per diem duodecimum & tres sequentes bene humilis, etiam post nivem adhuc, sub aëre sereno, constanter gelido: Atqui media æstate communiter illa statio solet esse tempestuosa. Non nisi uno minuto humilior stetit die quinto, ante gelu illud, qui tamen fuerat toto cælo diversus, scilicet austrinus, laxis, pluvius, quem rigor venti nocturnus strinxit & mutavit in plane alium; tunc enim nix & gelu hyemis illius acerrimæ principium. Hinc decimo sexto motus per scalam sursum, nondum tamen ad summum: quo pertigit demum die decimo nono serenato post nebulas constanter aëre. Tales tunc dies quatuor, inter quos unus ex frigidissimis totius mensis, & per quos tamen descensus duorum minorum. Cum vero intra breve tempus per tria minuta fieret ulterior lapsus ad scalæ medium, tunc alia venit nix, & comparuit ad vesperam pruina murorum; Hinc molestissimi rigoris vel tandem aliqua relaxatio. Fuit, siquidem Astrologos audire lubet, prævia laxitas austrina sub oppositione Martis & Solis. Superveniens oppositio Saturni & Mercurii dedit principium hyemis per stringentem eurobozeam. Finem fecit oppositio Saturni & Veneris cum PL. & aliis ad diem Pauli. Supremam interim mensis stationem & inclementiam fuisse non sub illis, sed sub quadrato Jovis & Solis, mirum forte cuiquam videri posset.

Sic utique visum quondam fuit *M. Stryro*, occupato in dextra applicatione principiorum *W. Cokii* ad constitutionem meteorologicam anni 1695. ubi tractat inter bene multa notatu digna quæstionem: cur calefaciens alias quadratum Jovis & Solis die sexto Decembris forte gelu tulerit? Transeat hic examen rationum, hoc solum addam. Ante seculum *Helis. Rossinum* in

d. navig. Septentr. (laudato Belgis libello) de hoc paradoxo jam monuisse Astrologos. Scilicet hybernium gelu a Saturni configuratione cum aliquo planeta fuisse mitigatum. Contra, Solem, Jovem, Martem, Mercurium tunc configuratos intendisse. Exemplis annorum 1608. 1609. Quo ipso simul innuitur alterum Sluteri dubium, quod scilicet conjunctio Saturni & Solis uno anno liquationem, altero gelu tulerit. Etenim d. 18. Dec. 94. sub illa intensum frigus: anno 95. d. 8. Januar. sub conjunctione Martis & Solis liquatio, ad imum scalæ. d. 13. Januar. post conjunctionem Saturni & Mercurii gelu fuit, ad supremam mensis stationem; Et ad analogiam cum aspectibus & meteoris Jan. anno 1709. Ceterum, priores illæ hyemes austrinæ uti videbantur fovere pestem Polonicam, ita succedens borealis eadem sperabatur extinctura: Et erat utique silentium aliquandiu; verum enim vero tristia porro leguntur in novellis publicis. Opponam adhuc illi gelu æstum, quem substituimus per dies Julii anno 1707. quatuor, scilicet die 19. 20. 21. 22. insolitum; non tamen cum humili mercurio, nec cum magna motuum differentia, sed a supremo hujus mensis, & communiter æstatis gradu, a nebula per serenitatem extreme calidam ad tempestatem nocturnam, sanis facto descensu, non nisi per quatuor gradus, nec infra scalæ medium. Interim, qui primo die aspiraret adhuc aër lenis, dispellens nubeculas (quæ quidem solet esse gratia *Etesiarum*, sive eurobozeæ & euri, pomeridianum aërem temperantium) emanabat prorsus, ne auræ quidem appulsus sentiebatur, urgebat autem calor, quantum thermometri testimonio ab illo tempore nullus annorum sequentium tulit. Hæc, ut dixi ad tempestatem; cui cum succederent posteriores binis diebus sequentibus, & obtineret insignis temperati jam, imo refrigerati, aëris inconstantia, tunc quod siccus calor non potuit, procuravit laxa humiditas, scilicet descensum ulteriorem, ut differentia tamen stationum sub tam diverso aëre fieret octo tantum graduum. Si cui libeat recurrere ad ephemerides illius temporis astrologicas, inveniet Jovem apud Martem, & aspectus forsitan pro etelidis quoque & subsequa inconstantia.


Cum reviderem tabulam, offendi, quod æstate rarum, *scalæ imum* ipso Julio anni 1703. Itaque recurrens ad Ephemerides, depre-

deprehendo lapsum per quatuor minuta factum intra 24. horas, & mox rearsensum intra horas non plures, per quinque minuta, die mensis sexto, sub aëre non calido, cum pluviz copia ventique impetu. Flabat ille ex plaga a meridie ad occiduum, versus quam nobis situs est *Lacus Podamicus*. Atqui hic ipse tum dicebatur intumuisse ultra modum. An perturbatus impulsu hostis vicinæ graviter minacis?

Video etiam, quod vix alias factum, Decembri non stetisse humilem mercurium, sed tenuisse octavum scalæ gradum anno eodem 1703. Inspicienti autem ephemerides occurrit illa statio die Decembris octavo nubilo, inconstanti, ventoso. *Tempestas* horrenda cum fulg. ton. vi venti insolita, vix sine terræ motu fuisse credita, quæ in *Anglia*, *Belgio*, & ad mare *Balticum* valde sævit, & ruinam multis intentavit vel intulit, scribebatur tunc nocte inter 7. & 8. Decemb. incepisse ex SW. & durasse ad meridiem octavi; qui turbulentus, ut dictum, apud nos, non tamen tempestuosus, transit de cætero sine damnis. Cur subtili aëre non humilior mercurius? An medius inter oppositiones & post conjunctiones tri-

gonus id non permisit? (illa vero videris apud *Astronomos*) Certe a NL. tunc ecliptico properavit ad supremam, quæ in tabula fixit stationem intra triduum.

Denique finem his imposituro ad manus venit *la connoissance des temps*, quam *Gallica* scientiarum Academia publicari facit, ubi de anno 1708, scribitur, supremam per ipsum elevationem mercurii fuisse observatam d. 17. Novembr. 28. poll. 1. lin. $\frac{1}{2}$ infimam d. 10. Januarii 26. poll. 9. lin. $\frac{1}{2}$. Hæc plane conveniunt cum observationibus meis: Etenim scalæ meæ gradus decimus octavus, qui in tabula ad annum 1708. Novembri respondet, etiam non fuit per hunc annum, nisi mane istius diei 17. quo longam nebulam excepit serenitas: Frigidum utique fuit illud mane, minus tamen, quam sequens, quod habuit mercurium tribus jam gradibus inferiorem. Alterum huic oppositum, ex Januario ejusdem anni, est illud ipsum scalæ inum, de quo supra, ad hyemem austrinam, quod mirabar fuisse sine aëris turbulentia. In quo itaque subsisto; Ad occasionem quamcunque aliam reservans plura.



*Tabula Motuum Mercurialium, five Stationes Barometri
supreme & infime.*

	1691	1692	1693	1694	1695	1696	1697	1698	1699	1700	1701	1702	1703	1704	1705	1706	1707	1708	1709	1710
Januarius		20 2	20 10	19 6	16 1	20 4	18 4	14 0	20 0	20 0	14 2	18 0	18 0	16 0	18 6	16 10	16 8	12 0	18 2	16 0
Februarius																				
Martius		14 1	19 4	19 10	18 4	18 4	16 0	16 6	16 4	14 2	16 2	10 2	10 2	18 2	19 0	16 4	14 8	16 2	16 2	16 8
Aprilis		15 2	14 2	15 5	14 4	14 0	18 0	16 8	17 0	18 6	12 0	16 4	16 6	12 2	18 0	16 6	16 6	12 2	14 4	14 0
Majus		14 2	12 0	15 6	10 3	14 5	14 5	12 4	14 0	16 2	14 4		14 2	14 4	16 2	14 4	14 0	12 2	14 4	14 2
Junius		13 4	12 4	12 5	13 4	16 7	14 8	14 6	14 5	14 5	14 6		14 4	12 5	14 6	14 4	12 6	14 4	12 4	16 6
Julius		12 5	13 6	13 8	16 6	15 5	14 4	15 8	16 4	14 4	16 8	11 6	14 6	14 4	14 4	14 6	14 6	12 4	14 6	14 8
Augustus	13 7	13 5	15 8	14 7	13 8	14 6	14 7	14 8	14 6	16 8	14 4	12 6	14 0	14 6	14 7	14 8	14 6	14 6	14 6	14 6
September	14 9	13 6	13 6	12 7	16 6	16 8	16 7	14 6	15 8	14 8	16 6	14 4	12 6	14 8	14 6	14 8	12 2	14 6	16 8	14 6
October	16 8	16 6	15 4	15 4	12 4	17 1	14 4	14 6	16 6	14 8	16 12	14 4	14 2	13 2	16 2	16 4	14 4	14 4	16 6	16 6
November	15 9	15 6	17 4	16 0	19 6	14 4	18 5	10 0	16 5	14 5	18 6	16 0	14 2	18 6	14 4	14 6	14 0	14 4	16 2	
December	15 0	14 4	15 4	14 0	16 11	10 0	16 0	15 2	20 0	20 0	18 2	16 0	18 4	16 2	16 6	14 0	18 4	18 4	18 6	
	18 7	20 2	18 0	19 5	14 2	18 4	14 8	18 2	20 0	19 6	16 6	16 0	19 8	18 2	11 0	16 0	13 4	14 2	18 0	

De frigore hyemali Anni MDCCIX.

FRIGORIS vehementia, quæ Anni 1709. principium memorabile reddidit, digna est habita, quæ curiosorum considerationem eruditam subeat, quos inter præcipue Exc. D. Jo. Guilielmus Bajerus, in Ill. Noricorum Universitate Altdorfina Professor publicus in dissertatione d. 15. Februarii edita causam ejus exposuit; & celeberrimus D. Bernardinus Ramazzinus in Antenoreo Lyceo primarius practicæ Medicinæ Professor in oratione die 13. Maji anni prædicti publice habita, præter causas, in effectus etiam morbosos algidissimæ hujus constitutionis inquirere voluit. Horum itaque propria verba Lectoris ingratiam, cum paucorum in manus Opuscula devenerint, Historiæ nostræ epidemicæ subicere libuit.

D. Joannes Guilielmus Bajerus.

§. 1. **F**RIGORIS illius post hominum memoriam maximi, quod mense proximo per Europam sæviit, rationes breviter evoluturi, merito præmittimus recensionem quorundam phaenomenorum tam antecedentium, quam durante ejus vi in aëre terræque nostra observatorum, unde totius rei cognitio facile ducitur.

§. 2. Erant jam tum Decembris dies plurimi gelidi satis ac nivosi, terra frigore tam alte constricta, ut currus onustos superficie sua ferret; neque omnino solvebatur, tametsi per intervalla tepidi venti aërem agitant, & post Calendas Januariarum ad nonas usque pluvia tempestas impenderet.

§. 3. Ipso nonarum die, cum aquis nivilibus pluvisque telluris facies undique maderet, (latente tamen adhuc subtus glacie) circa vespere demum quamaxime humidam, ventus orientalis spirare primum leniter, sed propecta nocte vehementius, cœpit; post quem sub auroram statim terra omnis nive & pruina visa est obriguisset.

§. 4. Ventum hunc, per sequens biduum & ultra cum assiduo frigoris incremento, sed diverso impetu continuatum, paulo antea Mercurii in barometro per plures gradus ascensio subita prænuñciavit, cum prius ad vespere usque diei v. Jan. multum infra mediocritatem lapsus esset.

§. 5. Thermometrorum ex adverso liquores subinde majores frigoris gradus nota-

bant ad medium usque Januarium; quo cum ad tantam vehementiam gelu processisset, quantam in nostris regionibus vix attingere posse credebatur, circa diem xviii. observatum est remisisse paululum, sed non diu, neque constanter: quandoquidem & per brevissima intervalla rursus crevit, decrevitque, & diei xxiii. tempore matutino majorem quam antea unquam vim in nostris thermoscopiis ostendit, post meridiem autem notabiliter defecit.

§. 6. Mercurius interim in barometro alterno ascensu descensuque ventorum potius, elaterem aëris variantium, vicissitudines indicabat, quam frigoris incrementa & decrementa; nobis quidem haud mirantibus, qui pridem noveramus, & calorem & frigus, & serenitatem & perturbationem cœli cum diverso elateris aëris statu per accidens saltem conjungi: tametsi vulgo ista qualitatum aëris temperatio barometrorum icalis pro regula consueverit adscribi.

§. 7. Quemadmodum igitur istas barometri mutationes, utpote parum ad hoc negotium conferentes, sigillatim exponere super sedemus; ita nec operæ pretium fore arbitramur gradus thermometrorum hic enumerare, qui diversi sine dubio sunt non solum in diversis machinarum generibus, (unde eodem tempore v. gr. Hamburgi liquor a gr. 60. ad 86. ascendisse, Francofurti ad gr. 21. descendisse, in diariis publicis memoratur) sed diversi quoque in singulis speciebus, pro diversitate scalarum, liquorum, variaeque altitudine & amplitudine vitrorum. Quale facile conjicimus, neminem ex hujusmodi recensione animo percepturum quid res sit, nisi qui vel thermometra nostra oculis usurparit, vel prolixam eorum legerit descriptionem.

§. 8. Cætera licet eandem ob rationem, ex observatis Berolinensium, Francofurtensium, Dantiscanorum, Hamburgensium, Rostochiensium, Stetiniensium, aliisque, quorum copiam diaria publica fecerunt, colligi satis tuto non possit, ubinam locorum maxime frigus dominatum fuerit, quique gradus diversis locis interceperint; tamen hæc certa & notatu digna sunt, quod 1. (eadem nocte universam Germaniam invaserit gelu,) 2. eadem proportionem ubivis creverit decreveritque, 3. (ad supremum ubique culmen, pro climatis ratione, & ultra quam putabatur, pervenerit,) 4. calidiores Europæ in tractus, Galliam & Italiam, simili cum rigore penetrarit, quin etiam;

etiam, incredibile dictu, ipsas thermas Aquisgranenses congelarit.

§. 9. Nec præterire possum, quin memorem, frigus decrescente lunari lumine invaluisse, & biduo ante plenilunium maxime remisisse, secus ac vulgo creditur fieri. Quin & cæterorum aspectus planetarum tanti non erant, ut exinde talem effectum ominarentur Astrologorum regulæ: nisi dicere velis conjunctionem Jovis, Saturni, & Veneris, quæ die VII. Jan. contigit, biduo antequam fieret, istam mutationem aëri intulisse. Sed nec defunt calendariorum artifices, qui Jovem beneficium hœmis istius præsidem declararent, & hinc Januario mensi insignem frigoris temperaturam promitterent.

§. 10. Jam vero ut ad causas eventus hujus inexpectati accedamus, e modo dictis pater, facile, quam debile, imo nullum subsidium ab Astrologia sit sperandum. Quare missis ambagibus originem memorati frigoris dicimus a vento orientali præcedenti (vid. *Phen.* III.) hujus autem occasionem ab impedito aeris nostri, per priorum dierum turbulentam tempestatem, elatere, de quo *Phen.* II. & V. loquantur. Etenim cum venti repidi humidique d. IV. V. Jan. leniter spirantes tenuiorem secissent aërem regionum planarum illo, qui silvosis montibus, nive & glacie rigentibus (Boemicos intelligo, Carpathiosque) imminebat, fieri non poterat, quin sublato sic aeris utriusque æquilibrio, hic in istum gravis irrueret, adveclisque secum spiculis glacialibus totum impleret. Ita vero & illi vapores, qui prius atmosphæram nostram confertim occupant, excusso calore modico simul in pruinas abierunt, & aquam in superficie telluris fluentem pariter suo attractu congelarunt. Namque ipsum terra solum jam tunc priore a frigore jacuisse constat, *Phen.* I. observavimus.

§. 11. Quid vero sic cælo soloque juxta gravi ad contummatum frigus deerat; quidve poterat impedire, quo minus ille ventus orientalis, æqualem per Germaniam statum aeris ostendens (quod relationes publicæ docebant) eadem nocte eam totam pervaserit, & per aliquot dies continuatus, contiguo nostris tractibus aëri similem rigorem longe lateque induceret? quo facto, etiam venti australes & occidentales, alias calorem humoremque nobis adspirantes, jam non nisi vapores pruinosos dabant; & si quando aër superior modico tepore tangeretur, ille tamen solvendis his inferioribus

nimum algentibus haud sufficebat, usque dum sol, quotidie nobis sublimior factus, primo australiorum terrarum infregit rigorem, & mox inde potentiores ventos calidos ad nos transmisit.

§. 12. Equidem facile prævidemus, adductas in medium rationes non statim omnibus satis facturas cogitantibus, quod intra sæculum proximum haud dubie sæpius venti orientales supervenerint hœmi liquefcenti, (quam nos hoc anno occasionem tali vento fuisse fassi sumus) nec tamen frigoris tantam seviriem asportarint. Sed hac objecta dimovere nos de sententia non valebunt, nisi constiterit, omnes, quæ nuper effectum conspirabant, causas, & circumstantias, etiam alio tempore & crebrius fuisse conjunctas: ut ventus flaverit e regione solido ac diuturno frigore horrente, ut inciderit in aërem tot vaporibus repletum terramque intus jam congelatam, ut contrariis ventis non impeditus per plusculos dies regnaverit; & quæ huc pertinent alia. Neque vero vel nostra memoria destituitur exemplo simili: quandoquidem anno 1697. circa 11. post Epiphaniæ Dominicæ & Januarii medium tam subito & acri frigore tellus humida corripiebatur, eodem vento orientali intercedente, ut parum differret a statu nupero, præterquam diuturnitate, quæ tunc minor, etiam minorem sibi peperit famam.

§. 13. Quando ea inter portentoso huic frigori e natura causas assignamus, haudquam exclusam volumus singularem quandam Numinis providentiam, quæ sorte naturalium corporum actiones solito firmitus in istum effectum direxit, eo quidem fine, ut homines, heu nimis cito Dei obliti, suisque innixi viribus, novum impotentia suæ caperent documentum, utque armis hostilibus, per hyemem quoque non quieruris, necessarias faceret inducias. Huic ergo Numini supremo omnis sapientiæ, potentiæ, clementiæ laus & gloria sempiterna tribuatur.

D. D. Bernardinus Ramazzinus.

Lubet in prægressæ hyemis algidam & nivofam tempestatem, quæ frigoris vehementia atque asperitate non solum Italianam, verum universam Europam tanta hominum, ut omnium cujusque generis viventium strage male mulctavit, philosophica & medica indagine inquirere; quod si tam portentosi frigoris veram & germanam cau-

sa

sint in apricum erueri non dabitur, non absire forsitan neque ad sanitatis custodiam infrugiferum erit exquirere, quid mali hac proxima æstate ex hac tam male morata constitutione timeri possit.

Nolo autem hujus hyberni frigoris, quod annum hunc nefastum fecit, & ad multa sæcula memorandum faciet, inclementiam non dicam, sed insolentiam longo verborum ambitu describere; quotus enim quisque repertus est tam denso corio, ac tam forti a natura temperie donatus, qui non in cute solum, sed intus quoque & intra ipsa præcordia, ubi vestalis ignis nativos lares, & focum habet, ab algidissimi aeris inspiratu noxam aliquam non persenserit? Magna sunt quæ vidimus, majora quæ audivimus; vidimus magna flumina tam arcto, tam alto gelu adstricta, ut armentis plaustris onustis, & ipsis quoque exercitiis transvehendis sufficerent. Vidimus ad binos & amplius menses vim nivium immodicam e cælo non tacite, ut solet, ad instar velleris labentem, sed magno cum impetu in solum projectam, & quod magis mirere sub æquinoctium ipsum, quod in hac Civitate prodigio par est. Vidimus in partibus ædium interioribus, & in ipsis hypogæis fluida quæque congelari solidioribus vasis ex opere figulino disruptis, ac dum cibum capturi mensæ accumberemus, non procul a luculento igne vidimus fumantes epulas temporis momento gelascere. At vulgaria sunt isthæc, & fidem invenient. Urbem vidimus Adriæ Reginam, cui nullum unquam nisi navigiis cum terra fuit commercium, continenti junctam, marinis aquis in marinorem duriciem solidatis, ut ad septem passuum millia ultro citroque longo agmine commearent viatores, veterinarii, & annonariæ gentes cum armentis, & gregibus, ut laboranti civitati victuales suppetias ferrent. Quam admiranda porro, imo quam miseranda sunt, quæ alibi facta accepimus, velut in Gallia, Anglia, Germania, ac tota septentrionali plaga, non solum magnis fluminibus marinum æstum pati solitis, sed Oceano ipso congelato, ut sublatis commerciis centenæ hominum chiliades in civitatibus, in agris inter frigoris rabiem, & famis morsus misere perirent, ac ex iis, qui militiæ sacramento erant auctorati longe plures in castris hyemando, quam in acie pugnando in orci militiam transierint. Profecto si cujusque regionis, civitatis, atque oppidi necronolo-

giam haberemus, in quibus eorum, qui e vita decesserint, nomenclatura continetur, ac ratio iniri posset, quot hominum myriades duorum vel trium mensium spatio in libitinæ censum deduxerit intolerando suo frigore funesta hæc hyems, nulla certe pestis, utut truculenta & pernicialis, nec ea, quæ apud Historicos, & Poetas adeo per-vulgata, quæ universam Græciam depopulata est, algidissimæ hujus constitutionis pesti, si ita fas loqui, ullo pacto esset conferenda.

At unde nam quæso tam violenti frigoris petenda est origo? Si ab Aquilone frigoris promocondo malum hoc venit, cur hoc anno tam violentum, tam diuturnum, ut quotquot in viventium numero adhuc exstant provectioris ætatis homines, & filicernio jam proximi, tam enorme frigus nunquam se persensisse meminerint, nec scriptorum quicquam prodigium hujusmodi literis prodiderit? Scire optatis, quam proportionem habuerit hujus anni frigus ad præcedentium octo annorum, quos in hac civitate observare mihi datum, summum frigus? Psicrometro teste proportionem habuit sesquialteram, hoc est ut ternarium ad binarium. Is fuit hyberni frigoris hoc anno supra cæteros excessus, qui in regnum quoque vegetabile delæviens, non solum plantas, quæ hortorum ornamenta sunt, sed quod dolendum, oleas & vites ad interuccionem usque absumpsit. Mehercule si in hujusmodi tempora incidisset Cardanus, eam, quam de frigoris natura opinionem mordicus tenuit, dubio procul abjecisset: non esse frigus quid re vera subsistens, sed simplicem caloris privationem, ventosque omnes plus minus calidos esse, inter suas subtilitates recensuit vir ille, quem censoria virgula sugillans, severissimus ille Cardanomastryx hisce verbis sic eum interpellavit: *Abjice soleas, ac pileum, Cardane, quo tempore ex Alpibus Rheticis urit vos Boreas; frigidus enim, & siccus est.* Hic autem mihi haudquaquam mens est in frigoris naturam curiosius inquirere, neque quodnam primum sit frigidorum, num aqua, ut Aristoteles, an terra, uti Parmenides, & num venti aërem comprimendo frigus efficiant aut illius vectores sint; cujusmodi quæstiones Philosophos tum veteres, tum recentiores exercuere, & adhuc exercent; sed solum in votis mihi esset causam perspectam habere, quæ hac hyeme tantum frigoris ac tam ex improvviso excitaverit. Jam præcedens

cedens brumale solstitium exegisse nos, & annum cum satis placido aeris statu clausisse latabamur, ut spes esset hyemis reliquum eodem tenore processurum. Ast tanto impetu nascenti anno Janus fores aperuit, ut nobis ferale bellum indicare visus fuerit; illico enim, ex boreali plaga ventorum turbines biduo tanta vi efflarunt, ut omnibus horri essent, illos acerrimo frigore comitante, & continuo nivium descensu subsequente. Grande igitur aliquid in hyperboreis contigisse credendum est, quod tam subitam in aëreo mari magno tempestatem excitavit? Anne magnum aliquem terræ hiatum ex improvise apertum fuisse putandum est; unde una cum ventis algidissimis tanta nitrosi spiritus copia eruperit, quæ totam atmosphæram frigorificis particulis ad saturitatem usque opplerit? Quanta vi polleat nitrum ad sensum frigoris inducendum, satis commonstrat experientia, dum nivi & glaciei commixtum illarum activitatem exacuit, ac in earum defectu nitri portionem in aqua dissolvendo modum habemus, quo media æstate vina & frigidas potiones nobis comparemus, non aliunde autem quam e terræ sinu tam horrendi frigoris causam deducendam arbitror; ad tam subitam enim & adeo turbulentam ventorum irruptionem locum aliquem in aërea regione intra polarem circum fingere oporteret, in quo spiritus adeo furentes conclusi essent, & effracto carcere subito erumperent, quod tamen Poetæ, quibus quidlibet audendi data est potestas, ausi non sunt, qui ventorum turbam in antris terræ obscurioribus abditam esse voluerunt, ac insuper regem illis statuere, qui imperio premeret, & laxas sciret dare jussus habenas. Minus porro rationi congruum videretur cœlestia illa corpora culpæ velle, quæ suo lumine & afflatu in nostram perniciem conspirarint. Quid novi enim in cœlo a syderalis scientiæ peritis antea fuerat observatum? Num feræales comete visi sunt, aut alia hujusmodi portenta? Num planetæ in choreis suis agendis a præscriptis sibi legibus exorbitarunt, ut novis syzigiis & insolitis motionibus cœlestem illam harmoniam perturbarint, ut postea propter illorum aberrationes nos plendi essemus?

Sit quidem, ut ajunt, multum pollere lunare sydus ad perfrigerandum, ac illius lumen ad nos reflexum, licet a Sole procedat, actu frigidum esse, seu ut alii pu-

tant vi magnetica calorem terræ & aëris ad se elicere, sicque frigefaciendi vim habere, at forsitan luna hoc anno propius ad nos accessit. Haud sum nescius ab astronomis, a veteribus agricolis, a Medicis quoque peritioribus, ut olim ab Hippocrate ad prænoscentiam futuræ hyemis indolem observari solitum plejadum occasum, & ortum arcturi, atque ut monebat Virgilius *Georg. I.*

Frigida Saturni sese quo Stella receptet.

At isthæc singulis annis observantur & adventantis hyemis signa sunt potius, quam causæ. E magnæ parentis utero itaque monstruosum hoc frigus prodixisse, a vero non prorsus alienum videtur. Terra enim tota intus cavernosa est, & non secus ac animalium corpora suos habet ventres distinctos & magnas cavitates, in quibus non hospitantur tantummodo silentes umbræ & segnis aër; sed varia & admiranda intercurrente spiritu exercentur opificia. Nusquam certe operosior natura est, quam in subterraneis officinis ad generationem intenta tot pretiosorum lapidum, fossilium, mineralium, & metallorum, quæ si hominum avaritia potius, quam curiositas, & abditiora quæque investigandi cupido surripiat effossis terræ visceribus, non minus natura sollicita est in illis suo tempore reponendis, & damno refarciendo. Hinc innumeri pene fontes e terræ scatebris erumpunt non solum aquarum dulcium, sed medicatarum quoque, quales sunt ferratæ, æneæ, sulphureæ, aluminosæ, nitrosæ, alique omnigenæ. Cum autem borealis plaga in sinu suo nitri multum recondat, quod satis norunt nitri collectores pro tormentario pulvere conflando, qui e parietibus & locis boream respicientibus longe plus nitri obtinent, quam ab iis, qui austrum, cur suspicari non liceat in regione illa inhospita, & Solis radiis ad plures menses inaccessa ex subito & præcipiti montis aliqujus in magnas illas cavernas lapsu, ut in Apennino & Alpibus aliquando contigisse legimus, portam ingentem algidissimis ventis & nitrosæ exhalationi apertam fuisse, unde tam horrida tempestas hac hyeme ortum duxerit? In Islandia magnam cavernam esse referunt, ex qua venti frigidissimi expirent, qui glaciei fragmina identidem in altum protrudant. In Hetruria penes lacum Vulsinensium ad radicem cujusdam montis boream versus antrum extat, in cujus latere rima visitur, ex qua, æsta-

re præcipue, ventus efflat adeo frigidus, ut sine noxa perferri nequeat, in quo specu si vina reponantur, ad pauca temporis minuta pene gelascunt, & fructus pruinosi eduntur, magnum utique blandimentum ad exhilaranda convivia, quæ ab indigenis illis, cum Procyon furit, celebrari solent. In Peruvia duo oppida Platam & Potofam describit Acoſta, quæ non multum inter se distent, ac utraque in montanis locis posita, quorum unum, Potofa scilicet, temperaturam hyemis habeat, Plata vero vernali similem, cujus prodigii in calidissima regione causam in argenti fodinas referunt, & terræ spiracula, unde aura algidissima exipret. Quanto igitur longe probabilius est frigus ab imis terræ visceribus in aërem efferi, quam ab ætherea regione in hæc inferiora descendere, tam grandis phænomeni, quod hæc hyems præ se tulit, & cui aliud simile ulla ætas non vidit, nullam aliam causam comminisci possum, quam magnam terræ scissuram recens factam, paratum tamen me protestans ad expuendum ex animo meum hoc commentum, sicubi aliqui feliciore sorte meliora proferant. Si ergo forte ita evenit, uti conjeci, tam horrendi frigoris, ac tantarum nivium descensus causam tenere mihi videretur. Nitrosa enim emanatio illa una cum ventis validissimis longe lateque diffusa tam magnum algorem efficere, & vapores, aquei elementi sobolem, in aëre suspensos arripiens, itaque se consocians nivem conformare potuit, atque illis suis capillamentis sexangularem & stellatam figuram impertiri. Non aspernandam nitri portionem nivibus inesse chymica enchiridis ostendit, qua nitrum in sinu nivis delitescens educitur, & medicus usus comprobatur, dum ex aqua nivis regione nitri in illa contenti parantur remedia in æstuosissimis febribus exhiberi solita.

Verum dictum illud e sacris paginis mihi forsan obtrudet aliquis, *Nunquid ingresus es thesauros nivis*, tu, qui adeo fidenter modum tradis, quo in aëre consentur nives? Ultro fateor, non esse apud me ipsum tanti ponderis, quas produxi de nivis conformatione, & credito terræ hiatus conjecturas, ut veram & germanam tam inusitati frigoris causam e Democriti puteo hausisse me persuasum habeam. Conjectoris tamen non prorsus improbandi munus obisse me arbitrabor, si in negotio tam abstruso ita fieri potuisse naturæ legibus non

Sydenham Opera Med. Tom. I.

repugnet, nil enim amplius a rerum naturalium scrutatore in re obscura exigebat Peripateticorum Princeps. Quid ergo in questione tam ardua & impervia dicendum? Num ad effugium illud histrioniam exercitibus adeo familiare recurrendum, qui ubi fabulæ negotium ita implexum & involutum est, ut nodo solvendo humani ingenii acies non sit satis, pro more habent, Deum aliquem e machina in scenam inducere? ita sane. Ut ergo aliquid proferam, quod pro vero accipi possit, de hac tam horrida constitutione dicam, quod magnus Hippocrates de morbis populariter grassantibus, ubi phænomena quædam apparent, quorum ratio abditior esset, dicere consueverat:

ἀπο δὲ καὶ ἡ τοῦ θεοῦ ἐν τῇ ἐνθάδε νόσῳ, θεωρεῖται ὅτι καὶ τὸ θεῖον ἐν ταῖς νόσοις, θεωρεῖται ὅτι καὶ τὸ θεῖον ἐν ταῖς νόσοις.

considerandum an sic quid divinum in morbis: illud itaque θεῖον apud Medicos tam in morbis quam in remediis adeo celebre hic quoque vim habuisse censendum est, ab ipso Deo nimirum tam rigidam tempestatem fuisse excitatam, ut corruptos sæculi mores & vitia novo & inusitato pœnæ genere expiaret. Neque enim in suis armamentariis iustissimum illum criminum vindicem solum ignem & fulmina habere credendum est, quæ multorum metu & paucorum periculo jaculetur in terras; in iisdem enim habet, *Glaciem, & Nives, quæ faciunt verbum ejus*. Ille est qui, ut cecinit Regius Vates, de thesauris suis ventos educit, qui temporis momento aërem non minus quam maria, in magnas tempestates agant, & palam faciant, cui serviant, cui militent. Illud sane admirationi fuit, quod toto eo tempore, quo a sexta Januarii usque ad æquinoctium fere pertinacissimum perstitit frigus, nunquam hiscere ausi fuerint australes venti, quod in hisce regionibus petrarum est, cum vel media hyeme rigidiori identidem caput efferre soleant ab ora meridionali calidiores flatus, adeo ut ex improvviso liquecant nives & regelent flumina, si quæ prius glacie erant adstricta, ut quandoque campos inundent, quasi Deus borealium ventorum ministerio plectere nos volens australes flatus intra suos lares, unde ortum habent conclusos, voluerit, ne blando suo tepore inflicte pœnæ rigorem delinirent. Sic eleganter non minus quam ingeniose Ovidius Jovem, qui totum mortale genus aquarum alluvione perdere statuerat, finxit reposuisse tela manibus fabricata Cyclopium, in antris autem zoliis aquilonem aliosque

S s s

ventos

ventos nebulas fugare solitos clausisse, emisisse autem notos, euronotos, atque austrum pluviarum pincernam.

Utinam autem malorum hic finis fuerit, & huiusce anni felicius sit exitus, quam fuit initium. Quam infesta, quam pernicialis humano generi fuerit hyemalis hæc constitutio, & quænam morborum genera invexerit, nemo est qui ignoret. Frequentissima fuere in hac Civitate, ut de aliis raceam, funera, ac nulla pene domus visa est, quæ pullam vestem non induerit. Primo quidem teneros infantes, decrepitos senes, & robustiores viros, nec solum minutam plebem, sed non paucos quoque ex procerum ordinibus hiberni frigoris violentia in libitinæ censum deduxit. Tusses, desillationes, pleuritides, peripneumonia, dyspnœa, & morbi id genus dominatum obtinuerunt. Rationi autem consonum fuit, ut huiusmodi affectus populariter grassarentur; sicuti enim austrina tempestas capiti insensa est, ita aquilonaris spiritalibus organis est maxime infesta. Possumus equidem adscititiis comis, adversus aeris injurias calvariam munire, ac bene chlamydati, & palliolati corporis extima a frigoris rabie & morfu possumusturare; at quomodo visceribus in pectoris cavea contentis ab aëre rigidiori prospici potest, si ab indefinente & reciprocante aeris inspiratu & expiratu vitam precariam habemus? Non est ergo quod miremur, si hæc hyems, glaciali aura per ostium patens thoracis penetralia subeunte, tam diram hominum & cujusque generis animantium cladem ediderit.

Verum anne putandum hanc male moratam constitutionem totam levitatem suam explevisse, ut in nostris corporibus labem nullam reliquerit, quæ nova morborum genera hac æstate non possit arcessere? Si Coi senis, cui futurorum mens divinatrici divini nomen adscivit, oraculum adeamus, responsa referemus, quæ non multum nobis arideant. De temporibus, ajebat ille, si quidem hyems sicca & aquilonia fuerit, ver autem pluviosum & austrinum, necesse est æstate acutas febres fieri, lippitudines, & intestinorum difficultates. Observatione profecto dignum est, quomodo Hippocrates, Vir in prædicendo alioquin cautissimus, tam fidenter & absolute pronunciarit, quod si hyemem aquilonarem, ver austrinum & pluviosum exceperit, ex necessitate subsequi debeant æstate acutæ febres, & alvi pro-

fluvia. Ast ratio sic fieri oportere satis evincit; etenim si hyems plus æquo algida & nivosa sit, parum perspirant humana corpora, ac ea præsertim, quæ debiliora sunt, unde serosam colluviem cumulari necesse est, eamque augescere si ver pluviosum successerit, qua postea per æstivum calorem diffusa & in motum concita, acutæ febres & alvi fluxus oriantur necesse est. Nec quis putet Hippocratem nisi experientia prius edoctum tam grande effatum pronunciasse; in libris enim Epidemiorum constitutionem habet, in qua pars hyemis posterior, ut in nostra evenit, aquilonaris fuit cum magno frigore & nivibus, cui ver successit pluviosum, unde postea memorati effectus æstate & autumno apparuerint.

Ver equidem, quod modo excurrie, & cujus medium jam tenemus, atque hyemi algidissimæ successit, sub initium visum est ad pluviosum propendere velle, non paucos tamen Aprilis mensis dies habuimus siccos, sine ullis omnino imbribus, sed ita calentes, ut a canicularium dierum æstu parum differrent, sub finem tamen mensis tam magna ac subita facta est a calore ad frigus conversio, ut unica fere die rariores syntheses & holoserica deponere necesse fuerit, ac e vestuario pannosas vestes reposcere, quam mutationem postea subsequutæ sunt ingentes pluviae. Quo tenore veris pars altera processura sit, solus novit, qui fecit tempora, dies, & annos. Id tamen certum est huiusmodi temporum anomalias, & a sua temperie aberrationes ominosas esse, & morborum mali moris, quod superi avertant, prænuuncias. Nam ex eodem Hippocrate, in legitimis temporibus & convenientem servantibus temperaturam morbi legitimi & boni judicii sunt; in intempestivis autem non legitimi & mali judicii.

Sed quid frugis ex huiusmodi apparatu datur colligere ad præcautionem & sanitatis custodiam? Paucis dicam quod sentio. Adversus temporum tam enormes intemperantias magnum erit præsidium temperantia, neque solum in victu, sed in omnibus, quæ res non naturales vocant Medici. Non inopportunitatem tamen erit purgationes instituere, & si opus fuerit sanguinem mittere. Quibuscunque convenit venæ sectio vel purgatio eos Vere purgare, vel venam secare oportet, ajebat idem Hippocrates. Magna certe animadversione particula illa disjunctiva di-

gna

gna est; Practicorum enim non pauci magnum piaculum committere sibi viderentur, si purgationem verno tempore instituentes venam simul non tunderent. Ast quam longe a divini Præceptoris vestigiis aberrent, nemo non videt. Est ubi tantum sanguinem mittere oporteat, est ubi utrumque remedium convenit. Si vero aliquis ex memoratis affectibus hac æstate populariter vagari incipiat, boni & periti Medici erit, non tam propere & inauspicato communibus remediis, ut in morbis sporadicis, curationes aggredi: recte propterea Celsus de pestilenti febre verba faciens ajobat, *sanguinem non facile mittere, alvum non facile ducere*. Suspenso pede igitur procedendum erit, atque attente observandum, qua methodo natura morborum medicatrix in iis utatur, qui sponte aut paucis remediis evadant; illa enim sibi vias & egressiones invenit, quas prænoscere & divinare non possumus; lateamus enim necesse est, quandoque aliqua epidemica affectio ex improvviso se prodatur, esse nos juvenes ac tyrones, licet medendo ætatem triverimus, ideoque oportere, ut naturæ quam *admodum* & doctam sine Magistro Hippocrates dixit nos erudiendos tradamus.

Constitutio Epidemica inferioris Hungariæ Anni 1711.

Dn. D. JO. ADAMI GENSELII.

HYems sat rigorosa, euro dominante, nivibus copiosis, purpura rubra maligna multos, præsertim vero infantes corripuit, secunda & tertia die accedentibus convulsionibus, quinta & septima lethalis. Manus, pedes, dorsum post mortem attractæ malignitatis signa conspiciebantur, in duobus facta anatomicè pulmones & hepatis lividis conspersa maculis inveni.

Ver nimis siccum, 25. Aprilis hora X. sol duobus stipatus pareliis observatus, quorum unus vividissimi erat coloris, subsequente Majo æstu fervente cum fulminibus & fragore tonitruum.

Junius frigidus in principio ac pluvius, ipidum, scarabæorum, erucarum, aliorumque insectorum serax, circa finem æstivus. Variolæ & morbilli invalescebant, aliquibus etiam funestæ, illis præputis, quos vetulæ curabant: parotides crebralebant, ast paucæ suppurabantur, vel enim a natura sponte resolvebantur, vel emol-

lientibus & resolventibus discutiebantur, sudoris guttulis in cute & emplastris instar roris conspicuis, in duobus pueris illas induratas vidi, quæ cum ab incauto barbitonsore contra nutum apertæ fuissent, in cæcethica degenerabant ulcera.

Julii principium calidum, interspersa quantoque pluvia frigida. Augustus in initio serenus & temperatus, circa medium frigidusculus & pluvius. Septembris major pars serena & calida.

Febres tertianæ absque ullo rigore grassabantur, per 24. horas & ultra durantes, quinque & sex ad summum septem terminabatur paroxysmis: petechiæ quoque sporadice vagabantur cum dysenteria septima & nona lethales. Fœmina 57. annorum gravida pro hydropica a medicastro quodam reputata, cum stupore omnium puellam vegetam ac sanam enixa est. Octobris & Novembris constitutio pluviosa & nimbosa, flante pluviarum pincerna austro, septem enim fere continuos dies & noctes durabant. Decembris principium itidem pluvium, medium ventosum, at ob austrinam aeris temperiem temperatum. Febres intermittentes increbescabant, diarrhœæ, item rheumatismi ac asthmata ob *diminutionem* ab humido cœnoso atmosphæræ statu causatam, apoplexiæ quoque & paralyseis frequentes erant, ut & variolæ & morbilli, in infante trium annorum motibus convulsivis in dentitione difficili mortuo dentes atros & ob gangrænâ carie infectos sua sponte excidentes observavi. Annus hic utcumque fertilis erat, vinum etiam generosum ac optimæ notæ.

Constitutio Epidemica inferioris Hungariæ Anni 1712.

Cum historicis, & meteorologicis Observationibus.

Dn. D. JO. ADAMI GENSELII.

PRincipium Januarii rigido gelu fuit horridum & ventosum cum nivibus copiosissimis, adeo ut in quibusdam locis novem pedes superarent altitudine: circa medium mensis nix cœpit liquefieri, flante zephyro, nubibus in pluviam resolutis, circa finem intensum frigus gravidis in primis valde perniciosum, abortus quippe epidemici plurimis lethalis grassabatur, vid. Hipp. aph. 12. sect. 3: ob inequalitatem & impro-

improportionem ætheris, quædam apoplexia tactæ æquæ reddebantur, quædam pleuritide, multæ purpura alba correptæ expirabant, febres etiam intermittentes invalescebant, vario typo anomalo revirescentes. *Februarius* in principio turbidus, circa medium & finem temperatus. *Martius* circa medium procellosus ac nivofus, cum tonitruis & pluviis circa finem, febres causavit acutas, summa cum vehementia prima & secunda die sævientes, quinta & septima subsequenter deliriis fatales. Ver pluviosum cum terræ motu trematorio sat notabili in nostris partibus, in primis Neostadii, ubi multæ fornices dirutæ ac domus ruinatæ a motu illo concussorio conspiciantur. *Majus* itidem pluvius, ut plane diluvium quasi apparet in quibusdam Hungariæ locis, in primis in Holing, ubi vites e terra evulsæ, & domus aqua vix non cooperuit. Hoc mense miræ fuerunt metamorphoses febrium, in principio mentiebantur continuas, calor enim per tres continuas durabat dies, quarta remisit, quinta paroxysmus bis mane scilicet & circa noctem invasit ægros, die sexta etiam bis, tandem octava in tertianas veras degenerarunt, servato ternis vicibus typo ordinario; hinc rursus typo anomalo calor per triduum continuavit, remittente denuo per 24. horas calore, bis de die paroxysmus afflixit ægros, & porro cum in tertianas degenerassent, adhibitis temperantibus, mitemam biliosam præcipitantibus, leniterque evacuantibus, cessaverunt, & cum natura eo, quo vergit, ducenda sit, hic ad sudorem critice vergebat, ideo diaphoreticis illam cum *Adop.* juvimus: qui vero incito Medico denuo naturam turbant, venæ sectione nimirum vel purgantibus, omnes recidivam passi sunt, quæ enim judicantur & judicata sunt integre neque movere, neque novare aliquid, sive medicamentis, sive aliter irritando, sed sinere oportet: Hipp. Sect. I. aph. 20. notandum quod hoc mense temperies quoque aeris Proteo mutabilior fuerit, v. g. circa matutinam sextam frigus, circa decimam calor ingens, tertia pomeridiana iterum frigus, & appetente vespere observabatur calor, quæ vicissitudines aeris subitanæ non parum ad hæc generandas contribuerunt febres, juxta Hipp. aph. 1. & 4. sect. 3. quo major est aeris inæqualitas, in primis citiori vicissitudine, eo magis corpus alterat & afficit, motus enim contrarios minus sustinere potest

natura, si quidem valde a se differant. Vid. Vvedelii Commentar. in h. l. *Mense Junio & Julio* æstus magnus, & copia insectorum, primis reptilium, & in specie serpentum, qui rucolas sæpius infestant, morfuque communicatum miasma venenosum fermento bilioso volatili sulphureo salino inquinatum torum peragravit corpus, cujus omnes ilico intumuerunt partes, in primis lingua, ut nec verbum articulatum proferre potuerint cum ingenti cephalalgia; pecora etiam mirum in modum ab illis affligebantur magna subsequente strage; ex hominibus multi, non adhibitis prima statim die, remediis, veneno illo extincti sunt. Notatu dignum quod ex quodam fonte certis horis fætidus ac rubicundus promanaverit liquor, quem superstitiosum & fatidico credulum vulgus sanguinem esse dicebat, inductum argumentis ab odore & consistentia illius ad coagulum accedente desumptis, post aliquot dies limpidum iterum acquisivit colorem: per chymiam deprehendi, in illa qua terram rubram martialem instar boli vel cinnabaris, particulis nitrosis & vitriolicis mixtam, ab æstivo solis calore percoctam, quam in cavernis subterraneis alluebat, illaque tingebar, foetorem vero attribui materię viscidæ bituminosæ asphaltum redolenti, ut adeo non necesse sit ad supernaturalia confugere & mysteria, si naturales prosint causæ & principia, in quæ iterum resolvi possunt mechanice. Vid. Ephemerid. N. C. A. 1711. appendic. p. 192. & 209. Idem Nova literaria German. A. 1705. mens. Mart. p. 103. *Augusto* nimis pluvioso increbuerunt febres erraticæ bis de die ægros invadentes cum deliriis continuis, suspiriis ac ejulationibus: multi attoniti & quasi cataleptici sine usu rationis neminem agnoscetes jacebant, calore per duas durante dies, tertia demum intermittente, in aliquibus quinta & sexta. Eodem mense strages pecorum invalescebat, corripiebantur scilicet certis pustulis albicantibus cum anhelitu difficili, quibus dissectis materia purulenta mephitim spirans effluxit, ex faucibus quoque foetor morticinus intolerabilis, ad aliquot sensibilis passus prodiit, cumque maximis boatis crepuerunt, in ventriculo reperti fuerunt certi globi magnitudinis nucis majoris, repleti pilis tunica membranosa dura aciem cultri vix non eludente instructi: feræ quoque omnis generis ad Somogy in copia perire, & in nemoribus passim

passim a rusticis repertæ fuere; canes ex voratione tam illarum ferarum, quam pecorum prædictorum rabidi facti, a quorum morfu homines in phrenitidem inciderunt ac hydrophobiam, lattratum etiam & rabiem imitati canum, moribus in adstantes sævire tristi cum spectaculo cœperunt, imo aliqui remedium laturo aceto & sale ora rabidorum pecorum lavando, rabiem contraxerunt ab illo venenato miasmate, id quod & Matthiolus Comment. ad L. 6. c. 36. Diosc. observavit: multæ nihilominus bestię rabidæ servatæ fuere, data statim in principio fuligine cum cupro vel orichalco raso pulverisato.

Principio Autumni exundationes fuere maximæ. In unico pago quadraginta & ultra periire personæ: medium autumnii itidem pluviosum cum tonitruis, assiduisque imbribus, qui febres, dysenterias, catarrhos, & in multis apoplexias causerunt, juxta Hipp. aph. 16. sect. 3. a frequentibus quippe imbribus, ob insensibilem prohibitam transpirationem succi corpori reduntur frigidiores, fuligines coacervantur, spirituumque & feri inferuntur morbi. In vineis maxima sterilitas, generositate vini quadantenus eandem compensante, nec agri adeo erant fertiles. Circa ingressum solis in signum Capricorni, variolæ regulares & idcirco mitiores quoque observabantur, tardius tamen (quam ordinarie fieri solet) suam absolverunt periodum, licet absque ulla fuerint malignitate, nec soveas post se reliquerunt. Notatu dignum senem 65. annorum variolis correptum, feliciter restitutum fuisse, pulsus in eo observabatur oppido curiosus, intra momenti spatium ex celeri & inæquali tardus & æqualis, mox ex parvo magnus & vice versa. Cum jam videam institutum hoc anxie hucusque desideratum, multis probatum fuisse, in primis Schelhamero Kiloniensi Machaoni in sua medendi methodo, animus est impostum quoque constitutiones epidemicas inferioris Hungariæ, summo aspirante Numine continuare, dummodo Academia nostra Mæcenatum suffulciatur munificentia.

*Constitutio Epidemica inferioris Hungariæ
Anni 1713.*

*Una cum historicis & meteorologicis
observationibus.*

DN. D. JO. ADAMI GENSELII.

Principium Januarii temperatum, humidum ac nebulosum, circa medium furentem Euro-noto fortiter gelare cœpit. In omnium dierum operosa enumeratione non ero multus & molestus, cum inutile sit & tædiosum verborum inanitate aures defatigare. Vigesimo pluvia, sequentibus nimbis cum ventis vehementioribus. Hoc mense febres quartanæ grassabantur, quæ dato cathartico in veras degenerarunt tertianas, quatuor & quinque accessionibus suam absolventes periodum. Variolæ continuarunt, ast malignæ & confluentes, illisque funestæ, qui non statim in principio remedia adhibuerunt congrua, temperata nimirum diaphoretica & bezoardica, omisissis volatilibus generosioribus. Vigevanno fama ad nos deferrebatur, intra montes cecidisse nivem rubram ad spithamæ altitudinem, quæ ab exhalationibus terræ rubræ procul dubio suam traxit originem.

Mense Februario crescente luna ingravescebat etiam frigus, quod sexta remisit, decima pluviz calidæ, duodecima caligo cum pruina subsequente pluvia per tres dies, circa finem cælum serenum absque ullis nivibus. Hoc mense observavi digitorum apices duarum puellarum sine dolore sua sponte absque ulla vulneratione, aut cicatriculæ signo sanguinem floridum curioso spectaculo guttatim stillasse, in alia puella idem observavi in facie, vide Ephem. N. C. An. 1712. p. 72. Act. Erud. Lips. Ann. 1686. Mens. August. p. 387. febres malignæ petechiales incœperunt grassari, quinta lethales cum ferocibus deliriis, verum pulsu (quod notatu dignum) tardo & æquali, sanorum pulsui simillimo. In adolescente 13. annorum loco tibiz cariosa, per manus chirurgi fere ad patellam usque genu forfice excerptæ, cartilago quædam usque ad ossa tarsi vices tibiz obiens succrevit, qua etiamnum ossescente nititur, & pedetentim ambulat, provida certo natura defectum ossis a vicinia superioris processus ossi tibiz supplevit.

Principium Martii serenum & temperatum, octava primæ cecidere nives, copiose, sequente

sequente die liquefactæ pluvia per sex dies continuos, hinc exundationes damnosæ fluviorum ac rivorum cum magna hominum, animantiumque strage. Continuarunt febres malignæ multis funestæ.

Aprilis usque ad 15. contra morem suum serenus, ast frigidulus, decima octava pluviz frigidæ furente aquilone in nives hoc anno secundas versæ quatuor geometricorum pedum altitudinis cum turbulentissimis procellis, maximas campanas ad sonum impellentibus, subsequente excessivo frigore in regnum animale & vegetabile deserviente cum internectione, gemmarum in arboribus, & proli dolor viribus, alitum quoque ovis incubantium in primis ciconiarum & cornicum. Vigesima septima grando cum turbine, ne prior calamitas sola esset, admiratione autem dignum, quod in diversis grandinis granis vermes ac scarabæi alati inventi fuerint, quos in præsentia multorum oculis meis usurpavi: utrum e seminibus in nubes elevatis, ibidemque exclusis & nutritis oriantur, an aliunde accedant, curiosioribus relinquo; ex atmosphæra saltem nostra ob penuriam moræ vix abripi possunt. Confer de hac materia Jonston. taumatograph. class. 3. c. 1. Fromond. lib. 5. meteorolog. c. 6. Scottus physic. curios. lib. 2. Ephemerid. Germ. D. I. An. IV. & D. II. An. II. III. Rusticus quidam calcem vivam clam surripiciens, cum domum properaret nimis festinans currum evertit, ita ut in aquam caderet, hinc subito calcis vivæ ebullitione & impetuosa effervescencia oritur, stramen adjunctum flammam concepit, quæ asseros contiguos accendit curiosi spectaculo, totusque conflagrasset currus nisi ei succurrissent.

Principium Maji. cum fulgure, tonitru ac imbris frigidum, usque ad 17. ventosum ac nubilosum, vigesima pluviz copiosæ, vigesima quarta calor ingens, subsequente fulgure & tonitru horribili, cum imbre frigido ac turbine boreali, vigesima sexta imber, reliquum nubilum. Bruchi & volucres numerosæ (de quibus plura hoc loco addere libet) teneros pampinos & uvas præroserunt immenso damno: insausa hæc & damnifica animalcula, vites consumere nata in lingua sancta appellantur לִקְקָא a radice לִקְקָא lingere, lambere (vid. Joel. c. 1. v. 4.) quod lambendo quasi virulentia sua uvas inficiant, eosque absumant, græce vocantur ἵππες & epides ab ἵπτω lædere, nocere, quod vites sunt

mopere ab iis lædantur. Plinio L. 18. c. 18. dicuntur convolvuli, & volvoces, Columellæ volucæ, Tullio butyri, Plauto involvuli (in Cistell. Act. 4. sc. 2. v. 63.) quod in pampini foliis, ovula ponentes se involvant & implicent, illaque proboscide sua virulenta quasi conglutinent. Ipso corpore cæruleo, pedibus obscure lutescentibus, nascitur ex ovis bombycum ovis similibus magnitudine, colore rubicundis, hic cum parere vult, multa cumulat, volvitque folia & in his sua ova reponit; Germani antiphrastice vocant *Vueinzedel* vel *Vueinzerl* quod minime vineas ornet & excolant, sed potius deturpent, & ad incitas redigant summitates palmitum, uvarumque gemmas depascendo. Oriuntur ut plurimum spirante austro, flante vero borea pereunt. Confer Samuel. Bocharti hierozoic. p. II. L. IV. C. IV. Ulysses Aldrovand. L. IV. de insect. c. 1. iconismum tamen ipidis minus accuratum exhibet. C. V. Italici rusticis est *tagliadizzo*, Ringavis *Rebftichel*, Hungaris *Vinzellir*, proprium illarum est in vitibus versari, easque ut & cornua arrodere. Qui serpentis genus esse putant, ab Hermolao redarguuntur, vide Jonston. L. 3. H. N. p. 86. seq. quid quod ex vitis pampinis enascantur vermiculi, qui pubescentes uvas prærodunt, vid. Columella de arboribus c. 15. Theoph. Eresius L. 3. de caus. plant. C. 27. ipes vitarius bestia nominatur damnifica, quæ in pampini folio intorta implicet se. Tremellius cum nonnullis vocat melolontham, est autem melolontha scarabæi genus, quod alio nomine teste Hesychio χυτροκάνταρος h. e. aureus vocatur, de quo Gesnerus ait: *μαλακάρω* est galleruca insectum pennatum, scarabæo simile *χυτροκάνταρος* dictum; a quiquidam vero ea animalcula hac voce designari existimantur, quæ Galli *Hanetons* nominant (de quo vide Dictionar. Richeler) ea autem ab Anglis appellantur *Dors*. videatur Liveus T. III. Critic. Sac. p. 946. Quomodo differant *ipes*, *iker*, *shripes*, vide apud Aldrovand. l. c. & Bochartum c. 17. ubi bene monet in Galeni verbis perperam legi *επίτη* pro *ἵππῃ* cum dicit: *ἀμυλὰ τὴν γὰρ* perdere τὰς γεννομένης ἀπ' αὐτῶν σκώληκας, ὅς τε σκώληκες εἰσμάχουσιν ubi etiam notandum, quod ipes certam speciem locustarum in vitibus generari idem asserat, cui adstipulatur Theophrastus l. c. de Caus. plant. c. 27. causam hanc subnectit, utpote cum vites humescant,

mescant, atque aër fecundificet, tum ipes quoque materiem sibi congenerem statim erodunt, addens: Vitibus hoc potissimum evenit, quia natura præhumida sunt, & humor earum insipidus sit atque aquosus; humor enim qui talis est, facillime affici potest, nonnunquam ipes omnino nequeunt generari, scilicet loco placidi spiritus, neque humido, neque succoso. Non solum autem illo anno, quo vites infestat & veneno quasi inficit, colluvies hæc exitiosa existit, sed etiam futuris, hinc inter sæculi incommoda & res orbi noxias numerantur ab Arnobio L. 1. adversus gentes, quibus negotia incurfante humana, aspectu quidem sunt pulchra, coloribus rutilantia diversis, est summe dampnica & maligna. vid. Salmasius in exercit. Plinianis in Solin. p. 272. Jo. Frischmuth dissert. 1. de hirco emissario, c. 1. §. 5. D. Dan. Henrici dissert. V. de relig. Zvingli. p. ult. Dan. Guil. Mollerus in meditatione de quibusdam insectis Hungaricis, Francof. 1673. in 12. Bern. Saccus in hist. Ticin. L. 4. inquit: Dirum hoc animal frequentissimum esse prope Alagniam in Lomellino agro urbem, ubi vitis folia depascunt, quibus ablatis arescunt exiles & immaturi racemi sine umbra relictis, ab uvarum vero cupidis sturnis postmodum castigari, vide Eph. Nat. Cur. Decad. II. A. VI. p. 202. seq. Cornar. in Theolog. Vit. L. 1. c. 17. p. 205. D. Phil. Jac. Sachs. in ampelograph. L. 1. c. 6. p. 47. Mousoti theatr. insect. L. 1. c. 19. p. 142. seq. in primis D. Joh. Theod. Moeren. Observ. in Decad. II. Ephem. N. C. A. V. p. 220, passim per vineta volitat animalculum magnitudine pisi, scarabæi parvi figuram corporis referens, variegati plurimum coloris &c. Græci duas res æqualiter malas exprimere volentes, dicere solebant: κακὸν μὲν θρίπες, κακὸν δὲ ἰπες, mala quidem thripes, mala rursus ipes: thripes culicibus similes, sunt teredines sive cossi arborum fructus, ipes vero uvarum germina prærodentes, de quibus Prudentius in Hamartigen. v. 266. seq. canit.

*Quamvis maceris florescentes ambiat hortos
Sepibus, & densis vallentur vitea rura.*

*Aus populator edet gemmantia germina
pruchus,*

Aus avibus discepta feris lacerabitur uva.

Majores nostri vix observarunt, quod horrenda istorum depopulantium animalculorum rabies tot annos in tanta copia duraverit, subque nive & glacie illata tam

in limosis quam saxosis locis, in primis intra cortices arborum permanferint. De hujus insecti exstirpatione video sollicitos antiquos pariter & recentiores operosa subministrantes remedia: quidam vineta sulphure herbisque graveolentibus suffiebant: alii vites illiniebant terra ampelotide, ut docet Galenus L. 9. simpl. Medic. quam *pharmacitin* vocat Dioscorides L. 5. eo quod vitium morbo medeatur. Laboriosius exstirpant perniciem hanc Ringavi & Sempronenses, assignatis enim temporibus quisque patrumfamilias mittit suos homines, qui e vitibus colligant ipsum animal, & convoluta folia ovis foeta, urceoque aqua semipieno injiciant, ut vesperi in unum cumulum ante Prætoris vel heri ades, aut in foro coacerventur, & superstrueto igne comburantur. Vide D. Moeren. l. c. Petr. Andr. Matthiol. L. 3. Epist. Medic. p. 141. Hohbergii Georgica Curios. P. 1. p. 341. & 481. D. Samuel. Ledelii relationem in Ephem. Dec. III. A. Ult. p. 386. In libris Geoponicon (qui Imperatori Constantino Porphyrogenetæ adscribuntur) tria grana sinapis juxta vitem implantanda commendantur, verba L. 13. sic sonant: *περὶ τὸ σάλαχος τῆς ἀμπέλου παρὰ τὴν ῥίσαν τρεῖς κόκκους σινίπης χῶσον φυτάμενα, γὰρ ταῦτα τῇ ὁσμῇ τὸν βρῦχον ἀναιρεῖ*: cum vero in nostris regionibus semen sinapis nimis tarde procreseat, vix finem suum paterfamilias obtinebit exoptatum. Alii vites aqua, in qua ipides enecati sunt, vel cultros, quibus palmites amputantur illiniunt, ita Plinius Hist. Nat. L. C. ult. ne convolvulus fiat in vinea, amurcæ congios in crassitudinem mellis, rursusque cum bituminis tertia parte, & sulphuris quarta subdicio coqui, usque quo exardescat sub tecto, hoc vites circa capita & sub brachiis ungi, ita non fore oriturum convolvulum: quidam contenti sunt fumo hujus mixturæ suffire vineas secundo statu continuo triduo: plerique non minus auxilii & alimentum arbitrantur in urina, quam Cato de re Rustica c. 95. in amurca, addita modo aquæ pari portione, quoniam per se noceat: alii falces cum sint exacutæ, fibrina pelle detergunt, atque ita putant, aut sanguine urfino liniri volunt post putationem easdem; ex aliis authoribus Aldrovandus l. c. p. 191. sequentia contra cantharides (forsan & ipides) remedia tradit. Baptista pius in suis ad Plauti comedias commentariis contra animalcula, quæ vitibus nocent, accipit cantharides, quas in

rosis

rosis invenire consuevimus, si oleo immergantur, ne in tabem resolvantur: alii non observantes, quo loco, aut qua in herba nascantur, ipsas qualescunque sunt, cantharides in oleo coquunt, ex eoque cotem, in qua falx exacui debet, obducunt; idem præsidium præstabit falx illita cum hircino adipe, aut ranarum sanguine, aut coticulæ cinere, vel oleo illita, qua falcem exacues. Guadentius Merula, cantharides viribus noxias, stercoreis bubuli, cui aliquantulum galbani commixtum sit, suffitu procul abigit, cum spirant auræ. Fabulosum remedium narrat Claudius Ælianus, mulierem scilicet mensibus laborantem erucis & scarabæis perniciem asserre. Ethnici pro poena a Diis immissa, insecta agnoscetes, idolis suis sacrificabant, certaque instituebant festa, de quibus videatur Cælius Rhodiginus Lect. antiqu. L. 4. c. 15. hinc & idolum Ekronis vocatur *עֲקֵרוֹן* Deus muscarum, vid. Bochart. l. c. P. II. L. 4. c. 9. & Hercules appellatur *ἰσχυρὸς* ipidum occisor. confer Alex. ab Alexand. Genial. Dier. L. 2. c. 14. Cæli. Rhodig. lect. antiqu. L. 6. c. 7. Bochart. P. II. c. 17. 27. Aldrovand. l. c. Optimum, quamvis laboriosum remedium est, illos mature & indefesse e viribus colligere, ac una cum ovulis comburere.

Hoc mense in Austria in primis Viennæ febres malignæ cum atris exanthematibus & bubonibus (quos benignos appellabant) magna cum hominum mortalitate grassabantur: quidam exsectum bubonem cum carne bubula cani ad devorandum absque noxa dabant, & ex hoc pestem negabant, cum tamen longe alia sit ratio carbunculi & bubonis in corpore vivo, quam ex cadavere secti, & juxta Celsum nihil sit ineptius, quam quale quidque in homine vivo est, tale existimare esse moriente vel mortuo & vice versa; accedit quod ex bubonibus pestilentialibus & carbunculis nonnulli per chymiam spiritum antipestilentialem & ☉ volatile elicere conentur, qua de re plura dabo in schediasmate de differentia pestis humanæ & brutorum; licet itaque morbum tantum contagiosum vocaverint, pestemque nomine contagii velaverint, veram tamen febrem erat pestilentialis, & interneccio tot hominum, præcipue vero decem Medicorum comprobatur, vide Francisci Xaverii Bensæ historicam relationem pestis Austriæ & conterminas partes infestantis, Viennæ A. 1717. 8.

Junii principium pluviosum, ventosum atque frigidum cum exundationibus torrentum & fluviorum damnosis, octava æstus usque ad duodecimum, 13a pluviae subsequente frigore; medium serenum & calidum cum intermixtis imbribus ac procellis: circa finem pluviae furente Euro. Pestis in Austria incrementum sumpsit ut & Posonii in Hungaria.

Julius usque ad æstum serenus, ventosus & frigidus, sexta calor mediocris, septima pluviae copiosæ cum frigore extraordinario, usque ad finem mensis (paucis exceptis diebus) stante aquilone durantes. Pestis in Austria, & aliquibus partibus inferioris Hungariæ, ut & Posonii valde sævit, meteora quædam lucida sub forma draconis apparebant, ab exhalationibus sulphureo ☉ in sublime evectis, per continuum attritum incallescens, tandem accensis, ac in tonitrua & fulmina fatiscens, subsequenter inundationibus & fragminibus nubium.

Principium Augusti pluviosum & frigidum, a quarta usque ad 9nam calor ingens, undecima tonitrua horrenda cum fulminibus ac pluvia frigida, 16ta nubilum insequentibus pluviis ingentibus, rubigine & uredine vitibus & frugibus summe perniciosus, circa finem nebulæ densissimæ quasi hybernæ in altum evectæ, & in pluvias frigidas resolutæ cum tonitru & fulmine: incus fabrilis ab ictu fulminis urentis & concutientis, partim fusus, partim fissus observabatur, globum quoque igneum seu glomerem flammeum in terram delapsum conspexerunt maximo cum fragore dissilientem, tetrumque odorem & fumum spargentem, incrudescens magis magisque tempestate, iteratisque ictibus fulminum horrendis. Pestis tam in Austria quam Hungaria continuavit sævire; grassabantur etiam variolæ malignæ confluentes cum petechiis intermixtis, illisque, qui non statim in principio remedia adhibuerunt, fatales, suppuratæ, rursus materia ichorosa repletæ conspiciebantur, & secunda vice ad suppurationem pervenere, inque interstitiis suppuratarum novæ subinde oriebantur variolæ, in defunctis per nares, & oculos sanguis prorupit copiosus: nonnulli a barbitonsoribus imperitis male tractati, tubercula circa artuum juncturas; & his retropulsis per topica, totalem reportarunt contracturam, alii cæcitatem, strumososque colli tumores, quibus evanescentibus corripiebantur vomitu cruento lethali.

Septem-

Septembris initium pluvium & caliginosum, octava eurus effluvia humida dissipando serenitatem conciliavit, medium itidem pluvium, circa finem serenum & frigidum. Sempronii quoque morbi contagiosi coeperunt grassari cum vomitu, & ardore in abdomine tertia & quinta lethales, petechiæ item atræ cum dysenteria, pustulis in scapulis, ac bubonibus sub axillis & in inguine, septima & nona funestæ, nec vomitoria, nec purgantia, nec venæ sectio in principio conducebant, nec oîsa aut acida, sed bezoardica balsamica cum volatilibus refracta dosi mixta, in primis tintura nostra antipestilentialis cum spiritu CC. maritata, quæ & in peste Ratisponæ salutari effectu se probavit. Lanio quidam nomine Lidel dysenteria exstinctus, herniam habuit raram, non quippe in scroto, sed intra cutem & musculos ad femur usque intestinum ileon prolapsum observabatur, hanc herniam a casu cum equo ante decennium reportabat. In visitatione Medicus Pestilentialius tumorem hunc herniosum (qualem antea nunquam viderat) pro bubone pestilentiali sat crasse reputabat, domumque ejus ceu infectam, qualis tamen minime erat, obsignabant. Similem herniam extraordinariam ex prolapsu intestino ad femur observavit Barbette c. 7. Chirurg. & B. D. Petermannus in viro septuagenario, ultra triginta annos eadem laborante, & ego in Italia bis talem conspexi: Stalpart vander Vviel quoque in Observat. medico chirurg. rarior. Observ. 54. Cent. I. similem errorem Medici cujusdam & Chirurgi rudis detegit, bubonocalem in juvene quodam pro bubone pestilentiali cum læsione ipsius intestini aperientium, vide Rhod. Observ. M. Cent. 2. c. 72. Hæchstetter. Dec. 10. variolæ confluentes etiam increbuerunt multis fatales, apoplexiæ quoque frequentes erant, qui morbi omnes pluviosæ hujus anni Constitutioni adscribendi juxta Hipp. Aph. XI. sect. III. si ver pluviosum & australe fuerit, necesse est febres acutas, & dysenterias fieri, & aph. 16. morbi in pluviosis constitutionibus plerunque fiunt febres, putredines, siderationes &c.

Principium Octobris serenum & temperatum, quarta æther nimbis cinctus usque ad septimum cum frigore, 14ta pluviz cum insolitis nivibus flante vulturno, cæteris ferme omnibus, vel caliginosis, vel pluviosis existentibus diebus. Febres increbuerunt tertianæ duplices gravidis exitiosæ cum yo-

Sydenham Opera Med. Tom. I.

mitu, cardialgia & diarrhœa febres continuas mentientes, in quibusdam cum deliriis, invitaque sæcum excretionem, octo & novem accessionibus periodum suam absolventes, febris quoque pestilentialis continuabat, sed sporadice tantum cum pultu tardo & inæquali, frequenter bubonibus, raro carbunculis erumpentibus. Chirurgus expositus egregio bubone (ita enim Pestilentialius ille Medicus appellabat) correptus, quinta obiit, adhibita damnosa & inconsiderata venæ sectione, vix non omnibus illo tempore funesta, prouti & in peste comitatus Castri ferrei agrum depopulante, Anno MDCCX. observavi, de qua peculiarem dissertationem editurus sum. Cæterum erysipelas, atheromata, steatomata, alique affectus cutanei etiam minimi in quibusdam subjectis pro signis pestilentialibus ex ignorantia vincibili & crassa reputabantur.

Prima Novembris imber atrox, sed calidus, tonitrua insolita & terribilia cum fulminibus, aliquibus in locis urentibus, grandine, a terra usque ad decimam pluviz, undecima nives secundæ cum frigore extraordinario furente aquilone quatuor pedes altæ, circa finem frigus intentum cum sævis turbinibus. Febres acutæ cum petechiis & bubonibus subreptitæ quasi hinc inde homines invadebant, in autumnio enim morbi acutissimi & omnino mortiferi juxta effatum Hippocratis aph. IX. sect. III.

Circa Neostadium terra dehiscente agri portio viginti aliquos orgyarum una cum arboribus (absque sensibili terræ motu) hiatu vasto aperto sive chasmate periit, relicto post se lacu. Hoc anno annonæ ubertas erat & vilitas, vini autem & fructuum maxima sterilitas & caritas, etiam racematione (ob vindemiam imprudenter a nonnullis ante nives neglectam) in maximis nivibus instituta, vinum erat tenue, insipidum ac vappescens.

Decembris principium horridum cum procellis, nivibus & gelu immani usque ad duodecimam, reliquum temperatum, variabile & pluvium. Bubones adhuc vagabantur, sed benigniores, rigore forte temporis malo hoc mitigato: febres vero quartanæ mirum quantum invaluerunt, rebelles admodum & contumaces.

*Constitutio Epidemica Augustana Anni 1711.
& sequentium.*

DN. D. LUCE SCHROECKII.

Aeris status, quo Annus prægressus fuit finitus, in principio quoque Anni 1711. perfluit, humidus nempe ac multo frigore molestus, variorumque ventorum agitationi expositus, usque dum d. 7. eurus serenitatem, & post octiduum zephyrus pluvias; eandemque nives frequentiores adduceret; circa finem autem mensis huius primi eurus denuo prævalens, cum serenitate frigus diuturnum & intensum excitaret, ut mei thermometri liquor ad gradum 8. (quod etiam d. 3. & 13. Februarii contigit) descenderet, præcipue postquam zephyrus d. 4. Febr. & caurus post quadriduum, nec non eurus quintiduo abhinc nivem admodum copiosam sparserant; quæ sub africo, comite pluvia & frigoris remissione, d. 18. Febr. liquari cœpit; & quamvis nova subinde nix, occidentali vento (sæpe ad meridionalem, quandoque etiam septentrionalem plagam inclinante, rarius vero ab aliis ventis interpolato) spirante, usque ad d. 10. Martii caderet, eadem tamen pluviis supervenientibus brevi denuo resolvebatur. Interea, præter febres quotidie vel alternis diebus recurrentes, licet rariores, in vere tamen crebriores, & in principio sæpe continuarum speciem præ se ferentes, primum teneriori ætati, in progressu autem adultis magis infestas, ut & catarrhosarum ægritudinum multitudinem. Variolæ benignæ in primis, usque in Aprilē frequentes, ast circa Solis in signum Cancrī ingressum, una cum febribus evanescentes, continuant, nec non pleuritis notha, atque coxendicum dolor (diaphoreticis, tinctura præsertim bezoardica, juxta cum eccoproticis; utrique malo opem ferentibus) multos lecto affixerunt.

Ver cum ventorum varietate, zephyro tamen prævalente, aura nebulosa, humida & temperata (catarrhosis ideo morbis, præsertim odontalgis, apoplexiis etiam lethali-
bus opportuna) primo erat præditum, quæ circa Aprilis medium in serenitatem mutabatur. Majus frigidiusculus potissimum euro spirante comparuit, in medio tamen caloris sat acris per decendium particeps, paucosque dies serenos per totum reliquum suum decursum numerans, crebrioribus autem tempestatibus grandinosis, e longinquo tamen nobis tantum se ostendentibus, vici-

nis autem admodum damnosus. Cum Junio eurus, interdum ab aliis diversis ventis interceptus, serenitatem caloresque magnos proferebat, usque dum post solstitium æstivum zephyrus dominium obtrinebat, & mutabilem aeris statum, sæpius vero pluviosum producebat, quæ humida aeris intemperies postea etiam continuabat, diesque caniculares magis temperatos quam servidos efficiebat. Et licet postmodum cum Sol in Libra versaretur, eurus serenitatem quandoque redderet, antequam tamen signo hoc excede-
bat, zephyrus, aliquoties valde impetuosus, pluviis frigidis denuo molestus extitit, quin & pluviosa illa intemperies usque ad finem Anni perfluit, nisi quod in Decembri crebræ nebulæ, & serenitates quandoque, euro præcipue, austro & africo intervenientibus, comparerent. Ceterum præter catarrhos nihil epidemicorum malorum prioribus istis temporibus observatum; post Canis tamen occasum variolæ denuo multos infantes invaserunt, consuetum jam specie gravius aliquos affligentes & negligentius habitæ non paucis lethiferæ, paulo post tamen, usque ad anni exitum, & in Januarium usque Anni sequentis, ulteriusque, sed rariores, discretæ, mitioresque comparentes. Diarrhœæ circa finem Novembris, & per Decembrem in multis, prævio ut plurimum vomitu, torminibusque stipatæ, prompte tamen stomachum roborantibus cedentes, notatæ fuerunt.

Circa finem æstatis, & per autumnum lues illa, quæ bubulo generi per Germaniam Italiamque tam infecta fuit, postquam ex Hungaria versus Danubium sensim progressa, ubique luctuosa sui vestigia reliquit, nostra quoque confinia attigit, ac insignem stragem, integra etiam numerosa bovis ævacuantem apud nos, ac plurimis vicinis in locis edidit; quam non aeris ex vitio, sed contagio per boves ex regno illo adductos exortam fuisse, vel inde satis nobis notuit, quod illa primum loca, ubi pascuis frui illis advenis contigit, invaserit, armentis vero omnino pepercerit, ad quæ illi, vel alii ab his infecti hand pervenerunt, atque ubi consortium illorum, ad quod contagium jam penetraverat, evitatum fuerat. Miasma vero hoc per salivam animalium insectorum, quo gramina inter pascendum conspurcarunt, se primo, postea etiam per exhalantes vitiosas a corruptis humoribus visceribusque particulas ulterius, his in terris, propagasse, atque causlica acredine infesum

festum, fauces, ventriculos ac intestina hostiliter invasisse, inque spasmodicos motus non tantum nervosas partes irritasse, sicque ob constrictos exin vasorum sanguiferorum tubulos inflammationem excitasse, sed ipsam etiam eorum substantiam ad putrilaginem disposuisse, credibile videtur: Id quod lingua in quibusdam inflammata, & vesiculis rubris referta, ventriculi, præsertim omasus, & intestina non minus inflammata, & non tantum sanguinea, sed fetida etiam & purulenta excretiones, ut dysentericæ malignæ speciem ut plurimum præ se tulerit, nec non intestina hepatis contigua bile suffusa testabantur. Unde etiam, quæ in prima invasione notata fuerunt symptomata potiora, appetitus nempe dejectus, difficilis respiratio, calorque præternaturalis ortum habuisse videntur. Ceterum caro lue hac demortuorum boum quamvis pluribus, egenis præcipue, in cibum primo venerit, nec sinistri quid ipsis inde accidisse rescitum fuerit, tutius tamen esse iisdem abstinere, tum ratio suadet, qua ex viscerum observata labe prompte etiam eandem carnibus communicari, quia & nauseam, facile exin oriundam, inultum nocere posse evincitur, tum exempla confirmant, quibus noxium quandoque extitisse carniū contagiosa labe insectorum animalium esum constat. Vid. præter alios Nob. D. Rosini Lentilii Miscell. med. præct. part. 2. pag. 519. Liceat etiam memorare exemplum, ab Exc. Dn. D. Joanne Meyero, Arch. Elect. Palat. & Physico Neoburgensi, Anno 1712. d. 16. Julii ad me perscriptum, duobus nempe rusticis, cum bovem ægotantem mactassent, & quia lienem pulmonesque male constitutos invennerunt, sepeliissent, carbunculos in brachiis fuisse exortos, cum febre acuta, vomitu & diarrhœa; duos autem canes, qui carnes istas degustaverant, eodem die mortuos fuisse. Ex Hungaria quidem Venetias advectorum boum dysenteria laborantium carnes innoxias quondam Medici aliqui Patavini insignes pronunciarunt, ast tutius esse talibus abstinere, celeberrimi olim Jenenses Medici, Guern. Rolincius in Ord. & meth. spec. comm. lib. 2. sect. 3. cap. 60. & Jo. Theodor. Schenckius hist. gener. humor. cap. 2. judicarunt. Prout etiam Collegium Medicum Augustanum circa casum hunc ab Illustr. Senatu requisitum, hujusmodi carniū ulteriorem venditionem, ad noxas inde emergentes præcavendas, dissuadere tutius duxit, atque per Senatus Decretum impetravit.

Circa principium Anni 1712. zephyrus, interdum ad unum alterumve latus declinans, cum frigore nivem, sed rariorem sparserat; & licet sæpius aer serenus postea redderetur, semper tamen nebulosus una fuerat: frigus quidem in progressu remissius, ast brevi post, flante euro vel austro, denuo intensius factum est: usque dum d. 3. febr. zephyro redeunte, pluviis, quæ per decennium durarunt, obortis cessarunt. Varius abhinc aeris status, quoad temperiem tolerabile frigus, crebriores autem nives attulit, usque dum circa æquinoctium vernum eurus temperatiorem aerem redderet, mox vero diversis sub ventis humida & pluviosa constitutio usque ad Solis in signum Tauri ingressum valde molesta extitit, quam euro prædominante, calida & sicca excepit, sæpius tamen postea variando: Sole vero Leonis signum occupante, occidentales venti pluvias multiplicarunt, & d. 6. Augusti cum serenitate calores magni oborti fuerunt; qui etiam, licet circa finem mensis hujus, delapsis pluviis, remiserint, mox tamen denuo comparuerunt. Ceterum hucusque præter consuetos hyemales catarrhosos insultus, in mensibus vernalibus tusses serinæ puerilem ætatem admodum affligerunt, ecoproticis repetitis, absorbentibusque, nervinis, ac demulcentibus ægre profligatæ febres etiam quotidianæ non valde contumaces, purgantibusque præmissis, per antimoniatas calces, arcanum duplicatum, & corticem Peruvianum &c. devictæ, per æstatem plures occurrerunt; in Augusto autem non paucæ diarrhœæ, in nonnullis quoque dysentericæ, ut & cholæræ, sed benignæ, omnes facile, post rhabbari nonnihil tosti usum, in primis pulveribus dictis præcipitantibus, corallis, unicornum fossili, quandoque etiam tormentilla, succo catechu &c. curatæ. Hæc ægritudines in progressu mensis febris catarrhalis exceperat, sine sexus ætatisve discrimine, magis tamen adultos quam pueros, cum febrili inhorrescentia, subsequente calore, cum cephalalgia, & hinc productis vigiliis, quas interdum deliria nocturna comitabantur, oculorum item, dorsi & artuum dolore, ac rursus ut plurimum invadens, & instar ephemeræ, altero, vel tertio, quarto die, sponte, aut impetus ubi vehementior erat, post moderatum sudorem, modo per volatilia, modo fixa medicamenta, pro subjectorum diversitate, excitatum, recedens; nisi quod tussis quandoque pertinacius insisteret. Qui morbus uti multis,

remotis etiam in locis; ita nostra quoque in urbe plurimos invaserat, ut vix domus esset, ubi eo laborantes non deprehendebantur; atque nobis ex prægressa humida aeris intemperie, similes in corpore nostro particulas augente, ac magnis dein ejusdem caloribus, lympham in corpore fundentibus & agitantibus, subito tamen tempestatibus frigidæ aliquoties obortæ interventu, quæ transpirationem ob poros inde occlusos sufflaminabat, condensatam generata mihi videbatur. Nec aliam causam pleuritides hanc in mense Octobri excipientes, non admodum refractariæ habebant, atque ideo sudoriferis moderatis præcipue, ac satis prompte cedebant. Aliorum morborum minime serax erat autumnus, qui satis temperatus & serenus in principio, in progressu autem, præsertim zephyro ut plurimum, & quidem nonnunquam multa cum vehementia spirante, humidus ac pariter temperatus se habuit; sicque continuavit hæc temperies: ante solstitium tamen quadriduanum frigus, & tale etiam in fine Anni, euro flante, experiri fuimus.

Non prætereunda hic est lues admodum gravis & funesta, quæ in vere equos potissimum extra urbem & in vicinia, rarissimos in urbe invasit, multosque trucidavit, postea etiam bobus, feris, quin & porcis, asinibus atque gallopavonibus, quibusdam in locis, non pepercit, & adultum usque in Julium tragœdiam suam ludere perrexit. Oriebantur fere semper in pectore, aut etiam in inguine, aliisque locis tumores duri, qui paulo post in amplius spatium se diffundebant, & intra breve temporis spatium interimebant. Hos ab ictu crabronum, qui copia & magnitudine insolita præditi observabantur, artum habuisse mihi credibile videbatur. Uti vero cadavera boum elapso anno demortuorum, nec ubique alte satis in terram defossorum & putrescentium insectis hisce pabulum gratum exhibuisse, (in cavernis enim & sub terra nidos ab eis fieri, carnibusque vesci, Aristoteles lib. 5. histor. animal. cap. 23. Plinius lib. 11. hist. nat. cap. 21. alique testantur) sicque multiplicationi & augmento eorum, humorisque venenati, quem glandula in imo abdominis, cui aculeus nigricans & cavus, juxta nobil. D. Joannis Murali relationem in Eph. nostr. Dec. 2. Ann. 1. obs. 56. implantatus est, majori acredini velificasse, non improbabile est: ita

venenatz etiam hæc atomi in humoribus animalium ab eis ictorum sese multiplicare, atque dein alia quoque animalia sic inficere potuerunt: quale exemplum in prædio vicino Illustr. cujusdam Baronis equum hac lue defunctum, & in fovea non alte satis effossa, terra obrutum exhibuisse scio, cujus ideo pes unus extra terram prominens e servo cum securi amputaretur, profluentem exin humor in ejus oculum, mox tumorem & inflammationem excitaverat, alterum etiam oculum, & successive totum caput occupantem, atque cum ope medica destitueretur, mortem brevi accelerantem. Sallis ex aceto potum adversus crabronum virus præfatus Plinius lib. 32. cap. 9. & Casp. Schwenckfeldius Theriogr. Siles. pag. 526. remedio esse tradunt, eque vestigio fluxisse vehementius, suctuque infixos aculeos, vel potius humorem virulentum revulsisse: Inter alia sane remedia, theriacam, allium, bokum vulgarem, nitrum &c. cum aceto propinata, quibusdam (uti etiam in superius memorata boum lue) profuisse, ab aliis non infeliciter tumores scarificatos, aut etiam ex incisa cute fuisse extractos, relatum fuit.

Anni 1713. principium, sub variis ventis, potissimum occidentalibus, frigore, quod cum primis in medio mensis Januarii intensum valde fuerat, & serenitate, usque dum Sol Piscium signo approximaret, gaudebat. Ubi post plurimas pluvias cælum nebulosum, versus finem autem Februarii serenum, cæterum valde temperatum reddebatur; quæ temperies, sub mutabili cæli facie etiam usque ad æquinoctium vernum & ulterius continuabat. Reliquus vernalis & æstivus decursus quandoque temperatus, ut plurimum autem pluviosus, & sæpe una frigidiusculus extitit. Mensem vero Septembrem, in quo eurus spirabat, serenitas commendabat; in reliquis autem tribus mensibus crebræ nebulae pluviarque (quibus in Octobri nives sæpe intermiscebantur) aderant. Humida hæc præpollens aeris constitutio, zephyro majori ex parte comite, multorum superveniendorum morborum timorem nonnullis pariebat, nihil tamen singulare apud nos inde evenit. Attamen præter varias catarrhofas molestias, variolæ discretæ, rarius confluentes, nec mali moris, per totum Annum, frequentiores tamen post solstitium æstivum, & per reliquum Anni; præterea etiam febres tertianæ ac quotidianæ, ut & quandoque icti, facile omnes

omnes sanationem admittentes, sparsim, in Majo plures infantes morbillis benignis laborarunt; in Decembri non pauci febre petechiali, cujus in pagis vicinis multum gravioris contagium in urbem delatum fuerat, interierunt, brevi tamen iterum per DEI gratiam malum cessare contigit.

Constitutio Epidemica Auguſtana Anni 1715.

Dn. D. LUCÆ SCHROECKII.

HYemale frigus uti in fine Anni præteriti, ita jam quoque tolerabile extitit, & raro, nec diu intensius redditum fuit; interea mutabilem aëris, in primis autem nebulosam & humidam intemperiem experti fuimus; & quamvis ventorum esset varia mutatio, zephyrus tamen ut plurimum prævaluit; qui noctu d. 8. Februarii vehementis redditus, postea d. 11. & 12. invaluit, imo d. 2. & 4. Martii, omnium maxime vero d. 3. ejusdem, in magnum furorem erupit, & non ea quidem damnorum multitudine, qua in Anglia, Hollandia &c. infamis, non tamen plane insons defarviit, cælo interim nebuloso, cum intervenientibus, parciore quidem, nivibus, comparente; temperie autem paulo prius nominata continuante; usque dum d. 5. Aprilis eurus aërem serenaret & excalesceret; redeunte tamen circa Solis in signum Tauri ingressum sub diversa ventorum facie, humida obpluvias frequentiores intemperie. Mense Majo vernalis amœnitas usque in adultum Junium comparuit; & licet Sol quandoque acrius ureret, pluviae tamen intervenientes, & tempestates, at tamen nobis non admodum graves aut damnosæ, calores temperabant. Sol postquam Cancri in signum pervenit, euro flante, æstivos calores experti fuimus; quos vero, zephyro succedente, Mense Julio temperatior aura excepit, pluviis subinde æstum temperantibus; talique statu usque ad d. 15. Decembris ut plurimum permanente: ubi hyemale frigus, aëre sereno per sextiduum, postea fere semper nebuloso usque ad finem anni durante, admodum penetrans eurus excitavit. Cæterum humida hæc aëris constitutio catarrhofas infirmitates, leviores tamen, oculis, dentibus, faucibus & pectori creavit, atque in autumnio & hyemis principio, multis infantibus tussi & catarrho suffocativo, præsertim post morbillos, exitialis fuit: postquam enim variolæ præ-

teritis duobus annis sequentes fuerunt, hoc anno quoque, & quidem mensibus æstivis vehementiores, confluentium naturam in multis induentes, in pueris continuarunt, & præter eas morbilli benigniores in vere supervenerunt, atque post inducias æstivas, in mense Novembri atque Decembri gravius assligentes recurrerunt, pluribusque, qui aut gravius, corpore in primis vitioso sero laborante, iis infestabantur, aut cura negligentiore tractabantur, mortem accelerarunt: quod aliis etiam infantibus multis ex catarrho suffocativo, aut insultibus epilepticis contingit.

Anni 1716.

FRigus anno superiore obortum, Anno 1716. quoque continuavit, & in primis die 17. 18. & 19. Januarii adeo invaluit, ut frigori Anni 1709. ubi in Thermometro meo spiritus vini ad septimum usque gradum descenderat, æquale comparuerit, imo d. 18. illud dimidio gradu superaverit. Quæ austerior aura etiam usque in adultum Majum, rarius temperatiori interveniente, perseveravit. & licet alibi, etiam in vicinia nostra, nives crebriores & copiosæ admodum delapsæ fuerint, in urbe tamen nostra altitudinem alibi observatam non attigerunt. Cæterum multa ventorum mutatio, & rarior serenitas semper occurrat, præterquam quod in Aprili eurus plures dies serenos efficeret. Unde vernalis amœnitas & rarior, & sera admodum obtingit, ut incrementum Floræ, Cereris, & Pomonæ multum retardaverit.

Nec æstas multo melius se habuit, crebris ventorum alternationibus, pluviisque obnoxia, exceptis diebus canicularibus, qui plures sereni, non tamen calore nimio insensu extiterunt.

Autumnus non minus, sub zephyri, præsertim post æquinoctium, & primis Decembris diebus admodum vehementis, prædominio, frigidus humidusque, & in Novembri crebris nebulis infestus, atque circa finem danuo pluviosus extitit.

Post solstitium quoque hyemale crebræ rursus nebulæ comparuerunt.

Ex humida autem hac aëris constitutione catarrhofæ infirmitates fere nunquam non per totum annum fuerunt obortæ; & in primis circa Anni principium apoplexiæ adultis, ac tussis convulsivæ pariter ac humidæ puerili ætati, non sine multorum inter-

cione

cione infestæ : nec deerant pleuritides veræ, diaphoreticis tamen & pectoralibus non difficulter curabiles ; in quinque primis mensibus febres insuper intermittentes , tertianæ & quartanæ, non paucis molestæ , sed facile , chinchinæ , observatis observandis , cedentes.

Nec variolæ prorsus cessarunt , sparsim subinde comparentes , in autumno tamen plures invaserunt , & confluentium naturam in quibusdam induendo , malignitatis etiam notas exhibuerunt , ac ita aliquibus funestæ evaserunt.

Anni 1717.

Cum post Anni principium nix crebrior decidisset , cælumque serenum redditum esset, frigus sub euronoto obortum est, quod utque ad principium Februarii continuavit ; ubi a zephyro, interdum & africo, nivis liquatio sensum successit ; die autem 9. novum obortum frigus , euro præpollente , per undecim dies duravit , & diebus 18. 19. ac 20. adeo intensum fuit redditum , ut fore frigus Anni 1709. æquaverit, sed zephyro tum oborto mitius cælum evasit. Ubi etiam variolæ sensim disparuerunt, postquam in Anni principio , in pluribus confluentes , non sine malignitatis nota, infantibus, rarius adultis infestæ esse perrexerunt. Erant, in quibus pustulæ nigræ interspersæ notabantur, morte subsequente. Puero sexenni, sub temperato regimine , variolæ discretæ rite prodierunt ; die vero morbi sexto passim pustulæ sanguine turgidæ sunt redditæ, cum mixtu sanguinis, deliriis, magna inquietudine , & lethali die 8. morbi eventu . Erant , qui per totum morbi decursum de alterutrius pedis vel genu dolore, sine tumore & inflammatione conquerebantur , cum variolarum exsiccatione iterum sponte cessante .

Martius, Aprilis , & Majus varia constitutione, præsertim autem humida ac frigidiuscula præditi , adventum veris valde retardarunt, sed post solis in Gemellorum signum ingressum temperatius cælum , & sæpius valde calidum, intermissis tamen crebrioribus pluviis , ventis ut plurimum ab occidente vel septentrione spirantibus , factum est, & in primis sirius, sub euriprædominio , magnum æstum excitavit . Ubi, cum hæcenus rariores ægrotassent, jam dysenteria multis, potissimum ex plebeja gente, & adulta ætate , eum majori maligni-

tatis, quam caloris sensu, ex magna virium prostratione , contagii labe , breviorique morbi decursu , (infantibus nonnunquam intra triduum succumbentibus) colligenda, ulque ad æquinoctium autumnale infesta esse cœpit ; quæ postea ulterius progressa , puerili in primis ætati multam stragem , non tantum ob teneram corporis dispositionem , sed medicamentorum etiam difficultiorem , tardiorum & incongruum usum , intulit. Causa potissima ab æris varia intemperie , primo frigida & humida , postmodum calida , ibi transpirationem sufflaminante & collectioni serosarum saliarum particularum favente , hic eadem in organismum concitante, imputari potuit ; præcipue cum cerevisiæ minus defecata & acescentis frequentior potus accessisset . Ex medicamentis, quæ non tantum malignitati resistere, sed acres etiam humores edulcare , fibras leniter stringere, & dolores mitigare valent, sub varia forma , provide administrata conduxerunt, qualia erant unicornu fossile, corallia rubra, bolus Armena, terra sigillata, sinaragdas, hæmatites, tormentilla, succus catechu &c. cum & sine opiatorum moderato accessu ; balsamum etiam Peruvianum cum vitellis ovorum subactum , in clysteribus aliquoties injectum, egregiam opem in non paucis tulisse observari.

Autumnus, zephyro cum aquilone, denno prævalente, (& illo quidem, sæpe vehementer, præcipue autem a die 24. Decembris ubi vesperi impetuosissimus, sine tamen aliquo, per Dei gratiam, damno, secus ac alibi, in Hollandia, Hamburgo &c. tum temporis contigerat , per quatrimum furente) humidus admodum ob nebulas & pluvias , exstitit ; talisque æris conditio ad finem usque anni , cujus ultima nox fulguribus illustrabatur, perduravit, nullis aliis morbis epidemice , paucissimis etiam sporadice se offerentibus , præter odontalgias & consuetas hoc tempore tussis & coryzas.

Consi.

*Constitutio Anni 1712. Apud Lubacenses
in Carniola*

D. D. MARCO GERBEZIO,

*Apud eosdem Physico, & Medico ord. medi-
ce considerata, & Augustam Vindel-
licorum die 28. Decembris
1712. communicata.*

FRIGORI alias Hippocrates non videtur im-
putare singularem insalubritatem, dum
3. Aph. 17. ab eo corpora firma, agilia, &
bene colorata reddi asserit: quam id tamen
insalubre esse soleat, saltem dum modum
excedit, docuit nos præterquam hyems An-
ni 1709. si quæ alia nivosa, & frigida,
quoque currentis Anni 1712. hyems ob non
multo demissiores nives & frequentes aqui-
lonares ventos similiter ultra modum frigi-
da. Sub ejus siquidem decursu plurimi a
febribus catarrhalibus, tussibus, raucedini-
bus, pleuritidibus, phthisibus, cephalalgiiis,
gravedinibus, hemiplegiis, cachexiis, hydro-
pibus, & aliis a variis modis peccante lym-
pha dependentibus indispositionibus fuere ap-
preheni. Quamvis tamen forte per se non
tam frigus fuerit causa tantarum indisposi-
tionum, quam prægressa elapsi Anni 1711.
austriana, & pluviosa autumnii constitutio,
quæ a præsentis anni perfrigida hyeme ex-
cepta humiditates, elapso autumno in cor-
poribus aggregatas, oclusis cutis poris, &
per id impedita insensibili transpiratione,
in corporibus retinuit, coagulavit, stagna-
re, & extravasari fecit, præsertim dum
subinde tamen etiam intercurrerint austrini
status, qui eas rursus solverunt, & exun-
dare fecerunt. Si vicissitudine quadam, di-
cit Valleriola lib. 2. cap. 4. locor. com.
aquilonius status austrinum sequatur, fluxio-
num tum morbi fiunt. Quemadmodum, &
nos in Chronologia nostræ Med. An. 1.
xx. & xxi.

Sic Ego ipse mox sub anni ingressu cum
pluribus aliis a febre catarrhali apprehensus
etiam, sed brevi liberatus introspectione
mannæ granatæ in jure dissolutæ quantitate
unc. trium, & sudatione ad tales pulveres
specificos mane cum decocto herbæ theæ
assumptos, ℞. spec. diamarg. frig. diatrag.
frig. Antimonii diaphor. ana. ℥ss. succin. alb.
præp. flor. ʒ. ana. gr. iij. m. f. pulv. in
triplo. Aliis præterea subinde venæ sectio-
ne sanguinem imminuebam, & alia pecto-
ralia propinabam, puta decoctum pectorale

cum syrup. de alth. Fern. de farsara, aut
similibus specificis dulcificatum. Item Tro-
chisc. bechicos. ol. amygd. dulc. cum sacch.
cando, vel julapio violato &c.

Certus puellus quinquennis non pridem
pro capitis, & reliqui corporis scabie abi-
genda, nescio quo, perunctus, & præterea
ab extra perfrigeratus in eam dyspnœam
inciderat, ut suffocandus videretur. In sub-
sidium vocatus suaseram, ut eum syr. Man-
nati ʒj. & jalap. pulv. ʒj. expurgarent.
Hinc in jure dissolutam spermat. ceti ʒj.
propinarent. Nec non ad sudorem cogerent
his pulvisculis. R. spec. diamarg. frig.
Antimon. diaphor. ana. ℥ss. pulv. march.
succin. alb. ana. gr. iij. flor. ʒ. gr. j. sacch.
perl. gr. iij. m. f. pulv. in triplo. Et sæ-
pius cochleatim propinarent de tali mixtu-
ra appropriata. R. Extract. helen. sumar.
ana. ʒj. croci gr. v. subigantur in aq.
asthmatis chæresol. ana. ʒjss. syrup. de hys-
sopo ʒjss. m. f. potio. Atque, nisi malum
remitteret, utrique brachio vesicatoria ap-
plicarent. Dictum, factum, & puellus præ-
ter parentum expectationem convaleuit.

Hyemem quidem cum majore amœnita-
te excipere velle videbatur ver, utpotè sub
cujus ingressu ex amœnis solis radius adhuc
residuae nives successive optatissime dissolve-
bantur. Postquam autem in Aprilis pro-
gressu sæpius intercurrere incœpissent plu-
viæ austrinæ, a 20. Aprilis usque ad 25.
autem ex euro pristina hyemalis auræ aspe-
ritas, adeo desolati evadere incœperamus,
ut adhuc vel tunc nobis non meliora de
corporum valetudine, quam de futura sato-
rum ubertate ominari tristes occœpissimus.
Quando enim in nostris oris nives, & hye-
male frigus eo usque, & ultra æquinoctium
vernum protrahuntur, experientia annua
edocti nunquam messem opimam, fructus
arborum copiosos, & vindemias lætas no-
bis adpromittere audemus. Emori siquidem
accidit vel in ipsa radice hyemalia sata,
flores arborum fructiferarum emarcescere,
& primos vitium pampinos a pruinis, &
nocturnis auræ asperitatibus exitialiter adu-
ri: quemadmodum id etiam, ut postea di-
ceretur, hoc ipso anno evenit. Nec mino-
rem stragem valetudo humana perpeffa est.
Corpora siquidem hyemali asperitate ener-
vata, & per tot intercurrentes auræ vicis-
situdines alterata, nec non per tot vernas
pluvias nova humorum illuvie repleta, non
poterant non solum ab adhuc hyemalibus
indispositionibus opprimi, verum & vernis
subja-

subjacere, potissimum eis, quæ a peccante lymphæ, quales sunt omnis generis vulgo defluxionibus imputari soliti affectus, produci solent. Non minus autem Majus erat inconstans, & inamœnus, quam Aprilis, utpote fere quotidie versus vespæram pluviosus, quin immo subinde & tempestuosus, quemadmodum secunda Maji, qua excessum ex nubibus fulmen arcis horologio adjacentis turris tectum magna parte disiecerat. Junius erat quidem nonnihil ordinatior, & versus exitum utcumque æstivus, aliquoties tamen æque tempestuosus: quin immo ad festum S. Medardi ex aquilone plane frigidus. Ut adeo neque ipse plane inculpate transire potuerit.

Certus archi hypochondriacus jam tribus annis consequenter semper circa dimidium Aprilis deterius affectus, & præsertim de capitis gravitate & obscuritate quadam lamentatus 13. Aprilis inexpectate factus epilepticus intra bihoriæ obiit. Obiisse quoque observati sunt alii repente eodem tempore facti epileptici. Memorabile est a jam dicto hypochondriaco notatum discrimen inter auram civicam, seu urbis arcis subjacentis, & inter auram sublimem arcis ipsius Labacensis. Asserebat is enim, quod quoties adisset (solebat autem diebus amœnis facere frequentissime) arcem, confedissetque aliquandiu sub tiliæ, suprematatem montis amœne coronante, vel obambulasset, se semper notabiliter melius sensitse, caputque habuisse serenius; quamprimum vero redux domum versus subjacenti urbi appropinquasset, se illico rursus deterius sensitse. Ut adeo plane dubitare non liceat de veritate eorum, quæ nos in *vindictis nostris Medicis de aura Labacensi* §. 37. de discrimine inter salubritatem urbium, & locorum liberæ auræ expositorum, campestriumve docuimus.

Ad repentinam Junii circa festum S. Medardi perfrigerationem pleuriticus factus Jacobus Ubez expertus Chirurgus corpore ultra modum obesus, & plethoricus elusis quibuscunque adhibitis remediis quoque intra triduum obiit, cæterum homo apparetur sanissimus. *Obesi videlicet facilius moriuntur, quam graciles, ex Hippocrate.*

Æstas habuit quidem sua intervalla utcumque connaturalia, quod toties tamen intercurrisent tempestuosæ pluvie cum tonitruis, fulgurationibus, & fulminationibus, subinde etiam cum grandine, cum communiter subsequuta notabili auræ perfrigeratione, que-

madmodum 21. Augusti, qua mane hora media septima fulmen in suburbio Tynau dicto octo nautarum casas, non obstante densissima pluvia, in cineres redegerat; pro vix temperata, & vernam temperiem affecta haberi poterat. Ob quam causam sat tardius maturata messes tristissimam colonis præbuerant.

Adhuc parum siquidem illud, quod hyemalem rigiditatem, & ultra æquinoctium protractas nives subterfugerat, perque vernas pluvias in lolium conversum non erat, per toties iteratas coruscationes adeo exustum fuit, ut ariste, vel steriles plane evaserint, vel grana macra effærave, & potiore farina orbatæ progengerint.

Neque humana valetudo interea minimum passa. Vidimus siquidem, quod, quæ per Junii, Juliique decursum ob imminutas successive per hyemem, & ver in corporibus aggregatas humiditates utcumque subsidere incœperat, mox sub Augusto labascere visa sit a febribus tertianis intermittentibus, subinde, & quartanis, & tertianis nothis, continuis, diarrhœis, dysenteriiis, vomitionibus &c. impetita. Quæ febres vel in eo fuere singulares, quod non solum raro consuetum typum in paroxysmis observaverint; verum etiam, quod communiter post aliquot paroxysmos in continuas mutari solitæ fuerint, similiter adeo inordinatas, ut etsi typum tertianarum duplicium præ se ferre viderentur, tamen subinde 24. & plures horæ intercesserint, quibus in pulsu nulla fere alteratio animadvertetur, urinis fere crassis, & lateritio sedimento refertis existentibus, desuper vero tamen rursus insistente continua alteratione, sæpe cum maculis petechialibus, scarlatinis saltem, per brachia dispersis, sæpe etiam cum diarrhœis & vomitionibus vel copiosissimis sudoribus; vix tamen aliquando cum agrorum interitu, etsi semper cum tardissima integræ valetudinis recuperatione. Quod Medici communiter febriliter cum succo pancreatico justo acidior effervescenti bili, sed multæ pituitæ admistæ imputabant; & vel propterea non tam ardentes, acutæve febres producenti, quam potius nothas, minus acutæ, & diuturnas. *Quando æstas fiat similis veri, sudores in febribus multos expectare oportet. Hipp. 3. Aph. 6.*

Curabantur autem febres illæ, si quandoque persistere intermittentes, pulvere cornach. diebus a febris liberis justâ dosi assumpto,

sumpto, & sale febrili. Myns. una alterave hora ante paroxysmos in aqua card. ben. vel cent. minoris propinato. Si qua vero eas in continuas degenerare accideret; præterea venæ sectio celebrabatur in petechialium macularum absentia, alias vero scarificatio dorsi cum subjunctis cucurbitulis. Quamvis viderim apud unum alterumve opificem, cui etiam actu prostantibus petechiis, sed pro pulicum morsibus habitis; erat sanguis venæ sectione missus, & qui tamen aquæ convaluit, ac alii, quibus sanguis emissus non erat. Unde conjicere licebat eas solita sibi malignitate non fuisse præditas. Per reliquum morbi decursum autem insistebatur usui pulverum pan. rub. de gem. frig. cc. phil. præp. Antimon. diaph. arcan. dupl. bezoardico min. additis, si diarrhœa symptomatica urgebat, troch. de terr. sigill. unicorn. fols. &c.

Certa filiola, quæ simili febre continua cum maculis petechialibus, & dysenteria detinebatur, convaluit ad subinde pro necessitate injectos clysteres primum abstergentes, postea astringentes, & ad quotidianam intro sumptionem pulv. pan. rub. troch. de terr. sigill. cc. phil. præp. unicorn. fols. & smaragd. præp. cum sacch. rosato dulcificatorum. Quodque præterea linguam haberet aridam, eam humectabat mucilagine sem. cydon. aqua prunell. extr. addito rob. diamor. & lap. prunell. eluebatque frequenter os aqua & aceto invicem commissis, absterfa lingua dentiscalpio, non intermissis externis astringentibus.

Certus nobilis denique plane adhuc pluribus habebat opus. Laborabat is vero hemitritico, febre ex æstu febrili continuo, & febre intermittente cum rigore & duplicato æstu alternis diebus intercurrente constante; & quod deterius erat, semper cum quadam veluti cholera seu excretionibus numerosissimis per superna, & inferna materiz variaz veluti æruginosa. Hic erat primum purgatus decocto sen. c. rhab. Myns. Hinc ipsi vena secabatur, & pro attemperatione æstus febrilis præter mixturam cordialem ad intro porrigebantur pulv. de gem. frig. cc. phil. præp. Antimon. diaphor. arcan. dupl. Ast intercurrerat tertius paroxysmus cum ea violentia, vomitibus, & alvi dejectionibus, ut æger, si sæpius taliter invaderetur, malo succubiturus metueretur. Hinc postridie illius paroxysmi loco arcani duplicati memorato pulveri cort. Peruviani & troch. de terr. sigill. ana ʒʒ. erat additus. Ve-

Sydenham Opera Med. Tom. I.

speri autem ante somnum pridie quarti paroxysmi febris intermittens talis bolus. ʒʒ. Conserv. menth. rosar. elect. diascord. Frac. ana ʒʒ. cort. peruv. subtil. pulv. ʒij. troch. de terr. sig. gr. vij. m. cum sacch. f. bolus. Et non solum quieverat ea nocte utcumque æger, verum & a vomitionibus illis, aliisque dejectionibus fere liber erat, præterquam totus debilis, & a continuante æstu febris continuæ totus anxiosus. Qui propterea pro possibili cordialibus & caponis jure cum gelatina permisto reficiebatur. Quodque expectaretur accessus paroxysmi mox a meridie, quatuor horis ante eum fuit ægro talis mixtura specifica propinata. R. Aq. cord. saxon. secundæ, card. ben. ana. ʒʒ. syr. coral. ʒij. cort. Peruv. subtil. pulv. ʒʒ. ʒ. absinth. gr. v. m. f. por. Et desideratissime emanerat, quem adeo non minus nos, quam æger ipse metnerat, paroxysmus. Ut adeo nobis nihil superfluit expugnandum, quam adhuc febris illa continua, viriumque prostratio: quibus proinde diligenti continuatione pulv. de gem. frig. cc. phil. præp. Antimon. diaphor. & ʒ. perlat. nec non mixturis cordialibus opem ferre eo usque conabamur, usque dum successive & ista feliciter sopita fuere. Certe si in quo alio, in hoc manifeste periculoso casu se Herculem exhibuit cortex Peruvianus, rite ob conjunctam choleram stomachicis associatus.

Autumnus denique usque ad extremum Octobris erat satis commodus, ut adeo vindemiz quidem in oprata aëris temperie potuerint peragi, sed vel ex eo tristes, quod magna botrorum pars, uti in constitutione verna dictum, aut in primis adhuc pampinis vere emarcuisset, aut æstate a tantis coruscationibus, & rubiginosis pluviis, ipsis etiam arborum foliis, & arboreis fructibus propterea copiosissimis maculis notatis, & ad putredinem pronissimis notanter infensis, adusta penitus arida e vitibus decidissent, postea autem, & toto Novembri, Decembrique mensibus usque ad 13. Decembris adeo pluviosus, ut fere non intercesserit dies, qua non pluisset, aut saltem nubilum, & ad pluvias proclive non fuisset, & ex austro jugiter (excepta 20. & 21. Novembris, qua primæ nives ex euro ceciderant, & 8. Decembr. qua per quinque continuos dies africanus vehementissime furebat) flante veluti tepidum. Hinc non mirandum, quod interruptis dictis tum continuis, tum intermittens febribus e contra turmatim ir-

V u u

rui-

animadversæ fuerint. Propterea demortuo post ocliduum circiter ægro, jam pridem penitus exhausto, erat inquisitum in dictarum sacum transitum: & deprehensum, quod colon intestinum, ex qua eodem spectat, parte fuerit ad imperialis muniti amplitudinem exesum, perforatumque, & inde facto successive cuniculo per pure excavatos musculos, partes illas contegentes, penetrasse ex laeso intestino feces illas alvinas usque ad incisum locum. *Induta est scilicet caro hominis putredine; & sordibus.* Job. cap. 7.

Constitutio Anni 1713.

Dn. D. MARCO GERBEZIO

Medico Labacensi, communicata die 15. Januarii Anno 1714.

A Deo varius erat apud nos Labacenses, quoad auræ temperiem hujus anni 1713. decursus, ut tere vix præterierit ocliduum, quo ob jugem omnis generis intercurrentium ventorum vicissitudinem alia non fuisset introducta aëris constitutio. Solus Januarius sibi hyeme aliquantulum constabat, æstate Augustus, & autumnus posterior Novembris, & anterior Decembris pars cælo ex solito maturius partis nivibus, easque secuto statu aquilonio serenato. Cæterum vero toto reliquo tempore varietas, potissimum cum pluviis, & auræ asperitate conjuncta: proindeque sicut terræ frugibus maxime incommoda (qui propterea, exceptis montanis locis, ubi solum natura sua aridius est, non solum crevere perpauca, verum & impuri, & viciis, zizaniisque plenissimi, arboreis fructibus quidem itidem saltem in montanis existentibus utunque copiosis, verum, & ipsis ob nimias pluvias veluti eviratis, & solita sapiditate destitutis, consequenter minus sanis, plurimisque hominum eis indiscrete vescentium febrium, diarrhoearum, dysenteriarum, vomitionum, & ventris corrosionum causa) ita sanitati humanæ maxime importuna. *Mutationes siquidem temporum, teste Hipp. 3. aph. 1. pariunt morbos.* Quod ea tamen non tulerit singulares aliquas, præter copiosas defluxiones, epidemias, qualium alias feraces esse solent similes annorum constitutiones; existimo in singulare nostrum commodum fecisse, quod dictæ illæ

varietates nunquam repente irruperint, sed successive, & veluti inadvertibiliter, neque diu tales perseverarint, neque magnæ fuerint: quod tamen requiritur ad inducendum corpora ex aëre morbos populares. *Magnas siquidem, dicit Hippoc. citato loco, mutationes facere morbos 3. aph. 7. autem dicit: Si annus magna ex parte talis fuerit.* Quod ipsum sentit & Galenus *Comment. 1. in lib. 1. Hipp. de morbis vulgaribus.* Quandoquidem igitur hic annus, juxta dicta, maxima ex parte fuerit varius, & frequentissime pluviosus: tales constitutiones vero solent esse defluxionum, seu morborum a peccante lymphæ dependentium semina; mirum non est, quod potissimo tempore præ quibuscunque aliis affectibus viguerint defluxionum morbi.

Curationes eorum non adduco, sed relego benevolum Lectorem ad *Chronologiam meam Med.* elapso vere Francofurti una cum Intricato Extricato meo Medico recusam. Ne vacuæ tamen omnino sint hæc pagina, aliorum morborum hoc tempore observatorum, & solum breviter meminisse hic lubet certæ nobilis matronæ, elapsa quadragesima a me ab hydrope ascite feliciter percuratæ, elapso autumnus vero ex eodem malo tamen, sed per errorem defunctæ. Hæc tota elapsa æstate citra querelam vixerat: quod ea vero horariis fructibus nimium indulgeret, & alias licentiosius pro ordinario muliercularum more victitasset, sub initium autumnus de novo cruribus intumescere occæperat, successive & abdomine; sed quod cum nescio quo in ventre motu, se concepisse suspicari incæperat, & propter omnia remedia, ne inde forte abortus periculo sese exponeret, negligere, usque dum exacto, sua opinione, gestationis tempore, dum parituram sese existimaret, vitam cum morte commutavit. Apertum propterea cadaver, ut fœtus eximeretur: at ejus loco aliud non repertum, quam ingens in abdomine aquarum colluvies. Ut adeo manifeste conicere licuerit, motum illum, quem fœtui illa imputabat, aliunde non fuisse, quam a flatibus, aut colluviei illius aquosæ in abdomine contentæ, & sub corporis motu, aut ventris contrectatione perceptæ fluctuatione. Si infelix mulier alias tempestive ad rem fecisset (quamvis gravidas a similibus generosis remediis indigentibus malis citra abortum liberare, sit ex nostra in Intricato Extricato nostro Medico tradita doctrina, perarduum) forte non

num, & ejus loco pro siti, quamvis pulsum vix alteratum haberet, biberet jus carnis bubulæ perfrigeratum, & ab omni pinguedine per præviam per pannum lineum colaturam liberatum, subinde autem emulsionem amygdalarum dulcium, exhilarato quandoque sitiente ore cochleari vini cydoniorum, vel granatorum acidorum, quandoque etiam granis ipsis pomorum granatorum. Pro cibo vesceretur juribus caponis, in quibus concussus sit vitellus ovi recentus, amygdalatis, avenatis, hordeatis, & pultribus ex ovīs, & pulpa panis triticeī paratis, malis cotoneis &c. sique posset, carne vitulina, caponum, pullorum, avicularumque montanarum. Mane etiam & vespere assumeret bonæ castaneæ magnitudinem de hoc specifico.

*℞. Conseru. ros. rub. ℥iij.
rad. symphit. maj. ℥ij.
spec. diatrag. frig. ℥ss.
coral. rub. præp.
terra sigill. ana ℥i. M.
cum syr. cydon. F. electuarium.*

Regionem renum ungeret ungu. rosato refriger. Gal. & Comitissæ. Spinam dorsi autem & pectus ungu. resumptivo. Quibus constanter continuatis rediit successive tantus appetitus, ut sibi a cibis vix temperare valuerit. Item somnus, vires, & carniū consumptarum recuperatio ad admirationem.

Anni 1714.

SI unquam aliquis annus fuit irregulariter constitutus, fuit apud nos Labacenses annus 1714. cujus constitutionem quoad aeris temperiem in præsentī communicamus; excepta siquidem sola hyeme, quæ fuit cum paucis nivibus aquilonia, & sicca, totum reliquum ejus residuum, vix videlicet, æstas & autumnus, excepto Novembri mense & dimidio Decembris, quorum dies in accepta aeris amœnitate decurrerant, erat meris varietatibus, & veluti quotidianis pluviis subiectum. Unde tot, tantæque aquarum exundationes, ut nec fata maturescere, nec gramina defalcari, ficcarique, nec semina opportunis temporibus terræ mandari potuerint; quæque terræ mandata fuere, aut prorsus non adoleverant, in semine suffocata, aut adulta &

meris viciis, zizaniis, & loliis adeo conspurcabantur, ut usui esse vix potuerint, aut ab uredine adusta grana essita, & farina destituta tulerint. Unde insueta annonæ penuria, & propterea præsertim Croatiæ versus, fere communis inter plebejos fames.

Qua stante aeris constitutione qualiter humana valetudo subsisterit, nemini credo difficile fore conjicere; qui ex Hippocratis libro tertio aphor. & alias novit, qualium tales annorum constitutiones soleant esse feraces corporum indispositionum; præsertim, si is præterea perpenderit, qualem vitæ rationem in simili rerum penuria, & caritate fuerit observare necesse, & quali, quamve insalubri qualitate debuerit fuisse præditi non solum terræ, verum & arborum, vitiumque fructus, utpote dicta uredine adeo exeli, adustique, ut vix fuerit reperire pyrum, pomum, vel etiam botrum, qui integer, immaculatus, & connaturali suo sapore præditus fuisset, quamvis & talium parcissimus fuerit questus. Substitit videlicet, si unquam aliquis, lamentabiliter. Eo, quod similes temporum constitutiones, solent esse ex Hipp. citato loco, & nostra in *Chronologia Medica* tradita doctrina, morborum feracissimæ.

De hyeme quidem nobis non erat, quod adeo quererentur, utpote quæ utcumque tolerabili suo frigore siccitateque corpora potius reddebat firma, agilia, & bene colorata, adeoque bene valentia, quosque tulerat morbos, eorum saltem solum accidentalit exstitit causa, quare nus videlicet humiditates a prægresso pluvioso anno in corporibus nostris aggregatas altius impresserat, coagularat, & a discussione per insensibilem perspirationem impediverat.

Quod ipsum puta & de Novembri mense, Decembrisque anteriore dimidio, utpote similiter leni aquilone perflatis, & potissimum amœna serenitate illustratis. Ast tanto majores querelæ nobis fuere contra veris, æstatis, & reliqui autumnī (utpote adeo pluviosorum, ut vix intercurrerit duorum triumve dierum serenitas, solisque illustratio, quæ a pluviis, aut saltem nubilo cælo cum plane insueta aeris asperitate non fuisset interrupta) decursum: Qui propterea tantis cum egrotis negotiis nos oneraverat, ut iis expediendis vix suffecerimus. Quinimo, postquam affinem nobis Syriam ad Judenburgum peste infectam perceperamus, nobis plane de adhuc deterioribus metuere ince-

inceperamus . A quibus tamen præservavit nos hæcenus gratiosum Numen .

Morbi autem , a quibus adeo impetebamur , erant præter omnis generis defluxiones similibus temporum constitutionibus semper familiares , arthritides , colici dolores , pleuritides , hydropes , febres tam intermittentes , quam continuæ , & ex eis multæ plane malignæ , diarrhææ , dysentericæ , vomitiones , lumbrici , variolæ , morbilli , & rubeolæ : nulli tamen funestiores , quam febres petechiales , & præsertim Decembri mense variolæ , Quibus propterea etiam multj , præsertim Augusto mense , & Septembri , plane succubuerunt . Quamvis , qui victus rationem observant , riteque curabantur , potissimum reconvalerent ,

Singulare quid duobus fratribus acciderat : Utrumque prævio totius corporis rigore febrilis incalescentia apprehenderat . Hinc plane intolerabiles lumborum puncturæ . Desuper unum petechiæ scarlatinæ seu purpureæ , alterum petechiæ nigre , & variolæ purissimo sanguine soliti puris loco suffusæ . Et illa tertia morbi die , hic septima inopinate succubuit .

Certa etiam 10. annorum herula cortice Peruviano vix a febre quartana liberata in variolas confluentes densissimas Inciderat , quæ successive etiam eo perductæ fuere , ut contractis crustis instantanee abscessuræ crederentur , herulamque pristinæ valetudini more solito restiturerent . Ast ecce quam inexpectatum fatum ! præterquam enim , quod crustæ etiam sæpius oleo amygd. dulcium perunctæ nullatenus recessissent (persistente interea semper febre acuta continua , & tussicula) ultimatim ex eo deductæ fuere , ut si quam casu tamen abscedere accideret , ea post se ardentissimum ulcus absque omni pure relinqueret , usque dum miserabili herulæ ultimatim , 21. scil. morbi die , e vita excedere fuerit necesse . Usque adeo de variolis , nisi cum eis & febris , & reliqua accidentia recedant , nunquam venit triumphandum .

Certus Mercator Goritia Labacum cum intensissima & ea continua febre in maximo frigore delatus , de intensissimis & faucium , & artuum doloribus lamentabatur : a quibus demum etiam idoneis remediis liberatus erat . Sed desuper (persistente adhuc febre) toto corpore minutis , & densissimis hydatidibus , seu vesiculis aqua repletis , adeo fuit perspersus , ut quis eum undique servidissima aqua fuisse persusum ,

perussumve citra dubitationem jurasset . Et non obstantibus quibuscunque remediis quoque ipse 18. morbi die obiit .

Certus Lib. Baro e contra usque ad desperationem asciticus , dum proxime expiraturus crederetur , superveniente tumidissimo scroto , inflammatione , & abscessu , sponteque evacuatis inde aquis præter omnem expectationem convaluit . Usque adeo desperandum nunquam : sed dum spiramus , speremus .

Carbonum suffocatorum illorum , quibus fabri ferrarii uti consuevere , vapores esse nocentissimos , nemo facile est , qui nesciat : noxios vero æque esse ordinarios illos ab aperto igne combustis lignis relictos , non facile credo fuisse observatum . Accidit tamen , quod elapso Decembri ex intenso frigore domum reversus faber ferrarius septuagenarius , eo quod sese , ad talium carbonum ignem excalescisset , in eum soporem , cum maximo stertore inciderit , ut is ab adstantibus pro fortissime apoplectico , adeoque ex sententia Hipp. 2. aph. 42. pro omnino desperato haberetur , successive quidem clystere acri , frictionibus , sternutatoriis , vesicantibus , & volatilibus antiapoplecticis , rursus excitatus , ultimatim vero , decima tertia videlicet morbi die tamen e vivis sublatum .

Simillimum fatum accidisse recorder ante annos Iggeni rustico in noviter calefacto , & non pridem extructo fornicato cubili , qui vero libero aëri expositus sese tamen rursus recollegerat . Sed septuagenario illo longe junior erat .

Singularis molis calculum in vesica gestare absque eo , quod ab eo saltem subinde urinæ excretio intercipiatur , meo iudicio pro raro habendum est . Factum id tamen fuisse detexerat nobis nuperrime dissectum corpus nostri Labacensis Ecclesiæ Decani . In ejus siquidem vesica ad digiti crassitiem corrugata deprehensus fuit trium unciarum calculus , qui tamen urinam nunquam interceptisse fuit observatus ; quin potius is , postremo præsertim anno , continui urinæ crudelissimæ profluvii exitit causa . Sed sciendum venit , calculum hunc ab ægro semper fuisse pro hernia habitum , quem propterea a pluribus annis semper sursum cingulo herniosis consueto religatum gestabat , impediēbatque hoc medio , ne is unquam ad vesicæ orificium devolvi , & urinam omnino procludere potuerit : quin potius , quatenus totum contractæ vesicæ spa-

spatium sua mole occupabat, causa erat, ne a renibus jugiter affluens urina ibidem subsistere potuerit, sed potius veluti guttatim jugiter excerni debuerit. Juvaret propterea quoque forte alias (nisi lithotomiz remedio periculoso & sæpe impossibili sese subicere mallent) tali medio uti, ut taliter saltem ab eis alias consueta urinæ præclusionē liberi viverent.

Anni 1715.

Quem non piget revolvere constitutiones anni 1713. & 1714. a me notatas, & postremo Ephem. Nat. Cur. tomo insertas, is facile conjiciet, qualiter saltem per hyemem currentis anni 1715. subsisterit inter nostrates Labacenses humana valetudo. Ex temporum siquidem salubribus, vel insalubribus aeris constitutionibus potissimum dependere humanorum corporum bonam, vel malam valetudinem, demonstravi luculenter in Chronologia mea Med. Quandoquidem igitur ex dictorum annorum constitutionibus elucescit, eorum tempora potissimum fuisse varia, aspera, & pluviosa, talia autem solere esse fluxionum, & omnis generis a putredine, & humorum corruptione oriundarum indispositionum seracia; arguere pronissimum est, saltem hyemem memoratos annos immediate consecutam debuisse fluxionibus, & omnis generis a putredine, & humorum corruptione oriundis indispositionibus fuisse obnoxiam, non obstante, quod ea de se adeo insalubris non fuerit, utpote potiori ex parte aquilonia, toleranter frigida & sicca, adeoque, ex sententia Hippocratis utcumque salubris. Corpora siquidem per antecedentem talem insalubrem aeris constitutionem vitiosis humoribus semel referta, præsertim hyemali tempore, quo cutis pori ab externo frigore occlusi, talium humorum debitz per insensibilem perspirationem depurationi obstitunt; per subsequentem, etsi etiam utcumque salubrem aeris constitutionem, sibi adeo restitui vix possunt tam celeriter, ut in affectus a tali putredine, & corruptione oriundos non incidunt, eo saltem usque insistentes, donec a salubriori, & ea contraria, calida videlicet aeris temperie in contrarium non alterentur. Hinc etiam observatum fuit, non obstante juxta dicta de se alias utcumque salubri hyemis constitutione, plurimos Labacensium incidisse, præter omnis generis

defluxionum morbos, quoque in febres malignas, morbillaceis & varii generis etiam aliis cutis efflorescentiis adeo periculosis, & contagiosis stipatas, ut potissimæ urbis domus eis fuerint coinquinatæ: magna etiam incolatum pars, præsertim pauperum, utpote & competente victu, & necessariis remediis destitutorum, plane e medio sublata. Dictum siquidem fuit præterlapsum annum 1714. fuisse adeo sterilem, & insuper fructibus, quos protulerat, vitiatum, ut inde in corporibus ab eis nutritis alii succi progenerari non potuerint, præterquam morbofi. Accesserat & mortalitas animalium, quorum, etsi nondum actu ægrotorum, re ipsa vero tamen actu insectorum comestas carnes probabile est, etiam quidpiam ad humanorum corporum insalubritatem contulisse. Item inter plebem famem ipsam, quæ propterea tot mendicos ad urbem compulerat, ut non pauci eorum conquisito ibidem cibo saturati mox animo, & vita etiam in publicis plateis concidere visi fuerint, usque dum eis in publico Lazareto alias pro impostatis destinato, ex collectitia eleemosyna necessaria sustentatio a Magistratu suppeditaretur.

Petechiales, seu scarlatinæ illæ maculæ, quas vulgo petechias nominamus, vix apud ullum ægrum observabantur: morbillaceæ vero, alias rubeolæ dictæ, quales ego anno 1699. per æstatem hic grassatas fuisse Anno iii. mæ Chronolog. Med. §. XL. & seq. descripsi, communiter apud omnes, præcipue in dorso magis conspicuæ: quibus tamen non raro elevata quæpiam pustulæ instar variolarum interspergebantur, sæpe etiam discussis jam illis exanthematibus undecima morbi die, 14. vel etiam tardius superveniebant, miliares quædam pustulæ totum corpus densissime cum pruritu obsidentes: subinde vero hydatides, seu limpidissimo sero repletæ vésiculæ, eis ex asse simillimæ, quæ perfusione cutis aqua servidissima excitari solent. Et istæ potissimum post se traxere ægrî, utpote aliunde jam prius enervati, inevitabilem interitum, sicut illæ non facile.

Variolæ quidem, & morbilli etiamnum quoque adhuc una grassabantur inter infantes, & adultos, minori tamen cum sævitie, quam elapso Decembri, præter unicam monialem, apud quam variolis densissime perspersam usque ad duodecimam morbi diem securissime procedere videbantur; duodecima autem epidermis, seu extrema illa

illa cuticula, quæ veram cutim contegit, adeo elevata conspiciebatur per faciem & totum reliquum corpus, præcipue brachia, latentibus subtus variolis, ut ad humerum digitis apprehensa, per totum brachium uno detractû detrahi potuerit, idem puta de facie. Et ista 13. morbi die obiit. Plura hic mihi essent adhuc de epidemia hac valde multis fatali commemoranda: quod ea vero potissimum tetigerim in Chronol. mea Med. loco citato describendo febrim morbillarem apud nos anno 1699. similiter, etsi non adeo ferociter sævientem, benevolum lectorem eo ablego. Interea solum adhuc id hic adjiciens, quod epidemia isthæc malignitate parum a peste ipsa recedens tota hyeme, & vere, præcipue Majo mense; usque in Junium, qui erat amœnissimus, eatenus, in omnem ætatem, & sexum præsertim in quoad faciem ceterum sanissimos sævierit, ut tale quid nostra memoria hic Labaci adhuc nunquam fuerit observatum. Neque hoc solum hic Labaci, sed successive & per reliquam provinciam, præsertim circa Sitticium in parochia S. Viti, & circa Rudolphsbertum in parochia S. Ruperti, ubi maximam subditorum partem e medio sustulit.

Ex sexu muliebri tamen utero gerentes præ aliis impeerant, utpote communiter abortum passæ, & retractis a lochiali fluxu ad interiora exanthematibus. Idem fere puta de eis mulieribus, quibus mox in mali principio, aut sub ipsa exanthematum eruptione menstrua proruperant.

A Junio usque ad exitum Augusti erant fere omnia benigna; de variolis autem, & morbillis nec auditum quidem: e contra febres tertianæ, præsertim Octobri mense (quamvis is fuerit una cum Septembri, imo & Novembri, præter solitum amœnus) adeo contumaces, & inconstantes, ut post tertium, vel quartum paroxysmum communiter degenerarint in lentas continuas per plures hebdomadas, non obstantibus idoneis remediis, continuantes; ultimam vero rursus in intermittentes terminatæ: quæ vero erraticæ ægros apprehendebant, serius, aut citius in quartanas mutabantur, quas tamen omnes sequenti methodo, & remediis, propterea bene annotandis, feliciter cicurabam. Primo purgabam corpus ter, quater, vel quinquies (pro exigentia videlicet cacochymia, vel cachexia) communiter pridie paroxysmi (quia ea die tolerantius se habere solent ægri)

tali pitana. ℞. sol. sen. f. fl. ℥ij. salis tartari ℥ss. flor. viol. martial. passul. min. mund. an. p. 1. f. per noctem infusio in loco calido in f. q. aq. agrim. vel borag. vel aq. com. vel etiam in jure pulli pro colatura ℥iv. Mane prævia levi ebullitione f. expressio, & potio. Vel talibus pilulis. ℞. pil. tartar. Schroed. ℥ss. extr. gentian. cent. min. an. gr. iv. resin. jalap. pin. sub. gr. v. vel vij. m. cum tinct. tart. f. pil. n. ix. intermediis diebus fiat humorum digestio, & obstructionum reseratio. ℞. Essent. absynt. agrimonie, elixir propr. Parac. tinct. tartar. martis aperit. spir. sal. ammon. an. ℥j. m. dosis mane & vesperti gutt. xxx. ultimam. ℞. pulv. patrum ℥ss. conf. alkerm. ℥ij. antim. diaph. i℥. arcan. dupl. sal. absynt. cent. min. card. ben. ammon. an. ℥ss. m. cum conditura cort. citr. f. elect. molle. Dosis diebus apyrexias mane & a prandiiis tribus horis ante pastum castaneæ magnitudo, superbibendo aliquid aq. card. bened. vel vini melioris: die febrili autem eadem quantitas in declinatione æstus febrilis, continuando id saltem semel de die per 4. circiter hebdomadas etiam post expugnatam febrim, cum exacta diætz observantia.

Qua ratione autem feliciter cesserit februm malignarum, & petechialium curatio eis rusticis, de quibus mihi ex Comitatu Cilliensi perscripserat certus amicus, quod illi sese in summo febrili æstu frigida immergere soliti sint? Ego non capio. Quod vero pedibus, & reliquo corpore tumefacti ad potum cent. min. & immersionem pedum in aquam fimi detumuerint, ejus demum ratio reddi jam potest.

Anni 1716.

A Tricennio huc recorder, nos quidem varias hyemes ob non minus copiosas nives, quam asperam auram perdifficiliter superasse, in primis hyemem anni 1709. a me in Ephem. Nat. Cur. centur. 1. & 2. sub titulo: Constitutio anni 1709. descriptam; nullam tamen fere difficilior, quam cujus constitutionem nunc communico; hyemem videlicet currentis anni 1716. Ista siquidem vix aliquando, ab intercurrentibus brevissimis aultris aliquantum refracta nivium copia, & frigoris asperitate per totum adeo sævierat, ut æqui-

æquinoctium vernum, quod alias apud nos hyemis finis esse solet, longe excesserit, obque indefinenter furentes aquilonares ventos, indeque summa ariditate constrictam terram arbores, non nisi primo circa dimidium Maji in folia, & flores, idem putata de latis in aristas, erumpere siverit: exemplo alias nostra memoria nunquam viso, præterquam ante annos circiter 30. quo recenset certus septuagenarius illius hyemis frigus usque ad Maji exitum adeo insitisse, ut passim necesse fuerit sese a frigoris intolerabilitate signis excalescentis fornacibus tueri. Omnes tunc, addit dictus seniculus, desperaverant de satorum fere emortuorum, & frugum vel tolerabili ubertate; interea vero tamen consecutum fuisse annum adeo fertilem, ut is raros sibi habuerit pares. Quemadmodum idem ipsum inexpectata Dei benedictione factum admiramur & nos currente hoc anno.

A dimidio Maji demum prægressis pluviiis tempus vernum, & successive terræ viror, efflorescentiaque, quam vernam amœnitatem continuarat & Junius, cum Julio, & Augusto mensibus, terræ frugibus vel propterea opportunis, quod fertilibus, eisque brevibus pluviis sæpius ad colonorum votum interspergerentur. Siquè September jam nominatorum mensium temperiem saltem proportionate secundasset, uberiorem annum optare non potuissemus. Quod hic vero per totum fuerit pluviosus & frigidus, maturandoque sagotritico, nostrorum colonorum panis quotidiano, uvisque plane importatus; factum est, quod sagotriticum vix maturatum, uvæ vero plane fere non. Unde vina non minus pauca, quam ultra modum acerba, proculdubio in futurum colicorum, & arthriticorum, nec non aliorum ab acido, & austro oriundorum, affectuum causa extitura. Arborei fructus e contra, præsertim poma, fuere copiosissima.

Veluti exhaustis demum per pluviosissimum Septembrem nubibus autumnus subsequutus fuit præter morem & expectationem acceptus, terra nivibus non nisi 11. Decembris, cum intenso tamen frigore, cooperta.

Hinc humana corpora sicut per hyemis decursum multum fuere ab omnis generis defluxionibus perpeffa, ita verno tempore præsertim a pectoris affectibus; adeo ut de actu phthisicis nemò mortem evaserit: plu-

Syden. Opera Med. Tom. I.

rimi aiii vero eidem obnoxii prima sibi ejusdem injecta fuisse fundamenta etiamnum deplorent. Per reliquum anni decursum vero demum fere meræ indispositiones sporadicæ.

Qualis erat, ut saltem unam vel alteram curationem pro usu medico subjungam, heruli illius, qui pridem cachecticus, & scabiosus veluti repente fuit a scabie per se liberatus, inciderat e contra in vehementes hepatis puncturas, febrem acutam continuam, sitim, tussim, vigilias &c. Huic præmissis clystere fuere sanguinis ex basilica brachii dextri emissæ uncia v. Hinc pro febris sufflammatione talis pulvis bis quotidie introsumendus datus. ℞. spec. de frigidis, diatrag. frig. antim. diaph. ocul. 69. ana gr. v. nitr. perl. gr. iij. m. f. pulv. Et ab extra præmissa unctione ung. de alth. anodyn. & ol. viol. iterato superpositum tale cataplasma. ℞. Herb. malv. althæ. melil. flor. ros. rub. ana m. j. herb. hyosc. m. f. farin. sem. lin. scœnogr. ana ʒj. m. dentur minut. concisa pro sacculo in lacte decoquendo. Et intra novem dies, obortis interea sæpius sudoribus, habuimus levamen desideratissimum; adeo ut aliis ulterius non indiguerimus, quam corporis expurgatione, & quibusdam levibus bechicis.

Item certæ Comitissæ dysuria cum intolerabili regionis vesicæ sive a simplici urinæ acrimonia, sive a viscositatibus (de arena siquidem nihil fuit animadvertum) oriundo dolore: quæ tamen infra 12. horas cesserat (frustra prius applicatis quatuor clysteribus, tot unctionibus, & cataplasmatibus ex parietaria &c. combinatis) ad alij extra applicatam dolenti regioni theriacam ol. scorpion. Matth. perispermam & ad introsumptam ex vino ʒj. radice pareiræ bravæ ante biennium per Germaniam à D. Lochnero, Illust. nostræ Academiæ direttore, divulgatam. Post trium circiter hebdomadarum intervallum in idem malum reciderat eadem Comitissa cum urinæ cruentæ excretionem, & eadem ipsa remedia experta fuit sibi fuisse sicut prius, maximè proficua. Suavissime siquidem urinam promovet laudata radix quomodocunque introsumpta, per se, vel cum aliquot granis salis genistæ, & ejus acrimoniam cum admiratione temperat. Quemadmodum id expertus fui quoque in metemipso, & primò his diebus apud nephriticis doloribus detentum Jesuitam.

X x x

Et

Et denique, ut alias præteream, arthritidis illa, quam vehementem patiebatur certa puella, intra paucos dies his solis liberata: primo purgabatur hoc bolo specifico, & propterea mihi in arthritide familiaris. ℞. elect. caryocost. ℥iij. spec. diatreb. Myns. ℥j. m. cum sacch. f. bolus. Hinc ex ischiatica pedis miseram ℥v. sanguinis, & sudabat, quotidie ad hunc pulverem itidem specificum. . . Pulv. march. oss. microcos. phil. præpar. antimon. diaphoret. ana ℞. cinnab. nat. præpar. gr. iij. m. f. pulv. qui mane sumatur ex decocto theæ cum decocto ligni sassafr. visc. querc. & rad. liquir. facto, vespere vero ex aqua beton. Et convaluerat intra dies duodecim.

His ipsissimis remediis recordor me pluries curasse quoque dolorosissimas ischiaticas, solis adhuc subinde in subsidium vocatis cataplasmatibus, seu fomentis anodynis, Est hæc cura compendiosa, commoda, & tamen, si continuantur, magis, quam quis sibi persuadere possit, efficax.

Anni 1717.

QUantum ad annorum salubritatem, & humanorum corporum valetudinem conferat regulata suis temporibus proportionata æris temperies, jam toties a nobis dictum est, præsertim in chronol. nostra med. Id quod equidem etiam manifeste comprobavit ad finem decurrens annus 1717. Insuper, quod hyeme fuerit competenter frigidus, præterquam circa Februarii dimidium, quo frigore eatenus exhorrescebat, ut inde vel arbores ipsæ fuerint notabile damnum perpeisse, præsertim molliores, quales sunt perficæ; vere temperatus: æstate saltem Junio, & Julio mensibus æstuosus; quamvis, quantum publica nova peregre retulerant, alibi insolenter tempestuosus: autumnio fore veris instar amœni, humana corpora per totum adeo bene valere, ut Medicis fere nullum negotium facerent, nisi circa sporadice patientes. Unicuique occurrerat, quod videbatur quibuspiam quid ex aëre forte ab astris taliter infecto suam originem traxisse, epilepticæ nimirum convulsiones, quæ Septembris mense intra eclipsim lunarem, & solarem plures, homines unis iidemque diebus præter omnem expectationem adortæ fue-

rant. Duorum talium cura mihi obtigerat: tertii alteri meo collegæ. Duo mei opo divina fuere feliciter ad sanitatem perducti: tertius ille, qui puella septennis erat, e medio sublatus. Duo illi mei non nisi primo exacto integro triduo aliquantum ad se redire & titubanter fere incipere fuere observati: tertiam illam autem, uti dixi, quarta morbi die succumbere oportuit; num tamen revera, uti multis credebatur, ad eorum internecionem quid contulerint memoratæ eclipses? Astronomi cultores certius dijudicare noverint. Interea mihi remedia, quæ meos duos pristina valetudini restituisse videbantur, breviter specificare lubet, forte in simili casu quoque aliis servitura. Primum autem, a quo curam auspicandam esse judicaveram, erat applicatio ex acrioribus, specificisque confectis clysteriis. Secundum, & priusquam clyster præpararetur, cochleatim propinandum mixtura hæc antiepileptica: ℞. Aq. hirundi comp. cum castor. epilepticæ Langii, ceras. nigr. flor. tiliz an. ℥℥. liquor. cc. succin. ℥j. essent. anodyn. gr. IX. m. f. potio. Tertium & seqq. frictiones crurum deorsum versus, perunctio verticis ungu. alabastrino cum ol. rutæ, cran. hum. & succin. commisto. Sextum columbarum, & pullorum vivorum recens per dimidium dicerptorum vertici raso iterata applicatio, 7mum naribus. 8. volat. succini admorio, nec non pulv. sternutatorii per pennam in nares inflato, successive vero, & postquam ægri jam nonnihil sese recollegerant, faciliusque quid introsumere poterant, pulvis march. spec. diacinnab. Myns. & 9. volat. succini. Ultimum etiam corporis expurgatio. Quæ singula quidem etiam sæpius iterare oportuerat, quin & alteri eorum, quæ puella 17. annorum erat, & mensuris deficiebat, venam in talo secare, priusquam pleno convaluerint.

Puella illa septennis a 4. hebdomadis prius febricitans, erat post mortem cultro anatomico subjecta, & deprehensum, quod ejus cerebrum quoad piam matrem fuerit undique multa viscositate obductum, quoad ventriculos autem plurimo, eoque procul dubio acri sero, seu lymphâ repletum; unde vellicatum nervorum principium conjecturabatur convulsionum illarum immediata extitisse causa, meatuum cerebri a sero illo inundatio autem mortis ipsius. Prouti ea de re perspicaciter D. Anton. Pacchionus Regienus Medicus Romanus in

Epist.

*Epist. de glandulis conglobatis dure Menin-
gis ad Magnif. D. D. Lucam Sdhroeckium
data in Ephem. Nat. Curios. Dec. 4. An. 1.
& II. App.*

Hinc mihi, uti reor, non vane persua-
debam quoque meos duos ægros ex simi-
lima causa idem ipsum malum primitus
contraxisse. Primus siquidem, qui vir
obesus erat valde, bibulus, & pridem
quoad memoriam defectuosus, ad fauces
tantas a capite defluxiones patiebatur, ut
nisi ei injectionibus per os (postquam is
jam aliquantulum sese recolegerat, & os apo-
rire poterat) tempestive succursus fuisset,
ei infallibiliter vel ex solo hoc accidente
intereundum fuisset. Adhærebant siquidem
frustatim utrinque circa uvulam & fauces
ab aëre, qui ob obstructas nares inspiran-
do saltem per os attrahebatur, indurata
phlegmata nonnisi dictis injectionibus, &
gargarismis inde avellenda. Frequenter
etiam simillima sputa ejiciebat. In puella
quidem ista causa sese non adeo clare ma-
nifestabat; conquerebatur tamen, postquam
ad se redierat, de gravitate quadam oculo-
rum, obturatione aurium, & aurium;
ac sic eo ipsi aliquid defluxisset, qui oculi
etiam ipsi diu postea debiles, & vacillan-
tes, præque fibrarum muscularium a sero
relaxatione veluti confluentes permanserant.
Communitè forte & apud alios similium
convulsionum causa est similis cerebri a ni-
mia, eaque acri lymphæ inundatio, & pro-
pterea ei revellendæ, & discutiendæ nihil
æque prodesse solet, quam tempestive nu-
chæ, brachiis, cruribusque, vel ipsi etiam
raro vertici adhibita vesicantia, quæ causa
forte etiam Florentinis est, quod infantibus
suis vix natis, ut eos ab epilepticis in-
sultibus, quibus illi endemice obnoxii
esse solent, præservent, nucham actuali
igne adurant.

Recordor etiam in aula Averspergica ante
annos ex epilepsia defunctum infantem, &
postea anatomico cultro in mea præsen-
tia subiectum cerebrum simillime habuisse
constitutum.

Reliquos affectus, qui mihi alias per
anni decursum occurrebant curandi, tracta-
bam feliciter methodo, & remediis in Chro-
nolog. mea medica notatis: puta febres,
arthritides, colicas, hæmoptyses &c. Ra-
rius tamen quid observaveram in duobus
subjectis circa pulsum: nimirum quod unus
eorum melancholico-hypochondriacus qui sa-
uus communiter habuerit pulsum adeo tar-

dum, ut priusquam subsequens pulsus con-
sequebatur antecedentem, facile apud aliunde
sanum tres pulsationes præterierint: qui
tamen postquam elapso Augusto in febrem
malignam incidisset, pulsum habuit adeo
frequentem, & per omnes vitiosas differen-
tias varium, ut talem nunquam observa-
verim. Propterea mox adhuc in principio
morbi exitum prædixeram. Tam notabiles
siquidem naturæ a connaturali statu reces-
sus non possunt, nisi pessima quæque omi-
nari. Vir alias erat robustus, & in actio-
nibus suis accuratus, sed tardissimus, sæpius
vertiginosus, & subinde leviter insultibus
epilepticis obnoxius.

Alter vero similiter robustus cum in fe-
brim similem incidisset, in decimum usque
diem pulsum, & urinam præ se tulerat
adeo ordinatum, & naturalem, ut nisi con-
trarium suavissem pessima quæque, quibus
una detinebatur, symptomata, virium ni-
mirum ingens prostratio, linguæ ariditas,
inquietus somnus, delirium, tendinum sub-
sultationes &c. eum quis nullatenus febrici-
tasse, neque singulari periculo fuisse sub-
iectum credidisset: qui 13. morbi die su-
pervenientibus convulsionibus tamen suc-
cubuit.

Adeo parum subinde fidere licet etiam
optimo pulsui, & urinae, nisi reliqua ei bo-
nitate corresponsdeant, parum etiam de
præsentia, vel absentia febris edicere; quan-
tumcunque febrium præsentia vulgo com-
muniter arguatur vel ex sola pulsus fre-
quentia, & inæqualitate; ubi vero hæc
duo non animadvertuntur, ibi hoc ipso
non censeatur adesse febris.

*Constitutio Epidemica Ferrariensis
Anni 1715.*

Dr. D. JOSEPHI LANZONI.

Postquam annis proxime elapsis lues
pessima boves miserabiliter invasit,
atque copiosissimi imbres tellurem inqu-
naverunt nostram, totumque agrum Ferra-
riensem stagnantibus aquis pessime viriatum
vidimus, ita ut semina futura messis pro
majori parte deperdita fuerint, unde cari-
tas, ac inopia anni 1717. surrexit, facta
est etiam sanitatis lætūra.

Martio mense vix inchoato, magnus bu-

X x x 2

sonum & ranarum numerus observatus est, & crescente vere innumerabilis culicum, vermium, serpentum, muscarum, papilionum, locustarum, erucarum, aliorumque insectorum copia super terrarum faciem apparuit, & liberum aeris campum occupavit, ex quo nonnulli multas ægitudines in humano genere prædixerunt. Verno etiam tempore adhuc corrente maximi solis æstus in Maji fine corpora nostra vexarunt, mox aura nebulosa, & humida, dolorum dentium, capitis, & rheumatis pars surrexit, quæ tamen brevi in multam est mutata serenitatem. Accessit Junius, & summis caloribus corpora nostra affecit; hinc exordium habuere febres quædam, quæ prima facie tertianæ simplicis notam præferebant, mox duplicate pertinaciter utrumque sexum omnesque ætates invadebant; primo enim rigor incipiebat, qui ad plures horas durabat, vomitus amari succi aderat, cardialgia, dolor capitis, & eximia succedebat sitis; in multis tormina, & ventris fluxus, in aliis summa alvi stipticitas, inappetentia in omnibus, ac vigilæ aderant. In tali, ac tanto autem numero febres istæ invadebant, ut nulla Religiosorum tamnarium, quam sœminarum Monasteria, nullus denique in urbe locus fuerit ab hoc febrili incendio immunis. Miserandum erat videre unum vix in domo ægrotare, dein paucos post dies totam febricitare familiam; sic cœnobîa, xenodochia videbantur, & rura repleta febricitantibus, in timidis nonnullis ac effeminatis contagionis timorem creaverunt, ægrotantes crescebant in dies, & sine salute primorum, numerum augebant secundi, ut vix sufficerent Medici ad tantas ægrotorum visitationes; dies enim licet æstivus ad tale ministerium brevîs erat. In curatione talium febrium primo lenitiva proponebantur ad educendas pravas materias in primis viis hærentes, & hoc die pari, & vacua fiebat; elapsa autem impari, in qua febris redibat, venæ sectio celebrabatur; sed hic notavi, die talis remedii, quo febris, quia tertiana, abesse debuerat, accessionem duplicatam, & ex simplici, duplicem factam fuisse, & continuam, sicque majus minari periculum; quæ experientia edocuit, impossitum nunquam in talibus curandis febribus venam secari jussu, sed ubi opus erat, cucurbitulas scarificatas tantummodo applicari mandavi; alterantia, cordialia, clysteria, narcotica, diuretica, & sudorifica incassum semper fuere

administrata; imo summum illud remedium nempe cortex chinæ chinæ, per plures dies exhibitum, parum aut nihil præstabat auxilii; sive cum vino generoso, sive in bolo cum syr. absynth. confecto in decoctione, tinctura, extracto, syrupis, in rotulis, aliisque modis exhiberetur. Medicorum aliqui istum pulverem cum rhabarbato, zedoaria, gentiana & centaurio min. mixtum dederunt, aliique pulverem corticum fraxini, & corticum aurantiorum, baccarum juniperi similiter experti sunt. Si in aliquibus cessabat febris redibat, ac ter & quater recidivam patiebantur ægrotantes. Ego & uxor mea dilectissima, sub Augusti finem ab hac febre correpti, usque ad Novembrem ea laboravimus. Sic inter alios sub festo Paschatis Clariss. Dn. Hieronymus Barusaldus Philosophiæ Doctor Excellentiss. atque amicus meus suavissimus, pertinacissimam hanc febrem, pravis stipatam symptomatibus, usque ad æquinoctium autumnale fuit passus; ego optima instituta victus ratione, & ad plures dies assumpto vino generoso, in quo chinachinæ infusa fuerat, tandem convalui; uxor vero mea, quia purgata, & aliis pharmaceuticis remediis usa est, sanguine etiam e vena pedis emissio ad febrem cicurandam, semper in pejus ruebat, & majores patiebatur febriles insultus. Modo quartanæ duplices apparebant, modo simplices, hinc tertianæ redibant, inde duplices fiebant, iterum quartana, imo in aliquibus de septima in septimam diem revertebantur febres, pertinacem, & malignam semper servando naturam. Observatum est, nonnullos aërem mutavisse, aliaque loca petivisse, ibique morantes sanitatem recuperasse. Reversi vero Ferratiam, illico a nova febre vexati sunt.

Pauca fuere funera, sed longissimæ convalescentiæ, hinc in multis obstructions abortivæ, in aliis crurum, & pedum intumescencia; in aliquibus ictus, surditas, tremor, ac scabies, signa erant infirmitatis elapsæ. Notatum fuit in pejus semper ruere ægrotos, atque recidivare facilliter, spirante euro, qui ventus pertinaciter ad plures dies perseverabat. Causam inquirentes nonnulli, nimium sideribus tribuentes, putaverunt, stellarum influxum malignum, primo boves, inde homines affecisse. Alii calorem æstatis nimis intensum, longum, atque molestum accusabant, quatenus extenuando corpora, & humores fundendo, nec non ipsos spiritus dissipando, hujusce natu-

naturæ febres excitaret. Multi in vino causam horum morborum latitare autumabant, eo quia anno elapso 1714. ob cæli inclementiam ex uvis fere immaturis vinum aciditate abundans confectum fuerit, quod assumptum crasum humorum, ac fermentorum vitiando tales febres excitaret. Non pauci cadavera bonum, lue pessima anno elapso denatorum, & hinc inde passim sepulta, causam istarum calamitatum agnovere: dicebant enim, particulas nobis insensas, ac mortíferas cadaverum corruptione elevatas, atque per porositates terræ ad ærem inquinandum sublevatas infectionem in humoribus nostris peperisse. Nec desuerunt, qui nimis creduli hanc pessimam constitutionem a fascino & maleficarum artibus diabolice provenire crediderunt. Aliqui, cum quibus ego facio, cogitaverunt causam harum febrium internam fuisse humores viscidos atque tenaces, concoctu difficiles, ac vix separabiles, nec sine longo tempore consumi aptos, externam autem causam in vitio terræ constitutam esse, cum annis elapsis, ex copiosis imbris, & fluminum diluvie, tota facies nostræ telluris testis apparuerit, & per consequens viscera ejus coinquinata a stagnantibus aquis fuissent, unde infectæ ex pravis humoribus herbæ pascua nociva exhibuerint. Ex hoc morbi animalium, arborum multarum obitus, rubigo segetum orta, particulae enim nitrosulphureæ assidue elevabantur, & fructus adhuc tenellos & uvas nondum maturas adurendo, spem colligendi alimenta furabantur; quin puteorum nostrorum aquæ, quibus juscula, pultes &c. conficiuntur, particulis istis imbutæ, vitium cum alimento præstabant. Qui exactam vivendi normam observabant, sæpe pejor vexabantur, quam illi, qui diætæ regulas aspernati, omnis generis cibaria pro libitu ac voluntate assumebant. Aliqui intemperantes, ante accessionem largam vini generosi quantitatem potabant, ac inde se ad somnum & sudorem componebant, & nonnulli tali modo sanitati sunt restituti. Alii omnimode se abdicarunt a vino, absque ullo fructu: febres enim pari pertinacia procedebant, atque diætam, quantumvis regulis propriis exercitam, eludebant. Ad effugiendam pessimam hanc constitutionem ad rura ibant non pauci, verum quia agri nobis vicini, eadem valetudine afficiebantur, parum utilitatis experti sunt. Qui vero extra nostra confinia proficiscebantur, atque vel

Bononiam, Mantuam, Patavium, Veronam, Venetias, atque Romandioliæ urbes pergebant, ii sanitatem facile recuperabant. Non minus accidit nonnullis, qui tædio affecti ad exterarum urbes se contulerunt adhuc febricitantes, ut absque alio remedio pristinam recuperaverint sanitatem, & benevalentes in patriam redierint. In puellis passim observabatur in præsentī constitutione magna lumbricorum copia; per vomitum enim & per secessum vermes in februm exordio prodibant, & multi pueri ex hac peste denati sunt. Hystericas insuper affectiones in fœminis, talibus febribus conjunctas præter modum notavi, earumque insultus fortiores, atque frequentiores maxime in febris principio, & augmento. Fructus pene omnes verminosi, ac ingrati saporis, ita ut bonæ substantiæ fuerint illi soli, qui ab exteris ad nos mittebantur, & præsertim illi optimi succi erant, qui a Patavinis montibus veniebant. Postremo tandem observavi per publicas nostras vias, per vicos, & plateas, si quid aquæ, aut alterius humiditatis, ad paucos dies permaneret, viridem colorem, ac fœtorem emittere, quod non tam facile annis transactis eveniebat. Faxit Deus, ut hæc terminante anno 1715. finem habeant, atque meliorem anni venturi 1716. constitutionem possimus sani describere.

Annorum 1716. & 1717.

FRigus hyemalis quod 1715. mense Decembri incœpit, anno etiam 1716. usque ad mensem Martii perduravit; multæ nives, cum ventis borealibus super faciem terræ glaciem ad multas hebdomadas conservarunt, & licet remissum sub Martii finem videretur frigus, attamen recruduit mense Aprili, & usque ad Majus non cessavit. Itaque hoc durante frigore, gravedines multæ, ac pleuritides observatæ; quinimo oculorum inflammationes passim obortæ & pertinaces adeo extiterunt, ut nonnullæ ad mensem usque protractæ, patientes vexarint. Ver accessit, & imbres frequentes tellurem infestabant nostram, flumina augebant, & segetes nimio madore irrigabant; si vero muratis ventis serenitas apparebat, vix sol igne suo terram fovebat, statim elevatis aqueis vaporibus nebulae densissimæ obortæ sunt, hinc nata in homi-

hominibus surditates, apostemata, & vagi dolores cum flatibus. Æstas calidissima ineunte Junio derepente invaluit, unde multæ tertianæ febres, tam simplices, quam duplices abortæ sunt, cum nausea, vomitu materiæ amaricantis, capitis dolore, ac immodica siti, quin imo nonnullos tertiana perniciofa vexavit, quæ omnes opechinæ sanata, prius tamen leviter alvo exonerata. In autumnii primordiis pluvia multa, qua cessante, serenitas usque ad Kalendas Decembris continuavit, ita ut semina terræ bono omine tradita, & magna uværum copia feliciter collecta, vinaque optima reposita fuerint. Hoc autem tempore, salubritas aeris, corporibus humanis bonam valetudinem impertita est, ita ut præter aliquas leves quartanas, & placidas erraticas febres, nil aliud mali quoad salutem Ferrariensibus acciderit; solummodo notatu dignum fuit, autumnii tempore, multas gravidas abortum passas fuisse sine ulla causa manifesta. Decembris sanus exitit.

Terminato Decembri, mensis Januarii ingreditur anni 1717. & frigus primo remissum apparuit; at die huius mensis undecima, aura septentrionalis rigida advenit, & tam fortiter agitavit auras, ut quædam arbores, quidam muri ab ejus impetu, erutæ, ac collapsi ruerint. Quatuor dierum spatio borealis hic ventus dominatus fuit, quo cessante illico magna nivis copia descendit, inde frigida serenitate favente, usque ad secundum anni mensem nives perduraverunt, mox aura dulciori reddita, dissolutisque nivibus, sub finem Februarii frigoris sævities evanuit. Hoc vero tempore, angina multæ, colici dolores, ac febres catarrhales ubique debaccharunt, imo epidemia in infantibus tali hyeme incepit variolarum, quæ postea toto anno 1717. miserrime perseverans puerorum stragem multiplicavit, & quod notabile fuit, huius anni hyems, quoad morbos, plus juvenes, quam senes affecit; horum enim vix unum aut alterum curandum habui. Ineunte vere multæ nebulae densiores observabantur, quæ tandem in pluvias terminabant. Sequebatur, imo semper major fiebat epidemia variolarum in puellis, ac nonnullæ malignæ febres abortæ sunt, quæ in principio leves apparebant, progressu tamen temporis sinefæ, ac mortales manifestabantur, ex quibus febribus quatuor nostri medicinae Doctores, præter alios denati sunt, primus Dn. Andreas Zuffi, alter Dn. Joseph Vac-

carius, juvenis optimæ spei, tertius Dn. Cæsar Lollius discipulus meus, & quartus tandem Dn. Franciscus Salmius, ætatis annor. 56. compater meus honoratissimus, & omni scientiarum genere instructus. Partus difficiles multi, & multæ pariter icteritæ. Accessit æstas, cujus mensibus magna siccitas, & austrini venti calorem augebant; sequebantur malignæ febres, atque nonnullos vexabant tertianæ duplices melioris notæ, cum vomitibus in principio accessionis, ac dolore capitis sævo, qui non nisi declinante febre mitescebat. Mense Augusti nonnullæ occurrerunt dysenterix, quæ tamen Deo adjuvante sanatae omnes fuere. Erat miserandum cernere quodidie infantum cadavera variolis enecata ad tumulum deferri. In principio Septembris cælum mutavit faciem, & calore remisso, aquas dedit salutares ad terram irrigandam, sic maligna febrium constitutio mitigata fuit, & tantummodo subortæ vertigines, tussis, ac gravedines. Increcente autumnio iterum serenitas rediit, atque aureis solis radiis toto Octobris mense gavisus sumus. Cæteris, Bacchi, ac Pomonæ dona hoc anno non modica fuere collecta, & valetudines paucæ homines male habuerunt; non ita tamen in bobus, ac suibus accidit: in illa quippe animalia mors falcem immisit; unde timor colonos invasit, ne epidemica lues in bovino genere anni 1713. resurgeret, & lacrymas iterum excitaret.

Cæterum præter dictas febres, & magnam variolarum copiam cum lumbricis in puellis, annus 1717. salubris dici potuit, nullæ enim apoplexiæ, paucæ quartanæ, in minima copia scabies, ac articulorum dolores. Mense Decembri hyems apparuit, sed parum ab autumnio differebat, frigus etiam tolerabile, ac mite observabatur. Quod vero notabile fuit hoc anno, exitit ventorum frequens copia, unde pericula multa, imo naufragia in mari Adriatico ad nostra ora, & Pado, aliisque nostris fluminibus acciderunt, subversi enim navigii mercès non tantum, sed homines effamiserabiliter deperditi fuere. Æstivo tempore magna insectorum copia segetes infestabat, ac hominibus ruri præsertim degentibus molestiam inferebat. Arthriticos annus præsens modice infestavit, & leviter tantum tacti, cito ad consueta exercenda munia redibant. Ardente sirio multi canes in rabiem perciti fuere, quod aliis annis initius venire observatum fuit. Parturientibus,

fibis, ac puerperis Lucina favit, ita ut vix una puerperii vel partus tempore obiecit; hystericas affectiones, ut plurimum mites, & magis in juvenibus, quam senibus, tusses, & gravedines in autumnii principio, hypocondriacis, ac melancholicis præsens annus nec profuit, nec nocuit; eorum enim ordo parum consilia Medicorum imploravit, unusque ex illis tantummodo gradum fecit ad maniam, nonnullæ observatæ fuerunt icteritiæ flavæ, absque præviis morbis, vel doloribus ortæ, quæ tamen adeo leves fuerunt, ut absque læsione actionum non solum apparuerint, verum sine ullo prorsus remedio evanuerint sponte; istæ autem potius in juvenibus, quam in senibus observatæ sunt. Lue venerea affectos pessime vexatos vidimus, & multos ex hac peste mortuos, licet multa tentaverint remedia, & ad usum ipsius mercurii desperati confugerint; sic postremo Andreas Pareschius Ferrariensis gallica lue affectus post decocta salsæparil. Ligni Guajac. & sudoribus tentatis, tandem ad mercurialem unctionem desperatus advenit, quæ admissa gingivæ, linguæ, aliarumque

oris partium gangræna suborta, miserabile veneris sectatoribus exemplum, ultimam clausit diem; in Sanctimonialibus paucissimi morbi, & Regularium Religiosorum sacerdotum nonnulla tantum funera; nosterque Antistes Cardinalis de Verme ætatis ann. 77. febris maligna correptus sancte obdormivit in Domino, in cujus cadavere reperta sunt pene omnia viscera sana. In aliquibus nostri suburbii locis nonnullæ febres malignæ peticulares, & contagiosæ naturæ, uno enim ægotante, brevi temporis intervallo tota simul ægotavit familia; hæc tamen influenza trium tantummodo mensium spatio perduravit; accedente enim autumnio omnino evanuit. Impetigines multæ in fine Novembris adultos affecerunt, quæ usque ad anni finem pertinaciter duravere. In principio Decembris ophthalmiæ multæ, pertinaces tam in maribus, quam in sceminis. Observavi tandem in multis pauperibus sola dicta multas febres sanatas, sicque cum Jo. Damasceno in ultimo aphorismo concludendum, *Dieteticam medicinam præstantiorem esse pharmaceuticam, & chirurgicam.*

FINIS TOMI PRIMII.

I N D E X

RERUM ET VERBORUM

T O M I P R I M I.

A

A *Bortus* curatio. Pag. 420.
Acupunctura in Hydrope rejicitur. 313.
Aër terrenis effluviis inquinatus Epidemicorum morborum causa. 1. 328.
Aëris dispositio sola Pestem vix potest suscitare. 30. 31.
Aëris manifestæ qualitates morbos Epidemicos varie moderantur. 1. & 2.
 Non tamen eos producant. *ibid.*
Aëris mutatio in febribus chronicis nonnumquam valde est salutaris. 20. 21. 23.
Aëris mutatio quo tempore fieri debeat. *ibid.*
Aëris occultum quoddam vitium varios gignit morbos. 60.
Affectus quidam scorbuti nomine perperam insigniuntur. 103. 104.
Alba profluvia, vide Fluor muliebris.
Alexipharmaca plerumque calida sunt. 23.
Alexipharmaca occulta quadam indole agere necdum constat. 34. 35.
Alexipharmaca sudores solum movendo videntur operari. *ibid.*
Allium laudatur in hydrope incipiente. 312.
 In Variolis confluentibus pedum plantis admovendum. 249.
Alvi profluvium & vomitus a sudore sedantur. 38.
Amentia sive Mania post febres intermittentes autumnales. 28.
Ambustorum curatio optima linteo madefacto in spiritu vini. 101. 426.
Anatomie quænam notitia Medico necessaria. 308.
Anethum non semper proscribit singulurum. 16.
Angina a quo aëris temperamento plerumque oriatur. 106.
Anginæ descriptio. 411.
 Curatio. *ibid.*
Anginæ Epidemicæ. 95.
Anicula Medicorum Simiæ stolidæ ac infelices. 47. 48.
Anima mundi. 39.
Animi pathemata spirituum systasin solvunt. 297.

Anorum constitutiones variæ ab occulta aëris alteratione. 2.
Anodina. 246. vide Paregorica.
Antimonialia Emetica nunquam tuto exhibentur puerulis infra adolescentiam constitutis. 10.
 Neque tuto præbentur, nisi probe diluta fuerint. *ibid.*
Aphtæ in Dysenteria. 61.
Aphtæ febri supervenientes quomodo removendæ. 323.
Apoplexiæ curatio. 415.
Apossemia quid sit. 55.
Apossematis cum febre analogia. *ibid.*
Apozema aperiens & antiscorbuticum. 403.
Apozema pectorale in Pleuritide. 98.
Apozematis post febres autumnales usurpandi formula. 26. 27.
Appetitui ægrorum licet incongruo sæpius indulgere oportet. 244.
Aquæ cardiacæ temperatæ. 62. 63.
Aquæ destillata in Podagra. 291.
Aquæ menthæ in vomitu egregie confert. 17.
Aquæ minerales cur non in omnibus ventris torminibus salutes. 224. 225.
Aquæ minerales multum vitandæ in gonorrhœa. 224.
Aquæ minerales ferreæ quando hysteriis præbendæ. 263.
 Cum non transeunt, ab iis plane abstinendum per diem unum alterumve. *ibid.*
Aquæ minerales eadem in quibus calculosis tuto usurpentur. 376. 416.
Aquæ minerales quibus Podagricis minus convenient. 376.
Aquæ rosarum capiti applicata vigiliis medetur. 15.
Ars Medica valde adhuc imperfecta. 119.
Arthritis. 101.
Arthritis naturæ medicatricis instrumentum. 2.
Arthritidem præcedentia & consequentia symptomata scorbutica mentiuntur. 102.
 In Arthritide materiæ morbificæ recursus summe noxius. 34.
Asthma siccum. 101.
Asthmatis inveterati curatio. 427.
Astr.

Autumno humores sunt viscidiores quam hyeme. 19.

Authoris integritas. 217. 218. & *passim*

B

B*otanica* sensuum testimonio debet inniti. 6.

Bubones in Peste. 34. 35.

Bubonum in Peste exortus. 55.

Bubo pestilentialis interdum ex improvviso disparet. 56.

C

C*æci* dantur meatus ex abdominis cavitate in intestina. 307.

De Calculo humano Martini Listeri dissertatio medicinalis. 386.

Calculus renum prævenitur copiosæ cerevisiæ tenuis sub noctem computatione. 296.

Item potu dietetico loco potus ordinarii. *ibid.*

Calculi magnitudo ureteris capacitatem haud superans quomodo cognoscatur. 376. 416.

Calculi curatio. 301. 416.

Manna in sero lactis solum commendatur. 374.

Laudantur & aquæ chalybeatæ, nisi major calculus renum adfuerit. *ibid.*

Calculus renum simulans affectus. 76.

Calculus vesicæ simulans affectus. 77.

Ejusdem memorabile exemplum. *ibid.*

Vulgaria contra calculum vesicæ remedia hic nocebant, proderat vero narcoticum. *ibid.*

De Calculo vesicæ disputatio medica sub Præclarissimo viro Carolo Drelincurtio habita. 377.

Calor Adolescentulorum juxta cubantium interdum debilibus mire confert. 14.

Canis rabidi morsus. 427.

Curatio. *ibid.*

Capillorum abrasio in Phrenitide confert, & cur. 322.

Cardiaca quibus conferunt, & quo morbi tempore exhibenda. 11. 12.

Cardiaca moderata. *ibid.*

Eorundem formulæ. *ibid.*

Cardiaca generosa. 28.

Cardiacorum virtus. 22. 25.

Cataplasma in Rheumatismo. 102.

Cataractæ Epidemici anno 1675. 78.

Catharticorum exhibitio nimia in plurimis affectibus noxia. 261.

Catharticum pro infantibus tenellis. 327.

In Catharticis exhibendis cautio perquam necessaria. 261.

Cerevisia purgativa. 403.

Chalybs, vide de ejus usu in hystericis affectibus. 260. 261.

Syden. Opera Med. Tom. I.

Chalybs cum nihil profecerit in morbis curandis, aquæ minerales ferreæ adjuvanda. *ibid.* & *seq.*

Cumque istæ minus conferant, aquæ calidæ sulphureæ, quales Bathonienses, adjuvanda. 263.

Chlorosis quomodo curanda. *ibid.*

Cholera morbus quo anni tempore invadere solet. 418.

Quandiu grassetur. *ibid.*

Ejus descriptio. *ibid.*

Curatio nec catharticis nec adstringentibus molienda. *ibid.*

Quo pacto perficiatur. *ibid.*

Cholera Epidemica. 111.

Ejus curatio. *ibid.*

Cholera sicca. 418.

Chorea Sancti Viti. 415.

Chronici morbi indigestionibus debentur. 292. 293.

Modus quo gignuntur. *ibid.*

Quomodo cum præveniendi tum curandi. *ibid.*

Qualis interim diæta observanda. *ibid.*

Chronici morbi plures scorbuti larvam gerunt. 105.

Chymia quousque utilis. 257. 258.

Chymica morbos non ita mire debellant. *ibid.*

Chymica præparatio medicinas deteriores sæpe reddit. 259.

Cicatrices Variolarum illitionibus nequeunt præcaveri. 51. 52.

Cicatrices Variolarum regimine moderato præcaventur. *ibid.*

Cicatrices Variolarum præcavendi ratio. *ibid.*

Clyster in Diarrhœa. 16.

Clysteres in soporosis affectibus valde utiles. 80.

Clysteres in quibusdam colicis plus nocent, quam prosunt. 74. 75.

Clysteres in senum febribus minustuti. 13.

Clystere summi tabaci commendantur omnium potentissimi. 326. 419.

Clysterum frequens usus in febrium declinatione vitandus. 13. 14.

Clysterum frequens usus in hypochondriacis & hystericis nocet. 56. *ibid.*

Coctæ non cruda sunt medicanda. 328. & *alibi passim*

Colicæ biliosæ & hystericæ quam diversæ esse debeant curationes. 418. 419.

Colicæ biliosæ descriptio. 73. 74. 419.

Causa. 75.

Curatio. 76. 77.

Enemata nullius hic usus. *ibid.*

Equitatio in declinatione laudatur. *ibid.*

Diæta. *ibid.*

Colicæ Hystericæ descriptio. 419.

Y y y

Ana-

- Anodyno sedatur interdiciis venæ se-
 ctione & catharsi. *ibid.*
 Nisi in valde sanguineis. 77.
 Præservatio. 419.
 Sæpe desinit in Icterus. *ibid.*
 Cujus curatio ostenditur. 77.
 Colicæ hysteriæ & hypochondriacæ curatio
 eadem. 419.
 Colica Pictonum. 419.
 Color excretorum sæpe nullam Practicis sug-
 gerit indicationem. 77.
 Colorum speculatio admodum incerta. 257. 258.
 Comatis Febri supervenientis curatio. 82. 83.
 Coma in Variolis. 44.
 Cœlio in Febris quid. 8. 9.
 Constitutiones Epidemicæ vide Epidem. Con-
 stitution. De Constitutionibus annorum
 1690. 1691. 1692. 1693. 1694. Disser-
 tationes tres Bernardini Ramazzini. 123.
 & seqq.
 Constitutio Epidemica Augustana anni 1695.
 Lucæ Schroëckii. 167.
 Anni 1696. 175.
 Anni 1697. 451.
 Anni 1698. 454.
 Anni 1699. & 1700. 185.
 Anni 1701. 1702. 1703. 1704. &
 1705. 214.
 Anni 1706. 1707. 1708. 1709. &
 1710. 465.
 Anni 1711. & seqq. 514. 517. 518.
 Constitutio Epidemica Basileensis anni 1695.
 Joannis Jacobi Harderi. 170.
 Anni 1698. 456.
 Anni 1699. 191.
 Anni 1700. & 1701. 473.
 Constitutio Epidemica Berolinensis anni
 1695. Gustavi Casimiri Garthliep, von
 der Mullen. 170.
 Anni 1696. 177.
 Anni 1697. 456.
 Anni 1698. 458.
 Anni 1699. 189.
 Anni 1700. 198.
 Anni 1701. 205.
 Anni 1702. 212.
 Anni 1703. 475.
 Constitutio Epidemica Hassiaca anni 1693.
 & 1694. Michaelis Bernardini Valen-
 tini. 169.
 Anni 1695. 1696. 174.
 Constitutio Epidemica Hildesienfis anni 1685.
 cum Epistola Bertholdi Behrens ad Lu-
 cam Schroëckium super hanc rem. 180.
 Constitutio Epidemica Holsatica anni 1606.
 Dn. D. Guntheri Christophori Schelha-
 merl. 482.
 Constitutio Epidemica Inferioris Hungariæ
 anni 1711. Jo. Adami Genselii. 507.
 Anni 1712. *ibid.*
 Anni 1713. 509.
 Constitutio anni 1709. apud Labacenses in
 Carniola notata a Dn. D. Marco Ger-
 bezio. Anni 1709. 483.
 Anni 1710. 485.
 Anni 1712. 517.
 Anni 1713. 523.
 Constitutio, sive Historia Epidemica Man-
 sfeldiaca anni 1697. & 1698. 194.
 Constitutio Epidemica Mulhusini Territorii
 finitimorumque locorum observata anno
 1700. ad Dn. Luc. Schroëckium a Joanne
 Georgio Hovero transmissa. 486.
 Constitutio Epidemica Posoniensis annorum
 1695. 1696. 1697. Dn. D. Caroli Ray-
 geri. 462. 463. & seqq.
 Constitutio Epidemica Sangallensis, finisan-
 ni 1696. & principii 1697. Dn. D. Syl-
 vestri Samuelis Anhornii de Harthviff. 460.
 Constitutio Epidemica Tubingensis anni 1701.
 Dn. D. Rudolphi Jacobi Camerarii. 494.
 Ejusdem Schediasma ad Historiam Epi-
 demicam Anni 1702. 495.
 Constitutio Epidemica Uratislavenfis anni
 1699. 1700. & 1701. & seqq. 198. 205. 208.
 Constitutio de frigore hyemali anni 1709.
 Dn. Joannis Guilielmi Bajerii. 501.
 Constitutio de frigore hyemali anni 1709.
 Dn. D. Bernardini Ramazzini. 502.
 De Contagiosa Epidemia Boum Disser-
 tatio habita a Bernardino Ramazzini. 272.
 Contagium quomodo propagetur. 91.
 Contusionum curatio. 302. 427.
 Convulsio dentitioni infantum superveniens
 sola venæ sectione curatur. 70.
 Specifica vulgaria hic minus tuta sunt. *ibid.*
 Convulsiones pro partium quas invadunt
 diversitate varios gignunt vel simulant
 affectus. 75. 76.
 Præstant hic Narcotica præ omnibus
 aliis. *ibid.*
 Convulsivi motus non semper evacuationes
 prohibent. 322.
 Correctivorum purgantibus immisceri solito-
 rum incommoda. 226.
 Corroborantia primi ordinis. 260.
 Corroborantium omnium maximum est equi-
 tatio. 163. & alibi passim.
 Inter Corroborantium usum Catharti-
 ca nunquam intercalanda. 261.
 Cortex interior sambuci laudatur in Ascite
 grandiore. 310. 421.
 Cortex Peruvianus inter antiquartanaria ha-
 betur unicum. 24.
 Con-

- Conferre etiam poterit in Tertianis. 25.
 Febrem sæpius suspendit, quam debellat. 24. 25.
 Methodus eum exhibendi. *ibid.*
 Cortex Peruvianus laudatur quoque in affectionibus hystericis. 262.
 In Podagra. 291.
 Corticis Peruviani incommodum in Rheumatismo Scorbutico. 104.
 Quare Cortex ita male audiat. 2. & 264.
 Quomodo intentati ejus discrimina evitari possint. *ibid.*
 Quod immerito inculpetur. 262. 263.
 Quod inter Corticem exhibendum debetur in lecto, & cardiacorum assumptio sint diligenter evitanda. 119. & 304.
 Quod omnes evacuationes post ejus usum sint interdicendæ. 24. 25.
 Cortex febribus inflammatoriis curandis ita non confert ut plane obsit. 119. 120.
 In febre quæ quotidianam aliquatenus imitatur inefficax. *ibid.*
 In sanguine & spiritibus confortandis egregium est remedium. 264.
 In affectionibus hystericis & hypochondriacis. *ibid.*
 In Podagra præveniendæ. 291.
 Cortex in electuariis & pilulis exhibitus. 119. 120.
 In Infusione. *ibid.*
 Crapula febres producit. 93.
 Croci metallorum infusio. 307.
 Quoties in hydropse repetenda. 309. 310.
 Curationis in morbis acutis recte institutæ character. 67.
 Cutis affectuum curatio. 105.

D

Debilibus adolescentulorum accubitus mire interdum prodest. 14.
 Decoctum album ex pane & cornu cervi. 63. 72.
 Decoctum amarum purgativum. 404.
 Decoctum amarum quando usurpandum. 115.
 Decoctum aperiens & antiscorbuticum. 403.
 Decoctum dieteticum. *ibid.*
 Decoctum pulli in cholera laudatur. 59. 418.
 Dentitioni infantum superveniens convulsio sola venæ sectione curatur. 70.
 Specifica vulgaria hic minus tuta sunt. *ibid.*
 Despumatio in febribus intermittentibus. 18.
 Diabetes. 424.
 Diabetis curativa indicatio. 116. 424.
 Remedia medica. *ibid.*
 Dieta febrem præcavens. 90.
 Dieta in lue Venerea observanda. 125. 226.
 Dieta podagricorum. 294. 295.
 Dieta qualis in morborum chronicorum curatione observanda. 293. 295.
 Dieta lactez in Podagra censura æqua. *ibid.*
 Diaphoresis non convenit in omni febre. 93.
 Periculi plena est in tertianis & quotidianis. 112.
 Diaphoresis quænam profit, quænam vero noceat. 93.
 Diarrhææ curatio. 417.
 Diarrhæam ubi vomitioni conjungitur, ab Emetico non ab adstringentibus proprie sisti. 8. 9.
 Attamen Enemate adstringenti sisti posse, si minus valeat Emeticum. 9.
 Diarrhæa melius curatur venæ sectione & sanguinem contemperantibus, quam quibuscunque. 56. 57.
 Diarrhæa in febre continua Epidem. ab anno 1661. ad 1664. 8.
 Diarrhæa in febribus unde oriatur. 55. 56.
 Diarrhæa Epidemica ab anno 1667. ad 1669. *ibid.*
 Diarrhæa Symptomatica anno 1675. 85.
 Diarrhæa Pleuritidi superveniens. 79. 80.
 Diarrhæa in Variolis. 78.
 Diarrhæa Variolarum confluentium. 48. 49.
 Diarrhæa in Variolis distinctis noxia, in confluentibus salutaris. *ibid.*
 Diarrhææ post Morbillos Curatio per venæ sectionem. 69.
 Diascordium. 63.
 Diascordium singultui medetur. 16.
 Digestiva medicamenta. 291.
 Digestiva ob materiz crassitiem evacuationi præmittenda. 291. & 292.
 Quantum valeant in morbis chronicis debellandis. *ibid.*
 Quandiu perseverandum in eorum usu. *ibid.*
 Dogmaticorum exprobratio. 303.
 Dolor partium a convulsionibus. 76.
 Dysenterie descriptio. 60. 61.
 Curatio. 62. 63. 64.
 Cum sero lactis. *ibid.*
 Laudani solius usu. *ibid.*
 Dieta. *ibid.*
 Affectus est periculosus. 60.
 Diuturna desinit in Tenesmum. 61.
 Dysenteria Endemia Hibernorum. *ibid.*
 Dysenteria Epidemica diversorum annorum. 60.
 Dysenteria Symptomatica. 78.
 Dysenteria quo anni tempore invadere solet. 61.
 Dysenteria quandoque per annos aliquot affligit. 64.
 Ejusdem per repetitam Venæ sectionem curatæ exemplum. *ibid.*
 Dysenteriz cum torminibus siccis curatio. 63.

Y y y z

Dia

Dysenteriz sæpius se jungunt Aphæ. [62. 64.](#)
 In Dysenteria contumaciori quid agendum. [62.](#)
 In Dysenteria intestina quandoque gangrena afficiuntur. [ibid.](#)
 In Dysenteria meri Sanguinis dejectio interitum minatur, [ibid.](#)
 In Dysenteria mucosæ dejectiones unde. [60.](#)
 Dysenteriz circa æquinoctium autumnale grassantes. [4.](#)

E

Ebullitio humorum in febribus Intermit-
 tentibus. [18.](#)
Eclegmata incrassantia in Tussi. [403. 428.](#)
Electuarium hystericum & emmenagogum. [404.](#)
Electuarium roborans in podagra præstan-
 tissimum. [291.](#)
Electuarium roborans in Tertiana duplici. [29.](#)
Electuarii antiquartanarii formula. [407.](#)
Emetica quibus exhiberi convenit, & qui-
 bus non convenit. [9. 10.](#)
 Quo morbi tempore exhibenda. [ibid.](#)
Emeticum Authoris. [ibid.](#)
Empirici ægro assidue medicamenta solent
 ingerere. [94.](#)
Emplastrum hystericum. [404.](#)
Emplastra Epispastica cervici in febribus ca-
 put petentibus cum fructu applicantur. [80.](#)
Empyema. [97.](#)
Emulsio in Pleuritide. [98.](#)
Enemata quando convenient. [10.](#)
 In Calculo. [301.](#)
 In Dysenteria. [63.](#)
Enemata fumi tabaci commendantur om-
 nium potentissima. [419.](#)
Enemata venæ sectionis locum quandoque
 suppleant. [10.](#)
Enematis abstinendum in progressu morbi. [ibid.](#)
Epidemici morbi qui dicantur. [2.](#)
Epidemici morbi regulares & irregulares. [ibid.](#)
 Vernales & Autumnales. [ibid.](#)
Epidemicorum morborum diversitas. [3.](#)
Epidemicorum curatio quam varie insti-
 tuenda. [ibid.](#)
Epidemicarum constitutionum quinque ge-
 nera enumerantur. [92. & seq.](#)
Epidemicæ constitutiones generales suas ha-
 bent periodos. [58.](#)
 Ab occulta aeris crasi pendent, non a
 manifesta. [30. 66.](#)
Epidemica constitutio anni 1661. [62. 63. 64. 6.](#)
 Annorum 1665. [66.](#)
 Annorum 1667. 68. & partim an. 1669. [40.](#)
 Annorum 1669. [70. 71. 72.](#)
 Annorum 1673. [74. 75.](#)
Epilepsia adultorum qua methodo curari pos-
 se videatur. [322. 424.](#)

Epilepsia puerorum. [ibid.](#)
Epileptici insultus in Infantibus Variolarum
 sæpe sunt prænuntii. [41. & seq.](#)
Epistola Conradi Bertholdi Behrens ad Lu-
 cam Schroekium de constitutione Epide-
 mica Hildesienfi anni 1685. [180.](#)
Epistolæ responsoriæ duæ Thomæ Syden-
 ham, prima de morbis Epidemicis ab anno
 1675. ad annum [80.](#) ad Robertum Brady
 M. D. 110. secunda De Luis Venereæ hi-
 storia & curatione ad Henricum Paman
 M. Doct. [220.](#)
Equitatio est confortans maximum. [265.](#)
Equitatio est exercitium omnium prima-
 rium. [265. & 298.](#)
 Est in colica aliisque morbis chronicis
 exercitium utilissimum. [293.](#)
Equitationis beneficia in morbis rebellibus
 devincendis. [298.](#)
 In Tabidis Phitificisque. [266. 428. 431.](#)
 Exemplum Hypochondriaci deplorati
 equitatione mire restituti. [265.](#)
Equus septem annorum spatio ad ~~æquum~~ per-
 venit. [19.](#)
Erysipelatis descriptio. [104. & seq.](#)
 Curatio. [ibid.](#)
Evacuationes sponte a natura fieri solitas
 imitari velle sæpe stolidum est. [81.](#)
Exanthemata pestilentialia post nimios & co-
 ctos sudores. [36.](#)
Exercitio calefacti solícite vitare debent
 frigus. [95.](#)
Exostoses Venereæ quomodo tractandæ. [228.](#)
Expectoratione Pleuritidem curare velle pe-
 riculosum. [92.](#)

F

Febbris quomodo fiat. [1.](#)
 Febris est naturæ instrumentum ad im-
 puritatum secretionem. [ibid. & passim alibi.](#)
 Febris naturæ primaria machina. [242.](#)
 Febris continua omnium quas Author no-
 vit, maxime uniformis. [6.](#)
 Febris continua constitutionis annorum 1661.
 & [62. &c.](#) [7.](#)
 Curatio. [8.](#)
 Constitutionis annorum 1667. [68. 69. 53.](#)
 Constitutionis annorum 1670. [71. &](#)
 dictæ Dysentericæ. [65.](#)
 Curatio. [66.](#)
 Constitutionis annorum 73. [74. 75. 79.](#)
 Curatio. [8.](#)
 Febris nulla vere continua Authori visa est
 ab anno 1680. nisi forte ob rem male
 gestam. [12.](#)
 Febris Intermittens, vide Intermittens febris.
 De Febre Miliari sive Vesiculari tra-
 ctatus Davidis Hamilton. [331.](#)
 Fe-

- Febris Miliaris historiarum fasciculus. *ibid.*
 Febris pestilens, vide pestis.
 Febris pestilens per diaphoresin, pestis per
 abscessus proprie solvi videtur. 36.
 Febris Depuratoria. 92. 406.
 Febris Erysipelatosa. 104. 410.
 Febris in Angina. 126.
 In Pleuritide. 97.
 Febris Infantum Intermittens. 407.
 Febris Infantum dentitioni superveniens quo
 quo modo profliganda. 415.
 Febris Infantum Hectica. 425.
 Febris Hectica. 97.
 Febris cum Scorbuto. 13.
 Cum Tussi. 15.
 Cum Variolis. 47.
 Febris sub torminibus ventris delitescens
 quomodo expugnanda. 324.
 Febris continuæ species quomodo ab aliis
 Epidemicis tum grassantibus dignosca-
 tur. 93.
 Febris certam semper speciem e Phænomen-
 nis elicere difficile est. 54. 55.
 Febris cum Apostemate analogia. *ibid.*
 Febris novæ natura quomodo *investiganda*. 93.
 Quæ demum cautela indicationis cu-
 rativæ sumendæ in exortu novæ febris. *ibid.*
 Febris novæ anni 1685. descriptio. 18. & seqq.
 Curatio. *ibid.* & seqq.
 Diæta. 320.
 Curatio in infantibus. 324. & seqq.
 Febris species unde possit dignosci. *ibid.*
 Febris hyemalis descriptio. 314.
 Curatio. 315.
 Febris eadem hyemalis pro novæ potius fe-
 bris vindicatur specie. 320.
 Febris putridæ Variolis confluentibus super-
 venientis descriptio. 370. & seqq.
 Curatio. *ibid.*
 Febris scarlatinæ descriptio. 96. 409.
 Curatio simplicissima. *ibid.*
 Febrim præcavens diæta. 93. & seqq.
 In Febre commotionis vocem præstat
 usurpare, quam fermentationis vel ebul-
 litionis. 7.
 In Febre quadam Epidemica materiz
 in sanguine crassities. 89.
 In Febre sanguis commovetur vel ad
 heterogenei secretionem, vel ad novam
 suscipiendam diathesin. 7. 8.
 Febre non raro accenditur purus sanguis. *ibid.*
 Febre non raro corripiuntur sani. *ibid.*
 Febre sublata, probe purgandus est æger,
 non autem prius. 26.
 Finita purgatione, paregoricum exhi-
 bendum. 27.
 Febres Adolescentulorum vigentium. 11. 20.
 Febres autumnales continuæ & intermitten-
 tes qua in re a se invicem differant. 22.
 Febres Continuæ Epidemicæ diversam me-
 dendi methodum exposcunt. 2. & seqq.
 Febres Continuæ quare paucæ occurrant
 vere nisi in constitutione Epidemica. 20. 21.
 Febres cum notabili symptomate. 94.
 Febres e levi diætz errore. 22.
 Febres Epidemicæ a manifestis æris quali-
 tatibus varie mutantur. 90. & seqq.
 Febres Hystericarum quomodo tractandæ. 129.
 Febres intercurrentes numerantur sex. 94. 95.
 In iis curandis ad anni febrim serio
 attendendum. *ibid.*
 Ex anni tempore innotescit an essen-
 tiales sint, an symptomatici. *ibid.*
 Febres malignæ. 329.
 Quæ vere tales sint. 30.
 Febres morbis Epidemicis junctæ haud æqua-
 liter cum ipsis sæviunt. 66. 67.
 Sæviunt præsertim mense Julio. *ibid.*
 Febres nonnullæ brevi evanescent. *ibid.*
 Febres nonnullæ in principio sola diæta
 curantur. 81.
 Febres præter communia symptomata etiam
 certas peculiæres genii sui notas gerunt. 94.
 Febres quare tot novæ vulgo *audiant*. 66. 67.
 Febres quædam novæ vulgo dicuntur, nec
 tamen sunt. *ibid.*
 Febres refrigerantium aut clysterum usu
 subinde Chronicæ fiunt. 22.
 Febres stationariæ, quæ. 3. 94.
 Quomodo a manifesta æris qualitate
 pendeant. *ibid.*
 Febres sunt duæ fere tertiz omnium, quæ
 sunt, morborum. 353.
 Febres Vernales raro sunt continuæ. 20.
 Febres Vernales pauciora post se relinquunt
 symptomata quam Autumnales. 4. 22.
 Februm Autumnalium Epocha certissima
 est Julius; sicut Vernalium Februa-
 rius. 20. 21.
 Februm Continuarum Epidemicarum spe-
 ciem exacte dignoscere arduum est. 92. 93.
 Februm Contin. Epidem. speciem qua ra-
 tione possimus expiscari. *ibid.*
 Februm Epidemicarum symptomata alia
 propria sunt, alia adventitia. 62. & seqq.
 Februm Epidemicarum symptomata pro
 varia constitutione temporis variant. *ibid.*
 Februm quædam species sine sudore critico
 finiuntur. 82.
 Februm quædam symptomata subinde pro
 morbis essentialibus perperam habentur. 95.
 In Februm curatione semper respicien-
 da est anni constitutio, quatenus huic al-
 terive Epidemico producendo favet. 88. 89.
 In

- In Febrium curatione viam evacuationis nosse præcipuum est. 95. 328.
- In Febrium principiis cur subinde evacuationes instituendæ. 80. 81.
- In Febrium principiis sudorifica sæpe vel Phrenesim vel Pleuritidem inferunt. 97.
- In Febrium declinatione clysterum frequens usus vitandus. 10. 99.
- In Febrium declinatione lecto assidue se contineat æger. 81. & seq.
- Febribus Epidemicis generalis curandi methodus nequit applicari. 5.
- Febribus plurimis ansam dat intempestiva vestium mutatio, vel alia frigoris admissio. 95.
- Febres curandi methodus non per rationem, sed per experientiam innotescit. 81. & seq.
- Ad Febres tollendas provocandi sudores quales esse debeant. 81.
- Inter Febres & morbos Epidemicos simul grassantes mira affinitas. 92. 93.
- Post Febres Autumnales tonsillarum inflammatio est periculosa. 28. 29.
- Ejusdem causæ. *ibid.*
- Post Febres Autumnales omissa purgatio multis morbis ansam dat. 26.
- Post Febres Vernales purgatio non tam necessaria est atque post Autumnales. *ibid.*
- In Febribus Autumnalibus Infantum regio Lienis intumescens Febris fugam prænnunciat. 29. 30.
- In Febribus ad coctionem promovendam non opus est regimine calido. 81.
- In Febribus cum materia crassa caute agendum. *passim*
- In Febribus caput petentibus Emplastra epispastica cervici cum fructu applicantur. 80.
- In Febribus Continuis Julapii convenientis formula. 55.
- In Febribus maxime continui generis intermittentis cortex præbendus. 114. 115.
- Vinum non obesse in hujusmodi continuis. *ibid.*
- In Febribus convalescentes nonnunquam sudoribus nocturnis obnoxii sunt. 85. 86.
- Curantur quotidiano vini generosi usu. *ibid.*
- In Febribus Chronicis aeris mutatio valde nonnunquam est salutaris. 26.
- In Febribus Malignis fit expulsio ad cutim. 13. 14.
- In Febribus Malignis vomitoriis omisio. 9. & seq.
- In Febribus quibusdam Malignis sudores nocent. 31. 32.
- In Febribus quibusdam Malignis alia propter sudores molliendæ sunt evacuationes. *ibid.*
- Febrilis materiæ coctio quid sit. 11. 12.
- Fetilis materiæ coctionem promoventia vulgo commendant, at sine ratione. *ibid.*
- Febrilis materiæ coctio quomodo revera sit promovenda. *ibid.*
- Fermentationis natura simili illustratur. 8.
- Fermentationis phænomena & effectus. 7. 8.
- Ad fermentationem requiritur materiæ quædam visciditas. 9.
- Fermentationes liquorum variaz. *ibid.*
- Fluor albus. 423.
- Fluoris muliebris curatio singularis. 116.
- Famine medicamenta egenis distribuentes taxantur. 97.
- Fomenta in Erysipelate. 105.
- Fontanella in crure prodest in Rheumatismo inveterato. 103.
- Formule Medicamentorum. 403.
- Fumus tabaci Enematis potentissimi laudatur. 419.
- Furoris capitis curatio. 427.
- G
- Angra ex Erysipelate. 104.
- Gangræna intestinorum in Dysentericis. 61.
- Gargarisma in Angina. 106.
- Gargarisma in salivæ visciditate. 52.
- Gonorrhœa virulenta centum retro annis se ostendebat diversam ab ipsa lue confirmata. 221. & seq.
- Quod materia semini formis, quæ hic fuit, carnosæ virgæ substantiæ debeatur. *ibid.*
- Modus invasionis describitur. *ibid.*
- Curatio Catharticis perficitur. 223. & seq.
- Pilulis. *ibid.*
- Clysteribus. *ibid.*
- Dieta quænam observanda. *ibid.*
- In Gonorrhœa rejicitur lignorum exsiccantium usus. 224.
- Item improbantur aquæ minerales. *ibid.*
- Quomodo Phymosis sit curanda. *ibid.*
- Gonorrhœæ justo citius suppressæ tumores scroti supervenientes quomodo curentur. *ibid.*
- Gonorrhœa cum lue juncta quomodo tollenda. 228.
- H
- Hæmoptoe quando & quos præcipue invadat. 107. 426.
- Ejus curatio. *ibid.*
- Hæmoptisis in Variolis. 45. 372.
- Hæmoptisis & mictus sanguinis in Variolis mortem prænnunciant. 52.
- Hæmorrh. narium descriptio & curatio. 107. 426.
- Hæmorrhagiæ narium in febre continua epidem. ab Ann. 1661. ad 1665. descriptio ac curatio. 15. 16.
- Post

Post Hemorrhagiam cur æger purgandus. *ibid.*
Hæmorrhoidum dolor. 424.
 Curatio. *ibid.*
Hæmorrhoidum fluxus nimius. *ibid.*
Hæctica febris. 97.
Hippocratis Aphorismi nequeunt quibusvis febrium speciebus applicari. 92.
Historiam morborum vere practicam Author tradit. 220.
Historia Epidemica Germaniæ. Vide Constitutio.
Homines variis affectibus obnoxii. 1.
Homo 21. annorum. 19.
Humores nonnunquam pertinaciter partibus adhærent. 1.
Humores sunt viscidiores Autumno, quam Vere. 19. & *seqq.*
Hydragoga varia. 305. 306.
Hydrogala. 7. & passim in multis morbis.
Hydrops ibi incipit ubi desinit scorbutus. 103.
Hydropis febribus intermittentibus succedentis curatio. 27.
Hydropis primum signum, foveæ in suris & digitorum impressione sub noctem apparentes & mane evanescentes. 304. & *seqq.*
 Symptomata sunt dyspnœa, urinae paucitas, & sitis. 304. 305.
 Causa sanguinis debilitas. *ibid.*
 Aliæ in scæminis causæ. *ibid.*
 Indicationes curativæ. *ibid.*
Hydropem præcedentia Symptomata scorbuti faciem præ se ferunt. 103.
 In Hydrope Cathartica fortiora semper usurpanda. 306. 307. & *seqq.*
 Perseverandum in Catharticis, donec moles abdominis evanuerit. *ibid.*
 Syrupus de spin. cervina quibus conveniant. *ibid.* & *pag. seq.*
 Exemplum ejus memorabile. *ibid.*
 Infusio croci metallorum quoties repetenda ad curandum *hydropem.* *ibid.*
 In Ascite grandiore tantum convenit. *ib.*
 Cortex interior sambuci. *ibid.*
 In Hydrope quænam contraindicant catharsin. *ibid.*
 Ubi catharsis contraindicatur, quænam conformativa conveniant. 311.
 Diureticis res agenda est in debilibus naturis & scæminis valde hystericis. *ibid.*
 Salia lixivialia in vino Rhenano. *ibid.*
 Corroborantia eadem in Hydrope quæ in Podagra præbeantur, nisi quod vinum Hydropicis permittatur pro potu ordinario. 311.
 Corroborantia qualia. *ibid.*
 Chalybis usus in Hydrope incipiente. 312.

Allii similiter usus. *ibid.*
 Topica quare improbentur. 313.
 Rejiciuntur Paracentesis & Acupunctura. 112.
Hydropicorum sitis quomodo fallenda. 112.
Hypercatarses frænum certissimum est laudatum. 306.
Hypochondriaci affectus. Vid. Hyster. affect.
 Hypotheses quatenus valent Medico instruendo. 309.
Hysterica affectio sub quam variis Symptomatibus se ostendit. 253. & *seq.*
 Cujusnam temperiei scæminis singula contingunt. 253.
 Idem sunt in scæminis ac affectio hypochondriaca in viris. *ibid.*
 Uterus immerito inculpatur. 254. & *seq.*
Hysterica scæminæ interrogandæ, an malum de quo queruntur, inceperit cum tristitia, atque an urinam limpida excreverint. 255.
 Hystericorum simul ac Hypochondriacorum affectuum signum maxime pathognomonicum est urina limpida copiosa. 255.
 Hystericorum affectus causa Procataretica. 256.
 Causa efficiens interna, spirituum animalium crasis. *ibid.* 357. & *seq.*
 Causa non sunt humores. *ibid.*
 Causa antecedens crasis debiliior spirituum animalium crasis. *ibid.*
 Unde vomitio materiæ viridis. *ibid.*
 Symptomatum singulorum ratio explicatur. *ib.*
 Casus cujusdam abunde, & sæpius lachrymantis. 259.
 Curativa indicatio est sanguinis roborationis. 260.
 Venæsectione & catharsi ordiendæ. 260.
 Deinde chalybeatis absolvenda. 261.
 In imbecillioribus quandoque a chalybe statim incipiendum. *ibid.*
 Chalybis substantia præponitur præparationibus. *ibid.*
 Chalybis usum non recte admittere purgantium intercalationem. *ibid.*
 Formulæ curationi inservientes. 262. & *seq.*
 Theriaca Andromachi magum in his affectibus remedium. 264.
 Item Cortex Peruvianus. *ibid.*
 Dolor & Vomitio Hystericarum quomodo sint cohibendæ. 266.
 Assa foetida qua ratione Hystericis utilis. *ib.*
 In affectione Hysterica mitiori dantur pilulæ hystericæ per decem dies. 262. *confer* 404.
 Hystericus affectus Colicam biliosam referens. 76.
 In Hystericis affectus sæpe perperam dignoscuntur. *ibid.*
 In Hystericis & Hypochondriacis clysterum frequens usus nocet. *ibid.*
Idem.

I

- I**cterus in Colica hysterica. 76.
 Icterus post febres lectum justo citius deferentibus superveniens. 81.
 Icteri curatio. 77. 420.
Ictosincrasie ratio habenda. 263.
 Ignis sacer unde, & quomodo oriatur. 32. 33.
 Pestis quandam gerit imaginem. *ibid.*
 Iliacæ passionis causa. 17. 18.
 Quo pacto producat. *ibid.*
 Curatio. 18. 419.
 Argenti vivi & globulorum in hujus curatione censura. 18.
 Iliaca passio colicam biliosā *sequens*. 73. & *seq.*
 Iliaca passio febris perversæ tractatæ superveniens, quomodo curanda. *ibid.*
 In iliaca passione omnia medicamenta etiam Enemata evomuntur. *ibid.*
 Imaginationis læsæ per cardiaca restitutæ exemplum. 28.
 Indicatio a juvantibus & nocentibus in febrium novarum curatione adhibenda. 308.
 & *alibi passim*
 Infantes sæpe diuturnas quartanas *vincunt*. 25.
 In Infantibus venæsectio æque tuta & necessaria est atque in adultis. 69.
 In Infantibus ventris tumor & durities, hujus medela per linimentum. 27.
 Infusum Corticis Peruviani. 115. 407.
 Infusum rad. serpentariæ virginianæ contra tertianas. *ibid.*
 Ingrata assumpta horrorem gignunt. 92.
 Intermittentes febres Autumnales in initio videntur continuæ. 4.
 Intermittentes febres Epidemicæ nonnunquam mature grassari incipiunt. 19. & *seq.*
 Intermittentium febrium tria tempora spectanda. 18. & *seq.*
 Symptomata consueta. *ibid.*
 Unde est, quod redeant paroxysmi. *ibid.*
 Paroxysmorum descriptio. *ibid.*
 Duplicatio unde. *ibid.*
 Divisio in Vernales. 19.
 Essentialiter hæc distinguuntur. 20.
 Vernalium curatio. *ibid.*
 Autumnalium curatio. 21. 407.
 Tertianæ Autumnalis curatio. 24.
 Quartanæ curatio. 24. 25.
 Quomodo recidiva præveniatur. *ibid.*
 Vomitus in his febribus quomodo compescenda antequam cortex exhibeatur. 117. & *seq.*
 Infantum medicatio. *ibid.*
 Decoctum amarū quando præbendum. *ib.*
 Julapium cardiacum. 403.
 Julapium in febribus continuis. 63.
 In febribus pro Infantibus. 115.
 In Pleuritide. 98.

- In Rheumatismo. 102.
 Perlatum. 401.
 Roborans in Tertia duplici. 24.

L

- L**actea Dietæ præcellentia & quibus potissimum conveniat. 294.
 Lactea Dietæ censura notatu digna. 295.
 Laudani liquidi descriptio. 63.
 Ejus usū non immediate nervis *nocere*. 267.
 Laudani usus in Cholera. 60.
 Lecto surgere quam utile in Variolis. 55. 246.
 Solvuntur objectiones. *ibid.* & 81.
 Quam necessarium in omnibus morbis inflammatoriis. 69.
 Quam necessarium in febre continua ann. 1673. &c. 81.
 In febre nova Ann. 1685. 320. & *seq.*
 Cautela necessaria in surgendo, scilicet, ne nimis diu pro una vice surgant. 81.
 Moræ longioris in lecto incommoda, scilicet. Rheumatismus, & Icterus subsequentes. *ib.*
 Quam utile in Pleuritide. 99.
 Quam utile in Angina. 106.
 E lecto surrectionem quam contra indicant. 245. & *seq.*
 Lepa. 88.
 Lienis regio in febribus autumnalibus Infantū intumescens febris fugam prænunciat. 27.
 Descriptio hujus intumescentiæ. *ibid.*
 Linimentum in Pleuritide. 99.
 Linimentum in Rachitide Infantum hypochondriacis inungendum. 425. 262.
 Linimentum in ventris tumores & duritie Infantum. *ibid.*
 Lochiorū fluxus nimis quomodo sistendus. 420.
 Lochiorum suppressionis curatio. *ibid.*
 Luciani irrisio in medentes Podagra. 302.
 Lues Venerea unde, & quo tempore Europam appulerit. 220. & *seq.*
 Contagium ejus quomodo propagetur. 221.
 Symptomatum ejus enumeratio. *ibid.*
 Luis confirmatæ sola salivatione curatio. 222.
 Recidivæ quibus debeantur, & quomodo præveniantur. 223.
 Quid in ore minus exulcerato sit agendum. *ibid.*
 Dietæ quænam observanda inter curandum. 224. & *seq.*
 Quare in Gallia facilius sanetur ac in Anglia. *ibid.*
 Luem Venericam non sanat Mercurius vel sal-saparilla virtute specifica. 33. 222. 223.
 De Lue Venerea Gualteri Harris. 229.
 Lambago Rheumatica. 102. & *seq.*
 Paroxysmum Nephriticum mentitur. *ib.*
 Valde ægrum excruciat. *ibid.*
 Causa. *ibid.*
 Cu-

Curatio.

103. 104.

M

Macule purpureæ in acutis certissimum inflammationis summæ indicium. 30.
 Maculæ purpureæ in Peste malum signum. 31.
 Maculæ purpureæ in Variolis. *ibid.* malæ. 44. 314.
 Malignitas morborum quid sit. 91. 92.
 Malignitas morborum sæpe error medentium. 13. 14.
 Malignitas non semper sudore potest eliminari. 91.
 Malignitas per sudorifera aliaque calida medicamenta nonnunquam augetur. *ibid.* 329.
 Malignitas nonnunquam contemperantibus potest edomari. *ibid.*
 Malignitas in morbis Epidemicis iisdem quibus hi curatur remediis. 91. & *seq.*
 Malignitati quodnam regimen proprie concedatur. *ibid.*
 Mania ex debilitate. 28. 29.
 Maniæ communis causa. *ibid.* & 426.
 Maniæ curatio. 28. & *seq.* & 426.
 Maniæ febres intermittentes diuturniores nonnunquam excipientis curatio. 28. & *seq.*
 Manna quid sit. 374.
 In sero lactis soluta mictui cruento a calculo medetur. 375.
 In Aquis mineralibus cathartici soluta cur rejiciatur. *ibid.*
 Meatus dantur cæci ex abdominis cavitate in intestina. 307.
 Medicamentorum formulæ. 403. 404.
 Medici peritiores subinde nihil in ægri visitatione præscribunt. 94.
 Medici præcipua cura in intentionibus veris expiscandis verti debet. 291. 308. 309.
 Medicum esse, & formulam præscribere quam immane distant. 249.
 Medicum probum haud decet celare remedia morborum in primis Epidemicorum. 23. & 220.
 Medicorum quorundam Speculationes inutiles. 352.
 Medicina est Ars valde adhuc imperfecta. 244.
 Melancholia Hypochondriaca vid. in hyst. affect.
 Mellis rosacei usus in Angina. 106.
 Mensium fluxus intempestivus in Variolis foeminarum. 72.
 Mensium fluxus immodicus quando potissimum contingit. 270.
 Mensium fluxus immodici tam intra puerperium, quam extra, curatio. *ibid.* & 419.
 Mensium suppressio. 426.
 Mercurius non sanat Luem Veneream virtute specifica. 33. 228.
 Miasma pestiferum vel immediate, vel me-
 Sydenham Opera Med. Tom. I.

diatæ suscipitur. 30.
 Mictus Sanguineus a calculo renibus im-
 pacto. 373. & *seq.* & 416.
 Multa in hoc remedia sine successu adhi-
 bentur. *ibid.*
 Manna in sero lactis soluta cum pau-
 xillo succi limonum confert. *ibid.*
 Dietæ. *ibid.*
 Mictus sanguineus in Variolis. 372.
 Mictus sanguineus & Hæmoptysis in Va-
 riolis mortem prænunciant. 45. 239.
 Morbus quid sit. 1.
 Morbi alii acuti, alii chronici. 2.
 Morbi acuti quinam sint. *ibid.*
 Morbi acuti vel ab aëris inquinamento,
 vel a particulari corporum anomalia gi-
 gnuntur. 3. & *seq.*
 Morbi acuti Deum habent authorem, chro-
 nici nos ipsos. 244.
 Morbi certis quibusdam annorum constitu-
 tionibus proprii. 2. & *seq.*
 Morbi Epidemici qui dicantur. *ibid.*
 Morbi Epidemici mire ab invicem differunt. *ib.*
 Morbi Epidemici vel regulares, vel anomali. *ib.*
 Hæc disparitas unde. *ibid.*
 Morbi Epidemici vel Verni sunt, vel Au-
 tumnales. *ibid.*
 Morbi Epidemici ab aëris occulta crasi
 oriuntur. 66.
 Morbi Epidemici ab Anni constitutione qua
 grassantur peculiarem mutantur indolem. 3.
 Morbi Epidemici a manifestis aëris qualita-
 tibus varie reguntur. 66.
 Morbi Epidemici diversi in locis vicinis, a
 terræ potius effluviis, quam ab aëris dia-
 thesi oriuntur. 3. 85.
 Morbi Epidemici in initio vehementiores
 sunt, in progressu leniores fiunt. 61.
 Morbi Epidemici ab anno 1661. ad 1665. 6. 7.
 Quo ordine se invicem sequebantur. *ib.*
 Anni 1665. 29.
 Ab Ann. 1667. ad 1669. 40.
 Ann. 1669. 57. & *seq.*
 Ann. 1670. *ibid.*
 Ann. 1671. *ibid.*
 Ann. 1672. *ibid.*
 Ann. 1673. 1674. 1675. 77. & *seq.*
 Morbi essentielles & iidem Symptomatici
 quomodo discernendi. 95.
 Morbi essentielles aliter sunt tractandi, quam
 iidem symptomatici. 96.
 Morbi inflammatorii quando grassari soleant. 29.
 Morbi omnes sere ex vestium præmatura
 abiectione, & subito refrigerio post exer-
 citium exoriri videntur. 95.
 Morbi vel ex se, vel Medicastrî culpa
 sunt lethales. 1.
 Z z z Mor-

Morbi quidam antiqui ævi jam non com-
parent. 88.
Morbi moderni poterunt suo tempore in-
tercidere. *ibid.*
Morbi plurimæ sine causarum cognitione
curantur. 21.
Morborum Acutorum & Chronicorum dif-
ferentia. 1. 2.
Morborum Acutorum ratio & genius. 2. 3.
Morborum Epidemicorum ratio & genius. *ib.*
Morborum Epidemicorum curatio sollicite
peragenda. 106.
Morborum Epidemicorum ab Ann. 1669. ad
1672. particularis historia. 57. & *seq.*
Morborum Epidemicorum alter ab altero
pellitur. *ibid.*
Morborum qualibet species peculiarem ob-
tinet genus. 7.
Morborum periodi certæ five ætates. 88.
Morborum tempora. 58.
Morborum ortus a qualitatibus vitio dedu-
cuntur. 66.
Morborum species exacte discernendæ. 103.
Morborum species unde desumendæ. 5.
Morborum sporadicorum ratio & genius. 2.
Morborum historiam vere practicam Au-
thor tradit. 107.
Morborum præsertim Epidemicorum reme-
dia celare non decet Medicum pro-
bum. 23. 220.
In Morborum curatione plus Naturæ com-
mittendum, atque vulgo fit. 76. 77.
In Morborum Epidemicorum ortu Natu-
ræ artificium. 5. 60.
Morbis Antiquitati incognitis novam me-
thodum accommodare non est absonum. 88.
In Morbis producendis naturæ methodus
non dum hæcenus detecta. 5.
In Morbis Inflammatoriis primaria reme-
dia. 69.
In Morbis Inflammatoriis assiduus in lecto
decubitus valde nocet. *ibid.*
Morbi Vernales. 2.
Morbillorum descriptio & historia. 68. &
seq. & 411.
Curatio. *ibid.*
Morbilli anomali. *ibid.*
Curatio. *ibid.*
Morbilli quo anni tempore regnent. 68. 69.
Morfus canis rabidi. 427.
Curatio. *ibid.*
Pro Mortuo habitus casu ad se rediit. 52.
Mucosæ dejectiones in Dysenteria unde. 61.
Mundi anima. 39.
Moræ combustio in Podagra. 307.
Moræ loco inuersiones lino crudo ab Hip-
pocrate usurpatæ. *ibid.*

N

Narcotica post factas evacuationes quan-
doque felicius operantur. 114.
Narcotica turbas a purgatione excitatas
compescunt. 26.
Narcotica, urgente dolore, tuto repetuntur. 111.
Narcotica, vigente febre, obsunt, ut in declina-
tione morbi præclaros edunt affectus. 26.
Narcoticorum dosis magnitudini doloris re-
spondet. 111.
Narcoticorum frequens usus sæpe inno-
xius. 94. & 266.
Narcoticorum in Variolis insignij utilitas. 50.
& *seq.*
Narcoticorum noxæ quandoque Venæsectio-
nibus emendantur. 266.
Narcoticorum formulæ. 63.
Naturæ optima morborum medicatrix. 77. & *seq.*
Naturæ vox quo sensu ab Authore usur-
petur. 39.
Naturæ in curando multum relinquendum. 76. 77.
Naturæ in medicamentis producendis simul
ac præparandis collaudatio. 261.
Naturæ opera incomprehensibilia. 61.
Naturæ operationes parum intelligimus. *ib.*
Naturæ operum indagatores aliorum invi-
diam sibi arcessunt. 61.
Naturales causæ a Deo quomodo regantur. 30.
Nephritici paroxysmi veri & hysterici quam
diversæ curationes instituendæ. 267. 416.
Nephriticum paroxysmum mentiens lum-
bago rheumatica. 12.
Nicotiana fumus loco enematis potentissimi
commendatur. 419.

O

Oleum amygdalarum dulcium aliis be-
chicis præferendum. 15. & *seq.*
In febribus sine noxa potest assumi. *ib.*
Non debet astatim, sed parce exhiberi. *ib.*
Ægri viribus attritis subvenit. *ibid.*
Utus ejusdem in Pleuritide. 98.
Variolarum aridarum crustis illinitur. 51.
Olei sem. lini in Pleuritide usus. 98.
Ophthalmiæ curatio. 416.
Opium pluribus medetur affectibus. 64.
Insigne est cardiacum. *ibid.*
Opii præstantia & nativa bonitas. *ibid.*
In quibus affectibus præcipue ejus in-
dicetur usus. 111.
Opii virtus non præparationis, sed nativa.

P

Papaveris bonitati debetur. 64.
Inter Opiata quoad vim ipsam nullum
fere est discrimen. *ibid.*
Papaver. *ibid.*
Paracentesis in hydropse rejicitur. 313.
Paralysis quid, & quomodo curetur. 428.
Par-

- Paregoricum* Authoris . 65.
Paregorica in quibus casibus recte indicen-
 tur . 111.
Paregoricis evacuantia debent præmitti in
 sanguineis temperamentis, non aliis . 16.
Penis tumor in Lue Venerea quomodo di-
 scutiendus . 423.
Peregrinatio versus Austrum cur in Chroni-
 cis curandis profuit . 293.
Peripneumonia quid sit, & quomodo a Pleu-
 ritide differat . 101.
Peripneumoniæ nothæ descriptio . 110. 409.
 Curatio . 101. 409.
Peripneumonia Epidemica Ann. 1675. 88.
Peripneumonia symptomatice Tussi Epidem.
 Ann. 1675. superveniens . ibid.
Peripneumonia post Morbillos . 63. & seq.
 Eiusdem curatio per venæ sectionem . ib.
Pestis naturæ medicatricis instrumentum . 1.
Pestis Ann. 1665. 30. & seq.
Pestis quid sit . 31.
Pestis Britanniam vix frequentius deva-
 stat quam post annorum 40. revolutio-
 nem . 31. & seq.
Pestis Londinensis anno alioquin salubri
 vastans . ibid.
Pestis Italiam occupans excepta Hetruria . ib.
Pestis ab aëris diathesi fit Epidemica . 31.
Pestis ab aëris occulta crasi . ibid.
Pestis ab inflammatione oritur . 32.
Pestis a tempestatum anni vicissitudinibus
 regitur . ibid.
Pestis in initio atrocior, in progressu beni-
 gnior esse solet . 32.
Pestis per miasma propagatur, idque du-
 plici modo . ibid.
Pestis pro aliis morbis Epidemicis rarius
 evenit . ibid.
Pestis quandoque subito nulla etiam exorta
 febre jugulat . 31.
Pestis quanto tempore soleat grassari . 3.
Pestis quo anni tempore exoritur . 30.
Pestis ratione solum mechanica tolli potest . 34.
Pestis semper manet superstes . 30.
Pestis sporadica . ibid.
Pestis invadendi modus describitur . 31.
Pestis symptomata . ibid.
Pestis curatio . 33. & seq.
 Alexiteria in hac & aliis morbis, non
 ut specifica, sed ut diaphoretica profunt . ib.
 Pro venæ sectione facientes Authores . ib.
 Pro venæ sectione historia admiranda . 35.
 Præfertur tamen ei ab Authore diaphoresis . ib.
 Diaphoresis quandiu continuanda . ib.
Pestis proprium alexiterium nondum inno-
 tuit . 34.
 Ad *Pestis* prophylaxin vix conducunt
 calida . 31.
Pestem accelerat sæpe vinorum & calido-
 rum ingurgitatio . 34. & seq.
Pestem commercii cum locis contagiosis in-
 hibitio potest avertere . 31. & seq.
 Ad *Pestem* excitandam requiritur con-
 tagium pestiferi corporis præter aëris di-
 spositionem . 30.
Peste affecti a continuata diaphoresi re-
 creantur . 34.
 In *Peste* abscessuum fit eruptio . 33. & seq.
 In *Peste* abscessuum eruptio incerta
 crisis est . ibid.
 In *Peste* abscessuum eruptio quomodo
 promoveri possit, nondum constat . 34.
 In *Peste* abscessuum sine sudore eruptio
 magis fuit salutaris . ibid.
 In *Peste* Alexipharmaca calida quan-
 doque nocent . ibid.
 In *Peste* Alexipharmaca calida quomo-
 do profunt . ibid.
 In *Peste* diaphoresin interpolandam sua-
 det Diemerbroekius . 38.
 Resellitur . ibid.
 In *Peste* sudor continuus & prolixus
 requiritur, non interpolatus . ibid.
 In *Peste* sudor spontaneus valde salu-
 taris . 35.
 In *Peste* sudores non faciunt salutarem
 abscessuum eruptionem . 34.
 In *Peste* sudores subinde valde noxii . ib.
 In *Peste* maculæ purpureæ malum si-
 gnum . 34. & seq.
 In *Peste* Tumores prorumpere, bonum . 31.
 In *Peste* post abscessus eruptionem san-
 guinem mittere, minus est tutum . 38.
 In *Peste* ob magnos sudores bubo non-
 nunquam disparet . 34.
 In *Peste* post sudores abscessus subinde
 erumpunt . 33.
 In *Peste* sudantes quando indusium mu-
 tare debeant . 39.
Pestilentialium macularum ratio . 34.
Petechiæ ab intempestivo cardiacorum usu
 & regimine paulo calidiore sapius efflo-
 rescunt . 56.
Petechiarum & mictus sanguinei casus insignis
 a D. D. Goodall communicatus . 251.
Philosophia effecit ut quæ Medica appella-
 tur, revera confabulandi garrindique po-
 tius sit ars, quam medendi . 253.
Phrenitis Febre Contin. Epidem. ab Ann.
 1664. ad 1665. 354.
 In Febre Epidem. ab Ann. 1673. ad
 1675. 85. 14.
 In Febre nova Ann. 1685. 319. & seq.
 In Variolis . 44.
 Phræ-

- Phrenitis quemodo tractanda . 14. [316.](#)
 In Phrenitide spiritus Vitrioli laudatur. [85](#)
 In Phrenitide ratio capitis confert . *ib.*
 In Phrenitide Variolis superveniente refrigerium aegro concedendum . [55.](#)
Phthiſeos curatio . [428.](#) [431.](#)
Phthiſiologia Caroli Leigh. M. D. [431.](#)
Phthiſeos ſpecificum eſt equitatio . [429.](#)
Pilulæ Cochiz . [74.](#)
Pilulæ Cochiz maj. in Ileo uſurpanda . [17.](#) [320.](#) & ſeq.
 Item in Tuſſi Epidemica . [118.](#)
Pilulæ Cortic. Peruv. [114.](#)
Plantæ variis menſibus florent . [19.](#)
Pleuritidis hiſtoria . [97.](#) & ſeq.
 Curatio . *ibid.* & [409.](#)
 Dieta . *ibid.*
 Rejicitur cura per expectorationem . *ib.*
Pleuritide maligna vulgo dicta quænam ſit. [90.](#)
Pleuritis maligna venæ ſectionem non fert . *ib.*
Pleuritis ſupervenienti Diarrhæa . [54.](#)
 De *Pleuriticorum* ſanguine quadam notatu digna . [97.](#) & ſeq.
 Menſium ſanguine extrahendi . *ibid.*
Podagræ regulatiſ hiſtoria . [284.](#) & ſeq.
 Irregulariſ hiſtoria . [285.](#)
 Cauſa eſt concoctionum depravatio & humorum indigeſtio ſive a Venere ſive a vino ſive ab exercitiis intermiſſis . [287.](#) & ſeq.
 Curatio non eſt aggredienda venæ ſectione . *ibid.*
 Non Catharſi , ſive ad præcavendum , ſive ad curandum paroxyſmum . *ibid.*
 Niſi ſymptoma aliquod eandem poſtulet . *ib.*
 Neque ſudoribus & quare . [289.](#)
 Curandi præcipua intentio in coctione promovenda atque indigeſtionibus tollendis verſari debet . [292.](#) & [294.](#)
 Medicamenta Digeſtiva . *ibid.*
Podagræ Therapeja Radicaliſ adhuc latet. [303.](#)
 Sed non ſine ſpe aliquali ſpecificum quandoque inventum iri . *ibid.*
 In *Podagra* Electuarium corroborans præſtantiſſimum . [291.](#)
 Electuarium aliud atque aqua deſtillata . *ib.*
 Theriaca Andromachi & Cortex Peruvianus laudantur . *ibid.*
 In *Podagræ* paroxyſmo nihil magni tentandum , ſed ſolum extra paroxyſmum exemplo ab intermittentiſ febrium paroxyſmiſ ducto . [299.](#) & ſeq.
 In quorum paroxyſmiſ abſtinentia a carnibus interdicitur . *ibid.*
 Paroxyſmi ſymptomatibus vitam minantibus quomodo occurrendum . [300.](#)
 Ventriculi debilitas cum ventris torminibus vino Canarino mitiganda . *ibid.*
- Quo nihil proficiente ad laudanum faciendum . *ibid.*
 Diarrhœa ſudoribus cohibenda . *ibid.*
 Tuſſiſ brumaliſ a frigore , tempore paroxyſmi ſuſcepto ſicut ipſa Peripneumonia curanda eſt . [300.](#)
 Calculi ſupervenientiſ quomodo cureturi . [301.](#)
 In *Podagræ* paroxyſmo remedia externa in genere improbantur , verum iſtorum meliora reperiri mere Refrigerantia & Repellentia . *ibid.*
 Quid noxæ comburies præſtare poſſit . *ib.*
Podagrica materia ubi retroceſſerit quid agendum . [300.](#)
Podagrici ante & poſt paroxyſmum variis ſæpe vexantur ſymptomatibus ſcorbuti æmulis . [442.](#)
Podagricorum dieta . [294.](#)
 Potus ſit cereviſia tenuiſ . [295.](#)
 Porus Dieteticuſ loco ordinarii in *Podagris* inveteratiſ . [296.](#)
 Vinum plane officiit . *ibid.*
 Vinum vero Hiſpanicum minus injurium . [297.](#)
 Lactæ dietæ in *Podagra* cenſura æqua. [294.](#)
Podagriciſ decubituſ maturior quam ſit utiliſ , idque hyeme præſertim . [297.](#)
 Animi tranquillitaſ ſtabilienda . *ibid.*
 Exercitiuſ ſit quotidianuſ . *ibid.* [298.](#)
 Hoc Tophuſ præcavet , vel ſolvit . *ib.*
 In ipſo paroxyſmo permittitur . *ibid.*
 Niſi iſte ſit atrocior . *ibid.*
 Exercitiorum primariuſ eſt equitatio . *ib.*
 Quam tamen ſupplere poſſet in curru veſtio . *ibid.*
 Venus quam ſit injuria . *ibid.*
Porriginis capitiſ curatio . [427.](#)
 In practiciſ experimentiſ commemo-randiſ fidelitaſ Authoriſ . [119.](#)
Præxiſ Medica Theoriæ multum præferenda . *ib.*
 Probi hominiſ verum criteriū . [268.](#)
Prurituſ ferini curatio cardiaciſ . [104.](#) & ſeq. [411.](#)
Pulli Decoctuſ in Cholera morbo probatuſ remediū . [59.](#) [418.](#)
Punctura tendiniſ . [29.](#) [426.](#)
Purgans potio Authoriſ . [13.](#)
Purgans pro Infantibuſ tenelliſ . [327.](#)
Purgantiſ leniſſimi formulæ . [13.](#)
 A *Purgantibuſ* doloreſ ventriſ intenduntur . [62.](#) [287.](#)
Purgantia . Vide Cathartica .
Purgatio quare neceſſaria poſt febreſ . [13.](#)
Purgatio quare conveniat poſt hæmorrhagiãſ [16.](#)
Purgationiſ noxæ & incommoda . [60.](#)
Poſtularum Urticæ puncturaſ referentiū per totuſ corpꝯ eruptio . [104.](#)
 Curatio . *ibid.*
 Quat-

Q

- Q**uartana. 19.
 Quartana secunda vice infestans brevi finitur. 21. & seq.
 Quartanæ lethales in regione paroxysmi ægrum jugulant. *ibid.*
 Quartanæ Autumnales. 22.
 Quartanæ Autumnales quibus temporibus finiantur. 22.
 Quartanæ Autumnales alios quosdam chronicos gignunt affectus. *ibid.*
 Quartanæ Epidemicæ. 4.
 Quartanæ Ann. 1661. & seq. 6.
 Quartanæ Epidemicæ Ann. 1661. mature invadentis exemplum. 19.
 Quartanæ Infantum. 25.
 Infantes sæpe diuturnas quartanas vincunt. *ibid.*
 Quartanarum curatio. 24.
 Parum hæcenus voris respondet. *ibid.*
 Per corticem Peruvianum. *ibid.*
 Aëris mutationem. 25.
 Potentiora cardiaca in declinatione propinanda. *ibid.*
 Quartanariis obest phlebotomia ut & frequens catharsis. 24.
 In Quartanis Infantum & Puerorum fortioribus cardiacis abstinendum. 26.
Quotidiana. 19.
 Rarius observatur. *ibid.*

R

Rachitis vera describitur. 425.
 Non est curanda cathartica. 262.
 Linimentum ventri & hypochondriis infantum inungendum per 30. vel 40. dies. *ib.*
 Rachitidis febribus Infantum intermittentibus succedere solitæ curatio. 27.
 Radix serpentariæ Virginianæ in vino infusa tertianis medetur. 407.
 Rasio capitis in phrenitide confert. 322.
 Refrigerantia in fine morbi eum protrahunt. 31.
 Idque maxime in grandævis. *ibid.*
 Regiminis calidioris in Variolis noxæ. 44.
 51. 55. 242.
 Eiusdem in Dysenteria noxæ. 61.
 Eiusdem in Morbillis noxæ. 92.
 Eiusdem in febribus plerisque discrimina. 322.
 Regiminis refrigerantis in certis affectibus nocumentum. 13.
 Remedia morborum præsertim Epidemicorum celare non decet Medicum probum. 23. 220.
 Remediorum formulæ. 403. 404.
 Renum calculus Vid. Calculus.
 Rhabarbarum in alvi fluxu sine additis aliis vix conducit. 61.
 In Diarrhœa Epidemica nocuit. 57.

- Rheumatismi* historia. 101. 410.
 Curatio, *ibid.*
 Anodynus figitur & protrahitur. *ibid.*
 Rheumatismus inveteratus quomodo tractandus. *ibid.*
 Rheumatismi scorbutici descriptio. 102.
 Curatio singularis. *ibid.*
 Rheumatismi curatio sola dicta e sero laetis, loco phlebotomiæ. 121.
 Quibus conveniat istiusmodi curatio, & quibus non conveniat. *ibid.*
 Purgatio frequens atque anodynorum usus possunt phlebotomiæ liberalioris vicem supplere. *ibid.*
 Rheumatica Lumbago. 102.
 Rigor vel horror in febribus Intermittentibus unde. 28.
 Rosa. 32.

S

- S**alia lixivialia in vino Rhenano potentissima in hydropse sunt diuretica. 311. 421.
 Salis absynthii usus in vomitu. 17.
 Salivatio in Febre Continua Epid. ab Ann. 1667. ad 1669. 54.
 Salivatio Variolarum confluentium comes. 50. seq. 71.
 Salivatio in Variolis confluentibus usu refrigerantium promovetur, & cardiacis calidioribus reprimatur. 51. 52.
 Salivationis in Lue Venerea methodus. 125.
 Neque Cathartica, neque alia præparantia salivationi debent præmitti. 126. & seq.
 Peracta salivatione neque Cathartica neque sudorifica in usum venire debent. 128. & seq.
 Diarrhœa superveniens quomodo cohibeatur. 227.
 Cautela magni momenti observanda in naturis salivationi nimis resistentibus. *ib.*
 Salsaparilla non sanat Luem Veneream virtute specifica. 33.
 Sambuci cortex interior laudatur in Ascite grandiore. 310. 421.
 Sanguis non raro Febre accenditur. 1.
 Sanguinis color purulentus in febribus inflammatoriis detractus unde. 98.
 Sanguinis depuratio fit per duplicem partium secretionem. 18.
 Circa sanguinem in Pleuritide per Venæ sectionem eductum variz observationes. 98. 99.
 Sani non raro febre corripiuntur. 8.
 Scabies vid. Pruritus. 425.
 Schediasma ad historiam Epid. anni 1699. & 1700. 316.
 Scorbutus non tam frequens apud nos ac vulgo creditur. 103.
 Scor-

- Scorbutus ubi definit, ibi incipit hydrops. *ib.*
 Scorbuti symptomata. [429.](#)
 Curatio. *ibid.*
 Scorbuti larvam plures gerunt morbi chronici. [103.](#)
 Scorbuti vocabulum perperam & temere usurpant imperiti. [13.](#) [103.](#)
 Cum scorbuto febris. [13.](#)
 Secretio impuritatum sanguinis fit per faeces, & per flores. [18.](#)
 Semen Anethi in singultu nihil profuit. [16.](#)
 Seri lactis in Dysenteria usus. [56.](#) [64.](#)
 Serpentariae Virginianae radix in vino insula tertianis medetur. [115.](#)
 Singultus in febre Cont. Epidem. ab anno 1661. ad 1665. [16.](#)
 Causae remotiores proxima incognita. *ib.*
 Curatio per diascordium. [16.](#)
 Singultus in nova febre Ann. 1685. Curatio per Corticem Peruvianum. [321.](#)
 Sophistarum reprehensio Hippocratica. [307.](#)
 In Soporosis affectibus Clysteres valde utiles. [80.](#)
 Specifica pleraque dolo malo celebrantur. [302.](#)
 Speculationibus nimis addictorum Medicorum censura non minus rigida quā judiciofa. [309.](#)
 Spiritu Cornu Cervi in febribus dentitioni infantum supervenientibus laudatur. [327.](#)
 Spiritus volatiles omnes ideo scētent, quia creaturæ ignis. [266.](#)
 Spiritus volatiles in Rheumatismo inveterato profunt. [101.](#)
 Spiritus vini ustulatus in Tussi sæpe nocet. [89.](#)
 Spiritus vini Ambustis prodest. [101.](#)
 Spiritus Vitrioli Phrenesin in febre Epidem. domabat. [83.](#)
 In Variolis insigniter profuit. [86.](#)
 Sputum sanguinis. Vide Hæmoptoe.
 Sudores vel Critici sunt vel Symptomatici. [81.](#) & *seq.*
 Sudores Symptomatici. [328.](#)
 Sudores ad febres tollendas provocandi, quales esse debeant. [81.](#)
 Sudores in febrium declinatione spontanei valde sunt salutare. [328.](#)
 Sudores nocturni convalescentium quomodo tollendi. [83.](#) & *seq.*
 Sudorum in febribus observatio multum facit ad earum dignationem. [93.](#)
 Sudorem provocatio in nullo morbo, excepta Peste, videtur convenire, & quare. [93.](#) [328.](#)
 Sudores ad ciendos nihil æque conducit ac capitis obvelatio. [38.](#)
 In sudore jussulis ægrum reficere admodum salutare. *ibid.*
 Sudoriferorum formulæ in Peste. *ibid.*
- Syderatio.* [104.](#) & *seq.*
 Syrupus de Meconio S. Papaveris qualis ab Authore præscribitur. [246.](#) & *seq.*
 Syrupus de Spina Cervina quibus in hydrope conveniat. [306.](#) & *seq.*
 Usus ejus in hydrope exemplo memorabili confirmatur. *ibid.*
- T
- T** Abaci fumus loco Enematis potentissimi laudatur. [419.](#)
 Tabellæ præstantes ad tussim. [91.](#)
 Tabes deplorata equitatione tanquam specifica curatur. [266.](#) [428.](#) [431.](#)
 Tendinis puncturæ curatio. [99.](#) [426.](#)
 Tenesmus quid sit. [417.](#)
 Tenesmus post Dysenteriam. [61.](#) [65.](#)
 Adultis exitialis, infantibus benignus. *ib.*
 Tenesmi curatio solis corroborantibus. *ib.*
 Terræ effluvia morbos Epidemicos varios genere possunt. [85.](#)
 Tertiana. [20.](#)
 Tertianæ curatio. [21.](#)
 Tertianæ Vernales. [220.](#)
 Tertianæ Vernales ob perversam curationem diu durantes. [22.](#)
 Tertianæ Vernales diurnæ ab Autumnali tempestate fugantur. *ibid.*
 Tertianarum Vernalium curatio. *ibid.*
 Tertianæ Autumnales. [2.](#) [22.](#)
 Tertianæ Autumnales Quartanis magis sunt affines, quam Vernales. *ibid.*
 Tertianarum Autumnalium curatio. [24.](#)
 Per Sudores & Dejectiones eodem tempore excitatos. *ibid.*
 Tertianæ duplicis Autumnalis curatio. *ib.*
 In Tertiana duplici Electuarium roborans atque Julepus. *ibid.*
 Tertianæ Epidemicæ Ann. 1661. & *seq.* peculiaris Symptomata. [6.](#)
 Tertianæ Ann. 1671. [58.](#)
 Theriaca Andromachi in febre pestilentiali feliciter usurpata. [38.](#)
 Maximum in quamplurimis morbis remedium. [264.](#)
 Laudatur in affectione hysterica. *ibid.*
 In Podagra. [291.](#)
 Tophi Podagricorum exercitio impediuntur vel solvuntur. [298.](#)
 Topica in Hydrope improbantur & quare. [313.](#)
 In Podagra. [301.](#)
 Sub Torminibus ventris febris nonnunquam delitescit. [324.](#)
 In Torminibus ventris non omnibus Aquæ minerales conferunt. *ibid.*
 Tumor crurum post Variolas quibus remediis curandus. [53.](#)
 Tusses Epidemicæ. [88.](#)
- Cura-

- Curatio.** 89. & seq.
Epidemicæ curationem evacuationibus debent. 118.
Tussis sine febre quomodo tractanda. 89. 428.
 Neque Narcotica neque liquores spirituosus neque diaphoretica tuto hic usurpabantur. 89.
 Nec diaphoretica, nec pectoralia permittuntur. *ibid.*
Tussis oleo amygdalarum dulcium optime lenitur. 15.
Tussis in febre Contin. Epid. ab Ann. 1661. ad 1665. *ibid.*
 Ejusdem curatio. *ibid.*
Tussis Convulsiva puerorum & infantum curatur in primis venæ sectione. 120.
 Curatur Venæ sectione, & repetita catharsis. 118.
Tussis causa. 89. & seq.
 In Tussi quandoque valde salutare est corporis exercitium. *ibid.*
 In Tussi spiritus vini ustulatus aliaque similia valde interdum noxia. *ibid.*

V

- Vaporum quos appellant Hystericorum frequens causa.** 269.
Variolæ ab occulta Aëris crasi. 30. 85.
Variolæ in crustas resiccatae. 42.
Variolæ mitiores citius finiuntur. 41.
Variolæ quanto tempore soleant grassari. 40. 41.
Variolæ quo anni tempore invadere soleant. *ib.*
Variolæ quandoque insigni ægitudine erumpunt. *ibid.*
Variolæ revera parvi sunt abscessus. 45.
Variolæ regulares divise in distinctas & confluentes. *ibid.*
Variolarum distinctarum symptomata. *ibid.*
 Distinctarum historia. *ibid.*
Venæ sectio in his supervacanea. 49.
 Nisi regimen calidius præcesserit. *ibid.*
 Regiminis justo calidioris noxæ. *ibid.*
 Evacuationum noxæ. *ibid.*
 Frigoris sunt etiam nocumenta. 50. 86. 47.
 Cardiacis quando utendum. 47.
 Cardiacum quale. 48.
 Quo tempore ægrotus lecto addendus. *ibid.*
 Lecto damnari nimis præpropere, est valde perniciosum. 48. 240. & seq.
 Loci in lecto frequens permutatio, tum in hoc, tum in alio genere est concedenda. 49.
 Solvuntur objectiones pro continuo in lectulo decubitu oblata. 81. & seq. 242.
 Curatio. 45. & seq. 412.
Variolarum confluentium historia. 42.
 Salivatio eas adulatorum, Diarrhœa
- istas infantium comitari solet. 43.
 Quibus temporibus morbi febris dominetur. 42.
 Quibus ut plurimum moriantur. 43.
 & seq. 84.
 Symptomata exitialia, utrique generi communia. 44.
 Quam plenum periculi hoc genus. 49.
 83. & seq.
 Curatio auspicanda est Venæ sectione atque Emetico. 46.
 Et spiritu Vitrioli in potu. 86. 245.
 Ptyalismum potissimum perficitur. 50. 87.
 A Fundamento recte, aut secus in primis diebus jacto maxime pendet. 82.
 & seq. 241.
 Paregorica in his quasi specifica. 50.
 Nisi sint infantes qui corripuntur. *ib.*
 Quo tempore morbi primum exhibenda. *ib.*
 Præ aliis Ptyalismum promovent. *ibid.*
 Eorum exhibitorum commoda. 246.
 Paregoricorum quantitas. 50. 51. & seq. 246.
 Exemplum eorum exhibitorum in quodam Crosse. *ibid.*
 Epispasticum quo die applicandum. 245. 249.
 Allium incisum quo die plantis applicandum. *ibid.*
 Dieta. 249.
 Casus D. Cheut totam curationem complectens. 249. & seq.
 Emeticum dati potest die morbi undecimo, in suffocationis metu. 46.
 In quo casu aëri exponendus est variolosus. 52. 243. 244.
Variolosi admiranda historia. 52.
 Pusularum præpropere exclusio quantis stipatur incommodis. 242.
 Infantis regimen in Variolis erupturis, & a convulsione incipientibus. 244. & seq.
 Diarrhœa in infantibus salutaris. 48.
Venæ sectio & Catharsis quo demum tempore in convalescentibus variolosis sint celebrandæ. 53. 87.
 Mensium fluxum in Variolis refrigerantia indicare. 72.
Variolæ anomalæ distinctæ (sc. nigræ) quomodo a regularibus distinctis fuerint discriminatæ. 70. 71.
 Curatio. *ibid.*
 Dieta. *ibid.*
Variolæ anomalæ confluentes quomodo a regularibus confluentibus discreparint. 72.
 Curatio. *ibid.*
Variolæ anomalæ Ann. 1674. & 75. 84. 85.
 Curatio. 86. & seq.
 Spiritus Vitrioli in his usus egregius. 86. 245.
 Vario-

- Variolarum cicatrices. Vid. Cicatrices Variolarum.
- Variolarum nulla unquam mentio apud Hippocratem, neque perspicua apud Galenum. 88.
- Variolarum cum Phrenitide casu sanatarum historia. 52.
- Variolarum in infantibus sæpe sunt prænuncii Epileptici insultus. 41.
- Variolarum perverse curatarum symptomata. 45. 46.
- Variolarum retrocessio sæpe temere inculpatur. 53.
- In Variolarum summitate maculae nigrae a nimio fervore. 52.
- Post Variolas relictae foveae unde, & quomodo oriantur. 42.
- Ex Variolis cur plures divites moriantur, quam pauperes. 49.
- In Variolis duo morborum tempora separationis & expulsionis. 45.
- In Variolis separationem paulatim fieri satius est. *ibid.*
- In Variolis expulsio plus temporis requirit, quam separatio. *ibid.*
- In Variolis eruptio præcocior periculiosior est tardiore. 48.
- In Variolis faciei, manuumque tumor magni est momenti. 51. & seq.
- In Variolis mox impense sudare noxiū. 44.
- In Variolis retrocessis quid agendum. 53.
- In Variolis tractandis quomodo Medici fama periclitetur. 47.
- Variolarum historia cum pustulis miliaribus a Davide Hamilton. 331. & seq.
- Vectio in Colica utilissimum exercitiū. 75.
- Vena sectio quibus noxia & quibus utilis. 8.
- Debet Emeticum semper præcedere, ubi utrumque indicatur. *ibid.*
- Debet similiter præcedere catharsis. 327.
- Ubi phlebotomia liberalior non permittitur, potest suppleri usu Enematum. 10.
- Venæ sectio infantibus succurrit pariter ac Adultis. 69.
- Convulsionibus puerorum dentientium specificè conducit. *ibid.*
- Vena in lecto secanda quo facilius phlebotomiam ferant. 100.
- Venæ sectio in debilibus nocet. 8.
- Venæ sectio in Peste a multis laudatur. 36.
- Venæ sectio in Peste parce, & abscessu jam erumpente administrata valde est noxia. 37.
- Venenati a sublimato corrosivo assumpto curatio sola aqua simplici. 121.
- Vere morbi quidam inflammatorii gignuntur. 29.
- Vesicatoria in hydropicis sæpe gangranam inducunt. 313.
- Vesicatoria non in omni Comate profunt. 322.
- Vesicae ulceris signa & curatio. 437.
- Vestium hyemalium depositio quousque fit differenda. 95.
- Vigiliae quo pacto tractandae. 14.
- Quomodo consopientiæ sint post febrem narcoticis. *ibid.*
- Vinum absynthites. 312.
- Vinum Canarinum. 300. 325.
- Vinum Hispanicum. 297.
- Vinum Malacense. 13.
- Vinum in Hydrope pro potu ordinario commendatur. 311.
- Vinum in Podagra nocet, & quare. 295.
- Vini compositio quænam nocumenta secum trahat. *ibid.*
- Ulceribus pudendorum Venereis quomodo succurrendum. 221. & seq.
- Ulceris vesicae signa & curatio. 427.
- Unguentum in Pleuritide. 98.
- Vomitiones virides non semper cacochymiam indicant. 77.
- Vomitum & alvi profluvium a sudore sedantur. 18.
- Vomitum sedatur aqua menthae. 17.
- Vomitum sanguinis. 426.
- Vomitorium in febre maligna quandoque Diarrhoeam excitat. 10.
- Vomitarii exhibitionem præcedat Venæ sectio. 8.
- Vomitarii præscriptio & usus. 9.
- Vomitaria ex infusione croci Metallorum minus sunt tuta, præsertim pro puerulis. 10.
- Periculosa itidem, nisi copiose diluantur. *ibid.*
- Vomitariis quandoque emendari nequit materia vitiosa. 77.
- Urina suppressio in Variolis. 45.
- Uteri procidentiae curatio soti adstringenti. 416.
- Vulnus levissimum in hydropicorum carne quare curatu sit difficillimum. 313.



